


Nacom Pejume Diwesi po diwesi pena jume diwesi

xua Jesucristo yabara tinatsi



New Testament in Cuiba

**Nacom Pejume Diwesi po diwesi pena jume diwesi xua Jesucristo
yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022
e9c4c3a0-6dec-54a4-aaba-fb395e5eddc7

Contents

| | |
|----------------------------|-----|
| SAN MATEO | 1 |
| SAN MARCOS | 107 |
| SAN LUCAS | 165 |
| SAN JUAN | 262 |
| HECHOS | 331 |
| ROMANOS | 412 |
| 1 CORINTIOS | 457 |
| 2 CORINTIOS | 498 |
| GÁLATAS | 525 |
| EFESIOS | 540 |
| FILIPENSES | 556 |
| COLOSENSES | 566 |
| 1 TESALONICENSES | 576 |
| 2 TESALONICENSES | 585 |
| 1 TIMOTEO | 590 |
| 2 TIMOTEO | 602 |
| TITO | 610 |
| FILEMÓN | 615 |
| HEBREOS | 617 |
| SANTIAGO | 653 |
| 1 SAN PEDRO | 664 |
| 2 SAN PEDRO | 675 |
| 1 SAN JUAN | 682 |
| 2 SAN JUAN | 692 |
| 3 SAN JUAN | 694 |
| SAN JUDAS | 696 |
| APOCALIPSIS | 700 |

Jesucristo Pia Pexeinya Diwesi Jume Tatsi Mateo Petinae Diwesi

*Meje yabara pomonae Jesucristo pia pamo susatopiwi tatsi
(Lc 3.23-38)*

¹ Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wetsica xua jiwi pecapanenebiyaenexatsi. Bapon Abraham pia pemomoxi susato jiwana pin tatsi. Barapon Abraham pon bayatha caena tupa, pon copiya naebopa po cae pin nacuatha xua israelmonae pomonae judiomonaexae beya pinmonae tsoponae. Matautano Jesucristo David pia pemomoxi susato jiwana pin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

² Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba. ³ Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi. ⁴ Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi. ⁵ Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi. ⁶ Bapon Isaí David paxa tatsi, po David caena bayatha Israel nacuamonae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Urías xeina.

⁷ Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi. ⁸ Bapon Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi. ⁹ Bapon Uzías Jotam paxa tatsi. Bapon Jotam Acáz paxa tatsi. Bapon Acáz Ezequías paxa tatsi. ¹⁰ Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi. ¹¹ Bapon Josías Jeconías paxa tatsi, iru Jeconías peweicho jiwi bapontha cae axaba. Bapon Jeconías poxonae israelmonae teicaeya capoinchi Babilonia nacua beya, barapo jinaebotha Jeconías naexana epa-totha.

¹² Bapoxonae pirapae Jeconías tanaexanatsi pexanto Babilonia nacuatha. Jeconías Salatiel paxa tatsi. Bapon Salatiel Zorobabel paxa tatsi. ¹³ Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi. ¹⁴ Bapon Azor Sadoc paxa tatsi. Bapon Sadoc Aquim paxa tatsi. Bapon Aquim Eliud paxa tatsi. ¹⁵ Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi. ¹⁶ Bapon Jacob José paxa tatsi. Bapon José piowa tatsi pewun María. Barapowa María Jesús pena tatsi. Bapon Jesús icha wun wun dutatsi, po wun “Mesías”, jei, po wun xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

¹⁷ Abraham pia xainya weya tatsi trece poyobe pebiwi naexana xua Abraham muxunano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón muxunano daxota daxita catorce poyobe pebiwi naexana beya pu ducua poxonae Israel nacuamonae teicaeya capoinchi Babilonia nacua beya, beya pu ducua poxonae Jeconías naexana.

Salatiel pia xainya weya tatsi trece poyobe pebiwi naexanapona xua Jeconías muxunano. Daxota daxita catorce poyobe naexana, beya pu ducua poxonae Mesías naexana.

Meje yabara poxonae Jesucristo nowaeuncua pebin wuto barapo cae pin nacuathe
(Lc 2.1-7)

¹⁸ Poxonae Jesucristo naexana bara iche: María Jesucristo pena tatsi, poxonae bapowa muxu pepichi pecotsiwa pon pewun José, poxonae abu cataunxuae jopa peru nacoyabiyo, bapoxonae María pexuyo bupana taecatsi. Barapo pexuyo Nacom pia Pejumope tanaxu tatsi María tsiperu weeca exanatsi. Barapo pexuyo pewun Jesús. ¹⁹ José, María pia pebin tatsi tsane, poxonae pichina pon pejuntu coyene xanepanaein. Daxota bapon José, María jopa beyabara paebichi xua catsa pexuyo pecapoponaexae xua bupana taecatsi xua María aura peexanaenexa tsainchi jiwi peitatha tatsi. Bapoxonae José namicha moyiya najuntu cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa. ²⁰ Poxonae came cataunxuae baxua yabara nanta xeina, José maituncuataba. Bapoxonae José amachinae tsita naitutatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwana pin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apara Nacom pia Pejumope tanaxu tatsi pia pexuyo tatsi. ²¹ Bapowa tanaexanaeinchi pexanto. Bapon wun dutsiname, po wun ‘Jesús’, jei. Barapo wun, wun dutsiname tsipei bapon pijimona capanepaena xua abe pia peexanae cuiru coyenein weya tatsi, xua daxota Nacom jopa petsitanexatsi xua barapomona pexeinaewa penatsicuentsiwa”, jei matatsunpin.

²² Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiwuna muxu duta Nacom nexa, xua jeye:

²³ “Matha taema, yabuyo pexuyo bupana taecatsi powa jopa peru nacoyabiyo pebin. Yawa tanaexanatsi pexanto, po pexuyo wun dutatsi, po wun ‘Emanuel’, jei”, jei Nacom pia peitorobi jume pepaebin. (Barapo wun jei: “Nacom naca baru popona”, jei.)

²⁴ Poxonae José nacosataxuba, bapon exana pocotsiwa matatsunpin itoroba po matatsunpin Nacom itoroba. José María pitatsi. ²⁵ Bequein cae botha nabaru poponabe daichitha jopa came imoxoyo naperu cuicuinaeyobe beya poxonae pexanto tanaexanatsi. José pexuyo wun duta, po wun “Jesús”, jei.

2

Meje yabara poxonae pomona opitei pecayabara wuna yaputaewi barapomona Jesús siwa poinchi xua petaenexatsi

¹ Jesús naexana Belén tomaratha, Judea nacuathe. Barapoxonaeru Herodes pon Judea nacuapiwi pia peyanacua ewatsinchi popona barapo Judea nacuathe. Poxonae Jesús naexana pebiwi pata Jerusalén tomaratha. Barapomona opitei pecayabara wuna yaputaewi. Barapomona pia tomara taju taenatsi ichaxota pocotsiwa xometo weecoina. ² Barapomona ichawa beya yayainyaba tsiniya, jeye:

—¿Exota naexana pexuyo, po pexuyo judiomonae itorobiya pia pepa peewatsinchi exanaeinchi poxonae pinyo tsane? Paxan payaputan xua bapon naexana xote tsipei bapon pia opiteito tatsi panaitomatsiya punaenaponan pata nacua werena, po nacuatha ichaxota pocotsiwa xometo weecoina. Papatan xua pata wunaenae jainchiwa tsane barapo pexuyo, jei.

³ Herodes, pon Judea nacuapiwi pia peyanacua ewatsinchi poxonae bapon yabara jume tane xua ichun naexana pon jiwi itorobiya pia pepa peewatsinchi, bapoxonae bapon bichocono unthathu deideijeji Iruru Jerusalén tomarapiwino daxita bichocono unthathu deideijeji pejume taexae baxua.

⁴ Nexata Herodes waba sacerdotemonae pia pentacaponae tatsi xua pia petanacaetutsinexa tsainchi pia botha. Matautano wabano pomonae jiwi pecuidubiwi Moisés pia peitorobi coyenewa tatsi. Daxita barapomonaetha Herodes yainyaba, jeye:

—¿Exota naexanaena Mesías, pon bepa pinae Nacom itorobei? jei Herodes.

⁵ Barapomonaenae jume nota, jeye:

—Bapon naexanaena Belén tomaratha, po tomara Judea nacuatha eca. Bapon naexanaena barapo tomaratha, tsipei Nacom pia peitorobi jume pepaebin caena bayatha tsiwunaeya yabara muxu dutsiya tina xua Mesías yabara, Nacom nexa. Nacom jeye:

⁶ ‘Belén tomara bequein po tomariyo tsiqui tomariyo jiwana tomara xua Judea nacuatha, daichitha Judea nacua pentacaponae yabara nanta xeinaena xua Belén tomara peainya cui tomariyo tsane.

Baxua nanta xeinaena tsipei barapo

tomariyotha naexanaena, pon jiwi

pia Pecanamataxeinaeinchi tatsi.

Xan Nacom bapon itorobin tamonaetha,

pomonae Israel nacuapiwixae,

xua bapon barapo israelmonae itorobiya

pia pepa Peewatsinchi tsainchi’, jei Nacom,

xua Nacom tatinatsi pon Nacom peitorobi jume

pepaebin, jei sacerdotemonae iru pomonae jiwi

pecuidubiwi Moisés pia peitorobi coyenewa tatsi.

⁷ Nexata Herodes namicha moyiya waba pomonae opitei pecayabara wunaenae yaputaewi. Herodes yainyaba barapomonaetha: “¿Eta poxonae yatsicaewa barapo opiteito paca tsita naitata?” jei bapon. ⁸ Poxonae barapomonaenae jume nota bapontha bapoxonae Herodes itoroba barapo pebiwi Belén tomara beya. Herodes jeye barapomonaetha:

—Paponare Belén tomara beya. Beta xanepanaya pajeire barapo pexuyo. Poxonae pataebiname barapo pexuyo, nexata pana netsipaebare, tsipei xan iru ponaenae tajainchinexa tsaneru barapo pexuyo, jei Herodes.

⁹ Poxonae Herodes najume weta, barapo pebiwi bara ponarucupa, pomonae opitei pecayabara wunaenae yaputaewi. Bapoxonae po opiteito bayatha tane pia nacuatha, barapo opiteito jemeicha caewa naitataba. Yawa barapomonaenae matacapoinchi. Barapo opiteito ducuapona beya matapainya matatsun ducuatabica ichaxota barapo pexuyo boca. ¹⁰ Poxonae barapo pebiwi tane barapo opiteito, barapo pebiwi bichocono juntu coyene weiweina.

¹¹ Barapomonaenae bo joniya ichaxota tane barapo pexuyo xua pena baru ecatsi, barapowa María. Bapoxonae barapo pebiwi pentabocotontha ena xua barapo pexuyo wunaenae pejainchinexa tsainchi, tsipei barapoyo pon

Pecanamataxeinaein peexanaexae tsainchi poxonae pinyo tsane. Bapoxonae barapomonaе piawan coibo isacapenta xua cajjinca. Barapo pexuyo catsibatsi xuan pocotsiwa pewun oro nain. Catsibatsino xua pocotsiwa pewun incienso xua pocotsiwa tuxusi tuxuei benata poxonae tauta exana. Matautano muxuna catsibatsi icha petuxueiwa pocotsiwa pewun mirra xua pocotsiwa anaincuito. ¹² Bapoxonae pirapae barapo pebiwi maitumenaeya amachinae xua jopa bewa equeicha patsi tsane ichaxota Herodes eca. Daxota barapomonaе pia nacua be-iyiya, icha namto iyiya.

Meje yabara poxonae Jesusbarun panenebiya Egipto nacua beya

¹³ Poxonae barapo pebiwi ponarunpa bapoxonae Nacom itoroba matatsunpin Josetha. Matatsunpin tsita naitata poxonae José amachinae. Matatsunpin José baraichi, jeye: “Asiya uncuare. Pexuyo pire yawa coxiwano. Egipto nacua bebarun naetsiriwiyama. Ecare barapo nacuatha, beya abun poxonae equeicha catsipaebinchi baxota. Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

¹⁴ Poxonae cataunxuae merawi, José nacosataxuba. José pexuyo pita, yawano José pita yabunyo María xua pexuyo pena tatsi. Daxita barapoyobe warapa Egipto nacua beya poxonae cataunxuae quirei tsuncuae. ¹⁵ Barapo nacuatha, Egipto nacuatha, barapoyobe ecabe beya poxonae juinya Herodes tupa. Baxua José cana exanatsi xua bayatha Nacom pia peitorobi jume pepaebin petsiwnae yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jiwi Pecanamataxeinaeinchi.

Meje yabara poxonae Herodes itoroba, ichamonae itorobatsi xua pejutebinexatsi pexui

¹⁶ Poxonae Herodes yaputane xua pomonaе opitei pecayabara wunae yaputaewi muxujainyabiya tsipaeba bapontha xua itara patapaeba, bapoxonae Herodes anaya bichocono anaepana. Nexata bapon itoroba, ichamonae itorobatsi xua pejutebinexatsi daxita pexui pebiwi wutixi, po pexui cataunxuae pencuetixi, po pencuetixi cataunxuae jopa yapu othopaeyo dos po weibe, irun po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wutixi daxita poxi Belén tomara cuariya beya. Herodes baxua exana yaitama bayatha pomonaе opitei pecayabara wunae yaputaewi yopita xua pinae tane pexuyo pia opiteito tatsi barapo dos po weibetha poxonae peputha tapona, opiteito peputha tatsi xua jinaebotha, poxonae Judea nacua beya pona. ¹⁷ Baxua Herodes cana cui wetsiya exanatsi, xua bayatha Jeremías pon Nacom pia peitorobi jume pepaebin petsiwnae yabara paebixae, xua jeye:

¹⁸ “Jume tan xua wecoyei Ramá tomaratha, po tomara eca imoxoyo Belén tomaratha.

Powa xua wecoyei, bapowa Raquel, powa bayatha tupa.

Bapowa Raquel pia pemomoxi susatopiwi siwa wecoyei, tsipei daxita tajutebatsi.

Barapowa jopa naitawanae copatsiyo tsipei pexui bayatha werapa bequein ichamonae jume matawenta”, jei Jeremías.

¹⁹ Herodes bapoxonae pirapae tupa. Bapoxonae matatsunpin pon Nacom itoroba, José tsita naitatatsi poxonae José amachinae Egipto nacuatha. Matatsunpin jeye Josetha: ²⁰ “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiyama. Tsipei

bayatha werapa pomonae ichichipa xua barapo pexuyo pebexubiwatsi”, jei matatsunpin.

²¹ Bapoxonae José natsixitaba. José pita pexuyo yawa coxiwa. Israel nacua beya caibe nawiya. ²² José jume tane xua juinya pinae Arquelao naexana Judea nacuapiwi pia peyanacua ewatsin tatsi. Arquelao Herodes pexanto tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacuatha daxota José junuwa xua peponaewa barapo nacuatha. Daxota José pona Galilea nacua beya, tsipei poxonae amachinae matatsunpin itoroba xua bewa pinae ponaena barapo nacuatha. ²³ Poxonae José patopa barapo nacuatha, bapoxonae pozona po tomaratha, po tomara pewan Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaebiwi Jesús cayabara tsiwanae muxu dutsiya jeye: “Bapon wan dutinchi po wan jei: ‘Nazaret tomarapin’, jei”, jei barapo Nacom pia peitorobi jume pepaebiwi.

3

Meje yabara poxonae Juan, pon Pebautisabin jiwí, cuiduba ira xuepana susato tsurucuae nacuatha
(Mr 1.1-8; Lc 3.1-9, 15-17; Jn 1.19-28)

¹ Pirapae poxonae ainya wei yapucaewa, poxonae aban cataunxuae Jesús eca Nazaret tomaratha, bapoxonae Juan pon jiwí Pebautisabin patopa ira xuepana susato tsurucuae nacua beya xua Judea nacuatha. Bapon Juan Nacom Pejume Diwesi paeba ducuaaebiya. ² Juan namchi: “¡Icha juntu coyene paxeinare Nacomtha painya neauraxae xua abe paexaname! Tsipei Nacom paca waba painya nenaexanaenexa piamonae tatsi jiwana pomonae Nacom itorobiya peewatsixae”, jei Juan.

³ Barapo Juan apara bapon pon caena bayatha peyabara tinaexaetsi. Isaías pon Nacom pia peitorobi jume pepaebin, bapon caena bayatha yabara jume wanaeya tina, xua caena bayatha Juan yabara jume wanaeya tinatsi. Isaías jeye:

“Jume tan pon wawai ira xuepana
susato tsurucuae nacuatha.
Bapon wawaya jeye: ‘Patsi najuntu cui
coyene wanaere pon jiwí pia pepa
Pecanamataxeinaeinchi pia pepatopae wanaeya tsane’,
jei pon wawai”, jei Isaías petinae diwesitha.

⁴ Juan jumaina duwein nabocoto, po duwein pewan camello. Coreinya bocoto maraina. Juan xane pocotsiwan yapupuna, pocotsiwan be sure, matautano bana daebano. ⁵ Jiwí pata Jerusalén tomara weya, iruru pata xua daxita tomaranpiwi xua Judea nacua weya, iruru pata po tomaranpiwi xua imoxoyo Jordán mene weya. Barapomonae pata Juan pejume taenexatsi. ⁶ Poxonae barapomonae nayopita Nacomtha xua bepa pinae Nacom tsita auratsi, xua abe peexanaexae, barapoxonae Juan bautisaba barapomonae Jordán mentha.

⁷ Ichitha poxonae Juan tane xua nawita pata fariseomonae jiwana iruru xua saduceomonae jiwana pata ichaxota Juan bautisaba, Juan jeye barapomonaetha: “¡Paxam pomonae pemuxuitorobi jiwí pam! ¡Paxam be bara jomomonae pam, tsipei jomo ba cuitaya ducupa nawa! Bara paichim anoxuae, paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi

tsipei jopa pajuntũ coyene xanepanaem Nacomtha. ⁸⁻⁹ Xaniwaicha pajinompore xain ichamonaē paca cui tane, xua icha jũntũ coyene painya nexeiñawa Nacomtha xua painya neauraxae xua abe paexaname. Tsipei bequein paxam pajam: ‘Waxainchi Abraham pia pemomoxi susato jiwichix-aetsi Nacom naca capanenebiya exanaena’, pajam, daichitha paxam jopa xaniwaicha pajume cowũntsim Nacom. Daxota Nacom itacũpatsi xua paca cui matawenta pia jopa paca nepaca capanenebiyaenexa tsane. Mataũtano barichino Nacom itacũpatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonaē pejume cowũntsiwixaeſi Nacom. ¹⁰ Poxonaē pebin naein ũba sipari ba canacui wũnaeta xua pecaucubobinexa po naein jopa nacoichiyo. Poxonaē barapo naein ucuboba nantatsun eta xua petautsinexa isototha. Paxam bara paca jũta ichiya paca cana exanaena. Nacom paca yabara nacui wũnaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata exanaem. ¹¹ Xan xaniwaicha paca bautisabatsi meratha painya neauraxae xua abe paexaname xua daxota icha jũntũ coyene painya nexeiñawa tsane Nacomtha. Paca bautisabatsi meratha, ichitha nama pon tsiwanaya patopan, apara bapon Mesías. Bapon paca bautisabina Nacom pia Pejumope tũnaxũtha tatsi poxonaē Nacom paca najumope catsibina. Bapon paca jiwana cui copatsinchi xua atene tsane Cristo pejume cowũntsixaeſi xua ichamonaē atene exanaena. Bapon bichocono peayapusũ itorobi coyenewa xeina beyacaincha xan. Bapon pon jiwi pia Pecanamataxeinaeinchi. Daxota bapon bichocono tsita pin ura xeinan xua tataxu mũ isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonaē amanaya petanacuichiwi pia pentacaponaeſi poxonaē barũ cui itura jina pia pentacaponaeſi. ¹² Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabotha. Matapepe jehebapona petautsinexa isototha, ichaxota po isoto jopa cuinaya itacounayiyo. Bapon bara jũta cana ichi tsane jiwitha icha trigo xu cana ichiya ichi. Jiwi Nacom tsana nobina pomonaē pejume cowũntsixaeſi pia nacuatha nexa. Ichamonaē tsana nobinchi pomonaē jopa pejume cowũntsiwichi, petautsinexa isototha ichaxota xua jopa itacounayiyo”, jei Juan.

*Meje yabara poxonaē Jesús bautisabatsi
(Mr 1.9-11; Lc 3.21-22)*

¹³ Nexata Jesús patopa ichaxota Juan uncuca Jordán mentha xua Galilea nacuatha. Jesús patopa xua Juan pebautisabinexa tsane. ¹⁴ Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeye Jesustha:

—Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

¹⁵ Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exanatsi pocotsiwa xua Nacom naca itoroba, jei Jesús.

Bapoxonaē Juan jume jejei xua Jesús bautisabatsi. ¹⁶ Nexata poxonaē Jesús bautisabatsi, Jesús nainya mene wejuina. Bapoxonaē nainya peitaboco nayausaranaxuba. Jesús tane xua Nacom pia Pejumope tũnaxũ tatsi Jesús

tapatopeicatsi, be topiboto yaruneica. ¹⁷ Bapoxonae Jesús jume tane pocot-siwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nejuntũ coyene weiweina exana”, jei Nacom.

4

Meje yabara poxonae Jesús juntũ coyene jujutatsi caurimonae pia pentacaponaein tatsi xua Jesús abe coyeneya petaexanaenexa tsane

(Mr 1.12-13; Lc 4.1-13)

¹ Nexata Nacom pia Pejumope tũnaxũ tatsi Jesús matakayatsi ira xuepana susato tsurucuae nacua beya. Baxotiya caurimonae pia pentacaponaein tatsi Jesús piraichi juntũ coyene jujutatsi xua Jesús abe coyeneya petaexanaenexa tsane.

² Jesús jopa nabanaeyo baraxotiya cuarenta po matakabibetha mataũtano cuarenta po merawibetha. Poxonae barapo matakabin yapucaewaba bapoxonae Jesús bichocono jainpa. ³ Caurimonae pia pentacaponaein tatsi imoxoyo patopa Jestuŋa. Bapon Jesús piraichi juntũ coyene jujutatsi xua Jesús abe coyeneya petaexanaenexa tsane. Bapon Jesús baraichi:

—Icha xam yatsicaya Nacom Pexantom, netsita itũre. Barapo iboton itorobare xain pan naexanapenta, jei caurimonae pia pentacaponaein tatsi.

⁴ Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan. Bara ira yawano Nacom Pejume Diwesi jiwi betiya yajuntũ cui coyeneya jũntemiya jinompa’, jei Nacom Pejume Diwesitha, jei Jesús.

⁵ Nexata caurimonae pia pentacaponaein tatsi Jesús matakapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi. ⁶ Caurimonae pia pentacaponaein tatsi Jesús baraichi, jeye:

—Icha bara xaniwaicha Nacom Pexanto tatsim, wenaxoreinque. Yaitama tsipei Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha, poxonae wenaxorecame’,

jei Nacom Pejume Diwesitha,

jei caurimonae pia pentacaponaein tatsi.

⁷ Jesús jume nota, jeye:

—Barichi Nacom Pejume Diwesitha namchi, jeye: ‘Jopa juntũ coyene jujutatsiya wũcaeinde Nacom pon jinya Necanamataxeinaein, xua necajume jejeiwa tsane xua necayawenaewa tsane poxonae jopa xapain exanaem’, jei Nacom Pejume Diwesitha, jei Jesús.

⁸ Equeicha caurimonae pia pentacaponaein tatsi Jesús matakapoinchi ichaxota po demxuwa bichocono atororo. Baraxotiya Jesús tsita itũtatsi daxita nacuan xua barapo cae pin nacuathe. Mataũtano Jesús tsita itũtatsi daxita nacuan pia peitũpanae coyenewan. ⁹ Caurimonae pia pentacaponaein tatsi Jesús baraichi, jeye:

—Ichaunxuae nentabocototha uncuaename taitabaratha, xua mataũtano ichaunxuae newũnae jaintsiname xua nenanta xeinaewaxae xua xan jinya tacacanamataxeinaeinchi. Bapoxonae barapo nacuan yawa muxuna

nacuan pia peitupanae coyenewan, baxuan cacatsinchi xua jinya necana-mataxeinaenexa barapo nacuan, jei caurimonae pia pentacaponaein tatsi.

¹⁰ Nexata Jesús jume nota:

—Xam pon caurimonae pia pentacaponaein, bara nexubiriware. Yaitama Nacom Pejume Diwesitha namchi, jeye: ‘Meisa wuna jainde jinya Necana-mataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

¹¹ Bapoxonae caurimonae pia pentacaponaein tatsi Jesús pia xainya weya tatsi napitaba. Matatsunpiwi pata Jesthaxua Jesús pecui matateicaenexa tsainchi, matautano xua peapatsinexa tsainchi.

Meje yabara poxonae Jesús tamropata pitaba pia penacuichiwa Galilea nacua

(Mr 1.14-15; Lc 4.14-15)

¹² Poxonae Jesús jume tane xua Juan jiwi pecubi botha eca, bapoxonae Jesús pona Galilea nacua beya. ¹³ Ichitha Jesús jopa ecaeyo Nazaret tomaratha, jame saya pona Capernaum tomara beya xua baxotiya pepopon-aenexa. Barapo tomara eca, Galilea pucua itapatha ichaxota ainya nacuabe nacaquita ecabe po nacuiyo pewun Zabulón nacuiyo, yawa po nacuiyo iru pewun Neftalí nacuiyo. ¹⁴ Pocotsiwa Jesús exana poxonae Capernaum tomaratha popona, baxua Jesús yabara nacui wetatsi xua caena bayatha Nacom pia peitorobi jume pepaebin, pon Isaías, pecayabara cui wuna tsiwunaeya tinaexae poxonae jeye:

¹⁵ “Po ainya nacuabe pewun Zabulón nacuiyo matautano Neftalí nacuiyo, barapo nacuabe ecabe ichaxota po namtotha pucua imoxoyo caquita ducuiya.

Barapo nacuabe ecabe ichaxota po pin nacua, pewun Galilea nacua.

Barapo Galilea nacua icha muxunenetha eca xua Jordán mentha.

Barapo Galilea nacua weya jinompa pomonae jopa judiomonae naexanaeyo.

¹⁶ Barapomonae caena bayatha jopa yaputaeyo Nacom, matautano caena bayatha jopa nayabara yaputaeyo xua muxu bara nama pewerapaeba abe peexanaexae. Daxita barapomonae be pocotsi jiwimonae poxonae pona pequireiwatha xua poxonae matautano jopa xeinaeyo xua penatsiwana itiyobiwa.

Daichitha daxita barapomonae nama jume cowantsina, xua jume cowantsinchi pon Nacom itoroba.

Bapon barapomonae juntu cui coyene babatsiya xanepanaya jinompaeya exanaeinchi ichi be jiwi ichi xua poxonae pin pecoichatha jinompa”, jei Isaías, pon Nacom pia peitorobi jume pepaebin.

¹⁷ Bapoxonae Capernaum tomaratha Jesús tamropata pitaba xua jiwi cuidubatsi. Jesús namchi, jeye: “Icha juntu coyene paxeinare Nacomtha, painya neauraxae xua abe paexaname. Tsipei Nacom paca waba painya nenaexanaenexa piamonae tatsi pomonae Nacom itorobiya peewatsixae”, jei Jesús.

Meje yabara poxonae Jesús waba cuatro poyobe pebiwi, pomonae duwei peyamaeawi

(Mr 1.16-20; Lc 5.1-11)

¹⁸ Jesús pona Galilea pucua itapatha. Jesús tane ponbe ainya caepipewe-ichobe. Ichun pewun Simón pon icha wunno Pedro. Ichun pewun Andrés. Baponbe duwei peyamaeainbe. Baponbe mentha yamonauyabe duwei pocotsiwatha xua peyamaeawa. ¹⁹ Nexata Jesús baraibe baponbe, jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowantsiwa tsane Nacom icha bayatha paichimbe poxonae payamonamebe duwei nawita, jei Jesús.

²⁰ Nainya caena baraponbe peyamaeawan xubotabe. Napuna ponabe Jesustha.

²¹ Bapoxonae pirapae Jesús tane ichunbe, ponbe ainya caepipeweichobe. Ichun pewun Santiago. Ichun pewun Juan. Baponbe Zebedeo pexantobe tatsi. Baponbe jeratha paxa baru ecabe. Baponbe peyamaeawan wunaetauyabe. Jesús waba, baponbe wabatsibe. ²² Caena nainya jera xubotabe matautano paxa cuenta ponabe. Baponbe Jesús puna poinchibe.

Meje yabara poxonae Jesús pin bicheitomonae cuiduba

(Lc 6.17-19)

²³ Jesús popona ducuaeta daxita Galilea nacua beya. Bapon cuiduba ducuaeta daxita judiomonae pia penacaetutsi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara xua Nacom waba jiwi, petanaexanaenexatsi piamonae pomonae Nacom juntu coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae. ²⁴ Pin bicheitomonae jiwi jume tane xua juinya Jesús exana daxita carepaya Siria nacuatha. Barapomonae pomonae pejume taexae xua Jesús exana, barapomonae capona daxita pomonae domaebatsi, yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mubatsi. Jesús axaibi exana daxita barapomonae.

²⁵ Pin bicheitomonae jiwi Jesús puna poinchi pomonae Galilea nacua weya pona. Iruru Jesús puna poinchi pomonae Decápolis nacua tomaran weya pona, iruru pomonae Jerusalén tomara weya pona, iruru pomonae Judea nacua weya pona. Iruru Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajuthiya.

5

Meje yabara poxonae Jesús cuiduba jiwi demxuwatheicha

¹ Poxonae Jesús tane barapo pin bicheitomonae, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonae matawacaicha nacaetutarucupatsi pomonae pia pepuna ponaewichi.

² Jesús tamropata pitaba xua diwesi cuiduba barapo pin bicheitomonae.

Meje poxonae Jesús yabara cuiduba pomonae pejuntu coyene weiweinae jiwi

(Lc 6.20-23)

³ Jesús barai barapo pin bicheitomonae pomonae pijimonaexae tatsi, jeye: “Maisa bichocono juntu coyene weiweina pomonae yaputane xua Nacom pecanantawenonaewatsi xua xanepanaya pejinompaewa tsane. Tsipei barapomonae naexanaena Nacom piamonae pomonae Nacom juntu coyene itorobiya ewata.

4 “Maisa bichocono juntu coyene weiweina pomonae bequein anthatharewe xua siwa wecoyei petaexae xua ichamonae abe cana exana jiwitha. Daichitha barapomonae Nacom cui matateicaena, barapomonae cui matateicaeinchi xua anthatharewe, xua ichamonae siwa wecoyeichi.

5 “Maisa bichocono juntu coyene weiweina pomonae Nacom bichocono pebaru cui itura jinaewatsi xua jopa Nacom yabara ajuntucoyenetsacatsi. Barapomonae nama patsina pena iratha po ira Nacom bayatha yabara paeba.

6 “Maisa bichocono juntu coyene weiweina pomonae ichichipa nawita xua exaneiba xua Nacom ichichipa, pexeinaenexa tsane pejuntu coyene xanepanaewa Nacomtha xua Nacom jopa petsitanexatsi xua barapomonae pexeinaewa penatsicuentisiwa xua abe peexanaexae bapontha. Barapomonae yawenatsi, Nacom yawena xua barapomonae pexeinaenexa tsane barapo coyene.

7 “Maisa bichocono juntu coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae xuya Nacom nantanuweya cayabara cui nanta xeinaena xua peyawenaenexa tsane.

8 “Maisa bichocono juntu coyene weiweina pomonae pejuntu xeicae jiwi xua pomonae jopa pecayabara nanta xeinaexae abe peexanae cuiru coyene. Barapomonae Nacom necotsinchi.

9 “Maisa bichocono juntu coyene weiweina pomonae juntema pejinompaexae xua peyawenaexae xua iru ichamonae juntema jinompa peexanaexaetsi pomonae copiya abe nata exaneiba. Barapomonae pomonae juntema pejinompaexae Nacom unuta ‘Tapexui’, jei Nacom.

10 “Maisa bichocono juntu coyene weiweina pomonae bequein bara aperutane exainchi matautano bequein bara anthathutane exainchi, xua amsiya xaniwaicha peexanaexae pocotsiwa Nacom itoroba. Barapomonae nama Nacom pijimonae tatsi naexanaena pomonae Nacom juntu coyene itorobiya ewata.

11 “Maisa bichocono pajuntu coyene weiweiname poxonae bequein bara ichamonae abeya paca yabara paeba, poxonae bequeinno abe pacata exana, matautano poxonae bequeinno canaerabiya paca yabara paeba tapanean-tobemxaem. 12 Pajuntu coyene weiweinare. Matautano juntema painompare tsipei Nacom paca catsina pia pexeinya peitupanaewan pocotsiwan Nacom paca juntana jeba pia nacuatheicha. Icha ichamonae abe pacata exana payabara nanta xeinare, matha caena barichi poxonae ichamonae abe exana pomonaetha pomonae Nacom pia peitorobi jume pepaebiwi. Barapomonae caena bayatha jinompa poxonae paxam cataunxuae jopa pajinompaem”, jei Jesús.

Meje yabara poxonae Jesús diwesi paeba xua sare yabara yawa xua pecoicha yabarano

(Mr 9.50; Lc 14.34-35)

13 Equeicha Jesús barai barapo pin bicheitomona, pomonae pijimonaexae tatsi jeye: “Sare beno bara beno wanae. Ichitha icha barapo sare beno jopa abenataeyo bapoxonae jopa peitacupaewatsi xua equeicha peabenataewa. Bapoxonae jiwi barapo sare beno xuba iratha. Matauta beno taxunaunaba iratha. Paxam pomonae tamona pam be bara jutiya ichiya pam, icha sare beno cana ichichi. Paxam payawende jiwi pomonae jinompa barapo cae pin nacuathe xua daxita jiwi jopa abe peexanaewa tsane. Ichitha icha barapomonae jopa xapain payawenaem tsane, Nacom bara paca bebai

tsane. Tsipei jopa wuna pam, Nacom bara paca bebai tsane icha jiwi ichi poxonae bebai sare beno matauta xua beno taxunaunaba, tsipei jopa abenataeyo.

¹⁴“Icha pecoicha ichi poxonae pentha xua poxonae baxota jiwi yawenatsi, paxam bara juta ichiya paichim poxonae beta painompame. Barapocotsi coyenewatha jiwi payawenama xua beta jinompa. Po tomara ba demxuwatha eca, barapo tomara ba jiwi taju tane. Bara paca yabara juta coyene ichi, jiwi paca tane xua poxonae beta painya nejinompaewa. ¹⁵ Jiton dapon ba aibi xua pon pecoicha coicha exana xua pecoicha matacatetsinexa corototha. Jame, asiya coicha exanatsi xua pecoicha taenexa pomonae bomuxutha ena. ¹⁶ Bara paca yabara juta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanepanaya paexaname painya neantobemxae Nacom. Bapoxonae barapo jiwi Nacom wuna jainchinchu, pon painya Axa, pon itabocotha eca”, jei Jesús.

Meje yabara poxonae Jesús jiwi yabara cuidubatsi Moisés pia peitorobi diwesi jume

¹⁷ Equeicha Jesús barai barapo pin bicheitomonae, pomonae pijimonaxae tatsi, jeye: “Jopa pananta xeinaeinde xua xan patopeican xua apara Moisés pia peitorobi diwesi jume tacana exanaewa tsane xua jiwi jopa equeicha pecanantawenonaewa tsane barapo Moisés pia peitorobi diwesi jume xuano iru bara cana ichin tsane pomonae Nacom pia peitorobi jume pepaebiwi pia pecuidubiwan tatsi. Jame apara patopeican tanayabara jume cui yabara wetsinexan tsane pocotsiwa caena bayatha neyabara tsiwuna paeba po diwesintha Moisés pia peitorobi coyenewa tatsi, iruno Nacom pia peitorobi jume pepaebiwi pia penacuidubiwan jumeintha. ¹⁸ Bara xaniyeya paca tsipaebatsi poxonae cataunxuae barapo itaboco ducue, matautano poxonae cataunxuae barapo ira ducue, Moisés pia peitorobi diwesi jopa weraweracae tsane. Matautano jopa cae itanetiyo aichurucuae tsane beya poxonae wetsina pocotsiwa bayatha Nacom tsiwuna yabara paeba xua wetapaeba. ¹⁹ Pon yabara nanta xeina pecuidubinexa ichamonaetha xua tsita jume ita xexenatsi Nacom pia peitorobi coyenewa bequein saya po peitorobi coyenewiyo peya itorobi coyenewiyo, bapon xuya, Nacom pia nacuatheicha cana juntu cui ita xexenecaeinchi. Ichitha nama pomonae cuiduba ichamonaetha Nacom pia peitorobi coyenewan, matautano xua exana pocotsiwa Nacom itoroba, barapomonae peainya cui jiwi tsane Nacom pia peitorobi nacuatheicha tatsi. ²⁰ Paca tsipaebatsi jame bewa juntu coyene xanepanaya paexaneibiname ichamonaetha be pocotsi coyeneya xua Nacom paca itoroba, beyacaincha poxonae exana pomonae pecuidubiwi Moisés pia peitorobi coyenewa tatsi, matautano xua poxonae beyacaincha jinompa fariseomonae. Icha jopa yatsicaewa beta juntu coyene xanepanaya paexanaem tsane beyacaincha xua poxonae barapomonae itara mexeya wunaeya exana, jopa papatsim tsane Nacom pia peitorobi nacia beicha tatsi”, jei Jesús.

Meje yabara poxonae Jesús yabara cuiduba xua peanaepanae cui coyene (Lc 12.57-59)

²¹ Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme pocotsiwa Moisés namchi painya amo susato jiwitha, jeye: ‘Jopa ichun anaya bexubinde. Tsipei pon xua ichun bexotsi, ichamonae yabara paebina xua bapon natsicuenta xua abe peexanaexae’, jei. ²² Ichitha nama seicaya paca tsipaebatsi xua pon caseba

ichantha ichamonae yabara paebina xua bapon natsicuenta xua abe peexanaexae. Iruru pon biatane ichantha ichamonae yabara paebina xua bapon natsicuenta xua abe peexanaexae. Pomonae pecanamata caitorobi bicheito bapon yabara paebinchi xua bapon natsicuenta tsipei bapon bichocono anthath anaepana. Matautano iruru pon namchi xua ichan jeichichi: ‘Xam nabene came’, jei pon, bapon xubinchi po nacua beya ichaxota isoto bapana jopa itacounayiyo.

²³⁻²⁴ “Equeicha paca tsipaebatsi. Ichacuitha ichan duwein becapona ichaxota xua be pexaethopaewa xua tuxusi exana Nacom nexa poxona tauta. Poxona cataunxuae jopa exanaeyo baxua, matha copiya tsiwanaya yabara nanta xeinaena pocotsiwa icha metha bayatha abe exana ichantha. Matha be ichi tsane meje xuaje: Bu abu cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ichan beya xua pia penaita coxone exanaewa tsanebe. Bapoxona bapon caibeya bewa ponaena xua duwein petuxusi exanaewa tsane Nacom nexa poxona tauta.

²⁵ “Icha ichamonae be paca itoroba paca necacaponanexa pontha pon jiwi peyabara paebin penatsicuentisiwa, nexata patsipaebare barapomonae, poxona cataunxuae namtotha paca baru pona xua painya nenaita coxone exanaewa tsanebe. Xain bapoxona barapomonae jopa paca caponaebe tsane pontha pon jiwi peyabara paebin penatsicuentisiwa. Tsipei icha barapomonae bara beya paca caponaetsipa, bapoxona pon jiwi peyabara paebin penatsicuentisiwa equeicha dabeya policiamonae beya paca itorobichipa. Bapoxona nama policiamonae jiwi pecubi bo beya paca itorobichipa. ²⁶ Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya abu poxona pana pu matomacaename daxita paratixi cuntha po paratixi xua paxei name”, jei Jesús.

Meje yabara poxona Jesús yabara cuiduba xua jiton pita, powa ichan piowa tatsi, powa bequein piseuri xeina taetha

²⁷ Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ichan piowa tatsi, powa piseuri xeina taetham’, jei Moisés. ²⁸ Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taise maituncuaewa tsane, bequein bapowa jopa taseuriyo’, jei, bapoxona barapara abe exana Nacomtha, icha be pocotsi coyene ichi, poxona pita yabyo tha powa jopa bequein piseuriyo tatsi.

²⁹ “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya nexanaewa tsane panaitamaiquei jucua, barapo itamaiqueiton yawa tajū beya pabebande. Metha wūnae xua painya nebebeiwa tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame wūnae yatsicaewa, beyacaincha xua poxona painya pepon ompin paca bebai tsane ichaxota po nacua tha isoto bapana jopa itacounayiyo. ³⁰ Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe ucubobare, yawa tajū beya pabebande. Metha wūnae xua cae cobexi painya nebebeiwa tsane, xua cae cobexi painya neyawa patsinexa Nacom pia nacua beicha. Baxua jame wūnae beyacaincha xua poxona painya pepon ompin paca bebai tsane ichaxota po nacua tha isoto bapana jopa itacounayiyo”, jei Jesús.

Meje yabara poxonae Jesús yabara cuiduba xua jiwi piseurixi pepunapenteibiyainwa

(Mt 19.9; Mr 10.11-12; Lc 16.18)

³¹ Equeicha Jesús barai barapo pin bicheitomona, pomona pijimonaexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peichaxaibixae xua pocotsiwa bapowa exana, bapon barabũ piowa catsina papera, po paperatha tina xua pexubiwa tsane piseuri’, jei barapo Moisés pia peitorobi coyenetha. ³² Ichitha nama seicaya icha coyeneya paca tsipaebatsi. Icha pebin piowa punaxuba xua saya peichaxaibixae poxona bequein bapowa jopa nasi cui coyene exanaeyo bapoxona Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matacaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae ichũn piowa tatsi bequein punaxuba”, jei Jesús.

Meje yabara poxonae Jesús yabara cuiduba xua jiwi xainyeya penacui wũnae tsiwũnaeya yabara paebiwa xua peexanaewa pocotsiwa exanapaeba

³³ Equeicha Jesús barai barapo pin bicheitomona, pomona pijimonaexae tatsi, jeye: “Bayatha pajume taneme xua painya amo susato jiwi tsipaebatsi, xua Moisés tsipaeba. Moisés jeye: ‘Paxam jopa bewa naerabiya pana cui wũnae tsiwũnaeya yabara paebim tsane xua painya neexanaewa pocotsiwa paexanapaebeibame xua Nacom peitabaratha tatsi. Ichitha jame bewa bara xainyeya paexaneibiname pocotsiwa papaebeibame xua Nacom peitabaratha tatsi’, jei Moisés pijimonaetha. ³⁴ Ichitha xan seicaya icha coyeneya paca tsipaebatsi. Poxona jiwi peitabaratha tatsi pana nacui wũnae tsiwũnaeya xainyeya yabara paebiname pocotsiwa xua paexanapaebame bara moya baxua paexande, xua jiwi pia painya nepaca cajume cowũntsinexa. Jopa yawa muxuna icha jumein papaebinde. Jopa pajande ichũnthath: ‘Bara xaniyan xua exanaein. Nacui wũnae tsiwũnaeya xaniyeya yabara paeban Nacom peitabaratha xua exanaein’, jopa pajande. Mataũtano jopa pajande: ‘Bara xaniyan. Baraxua paeban po wũnthath xua Nacom pia nacua wũnthetha tatsi’, jopa pajande baxua, tsipei Nacom bara xothetha eca pia pexeinya equeibithopeibiwa tatsi ichaxota bapon ewatsiya itorobeibeca jiwi. ³⁵ Mataũtano barapocotsi coyenewa jopa bewa pana cui wũnae tsiwũnaeya yabara paebim ichũnthath xua ira yabara. Tsipei barapo ira apara Nacom pia ira. Barapo irathata nataxu yũyũteca. Barichi mataũtano barapocotsi coyenewa jopa bewa pana cui wũnae tsiwũnaeya yabara paebim ichũnthath xua Jerusalén tomara yabara, tsipei barapo tomara, po tomarathath ichaxota Nacom popona pon jiwi itorobiya pia pepa Pee-watsinchi. ³⁶ Mataũtano barapocotsi coyene jopa bewa pana nacui wũnae tsiwũnaeya yabara paebim ichũnthath xua painya nentasipa yabara. Saya meisa Nacom paca yabara matasipa yaputane. Pomona pam xua pewowi pam xua pantana tsaebiam jopa paca itacũpaeyo xua equeicha pantana inyapaname. Mataũtano pomona pam pomona amomona pam xua pantana inyapaname jopa itacũpaetsi xua equeicha pantana tsaebiam. Mataũtano jopa baxua daichiyo xua caentanatoxitha. Saya meisa Nacom itacũpatsi xua cana exana baxua. ³⁷ Saya meisa barapo jumethabe patsipaebare ichũnthath ichaxota po jumetha jei ‘Je, bara exanaein’, jei, mataũtano ichaxota po jumetha jei ‘Jume jopa exanaein tsane’, jei. Tsipei poxona pamuxuna paebame poxona pana tsiwũnae yabara paebame ichamonaetha Nacom pia wũnthath tatsi xua painya neexanaewa pocotsiwa paexanapaebeibame

baraxua apara caurimonae pia pentacaponaein tatsi paca tsimumu duba xua painya nepaebiwa baxua”, jei Jesús.

Meje yabara poxonae Jesús yabara cuiduba xua penayantomocae coyene (Lc 6.29-30)

³⁸ Equeicha Jesús barai barapo pin bicheitomona, pomona pijimon-aexae tatsi, jeye: “Paxam pajume taneme xua bayatha Moisés paeba xua jeye: ‘Pon itamaiquei esanopa ichan peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ichan wano teranopatsi, bapon xuya wano teranopaeinchi’, jei. ³⁹ Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitacueinta, pon peaitabein. Matautano icha ichan paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. ⁴⁰ Icha ichan paca yabara yopichiya paeba pontha pon jiwi peyabara paebin xua penatsicuentsiwa xua painya nentoma amanayabixae bapon, bapoxonae bara pacare xua paca itoroba. Icha painya camisa pacata pita bara yawa muxuna pacare camisa po camisa peamutiyu camisa, po camisa xua athawe peruyaewa. ⁴¹ Icha soldadomona paca itoroba xua jeye: ‘Painta caponde pocotsiwa arewe xua saya cae kilómetro beya’, jei, bara moya pacaponde pocotsiwa arewe xua equeicha icha cae kilómetrono pantaropatabare. ⁴² Daxita coyenexi pocotsiwa ichamona paca wuca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinde painyawan”, jei Jesús.

Meje yabara poxonae Jesús yabara cuiduba xua jiwi bewa antobe pomonaetha pomona pia peaitafaetabi jiwichi (Lc 6.27-28, 32-36)

⁴³ Equeicha Jesús barai barapo pin bicheitomona, pomona pijimonaexae tatsi, jeye: “Matautano pajume taneme xua caena bayatha Moisés namchi, xua jeye: ‘Paantobeinde pomona painya jiwi. Matautano pacasebare pomona painya nepaca caaitafaetabi jiwi’, jei xua Moisés paeba. ⁴⁴ Ichitha icha coyeneya paca tsipaebatsi: Paantobeinde pomona bequein painya nepaca caaitafaetabi jiwi. Matautano Nacomtha patawucare pomona bequein abe pacata exana. ⁴⁵ Icha paexanaename daxita barapo coyenexi bapoxonae yatsicaewa Nacom piamona tatsi pam tsane. Bara paichim tsane icha be painya Axa ichi pon Nacom, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomona pejuntu coyene xanepanae jiwi nexa iruru pomona peajuntucoyenebe jiwi nexa. Matautano Nacom ema taitorobicano daxita jiwi pomona xaniwaicha pejuntu coyene xeicae jiwi nexa iruru pomona peajuntucoyenebe jiwi nexano. ⁴⁶ Icha saya meisa paantobem pomona painya nepaca antobexae, Nacom jopa paca cui yabara matomacae tsane. Tsipei iruru barapo coyene exana pomona paratixi pentoma noteibiwi po paratixi jiwi bewa catsibina pon romanomona itorobiya pia pepa peewatsinchi nexa, bequein jiwi yabara nanta xeina xua bapomona peajuntucoyenebewi. Barapomona antobe pomona xua pia peantobewixaetsi. ⁴⁷ Matautano icha saya meisa painyamona pajacobame pomona iru pejume cowantsiwi poxonae paca siwa pona, xuano xua jopa pajacobim ichamona, pomona jopa pejume cowantsiwi, barapo coyene jopa xanepanaeyo. Tsipei pomona Nacom jopa peyaputae jiwi, barapomona iru ba jacobia piamona. Ichitha nama bewa toxechiya pananta xeinaem beyacaincha barapomona poxonae nanta xeina. ⁴⁸ Daxota paxam bewa bichocono xaniwaichiya beta painompaem.

Matautano xua caewiyo jopa bewa paexanaem tsane xua peabe coyenewa. Barapocotsi jata coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa”, jei Jesús.

6

Meje yabara poxonae Jesús jiwi yabara cuidubatsi xua jiwi xanepanaya peexanaewan

¹ Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae paxam paexaname pocotsiwan xua ichamonae tsita xanepanatsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi Ꞇ painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacaewa tsipei jopa paexanaetsipaem Nacom nexa.

² “Daxota poxonae peacopeibiwi xoxi pacatsibeibame jopa ichamonae patsipaebinde xua baxua painya neexanaexae. Jopa barapocotsi coyeneya bara paichinde icha be pomonae pemuxuitorobiwi ichi, poxonae itara mexeya pomonae xanepanaya pepaebiwi. Tsipei barapocotsimonae saya ichawa beya paeba xua pinae yawena nawita peacopeibi jiwitha. Barapomonae matha jiwi wabeibatsi xua barapomonae pejume taenexa tsainchi, bapoxonae judiomonae pia penacaetutsi botha yawa namtontha baxua yabara paeba nawita xua pinae yawena nawita pomonaetha pomonae peacopeibi jiwi. Barapomonae baxua exana pia xua jiwi beta yabara nanta xeinaetsi, pia xua jeichi jiwi: Maisa barapomonae betiya exana, xua pejeinexa jiwi. Ichitha xaniwaicha paca tsipaebatsi, barapomonae xeina pia pecui yabara matomacaewatsi poxonae jiwi baxua caunuta tsipei jopa moicha exanaeyo Nacom nexa. ³⁻⁴ Ichitha poxonae paxam payawenename peacopeibiwi namicha moicha pacare barapomonaetha xua painya jiwimonae jopa paca necacui taenexa. Matautano poxonae Nacom painya Axa paca tane poxonae namicha moicha paexaname baxua bapoxonae bapon Nacom paca catsina pocotsiwa pia pecui yabara matomacaewa”, jei Jesús.

Meje yabara poxonae Jesús jiwi yabara cuidubatsi po coyene xua Nacom pewꞆcaewatsi

(Lc 11.2-4)

⁵ Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae Nacom pawꞆcame, jopa barapocotsi coyeneya paexanaeinde icha be pomonae pemuxuitorobiwi ichi, pomonae itara mexeya beta pepaebiwi. Barapomonae saya ichichipa xua jiwi pecui taenexa poxonae barapomonae Nacom wꞆcatsi. Barapomonae ichichipa umena pewꞆcaenexa Nacomtha judiomonae pia penacaetutsi bontha tatsi xua matautano barichino namtontha. Barapomonae baxua exana xua pecui taenexatsi xua ichamonae pecui taenexa. Bara xaniyei paca tsipaebatsi. Barapomonae barompaya xeina pia pecui yabara matomatsiwatsi poxonae jiwi yabara paeba xua barapomonae pinae bara xanepanaeya exana. Nama bapoxonae Nacom jopa catsiyo pia pematomatsiwa barapomonaetha tsipei barapomonae jopa moicha exanaeyo Nacom nexa. ⁶ Ichitha poxonae Nacom pawꞆcame, barompaya painya tutu beya paponde yawa bomꞆꞆ tutu pa-coibo xatababare. Bapoxonae painya Axa Nacom baraxotiya patsipaebare. Painya Axa paca yanta compa yawa daxita paca cui tane pocotsiwa namicha

paexaname. Bapoxonae bapon Nacom paca catsina pocotsiwa pia paca yabara cui matomacaewa, xua beta painya neexanaexae poxonae Nacom patsipaebame.

⁷ “Poxonae Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonae ichi pomonae jopa peyaputaewi Nacom. Barapomonae nanta xeina xua bara Nacom jume tane pocotsiwa barapomonae tsipaeba xua matowa pepaebixae. ⁸ Nexata jopa barapocotsi coyeneya bara paichinde icha be poxonae barapomonae icha ichi. Tsipei painya Axa Nacom bara yaputane pocotsiwa painya nenantawenonaewam, xua beya poxonae pawucame Nacom. ⁹ Daxota Nacom patsipaebare, paichinde:

‘Pata Taxam, xam ponxaem peitabocotha athabeicha neecaein.

Barab_u daxita jiwi cabar_u cui itura jina nejunt_u coyene xanepanaeinxae.

¹⁰ Barab_u jopaena matabi, po matabitha poxonae xam jiwi itorobiya ewatsiname barapo cae pin nacuathe.

Barab_u jiwi exanaena pocotsiwa jinya neichichipae coyenewa xua barapo cae pin nacuathe tsique.

Barab_u jiwi exanaena icha peitabocotha ichi xua exana pocotsiwa jinya neichichipae coyenewa.

¹¹ Daxita matabin pexaewa pana catsibeibare xua po pexaewa daxita matabin pata canantawenonaewa tsaibi tsane.

¹² Pana neyabara cui cana juntemainare xua abe pata catsita exanaewatsi.

Bapoxonae pana neyabara cui cana exaname xua jopa equeicha pata catsita natsicuentisiwatsi xua abe pata catsita exanaexaetsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamona jopa pana netsita natsicuentisiyo xua abe pata tanetsita exanaexae.

¹³ Jopa pana copatsinde xua abe pata exanaewa tsane poxonae jiwi pana nejunt_u coyene jujata, xua abe pata exanaewa tsane.

Ichitha pana necapanenebiya exande barapo abe peexanae coyene weya’, pajande poxonae Nacomtha patsipaebame”, jei Jesús.

¹⁴ Equeicha Jesús barai barapo pin bicheitomonae, pomonae pijimonaexae tatsi, jeye: “Tsipei icha paxam pacui yabara juntemainame pocotsiwa ichamona pacata abe exana, nexata xuya painya Axa Nacom pon peitabocotha peecaexae, xuya paca cui yabara juntmainaena pocotsiwa abe paexaname.

¹⁵ Ichitha icha paxam jopa pacui yabara juntmainaem pocotsiwa ichamona abe pacata exana, nexata xuya painya Axa Nacom jopa paca cui yabara juntmainae tsane pocotsiwa abe paexaname”, jei Jesús barapo pin bicheitomonaetha pomonae pijimonaexae tatsi.

Meje yabara poxonae Jesús yabara cuiduba po coyene peyabara nainbotsi cui coyenewa

¹⁶ Equeicha Jesús barai barapo pin bicheitomonaē pomonaē pijimonaēxae tatsi, jeye: “Poxonaē paxam payabara nainbotame xua Nacom beta painya newucaenexa tsane, jopa bara j̄uta ichiya coyeneya paexanaeinde icha be pomonaē ichi pomonaē itara mexeya betiya peexanaewi daichitha abe exana. Barapomonaē piyain itabara aenaenaca xua poxonaē bequein peyabara nainbotsiwatha Nacom. Barapomonaē jopa nanta cachetsiyo yawa jopa naitabara quiatsiyo. Barapomonaē ichipa xua ichamonaē ya-putane xua barapomonaē cou bara nainbota. Bara xainyeya paca tsi-paebatsi xua barapomonaē bayatha xeina barompaya pia peyabara cui matomacaewatsi xua poxonaē jiwi yabara w̄naē jainta xua barapomonaē cou bara nainbota. ¹⁷ Ichitha paxam poxonaē payabara nainbotame, xua Nacom betiya painya newucaenexa tsane, pana naitabara iquicare yawa beta pananta caichere. ¹⁸ Bapoxonaē jiwi jopa paca cui yaputae tsane xua paxam bara cou payabara nainbotame. Namicha painya netsita exanaēxae Nacom barapo coyene. Meisa saya painya Axa Nacom paca cui yaputane, tsipei daxita yaputane pocotsiwa namicha paexaname. Bapon paca catsina pocotsiwa pia paca yabara cui matomacaewa”, jei Jesús.

Meje yabara poxonaē Jesús yabara cuiduba xua pocotsiwa Nacom jiwi pej̄untana jebiwatsi pia nacuatheicha
(Lc 12.33-34)

¹⁹ Equeicha Jesús barai barapo pin bicheitomonaē, pomonaē pijimonaēxae tatsi, jeye: “Barapo cae pin nacuathe copei jopa pacaetubinde xua painya nexainaewa tsane nawita barapo cae pin nacuathe. Tsipei bocobocowaton abe exanaena poxonaē xane pocotsiwan xua paxeiname. Ichacuitha abe exanaena poxonaē painyawan axumainbatsi. Ichacuitha painyawan pocotsiwa paxeiname baxuan pomonaē pecaibiwi paca caibina. ²⁰ Ichitha jame paexande barapo pej̄unt̄a coyene xanepanaewa po pej̄unt̄a coyene xanepanaewa Nacom ichichipa. Bapoxonaē Nacom paca catsibina pocotsiwa painya nepaca j̄untana jebiwatsi pia nacuatheicha. Baraxoteicha bapocotsiwa bocobocowaton jopa xaeyo. Yawa jopa axumainbichi. Matāntano pomonaē pecaibiwi jopa paca caibiyo baxuan xuan Nacom paca necayabara cui matomacaewan. ²¹ Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaētha.

Meje yabara poxonaē Jesús yabara cuiduba jiwi po coyene xanepanaēya peexanaewa pej̄unt̄a coyene wetsina
(Lc 11.34-36)

²² Equeicha Jesús barai barapo pin bicheitomonaē, pomonaē pijimonaēxae tatsi, jeye: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton w̄naē, bara beta pataneme. ²³ Ichitha icha painya itamaiqueiton abe, jopa beta pataetsipaem. Barichir̄a painya j̄unt̄a coyenewan xua painya nenanta xeinaewan. Icha painya j̄unt̄a coyenewan xanepanaetsipa bara beta Nacom payabara naj̄unt̄a coyene xeinaetsipame. Ichitha icha painya j̄unt̄a coyenewan jopa xanepanaetsipae jopa beta Nacom payabara naj̄unt̄a coyene xeinaetsipaem. Painya j̄unt̄a coyenewan paca cana exanaetsipa xua bichocono abe paexanaetsipame”, jei Jesús.

Meje yabara poxonaē Jesús yabara cuiduba jiwi, xua pon nantāta ainya pia pecanamataxeinaeinchibe tatsi
(Lc 16.13)

²⁴Equeicha Jesús barai barapo pin bicheitomonaē, pomonaē pijimonaēxae tatsi, jeye: “Jiton dapon aibi pon xeina ainya pia pecanamataxeinaēinchibe tatsi xua pon beta tanacuita barapo pia ainya pecanamataxeinaēinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaēinchi poxonaē itorobatsi. Icha pia pecanamataxeinaēinchi jopa taraichiyo. Cae pia pecanamataxeinaēinchi xanepanaeya taexana. Icha pia pecanamataxeinaēinchi abeya taexana. Barichi jiton pon bichocono antobe Nacom jopa itacupaetsi xua bichocono peantobewa paratixi poxonaē yawa bichocono antobetsi Nacom”, jei Jesús barapo pin bicheitomonaētha, pomonaē pijimonaēxae tatsi.

Meje yabara poxonaē Jesús yabara cuiduba po coyene xua Nacom eena pijimonaē
(Lc 12.22-31)

²⁵Equeicha Jesús barai barapo pin bicheitomonaē, pomonaē pijimonaēxae tatsi, jeye: “Paca tsipaebatsi, jopa bichocono payabara najuntū coyene exabinde pexaewa xua painya neuna jinompaewa tsane yawano xua painya neapaewanno tsane. Barichi jopa bichocono payabara najuntū coyene exabinde papaburū xua painya pepon nexa. Po coyene xua asū pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irū, beyacaincha papaburū xua pepon nexa. ²⁶Pataema peyapupunaewi. Barapoxi jopa ubiyo rabitha. Yawa xua penawetsiwa jopa notsiyo. Yawa jopa xeinaeyo bomuxhūn xua pejebinexa pexaewan. Ichitha Nacom apata peyapupunaewi pexaewa. ¡Paxam nama bichocono Nacom patsita ainya cuim, beyacaincha peyapupunaewi xua Nacom tsita ainya cuichi, po Nacom painya Axa pon itabocotha eca! ²⁷Dapon aibi pon paxam jiwana pon itacupaetsi xua xeinaena icha matacabi xua po matacabitha pepoponaewa tsane poxonaē tupaena. Bequein bapon bichocono nayabara najuntū exaba baxua, ichitha jopa itacupaetsi xua xeinaena caentacabi equeicha.

²⁸“Paxam bichocono payabara najuntū exabame papaburū. Jame pacayabara nanta xeinare pentonon, po pentonon wexotha xuwa, xua matono itupana. Pentonon jopa nacuichiyo yawa jopa natsiexanaeyo papaburū penama xatabinexa. ²⁹Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonaē itorobiya pia pepa peewatsinchi pon bayatha tupa. ³⁰Pentonon po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wūnaē bara bequein saya pentonon. Barichi Nacom itacupaetsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae, be conotha pajume cowuntame Nacom! ³¹Jopa paunthathū deideijeya jinompaēinde xua ichawa painya neyabara nanta xeinaēxae. Jopa pajan tsaibinde: ‘¿Eta xua xaeinchi jane? ¿Eta xua apaeinchi jane? ¿Eta xua nama xatabinchi jane?’ jopa pajan tsaibinde. ³²Tsipei barapo cae pin nacuathe jiwi saya ū baxua pecayabara najuntū coyene exabi pocotsiwa nantawenona. Ichitha nama paxam painya Axa Nacom panantautame. Barapon Nacom pon peitabocopin, pon yaputane daxita pocotsiwa xua xoxi panantawenoname. ³³Saya

meisa jame bichocono copiya payabara nanta xeinare xua painya neexanaewa xua pocotsiwa Nacom ichichipa pon jiwi itorobiya pia pepa peewatsinchi. Matautano jame bichocono payabara nanta xeinare painya nexeinaenexa pejuntũ coyene xanepanaewa Nacomtha. Icha paexanaename barapo coyenewan nexata bapoxonae Nacom paca catsibina xua daxita pocotsiwa panantawenoname. ³⁴Jopa payabara muxuna najuntũ exabinde anoxuae pocotsiwa baya tsane pocotsiwa painya neexanaewa tsane, tsipei barapo matakabi nama xeina pocotsiwa bichocono pacata ayapube. Daxita matakabi tsoponeibi pocotsiwa xua pacata ayapube xua pocotsiwa painya neexanaewan”, jei Jesús.

7

Meje yabara poxonae Jesús cuiduba xua jiwi jopa bewa yabara paebi xua ichamonae penatsicuentisiwa

(Lc 6.37-38, 41-42)

¹Equeicha Jesús barai barapo pin bicheitomonae, pomonae pijimonaexae tatsi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya nenatsicuentisiwa xua abe painya neexanaexae. ²Nacom pia coya paca yabara paebina xua painya nenatsicuentisiwa xua abe painya neexanaewa icha po coyeneya paichim poxonae ichamonae payabara paebame xua penatsicuentisiwa xua abe peexanaexae. Icha daunweya payabara paebiname xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús. ³Equeicha Jesús paeba caeintha pomonae pijimona jiwana pecayabara jũta pepaebi diwesiyo jeye: “Xam ba jinya jiton itata taneme poxonae itata jopiyatsi naepũtiyo, ichitha jopa taem xua irũrũ xam nama pin naepũto neitamaiqueitha ducua. Barapocotsi jũta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua irũrũ xam baraichim nama bichocono abe exaname. ⁴Icha jopa taem pin naepũto xua neitamaiqueitha ducua jopa caitacũpaeyo xua nejeiwa jinya jitontha: ‘Tajiton, cata jutinchi naepũtiyo xua ducua neitamaiqueitha’, xua nejeiwa. ⁵Xam nepaebim xua ichũn exana xua baxua neexanaewatha irũ. Xam copiya nata jure barapo pin naepũto xua neitamaiqueitha ducua. Bapoxonae beta taename nejutsinexa tsane naepũtiyo xua jinya jiton peitamaiqueitha tarucuatsi.

⁶“Jopa patsipaebinde Nacom Pejume Diwesi pomonae anaya paca aeba, xuano anaya aeba Nacom Pejume Diwesi pomonae jopa pejume cowantsiwi Nacom. Tsipei barapomonae peajuntũcoyenebe jiwi bichocono. Barapomonae bara abe exana be barapocotsi jũta coyeneya ichiya exana icha be auri ichi xua poxonae anaepanaya nawano webaba pocotsiwa pacatame. Matautano barapomonae bara abe exana be barapocotsi jũta coyeneya ichiya exana icha be marrano ichi, xua poxonae petaxutha taxunaunaba xua irainyaba po pexaewa paapatame”, jei Jesús.

Meje yabara poxonae Jesús yabara paeba xua jiwi bewa matowa wũqueibi Nacomtha

(Lc 11.9-13; 6.31)

⁷Equeicha Jesús barai barapo pin bicheitomonae, pomonae pijimonaexae tatsi, jeye: “Matowa Nacom pawũcare, bapoxonae paca catsibina pocotsiwa xua pawũcame. Baraxua matowa paexande icha paichim poxonae matowa pajeiteibame beya poxonae pataebame yawa icha paichim poxonae matowa

pawawam bomuxu^htha beya poxona^e ichun paca jume nota. ⁸ Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu^h pecoibototha matowa wawai, bara tacoibo sarana xorenatsi, matauta jume notatsino.

⁹ “Paxam pomona^e pexui paxeiname paca muxuwetatsi. Poxona^e painya pexui paca wuca pan, ¿pacatsipame iboto? ¡Jume! ¹⁰ Ichacuitha tsipae, poxona^e painya pexui paca wuca duwei, ¿pacatsipame jomo wito? ¡Jume! Jopa baxua paraichim tsane. ¹¹ Bara bequein peajuntucoyenebe jiwi pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha peecaein bichocono jopa juniya paca catsiyo pejuntucoyene xanepanaewan poxona^e pawucame beyacaincha poxona^e painya pexui pacatsibeibame poxona^e paca wuqueiba.

¹² “Paexande ichamonaetha xua po coyene painya neichichipaewa xua barapomona^e beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, matautano Nacom pia peitorobi jume pepaebiwi bayatha paca cui itoroba”, jei Jesús.

Meje yabara poxona^e Jesús yabara cuiduba po boupayo tsica boupayo dena (Lc 13.24)

¹³⁻¹⁴ Nexata equeicha Jesús barai barapo pin bicheitomona^e, pomona^e pijimonaexae tatsi, jeye: “Poxona^e jiwi pona tomara beya, pomona^e itapeta pin namto iya pona, barapo jiwi pinmona^e, tsipei barapo tomara namto boupa iya xua jopa ayapubeyo. Pomona^e nama itapeta, po namto tsica namtiyo iya pona, barapo jiwi tsiquimonaeyo tsipei barapo tsica boupayo ayapube iya. Barichi poxona^e jiwi patsina Nacom pia nacua beicha saya tsiquimon-aeyo patsina tsipei ichamona^e jopa tsita juntucui coyene xanepanaetsi xua xanepanaeya pejinompaewa Nacomtha. Daxota pomona^e Satanás pia nacua beya patsina pinmona^e tsane tsipei jopa taayapubetsi xua barapo Satanás pia juntucoyeneyatha tatsi jinompa. Nama itapeta pacananta xeinaeya jinompare Nacom pia juntucoyenewa tatsi xua icha jiwi ichi poxona^e seicaya iruru barompaya pona tomara tsica namtiyo boupayo iya”, jei Jesús.

Meje yabara poxona^e Jesús yabara cuiduba xua jiwi yaputane nae, penacoichixae (Lc 6.43-44)

¹⁵ Equeicha Jesús barai barapo pin bicheitomona^e, pomona^e pijimonaexae tatsi, jeye: “Dota pam, dota pomona^e penaerabiwi, pomona^e xua jeye: ‘Paxan papaeban Nacom nexa’, jei. Barapomona^e painya xainya beya pata itara mexeya jopa juntucoyene anaepanaeyo icha be ichi pomona^e xua Nacom pejume jejei jiwichi xua peexanaewa pocotsiwa Nacom itoroba xua matautano icha be ovejamonae ichi xua pia cui coyene xeina xua jopa anaepanaeyo. Daichitha barapomona^e bichocono antucicoyeneyapube xua anaepana, icha be neuthuchi poxona^e bichocono anaepana. ¹⁶ Ichitha paxam pacayabara ita coxoname barapomona^e poxona^e pataneme pocotsiwa barapomona^e exana, icha be jiwi ichi xua poxona^e yaputane nae, po nae penacoichixae. Matautano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa unbototha po unbo jopa e dubenaeyo. Matautano jiwi jopa bapana teracae higo thei naexitha, tsipei apara higo thei xuwa higo naetha. ¹⁷ Tsipei daxita naein, po naein pexeinya naein bara nacoita po pethei pexeinya thei. Matautano daxita naein, po naein camatsa naein bara nacoita po pethei camatsa thei. ¹⁸ Po nae pexeinya nae jopa bapana nacoichi po pethei camatsa thei. Barichi po nae camatsa nae jopa bapana nacoichi po pethei pexeinya thei. ¹⁹ Daxita naein,

po naein jopa nacoichiyo po pethei pexeinya thei, jiwi barapo naein uncata. Bapoxonae jiwi barapo naein tauta isototha. ²⁰ Icha naein cana ichichi xua poxonae jopa penacoichiyoxaera, bara cana ichi tsainchi jiwi xua poxoru xanepanaeya jopa peexanaexaera tsane. Icha ichi xua payaputaneme naein poxonae pia pethei pataneme, barichi jiwi pantu cui coyene yaputaneme poxonae pataneme pocotsiwa barapomonae exana”, jei Jesús.

Meje yabara poxonae Jesús pinae paeba xua pinae daxita jiwi jopa patsi tsane Nacom pia peitorobi nacua beicha

(Lc 13.25-27)

²¹ Equeicha Jesús barai barapo pin bicheitomonae, pomonae pijimonaexae tatsi, jeye: “Pinmonae jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonae jiwana tsicamonaeyo patsina Nacom pia peitorobi nacua beicha. Saya meisa patsina pomonae exana xua pocotsiwa Taxa ichichipa. Barapomonae patsina ichaxota Taxa po nacuatheicha ewatsiya itorobeibeca. ²² Poxonae barapo matacabi jopaena, po matacabitha poxonae Nacom yabara paebina xua jiwi penatsicuentisiwa pinmonae jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Matautano cauri paitawetan newantha. Matautano jinya newantha papaeban poxonae pexeinya petsita itatsi coyenewa paexanan’, nejei tsane. ²³ Daichitha barapomonae jume notsin. Jan tsane: ‘Bu canta bapana jopa paca yaitaetsi. ¡Taxainya weya pana natsixibarucupare pomonae abe painya neexanae jiwi pamxaem!’ jan tsane”, jei Jesús.

Meje yabara poxonae Jesús ainya bomuxu be yabara paeba

(Mr 1.22; Lc 6.47-49)

²⁴ Equeicha Jesús barai barapo pin bicheitomonae, pomonae pijimonaexae tatsi, jeye: “Pon nejume naitomata pocotsiwa paeban matautano exanano pocotsiwa ichichipan barapon beta popona Nacom nexa. Bara barapon barapocotsi juta coyeneya nacana exana icha be pocotsin peyaputaein ichi, pon bo acabanota peira matatsucaewatha xua ichaxota ira daunwei. Meje jeye: Copiya muthun tajn exanareca pecuaranobinexa bomuxu naeton. ²⁵ Poxonae ema duneica yawa mene matacaewaxuba yawa joibo bomuxu daunweya capubabanota, barapo bomuxu jopa joparenaeyo, poxoru naeton tajn umenareca xuano poxoru barapo bomuxu peira matatsucaewatha uncua ichaxota ira daunwei. ²⁶ Ichitha nama pon nejume taetha xuano jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi juta coyeneya nacana exana icha be pocotsin amameibatsi ichi. Bapon be meje: Bapon be pocotsin bo acabanota ichaxota ira matafatsana xuano naeton jopa tajn umenarecaeyo poxoru taetowa. Baraxota mene pateiba poxonae awabo tsaibi. ²⁷ Poxonae ema duneica, yawa mene matacaewaxuba, yawa pin joibo capubabanota barapo bo, bapoxonae barapo bomuxu joparena poxoru naeton jopa tajn umenarecaeyo xuano poxoru bomuxu uncua ichaxota ira matafatsana. ¡Maisa bomuxu bichocono abe!” jei Jesús barapo pin bicheitomonaetha, pomonae pijimonaexae tatsi.

²⁸ Poxonae Jesús barapo diwesi najume weta, pomonae Jesús jume tainchi, barapomonae yabara najuntu coyene cabenaeca xua Jesús pia pecuidubiwatatsi. ²⁹ Tsipei Jesús ba cuiduba be peyaputaein pia peayapusu itorobi coyeneya tatsi. Jesús jopa cuidubiyo be judiomonae pia pecuidubiwi pia picoyeneya tatsi.

carepaya barapomonaē Abraham bar_u equiyaena, ir_u Isaac bar_u equiyaena ir_u Jacob bar_u equiyaena. Daxita carepaya barapo nacuanmonaēpiwi bar_u nabanaeinchi peitaboco beicha. Abraham, bar_u nabanaena barapomonaē ichaxoteicha Nacom itorobiya ewateiba jiwī. ¹² Ichamonaē nanta xeina xua bepa pinae patsina Nacom pia peitorobi nacua beicha tatsi, bara bequein jopa xanepanaeya peexanaewi. Daxota barapomonaē bebai tsainchi ichawatha waxainya weya ichaxota pequireiwatha. Baraxota barapomonaē bichocono wecoyeyi tsane yawa nantanuweya nant_u jayabina, jei Jesús.

¹³ Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitac_upaewa xua tacata exanaewatsi, jei Jesús.

Bapoxonaē barapo pentacaponaein pia petanacuichin tatsi bara caena taaxaibi exanatsi.

*Meje yabara poxonaē Jesús axaibi exana Pedro pamiyo tatsi
(Mr 1.29-31; Lc 4.38-39)*

¹⁴ Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi. ¹⁵ Jesús cobe pita, barapowa cobe pitatsi. Domaē taaichurucuaetsi bapowa. Nainya barapowa nanta cotaxuba. Bapoxonaē bapowa pexaewa apata barapomonaētha.

*Meje yabara poxonaē Jesús axaibi exana pin bicheitomonaē
(Mr 1.32-34; Lc 4.40-41)*

¹⁶ Poxonaē tabopiya tsanaicha, ichamonaē pomonaē cauri xeina barapomonaē Jesús becarendenatsi. Jesús pia jumetha itaweta caurimonaē. Barichi Jesús axaibi exana daxita pomonaē peatenewi. ¹⁷ Poxonaē Jesús barapo coyenein exana, bara nayabara jume cui weta exana caena bayatha Isaías peyabara cui tsiw_unaeya paebixae. Bapon Isaías Nacom peitorobi jume pepaebin. Bapon jeye Cristo yabara: “Bapon naca wenota wajant_u coyene bojeiwa. Matautano bapon naca wenota waatene coyenewan”, jei Isaías pejume diwesitha.

*Meje yabara poxonaē Jesús yabara paeba pomonaē ichichipa xua pepuna ponaewatsi
(Lc 9.57-62)*

¹⁸ Poxonaē Jesús tane xua pin bicheitomonaē nacaetuta bapontha, bapoxonaē bapon pijimonaē itoroba xua icha muxunene beya peponaenexa tsane xua pucua epata_uta iya. ¹⁹ Poxonaē cataunxuae Jesusbar_u jopa torobabiyaeyo xua icha muxunene beya nexa, bapoxonaē Jesús imoxoyo caquita uncuatab_utsi pon jiwī pecuidubin Moisés pia peitorobi coyene. Jesús baraichi:

—Pon jiwī Necuidubim, capuna ponaeinchi daxita j_upaeyantha xua ichaxotan neponaewa tsane, jei.

²⁰ Jesús jume nota:

—Namomonaē ba pia m_uth_un xeina ichaxota pemaitathopeibiwa. Ir_u peyapupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. Nama jopa xeinaein_u bo xua tabo xua xota nafinacaecan, jei Jesús.

²¹ Bapoxonaē ich_un pon ir_u Jesús pijimonaē jiwana bapon Jestutha namchi, jeye:

—Tanecanamataxeinaem, bara nepu copare tha taxa matha m_uth_utha xubichi copiya xua bapoxonaē tacapuna ponaewatsi tsainchi, jei.

²² Jesús jume nota:

—Maisa jame nepuna ponde. Bara copare xua petupaewi bara muthucaeinchi, pomonae be pewerapaewi, jopa be tana nejume cowantsiwixae, barapomonae muthucaena, jei Jesús.

Meje yabara poxonae Jesús xainya ducuanaya exana joibo yawa marat-sacano xainya mene ducuanaya exanano

(Mr 4.35-41; Lc 8.22-25)

²³ Nexata Jesús jeratha nontabiya. Jesús pijimonae baru pona jeratha. ²⁴ Bapoxonae jemeicha pin joibo naetaba mentha. Maratsacan jeratha mene othopa muxu pebunarecae. Daichitha Jesús maituncua. ²⁵ Bapoxonae Jesús pijimonae yaubaxotsi, jeichichi Jesús:

—¡Pata Necanamataxeinaem, pana capanepare! ¡Yanabunarecatsi! jei Jesús pijimonae tatsi.

²⁶ Jesús jume nota:

—¿Eta pocotsiwa metha bichocono pajunuwame? ¿Cataunxuae jopa pana neyabara jume cowantsim xua bara tana neitacupaewa xua tapaca yawe-naewatsi? jei Jesús.

Nexata Jesús asiya uncua. Bapoxonae Jesús itawetaxuba joibo, marat-sacano. Daxita caewanaya joibo yawa marat-sacano. ²⁷ Bapoxonae barapo pebiwi yabara najuntu coyene cabenaecarucupa xua pocotsiwa Jesús peex-anaexae. Barapomonae najei:

—¿Metha jintamda baponda? ¡Jamaisa bapon itawetaxuba joibo yawa marat-sacan xua daxita xainya dubenanaya! najei barapomonae.

Meje yabara poxonae pebinbe ponbe caurimonae pexeinaeinbe, ponbe Gadara nacuapinbe

(Mr 5.1-20; Lc 8.26-39)

²⁸ Poxonae Jesús patopa pucua icha muxunene beya xua po nacuatha Gadara nacua, bapoxonae pebinbe Jesús imoxoyo caquita uncuatabatsibe. Baponbe ibo wountha poponeibabe. Caena bayatha baponbe xeinabe caurimonae. Barapo caurimonae baponbe anaepana cana exanatsibe daxota daxita jiwi junuwa xua peponaewa barapo namtotha ichaxota baponbe poponabe. ²⁹ Bapoxonae jemeicha caurimonae baponbe wawai exanatsibe, jeibe:

—Nacom Pexantom tatsim, ¿eta pocotsiwa metha patopame pata xantha? ¿Patopame jinya painya neperaxa exanaetsibe pewnaeya xua po mata-cabitha xua poxonae Nacom atene pana exanaena xua abe pata exanaexae? jei baponbe xua caurimonae wawaya exana.

³⁰ Tsiwiyo tajayo beya pin marrano duweimonae xayompa. ³¹ Caurimonae Jesús jeichi:

—Icha pana itawetame, moya pana nepu copabare marrano duweimon-aetha, jei caurimonae.

³² Nexata Jesús jume nota caurimonaetha, jeye:

—Moya pataema, jei.

Nexata caurimonae pebinbe wepu ponatsibe, yawa marrano duweimon-aetha pata. Barapo marrano duweimonae ducupa, pin pitapatororo othopareca. Pucuatha bunothopa. Caurimonae cabunothopatsi.

³³ Pomonae yapu eena barapo marrano duweimonae, junuwiya cuinae-nouta peyabara paebinexa tomarapiwitha. Barapomonae yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponbe xua cauri pexeinaeinbe.

³⁴ Bapoxonae daxita tomarapiwi pona ichaxota Jesús eca. Poxonae Jesús

tainchi, barapomonae Jesús jeichichi: “Maisa bewa warapaename Gadara nacua weya, po nacua pata nacua weya”, jei daxita barapomonae.

9

Meje yabara poxonae Jesús axaibi exana pon pecuenobinchi
(Mr 2.1-12; Lc 5.17-26)

¹ Nexata Jesús jeratha nontabiya. Jeratha pona icha muxunene beya xua pucua epatauta iya. Jesús pia tomara beya patopa, barapo tomara icha muxunenetha eca. ² Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonae barapocotsiwatha pecuenobinchi carendenatsi. Poxonae Jesús tane xua barapomonae yabara jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae Jesús barai pecuenobinchi:

—Tajiton, najuntu coyene tsacatabare. Cacui yabara junte mainaya juntu puxana exanatsiba jinya abe neexanae cuiru coyenein, jei Jesús.

³ Bapoxonae pomonae jiwi pecuidubiwi Moisés pia peitorobi coyenewa tatsi, barapomonae daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara junte mainaya juntu puxana exanatsi abe pia peexanae cuiru coyenein tatsi”, najei barapomonae. ⁴ Daichitha Jesús yaputane xua barapomonae pijuntu coyeneintha natsipaeba. Jesús barai barapomonae, jeye:

—¿Eta xua metha baxua abeya pana neyabara cananta xeiname? ⁵ ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata junte mainatsi’, jan tsane? Ichacuitha ¿metha jan tsane: ‘Nontaponare, yawa bara ponare’, jan tsane? ⁶ Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui junte mainaya juntu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo beiyande, jei Jesús.

⁷ Bapoxonae pon pecuenobinchi caena nainya nontapona barapomonae peitutha tatsi, yawa pita xua pemaituncuaewa. Bapoxonae pia bo be-iyá.

⁸ Poxonae jiwi tane baxua, barapomonae yabara najuntu coyene cabenaeca yawa Nacom wanae jaintatsi. Barapomonae nabarai:

—Anoxuae waxainchi tainchi pocotsiwa pewanaewa pocotsiwa jopa yaputaetsi, yawa wanae jaintatsi xua Nacom barapo jitontha pecatsixae pia peayapusu itorobi coyenewa, jei barapomonae.

Meje yabara poxonae Mateo wabatsi, Jesús waba
(Mr 2.13-17; Lc 5.27-32)

⁹ Jesús bara weya pontaba ichaxota axaibi exana pon pecuenobinchi. Bapoxonae Jesús tane pebin pon pewan Mateo. Bapon eca ichaxota bapon paratixi matoma noteibeca po paratixi jiwi bewa catsibina pon ro-manomonae itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonae Mateo caena nainya nontapona yawa napuna pona Jestutha.

¹⁰ Pirapaeyo Jesús baru ecatsi, Mateo baru eca pia botha pexaethopeibiwatha xua Jesús pebaru xaenexatsi. Barichi Jesús baru eca pinmonae barapo

pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanaewi. Daxita barapomonae Jesús baru eca pexaethopeibiwatha yawa Jesús pijimonae baru ecano penabanaenexa. ¹¹ Ichitha poxonae fariseomonae tane xua Jesús dacotsiwa baru eca, barapomonae namchi. Jesús pijimonae tatsi baraichi:

—Maisa Jesús abe exana poxoru baru xayeca pomonae paratixi pentoma noteibiwi. Matautano, baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapo fariseomonae.

¹² Poxonae Jesús baxua jume tane, bapon Jesús namchi barapomonaetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawabin. Saya jame meisa pomonae ba atene barapomonae jame canantawenona pon jiwi peyawabin. Bara juta coyene ichi barapomonae pomonae nebaru xane. Barapomonae nenantawenona xua tayabara cui junte mainaenexa abe pia peexanae cuiru coyenein tatsi. ¹³ Panacuidubaponde xua Nacom Pejume Diwesi paeba. Meje xua Nacom namchi, jeye: ‘Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa’, jei Nacom. Barichinno xan patopan apara tha jopa tawabinexa tsane pomonae pejutu coyene xanepanaewi. Apara jame patopan tha meisa tawabinexa tsane pomonae peajutu coyenebe jiwi, xua barapomonae icha juntu coyene pexeinaenexa tsane peauraxae xua abe exana, jei Jesús.

Meje yabara poxonae Jesús yabara yainyabatsi po coyene xua Nacom peyabara nainbotsiwatsi

(Mr 2.18-22; Lc 5.33-39)

¹⁴ Nexata Juan pon jiwi Pebautisabin, bapon pia pepuna jinompaewichi barapomonae pata Jesús pia xantha tatsi. Barapomonae Jesús yainyabatsi, jeye:

—Apara paxan iru fariseomonaeru jopa juniya Nacom payabara nainboteibinyo poxonae Nacom pawqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonae pomonae Juan pia pepuna jinompaewichi tatsi.

¹⁵ Jesús jume nota barapomonae:

—Jiwi ba jopa bewa wecoyeya yabara nainbotsi poxonae ichamonae pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha, bapoxonae jiwi ba peburu ya nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamonae waetaba xua bapon taju pecaponaenexatsi, bapoxonae jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

¹⁶ “Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru dorouto, bapoxonae barapo dorouto abe tsipae. Tsipei poxonae barapo dorouto matanaxuba barapo pena paparuwa natsaque-tabiya. Poxonae barapo pena paparuwa natsaquetabiya equeicha wan tsit-sipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya. ¹⁷ Matautano jiwi ba pena vino

mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo, yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yabꞑyo irꞑ axaibi exanatsi poxonae Jesús pia paparuwa tajayabatsirꞑ

(Mr 5.21-43; Lc 8.40-56)

¹⁸ Poxonae cataunxuae Jesús cueicueijei barapomonaetha, bapoxonae pebin patopa. Bapon judiomonaе pia penacaetutsi bo pia pecanamataxeinaein tatsi. Bapon pewꞑn Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jesustha:

—Taxantiyo anoxuaetha inta tꞑpa. Icha xam ponaename yawa necobetha mata jayabiname, bapoxonae barapowa equeicha asꞑ tsane xua equeicha nacosatsina, jei Jairo.

¹⁹ Jesús bapoxonae nontapona. Jairo puna poinchi. Irꞑ Jesús pijimonaе puna poinchi. ²⁰ Poxonae Jesús iya irꞑ yabꞑyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabꞑ janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi. ²¹⁻²² Baxua exana tsipei bapowa nanta xeina, jeye: “Icha pia paparuwa tajayabin bapoxonae axaibin tsane”, jei bapowa.

Poxonae bapowa Jesús tajayabatsi pia paparuwa, bapoxonae caena jꞑntabꞑ jana naruntaba.

Nexata Jesús napatomeicha necota, yawa yabꞑyo tainchi. Jesús namchi bapowatha:

—Yabꞑyo, najꞑntemiya xore. Caaxaibi exanatsi jinya tana neyabara jume cowꞑntsixaem xua bara tana neitacꞑpaewa xua tacaaxaibi exanaewatsi, jei Jesús.

²³ Jesús equeicha pona. Poxonae Jesús patopa pecanamataxeinaein pia bo tatsitha, bapoxonae Jesús tane xua pebiwi oba tsipei yabꞑyo bayatha tꞑpa. Barapo pebiwi pomonaе pecapu obiwi pewerapeibiwi. Mataꞑtano Jesús tane pomonaе pesiwa namtsebiya wecoyei jiwi. ²⁴ Jesús namchi jiwitha:

—Tutu weya paponde. Yabꞑyo apara jopa tꞑpaeyo, maituncua apara, jei Jesús.

Poxonae Jesús baxua paeba, jiwi Jesús jume cui caponatsi. ²⁵ Ichitha Jesús itoroba xua barapomonaе tutu wejojoniya pesato beya. Bapoxonae Jesús bo tutu joniya. Jesús cobe pita, yabꞑyo cobe pitatsi yawano asiya cuaranotatsino penacosatsixae. ²⁶ Xua Jesús yabꞑyo axaibi exanatsi, barapo diwesi daxita jiwi jume taetaepona pomonaе barapo nacꞑuatha jinompa.

Meje yabara poxonae Jesús axaibi exana ponbe nantiyabe itata nacꞑtabe

²⁷ Poxonae Jesús bara weya pona ichaxota yabꞑyo caewa asꞑ exanatsi, pebinbe Jesús puna poinchi. Baponbe peitata nacꞑtsinbe. Baponbe wawaya jeibe:

—Xam Jesús, David pia pemomoxi susatopin jiwanam ponxaem Nacom necaitapetsin pana neyabara najꞑntꞑ coyene xeinarebe xua pata tana neyawenaenexamebe, jeibe baponbe ponbe peitata nacꞑtsinbe.

²⁸ Poxonae Jesús bomuxu bejoniya, ponbe peitata nacutsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowuntamebe xua bara tana neitacupaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowuntatsibe, jeibe.

²⁹ Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowuntamebe xua bara tana neitacupaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

³⁰ Bapoxonae caena nainya aitamaiqueixaibibe. Jesús jume daunweya baraibe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

³¹ Daichitha poxonae Jesús weya ponabe, pejume taewathabe xua Jesús paeba, tsipaebabe ichamonaetha pomonae barapo nacuatha jinompa, daxita pocotsiwa xua Jesús cana exana baponbetha.

Meje yabara poxonae Jesús axaibi exana pon pemuxusipanaein

³² Poxonae Jesús bo wejoniya iruru ponbe aitamaiqueixaibi exanatsibe, bapoxonae ichamonae Jesthata pata. Barapomonae capona pebin, pon muxusipana, matautano jopa paebiyoy, tsipei cauri xeina. ³³ Bapoxonae Jesús itaweta cauri xua barapo pebin muxusipana exainchi. Caena nainya bapon cueicueijei. Nexata pomonae xua tane xua Jesús exana, barapomonae yabara najuntu coyene benaeca. Barapomonae namchi, jeye:

—Jopa bapana taetsi Israel nacuatha icha be ichi pocotsiwa Jesús exana, jei barapomonae.

³⁴ Ichitha poxonae fariseomonae jume tane baxua, barapomonae namchi Jesús yabara, jeye:

—Barapon caurimonae itawetatsi tsipei xeina caurimonae pia pentacaponaein tatsi pia peayapusu itorobi coyene tatsi, jei fariseomonae.

Meje yabara poxonae Jesús nantanuweya yabara cui nanta xeina jiwu xua peyawenaewa tsane

³⁵ Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaeta judiomonae pia penacuetutsi bontha tatsi. Matautano bapon paeba ducuaeta Nacom pia pexeinya jume diwesi tatsi po diwesi yabara xua Nacom waba jiwu petanaexanaenexatsi piamonae pomonae Nacom juntu coyene itorobiya ewata. Matauta bapon jiwu axaibi exana ducuaeta pomonae xua atene yawa xua cuenecuenona. ³⁶ Poxonae Jesús jiwu tainchi, Jesús yabara nanta xeina barapomonae xua peyawenaewa tsane. Tsipei barapomonae natsepa matautano jopa itacupaetsi xua pia coutha penayawenaewa. Barapomonae bara be juta coyeneya ichi, icha be ovejamonae ichi xua poxonae iratha bobena tsipei natsepa matautano tsipei dapon aibi, pon pe-eenaein ovejamonae xua peyawenaenexa. ³⁷ Nexata Jesús namchi pijimonaetha:

—Bara xainyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomonae jota pinmonae aibi. Bara juta ichi barapo cae pin nacuathe. Jiwu pinmonae jinompa pomonae nantawenona xua pejume taewa tsane Nacom pia pexeinya jume diwesi

tatsi. Daichitha pomonae Nacom Pejume Diwesi cueicueije tsurubenanae-biya ichamonaetha, barapomona pinmonae aibi, saya tsiquimonaeyo. ³⁸ Daxota Nacom pawucare xua pecaitorobinexa tsane ichamona xua petacamuxu tsipaebinexa tsainchi pia pejume diwesi pomonaetha pomonae barapo cae pin nacuathe pejinompaewi, jei Jesús.

10

Meje yabara poxona Jesús itapetsiya waba pia peitorobiwi tatsi xua doce poyobe

(Mr 3.13-19; Lc 6.12-16)

¹ Nexata Jesús pijimona waba. Barapomona jiwana itapetatsi doce poyobe, pomona baraichi: “Jesús pia peitorobi jiwi tatsi”, jeichichi. Jesús barapomona cata pia peayapus itorobi coyenewa xua cauri ichamona petaitawetsinexatsi pomona xua cauri xeina. Matautano Jesús cata pia peayapus itorobi coyenewa xua pijimona tatsi axaibi peexanaenexa pomona xua atene, xuano xua cuenecuenona.

² Barapomona pomona doce poyobe pomona peitorobiwichi, ichun pewun Simón, pon icha wunno “Pedro” baraichi. Iru ichun pewun Andrés, pon Simón peweicho tatsi. Iru ichun pewun Santiago. Iru ichun pewun Juan, pon Santiago peweicho tatsi. Baponbe Zebedeo pexantobe tatsi. ³⁻⁴ Iru ichun pewun Felipe, iru ichun pewun Bartolomé, iru ichun pewun Tomás, iru ichun pewun Mateo. Barapon Mateo pon paratixi pentoma noteibin po paratixi jiwi bewa catsibina pon romanomona itorobiya pia pepa peewatsinchi nexa. Iru ichun pewun Santiago, pon Alfeo pexanto tatsi. Iru ichun pewun Tadeo. Iru ichun pewun Simón, pon celotemonaepin. Iru ichun pewun Judas Iscariote, pon Jesús caenaetaxubatsi ichamonaetha xua pebexubinexatsi.

Meje yabara poxona Jesús itoroba pijimona xua barapomona peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimona tatsi

(Mr 6.7-13; Lc 9.1-6)

⁵ Barapo doce poyobe Jesús itoroba, Jesús jeye:

—Jopa paponaeinde po nacua ichaxota jinompa pomona jopa judiomona naexanaeyo. Jopa paponaeinde po tomaran ena Samaria nacuathe. ⁶ Meisa saya paponde pomona Israel nacuamonaepiwitha. Barapomona payawende tsipei barapomona Nacom tajw wepu jinompatsi xua pipato jinompa. Icha be pocotsi jata coyeneya ichi oveja, barapo ovejamona napuxana poxoru wepu pona tajw beya, xua pon pe-eeinaein barapo ovejamona bapon tajw wepu poinchi icha xua poxona napuxana. ⁷ Poxona papaeba dubenanaebiyame, papaebare barapomonaetha po coyene xua anoxuae Nacom waba jiwi xua petanaexanaenexatsi piamona pomona itorobiya peewatsixae. ⁸ Matautano Nacom pia peayapus itorobi coyenewatha po coyenewe meje baxua paexande: Axaibi paexande pomona peatenewi; equeicha asw paexande pomona werapeibina; axaibi paexande pomona xua peperw sawichimona; matautano caurimona pata taitawere pomona caurimona pexeinaewi. Nacom amanaya paca cata barapo pia peayapus itorobi coyene, daxota poxona jiwi payawenama Nacom pia peayapuswatha, jopa jiwi paratixi pawucaeinde.

⁹ “Jopa pacaponaeinde paratixi xua poxona painya newarapaenexa.

¹⁰ Jopa pacaponaeinde cote xua painya nejeyaenexa paparuwan poxona

pawarapame. Saya cae camisa panama xatabare, jopa icha camisa pacaponaeinde. Matauta jopa pacaponaeinde ichawan xua painya nenataxu xatabiwan, yawa icha iwaton jopa pacaponaeinde. Painya xoba paauram xua poxonae jiwi paca catsibeibina tsipei baraxua pocotsiwa paca cata apara bara painya matoma painya netanacuichixaemxae Nacom.

¹¹ “Poxonae papanenebiyam pin tomaratha, ichacuitha tsiqui tomariyotha, pajeire pon jiwi baru cui itura jina xuano xua paca tsiwaba pia botha tatsi pia paca apatsinexa tsane. Bapon pia botha tatsi painya nepu enaeinde beya tsane poxonae barapo tomara weya pawarapame. ¹² Poxonae bomuxutha pajojonyame, barapo bopiwi pajacobare, pajande: ‘Barabu Nacom juntea jinompa paca cana exanaena’, pajande. ¹³ Icha baxota jinompa pomonae pomonaetha jiwi baru cui itura jina, bara baxua Nacom barapomonae taexanaeinchi pocotsiwa papaebame. Ichitha icha baxota jinompa pomonae pomonaetha jopa jiwi baru cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata parenaena xua pocotsiwa papaebame. ¹⁴ Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitawatsiyo, nexata bapoxonae panatsixibare. Namto beya paponde xua bomuxu weya xua ichacuitha icha tomara weya. Po tsorobo painya taxutha dubena pana nataxu wenunbabare barapo tomaratha. Poxonae baxua paexaname patsita itapeinya xeinaename, apara xua barapomonae abe exana painya xainya berena xua poxonae barapomonae paca jume itaweta. ¹⁵ Bara xainyeya paca tsipaebatsi maticabi patopaena, po maticabitha Nacom yabara paebina jiwi petsita natsicuentisixietsi xua abe petsita exanaexaetsi. Barapo maticabitha jopa juniya bichocono atene tsane pomonae paca jume itaweta. Caena bayatha Sodoma tomarapiwi iru Gomorra tomarapiwi bichocono abe exana. Daxota Nacom atene exanaena barapo tomaramonaebe. Bara bequein Sodoma tomarapiwi atene matauta iru Gomorra tomarapiwi bequein atene tsipei bichocono abe exana barapomonae. Ichitha nama pomonae barapo tomaratha jinompa, pomonae paca jume itaweta, jopa juniya peraxa jubebi tsainchi, beyacaincha poxonae Sodoma tomarapiwi yawa Gomorra tomarapiwi peraxa jubebatsi”, jei Jesús.

Meje yabara poxonae Jesús yabara paeba xua ichamonae abe exanaena Jesús pijimonaetha tatsi

¹⁶ Equeicha Jesús jeye: “Paponde ichaxota paca itorobatsi. Paca caitorobatsi pia xainya beya pomonae jopa pejume cowantsiwi, pomonae itacupatsi xua abe painya nepaca exanaewa, icha ovejan ichi xua poxonae pona ichaxota neutha jinompa xua itacupatsi xua abe peexanaewatsi. Paxam pananthutha cui wunaetsiya tsaquiya jinompare, tsipei ichamonae beya paca pepeichipa. Baxua bara paichinde icha jomo ichi xua peita coxonaein poxonae waxouto cuitaya naetsiriwatsi. Paxam bara jutiya jopa paichim tsane jopa ichamonaetha abe paexanaeinde, icha topiboto ichi xua anaepana jopa nanta xeinecaeyo xua juntea yapoponeca. ¹⁷ Paxam dota pam, dota pomonae peajuntucoyenebe jiwi. Barapomonae paca teicaena pepaca caponaenexa tsane pomonaetha pomonae toman pentacaponae. Bapoxonae barapomonae paca cuainchina judiomonae pia penacae-tutsi bontha tatsi. ¹⁸ Matauta barapomonae paca caponaena pomonae peyanacua ewatsi jiwi peitabaratha tatsi. Matauta paca caponaena pomonae jiwi itorobiya pia pepa peewatsiwichi pia peitabaratha tatsi. Baxua paca cana exanaena painya tana nejume cowantsixaemxae. Daichitha barapo

pentacaponae wi peitabaratha tatsi paca itacupaena xua pata neyabara paebiwam pocotsiwa bayatha tapacata exanaewatsi paxam. Matautano paca itacupaena xua pata neyabara paebiwam pomonae jopa judiomonae naexanaeyo peitabaratha tatsi. ¹⁹ Ichitha poxonae paca caponaena pentacaponae wi beya, jopa payabara najuntũ coyene exabinde pocotsiwa xua painya nejume notsiwa tsane barapomonaetha. Nama Nacom paca tsi-jume dubina po jume xua painya necaunutsiwam tsane. ²⁰ Tsipei beta jopa papaebimchipae painya coutha, ichitha Nacom pia Pejumope tũnaxũ tatsi paca tsimuxu cueicueijejei tsane. Bapon paca catsina po jumetha xua patsipaebiname.

²¹ “Jiwi caenaetsina barompaya peweicho jiwi ichamonaetha xua ichamonae pejutebinexa tsane. Iru coxiyeiwi ichamonaetha caenaetsina pia pexui xua ichamonae pejutebinexa tsane. Iru pexui paxeiwi caenaetsina ichamonaetha xua ichamonae pejutebinexa tsainchi. ²² Daxita nacuanpiwi paca casebina painya tana nejume cowantsixaemxae. Ichitha icha awiya paantũyapũsũya nejume cowantsiya jinompaename xua beya payacuiya werapaeya othopaename, poxonae bequein abe pacata exana ichamonae Nacom napaeba paca cana exanaena. ²³ Icha cae tomarapiwi paca abe exanaena, parũcũpare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patopeicaein beya abũ poxonae cataunxuae jopa panacui wetsim tsane xua paponame daxita israelmonae pia nacia tomarantha tatsi, xua napaeba dubenanaebiyame Nacom Pejume Diwesi.

²⁴ “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaenexa. Matauta pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia pecanamataxeinaeinchi tatsi. ²⁵ Pon ba penacuidubin bewa nanta xeinae, bewa najei: ‘Maisa ichamonae inta abe exanatsi pon tana necuidubin. Metha bara neichi tsane’, bewa najei. Iru pon ba tanacuita pia pecanamataxeinaeinchi bewa najei: ‘Maisa ichamonae inta abe exanatsi pon tanecanamataxeinaein. Metha bara neichi tsane’, bewa najei. Icha pocotsi coyeneya baponbe ichi poxonae baxua nayabara nanta xeinabe, bara pocotsi coyeneya paca cana ichiya exana jiwi icha poxonae neyabara ichiya namchi. Tsipei jiwi abe neyabara paeba xua jeye: ‘Maisa bapon Beelzebú tsecae pon caurimonae pia pentacaponaein tatsi’, jei. Matauta paca yabara jei tsane: ‘Maisa barapomonae Beelzebú pijimonae tatsi po Beelzebú caurimonae pia pentacaponaein tatsi’, paca yabara jei tsane”, jei Jesús.

Meje yabara poxonae Jesús yabara paeba xua pontha bewa ba jiwi cuitaya cunuwina
(Lc 12.2-7)

²⁶ Equeicha Jesús jeye: “Jopa jiwi pacunuwinde xua tapanã neyabara paebiwam. Tsipei daxita diwesi, xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. ²⁷ Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamonae mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana nejume canawabiya wawande. ²⁸ Tamonae pam, paca tsipaebatsi, jopa pacunuwinde pomonae itacũpatsi xua paca jutebina xua saya meisa painya pepontha. Ichitha barapomonae jopa itacũpaetsi xua

equeicha paca jumopein t̃nax̃u jutebina. Jame paca tsipaebatsi pon jame bewa pajume cuitaya cunuwim bapon apara jame Nacom. Tsipei barapon Nacom itac̃patsi xua paca bebai pin isototha po pin isototha jopa bapana itacounayiyo xua weraweraca painya nepaca exanaenexa painya pepon yawa painya nejumope t̃nax̃uñ.

²⁹ “Jiwi ba caenaeta sito dos poyobe, saya cae paratiyotha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa Nacom yaputane yawa copata poxonaē barapo sitobe jiwana iratha yajopeica xua yat̃pa. ³⁰ Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexainaewa. ³¹ Jopa pajunuwinde tsipei paxam bichocono Nacom patsita ainya cuim, beyacaincha siri”, jei Jesús pijimonaetha.

Meje yabara poxonaē Jesucristo yabara paeba xua pomonaē peyabara paebiwichi ichamonaē peitabaratha tatsi

(Lc 12.8-9)

³² Equeicha Jesús namchi: “Yabara paca tsipaebatsi pomonaē xua nayopita ichamonaetha pomonaē xua najei: ‘Apara paxan Jesús pijimonaē tatsi pan’, najei. Barichi xan xuya jan tsane Nacomtha: ‘Barapomonaē apara tana nejume cow̃ntsiwi’, jan tsane xuya barapo Nacom peitabaratha pon Taxa, pon peitabocotha peecaexae. ³³ Ichitha pomonaē xua neyabara jei ichamonaetha: ‘Jopa bapon yaitaeinyo’, jei, xan xuya barapomonaē yabara jan tsane: ‘Apara barapomonaē jopa yaitaeinyo’, jan tsane xuya Taxa beicha, pon peitabocotha peecaexae”, jei Jesús.

Meje yabara poxonaē Jesús yabara paeba xua jiwi ainya bicheiton naexanaena xua Jesús pejume cow̃ntsixaetsi xua ichamonaē jopa pejume cow̃ntsixaetsir̃u

(Lc 12.51-53; 14.26-27)

³⁴ Equeicha Jesús namchi: “Jopa pananta xeinaeinde xua patopeican saya meisa xua jiwi j̃ntema jinompa tacana exanaewa tsane. Jopa baxua tsipatopaeinyo. Apara jame tsipatopeican taexanaenexa po coyene jiwi naba exanatsi xua daxota ainya bicheiton penaexanaenexa. Pomonaē jopa nejume cow̃ntsiyo ita aenae-aenei pomonaetha pomonaē tana nejume cow̃ntsiwi. ³⁵ Coxian pexanto ita aenae-aenei tsainchi. Ir̃u coxiwa pexantiyo ita aenae-aenei tsainchi. Ir̃ur̃u ichowayo pecopeinyo ita aenae-aenei tsainchi. ³⁶ Daxota pebin barompaya piamonaē penaitafaetabi jiwi nacana exanatsi.

³⁷ “Pon antobe paxa yawa pena beyacaincha xua neantobe bapon jopa naexanaē tsane pon tajiwimonaē jiwana pin. Pon antobe pexanto beyacaincha xua neantobe, bapon jopa naexanaē tsane pon tajiwimonaē jiwana pin. Yawa pon antobe pexantiyo beyacaincha xua neantobe bapon jopa naexanaē tsane pon tajiwimonaē jiwana pin. ³⁸ Matautano pon jopa awiya exana ducuaenaebiyayo pocotsiwa itoroban, tsipei jopa be peraxa exanaetsi icha be xua poxonaē neichi nexata bapon jopa tajiwimonaepinyo. ³⁹ Pon naantobeya nata exana pocotsiwa bapon ichichipa bapon jopa xeinaeyo peaj̃nt̃yap̃us̃wa, po peaj̃nt̃yap̃us̃wa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tanean-tobexae bapon xeinaena peaj̃nt̃yap̃us̃wa, po peaj̃nt̃yap̃us̃wa ataya tsiteca xua Nacom pia nacua beicha”, jei Jesús.

Meje yabara poxonaē Jesús yabara paeba xua pocotsiwan peyabara cui matomatsiwa

(Mr 9.41)

⁴⁰ Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa papaebiname, barapara bapon yawa neweyatanerɩ. Barapon pon xua neweyatane, barapara matautano weyataenarɩ xua weyatainchi pon xua tana neitorobixae, bapon Nacom. ⁴¹ Pon cueicueije Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta weyatainchi pon Nacom pia peitorobi jume pepaebin. Matauta irɩ pon xua pejuntɩ coyene xeicaein bapontha Nacom catsina peyabara cui matomatsiwa tsipei bapon xanepanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntɩ coyene xeicaein. ⁴² Pon xua apatsina tajiwiwimonae jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwiwimonae jiwana pin yawenatsi”, jei Jesús.

11

Meje yabara poxonae Juan pon jiwi Pebautisabin itoroba pijimonae Jesús beya, peyainyabinexa tsainchi Jesús
(Lc 7.18-35)

¹ Jesús najume weta xua pijimonae muxuwetsiya cuiduba, po jiwimonae tatsi xua doce poyobe tatsi. Bapoxonae Jesús bara weya natsixitaba xua tomarantha peponaenexa po tomaran ena barapo nacuatha xua jiwitha pecuidubinexa Nacom pia pexeinya jume diwesi tatsi.

² Juan pon jiwi Pebautisabin, bapon jiwi pecubi botha etatsi. Poxonae cataunxuae jiwi pecubi botha eca, bapon jume tane xua juinya Cristo exana. Bapoxonae Juan itorobabe Jesús beya ponbe pia pepuna jinompaewichi jiwana tatsibe xua petayainyabinexatsibe Jesús beya. ³ Barapomonae Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesías? ¿Ichacuitha metha bara ichan pawanae ewatan jampa? jei baraponbe xua Juan najume caruta.

⁴ Jesús jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno. ⁵ Matautano patsipaebarebe xua pomonae peitata nacatsi jiwi equeicha tane, matauta xua pomonae pejayu-jayujeiwi beta pona equeicha, matautano xua pomonae peperɩ sawichimonae equeicha perɩ wɩnae, matauta pomonae xua pemuxusipanaewi equeicha muxu nasaba, matauta pomonae xua pewerapaewi equeicha asɩ tsane. Matauta pomonae xua peacopeibi jiwi jume tane Nacom pia pexeinya pecapanenebiyae diwesi jume. ⁶ Patsipaebarebe Juan xua xan janje: ‘Juntɩ coyene weiweinaena pon jopa ainya unthathanyo, pon xaniwaicha neyabara jume cowanta’, xua jan”, jei Jesús.

⁷ Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: “Ira xuepana susato tsurucuae nacuatha paponame. Poxonae bara beya poponame, ¿eta xua painyatsi, painya jume taetsi pebin pon ainya unthathato cui xeina icha be naepanaewa ichi xua saya joibo ba jubabiya caya tsaibi? Jume apara. ⁸ Bara paichim. Paponame ¿painya nejumetaenexa

pebin pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae ba jinompa pexeinya bontha pomonae jiwi itorobiya pia pepa peewatsiwixaetsi. ⁹ Jume. Jopa baxua patsiponaem xua jopa painya jume taenexa pebin pon ainya unthathato cui xeina, matautano xua jopa painya jume taenexa pebin pon peitupanae paparuwa nama xatata. Apara jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichun pon Nacom peitorobi jume pepaebin. ¹⁰ Juan bapon apara, pon yabara paebatsi Nacom Pejume Diwesitha poxona Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon juntu cui wunaetsina jiwi xua daxita jiwi najuntu cui wunaetsina xam nexa, xua necantenta weyataeya wabinexa poxona patopaename’, nejei Nacom Pejume Diwesitha.

¹¹ Bara xaniyeya paca tsipaebatsi xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueije po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueije, bequein jiwi nanta xeina xua tamonae jopa ainya cui jiwi.

¹² “Juan pon jiwi Pebautisabin, poxona bapon tamropata pitaba xua cueicueije Nacom Pejume Diwesi xua beya anoxuae pin bicheitomonae nejume cowanta pia penaexanaenexa Nacom piamonae tatsi. Barapomonae pichichi xua penaexanaewa Nacom piamonae tatsi pomonae Nacom itorobiya peewatsixae bequein ichamonae ayapube taexana barapomonaetha. ¹³ Daxita po petinae diwesin Nacom peitorobi jume pepaebiwi tina iruru Moisés pia peitorobi coyenewa tatsi barapo naxobe peitorobi coyenewathabe yabara tsiwuna muxu dutsiya paeba. Barapo peitorobi coyenewabe yabara paeba xua bexa tsane jopaena matacabi po mataqueitha xua Nacom juntu coyene itorobiya canamataxeinaena jiwi. Matapainya Juan patopa. Bapoxonae iru Nacom tamropata pitaba xua exana pocotsiwa bayatha yabara tsiwuna muxu duta. ¹⁴ Icha paxam xaniwaicha paichichipame xua payabara jume cowantame xua pocotsiwa barapomonae bayatha yabara paeba, bapoxonae bara panejume cowantsiname xua paeban, xua jan: ‘Apara Juan bapon Elías pon caena bayatha tupa. Barapon apara pon Nacom peitorobi jume pepaebin, pon bayatha Nacom yabara paeba xua bepa pinae equeicha patopaena’, jan. ¹⁵ Icha pamuxu dubename moya pana nejume naitaeware pocotsiwa tapaca tsipaebiwatsi.

¹⁶ “¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe jeta ichi barapomonae? Barapomonae be pexui, pocotsixi panatha nabaru jinompa. Nabaru wawai tsurubenanaebiya. ¹⁷ Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichun tatupatsi ichitha jopa pana itanuwe jume notsim xua painya newecoyeinexaru’, jei barapoxi. ¹⁸ Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: ‘Apara Juan xeina cauri’, pajam. ¹⁹ Bapoxonae xan ponxaein Nacom

Tananeitapetsin patopan. Xan pan taxaein yawa vino mera taapaein. Paxam pana neyabara paebame pajam: ‘Bapon maisa jopa juniya nabanaeyo, yawa jopa juniya apaeyo. Peatsacaewi abe peexanae jiwi pia jiton tatsi, iru pomonae paratixi pentoma notebiwi, barapomonae pia jiton tatsi’, pana neyabara jam. Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana, baxua Nacom tsita pexainyei coyenetsi”, jei Jesús.

*Meje yabara poxonae Jesús yabara paeba po tomaranpiwi jopa pejume
cowantsiwichi
(Lc 10.13-15)*

²⁰Nexata Jesús tamropata pitaba xua biatane ainya tomaranpiwi, ichaxota bayatha copiya matha matowa exana pia petsita itutsi coyenewan. Bequein Jesús baxua matowa exana, ichitha barapomonae jopa icha juntu coyene xeinaeyo xua peauraxae xua abe exana. ²¹Daxota barapo tomaranpiwi beya, jeye: “¡Pai jaibo, Corazín tomarapiwi tsobenae! ¡Iru Betsaida tomarapiwi tsobenae! Po tsita itutsi coyenewan exanan Corazín tomaratha iru Betsaida tomarathano, ichun jopa bapana exanaeyo barapo tsita itutsi coyenewan Tiro tomaratha yawa Sidón tomaratha. Icha barapo tsita itutsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaewa tsainchi xua icha juntu coyenein Nacom petsita xeinaewatsi peauraxae abe peexanaexae bapontha. ²²Paxam pomonae Corazín tomarapiwi pam iru Betsaida tomarapiwi pam, bara xaniyeya paca tsi-paebatsi. Poxonae barapo matacabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi, Tiro tomarapiwi iru Sidón tomarapiwi daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. ²³¡Incane iru Capernaum tomarapiwi pamdu! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca. Po petsita itutsi coyenewan painya tomaratha exanan icha bayatha barapo petsita itutsi coyenewan exanaetsipa Sodoma tomaratha, bara cataunxuae barapo tomara ecaetsipa, xua beya anoxuae tsipae. Tsipei barapomonae metha bayatha xeinaetsipa icha juntu coyene xua peauraxae xua abe exana Nacomtha. Metha bapoxonae Nacom jopa jutebichipae barapo tomarapiwi. ²⁴Ichitha paca tsipaebatsi paxam Capernaum tomarapiwi pam, matacabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi. Barapo mataqueitha bichocono paca peraxa jubebina, beyacaincha xua Sodoma tomarapiwi peraxa jubebinchi bichocono”, jei Jesús.

*Meje yabara poxonae Jesús waba jiwi: “Anetha xan berena tapaca yawe-
naewa tsainchi”, jei
(Lc 10.21-22)*

²⁵Bara caena bapoxonae Jesús juntu coyene weiweina exanatsi Nacom pia Pejumope tñaxu tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wuna cajaintatsi tsipei jopa tsita

itubim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame tsita itutame barapo pexainyei coyenewa xua xan yabara pomonaetha pomonae jopa bichocono penacuidubiwi, pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita. ²⁶ Axa, baxua exaname necatsita xanepanaexae baxua”, jei Jesús Paxatha.

²⁷ Equeicha Jesús namchi pijimonaetha, jeye: “Taxa daxita necata xua pia peitorobi coyenewa tatsi, matautano xua pia peyaputae coyenewa tatsi. Dapon aibi pon xaniwaicha nejuntũ cui coyene yaputane. Jame saya meisa Taxa Nacom, nejuntũ cui coyene yaputane. Dapon aibi pon Taxa juntũ cui coyene yaputainchi. Saya jame meisa Taxaxae juntũ cui coyene yaputan. Matautano barichi Taxa meisa juntũ coyene yaputainchi pon saya bara copatan xua bara Taxa pejuntũ cui coyene yaputaewa tsainchi. ²⁸ Anetha xan berena daxita paxam xua tapaca yawenaewa tsainchi. Daxita paxam xua pocotsiwa paca juntũ coyene natsepa exana painya abe neexanae cuiru coyene baxua paca juntũ cui coyene canapuxanaeya yabara jantemainaeinchi xua painya nenaffinacaewatsinexa. Equeicha pena juntũ coyene paca cana exanaeinchi, xua painya nejuntũ coyene weiweinaeya jinompaewa tsane. ²⁹ Pana necui coyene xeinare tacuidubi coyene painya nenacuidubinexam tsane yawa painya neyawenaenexa tsane xua painya necuidubiwa tsane ichamonae. Baxuan paexande tsipei xan jopa bapana juntũ cui coyene anaepanaeya tacuidubin jiwi. Matauta bapana jopa tajuntũ cui coyene atsacaein. Matautano jopa pajuntũ coyene deideijeya jinompaem tsane. Saya jame xanepanaeya painompaename tsipei paexanaename tacuidubi cui coyenein. ³⁰ Barapo tacuidubi cui coyenewan jopa ayapubeyo painya juntũ cui coyenetha. Bara paca itacupa xua painya neexanaewa tsane barapo tacuidubi cui coyenewan”, jei Jesús.

12

Meje yabara poxonae Jesús pijimonaetha tatsi yaboto nota trigo xu judiomonaetha barompaya pia pentaquei seicae mataqueitha tatsi
(Mr 2.23-28; Lc 6.1-5)

¹ Caentacabi poxonae judiomonaetha barompaya pia pentaquei seicae matacabitha tatsi barapo mataqueitha Jesús irũ pijimonaetha tatsino pabi iyiya. Jesús pijimonaetha tatsi jainpa. Barapomonaetha tamropata notarũcupa xua yaboto xunumenapona trigo xu, bapoxonae pecobetha xu mata pepeta yawa xu xane. ² Poxonae fariseomonaetha cui tane xua Jesús pijimonaetha tatsi exana, bapoxonae barapomonaetha Jesús tsipaebatsi, jeye:

—Jamaisa jinya jiwimonaetha nacuita barapo matabithe poxonae yaboto nota trigo xu. Apra jiwi jopa yabara copatichi xua penacuichiwa po mataqueithe xua judiomonaetha barompaya pia pentaquei seicae matabi tatsi, jei fariseomonaetha. ³ Jesús jume nota, jeye:

—Barapo tajiwiwimonaetha jopa apra abe exanaeyo. Jopa payabara yorobim pocotsiwa bayatha David exana poxonae jainpa, poxonae irũ pijimonaetha tajainpatsirũ. Bapon David, pon caena bayatha israelmonaetha itorobiya pia pepa Peewatsinchi. ⁴ Bapon David irũ pijimonaetha tatsi barapomonaetha Nacom pin pia botha tatsi jojoniya. David xane pan, po pan ichamonae cana exana xua Nacomtha pecatsiwatsi. Irũ barapo pan David pijimonaetha cata xua pexaenexarũ. Barapomonaetha xane bequein bara Nacom pia peitorobi

coyewathā copata xua saya meisa sacerdotemonae itacupatsi xua pexaewa tsane barapo pan. ⁵ Matautano bequein payabara yorobame Moisés pia peitorobi coyewathā ichaxota jei: ‘Sacerdotemonae piwi nacuita judiomonae barompaya pia pentaquei seicae matabitha tatsi poxonae Nacom pin pia botha tatsi duwei tauta xua petuxusi exanaenexa Nacom nexa’, jei. Apra barapo coyene jopa peabe coyewiyo. Jiwi bara copata. Jopa cui matawentsiyo bequein bara barapo judiomonae barompaya pia pentaquei seicae matabitha tatsi exana taetha. ⁶ Ichitha paca tsipaebatsi xua nama taayapusu itorobi coyewā ainya cui beyacaincha Moisés pia peitorobi coyewā tatsi, xuano beyacaincha barapo coyene po coyene poxonae Nacom pin pia botha exana. ⁷ Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexainaewa tsane nantanuweya peyabara nanta xeinae unthuto xua ichamonae painya neyawaenewa tsane. Baxua jame bichocono ichichipan beyacaincha xua duwei petautsiwa xua petuxusi exanaewa xan nexa’, jei Nacom Pejume Diwesitha. Icha bayathā payaputaetsipame pocotsiwa Nacom Pejume Diwesitha paeba, bapoxonae barapo tamonae jopa abe payabara paebimchipae pomonae bequein bara jopa abe exanaeyo. ⁸ Xan ponxaein Nacom Tananeitapetsixae taitorobi coyene xeinan xua jiwi tacoya taitorobiwa pentaquei seicae matabitha, jei Jesús, fariseomonaetha.

Meje yabara poxonae Jesús cobe wunaexana pon pecobe mabinchi
(Mr 3.1-6; Lc 6.6-11)

⁹ Poxonae Jesús najume weta xua fariseomonaē tsipaebatsi, bapoxonae Jesús bara weya natsixitabiya ponataba trigo pabi weya. Bapoxonae pona judiomonae pia penacuetutsi bo tatsi beya, bapoxonaeno joniya barapo botha. ¹⁰ Barapo botha pebin eca pon pecobe mabinchi. Baxotarū fariseomonaē ena. Barapo fariseomonaē ichipa piraichi Jesús yainyabatsi xua icha Jesús jume notsina icha jumetha xua bapoxonae Jesús pecui yabara paebinxatsi jiwitha xua Jesús abe exana. Barapo fariseomonaē Jesús jeichichi:

—¿Bara Moisés pia peitorobi coyene jumewathā yabara copata jampa xua pon atene bara axaibi peexanaewatsi pentaquei seicae mataqueitha jampa? jei.

¹¹ Jesús jume nota, jeye:

—¿Jintam metha pon paxam jiwana, pon xeina cae oveja, xua poxonae jopa jutsipae icha barapo oveja muthutha tajoparecatsi? Apra bara awiwa jutsipa pia ovejaxae bara bequein pentaquei seicae matabi taetha. ¹² Nama apra bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanae coyene exaneibina, bara bequein xua poxonae pentaquei seicae matabintha taetha, jei Jesús fariseomonaetha.

¹³ Nexata Jesús barai pontha pon pecobe mabinchi jeye:

—Nacobe doire, jei.

Poxonae bapon nacobe doita, bapoxonae nainya cobe wunaexana tsanaya icha icha cobe ichi. ¹⁴ Bapoxonae fariseomonaē Jesús weya ponarucupa xua Jesús pecui yabara paebinxatsi xua po cui coyewathā Jesús pebexubiwa tsainchi.

Meje yabara xua Jesús peyabara tsiwunaexana cui paebiwatsi

¹⁵ Poxonae Jesús yaputane xua yabara cui paebatsi xua abe exana matautano xua bexubapaebatsi, bapoxonae Jesús bara weya ponataba. Matautano Jesús pinmonaeno puna poinchi. Jesús axaibi exana ducuanabiya daxita pomonae peatenewi. ¹⁶ Matauta Jesús barapomonaetha itoroba,

jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús. ¹⁷ Jesús itoroba pomonae xua axaibi peexanaexae xua jopa peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaías pejume diwesitha bayatha yabara tsiwunaeya tina Nacom nexa pon Nacom peitorobi jume pepaebin. Nacom jeye, Jesús yabara:

¹⁸ “Bapon apara pon inta nacuita, pon itapetan, pon bichocono antobein yawa xua nejuntũ coyene weiweina exana pon.

Taitorobicaein tajumope tũnaxũ xua bapon peyantsiwa tsainchi.

Bapon daxita nacuanpiwitha capona exanaena tapexeinya jume diwesi pomonaetha pomonae jopa judiomonae naexanaeyo.

Barapon barapo pexeinya jume diwesi caponaena, xua pejume cowũntsinexa tsane pomonae poxonae jume taibina barapo pexeinya jume diwesi xua bapoxonae barapomonae tayabara jũntemainenexa abe pia peexanae cuiru coyenein tatsi.

¹⁹ Mataũta bapon jopa jume matsontsonobeibi tsane. Bapon jopa namtsebiya wawai tsaibi tsane namtotha xua jiwi bapon pejume taenexa tsaibi tsainchi, xua bapon pejume naitawatsinexa tsaibi tsainchi.

²⁰ Pomonae jopa peajũntũcoyenesũwi xua tana nejume cowũntsiwa, bapon jopa bebai tsaibi tsane.

Barapomonae capanenebiya tsainchi.

Mataũtano pijimonae tatsi poxonae jũntũ coyene faefaenena, jopa anaya jutebi tsane.

Bara bapon yawenaena barapomonae.

Bapon baxua exanaena xua pijimonae yayawenaponaena beya tsane xua cui amanayabina pia peaitafaetabi jiwichi.

²¹ Mataũta daxita nacuanpiwi jiwanamonae pomonae jopa judiomonae naexanaeyo barapomonae bapon wũnae ewatatsi xua bara bapon barapomonae pecapanenebiwa tsainchi Nacom beicha”, jei Nacom Jesús yabara Isaías pejume diwesitha.

Meje yabara poxonae Jesús baraichi xua pinae xeina Beelzebú pia peayapusũ itorobi coyenewa tatsi

(Mr 3.20-30; Lc 11.14-23; 12.10)

²² Bapoxonae jiwi Jesús tacapatatsi pebin pon muxusipana exainchi cauri, mataũtano xua itata nacũta exainchino. Bapon Jesús axaibi exana. Bapoxonae pebin muxu nasaba, beta necota, mataũtano paebano. ²³ Daxita pomonae cui tane baxua, pocotsiwa Jesús exana, daxita barapomonae yabara najũntũ coyene benaecaeya najei: “Jina, ¿bapon apara David pia pemomoxi susato jiwi jiwana-pin tatsi jampa, pon Nacom yabara wũnae tsiwunaeya paeba xua pinae patopeicaena jampa?” jei.

²⁴ Poxonae baxua fariseomonae jume tane, jeye: “Bapon caurimonae itawetatsi apara pexeinaexae Beelzebú pia peayapusũ itorobi coyenewa tatsi pon caurimonae pia pe ntaçaponaein tatsi”, jei fariseomonae.

²⁵ Jesús yaputane xua fariseomonaе nanta xeina poxonaе natsipaeba baxua, daxota jei fariseomonaetha: “Icha cae nacuapiwi nawepu tsatabe matauta nababe, bapoxonaе jopa xaexaenaecaeyo. Matauta iruru icha cae tomarapiwi nababe, bapoxonaе jopa xapain jinompaeyo barapo tomarapiwi. Matauta iruru icha cae bo matabuxuyomonaеbe nababe, yawa nawepu tsatajopabe bapoxonaе jopa xaexaenaecaeyo. ²⁶ Barichi icha Satanás pijimonaе tatsi nawepu tsatajopabe, matautano nababe, bapoxonaе jopa xaexaenaecaeyo. Satanás jopa itacupaetsi xua itoroba pijimonaе, tsipei amsiya exana. ²⁷ Paxam pana neyabara jam: ‘Apara bapon itaweta cauri tsipei bapon xeina Beelzebú pia peayapusu itorobi coyenewa tatsi, pon Beelzebú caurimonaе pia pentacaponaein tatsi’, pana neyabara jam. Icha baxua bara xainyei, ¿nexata eta po peayapusu itorobi coyeneya tatsi painyamonaе itaweta cauri? ¿Irruru barapomonaе itaweta cauri Beelzebú pia peayapusu itorobi coyenewatha tatsi? Daxota painyamonaе paca yaputane xua apara paxam panaerabame. ²⁸ Ichitha nama xan cauri itawetan Nacom pia pejumope tñaxu tatsi pia peayapusu itorobi coyenewatha tatsi, xua barapo pejumope tñaxu tana necatsixae pia peayapusu itorobi coyenewa. Baxua apara paca tsipaebatsi painya neyaputaenexa xua painya xantha patopan ponxaein Nacom Tananeitapetsin.

²⁹ “Dapon aibi pon itacupaetsi xua botha joniya po botha pon bichocono maxu daunwei pia bo tatsi xua daxita penotsiwa tsane pocotsiwa bapon xeina pon maxu daunwei, icha jopa copiya matha maxu cutanotsiyo. Barapocotsi juta coyeneya ichin. Xan cui amanayaban Satanás daxota neitacupa xua torotsiya itawetan bapon pijimonaе tatsi pomonaе caurimonaе.

³⁰ “Pomonaе jopa neyawenaeyo, barapomonaе apara inta abe exana. Barapomonaе exana xua ichamonaе jopa tana nejume cowuntsiwa tsane. Barapomonaе jopa yawenaeyo xua ichamonaе nenacaetutsina tajiwiwimonaxae tsane.

³¹ “Daxota paca tsipaebatsi xua pocotsiwa jiwi abe peexanae cuiru coyenein exana matautano pocotsiwa xua jiwi abe paeba, barapo coyene Nacom itacupaetsi xua yabara jñntemainaena daxita barapo coyenein. Pon abe yabara paeba Nacom pia Pejumope tñaxu tatsi Nacom bapana jopa yabara jñntemainaе tsane xua bapon paeba. ³² Matautano xan ponxaein Nacom Tananeitapetsin pon abe neyabara paeba Nacom itacupaetsi xua bapon peyabara jñntemainaewatsi pocotsiwa bapon abe neyabara paeba. Ichitha pon nama bichocono abe yabara paeba Nacom pia Pejumope tñaxu tatsi, Nacom jopa bapana yabara jñntemainaе tsane bapon, anoxuae matautano xua bexa tsane”, jei Jesús.

Meje yabara poxonaе Jesús yabara cuiduba xua pinaе jiwi yaputane naе penacoichixae

(Lc 6.43-45)

³³ Equeicha Jesús jeye: “Icha naе po naе pexeinya naе bara nacoita po pethei pexeinya thei. Icha naе po naе peabe naе bara nacoita po pethei camatsa thei. Jiwi ba naе yaputane tsipei po naе penacoichixae. ³⁴ ¡Paxam pomonaе bichocono abe peexanaewi pam! Icha jomomonaе ichi xua abe exana jiwitha bara paichim, abe paexaname jiwitha. Paxam jopa paca itacupaeyo xua xanepanaeya painya nepaеbiwa, tsipei pocotsiwa painya coibototha papaebame barapara baxua painya jñntu coyenetha pacayabara nanta xeiname. ³⁵ Pon ba pejñntu coyene xanepanaein bapon ba xua xanepana paeba, tsipei ba pejñntu coyene xeicaein. Pon ba peajñntucoyenebein bapon ba xua abe paeba tsipei ba peajñntucoyenebein.

³⁶ Ichitha paca tsipaebatsi xua matacabi patopeicaena po mataqueitha Nacom yabara paebina daxita jiwi penatsicuentisiwa abe peexanaexae bapontha. Barapo matacabitha daxita jiwi bewa atene tsane pepaebixae po jumein jopa xanepanaeyo. ³⁷ Poxonae Nacom yabara paebina daxita jiwi penatsicuentisiwa abe peexanaexae bapontha, Nacom tsanaya tsabina pia pepaebixae jumeintha tsane. Pomonae paxam xanepanaya papaebame ichamonaetha poxonae cataunxuae pajinompame po irathe, Nacom xuya paca yabara jei tsane: ‘Barapomonae bara jopa abe exanaeyo’, paca yabara jei tsane. Paxam pomonae bayatha abe papaebame poxonae cataunxuae pajinompame po irathe Nacom xuya paca yabara jei tsane: ‘Maisa barapomonae abe pepaebiwi’, paca yabara jei tsane”, jei Jesús.

Meje yabara poxonae pomonae peajuntucoyenebe jiwi Jesús cui itorobatsi xua peexanaewa tsane pexeinya petsita itutsi coyenewa (Mr 8.12; Lc 11.29-32)

³⁸ Nexata fariseomonae jiwanamonaе iruru pomonae jiwi pecuidubiwi Moisés pia peitorobi coyene tatsi jiwanamonaе, daxita barapomonae Jesús cui itorobatsi, jeichichi:

—Pon jiwi Pecuidubim, paichichipan xua pata taewa tsane xua tapana netsita itutsiwam tsane cae jinya pexeinya netsita itutsi coyenewa pocotsiwa Nacom cacatsina pia peayapusu itorobi coyenewatha. Bapoxonae paca jume cowantsinchi, jei.

³⁹ Daxita barapomonaetha Jesús barai, jeye:

—Pomonae peajuntucoyenebe jiwi iruru pomonae jopa tana nejume cowantsi jiwi barapomonae necui itoroba xua taexanaewa cae coyenewa tapexeinya tsita itutsi coyenewa. Ichitha jopa tsita itutsin tsane icha tapexeinya tsita itutsi coyenewa. Saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa. ⁴⁰ Nacom Jonás itorobatsi Nínive tomarapiwi beya petsipaebinexa Nacom Pejume Diwesi barapomonaetha. Jonás jopa baxua peexanaexae daxota Nacom exana xua Jonás quianaxorecatsi duwein pon pinyo. Bapon barapo pin duwein tsijuntutha eca acoibi po matacabiyobe, matautano acoibi po merawiyobe, beya poxonae equeicha yacabaxotsi xua asu popona. Barichi tsane xan ponxaein Nacom Tananeitapetsin tupaеin. Bapoxonae muthatha nebotsina acoibi po matacabiyobe nexa tsane, matautano acoibi po merawiyobe nexa tsane, beya poxonae equeicha Nacom asu juina neexanaena. ⁴¹ Matacabi patopeicaena po matacabitha Nacom yabara paebina daxita jiwi peperaxa exanaenexatsi penatsicuentisixae abe peexanaexae. Barapo mataqueitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Baxua exanaena tsipei barapo Nínive tomarapiwi icha juntu coyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jiwitha. Bara pocotsi coyenewa toxechiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha. ⁴² Matauta barapo matacabitha tsane petsiriwa, powa caena bayatha tupa, bapowa asiya uncuaena Nacom peitabaratha tatsi. Barapowa pia nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo.

Barapowa yabara cueicueijei tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi, tsipei ajuntacoyenefaetabiya jume tane pocotsiwa Mesías cuiduba bequein Mesías bichocono peyaputaen’, jei tsane barapowa. Barapowa baxua paebina tsipei bapowa bayatha tajw werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaen Nacom yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuanje ponxaein taexanaein pocotsiwa pepa peainya cui coyenewa xua tacuidubin Nacom yabara daxita jiwitha. Barapocotsi coyenewa toxechiya ainya cui coyenewa beyacaincha Salomón po cui coyene exana poxonae cuiduba Nacom yabara barapo petsiriwatha, jei Jesús.

Meje yabara poxonae Jesús yabara paeba cauri xua caewa nauyata pebintha

(Lc 11.24-26)

⁴³⁻⁴⁴ Equeicha Jesús jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. Poxonae caibeya pona cauri caxina, pebin caxinatsi xua xanepanaeya popona. ⁴⁵ Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe beyacaincha bapon pon copiya. Daxita barapo caurimonae pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein. Barichi tsane caurimonae abe cana exanaena pomonaetha pomonae anoxuae jinompa, pomonaetha pomonae peajuntacoyenebe jiwi, icha barapo caurimonae ichi poxonae pebin abe cana exainchi”, jei Jesús.

Meje yabara xua Jesús pena tatsi irurw peyapin jiwi tatsino

(Mr 3.31-35; Lc 8.19-21)

⁴⁶ Jesús cataunxuae cueicueijei tsuncuae poxonae beya irw pena tatsi peyapin jiwi tatsino pata. Daxita barapomonaeyobe pesato beya umena bequein ichichipa Jesús baru cueicueijeichi canta pin bicheito. ⁴⁷ Ichun Jesús baraichi, jeye:

—Ena, irurw neyapin jiwino pesato beya umena. Bepara bequein cataei, necatsipaebinexa tsane, jei bapon.

⁴⁸ Ichitha Jesús jopa bara jume jejeyo, saya jame yainyaba bapontha, jeye:
—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonae pia pepuna jinompaewichi.

⁴⁹ Nexata Jesús pijimonae cowai yawa jei jiwitha:

—Pomonae xua cowan apara barapomonae be taena tsicotan matautano irw be tayapin jiwi tsicotanno. ⁵⁰ Pomonae xua exana pocotsiwa Taxa Nacom itoroba, pon peitabocotha peecaeinxae, barapomonae be tayapin jiwi tsicotan, matautano irw be tayapixi tsicotanno, matautano irw be taena tsicotanno, jei Jesús.

13

Meje yabara poxonae Jesús cuiduba jiwi pecayabara j̄ta pepaebi diwesiyo xua pon pēbin yabara

(Mr 4.1-9; Lc 8.4-8)

¹ Barapo mataqueitha caena Jesús bo weya pona, bapoxonae pucua itapatha ecopa. ² Tsipei pin bicheito nacaetuta Jesthaxota Jesús jeratha nontabiya yawa tsiwiyo nayana toroya bapoxonae ecoundeca. Daxita barapo pin bicheito taetabo mene itapatha umena. ³ Jesús barapo pin bicheito cuiduba pecayabara j̄ta pepaebi diwesintha.

Cae diwesiyotha Jesús namchi, jeye: “Pebin pon pēbin pontaba pia ubichi pabitha. ⁴ Poxonae pon pēbin ubauya, icha xu namtotha xu othopeica. Peyapupunaewi yapata yawa xu xane. ⁵ Icha xu, xu othopeica ibowantha ichaxota ira itafafana. Barapoxonae barapo xu caena nainya xu xuwa tsipei jopa taj̄ xu xuwarecaeyo. ⁶ Ichitha poxonae xometo atsa tsina bapoxonae yaboto tsaquiwa yawa t̄pa tsipei jopa taj̄ tab̄ opina xuwarecaeyo. ⁷ Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. ⁸ Icha xu, xu othopeica ichaxota ira w̄nae. Poxonae barapo xu, xu xuwa, xu naw̄naeta. Icha xun, xu nanacoitapona cien po xu matab̄x̄yobe tsiniya. Icha xun, xu nanacoitapona sesenta po xu matab̄x̄yobe tsiniya. Icha xun, xu nanacoitapona treinta po xu matab̄x̄yobe tsiniya. ⁹ Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

Meje yabara poxonae Jesús namchi xua exua metha pecayabara j̄ta pepaebi diwesiyo yabara jane, jei

(Mr 4.10-12; Lc 8.9-10)

¹⁰ Nexata Jesús pijimonae imoxoyo caquita umenar̄cupatsi yawa yainya-batsi, jeichichi:

—¿Eta xua metha jiwitha paebame pecayabara j̄ta pepaebi diwesin? jei Jesús pijimonae tatsi.

¹¹ Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n xeinaewa. Barapo moya peyaw̄n xeinaewa xua jiwi jopa peyaputaewa apara xua Nacom paca cana exana xua painya nepaca itac̄paewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae pomonae jopa nejume cow̄ntsiyo jopa daichichi. Nacom jopa copatsiyo xua barapomonaeyabara yaputaewa baxua. Daxota barapomonaeyabara cuiduban pecayabara j̄ta pepaebi diwesintha xua Nacom peyabara yaputaenexatsi. ¹² Pon ba be conohta Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cow̄ntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cow̄ntsiwa tsainchi. ¹³ Daxota jiwitha paeban pecayabara j̄ta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane.

¹⁴ Barapomonaeyabara exana bayatha petsiw̄nae cui yabara paebixaetsi, xua bayatha Isaías pon Nacom peitorobi jume pepaebin, petsiw̄nae cui yabara paebixae pejume diwesintha pocotsiwa barapomonaeyabara poxonae baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaputaem tsane xua jopa painya tana nejume cowantsinexam tsane.

Pana necui taename ichitha xaniwaicha jopa bepayaputaem tsane xua painya tana necui yabara jume cowantsinexam tsane.

¹⁵ Paxam bichocono paainya anthatom, xua jopa painya tana neyaputaexae jiwim.

Matautano jopa xanepanaeya pajume taem tsane, be pomonae penamuxujematsi jiwi pam tsane.

Panaichaquetsiname icha be pomonae peitata nacatsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cowantsinexa tsane.

Yawano matauta, baxua paexanaename tsipei jopa bepainya tana necui taewam tsane xua jopa painya tana nejume cowantsinexam tsane.

Matauta baxua paexanaename tsipei jopa bepainya tana neyaputaewam tsane painya itamaiqueitontha.

Matautano jopa painya neauraxae xua abe paexaname daxota jopa paca juntu coyene xanepana exanaetsi’, jei Isaías barapomonaetha xua Mesías nexa”, jei Jesús.

¹⁶ Nexata Jesús pijimonaetha jeye: “Paxam pajuntu coyene weiweiname tsipei poxonae pana necui taneme pocotsiwa exanan bapoxonae pana necui yaputaneme. Matautano pajuntu coyene weiweiname tsipei poxonae pana nejume taneme pocotsiwa paeban bapoxonae pana nejume cowantame. ¹⁷ Xaniwaicha paca tsipaebatsi pin bicheitomonae, pomonae Nacom peitorobi jume pepaebiwi, matautano iruru pomonae pejuntu coyene xeicae jiwi, pomonae caena bayatha jinompa barapomonaetha newunae ewata xua tapatopeicaewa. Daxita barapomonaetha bequein bichocono betaena pocotsiwa pana necui taneme, daichitha jopa baxua taeyo. Matautano bequein bejume taena pocotsiwa pana nejume taneme daichitha baxuan jopa nejume taeyo”, jei Jesús.

Meje yabara poxonae Jesús pijimonaetha muxu yaputane exana po diwesi xua pecayabara jata pepaebi diwesiyo pon peubin yabara (Mr 4.13-20; Lc 8.11-15)

¹⁸ Equeicha Jesús jeye: “Pajume taema xua paca tsipaebatsi pecayabara jata pepaebi diwesiyo xua pon peubin yabara: ¹⁹ Pomonae bequein jume tane po pecuidubi coyenewa xua Nacom tamropata pitaba xua ewatsiya itoroba jiwi, barapomonaetha daichitha jopa yaputaeyo barapo coyenewa. Daxota barapomonaetha jopa xanepanaya exanaeyo icha be pocotsi jata coyeneya ichi xua pexuton xua po xuton namto othopeica. Bara jata coyeneya cana ichichi pomonae jopa yaputaeyo tacuidubiwa. Caurimonae pia pentacaponaein tatsi barapomonaetha omeicha bara juntu coyene weichichi tacuidubi coyenewa daxota barapomonaetha jopa nejume cowantsiyo. ²⁰⁻²¹ Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuanu juntu coyene weiweinaya Nacom jume cowantatsi. Ichitha bara caeto jume cowanta poxoru barapomonaetha antifaetabiya jume jeba Nacom pejume diwesi

pejuntũ coyeneintha. Poxonae yaitama barapomonae bichocono peatenexae, matautano poxonae barapomonae yaitama abe petaexanaexaetsi ichamonae xua pejume cowantsixae Nacom, bapoxonae caurimonae abe exana barapomonaetha xua barapomonae jũntũ coyene wejũntemaina exanatsi xua Nacom pecayabara jũntemainawatsi. ²² Po xuton xua xu othopa pesoiwantha, barapo xuton caunuta xua pomonae Nacom Pejume Diwesi jume tane ichitha saya barompaya pia jũntũ coyenetha jinompa. Matautano saya Ʃ copei cayabara nanta xeina. Matautano saya exana pocotsiwa jũntũ coyene weiweina cana exainchi. Po coyene pebiwi exana baxuan barapocotsi jũta coyene exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi jũta coyeneya ichi barapo jiwi. Jopa xanepanaya Nacom tsita jinompaetsi. ²³ Po xuton xua xu othopeica peira wũnaewatha, bara nacoita. Barapo xuton yabara caunuta pomonae jume tane Nacom Pejume Diwesi, matautano jume cowũntano poxoru jũntũ coyene xanepanaeya jume tane. Matautano beta exana dubenanaebiya beya matapainya jiwi cui tane xua barapomonae bara jũntũ coyene xanepana Nacom peitabaratha tatsi. Bapoxonae ichamonae barapomonae jiwana beta yawena ichamonaetha icha barapo xuto ichi xua cien po xu matabũxũyobe tsiniya tsoponae. Matautano ichamonae barapomonae jiwana beta yawena ichamonaetha icha barapo xuto ichi xua sesenta po xu matabũxũyobe tsiniya tsoponae xua jume cowũnta. Matautano ichamonae barapomonae jiwana beta yawena ichamonaetha icha barapo xuto ichi xua treinta po xu matabũxũyobe tsiniya tsoponae”, jei Jesús.

Meje yabara poxonae Jesús cuiduba pecayabara jũto pepaebi diwesiyo xua trigo xu yabara xua irũ baxoyo xuwina ayabo xu

²⁴ Bapoxonae Jesús equeicha cuiduba jiwi icha pecayabara jũta pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobixaetsi. Bapon yabara paebina daxita jiwi penatsicuentisixae abe peexanaexae. Barapo coyenewa jũpa, icha be pocotsi coyeneya jũta ichi poxonae pebin ba Ʃbapona pabitha peabi xuton po peabi xuton pexeinya xuton. ²⁵ Ichitha poxonae cataunxuae jiwi maitumena, bapoxonae pon pabi pexeinaein pia peitafaetabi jitontsi tapatopatsi pia pabitha tatsi. Bapoxonae bapon ayabo xu taũbarecatsi ichaxoyo Ʃbareca po pexu pexeinya xu. Poxonae nacobe weta xua Ʃba ayabo xu, bapoxonae napitabiya ponataba. ²⁶ Poxonae trigo xu yaothopa bapoxonae irũ ayabo xuwina. ²⁷ Bapoxonae pon pabi pexeinaein baraichi pomonae pia petanacuichixaetsi: ‘Pata Tanecanamataxeinaem, icha bara metha Ʃbame po xu pexeinya xu, ¿naxata eta werena metha ayabo pona xua xuwa?’ jei. ²⁸ Pon pabi pexeinaein jume nota pomonae pia petanacuichiwiwixaetsi jeye: ‘Apara baxua inta exana pon tana neitafaetabi jiton’, jei. Bapoxonae bapon baraichi pomonae pia petanacuichiwichi, jeye: ‘¿Ichichipame xua pata ponaewa tsane bara beya pata xunaenexa barapo ayabo?’ jei. ²⁹ Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu. ³⁰ Bara saya yawa umenaena barapo ayabo beya abũ poxonae yawa nawetsina trigo xu. Tha nexata bapoxonae itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonae trigo xu pejebinxeta tabotha xua trigo xu matabotha’, jei pon pabi pexeinaein”, jei Jesús.

Meje yabara poxonae Jesús cuiduba pecayabara j#ta pepaebi diwesiyo po pe#bi xutiyo pew#n mostaza xutiyo

(Mr 4.30-32; Lc 13.18-19)

³¹⁻³² Equeicha Jesús jiwi cuiduba icha pecayabara j#ta pepaebi diwesiyo, jeye: “Nacom waba jiwi xua petanaexanaenexatsi pijimonaе tatsi, pomonaе itorobiya peewatsixae beya pinmonaе tsoponaе xua pomonaе jume cow#ntapona Nacom. Barapo coyene j#pa icha be poxonaе pebin ichi poxonaе #banota pabitha po pe#bi xuto tsica xutiyo. Barapo xuto xuwa beya pin nae tsoponaе. Barapo nae pepinnaexae daxota siri pemax#ranantha coton exana”, jei Jesús.

Meje yabara poxonae Jesús cuiduba pecayabara j#ta pepaebi diwesiyo xua levadura yabara xua pan cotowa exana

(Lc 13.20-21)

³³ Jesús equeicha cuiduba jiwi icha pecayabara j#ta pepaebi diwesiyo, jeye: “Poxonaе Nacom waba jiwi petanaexanaenexatsi pijimonaе tatsi pomonaе itorobiya peewatsixae barapomonaе pin bicheitomonaе naenaexanapona. Barapo coyene bara j#ta ichi, icha levadura mataw#n ichi pocotsiwa cotowa exana poxonaе pan exana. Petsiriwa tres po tsoropabe trigo xu beno muxuna cauyentaba levadura mataw#n pocotsiwa xua cotowa exana pan. Bapoxonaе pent#b# naexananaya cocotowapona tsipei levadura mataw#n muxunaxuba”, jei Jesús.

Meje yabara poxonae Jesús cuiduba jiwi pecayabara j#ta pepaebi diwesixitha

(Mr 4.33-34)

³⁴ Jesús cuiduba jiwi daxita barapo coyenein xua xuan saya # pecayabara j#ta pepaebi diwesixitha. Jesús jopa cuidubeibiyo poxonaе jopa paebeibiyo pecayabara j#ta pepaebi diwesixitha. ³⁵ Bara barapo coyeneintha Jesús cueicueijejе xua penayabara jume wetsinexa xua bayatha pon Nacom peitorobi jume pepaebin pecui yabara w#nae tsiw#naeya paebixae, xua jeye: “Jiwitha tsipaebin pecayabara j#ta pepaebi diwesintha. Mata#tano muxuna yabara tsipaebin pocotsiwa moya yaw#n xeina xua jiwi jopa peyaputaewa, po coyene caena bayatha moya yaw#n xeina xua poxonaе aena Nacom forota po cae pin nacuathe xua pocotsiwa beya anoxuae tsoponaе”, jei bapon xua saya Jesús tapaebatsi.

Meje yabara poxonae Jesús pijimonaе yaputane exana po pecayabara j#ta pepaebi diwesiyo xua ayabo yabara

³⁶ Nexata Jesús napeyaba pin bicheito jiwimonaе. Bapoxonaе botha joniya. I# baxota Jesús pijimonaе tatsi barapo botha najojoniyar#. Jesús pijimonaе baraichi, jeye:

—Yabara pana neyaputane exande po diwesiyo xua ayabo po ayabo xuwa trigo pabitha, jei.

³⁷ Nexata Jesús namchi, jeye: “Pon #ba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin.

³⁸ Mata#tano po pabitha ichaxota #ba jan, apara jiwi pia j#nt# coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonaе xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonaе caurimonaе pia pentacaponaein tatsi pijimonaе tatsi. ³⁹ Pon #ba po xuton abe xua ayabo xu jan, apara

bapon caurimonae pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Matautano barapo matabitha Nacom yabara paebina jiwi penatsicuentisiwa abe peexanaexae bapontha. Pomonae xua trigo xu, xu siraca jan, apara yabara caunutan matatsunpiwimonae. ⁴⁰ Copiya matha xuexuetapona ayabo petautsinexa isototha. Jiwi bara jutiya ichainchi po matabitha tsane Nacom daxita yabara paebina jiwi penatsicuentisiwa abe peexanaexae bapontha. Matautano barapo cae pin nacue weraweracaena. ⁴¹ Xan ponxaein Nacom Tananeitapetsin itorobin tamatatsunpiwi xua jiwi penotsinexa tsainchi pomonae abe peexanaewi, pomonae xua cana exana ichamonaetha xua ichamona xuya iru abe peexanaenexaru. Barapo matatsunpiwi wenotsina pomonae abe peexanaewi pomonae tajiwiwimonae baru jinompatsi. Barapo abe peexanaewi jopa tamonaeyo pomonae itorobiya tawatsixae. ⁴² Daxita barapo jiwi pomonae abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwi wecoyei tsane matauta baxota nantanuweya nantu jayabina, poxoru bichocono atene tsane. ⁴³ Bapoxonae pomonae exana pocotsiwa Nacom ichichipa barapomonae bichocono pexeinya coicha xeinaena po nacuatha ichaxota Nacom itorobiya ewata piamonae pon barapomonae pia paxaxae tatsi. Po pexeinya coicha xua barapomonae xeinaena, bichocono itupana icha be xometo ichi xua poxonae pentha. Icha pamuxu dubename, moyo pana nejume naitaware pocotsiwa tapaca tsipaebiwatsi”, jei Jesús.

Meje yabara poxonae Jesús pecayabara juta pepaebi diwesiyo paeba xua po peitupanaewa pocotsiwa bichocono ainya matoma xua ira buxupanatha boca panatha

⁴⁴ Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonae pejuntu coyene canamataxeinaexae pon jiwi itorobiya pia pepa peewatsinchi. Barapo coyene bara juta ichi, icha be pocotsiwa peitupanaewa ichi pocotsiwa ainya matoma xua ira buxupanatha boca pabitha. Poxonae pebin barapo peitupanaewa jemeicha ira buxupanatha namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamonae. Bichocono juntu coyene weiweina. Bapoxonae pia botha pona pecaenaetsinexa daxita xua xuan pocotsiwan xeina. Bapoxonae barapo paratixitha comota barapo pabi, po pabitha boca barapo peitupanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntuyapusuwa, icha poxonae pebin ichi xua pitapeitupanaewatsi piraichi daxita caenaeta pocotsiwan xeina”, jei Jesús.

Meje yabara poxonae Jesús cuiduba jiwi pecayabara juta pepaebi diwesiyo xua po warowa pewun perla

⁴⁵ Equeicha Jesús namchi, jeye: “Barichiru yabara paca tsipaebatsi po coyene xua Nacom exanaena pon jiwi ewatsiya peitorobixaetsi po coyene bichocono wanae. Barapo coyene bara juta icha be ichi poxonae jiton warowan matowa jeita. Barapo warowan xua bapon jeita, pewun perla. Bapon jeita pecomotsinexa tsane barapo warowan, po warowan ainya matoman. ⁴⁶ Poxonae bapon cae warowaxuto taebota, po warowaxuto perla matawan xua bichocono ainya matoma, bapoxonae bapon pia botha pona matauta bapoxonae caenaeta daxita xua xuan pocotsiwa xeina. Bapoxonae comota po warowa bichocono ainya matoma, po warowa pewun perla. Bewa barichi jiwi. Bewa jiwi bichocono beita cui jichatsi xua pexeinaenexa

peajuntayapusuwa po peajuntayapusuwa ataya tsiteca, icha poxonae pebin ichi xua pitaperlatsi piraichi daxita caenaeta pocotsiwan xeina”, jei Jesús.

Meje yabara poxonae Jesús cuiduba jiwi pecayabara jata pepaebi diwesiyo xua pecayamonaewa yabara

⁴⁷ Equeicha Jesús namchi, jeye: “Yabara paca tsipaebatsi po coyene xua Nacom exana pon jiwi ewatsiya peitorobixaetsi xua poxonae yabara paebina jiwi penatsicuentsexae abe peexanaexae. Barapo coyene bara jata ichi, icha be pocotsiwa xua xota jiwi yacamona duwei ichi. Jiwi peyacamonaewa xoya pepa mar mentha xua daxita duweimonaein tunto pecapirenaenexa. ⁴⁸ Poxonae bichocono wancaxuba xua peyacamonaewa pomonae peyaxunubiwi taetabo bejutaboreca. Bapoxonae enoundeca, xua naitaabiya tsana pejehebaponaenexa. Po duwei pepa duwei tsana naitaabiya jehebapona corotontha. Po duwei pocotsiwa camatsawan bebai tsoponae. ⁴⁹ Barapocotsi jata coyeneya ichi tsane poxonae matabi patopeicaena, po mataqueitha xua poxonae nacua weraweracaena, matautano Nacom daxita yabara paebina jiwi penatsicuentsexae abe peexanaexae bapontha. Bapo mataqueitha matatsunpiwi patsicaena xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanepanaya peexanae jiwi pia xainya weya tatsi. ⁵⁰ Pomonae abe peexanae cuiru coyene peexanae jiwi bebai tsainchi isototha ichaxota jopa ataya itacounayiyo. Baraxota wecoyeyi tsane matautano baxota nantanuweya nantu jayabina”, jei Jesús.

Meje yabara poxonae Jesús cuiduba jiwi pecayabara jata pepaebi diwesiyo xua pena peitapanaewa yawa xua peru peitapanaewa yabara

⁵¹ Nexata Jesús pijimonae yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonae Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecanamataxeinaemxaem, jei barapomonae.

⁵² Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonae yabara cuiduba ichamonaetha xua po coyene Nacom exana pon itorobiya peewatsin jiwi. Barapomonae xeina ainya diwesi coyenewabe, po diwesi xua xan yabara, peru diwesi poxonae cataunxuae aibin tsica po cae pin nacuathe tsique yabara. Matautano xeina pena diwesi poxonae xua anoxuae poponan yabara. Barapo ainya diwesi coyenewabe barapomonae paeba jiwitha. Barapomonae bara be jata ichi icha be poxonae pon bo pexeinaein ichi. Poxonae piamonae tatsi nantawenona paparuwa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonae nexa, jei Jesús.

Meje yabara poxonae Jesús Nazaret tomaratha popona (Mr 6.1-6; Lc 4.16-30)

⁵³ Poxonae Jesús najume weta xua cuiduba jiwi barapo pecayabara jata pepaebi diwesixi bapoxonae Jesús tomara weya pontaba. ⁵⁴ Bapoxonae Jesús patopa pia tomaratha, po tomara pewan Nazaret tomara. Baraxota Jesús cuiduba jiwi, judiomonaetha pia penacaetutsi botha tatsi. Pomonae jinompa Nazaret tomaratha yabara najuntu coyene cabenaeca xua pocotsiwa Jesús cuiduba. Barapomonae natsipaeba, najei:

—¿Exota metha bapon nacuiduba jane, xua daxota bapon daxita peyaputaen? ¿Jintam metha pia peayapusuwatha tatsi jane, poxonae po petsita

itatsi coyene bapon exana? ⁵⁵ Apará saya bapon pexanto tatsi pon xua pecobe coxonaein xua naepan pematabobiwa. Apará bapon pena tatsi María. Apará bapon Santiago pentapin tatsi, iru José pentapin tatsi, iru Simón pentapin tatsi, iru Judas pentapin tatsi iru. ⁵⁶ Matautano iru pamcho jiwí tatsi apará jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomonae.

⁵⁷ Daxota barapomonae Jesús casebatsi pecui uwixaetsi. Barapomonae uwa tsipei Jesús bichocono peyaputaein. Jesús namchi jiwítha, xua nayabara paeba, jeye:

—Daxita jiwí ba baru cui itura jina pontha pon Nacom peitorobi jume pepaebin. Nama pia nacuapiwi tatsi iru pia bomonae matabuxuyomonaepiwi tatsi barapomonae ba jopa bapon baru cui itura jinaetsi, jei Jesús, xua nayabara paeba.

⁵⁸ Nazaret tomaratha, barapo tomaratha Jesús saya be conotha exana pexeinya petsita itatsi coyenewan tsipei barapo tomarapiwi Jesús jopa jume cowantichi.

14

Meje yabara poxona Juan bexotsi (Mr 6.14-29; Lc 9.7-9)

¹ Bapoxonae caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana.

² Herodes tsipaeba pomonae petanacuichiwxiaetsi pia botha tatsi, xua Jesús yabara paebatsi. Herodes Jesús catsawiya yabara paebatsi, jeye: “Apará bapon Juan, pon jiwí Pebautisabin, pon bequein bayatha tupa, pon equeicha asu juina. Tsipei bapon peayapusu itorobi coyenewa xeina daxota petsita itatsi coyenewa exana”, jei Herodes.

³ Baxua Herodes paeba tsipei caena bayatha Herodes cui itoroba xua Juan pewaetabinexatsi, matautano xua pemaxu cabinexatsi, matautano xua jiwí pecubi botha peetsinexatsi. Baxua Herodes exana tsipei piowa tatsi powa pewun Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabayo.

⁴ Juan bayatha paeba Herodestha, jeye: “Nacom pia peitorobi coyenewa jopa copatsiyo xua nexeinaewa bapowa tsipei ichun piowa tatsi”, jei Juan.

⁵ Daxota Herodes bichocono anaepana. Herodes ichichipa xua Juan pebexubiwatsi. Daichitha Herodes jopa baxua exanaeyo tsipei junuwa, jiwí cunuwatsi. Tsipei daxita jiwí nanta xeina xua Juan apará pon Nacom pia peitorobi jume pepaebin. ⁶ Ichitha poxona Herodes yantacabi jopa po matababitha poxona caena bayatha nowaeuncua, barapo mataqueitha pinmonae nacaetuta xua pexaewa yabara nacaetuta pia xaetsi. Barapo penacaetutsiwi peitutha tatsi Herodías pexantiyo tatsi nawiraba. Herodes baxua bichocono ita cui xanepanatsi. ⁷ Herodes barapowa beya paeba, jeye:

—Nacom peitutha cata tsiwanae yabara paebatsi xua pocotsiwa tacacatsiwa tsainchi pocotsiwa xua tana newucaewam tsane tsipei inta pexeinya penawirabi coyene exaname, jei Herodes.

⁸ Bapoxonae pocotsiwa pena itorobatsi barapowa Herodes wucatsi baxua. Bapowa namchi, jeye:

—Necare Juan pentasipa xua yatabore paratontha, pon jiwí Pebautisabin matasipa, jei Herodías pexantiyo tatsi.

⁹ Ichitha baxua Herodes jume taya wecoyei tsanareca poxoru jopa ichipaeyo xua Juan petupaewa tsane. Tsipei mexeya poxoru bayatha Nacom peitutha peyabara tsiwanae paebixae xua bepa pinae catsina xua pocotsiwa

pewꞆcaewaxae tsainchi, matautano mexeya poxoru barapo pin bicheitha peitutha pepaebixae baxua, daxota itoroba xua bapowa bara catinchi baxua. ¹⁰ Daxota Herodes pomonae petanacuichiwixaetsi, barapomonae Herodes cui itoroba xua Juan pewisi ucuibinexatsi jiwi pecabi botha iya. ¹¹ Bapoxonae barapomonae paratontha matasipa yutabota yawa carendena. Bapoxonae Herodías pexantiyo tatsi catatsi, equeicha barapowayo xuya pena cata, Herodías catatsi, xua peyaputaenexa xua bara cou Juan bayatha tupa.

¹² Nexata pomonae Juan pia pepuna jinompaewichi, barapomonae pata jiwi pecabi botha. Juan petupaein pitatsi. Barapoxonae barapomonae Juan muthutha xotsi. Barapoxonae barapomonae pona Jesús beya xua baxua Jesús peyabara tsipaebinxatsi.

*Meje yabara poxonae Jesús apata pexaewa cinco mil pebiwi
(Mr 6.30-44; Lc 9.10-17; Jn 6.1-14)*

¹³ Poxonae Jesús yaputane xua Juan tupa, bapoxonae compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomaranpiwi pecaie iya pona, ichaxota Jesús ponaena jeratha. ¹⁴ Poxonae Jesús jera wenontounya, bapoxonae Jesús pin bicheito tane. Jesús yabara nanta xeina barapomonae xua peyawenaewa tsane. Bapoxonae Jesús axaibi exana peatenewi. ¹⁵ Tsipei yaitama bayatha tabopiya tsanaichaba, daxota Jesús imoxoyo caquita ume-narucupatsi pijimonae. Barapomonae Jesús baraichichi, jeye:

—Apara bayatha tabopiya tsanaicha. Apara xote bomuxun ajibi. Barapo jiwi itorobare bu tsiqui tomaraxi beya ponaena xua pecomocaenexa pexaewa xua pexaenexa, jei.

¹⁶ Jesús jume nota pijimonae, jeye:

—Apara jopa bewa ponae barapomonae, paxam jame maisa paapare pexaewa, jei.

¹⁷ Jesús jume notatsi pijimonae, jeye:

—Xote jopa pexaewa paxeinaeyo. Saya apara cinco po panyobe paxeinan matauta saya ainyobe paxeinan duweiyobe, jei.

¹⁸ Jesús jume nota:

—Painta xawena baxua, jei. ¹⁹ Bapoxonae Jesús najume caitoroba xua bepa daxita barapo jiwi iratha taenaetsei. Bapoxonae Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Axa, juntu coyene weiweinan xua pexaewa pata tanecatsiwaxaem”, jei. Poxonae Jesús najume weta xua Paxatha tsipaeba, bapoxonae pan epa janaca, yawano duwei epa janaqueba. Bapoxonae Jesús pijimonae caitoroba pexaewa xua pijimonae tatsi xuya pecataponanexa barapo jiwi. ²⁰ Daxita barapo jiwi nabane beya barapo jiwi jain cowantarucupatsi. Bapoxonae Jesús pijimonae tatsi doce po cote matabuxuyobe wunba xua bayatha nacopaba pocotsiwa xua bayatha barapo jiwi jopa xaeyo petonsanaexae. ²¹ Pomonae xua pexaewa nabane barapomonae cinco mil pebiwi. Yabuxino iru nanabane. Matautano pexuino iru nabane. Daichitha jopa ununaetsi pexui matauta yabuxi jopa ununaetsi.

*Meje yabara poxonae Jesús mene matatsun jumatha pona
(Mr 6.45-52; Jn 6.16-21)*

²² Nexata bapoxonae Jesús jera beitorobiya pijimonae, xua pijimonae copiya petsiwana warapaenexa tsainchi icha muxunene beya xua pucua iya. Poxonae barapomonae ponarucupaba bapoxonae Jesús barapo jiwi pu

itoroba xua penawibiyaenexa pia tomaran beya. ²³ Bapoxonae Jesús demxuwa beicha pona xua baxota compa petsipaebineha Nacomtha. Poxonae quirei tsuxubi Jesús demxuwatha compa eca. ²⁴ Poxonae Jesús Paxa tsipaebauya, bapoxonae caena iruru Jesús pijimonae tatsi cataunxuae tuwatha yana pona. Jera maratsaca caewa carena tsaibi tsipei joibo dawerena daunwei. ²⁵ Mataquei wunaeyo Jesús mene matatsun jumatha pona, pijimonae itiya pona. ²⁶ Poxonae Jesús pijimonae taerucupatsi, barapomonae nanthuthu cui coyene nabenaeca. Junuwiya wawaya jeye:

—¡Pai jaibo, jina! ¡Apara dowatsi! jei barapomonae.

²⁷ Jesús pijimonaetha caena nainya tsipaeba, jeye:

—¡Apara xan! ¡Jopa pajunuwinde! ¡Maisa pajuntu coyene weiweinare! jei Jesús.

²⁸ Bapoxonae nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun juma ta-iyenexa nexainya beya, jei Pedro.

²⁹ Jesús jume nota, jeye:

—¡Moya anetha denande! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia xainya beya tatsi. ³⁰ Daichitha poxonae Pedro yabara nanta xeinanareca pin joibo, bapoxonae bichocono junuwanareca. Daxota bapoxonae Pedro yamene jopareca. Bapoxonae Pedro jume daunweya wawaya jeye:

—¡Tanecanamataxeinaem, necapanepare, nepitaxuina! jei.

³¹ Bapoxonae Jesús nainya cobe pitaxuina. Jesús namchi, jeye:

—¡Maisa be conotha neyabara jume cowantame xua bara tana neitacupaewa xua tacayawenaewa tsainchi! ¿Eta xua metha ainya juntu coyeneintha nanta xeiname? jei Jesús.

³² Poxonae Jesús iru Pedro nontabiyabe jeratha, Jesús bapoxonae joibo yainjei tsanaya exana. ³³ Daxita pomonae jeratha ena, barapomonae Jesús wuna jaintatsi. Barapomonae Jesús baraichi, jeye:

—Bara yatsicaya apara xam Nacom Pexantom tatsim, jei barapomonae.

Meje yabara poxonae Jesús axaibi exana pomonae peatenewi, pomonae Genesaret nacuapiwi

(Mr 6.53-56)

³⁴ Bapoxonae Jesús iru pijimonae tatsi jeratha yana enapona beya poxonae Genesaret nacua beya pata. ³⁵ Pomonae baxota jinompa, barapomonae Jesús caena yaitainchi. Daxota barapomonae najume caitoroba ichamon-aetha daxita barapo Genesaret nacuapiwitha beya, xua Jesús pepatopaexae. Bapoxonae daxita jiwi carendena peatenewi ichaxota Jesús pucua itapatha uncua. ³⁶ Barapomonae pomonae peatenewi Jesús jume daunweya wucatsi, xua Jesús bara pecui copatsinexa xua bara petajayabinexatsi pia paparuwa tatsi xua peopirawa. Bapoxonae daxita barapomonae axaibi tsane. Pomonae Jesús pia paparuwa tajayabatsi daxita barapomonae eque-icha axaibi exanatsi pocotsiwa bayatha atene.

15

Meje yabara poxonae Jesús yabara paeba xua pebin abe pia peexanae cuiru coyene juntu coyene webocatsi

(Mr 7.1-23)

¹ Fariseomonaē iru pomonaē jiwi pecuidubiwi Moisés pia peitorobi coyene tatsi, barapomonaē jiwana Jerusalén tomara werendena. Barapomonaē Jesús imoxoyo caquita umenarucupiya yainyabatsi, jeye:

²—¿Eta xua metha jinyamonaē jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonaē pomonaē jinyamonaē barapo cui jopa exanaeyo. Barapomonaē jopa matha tsiwanaya nacobe quiateibiyo poxonaē beya xaiba xua jopa penataxobinexa tsane pia juntu coyenewantha, jei daxita fariseomonaē, iruru pomonaē jiwi pecuidubiwi Moisés pia peitorobi coyene tatsi.

³ Nexata Jesús xuya yainyaba, jeye:

—Iruru paxamdu, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia peitorobi cui coyenewantha tatsi itoroba? ⁴ Jopa bewa paexanaem tsane painya amo susato jiwi pia peitorobi coyenewatha tatsi po peitorobi coyenewatha paca tsita ainya cui bichocono beyacaincha xua Nacom Pejume Diwesi. Tsipei Nacom Pejume Diwesitha jeye: ‘Axatha baru cui itura jinare, iruru enatha baru cui itura jinare’, jei Nacom. Yawa equeicha Nacom jeye: ‘Pon paxa abe yabara paeba matautano xua pena abe yabara paeba, bapon bewa tupaena’, jei Nacom Pejume Diwesitha. ⁵⁻⁶ Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: ‘Jopa neitacupaeyo xua tapaca cayawenaewatsi bara bequein paacopeibim, tsipei daxita pocotsiwa xeinan baxua yabara tsiwanae paeban xua Nacomtha bexa catsin’, xua pejeiwa. Matautano ba pajam: ‘Pon bapocotsiwa paeba, jopa nantawenonaeyo xua paxa yawenaena. Matauta jopa nantawenonaeyo xua pena yawenaena bara bequein acopeibi taetha’, ba pajam. Poxonaē baxua pacaunutsiya paebame paxam pacana exaname xua painya amo susato jiwi pia peitorobi cui coyenewatha tatsi bichocono ainya cui coyene, beyacaincha xua Nacom Pejume Diwesi xua ainya cui coyene. ⁷ Itara mexeya pomonaē xanepanaeya pepaebi jiwi pam, daichitha apara peajuntucoyenebe jiwi pam! Bara apara Isaías caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonaē tina pejume diwesitha:

⁸ ‘Barapomonaē itara be xanepanaeya neyabara paebina jiwitha xua pinae neyabara baru cui itura jina.

Daichitha barapomonaē pia juntu coyenewatha jopa xaniwaicha neyabara baru cui itura jinae tsane.

⁹ Bequein barapomonaē newanae jainteibina poxonaē nacaetuteibina, daichitha baxua jopa yawenaē tsaiibi tsainchi tsipei barapomonaē peajuntucoyenebewi.

Matautano tsipei po peitorobi coyenewatha cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewatha tatsi tsane’, jei Isaías xua paca yabara paeba, jei Jesús.

¹⁰ Nexata bapoxonaē Jesús waba daxita jiwi xua imoxoyo peumende-naenexa. Yawa namchi barapo jiwitha, jeye:

—Pana nejume naitaeware, painya neyaputaenexa pocotsiwa paca tsipae-batsi. ¹¹ Pocotsiwa ba pebin pecoiboto deca tsijain jojonecatsi pexaewan,

bequein jopa tsiwánaeya matha nacobe quiatsiyo poxonaē xaiba, barapo coyene apara ba jopa bapana pebin juntu coyene taxobichi xua poxonaē pocotsiwa pexaexae. Jame pocotsiwa ba pebin pecoibototha caunuta, xua peabe jume barapo jume coyene apara pebin juntu coyene taxobatsi xua poxonaē pecueicueijeixae baxua, jei Jesús.

¹² Nexata Jesús imoxoyo caquita umenarucupatsi pijimonaē. Jesús pijimonaē yainyabatsi, jeichichi:

—¿Bara yaputaneme xua fariseomonaē cayabara muxu coniquiya anaepana, xua nepaebixae baxuan? jei.

¹³ Jesús jume nota pijimonaē, jeye:

—Taxa pon peitabocotha peecaexae xubina pon jopa pejume cowantsinchi. Taxa barapocotsi juta coyeneya cana ichi tsane jiwitha icha pebin ichi xua poxonaē pabitha pona, matauta poxonaē naeyo tabu opina jonta daxita, pexubinexa. ¹⁴ Bara barabu neyabara muxuconacaena, fariseomonaē. Jopa payabara jume naitawatsinde pocotsiwa barapomonaē paeba. Tsipei barapomonaē jopa xanepanaya peyawenaē jiwī ichamonaetha. Barapomonaē barapocotsi juta coyeneya exana, icha be pon peitata nacutsin ichi, xua poxonaē matakapona ichun xua pon peitata nacutsin matakapoinchi. Bapoxonaē barapo cae peitata nacutsinbe napuna joparecabe mathatha deca, jei Jesús.

¹⁵ Nexata Pedro Jesús baraichi, jeye:

—Yabara pana yaputane exande po pecayabara juta pepaebi diwesiyo xua pexaewa yabara, jei Pedro.

¹⁶ Jesús biataeya jume nota pijimonaē, jeye:

—¿Paxam bara paichimdu icha jiwī ichi? ¿Cataunxuae jopa painya yaputae jiwī pamdu? ¹⁷ Bayatha paxam payaputaneme pocotsiwa pebin tsjain jojonecatsi pexaewa pecoiboto deca baraxua jopa juntu coyene taxobichi, tsipei barapo pexaewa jopa ponaeyo pia juntu coyenewatha. Jame barapo pexaewa pecotsorotha pona, bapoxonaē nawexacaeca. ¹⁸ Ichitha pocotsiwa pecoiboto tsina caunuta peabe jume, baxua apara seicaya pejuntu coyene wetsina jume pichapa. Tsipei baxua penanta xeinaē coyenewa, daxota pebin abeya paeba. Daxota Nacom tsitatsi xua bapon peajuntu cuicoyenebein Nacomtha. ¹⁹ Tsipei pejuntu coyene wetsina jume pichapa pocotsiwa abeya penanta xeinaē coyenewan, pocotsiwe meje: Ichun anaya pebexotsi coyenewa, iru ichun piseuri tatsi pepichi coyene, iru peita coxanaē coyenewatsi coyene xua poxonaē penayaputae jiwī naperu nacojoba, iru ichun piawa tatsi pecaibi coyene, iru ichun yabara penaerabiwatsi coyene, iru ichun yabara peaebi watsi coyene. ²⁰ Nacom tsitatsi xua daxita barapocotsi coyenein pebin ajuntu coyenebe exanatsi xua juntu coyene taxobatsi xua daxota jopa itacupaetsi xua beta exana. Ichitha pocotsiwa pebin nabane matautano xua poxonaē bequein tsiwanaya matha jopa nacobe quiatsiyo, barapocotsi coyenein pebin jopa juntu coyene taxobichi Nacom peitatha tatsi, jei Jesús.

Meje yabara poxonaē yabuyo powayo penanapaincha poponaewayo Jesús jume cowantsi

(Mr 7.24-30)

²¹ Nexata bapoxonaē Jesús barapo ira weya warapa Genesaret nacua weya. Matautano pona icha nacua beya po nacua tha ichaxota Tiro tomara eca yawa Sidón tomara ecano. ²² Yabuyo, powayo barapo cananeamonaewayo patopa Jesús pia xantha tatsi. Bapoxonaē barapowa wawaya Jesthatha jeye:

—¡Tanecanamataxeinaem, David pia pemomoxi susato jiwi jiwanam! Neyabara najuntũ cui coyene cananta xeinare, xua tana neyawenaenexam tsane. Taxantiyo inta cauri xeina; inta bichocono atene exanatsi, jei bapowa.

²³ Daichitha Jesús jopa jume notsiyo, saya moya uncu. Nexata bapoxonae Jesús imoxoyo caquita umenarũcũpatsi pijimonae. Mataũtano jume daunweya baraichichi pijimonae, jeye:

—Barapowa itawere, tsipei barapowa waputha jume daunweya wawai, jei.

²⁴ Nexata Jesús jume nota pijimonae, jeye:

—Nacom meisa saya neitoroba Israel piamonae susato saineiwitha pomonae judiomonae xua tayawenaenexa barapomonae, tsipei barapomonae Nacom tsitatsi xua barapomonae nacabeta icha be ovejan ichi xua poxonae pipato napuxanompa, jei.

²⁵ Ichitha barapowa pentabocotha uncu yawa irabe taeuncuareca Jesús peitabaratha tatsi tsipei bapowa barũ cui itura jina peuraxae, yaitama tsipei Jesús pon jiwi pepa Pecanamataxeinaein. Bapowa namchi, jeye:

—¡Pon Tanecanamataxeinaem, neyawende! jei.

²⁶ Jesús jume nota barapowa, jeye:

—Jopa xanepanaeyo icha matha cayawenatsi powayo nenanapaincha poponaewayom poxonae cataunxuae matha jopa yawenaeyo pepa tamonae judiomonae. Icha baxua exanaetsipan, bapoxonae be pitan pexui pia pexaewa taapatsinexa aurimonae, jei.

²⁷ Barapowa Jesús jume notatsi, jeye:

—Aa, bara barichi xuaunxuae netsipaebame ponxaem Tanecanamataxeinaem. Jopa bewa auri catsibi pexui pia pexaewa tatsi, yaitama auri irũ xane pocotsiwa pexui sorobaba barapo pepũrũwixi pocotsiwa pexaethopaewa pebũxũpana tsica. Daxota bara ichiya neichinde: Neyawende, tsipei bara neayapusũ itorobi coyenewa nawita xeiname jinya axaibi exanaenexa judiomonae. Po neayapusũ itorobi coyenewa judiomonae jopa canantawenonaeyo barapo neayapusũ itorobi coyenewatha inta axaibi exande taxantiyo, jei.

²⁸ Nexata Jesús jume nota, jeye:

—¡Yabũyo, maisa bichocono neyabara jume cowũntame xua bara tana neitacũpaewa xua tacayawenaewatsi tsainchi! Bara cata exainchi pocotsiwa aunxuae newũcame, jei Jesús.

Poxonae Jesús baxua paeba, bapoxonae nainya barapo yabũyo pexantiyo tatsi taaxaibi tsuxubichi.

Meje yabara poxonae Jesús axaibi exana pin bicheitomonae peatenewi

²⁹ Nexata bapoxonae Jesús bara weya pona. Galilea pucua itapa iya pona. Bapoxonae demxuwa icha juinya, baxota ecopa. ³⁰ Ichaxota Jesús eca baxota pin bicheito jiwi ayei pata. Barapo bicheito jiwi carendena pejayuyajuyejewi, irũ peitata nacũtsi jiwino, irũ pemuxusipanaewino, mataũta pomonae irũ peacowaebi jiwi xua pomonae jopa xeinaeyo xua xota nacowaeba. Mataũtano irũ icha bicheitomonaeno, pomonae peatenewi. Pomonae peatenewi Jesús pexainya tajibarecatsi. Daxita barapomonae Jesús axaibi exana. ³¹ Poxonae daxita jiwi baxua cui tane, pomonae jopa judiomonae naexanaeyo daxita barapo jiwi yabara cui coyene nanthũthũ cabenaeca. Bapoxonae Jesús xanepanaya peexanaexae, barapomonae Nacom wũnae jaintatsi, po Nacom Israel nacuapiwi pia Nacom tatsi. Daxota barapomonae baxua exana, tsipei Jesús equeicha paeba cana exanaeya exana pomonae pemuxusipanaewi. Mataũta tsipei Jesús taduba exana pomonae bayatha jopa

xeinaeyo xua xota nacowaeba. Matautano tsipei pomonae pejayujayujei jiwi equeicha beta pona. Matautano tsipei pomonae peitata nacutsi jiwi equeicha beta tane.

*Meje yabara poxonae Jesús pexaewa apata cuatro mil pebiwi
(Mr 8.1-10)*

³² Nexata Jesús waba pijimonae, jeye:

—Yabara cui cananta xeinan barapo pin bicheitomonaе tayawenaenexa, tsipei barapomonaе acoibi po maticabiyobe jinompa taxantha, maisa ajibi xua barapomonaе penabanaewa tsane. Jopa jainbotha bepu itorobinyo pia bon beya tatsi, tsipei icha barapomonaе jainbotha pu itorobichipan, metha piyain namtotha xuirabathopaetsipa, jei Jesús.

³³ Jesús baraichi pijimonae, jeye:

—Xote ira xuepana susato tsurucuae nacua ichaxota jiwi ajibi. ¿Eta beya tsijaitinchi pexaewa barapomonaе pomonaе pinmonaexae? jei.

³⁴ Jesús yainyaba pijimonae jeye:

—¿Eta po panyobe paxeiname? jei.

Barapomonaе Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

³⁵ Nexata Jesús pijimonae najume caitoroba xua bepa pinae barapo pin bicheito jiwi iratha taenaetsei. ³⁶ Jesús pecobetha pita barapo siete panyobe yawa duweixino. Bapoxonae Jesús Paxatha tsipaeba: “Axa, juntu coyene weiweinan xua pexaewa pata tanecatsiwaxaem”, jei Jesús. Bapoxonae Jesús pijimonae tsicobe epa nantarabiya jajanaquiya catsibapona xua xuya pijimonae tatsi pecatsibaponaenexa barapo jiwitha. ³⁷ Daxita barapomonaе nabane, beya barapomonaе bichocono jain cowantaracupatsi. Bapoxonae Jesús pijimonae tatsi siete po cotebe wanba pocotsiwa xua barapo jiwi jopa xaeyo petonsanaexae. ³⁸ Pomonaе xua nabane pexaewa barapomonaе cuatro mil pebiwi. Matautano iru yabuxi nanabane matautano iru pexui nanabane, daichitha daxita jopa ununaeyo. ³⁹ Bapoxonae Jesús pu itoroba xua barapo jiwi penawibiyaenexa pia tomaran beya. Bapoxonae Jesús jeratha nontabiya, peponaenexa Magadán nacua beya.

16

*Meje yabara poxonae fariseomonaе iru saduceomonaе Jesús cui itorobatsi pia pexeinya petsita itutsi coyene xua peitabocotha
(Mr 8.11-13; Lc 12.54-56)*

¹ Fariseomonaе iru saduceomonaе, barapomonaе pona Jesús beya xua Jesús pejuntu coyene jujutsinexatsi. Barapomonaе Jesús cui itorobatsi pia petsita itutsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua, barapomonaе pepaebinxaxa tsane xua deta cou Jesús jopa apara Nacom Pexanto tatsi. ² Daichitha Jesús jume nota barapomonaetha, jeye: “Poxonae tabopiya paxam ba pajam: ‘Baya tsane pexeinya maticabi tsane tsipei anoxuae quiripitha itaboco tsobia’, ba pajam. ³ Ichacuitha tsipae poxonae baya, paxam ba pajam: ‘Anoxuae ema duneicaena tsipei itaboco tsaebia yawa ituruna’, ba pajam. ¡Itara mexeya pomonaе xanepanaya pepaebiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wunae yaputaneme. Matautano pexeinya maticabino ba payabara wunae yaputaneme, deta meisa paxam jopa pana neyabara yaputaem matautano jopa payabara yaputaem pocotsiwa exanan tapexeinya tsita itutsi coyenewan.

⁴ Barapo peajuntucoyenebe jiwi iru pomonae jopa tana nejume cowuntsi jiwi, barapomonae necui itoroba tapexeinya tsita itutsi coyenewa pocotsi coyene cana exanan itaboco wetsica daichitha jopa baxua beexanaeinyo pocotsiwa barapomonae necui itoroba. Saya meisa barapo petsita itutsi coyene exanaein, icha be pocotsi coyeneya Jonás cana ichichi pon Nacom peitorobi jume pepaebin xua poxonae pin duweintha tsijuntutha eca acoibi po matabibe beya equeicha poxonae yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acoibi po merawithabe.

Bapoxonae Jesús ponataba, yawa cuenta pona barapomonae.

Meje yabara poxonae Jesús pijimonae yabara yaputane exana, pocotsiwa pan cotowa exana

(Mr 8.14-21)

⁵ Poxonae Jesús pijimonae tatsi icha muxunene beya pona jeratha xua pucua iya, barapomonae junteina xua pan capana. ⁶ Nexata Jesús pewnaeya muxuweta pijimonae xua jopa pejume cowuntsinexa tsane fariseomonae iru saduceomonae pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:

—Dota pam jopa pajume naitawatsinde fariseomonae pia pecuidubi coyenewa tatsi xua painya nejume cowuntsiyainwa. Matauta dota pam xua saduceomonae pia pecuidubi coyenewa tatsi xua painya nejume cowuntsiyainwa. Barapo pecuidubi coyenewan jiwi ichawa beya ajuntucuyeneyapube cana exanapoinchi icha be pocotsi coyene ichi xua levadura matawan xua pan cotowa exanapona beya poxonae pin pan, jei Jesús.

⁷ Poxonae Jesús yabara paeba pocotsiwa xua pan cotowa exana, bapoxonae Jesús pijimonae tatsi catsawiya nanta xeinaeya natsipaeba caemonae, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonae.

⁸ Jesús yaputane pocotsiwa barapomonae natsipaeba, daxota Jesús barai, jeye:

—Pocotsiwa pana natsipaebame xua jopa painya necaponaexae pan, apara poxoru jopa pana nejume cowuntsim. ⁹ ¡Cataunxuae jopa pana necui yabara yaputaem! Paxam pana necui yabara junteinae poxonae cinco mil pebiwi apatan pexaewa xua yabara junteinae poxonae saya cinco po panbe. Matautano pana necui yabara junteinae poxonae equeicha doce po cotebe pawwanbapona pocotsiwa jiwi jopa xaeyo. ¹⁰ Matautano paxam pana necui yabara junteinae poxonae cuatro mil pebiwi apatan pexaewa xua poxonae saya siete po panbe. Matautano pana necui yabara junteinae poxonae equeicha siete po cotebe pawwanbapona pocotsiwa jiwi jopa xaeyo. ¹¹ Matautano jopa payaputaem xua poxonae yabara paca tsipaebatsi fariseomonae pia pecuidubi coyenewa tatsi, iru saduceomonae pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

¹² Bapoxonae matapainya Jesús jume yaputaerucupatsi pijimonae, xua apara yabara paeba fariseomonae pia pecuidubi coyenewan yainwa tatsi, iru saduceomonae pia pecuidubi coyenewan yainwa tatsi. Matautano matapainya yaputaerucupa xua apara Jesús jopa yabara paebiyo pocotsiwa pan cotowa exana.

Meje yabara poxonae Pedro namchi Jesustha jeye: “Xam apara Mesías Nacom caitorobica”, jei

(Mr 8.27-30; Lc 9.18-21)

¹³ Bapoxonae pirapae Jesús pona. Poxonae Jesús patopa Cesarea de Filipino tomara pecuariya xua pepa tomaratha, bapoxonae Jesús yainyaba pijimonae, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

¹⁴ Jesús jume notatsi pijimonae, jeye:

—Ichamonae cayabara jeye: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara jeye: ‘Apara bapon Elías pon equeicha petupaein asu juina’, jei. Iru ru ichamonae cayabara jeye: ‘Apara bapon Jeremías pon equeicha petupaein asu juina’, jei. Iru ru ru ichamonae cayabara jeye: ‘Apara bapon jiwana pomonae Nacom peitorobi jume pepaebiwi’, jei, jei Jesús pijimonae tatsi.

¹⁵ Nexata Jesús pijimonae barai, jeye:

—¿Incane iru paxamdu? ¿Eta pana neyabara jumichimdu xua xan eta pondun? jei Jesús.

¹⁶ Simón Pedro Jesús jume notatsi, jeye:

—Xam apara Mesías. Nacom caitorobica, pon asu popona. Xam apara Nacom Pexanto tatsim, jei Simón Pedro.

¹⁷ Jesús barai, Simón Pedro baraichi, jeye:

—Simón, Jonás pexantom, maisa Nacom cajuntu coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca. ¹⁸ Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawun dutatsi po wun xua jei: ‘Pedro’, jei, po wun caunuta xua jei: ‘iboto’, jei, tsipei ba iboto bichocono mata daunwei. Pocotsiwa xua xainyeya neyabara paebame baxua be iboto coyene jutiya paebame poxonae jam: ‘Xam apara Mesías. Nacom caitoroba, pon asu popona. Xam apara Nacom Pexanto tatsim’, jam. Daxita pomonae xua neyabara jume cowanta barapo pexainyeya jume tana neyabara paebiwathaxaemxae, barapomonae tajiwiwimonae exanaein. Tajiwiwimonae catsin taayapusu itorobi coyenewa xua barapo tajiwiwimonae jopa peamanayabinexa tsainchi pia peaitafaetabi jiwichi pomonae petupae cuiru nacua beya ponaena. ¹⁹ Xam Pedrom, cacatinchi taayapusu itorobi coyenewa xua copiyam tsane caponaename tajume diwesi xua xan yabara ponxaein Mesías, ponxaein Nacom Pexanton. Barapo tajume diwesi caponaename judiomonaetha matautano caponaename pomonaetha pomonae jopa judiomonae naexanaeyo. Matautano xam pon tajitonxaem, pocotsiwa xam jopa copatsim barapo cae pin nacuathe, xua pocotsiwa tamonae exana, baxuan bara iru Nacom jopa copatsiyo pia peitorobi nacua beicha xua barapomonae bara peexanaenexa baraxua. Pocotsiwa copatame xua tajiwiwimonae peexanaenexa barapo cae pin nacuathe, bapocotsiwa iru Nacom copata pia peitorobi nacua beicha xua barapomonae bara peexanaenexa baxua, jei Jesús.

²⁰ Nexata Jesús pijimonae muxu barai xua pijimonae jopa peyabara pepaebinexatsi ichamonaetha baxua xua po coyene bapon apara Mesías.

Meje yabara poxonae Jesús nayabara diwesi paeba po coyene xua petupaewa tsane

(Mr 8.31–9.1; Lc 9.22-27)

²¹ Bapoxonae barapo matabi weya Jesús tamropata pitaba xua pijimon-aetha tsipaeba pocotsi coyene Jesús cana exanaeinchi ichamonae, jeye:

—Bewa ponaein Jerusalén tomara beya ichaxota pitiri jiwi, iruru sacerdotemonae pia pentacaponae tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae bichocono neperaxa jubina. Matautano barapomonae nebexubina. Daichitha poxonae acoibi po matabiyobe tsuxubi tsane equeicha Nacom tatupaein asu neexanaena, jei Jesús.

²² Ichitha bapoxonae Pedro, Jesús baru natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua paebameno, bara! Nacom jopa copatsi tsane xua jiwi cata exanaena baxua, jei Pedro.

²³ Nexata Pedro peitabara beya tatsi Jesús napatomeicha cauncuatabiya namchi, jeye:

—¡Xam newepu natsixitabare, tsipei be Satanám! ¡Nejuntu coyene jujutame xua jopa xanepanaya taexanaewa tsane neaichaxaibixae xua tatsitupaewa tsane jiwi! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsitupaewa tsane jiwi, jei Jesús.

²⁴ Nexata Jesús barai pijimonae, jeye:

—Icha pebin ichichipa xua tajiwiwimonae jiwapan penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwiwimonae jitonxae. ²⁵ Pon naantobeya nata exana pocotsiwa bapon ichichipa, bapon jopa xeinaeyo peajuntuyapusawa, po peajuntuyapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajuntuyapusawa, po peajuntuyapusawa ataya tsiteca xua Nacom pia nacua beicha. ²⁶ Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyenesawa po peajuntucoyenesawa ataya tsiteca, bapoxonae bapon jopa itacupaetsi xua penajuntu coyene capanepaewa xua jopa peweraweracaewa. Tsipei pebin jopa itacupaetsi xua barapo copeitha matomatsina Nacomtha xua bapon pecatsinexa tsainchi peajuntucoyenesawa xua barapoxonae pepatopaewanexa tsane Nacom pia nacua beicha tatsi. ²⁷ Tsipei xan ponxaein Nacom Tananeitapetsin bewa yawa muxuna patopeicaein Nacom pia peitupanaewa tatsi. Matauta matatsunpiwi baru patopeicaein. Daxita carepaya jiwitha catsibin pocotsiwa peyabara cui matomatsiwatsi. Pomonae jopa xapain exanaeyo ichamonaetha xuya barapocotsi coyeneya exanaein xua antomabeya catsin. Pomonae xua xanepanaya exana ichamonaetha pocotsiwa cui itoroban xuya barapocotsi coyeneya exanaein matoma xanepanaya catsibin. ²⁸ Bara xaniwaicha paca tsipaebatsi xua pomonae xote umene barapomonae jiwana abu, copiya matha yabara yaputaena poxonae xan ponxaein Nacom Tananeitapetsin tamropata pitabin xua itorobiya taewatsiwa tsane pomonae tana nejume cowantsiwi, jei Jesús.

17

Meje yabara poxonae Jesús pijimonaе peitutha pexeinya itupanae coicha tsanaya naexana

(Mr 9.2-13; Lc 9.28-36)

¹ Poxonae seis po matabibe jopa, po matabin weya poxonae Jesús paeba baxua, bapoxonae icha matabitha Jesús pona demxuwa beicha. Pedro Jesús baru pona, irano Santiago Jesús baru pona, irano Juan Jesús baru pona, pon Santiago peweicho tatsi. Barapo acoibi poyobe Jesús mataba pona demxuwatha, po demxuwatha bichocono tacha ichaxota jiwaibi.

² Baxoteicha daxita Pedro baru peitutha tatsi Jesús pexeinya itupanae coicha tsanaya. Bichocono itabara daedaena icha be xometo ichi poxonae pentha. Matautano pocotsiwa penama xatatsiwa bichocono inyapana tsanaya icha pecoicha ichi. ³ Bapoxonae Pedro baru taerucupa Moisés iru Elías xua baponbe Jesús baru cueicueijeichibe. ⁴ Bapoxonae Pedro namchi Jesustha, jeye:

—Pata Tanecanamataxeinaem, maisa wunaе xua xote pata umenaewa. Icha ichichipame, bapoxonae pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

⁵ Poxonae cataunxuae Pedro cueicueije, xua Jesús baru cueicueijeichi, bapoxonae daxita barapomonaе bematawacaicha taruneicatsi tsaquinaebowa po tsaquinaebowa bichocono pentha. Nexata barapomonaе tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana. Bapon beta pajume taema pocotsiwa paca tsipaeba”, jei Nacom.

⁶ Poxonae Jesús pijimonaе tatsi jume taerucupa baxua, bapoxonae barapomonaе pia coutha iratha nabebeya, irabe taebobendeca. Barapomonaе bichocono pijunuwi. ⁷ Bapoxonae Jesús pijimonaе imoxoyo caquita uncuataba yawa pijimonaе waruba, jeye:

—Panonobaponde, painya xoba pajunuwame, jei Jesús.

⁸ Poxonae barapomonaе necobarucupa beya meisa Jesús compa uncua, ichamonae aichurubenaе.

⁹ Poxonae Jesús pijimonaе baru duneica demxuwa wetsica, pijimonaе barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita itutatsi, beya abu poxonae xan ponxaein Nacom Tananeitapetsin equeicha asun poponaеin tatupae coyene weya, jei Jesús.

¹⁰ Nexata Jesús yainyabatsi pijimonaе, jeye:

—Pomonaе jiwi pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonaе tatsi.

¹¹ Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Matautano bapon cana exana jiwitha xua jiwi cana juntu coyene weta exanaya exanatsi xua tana nejume cowantsiwa tsane xua tapatopaewa tsane. ¹² Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonae bapon bayatha patopeica jiwi jopa yaitaeyo bapontha pon icha Elías ichi. Saya barapo jiwi bapon abe cana exanatsi be pocotsi coyeneya ichichipa beya poxonae bapon yatsicaya bexotsi. Icha bapon ichichi xua poxonae cana exanatsi, barapomonaе bara neichi tsane ponxaein Nacom Tananeitapetsin. Barapomonaе iru nebexubina, jei Jesús.

¹³ Jesús pijimonaē tatsi matapainya yaputane xua poxonaē Jesús pijimonaē tsipaeba Elías yabara, apara xua Juan yabara paebatsi pon jiwi Pebautisabin.

*Meje yabara poxonaē Jesús cauri taitaweta xua pewowin xeina
(Mr 9.14-29; Lc 9.37-43)*

¹⁴ Poxonaē demxuwa weya pona, bapoxonaē Jesús pijimonaē baru patopa ichaxota pin bicheito jiwi jinompa. Bapoxonaē pebin Jesús imoxoyo caquita uncatabatsi. Bapon pentabocototha uncua Jesús peitabaratha tatsi. Bapon Jesús baraichi, jeye:

¹⁵ —Tanecanamataxeinaem, inta taxanto yabara najuntu coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Matauta isototha inta bebai tsaibichino. Matautano mentha inta bebai tsaibichino.
¹⁶ Bequein barapo taxanto xote caponanje jinyamonaetha yawa janje: ‘Painta taxanto taitawere cauri’, jan, daichitha jopa itacupaetsi xua taxanto petaitawetsinexatsi cauri, jei bapon.

¹⁷ Jesús namchi daxita barapomonaetha, jeye:

—¡Paxam barapomonaē pam pomonaē jopa xapain cataunxuae pana ne-jume cowantsim! ¡Paxam barapomonaē pam, peajuntacoyenebe jiwi pam! ¿Eta po weibe nantawenonan xua bewa tapaca baru ecaewatsi tsainchi xua beya poxonaē tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

¹⁸ Bapoxonaē Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

¹⁹ Bapoxonaē pirapaeyo Jesús compa tsipaebatsi pijimonaē. Jesús je-ichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonaē tatsi.

²⁰ Jesús jume barai pijimonaē jeye:

—Jopa paca itacupaeyo xua painya itawetsiwa cauri tsipei jopa beta payabara jume cowantsim xua Nacom painya nepaca cayawenaewa. Bara xaniyeya paca tsipaebatsi. Icha paxeinaetsipame xua be peya pejume cowantsi coyenewiyo xua bequein, icha mostaza xutiyo jata ichi xua tsica xutiyo, ichitha bara paca itacupa xua urutotha painya nejeiwa: ‘Uruto bara jincoutha natabu jonde, icha ira beya naxore’, xua painya nejeiwa. Bara jopa bayathiyo tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxeiname tapana nejume cowantsiwam xua peya jume cowantsiwiyo. ²¹ Barapo cauri saya paca itacupa xua painya neitawetsiwa poxonaē matha payabara nainbotame matautano poxonaē matha Nacomtha matowa pawucame, jei Jesús.

*Meje yabara poxonaē equeicha Jesús nayabara paeba xua poxonaē tupaena
(Mr 9.30-32; Lc 9.43-45)*

²² Poxonaē cataunxuae Jesús pijimonaē baru popona Galilea nacuatha, pijimonaē tsipaeba, jeye:

—Xan ponxaein Nacom Tananeitapetsin, jiwi necaenaetsina ichamon-aetha. ²³ Bapoxonaē bequein nebexubina, ichitha poxonaē acoibi po matacabiyo yepucaewina Nacom equeicha tatupaen asu neexanaena, jei Jesús.

Bichocono Jesús pijimonaē tatsi anthuthutane, xua poxonaē Jesús pejume taexaetsi poxonaē baxua paeba.

Meje yabara poxonaē Jesús cata paratiyo xua Nacom pin pia bo nexa

²⁴ Jesús baru patopa pijimona Capernaum tomaratha. Bapoxona pomona paratixi penoteibiwi po paratixi judiomona bewa catsibeibina xua Nacom pin pia bo nexa, barapomona Pedro pexainya beya taponatsi. Barapomona Pedro yainyabatsi, jeichichi:

—¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

²⁵ Pedro jume nota, jeye:

—Aa, bepa paca catsei, jei Pedro.

Poxona Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuathe, ¿eta po jiwi wuacatsi paratixi, po paratixi xua jiwi bewa catsibeibina pomonaetha pomona jiwi itorobiya pia pepa peewatsiwichi poxona pomona jiwi itorobiya pia pepa peewatsiwichi wuca? ¿Metha bara piamona matabuxu wuca? Ichacuitha, ¿metha bara ichamona wuacatsi pomona penanapaincha jinompaewi xua icha naca werena peponaewi? ¿Eta pomona cuita wuacatsi? jei Jesús.

²⁶ Pedro Jesús jume notatsi, jeye:

—¡Apara jame wucaetsipa ichamonaetha! jei Pedro.

Equeicha Jesús jume nota, jeye:

—Nexata barapomona jopa wucaeyo piamona matabuxuyo. ²⁷ Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomona jopa wanaca casebinexa, matha mene beya ponde. Curupobo xoyama mentha bapoxona po duwein copiya wana pichina curupobo, pire barapo duwein. Bapoxona barapo duwein coiboto tsina paratiyo taename po paratiyo xua naca yajupabe xua wamatomatsiwabe tsane Nacom pin pia bo nexa. Bapoxona barapo paratiyo caponde pomona paratixi penoteibiwi beya bara careno, jei Jesús.

18

Meje yabara poxona Jesús yabara yainyabatsi pijimona xua pon peainya cui peexanaeinchi

(Mr 9.33-37; Lc 9.46-48)

¹ Nexata bapoxona Jesús imoxoyo caquita umenarucupatsi pijimona, yawa pijimona yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxona Nacom wabina jiwi xua petanaexanaenexatsi pijimona pomona itorobiya pecanamataxeinaexae? jei Jesús pijimona tatsi.

² Nexata Jesús waba pexuyo, yawa pijimona tatsi peitabarayo deca tatsi tacuaranoreca. ³ Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha juntu coyenewa xua jopa pananta xeinaem peainya cui coyenewa yabara. Barapocotsi juntu coyenewa pexui ba xeina xua jopa taayapubetsi poxona nejume cowanta. Bewa pananta xeinaem icha pexui ichi poxona nanta xeina, icha paichichipame xua Nacom painya nepaca wabiwa xua pijimona tatsi painya nepaca exanaewa pomona pamxaem Nacom itorobiya paca ewata. ⁴ Po jiton pon najuntu coyene acaura, xua daxota bichocono Nacom canantawenonatsi xua pejume cowantsiwatsi, bapon jame ainya cui xua pecana exanaewatsi Nacom pijimona tatsi jiwana pin pomona pejume cowantsiwichi pomona Nacom itorobiya peewatsixae. ⁵ Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa

weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae, xua pon bara Nacom, jei Jesús.

Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane

(Mr 9.42-48; Lc 17.1-2)

⁶ “Nacom tsitatsi xua pebin bichocono abe exana poxonae ichan cana exanatsi xua abe peexanae cuiru coyene exana, po barapo ichan pon cataunxuae aena tana nejume cowantsixae. Metha jame wanae tsipae xua barapo pebin pon abeya cana exanaeya taexana ichantha, barapon pin iboto wisi cutsipatsi yawa xua tuwatha xua pin mar mentha barapo iboto cayawa cabutabachipatsino. Tsipei jopa wanae tsipae xua bapon cana exana xua ichamonae abe peexanae cuiru coyene exana pomonae cataunxuae aena nejume cowanta. ⁷ Maisa bichocono jopa xanepanaeyo barapo cae pin nacuathe nexa pomonae abe exaneiba. Barapo cae pin nacuathepiwi ataya xeineiba po jiwi pecana exanaexaetsi xua ichamonae cana exana xua barapo jiwi pecana exanaexaetsi xua ichamonae cana exana xua barapo jiwi abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon abe taexana xua ichan abe exanaeya taexanaetsi.

⁸ “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa tajū beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuatha isoto jopa itacounayiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa tajū beya pana nataxu bebande xua abe painya neexanaeyainwa. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebai tsane ichaxota po nacuatha isoto jopa itacounayiyo. ⁹ Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane painya netaexae painya itamaiqueitha, maisa pana naitamaiquei jucuaire. Yawa tajū beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounayiyo”, jei Jesús.

Meje yabara poxonae Jesús tsipaeba pijimonaе pecayabara jūta pepaebi diwesiyo xua oveja yabara pon penapuxanaein

(Lc 15.3-7)

¹⁰ Equeicha Jesús jeye: “Barapocotsi pexuyo jopa catsa jumeya pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonae aena pejume cowantsiwi Nacom jopa pacayabara jande: ‘Maisa barapomonae jopa peainya cuimonaeyo’, jopa pajande. Paca tsipaebatsi pomonae Nacom pejume cowantsiwi barapomonae nantauta pia matatsunpiwi po matatsunpiwi barapomonae yawenatsi. Barapo matatsunpiwi, Taxa Nacom peitabaratha tatsi tajinompeibatsi pia nacuatheicha, xua barapo

pejume cowantsiwi peyawenaenexa tsaibi tsainchi. ¹¹ Tsipei xan, ponxaein Nacom Tananeitapetsin patopeican tayawenaenexa pomonae jopa pejume cowantsiwi xua barapomonae napaeba tacana exanaewa tsane.

¹² “Pana nejume naitaeware po pecayabara juta pepaebi diwesiyo xua paca tsipaebinchi. Barapo diwesiyo jeye: Jiton ba xeina oveja cien poyobe. Caein tanapuxanatsi. Jiton demxuwatha cuenta pona noventa y nueve poyobe oveja, pewenaweneinexa oveja, pon catsawa jopa, beya matapainya taeba. ¹³ Xaniwaicha paca tsipaebatsi poxonae jiton oveja taeba, bapon bichocono weiweina petaebixae oveja pon catsawa jopa, beyacaincha xua poxonae weiweina poxonae saya noventa y nueve poyobe po ovejamonae jopa catsawa othopaeyo. ¹⁴ Barichi barapocotsi juta coyeneya ichi, Nacom pon Taxa, pon peitabocotha eca, bapon jopa ichichipaeyo xua pebarapentsiwatsi pijiwimonae xua pejume cowantsiwatsi matautano xua bara caeinno iru, pomonae aena pejume cowantsiwixatsi”, jei Jesús.

Meje yabara poxonae Jesús yabara paeba xua jiton eta bichi tsane poxonae cayabara jantemainaena pontha pon abe petaexanaexatsi (Lc 17.3)

¹⁵ Equeicha Jesús barai pijimonae, jeye: “Icha ichan pon iru pejume cowantsindu, icha bapon pacata abe exana, bapon baxua yabara patsipaebare xua bapon peyaputaewa tsane xua deta cou abe exana. Icha barapon paca jume taeya jejei tsane pocotsiwa xua bapon abe exana bara bapoxonae paca itacoxonaena. ¹⁶ Ichacuitha icha ichan pon pejume cowantsindu, icha bapon jopa paca jume cowantsiya jejeyo, bara nexata equeicha pawabare pebinbe nacueyatabe xua yoroba painya netsipaebinexa bapon xua abe peexanaexae. ¹⁷ Ichitha icha awiya bapon jopa cataunxuae paca jume cowantsiya jejeyo, bara nexata barapon pacaponde pomonaetha pomonae Nacom pejume cowantsiwichi, xua barapomonae bapon peyabara paebinexatsi. Icha bapon awiya cataunxuae jopa came jume cowantsiya jejeyo barapomonaetha barapoxonae barapomonae bewa yabara nanta xeinae xua bapon bara be pocotsi jiton pon jopa bapana pejume cowantsin Nacom. Ichacuitha bewa yabara nanta xeinae xua bapon bara be pocotsi jiton jiwana, pomonae peajantacoyenebewi, pomonae paratixi pentoma noteibiwi, po paratixi jiwu bewa catsibeibina pon romanomonae itorobiya pia pepa peewatsinchi nexa.

¹⁸ “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonae tana nejume cowantsiwi, bapocotsiwa bara iru Nacom jopa copatsiyo pia peitorobi nacia beicha xua barapomonae peexanaewa tsane baxua. Pocotsiwa pacopatame xua tajiwimonae peexanaenexa barapo cae pin nacuathe bapocotsiwa iru Nacom copata pia peitorobi nacia beicha xua barapomonae bara peexanaewa tsane baxua.

¹⁹ “Matautano paca tsipaebatsi icha paxam jiwana nacueyatabe barapo cae pin nacuathe icha baponbe peburuaya jupaya yabara nanta xeinabe xua Nacomtha pewucaewabe, baponbe bara baxua taexanaeinhibe pocotsiwa pewucaexaebe xua Taxa Nacom bara taexanaena pon peitabocotha eca. ²⁰ Tsipei ichaxota ba nayantabe xua nacueyatabe poyobe, xua poxonae pewucaenexabe Nacom xua ichacuitha ichaxota acoibi poyobe, xua pomonae taneantobe jiwixae, bara bequein saya caeyobe daichitha xan baxota ba uncueiban iru”, jei Jesús.

²¹ Nexata Pedro Jesús yainyabatsi, jeye:

—Tanecanamataxeinaem, icha inta abe exana pon irurũ jume cowũnta, ¿eta po cuiyobe tsipaebocuaein xua bewa tacui yabara jũntemainaewa tsane pocotsiwa inta abe exana? ¿Metha saya beya poxonae siete po jume cuiyobe tsipae? jei Pedro.

²² Jesús jume nota, jeye:

—Ichitha jopa catsipaebichi xua saya siete po cuiyobetham netsipaebiwa tsane xua jinya necui yabara jũntemainaewa tsane pocotsiwa cata abe exana. Seicaya apara jame catsipaebatsi, xua jopa cuinaya najume baraxubim tsane xua jinya necui yabara jũntemainaewa tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

Meje yabara poxonae Jesús cuiduba pecayabara jũta pepaebi diwesiyo xua pon jopa yabara jũntemainaeyo ichũnthã

²³ Equeicha Jesús pijimonaẽ barai pecayabara jũta pepaebi diwesiyo, jeye: “Anoxuae paca cuidubatsi xua Nacom yabara. Nacom pijimonaẽ bichocono yabara jũntemaina po abe peexanaẽ coyenein pijimonaẽ tatsi exana. Nacom baxua exana icha pebin ichi pon jiwi itorobiya pia pepa peewatsinchi. Bapon wũca xua caewa equeicha pematomatsinexatsi xua po matoman caena bayatha penacowaebixaetsi. ²⁴ Pon jiwi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jiwi itorobiya pia pepa peewatsinchi jopa equeicha caewa tacanawitichi diez millones po paratiximonaẽbe. ²⁵ Barapon pon copiya pon petanacuichinxãe pon jiwi itorobiya pia pepa peewatsinchi nexa jopa xeinaeyo paratiximonaẽ xua pon jiwi itorobiya pia pepa peewatsinchi caewa petacanawichinexa tsainchi. Daxota pon jiwi itorobiya pia pepa peewatsinchi itoroba ichũnthã xua barapo petanacuichinchi caenaetaxubinchi ichũnthã xua ichũn pecomotsinexa tsane xua pon pebusi cui tãetãeinchi pecanaexanaenexa tsainchi. Barapon pon jiwi itorobiya pia pepa peewatsinchi mataũta cui itoroba xua yabũyo pecaenaetsinexa tsainchino, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xeina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi. ²⁶ Nexata pon petanacuichin pentabocototha uncuã pon jiwi itorobiya pia pepa peewatsinchi itabaratha tatsi mataũtano jume daunweya namchiya jeye: ‘Tanentacaponãem, abũ necayabara najũntũ coyene xeinare, xua jopa bepijawa neaitaconaenexa. Barapara bexa daxita pentoman cacatsibinchi’, jei pon petanacuichin. ²⁷ Pon jiwi itorobiya pia pepa peewatsinchi bara yabara najũntũ coyene xeina peyawenaenexa, yawa yabara jũntemaina barapo paratiximonaẽ, mataũtano bara saya pu copata.

²⁸ “Daichitha bapon pon petanacuichinxãe poxonãe pontaba pon jiwi itorobiya pia pepa peewatsinchi weya, jemeicha caxina pia jiton pon penabarũ nacuichinxãe. Pon caxinatsi bapon matoma amanayaba saya cien po paratiximonaẽbe. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotathũ waetaba, muxu penaichatabi. Pon pecoibotathũ waetabixãe bapon jei: ‘¡Equeicha inta caewa canawire xua bayatha nentoma amanayabame!’ jei. ²⁹ Bapoxonaẽ pon coibotathũ waetabatsi pentabocototha uncuã pia jiton itabaratha tatsi, mataũtano jeye: ‘Abũ, neyabara najũntũ coyene xeinare, xua jopa bepijawa neaitaconaenexa. Barapara

bexa pentoma cacatsinchi', jei pon coibotathu waetabatsi. ³⁰ Ichitha pon jiwi itorobiya pia pepa peewatsinchi weya pona bapon aichaxaibi xua abu came pentoma ewatsiwa. Daxota bapon pia jiton capona jiwi pecubi bo beya, beya abu poxonae matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi. ³¹ Poxonae ichamonae pomonae iruru petanacuichiwi baxua cui tane, barapomonae unthathu wecoyei, tsipei ichun pon iru petanacuichin jiwi pecubi botha etatsi. Bapoxonae barapomonae pon jiwi itorobiya pia pepa peewatsinchi beya pona. Barapomonae tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ichuntha pon iruru petanacuichin. ³² Bapoxonae pon jiwi itorobiya pia pepa peewatsinchi itoroba pijimonae xua petawabinexa tsainchi pon petanacuichinxaetsi pontha xua pon peyabara jntemainaexae pocotsiwa penacowaetsixaetsi. Pon jiwi itorobiya pia pepa peewatsinchi bapontha jeye: '¡Maisa pon inta nacuitame maisa bichocono abem! Xan cayabara jntemainsi daxita barapo ainya paratiximonae tsipei tanebaru jumichimxae. ³³ Xam bewa bayatha barichim. Bewa yabara najuntu coyene xeinaem jinya jiton xua nejntemainaenexa pocotsiwa bapon cantoma amanayaba, icha xan ichin xua bayatha cayabara najuntu coyene xeinatsi tacayawenaenexa tsainchi', jei. ³⁴ Pon jiwi itorobiya pia pepa peewatsinchi bichocono anaepana. Daxota bapon cui itoroba ichamonae, xua barapon pon petanacuichinxaetsi caponaeinchi jiwi pecubi bo beya. Baraxota peraxa exanaeinchi xua beya abu poxonae barapon pon petanacuichinxaetsi matoma catsinchi daxita po pentoma bayatha jopa caewa petacanawichixaetsi", jei Jesús.

³⁵ Equeicha Jesús jeye:

—Bara juta coyeneya ichi tsane icha be pon jiwi itorobiya pia pepa peewatsinchi ichi. Poxonae bapon peraxa exana barapo pia petanacuichinxaetsi xua bapon pia jiton jopa pecui yabara jntemainaexae, Nacom pon itaboco peecaein barichi tsane pijiwitha. Nacom exanaena baxua poxonae barapomonae jopa xapain yabara jntemainaeyo pomonaetha pomonae abe petaexanaexaetsi, jei Jesús.

19

Meje yabara poxonae Jesús cuiduba xua jiwi piseurixi pepunapenteibiyainwa.

(Mr 10.1-12; Lc 16.18)

¹ Poxonae Jesús najume weta xua tsipaeba pijimonae, bapoxonae Galilea nacua weya warapa. Bapoxonae Jordán mene deca bara bereca pona, equeicha dabeya barapo Jordán mene, mene epa uncatabiya xua patopa Judea nacuatha, po nacua eca ichaxota pocotsiwa xometo bejopiya xua po nacua Jordán mene weya eca. ² Pin bicheitomonae puna poinchi. Baxotiya Judea nacuatha Jesús axaibi exana peatenewi.

³ Bapoxonae fariseomonae piraichi Jesús imoxoyo caquita ume-narucupatsi xua Jesús pejuntu coyene jujutsinexatsi daxota jeye Jesthathu:

—¿Moisés pia peitorobi coyenewa copata xua pebin piseuri pepunaxubiwa ichi saya poxonae ichipa? jei fariseomonae.

⁴ Jesús fariseomonae jume notatsi, jeye:

—¿Jopa payarobim Nacom Pejume Diwesi? Barapo diwesitha jeye: 'Poxonae aena Nacom forota, Nacom forota pebin yawa forota petsiriwa', jei barapo Nacom Pejume Diwesitha. ⁵ Matauta jeyeno Nacom Pejume Diwesitha: 'Daxota baxuaxae pebin paxa wepu natsata yawa pena wepu

natsata xua piowabe imoxoyo penaperu nacoyobinexabe. Baraponbe be cae jiwimonae naexanabe', jei Nacom Pejume Diwesitha. ⁶ Bapoxonae baponbe xua ainya jiwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

⁷ Nexata fariseomonae Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacupatsi xua pecatsiwa papera piseuri po paperatha tina xua pexubiwa tsane piseuri? jei fariseomonae.

⁸ Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowantsi jiwixae Nacom. Apara caena bayatha Nacom jopa baxua copatsiyo poxonae aena foforatapona jiwi. ⁹ Nama paca tsipaebatsi pon piowa punaxuba xua poxonae yabuyo bequein jopa nasi cui exanaeyo ichantha, icha bapon ichowa pita, bapon abe exana Nacom peitatha tatsi tsipei Nacom tsitatsi xua powa copiya baru popona apara bara piowa tatsi, jei Jesús.

¹⁰ Nexata Jesús tsipaebatsi pijimonae, jeye:

—Icha Nacom jopa copatsiyo xua pebin piowa punaxubina poxonae barapowa saya u exana pocotsiwa pebin aichaxaibi, baxua bichocono ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonae.

¹¹ Jesús barai pijimonae, jeye:

—Daxita jiwi ba jopa itacupaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonae Nacom yabara yaputane exana barapo coyene, barapomonae itacupatsi xua pecana exanaewa barapo coyenetha xua jopa jitha peenaewa. ¹² Barichi acoibi po cui coyenewabe xua pebiwi jopa penotsiwa pecotsiwaxi jiwi. Ichamonae aichaxaibi xua jitha peenaewa tsipei barapocotsi jiwimonae bara yacuiya naexana xua jopa penotsiwa yabuxitha. Ichamonae jopa itacupaetsi xua pecotsiwaxi penotsiwa tsipei bayatha tobu jucuatsi, xua ichamonae tobu jucua. Daxota jopa itacupaetsi xua pexui pecanaexanaewa. Ichamonae aichaxaibi xua pecotsiwaxi nota, peichichipaexae xua saya u peexanaewa pocotsiwa Nacom itoroba. Pon itacupatsi xua peyabara yaputaewa xua pocotsi coyene jopa pepichiwa pecotsiwa, bara moya jopa exanae tsane xua pepichiwa tsane pecotsiwa, jei Jesús.

Meje yabara poxonae Jesús jeye pexuitha: “Barabu Nacom beta paca yawenaena”, jei

(Mr 10.13-16; Lc 18.15-17)

¹³ Nexata jiwi Jesús tacaponatsi pexui xua Jesús pejayabinexa pecobetha yawa xua Nacomtha pewucaenexa barapo pexui nexa xua pejeinexa: “Barabu Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarucupa xua barapomonae cui matawentsi pomonae pexui carendena tsaibi. ¹⁴ Ichitha Jesús jume barai pijimonae, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejantu coyene xanepanaewi icha pexui ichi. Pexui pia cui xua tayapu xanepanatsi xua pia jantu coyeneintha jume cowanta Nacom, jei Jesús pijimonaetha.

¹⁵ Poxonae Jesús nacobe weta xua pexui jayabatsi yawa xua Nacomtha tawuca barapo pexui, xua jeye: “Barabũ Nacom beta paca yawenaena”, jei. Bapoxonae Jesús wepu pona barapomona.

*Meje yabara poxonae pewowin pon copei pexeinaein Jesús tsipaebatsi
(Mr 10.17-31; Lc 18.18-30)*

¹⁶ Pewowin pona xua Jesús petaenexatsi. Barapo pewowin jeye Jesustha:
—Ja Tanecuidubim, maisa nejũntũ coyene xanepanaem. ¿Eta xua copiya matha exanocuaein xua ajũntũyapũyũ tapoponaewa tsane xua ataya tsane? jei.

¹⁷ Jesús jume barai, jeye:

—¿Eta xua nebaram: ‘Nejũntũ coyene xanepanaem’, jam? Apara ichũn dapon aibi pon pejũntũ coyene xanepanaein. Jame meisa apara bapon Nacom compa pejũntũ coyene xanepanaein. Icha ichichipame xua ajũntũyapũyũ nepoponaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

¹⁸ Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—Jopa ichũn bexubinde. Jopa ichowa pichinde ichũn piowa tatsi. Jopa caibinde ichũn piawan tatsi. Jopa naerabiya cayabara paebinde pocotsiwa ichamonae exana. ¹⁹ Axatha barũ jume cui itura jinare. Antobeinde necat-sicuarabũ enaewi icha ichim xua jincoutha naantobem’, jei Moises, jei Jesús.

²⁰ Pewowin Jesús jume baraichi, jeye:

—Daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

²¹ Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaya neexanaewa, matha daxita caenaere pocotsiwa xeiname yawa catsibare pomonaetha pomona peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajũntana botsiwa pocotsiwa bichocono wũnae, jei Jesús.

²² Poxonae barapo pewowin baxua jume taeba bichocono unthũthũ wecoyeya ponataba tsipei bichocono copei pexeinaein.

²³ Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono ayapubecai xua pomona bichocono copei pexeinaewi naexana Nacom pijimona tatsi jiwana pomona Nacom itorobiya peewatsixae. Tsipei barapomona bichocono antasiwayatane barapo pia copei beyacaincha xua Nacom antobetsi. ²⁴ Equeicha paca tsipaebatsi. Bichocono acuiruyapube xua duwein pon pewũn camello xua pejoniyawa acuicheto peetabũ wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimona tatsi jiwana pomona Nacom itorobiya peewatsixae beyacaincha xua poxonae acuiruyapube xua poxonae camello acuicheto peetabũ wan iya pejoniyawa, jei Jesús.

²⁵ Poxonae baxua Jesús jume taerũcũpatsi pijimona, barapomona yabara najũntũ cui coyene cabenaeca, yawa Jesús jeichichi:

—Bapoxonae ¿jintam metha nexata itacupatsi xua penacapanepaewa pia coutha? jei barapomonae.

²⁶ Jesús necotsiya jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

²⁷ Nexata Pedro jeye Jesustha:

—Pata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi. Tsipei baxua bayatha paexanan ¿eta pocotsiwa metha nexata pana necatsiname? jei.

²⁸ Jesús jume nota, jeye:

—Bara xaniyeya paca tsipaebatsi. Po mataqueitha tsane Nacom pena ira exanaena, barapo mataqueitha, xan ponxaein Nacom Tananeitapetsin ecaein tapexeinya itupanae ecaethopaewatha po tapexeinya itupanae cae-caethopaewa bichocono itupana. Paxam pomonae tapana nepuna jinompaewim doce po itupanae eneibithopeibiwatha paenaename painya yabara paebinexam tsane pomonae doce po matabuxnyobe israelmonae pia penatsicuentsiwa abe peexanaexae. ²⁹ Daxita pomonae taneantobe jiwixae xua pecueicueijei tsurubenanaebiyaenexa Nacom Pejume Diwesi, Nacom beta cana exanaena barapomonae. Nacom beta cana exanaena pomonae pia bon pecuenta ponaexae, matauta ichacuitha ichamonae peweicho jiwi pecuenta ponaexae, matautano ichacuitha pamcho jiwi pecuenta ponaexae, matautano ichacuitha paxeiwi pecuenta ponaexae, matautano ichacuitha pena jiwi pecuenta ponaexae, matauta ichacuitha pia pexui pecuenta ponaexae, matautano ichacuitha pia iran pecuenta ponaexae. Barapomonae barapo coyenein exana tana neantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntacoyeneyapuswa, po peajuntacoyeneyapuswa ataya tsiteca. ³⁰ Pomonae xua anoxuae pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

20

Meje yabara poxonae Jesús paeba pecayabara juta pepaebi diwesiyo pomonae uva pabitha petanacuichiwi

¹ Equeicha Jesús tsipaeba pijimonae pecayabara juta pepaebi diwesiyotha, jeye: “Nacom pijimonae matomatsina pia nacuatheicha xua be pematomatsiwa petaexanaexaetsi pia petanacuichiwa tatsi icha pon pabi pexeinaein ichi xua poxonae matoma catsiba pomonaetha pomonae petanacuichixaetsi. Pon pabi pexeinaein caemumbotha pona xua jeita pomonae pia petanacuichinexa tsainchi pia uva bacabo. ² Bapon muxu tsipaeba pia petanacuichiwichi, jeye: ‘Paxam painta nacuire ta uva bacabo, nexata paca matoma catsibebinchí pocotsi paratiyo xua caentaqueitha nexa’, jei. Bapoxonae bapon pia petanacuichiwichi itoroba pia uva bacabo beya. ³ Bapoxonae equeicha bapon pona poxonae xometo taju beequaina xua pejeichinexa ichamonae pomonae petanacuichiwichinexa tsainchi pia uva bacabo. Bapoxonae bapon tane ichamonae, pomonae panatha saya jinompa xua jopa nacuitompaeoyo. ⁴ Bapon barai barapomonae jeye: ‘Paxam iruru

painta nacuire ta uva pabi. Nexata beta paca matoma catsibinchi, xua pocotsi paratiyo po horatha panacuitame nexa', jei. Bapoxonae barapomonae pona pabi beya penacuichinexa. ⁵ Bapon mateinyaxae equeicha pona xua pejeichinexa ichamonae pomonae pia petanacuichiwichi tsainchi. Barichi equeicha poxonae tabopiya pona xua pejeichinexa ichamonae pomonae pia petanacuichiwichi tsainchi. ⁶ Bapon equeicha pona pana beya poxonae xometo iriya ducuaaicha xua pejeichinexa ichamonae pomonae pia petanacuichiwichi tsainchi. Bapon equeicha tane ichamonae pomonae xua jopa iru nacuitompaeyo. Bapon barai barapomonaetha, jeye: '¿Eta xua metha came saya anoxuae paumename po panathe, xua jopa panacuitompaem?' jei pabi pexeinaein. ⁷ Barapomonae jume nota, jeye: 'Canta dapon aibi pon pata tana neitorobiwa tsane', jei. Nexata bapon barai barapomonae, jeye: 'Paxam paponare, iruru painta nacuire ta uva pabi, nexata beta paca matoma catsibinchi xua pocotsi paratiyo po horatha painya nenacuichixae tsane', jei pon pabi pexeinaein.

⁸ "Poxonae quirei tsanaicha pon pabi pexeinaein, bapon itoroba pon pia petayapucaeaeinchi uva pabi, jeye: 'Inta wabare pomonae inta nacuita yawa matoma catsibare. Tamroropata wabaponde yawa matoma catsibaponde. Copiya matha wabare pomonae opi dubena pomonae inta cotacaya nacuita poxonae xometo iriya ducuaaicha, beya poxonae papataponaena pomonae copiya inta nacuita caemumbotha', jei. ⁹ Nexata copiya pata pomonae cotacaya nacuita poxonae xometo iriya ducuaaicha. Daxita barapoyobe pomonae cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuihiyo. ¹⁰ Nexata bara iru bapoxonae pata pomonae tamropata notarucupa xua nacuita poxonae tabopiya, bara barapomonae iru beta matoma catsibatsi pocotsi paratiyo caentaqueitha nexa. Bapoxonae iru pata pomonae tamropata notarucupa xua nacuita poxonae mateinyaxae, bara barapomonae iru beta matoma catsibatsi, pocotsi paratiyo caentaqueitha nexa. Bapoxonae iru pata pomonae tamropata notarucupa xua nacuita poxonae xometo taju bequeina, bara barapomonae iru beta matoma catsibatsi, pocotsi paratiyo caentaqueitha nexa. Bapoxonae iru nama pata pomonae tamropata notarucupa xua nacuita caemumbotha. Barapomonae najei: 'Metha equeicha mataropeichiya naca catsibina paratixi tsipei nacuitatsi caemumbotha', najei barapomonae. Daumetha barapomonae saya matoma catsibatsi, pocotsi paratiyo caentaqueitha nexa. ¹¹ Ichitha poxonae barapomonae matoma nota, itaconacarucupa pontha pon peitorobixae barapomonaetha. ¹² Barapomonae anaya jei bapontha: 'Pomonae nacuita cotacaya, saya cae horatha nacuita, barapomonae matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan', jei barapomonae. ¹³ Ichitha pon pabi pexeinaein jume nota caeintha barapomonae jiwana pintha, jeye: 'Tajiton, apara jopa bara abe pacata exanaetsi. Canaunxuae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi. ¹⁴ Bara jinya matoma pire. Bara nawiyama. Xan ichichipan tacoya matoma catsiban pomonae quiripitha nacuita barapocotsi matoma, pocotsi matoma jupa paca catsibatsi. ¹⁵ Apari xan tawaxae itacoxonan xua tantoma exanaewa. Apari pauwame ichamonae xua jopa taasiwaxae xua tantoma exanaewa ichamonaetha', jei pon pabi pexeinaein.

¹⁶ "Nacom barapocotsi jata coyeneya cana ichi tsane jiwitha icha pon pabi pexeinaein ichi poxonae cana exana pomonaetha pomonae pia

petanacuichiwichi. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane. Pomonae xua anoxuae pomonae xua jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane”, jei Jesús.

Meje yabara poxonae Jesús nayabara paeba acoibi po coyenebetha xua poxonae tupaena

(Mr 10.32-34; Lc 18.31-34)

¹⁷ Bapoxonae pirapae Jesús pona Jerusalén tomara beya. Poxonae cataunxuae Jesús pijimonae baru ecapona namtotha pomonae doce poyobe tatsi, barapo doce poyobe Jesús meisa waba aisowa beya petsipaebinexa.

¹⁸ Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonae pia pentacaponae witha tatsi yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae necaenaetsina ichamonaetha xua ichamonaetha tana nebexubiwa tsane. ¹⁹ Bapoxonae daxita barapomonae necaenaetsina pomonaetha pomonae penanapaincha jinompaewi xua icha nacia werena peponaewi xua barapomonae tana necui caponaenexa. Matautano barapo penanapaincha jinompaewi nebena yawano tupaerucua neexanaena naetotha. Daichitha poxonae acoibi po matabibe yapu jopaena equeicha Nacom asu neexanaena petupae cuiru coyene weya, jei Jesús.

Meje yabara poxonae Jesús wucatsi powa, Santiago pena tatsi xua iru Juan pena tatsi

(Mr 10.35-45)

²⁰ Nexata petsiriwa Jesús imoxoyo caquita uncuatabatsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jesustha. Barapo petsiriwa pentabocototha uncua Jesús peitabaratha tatsi, xua Jesús pewucaenexa tsainchi. ²¹ Jesús barai bapowatha, jeye:

—¿Eta pocotsiwa jinya newucaetsi? jei.

Bapowa Jesús jume notatsi, jeye:

—Poxonae matabi patopaena po mataqueitha itorobiya ewatsiname jiwi barapo mataqueitha cawucatsi xua bara itorobiname barapo taxantobe, xua nantiyabe peecaewa tsanebe xamtha, xua ichun necoxa weya peecaewa tsane, xua ichun netsocona weya peecaewa tsane, jei.

²² Ichitha Jesús baraipe baraponbe, jeye:

—Paxambe jopa payaputaembe xua pocotsiwa pana newucaenamebe. Poxonae ichamonaetha abe inta exanaena bara saya copatsin xua barapomonae bara neperaxa jubina. Barichi poxoru paxambe pana neantobem, ¿bara iru paca itacupabe xua bara pacopatsinamebe xua bara ichamonaetha paca peraxa jubinabe? Barichin bara saya copatsin xua ichamonaetha bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonaetha tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

²³ Jesús jume nota, jeye:

—Bara bara xainyei barapocotsi coyene ichamonae paca cana exanaenabe. Ichamonae paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiya paecamebe xua ichan pocotsiwa tacoxa weya eca, yawa xua ichan tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peenaewa tsane, jei Jesús.

²⁴ Jesús pijimonae pomonae umena, pomonae diez poyobe jume tane xua Santiago iru Juan Jesús wucatsibe. Bapoxonae barapo diez poyobe, Santiago iru Juan yabara anaepanarucupatsibe. ²⁵ Ichitha Jesús pia xainya berena pijimonae waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae, xua daxota bichocono jiwi taayapubetsi. ²⁶ Ichitha nama paxam barapocotsi coyeneya jopa barapaichim tsane. Seicaya nama icha juntu coyenyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina. ²⁷ Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon bewa copiya matha daxita paxam amanaya pacata nacuichina pia coya peichichipaexae. ²⁸ Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apari jopa baxua tsipatopaeinyo xua ichamonae inta penacuichiwanexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe
(Mr 10.46-52; Lc 18.35-43)*

²⁹ Poxonae Jesús pijimonae baru pontaba Jericó tomara weya, bapoxonae Jesús puna poinchi pin bicheito. ³⁰ Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—¡Pon jiwi Necanamataxeinaem, ponxae David pia pemomoxi susato jiwanaipim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

³¹ Barapo peitata nacutsinbe jume matawentatsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—¡Pon jiwi Necanamataxeinaem, ponxae David pia pemomoxi susato jiwanaipim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

³² Nexata Jesús naruntaba yawa wabatsibe ponbe peitata nacutsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

³³ Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe.
³⁴ Nexata baponbe Jesús yabara najuntũ coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jestha napuna ponabe.

21

*Meje yabara poxonae Jesús Jerusalén tomaratha patopa
 (Mr 11.1-11; Lc 19.28-40; Jn 12.12-19)*

¹ Poxonae bara itiya pona Jerusalén tomara, Jesús bara muxu pebaru patopae pijimonae Betfagé tomaratha. Barapo Betfagé tomara demxuwa itapatororotha eca po demxuwa pewun Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwanae. ² Jesús baraibe baponbe, jeye:

—Paponarebe po tomara painya itabaraya equiya. Poxonae papatopae namebe barapo tomaratha pacaxinaenamebe burra pesowato xua pon quetanotatsi yawano xua penun quetanotatsi pon pebto. Barapo burra paisanaxorebe yawa payama carenandebe coxiwa yawa penunno. ³ Icha ichun paca barai tsane: ‘¿Eta xua payama isanaxubamebe burra?’ jei tsane, nexata pajandebe: ‘Pon jiwi Pecanamataxeinaein bepa pata yama cayiaeinjei, tsipei pinae nantawenona’, pajandebe. Nexata bapoxonae nainya bapon paca cobe itorobinabe xua painya neyama carenaenexambe tsane, jei Jesús.

⁴ Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

⁵ “Patsipaebare Sión tomarapiwi.

Pajande: ‘Pataename pon itorobiya painya pepa paca Ewatsin.

Pacata juntea patopaena, xua burriyotha equeicaena, penantha xua burra pesowato coxi tatsi’ pajande”, jei pon Nacom pia peitorobi jume pepaebin, bapon Isaías, xua Mesías yabara paebatsi.

⁶ Nexata Jesús pijimonae jitonbe tatsi ponabe. Matautano baponbe exanabe pocotsiwa bayatha Jesús itoroba. ⁷ Baponbe yama carenabe burra pesowato yawa yama carenabe penun. Baponbe pia paparuwan tsijuma jebicabe po paparuwan matha weruyabe coxiwathano yawa penanthano. Bapoxonae Jesús equeica penantha. ⁸ Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jejabapoinya. Ichamona peaxu ucuboba po axu icha coichaxu axu ichi. Bapoxonae barapo axu, namtotha axu jejabapoinya. Daxita barapomona barapo coyene exana xua Jesús pebaru cui itura jinaenexa tsainchi. ⁹ Pomona, xua Jesús tsiwana enapoinchi iruru pomona Jesús peputha taenapoinchi daxita barapomona bichocono jume daunweya wawaya jeye:

—¡Pai jayana, barabu jiwi baru cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Maisa Jesús pon jiwi itorobiya pia pepa peewatsinchi, maisa wuna! ¡Bapon patopa Nacom peitorobixae! ¡Maisa Nacom bichocono wuna jaintatsi pon athabeicha eca! jei barapomona.

¹⁰ Poxonae Jesús patopa Jerusalén tomaratha, daxita barapo tomarapiwi najume cayayatsiya paeba. Cae bicheitomona nayainyaba, jeye:

—¿Jintam metha bapon jane? najei.

¹¹ Ichamonae jume nota, jeye:

—Apara bapon Jesús pon Nacom pia peitorobi jume pepaebin, pon Nazaret tomarapin po tomara eca Galilea nacuatha, jei ichamonae xua iru ichamonae jume notatsi.

Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi

(Mr 11.15-19; Lc 19.45-48; Jn 2.13-22)

¹² Bapoxonae Jesús joniya Nacom pin pia botha, yawa aisowa benapuna torobabiya pomonae caenaeta baxota. Jesús tabu tayebiya bebai iratha pocotsiwa pexaethopaewan, po pexaethopaewantha nantiya nacatsiba paratixi yawa xua tabu tayebiya bebai iratha peenaewan po peenaewan ichaxota ena pomonae caenaeta topibo. ¹³ Jesús barai barapomonae:

—Nacom Pejume Diwesitha namchi, jeye: ‘Tabo apara po botha jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname ichaxota pijunuwi nantsiyabeibathopa tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebinexatsi, jei Jesús.

¹⁴ Barapo Nacom pin pia botha tatsi, Jesús imoxoyo caquita ume-narucupatsi pomonae peitata nacatsiwi. Iruu Jesús imoxoyo caquita ume-narucupatsi pomonae pejayujayujeiwi. Jesús axaibi exana daxita barapomonae. ¹⁵ Sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi, daxita barapomonae tane pocotsiwa Jesús exana pia pexeinya petsita itatsi coyenewatha. Daxita barapomonae jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barabu jiwi baru cui itura jinaena bapon pon David pia pemomoxi susato jiwana pin tatsi! Pon jiwi yabara jei: ‘Bapon David pexanto tatsi’, jei”, jei pexui. Bapoxonae daxita pomonae sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi anaepana poxonae Jesús cui tainchi yawa xua jume tainchino. ¹⁶ Daxita barapomonae jopa ichipaeyo xua pexui paeba, daxota anaya Jesús jeichichi:

—¿Bayatha jume taneme xua baxua pexui cayabara wawaya namchi? jei barapomonae.

Jesús jume nota barapomonae, jeye:

—Aa, bara bayatha jume tan xua pexui newuna jainta. Paxam bayatha payorobame Nacom Pejume Diwesi xua pexui bara cui copatatsi xua barawuna pejaiteibiwa tsane. David pexui yabara jeichichi Nacom Pejume Diwesitha, jeye:

‘Xam Nacom, cana exaname pexui poxi isainatsi,
iru poxi jinompena, xua barapoxi pexeinya
weixi cayabara caununaya naxuna
poxonae cawuna jainchina’,
jei David Nacom Pejume Diwesitha,
jei Jesús daxita barapomonaetha.

¹⁷ Nexata Jesús daxita barapomonae wepu pona Jerusalén tomara weya. Bapoxonae Betania tomara bewarapiya. Baxota merawi maiteca.

Meje yabara poxonae Jesús biatane higuera nae xua jopa penacoichixae
(Mr 11.12-14, 20-26)

¹⁸ Poxonae Jesús caemumbotha equeicha caibe iya Jerusalén tomara beya, bichocono jainpa pona. ¹⁹ Bapoxonae Jesús imoxoyo namtotha taenota higuera nae. Imoxoyo caquita pona piyain, pia taetsi pethei. Daichitha barapo naetha Jesús jopa taeyo pethei, saya ɯ noxu tane. Nexata Jesús biataenota higuera nae, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae ɯnuncua. ²⁰ Poxonae Jesús cui tainchi pijimonae baxua barapomonae yabara najuntɯ coyene cui cabenaeca bichocono. Yawa Jesús yainyabatsi pijimonae, jeye:

—¿Eta xua metha higuera nae nainya ɯnuncua? jeichichi Jesús pijimonae.

²¹ Jesús jume nota pijimonae, jeye:

—Bara xaniyeya paca tsipaebatsi. Icha xanepanaya payabara jume cowuntame xua Nacom painya nepaca cayawenaewa xuano xua jopa ainya ɯnthɯton paxeinaem bara paca itacɯpaena xua painya nepaebiwa icha ichin xua cana exanan higuera nae. Mataɯtano bara paca itacɯpaena xua painya nejeiwa uruto beya xua pajam: ‘Uruto natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane. ²² Daxita xua xuan pocotsiwan Nacom beya pawɯcame, icha bara xanepanaya pajume cowuntsiya wɯcame, bara Nacom paca catsibina baxuan, jei Jesús.

*Meje yabara xua Jesús pia peitorobi coyenewa xeina
(Mr 11.27-33; Lc 20.1-8)*

²³ Nexata bapoxonae Jesús joniya Nacom pin pia botha tatsi. Poxonae cataunxuae Jesús baxota cuidubuncua jiwi, bapoxonae Jesús imoxoyo caquita umenarɯɯpatsi sacerdotemonae pia pentacaponae wi tatsi irɯ judiomonae pia pitiri jiwi tatsi. Daxita barapomonae Jesús yainyabatsi, jeye:

—¿Eta po peayapusɯ itorobi coyenewatha cuidubame baxuan? ¿Jintam cacata barapo peayapusɯ itorobi coyenewa?

²⁴ Jesús jume nota barapomonae, jeye:

—Xan irɯrɯ tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusɯ itorobi coyeneyatha taexanaewa baxuan. ²⁵ ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paebatsi pon caena bayatha tɯpa.

Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús. ²⁶ Jiwi cui cunuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonae jiwi naca casebichipa anaya. Tsipei daxita jiwi Juan yabara jume cowantatsi xua bapon apara pon Nacom pia peitorobi jume tatsi pepaebi jiton”, najei barapomonae. ²⁷ Nexata barapomonae Jesús baraichi, jeye:

—Canta jopa payaputaeyinyo, jei barapomonae.

Nexata Jesús barai barapomonae, jeye:

—Nexata barichin tsane, jopa yabara paca tsipaebi tsainchi po peayapusɯ itorobi coyeneyatha xua daxita taexanaewan, jei Jesús.

Meje yabara poxonae Jesús cuiduba pecayabara jɯta pepaebi diwesiyo xua pebin ainya pexantobe tatsi

²⁸ Equeicha Jesús namchi Nacom pin pia botha daxita barapomonaetha, xua sacerdotemonae pia pentacaponae witha tatsi, irɯ judiomonae pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebinchi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei. ²⁹ Bapon jume notatsi pexanto jeye: ‘Bara, aichaxaibin’, jeichichi bapon pexanto. Daichitha equeicha bapon pexanto tatsi nanta xeinataba, bapoxonae pona xua penacuichinexa uva pabi, paxa tatsi pia pabi tatsi. ³⁰ Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantotha. Bapon paxa jume nota, jeye: ‘Je, moya daichane, methaunxuae ponaein’, jei paxatha. Daichitha bapon jopa ponaeyo. ³¹ Incane yabara paca yainyabinchi xua bapon barapo pexantobe tatsi, zeta po pewowinda pon exana pocotsiwa paxa itorobatsi? jei Jesús.

Barapomonae Jesús jume notatsi, jeye:

—Pon copiya paxa itorobatsi, jeichichi Jesús barapomonae.

Nexata Jesús jume barai barapomonae, jeye:

—Bara xaniyan yabara paca tsipaebatsi, pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, iruru yabuxi powaxi pesi cui weiweinaewaxi. Bara bequein barapomonae peantucoyenebewi, daichitha barapomonae naexanaena Nacom piamonae tatsi jiwana tatsi, beya poxonae paxam iru panaexaname Nacom piamonae tatsi jiwana tatsi. ³² Juan pon jiwi Pebautisabin patopa xua pia nepaca cuidubinexa xua pocotsiwa bewa paexanaename painya nexainaenexa tsane po juntu coyene pexanepanae juntu coyene. Daichitha paxam jopa pajume cowantsim pocotsiwa Juan paeba. Ichitha Juan yabara jume cowantatsi pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchichi nexa. Iruru yabuxi powaxi pesi cui weiweinaewaxi Juan yabara jume cowantatsi po coyene Nacom Juan peitorobiwatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonae abe paexaname. Daxota icha juntu coyene jopa paxeinaem xua painya nejume cowantsinexa Nacom, jei Jesús.

Meje yabara poxonae Jesús paeba pecayabara jata pepaebi diwesiyo pomonae xua abe exana, pomonae petayapucaenaewi uva pabi

(Mr 12.1-12; Lc 20.9-19)

³³ Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara jata pepaebi diwesiyo. Matha iruru pebin pia pabi xeina. Bapon uba po unbo pewan uva cuei unbo. Yawano yapu curarata barapo uva pabi ibowantha xua jopa pejojondenaenexa ichamonae barapo pabitha. Yawano baxota ibo fetoto exana, xua barapo ibo fetotha pecubinexa uva cuei. Matautano baxota exananota bo po bo tacha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona. ³⁴ Barapo matacabi tsuxubi po matacabitha uva cuei naweta. Bapoxonae barapo mataqueitha pomonae pabi petayapucaenaewi jiwana itapetanota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya, pomonae pabi petayapucaenaewichi. ³⁵ Ichitha barapomonae, pomonae pabi petayapucaenaewichi teica, teiquebatsi pomonae itorobatsi, pomonae pabi pexeinaein itoroba uva pabi petayapucaenaewichi tatsi beya. Barapomonae pomonae petayapucaenaewi pabi, cuainta caeintha pomonae penajume

carutsi jiwichi jiwanapintha. Ichun bexotsi. Ichun ibotontha cuinbabatsi.
³⁶ Pon pabi pexeinaein barichi equeicha itoroba ichamonae pomonae pia petanacuichiwichi. Equeicha barichi pomonae pabi petayapucaenaewi bara jatiya cana exana barapomonaetha.

³⁷ “Bara nama matapainya pexanto itoroba. Bapon najei: ‘Barapomonaetha taxanto inta yabara baru cui itura jinaeinchi, daxota itoroban bapon’, najei bapon. ³⁸ Dapo jumetha pomonae pabi petayapucaenaewi poxonae bapon tainchi barapomonaetha najei: ‘Apara bapon paxa copiniwa pichina. Daxota bapon bu bexotsi xainya xeinatsi barapo uva pabi’, najei barapomonaetha. ³⁹ Barapo pexanto tatsi uva pabi juma bema xu cayiyatsi. Baxotiya bexotsi”, jei Jesús.

⁴⁰ Nexata Jesús barai barapo jiwi Nacom pin pia botha, jeye: “Poxonae pabi pexeinaein patopaena, zeta be cana ichi tsane pomonaetha pomonae barapo uva pabi pia petayapucaenaewichi?” jei Jesús.

⁴¹ Barapomonaetha Jesús jume notatsi, jeye:

—Bapon bewa jutebina barapomonaetha, jopa weyatae tsane barapomonaetha xua peantucoyenyapube jiwixae. Bapoxonae itorobina ichamonae xua petayapucaenaenexa tsainchi barapo uva pabi. Barapo pabi petayapucaenaewi matha notsina uva cuei xua naweta. Bapoxonae tsabina pabi pexeinaein nexa yawa iru barapomonaetha nexa, jei barapo jiwitha pomonae peenaexae Nacom pin pia botha.

⁴² Nexata Jesús barai barapomonaetha xua nayabara paeba, jeye:

—¡Paxam bara bayatha payorobameba Nacom Pejume Diwesitha! Barapo diwesitha neyabara caunuta poxonae iboto yabara paeba, xua jeye:

‘Pebiwi pomonae ibo bon peacabiwi,
 barapo pebiwi xuba po iboto tabu caboca
 po iboto peainya cui iboto.

Ichitha Nacom itapeta barapo iboto xua
 petabu cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana’,
 jeichichi, jei Nacom Pejume Diwesitha
 xua neyabara caunuta.

⁴³ Daxota paca tsipaebatsi, Nacom paca itawetsina xua jopa painya nenaexanaenexa tsane Nacom piamonae jiwana tatsi pam. Barapo coyenewa xua Nacom piamonae jiwana tatsi penaexanae coyenewa Nacom pichina painya xainya weya xua ichamonaetha pecatsinexa pomonaetha pomonae petsita juntu coyene xanepanaewichi. ⁴⁴ Incane iboto yabara paca tsipaebinchi. Barapo ibototha poxonae ichauyo jopeica pepu wixi tsanaya. Matautano poxonae barapo iboto ichauyo matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jata coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonaetha daxota peraxa exanaein, jei Jesús.

⁴⁵ Sacerdotemonaetha pia pentacaponae tatsi iru fariseomonaetha, poxonae jume tane barapo pecayabara jata pepaebi diwesi, xua Jesús paeba, barapomonaetha yaputane xua apara bara Jesús yabara paeba barapomonaetha.

⁴⁶ Bequein barapomonaetha Jesús muxu pewaetabichi, ichitha barapomonaetha junuwa. Jiwi cunuwatsi, tsipei daxita jiwi Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

22

Meje yabara poxonae Jesús cuiduba pecayabara jata pepaebi diwesiyo xua pin penabanaewa peexanaewa tsane
(Lc 14.15-24)

¹ Equeicha Jesús tsipaeba jiwitha pecayabara jata pepaebi diwesiyo, jeye:

² “Nacom cana exana piamonaetha pomonae juntu coyene itorobiya ewata, icha pocotsin ichi pon jiwi itorobiya pia pepa peewatsinchi poxonae waba, xua poxonae ichamonaе wabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae. ³ Barapon pon jiwi itorobiya pia pepa peewatsinchi itoroba pomonaе pia petanacuichiwichi xua petawabinexa tsainchi pomonaе xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonaе aichaxaibi xua pepatsiwa tsane. ⁴ Bapoxonaе barapon pon jiwi itorobiya pia pepa peewatsinchi equeicha itoroba ichamonaе pomonaе pia petanacuichiwichi, jeye barapomonaetha: ‘Pomonaе bayatha tsiwaban pexaewa xua penabanaenexa painta tsipaebare pajande: Bepa pinae nainya papatsim, tsipei pinae bayatha pexaewa canacui wunaeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponnem bara beya xua painya nenanabanaenexa pexaewa, yaitama tsipei pinae pexanto tatsi pichina pecotsiwa, pajande’, jei barapon pon jiwi itorobiya pia pepa peewatsinchi. ⁵ Daichitha barapomonaе pomonaе tsiwabatsi pexaewa, barapomonaе jume naitemata, saya meisa u naitomatsiya exana piawan. Barapomonaе jiwana pin pia pabitha pona. Iru ichun piawa caenaetauya. ⁶ Ichamonaeru teica, pomonaе pon jiwi itorobiya pia pepa peewatsinchi itoroba, barapomonaе teicatsi. Yawano bichocono abe exainchi beya poxonaе nama werapa. ⁷ Nexata bapon pon jiwi itorobiya pia pepa peewatsinchi bichocono caseba pomonaе petajutebixaetsi pomonaе bapon itoroba. Nexata bapon itoroba pia soldadomonaе xua barapomonaе xuya pejutebinexa tsainchi matauta xua tomara petatautsinexa tsainchi. ⁸ Bapon pirapae equeicha barai ichamonaetha pomonaе pia petanacuichiwichi jiwitha, jeye: ‘Bayatha bequein daxita wetan xua penabanaewa tsane, daichitha pomonaе waban jopa xanepanaya nejume jejeyo daxota jopa bewa patsi tsane xua penabanaenexa. ⁹ Daxota paponde tomara namtontha, po namtontha pin namtontha, baxotiya pomonaе poxonaе pacaxibeibame, barapomonaе painta wabare’, jei bapon. ¹⁰ Pomonaе petanacuichiwi, barapomonaе pona namton beya. Bapoxonaе barapomonaе, daxita pomonaе caxiba namtontha, matacayiya pon jiwi itorobiya pia pepa peewatsinchi pia bo tatsi beya. Pomonaе abe peexanaewino carendenatsi, pomonaе xanepanaya peexanaewino carendenatsi, beya poxonaе bo tutu nayucaxuba.

¹¹ “Nexata pon jiwi itorobiya pia pepa peewatsinchi bo tutu joniya petaenexa tsane pomonaе pata. Bapon itabara tane pebin xua iruru pon baxota eca. Ichitha barapo pebin pexeinya paparuwa jopa nama xatatsiyo icha be jopa ichiyo ichamonaе, tsipei ichamonaе pexeinya paparuwa nama xataba xua po paparuwa jiwi ba nama xataba poxonaе pona penacae-tutsiwatha xua penabanaenexa pexaewa poxonaе pebin pecotsiwa pita. ¹² Pon jiwi itorobiya pia pepa peewatsinchi barai bapon, jeye: ‘Tajiton, zeta xua metha xote naecame xua matauta jopa pexeinya paparuwa nama xatatsim?’ jei bapon. Ichitha bapon saya moya eca. ¹³ Bapoxonaе pon jiwi itorobiya pia pepa peewatsinchi barai pomonaetha pomonaе pexaewa

carena tsaibi pexaethopaewatha, jeye: ‘Bapon pacobe caecunta cure yawa pataxu caecunta cure, yawa aisowa beya paxore ichaxota quirei. Baxota bapon wecoyei tsane yawa baxota nantanuweya nanta jayabina, bichocono peatenexae tsane’, jei pom jiwi itorobiya pia pepa peewatsinchi. ¹⁴ Barapon pon jiwi itorobiya pia pepa peewatsinchi bequein pinmonae waba ichitha saya tsiquimonaeyo pata penabanaewatha. Icha barapon ichi Nacom bara jata coyene ichiya cana ichi tsane jiwi. Nacom bequein waba pin bicheitomonae, daichitha saya tsicamonaeyo itapetatsi, pomonae Nacom pijimonae tatsi penaexanaenexa tsane”, jei Jesús.

Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonaе itorobiya pia pepa peewatsinchi (Mr 12.13-17; Lc 20.20-26)

¹⁵ Nexata fariseomonaе pona Jesús weya, caemonaе natsipaeba najei: “¿Eta po peyainyabiwa Jesús taexanaeinchi xua catsawa wanaca jume notsinexa? Bapoxonaе waxainchi xain yopitatsi ichamonaetha xua bapon abeya wanaca jume notsiwaxae”, najei fariseomonaе. ¹⁶ Bapoxonaе barapomonaе itoroba pia pepuna ponaewichi, matautano barapomonaе itorobano pomonaе Herodes pia pepuna jinompaewichi. Daxita barapo matabuxayobe pata Jesthа pomonaе fariseomonaе itoroba. Barapomonaе Jesús beya jeye:

—Pon jiwi Necuidubim. Bara payaputan xua bara jume xainyeya tsi-paebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonaе cuidubame poxonaе bequein jiwi jopa ichichipaeyo baxua, tsipei xam daxita jiwi bara catsita najupa. ¹⁷ Incane yabara pana netsipaebare xua nanta xeiname xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaе itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacia werena peponaein? Icha jopa tsipae ¿metha daxua abe tsipae? jeichichi Jesús barapomonaе pomonaе fariseomonaе itoroba.

¹⁸ Daichitha Jesús yaputane xua bichocono barapomonaе abeya nanta xeina xua Jesús abe pecanaexanaenexa tsainchi. Jesús barai barapomonaе, jeye:

—Paxam pomonaе itara mexeya xanepanaya pepaebiwi pam, daichitha abeya pepaebiwi pam. ¿Eta xua metha pana nejuntu coyene jujutame poxonaе baxua yabara pana neyainyabame? ¹⁹ Incane moya painta xawena tha taetsi barapo paratiyo, jei Jesús.

Bapoxonaе barapomonaе barapo paratiyo Jesús tacapoinchi. ²⁰ Poxonaе Jesús tane barapo paratiyo, bapoxonaе yainyaba barapomonaе, jeye:

—¿Jintam pejumopere? ¿Yawano jintam wun ducuae? jei Jesús.

²¹ Nexata Jesús jume notatsi barapomonaе, jeye:

—Apara romanomonaе itorobiya pia pepa peewatsinchi, jei barapomonaе.

Nexata Jesús barai barapomonaе, jeye:

—Bara nexata romanomonaе itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

²² Poxonaе barapomonaе jume tane xua Jesús beta xanepanaya jume nota, bapoxonaе barapomonaе yabara najuntu cui coyene cabenaeca. Bapoxonaе ponarucupa Jesús weya.

Meje yabara poxonae Jesús yabara yainyabatsi po coyene xua equeicha asu pomonae pewerapebiwi

(Mr 12.18-27; Lc 20.27-40)

²³ Bapoxonae caena barapo mataqueitha saduceomonae jiwana pata Jesús pia xantha tatsi xua Jesús piraichi petsipaebinexatsi. Saduceomonae barompaya pia pecuidubi coyenewa xeina xua pinae pomonae pewerapebiwi equeicha jopa asu tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota barapo saduceomonae Jesús tsipaebatsi jeye:

²⁴ —Pon jiwi Necuidubim, Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. ²⁵ Barichi, matha iruru cae peweicho caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapin coseuri pita xua bapoxonae pentapin pecoutha pexui pexeinaenexa. ²⁶ Bapon iru cuenta tupa, iru jopa xeinaeyo pexui. Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona bapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. ²⁷ Bapoxonae matapainya iru bapowa tupa. ²⁸ Xam Jesús, ba paebame, ba jam: Matabi jopaena po matabitha Nacom asu exanaena, xua jiwi asu exanaeinchi muthun wetsina, ba jam. Poxonae barapo matabi jopaena xua daxita jiwi asu jujuinaena, barapo matabitha jintam metha bapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

²⁹ Nexata saduceomonae Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi. ³⁰ Poxonae petupaewi equeicha asu jujuinaena, jopa jitha eenaponae tsane. Yawa barapomonae jopa pexantixi jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwimonae Nacom pia nacuatheicha jinompa, xua po matatsunpiwi jopa jitha enaeyo. ³¹ Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonae pewerapaewi equeicha asu jujuina. Barapo diwesitha Nacom jeye: ³² ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. Baxua Nacom paeba tsipei Abraham iru Isaac iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi xua caewa equeicha asu pejinompaewi, pomonae pejume cowuntsiwixaetsi Nacom barapomonae jame pia Nacom tatsi, pon itabocotha eca, jei Jesús.

³³ Poxonae jiwi jume tane pocotsiwa Jesús cuiduba, barapomonae yabara najuntu cui coyene cabenaeca.

⁴⁶ Daxita barapomonae jopa itacupaetsi xua Jesús pejume notsiwatsi tsainchi, poxonae pinae David paeba xua pinae jei: ‘Bapon Mesías Tanecana-mataxeinaein’, jei. Bara nama barapo matabitha weya, equeicha nama Jesús jopa bepeyainyabiwatsi barapomonae.

23

Meje yabara poxonae Jesús muxuweta jiwi xua pomonae fariseomonae iru pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi

(Mr 12.38-40; Lc 11.37-54; 20.45-47)

¹ Nexata Jesús barai pin bicheito jiwi iru pijimonae, jeye: ² “Pomonae jiwi pecuidubiwi Moisés pia peitorobi coyene tatsi iru fariseomonae daxita barapomonae pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba. ³ Pacui yabara jume cowunde pocotsiwa barapomonae pia pecuidubi coyenewan tatsi. Matautano paexande pocotsiwa barapomonae paca itoroba. Daichitha jopa paexanaeinde pocotsiwa barapomonae exana tsipei barapomonae itara beta pepaebiwi daichitha yabara jume toxeinchiya catsawiya exana, barapo peitorobi coyenewan. ⁴ Barapomonae be pocotsimonae poxonae ichamonae itorobatsi xua pecaponaewa pocotsiwa arewe, pocotsiwa jiwi bapana jopa itacupaetsi xua pecaponaewa. Daichitha barapomonae jopa yawenaeyo pocotsiwa ichamonae itorobatsi. Matautano barapomonae jopa tayoichaeyo cae cobesitiyotha. Icha barapomonae ichi poxonae ichamonae itorobatsi xua pecaponaewa pocotsiwa bichocono arewe, barapocotsi juta coyeneya ichi pomonae jiwi pecuidubiwi Moisés pia peitorobi coyene tatsi, iru fariseomonae, daxita barapomonae itoroba pia pecuidubi coyenewatha pocotsiwa paxam painya neexanaenexa. Ichitha barapomonae jopa exanaeyo baxua. Pocotsiwa barapomonae paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan. ⁵ Barapomonae ichichipa nawita xua jiwi pecui taewa tsane pocotsiwa poxonae barapomonae exana xua bapoxonae jiwi penanta xeinaenexa xua barapomonae bara pejuntu coyene xanepanaewi. Daxota barapomonae tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxutha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Matauta barapomonae nama xataba po paparuwan bichocono apipiya deca, beyacaincha xua poxonae ichamonae nama xataba po paparuwan apipiya. ⁶ Matauta barapomonae nanta caxunaeneiba ichaxota nanta caxunaeneiba pomonae peainya cui jiwi penaexanaewi. Matautano barapomonae judiomonae pia penacaetutsi bontha ichichipa nawita xua nanta caeneiba ichaxota enathopeiba pomonae peainya cui jiwi penaexanaewi. ⁷ Matauta barapomonae ichichipa xua jiwi pejacobeibiwa tsane namtontha barapomonae aetha, xua jiwi pebaru cui itura jineibinexa barapomonae. Matautano barapomonae ichichipa nawita xua jiwi ainya cui pecana exanaewa barapomonae poxonae jiwi pejei tsaibinexa ‘Pomonae jiwi pecuidubiwi’ poxonae pejei tsaibinexa jiwi.

⁸ “Ichitha nama paxam jopa bewa pacopatsim xua bara jiwi jacobiya paca necajei tsaibinexa: ‘Pata pecuidubi jiwi pam’, paca necajei tsaibinexa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam be caemonae jiwi pam,

saya jame panantaŭtame bara caein pon ainya cui penaexanaein painya itaŭtha. ⁹ Pomonae po irathe jinompe jopa bewa wabi pajam ‘Axa’, jopa bewa pajam xua painya baru cui itura jinaexae pomonae jopa bequein barompaya painya axeiwi. Painya xoba jiwi baxua bara pajume copatame, tsipei paxam panantaŭtame bara caein painya Axa, pon pabarū cui itura jiname pon peitabocotha eca. ¹⁰ Mataŭtano jopa bewa pacopatsim xua bara jiwi jacobiya paca necajei tsaibiwa: ‘Pata necanamataxeinaewi pam’, paca necajei tsaibiwa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam panantaŭtame bara caein pon painya Necanamataxeinaein, jame apara bapon meisa Cristo. ¹¹ Icha pon paxam jiwana, icha bapon ichichipa naexana be pocotsin canamataxeina ichamonae bapon matha bewa copiya daxita paxam beta amanaya pacata nacuichina. ¹² Pon xua pia coutha peainya cui jiton naexana pejuntū coyenetha, Nacom exanaena xua bapon pecui pawī jiton naexanaena. Ichitha pon xua pecui pawī jiton naexana, pejuntū coyenetha, Nacom exanaena xua bapon peainya cui jiton naexanaena.

¹³ “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irū pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam acuicoyenyapubeya paexaname xua poxonae jiwi bequein ichichipa naexana Nacom piamonae tatsi jiwana. Paxam jopa pajume cowantsim Nacom yawa jopa pacopatsim xua ichamonae irū pejume cowantsiwa Nacom.

¹⁴ “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irū pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Powaxi pecuenta werapaewaxichi piseurixi, barapowaxi pacueranta ename pia bon. Naemata Nacom pawūqueibame. Jopa cuinaya pana najume copababeibim poxonae pawūqueibame Nacom tsipei paichichipame nawita xua jiwi xanepanaya paca necayabara paebiwa xua bara cou paxam pejuntū coyene xanepanae jiwi pam. Daxota poxonae po mataqueitha Nacom yabara paebina daxita jiwi penatsicuentiwa barapo mataqueitha Nacom bichocono paca peraxa jūbina, beyacaincha poxonae peraxa jūbinchi pomonae pacuidubame.

¹⁵ “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irū pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam tajū beya paponame daxita carepayan beya, xua painya cana exanaenexa ichuntha xua bapon pejume cowantsiwa tsane painya necuidubi coyenewan xua bapoxonae bapon be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyo, icha paca cana ichi tsane poxonae paca bebai tsane barapo nacuatha.

¹⁶ “¡Paxam abe peexanae jiwi tsobenaem! Paxam barapocotsi coyeneya jūta panacana exaname, icha be pon peitata nacutsin ichi xua poxonae ichun matacapoinchi pon irū peitata nacutsin. Paxam ichamonae ba pacuidubeibame ba pajam tsaibim: ‘Icha ichun nayabara cui wūnae tsimuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wunthaxae tatsi, poxonae jei, baxua ba jopa ainya cuiyiyo poxonae ichun nayabara cui wūnae tsimuxu duta bapocotsi wuntha’, ba pajam tsaibim xua ichamonae poxonae pacuidubeibame. Mataŭtano ba pajam

tsaibim: ‘Icha ichun nayabara cui wanae tsimuxu duta xua jeye: Xaniwaicha bara exanaein pocotsiwa xua catsipaebatsi oro nainto wantha pocotsiwa daedaena po oro nain coroton Nacom pin pia botha tatsi eca, poxonaе jei, baxua ba xua bapon exana bapocotsi wantha, baxua jame ainya cui poxonaе barapon barapo wantha nayabara cui wanae tsimuxu dubeibina’, ba pajam tsaibim poxonaе pacuidubeibame. ¹⁷ ¡Paxam barapocotsi coyeneya juta panacana exaname, icha be pomonaе matasipa daunwei ichi poxonaе jopa beta jume cowantsiyo Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsi ena. Tsipei barapo oro nain poxonaе aisowa beequiya Nacom pin pia bo weya jopa ainya cuiyiyo. Jame saya meisa poxonaе bo tututha eca bapoxonaе ainya cui barapo oro nain, tsipei barapo bo ainya cui cana exanatsi. ¹⁸ Matauta ba pajam tsaibim: ‘Icha ichun nayabara cui wanae tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa wantha xua ichaxota duwei tauteiba xua tuxusi exaneiba Nacom nexa, poxonaе jei, baxua ba bapon jopa bewa exanaе poxoru baraxua xua be pexaethopaewa jopa ainya cuiyiyo poxonaе ichun nayabara cui wanae tsimuxu duta bapocotsi wantha’, ba pajam tsaibim poxonaе ichamonaе pacuidubeibame. Matautano ba pajam tsaibim: ‘Icha ichun nayabara cui wanae tsimuxu duta xua jeye: Xaniwaicha bara exanaein pocotsiwa xua catsipaebatsi duwei wantha po duwei xua bocopiya ichaxota xua be pexaethopaewa wantha, poxonaе jei, baxua ba bapon jame bewa exanaе poxoru po duwei xua bocopiya ichaxota xua be pexaethopaewa, baxua jame ainya cui poxonaе bapon barapo wantha nayabara cui wanae tsimuxu dubeibina’, ba pajam tsaibim poxonaе pacuidubeibame. ¹⁹ ¡Paxam barapocotsi coyeneya juta pana cana exaname, icha be pomonaе matasipa daunwei ichi poxonaе jopa beta jume cowantsiyo Nacom! Pocotsiwa xua be pexaethopaewa ichaxota duwei tauteiba xua tuxusi exana Nacom nexa, poxonaе tauta baraxua xua be pexaethopaewa bichocono ainya cui, beyacaincha ainya cui poxonaе duwein aisowatha bexuba xua saya pexaenexa. Tsipei duwei saya ainya cui poxonaе pocotsiwa xua be pexaethopaewatha bocopiya poxonaе petuxusi exanaewa tsane Nacom nexa. Bapoxonaе barapo duwein ainya cui, tsipei baraxua xua be pexaethopaewa ainya cui cana exanatsi. ²⁰ Daxota pon nayabara cui wanae tsimuxu duta xua be pexaethopaewa wantha, xua ichaxota duwei tauteiba xua tuxusi exaneiba Nacom nexa, saya meisa jopa barapo wanthiyo, matautano jame nayabara cui wanae tsimuxu dutsina duwei wantha, po duwein baxota bocopiya. ²¹ Matautano pon nayabara cui wanae tsimuxu duta Nacom pin pia bo wantha tatsi, saya jopa meisa barapo wanthiyo, matautano jame nayabara cui wanae tsimuxu dutsina Nacom pewantha tatsi. Tsipei bara Nacom pin pia bothaxae eca. ²² Daxota pon nayabara cui wanae tsimuxu duta itaboco wantha, saya meisa jopa barapo wanthiyo, matautano jame nayabara cui wanae tsimuxu dutsina Nacom pia pexeinya peecaethopeibiwa tatsi wantha beicha matauta Nacom pewantha tatsi pon baxoteicha eca.

²³ “¡Paxam pomonaе Moisés pia peitorobi coyene painya necuidubi jiwi pam tsobenaem! ¡Paxam pomonaе fariseomonaе pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam ba caewaxi pajiwana wetsabeibame xua painya catsibeibinexa Nacom poxonaе diez xoyobe paxeineibame xua pocotsiwa painya neubiwan. Barichi pacana exaname tsiqui xutixitha po xutoxi pewun menta, matautano po pexuno pewun anís barichi matautano po pexuno pewun comino. Bara bequein barapo coyene paexaneibame, daichitha jopa

paexanaem pocotsiwa bichocono ainya cui coyenewa pocotsiwa Nacom pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara najuntũ coyene xeinaename painya neyawenaenexa jiwi. Matautano jopa paexanaem po cui coyenewatha xua pana cana exaname xua beta painya nejume cowuntsinexa Nacom. Daxita barapo coyenein jame maisa paexanare, muxuna pa-eexanaponde po coyene copiya pa-eexanaponame, po coyene poxonaē pajiwana nonotaponeibame poxonaē pocotsiwan diez xoyobe paxeineibame, xua pocotsiwa painya neabiwan. ²⁴ Paxam barapocotsi coyeneya jũta pana cana exaname, icha be pon peitata nacũtsin ichi xua poxonaē ichũn matacapoinchi pon irũrũ peitata nacũtsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi jũta coyeneya paexaname icha jiton ichi poxonaē mera mene caewata paparuwatha xua pichixi pemuxuna apaeyainwa, daichitha apara yawa apareca xua xuan poxi peconoxi.

²⁵ “iPaxam pomonaē Moisés pia peitorobi coyene tatsi painya necuidubi jiwi pam tsobenaem! iPaxam pomonaē irũ fariseomonaē pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaē jiwi pam. Paxam jopa ba juniya paexaneibim poxonaē meisa panaperũ iquicame. Daichitha bũpana iya painya jũntũ coyenetha pecaibi coyene paxeiname, peuwi coyeneno paxeiname. Be barapocotsi jiwi pam pocotsimonaē coroton saya matawacaicha iquica yawa paratonno, ichitha atutuxuira bichocono. ²⁶ Paxam fariseomonaē pam, pocotsi jiwimonaē pam pomonaē be peitata nacũtsi jiwi pam. Copiya matha pana najuntũ cui coyene barapende barapo painya neajuntũcoyenebewan, bapoxonaē jame xanepanaya painompaename.

²⁷ “iPaxam pomonaē Moisés pia peitorobi coyene tatsi painya necuidubi jiwi pam tsobenaem! iPaxam irũ pomonaē fariseomonaē pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaē jiwi pam. Jiwi ba inyapana exana xua pocotsiwa jiton petũpaein peyamũthũ acatabiwatsi. Bequein bara baxua inyapana daichitha xua matha bocareca bichocono ayei xua jiton petũpaein. ²⁸ Barapocotsi jũta coyeneya paexaname, icha be pocotsi coyene peayeiwa ichi xua jiton petũpaein. Bequein panaperũ wũnaetame, daichitha painya jũntũ coyene abe bichocono. Bequein jiwi paca yabara nanta xeina poxonaē paca cui tane xua paxam deta cou pejũntũ coyene xanepanaē jiwi pam Nacomtha, daichitha painya jũntũ coyene bichocono paajũntũcoyenebem. Matautano bara bequein paxam itara mexeya xanepanaya pepaebi jiwi pam, daichitha apara abeya pepaebi jiwi pam.

²⁹ “iPaxam pomonaē Moisés pia peitorobi coyene tatsi painya necuidubi jiwi pam tsobenaem! iPaxam pomonaē irũ fariseomonaē pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaē jiwi pam. Paxam petũpaeiwi pomonaē Nacom pia peitorobi jume pepaebiwi payamũthũ acabame boutixi. Matautano pomonaē pejũntũ coyene xeicaē jiwi payamũthũ itũpana exaname. ³⁰ Matauta naerabiya pana najam: ‘Icha caena bayatha jinompaetsipatsi poxonaē wamo susato jiwi jinompa metha jopa cueicha yawenaetsipaetsi poxonaē barapo Nacom peitorobi jume pepaebiwi jutebatsi’, pana najam. ³¹ Barapo jumetha poxonaē baxua pacaunutame, barapara barapo cui coyene paexaname, icha painya amo susato jiwi ichi poxonaē barapo jũntũ coyeneya exana poxonaē

jutebatsi Nacom pia peitorobi jume pepaebiwi. ³² ¡Painya amo susato jiwi abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha painya amo susato jiwi ichi poxonae tamropata notarucupa xua barapo Nacom pia peitorobi jume pepaebiwi jutebatsi.

³³ “¡Maisa paxam pomonae pemuxitorobi jiwi pam! ¡Daxota be jomomonae pacui jupame poxoru jomo ba cuitaya ducupa nawa! Bara paichim anoxuae bequein paichichipame xua Nacom pacuitaya ducupame xua abe paca exanaeyainwa. Ichitha Nacom paca itorobina ichaxota isoto jopa itacounayiyo. Jopa papanenebiyaem tsane barapo isoto weya. ³⁴ Itorobicaein painya xantha pomonae taitorobi jume pepaebiwi. Matauta itorobicaein pomonae peyaputaewi. Matautano itorobicaein pomonae jiwi pecuidubiwi Moisés pia peitorobi coyene tatsi. Ichitha barapomonae pajiwana jutebiname. Ichamonae naetotha pacobe matabobiname painya jutebinexa tsane. Ichamonae judiomonae pia penacaetutsi bontha tatsi pabename. Daxita carepaya tomarantha abe pacana eexanaponaename pomonaetha pomonae taitorobi jiwi. ³⁵ Daxota Nacom paca cana exanaena xua paca peraxa exanaena xua daxita pomonae pejuntũ coyene xeicae jiwi pejujutebaponaexaetsi painya nacuatha. Painya amo susato jiwi jujutebapona pomonae pejuntũ coyene xeicae jiwi. Copiya matha Abel bexotsi pon pejuntũ coyene xeicaein pon bequein jopa abe exanaeyo, beya poxonae iruru Zacarías bexotsiru pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncua pocotsiwa be pexaethopaewa xua ichaxota tuxusi exana Nacom nexa xua iru baxota uncua pepa Nacom pia boyo tatsi xua naitama taeuncuabe. ³⁶ Bara xaniwaicha paca tsipaebatsi pomonae xua anoxuae pajinompame bichocono paca peraxa jubebina tsipei daxita paxam barapara Nacom tsitatsi xua paxam patsita xeiname penatsicuentsiwa xua painya amo susato jiwi pejujutebaponaexae pomonae pejuntũ coyene xanepanae jiwi xua iruru paxam painya nejutebaponaexaeru”, jei Jesús.

*Meje yabara poxonae Jesús Jerusalén tomarapiwi siwa wecoyeichi
(Lc 13.34-35)*

³⁷ Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam pajutebeibame pomonae Nacom pia peitorobi jume pepaebiwi! ¡Matauta paxam pajutebeibame ibotontha pomonae Nacom pacata itoroba! ¡Maisa be paca caetucae-tuteibinchi, tapaca cayawenaewatsi tsainchi, icha wacara ichi poxonae naxoxi caetucae-tuteta pecuarafetha! ¡Maisa be barichocuaein tsane, daichitha jopa paichichipaem! ³⁸ Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. ³⁹ Paca tsipaebatsi xua equeicha jopa pana netaem tsane beya abu poxonae pana neyabara jam tsane: ‘¡Maisa bapon jiwi juntũ coyene weiweina cana exanatsi pon patopa, Nacom peitorobixae, pon jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

24

*Meje yabara poxonae Jesús yabara paeba xua ichamonae abe exanaena
Nacom pin pia bo tatsi
(Mr 13.1-2; Lc 21.5-6)*

¹ Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita umenarucupatsi pijimonae. Yawa pijimonae jeichichi:

—Maisa Nacom pin pia bo tatsi bepa wuna, jei barapomonae.

² Daichitha Jesús jume barai barapomonae, jeye:

—¡Moya caepatiyo pataema! Bara xaniyan paca tsipaebatsi. Matabi jopaena barapo mataqueitha ichamonae pomonae penanapaincha jinompaewi xua icha nacia werena peponaewi abe cana exanaena Nacom pin pia bo tatsi po bo anoxuae pataneme. Apra jopa cae ibotiyo nacopatuncuae tsane icha iboto peumatha. Daxita abe tsane, jei Jesús.

Meje yabara poxonae Jesús yabara paeba xua copiya matha pewunaeya exanaena petsita itatsi coyenewa poxonae daxita weraweracaenaba (Mr 13.3-23; Lc 21.7-24; 17.22-24)

³ Bapoxonae Jesús pijimonae baru pona demxuwatheicha po demxua pewun demxu Olivowa tsipei baxota umena olivo naein. Poxonae Jesús demxuwatheicha ecopiya, bapoxonae Jesús pijimonae nameicha tsipaebatsi, jeye:

—Paichichipan xua xam tapata netsipaebiwam tsane, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewunaeya tsita itapeinya xeinaena xua poxonae patopeicaename, matautano xua poxonae imoxoyo daxita weraweracaenaba? jei Jesús pijimonae tatsi.

⁴ Nexata Jesús barai, jeye:

—Dota pam bu ichamonae naerabiya paca muxu tsipaeba xua daxota abe paexanaetsipame. ⁵ Tsipei tsana patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apra xan Mesías’, jei tsane. Poxonae barapomonae muxuitorobiya paebina bapoxonae pinmonae jume cowuntsina. ⁶ Pajume taename xua jiwi juinya nabenuotsina xote yawa xua juinya iruru nabenuotsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxae dapu matabi aichica tsane xua poxonae daxita weraweracaenaba yatsicaewa. ⁷ Cae nacuariwi iru icha nacuariwino, barapo ainya nacuariwibe nabenuotsina. Matautano iru pon nacia peewatsin iru ichandu pon icha nacia peewatsin, baraponbe iruru nantiya nabene. Matautano ainya nacuantha pin jainbo nacia tsane tsipei pin mayayo tsane. Matautano domae tsurucuae tsane ainya nacuantha. Matautano ainya nacuantha ira jijiyatsina. ⁸ Baraxua copiya matha tsane xua jiwi atene tsoponae tsane bichocono, xua beya jopa nama juniya tsane.

⁹ “Bapoxonae jiwi paca teiquebina, paca atene exanaena matautano paca jutebina. Daxita nacuanpiwi paca casebina painya tana nejume cowuntsixaemxae. ¹⁰ Barapo matabintha jiwi pentsina xua Nacom pejume cowuntsiwatsi. Matautano daxita jiwi nacasebina, matauta barapomonae piamonae caenaetsina ichamonaetha. ¹¹ Pinmonae tsana pateibina, pomonae jiwi pemuxuitorobiwi. Tsana jei tsane: ‘Xan Nacom peitorobi jume tapaebin, Nacom yabara paca cuidubinchi’, jei tsane. Barapo pemuxuitorobi diwesi jume pinmonae jume cowuntsina barapo diwesi. ¹² Pinmonae jopa juniya abe exanaponae tsane daxota jiwi, jopa caemonae nantiya naantobe tsaibi tsane. ¹³ Ichitha pon awiya xua antuyapusaya nejume cowuntsiya poponae xua beya yacuiya tupaeya jopaena poxonae bequein abe taexanatsi

ichamona, bapon jame Nacom napaeba cana exanaena. ¹⁴ Tamona capanaena tapexeinya jume diwesi po diwesi xua Nacom waba jiwi petanaexanaenexatsi pijimona pomona itorobiya peewatsixae. Barapo diwesi tajiwiwimona pomona tanejume cowantsi jiwi paebinoutsina daxita jiwitha. Poxona barapo diwesi daxita nacuanpiwi jume taena, bapoxona daxita barapo jiwi yaputaena xua bara matabi imoxoyo jopaena po mataqueitha poxona daxita weraweracaenaba.

¹⁵ “Daniel, pon Nacom peitorobi jume pepaebin bapon caena bayatha yabara tsiwanaeya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichan Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxona payaputaename xua bara imoxoyo matabi jopaenaba poxona daxita weraweracaenaba”, jei Jesús. (Xan Mateon, paca baraichi: “Pon yorobina po jume diwesi tinan, moya jume naitaewatsina pia peyaputaenexa tsane”, paca jeichi.)

¹⁶ Cataunxuae Jesús cueicueije, jeye: “Poxona bara pocotsiwa pataename bapoxona pomona Judea nacua jinompa, barapomona bewa demxuan berucupiyaena. ¹⁷ Barapo matabi pon bo matatupatha uncua bapon jopa bewa botha joniya tsane xua penotsiwa tsane pocotsiwa tabobeinchi bomaxu tututha. Saya jame bewa nainya benaetsiricaena. ¹⁸ Iruxu pon pabitha popona bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricaena. ¹⁹ ¡Pai yabuxi tsobena powaxi pexui burana taenatsi barapo matabi! ¡Pai powaxi iru pexui isaina, barapowaxi tsobenaeru! Tsipei acabe tsobena tsane pexui. ²⁰ Poxona pewanaeya tsane baxua Nacom rawucare xua jopa painya nerucupaewa tsane poxona awubo peaquexae bichocono, matautano xua jopa painya nerucupaewa tsane poxona pentaquei seicae matabi. ²¹ Tsipei barapo matabi jiwi bichocono pin peraxa exanaeinchi. Atene tsane beyacaincha poxona jiwi atene tsaibi poxona Nacom aena nacua exana, xua equeicha nama bichocono pin peraxa tsane. Equeicha bexa bapoxona bapana jopa baxua exanae tsane poxona bichocono jiwi pin peraxa. ²² Icha Nacom jopa be caentacabiyobe exanaetsipae, metha dapomona ajibi tsipae pomona panenebiya barapo peatene coyenewa weya. Daichitha Nacom be caentacabiyobe exanaena peantobexae pijimona, pomona pia peitapetsiwixae tatsi.

²³ “Bapoxona icha ichan paca jei: ‘Pataema bapon apara Mesías uncue pon Nacom itorobica’, paca jei, iru icha ichan paca jei: ‘Pataema bapon Mesías xota uncuiye’, paca jei, baxuan jopa pajume cowantsinde barapo jumein. ²⁴ Tsipei pomona pemuxitorobi jiwi tsana patsina. Barapomona natsicotaena icha be xan ichi ponxaein Mesías. Matautano barapomona natsicotaena icha be pomona Nacom peitorobi jume pepaebiwi ichi tsane. Barapomona pexeinya petsita itatsi coyenewan exanaena peitabocotha, po irathe tsaneno xua jiwi pemuxitorobinexa tsainchi, xua jiwi pejume cowantsinexa pocotsiwa barapomona paeba. Barichiru pomonaetha pomona Nacom pia peitapetsiwi tatsi pemuxitorobinexa tsainchi, xua iruru icha metha barapomona pejume cowantsinexa tsaneru pocotsiwa barapomona paeba. Ichitha jopa itacupaetsi tsainchi xua barapomona pemuxitorobiwa tsainchi. ²⁵ Baxua tsiwanaya yabara paca tsiwanaeya muxu dutatsi. ²⁶ Daxota icha jiwi paca jei tsane: ‘Pataema bapon Mesías uncuiye ira xuepana susato tsurucuae nacua beya’, icha paca jei, jopa bara beya paponaeinde. Matauta icha paca jei: ‘Pataema bapon Mesías xote uncue bomaxu

tututha', icha paca jei, jopa baxua pajume cowuntsinde. ²⁷ Icha yamuxu ichi poxonae jemeicha yacoicha uncueica xua coicha nayotaxuba itabocotha, barichi tsane po matabitha patopeicaein jemeicha. Xan ponxaein Nacom Tananeitapetsin tsita naitatsin daxita jiwi. ²⁸ Quequeremona ba nacaetuta ichaxota baurin boca. Bara juta paichim tsane. Paxam pomona tana nejume cowuntsi jiwi pam, pana newuna ewatsiname po mataqueitha patopeicaein. Bara po mataqueitha pana nacaetutsiname", jei Jesús.

Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin

(Mr 13.24-37; Lc 21.25-33; 17.26-30, 34-36)

²⁹ Equeicha Jesús namchi: "Po matabin poxonae nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane. Opiteiton peitaboco weothopeicaena. Matauta Nacom napuna torobabiyaena xua xuan itabocotha dubena. Bapoxonae jopa xapain dubena tsane. ³⁰ Bapoxonae daxita jiwi taena peitabocotha xua cou equeicha apara tapatopaewa tsane ponxaein Nacom Tananeitapetsin. Poxonae daxita nacuanpiwi netaena xua patopaein, barapomona pijunuwi wecoyei tsane. Jiwi netaena ponxaein Nacom Tananeitapetsin xua patopeicaein tsaquinaebowantha. Nacom pia peayapusu itorobi coyenewatha, matautano bichocono pexeinya itupanae coichatha patopeicaein. ³¹ Matautano itorobin tamatatsunpiwi xua bichocono daunweya peobinexa tsane, po peobiwa pewun trompeta. Poxonae baxua jume taena tamatatsunpiwi inta caetutsina pomona taitapetsiwi. Nacaetutsina daxita nacuanpiwi jiwana, iru ichamona pomona ichaxota xometo weecoinapiwi jiwana, iru ichamona pomona ichaxota xometo bejopiyapiwi jiwana, iru ichamona pomona pocotsiwa werenepiwi jiwana, iru ichamona pomona pocotsiwa berequepiwi jiwana", jei Jesús.

³² Equeicha Jesús jeye: "Pajume taema barapo pecayabara juta pepaebi diwesiyo xua higuera nae xua painya nenacuidubiwa tsane. Poxona ba pataneme xua pena noxu xuxuwapona, bapoxona ba payaputaneme xua bara imoxoyo wei tsurucuae tsoponae, xua pentono perubenaenexa.

³³ Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi, pocotsiwa bexa exanaena, bapoxona payaputaename, xua bara imoxoyo tsane xua tapatopae wuna tsane.

³⁴ Bara xainyeya paca tsipaebatsi daxita judiomona naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomona weraweracaena.

³⁵ Peitaboco aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban", jei Jesús.

³⁶ Equeicha Jesús jeye: "Po matabitha baxua exanaena, matauta po horatha baxua exanaena jiwi jopa baxuan yabara yaputaeyo. Iru matatsunpiwi pomona peitaboco beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxonae po matabitha baxua exanaena, matautano yaputane poxonae po horatha daxita exanaena baxua xuaunxuae paca tsipaebatsi", jei Jesús.

³⁷ Equeicha Jesús jeye: "Icha matha ichi poxonae Noé caena bayatha pona jiwi jopa tsaqueinaeyo xua Nacom pin awubo exanaena methaunxuae. Saya barompaya icha juntu cuitha jinompa daxota jiwi werapa. Barichi

juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowantsiyoxaetsi. ³⁸ Barapo matacabintha poxonae Noé popona poxonae cataunxuae pin ema jopa duneicaeyo, jiwi jopa tsaqueinaeyo xua bexa pin awubo tsane. Barapo jiwi jantema nabaneiba yawa apeiba. Yawa jiwitha jijinapona, yawa pexantixi jitha dodoubapona beya yacuiya othopa poxonae po matacabitha Noé pin jera naetha joniya. Bapoxonae pin ema ma jopa. Daxita Noé wepu bunothopatsi pomonae jinompa poxonae Noé popona. ³⁹ Barapo jiwi jopa awubo yabara tsaca jinompaeyo. Barapoxonae jemeicha pin ema uncueica. Matauta monapentatsi barapo jiwi. Icha jiwi ichi poxonae Noé popona poxonae barapo jiwi jopa nanta xeinaeyo xua nacabetsina, barichi tsane poxonae xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxonae equeicha patopeicaein. ⁴⁰ Barapo mataqueitha ainya pebinbe nacuara nacuitauyaenabe pabitha. Ichun matatsunpin pichina, pejume cowantsixaetsi Nacom. Ichun saya cuenta ponaeinchi jopa pejume cowantsixaetsi Nacom. ⁴¹ Iruru ainya yabayobe nacuara yacatoyorobauyaenabe. Ichowa matatsunpin pichina, pejume cowantsixaetsi Nacom. Ichowa saya cuenta ponaeinchi, jopa pejume cowantsixaetsi Nacom.

⁴² “Tsaca pajinompeibare xua tapatopae wanae tsane, tsipei jopa payaputaem po mataqueitha patopaein ponxaein jiwi Tacanamataxeinaein. ⁴³ Meje pocotsiwe payaputaema. Icha pon bo pexeinaein yaputaetsipa xua poxonae patopaena pon jiwi pecaibin, bapoxonae bapon jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. ⁴⁴ Daxota bara paichinde. Tawanaetha pana nacui wanaere, tsipei xan, ponxaein Nacom Tananeitapetsin patopeicaein poxonae jopa tsaca payabara jinompaem tsane tsipei jopa payabara nanta xeinaem tsane xua tapatopaewa tsane”, jei Jesús.

Meje yabara poxonae Jesús yabara diwesi paeba ponbe xua bo peyapucae-caeinbe pon xua beta peexanaein iru xua pon jopa beta peexanaein (Lc 12.41-48)

⁴⁵ Equeicha Jesús namchi pijimonaetha pecayabara juta pepaebi diwesiyo xua pepatopaewa tsane, jeye: “Yabara paca tsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matacabi pomonae xua inta nacuita’, jei bo pexeinaein. ⁴⁶ Pon bo petayapucaeaein bara juntu coyene weiweinaena poxonae patopaena pon bo pexeinaein petaxaetsi xua bara beta tayapucaeaca bo, xuano bara beta peexanaexae pocotsiwa xua bo pexeinaein itoroba. ⁴⁷ Xaniwaicha paca tsipaebatsi. Bo pexeinaein itorobina xua pon petayapucaeaeinchi bo xua bapon cana exanaeinchi xua equeicha daxita piawan beta petayapuenaewatsi xua xuan xeina pon bo pexeinaein. ⁴⁸ Ichitha ichacuitha pon bo petayapucaeaein bapon peantucuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae pon bo petayapucaeaein. ⁴⁹ Bapoxonae bapon cueinta pomonae pon bo pexeinaein tanacuitatsi. Matautano bapon nanabanaetsipa nawita ichamonae yawa cupatsi nanaexanaetsipano. ⁵⁰ Bapoxonae pon bo pexeinaein jemeicha patopaena poxonae pon bo petayapucaeaein jopa wanae tsaqueinaeyo. Poxonae bara po

hora tsuxubi jopa yaputaeyo yawa poxonae barapo matabi tsuxubi jopa yaputaeyo. ⁵¹ Pon bo pexeinaein itoroba ichamonaetha xua pebenexatsi yawa peperaxa jubinexatsi tsainchi pon bo petayapucaeaeinchi. Matautano itoroba xua barapomonaebapon pexubinexatsi ichaxota jinompa pomonaeb itara mexeya wunaeya pepaebiwi ichitha abe peexanaewi. Barapo nacua bereca jiwi bichocono wecoyeyi pomonaeb abe peexanaewixae, matautano nantanuweya nantubajayabina bichocono peatenexae”, jei Jesús.

25

Meje yabara poxonaeb Jesús cuiduba pecayabara jutapepaebi diwesiyo xua diez powayobe xua penowaxi

¹ Nexata Jesús equeicha icha pecayabara jutapepaebi diwesiyo cuiduba pijimonaeb, jeye: “Nacom cana exanaena jiwi xua pomonaeb pejuntuboyene itorobiya ewatsixae, icha pebin ichi poxonaeb diez powayobetha xua penowaxi cana exana powaxi bapana jopa perubnacoyabiyo pebiwi. Barapo diez powayobe nota pia lámpan xua peewatsinexa pon pia pecotsiwanacoyobina. Barapowaxi barompaya capona pia lámpan xua aceite epaca.² Icha cinco powayobe barapo diez powaxi jiwana, barapowaxi ita coxanatsi xua penacui wunaetsiwa. Icha cinco powayobe ita coxone xua penacui wunaetsiwa.³ Barapowaxi powaxi ita coxanatsi xua penacui wunaetsiwa barapowaxi poxonaeb lámpan cajjinca jopa muxuna cajjincaeyo icha aceite xua equeicha pemene epacaenexa poxonaeb ameneibi tsurubenaeb.⁴ Saya meisa powaxi yaputane xua penacui wunaetsiwa jame barapowaxi pia lámpan muxuna cajjinca aceite xua equeicha pemene epacaenexa poxonaeb ameneibi tsurubenaeb.⁵ Tsipei pon imoxoyo pecotsiwanacoyobina bapon jopa cuinaya patopaeyo, daxota daxita barapo diez powayobe itamaipanaucupa. Matapainya maitarucupa.⁶ Poxonaeb papae tsuxubi poxonaeb barapowaxi cataunxuae maita, bapoxonaeb jume tane pon wawai xua barapowaxi jeichichi: ‘Bara juinya dawerena pebin pon pecotsiwanacoyobina. Bapon panta enare painya necobe jacobinexa’, jei pon wawai.⁷ Daxita barapo diez powayobe nacosabarucupa. Matauta equeicha icha aceite epacarucupa xua bapoxonaeb pecoicha exanaenexa.⁸ Bapoxonaeb icha cinco powayobe, powaxi jopa nacui wunaetsiyo jeye ichawaxitha xua cinco powayobetha: ‘Panecatsibare icha aceite meraxi pata tha equeicha mene epacaetsi, yaitama pata lámpan acueicheibi’, jei barapowaxi.⁹ Ichitha powaxi penacui wunaetsiwaxi jume barai, jeye: ‘Aibi apara, canta peyaxi barompaya pacajjinca patauxi, jopa pacajjincaeyo xua paxam nexarub. Maisa ichaxota pecaenaetsithopaewa aceite bara bepayiyande matha pacomocare aceite xua painya nemene epacaenexa’, jei barapowaxi poxonaeb xua jume barai ichawaxitha.¹⁰ Poxonaeb cataunxuae ichawaxi enapona xua pecomocaenexa aceite ichamonaetha, bapoxonaerub pebin pecoutha patopa, pon pecotsiwanacoyobina. Powaxi bayatha nacui wunaeta napuna joniya bapontha xua penanabanaenexa pexaewa xua poxonaeb barapo pexaewa jiwi tsinacaetuta xua penabanaenexa poxonaeb barapo pebin pecotsiwanacoyobina. Bapoxonaeb bomuxubichocono bopacaitebanota.¹¹ Bapoxonaeb pirapaeyo ichawaxi pata powaxi aceite siwayiya, jeye: ‘Pata Tanecanamataxeinaem, paita bopaca saranaxorena’, jei bapowaxi.¹² Ichitha bapon barapowaxi jume baraichichi, jeye: ‘Canta jopa pacayaitaetsi’, jei bapon”, jei Jesús, xua pijimonaeb tsipaeba.

¹³ Bapoxonaeb Jesús barai pijimonaetha, jeye: “Tawanaetha pana najuntuboyene wunaere, tsipei jopa payaputaem po matabitha patopaeb,

matautano jopa payaputaem po horatha patopaein ponxaein Nacom Tananeitapetsin”, jei Jesús.

Meje yabara poxonae Jesús paeba pecayabara j#ta pepaebi diwesiyo xua paratixiyabara

(Lc 19.11-27)

¹⁴ Equeicha Jesús pijimonaе cuiduba pecayabara j#ta pepaebi diwesiyo xua paratixi, jeye: “Anoxuae ichichipan xua tapaca tsipaebiwatsi po coyene xua xan beta matomacan pomonaе inta beta penacuichiwi pomonaе Nacom j#nt# coyene itorobiya ewata. Barapo coyene j#pa icha be poxonaе pebin ichi poxonaе bara juntucuru warapaenaba icha nacua beya. Pew#naeya poxonaе warapaenaba matha waba pomonaе pia petanacuichi jiwichi tsainchi. Barapomonaetha itoroba xua pia paratixi tatsi beta petacacomocaewa tsainchi poxonaе cataunxuae w#nae ewatatsi xua pepatopaewa tsane. ¹⁵ Ich#ntha pomonaе barapomonaе jiwana cata cinco mil po paratiximonaеbe. Iru ich#ntha cata dos mil po paratiximonaеbe. Iru ich#ntha cata saya be cae mil po paratiximonaеbe. Bapon daxita barapomonaetha barompaya catsiba be pocotsi coyeneya barapomonaе yapu j#patsi xua poxonaе pecacomocaewa tsane barapo paratiximonaetha. Bapoxonaе bapon warapa. ¹⁶ Pon catatsi cinco mil po paratiximonaеbe, barapo cinco mil po paratiximonaеbetha equeicha icha cinco mil po paratiximonaеbe matoma exana. ¹⁷ Barichi pon catatsi dos mil po paratiximonaеbe, barapo dos mil po paratiximonaеbetha equeicha matoma exana icha dos mil po paratiximonaеbe. ¹⁸ Ichitha pon catatsi cae mil po paratiximonaеbe, bapon m#th# cua iratha. Bapoxonaе barapo m#th#tha bota barapo cae mil po paratiximonaеbe”, jei Jesús.

¹⁹ Equeicha Jesús jeye: “Poxonaе ainya matakabin yapucaewa, bapoxonaе patopa pon paratixi catsiba barapomonaetha pon barapomonaе pia pecanamataxeinaeinchi tatsi. Bapon pia petanacuichiwichi pia paratixi matoma yabara yainyaba. ²⁰ Copiya patopa pon cinco mil po paratiximonaеbe catatsi. Bapon icha cinco mil po paratiximonaеbe cata pia pecanamataxeinaeinchitha, yawa jeye: ‘Tanecanamataxeinaem, caena bayatha cinco mil po paratiximonaеbe necatame, equeicha icha cinco mil po paratiximonaеbe cata matoma exainchi’, jei bapon. ²¹ Pon pecanamataxeinaein jume nota, jeye: ‘Maisa j#nt# coyene w#naem matautano xam ponxae cayabara jume cow#ntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxonaе be conotha caitorobatsi, daxota equeicha ichawa caitorobatsi xua bichocono nawita. Moya tabotha nebar# jonyama yawa nebar# j#nt# coyene weiweinare’, jei pon pecanamataxeinaein. ²² Bapoxonaе pirapae ich#n patopa pon dos mil po paratiximonaеbe catatsi yawa jeye pia pecanamataxeinaeinchitha: ‘Tanecanamataxeinaem, caena bayatha dos mil po paratiximonaеbe necatame, equeicha icha dos mil po paratiximonaеbe cata matoma exainchi’, jei bapon. ²³ Pon pecanamataxeinaein jume nota, jeye: ‘Maisa j#nt# coyene w#naem matautano xam ponxae cayabara jume cow#ntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxonaе be conotha caitorobatsi, daxota equeicha ichawa caitorobatsi xua bichocono nawita. Moya tabotha nebar# jonyama yawa nebar# j#nt# coyene weiweinare’, jei pon pecanamataxeinaein”, jei Jesús.

²⁴ Equeicha Jesús jeye: “Bapoxonaе matapainya patopa pon cae mil po paratiximonaеbe catatsi. Bapon atsaquiya jei pia pecanamataxeinaeinchitha: ‘Tanecanamataxeinaem, xan yaputan xua xam be barapocotsim

pon jopa jiwi juniya itorobeibim. Matautano jiwi cobe itorobeibame xua penoteibiwa pocotsiwa jopa jinyawiyo. Matautano pexaewa xua naweta noteibame ichaxota jopa ubim. ²⁵ Daxota cacunuwatsi baxua neexanaeinxae tsipei metha inta pichipame barapo paratiximonaebe poxonae equeicha icha paratiximonaebe cata matoma exainchi daxota jinya paratiximonaebe muthutha xubotan. Xote barapo paratiximonaebe caewa cata canawitatsi', jei bapon. ²⁶ Nexata pon pecanamataxeinaein namchi jeye: '¡Bepa maisa dapon abem, pon fifiname poxonae inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacoya ubeibinyo. Matautano xua ichamonae cobe itorobeiban xua noteiba pocotsiwa jopa tawiyo. ²⁷ Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxonae equeicha patopan, icha paratiximonae equeicha matoma xeinaetsipan xua equeicha inta pematropeicha botsixaetsipae poxonae ichamonae nacowaeta barapo taparatiximonaebe', jei pon pecanamataxeinaein. ²⁸ Bapoxonae pon pecanamataxeinaein barai pomonaе baxota umena jeye: 'Bapon pacobe wepire barapo cae mil po paratiximonaebe. Bapoxonae barapo paratiximonaebe pacare pon icha diez mil po paratiximonaebe xeina. ²⁹ Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane xua beya poxonae bapon equeicha bichocono Nacom pejume cowuntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowuntsiwa tsainchi. ³⁰ Matauta bapon pon inta beta jopa nacuichiyo bapon paxore peitaquirei nacuatha, xua barapo nacuatha pewecoyeinexa, xua nantanuweya penantꞫ jayabinexa tsane', jei pon pecanamataxeinaein", jei Jesús.

Meje yabara poxonae Jesús nayabara paeba xua bepa pinae Nacom Pexanto tatsi tsabina daxita jiwi

³¹ Equeicha Jesús pijimonaе tsipaeba, jeye: "Xan, ponxaein Nacom Tananeitapetsin patopeicaein, irꞫ matatsunpiwi nebarꞫ patsicaena. Poxonaе patopeicaein, bapoxonaе ecaein pexeinya peitꞫpanae ecae watha xua tawa tayabara paebinexa daxita jiwi xua penatsicuentꞫsiwa abe peexanaexae Nacomtha. ³² Jiwi nacaetutsina taitabaratha pomonaе daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonaе, matautano tsaba icha duweimonaeno, po duweimonaе pewꞫn cabra. ³³ Pon ovejamonaе peewatsin, bapon ovejamonaе cuaranoba pecoxa weya. Cabra duweimonaе petsocona weya cuaranoba. Bara cana jꞫtiya ichin tsane jiwitha, icha pon ovejamonaе peewatsin ichi. Pomonaе xanepanaya peexanaewi tsana nobin. Pomonaе abe peexanaewi tsana nobin. ³⁴ Bapoxonaе xan ponxaein jiwi itorobiya pepa Taewatsin baran tsane pomonaе tacoxa weya inta umena, jan tsane: 'Anetha paxam pomonaе Nacom, Taxa, paca jꞫntꞫ coyene weiweina exana. Pajojoniyama Nacom pia peitorobi nacuatheicha. Bara xoteicha caena bayatha Nacom paca tsiwꞫnaeta pocotsiwa xua paxam nexa, beya poxonaе barapo nacie forota. ³⁵ Paca itacꞫpa xua papatame baxoteicha, tsipei poxonaе jainpan bayatha, bapoxonaе pana neapatame pexaewa. Matauta tsipei poxonaе meratsipan, bapoxonaе mera pana neapatame. Matauta tsipei bayatha poxonaе patopan painya botha poxonaе be wawatsiyo coyeneya patopan daichitha pana nententa weyataeya wabame. ³⁶ Matautano tsipei poxonaе bayatha jumasa patopan, bapoxonaе paparuwa pana necatame. Matautano tsipei

poxonae bayatha neromaeba yawa poxonae atenein bara pana nesiwa poname painya tana neyawenaenexam. Matautano tsipei poxonae jiwi pecubi botha neeta, paxam papatame painya tana nenecotsinexam', jan tsane xua ponxaein jiwi itorobiya pepa Taewatsin. ³⁷ Nexata barapomonae, pomonae tacoxa weya inta peumenaexae pomonae xanepanaya peexanaewi, nejei tsane: 'Pata Tanecanamataxeinaem, ¿eta poxonae paca tainchi xua jainpame matauta xua poxonae paca apatatsi pexaewa? ¿Eta poxonae paca cui tainchi xua meratsipame xua bapoxonae mera paca apatatsi? ³⁸ ¿Eta poxonae paca tainchi xua poxonae be wawatsiyo coyeneya patopame xua bapoxonae paca matenta weyataeya wabatsi? ¿Eta poxonae paca tainchi xua poxonae jumasa patopame xua bapoxonae paca catatsi paparuwa? ³⁹ ¿Eta poxonae paca tainchi poxonae caromaeba xua poxonae atenemno xua bapoxonae paca siwa poinchi pata paca cayawenaenexatsi? ¿Eta poxonae paca tainchi poxonae jiwi pecubi botha caeta xua bapoxonae papatan pata cataenexatsi?' nejei tsane barapomonae. ⁴⁰ Bapoxonae xan ponxaein jiwi itorobiya pepa Taewatsin, jume notsin barapomonaetha jan tsane: 'Xaniyan paca tsipaebatsi. Daxita po coyenewan paxam bayatha paexaname tamonae jiwitha poxonae bequein barapomonae jopa peainya cui jiwiyoy, apara bara painta exaname', jan tsane ponxaein jiwi itorobiya pepa Taewatsin.

⁴¹ "Nexata xan ponxaein jiwi itorobiya pepa Taewatsin baran tsane pomonae tatsocona weya peumenaewi, pomonae jopa beta peexanaewi, jan tsane: 'Panatsixibarucupare taxainya weya, tsipei paxam pomonae abe painya neexanae jiwi pam. Maisa po nacuatha isoto jopa cuinaya itacounayiyo baxota paponare. Barapo iso nacua caena bayatha Nacom yabara wunaeta caurimonae pia pentacaponaein tatsi nexa iruru pia matatsunpiwimonae tatsi nexa pomonae caurimonae. ⁴² Tsipei poxonae jainpan bayatha, jopa pexaewa pana necatsim. Matauta tsipei poxonae bayatha meratsipan, jopa mera pana neapatsim. ⁴³ Matautano tsipei caena bayatha poxonae be wawatsiyo coyeneya patopan, paxam jopa pana nententa weyataeya wabim. Matauta tsipei poxonae bayatha jumasa patopan, paxam paparuwa jopa pana necatsim. Matautano tsipei caena bayatha poxonae neromaeba yawa poxonae jiwi pecubi botha ecan, paxam jopa pana nesiwa ponaem', jan tsane. ⁴⁴ Nexata pomonae abe peexanaewi nejume notsina, jei tsane: 'Pata Tanecanamataxeinaem, ¿eta poxonae xua pata paca cui taewathatsi xua jopa paca yawenaetsi? ¿Eta poxonae xua pata paca cataebenaewathatsi poxonae jainpame? Matautano ¿eta poxonae xua pata paca cataebenaewathatsi poxonae meratsipame? Matautano, ¿eta poxonae xua poxonae pata paca cataebenaewathatsi poxonae be wawatsiyo coyeneya patopame? Matautano, ¿eta poxonae xua poxonae pata paca cataebenaewathatsi poxonae caromaeba? Matautano, ¿eta poxonae xua poxonae pata paca cataebenaewathatsi poxonae jiwi pecubi botha caeta? Daxita baxuan, ¿eta poxonae xua poxonae jopa paca yawenaetsi?' nejei tsane barapomonae. ⁴⁵ Xan ponxaein jiwi itorobiya pepa Taewatsin jume notsin barapomonae jan tsane: 'Xaniyan paca tsipaebatsi. Daxita po coyenewa bayatha jopa paexanaem tamonae jiwitha xua barapomonae jopa peainya cui jiwiyoxae, apara bara jopa painta exanaem', jan tsane ponxaein jiwi itorobiya pepa Taewatsin. ⁴⁶ Bexa bapoxonae tsane barapo abe peexanae jiwi ponaena po nacuatha bapana jopa nacui copatsi xua atene. Pomonae pentu cui xanepanae jiwi ponaena po nacuatha jiwi xeineiba peantacoyeneyapusawa, po peantacoyeneyapusawa ataya tsiteca", jei Jesús.

26

*Meje yabara poxonae fariseomonae iru sacerdotemonae pia pentacaponae
aewi tatsi daxita barapomonae Jesús yabara nanta xeinatsi po coyeneya xua
Jesús pewaetabiwa tsainchi*

(Mr 14.1-2; Lc 22.1-2; Jn 11.45-53)

¹ Poxonae Jesús baxua daxita najume weta, bapoxonae pijimonae barai, jeye:

² —Paxam payaputaneme xua poxonae po baya tsane, jiwi nacaetutsina penabanaenexa pexaewa peyabara nanta xeinaenexa barapo matabi xua poxonae caena bayatha matha judiomonae Egipto nacua weya panenebiya, po matabi pewun Pascua matabi wun. Barapo mataqueitha ichamonae necaenaetsina xua tparucua tanaexanaenexa tsane naetotha, ponxaein Nacom Tananeitapetsin, jei Jesús.

³ Poxonae Jesús pijimonae baxua tsipaebuncua, bara caena barapo mataqueitha sacerdotemonae pia pentacaponae tatsi nacaetuta. Iruru baxota nacaetuta judiomonae pia pitiri jiwi tatsi. Barapomonae daxita nacaetuta po tututha pon pewun Caifás pon sacerdotemonae pia pepa pentacaponaein tatsi pia pexeinya tutu botha tatsi. ⁴ Daxita barapomonae nabaru muxu jei xua bepa pinae eta bichi tsane poxonae Jesús nameicha waetabinchi xua pebexubiwa tsainchi. ⁵ Barapomonae najei:

—Abu jopa waetabi tsainchi poxonae jiwi Pascua matabi wuntha nacaetuta penabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae.

Meje yabara poxonae petsiriwa Jesús mata epatabatsi penasiwa, po penasiwa petuxueiwa

(Mr 14.3-9; Jn 12.1-8)

⁶ Pirapae Jesús popona Betania tomaratha. Barapo tomaratha Jesús popona Simón pia botha tatsi, pon copiya bayatha peperu sawinchi. ⁷ Barapo botha petsiriwa powa pesi cui weiweinaewa Jesús imoxoyo caquita uncuatabatsi. Barapo petsiriwa capatopa alabastro ibo wun bosibu atsato, xua bichocono wunca penasiwa xua petuxueiwa, po petuxueiwa bichocono ainya matoma. Poxonae Jesús eca pexaethopaewatha, bapoxonae barapo petsiriwa Jesús mata epatabatsi barapo petuxuei tuxusi nasiwatha. ⁸ Poxonae Jesús pijimonae tatsi tane baxua, barapomonae bichocono anaepana, yawa caemonae najei:

—¿Eta pocotsiwa metha saya baxua xuba jane? ⁹ Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawenaetsipatsi peacopeibi jiwi, najei barapomonae.

¹⁰ Jesús yaputane xua pijimonae tatsi baxua pepaebiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana apara seicayaruu xua pexeinya coyene inta exana. ¹¹ Barapo irathe peacopeibi jiwi paca baruu jinompeibina painya neyawenaenexa tsaibi tsane barapo jiwi. Ichitha nama paxam jopa ataya paca baruu poponae tsainchi xua pata tana neyawenaenexam barapo irathe. ¹² Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wunaeta xua muthu tana neboyaenexa poxonae tpaen. ¹³ Bara xaniyan paca tsipaebatsi, daxita nacuantha poxonae jiwi cueicueijejei tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae bapowa inta exana xua jiwi barapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi
(Mr 14.10-11; Lc 22.3-6)*

¹⁴ Nexata Jesús pijimonaе tatsi pomonaе doce poyobe tatsi, barapo doce poyobe jiwana bara caein, bapon pewan Judas Iscariote. Bapon Judas pona sacerdotemonaе pia pentacaponaeви tatsi beya xua petsipaebinexa barapomonaetha. ¹⁵ Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonaе Judas pentoma catatsi treinta po paratiximonaеbe, xua po paratixi bichocono matoma nawita. ¹⁶ Barapoxonaе Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha, poxonae peyapu xanepanaewatha.

*Meje yabara poxonae Jesús pijimonaе baru nabane Pascua wun matacabitha
(Mr 14.12-25; Lc 22.7-23; Jn 13.21-30; 1 Co 11.23-26)*

¹⁷ Nexata copiya matababi jopa po matababi tsiwana penantacarucuae matababi, xua po matababintha poxonae jiwi tsinacaetutsina xua penabanaewa tsane pan, po pan jopa muxunapentsiyo levadura matawun, pocotsiwa xua cotowa exana pan. Jesús imoxoyo caquita umenarucupatsi pijimonaе yawa Jesús jeichichino:

—¿Exota ichichipame xua ichaxota pexaewa paca tsinacui wunaetsinchi wanabanaenexa tsane xua Pascua wun matababi nexa? jei barapomonaе.

¹⁸ Jesús barai pijimonaе, jeye:

—Tomara beya paponde, Jerusalén tomara beya. Paponde po botha pon bichocono pin tutu xeina. Bapontha painta jande: ‘Pon jiwi Pecuidubin namchi: Bara nama tatupae wunaе tsane. Jinya tututha tajiwimonaе tha baru nabanaetsi pexaewa Pascua wun matababi nexa’, cajei pon jiwi Pecuidubin, pajande, jei Jesús pijimonaetha.

¹⁹ Jesús pijimonaе tatsi bara exana pocotsiwa bayatha Jesús pijimonaе peitorobixae. Matautano barapomonaе pexaewa nacui wunaetajeba Pascua wun matababi nexa xua penabanaenexa.

²⁰ Poxonaе quirei tsanaicha bapoxonaе Jesús pijimonaе baru eca pexaethopaewatha pomonaе doce poyobe tatsi. ²¹ Poxonaе Jesús pijimonaе baru xunaeca bapoxonaе barai pijimonaе, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamonaе, jei.

²² Nexata bapoxonaе Jesús pijimonaе tatsi unthuthu wecoyei tsurucupae, nexata daxita tsana jei tsoponae Jesustha:

—Tanecanamataxeinaem, apara ¿xan cacaenaetaxubinchi? jei daxita barapomonaе xua Jesús tsana yainyabapoinchi.

²³ Jesús jume nota barapomonaе, jeye:

—Pon cae paratotha pana nabaru jajaucuncuaponanbe pan, bapon apara pon necaenaetaxubina ichamonaetha. ²⁴ Xan ponxaein Nacom Tananeitapetsin bewa tupaеin, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wunaе tsipae icha bapon bayatha jopa naexaеnaе tsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

²⁵ Nexata Judas pon Jesús caenaetaxubinchi bapon itacaretaba, jeye Jesustha:

—Pon jiwi Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

²⁶ Poxonae Jesús pijimonae barꝰ xunaeca, bapoxonae Jesús pecobetha pita pan yawa Paxatha tsipaeba, jeye: “Axa, maisa jꝰntꝰ coyene weiweinan xua pan pata tana necatsiwam”, jei. Bapoxonae Jesús pecobetha pan epa janaca yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara yabara caunuta tapepon xua poxonae tapaca tsitꝰpaewatsi tsainchi, jei Jesús.

²⁷ Bapoxonae Jesús equeicha pecobetha pita corotiyoyawa Nacomtha tsipaeba, jeye: “Axa, maisa jꝰntꝰ coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonae Jesús pijimonae cata corotiyoyawa pejiwana aapaponaenexa. Bapoxonae jeye pijimonaetha:

—Daxita pa-aapaponde xua barapo cae corotiyotha. ²⁸ Pena peyabara tsiwꝰnae muxu dutsi coyenewa paca tsipaebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaein poxonae tꝰpaein. Barapo jana tsita itapeinya xeinaena xua jiwi pinmonae, yabara jꝰntemainaenabe pia peexanae cuiru coyenein tatsi.

²⁹ Daxota paca tsipaebatsi barapo uva mera jopa equeicha paca barꝰ apae tsainchi anoxuae. Meisa abꝰ bexa tsane equeicha pena coyenewatha paca barꝰ apaeinchi, barapo uva mera poxonae Nacom neexanaena xua itorobiya ewatsin jiwi, jei Jesús.

Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús

(Mr 14.26-31; Lc 22.31-34; Jn 13.36-38)

³⁰ Poxonae Jesús pijimonae barꝰ najume weta xua naxꝰna Nacom nexa, bapoxonae Jesús pijimonae barꝰ pona demxuwa beya. Barapo demxuwa pewꝰn demxu Olivowa, olivo naein peumenaexae baxota. ³¹ Nexata Jesús barai pijimonae, jeye:

—Anoxuae barapo merawithe daxita pam pana necuentarꝰcꝰpaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiwꝰnaeya jeye: ‘Poxonae ovejamona peewatsin bexubinchi, bapoxonae ovejamona tsanarꝰcꝰpaena’, jei Nacom. Penamchixae poxonae ichamona newaetabina tana nebexubinexa pana necuentarꝰcꝰpaename. ³² Ichitha taeyarapaeyo poxonae equeicha asꝰ neexanaena, bapoxonae paca tsiwana patopiyaeinchi Galilea nacua beya poxonae bara beya paponaname, jei Jesús.

³³ Nexata Pedro Jesús jume notatsi, jeye:

—Bequein ichamona cacuentarꝰcꝰpaena jinya neuraxubixae nama xan bapana jopa cacuenta naetsiricuae tsainchi tana neuraxubixaemxae, jei Pedro.

³⁴ Nexata Jesús Pedro jume baraichi, jeye:

—Bara xainyeya catsipaebatsi po merawithe, pewꝰnaeya poxonae beya ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

³⁵ Pedro Jesús baraichi:

—Bara bequein capuna tꝰpaeinchi ichitha baxua jopa cayabara paebi tsainchi, jei Pedro.

Irꝰrꝰ daxita Jesús pijimonae tatsi bara jumichi, nanta jꝰpiya paeba.

Meje poxonae Jesús Paxa tsipaeba ichaxota tsica iriyo, po iriyo pewun Getsemani

(Mr 14.32-42; Lc 22.39-46)

³⁶ Nexata Jesús pijimonaе baru patopa ichaxota tsica iriyo, po iriyo pewun Getsemani. Baxota Jesús barai pijimonaе, jeye:

—Xote abu paenare tha matha Taxatha tsipaebichi painya cuariyatha xotiye, jei Jesús.

³⁷ Jesús baru pona Pedro. Iru Zebedeo pexantobe tatsi Jesús baru pona. Bapoxonaе Jesús bichocono unthuthu wecoyei, yawa bichocono unthuthu deideije. ³⁸ Nexata barapo acoibi poyobetha Jesús barai, jeye:

—Bichocono juntu coyene natsepiya wecoyan, tsipei muxu tatupae. Xote paenare, yawa payoyocare xua painya tana nebaru naitaewatsinexam, jei Jesús.

³⁹ Nexata Jesús equeicha tsiwiyo dabe natsixitabiya, irabe taeuncuareca tsipei jopa juniya ajuntataneyo. Bapoxonaе Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anthuthutane neexana. Ichitha jopa necana exanaeinde xua pocotsiwa ichichipan, saya jame necana exande xua pocotsiwa ichichipame, jei.

⁴⁰ Nexata Jesús equeicha caibe iya pijimonaе tatsi beya poyobe xua acoibi poyobe, ichitha barapomonaе maita. Jesús Pedro baraichi, jeye:

—Maisa jopa paca itacupaeyo xua pata tana nebaru yoyocaewam xua poxonaе bequein bara cae horatha. ⁴¹ Maisa payoyocare. Nacom patsipaebare xua jopa abe painya neexanaewa tsane poxonaе caurimonaе pia pentacaponaein tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaebiwa ichitha painya pepon bichocono paacoyenefaetabim xua painya netsipaebiwa Nacom, jei Jesús.

⁴² Equeicha Jesús bara nama caeto pona xua Paxa petsipaebinexa. Poxonaе Paxa tsipaeba, jeye:

—Axa, icha jopa ichichipaem xua tana newepichiwam, pocotsiwa neajuntatane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

⁴³ Bapoxonaе equeicha Jesús pijimonaе beya pona xua acoibi poyobe daichitha barapo acoibi poyobe came maitumena, tsipei bichocono itata tsacatsaquei xua itamaipana. ⁴⁴ Bara nexata Jesús equeicha saya cuentapona. Equeicha Jesús pona xua Paxa petsipaebinexa xua equeicha acoibi po cuiyobetha, barapo jumetha equeicha Jesús Paxa tsipaeba. ⁴⁵ Nexata equeicha Jesús pona pijimonaе tatsi beya. Bapoxonaе barai pijimonaе, jeye:

—¡Moya bara painya nepu maitumenaеinde aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonaе xua xan ponxaein Nacom Tananeitapetsin ichun necaenaetaxubina ichamonaetha, pomonaetha pomonaе peantacoyenebe jiwí.

⁴⁶ Panacosapende, panonobapondeno. Antha bu poinchi. Dota dawerena pon necaenaetaxubina ichamonaetha, jei Jesús pijimonaetha.

Meje yabara poxonaе Jesús waetabatsi

(Mr 14.43-50; Lc 22.47-53; Jn 18.2-11)

⁴⁷ Poxonaе Jesús cataunxuae tsipaebuncua pijimonaе bapoxonaе Judas patopa. Bapon Judas doce poyobe jiwana caein, xua Jesús pepa pijimonaе tatsi. Judas pinmonaе baru patopa. Ichamonaе cusin cajjinca. Ichamonaе iwabi cajjinca. Daxota daxita barapomonaе pata, tsipei sacerdotemonaе pia pentacaponaei tatsi iru pitiri jiwiru daxita barapo pentacaponaei itoroba

barapomonaē. ⁴⁸ Judas, pon Jesús caenaetaxubinchi, pewunaeya tsane xua poxonaē patopa bapon cou tsiwanaya paeba barapo pin bicheitho, cou jeye: “Pon tsutsubin, bapon apara barapo pebin, nexata moya pawaetabare bapon”, cou jei. ⁴⁹ Daxota poxonaē patopa, bapoxonaē Judas Jesús imoxoyo caquita poinchi, matauta nainya Jesús jeichichi:

—Pon jiwi Pecuidubim, xamda, jei Judas.

Bapoxonaē nainya Judas Jesús tsutsubatsi. ⁵⁰ Nexata Jesús jume nota, jeye: —Ponxaem tajitom, moya bara exande xua jinya necana exanaetsi, jei.

Nexata barapomonaē pomonaē Judas pebaru patopaexae barapomonaē Jesús imoxoyo caquita umenarucupatsi, bapoxonaē Jesús waetabatsi.

⁵¹ Caēin pon Jesús pijimonaē tatsi jiwana, pon Pedro, bapon nainya cusi namara wejonta. Bapoxonaē bapon muxuyoro catsoniba, pon sacerdotemonaē pia pepa pentacaponaein tatsi tanacuitatsi, bapon muxuyoro catsonibatsi. ⁵² Nexata Jesús barai pijimonaē jiwana jitontha, pon Pedro, jeye:

—Maisa cusi jeinca pentacuerutha. Tsipei pon ba cusitha namawainta, bapon ba xuya bexubinchi cusitha. ⁵³ ¡Maisa xam jopa yaputaem! Icha ichichipan bara neitacupa xua Taxatha tawucaewa, xua nainya inta peitorobinexa pia matatsunpiwi xua bichocono ayei pin bicheitomonae xua tana neyawenaewa tsane. ⁵⁴ Icha Taxa wucaetsipan xua bapon tana neyawenaewa tsane bapoxonaē jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

⁵⁵ Nexata Jesús barai pomonaetha pomonaē Judas baru patopa, jeye:

—Pacapatame cusin yawa iwabi be poxonaē pacana ichim pontha pon jiwi pecaibin. Daxita matabin Nacom pin pia botha tatsi paca baru poponeibatsi, paca cuidubeibatsino, daichitha bapoxonaē jame jopa pana newaetabim. ⁵⁶ Ichitha daxita baxuan neyabara canacui jume weta exana, bayatha penecui yabara wunaē tsiwanaya paebixae pomonaē Nacom peitorobi jume pepaebiwi, Nacom Pejume Diwesitha, jei Jesús.

Bapoxonaē Jesús cuentarucupatsi pijimonaē, meisa Jesús baru umeinchi pomonaē Judas bayatha baru patopa.

Meje yabara poxonaē Jesús capoinchi judiomonaē pia pecanamata caitorobi jiwi bicheito tatsi pia peitabaratha tatsi

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Pomonaē Jesús teicatsi barapomonaē Jesús capoinchi pon pewun Caifás itabaratha tatsi. Bapon Caifás, pon sacerdotemonaē pia pepa pentacaponaein tatsi pon peainya cuin yatsicaya. Baxota iru nanacaetuta pomonaē judiomonaē pecuidubiwichi Moisés pia peitorobi coyene tatsi, iruru pitiri jiwi pomonaē judiomonaexae. ⁵⁸ Iru Pedro Jesús tsiwiyo tajpu taetae tsiniyatsi beya poxonaē patopa panatha, po panatha ichaxota sacerdotemonaē pia pepa pentacaponaein tatsi tauncuatsi bo. Poxonaē Pedro pana tututha joniya bapoxonaē imoxoyo naeca policiamonaetha pecui taenexa xua po coyeneya Jesús cana exanaeinchi pomonaē nacaetuta.

⁵⁹ Sacerdotemonaē pia pentacaponaei tatsi iru ichamonaeno, pomonaē pecanamata caitorobi jiwi bicheito, daxita barapomonaē jeita ichamonaē pomonaē xua Jesús naerabiya peyabara paebinxatsi pocotsiwa xua Jesús paeba xuano xua exana, pia barapo jumetha paebichi xua bara Jesús tupa peexanaewa tsainchi. ⁶⁰ Bara bequein pin bicheito pata xua Jesús abeya peyabara paebinxatsi, ichitha cataunxuae barapomonaē pomonaē pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús

pebexubinexatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe. ⁶¹ Baraponbe jeibe Jesús yabara:

—Bapon namchi: ‘Neitacupa xua Nacom pin pia bo abe taexanaewa. Bapoxonae equeicha acoibi po matabibibe barapo Nacom pin pia bo tatsi xanebin’, jei, jeibe baponbe.

⁶² Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

⁶³ Daichitha saya Jesús moya uncua. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon asu popona. Yatsicaewa paebiname pocotsiwa bara xainyei nepaebiwa. Incane pana netsipaebare. ¿Bara yatsicaya xam Mesías, pon Nacom Pexantom, pon Nacom necaitorobin? jei.

⁶⁴ Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pecoxa weya tatsi ecaein pon peayapusu itorobi coyenewa pexeinaein. Mataatano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

⁶⁵ Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi. Bapon natsiaenae exana abe pepaebixae barapo jume poxonae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa ichipaeyo. ⁶⁶ ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Nacom tsitatsi xua bapon tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

⁶⁷ Poxonae barapomonae Jesús itacuere cutatsi, bapoxonae peonetha Jesús itabara subabatsi, yawano batsino. Ichamonae Jesús itabara tsaquibacotatsi.

⁶⁸ Bapoxonae barapomonae Jesús baraichi:

—Xam jam: ‘Xan Mesías’, jam, incane pana netsipaebare: ¿Jintam caitabara tsaquibobara xua bequein paca itacuere cutatsi? jei barapomonae.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús

(Mr 14.66-72; Lc 22.56-62; Jn 18.15-18, 25-27)

⁶⁹ Poxonae cataunxuae Jesús cana exanompatsi bapoxonae iruru Pedro panatha eca xua pesato beya. Bapoxonae iruru yabuyo, powa sacerdotemonae pia pepa pentacaponaein tatsi tanacuitatsi, bapowa Pedro imoxoyo caquita poinchi. Bapowa Pedro jeichichi:

—Apara xam bayatha iruru napuna poneibame Jesús, pon Galilea nacuapin, jei yabuyo.

⁷⁰ Ichitha Pedro jume matawenta bapowa, daxita jiwi peitatha tatsi. Pedro jeye:

—Jopa yaputaeinyo pocotsiwa xua yabara paebame, jei Pedro.

⁷¹ Poxonae cataunxuae Pedro ecapona xua pia ponaetsi bomaxu coiboto beya, bapoxonae iru ichawayo Pedro tainchi. Barapowa tsipaeba ichamonae pomonae baxota iru umena, Pedro yabara paebatsi, jeye:

—Apara bapon, pon napuna poponeiba Jesús pon Nazaret tomarapin, jei barapowayo.

⁷² Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae payabara paebame, jei Pedro.

⁷³ Equeicha bapoxonae pirapaeyo Pedro imoxoyo caquita poinchi pomonae baxota umena. Barapomonae Pedro jeichichi:

—Apara bara xam iruru bapon pijimonae tatsi jiwanam, daxota barapo jume coyeneya paebame, icha barapomonae ichi, jei.

⁷⁴ Nexata Pedro daunweya jeye:

—Bara Nacom peitabaratha xainyeya paca tsipaebatsi pocotsiwa bara xaniwaicha tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi, jopa dapon yaitaeinyo xuaunxuae pon payabara paebame, jei Pedro.

Bapoxonae iruru caena nainya wacara pebto fibaru. ⁷⁵ Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe, pewanaeya poxonae wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo, neyabara jam tsane. Bapoxonae iru nainya wacara pebto fibina’, jeichichi Pedro, xua Jesús paeba. Nexata Pedro pesato bejoniya bichocono wecoyeyi, peajuntutanexae xua Jesús yabara paebatsi.

27

Meje yabara poxonae Jesús capoinchi Pilato beya

(Mr 15.1; Lc 23.1-2; Jn 18.28-32)

¹ Poxonae pentha tsina sacerdotemonae pia pentacaponae tatsi iruru judiomonae pia pitiri jiwi tatsi, daxita barapomonae yabara nacaetuta xua nanta jupaeya peburaya penanta xeinaenexa po coyeneya xua Jesús pebexubiwa tsainchi. ² Daxita barapomonae equeicha Jesús maxu cutatsi. Bapoxonae Jesús yamaxu cutsiya capoinchi Pilato beya, pon Judea nacuapiwi peyanacua ewatsinchi xua romanomonae peitorobixae.

Meje yabara poxonae Judas pia coutha nabexuba

³ Judas Jesús caenaetaxubatsi ichamonaetha. Poxonae bapon jume tane xua ichamonae Jesús yabara paebatsi xua bewa tupaena abe peexanaexae, poxonae bequein jopa abe exanaeyo, bapoxonae Judas bichocono aura xua Jesús pecaenaetaxubixaetsi. Daxota Judas equeicha caewa capona barapo treinta po paratiximonaebe. Sacerdotemonae pia pentacaponae catatsi iruru pitiri jiwi catatsi. ⁴ Judas barai barapomonae, jeye:

—Poxonae pebin caenaetaxuban, xua jopa pon abe exanaeyo, xua poxonae ichamonae pebexubinexa xua pejana pichapabarena, xan apara bara abe exanan, jei.

Ichitha barapomonae Judas jume notatsi, jeye:

—Apara baxua jopa painta ainya cuiyiyo. Jame apara xam jinya coyam poxonae baxua cana exaname, jei.

⁵ Nexata Judas barapo treinta po paratiximonaebe anaya xoya Nacom pin pia botha. Poxonae Nacom pin pia bo weya pona, bapoxonae Judas nabexuba pia coutha, nacoibo tathu catataba athawetsica.

⁶ Bapoxonae sacerdotemonae pia pentacaponaeawi tatsi nota po paratixi Judas bebaya. Bapoxonae barapomonae najei:

—Jopa naca copatsiyo xua barapo paratixi bara wajebinxexa Nacom pin pia botha tatsi nexa. Tsipei apara barapo paratixi taxoba poxonae barapo paratixitha comotatsi pebin xua ichamonae pebexubinxexa, xua pejana pichapabarenaenexa, jei barapomonae.

⁷ Bapoxonae daxita barapomonae pebuxaya nanta xeinaruxapa, najei: “Waxainchi barapo paratixitha comotinchi tsica iriyo, po iriyotha jiton tsorobon noteiba xua juruwaton peexaneibinxexa. Barapo iriyotha tsane xua pemathathaqueibinxexa tsainchi poxonae werapeibina pomonae penanapaincha jinompaewi xua icha nacua werena peponaewi”, najei. ⁸ Daxota barapo iriyo barapomonae wun duta po wun jeye: “Pejana ira”, jei. Po iriyo barapo wuntha cataunxuae jiwi wun ununutapona beya anoxuae. ⁹⁻¹⁰ Baraxua barapomonae exana xua bayatha pecui yabara tsiwunaeya wuna tsimuxu dutsiya jeixae pon Nacom peitorobi jume pepaebin, pon pewun Jeremias pon caena bayatha tupa. Bapon Jeremias jeye: “Israelmonae pia pentacaponaeawi tatsi catsina treinta po paratiximonaebe ichuntha xua poxonae pecaenaetsixae tsainchi pon pejuntu coyene xicaein. Barapo matomatha cana matomatsinchi pon pejuntu coyene xicaein. Barapomonae baxua cana exanaena bapontha tsipei barapomonae pebuxaya nanta xeinaruxapa pecana matomatsinexa. Bapoxonae equeicha barapomonae caewa pichina barapo treinta po paratiximonaebe. Barapo paratixitha barapomonae iriyo comotsina, po iriyotha jiton tsorobon noteibina xua exaneibina juruwaton. Baxua bara barapomonae exana be pocotsi coyeneya Nacom pon jiwi Pecanamataxeinaein nejume cui itoroba”, jei Jeremias.

*Meje yabara poxonae Jesús uncuca Pilato peitabaratha tatsi
(Mr 15.2-5; Lc 23.3-5; Jn 18.33-38)*

¹¹ Jesús cataunxuae uncuca Pilato peitabaratha, pon Judea nacuapiwi peyanacua ewatsinchi. Bapon Pilato Jesús yainyabatsi, jeye:

—¿Bara yatsicaya xam judiomonae itorobiya pia pepa Neewatsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

¹² Sacerdotemonae pia pentacaponaeawi tatsi iru judiomonae pia pitiri jiwi tatsi, daxita barapomonae Jesús abe yabara paebatsi xua pinae abe exana. Daichitha Jesús jopa jume barabotsiyo barapomonae. ¹³ Nexata daxota Pilato Jesús baraichi, jeye:

—¿Jopa jume taem pocotsiwa barapomonae bichocono abe cayabara paeba? jei.

¹⁴ Ichitha Jesús jopa jume notsiyo Pilato xua pocotsiwa ichamonae Jesús abe peyabara paebiwatsi xua matauta cae jume coyenewatha jopa jume notsiyo. Daxota Pilato bichocono yabara nantu coyene cui cabenaeca baxua.

*Meje yabara poxonae Pilato jume baru jejei xua Jesús bara pebexubiwa tsainchi ichamonae
(Mr 15.6-20; Lc 23.13-25; Jn 18.38-19.16)*

¹⁵ Bara nama, Pilato ba pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba caein jiwana pu sotaba pomonae jiwi pecubi botha peenaewi. Pilato ba pu sotaba pon ba jiwi itapeta cowai xua Pilato peisanaxubinxexa. ¹⁶ Barapo jiwi pecubi botha iruru eca pon bichocono abe peexanaein, pon peyaputaeinchi daxita jiwi poxonae abe

exaneiba. Bapon pewun Barrabás. ¹⁷ Poxonae jiwi nacaetuta, Pilato barai barapo jiwi, jeye:

—¿Eta pon pu satabocuaein? ¿Metha Barrabás jampa? ¿Metha Jesús jampa, pon Mesías baraichi? jei Pilato.

¹⁸ Baxua Pilato paeba tsipei bapon yaputane xua pomonae pecanamata caitorobi bicheito, Jesús peuwixaetsi, caenaetaxubatsi Pilatotha.

¹⁹ Poxonae Pilato cataunxuae pia peecaethopeibiwatha eca xua Jesús peyabara paebinexatsi penatsicuentsiwa bapoxonae Pilato piowa tatsi najume caitoroba ichantha xua jeye: “Jopa copatsinde xua bapon pebexubinexatsi ichamonae, tsipei apara bapon pejantꞫ coyene xeicaein. Yaitama tsipei merawi bapon camaitan daxota bichocono anthathurewein, tsipei bapon dacotsiwa bexotsi”, jei bapon xua Pilato piowa tatsi najume caitoroba.

²⁰ Ichitha sacerdotemonae pia pentacaponae tatsi, iruru judiomonae pia pitiri jiwi tatsi, daxita barapomonae jiwi cui tsacarabatsi, xua barapo jiwi Pilato pecui itorobinexatsi xua Barrabás pepu satabinexatsi, matautano xua Jesús pebexubinexatsino. ²¹ Bapon Pilato equeicha barai jiwi, jeye:

—¿Eta pon pu satabocuaein caein xua baponbe jiwana? jei. Barapomonae Pilatotha jeye:

—Maisa Barrabás pu satabare bara, jei barapomonae.

²² Equeicha Pilato yainyaba barapomonae, jeye:

—¿Eta xua cana exanocuaein Jesús pon Mesías baraichi? jei.

Nexata pinmonae Pilato jume daunweya jume notatsi, jeye:

—¡Bewa maisa naetotha tparucua exanaem! jei barapomonae.

²³ Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daumetha barapomonae jume daunweya jeye:

—¡Bewa maisa naetotha tparucua exanaem! jei.

²⁴ Poxonae Pilato yaputane xua nama taaibichiba pocotsiwa bapon pepaebinexa picoya, xua peajumetsacaxae barapomonae, daxota Pilato itoroba ichan xua petaxawenaenexa tsainchi mera. Bapoxonae barapo meratha nacobe quiataxuba barapo jiwi peitatha tatsi. Bapoxonae bapon namchi, jeye:

—Xan apara jopa tacoutha bexuba exanaeinjo bapon xua daxota pejana pichapabarena pon jopa bequein abe exanaeyo. Poxonae nacobe quiataxuban meratha, baxua tsita itapeinya xeinan xua apara jopa tacouthinjo. Apara jame painya coutha pam poxonae bexuba paexaname pon abe jopa exanaeyo, jei Pilato.

²⁵ Daxita barapomonae equeicha namchi, jeye:

—¡Paxan iru pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.

²⁶ Nexata Pilato nama pu sotaba Barrabás. Bapoxonae itoroba xua soldadomonae bara Jesús moya bichocono pecuainchinexatsi pocotsiwatha eewa xua bichocono amapiya xua xota ba jiwi cuainteibatsi poxonae abe exaneiba. Matautano itorobano xua moya bara Jesús tparucua exanaeinchi naetotha.

²⁷ Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. ²⁸ Bapoxonae Jesús pia paparuwa juma xue-natsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi. ²⁹ Bapoxonae cuane tepa xua pee tepa, yawa bapoxonae Jesús canamitontsiya mata

xatatatsi baxua xua cana exanatsi icha be ichi pon jiwi itorobiya pepa peewatsin poxonae mata xatatatsi tepa. Matautano Jesús cobenatatsi naewa icha be ichi pon jiwi itorobiya pepa peewatsinchi poxonae naewa cobenatatsi poxonae itoroba jiwi. Bapoxonae Jesús peitabaratha tatsi pentabocototha taenatsi xua Jesús naerabiya pebar_u cui itura jinaenexa tsainchi. Bapoxonae Jesús cui caponatsi, jeye:

—¡Jaco judiomonae itorobiya pepa Neewatsim! jei barapomonae xua Jesús canamitontatsi.

³⁰ Matautano Jesús yabara naone subabatsi. Matautano Jesús cobe wepitatsi naewa. Bapoxonae barapo naewatha Jesús mata cuaintatsi. ³¹ Poxonae Jesús canacui wetatsi xua cui caponatsi, equeicha bapoxonae Jesús caewa juma wejontatsi xua po paparuwa tsofia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua t_uparucua peexanaenexatsi naetotha.

*Meje yabara poxonae Jesús t_uparucua exanatsi naetotha
(Mr 15.21-32; Lc 23.26-43; Jn 19.17-27)*

³² Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin. Bapon pew_un Simón. Bapoxonae barapo soldadomonae Simón itorobatsi xua pecapon-aenexa Jesús pia naeto tatsi, po naetotha t_uparucua peexanaenexatsi Jesús.

³³ Bapoxonae Jesús bar_u patatsi ichaxota po uruto be jiton matasipa piwa. Daxota barapo uruto jiwi w_un unuta “Gólgota”, jei. ³⁴ Baraxotiya Jesús apatatsi vino mera, po vino mera equeicha muxuna epareca hiel mera mataw_un po mera bichocono atsu w_uwa. Poxonae Jesús mene pana, bapoxonae Jesús aichaxaibi apa barapo mera.

³⁵ Poxonae Jesús canacobe wetatsi xua naetotha t_uparucua exanatsi, bapoxonae soldadomonae nata tsaba Jesús pia paparuwan tatsi. Barapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. ³⁶ Nexata barapo soldadomonae Jesús yapu caenatsi poxoru jopa ichipaeyo xua Jesús pepanepaewa tsane. ³⁷ Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa Peewatsinchi”, jei barapo petinadutsiwa xua napaewatha tinaduta.

³⁸ Ir_uu ponbe jiwi pecaibinbe t_uparucua exanatsibe naetotha ichaxota imoxoyo Jesús ducua. Ich_un Jesús petsocona wetauncuiyatsi, ich_un pecoxa wetauncuarenatsi. ³⁹ Pomonae Jesús xentapoinchi barapomonae Jesús cui capoinchi, yawa Jesús yabara itata naichaquebatsi. ⁴⁰ Barapomonae Jesús jeichichi:

—Xam bayatha jam: ‘Nacom pin pia bo abe exanaein, bapoxonae equeicha acoibi po matabibibe xaneibin’, jam. Moya bara jinya coutha nacapanepare naeto wetsica icha bara metha Nacom Pexantom tatsim, jei barapomonae.

⁴¹ Ir_uu barichi sacerdotemonae pia pentacaponae tatsi ir_uu pomonae jiwi pecuidubiwi Moisés pia peitorobi coyene tatsi ir_uu judiomonae pia pitiri jiwi tatsi, daxita barapomonae Jesús cui capanatsi. Daxita barapomonae najei:

⁴² —Bapon cain capanepibabei ichamonae, came jopa nacapanepaeyo. Icha bara bapon israelmonae itorobiya pia pepa Peewatsinchi, b_u bapon pia coutha naeto wetsica ecoinca, xainya bapoxonae jume cow_untatsi. ⁴³ Bapon

jume cowunta Nacom, xua bepa pinae capanepaeinchi, xua Nacom capanepaena. Icha Nacom ichichipa, b̄u bara moya capanepaena, tsipei caena bayatha naca jei: ‘Apara xan Nacom Pexanton’, naca jei, jei barapomonaē.

⁴⁴ Barichir̄u baxua paeba ponbe jiwi pecaibinbe, ponbe xua ir̄ur̄u cobe matatabarutatsibe naetotha. Baponbe ir̄ur̄u Jesús cui caponatsi.

Meje yabara poxonaē Jesús t̄upa

(Mr 15.33-41; Lc 23.44-49; Jn 19.28-30)

⁴⁵ Poxonaē Jesús cataunxuae ducua naetotha, bapoxonaē daxita nacuantha bichocono aitaquiri xua poxonaē mataeinyaxae weya, beya yatabopiya. Tres po horabe quirei tsuncuae. ⁴⁶ Bapoxonaē Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

⁴⁷ Ichamonae pomonaē Jesús baxota jume taeumeinchi, barapomonaē jeye:

—Pajume taema. Bapon waba, Elías wabatsi, pon Elías Nacom peitorobi jume pepaebin, pon caena bayatha t̄upa, jei.

⁴⁸ Bapoxonaē caein nainya cuinaepoinya pon barapomonaē jiwana yawa pitaba esponja xua baxota pemene capichinexa vino mera xua po mera mene atsu. Poxonaē bapon baxota mene capita, bapoxonaē naewatha duta xua Jesús petayoichaenexatsi xua peapaenexa. ⁴⁹ Ichitha ichamonae namchi, jeye.

—Ab̄u, ab̄u jopa apatsinde. Waxainchi ab̄u matha taeinchi icha Elías patopeicaena xua bapon pecapanepaenexatsi, jei barapomonaē.

⁵⁰ Equeicha Jesús jume daunweya wawai, bapoxonaē nama t̄upanaicha Jesús. ⁵¹ Bapoxonaē paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica ainya epatobe naexanabe. Matautano ira jijiyataxuba, matauta ibo wacapouna. ⁵² Po m̄uth̄untha pomonaē pewerapeibiwi bobena, barapo m̄uth̄un coibo tupa wacapouna pocotsiwa coibo xatababanoba xua pin ibo panawan. Barapo m̄uth̄untha cataunxuae ab̄u saya bobena pomonaē caena bayatha werapa. Pirapaeyo acoibi po matakabiyobe poxonaē Jesús as̄u juina exanatsi, xua Nacom exana, bapoxonaē ir̄ur̄u pomonaē bayatha pejume cowuntsiwichi Nacom pomonaē xua bayatha pewerapaexae barapomonaē ir̄u as̄u jujuina exanatsi xua Nacom exana. ⁵³ Bapoxonaē daxita barapomonaē m̄uth̄u we-iyiya. Daxita barapomonaē, Jerusalén tomara beya pona po tomaratha xeina Nacom pin pia bo tatsi. Barapomonaē nait̄ata pinmonaetha Jerusalén tomarapiwitha.

⁵⁴ Bapoxonaē soldadomonaē pomonaē Jesús yapu enatsi ir̄ur̄u barapo soldadomonaē pia pentacaponaein tatsi, pon romanomonaepin poxonaē daxita barapomonaē tane xua ira jijiyata yawa xua tane ichawanno, bapoxonaē barapomonaē bichocono junuwa. Bapoxonaē barapomonaē jeye:

—¡Apara bara yatsicaya bapon Nacom pepa Pexanto tatsi! jei barapo soldadomonaē.

⁵⁵ Barichi ir̄u ainyawaxi yab̄uxi, barapowaxi Jesús tsiwiyo taj̄u wetaeumeinyatsi. Barapowaxi Jesús bayatha matha puna jinompatsi xua poxonaē Galilea nacua weya pona xua Jesús peyawenaenexatsi. ⁵⁶ Barapowaxi jiwana, ichowayo pew̄un María Magdalena, powa Magdala tomarapiwayo. Ichowayo pew̄un María, Santiago ir̄u José baponbe penabe tatsi. Ichowayo pew̄un Salomé bapowa Zebedeo piowa tatsi, xua ir̄u bapowa Santiago ir̄u Juan baponbe pena tatsibe.

Meje yabara poxonaē Jesús pet̄upaein ibo m̄uth̄untha yauxatatabobotatsi

(Mr 15.42-47; Lc 23.50-56; Jn 19.38-42)

⁵⁷ Poxonae quirei tsanaicha, pebin patopa ichaxota Jesús naetha t̃parucua. Bapon copei pexeinaein. Bapon pew̃n José. Bapon Ari-matea tomarapin. Matauta bapon ir̃u Jesús pia pepuna jinompaewichi jiwanapin tatsi pomonae Jesús pia pejume cow̃ntsiwichixaetsi. ⁵⁸ Bapon pona Pilato beya pew̃caenexa xua Jesús pet̃paein. Nexata Pilato najume caruta xua bara José pecatsinexatsi Jesús pet̃paein. ⁵⁹ José nexata pita Jesús pet̃paein. Bapoxonae pena paparuwatha mata quiyontabareca xua pexeinya paparuwa. ⁶⁰ Bapoxonae José m̃th̃u iya Jesús botatsi pena ibo m̃th̃uatha, po m̃th̃u bequein José pia m̃th̃u tatsi xua poxonae pet̃paeiwa tsane. Poxonae José nacobe weta xua yauxatatababota pin ibo panawatha, bapoxonae ponataba. ⁶¹ Baxotiya ibo m̃th̃u itapatha eca María Magdalena, powa Magdala tomarapiwayo. Ir̃u ichowayor̃u María baxota naeca.

Meje yabara poxonae Pilato itoroba soldadomona xua Jesús peyam̃th̃u eenaenexa tsainchi

⁶² Icha matakabitha po matakabitha pentaquei seica matakabi bapoxonae sacerdotemona pia pentacaponae tatsi ir̃ur̃u fariseomona daxita barapomonae pona Pilato beya. ⁶³ Barapomonae Pilato jeichichi:

—Pon pata Tanecanamataxeinaem, pananta xeinan xua barapo pemuxuitorobin poxonae cataunxuae popona, pana tsipaeba, jeye: ‘Poxonae acoibi po matakabibe tsuxubi tsane equeicha as̃n tsane pet̃pae coyene cuiru weya’, pana jei bapon. ⁶⁴ Daxota xam itorobare soldadomona xua xaniwaicha peyapu eenaenexa m̃th̃u xua beya poxonae acoibi po matakabibe tsuxubi tsane. Baxua exande xua jopa pepatsinexa tsane m̃th̃u beya Jesús pia pepuna jinompaewichi, tsipei b̃u merawi barapomonae pichapa Jesús pia pepon. Tsipei pirapae naerabichipa jiwitha jei tsipae: ‘Bayatha equeicha as̃u exanatsi pet̃pae cuiru coyene weya’, jei tsipae xua Jesús yabara naerabatsi. Barapomonae baxua naerabichipa jiwitha, baxua bichocono abe tsipae, beyacaincha poxonae Jesús bayatha pocotsiwa paeba xua pemuxuitorobiwa, jei barapomonae.

⁶⁵ Pilato barai barapomonae, jeye:

—Bara moya pataema. Moya panore soldadomona. Moya m̃th̃u beya pabar̃u ponde. Paexande pocotsiwa panantawenoname xua b̃u moya barapo soldadomona xaniwaicha yapu eenaena, jei Pilato.

⁶⁶ Nexata barapomonae ir̃u soldadomona bara be-iyiya. Bapoxonae m̃th̃u coibo daunwei exananota. Bichocono barapomonae cateitabanota xua pin ibo panawa xua m̃th̃u boupa ata. Matautano bichocono barapomonae pemacatha epatautarena boupa c̃atabarena barapo peboupa pat-siwa, xua peyaputaenexa icha ich̃n namicha patopa xua pecaibinexa Jesús pet̃paein. Bapoxonae barapomonae cuentadendena soldadomona xua barapo soldadomona peyapu eenaenexa m̃th̃u.

28

Meje yabara poxonae Jesús equeicha as̃u juina exanatsi pet̃pae cuiru coyene weya

(Mr 16.1-8; Lc 24.1-12; Jn 20.1-10)

¹ Poxonae po pentaquei seicae matakabi yapu caewaba, bapoxonae matakabi jopa po matakabi xua nanta carucua xua cae semanatha xua penacuichi matakabi. Barapo mataqueitha María Magdalena, powa Magdala tomarapiwayo ir̃u ichawayo María, barapowayobe caem̃botha siwa ponabe m̃th̃u ichaxota Jesús yam̃th̃u uncua. ² Bapoxonae nainya ira jijiyataxuba tsipei Nacom itoroba matatsunpin xua peitaboco wetsica pona. Barapo

matatsunpin yaupataxubanota barapo pin ibo panawa. Bapoxonae barapo ibo panawatha ecopiya. ³ Barapo matatsunpin bichocono daedaena icha be yam μ xi coicha ichi. Paparuwa bichocono inyapana. ⁴ Poxonae soldadomonae baxua taer μ cupa bichocono cuitaya jijiyei ts μ r μ cupae, mexeya poxi werapa iratha bobena, tsipei bichocono junuwa. ⁵ Barapo matatsunpin namchi barapowayobetha, jeye:

—Jopa pajunuwindebe. Bara yaputan xua pawenawenambe Jesús xua painya taetsibe, pon t μ pa exanadutatsi naetotha jiwi. ⁶ Xote apara bapon aibi. Apara bayatha equeicha as μ juina exanatsi pet μ pae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon pet μ paein botatsi bayatha. ⁷ Nainya papondebe weye, patsipaebarebe Jesús pijimonae tatsi. Pajandebe: ‘Bara bequein bapon bayatha t μ pa ichitha equeicha as μ juina exanatsi pet μ pae cuiru coyene weya. Bapon copiya paca tsiwana ponaena Galilea nacua beya. Baxotiya bapon pataename, pana nejei matatsunpin’, pajandebe Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apara xaniyei, jei matatsunpin.

⁸ Bapoxonae barapo yab μ yobe m μ th μ weya nainya pontababe. Junuwiya j μ nt μ coyene weiweinabe. Barapowayobe cuinaepoinyabe Jesús pijimonae tatsi beya xua diwesi caponabe pocotsiwa matatsunpin paeba. ⁹ Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeye barapowayobetha: “Jaco”, jei Jesús. Barapowayobe imoxoyo caquita ponabe Jesth μ tha bapoxonae pentabocototha uncuabe yawa taxu waetababe xua Jesús w μ nae pejainchinexatsi. ¹⁰ Jesús barai barapowayobe, jeye:

—Jopa pana necunuwindebe. Paponarebe tajiwimonae beya. Patsipaebarebe pajandebe: Jesús paca itoroba bepa pinae paponae Galilea nacua beya. Bepa pinae baxotiya pataem, pajandebe, jei Jesús.

Meje yabara poxonae soldadomonae naerabiya paeba, jeye: “Jesús pijimonae pet μ paein pitatsi”, jei

¹¹ Poxonae barapo yab μ yobe cataunxuae namtotha ecaponabe, bapoxonae icha soldadomonae jiwana, po soldadomonae Jesús yam μ th μ eenatsi, barapo soldadomonae tomara beya pona. Mata μ ta sacerdotemonae pia pentacaponae wi tatsi tsipaebatsi daxita pocotsiwa xua xuan tane. ¹² Barapo sacerdotemonae pia pentacaponae wi tatsi pona pitiri jiwi beya xua caemonae peyabara natsipaebinexa xua Jesús pet μ paein yabara. Bapoxonae daxita barapomonae soldadomonae paratixi nawita catsibatsi xua jiwi naerabiya petsipaebinexatsi. ¹³ Bapoxonae barapomonae soldadomonae baraichi, jeye:

—Patsipaebare jiwi xua merawi poxonae pamaitumenambe Jesús pijimonae tatsi pata, yawa xua bapoxonae pet μ paein pitatsi. ¹⁴ Icha Pilato pon peyanacua ewatsin jiwi jume taebina xua Jesús pet μ paein aichurucuae, yawa icha bapon baxua yabara paca yainyabina, bapoxonae nexata paca yabara jume yawenaechi xua bapon jopa paca jutebi tsane, jei barapomonae.

¹⁵ Nexata barapo soldadomonae nota paratixi yawa jiwi tsipaeba tsiniyatsi xua sacerdotemonae pia pentacaponae wi tatsi peitorobixae. Barapo penaerabi diwesi jume, judiomonae jume cocow μ ntapona. Anoxuae barichi po judiomonae anoxuae jinompa, jume cocow μ ntapona barapo diwesi.

Meje yabara poxonae Jesús cui itoroba pijimonaе xua pia diwesi tatsi daxita nacuantha petapaebiwa tsainchi

(Mr 16.14-18; Lc 24.36-49; Jn 20.19-23)

¹⁶ Nexata once poyobe pomonaе xua Jesús pijimonaе tatsi barapomonaе nawibiya Galilea nacua beya. Bapoxonaе barapomonaе demxuwa beya pona, po demxuwa pinaе Jesús caunuta xua pinaе baxota patopaena. ¹⁷ Poxonaе barapo once poyobe baxota Jesús taerucupatsi, ichamonaе Jesús wunaе jaintatsi, bequein ichamonaе ainya jantа coyenein xeina xua Jesús xapain beta jopa yabara jume cowantichi. ¹⁸ Nexata Jesús pijimonaе imoxoyo caquita pona. Bapoxonaе jeye:

—Nacom necata daxita peayapusа itorobi coyene xua peitabocotha nexa, matautano po cae pin nacuathe tsiquenexano. ¹⁹ Paponare daxita carepaya jiwitha xua daxita nacuantha. Jiwi pacana exande xua tana nejume cowantsiwa tsane. Daxita pomonaе tana nejume cowantsiwi pabautisabare. Poxonaе pabautisabame Taxa pewun pawun taibare, matautano pana newun taibare, ponxaein Nacom Pexanton, matautano Nacom pia Pejumope tнаху tatsi pawun taibare xua barapo acoibi wunthabe painya paca nepaca yawenaenexa pia peayapusа itorobi coyenewatha. ²⁰ Daxita barapomonaе pacuidubare daxita xua xuan pocotsiwa bayatha paca itorobatsi. Matautano painya xoba pajantemainame xua daxita matakabin bara ataya paca baru poponeibinchi beya poxonaе tsane xua equeicha patopeicaein, jei Jesús pijimonaetha.

Baja Mateo.

Jesucristo Pia Pexeinya Diwesi Jume Tatsi Marcos Petinae Diwesi

Meje yabara poxona Juan pon Pebautisabin jiwi cuiduba ira xuepana susato tsurucuae nacuatha
(Mt 3.1-12; Lc 3.1-9, 15-17; Jn 1.19-28)

¹ Baraxue tamropata pitaban xua Jesucristo pia pexeinya jume diwesi tatsi. Bapon Jesucristo, Nacom Pexanto tatsi.

² Bayatha Nacom pia peitorobi jume pepaebin, pon pewan Isaías, bapon tina petinae diwesitha. Isaías tina Nacom nexa, Nacom barapo diwesitha jeye Pexantotha:

“Itorobin copiya pon tana najume caitorobin xua catsiwanaya itorobinchi.

Bapon cana exanaena jiwitha xua jiwi yabara aura tsane abe pia peexanae cuiru coyenein tatsi, xua poxona nepatopae wunaeya tsane.

³ Pon itorobin bapon jume tan pon xua wawai ira xuepana susato tsurucuae nacuatha.

Bapon wawaya jeye: ‘Patsinajuntui cui coyene wunaere, pon jiwi pia pepa Pecanamataxeinaeinchi nexa pia pepatopae wunaeya tsane’, jei pon xua wawai”, jei Isaías petinae diwesitha.

⁴ Nexata Juan pon Isaías peyabara paebixae bapon ira xuepana susato tsurucuae nacuatha patopa. Bapon Juan bautisaba ducuaenaebiya, xua jiwi bautisabatsi merantha. Matautano bapon tsipaeba jiwitha Nacom pia pexeinya jume diwesi tatsi. Bapon Juan jeye jiwitha: “Icha juntui coyene paxinare painya neauraxae xua abe paexaname. Bapoxona Nacom paca yabara juntemainena abe painya neexanae cuiru coyenein”, jei Juan. ⁵ Daxita Judea nacuamonae, iraru Jerusalén tomarapiwi, daxita barapomonae pona ichaxota beya Juan bautisaba jiwi ira xuepana susato tsurucuae nacuatha. Poxona barapomonae nayopita Nacomtha xua bepa pinae Nacom tsita auratsi xua abe peexanaexae bapoxona barapomonae Juan bautisaba Jordán mentha.

⁶ Juan jumaina duwein nabocoto, po duwein pewan camello. Coreinya bocoto maraina. Xane pocotsiwa yapupuna pocotsiwan be sure poxi.

Matautano bana daeba. ⁷ Barapon pomonaetha pebautisabixae tsipaeba, jeye: “Pon nepuna patopaena, apara bapon Mesías. Bapon bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Xan bichocono tapawin daxota bapon bichocono tsita pin ura xeinan xua tataxu ma isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomona amanaya petanacuichiwi pia pentacaponawewi poxona baru cui itura jina pia pentacaponawewichi. ⁸ Paca bautisabatsi meratha, ichitha nama barapon Mesías paca bautisabina Nacom pia Pejumope tanaetha tatsi poxona Nacom paca najumope catsibina”, jei Juan jiwitha xua Jesús yabara.

Meje yabara poxona Jesús bautisabatsi
(Mt 3.13-17; Lc 3.21-22)

⁹ Barapo dapaetha Jesús Nazaret tomara weya pona, po tomara eca Galilea nacuatha. Bapon Jordán mentha patopa, ichaxota Juan bautisaba. Baraxota Jesús bautisabatsi. ¹⁰ Poxonae mene wejuina barapoxonae caena nainya Jesús itaboco necoicha xua peitaboco nayausaranaxuba. Jesús tane xua Nacom pia Pejumope tɨnaxɨ tatsi patopa bapontha xua be topiboto yaruneica. ¹¹ Barapoxonae Jesús jume tane pocotsiwa peitaboco wetsipae-bicatsi, jeichichi: “Xam apara Taxantom, pom bichocono caantobetsi, pom caitapetatsi. Nejtɨntɨ coyene weiweina exaname”, jei Nacom.

Meje yabara poxonae Jesús jɨntɨ coyene jɨjtatsi caurimonae pia pentacaponaein tatsi xua Jesús abe coyeneya petaexanaenexa tsane
(Mt 4.1-11; Lc 4.1-13)

¹² Poxonae Jesús nanacui wetatsi xua bautisabatsi bapoxonae Nacom pia Pejumope tɨnaxɨ tatsi Jesús nainya itorobatsi ira xuepana susato tsurucuae nacua beya. ¹³ Jesús ira xuepana susato tsurucuae nacuatha popona cuarenta po matabibe. Baraxota pichiwan xua camatsawan jinompa ichaxota Jesús popona pocotsiwan bichocono atsaca. Caurimonae pia pentacaponaein tatsi pon Satanás Jesús piraichi jɨntɨ coyene jɨjtatsi xua Jesús abe coyeneya petaexanaenexa tsane. Pirapae matatsunpiwimonae po matatsunpiwimonae Nacom itoroba, barapomonae pata Jesustha xua Jesús pecui matateicaenexa tsainchi, matautano xua peapatsinexatsi tsainchi.

Meje yabara poxonae Jesús tamropata pitaba pia penacuichiwa xua Galilea nacuatha
(Mt 4.12-17; Lc 4.14-15)

¹⁴ Nexata poxonae ichamonae Juan maxɨ waetabatsi xua peetsinexatsi jiwi pecubi botha, bapoxonae Jesús Galilea nacuatha patopa. Jesús paeba ducuaeta jiwitha Nacom pia pexeinya jume diwesi tatsi. ¹⁵ Jesús namchi jeye: “Nacom bayatha yabara necana cui weta exana po coyeneya xua poxonae tapatopaewa. Daxota jiwi itacɨpatsi xua naexana Nacom piamonae, pomonae Nacom itorobiya peewatsixae. Daxota icha jɨntɨ coyene paxeinare Nacomtha xua painya neauraxae xua abe paexaname, Nacom piamonae painya nenaexanaenexa tsane. Pajume cowɨnde Nacom pia pexeinya jume diwesi tatsi”, jei Jesús.

Meje yabara poxonae Jesús waba cuatro poyobe pebiwi, pomonae duwei peyamaewi
(Mt 4.18-22; Lc 5.1-11)

¹⁶ Poxonae Jesús pona Galilea pucua itapatha, bapoxonae tane ponbe peyaxunubinbe duwei. Ichɨn pewɨn Simón, ichɨn pewɨn Andrés. Baponbe bara cae peweichobe. Baponbe peweichobe duwei yamonauyabe pucuatha.

¹⁷ Jesús waba, baraponbe wabatsibe. Jesús jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowɨntsiwa tsane Nacom icha bayatha paichimbe poxonae payamonamebe duwei nawita, jei Jesús.

¹⁸ Bara caena baraponbe botabe barapo peyamaewa. Bapoxonae napuna ponabe Jesustha.

¹⁹ Jesús equeicha pona. Bapoxonae equeicha ichɨnbe tainchibe. Baraponbe ichɨn pewɨn Santiago, irɨ ichɨn pewɨn Juan. Baponbe Zebedeo pexantobe tatsi. Jeratha mataquerabauyabe peyamaewa xua ucupouna.

²⁰ Jesús nainya waba, baponbe wabatsibe: Jesús baraipe: “Anetha, pana nepuna pondebe”, jei Jesús. Baponbe paxa cuenta ponabe jera weya, pon

pewun Zebedeo. Matautano cuenta ponabe pomonae Zebedeo pia peyawena jiwichi tatsi xua yamona duwei. Baponbe Jesustha napuna ponabe.

*Meje yabara poxonae pebin pon cauri xeina
(Lc 4.31-37)*

²¹ Bapoxonae Jesús pijimonae baru pona Capernaum tomara beya. Bapoxonaeru judiomonae barompaya pia pentaquei seicae matabi tatsi tsuxubi. Barapo matabitha Jesús pijimonae baru joniya judiomonae pia penacaetutsi botha tatsi. ²² Barapo jiwi yabara najuntu coyene cabenaeca, tsipei pocotsiwa Jesús barapomonae cuidubatsi be pon peyaputaen pia peyapusu itorobi jume coyeneya tatsi paeba. Jesús jopa cuidubiyo be judiomonae pia pecuidubiwi pia coyeneya tatsi. ²³ Pebin pon cauri xeina barapon eca barapo judiomonae pia penacaetutsi botha tatsi.

²⁴ Bapon wawaya jeye:

—¡Jesús Nazaret tomarapim, pana wepu warapare! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebichim? Paca yaputainchi yawa paca yaitainchi xam apara pon Nacom caitoroba, pon pepa Nentacuiruyapuxanepanaem, jei pebin pon cauri xeina.

²⁵ Jesús taitaweta, pebin taitawetatsi cauri. Jesús cauritha jeye:

—¡Moyandel! ¡Barapon wepu ponde! jei Jesús cauritha.

²⁶ Barapoxonae cauri pebin naichababa exanatsi. Poxonae cauri barapo pebin bichocono wawai exanatsi, bapoxonae barapo cauri pebin wepu poinchi. ²⁷ Daxita barapomonae yabara najuntu coyene cabenaeca. Daxota nayainyaba, jeye:

—¿Eta pocotsiwa jane? ¿Jamaisa baxua mexeya pena pecuidubi coyenewa? Maisa barapo pebin Jesús bichocono peyapusu itorobi coyenewa pexeinaein. Matautano caurimonae jume cowanta poxonae pocotsiwa bapon itoroba, najei barapomonae.

²⁸ Bapoxonae caena nainya daxita pomonae jinompa Galilea nacuatha jume taerucupa pocotsiwa juinya Jesús exana.

*Meje yabara poxonae Jesús axaibi exana Simón Pedro pamiyo tatsi
(Mt 8.14-15; Lc 4.38-39)*

²⁹ Jesús caena nainya pona judiomonae pia penacaetutsi bo tatsi weya. Bapoxonae Jesús joniya Simón pia botha tatsi po bo xua iru Andrés pia bo tatsi. Barapo botha Santiago iru Juan Jesús baru joniya. ³⁰ Simón pamiyo tatsi domae xainchi. Barapowa camatha boca. Poxonae Jesús patopa barapomonae caena nainya Jesús tsipaebatsi, jeye: “Simón pamiyo tatsi domae xainchi”, jei. ³¹ Jesús caquita pona Simón pamiyo tatsi. Bapoxonae bapowa cobe pitatsi. Barapowa asiya cuaranotatsi. Bapoxonae barapowa caena nainya taaichurucuaetsi domae. Nexata barapowa pexaewa apata barapomonaetha.

*Meje yabara poxonae Jesús axaibi exana pin bicheitomonae
(Mt 8.16-17; Lc 4.40-41)*

³² Poxonae tabopiya tsanaicha xua quirei tsanaicha, bapoxonae jiwi Jesús tacapoinchi pomonae peatenemonaewi, iru pomonae caurimonae xeina. ³³ Daxita barapo tomarapiwi nacaetuta bomuxu boupatha. ³⁴ Jesús axaibi exana pinmonae pomonae xeina daxita coyenexi xua xoxi peatenewa. Matautano Jesús taitaweta pomonae cauri xeina. Jesús jopa copatsiyo xua pecueicueiwei caurimonae, tsipei caurimonae Jesús cui yaputainchi.

*Meje yabara poxonae Jesús cueicueijeji Nacom Pejume Diwesi judiomona
pia penacaetutsi bontha tatsi*

(Lc 4.42-44)

³⁵ Baya poxonae caem̃botha poxonae cataunxuae quiriquirica Jesús nacosataxuba. Bapoxonae tomara weya pona xua ichaxota jiwaibi bara beya pona. Baraxotiya Jesús tsipaebauya, Nacom tsipaebatsi. ³⁶ Nexata Simón ir̃u pomonae Jesús pepuna jinompae jiwichi, barapomonae Jesús pu barainatsi. ³⁷ Poxonae barapomonae Jesús caxibatsi, bapoxonae Jesús tsipaebatsi, jeye:

—Daxita jiwi cawenawenei, jei.

³⁸ Jesús jume nota jeye:

—Barab̃u ponaeinchi icha tomaran beya, barapo tomarantha ir̃u tacueicueijeinexa tsane Nacom pia pexeinya jume diwesi tatsi. Daxota apara baxua tsipatopeican, jei Jesús.

³⁹ Bapoxonae Jesús siwa pona ducunaeta daxita tomaran Galilea nacuatha. Judiomonae pia penacaetutsi bontha tatsi Nacom pia pexeinya jume diwesi Jesús tsipaeba barapo judiomonaetha. Matautano Jesús taitaweta caurimona.

Meje yabara poxonae Jesús axaibi exana pon peper̃u sawinchi

(Mt 8.1-4; Lc 5.12-16)

⁴⁰ Bapoxonaer̃u pebin, pon peper̃u sawinchi, Jesús caquita poinchi. Bapoxonae bapon pentabocototha uncua Jesús peitabaratha tatsi xua Jesús pebar̃u cui itura jinaexaetsi. Bapon matowa Jesús w̃acatsi, jeye:

—Icha bara ichichipame bara caitac̃pa xua axaibi tana neexanaewam, tsipei jinya neayapus̃u itorobi coyenewa nexainaem, jei bapon.

⁴¹ Jesús yabara naj̃nt̃u coyene xeina bapon, xua peyawenaenexa. Jesús nacobe yota, bapoxonae bapon mata jayabatsi, jeye:

—Bara ichichipan. ¡Bara axaibinde! ¡Bara caaper̃uaxaibi exanatsi! jei Jesús.

⁴² Bapoxonae bapon nainya taaichurucuaetsi xua peper̃u sawiwatsi. Matautano axaibi tsanayano. ⁴³⁻⁴⁴ Bapoxonae Jesús jume daunweya itorobiya jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotepintha xua nenait̃tsinexa xua bapon necataenexa xua bayatha nejumewa. Care bapontha pocotsiwa xua pecatsiwa Nacomtha, pocotsiwa bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua per̃u w̃naem, jei Jesús.

⁴⁵ Daichitha poxonae bapon pona jopa moya yaw̃ñ xeinaeyo. Bapon yabara tsipaebapona ichamonaetha pocotsiwa xua bayatha peaxaibiwa. Daxota Jesús jopa itac̃paetsi xua nait̃tsiya pata ducunaebiya tomarantha. Daxota Jesús tomaran cuariya popona xua aisowantha. Jiwi pomonae daxita ichawan werena pona, barapomonae Jesús pia xantha tatsi tapatatsi.

2

Meje yabara poxonae Jesús axaibi exana pon pecuenobinchi

(Mt 9.1-8; Lc 5.17-26)

¹ Poxonae be caentacabiyobe yapucaewa, bapoxonae Jesús equeicha caibeya pona Capernaum tomara beya. Jiwi yopita xua pinae Jesús botha eca. ² Pin bicheito nacaetuta ichaxota po botha Jesús patopa, beya poxonae matauta bo coibo quecona. Barapomonaetha Jesús tsipaeba Nacom pia

pexeinya jume diwesi tatsi. ³ Bapoxonae pebiwi pata cuatro poyobe. Barapo pebiwi yapaparuwa capata pon pecuenobinchi. ⁴ Tsipei pin bicheito, daxota barapo pebiwi jopa itacupaetsi xua Jesús imoxoyo pecaquita ponaewatsi. Daxota barapo pebiwi bomaxutha pentatupa wereca atsa caxinaxoreca ichaxoya Jesús uncuareca. Barapo mutha deca pon pecuenobinchi yapaparuwa yorecatsi. ⁵ Poxonae Jesús yaputane xua barapomonae yabara cui jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae pecuenobinchitha Jesús tsipaebiya jeye:

—Tajitom cacui yabara jantemainaya juntu puxana exanatsiba abe jinya neexanae cuiru coyenein, jei Jesús.

⁶ Ichitha baraxota iru naena pomonae jiwi pecuidubiwi Moisés pia peitorobi coyene tatsi. Barapomonae nanta xeinaeya najei: ⁷ “Maisa bapon bichocono abe tsipei pocotsiwa bapon paeba bichocono Nacom tsita ajumbetsi. Jiton dapocotsin aibi pon xua jiwi cacui yabara jantemainaya juntu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jantemainaya juntu puxana exanatsi abe pia peexanae cuiru coyenein tatsi”, najei. ⁸ Barapoxonae caena nainya Jesús yaputane pejuntu coyenewatha pocotsiwa barapomonae pia coutha nayainyaba. Jesús jeye barapomonaetha:

—¿Eta pocotsiwa metha baraxua pana natsipaebame? ⁹ ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jantemainatsi’, jan tsane? Ichacuiitha ¿metha jan tsane: ‘Nontaponde, bara pire jinya nemaituncuaewa, yawa bara ponare’, jan tsane?

¹⁰ Daxota anoxuae paca tsita itapeinya xeinaeinchi, xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jantemainaya juntu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bapoxonae Jesús tsipaeba pontha pon pecuenobinchi. Jesús jeye:

¹¹ —Catsipaebatsi, nontaponde. Jinya nemaituncuaewa pire. Jinya bo beiyandeno, jei Jesús.

¹² Bapoxonae bapon caena nainya nontapona barapomonae peitutha tatsi, yawa pita xua pemaituncuaewa. Bapoxonae bapon bo tutu weya pona barapo pin bicheito peitutha tatsi. Daxita barapomonae yabara najuntu coyene cabenaeca, yawa Nacom wanae jaintatsi, jeye:

—Maisa waxainchi bapana bayatha jopa taetsi pocotsiwa wanae pocot-siwe icha be iche, jei barapomonae.

*Meje yabara poxonae Leví wabatsi, Jesús waba
(Mt 9.9-13; Lc 5.27-32)*

¹³ Barapoxonae Jesús pona Galilea pucua itapatha. Bapoxonae baxotiya pin bicheito pata Jesús pia xantha tatsi. Barapomonaetha Jesús cuiduba.

¹⁴ Poxonae Jesús cataunxae ecapona Galilea pucua itapatha, bapoxonae Leví tainchi. Bapon Leví Alfeo pexanto tatsi. Bapon Leví eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi. Jesús Leví tsipaebatsi, Jesús jeye:

—Nepuna ponde, jei Jesús.

Bapoxonae Leví nontapona, yawa Jesús puna poinchino.

¹⁵ Pirapaeyo Jesús Leví baru eca pexaethopeibiwatha, xua Leví pia botha tatsi xua Jesús pebaru xaenexatsi. Barichi Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwi

bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanae jiwi. Matautano Jesús pijimonae baru eca barapo pexaethopae-watha. Pinmonae Jesús baru eca tsipei pinmonae Jesús puna poinchi. ¹⁶ Ichitha pomonae jiwi pecuidubiwi Moisés pia peitorobi coyenewa tatsi iruru fariseomonae, daxita barapomonae Jesús tainchi poxonae Jesús baru xayeca pomonae paratixi pentoma noteibiwi, iru pomonae abe peexanae cuiru coyenein peexanae jiwi. Pomonae Jesús tainchi daxita barapomonae Jesús pijimonae tatsi jeichichi:

—Maisa Jesús pon painya nepaca cacuidubin abe exana poxoru baru xayeca pomonae paratixi penoteibiwi, matautano, baru xayeca pomonae peajuntu coyenebe jiwi, jei barapomonae.

¹⁷ Poxonae Jesús jume tane baraxua, bapoxonae Jesús jume nota, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyawubin. Saya jame meisa pomonae ba atene barapomonae jame canantawenona pon jiwi peyawubin. Barichi xan patopan apara tha jopa tawabinexa tsane pomonae pejuntu coyene xanepanae jiwi. Saya apara tawabinexa pomonae abe peexanae cuiru coyene peexanaewi tayawenaenexa tsane barapomonae, jei Jesús.

Meje yabara poxonae Jesús yabara yainyabatsi po coyene xua Nacom peyabara nainbotsiwatsi

(Mt 9.14-17; Lc 5.33-39)

¹⁸ Caentaqueitha Juan pia pepuna jinompaewichi, iruru fariseomonae, nainbota Nacomtha xua saya pewucaenexa Nacomtha. Poxonae barapomonae nainbota, bapoxonae ichamonae Jesús siwa poinchi. Barapomonae Jesús yabara yainyabatsi barapo penainbotsi coyene. Barapomonae jeye Jesustha:

—Juan pia pepuna jinompaewichi, iru fariseomonae jopa juniya Nacom peyabara nainbotsiwatsi poxonae Nacom wunqueibatsi. Ichitha jinyamonae jopa daichiyo, jopa nainbotsiyo Nacomtha xua saya pewucaenexa Nacomtha, jei barapomonae Jesustha.

¹⁹ Jesús jume nota barapomonae, jeye:

—Jiwi ba jopa bewa wecoyeya yabara nainbotsi poxonae ichamonae pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha bapoxonae jiwi ba peburaya nabane. Jopa bewa yabara nainbotsi tsane. ²⁰ Ichitha icha pon aena piowa pita, caena nainya waetabatsi, ichamonae waetaba xua taju bapon pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane.

²¹ “Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsanaya tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya. ²² Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xuano barapo bocoto naxuba poxonae barapo bocoto tsitsica. Daxota bewa jame pena vino mera eparecae pena

bocototha. Bapoxonae pena vino mera jopa naxubiyo. Yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

Meje yabara poxonae Jesús pijimonae tatsi yaboto nota trigo xu judiomonae barompaya pia pentaquei seicae mataqueitha tatsi

(Mt 12.1-8; Lc 6.1-5)

²³ Caentacabi poxonae judiomonae barompaya pia pentaquei seicae mat-acabi tatsi, barapo matabitha Jesús, iru pijimonae tatsino pabi iyiya. Jesús pijimonae tatsi jainpa. Barapomonae tamropata notarucupa xua yaboto xunumenapona trigo xu. Bapoxonae pecobetha xu mata pepeta.

²⁴ Poxonae fariseomonae cui tane xua Jesús pijimonae tatsi exana, bapoxonae fariseomonae Jesús tsipaebatsi, jeye:

—Jamaisa jinya jiwimonae nacuita barapo matabithe, poxonae yaboto nota trigo xu. Apará jiwi jopa yabara cui copatsiyo xua ichamonae penacuichiwa barapo matabithe xua judiomonae barompaya pia pentaquei seicae matabi tatsi, jei fariseomonae.

²⁵ Jesús jume nota, jeye:

—Barapomonae tajiwimonae jopa apará abe exanaeyo. ¿Jopa payabara yorobim pocotsiwa bayatha David exana poxonae jainpa, poxonae iru pijimonae tajainpatsiru? Bapon David, pon caena bayatha israelmonae itorobiya pia pepa peewatsinchi. ²⁶ Bapon David, iru pijimonae tatsi, barapomonae jojoniya Nacom pin pia botha tatsi poxonae pon pewun Abiatar tanacuita Nacom. Bapon Abiatar sacerdotemonae pia pepa pentacaponaein tatsi. David xane pan, po pan ichamonae cana exana xua Nacom pecatsiwatsi. Iru barapo pan David pijimonae cata xua pexaenexaru. Barapomonae xane bequein bara Nacom pia peitorobi coyenewatha copata xua saya meisa sacerdotemonae itacupatsi xua pexaewa tsane barapo pan, jei Jesús.

²⁷ Equeicha Jesús namchi, jeye:

—Nacom, jiwi pewunaeya taexanatsi pentaquei seicae matabi. Barapo pentaquei seicae matabi Nacom tsiexana jiwi, xua barapo matabitha jiwi penafinacaewatsinexa. Nacom jopa ainya cui cana exanaeyo pentaquei seicae matabi xua beyacaincha jiwi. ²⁸ Daxota xan ponxaein Nacom tana neitapetsixae xeinan taitorobi coyenewa xua jiwi tacoya taitorobiwa pentaquei seicae matabitha, jei Jesús fariseomonaetha.

3

Meje yabara poxonae Jesús cobe wunaexana pon pecobe mabinchi

(Mt 12.9-14; Lc 6.6-11)

¹ Jesús equeicha joniya judiomonae pia penacaetutsi botha tatsi. Baraxota pon pecobe mabinchi eca. ² Barichi pomonae jiwi pecuidubiwi Moisés pia peitorobi coyene tatsi, iru fariseomonae baxota ena. Daxita barapomonae Jesús necotenatsi pecui taenexatsi icha bara metha Jesús cobe wunaexanaena pentaquei seicae mataqueitha pon pecobe mabinchi. Icha Jesús pon pecobe mabinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi. ³ Bapoxonae Jesús barai pontha pon pecobe mabinchi, jeye:

—Nontaponare. Uncuare xote, jei Jesús.

⁴ Pomonae Jesús tainchi Jesús barai barapomonae, jeye:

—Paca yainyabinchi, ¿eta xua copata pentaquei seicae matabitha? ¿Wunaexana jampa? ¿Abe jampa? ¿Eta xua metha tsipae? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

Ichitha barapomonaē jopa jume notsiyo, saya moya umena. ⁵ Nexata Jesús necota barapomonaē. Anaya Jesús caseba barapomonaē. Matautano juntu coyene wecoyei, tsipei barapomonaē jopa beyaputaeyo pocotsiwa bapon exana. Jesús barai pon pecobe mabinchi:

—Nacobe doire, jei Jesús.

Bapon nacobe doita. Bapoxonaē bapon nainya cobe wunaē tsanaya. ⁶ Bapoxonaē fariseomonaē Jesús weya ponarucupa. Bapoxonaē barapomonaē nacaetuta Herodes pijimonaetha tatsi xua pecui yabara paebinxatsi xua po cui coyenewatha Jesús pebexubiwa tsainchi.

Meje yabara poxonaē pin bicheito nacaetuta Galilea pucua itapatha

⁷ Jesús pijimonaē baru pona Galilea pucua itapa beya. Iruru pin bicheitomonaē Jesús puna poinchi pomonaē Galilea nacua weya pona. ⁸ Iruru pomonaē Judea nacua werena pona iruru pomonaē Jerusalén tomara werena pona, daxita barapomonaē Jesús puna poinchi. Iruru Idumea nacuapiwi Jesús puna poinchi. Iruru ichamonaē Jesús puna poinchi pomonaē icha muxunenetha jinompa xua Jordán mentha. Iruru Tiro tomarapiwi Jesús puna poinchi. Iruru Sidón tomarapiwi Jesús puna poinchi. Daxita barapo bicheito Jesús itata patatsi poxonaē jume tane daxita xua juinya pocotsiwan Jesús exana. ⁹ Tsipei pin bicheito, daxota Jesús pijimonaē itoroba xua jera petaxawenaewa tsainchi xua petsaquibabiyainwatsi barapo pin bicheito. ¹⁰ Yaitama Jesús axaibi exaneiba pin bicheito pomonaē atenemonaē, daxota iru ichamonaē Jesús imoxoyo caquita poinchi. Barapomonaē ichichipa xua Jesús pejayabiwatsi xua barapomonaē iru axaibi peexanaenexatsiru.

¹¹ Pomonaē caurimonaē pexeinaewi, poxonaē barapomonaē Jesús tainchi, barapomonaē pentabocototha umena Jesús peitabaratha tatsi. Barapomonaē wawaya jeye xua caurimonaē wawai peexanaexatsi:

—¡Maisa bara xam Nacom Pexantom! jei barapomonaē xua wawaya exanatsi caurimonaē.

¹² Jesús jume daunweya itoroba barapomonaē, jeye:

—Jopa pana neyabara paebinde ichamonaetha xua xan Nacom Pexantom, jei Jesús.

Meje yabara poxonaē Jesús itapetsiya waba pia peitorobi jiwitatsi pomonaē xua doce poyobe

(Mt 10.1-4; Lc 6.12-16)

¹³ Bapoxonaē Jesús demxuwatha pona. Barapo demxuwatha Jesús waba pomonaetha xua peichichipaexae xua itapetsiya waba. Bapoxonaē barapomonaē Jesús pia xantha tatsi tapatatsi. ¹⁴ Jesús itapetsiya waba doce poyobe xua pomonaē pebaru jinompaenexatsi. Matautano barapomonaē Jesús itoroba xua daxita jiwitha petacueicueijeinexatsi Nacom Pejume Diwesi. ¹⁵ Barapomonaetha Jesús cata pia peayapusu itorobi coyenewa tatsi, xua cauri ichamonaē petaitawetsinexatsi pomonaē xua cauri pepuna jinompaewichi. ¹⁶ Meje barapomonaē pewunxi tatsi pomonaē Jesús waba: Simón pon icha wun wun dutatsi “Pedro”, baraichi. ¹⁷ Ichun pewun Santiago. Ichun pewun Juan pon Santiago peweicho tatsi. Baraponbe Zebedeo pexantobe tatsi. Baraponbetha Jesús icha wun wun dutabe “Boanerges” jei (xua po wuntha xua jei: “Yamuxu pexantobe tatsi”, jei). Barapo wun wun duta tsipei peajuntucoyenesunbe. ¹⁸ Ichun pewun Andrés. Iru ichun pewun Felipe. Iru ichun pewun Bartolomé. Iru ichun pewun Mateo. Iru ichun pewun Tomás. Iru ichun pewun Santiago pon Alfeo pexanto tatsi. Iru ichun pewun Tadeo. Iru ichun pewun Simón pon celotemonaepin. ¹⁹ Iru ichun pewun Judas Iscariote. Barapon Judas pon Jesús caenaetaxubatsi ichamonaetha pebexubinexatsi.

Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi

(Mt 12.22-32; Lc 11.14-23; 12.10)

²⁰ Bapoxonae Jesús, iru pomonae pia peitapetsiwi tatsi botha jojoniya. Bapoxonae equeicha pin bicheito nacaetuta Jesús pia xantha tatsi. Daxota Jesús iru pijimonae tatsi jopa itacupaetsi xua penabanaewa tsane. ²¹ Jesús piamonae matabuxuoyo tatsi jume tane xua jiwi paeba xua pinae juinya Jesús matayaibatsi. Daxota barapomonae pata, xua Jesús pewaetabinexatsi, xua pia bo beya pecaponaenexatsi.

²² Matautano pomonae jiwi pecuidubiwi Moisés pia peitorobi coyene tatsi, pomonae Jerusalén werena pona, barapomonae jiwitha jeye Jesús yabara: “Bapon caurimonae itawetatsi, apara pexeinaexae Beelzebú pia peayapusu itorobi coyene tatsi, pon caurimonae pia pentacaponaein tatsi”, jei barapomonae pomonae jiwi pecuidubiwi Moisés pia peitorobi coyenewa tatsi.

²³ Bapoxonae Jesús waba barapomonae pia xainya berena. Yawano Jesús pecayabara jata pepaebi diwesiyo tsipaeba, jeye: “Caurimonae pia pentacaponaein tatsi jopa itacupaetsi xua peitawetsiwa icha caurimonaetha, xua pecae caurimonaexae. ²⁴ Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. ²⁵ Matauta iruru icha cae bo matabuxuoyomonaebe nababe yawa nawepu tsatajopabe, bapoxonae jopa xaexaenaecaeyo. ²⁶ Barichi icha Satanás, pijimonae tatsi nawepu tsatajopabe matautano xua nababe, bapoxonae jopa xaexaenaecaeyo. Satanás jopa itacupaetsi xua itoroba pijimonae, tsipei amsiya exana.

²⁷ “Dapon ajibi, pon itacupatsi xua botha joniya po botha pon bichocono maxu daunwei pia bo tatsi xua daxita notsina pocotsiwa bapon xeina pon maxu daunwei icha jopa copiya matha maxu cutanotsiyo.

²⁸ “Bara xaniyeya paca tsipaebatsi. Pocotsiwa jiwi abe peexanae cuiru coyenein exana, matautano pocotsiwa xua jiwi abe paeba, barapo coyenein Nacom itacupatsi xua yabara junteinaena xua barapo jiwi abe exana. ²⁹ Pon abe yabara paeba Nacom pia Pejumope tuxaxu tatsi, Nacom bapana jopa yabara junteinae tsane xua bapon paeba. Bara bapon ataya atene tsane ichaxota jopa itacounayiyo isoto xua bapon abe peexanaexae”, jei Jesús.

³⁰ Jesús baraxua paeba, tsipei pomonae jiwi pecuidubiwi Moisés pia peitorobi coyene tatsi barapomonae bayatha naerabiya paeba xua pinae Jesús cauri xeina. Ichitha pon Jesús xeina apara Nacom pia Pejumope tuxaxu tatsi. Daxota barapomonae Nacom pia Pejumope tuxaxu tatsi tsita natsicuentatsi, tsipei Nacom pia Pejumope tuxaxu tatsi abe yabara paebatsi.

Meje yabara Jesús pena tatsi, iruru peyapin jiwi tatsino

(Mt 12.46-50; Lc 8.19-21)

³¹ Pirapae Jesús pena tatsi, iru peyapin jiwi tatsi pata Jesththa. Ichitha barapomonae pesato beumeinya. Bapoxonae najume caruta ichamonaetha xua petawabinexa tsainchi Jesús. ³² Po bicheito Jesús matawacaicha enatsi, barapomonae Jesús tsipaebatsi, jeye:

—Ena, iruru neyapin jiwino, pesato beya umena. Bepara bequein cataei. Bepara bequein catsipaebei, jei.

³³ Ichitha Jesús jume barai barapomonae, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús.

³⁴ Bapoxonae Jesús necota pomonae pematawacaicha enaewichi. Jesús jeye:

—Barapomonaē pomonaē xote umene apara be taena tsicotan, matautano be tayapin jiwi tsicotan. ³⁵ Pomonaē exana pocotsiwa Nacom itoroba, pon peitabocotha peecaēinxae, barapomonaē be tayapin jiwi tsicotan, matautano iru be tayapixi tsicotanno, matautano iru be taena tsicotanno, jei Jesús.

4

Meje yabara poxonaē Jesús cuiduba jiwi pecayabara j̄ta pepaebi diwesiyo xua pon peubin yabara (Mt 13.1-9; Lc 8.4-8)

¹ Equeicha Jesús tamropata pitaba xua cuiduba Galilea pucua itapatha. Bapoxonaē pin bicheito nacaetuta ichaxota Jesús cuidubuncua. Tsipei pin bicheito daxota Jesús jeratha nontabiya xua peecaenexa, po nae mentha ducuiya. Barapo pin bicheitomonaē taetabo itapatha umena. ² Jesús barapomonaētha cuiduba pecayabara j̄ta pepaebi diwesintha.

Poxonaē Jesús cuiduba barapomonaē, jeye: ³ “Pana nejume naitaeware barapo diwesiyo: Pebin pon peubin ponataba pia ubichi pabitha. ⁴ Poxonaē pon peubin ubauya, icha xu namtotha othopeica. Pepupunaewi yapata. Bapoxonaē barapo xu xu xane. ⁵ Icha xu, xu othopeica ibowantha ichaxota xua ira itafafana. Barapoxonaē barapo xu caena nainya xu xuwa, tsipei jopa taj̄ xu xuwarecaeyo. ⁶ Ichitha poxonaē xometo atsa tsina, bapoxonaē yaboto tsaquiwa yawa t̄pa tsipei jopa taj̄ tab̄ opina xuwarecaeyo. ⁷ Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. Daxota barapo xu jopa xu nacoichiyo. ⁸ Icha xu, xu othopeica ichaxota ira w̄nae. Poxonaē barapo xu, xu xuwa, xu naw̄naeta. Icha xun, xu nanacoitapona treinta po xu matab̄x̄yobe tsiniya. Icha xun, xu nanacoitapona sesenta po xu matab̄x̄yobe tsiniya. Icha xun, xu nanacoitapona cien po xu matab̄x̄yobe tsiniya”, jei Jesús barapo pin bicheitomonaētha.

⁹ Equeicha Jesús jeye: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxonaē pijimonaē muxuconaquiya tsipaeba.

Meje yabara poxonaē Jesús namchi xua exua metha pecayabara j̄ta pepaebi diwesin (Mt 13.10-17; Lc 8.9-10)

¹⁰ Nexata poxonaē Jesús pipatotha eca, bapoxonaē bar̄ eca pomonaē pia pepuna ponaewichi, ir̄no pijimonaē tatsi pomonaē doce poyobe. Barapomonaē Jesús yainyabatsi jeye: “¿Eta pocotsiwa yabara caunutame poxonaē barapo pecayabara j̄ta pepaebi diwesiyo cuidubame?” jei barapomonaē. ¹¹ Jesús jume nota barapomonaē, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n xeinaewa. Barapo moya peyaw̄n xeinaewa apara xua Nacom paca cana exana xua painya nepaca itac̄paewa xua painya nenaexanaewa Nacom pi- amonaē tatsi pam, pomonaē pamxaem Nacom itorobiya paca ewata. Ichitha meisa jame ichamonaē pomonaē jopa nejume cow̄antsiyo jopa daichichi. Nacom jopa copatsiyo xua barapomonaē peyabara yaputaewa baxua. Daxota barapomonaē cuiduban pecayabara j̄ta pepaebi diwesintha, xua Nacom peyabara yaputaenexatsi. ¹² Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. Poxoru bapomonaē jopa icha j̄nt̄

coyene xeinaeyo Nacomtha, daxota barapomonaе Nacom tsita natsicuentatsi abe petsita exanaexaetsi xuano Nacom jopa yabara juntemainaeyo abe pia peexanae coyenein tatsi”, jei Jesús.

Meje yabara poxonaе Jesús pijimonaе muxu yaputane exana po diwesi xua pecayabara juta pepaebi diwesiyo, pon peubin yabara
(Mt 13.18-23; Lc 8.11-15)

¹³ Equeicha Jesús barapomonaetha muxu tsipaeba, jeye: “Tsipei jopa payaputaem po pecayabara juta pepaebi diwesiyo xua peubin yabara pae-ban daxota jopa payaputaemtsipae bequein ainya pecayabara juta pepaebi diwesiyo paca tsipaebichipatsi. ¹⁴ Paca tsipaebatsi pecayabara juta pepaebi diwesiyo xua iche: Pon peubin jupa, icha be ichi pon Nacom Pejume Diwesi pepaebi ducuaenaebiyaеin. ¹⁵ Po xuton xua namto beothopiya, aichurubenaе. Barapo xuton yabara caunuta xua jiwi bara junte weichichi caurimonaе pia pentacaponaein tatsi, pon Satanás. Jiwi junte coyene weajumetsurubenaе exanatsi Nacom Pejume Diwesi xua bayatha po jume jume tane, xua bapoxonaе jopa petajume cowuntsinexa tsainchi Nacom, yawa xua jopa petanacapanenebiyaenexa tsainchi Nacom beya, xua Nacom exanaena. ¹⁶⁻¹⁷ Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi, xuano junte coyene weiweinaya Nacom jume cowuntatsi. Ichitha bara caeto jume cowunta, poxoru barapomonaе ajuntefaetabiya jume jeba Nacom Pejume Diwesi peunte coyeneintha. Poxonaе yaitama barapomonaе bichocono peatenexae, matautano poxonaе barapomonaе yaitama abe petaexanaexaetsi ichamonaе xua pejume cowuntsixae Nacom, bapoxonaе caurimonaе abe exana barapomonaetha, xua barapomonaе junte coyene wejuntemaina exanatsi xua Nacom pecayabara juntemainaewatsi. ¹⁸⁻¹⁹ Po xuton xua xu othopeica pesoiwantha, barapo xuton caunuta xua pomonaе Nacom Pejume Diwesi jume tane, ichitha saya barompaya pia junte coyeneyatha jinompa, yawa saya u copei cayabara nanta xeina, yawa saya exana pocotsiwa junte coyene weiweina cana exainchi. Po coyene pebiwi exana baxuan bara jutiya ichiya exana xua po xuton be pesoiwantha othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi. Jopa xanepanaya jinompaeyo Nacom nexa. ²⁰ Po xuton xua xu othopeica peira wunaewatha, bara nacoita. Barapo xuton yabara caunuta pomonaе jume tane Nacom Pejume Diwesi, matautano jume cowuntano poxoru junte coyene xanepanaya jume tane. Matautano beta exana dubenanaebiya beya matapainya jiwi cui tane xua barapomonaе junte coyene xanepana Nacom peitabaratha tatsi. Bapoxonaе ichamonaе barapomonaе jiwana beta yawena ichamonaetha icha barapo xuto ichi xua treinta po xu matabuxuyobe tsiniya tsoponaе. Matautano ichamonaе barapomonaе jiwana beta yawena ichamonaetha icha barapo xuto ichi xua sesenta po xu matabuxuyobe tsiniya tsoponaе. Matautano ichamonaе barapomonaе jiwana beta yawena ichamonaetha icha barapo xuto ichi xua cien po xu matabuxuyobe tsiniya tsoponaе”, jei Jesús.

Meje yabara poxonaе Jesús pijimonaе tsipaeba pecayabara juta pepaebi diwesiyo xua peoicha yabara
(Lc 8.16-18)

²¹ Equeicha Jesús barapomonaetha tsipaeba, jeye: “Poxonaе jiton peoicha, coicha exana, bapoxonaе jopa coicha matacatsiyo cajatha. Yawa jopa coicha exanaeyo cama peupana deca. Jame asiya coicha exanatsi, xua peoicha taenexa pomonaе jojoneibarena. ²² Daxita pocotsiwa xua

moya peyawun xeinaewa bexa tsane jiwi yabara yaputaena. Barichi po diwesin xua pecayabara juta pepaebi diwesin xua paebapona jiwi barapo diwesin jiwi itacurpaeinchi xua peyabara yaputaewa tsane. ²³ Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxonae pijimonae muxuconaquiya tsipaeba.

²⁴ Equeicha Jesús barapomonae barai, jeye: “Pana nejume naitaeware painya neexanaenexa pocotsiwa paca tsipaebatsi. Icha ichamonae daunweya payabara paebiname penatsicuentsiwa xua abe peexanaexae Nacom barichi daunweya paca yabara paebina painya nenatsicuentsiwa xua abe painya neexanaexae. Matautano equeicha ichawano mataropeicha paca catsina. ²⁵ Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

Meje yabara poxonae Jesús pecayabara juta pepaebi diwesiyo paeba xua peabi xuto yabara

²⁶ Nexata equeicha Jesús namchi, jeye: “Yabara paca cuidubatsi po coyene xua Nacom itorobiya ewata piamonae. Barapo coyene bara juta coyeneya ichi, icha pebin ichi poxonae peabi xu xu bebeya. ²⁷ Poxonae nacobe weta xua uba, bapoxonae pabi weya pona. Bara bequein bapon jopa yawenaeyo xua barapo xuton xuxuwapona mataqueitha, merawithano poxonae pebin maitequeiba, daichitha awiya barapo xu xuxuwapona. ²⁸ Daxota barapo xu xuxuwapona tsipei ira yawena xua barapo xu xuxuwapona. Copiya pepaboto xuwina, bapoxonae pepato naexana. Bapoxonae pepa xu xu dubena xua bichocono axucucu. ²⁹ Poxonae pepa xu xu naweta barapo matabitha pebin pona xua penotsinexa pocotsiwa naweta”, jei Jesús.

Meje yabara poxonae Jesús cuiduba pecayabara juta pepaebi diwesiyo po peabi xutiyo pewun mostaza xutiyo
(Mt 13.31-32; Lc 13.18-19)

³⁰ Jesús barapomonae tsipaeba, jeye: “Poxonae Nacom waba jiwi xua petanaexanaenexatsi piamonae tatsi pomonae itorobiya peewatsixae, zeta po coyene nacoyene jupabe? ¿Eta xua paca cuidubinchi xua baxua yabara? ³¹⁻³² Nacom pijimonae tatsi mataropeicha bichocono pinmonae tsoponae xua pomonae jume cowantapona Nacom. Baraxua icha be mostaza xutiyo ichi po xutiyo bichocono tsica xutiyo beyacaincha xua icha pethei xutiyo. Barapo mostaza xutiyo pebin uba pia pabitha. Xuwa beya pin nae tsoponae. Pepinnaexae daxota siri coton exana pemaxaranantha. Icha mostaza xutiyo ichi xua beya pin nae tsoponae, bara juta ichi Nacom pejume cowantsiwichi, pomonae bapon itorobiya peewatsixae. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

Meje yabara poxonae Jesús cuiduba jiwi pecayabara juta pepaebi diwesixitha
(Mt 13.34-35)

³³ Jesús jiwitha ainya pecayabara juta pepaebi diwesixi tsipaeba poxonae cuiduba Nacom Pejume Diwesi, icha barapocotsi diwesixi ichi xuaunxuae po diwesixi paeba. Awiya cuidudubapona beya poxonae barapomonae xainwaicha yaputane. ³⁴ Saya meisa barapomonaetha Jesús cuidubeiba

pecayabara j̄ta pepaebi diwesixi coyenexitha. Poxonae Jesús meisa pijimonaē bar̄a eca, bapoxonae Jesús pijimonaē yabara muxu yaputane exana pecayabara j̄ta pepaebi diwesixi coyenexi.

Meje yabara poxonae Jesús xainya ducuanaya exana joibo, yawa marat-sacano xainya mene ducuanaya exanano
(Mt 8.23-27; Lc 8.22-25)

³⁵ Barapo mataqueitha poxonae quirei tsanaicha Jesús pijimonaē tsipaeba, jeye:

—Antha poinchi icha muxunene beya, pucua beicha, jei Jesús.

³⁶ Bapoxonae Jesús pijimonaē bar̄a wepu pona barapo pin bicheito. Bapoxonae Jesús pijimonaē bar̄a poinchi jeratha, po jeratha Jesús cuidubeca barapo pin bicheito. Barichi icha jeranno naponano. ³⁷ Bapoxonae mentha jemeicha naetaba pin joibo. Maratsacan jeratha mene othopa, muxu jera pebunarecae. ³⁸ Ichitha Jesús jera tafetha maituncua, nantasipa ȳȳutuncua paparuwatha xua xota nacuenacuena. Jesús pijimonaē yābatsi, jeichichi:

—Pon pata Necuidubin, ¿jopa catsita ainya cuiyo xua waxainchi bunathopaeinchi? jei barapomonaē.

³⁹ Bapoxonae Jesús asiya uncua, yawa joibo itawetaxuba. Jesús jeye marat-sacantha:

—¡Barande, bara xainya mene ducuanayama! jei Jesús.

Bapoxonae joibo caewanaya, yawa mene xainya ducuanaya. ⁴⁰ Nexata Jesús barai pijimonaē, jeye:

—¿Eta pocotsiwa metha bichocono pajunuwame? ¿Cataunxuae jopa pana nejume cui yabara jume cow̄antsim xua bara tana neitac̄paewa xua tapaca yawenaewatsi? jei Jesús.

⁴¹ Barapomonaē bichocono naj̄unt̄a coyene cabenaeca, yawa caemonae natsipaeba najei:

—¿Metha jintamda baponda? ¡Jamaisa bapon itawetaxuba joibo yawa marat-sacan xua daxita xainya dubenanaya! najei barapomonaē.

5

Meje yabara xua pebin pon caurimonaē xeina pon Gerasa nacuapin
(Mt 8.28-34; Lc 8.26-39)

¹ Jesús, ir̄a pijimonaē tatsi pata icha muxunene beya xua barapo pu-cuathiya. Po ir̄atha Jesusbar̄a pata barapo ira pew̄n Gerasa nacua. ² Poxonae Jesús jera wenontouna bapoxonae patopa pebin pon caurimonaē xeina. Bapon ibo wou weya patopa Jestutha. ³ Barapo pebin poponeiba ibo wountha. Dapon aibi pon itac̄patsi xua bapon pec̄tsiwatsi, matāutano metha bequein penaintotha tsipae. ⁴ Bapon matowa penaintotha taxu c̄beibatsi, yawa max̄a c̄beibatsi xua bapon peyapucaeneibinexa tsainchi. Daichitha bapon barapo nain nain epa xuneiba. Dapon aibi xua bapon pecui amanayabiwatsi. ⁵ Barapon mataqueitha poponeiba, yawa merawitha poponeiba. Matāutano atororotha yawa ibo wountha wawai tsopoponeibi. Matāutano ibotixitha pia coutha nathabeiba. ⁶ Poxonae barapo pebin Jesús taj̄a taebatsi, bapoxonae cuinaepona Jesús beya. Bapon pentabocototha uncua Jesús peitabaratha tatsi xua Jesús pebar̄a cui itura jinaexaetsi peainya cuinxae. ⁷ Bapon wawaya jeye Jestutha:

—Jesús pon Nacom Pexantom, pon peitabocototha eca, ¿eta pocotsiwa metha taxantha patopame? Jume daunweya cabaraichi jopa neperaxa exanaeinde, jei.

⁸ Bapon baxua paeba tsipei Jesús copiya namchi, jeye:

—¡Caurimonae pam, bapon pawepu ponare! jei Jesús.

⁹ Jesús yainyaba bapontha:

—¿Eta po wum? jei.

Bapon jume nota jeye:

—Tawun Ayei, tsipei paxan caurimonae pan ayei jiwi pan, jei bapon xua paeba exanatsi caurimonae.

¹⁰ Barapo caurimonae Jesús muxu fayacotatsi xua bepa pinae barapomonae jopa bewa itawetichi icha nacua beya. ¹¹ Ichaxota imoxoyo peitapororotha baxota jinompa pin marranomonae. Barapo marrano duweimonae xayompa peitapa tororotha. ¹² Caurimonae Jesús wucatsi, jeye:

—Icha pana itawetame, moya pana nepu copabare marrano duweimon-aetha, jei caurimonae.

¹³ Bapoxonae Jesús copata xua bara caurimonae ponaena marrano duweimonaetha pebin weya. Barapo marranomonae ducupa. Pin pitapororo othopareca. Pucuatha bunothopa. Yawa caurimonae cabunathopatsi. Barapo marranomonae dos mil po duweimonaebe.

¹⁴ Bapoxonae pomonae peyapu eenaewi marranomonae, barapomonae bichocono junuwiya cuinaepona tomara beya, jiwi petsipaebinxatsi baxua yabara, yawa jiwi petsipaebinxatsi tomara cuariya beya. Bapoxonae jiwi pata petaenexa pocotsiwa Jesús cana exana pebintha. ¹⁵ Poxonae barapomonae pata Jesththa, bapoxonae barapomonae tane pebin pon bayatha cauri xeina. Barapo pebin moya eca, paparawa nama xatatano, matautano jantema eca. Bapoxonae barapomonae bichocono junuwa. ¹⁶ Pomonae bayatha tane xua pocotsiwa Jesús bayatha cana exana pebintha, pontha pon cauri xeina, baxua yabara paeba ichamonaetha pomonae pata. Matautano yabara paeba pocotsiwa Jesús cana exana marrano duweimon-aetha. ¹⁷ Bapoxonae barapomonae tamropata notarucupa xua Jesús itawetatsi, jeye: “Maisa bewa warapaename Gerasa nacua weya, po nacua pata nacua weya”, jei barapomonae.

¹⁸ Poxonae Jesús jeratha nontabiya, bapo pebin pon bayatha caurimonae xeina, bapon Jesús wucatsi xua bepa pinae Jesús puna ponaetsi. ¹⁹ Ichitha Jesús jopa copatsiyo xua pepuna ponaenexa tsainchi bapon. Saya jame Jesús bapontha jeye:

—Maisa jinya bo beya ponare ichaxota jinyamonae matabuxuwo beya. Barapomonaetha tsipaebare daxita pocotsiwa Nacom cacana exana. Matautano barapomonaetha tsipaebare xua Nacom bara cayabara najuntu coyene xeina pia necayawenaenexa, jei Jesús.

²⁰ Bapoxonae barapo pebin ponataba. Matautano tamropata pitaba xua cueicueijei daxita pocotsiwa bayatha Jesús cana exana bapontha. Barapon baxua tsipaeba Decápolis tomarantha, po tomaran xua diez po tomaranbe xua imoxoyo nacacuita ena. Daxita jiwi barapo tomaran najuntu coyene cabenaeca poxonae jume tane xua barapon paeba.

Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabwo axaibi exanatsi poxonae Jesús pia paparawa tajayabatsiru

(Mt 9.18-26; Lc 8.40-56)

²¹ Poxonae Jesús caibeya pona jeratha icha muxunene beya pucua iya, bapoxonae pin bicheito Jesús pia xantha tapatatsi pitapatha. ²² Bapoxonae caein patopa pon judiomonae pia penacaetutsi bo tatsi pecanamataxeinaewi jiwana monaepin. Bapon pewun Jairo. Poxonae bapon Jesús tainchi, Jesús

peitabaratha tatsi pentabocototha tauncuatsi. ²³ Bapon Jairo bichocono Jesús wɛcatsi. Jairo jeye:

—Taxantiyo muxu imoxoyo petɔpaɛ. Anetha, inta taxantiyo necobetha mata jayabare, axaibi jinya neexanaenexa tsane. Bapoxonae inta asɔ pepo-ponaenexa tsane, jei Jairo.

²⁴ Bapoxonae nexata Jairo Jesús puna pona. Pin bicheito Jesús puna poinchi, yawa barapo bicheito tsaquibabatsi. ²⁵ Barapo pin bicheitha irɔ napona yabɔyo powa atene. Barapowa caena bayatha beya yadoce po weiyobe jopa xua pentabɔ janatha boca xua be nantawane. ²⁶ Barapowa bichocono atene tsaibi bequein siwa poneiba pomonaetha pomonae peyawɔbiwi jiwi. Barapomonae bapowa daxita cobe matapaeteibatsi paratixi xua bapowa peyawɔbixaetsi, daichitha bapowa jopa yawenaetsi baxua. Saya equeicha bichocono abe tsoponae bapowa. ²⁷ Poxonae bapowa jume tane xua pinae juinya Jesús axaibi exana jiwi, bapoxonae bapowa imoxoyo caquita uncuataba Jesús peputha tatsi xua pin bicheitha. Barapowa Jesús pia paparuwa tatsi tajayabatsi xua peopirawa. ²⁸ Barapowa pia coutha natsipaeba, najei: “Icha saya Jesús pia paparuwa tajayabin, bapoxonae axaibin tsane”, najei. ²⁹ Poxonae barapowa tajayaba Jesús pia paparuwa tatsi, bapoxonae caena nainya bapowa ajaneibi tsanareca. Bapowa pia coutha nayaputane xua bayatha axaibi. ³⁰ Jesús pia coutha nayaputane xua ichɔn axaibi peexanaewatsi, tsipei pia pepon weya taajiwansurucuaetsi pia peayapusɔ itorobi coyenewa tatsi. Bapoxonae Jesús napatomeicha necota jiwitha, jeye:

—¿Jintam inta paparuwa jayabara? jei Jesús.

³¹ Nexata Jesús pijimonae jume notatsi, jeye:

—Apara xam bayatha taneme xua pin bicheito catsaquibaba. ¿Eta xua metha pana yainyabame: ‘¿Jintam metha inta paparuwa jayabara?’ jam? jei pijimonae tatsi.

³² Ichitha Jesús daxita jɔpaya tane peyaputaenexa pon pejayabiwatsi.

³³ Barapowa bichocono junuwa, tsipei yaputane xua barapowa Jesús jayabatsi poxonae axaibi exanatsi. Barapowa jijiyeya patopa Jesthath, yawa pentabocototha uncuata Jesús peitabaratha tatsi xua Jesús pebarɔ cui itura jinaexaetsi peainya cuinxae. Barapowa bara xainyeya paeba daxita pocot-siwa xua exana. ³⁴ Jesús jeye barapowatha:

—Yabɔyo, caaxaibi exanatsi tana neyabara jume cowantsixaem xua bara tana neitacɔpaewa xua tacaaxaibi exanaewatsi. Saya jɔntemiya poponde. Bara axaibim tsaibim tsane xua bara nepu tsitecae tsane, jei Jesús.

³⁵ Poxonae Jesús cataunxuae cueicueijei tsuncuae barapowatha, bapoxonae pata pomonae Jairo pia botha petanacuichi jiwichi. Bapon Jairo pecanamataxeinaein judiomonae pia penacaetutsi bo tatsi. Barapomonae jeye Jairotha pon pexantiyo taatenetsi:

—Nexantiyo bayatha cata tɔpa. ¿Eta xua metha came fayacotame pon jiwi Pecuidubin? jei barapomonae.

³⁶ Bequein bara baxua Jesús jume tane, ichitha baxua Jesús jopa jume naitaewatsiyo. Jesús jeye Jairotha:

—Jopa junuwinde, saya maisa nejume cowande, jei Jesús.

³⁷ Bapoxonae Jesús jopa copatsiyo xua pepuna ponaewatsi tsainchi ichamonae. Saya meisa Jesús copata, xua pepuna ponaenexa tsainchi Pedro, irɔ Santiago irɔ Juan pon Santiago peweicho tatsi. ³⁸ Poxonae Jesusbarɔ pata Jairo pia botha tatsi, bapoxonae Jesusbarɔ tane pin bicheito xua ajumeyaexa. Barapomonae bichocono wecoyei, yawa wawai xua Jairo

pexantiyo petatupaexaetsi. ³⁹ Bapoxonae Jesús joniya botha, yawa tsipaeba barapomonaetha, jeye:

—¿Eta pocotsiwa metha paajumeyaexam, xua yawa pawecoyam? Barapo pexuyo apara jopa tupaeyo, apara maituncua, jei Jesús.

⁴⁰ Ichitha barapomonaetha Jesús jume cui caponatsi. Nexata barapo pin bicheito Jesús pesato beitaweya. Meisa saya Jesús baru joniya coxiyan, coxiwano ichaxota Jairo pexantiyo tatsi petupaeyo tabocatsi. Matautano Jesús pijimonaetha baru joniya poyobe acoibi poyobe. ⁴¹ Barapowayo Jesús cobe pita, yawa jeye:

—Talita, cum, jeichichi (xua apara jeichi: “Yabuyo, asiya uncuare, catsipaebatsi”, jei Jesús.)

⁴² Barapoxonae barapowa caena nainya nontapona, powa xua doce po weibe xeina powayo Jairo pexantiyoetha tatsi. Barapowa asiya uncuwa, yawa itacupatsi xua peponaewa. Barapoxonae barapo pin bicheito poxonae baxua Jesús cui tainchi najuntu coyene cabenaeca. ⁴³ Bapoxonae Jesús jume daunweya itoroba jiwitha xua baxua jopa peyabara paebinexatsi ichamonaetha pocotsiwa Jesús cana exana barapowayotha. Bapoxonae Jesús itoroba xua barapo pexuyo bara peapatsiwa tsainchi pexaewa.

6

Meje yabara poxonae Jesús Nazaret tomaratha popona (Mt 13.53-58; Lc 4.16-30)

¹ Nexata Jesús Capernaum tomara weya warapa, equeicha caibeya pia tomara beya warapa xua Nazaret tomara beya. Iruru Jesús pijimonaetha puna poinchi. ² Poxonae judiomonaetha barompaya pia pentaquei seicae matabi tatsi tsuxubi, barapo matabi etha Jesús tamropata pitaba xua cuiduba judiomonaetha judiomonaetha pia penacaetutsi botha tatsi. Pinmonaetha pomonaetha Jesús jume tayenatsi, barapomonaetha najuntu coyene cabenaeca, jeye:

—¿Eta xota metha bapon nacuiduba daxita baxua jane? ¿Jintam metha cata bapontha barapo peyaputae coyene jane, xua daxota bapon pexeinya petsita itatsi coyenewa exana? ³ Apara bapon pon naepan pematobin. Bapon apara María pexanto tatsi, apara iru Santiago pentapin tatsi, iru José pentapin tatsi, iru apara Judas pentapin tatsi, iru Simón pentapin tatsi. Apara bara iru pamchowaxi tatsi watomaratha jinompa, jei barapomonaetha.

Daxota barapomonaetha jopa xapain Jesús yabara jume cowantsichi. ⁴ Ichitha Jesús jeye barapo jiwitha:

—Daxita jiwi ba baru cui itura jina pontha pon Nacom peayapusu itorobi jume pepaebin. Nama pia tomarapiwi tatsi, iru piamonaetha tatsi iru pia bomonaetha matabuxuyomonaepiwi tatsi, barapomonaetha ba jopa bapon baru cui itura jinaetsi, jei Jesús.

⁵ Daxota Jesús jopa itacupaetsi xua pexeinya petsita itatsi coyenewan peexanaewa barapo Nazaret tomaratha po tomara pia tomaraxae tatsi. Saya meisa Jesús axaibi exana tsicamonaeyo pomonaetha peatenewi. ⁶ Jesús najuntu coyene cabenaeca, tsipei barapomonaetha jopa yatsicaewa jume cowantsichi.

Meje yabara poxonae Jesús pijimonaetha itoroba xua barapomonaetha peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonaetha tatsi (Mt 10.5-15; Lc 9.1-6)

Daxota Jesús cuidubapona tsiqui tomaraxitha po tomaraxi ena Nazaret tomara pecuariya. ⁷ Jesús waba pijimonaetha pomonaetha doce poyobe tatsi.

Jesús tamropata pitaba xua tsana itoroba tsiniya tomarantha be dos poyobe tsiniya. Jesús pijimonae cata pia peayapusu itorobi coyenewa, xua pijimonae tatsi peitawetsinexa caurimonae. ⁸ Jesús pijimonae itoroba, xua pijimonae tatsi jopa pecaponaenexa pocotsiwan xua poxona namtontha peponaenexa. Itoroba xua saya meisa pecaponaenexa naeton po naeton penacobena bababi naeton. Jopa bewa barapomonae pecaponaenexa cotein, yawa jopa bewa pecaponaenexa pexaewan, yawa jopa bewa pecaponaenexa paratixi. ⁹ Yawa Jesús pijimonae itoroba xua bara nataxu xatabina sapaton, po sapaton pebuxumubiwan. Matautano barapomonae bewa nama xatabina saya be cae camisan. Jopa bewa caponae icha camisan. ¹⁰ Jesús pijimonae barai, jeye:

—Poxonae papatame tomaratha moya bara paenare po botha papatame, xua beya abu poxona pawarapaename barapo tomara weya. ¹¹ Icha, icha tomarapiwi jopa paca matenta weyataeya wabiyo, matautano icha jopa paca jume naitawatsiyo pocotsiwa papaebame, nexata bapoxonae barapo tomara weya pawarapare. Po tsorobon painya taxutha dubena panataxu wenubabare barapo tomaratha. Baxua paexande xua barapomonae peyaputaenexa xua apara barapomonae abe exana paxamtha, jei Jesús.

¹² Bapoxonae Jesús pijimonae tatsi ponarucupa Jesús pia xainya weya tatsi. Barapomonae cueicueijeji jiwitha xua bewa pinae jiwi icha juntu coyene xeinae Nacomtha xua peauraxae xua abe peexanae cuiru coyene exana Nacomtha. ¹³ Barichino barapomonae taitaweta cauri pomonae cauri xeina. Matautano barapomonae caxueba penasiwatha pomonaetha pomonae peatenewi. Bapoxonae barapomonae axaibi exana pinmonae pomonae peatenewi.

*Meje yabara poxonae Juan bexotsi pon Pebautisabin jiwi
(Mt 14.1-12; Lc 9.7-9)*

¹⁴ Herodes pon Galilea nacuapiwi itorobiya pia pepa peewatsinchi bapon jume tane xua juinya jiwi daxita jume tane pocotsiwa Jesús exana. Daxota bapon jeye:

—Juan pon jiwi Pebautisabin pon bequein bayatha tupa, equeicha asu juina. Daxota barapon Jesús xeina barapo peayapusu itorobi coyenewa xua exana pexeinya petsita itubi coyenewan, jei Herodes.

¹⁵ Ichamonae Jesús yabara jeichichi:

—Bapon apara Elías xua equeicha asu, pon bayatha tupa, jei.

Iruru ichamonae jeye:

—Bapon apara pon Nacom peitorobi jume pepaebin icha pomonae ichi pomonae Nacom peitorobi jume pepaebiwi pomonae caena bayatha jinnompa, jei xua ichamonae paeba.

¹⁶ Poxonae Herodes baxua jume tane, jeye:

—Apara bapon Juan, pon yabara xua bayatha najume carutan xua bapon pewisi ucuibiwatsi. Anoxuae bapon equeicha asu petupae cuiru coyene weya, jei Herodes.

¹⁷ Herodes baxua paeba, tsipei caena bayatha Herodes cui itoroba xua Juan pewaetabinexatsi, matautano xua pemaxu cubinexatsino matautano xua jiwi pecubi botha peetsinexatsi. Herodes baxua exana tsipei piowa tatsi powa pewun Herodías pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabuyo.

¹⁸ Daxota Juan jiwi pecubi botha etatsi, tsipei Juan Herodes tsipaebatsi, jeichichi: “Nacom pia peitorobi coyenewa jopa copatsiyo xua xeiname bapowa tsipei bapowa eweicho piowa tatsi”, jei Juan.

¹⁹ Daxota bapowa Herodías Juan bichocono casebatsi. Bequein bapowa ichichipa xua Juan pecaenaetaxubiwatsi xua ichamonae pebexubiwatsi tsainchi, ichitha jopa itac̣paetsi bapowa. ²⁰ Herodías jopa itac̣paetsi xua peexanaewa baxua, tsipei Herodes Juan cunuwatsi. Bapon yaputane xua Juan bara xaniwaicha peexanaein, xuano matautano bara j̄nt̄u coyene xanepana Nacomtha. Daxota jopa copatsiyo xua Juan bara abe pecana exanaenexa tsainchi. Bequein Herodes yabara unth̄u deideije pocotsiwa Juan pepaebixae, daichitha awiya ichichipa pocotsiwa Juan pepaebiwa. ²¹ Ichitha matabi jopa, po matabitha Herodías itac̣patsi xua Juan abe pecana exanaewatsi. Herodes yantacabi jopa, po matabitha caena bayatha Herodes naexana poxonae pexuyo. Barapo matabitha Herodes exana pin penabanaewa. Bapon waba pomonae ir̄u pentacaponae wi, pomonaetha itoroba xua ir̄u tacanamataxeinatsi icha tomarantha. Ir̄u wabano pomonae soldadomonaepia pepe pentacaponae wi tatsi. Ir̄u wabano pomonae ainya cui penaexanae jiwi Galilea nacuatha. ²² Herodías pexantiyo tatsi patopa po tututha ichaxota nabanathopa. Barapowa tsita yaweibuncua xua barapomonae tane. Baxua Herodes ichichi xeica xua bapowa yaweibuncua. Ir̄u pomonae baxota naxayena, ichichi xeica baxua. Bapoxonae Herodes jeye bapowatha.

—New̄care pocotsiwa xua neichichipaewa, bapoxonae cacatsinchi jinya beta neyaweibixae, jei Herodes.

²³ Bapon Herodes yabara tsiw̄nae muxu dutsiya jeye:

—Bara cacatsinchi pocotsiwa xua new̄came. Metha bequein new̄caetsipame xua tanacua epa toyatsipan baraxua bara cacatsinchi, jei.

²⁴ Barapowa pona xua peyainyabinexa pena, jeye:

—Ena, ¿eta pocotsiwa metha w̄cacuaein? jei.

Barapowayo pena jume notatsi, jeye:

—W̄care Juan pentasipa tatsi, pon jiwi Pebautisabin matasipa, jei Herodías.

²⁵ Barapowayo barapoxonae caena nainya pona ichaxota eca Herodes. Jeye bapontha:

—Ichichipan xua nainya anoxuae tanecatwam tsane paratontha Juan pentasipa tatsi, pon jiwi Pebautisabin matasipa, jei.

²⁶ Barapoxonae Herodes bichocono unth̄u wecoyei. Ichitha tsipei bayatha yabara petiw̄nae muxu dutsixae xua bepe pinae catsina pocotsiwa w̄caeinchi, matautano tsipei pejume taexaetsi pomonae bayatha waba, daxota Herodes jopa bejume totabiyo pocotsiwa w̄catsi. ²⁷ Bapoxonae caena nainya Herodes itoroba soldadomonaepin xua pecarenaenexa tsane paratontha Juan pentasipa tatsi. Bapon pona jiwi pec̄bi bo beya. Baraxotiya Juan wisi ucuibatsi. ²⁸ Barapo soldadomonaepin matasipa carena paratontha. Bapon cata yab̄yotha. Barapowayo xuya pena cata.

²⁹ Pomonae Juan pia pepuna jinompaewichi jume tane xua pinae Juan bexotsi. Barapoxonae barapomonae pona jiwi pec̄bi bo beya xua Juan pepichinexa tsainchi pet̄paein, yawano xua peboyaenexa tsainchi ibo wou m̄th̄u iya.

*Meje yabara poxonae Jesús apata pexaewa cinco mil pebiwi
(Mt 14.13-21; Lc 9.10-17; Jn 6.1-14)*

³⁰ Barapoxonae pirapae Jesús pia peitorobiwi tatsi, Jesús baru nacaetutatsi. Barapomonae Jesús tsipaebatsi xua daxita pocotsiwan barapomonae peexanaexae, yawano pocotsiwa xua bayatha barapomonae cuiduba. ³¹ Jesús pijimonae tsipaeba, jeye:

—Anetha poinchi, xua wanafifina ewatsinexa tsainchi saya caeto ichaxota jiwaibi beya, jei Jesús.

Daxota Jesús baxua paeba, tsipei pinmonae Jesús itata pateibatsi, xua poxonae naepanaya poneiba. Daxota Jesús iru pijimonae tatsi jopa itacupaetsi xua pexaewa tsane. ³² Barapoxonae Jesús, iru pijimonae tatsi compa ponarucupa jeratha ichawatha beya xua ichaxota jiwaibi beya. ³³ Ichitha pin bicheitomonae tane poxonae Jesús iru pijimonae tatsi jeratha pona. Barapo pin bicheitomonae Jesusbaru yaitainchi. Barapo pin bicheitomonae daxita tomaran wecuinaeyiya. Bapoxonae pata ichaxota jiwaibi beya. Barapomonae tsiwanaya patatsi Jesús. ³⁴ Poxonae Jesús jera wenontouna bapoxonae Jesús tane pin bicheito. Jesús yabara najuntu coyene xeina xua barapomonae peyawenaenexatsi. Barapomonae jopa xeinaeyo pon peyawenaen barapomonaetha icha be oveja ichi poxonae jopa xeinaeyo pon peyapu eenaen. Daxota Jesús barapomonaetha cuiduba ainya coyenein.

³⁵ Poxonae tabopiya tsanaichaba Jesús pijimonae itata patatsi, jeye Jesthath:

—Bayatha tabopiya tsanaicha. Xote apara bon ajibi xua ichaxota jiwi jinompa. ³⁶ Barapomonae itorobare ichaxota po bon pipatotha umena yawa ichaxota xua tomaranxitha xua imoxoyo wacuariya xua barapomonae pecomocaewa pexaewa. Tsipei xote pexaewa ajibi, jei pijimonae tatsi.

³⁷ Ichitha Jesús pijimonae barai, jeye:

—Paxam jame moya paapare pexaewa, jei.

Barapomonae jeye:

—¿Xam ichichipame xua pata upain comocaewa tsane barapo bicheitomonae ainya panmonaein xua pata comocaenexa doscientos po paratiximonaebetha pocotsi paratiximonaebe xeineiba pomonae nacuiteiba doscientos matabibetha? jei barapomonae.

³⁸ Jesús barai pijimonae, jeye:

—Pan ¿eta xoyobe paxename? Incane matha pataema, jei.

Poxonae barapomonae yaputane jeye Jesthath:

—Cinco po panyobe, yawa dos poyobe duweiyobe, jei barapomonae.

³⁹ Jesús pijimonae najume caruta xua bepa daxita barapo bicheito iratha taenaetsei naepanaewatha xua pepa bicheiton tsana naexana tsiniya.

⁴⁰ Barapo pin bicheito pepa bicheito naexana tsiniya. Icha bicheito cien poyobe tsiniya. Icha bicheito cincuenta poyobe tsiniya. ⁴¹ Barapoxonae Jesús pecobetha pita pan cinco po panyobe. Yawa pita duweiyobe xua dos poyobe. Bapoxonae Jesús peitaboco benecoicha, Nacomtha tsipaeba jeye: “Axa maisa juntu coyene weiweinan, xua pexaewa pata tanecatxiwaxaem”, jei Jesús.

Barapoxonae Jesús epa janaxuba pan. Jesús pijimonae cata barapo pan, xua pijimonae tatsi xuya pecatsibaponaenexa barapo pin bicheitotha. Barichi Jesús duweiyobe epa janaxubabe. Bapoxonae apata barapo pin bicheitotha.

⁴² Barapo pin bicheito bara daxita nabane. Bara jain cowuntarucupatsi.

⁴³ Barapoxonae Jesús pijimonae tatsi doce po cotebe wumba xua nacopaba xua bayatha barapo jiwi jopa xaeyo petonsanaexae. ⁴⁴ Pomonae xua barapo pan pexaexae barapomonae cinco mil pebiwimonae.

*Meje yabara poxonae Jesús mene matatsun jumatha pona
(Mt 14.22-27; Jn 6.16-21)*

⁴⁵ Pirapae Jesús pijimonae itoroba xua peponaenexa jeratha, xua icha muxunene beya. Barapomonae Jesús tsiwana payatsi Betsaida tomara beya. Barapoxonae Jesús napeyaba barapo pin bicheito. ⁴⁶ Poxonae Jesús napeyaba barapo pin bicheito, bapoxonae Jesús pona demxuwathe-icha xua petsipaebinexa Nacomtha. ⁴⁷ Poxonae bayatha quirei tsanaicha, bapoxonae Jesús pijimonae tatsi iru jeratha tuwutha yanapona. Jesús iru compa pecaetha popona. ⁴⁸ Jesús tane xua barapomonae bichocono daunweya nowaeta tsipei dawerena bichocono joibo daunwei. Poxonae mataqueiwunaeyo tsoponae, Jesús pijimonae imoxoyo caquita pona. Bapon mene matatsun jumatha pona. Jesús juntucuru xenta iya barapomonae. ⁴⁹ Poxonae Jesús pijimonae tainchi xua mene matatsun jumatha pona, barapomonae itaraerowiya nanta xeina, xua Jesús itara mexeya dowatsiwejei. Yawa barapomonae wawai. ⁵⁰ Daxota barapomonae bichocono wawai, tsipei daxita barapomonae tane, yawa bichocono cuitaya junuwa. Ichitha Jesús barai barapomonae, jeye:

—¡Apara xan! ¡Jopa pajunuwinde! ¡Maisa pajuntu coyene weiweinare! jei Jesús.

⁵¹ Bapoxonae Jesús jeratha nontabiya barapomonae pia xantha tatsi. Barapoxonae joibo caewanaya exana. Barapomonae bichocono najuntu coyene cabenaeca. ⁵² Barapomonae baxua exana, tsipei barapomonae cataunxuae jopa yaputaeyo xua apara Jesús pon Nacom itoroba. Bequein bapon pex-einya petsita itatsi coyenewa exana poxonae apata pan pin bicheitomon-aetha, barapomonae jopa beyaputaeyo pia juntu coyenewantha.

Meje yabara poxonae Jesús axaibi exana pomonae peatenewi, pomonae Genesaret nacuapiwi
(Mt 14.34-36)

⁵³ Jesús, iru pijimonae tatsi bara pitapa berubenathopiya xua pucua weya. Genesaret nacuatha pata. Baxota jera quetanota pitapatha. ⁵⁴ Poxonae Jesús jera wenontouna, bapoxonae caena nainya pinmonae Jesús yaitaerucupatsi. ⁵⁵ Bapoxonae barapo jiwi bara wecuinaeyiya daxita barapo ira weya. Matautano carendena pocotsiwa pemaichiwatha pomonae atenemonae, Jesús pia xainya betacayiyatsi. ⁵⁶ Daxitantha ichaxota Jesús ponaena, ichaxota bequein tsica tomaraxi, ichaxotano bequein pin tomaran, ichaxotano bequein tomaran cuariya, daxita barapomonae capona peatenewimonae. Barapo peatenewimonae jebatsi namtontha. Barapomonae Jesús wucatsi xua Jesús petajayabinexatsi pia paparuwa peopirato tatsi. Daxita pomonae Jesús pia paparuwa tajayabatsi daxita barapomonae axaibi tsurucupeibi.

7

Meje yabara poxonae Jesús yabara paeba xua pebin abe peexanae cuiru coyene juntu webocatsi
(Mt 15.1-20)

¹ Nexata fariseomonae, iru pomonae jiwi pecuidubiwi Moisés pia peitorobi coyene tatsi xua pomonae Jerusalén tomara werendena, daxita barapomonae Jesús imoxoyo caquita poinchi. ² Barapomonae tane xua Jesús pijimonae tatsi jiwana najuntu coyene taxoba xuano xua daxota Nacom tsita natsicuentatsi abe peexanaexae poxoru jopa matha nacobe quiatsiyo poxonae xane. Daxota barapomonae nanta xeina xua Jesús pijimonae tatsi pomonae peantucuiruyapube jiwi. ³ (Barapomonae aichaxaibi xua Jesús pijimonae tatsi jopa matha nacobe quiatsiyo poxonae xane, tsipei fariseomonae iru daxita judiomonae jopa daichiyo. Barapomonae pia cui

xeina xua jopa xaibiyo poxonae jopa matha tsiwanaya daunweya nacobe quiateibiyo. Barapomonae barapo cui coyene exana xua po cui coyene pia pamo susato jiwi tatsi copiya cananta forota. ⁴ Poxonae barapomonae caibe nawibeibarena ichaxota po bon xua pexaewa pecaenaetsiwan weya, bapoxonae copiya tsiwanaya merantha naperu tsicababeiba xua poxonae xane. Barichi barapomonae icha coyeneinno exanapona xua peitorobi coyenewantha itoroba xua poxonae corotixi itapa quiata, yawano corotonno xua caseta itapa quiata yawano paraton po paraton pecaxae paraton itapa quiata yawa caman.) ⁵ Bapoxonae fariseomonae, iru pomonae jiwi pecuidubiwi Moisés pia peitorobi coyene tatsi, jeye Jesustha:

—¿Eta xua metha jinya jiwimonae jopa exanaeyo xua pocotsiwa wamo susato jiwi pia peitorobi cui coyenewatha itoroba xua penajuntu coyene taxobiyainwa? Jinyamonae barapo cui jopa exanaeyo xua jopa matha tsiwanaya nacobe quiateibiyo poxonae beya xaiba. Daxota jinyamonae pomonae peantucuiruyapube jiwi xua penajuntu coyene taxobixae, jei barapomonae.

⁶ Jesús jume nota barapomonae, jeye:

—Bara Isaías pon Nacom peitorobi jume pepaebin beta xaniwaicha paca yabara paeba xua paxam pomonae itara mexeya xanepanaeya pepaebi jiwi pam, daichitha apara abeya peexanae jiwi pam. Bapon paca yabara tinaeya jeye, xua Nacom paeba:

‘Barapomonae neyabara baru cui itura jina poxonae cueicueije tsaibi, ichitha pejuntu coyenewantha jopa neantobeyo.

⁷ Pocotsiwa poxonae barapomonae wanae nejainta saya pejume pawí.

Po pecuidubiwa xua barapomonae cuiduba jiwitha saya apara jiwi pia peitorobi coyenewa tatsi’, jei Nacom xua Isaías tatina Nacom, jei Jesús.

⁸ Equeicha Jesús jeye barapo fariseomonaetha iru pomonaetha pomonae pecuidubiwi Moisés pia peitorobi coyene tatsi:

—Saya paxam panaitematame pocotsiwa Nacom pia peitorobi coyenewa tatsi painya exanaenexa po peitorobi coyenewa painya amo susato jiwi copiya canamata forota. Paxam baxua paexaname poxonae jiwi paitorobame xua jiwi matha penacobe quiateibinexa poxonae xaiba penajuntu coyene taxobiyainwa, jei Jesús.

⁹ Equeicha Jesús barapomonaetha jeye:

—Itapetsiya painya neexanaenexa pocotsiwa painya amo susato jiwi pia peitorobi coyenewatha itoroba, daxota bichoina pajume itawetame Nacom pia peitorobi coyenewa tatsi. ¹⁰ Bayatha Moisés pia peitorobi coyenewatha itoroba, jeye: ‘Axa baru cui itura jinare, iru ena baru cui itura jinare’, jei. Equeicha bapon Moisés jeye: ‘Pon abe yabara paeba paxa, xua jopa peyawenaewa paxa ichacuitha tsipae xua penatha, bara bapon bewa tupaena’, jei Moisés. ¹¹ Ichitha paxam papaebame, xua pinae pebin bara itacupatsi xua paxatha tsipaeba, ichacuitha xua penatha xua jeye: ‘Jopa neitacupaeyo xua tapaca cayawenaewatsi, tsipei daxita pocotsiwa xeinan xua bequein pocotsiwatha tapaca cayawenaewatsi tsainchi baxuan daxita Nacomtha catan’, xua jei pebin. ¹² Poxonae peburuaya payabara nanta xeiname xua bapon baxua paeba, bapoxonae bara pacopatame xua barapo pebin jopa penantawenonaewa xua peyawenaewa paxatha, iruru xua penatha. ¹³ Poxonae paexanaponaame pocotsiwa painya amo susato jiwi pia peitorobi coyenewatha itoroba, xuano xua ichamonae pacana exaname

xua baxua iru exana bapoxonae paxam Nacom pia peitorobi jume pecui pawi jume pacana exaname. Barichi ichawanno xua be jupa xua peabe coyenein paexanameno, jei Jesús.

¹⁴ Equeicha Jesús waba barapo bicheito pia xainya berena, jeye:

—Daxita paxam pana nejume taema yawa pana nejume copi yaputaema pocotsiwa paca tsipaebinchi. ¹⁵ Pocotsiwa ba pebin pecoiboto deca tsi-jain jojonecatsi pexaewan, barapo coyene apara ba jopa bapana pebin antucuiruyapube exanaetsi xua poxonae pocotsiwa peexanaexae. Jame pocotsiwa ba pebin nanta xeina xua pecoibototha caunuta xua peabe jume, barapo jume coyenewatha jame pebin antucuiruyapube exanatsi xua poxonae pecueicueijeixae baxua. ¹⁶ Icha pamuxu dubename, moya pana nejume naitaeware pocotsiwa tapaca tsipaebiwatsi, jei Jesús.

¹⁷ Poxonae Jesús jiwi cuenta pona yawa bo bejoniya, bapoxonae Jesús pijimonae yabara yainyabatsi barapo pecayabara juta pepaebi diwesiyo. ¹⁸⁻¹⁹ Jesús jume nota pijimonae jeye:

—¡Paxam bara paichim icha fariseomonae ichi! Jopa payabara yaputaem barapo pecayabara juta pepaebi diwesiyo xua pexaewa yabara. Bayatha paxam payaputaneme pocotsiwa pebin tsijain jojonecatsi pexaewa pecoiboto deca, barapo pexaewa jopa abe cana exanaeyo pebin pia juntu coyenewa. Barapo pexaewa pebin jopa antucuiruyapube exanaetsi. Barapo pexaewa jopa ponaeyo pia juntu coyenewatha. Jame barapo pexaewa pecot-sorotha pona. Bapoxonae pexaewa aichurucuae nawexacaeca, jei Jesús.

Poxonae Jesús baxua paeba jiwi yaputane xua daxita pexaewan bara wuna pexaenexa. Jopa jiwi antucuiruyapube exanaetsi. ²⁰ Equeicha Jesús namchi, jeye:

—Pocotsiwa pebin pecoibototha caunuta xua peabe jume, barapo jume coyenewatha jame pebin antucuiruyapube exanatsi. ²¹⁻²² Tsipei pejuntu coyenewatha pebin nanta xeina, xua meje bapocotsiwanje: Abe penanta xeinae coyenewa, iru peita coxanae coyenewatsi coyenewa xua poxonae penayaputae jiwi naperu nacoyaba, iru ichan piawa tatsi pecaibi coyenewa, iru ichan anaya pebexotsi coyenewa, iru ichan piseuri tatsi pepichi coyenewa, iru ichan piawa tatsi peichichipae coyenewa, iru abe peexanae coyenewa, iru ichan pemuxuitorobiwatsi coyenewa, iru peuyujei coyenewa, iru peuwi coyenewa, iru ichan peyabara naerabiwatsi coyenewa, iru ichamonae peaeabi coyenewatsi, iru jopa xainyeya peexanae coyenewa poxonae bequein yaputaetha xua jopa bewa exanae. ²³ Daxita barapo coyenein pejuntu coyene weya jume pichapa. Barapo jume coyeneintha pebin antucuiruyapube exanatsi, jei Jesús.

Meje yabara poxonae yabuyo powayo penanapaincha poponaewayo Jesús jume cowantatsi

(Mt 15.21-28)

²⁴ Bapoxonae Jesús bara weya pona. Tiro tomara beya pona. Sidón tomara beya ponano. Jesús botha joniya. Bequein Jesús aichaxaibi xua jiwi yaputane ichaxota bapon eca, ichitha Jesús jopa itacupaetsi xua nameicha eca. ²⁵ Barapoxonae caena nainya petsiriwa jume tane xua Jesús botha eca. Barapowa pexantiyo tatsi cauri xeina. Daxota barapo petsiriwa patopa Jestutha. Yawa pentabocototha uncuca Jesús peitabaratha tatsi xua bapowa petsita ainya cuixaetsi. ²⁶ Barapowa penanapaincha poponaewayo pecueicueijeixae griegojume. Jopa judiomonae jitowaiyo. Bapowa sirofeniciamonaewayo naexana penaexanaexae Fenicia tomaratha xua Siria nacuatha. Barapowa Jesús wucatsi jeye:

—Taxantiyo inta taitawere cauri, jei barapowa.

²⁷ Ichitha Jesús jume nota barapowatha pecayabara j̄uta pepaebi diwe-siyotha, jeye:

—Jopa bewa ba auri apatsi pexaewa pocotsiwa pexui pia pexaewa tatsi. Baxua caunutsiya apara yabara paeban xua jopa bewa catsin tsane pomon-aetha pomonae penanapaincha jinompaewi pomonae jopa judiomonae naexanaeyo xua pocotsiwa barompaya judiomonae piawa tatsi. Daxota jopa w̄unaeyo xua cayawenatsi, jei Jesús.

²⁸ Barapowa jume nota Jesustha pecayabara j̄uta pepaebi diwesiyotha, jeye:

—Aa, bara barichi xuaunxuae netsipaebame ponxaem Tanecanamatax-einaem. Xainyei paebame. Jopa ba bewa auri catsibi pexui pia pexaewa tatsi. Daichitha auri ba xane pocotsiwa pexui sorobaba barapo pep̄ur̄wixi pocotsiwa pexaethopaewa peb̄ux̄pana tsica othopeica. Bara j̄utiya ichiya necana ichinde, daichitha neyawende, jei bapowa.

²⁹ Barapoxonae Jesús barai barapowatha, jeye:

—Bara xaniwaicha paebame daxota cayawenatsi. Moya bara bara beya ponare. Bara bayatha nexantiyo wepu poinchi cauri, jei Jesús.

³⁰ Poxonae barapowa patopa pia botha, pexantiyo taebota xua camatha j̄antema boca. Matautano tane xua bapowayo bayatha wepu poinchi cauri.

Meje yabara poxonae Jesús axaibi exana pon pemuxusipanaein

³¹ Bapoxonae Jesús Tiro tomara weya pona, xua caibeya pona, ichaxota Sidón tomara iya pona. Matautano ichaxota diez po tomaranbe iya pona po tomaran pew̄un Decápolis. Bapoxonae Galilea pucuatha patopa.

³² Baraxotiya Jesús pia xainya berena tacapoinchi pebin pon muxusipana, matautano xua jopa itac̄paetsi xua pecueicueijejiwa. Pomonae pecarende-naexae bapon, barapomonae Jesús w̄ucatsi, xua Jesús penta jayabiwa tsane xua bapon axaibi peexanaenexa tsainchi. ³³ Barapo pebin Jesús aisowa bebar̄u poinya pin bicheito pia xainya weya tatsi. Jesús pecobesitobetha nantiyabe muxu yauxatata. Poxonae naone sutaba peone pecobetha bapoxonae barapo cobetha ebato jayaba bapontha. ³⁴ Bapoxonae Jesús peitaboco benecoicha, yawa najumei cajujuina, yawano jeino bapontha: “¡Efata!” jeichichi, (xua jeichichi: “¡Muxu nasabare!” jeichichi.)

³⁵ Bapoxonae caena nainya bapon muxu nasaba nantiyabe. Matautano bara ebato xanepana. Matautano bara itac̄patsi xua pecueicueijejiwa beta.

³⁶ Bapoxonae Jesús barai barapomonae, jeye: “Jopa ichamonaetha pana neyabara paebinde pocotsiwa exanan”, jei Jesús. Bequein Jesús matowa tsipaeba baxua, daichitha barapomonae awiya baxua yabara paebeiba icha-monaetha beyacaincha xua Jesús jume matawenta. ³⁷ Barapomonae naj̄unt̄u coyene cabenaeca, yawa jeino: “¡Maisa barapon bichocono daxita coyeneya xanepana exana! Pomonae pemuxusipanaewi equeicha beta jume tane, yawa bara cueicueijeji”, jei barapomonae.

8

Meje yabara poxonae Jesús pexaewa apata cuatro mil pebiwi (Mt 15.32-39)

¹ Bapoxonae icha matabitha pinmonae nacaetuta Jesús pia xantha tatsi. Jopa xeinaeyo pocotsiwa xua pexaewa tsane. Bapoxonae Jesús waba pijimonae, yawa jeye:

² —Barapomonae yabara naj̄unt̄u coyene xeinan tayawenaenexa, tsipei barapomonae bayatha xote nebar̄u jinompa acoibi po matabibe. Anoxuae

jopa xeinaeyo xua pocotsiwa pexaewa tsane. ³ Icha barapomonae jainbotha pu itorobichipan pia bon beya, piyain namtotha xuirabathopaetsipa. Metha xuirabathopaetsipa tsipei ichamonae bayatha taj_u werendena, jei Jesús.

⁴ Jesús pijimonae jume notatsi, jeye:

—Paxan jopa pana itacupaeyo xua barapomonae pexaewa pata apatsiwa, tsipei xote jiwaibi xua pata comocaenexa pexaewa, jei Jesús pijimonae tatsi.

⁵ Jesús yainyaba pijimonae, jeye:

—¿Eta po panyobe paxeiname? jei.

Jesús jume notatsi pijimonae, jeye:

—Siete po panyobe paxeinan, jei.

⁶ Nexata Jesús pijimonae najume caruta xua bepa pinae barapo jiwi iratha taenaetsei. Jesús pecobetha pita barapo siete panyobe. Bapoxonae Nacomtha tsipaeba jeye: “Axa, maisa j_{unt}_u coyene weiweinan xua pexaewa pata tanecatsiwaxaem”, jei Jesús. Bapoxonae Jesús pan epa janaquiya nacobe weta. Bapoxonae Jesús pijimonae catsibapona, xua pijimonae tatsi xuya pecatsibaponaenexa barapo bicheittha. ⁷ Barichino barapomonae be conotha xeina duweixi poxi tsiquirixi. Jesús Paxa tsipaeba jeye: “Axa, maisa j_{unt}_u coyene weiweinan xua pata tanecatsiwaxaem duweixi”, jei Jesús. Poxonae Jesús epa janaca, bapoxonae pijimonae cobe itoroba xua pecatsibaponaenexa barapo bicheittha. ⁸ Daxita barapomonae bara xane. Daxita bara jain cow_{unt}_{ar}_u_{cup}_{atsi}. Pirapae awiya equeicha w_{um}_{ba} siete po cotebe xua nacopaba pocotsiwa xua barapomonae bayatha jopa xaeyo petonsanaexae. ⁹⁻¹⁰ Pomonae nabane pexaewa, barapomonae cuatro mil pebiwi. Bapoxonae Jesús pu itoroba barapomonae, xua penawibiyaenexa pia tomaran beya. Bapoxonae caena nainya Jesús, ir_u pijimonae tatsi, jeratha nonobabiya pewartaponaenexa Dalmanuta nacua beya.

Meje yabara poxonae fariseomonae Jesús cui itorobatsi xua peexanaewa tsane pexeinya petsita it_utsi coyenewa

(Mt 16.1-4; Lc 12.54-56)

¹¹ Bapoxonae fariseomonae pata Jestutha. Barapomonae tamropata notar_u_{cup}_a xua najume matsontsonoba exana Jestutha. Barapomonae Jesús pe_j_{unt}_u coyene j_u_j_u_t_s_i_n_e_x_a_t_s_i, daxota Jesús piraichi cui itorobatsi pia petsita it_utsi coyenewa pocotsi coyenewa xua cana exana itaboco wetsica. Barapomonae jopa bapon jume cow_{unt}_s_i_{ch}_i icha jopa itacupaetsi xua exana petsita it_utsi coyenewa. ¹² Jesús najumeicauna pe_j_{unt}_u coyene weya poxoru barapomonae bapon amuxucoyenefaetabi exanatsi. Bapoxonae jeye:

—¿Eta pocotsiwa metha barapomonae tapexeinya tsita it_utsi coyenewa necui itoroba jane? Bara xainyeya paca tsipaebatsi jopa bapana beexanaeyo baxua, xua barapomonae necui itoroba, jei Jesús.

¹³ Bapoxonae Jesús cuenta pona barapomonae jeratha, peponaenexa icha muxunene beya xua pucua iya.

Meje yabara poxonae Jesús pijimonae yabara yaputane exana pocotsiwa pan cotowa exana

(Mt 16.5-12)

¹⁴ Jesús pijimonae tatsi j_{unt}_e_m_a_i_n_a xua capona pan. Meisa cae pan capona jeratha, po nae pin naetha. ¹⁵ Jesús itoroba pijimonae, jeye:

—Dota pam, jopa pajume naitaewatsinde fariseomonae pia pecuidubi coyenewa tatsi xua painya nejume cow_{unt}_s_i_y_a_i_n_w_a. Matautano dota pam, xua Herodes pia pecuidubi coyenewa tatsi xua painya nejume cow_{unt}_s_i_y_a_i_n_w_a. Barapo pecuidubi coyenewan jiwi ichawa beya aj_{unt}_ucuicoyenyapube cana exanapoinchi icha be pocotsi coyene ichi

xua levadura matawun xua pan cocotowa exanapona beya poxonae pin pan, jei Jesús.

¹⁶ Jesús pijimonaе tatsi tamropata notarucupa xua caemonae natsipaeba, najei: “Metha apara poxoru jüntemainatsi xua caponatsi po pan xua levadura cotowa exana, daxota metha baxua Jesús jüntu coniquiya naca muxu tsipaeba”, najei barapomonaе.

¹⁷ Jesús yaputane pocotsiwa pijimonaе tatsi natsipaeba. Ichitha poxoru Jesús yabara paeba xua fariseomonaе iru Herodes pia pecuidubiwana tatsi daxota Jesús yainyaba piamonaе:

—¿Eta xua metha pana natsipaebame xua jopa painya necaponaexae pan? Baxua papaebame apara poxoru jopa pana nejume yabara cowuntsim pocotsiwa paca cuidubatsi. Cataunxuae jopa pana necui yabara yaputaem poxoru jopa paichichipaem xua painya neyaputaewa tsane painya jüntu coyeneintha. ¹⁸ Paxam bequein pana necui taneme, ichitha jopa xaniwaicha pana necui yaputaem. Matautano bequein bara pana nejume taneme ichitha jopa xaniwaicha pana nejume copi yaputaem. Matautano pajüntemainame poxonae pexeinya petsita itutsi coyenewa exanan jiwi nexa poxonae pan catan jiwitha. ¹⁹ Poxonae janacan pan xua cinco po panbe xua cinco mil pebiwi nexa, ¿eta po cotethabe pawunbaponame xua pocotsiwa nacopaba? jei Jesús.

Barapomonaе Jesús jume notatsi, jeye:

—Doce po cotebe apara, jei Jesús pijimonaе tatsi.

²⁰ —Poxonae janacan pan xua siete po panbe xua cuatro mil jiwi nexa, ¿eta po cotethabe pawunbaponame xua pocotsiwa nacopaba? jei Jesús.

Barapomonaе Jesús jume notatsi jeye:

—Siete po cotebe apara, jei Jesús pijimonaе tatsi.

²¹ Nexata Jesús pijimonaе barai xua muxu jei:

—Metha matapainya payaputaename xua apara jopa yabara paca tsipaebichi pan. Apara jame paca tsipaebatsi xua jopa bewa pajume cowuntsim tsane fariseomonaе iru Herodes pia pecuidubiwana tatsi, jei Jesús.

Meje yabara poxonae Jesús itacuere wunaeta pon peitata nacutsin Betsaida tomaratha

²² Jesús pijimonaе baru botouna jeratha Betsaida tomaratha. Barapo tomarapiwi jiwana carendena pon peitata nacutsin, Jesús pia xantha tatsi. Barapomonaе Jesús wucatsi, xua bapon pemata jayabinexatsi xuano xua axaibi peexanaenexatsi. ²³ Jesús cobe pita pon peitata nacutsin. Bapon cobe capoinchi aisowa beya xua tomara weya. Bapoxonae Jesús naone sutaba bapon peitamaiqueitobetha, itacuere jayabano. Jesús bapon yainyaba jeye:

—¿Bara caitacupa xua netaewa? jei Jesús.

²⁴ Bapon necotaxuba, bapoxonae Jesús jume notatsi, jeye:

—Pebiwi tan, daichitha itanonojan. Jiwi saya be naewan jinompa, jei bapon.

²⁵ Equeicha Jesús pecobetha itamaiquei jayaba nantiyabe. Barapo pebin daunweya naitata babatsiya tane. Bapoxonae itamaiquei xanepana. Bapon bara beta matapainya wunaе tane. ²⁶ Jesús itorobiya jeye bapon xua penawiyaenexa pia bo beya:

—Jopa tomaratha ponaeinde xua jopa baxua taneyabara cueicueijeinexa jiwitha, jei Jesús.

Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei (Mt 16.13-20; Lc 9.18-21)

27 Bapoxonae Jesús, iru pijimonae tatsi pata tsiqui tomaraxitha, po tomaraxi pewun Cesarea de Filipo. Poxonae namtotha cataunxuae enapona, bapoxonae Jesús pijimonae yainyaba, jeye:

—¿Eta jiwi neyabara jei po coyene xua xan bapon aparan? jei Jesús.

28 Barapomonae Jesús jume notatsi, jeye:

—Ichamonae cayabara jei: ‘Apara bapon Juan, pon jiwi Pebautisabin pon equeicha petupaein asu juina’, jei. Iru ichamonae cayabara jei: ‘Apara bapon Elías, pon equeicha petupaein asu juina’, jei. Iru ichamonae cayabara jei: ‘Apara bapon jiwana, pomonae Nacom peitorobi jume pepaebiwi’, jei, jei Jesús pijimonae tatsi.

29 Bapoxonae Jesús pijimonae yainyaba, jeye:

—¿Incane iru paxamdu? ¿Eta paneyabara jumichimdu xua xan eta pondun? jei Jesús.

Bapoxonae Pedro, Jesús jume notatsi, jeye:

—Xam apara Mesías, pon Nacom caitorobica, jei Pedro.

30 Jesús pijimonae muxu barai xua pijimonae jopa peyabara paebinexatsi ichamonaetha baxua.

Meje yabara poxonae Jesús nayabara diwesi paeba po coyene xua petupaewa tsane

(Mt 16.21-28; Lc 9.22-27)

31 Bapoxonae Jesús tamropata pitaba xua pijimonae tsipaeba pocotsi coyene xua Jesús cana exanaeinchi ichamonae, Jesús jeye: “Xan ponxaein Nacom Tananeitapetsin jiwi bichocono neperaxa jubina. Matautano pitiri jiwi, iruru sacerdotemonae pia pentacaponae tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae neitawetsina. Matautano barapomonae nebexubina. Ichitha equeicha asu poponaein poxonae acoibi po matabiyobe tsuxubi tsane”, jei Jesús.

32 Baxua Jesús pijimonae wunaeya muxu tsipaeba xua barapomonae bara xaniwaicha peyaputaenexa. Bapoxonae Pedro, Jesús compa aisowa bebaru poinyatsi, Pedro Jesús jume daunweya tsipaebatsi xua Jesús jopa pepaebinexa baxua. 33 Jesús pijimonae napatomeicha necota. Bapoxonae jume daunweya jeye Pedrotha:

—iXam be pon caurimonae pia pentacaponaein tatsim! Bara newepu ponare, tsipei xam jopa beta nanta xeinaem icha be jopa Nacom ichim poxonae xua beta nanta xeina. Saya xam nanta xeiname icha jiwi ichi poxonae nanta xeina, jei Jesús.

34 Bapoxonae Jesús waba pin bicheito, matautano wabano pijimonae, yawa jeye daxita barapomonaetha:

—Icha pebin ichichipa xua tajiwiwimonae jiwana pin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwiwimonae jitonxae.

35 Pon naantobeya nata exana pocotsiwa bapon ichichipa, bapon jopa xeinaeyo peajuntuyarusawa, po peajuntuyarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae xuano xua pecueicueijeixae Nacom Pejume Diwesi, bapon xeinaena peajuntuyarusawa, po peajuntuyarusawa ataya tsiteca xua Nacom pia nacua beicha. 36 Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyenesawa po peajuntucoyenesawa ataya tsiteca, bapoxonae bapon jopa itacupaetsi xua penajuntucoyene capanepaewa xua peweraweracaewa tsane. 37 Tsipei pebin

jopa itacupaetsi xua barapo copeitha Nacom pematomatsiwatsi, xua bapon pecatsinexa tsainchi peajantucoyenesuwa xua barapoxonae pepatopaewa tsane Nacom pia nacua beicha tatsi. ³⁸ Icha ichun neacaura, yawa nejume diwesi acaurano jiwi peitabaratha tatsi, pomonaetha pomonae jopa tana nejume cowantsi jiwi, pomonaethano pomonae bichocono abe peexanaewi, xan xuya barichin tsane. Xan ponxaein Nacom Tananeitapetsin, bapon xuya acauran tsane. Baxua exanaein poxonae patopaetsicaein be jiwi pia Pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús.

9

¹ Barichino Jesús jeye:

—Bara xaniwaicha paca tsipaebatsi xua pomonae xote umene barapomonae jiwana abu copiya matha yabara yaputaena xua po coyene Nacom waba jiwi xua petanaexanaenexatsi piamonae pomonae itorobiya taewatsixae taayapusuwatha. Bapoxonae barapomonae werapaena, jei Jesús.

Meje yabara poxonae Jesús pijimonae peitutha pexeinya itupanae coicha tsanaya naexana

(Mt 17.1-13; Lc 9.28-36)

² Poxonae seis po matabibe jopa, xua Jesús paeba baxua bapoxonae pirapae Jesús baru pona Pedro, iru Santiago iru Juan. Barapoyobe Jesús compa baru pona demxuwatheicha po demxuwa bichocono tucha. Baxoteicha barapoyobe peitutha tatsi, Jesús pexeinya itupanae coicha tsanaya. ³ Pocotsiwa Jesús pia penama xatatsiwa bichocono daedaena, yawa bichocono inyapana, beyacaincha poxonae jiwi bichocono paparuwa matanaca xua inyapana exana. ⁴ Bapoxonae Pedro, iru Santiago iru Juan Elías taerucupatsi, iru Moisés ponbe caena bayatha naxubabe. Baponbe Jesús baru cueicueijeichibe. ⁵ Bapoxonae Pedro namchi, jeye Jestutha:

—Pon jiwi Necuidubim maisa wuna xua xote pata umenaewa. Pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

⁶ Pedro baxua paeba, bequein jopa yaputaeyo pocotsiwa yabara cueicueijeije, tsipei poxoru saya barapomonae bichocono pijunuwi. ⁷ Bapoxonae daxita barapomonae pia xainya bematawacaicha taruneicatsi tsaquinaebowa. Barapo tsaquinaebowatha pejume jume tane, xua Nacom Jesús yabara cueicueijeichi, jeye: “Bapon apara Taxanto pon bichocono antobein pon itapetan. Bapon beta pajume taema pocotsiwa paca tsipaeba”, jei Nacom. ⁸ Barapoxonae caena nainya poxonae necobarucupa barapomonae, baponbe jopa taetsi, meisa saya Jesús compa uncua. ⁹ Poxonae Jesús pijimonae baru juinca demxuwa wetsica, bapoxonae Jesús tsipaeba barapo acoibi poyobe, jeye: “Ichamonaetha jopa yabara patsipaebinde pocotsiwa xuaunxuae pataneme xua tapaca catsita exanaewatsi. Jopa payabara paebinde beya abu poxonae equeicha asun poponaein tatupae coyene weya, xan ponxaein Nacom Tananeitapetsin”, jei Jesús. ¹⁰ Daxota barapoyobe jopa yabara paebiyo ichamonaetha xua tane. Saya barapoyobe pia coutha namicha natsipaebabe najeibe: “¿Eta xua metha baraxuara xua Jesús paeba xua pinae petupae coyene weya asu tsane?” najeibe. ¹¹ Barapoxonae barapo acoibi poyobe Jesús yainyabatsi, jeibe:

—Pomonae jiwi pecuidubiwi Moisés pia peitorobi coyene tatsi, ¿eta xua metha bapomonae paeba xua pinae bewa copiya patopaena Elías, xua pinae beya poxonae patopaena Mesías? jei barapoyobe.

¹² Jesús barapoyobe jume notatsi, jeye:

—Bara xainyei, Nacom Pejume Diwesitha paeba xua pon be Elías copiya netsiwana patopaena. Matautano paeba xua bapon cana nantu coyene weta exanaena jiwi pia juntu coyenewantha xua jiwi pejume cowantsinexa Nacom. Matautano barapo Nacom Pejume Diwesitha paeba xua xan ponxaein Nacom Tananeitapetsin ichamona neperaxa jubina. Matautano bichocono abeya neyabara paebina. ¹³ Ichitha nama xan paca tsipaebatsi xua pon be Elías bayatha apara patopa. Bapontha abeya cana exanatsi ichamona, icha be pocotsiwa barapomonae ichichipa xua bapon pecana exanaewatsi. Bayatha baxua Nacom Pejume Diwesitha peyabara tsiwinae muxu dutsixae, jei Jesús.

*Meje yabara poxonae Jesús cauri taitaweta xua pewowin xeina
(Mt 17.14-21; Lc 9.37-43)*

¹⁴ Bapoxonae pirapaeyo barapo acoibi poyobe Jesús baru nawiya ichaxota ichamona pijimonae tatsi tajinompatsi. Bapoxonae barapomonae tane xua Jesús pijimonae tatsi pomonae baxota petajinompaewixaetsi baru nacaetutatsi pin bicheito. Iru baxota naena pomonae jiwi pecuidubiwi Moisés pia peitorobi coyene tatsi. Barapo pecuidubiwi Jesús pijimonae tatsi jume matsontsonobatsi. ¹⁵ Barapo pin bicheito najuntu coyene nabenaeca poxonae Jesús taerucapatsi. Bapoxonae barapo pin bicheito caena nainya Jesús pexainya betacuinaeyiyatsi xua Jesús pejacobinexatsi. ¹⁶ Bapoxonae Jesús yainyaba barapo pin bicheito, jeye:

—¿Eta pocotsiwa metha tajiwiwimonae pajume matsontsonobame? jei Jesús.

¹⁷ Caein pon uncua baxota, bapon Jesús jume notatsi, jeye:

—Pon jiwi Pecuidubim, xote nexantha cata caponatsi taxanto. Bapon taxanto cauri xeina, xua daxota inta muxusipana exanatsi. ¹⁸ Poxonae taxanto taibatsi cauri, inta iratha bebai tsaibichi. Bapoxonae inta coibo thamthamei exaneibatsi. Matautano inta nawano xane exanatsi. Daxota inta cuenecuenona. Bequein wacan jinyamona, janje: ‘Painta taxanto taitawere cauri’, jan, daichitha jopa itacupaetsi xua inta taxanto petaitawetsinexatsi cauri, jei bapon.

¹⁹ Bapoxonae Jesús anaya barai pijimonae, jeye:

—¡Paxam barapomonae pam, pomonae jopa xapain cataunxuae pana nejume cowantsim! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Pon cauri xeina painta baru awena, jei Jesús.

²⁰ Bapoxonae Jesús pexantha tacapoinchi barapo pewowin. Poxonae Jesús tainchi cauri, bapoxonae pewowin naichababa exanatsi. Barapo pewowin bapoxonae iratha xotsi. Yawa iratha natorenababa exanatsi. Yawa coibo thamthamei exanatsi. ²¹ Pexuyo paxa tatsi, Jesús yainyaba, jeye:

—¿Eta po weiyobe barapo pewowin xeina baxua xua cauri xeina? jei.

Barapon Jesús jume notatsi, jeye:

—Caena bayatha baxua xeina poxonae pexuyo tsecae. ²² Matowa cauri inta taxanto isototha bebai tsaibichi. Matautano inta mentha bebai tsaibichi pebexubinexatsi. Icha caitacupa xua neexanaewa tsane baxua, pana yabara najuntu coyene xeinare jinya tapana neyawenaenexam tsane, jei pexuyo paxa tatsi.

²³ Jesús jume nota bapon, jeye:

—¿Eta pocotsiwa metha barapo jumetha netsipaebame xua tana neitacupaewa yabara? Tsipei ponba jume cowanta bara Nacom yawena xua peitacupaewatsi xua daxitantha beta cana exana, jei Jesús.

²⁴ Bapoxonae pexuyo paxa tatsi jume daunweya wawaya jeye:

—Bara cajume cowantatsi. Neyawende xua equeicha bichocono matowa tacajume cowantsinexa tsainchi, jei pexuyo paxa tatsi.

²⁵ Poxonae Jesús tane xua pin bicheito imoxoyo nacaetutapona, bapoxonae Jesús itaweta cauri, jeye:

—Xam caurim pom muxusipana exaname jiwi, bara caitawetatsi. Bara xubiriware barapo pewowin. Equeicha bapana jopa caewa patopaeinde bapontha, jei Jesús.

²⁶ Bapoxonae cauri pewowin papai exanatsi. Yawano naichababa exanatsi. Barapo cauri pewowin cuenta poinchi, barapoxonae barapo pewowin be petupaeyo boca iratha. Daxota daxita barapo pin bicheito paeba xua pinae barapo pewowin apara tupa. ²⁷ Barapo pewowin Jesús cobe pita, yawano asiya cuaranota. Bapoxonae barapo pewowin nantacotuncuataba.

²⁸ Bapoxonae Jesús joniya botha. Jesús pijimonae compa seicaya tsipae-batsi, jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei barapomonae.

²⁹ Jesús pijimonae jume nota, jeye:

—Barapocotsimonae caurimonae paca itacupa xua painya neitawetsiwa saya meisa poxonae memecabiya matowa pawacame Nacomtha, jei Jesús.

Meje yabara poxonae equeicha Jesús nayabara paeba xua poxonae tupaena (Mt 17.22-23; Lc 9.43-45)

³⁰ Poxonae Jesús, iru pijimonae tatsi bara weya pona, bapoxonae Galilea nacia iya pona. Bapon jopa beyaputaetsi xua ichaxota ponaena, xua ichamonae yaputaena. ³¹ Baxua Jesús exana, tsipei pijimonae cuiduba. Jesús barai pijimonae xua nayabara paeba, jeye:

—Xan ponxaein Nacom Tananeitapetsin jiwi necaenaetsina ichamon-aetha. Yawano nebexubina. Ichitha poxonae acoibi po matakabibe yapucaewina, bapoxonae equeicha asu poponaein, jei Jesús.

³² Ichitha barapomonae pomonae Jesús pijimonae jopa jume yaputaetsi xua Jesús yabara paeba. Matautano barapomonae junuwa xua Jesús peyabara yainyabiwa tsainchi barapo jume.

Meje yabara poxonae Jesús yabara yainyabatsi pijimonae xua pon peainya cui peexanaeinchi

(Mt 18.1-5; Lc 9.46-48)

³³ Jesús pijimonae baru patopa Capernaum tomaratha. Poxonae Jesús pijimonae botha baru patopa, bapoxonae pijimonae yainyaba, jeye:

—¿Eta xua namtotha pana najume matsontsonobaponame? jei Jesús.

³⁴ Barapomonae saya moya umena peauraxae, tsipei namtotha najume matsontsonobapona xua po coyene metha jintam ainya cui peexanaewatsi tsainchi pon barapomonae jiwanaxae. ³⁵ Nexata poxonae Jesús eca, bapoxonae pijimonae waba, pomonae doce poyobe, yawa jeye:

—Pon ichichipa xua ichamonae ainya cui petsita naexanaewatsi, bapon bewa pia coutha pecui pawi jiton naexanae petanacuichinexa ichamonae, jei Jesús.

³⁶ Bapoxonae Jesús pita pexuyo, yawa pijimonae tatsi peitabarayo deca tatsi tacuaranoreca. Jesús isaeca barapo pexuyo, jeye:

³⁷ —Pon matenta weyataeya waba peyawenaenexa pontha pon tana ne-jume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo, apara bara iru matenta weyataeya wabatsi pon tana neitorobixae xua pon bara Nacom, jei Jesús.

Meje yabara poxonae Jesús barai pijimonae: “Pon jopa nacata abe ex-anaeyo, bapon ba apara naca yawena”, jei
(Mt 10.42; Lc 9.49-50)

³⁸ Nexata Juan namchi Jesustha, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan, tsipei jopa naca puna poponaeyo, jei Juan.

³⁹ Ichitha Jesús Juan jume notatsi, jeye:

—Bapon baxua jopa pacui itawetsinde, tsipei dapon aibi pon pexeinya petsita itatsi coyenewan exana poxonae newun taiba xua bapoxonae cota-caya abeya neyabara paeba. ⁴⁰ Tsipei pon abe jopa nacata exanaeyo, bapon apara naca yawena. ⁴¹ Pon paca yawena xua mera paca cata xua bequein tsica corotiyotha xua iru pejume cowantsixae, xua xan Criston tajiwimonae pamxaem, baxua peexanaexae, Nacom catsina bapontha pematomatsiwa baxua nexa, jei Jesús.

Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane
(Mt 18.6-9; Lc 17.1-2)

⁴² Equeicha Jesús namchi, jeye: “Nacom tsitatsi xua pebin bichocono abe exana poxonae natsicuenta ichan cana exanatsi xua abe peexanae cuiru coyene exana, po barapo ichan pon cataunxuae aena tana nejume cowantsixae. Metha jame wunae tsipae xua barapo pebin pon abeya cana exanaeya taexana ichantha, barapon pin iboto wisi cutsipatsi yawa xua tuwutha xua pin mar menetha barapo ibototha cayawa cabutabachipatsino. ⁴³⁻⁴⁴ Icha painya cobe paca exana xua abe painya neexanaewa tsane, maisa panacobe ucubobare. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaya xanepana beyacaincha xua ainya cobebe painya necayawa bebaiwa tsane ichaxota po nacuatha isoto jopa itacounayiyo, xua ataya tsiteca. ⁴⁵⁻⁴⁶ Matautano icha painya taxu paca exana xua abe painya neexanaewa tsane, maisa panataxu ucubobare. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebaiwa tsane ichaxota po nacuatha isoto jopa itacounayiyo xua ataya tsiteca. ⁴⁷ Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane, painya netaexae painya itamaiqueitha, maisa pana naitacuere jucuaré. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia peitorobi nacua beicha tatsi. Baxua jame yatsicaewa xanepana, beyacaincha xua poxonae ainya itamaiqueitobe painya necayawa bebaiwa tsane ichaxota isoto jopa itacounayiyo. ⁴⁸ Barapo nacuatha isoto jopa itacounayiyo xua ataya tsiteca yawa oro jopa tupaeyo.

⁴⁹ “Tsipei daxita jiwi pia pejuntu coyenein tatsi nacui wunaetsina Nacom nexa pocotsi coyenewantha xua jiwi taayapubetsi bichocono xua jiwi atene exanatsi pocotsiwa icha be isoto ichi. Matautano daxita pocotsiwan jiwi

tauta xua petuxusi exanaewa Nacomtha, barapocotsiwa copiya yawa mux-una nacui xaxainchina sare beno. ⁵⁰ Sare beno, bara bena wanae. Ichitha icha barapo sare beno jopa abenataeyo bapoxonae jopa peitacupaewatsi xua equeicha peabenataewa. Bara paichinde poxonae icha be sare beno ichi. Paxeinare pocotsi coyene pexeinya jantɩ coyene xua jopa po jantɩ coyene abeyo. Matautano jantema nantiya pana nabarɩ jinompare”, jei Jesús.

10

Meje yabara poxonae Jesús cuiduba xua jiwi piseurixi pepunapenteibiyainwa

(Mt 19.1-12; Lc 16.18)

¹ Jesús ponataba Capernaum tomara weya. Bapoxonae Judea nacuatha patopa. Yawa patopa Jordán mene iya icha muxunenetha, po muxunene xua Judea nacua weya. Baxotiya equeicha jiwi pin bicheitomona nacaetuta ichaxota Jesús uncua. Equeicha Jesús cuiduba barapomonaetha, tsipei pia cui xua cuidubeiba. ² Bapoxonae ichamonae fariseomona, barapomona piraichi Jesús imoxoyo caquita umenarucupatsi xua Jesús pejantɩ cui coyene jajutsinexatsi, daxota jeye:

—¿Metha bara Moisés copata jampa xua pebin pepunaxubiwa piowa icha saya metha ichichipa jampa? jei.

³ Jesús jume epa pita barapomona, jeye:

—¿Eta xua bapon Moisés paca itoroba? jei.

⁴ Barapomona Jesús jume notatsi, jeye:

—Moisés copata xua jiton itacupatsi xua pecatsiwa papera piseuri, po paperatha tina xua pexubiwa tsane piseuri. Bara bapoxonae bapon xubina piseuri, jei barapomona.

⁵ Bapoxonae Jesús jume nota barapomonaetha, jeye:

—Moisés paca cata barapo peitorobi coyenewa, tsipei paxam jopa bepa-jume cowantsim painya jantɩ coyenewatha. ⁶ Tsipei poxonae Nacom aena forota daxita, pejume diwesitha jeye: ‘Nacom exana pebin, matautano exana yabayo’, jei. ⁷ Equeicha Nacom jeye: ‘Daxota pebin paxa wepu natsata, yawa pena wepu natsata xua piowabe imoxoyo penaperɩ nacoyobinexabe. ⁸ Baraponbe be cae jiwimona naexanabe’, jei. Bapoxonae baponbe xua ainya jiwibe aibi, bara be caein naexanabe. ⁹ Daxota pebin bapana jopa bewa punaxubi piowa. Tsipei apara bayatha Nacom cana exana xua bara be caein naexanabe, jei Jesús.

¹⁰ Poxonae Jesús, irɩ pijimona tatsi botha jinompa, bapoxonae Jesús pijimona yabara yainyabatsi baxua. ¹¹ Bapoxonae Jesús jume epa pita, jeye:

—Pon punaxuba piowa, yawa ichowa pita, bapon abe exana piseuritha yawa Nacom peitɩtha tatsi, tsipei Nacom tsitatsi xua powa copiya barɩ popona, apara bara piowa tatsi. ¹² Barichi icha petsiriwa punaxuba pia pebin, yawa pita icha pebin, bapoxonae bapowa abe exana pia pebintha, yawa Nacom peitɩtha tatsi, tsipei Nacom tsitatsi xua pon copiya xeina, apara bara pia pebin tatsi, jei Jesús.

Meje yabara poxonae Jesús jeye pexuitha: “Barabɩ Nacom beta paca yawenaena”, jei

(Mt 19.13-15; Lc 18.15-17)

¹³ Nexata jiwi Jesús pexui tacaponatsi xua Jesús pejayabinexa pecobetha, yawa xua Nacomtha pewacaenexa barapo pexui nexa xua pejeinexa: “Barabɩ Nacom beta paca yawenaena”, pejeinexa. Ichitha Jesús pijimona tatsi poxonae baxua tane, tamropata notarucupa xua barapomona cui

matawentsi pomonae pexui carendena tsaibi. ¹⁴ Poxonae Jesús baxua jume tane, jopa ichipaeyo pocotsiwa pijimonae tatsi paeba, daxota anaya jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejunt̃ coyene xanepanaewi icha pexui ichi. Pexui pia cui xua tayapu xanepanatsi xua pia j̃nt̃ coyeneintha jume cow̃nta Nacom. ¹⁵ Bara xainyeya paca tsipaebatsi. Pon jopa yabara jume cow̃ntsiyo xua icha be jopa pexui ichiyo xua ba pexui tayapu xanepanatsi xua jume cow̃nta, bapon bapana jopa naexanae tsane Nacom pijimonae tatsi pomonae Nacom itorobiya ewata, jei Jesús.

¹⁶ Bapoxonae Jesús tsana tamropata nonotapona pexui, yawa pecobetha pexui jayabiya taw̃catsi Nacom. Jeye: “Barab̃ Nacom beta yawenaena barapo pexui”, jei.

*Meje yabara poxonae pewowin pon copei pexeinaein Jesús tsipaebatsi
(Mt 19.16-30; Lc 18.18-30)*

¹⁷ Poxonae Jesús aena warapa, bapoxonae pebin Jesús pia xainya betacuinaerenatsi. Bapon pentabocototha uncuca Jesús peitabaratha tatsi, xua pebar̃ cui itura jinaenexatsi Jesús, tsipei Jesús pon peainya cuin. Bapon jeye Jesustha:

—Ja Tanecuidubim, maisa nej̃nt̃ coyene xanepanaem. ¿Eta xua copiya matha exanocuaein xua aj̃nt̃ yapus̃ya tapoponaewa tsane xua ataya tsane? jei bapon.

¹⁸ Bapoxonae Jesús jume nota, jeye:

—¿Eta xua nebaram: ‘Nej̃nt̃ coyene xanepanaem’, jam? Apra ich̃n dapon aibi pon pej̃nt̃ coyene xanepanaein. Jame meisa apra bapon Nacom compa pej̃nt̃ coyene xanepanaein. ¹⁹ Xam bara yaputaneme po coyene Moisés pia peitorobi coyenewatha itoroba, xua jeye: ‘Jopa ich̃n bexubinde. Jopa ichowa pichinde ich̃n piowa tatsi. Jopa caibinde ich̃n piawan tatsi. Jopa naerabiya cayabara paebinde pocotsiwa ichamonae exana. Jopa ichamonae yabara muxujainyabinde xua caibame. Axatha bar̃ jume cui itura jinare. Matãtano enatha bar̃ jume cui itura jinare’, jei Moisés, jei Jesús.

²⁰ Pewowin Jesús jume baraichi, jeye:

—Pon jiwi Necuidubim, daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon, jei bapon.

²¹ Jesús antobeya necota bapontha, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necaj̃ntana botsiwa pocotsiwa bichocono w̃nae, jei Jesús.

²² Poxonae barapo pewowin baxua jume taeba, bichocono nantanuweya pontaba, tsipei bichocono copei pexeinaein.

²³ Bapoxonae Jesús necota jiwi, yawa jeye pijimonaetha:

—¡Maisa bichocono ayapubecai xua copei pexeinaewi naexana Nacom pijimonaе tatsi jiwana pomonaе itorobiya canamataxeina! Tsipei barapomonaе bichocono antasiwayatane barapo pia copei, beyacaincha xua Nacom antobetsi, jei Jesús.

²⁴ Jesús pijimonaе tatsi yabara najuntа coyene cabenaeca pocotsiwa xua Jesús paeba. Ichitha Jesús pijimonaе equeicha tsipaeba, jeye:

—Pomonaе tamonaе pamxaem, ¡maisa bichocono ayapubecai xua pomonaе copei pexeinaewi jume cowantsina Nacom! Barapomonaе nanta xeina xua pia copeitha nayawena xua daxota jopa canantawenonaeyo xua Nacom pejume cowantsiwatsi. ²⁵ Bichocono acuiruyapube xua duwein, pon pewan camello xua bapon pejoniyaewa acuicheto peetaba wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaе tatsi jiwana pomonaе itorobiya canamataxeina beyacaincha xua poxonaе acuiruyapube xua poxonaе camello acuicheto peetaba wan iya pejoniyaewa, jei Jesús.

²⁶ Poxonaе Jesús pijimonaе jume taerucupatsi xua paeba bapoxonaе najuntа coyene cabenaeca bichocono. Barapomonaе caemonaе nayainyaba, najei:

—Bapoxonaе ¿jintam metha nexata itacupatsi xua pecapanepaewa pia coutha? jei barapomonaе.

²⁷ Jesús tane barapomonaе, yawa jeye:

—Pebiwі ba jopa itacupaetsi xua baxua exana, saya jame meisa Nacom compa itacupatsi xua jiwі napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

²⁸ Nexata Pedro Jesús jume notatsi, jeye:

—Paxan daxita pacuenta ponan pocotsiwa paxeinan pata paca puna ponaewatsi tsainchi, jei Pedro.

²⁹ Jesús Pedro jume notatsi, jeye:

—Bara xainyeya paca tsipaebatsi. Nacom beta cana exanaena daxita pomonaе pecueicueijeixae Nacom pia pecapanenebiyae diwesi yawa taneantobexae beyacaincha xua ichamonaе antobetsi. Nacom beta cana exanaena barapomonaе pia bon pecuenta ponaexae inta peexanaexae. Matautano beta cana exanaena pomonaе peweichowi pecuenta ponaexae. Matautano beta cana exanaena pomonaе pamchowi pecuenta ponaexae. Matautano beta cana exanaena pomonaе paxeiwi pecuenta ponaexae, matautano peniwi pecuenta ponaexae. Matautano beta cana exanaena pomonaе pia pexui yawa pia iran pecuenta ponaexae. ³⁰ Nacom barapomonaetha catsina po irathe pentoma xua cien po cuiyobe tsane. Barapomonaе xeinaena bon, matautano nantauntsina peweichowi, iru pamchowi tatsi, iru peniwi tatsi, iru pia pexui tatsi, yawa iranno. Daxita barapomonaetha tsicotane be barompaya piamonaе tatsi. Barapo cae pin nacuathe barapomonaе peraxa jubinchi taneantobexae, daichitha barapomonaе xeinaena Nacom pia peitorobi nacuatheicha peajuntayapuswa po peajuntayapuswa ataya tsiteca. ³¹ Pomonaе xua anoxuae, pomonaе jiwі petsita ainya cui jiwichi po cae pin nacuathe, barapomonaе bexa Nacom pia peitorobi nacuatheicha jopa peainya cui jiwі tsane. Pomonaе xua anoxuae pepawі naexana pomonaе jiwі jopa petsita ainya cui jiwichi, po cae pin nacuathe, barapomonaе Nacom pia peitorobi nacuatheicha peainya cui jiwі tsane, jei Jesús.

Meje yabara poxonae Jesús nayabara paeba acoibi po coyenebetha xua poxonae tɥpaena

(Mt 20.17-19; Lc 18.31-34)

³² Poxonae Jesús pijimonae cataunxuae namtotha barɥ ecapona xua Jerusalén tomara beya, Jesús pijimonae tsiwana nantacaponae. Bapoxonae Jesús pijimonae tatsi najuntɥ coyene cabenaeca, tsipei Jesús nainya nantacaponae. Irɥ pomonae Jesús puna poinchi yabara junuwa, tsipei yaputane xua Jesús abe cana exanaeinchi barapo tomarapiwi. Bapoxonae Jesús pijimonae compa waba aisowa beya xua pomonae doce poyobe tatsi. Jesús tamropata pitaba xua tsipaeba pijimonae xua pocotsiwa imoxoyo ichamonae Jesús cana exanaeinchi. ³³ Jesús jeye pijimonaetha: “Anoxuae ponaeinchi Jerusalén tomara beya. Baxotiya xan ponxaein Nacom Tananeitapetsin, necaenaetsina ichamonae sacerdotemonae pia pentacaponae witha tatsi, yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae itorobina xua nebexubina. Matautano necana cobenatsina pomonaetha pomonae penanapaincha jinompaewi xua pomonae icha nacua werena peponaewi. ³⁴ Barapomonae necui caponaena, yawa necueinchinano. Matautano yawa necana one subabina. Bapoxonae nebexubina. Daichitha poxonae acoibi po matabibibe weraweracaena equeicha asɥ poponaein petɥpae coyene weya”, jei Jesús.

Meje yabara poxonae Santiago irɥ Juan Jesús yainyabatsibe

(Mt 20.20-28)

³⁵ Bapoxonae Santiago irɥ Juan ponbe Zebedeo pexantobe tatsi, baponbe Jesús imoxoyo caquita uncuatabatsibe, jeibe Jestustha:

—Pon jiwi Necuidubim, paichichipan xua painta exanaename pocotsiwa paca wɥcaeinchi, jei.

³⁶ Nexata Jesús yainyaba baponbetha, jeye:

—¿Eta pocotsiwa paichichipamebe xua pacata exanaeinchibe? jei.

³⁷ Baponbe Jesús jume notatsi, jeye:

—Matabibi jopaena, po mataqueitha itorobiya ewatsiname jiwi poxonae ecaename jinyawa xua pexeinya itɥpanae ecaethopaewatha. Barapo mataqueitha copare xua paxambe nantiyabe paecaeinbe patawantha xua pexeinya itɥpanae ecaethopaewatha. Ichɥn pocotsiwa necoxa weya ecaena. Ichɥn pocotsiwa netsocona weya ecaena, jeibe baponbe.

³⁸ Bapoxonae Jesús baraiibe baponbetha, jeye:

—Paxambe jopa payaputaembe pocotsiwa pana newɥcamebe. Poxonae ichamonae abe inta exanaena, xan bara saya copatsin xua barapomonae bara neperaxa jɥbina. Barichi poxoru paxambe tapana neantobexaembe, ¿bara irɥ paca itacɥpabe xua bara pacopatsinamebe xua bara ichamonae paca peraxa jɥbinabe? Barichin bara saya copatsin xua ichamonae bara tɥpa neexanaena. Barichi, ¿bara irɥ paca itacɥpabe xua pacopatsinamebe xua bara ichamonae tɥpa paca exanaenabe? jei Jesús.

³⁹ Barapoyobe jume notabe Jestustha, jeye:

—Aa, bara baxua pana neitacɥpabe, jeibe.

Jesús jume notabe baponbetha, jeye:

—Bara bara xainyei, barapocotsi coyene ichamonae paca cana exanaenabe. Ichamonae paca peraxa jɥbinabe. Matautano ichamonae bara tɥpa paca exanaenabe, icha xan necana ichi tsane. ⁴⁰ Nama xua xantha nantiyapaecamebe xua ichɥn pocotsiwa tacoxa weya eca, yawa xua ichɥn tatsococona weya eca, baxua jopa tacoya yabara itorobinyo. Saya jame Taxa Nacom

meisa baxua taexanaena pomonaetha pomonae caena bayatha tsiwunaeta xua peenaenexa tsane, jei Jesús.

⁴¹ Jesús pijimonae tatsi pomonae umena, pomonae diez poyobe, barapomonae jume tane xua Santiago iru Juan Jesús wacatsibe. Bapoxonae barapo diez poyobe, Santiago iru Juan yabara anaepanarucupatsibe. ⁴² Ichitha Jesús pia xainya berena pijimonae waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae xua daxota bichocono jiwi taayapubetsi. ⁴³ Ichitha nama paxam barapocotsi coyeneya jopa bara paichinde. Seicaya nama icha juntu coyeneyatha paca itorobatsi. Icha pon paxam jiwana, icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina. ⁴⁴ Matautano pon xua paxam jiwana, icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon matha bewa copiya daxita paxam beta amanaya pacata nacuichina icha pon pebusi cui taetaeinchi ichi. ⁴⁵ Icha be pocotsi coyeneya ichin bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apra jopa baxua tsipatopaeinyo xua ichamonae inta penacuichiwanaxa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús.

Meje yabara poxonae Jesús axaibi exana pon peitata nacutsin, pon pewun Bartimeo

(Mt 20.29-34; Lc 18.35-43)

⁴⁶ Bapoxonae Jesús iru pijimonae tatsi pata Jericó tomaratha. Jesús iru pijimonae tatsi tomara we-iyiya xua iruru pin bicheitomonae napon. Iruru bapoxonae pebin pon pewun Bartimeo, pon Timeo pexanto tatsi, bapon namtotha eca. ⁴⁷ Poxonae Bartimeo jume tane xua juinya Jesús imoxoyo pona, pon Nazaret tomarapin, bapoxonae bapon Bartimeo tamropata pitaba xua wawaya jeye:

—jJesús, David pia pemomoxi susato jiwanapim, ponxaem Nacom necaitapetsim neyabara najuntu coyene xeinare jinya tana neyawenaenexam! jei.

⁴⁸ Pinmonae jume matawenta bapontha xua moya peecaenexa. Ichitha bapon equeicha bichocono jume daunweya wawai, jeye:

—jJesús, David pia pemomoxi susato jiwanapim, ponxaem Nacom Necaitapetsim neyabara najuntu coyene xeinare jinya tana neyawenaenexam tsane! jei bapon.

⁴⁹ Bapoxonae Jesús naruntaba yawa namchi pijimonaetha, jeye:

—Maisa painta wabare, jei Jesús.

Bapoxonae pon peitata nacutsin wabatsi, yawa barapomonae jeye bapontha:

—Bara najuntu tsacatabare, jopa amurande. Nontaponare, aunxuae cawaba, jei barapomonae.

⁵⁰ Bapoxonae pon peitata nacutsin pia penauyapatsiwa xubiriwa, yawa jirawuna. Bapoxonae pona Jestutha. ⁵¹ Jesús yainyaba bapontha, jeye:

—¿Eta xua jinya tacata exanaetsi? jei.

Bapon Jesús jume notatsi, jeye:

—Pon jiwi Pecuidubim, benecotsin cuinaya, jei.

⁵² Jesús jume nota bapontha, jeye:

—Bara moya ponde. Bara bayatha caitacuere xanepana exanatsi, tana neyabara jume cowantsixaemxae xua bara tana neitacupaewa xua tacayawenaewatsi, jei Jesús.

Bapoxonae caena nainya pon peitata nacatsin necotaxuba. Bapoxonae bapon Jesús puna poinchi namtotha.

11

Meje yabara poxonae Jesús Jerusalén tomaratha patopa (Mt 21.1-11; Lc 19.28-40; Jn 12.12-19)

¹ Poxonae Jesús, iru pijimonae tatsi muxu pepatsi Jerusalén tomaratha copiya pata Betfagé tomaratha yawa Betania tomaratha, po tomara xua nacacuita ecabe. Barapo tomarabe cuariya demxuwa eca, po demxuwa pewun Olivowa, xua baxota olivo naein peumenaexae. Bapoxonae Jesús nacueyatabe poyobe itoroba ponbe pijimonae tatsi jiwana. ² Jesús barai baponbetha, jeye:

—Paponarebe, po tomara painya itabaraya equiya. Poxonae papatopae-namebe barapo tomaratha, bapoxonae pacaxinaenamebe burro pon penun pon pequetanotsin, po burro ichamonae jopa tsijuma enaeyo. Barapo burro paisanaxorebe. Bapoxonae payama carenandebe. ³ Icha ichun paca yainyabiya jeye: ‘¿Eta xua payama isanaxubamebe burro?’ paca jei, nexata pajandebe: ‘Pon jiwi Pecanamataxeinaein bepa pata yama cayiyaeinjei tsipei pinae nantawenona. Bexa nainya equeicha payama carenaein’, pajandebe, jei Jesús.

⁴ Barapomonae ponarucupa. Yawa caxinarucupa barapo burro pebto, pon quetanota imoxoyo bo coibototha xua aisowa beya namtotha. Bapoxonae barapoyobe yama isanaxubabe barapo burro.

⁵ Pomonae baxota jinompa barapomonae baponbe yainyabatsi jeye:

—¿Eta xua paexanamebe? ¿Eta xua burro paisanaxubamebe? jeichichibe baponbe.

⁶ Bara baraponbe jume notabe barapomonaetha pocotsiwa bayatha Jesús pejume itorobixae. Bara baraponbe tacopatatsibe xua bara peyama isanaxubinexabe. ⁷ Bapoxonae baponbe tayama cayabe burro Jesús tayama cayatsibe. Bapoxonae pia paparuwan tsijuma jebicabe, yawa Jesús tsijuma equeica. ⁸ Bapoxonae jiwi pinmonae namtotha yerababa jejebabapoinya pia paparuwan. Ichamonae peaxu po axu be coichaxu axu ucuboba. Barapo axu namtotha jebapoinya xua Jesús ainya cui exanatsi. ⁹ Pomonae Jesús tsiwana nanta cajinjincatsi, iru pomonae Jesús peputha tajinjincatsi, barapomonae Jesús yabara wawaya jeichichi:

—¡Pai jayana, maisa Jesús pon jiwi itorobiya pia pepa peewatsinchi maisa wunae, bapon patopa Nacom peitorobixae! ¹⁰ ¡Bara wunae jaintatsi pon patopeica xua jiwi peitorobinexatsi, icha David ichi pon wamo susatopin poxonae bapon Israel nacua itorobiya ewata! ¡Maisa Nacom bichocono wunae jaintatsi pon athabeicha eca! jei barapomonae.

¹¹ Bara bapoxonae Jesús patopa Jerusalén tomaratha, yawa joniya Nacom pin pia botha tatsi. Jesús naita cui wetaba xua tane daxita pocotsiwa jiwi exana barapo botha. Bapoxonae equeicha Jesús pijimonae baru ponataba Betania tomara beya, poyobe xua doce poyobe, tsipei bayatha tabopiya.

Meje yabara poxonae Jesús biatane higuera nae xua jopa penacoichixae
(Mt 21.18-19)

¹² Icha matabitha baya, poxonae Jesús iru pijimonae tatsi Betania tomara weya pona, Jesús jainpapon. ¹³ Tajū weya Jesús tane higuera nae xua noxu tsuncuae. Jesús higuera nae beya pona piyain petaenexa pethei, ichitha saya noxu tane, tsipei cataunxuae dapō dapaē aibi po dapaetha higuera nae nacoita. ¹⁴ Bapoxonae Jesús barai higuera nae, jeye:

—Bapana jopa equeicha nacoichim tsane, xua jiwi jopa necathei xaenexa, jei Jesús.

Jesús pijimonae jume tainchi baxua poxonae higuera nae barai.

Meje yabara poxonae Jesús aisowa benapuna torobabiya Nacom pin pia botha pomonaē pecaenaetsiwi

(Mt 21.12-17; Lc 19.45-48; Jn 2.13-22)

¹⁵ Bapoxonae pirapaeyo Jesús pijimonae baru patopa Jerusalén tomaratha. Jesús joniya Nacom pin pia botha tatsi. Bapoxonae Jesús aisowa benapuna torobabiya barapo Nacom pin pia bo weya pomonaē pecaenaeta jiwi baxota. Jesús tabū tayebiya bebai iratha pocotsiwa pexaethopaewa po pexaethopae-wantha nantiya nacatsiba paratixi, yawa xua iruru baxota topibo caenaeta. ¹⁶ Jesús jopa copatsiyo xua jiwi piawan capona Nacom pin pia bo tatsi tutiya iya. ¹⁷ Jesús cuiduba barapomonaē, jeye:

—Nacom Pejume Diwesitha jeye: ‘Tabo apara po botha xua daxita nacuan-piwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname, ichaxota pijunuwi nantiyabeibathopa. Tsipei baxota panacaetutame saya u xua painya necaibinexam tsane paratixi pomonaetha pomonaē xua pateiba xua Nacom petsipaebeibinexatsi, jei Jesús.

¹⁸ Sacerdotemonaē pia pentacaponae tatsi, iruru pomonaē jiwi pecuidubiwi Moisés pia peitorobi coyene tatsi, daxita barapomonaē jume tane xua Jesús paeba. Bapoxonaē barapomonaē tamropata notarucupa xua jeita po coyenewatha Jesús bexubinchi. Barapomonaē bequein ichichipa Jesús bexotsi ichitha baxua jopa exanaeyo tsipei barapomonaē junuwa xua jiwi anaepana xua barapo sacerdotemonaē pia pentacaponae tatsi pecasebiwatsi irano xua pecasebiwatsi pomonaē jiwi pecuidubiwi Moisés pia peitorobi coyene. Tsipei barapomonaē jiwi cunuwatsi, xua daxita jiwi peichichipaexae nawita pocotsiwa Jesús cuiduba. ¹⁹ Poxonaē xometo iriya ecanaicha bapoxonaē Jesús pijimonae baru ponataba barapo tomara weya.

Meje yabara poxonaē higuera nae yununcia
(Mt 21.20-22)

²⁰ Baya poxonaē pentha tsina, Jesús pijimonae baxoyo baru ecapona yawa tane xua higuera nae yununcia xua daxita petabaca opina wetsina.

²¹ Bapoxonaē Pedro yabara nanta xeinataba xua mexuae Jesús biatane higuera nae. Bapoxonaē jeye Jestutha:

—Pon jiwi Necuidubim, taema po higuera nae mexuae biataneme, bay-atha yununcia, jei Pedro.

²² Bapoxonaē Jesús jeye pijimonaetha:

—Paxam bichocono pajume cowande Nacom. ²³ Bara xainyeya paca tsipaebatsi. Icha xanepanaeya pana neyabara jume cowantame xua Nacom painya nepaca cayawenaewa xuano xua jopa ainya unthuton paxeinaem, bara paca itacupaena xua painya nepaebiwa icha ichin xua cana exanan higuera nae. Matautano bara paca itacupaena xua painya nejeiwa uruto beya, xua pajam: ‘Uruto, natsixitabare, mar mene beya jopare’, xua painya

nejeiwa. Bapoxonae bara baxua jopa bayathiyo tsane. ²⁴ Daxita xua xuan pocotsiwan Nacom beya pawucame, icha bara xanepanaeya pajume cowantsiya wucame, bara Nacom paca catsibina baxuan. ²⁵ Poxonae Nacomtha patsipaebame, icha ichun abe pacata exana, copiya payabara jantemainare bapon pocotsiwa pacata abe exana, xua xuya beta painya necayabara canantaxeinaenexa. Barichi Nacom pon peitabocotha eca xuya paca yabara jantemainana pocotsiwa abe painya neexanae cuiru coyenein paexaname. ²⁶ Ichitha icha jopa payabara jantemainanem ichun pocotsiwa pacata abe exana, barichi Nacom pon itabocotha eca, jopa paca yabara jantemainae tsane pocotsiwa abe painya neexanae cuiru coyenein paexaname, jei Jesús.

*Meje yabara xua Jesús pia peitorobi coyenewa xeina
(Mt 21.23-27; Lc 20.1-8)*

²⁷ Bapoxonae Jesús, iru pijimonae tatsi caibe nawibiya Jerusalén tomara beya. Poxonae Jesús Nacom pin pia botha joniya xua yawa tututha iya ponano, bapoxonae sacerdotemonae pia pentacaponae tatsi, iru pomonae jiwi pecuidubiwi Moisés pia peitorobi coyene tatsi iru pitiri jiwi, barapomonae Jesús imoxoyo caquita umenarucupatsi. ²⁸ Barapomonae Jesús yainyabatsi, jeichichi:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa? jei barapomonae.

²⁹ Jesús jume nota barapomonae, jeye:

—Xan iruru tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusu itorobi coyeneyatha exanan baxuan. ³⁰ ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús.

³¹ Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jeichipaetsi: ‘Juan cui itorobatsi Nacom, xua pebautisabiwa jiwi’, metha naca jeichipae: ‘¿Eta xua metha nexata jopa pajume cowantsim Juan?’ metha naca jeichipae Jesús. ³² Jiwi cui cunuwinchi icha jei tsainchi: ‘Juan cui itorobatsi jiwi, xua bautisaba’, icha jei tsainchi. Metha bapoxonae jiwi naca casebichipa anaya”, najei barapomonae. Barapomonae jiwi cunuwatsi tsipei daxita jiwi Juan yabara jume cowantatsi, xua apara bapon Nacom pia peitorobi jume tatsi pepaebi jiton. ³³ Bapoxonae barapomonae namchi Jesús beya, jeye:

—Canta jopa payaputaeyinyo, jei barapomonae.

Nexata Jesús barai barapomonaetha, jeye:

—Nexata barichin tsane jopa yabara paca tsipaebi tsainchi po peayapusu itorobi coyeneyatha exanan xua daxita taexanaewan, jei Jesús.

12

*Meje yabara poxonae Jesús paeba pecayabara jata pepaebi diwesiyo pomonae xua abe exana, pomonae petayapucaenaewi uva pabi
(Mt 21.33-46; Lc 20.9-19)*

¹ Bapoxonae Jesús tamropata pitaba xua cuiduba jiwitha pecayabara jata pepaebi diwesiyotha, jeye: “Matha iruru pebin pin uva pabi xeina. Bapon uba po unbo pewun uva cuei unbo. Yawa yapucurarata barapo pia uva pabi ibowantha xua jopa pejojondenaenexa ichamonae barapo pabitha. Yawano baxota ibo fetoto exana, xua barapo ibo fetotha pecubinexa uva cuei. Matautano baxota exananota bo, po bo bichocono tacha xua baxota pebin

bara wenecotequeica uva pabi. Bapoxonae bapon itoroba pomonae pia uva pabi pia petayapucaeanaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona. ² Barapo matabi tsuxubi, po matabitha uva cuei naweta. Bapoxonae barapo mataqueitha pomonae pabi petayapucaeanaewi jiwana itapeta nota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya pomonae pabi petayapucaeanaewichi. ³ Ichitha barapomonae pomonae uva pabi petayapucaeanaewi barapomonae waetaba pon copiya patopa, pon uva pabi pexeinaein itoroba. Yawa bapon b̄tsino. Bapoxonae bapon caibe cobesa itorobiyatsi. ⁴ Pon uva pabi pexeinaein equeicha itoroba ich̄an pon pia petanacuichinchi. Barichir̄u bapon ibotontha matasipa cuinbabatsi, yawa abe jumetha biatainchi. ⁵ Equeicha pon uva pabi pexeinaein itoroba ich̄an pon pia petanacuichinchi. Barichir̄u bapon bexotsir̄u. Equeicha ichamonae itorobatsi. Ichamonae b̄tsi, ir̄u ichamonae jutebatsi.

⁶ “Cataunxuae awiya bapon pexanto tanacopatatsi, pon pexanto compa tatsi, po pexanto bichocono antobe. Matapainya bapon pexanto cotacaya itoroba bara beya. Bapon nanta xeinaeya jeye: ‘Metha barapomonae taxanto inta yabara bar̄u cui itura jinaeinchi’, jei coxiȳan. ⁷ Dapo jumetha pomonae uva pabi petayapucaeanaewi poxonae bapon tainchi, barapomonae najei: ‘Apara bapon paxa copiniwa pichina. Daxota bapon b̄u bexotsi xua xainya xeinatsi barapo uva pabi’, najei barapomonae. ⁸ Bapoxonae barapomonae pon uva pabi pexeinaein pexanto tatsi tawaetabatsi. Poxonae bexotsi bapoxonae pet̄upaein aisowa beya xotsi uva pabi pecuariya beya”, jei Jesús.

⁹ Bapoxonae Jesús yainyaba, jeye: “Pon uva pabi pexeinaein, ¿eta be cana ichi tsane pomonaetha pomonae barapo uva pabi pia petayapucaeanaewichi? Apara bapon patopaena xua pejutebinexa tsane pomonae uva pabi pia petayapucaeanaewichi. Bapoxonae barapo uva pabi catsina ichamonae xua petayapucaeanaenexa tsainchi barapo uva pabi”, jei Jesús.

¹⁰⁻¹¹ Equeicha Jesús nayabara paeba barapomonaetha, jeye: “¡Paxam bara bayatha payorobameba Nacom Pejume Diwesi! Barapo diwesitha neyabara caunuta poxonae iboto yabara paeba, jeye:

‘Pebiwi pomonae ibo bon peacabiwi, barapo pebiwi xuba po iboto tab̄u caboca, po iboto peainya cui iboto.

Ichitha Nacom itapeta barapo iboto xua petab̄u cabocaenexa peainya cui ibotoxae. Waxainchi nanta xeinatsi jeichichi: Maisa pocotsiwa Nacom exana naca tsita xanepana, jeichichi’, jei Nacom Pejume Diwesitha”, jei Jesús.

¹² Poxonae bapomonae jume tane xua Jesús paeba, Jesús muxu pe-waetabichi. Tsipei bapomonae yaputane xua apara barapomonae yabara paebatsi poxonae Jesús cueicueijejei barapo pecayabara j̄uta pepaebi diwesiyo. Daxota Jesús casebatsi. Tsipei barapomonae jiwi cunuwatsi, daxota Jesús jopa waetabichi. Bapoxonae bara saya ponar̄uc̄upa.

Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonaetha itorobiya pia pepa pewatsinchi (Mt 22.15-22; Lc 20.20-26)

¹³ Bapoxonae pirapaeyo Jesús pia xainya betaitorobiyatsi fariseomonae jiwana, iruru pomonae Herodes pia pepuna jinompaewichi jiwana tatsi, xua daxita barapomonae piraichi Jesús petsipaebinexatsi xua Jesús xuya abeya pejume notsinexa. ¹⁴ Bara barapomonae Jesús pia xantha tatsi tapatatsi, jeye Jesththa:

—Pon jiwi Necuidubim. Bara payaputan xua bara jume xainyeya tsi-paebame jiwi, xua matautano jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi bara catsita najupa. Xam jume xainyeya cuidubeibame jiwi Nacom pia peitorobi coyenewa. Incane yabara pana netsipaebare xua nanta xeiname, xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacua werena pona? Icha jopa tsipae, ¿metha daxua abe tsipae? jeichichi Jesús barapomonae pomonae fariseomonae itoroba.

¹⁵ Daichitha Jesús yaputane, xua barapomonae itara mexeya xanepanaeya pepaebi jiwi ichitha abeya peexanae jiwi. Jesús jeye:

—¿Eta pocotsiwa metha painya daichi pana nejuntu coyene jujutame? Moya painta xawena paratiyo, tha taetsi, jei Jesús.

¹⁶ Bapoxonae barapomonae barapo paratiyo Jesús tacapoinchi. Poxonae Jesús tane barapo paratiyo, bapoxonae Jesús yainyaba barapomonae, jeye:

—¿Jintam pejumopere? ¿Yawano jintam wan ducuaré? jei Jesús.

Barapomonae Jesús jume notatsi, jeye:

—Apara romanomonae itorobiya pia pepa peewatsinchi, jei barapomonae.

¹⁷ Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

Barapomonae yabara najuntu cui coyene cabenaeca pocotsiwa xua Jesús xanepanaeya beta jume nota.

Meje yabara poxonae Jesús yabara yainyabatsi po coyene xua equeicha asu pomonae pewerapeibiwi

(Mt 22.23-33; Lc 20.27-40)

¹⁸ Bapoxonae saduceomonae jiwana pata Jesús pia xantha tatsi xua Jesús piraichi petsipaebinexatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota barapomonae Jesús tsipaebatsi, jeye:

¹⁹ —Pon jiwi Pecuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. ²⁰ Barichi, matha iru cae peweicho caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. ²¹ Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo.

²² Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. Bapoxonae matapainya iru bapowa tupa. ²³ Xam, Jesús, ba paebame, ba jam: ‘Matacabi jopaena po matacabitha Nacom asu exanaena, xua jiwi asu exanaeinchi muthun wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha ¿jintam metha bapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe, caepi jiwi cuenta nanapentapona barapowa, jei saduceomona.

²⁴ Bapoxonae Jesús jume nota barapomona, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi. ²⁵ Poxonae petupaewi asu jujuinaena jopa jitha eenaponae tsane. Yawa barapomona pexantixi jopa jitha cuarebaponae tsane. Tsipei barapomona barichi tsane icha be matatsunpiwimona ichi, po matatsunpiwi Nacom pia nacuatheicha jinompa, xua po matatsunpiwi jopa jitha enaeyo. ²⁶ Paxam bequein bara bayatha payorobame pocotsiwa Nacom yabara namchi pejume diwesitha xua pomona equeicha asu jujuina pomona pewerapeibiwi. Barapo diwesitha Nacom cueicueijeichi xaxota xua poxonae po naewa taxuncua, Nacom jeye: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. ²⁷ Baxua Nacom paeba, tsipei Abraham, iru Isaac, iru Jacob pewerapaewi anoxuae equeicha caewa asu jinompa, Nacom pia nacuatheicha tatsi. Pomona pewerapaewi, pomona caewa equeicha asu jopa pejinompaewi, barapomona jopa pia Nacom tatsi, pon itabocotha eca. Saya jame meisa pomona pewerapaewi caewa equeicha asu pejinompaewi, barapomona jame pia Nacom tatsi, pon itabocotha eca. Daxota paxam catsawa papaebame, jei Jesús.

Meje yabara poxonae Jesús yabara cuiduba po peitorobi cui coyene pepa peainya cui coyenewa

(Mt 22.34-40)

²⁸ Caein pon jiwana monaepin pomona jiwi pecuidubiwi Moisés pia peitorobi coyene tatsi, bapon jume tane xua Jesús iru saduceomona najume matsontsonobiya paeba. Matautano bapon jume tane xua Jesús xanepanaeya betiya jume nota barapomonaetha. Daxota bapon yainyaba Jesustha, jeye:

—¿Eta po peitorobi coyene pepa peainya cui coyenewara, po peitorobi coyene beyacaincha icha peitorobi coyene? jei bapon.

²⁹ Jesús jume nota bapontha, jeye:

—Po peitorobi cui coyenewa pepa peainya cui coyenewa jeye: ‘Paxam Israel nacuamonaepiwi pam pajume taema xuaje meje: Pon jiwi Pecanamataxeinaein bara compa pepa Pata Nacom, icha Nacom ajibi. ³⁰ Antobeinde Jinya Necanamataxeinaein bapon Nacom xua daxita nejuntu coyene wetsina, matautano xua daxita jinya nepopona coyenewatha, matautano xua daxita nenanta xeinaewatha nentasipatha, matautano daxita nedaunwei coyenewatham’, jei barapo peitorobi coyenewatha, po peitorobi coyenewa pepa peainya cui coyenewa. ³¹ Po peitorobi coyene cotacaya itoroba ichaxotaba ‘dos’ jei, barapo peitorobi coyene be jume jupa po peitorobi coyene copiya ducua. Iru ru barapo peitorobi coyenewatha jeye: ‘Antobeinde jinya necatsicuarabu ecaein icha ichim xua jinya coutha

naantobem', jei barapo peitorobi coyenewatha. Icha peitorobi coyenewa aibi po peitorobi coyene peainya cui coyenewa, po peitorobi coyenewa xua beyacaincha po peitorobi coyenewe, jei Jesús.

³² Bapoxonae caein jiwanamonaepin pomonae jiwi pecuidubiwi Moisés pia peitorobi coyene tatsi, bapon jeye Jesustha:

—Bara beta paebame pocotsiwa aunxuae paebame ponxaem jiwi Necuidubim. Bara xainyeya paebame xua pinae pepa Nacom bara compa popona xua icha pepa Nacom ajibi. ³³ Matautano bara xainyeya paebame xua pinae bewa Nacom antobetsi xua daxita wajuntꞫ coyene wetsina, matautano xua daxita wajinompae coyenewatha, matautano xua daxita wananta xeinaewatha wantasipantha, matautano daxita wadaunwei coyenewantha. Matautano bara xainyeya paebame xua wanacatsicuarabꞫ enaewi bewa pinae antobe tsainchi icha ichichi xua wacoutha naantobetsi. Baraxua jame bichocono peainya cui coyenein pocotsiwa bewa exanaetsi, beyacaincha xua duwein ompin tautatsi yawa xua ichawan tautatsi xua watuxusi exanaenexa Nacom nexa, jei bapon. ³⁴ Poxonae Jesús jume tane xua bapon beta jume nota, Jesús jeye:

—Bara saya tsiwiyo cata seica xua jinya nejume cowantsinexa xua nenantauntsinexa Nacom pon jiwi itorobiya pia pepa Peewatsinchi, jei Jesús.

Bapoxonae nama dapon ajibi xua pon Jesús peyainyabinexa tsainchi.

Meje yabara poxonae Jesús nayabara jei: “Mesías, ¿jintam pia pemomoxi susato jiwanapin tatsira?” jei

(Mt 22.41-46; Lc 20.41-44)

³⁵ Bapoxonae Jesús yabara cuiduba Nacom pin pia botha tatsi, xua pon Mesías baraichi xua nayabara paeba Jesús, jeye:

—¿Eta pocotsiwa metha pomonae jiwi pecuidubiwi Moisés pia peitorobi coyene tatsi paeba xua pinae Mesías bapon David pia pemomoxi susato jiwanapin tatsi? ³⁶ Nacom pia Pejumope tꞫnaxꞫ tatsi David cueicueijei exanatsi. David jeye:

‘Nacom pon Pecanamataxeinaein jiwi,
Tanecanamataxeinaein baraichi pon Mesías,
jeichichi: Tacoxa werena ecare, beya abꞫ
tsane poxonae necaitafaetabi jiwi pia
pecanamataxeinaeinchi tatsi caexanaeinchi, jei
Nacom pia Pejumope tꞫnaxꞫ tatsi’, jei David.

³⁷ Icha David Mesías yabara jei, ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

Barapo pin bicheito bichocono tsimuxu wꞫnaetsi pocotsiwa Jesús cueicueijei.

Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi

(Mt 23.1-36; Lc 11.37-54; 20.45-47)

³⁸ Poxonae Jesús cuiduba jiwitha, jeye: “Dota pam, dota pomonae jiwi pecuidubiwi Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha bapomonae ichi xua barapomonae bichocono ichichipa xua penama xatabiwa po paparuwan apipiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtontha jacobebina barapomonaetha xua jiwi pebarꞫ cui itura jineibinexa barapomonae.

³⁹ Barapomonae bichocono ichichipa xua nanta caeneiba judiomonae pia

penacaetutsi bontha tatsi ichaxota ba enathopeiba pomonae peainya cui jiwi penaexanaewi. Matautano barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaetuteiba penabaneibinexa tsane.⁴⁰ Matautano barapomonae powaxi pecuenta werapaewaxichi piseurixi barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsi-paebeiba Nacom. Barapomonae bichocono peraxa jubebinchi poxonae po mataqueitha Nacom jiwi yabara paebina penatsicuentsiwa xua abe peexanaexae Nacomtha. Barapomonae atene tsane beyacaincha poxonae ichamonae atene exanaeinchi xua jopa pejume cowantsixaetsi Nacom”, jei Jesús.

Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri (Lc 21.1-4)

⁴¹ Poxonae Jesús eca Nacom pin pia botha tatsi xua peitabara weya, xua ichaxota jiwi jeyeiba paratixi Nacom nexa, bapoxonae Jesús tane xua pin-monae pomonae copei pexeinaewi paratixi nawita jeya ichaxota jiwi jeyeiba paratixi Nacom nexa. ⁴² Barapoxonaeru yabayo patopa, powa pecuenta tupaewatsi piseuri. Barapowa bichocono peacopeibiwayo. Bapowa jeca ainya pecacomocae paratiyobe Nacom nexa. Barapo paratiyobe tsiqui paratiyobe. ⁴³ Bapoxonae Jesús pijimonae waba, yawa jeye barapomon-aetha:

—Bara xainyeya paca tsipaebatsi. Barapo yabayo, powa pecuenta tupaewatsi piseuri, bapowa peacopeibiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae xua jeya xua Nacom nexa. ⁴⁴ Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca pocotsiwa bequein canantawenona xua pepoponaewa tsane bequein bichocono peacopeibiwayo, jei Jesús pijimonaetha.

13

Meje yabara poxonae Jesús yabara paeba xua ichamonae abe cana ex-anaena Nacom pin pia bo tatsi (Mt 24.1-2; Lc 21.5-6)

¹ Poxonae Jesús Nacom pin pia bo wejoniya, bapoxonae caein Jesús pijimonae jiwana tatsi, Jesús tsipaebatsi jeichi:

—¡Pon jiwi Necuidubim, taema maisa pexeinya iboton, yawa pexeinya ibo bo! jei bapon.

² Ichitha Jesús jume nota bapontha, jeye:

—Aunxuae pataebename barapo iboton yawa xua pexeinya bon. Apara jopa cae ibotiyo nacopatuncuae tsane icha iboto pematha. Daxita abe tsane, jei Jesús.

Meje yabara poxonae Jesús yabara paeba xua copiya matha pewnaeya exanaena petsita itatsi coyenewa poxonae daxita weraweracaenaba (Mt 24.3-28; Lc 21.7-24; 17.22-24)

³ Bapoxonae Jesús pijimonae baru pona demxuwatheicha, po demxuwa pewna demxu Olivowa tsipei baxota umena olivo naein. Poxonae Jesús ecopiya demxuwatheicha, po demxuwa Nacom pin pia bo itama tayecatsi, bapoxonae Jesús pijimonae tatsi Pedro, iru Santiago iru Juan, iru Andrés, barapoyobe Jesús namicha tsipaebatsi. ⁴ Barapoyobe jeye:

—Paichichipan xua xam tapata netsipaebiwam tsane ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewunaeya tsita itapeinya xeinaena po coyene xua poxonae imoxoyo daxita weraweracaenaba? jei Jesús pijimonae tatsi.

⁵ Jesús jume nota barapomonaetha, jeye: “Dota pam, bu ichamonae naerabiya paca muxu tsipaeba, xua daxota abe paexanaetsipame. ⁶ Tsipei tsana patsina ayei bicheito jiwi pomonae natsicotaena icha be xan ichin. Barapomonaе jei tsane: ‘Apara xan Mesías’, jei tsane. Poxonae barapomonaе muxuitorobiya paebina, bapoxonae pinmonae jume cowuntsina.

⁷ “Pajume taename xua jiwi juinya nabenoutsina xote, yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapu matabi aichica tsane xua poxonae daxita weraweracaenaba yatsicaewa. ⁸ Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacia peewatsin iru ichundu pon icha nacia peewatsin, baponbe iru nantiya nabenabe. Matautano ainya nacuantha ira jijiyatsina. Matautano ainya nacuantha jainbo nacia tsane tsipei pin mayayo tsane. Baxua copiya matha tsane xua jiwi atene tsoponaе tsane bichocono xua beya jopa nama juniya tsane.

⁹ “Ichitha dota pam, tsipei poxonae baxua pewunaeya tsane jiwi paca teiquebina painya nepaca caenaetsinexa pomonaetha pomonaе tomaran pentacaponae wi. Matautano paca cuainchina judiomonaе pia penacaetutsi bontha tatsi. Yawa paca caponaena nacia peewatsiwi peitabaratha tatsi, painya tana nejume cowuntsixaemxae. Yawa paca caponaena pentacaponae wi peitabaratha tatsi pomonaе iru itoroba jiwitha xua pon nacia peewatsin nexa painya tana nejume cowuntsixaemxae. Barapoxonaе bara paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. ¹⁰ Barapo pecapanenebiyae diwesi, tamonaе bewa paebinoutsina daxita nacuanpiwitha xua poxonaе pewunaeya tsane xua daxita weraweracaenaba. ¹¹ Poxonaе barapomonaе paca caponaena pomonaetha pomonaе tomara pecanamataxeinaewi xua pia painya nepaca cayabara paebinexa tsane xua painya nenatsicuentsiwa xua abe painya neexanaexae bapoxonaе jopa patsiwanaya junuwiya najuntu coyene exabinde xua painya netsipaebiwa tsane barapomonaе. Paxam jame papaebare pocotsiwa xua caena bapoxonaе Nacom cueicueijeі paca exanaena. Bapoxonaе po jume pacueicueijam tsane apara jopa poxoru painya coya paichichipaem, apara jame Nacom pia Pejumope tuxaxu tatsi baxua paca cueicueijeі exanaena. ¹² Jiwi barompaya pia peweicho jiwi caenaetsina ichamonaetha xua pejutebinexa tsainchi. Iruru coxiyeiwi ichamonaetha caenaetsina pia pexui. Iru pexui paxa jiwi caenaetsina ichamonaetha pejutebinexa tsainchi. ¹³ Daxita nacuanpiwi paca casebina painya tana nejume cowuntsixaemxae. Ichitha pomonaе awiya antayapusya nejume cowuntsiya jinompaena xua beya yacuiya werapaeya othopaena poxonaе bequein abe taexanatsi ichamonaе barapomonaе jame Nacom napaeba cana exanaena.

¹⁴ “Daniel pon Nacom peitorobi jume pepaebin, bapon caena bayatha yabara tsiwanaya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichun Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonaе payaputaename xua bara imoxoyo matabi jopaenaba poxonaе daxita weraweracaenaba”, jei Jesús.

(Xan Marcos paca baraichi: “Pon yorobina po jume diwesi tinan moya jume naitaewatsina pia peyaputaenexa tsane”, paca jeichi.) Equeicha Jesús jeye: “Poxonae barapocotsiwa pataename bapoxonae pomonae Judea nacuatha jinompa, barapomonae bewa demxuwan berucupiyaena. ¹⁵ Barapo matacabitha pon bo matatupatha uncuca, bapon jopa bewa botha jonyae tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricuaena. ¹⁶ Iruru pon pabitha popona, bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricuaena. ¹⁷ ¡Pai yabuxi tsobenae powaxi pexui burana taenatsi barapo matacabitha! ¡Pai iru powaxi pexui isaina barapowaxi tsobenaeru! Tsipei acabe tsobenae tsane pexui. ¹⁸ Poxonae pewnaeya tsane baxua Nacom rawucare xua jopa painya nerucupaewa tsane poxonae awubo peaquexae bichocono. ¹⁹ Tsipei barapo matabintha jiwu bichocono pin peraxa exanaeinchi. Atene tsane beyacaincha poxonae jiwu atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae tsane poxonae bichocono jiwu pin peraxa. ²⁰ Icha Nacom jopa be caentacabiyobe exanaetsipae metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

²¹ “Bapoxonae icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun paca jei: ‘Pataema bapon Mesías xota uncuiye’, paca jei, barapo jumein jopa pajume cowantsinde. ²² Tsipei pomonae pemuxitorobi jiwu tsana patsina. Barapomonae natsicotaena icha be xan ichin ponxaein Mesías. Matautano barapomonae natsicotaena icha be pomonae Nacom peitorobi jume pepaebiwu ichi tsane. Barapomonae pexeinya petsita itatsi coyenewan exanaena peitabocotha, po irathe tsaneno xua jiwu pemuxitorobinexa tsainchi xua jiwu pejume cowantsinexa pocotsiwa barapomonae paeba. Barichiru pomonaetha pomonae Nacom pia peitapetsiwu tatsi pemuxitorobinexa tsainchi xua iruru icha metha barapomonae pejume cowantsinexa tsaneru pocotsiwa barapomonae paeba. Ichitha jopa itacupae tsainchi xua barapomonae pemuxitorobiwa tsainchi. ²³ Tsaca pajinompare, tsipei baxua tsiwanaya yabara paca tsiwanae muxu dutatsi”, jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin
(Mt 24.29-35, 42, 44; Lc 21.25-36)*

²⁴ Equeicha Jesús namchi, jeye: “Po matabintha poxonae nacui wetsina xua jiwu pin peraxa tsane, bapoxonae xometo nainya naquitabina. Jomocoichato jopa pentha tsane. ²⁵ Opiteiton peitaboco weothopeicaena. Matauta napuna torobabiyaena Nacom xua xuan itabocotha dubena. Bapoxonae jopa xapain dubenanaeyo tsane. ²⁶ Bapoxonae daxita jiwu taena peitabocotha xua po coyene apara tapatopeicaewa tsaneba tsaquinaebowatha peitaboco wetsica ponxaein Nacom Tananeitapetsin. Nacom pia peayapuru itorobi coyenewatha matautano bichocono pexeinya itupanae coichathano patopeicaein. ²⁷ Matautano itorobin tamatatsunpiwi xua inta pecaetutsinexa pomonae taitapetsiwu. Nacaetutsina daxita nacuanpiwi jiwana, iru ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiyapiwi, jiwana, iru ichamonae

pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana.

²⁸ “Payaputaema barapo pecayabara juta pepaebi diwesiyo xua higuera nae. Jeye: Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa. ²⁹ Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi pocotsiwa bexa exanaena, bapoxonae payaputaename, xua bara imoxoyo tsane xua tapatopae wuna tsane. ³⁰ Bara xainyeya paca tsipaebatsi daxita judiomonae naitap-ataya naexanaponaena beya yacuiya othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena pomonae poxonaeru barapo matabitha jinompa. ³¹ Peitaboco aichurucuae tsane. Matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

³² “Po matabitha baxua exanaena, matautano po horatha baxua exanaena jiwi jopa baxua yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan ponxaein Nacom Pexanton baxua jopa yabara yaputaeyo. Meisa saya Nacom, pon Waxa yaputane poxonae po matabitha baxua exanaena. Matautano yaputane poxonae po horatha daxita exanaena baxua xuaunxuae paca tsipaebatsi.

³³ “Tsaca pajinompeibare xua tapatopae wuna tsane. Yawa Nacomtha patsipaeba dubenanaebiyama, tsipei jopa payaputaem po mataqueitha patopaein. ³⁴ Barapocotsi coyeneya juta ichi poxonae xan patopeicaein taitorobinexa tsane jiwi, icha be poxonae pebin ichi poxonae warapaena icha nacia beya. Poxonae bapon pewunaeya tsane xua warapaena pia bo weya, copiya matha waba pia petanacuichiwichi. Bapon daxita pia petanacuichiwichi barompaya cobenata petanacuichiwantsi tatsi. Matautano bapon itoroba pon bo coiboto eena xua xanepanaeya bo pe-eenaenexa. ³⁵ Paxam tsaca pajinompare, tsipei jopa payaputaem poxonae patopeicaein, icha be barapomonae ichi poxonae jopa yaputaeyo poxonae pepatopaewa tsane pia pecanamataxeinaeinchi pon bo pexeinaeinxae. Barapomonae jopa yaputaeyo icha barapon patopaena poxonae quirei tsanaicha, ichacuitha icha bapon patopaena papaetha, ichacuitha icha bapon patopaena mataqueiwunaeyo, ichacuitha icha bapon patopaena baya tsane. ³⁶ Barapomonae jopa yaputaeyo xua pia pecanamataxeinaeinchi nainya patopaena xua yaichamaicha mata taenabounaeinchi poxonae matumena. ³⁷ Meje xuaje paca tsipaebatsi, xua paca jeichi: ‘Tsaca pajinompare’, paca jeichi, baxua iru daxita jiwitha tsipaeban”, jei Jesús.

14

Meje yabara poxonae fariseomonae iru sacerdotemonae pia pentacapon-aewi tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi

(Mt 26.1-5; Lc 22.1-2; Jn 11.45-53)

¹ Acoibi po matabiyobe cataunxuae seica poxonae jiwi nacaetutsina penabanaenexa pexaewa, peyabara nanta xeinaenexa barapo matabi xua poxonae caena bayatha matha judiomonae Egipto nacia weya panenebiya. Barapo matabi pewun Pascua matabi wun. Barapo Pascua matabi wuntha jiwi xane pan, po pan xua jopa cotowiyo. Sacerdotemonae pia

pentacaponae wi tatsi, iru pomonae jiwi pecuidubiwi Moisés pia peitorobi coyene tatsi, daxita barapomonae nabaru muxu jei xua bepa pinae eta bichi tsane poxonae Jesús nameicha waetabinchi pebexubinexatsi. ² Ichitha barapomonae najeye:

—Abu jopa waetabi tsainchi poxonae jiwi Pascua matabi wuntha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae xua Jesús yabara paebatsi.

Meje yabara poxonae petsiriwa Jesús mata eatabatsi penasiwa, po penasiwa petuxueiwa

(Mt 26.6-13; Jn 12.1-8)

³ Poxonae Jesús Betania tomaratha popona, bapoxonae Jesús Simón pia bo tatsi betajoniyatsi, pon peperu sawinchi. Poxonae Jesús eca pexaethopae-watha, bapoxonae patopa petsiriwa. Bapowa capatopa alabastro ibo bosibu atsato, xua bichocono wunca penasiwa xua petuxueiwa. Barapo petuxueiwa bichocono ainya matoma. Poxonae wacataba barapo bosibu, bapoxonae Jesús mata eatabatsi barapo petuxuei nasiwatha. ⁴ Pomonae iru baxota ena, barapomonae jiwana anaepana, yawa caemonae najei:

—¿Eta pocotsiwa metha saya xuba jane barapo petuxuei nasiwa? ⁵ Barapo petuxuei nasiwa becaenaetsipatsi. Bapoxonae bexeinaetsipatsi trescientos po paratiximonaebe po paratiximonaebe xua namatomata xua poxonae trescientos matabibibe nexa xua poxonae nacuita. Barapo paratixitha beyawenaetsipatsi peacopeibi jiwi, najei barapomonae.

Bapoxonae barapomonae barapowa casebatsi.

⁶ Ichitha Jesús jeye barapomonaetha:

—Moya pande, bara pacopare. ¿Eta pocotsiwa metha barapowa pabitaneme? Pocotsiwa barapowa inta exana apara seicayaru xua pexeinya coyene inta exana. ⁷ Barapo irathe peacopeibi jiwi paca baru jinompeibina ataya tsaibi tsane. Paca itacupa xua beta pata exaname barapomonae poxonae paichichipame. Ichitha nama paxam jopa ataya paca baru poponae tsainchi barapo irathe poxonae paca itacupa xua pana neyaweneme. ⁸ Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wunaeta xua mathu tana neboyaenexa poxonae tupaen. ⁹ Bara xainyeya paca tsipaebatsi. Daxita nacuanthan poxonae jiwi cueicueije tsane Nacom pia pecapanenebiyae diwesi barapo jiwi yawa yabara paebina xua pocotsiwa poxonae bapowa inta exana xua jiwi bapowa peyabara cui nanta xeinaenexatsi, jei Jesús.

Meje yabara poxonae Judas, Jesús caenaetaxotsi

(Mt 26.14-16; Lc 22.3-6)

¹⁰ Barapoxonae Judas Iscariote pon doce poyobe jiwana, pomonae Jesús pijimonaexae tatsi, bapon sacerdotemonae pia pentacaponae wi tatsi beya pona. Bapon pona xua petsipaebinexa xua Jesús caenaetaxubinchi barapomonaetha. ¹¹ Poxonae barapomonae baxua jume taerucupa bichocono ichichiparucupa baxua. Yawa barapomonae Judas Iscariote muxu tsipaebatsi xua paratixi catsibapaebatsi. Bapoxonae Judas tamropata pitaba xua jeita, xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha.

Meje yabara poxonae Jesús pijimonaetha baru nabane Pascua wun matabitha

(Mt 26.17-29; Lc 22.7-23; Jn 13.21-30; 1 Co 11.23-26)

¹² Nexata copiya matabi jopa po matabi tsiwana penanta carucuae matabi xua po matabintha poxonae jiwi tsinacaetutsina, xua penabanaenexa pan, po pan jopa muxuna pentsiyo levadura matawan, pocotsiwa xua cotowa exana pan. Barapo penanta carucuae matabitha ba corderoxi pebtoxi xua oveja coxi jutebatsi xua jiwi pexaenexa. Bapoxonae barapo jiwi cayabara nanta xeina xua caena bayatha pia pamo susato jiwi tatsi corderoxi juteba yawa xane beya poxonae panenebiya Egipto nacua weya. Barapo matabitha Jesús pijimonae yainyabatsi, jeye:

—¿Exota ichichipame xua xota pexaewa paca tsiwanaetsinchi wana-banaenexa tsane xua Pascua wan matabi nexa? jei barapomona.

¹³ Bapoxonae Jesús itoroba nacueyatabe poyobe ponbe xua doce poyobe jiwana, pomonae Jesús pijimonae tatsi. Jesús jeye:

—Tomara beya paponarebe. Barapo tomarathiya pantenta ponaenamebe pebin pon mera yantana ponaena juruwatotha. Bara bapon papuna pondebe. ¹⁴ Bo beya paponarebe ichaxota bapon joniyaena. Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwi-monae baru nabanaein pexaewa Pascua wan matabi nexa?’ jei bapon, pajandebe. ¹⁵ Bapoxonae bapon paca tsita itacayopichinabe po tutu pin tutu po tutu xua asiyeicha po tutu xua bayatha tutu xaneba. Barapo tututha pexaewa pana cui wanaetajebare xua wanabanaenexa pexaewa barapo Pascua wan matabi nexa, jei Jesús.

¹⁶ Bara bapoxonae baponbe ponatababe. Bara patopabe tomaratha. Bara tanebe daxita be po coyeneya bayatha Jesús paeba. Bapoxonae pexaewa nacui wanaetajebare Pascua wan matabi nexa xua penabanaenexa.

¹⁷ Poxonae quirei tsanaicha bapoxonae Jesús pijimonae baru patopa barapo tututha. ¹⁸ Poxonae Jesús pijimonae cataunxuae baru xunaboca pexaethopaewatha, bapoxonae Jesús pijimonae barai, jeye:

—Bara xainyeya paca tsipaebatsi caein pon paxam jiwana pam pon nebaru xaeuncua bapon necanaetaxubina ichamonaetha, jei Jesús.

¹⁹ Nexata bapoxonae Jesús pijimonae tatsi unthuthu wecoyeyi tsarucupae, nexata daxita tsana jei tsoxonae Jesthathu:

—¿Apara xan cacaenaetaxubinchi? jei daxita barapomona xua Jesús tsana yainyabaponatsi.

²⁰ Jesús jume nota barapomonaetha, jeye:

—Pon paxam jiwana pam xua doce poyobe jiwana xua cae paratotha pana nabaru jajaucuncuaponanbe pan aparta bapon necanaetaxubina ichamonaetha. ²¹ Xan ponxaein Nacom Tananeitapetsin bewa tupaen, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necanaetaxubina ichamonaetha. Metha jame wanae tsipae icha bapon bayatha jopa naexanaetsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

²² Poxonae Jesús pijimonae baru xaeuncua, bapoxonae Jesús pecobetha pita pan. Yawa Paxatha tsipaeba, jeye: “Axa, maisa juntu coyene weiweinan xua pan pata tanecatsiwam”, jei. Bapoxonae Jesús pecobetha pan epa janaca, yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan aparta neyabara caunuta tapepon xua poxonae tapaca tsitupaewatsi tsainchi, jei Jesús.

²³ Bapoxonae Jesús equeicha pecobetha pita corotiyo, yawa Nacomtha tsipaeba, jeye: “Axa, maisa juntu coyene weiweinan xua corotiyotha ecareca pepa uva mera xua pata tanecatsiwam”, jei. Bapoxonae Jesús pijimonae cata

corotiyo xua pejiwana aapaponaenexa. Daxita barapomonaē bara jiwana aapapona. ²⁴ Bapoxonaē Jesús jeye pijimonaetha:

—Pena petsiwanaē muxu dutsi coyenewa paca tsipaebatsi. Barapo uva mera po mera xua corotiyotha tsijuntu eca yabara caunuta tajana barapo uva mera xua jana othoparenaein poxonaē t̄paein. Barapo jana tsita itapeinya xeinaena xua jiwi pinmonaē yabara j̄ntemainaein abe pia peexanaē cuiru coyenein tatsi. ²⁵ Bara xainyeya paca tsipaebatsi, barapo uva mera jopa equeicha paca bar̄u apae tsainchi anoxuae. Meisa ab̄u bexa tsane pena coyenewatha paca bar̄u apaeinchi barapo uva mera poxonaē Nacom neexanaena xua itorobiya ewatsin jiwi, jei Jesús.

Meje yabara poxonaē Jesús namchi xua pinaē Pedro Jesús yabara jei tsainchi: “Jopa dapon yaitaeinyo”, pinaē yabara jei tsainchi Jesús (Mt 26.30-35; Lc 22.31-34; Jn 13.36-38)

²⁶ Poxonaē Jesús pijimonaē bar̄u najume weta xua nax̄una Nacom nexa, bapoxonaē Jesús pijimonaē bar̄u pona demxuwa beya. Barapo demxuwa pew̄n demxu Olivowa, olivo naein peumenaexae baxota. ²⁷ Nexata Jesús pijimonaē barai, jeye:

—Anoxuae barapo merawithe daxita pam pana necuentar̄uc̄paename tapaca urapentsixaetsi tsainchi. Baxua paexanaename, tsipei Nacom Pejume Diwesitha paca yabara cui tsiw̄naeya jeye: ‘Poxonaē ovejamonae peewatsin bexubin, bapoxonaē ovejamonae tsanar̄uc̄paena’, jei Nacom. Penamchixae poxonaē ichamonae newaetabina tanebexubinexa pana necuentar̄uc̄paename. ²⁸ Ichitha taeyarapaeyo Nacom equeicha as̄u neexanaena. Bapoxonaē paca tsiwana patopiyaēinchi Galilea nacua beya, poxonaē bara beya paponaname, jei Jesús.

²⁹ Nexata Pedro Jesús jume notatsi, jeye:

—Bequein ichamonae cacuentar̄uc̄paena jinya neuraxubixae, nama xan bapana jopa cacuenta naetsiricuae tsainchi taneuraxubixaemxae, jei Pedro.

³⁰ Nexata Jesús Pedro jume baraichi, jeye:

—Bara xainyeya catsipaebatsi, po merawithe pew̄naeya poxonaē ainya jume cuiyobetha wacara pebto fibina, bapoxonaē xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

³¹ Ichitha Pedro equeicha jume daunweya, jeye:

—Bara bequein capuna t̄paeinchi ichitha baxua jopa cayabara paebi tsainchi, jei Pedro.

Irur̄u daxita Jesús pijimonaē tatsi bara jumichi, nanta j̄piya paeba.

Meje yabara poxonaē Jesús Paxa tsipaeba ichaxota tsica iriyo, po iriyo pew̄n Getsemaní (Mt 26.36-46; Lc 22.39-46)

³² Nexata Jesús pijimonaē bar̄u patopa ichaxota tsica iriyo po iriyo pew̄n Getsemaní. Baxota Jesús barai pijimonaē, jeye:

—Xote ab̄u paenare tha matha Taxatha tsipaebichi, jei Jesús.

³³ Jesús bar̄u pona Pedro ir̄u Santiago ir̄u Juan. Bapoxonaē Jesús bichocono ̄nth̄th̄u wecoyei, yawa bichocono ̄nth̄th̄u deideije. ³⁴ Nexata barapo acoibi poyobetha Jesús barai, jeye:

—Bichocono j̄nt̄u coyene natsepiya wecoyan, tsipei muxu tat̄pae. Xote paenare, yawa payoyocare xua painya tanebar̄u naitaewatsinexam, jei Jesús.

³⁵ Nexata Jesús tsiwiyo dabe natsixitabiya, irabe taeuncuareca, tsipei jopa juniya aj̄nt̄taneyo. Jesús yaputane xua bichocono tsiatene tsane xua daxita jiwi abe pia peexanaē coyenein tatsi. Daxota Jesús Paxa w̄ca xua icha

itacupatsi xua jopa penantawenonaewa xua peatenewa. ³⁶ Bapoxonae Jesús Paxa tsipaeba, jeye: “Axa caitacupa xua daxita exaname. Icha ichichipame xua taneyawenaewam tsane, newepire pocotsiwa neajuntutane exana. Ichitha jopa necana exanaeinde xua pocotsiwa ichichipan. Saya jame necana exande xua pocotsiwa ichichipame”, jei.

³⁷ Nexata Jesús equeicha caibe iya ichaxota pijimonae jiwana tatsi taenatsi xua acoibi poyobe. Ichitha barapomonae maita. Jesús Pedro baraichi, jeye:

—Simón, ¿maituncuame? ¿Jopa caitacupaeyo xua yoyocame xua jinya tanebaru naitaewatsinexam, matautano xua bara cae horathano? ³⁸ Maisa payoyocare. Nacom patsipaebare xua jopa abe painya neexanaewa tsane poxonae caurimonae pia pentacaponaein tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaebiwa, ichitha painya pepon bichocono paacoyenefaetabim xua painya netsipaebiwa Nacom.

³⁹ Equeicha Jesús bara nama caeto caibeya pona xua Paxa petsipaebinexa barapo jumetha, po jumetha copiya Paxa tsipaeba. ⁴⁰ Bapoxonae equeicha Jesús pijimonae beya pona xua acoibi poyobe. Daichitha barapo acoibi poyobe came maitumena, tsipei bichocono itata tsacatsaquei xua itamaipana. Barapomonae jopa yaputaeyo xua Jesús petsipaebiwatsi poxonae yaichamaicha mata taenanaboumeinchi. ⁴¹ Bara nexata equeicha Jesús saya cuenta pona pijimonae, xua Paxa equeicha petsipaebinexa. Equeicha pijimonaetha patopa acoibi po cuiyobetha. Jesús jeye pijimonaetha:

—¡Moya bara painya nepu maitumenaende, aunxuae jopa Nacom patsipaebim xua painya necayawenaenexa! Bayatha tsuxubi po horatha xua xan ponxaein Nacom Tananeitapetsin, ichun necaenaetaxubina ichamonaetha, pomonaetha pomonae peantucoyenebe jiwi. ⁴² Panacosabapende, panonobapondeno. Antha bu poinchi. Dota dawerena pon necaenaetaxubina ichamonaetha, jei Jesús.

*Meje yabara poxonae Jesús waetabatsi
(Mt 26.47-56; Lc 22.47-53; Jn 18.2-11)*

⁴³ Poxonae Jesús cataunxuae tsipaebuncua pijimonae, bapoxonae Judas patopa. Bapon Judas doce poyobe jiwana caein pomonae Jesús pepa pijimonaexae tatsi. Judas pinmonae baru patopa Jestutha. Ichamonae cusin cajinjinca. Ichamonae iwabi cajinjinca. Daxota daxita barapomonae pata tsipei sacerdotemonae pia pentacaponaein tatsi, iru pomonae jiwi pecuidubiwi Moisés pia peitorobi coyene tatsi, iru pomonae pitiri jiwiru daxita barapo pentacaponaein itoroba barapomonaetha. ⁴⁴ Judas pon Jesús caenaetaxubinchi beya poxonae bapon patopa cou tsiwanaya paeba barapo pin bicheitha cou Jesús yabara paebatsi, cou jeye: “Pon tsutsubin bapon apara barapo pebin Jesús. Nexata moya bara pawaetabare. Pacaponde xua soldadomonae xainwaicha pecutsinexa tsane”, jei Judas.

⁴⁵ Nexata Judas Jesús imoxoyo caquita poinchi. Bapoxonae nainya Jesús jeichichi:

—Pon jiwi Necuidubim, ¿xamda? jei Judas.

Bapoxonae nainya Judas Jesús tsutsubatsi. ⁴⁶ Nexata barapomonae pomonae Judas pebaru patopaexae, Jesús imoxoyo caquita umenarucupatsi. Bapoxonae Jesús waetabatsi.

⁴⁷ Caein pon Jesús pijimonae tatsi jiwana, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi.

⁴⁸ Bapoxonae Jesús jeye jiwitha:

—Pacapatame cusin, yawa iwabi ichi be poxonae pacana ichim pontha pon jiwi pecaibin. ⁴⁹ Daxita matabin Nacom pin pia botha tatsi paca baru poponeibatsi. Paca cuidubeibatsino. Daichitha bapoxonae jame jopa pana newaetabim. Ichitha daxita baxuan neyabara canacui jume weta exana, bayatha Nacom Pejume Diwesitha tana necui yabara wanae tsiwanaya paebixae pomonae Nacom peitorobi jume pepaebiwi.

⁵⁰ Bapoxonae Jesús daxita pijimonae cuentaruapatsi.

⁵¹ Bapoxonae pewowin Jesús puna poinchi pon saya meisa paparuwatha naepa yaraba. Barapo pewowin waetabatsi pomonae Judas baru patopa.

⁵² Ichitha barapo pewowin nama xuetacuta pia paparuwa epato. Tamasa naetsiricua.

Meje yabara poxonae Jesús capoinchi judiomonaе pia pecanamata caitorobi jiwi bicheito tatsi pia peitabaratha tatsi

(Mt 26.57-68; Lc 22.54-55, 63-71; Jn 18.12-14, 19-24)

⁵³ Pomonae Jesús teicatsi, barapomonae Jesús capoinchi pon sacerdotemonae pia pepa pentacaponaein tatsi pia bo tatsi beya, pon yat-sicaya peainya cuin. Baxota iru sacerdotemonae pia pentacaponaei tatsi nanacaetuta. Iru pitiri jiwino nanacaetuta. Baxota iru nanacaetuta pomonae jiwi pecuidubiwi Moisés pia peitorobi coyene tatsi. Daxita barapo penacaetutsi jiwi, barapomonaetha jiwi wun duta “Pecanamata caitorobi jiwi bicheito”, jei. ⁵⁴ Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae naeca imoxoyo policiamonaetha pomonae Nacom pin pia bo tatsi pe-enaewi. Pedro cui tane po coyeneya xua Jesús cana exanatsi pomonae nacaetuta. Pedro nonopeca isototha.

⁵⁵ Sacerdotemonae pia pentacaponaei tatsi, iru ichamonaeno pomonae pecanamata caitorobi jiwi bicheito, daxita barapomonae jeita ichamonaе pomonae xua Jesús naerabiya peyabara paebinxatsi pocotsiwa xua Jesús paeba, xuano xua exana, pia barapo jumetha paebichi xua bara Jesús tupa peexanaewa tsainchi. Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi jiwi bicheito came jopa xeinaeyo po diwesi xua daxota Jesús pebexubinxatsi. ⁵⁶ Pinmonae bequein Jesús yabara naerabiya paebatsi, ichitha tsanaya barompaya pia diwesin paeba. ⁵⁷ Ichamonaе asiya umena, yawa naerabiya Jesús yabara paebatsi.

⁵⁸ Barapomonae jeye:

—Paxan pajume tan xua bapon Jesús paeba, jeye: ‘Xan abe exanaein barapo Nacom pin pia bo, po bo jiwi pia coutha acaba. Acoibi po matabibe icha bo equeicha exanaein po bo jiwi jopa exanaeyo’, jei Jesús, jei barapomonae.

⁵⁹ Daichitha barapomonae awiya came cataunxuae tsanaya barompaya ichawan paeba. Barapomonae pia pepaebiwan xua Jesús peyabara paebiwatsi jopa peburaya nanta jupaya nanta xeinaeyo.

⁶⁰ Bapoxonae sacerdotemonae pia pepa pentacaponaein tatsi asiya uncutaba xua daxita peitabaratha tatsi. Bapoxonae bapon Jesús yainyabatsi, jeichichi:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei bapon.

⁶¹ Daichitha Jesús saya moya uncua. Jopa jume notsiyo bapontha. Daxota equeicha sacerdotemonae pia pepa pentacaponaein tatsi jeye Jesthath:

—¿Bara yatsicaya xam Mesías pon Nacom necaitorobin, pon Nacom Pexantom, po Nacom wanae pajainteiban? jei bapon.

⁶² Bapoxonae Jesús jume nota bapontha jeye:

—Aa, bara xan tsocuaein apara, Nacom Pexanton apara. Paxam pana netaename xua xan ponxaein Nacom Tananeitapetsin ecaein Nacom pecoxa weya tatsi, pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

⁶³ Nexata bapoxonae sacerdotemonae pia pepa pentacaponaein tatsi, pin anaetha anaya pia paparuwa nata tsitsinaxuba, peyabara anaepanaexaetsi Jesús, jeye:

—¡Nama equeicha jopa wanantawenonaewa ichamonae xua wanaca tsi-paebiwa tsane xua bapon peyabara paebiwatsi! Bapon natsiaenae exana abe pepaebixae barapo jume poxonae Nacom pexanto najainta. ⁶⁴ Bara paxam pajume taneme pocotsiwa bapon paeba pocotsiwa Nacom jopa ichipaeyo. ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo pecanamata caitorobi jiwi bicheito jeye:

—Bara xainyeya paebame. Jesús abe pia pepaebixae, Nacom tsitatsi xua bapon Nacom tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

⁶⁵ Bapoxonae barapomonae jiwana, peonetha Jesús anaya itabara subabatsi. Poxonae Jesús itacuere cutatsi, bapoxonae Jesús itabara tsaquibacotatsi pecobetha. Barapomonae jeye Jestutha:

—Incane pana netsipaebare: ¿Jintam caitabara tsaquibobara xua bequein paca itabara cutatsi? jei barapomonae.

Bapoxonae iru policiamonae pomonae Nacom pin pia bo tatsi peenaewi Jesús itabara cuaintatsi.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, xua yabara jeichichi Jesús

(Mt 26.69-75; Lc 22.56-62; Jn 18.15-18, 25-29)

⁶⁶ Poxonae cataunxuae Jesús cana exanompatsi bapoxonae iruru Pedro eca panatha tsica xua bo peuma werena. Bapoxonae yabuyo patopa powa sacerdotemonae pia pepa pentacaponaein tatsi tanacuitatsi. ⁶⁷ Poxonae barapowa Pedro tainchi xua nonopeca, Pedro came taeuncuatsi. Pedro jeichichi:

—Apara xam bayatha iruru napuna poneibame Jesús, pon Nazaret tomara-pin, jei yabuyo.

⁶⁸ Ichitha Pedro jume matawenta bapowa, jeye:

—Jopa dapon yaitaeinyo, matautano jopa yaputaeinyo pocotsiwa xua yabara paebame, jei Pedro.

Bapoxonae Pedro pona bomuxu coiboto beya. Bapoxonae wacara pebto fiba. ⁶⁹ Equeicha bapowa Pedro tainchi. Bapoxonae bapowa tamropata pitaba xua tsipaeba pomonaetha pomonae baxota iru umena. Bapowa Pedro yabara paebatsi, jeye:

—Apara bapon pomonae Jesús pijimonae tatsi jiwana-pin, jei.

⁷⁰ Equeicha Pedro jume matawenta bapowa, jeye:

—Jopa dapon yaitaeinyo, jei Pedro.

Pirapaeyo pomonae umena baxota equeicha Pedro tsipaebatsi jeichichi:

—Bara xaniwaicha barapomonae jiwana. Apara xam Galilea nacuapim, jei pomonae umena.

⁷¹ Nexata Pedro jume daunweya, jeye:

—Bara Nacom peitabaratha xainyeya paca tsipaebatsi pocotsiwa bara xainyeya tapaebiwa. Icha jopa xainyeya paca tsipaebichipaetsi metha barabũ Nacom abe necana exanaetsipa. Equeicha paca tsipaebatsi: ‘Jopa dapon yaitaeinyo’, xuaunxuae pon payabara paebame, jei Pedro.

⁷² Bapoxonae irũũ caena nainya wacara pebto equeicha fiba. Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe pewũnaeya poxonae ainya jume cuiyobetha wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo neyabara jam tsane. Bapoxonae nainya irũ wacara pebto fibina’, jeichichi Pedro xua Jesús paeba. Nexata bapoxonae Pedro bichocono wecoyei peanthũthũtanexae xua Jesús peyabara paebiwatsi.

15

*Meje yabara poxonae Jesús uncu Pilato peitabaratha tatsi
(Mt 27.1-2, 11-14; Lc 23.1-5; Jn 18.28-38)*

¹ Poxonae pentha tsina sacerdotemonae pia pentacaponaeawi tatsi, irũũ judiomonae pia pitiri jiwi tatsi, irũ pomonae jiwi pecuidubiwi Moisés pia peitorobi coyenein tatsi, irũũ ichamonae pomonae pecanamata caitorobi bicheito jiwi jiwana, daxita barapomonae yabara nacaetuta xua nanta jũpaya peburũya penanta xeinaenexa po coyeneya xua Jesús pebexubiwa tsainchi. Bapoxonae barapomonae Jesús maxũ cũtatsi. Bapoxonae capoinchi Pilato beya. ² Pilato Jesús yainyabatsi, jeye:

—¿Bara xam yatsicaya judiomonae itorobiya pia pepa neewatsin? jei.

Jesús jume nota, jeye:

—Xuaunxuae paebame bara baxua apara, jei Jesús.

³ Sacerdotemonae pia pentacaponaeawi tatsi namchi Pilatotha, jeye:

—Bapon Jesús bichocono exana pocotsiwa xua abe, jei barapomonae.

⁴ Equeicha Pilato yainyaba Jestutha, jeye:

—¿Jopa jume notsim pocotsiwa barapomonae abe cayabara paeba? Maisa barapomonae bichocono abe cayabara paeba, jei Pilato.

⁵ Ichitha Jesús jopa equeicha jume notsiyo, Pilato jopa jume notichi. Daxota Pilato najũntũ coyene cabenaeca poxoru Jesús jopa nayabara paebiyo xua pia coya penayawenaenexa.

*Meje yabara poxonae Pilato jume barũ jejei xua Jesús bara pebexubiwa tsainchi ichamonae
(Mt 27.15-31; Lc 23.13-25; Jn 18.38–19.16)*

⁶ Bara nama matabi jopa poxonae ba Pilato pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba pu sotaba pon ba jiwi itapeta cowai xua Pilato peisanaxubinexa pomonae jiwi pecũbi botha peenaewi jiwanaepin. ⁷ Barapo jiwi pecũbi botha irũũ eca pon pewũn Barrabás. Bapon bichocono abe peexanaein tsipei caena bayatha matabi ichamonae xua barapomonae najume tsacaba cana exanatsi xua jiwi jutebatsi. ⁸ Bapoxonae pin bicheito jiwi pata Pilatotha, xua Pilato pewũcaenexa tsainchi xua bapon exanaena pia cui coyeneya poxonae xua isanaxubina caein pomonae jiwi pecũbi botha peenaewi jiwanaepin. ⁹ Bapoxonae Pilato yainyaba barapomonae Jesús yabara, jeye:

—¿Paichichipame xua tapu sotabiwa tsane pon judiomonae itorobiya pia pepa peewatsinchi? jei. ¹⁰ Baxua Pilato paeba, tsipei bapon yaputane

xua sacerdotemonae pia pentacaponae tati Jesús uwatsi. Daxota barapomonae Jesús caenaetaxubatsi Pilatotha. ¹¹ Ichitha barapo sacerdotemonae pia pentacaponae tati jiwí jume cui tsacabatsi xua anaepana cana exanatsi, xua Pilato pecui itorobinexatsi xua Barrabás pepu sotabinexatsi, xua Jesús jopa pepu sotabinexatsi. ¹² Equeicha Pilato yainyaba barapo jiwí, jeye:

—¿Eta xua cana exanocuaein pon pawan dutame, xua pajam: ‘Judiomonae itorobiya pia pepa peewatsinchi?’ pajam, jei.

¹³ Barapomonae Pilato daunweya jume notatsi, jeye:

—¡Bewa maisa naetotha t̄parucua exanaem! jei.

¹⁴ Bapoxonae Pilato jeye barapomonaetha:

—¿Eta pocotsiwa xua metha jane, xua abe exana? jei.

Ichitha equeicha daumetha jume daunweya, jeye:

—¡Bewa maisa naetotha t̄parucua exanaem! jei.

¹⁵ Pilato ichichipa xua bapon jopa peita aenae-aeneiwatsi jiwí. Daxota Pilato Barrabás nama pu sotabatsi. Bapoxonae Pilato itoroba xua soldadomonae bara Jesús moya pecuainchinexatsi pocotsiwatha eewa xua bichocono am̄piya xua xota jiwí cuainteibatsi poxonae abe exaneiba. Matautano itorobano xua moya bara Jesús t̄parucua exanaeinchi naetotha.

¹⁶ Bapoxonae soldadomonae Jesús capoinchi Pilato pia bo tati beya po soldadomonae yapu eena Pilato pia bo tati. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. ¹⁷ Bapoxonae Jesús pia paparuwa juma xuenatsi. Yawa juma xatatatsi icha paparuwa po paparuwa tsobia xua Jesús be pecana exanaenexatsi pon jiwí itorobiya pia pepa peewatsinchi. Yawa poxonae nacobe weta xua fata pee bapoxonae Jesús muxuna mata xatatatsi barapo pee tepa. ¹⁸ Bapoxonae barapomonae tamropata notarucupa xua Jesús cui caponaeya jeichichi:

—¿Xamda? ¡Apara xam barapom pon judiomonae itorobiya pepa Nee-watsin! jei.

¹⁹ Po naewa xua Jesús cobenatatsi bayatha, barapo naewa Jesús cobe wepitatsi. Bapoxonae barapo naewatha Jesús mata cuaintatsi. Matautano Jesús yabara naone subabatsi. Bapoxonae barapomonae Jesús peitabaratha tati pentabocototha taumeinchi, xua Jesús naerabiya w̄nae pejainchinexa tsainchi. ²⁰ Poxonae Jesús cana cui wetatsi xua cui caponatsi equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tati. Bapoxonae Jesús capoinchi xua pecobe matabobinexatsi naetotha pebexubinexatsi.

*Meje yabara poxonae Jesús t̄parucua exanatsi naetotha
(Mt 27.32-44; Lc 23.26-43; Jn 19.17-27)*

²¹ Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin pon pewan Simón. Bapon wexua werena pona. Bapon Alejandro paxa tati, ira xua Rufo paxa tati. Bapoxonae barapo soldadomonae Simón itorobatsi xua pecaponenexa Jesús pia naeto tati, po naetotha t̄parucua peexanaenexatsi Jesús.

²² Bapoxonae Jesús capoinchi uruto beya, po uruto be jiton matasipa piwa, daxota barapo uruto jiwí w̄n unuta “Gólgota”, jei. ²³ Baraxotiya Jesús apatatsi vino mera, po vino mera equeicha muxuna epareca mirra mera mataw̄n po mera bichocono atsu. Ichitha Jesús jopa apaeyo. ²⁴ Matautano bapoxonae Jesús t̄parucua exanatsi. Bapoxonae barapo soldadomonae

nata tsaba Jesús pia paparuwan tatsi. Barapomonae bebeya ibotixi penacueranta notsinexa Jesús pia paparuwan tatsi.

²⁵ Poxonae baya a las nueve tsuxubi, bapoxonae Jesús tɔparucua exanatsi naetotha. ²⁶ Jesús pentutu wetsica tadutatsi napaewa xua barapo napae-watha tina. Barapo petinae dutsiwa Jesús yabara jeichichi: “Baponje apara judiomonae itorobiya pia pepa peewatsinchi”, jei barapo petinae dutsiwa. ²⁷ Iruru ponbe jiwi pecaibinbe tɔparucua exanatsi naetotha imoxoyo ichaxota Jesús ducua. Ichun Jesús petsocona wetarucuiyatsi, ichun pecoxa wetarucueinatsi. ²⁸ Poxonae barapomonae baxua exana, bara barapomonae yabara jume cui weta pocotsiwa xua bayatha Nacom Pejume Diwesitha Mesías yabara paebatsi xua jiwi paeba, xua jeye: “Bapon pomonae abe peexanaewi jiwana”, jei.

²⁹ Pomonae Jesús xenta poinchi barapomonae Jesús cui capoinchi. Yawa Jesús yabara itata naichaquebatsi. Barapomonae jeye Jesustha:

—¡Xam bayatha jam: ‘Nacom pin pia bo abe exanaein, bapoxonae equeicha acoibi po matabibe xanebin’, jam! ³⁰ ¡Moya bara jinya coutha nacapanepare naeto wetsica icha bara metha Nacom Pexantom tsipaem! jei barapomonae.

³¹ Irɔ sacerdotemonae pia pentacaponae tatsi, irɔ pomonae jiwi pecuidubiwi Moisés pia peitorobi coyene tatsi, barapomonae Jesús cui capoinchi, yawa najei Jesús yabara:

—Bapon cain capanepeibabei ichamonae, came jopa nacapanepaeyo. ³² ¡Icha bara bapon Mesías, pon israelmonae itorobiya pia pepa peewatsinchi, bɔ bapon bara pia coutha naeto wetsica eoinca! ¡Xainya bapoxonae jume cowantatsi xua wataexae tsane! najei barapomonae.

Barichirɔ baxua paebabe ponbe jiwi pecaibinbe, ponbe xua iruru cobe matatabadutatsibe naetotha. Baponbe iruru Jesús cui caponatsi.

*Meje yabara poxonae Jesús tɔpa
(Mt 27.45-56; Lc 23.44-49; Jn 19.28-30)*

³³ Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. ³⁴ Bapoxonae Jesús jume daunweya wawai jeye: “Eloi, Eloi, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

³⁵ Ichamonae pomonae baxota Jesús jume taeumeinchi, barapomonae jeye:

—Pajume taema, bapon waba, Elías wabatsi, pon Elías Nacom peitorobi jume pepaebin pon caena bayatha tɔpa, jei.

³⁶ Bapoxonae caein bapomonae jiwana nainya cuinaepoinya yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, naewatha duta xua Jesús petayoichaenexatsi xua petsutsubinexa. Bapon jeye:

—Abɔ, abɔ jopa apatsinde. Waxainchi abɔ matha taeinchi icha Elías patopeicaena xua bapon pepichinexatsi naeto wetsica, jei.

³⁷ Bapoxonae Jesús jume daunweya wawai. Bapoxonae nama tɔpanaicha Jesús. ³⁸ Bapoxonae paparuwa, po paparuwa Nacom pin pia botha tatsi ducua, barapo paparuwa nainya bopiya epa matonta tsitsiqueica ainya epatobe naexanabe. ³⁹ Soldadomonae pia pentacaponaein tatsi, pon romanomonaepin pon Jesús peitabaratha tauncuatsi, poxonae bapon tane xua Jesús tɔparucua, bapon jeye:

—Apara bara yatsicaya bapon Nacom pepa Pexanto tatsi, jei.

⁴⁰ Barichi iru ainyawaxi yabuxi barapowaxi Jesús tsiwiyo tajū we-taeumeinyatsi. Barapowaxi jiwana, ichowayo pewun María Magdalena, powa Magdala tomarapiwayo. Ichowayo iru pewun María, Santiago pon xuyapin, iru José matapin, baponbe penabe tatsi. Ichowayo iru pewun Salomé. ⁴¹ Barapowaxi Jesús bayatha matha puna jinompatsi xua Jesús peyawenaenexatsi xua poxonae Galilea nacuatha popona. Iru ichowaxi yabuxi pinmonae powaxi Jesús baru patopa Jerusalén tomaratha.

*Meje yabara poxonae Jesús petupaein ibo muthutha yauxatatabotatsi
(Mt 27.57-61; Lc 23.50-56; Jn 19.38-42)*

⁴² Po mataqueitha pewun penacui xaxainchi maticabi poxonae judiomonae ba weta daxita xua penacuichiwa pewunaeya poxonae jopae pentaquei seicae maticabi, poxonae quirei tsanaicha barapo penacui xaxainchi maticabitha bapoxonae patopa pebin Pilatotha. ⁴³ Bapon pon pepatopaexae bapon pewun José, pon Arimatea tomarapin. Bapon pomonae pecanamata caitorobi jiwī bicheito jiwānapin. Bapon baru cui itura jineibatsi jiwī. Bapon yabara jume cowantsiya wūnae ewateiba po coyenewa xua poxonae Mesías patopaetsica pon jiwī itorobiya peewetsinexatsi. José ajuntucoyenetsaquiya patopa Pilato pia xantha tatsi pewucaenexa Jesús petupaein. ⁴⁴ Bapoxonae Pilato yabara najuntucoyene cabenaecatoba xua bayatha Jesús tupa. Daxota bapon itoroba soldadomonae pia pentacaponaein tatsi pia yaputaetsi po coyene xua eta poxonae bayatha tupa. ⁴⁵ Poxonae barapo soldadomonae pia pentacaponaein tatsi paeba xua pinae bayatha Jesús tupa, bapoxonae Pilato copata xua José bara pichina Jesús petupaein. ⁴⁶ Bapoxonae José pexeinya paparuwa comota. José naeto wepichica Jesús petupaein. Yawa mata quiyontabareca barapo pexeinya paparuwatha. Bapoxonae José ibo muthū iya boya Jesús petupaein. Yawa torenababapoinya pin ibo panawa. Yawa barapo ibo panawatha yauxatatabanota. ⁴⁷ María Magdalena, powa Magdala tomarapiwayo iru icha María powa José pena tatsi, barapowabe tanebe ichaxota Jesús petupaein boyatsi.

16

*Meje yabara poxonae Jesús equeicha asū juina exanatsi petupae cuiru coyene weya
(Mt 28.1-10; Lc 24.1-12; Jn 20.1-10)*

¹ Nexata barapo judiomonae pia pentaquei seicae maticabi tatsi yapucaewaba poxonae quirei tsanaicha xua icha maticabi jopa. Bapoxonae María Magdalena, powa Magdala tomarapiwayo, iru icha María powa Santiago pena tatsi, iru ichowayoru powa pewun Salomé, daxita barapowaxi comoca petuxueiwan peponaenexa xua Jesús peperu epababinexatsi petupaein. ² Bapoxonae baya caemumbotha, po maticabitha xua nanta carucua cae semanatha, barapowaxi capata petuxueiwan ichaxota Jesús ibo muthū iya boyatsi. Bapoxonae xometo pichatabina. ³ Barapowaxi caewaxi natsipaebe-
napona, najei:

—¿Jintam metha nacata pataxubina barapo ibo panawa xua yauxatatababotatsi? najei.

⁴ Daichitha poxonae barapowaxi taerucupa xua po pin ibo panawatha yauxatatababota barapo ibo muthū bayatha cou yaupataxubanota. ⁵ Barapowaxi joniya barapo ibo muthū iya. Barapo ibo muthū tutu iya pewowin eca po muxunene pecoxa weya. Bapon nama xatata paparuwa, po paparuwa bichocono apiya yawa bichocono inyapana. Barapo yabuxi

bichocono junuwa, pewowin cunuwatsi. ⁶ Ichitha barapo pewowin jeye barapo yabuxitha:

—Jopa pajunuwinde. Paxam pajeitame Jesús Nazaret tomarapin, pon bayatha naetotha tupa. Ichitha bapon anoxuae xote jopa bocaeyo. Bayatha asu petupae cuiru coyene weya. Pataema ichaxota Jesús bayatha botatsi petupaein. ⁷ Bara paponare, yawano patsipaebare Pedro iru ichamonae pomonae Jesús pijimonae tatsiru. Nexata pajande: ‘Bepa Jesús paca tsiwana patopiyaei Galilea nacua beya poxonae bara bepaiyiyaename. Bapoxonae baxotiya pataename bapon icha be pocotsi coyeneya paca tsipaeba bayatha’, pajande, jei pewowin barapo yabuxitha.

⁸ Barapo yabuxi ibo mathu wejojondena. Yawa bara weya ducupa tsipei bichocono pijunuwi jijiyei. Barapo yabuxi jopa paebiyo ichamonaetha poxoru bichocono junuwa.

Meje yabara poxonae Jesús María tsita naitutatsi powayo Magdala tomara piwayo

(Jn 20.11-18)

⁹ Poxonae Jesús asu exanatsiba petupaewa weya po mataqueitha opi carucua xua cae semanatha poxonae aena pentha, bapoxonae Jesús tsita naituta María Magdalena, powa Magdala tomarapiwayo. Barapowa caena bayatha Jesús taitaweta cauri siete poyobe xua bapowa xeina barapo cauri, xua equeicha bapowa jopa pexeinaenexa. ¹⁰ Poxonae Jesús tainchi bapowa pona pemuxu tsipaebinexa pomonaetha pomonae anoxuae anthutane yawa wecoyeyi xua Jesús petupaexae. Barapomonae bayatha Jesús pepuna jinompaewichi. ¹¹ Poxonae barapomonae jume tane xua juinya Jesús asu popona, yawa xua bapowa bayatha Jesús tainchi, barapomonae baxua jopa yabara jume cowantsiyo.

Meje yabara poxonae Jesús pebinbe tsita naituta namtotha poxonae Emaús tomara beya ponabe

(Lc 24.13-35)

¹² Pirapae bapoxonae equeicha Jesús tsita naituta pijimonae tatsi jiwanaetha icha cui coyeneyatha xua poxonae jopa xapain yaitaetsi poxonae namtotha pipatotha ecaponabe aisawatha. ¹³ Bapoxonae baponbe caibe nawiyabe. Yawa tsipaebabe ichamonaetha xua Jesús pijimonaetha tatsi xua po coyene bayatha Jesús baponbe tsita naitutatsibe. Ichitha barapomonae barichiru iru jopa jume cowantsiyoru barapo diwesi pocotsiwa baponbe paebabe.

Meje yabara poxonae Jesús cui itoroba pijimonae xua pia diwesi tatsi daxita nacuantha petapaebiwa tsainchi

(Mt 28.16-20; Lc 24.36-49; Jn 20.19-23)

¹⁴ Pirapae Jesús tsita naituta pijimonae pomonae once poyobe poxonae barapomonae pexaethopaewatha iratha ena. Jesús pin jumetha muxutae-naquiya exana xua jopa pejume cowantsixaetsi matautano peyabara muxu-sipanaexaetsi matauta xua jopa peyabara jume cowantsixaetsi pocotsiwa paeba pomonae tane xua Jesús equeicha bayatha asu popona petupae cuiru coyene weya. ¹⁵ Jesús jeye pijimonaetha: “Paponare, daxita nacuantha beya. Patsipaebare daxita jiwitha barapo pecapanenebiyae diwesi jume. ¹⁶ Pomonae neyabara jume cowantsina xua xan apara Nacom Pexanton tatsi, matautano xua bautisabatsi, barapomonae capanenebiyaeinchi xua jopa peweraweracaenexa. Ichitha pomonae jopa neyabara jume cowantsiyo

xua xan Nacom Pexanton tatsi, barapomonae peraxa jubebinchi xua Nacom peyabara paebixae xua pinae barapomonae jopa jume cowantsiyo. ¹⁷⁻¹⁸ Pomonae neyabara jume cowantsina xua xan Nacom Pexanton tatsin muxuna exanaein xuaje pocotsiwe: Barapomonae taitawetsina ichamonae cauri poxonae tawantha waqueibina; matautano barapomonae pena jumeintha cueicueije tsane; icha barapomonae jomon notsina pecobetha, jopa barapomonae tupa exanae tsainchi jomon; matautano icha barapomonae apaena po mera jiwi tupa exanatsi barapo mera jopa abe exanae tsainchi barapomonae; matautano barapomonae itacpaeinchi xua jayabina pecobetha pomonae peatenewi, xua bapoxonae barapo peatenewi peaxaibinexa tsaibi tsane”, jei Jesús.

Meje yabara poxonae Jesús athabe juinya Nacom pia peitorobi nacua beicha tatsi

(Lc 24.50-53)

¹⁹ Jesús pon jiwi Pecanamataxeinaeinchi, poxonae bapon najume weta xua cueicueije pijimonaetha, bapoxonae Jesús asiya peitaboco beicha juinya exanatsi, xua Nacom exana. Bara xoteicha Jesús Paxa cuaretatsi pecoxa weya ainya cui peexanaenexatsi. ²⁰ Bara barapomonae Jesús pijimonaetha tatsi ponarucpa. Yawano barapomonae cueicueije tsurubenanaebiya jiwitha barapo pecapanenebiyae diwesi jumein daxita nacuantha. Bapon Jesús pon jiwi pepa Pecanamataxeinaeinchi yawena barapomonaetha. Matautano Jesús cana exana barapomonaetha xua barapomonae muxuna exana pexeinya petsita itutsi coyenewan xua daxota pocotsiwa barapomonae cueicueije jiwitha bara pexainyei jumein. Je, bara ichi tsane.

Baja Marcos.

Jesucristo Pia Pexeinya Diwesi Jume Tatsi Lucas Petinae Diwesi

Meje po diwesi yabara xua Lucas tamropata pitaba poxona tina

¹ Jaco Teófilo. Ponxaem nent_u cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeba, xua pinae Jesús poxonae xanepanaya popona pata xantha. ² Pomonae cou xua baxua pepaebixae barapomonae pinae copiya yatsicaewa tane daxita pocotsiwa Jesús exana pata xantha. Matautano pinae barapomonae Nacom Pejume Diwesi tatsi cuidubeiba. ³ Xan netsita w_unae daxota nanta xeinan xua yabara tayainyabiwa pomonae petinaexae yawa pecueicueijeixae daxita barapo diwesi xua pinae juinya Jesús exana. Bapoxonae cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tsoponae xuano xua bapoxonae tsoponaeno. ⁴ Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

Meje yabara poxona matatsunpin w_unae yabara tsiw_unae paeba xua Juan naexanaena pon jiwi Pebautisabin tsane

⁵ Caena bayatha poxonae Herodes popona Judea nacuatha, xua pon Judea nacuapiwi peyanacua ewatsinchi, bapoxonaer_u barichi popona barapo nacuatha sacerdotepin pon pew_un Zacarías. Bapon jiwana po sacerdotepiwi pia matab_ux_u jiwi pew_un Abías. Piseuri tatsi pew_un Isabel. Piseuribe pia pamo susato jiwanapin tatsibe, bapon pew_un Aarón pon yatsicaya tab_uducua sacerdotepin. ⁶ Piseuribe Nacom tsita j_unt_u coyene xanepanatsibe xua bara xanepanaya peexanaewabe. Pocotsiwa Nacom pon jiwi Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwi po coyene xua baponbe natsiaenae cuentabe xua abe peexaneibiwabe. ⁷ Ichitha pexui jopa xeinaeyobe, tsipei Isabel mawecowa, matautano tsipei bayatha acuewa ir_u tsipei pebin bayatha amo tsecae.

⁸ Caentacabi poxonae Zacarías _u pia matab_ux_u jiwi pia cuitha exana Nacom nexa, bapon Zacarías xuya piamonae itapetatsi. ⁹ Barapomonae sacerdotemonae, pia cui coyene xeina xua caein piamonae jiwana itapetatsi poxonae daxita barapomonae nacuita Nacom pon jiwi Pecanamataxeinaein pin pia botha tatsi. Bapon Zacarías itapetatsi xua pejoniyaenexa po tutu peainya cui tutu Nacom pin pia botha po tututha ichaxota exaneiba xua Nacom nexa. Barapo tututha Zacarías tauta petuxusi exanaenexa Nacom nexa xua Nacom peitorobixae. ¹⁰ Poxonae Zacarías cataunxuae tuxusi exanawiya petuxueiwa xua tauta Nacom nexa, barapoxonae daxita pomonae aisowa beumeinya barapomonae Nacom tsipaebompa. ¹¹ Bapoxonae Zacarías tsita nait_utatsi matatsunpin pon Nacom pon jiwi Pecanamataxeinaein itoroba. Po muxunene pecoxa weya matatsunpin iboto caquita uncua po ibototha xua ichaxota tauteiba petuxueiwa Nacom nexa. ¹² Poxonae Zacarías taeba matatsunpin jopa yaputaeyo xua peexanaewa, bichocono pejunuwixae. ¹³ Ichitha matatsunpin Zacarías baraichi, jeichichi:

—Zacarías, jopa junuwinde. Nacom bara cajume tane poxonae tsipaebeibame bapon. Methaunxuae jinseuri Isabel tanaexanaeinchi pexuyo. Jinseuri cata pabetsina pebin w_uto. Xam w_un dutsiname bapontha, po w_un Juan, jei. ¹⁴ J_unt_u coyene weiweinaename. Barichi pinmonae j_unt_u coyene

weiweinaena xua bapon penaexanaexae tsane. ¹⁵ Bapon Juan Nacom pon jiwi Pecanamataxeinaein tsita ainya cui tsainchi. Bapon peatsaxae mera jopa apae tsane. Vino mera jopa apae tsaneno. Poxonae cataunxuae batiyotha eca bichocono juntu coyene yucaeinchi Nacom pia Pejumope tñaxu tatsi pia peayapuswa tatsi. ¹⁶ Bapon cana exanaena xua ainya Israel nacuapiwi jume cowantsina Nacom pon Pecanamataxeinaein jiwi xua barapomona barapo Nacom pia Nacom tatsi tsainchi. ¹⁷ Juan tsiwanaya poponaena xua pon xua Nacom itorobina bapon tsiwanaya poponaeinchi. Juan xeinaena Nacom pia Pejumope tñaxu tatsi pia peayapuswa tatsi icha cain Elías ichi pon Nacom peitorobi jume pepaebin. Bapon Elías bayatha tupa. Juan exanaena xua pexui paxeiwi antobe tsaibi tsainchi. Matautano Juan cana exanaena xua jume cowantsina Nacom pomona copiya Nacom pejumefebiwichi. Tsipei exanaena baxua, barapomona tsiwanaya jume cui yabara najuntu coyene wñaetsina, xua barapomona pejume cowantsinexa Nacom pon Pecanamataxeinaein jiwi, jei matatsunpin.

¹⁸ Zacarías yainyaba matatsunpin, jeye:

—¿Eta nejumichim yatsicaewara xua inta naexanaena pexuyo? Apra xan amo tsecaein. Iru tapetsiriwa apra inta acue tsecaeba, jei.

¹⁹ Matatsunpin Zacarías jume notatsi, jeye:

—Apra xan Gabriel. Barapara Nacom ba imoxoyo caquita uncueiban. Nacom neitoroba bepara catsipaebichei barapo pexeinya jume diwesi. Daxota yatsicaya naexanaenaba nexanto. ²⁰ Incane jume taema. Yaitama jame maisa aunxuae jopa yabara nejume cowantsim, daxota methaunxuae jopa cuinaya paebim tsane. Yajume aunyeibiya yantacabi jopaename poxonae beya abu nexanto naexanaena xuaunxuae catsipaebatsi, jei.

²¹ Poxonae Zacarías tsipaebauyatsi, Zacarías pesato beya ewatumeinchi pomona Nacom tsipaeba pesatotha. Barapomonae nabarai: “¿Eta pocotsiwa metha Zacarías came jopa jondenaeyo Nacom pin pia bo werena?” najei. ²² Poxonae Zacarías matapainya jondena jopa itacupaetsi xua petsipaebiwa barapomonaetha. Bapoxonae barapomonae nanta xeina xua metha bara Zacarías tsita naitutatsi xua wña barapo tututha poxoru Zacarías pecobetha cowai barapomonaetha. Ichitha awiya came jopa cueicueijeiyoy.

²³ Poxonae Zacarías daxita nacobe weta xua exana Nacom nexa, Nacom pin pia botha, bapoxonae pia botha pona. ²⁴ Pirapaeyo Zacarías piseuri tatsi Isabel bupana taecatsi pexuyo. Barapowa jopa naitutatsiyo cinco po xometiyobe. Saya pia botha eca. ²⁵ Barapowa nabarai, jeye: “Baxua Nacom inta exana pon Tanecanamataxeinaein. Bapon baxua inta exana xua jiwi jopa aura tana neexanaewa tsane”, najei bapowa.

Meje yabara poxonae matatsunpin wña tsiwanaya paeba xua Jesús naexanaena

²⁶ Poxonae Isabel seis po xometiyobe yapucaewa poxonae pexuyo bupana taecatsi, bapoxonae Nacom itoroba matatsunpin, pon pewun Gabriel. Gabriel Nazaret tomara beitorobiyatsi po tomara eca Galilea nacuaetha. ²⁷ Gabriel patopa pesiwa ponaenexa yabayo, powa bapana jopa pebin pichiyo. Bapowa muxu pepichi pecotsiwa, pon pewun José. Bapon José David pia pemomoxi susato jiwana tatsi. Caena bayatha David Israel nacua monae itorobiya pia pepa peewatsinchi. Barapowa powa José pecotsiwaxae tatsi pewun María. ²⁸ Matatsunpin Gabriel, patopa ichaxota María eca. Gabriel barai, María baraichi, jeye:

—María jaco. Nacom itapeta cayabara tsita juntu coyene xanepanatsi beyacaincha icha yabuxi. Matautano barapara Nacom pon jiwi Pecanamataxeinaein cabaruxi popona, jei matatsunpin.

²⁹ Ichitha poxona jume taeba bapowa, yabara jume cuitaya nabenaeca. Pia coutha nayainyaba jeye: “¿Eta xua bapon nejacoba jane?” najei.

³⁰ Matatsunpin María baraichi, jeichichi:

—María, jopa junuwinde, Nacom cayabara tsita juntu coyene xanepanatsi.

³¹ Matha taema xam methaunxuae pexuyo yapuxawa jinaename xuano bara pabetsiname nexanto. Bapoyo wun dutsiname po wun Jesús. ³² Bapon ainya cui peexanaeinchi tsainchi. Bapon wun dutinchi, icha wun jei tsainchi: ‘Nacom Pexanto tatsi pon peitabocotha eca’, jei tsainchi. Nacom pon Pecanamataxeinaein jiwi, bapon pexanto cana exanaena xua bapon jiwi itorobiya pia pepa Peewatsinchi tsane icha matha David cana ichichi, pon Jesús pia pamo susato jiton tatsi. ³³ Bapon yacui tsitecaena xua jiwi peewatsinchi penaexanaewa tsane Israel piamonae susato saineiwi pexantha tatsi. Pia peitorobi coyenewa tatsi jopa weraweracae tsane, jei Gabriel, pon matatsunpin.

³⁴ Nexata María jume nota matatsunpin, jeye:

—¿Eta xua yapuxawa jinocuaein pexuyo? Apra cataunxuae jopa nacueyabinyo, jei María.

³⁵ Matatsunpin jume nota, jeye:

—Nacom pia Pejumope tunaxu tatsi cata patopeicaena. Matautano Nacom pon bichocono pepa pejuntu coyene xanepanaein bapon, pia peayapusawa tatsi cantatsun matawacaicha nontsicaena icha be tsaquinaebowa ichi tsane. Daxota po pexuyo naexanaena, barapo pexuyo Nacom tsita juntu coyene xanepanaeinchi. Barapo pexuyo yabara jei tsainchi: ‘Nacom Pexanto tatsi’, jei tsainchi. ³⁶ Iruxu barichi jinyamonaewayo Isabel, bequein bara acue tsecae, ichitha anoxuae pexanto yapuxawa jina. Anoxuae barapowa seis po xometiyobe yapucaewa xua yapuxawa jina bequein copiya mawecowa. ³⁷ Dapocotsiwa aibi pocotsiwa Nacom tsita ayapubetsi, tsipei bapon daxita bara yaputane.

³⁸ Nexata María namchi, jeye:

—Xan bara barapowayun xua taexanaewayon pocotsiwa Nacom pon jiwi Pecanamataxeinaein neitoroba. Bu moya bara Nacom inta exanaena xuaunxuae netsipaebame, jei María, matatsunpintha.

Bapoxona matatsunpin napitaba.

Meje yabara poxona María siwa pona, xua Isabel siwa poinchi

³⁹ Pirapaeyo María nainya pontaba tomara beya, po tomara eca ichaxota ira marafofowa xua Judea nacuatha. ⁴⁰ Baxota barapowa María joniya Zacarías pia botha tatsi. Bapoxona Isabel jacobatsi. ⁴¹ Poxona Isabel jume tane xua María jacobata, bapoxona pia pexuyo tsiperu natsixibecatsi Isabel. Bapoxona Nacom pia Pejumope tunaxu tatsi pia peayapusawa tatsi Isabel juntu coyene yucatsi. ⁴² Bapoxona Isabel jume daunweya wawai xua María baraichi, jeye:

—¡Nacom cayabara tsita juntu coyene xanepanatsi beyacaincha icha yabuxi! ¡Barichi nexanto Nacom yabara tsita juntu coyene xanepanatsi!

⁴³ ¡Xam powa Tanecanamataxeinaein pena tatsim, bichocono auran xua tana nesiwa ponaewam tsipei jopa taainya cuiwayon! ⁴⁴ Poxoru poxona cajume tainchi xua nejacobame bapoxona pexuyo netsiperu weiweinaya natsixibeca. ⁴⁵ Juntu coyene weiweiname nejume cowantsixae tsipei bara nayabara jume cui wetsina pocotsiwa Nacom pon jiwi Pecanamataxeinaein

yabara catsiwanae muxu duta pon Pecanamataxeinaein jiwi xua poxona matatsunpin catsipaeba, jei Isabel.

⁴⁶ Nexata María namchi, jeye:

“Tajuntu coyene Nacom wanae jaintatsi pon jiwi Pecanamataxeinaein.

⁴⁷ Matautano tajuntu coyene Nacom yabara weiweinatsi pon Tanecapanepaein.

⁴⁸ Nacom neweyatane xua xan saya tapawin.

Bara barapowayun, powayun xua taexanaewa pocotsiwa Nacom neitoroba. Anoxuae xuano bexa tsaneno daxita jiwi pomonae naitapataya naexanaponaena wanae nejainchina tsipei Nacom nejuntu coyene weiweina exana bichocono beyacaincha icha yabuxi.

⁴⁹ Bapon Nacom pon peayapusu itorobi coyene pexeinaein inta bichocono wanae exana.

Bapon Nacom pepa pejuntu coyene xanepanaein.

⁵⁰ Bapon Nacom yaweneibina jiwi pia peantobewaxae pomonaetha pomonae copiya pecunuweibixaetsi.

⁵¹ Nacom tsita ituba xua peayapusu itorobi coyenewa xeina.

Baxua exana poxonae juntu coyene amanayaba pomonaetha pomonae atsaquiya penayabara paebiwi xua ichamonae peabiwichi.

⁵² Nacom cui pita cana exana pomonaetha pomonae pecanamataxeinaewi xua equeicha barapomonae jopa naexanae tsane xua pecanamataxeinaewa jiwi.

Ichitha nama pomonaetha pomonae pecui pawinaexana barapomonaetha Nacom cana exana xua barapomonae penaexanaewa pomonae pecanamataxeinae jiwi.

⁵³ Pomonae xua piyain barapomonaetha Nacom cana exana xua barapomonae petonsanaewa xua penabanaewa po pexaewa pexeinya pexaewan.

Matautano copei pexeinaewi barapomonaetha Nacom cana exana xua barapomonae pecobesainaewa.

⁵⁴ Nacom yaweneiba pijimonae Israel nacuapiwi pomonae pia pamo susatopin tatsi, bapon Israel pon tanacuita Nacom.

Nacom jopa yabara jantemainaeyo xua peyaweneibiwa barapo pijimonae peantobexae.

⁵⁵ Nacom daxita exana pocotsiwa Abraham wamo susatopin yabara tsiwanae muxu dutatsi xuano xua yabara tsiwanae muxu dutatsi pia pemomoxi susato jiwi tatsi”, jei María.

⁵⁶ María cataunxuae acoibi po xometiyobe eca Isabel pia botha tatsi. Bapoxona equeicha caibe nawiya pia bo beya.

Meje yabara poxona Juan naexana pon jiwi Pebautisabin

⁵⁷ Nexata Isabel xua bupana taecatsi pexuyo, peru cui nauchitane. Bapoxona pexuyo tanowaeincuatsi xua pexanto. ⁵⁸ Pomonae Isabel pia botha petaenaewichi, iruru piamonae tatsi pomonae pecuariya petaenaewichi

daxita barapomona Isabel siwa poinchi xua pejacobinexa tsainchi. Barapomona yaputane xua Nacom pon Pecanamataxeinaeinxae jiwi Isabel beta taexanatsi poxona Isabel dacotsiwa taitorobatsi pexuyo. ⁵⁹ Poxona ocho po matacabibe yapucaewa barapoxona pexuyo wi thabatsi xua pebin wutoxae xua ichaxota nareixacaeca. Barapomona nanta xeina xua pexuyo wun dutsinchi po wun pexuyo paxa tatsi xeina, xua po wun “Zacarias”, jei. ⁶⁰ Ichitha pexuyo pena tatsi namchi barapomonaetha, jeye:

—Jume, jame bewa jei: ‘Juan’, jei, jei pexuyo pena tatsi.

⁶¹ Bapoxona barapomona Isabel baraichi, jeye:

—¿Exua? Jinyamonae dapocotsi wun aibiba, po wun: ‘Juan’, jei, jei barapomona.

⁶² Nexata barapomona moya pecobetha cowai Zacariastha. Matautano pecobetha cowaya yainyaba, Zacarias yainyabatsi jeichichi: “¿Eta po wun jinya nexanto wun dutsichi?” jei barapomona. ⁶³ Zacarias wuca napaewa petinaenexa tsane. Bapoxona barapo napaewatha jei xua tina: ‘Apara pewun Juan’, jei. Bapoxona barapomona najuntu coyene benaeca xua iru bapon namchi: ‘Bara pewun Juan’, jei. ⁶⁴ Poxona baxua exana, caena bapoxona jemeicha Zacarias equeicha caewa paeba. Equeicha ebato sadujei xua cueicueije. Zacarias tamropata pitaba xua wuna jainta Nacom. ⁶⁵ Bapoxona daxita pomona imoxoyo jinompa ichaxota Zacarias piseuribe poponabe, daxita barapomona junuwa. Matautano pomona xua pejinompaewi daxita ichaxota po ira xua marafofowa xua barapo Judea nacua, daxita barapomona paebinouta pocotsiwa xua bayatha petaexae. ⁶⁶ Daxita pomona jume tane, barapomona najuntu coyene yabara nanta xeina nawita. Matautano caemona nantiya nayainyaba najei: “¿Eta bichane metha pexuyo poxona wichabina?” najei barapomona. Apara poxoru Nacom pon Pecanamataxeinaein jiwi bichocono pexuyo petsita juntu coyene xanepanaexaetsi daxota barapomona baxua paeba.

Meje yabara xua Zacarias pia wei

⁶⁷ Pexuyo paxa tatsi Zacarias, juntu coyene yucatsi Nacom pia Pejumope tunaxu tatsi pia peayapusuwa tatsi. Matautano bapon cueicueije po jumetha po jume Nacom cata. Zacarias namchi, jeye:

⁶⁸ “Nacom pon Pecanamataxeinaein jiwi,

pon Israel pia Nacom tatsi, barabu

wuna jainchinchi barapo Nacom.

Tsipei bapon bayatha patopeica waxantha.

Bapon bara piamonaetsi.

Matautano bapon bayatha naca capanepa.

⁶⁹ Pon Nacom nacata itorobica bapon pon jiwi pecapanenebiyaein pia peayapusuwatha.

Bapon David pia pemomoxi susato jiwana tatsi.

Bapon David pon Nacom pia petanacuitinchi xua peexanaewa pocotsiwa Nacom itoroba.

⁷⁰ Caena bayatha Nacom yabara naca tsiwuna muxu duta, poxona itoroba pia peitorobi jume petapaebiwichi xua wanaca tsipaebinexa.

⁷¹ Bara naca tsipaeba xua pinae bapon pon Nacom wanacata itorobicaexae, pinae naca capanepaena pomona wanaca aitaetafi jiwi pia xainya weya tatsi.

Matautano pinae naca capanepaena pomona

wanaca ita aenae-aenei jiwi pia
xainya weya tatsi.

⁷² Matautano Nacom naca tsipaeba xua pinae
wamo susatopiwi yabara canantaxeinaeinchi
xua peyawenaenexatsi.

Matautano pinae jopa junteinae tsane
xua wamo susatopiwi peyawenaponaewatsi
xua bayatha Nacom yabara petsiwanae
muxu dutsixae baxua.

⁷³ Baraxua Nacom naca tsiwanae muxu duta
xua xainyeya bara paeba poxona Abraham
tsipaebatsi, pon wamo susatopin.

⁷⁴ Nacom Abraham tsipaebatsi xua pinae naca
capanenebiya tsane wanaca aitaetaebi
jiwi weya.

Baxua pinae nacata exanaena xua pinae
waexanaewa tsane pocotsiwa naca itoroba,
xuano jopa wacunuwinexa tsane
ichamonae pinae.

⁷⁵ Matautano nacata exanaena xua pinae beta
jinompaeinchi bapon peitabaratha, xuano xua
junte coyene xeicaeya jinompaeinchi daxita
matacabintha xua jopa abe waexanaponaewa.

⁷⁶ Iru xam taxantom Juan jiwi cayabara wan
dutsina pon Nacom peitorobi jume pepaebin,
pon itabocotha eca, cayabara jei tsane.

Baxua cayabara jei poxoru xam tsiwanaya
patopaename pon jiwi pia pepa
Pecanamataxeinaein.

Daxita jiwi junte coyene wanaetsiname
pepatopaenexa tsane pon jiwi pia pepa
Pecanamataxeinaein, pon Mesías.

⁷⁷ Nacom caitoroba Juan xua jiwi neyaputane
neexanaenexa tsane xua Nacom junteinaena
jiwi abe pia peexanae cuiru coyenein tatsi.

Bapoxona Nacom barapomona capanenebiya
exanaeinchi bapon beya xua jopa Nacom petsita
natsicuentsixaetsi xua abe peexanaexae.

⁷⁸ Wanacom jopa juniya wanaca antobexae xuano
xua wanaca yawenaexae nacata itorobicaena
pexanto itaboco wetsica.

Nacata wanae exanaena icha xometo ichi xua
nacata wanae poxonae pentha pena matacabixae.

⁷⁹ Poxona patopeicaena pon Nacom itorobicaena,
bapoxona bapon jiwi junte cui
weiweinaya exanaeinchi.

Baxua exanaeinchi, pomonaetha pomona pejume
cowuntsiwi bequein copiya barapomona
muxu pewerapae bichocono abe peexanaexae.

Yawa Nacom naca jumope antasu exanaena,
xua junte wainompaenexa tsainchi”,
jei Zacarías xua pexanto barai pon Juan.

⁸⁰ Barapo pexuyo Juan wichabeca. Matautano ajuntuyapususya popona xua Nacom yabara yaputaepona. Juan ira xuepana susato tsurucuae nacuatha tsana popona, beya poxonae po mataqueitha poxonae Juan tsita patopa Israel nacuapiwi pebautisabinexa barapomona.

2

Meje yabara poxonae Jesús nowaeuncua pebin wato barapo cae pin nacuathe

(Mt 1.18-25)

¹ Iruru baroxonae popona romanomona itorobiya pia pepa peewatsinchi, pon pewun Augusto. Bapon itoroba piamonae peexanaenexa censo matawun xua pewun tinaewan xua daxita carepaya tomaran jiwi wun tinaeinchi. ² Barapo censo matawun xua pewun tinaewan jiwi, baxua matapainya nacobe cui jata poxonae Cirenio Siria nacuapiwi pia peyanacua ewatsinchi naexana. ³ Daxita jiwi tsanaya barompaya pia pepa tomaran bewa benawibiyaena, ichaxota pia pamo jiwi tatsi tanowaeumeinchi. ⁴ Daxota José Nazaret tomara wewarapiya, xua Galilea nacua weya. Belén tomara bewarapiya po tomara eca Judea nacuatha. Baraxota caena bayatha David pon judiomona itorobiya pia pepa peewatsinchi nacatsiwa, pon José pia pamo jiwi susato jiwana tatsi, pon yatsicaya tabu ducua. ⁵ José pecotsiwa baru pona pewun tinaenexa tsainchibe. Barapowa pewun María. Barapowa pexuyo baruana taecatsi. ⁶ Poxonae cataunxuae baraxota Belén tomaratha ecabe, baroxonae María xua baruana taecatsi pexuyo, bara weaperutanetsiba. ⁷ Bara barapowa tanaexanatsi pexanto pon copiya tanacatsiwatsi. Barapo pexuyo paparuwantha tsiwixitha mata quiyontababota jeriyotha, po naeyotha ichaxota vaca naepanaewa xayathopa. Tsipei tutu quecona po bomuxutha ichaxota jiwi maiteiba pomona pateiba pomona siwa poneiba.

Meje yabara poxonae matatsunpiwi patsica ichaxota pomonaetha pomona oveja duweimonae peyapu eenaewi

⁸ Imoxoyo Belén tomaratha, pebiwi oveja duweimonae yapu eeneiba wexotha poxonae merawi. ⁹ Nexata jemeicha barapo pebiwi tsita naitutatsi matatsunpin po matatsunpin itorobicatsi xua pon jiwi Pecanamataxeinaein itorobica. Matautano Nacom pon jiwi Pecanamataxeinaein pia peitapanae coicha tatsino barapomona matawacaicha uncueicatsi. Barapo pebiwi bichocono junuwa. ¹⁰ Nexata matatsunpin barapomonae baraichi jeye: “Jopa pajunuwinda. Apra paca tsipaebatsi pexeinya jume diwesi xua po diwesi daxita jiwi juntu coyene weiweina exanaeinchi. ¹¹ Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaein. Bapon apra pewun Mesías pon Pecanamataxeinaein jiwi, pon Nacom weitorobicatsi. ¹² Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo pexuyo xua paparuwatha mata quiontababotatsi jeriyotha ichaxota po naeyotha vaca naepanaewan xayathopa”, jei matatsunpin.

¹³ Baroxonae jemeicha equeicha icha matatsunpiwi pin bicheito naitubarucupa ichaxota icha matatsunpin uncua. Barapo matatsunpiwi itaboco wepatsica. Barapomona Nacom wuna jaintatsi. Barapo matatsunpiwi namchi, jeye:

¹⁴ “¡Maisa bichocono Nacom wuna jaintatsi pon itabocotha peecaen, peitorobixae pexanto!

¡Barabá jiwí jüntema jinompa barapo irathe pomonae xua Nacom jüntü coyene weiweina exanatsi!” jei matatsunpiwi.

¹⁵ Poxonae matatsunpiwi athabe ichicha caibeicha itaboco beicha, bapoxonae pomonae oveja duweimonae peyapu eenaewi barapomonae nabarai, jeye:

—Bü poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwí Pecanamataxeinaein nexa, jei barapomonae pomonae oveja duweimonae peyapu eenaewi.

¹⁶ Barapoxonae oveja duweimonae peyapu eenaewi nainya ponarüçüpa. Barapoxonae María irü José caxibarüçüpatsi. Irü pexuyo poyo boqueca jeriyotha vaca matabotha caxibarüçüpatsi. ¹⁷ Poxonae barapomonae taerüçüpa pexuyo, barapomonae tsipaeba nawita ichamonaetha pocotsiwa bayatha barapomonae petsipaebixaetsi matatsunpin xua pexuyo yabara.

¹⁸ Daxita pomonae jume taerüçüpa baxua yabara najüntü coyene cabenaeca xua pomonae oveja duweimonae peyapu eenaewi pepaebixae baxua.

¹⁹ María barapo diwesi moya yawün xeina pejüntü coyenewatha xua jume cui cayabara nanta exaba. ²⁰ Bapoxonae oveja duweimonae peyapu eenaewi caibe nawibiya. Barapomonae Nacom wünae jaintatsi petaexae xuano pejume taexaeno xua bayatha matatsunpiwi pepaebixae. Barapomonae namchi, jeye:

—Maisa Nacom pon pepa yatsicaewa pejüntü coyene xanepanaein, jei.

Meje yabara poxonae María irü José caponabe Jesús Nacom pin pia botha tatsi

²¹ Poxonae ocho po matabibe yapucaewa, pexuyo wi thabatsi, xua pebin wütöxae xua ichaxota nareixacaeca. Baxua judiomonae pia cui coyenetha tatsi. Barapoyo wün dutatsi pewün Jesús, po wün bayatha matatsunpin wün unuta xua María muxu tsipaebatsi poxonae María cataunxuae abü jöpa bürpana taecaetsi pexuyo.

²² Nexata matabi jöpa, xua po mataqueitha María irü José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jöpa penataxobinexa. Bapoxonae María irü José pexuyo caponabe Jerusalén tomara beya pecatsinexa tsanebe pexuyo Nacomtha pon jiwí Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonae pinyo tsane. ²³⁻²⁴ Baxua exana tsipei Nacom pia peitorobi diwesitha tatsi tina, jeyei: “Daxita jiwí pia pexui tatsi, pebin wütixi, poxi copiya nacatsiwena, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecaponaenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara irü ainya tsaqueintobe care. Ichacuitha icha tsaqueintobe aibi, bara irü ainya topibotobe care”, jei.

²⁵ Irürü barapoxonae pebin popona Jerusalén tomaratha, bapon pewün Simeón. Bapon pejüntü coyene xanepanaein. Bapon wünae jainteiba Nacom. Bapon wünae ewateiba xua Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomonae weya. Barapo romanomonae icha nacua werena pona xua Israel nacuapiwi cueranta enatsi. Tsipei barapo romanomonae Israel

nacuapiwi canamataxeinatsi. Nacom pia Pejumope t̄nax̄u tatsi Simeón baru popoinchi. ²⁶ Nacom pia Pejumope t̄nax̄u tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonae xua pinae pirapaeyo t̄paena. ²⁷ Nacom pia Pejumope t̄nax̄u tatsi Simeón joniya exanatsi Nacom pin pia botha tatsi. Bara José ir̄u pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba. ²⁸ Simeón isapita pexuyo. Nacom w̄nae jaintatsino. Simeón namchi, jeye:

²⁹ “Nacom pon Tanecanamataxeinaem,
bara anoxuae caitac̄pa xua tanecopatsiwam
xua bara j̄ntemiya tat̄paewa tsane.
Tsipei anoxuae bara nayabara jume
wetame pocotsiwa bayatha yabara
netsiw̄nae muxu dutame.

Poxoru xan bapon tsocuaein xua
exanan xua neitorobame.

³⁰ Xan yatsicaewa bara tanba,
pon Pecapanenebiyaein jiwi.

³¹ Bapon tan pon xua itorobicapaebame,
xua daxita jiwi taena xua bapon taeinchi.

³² Bapon yaputane exanaena xua Nacom yaputaeinchi
pomonaе jopa judiomonaе naexanaeyo.

Tsipei bapon be bapocotsin, xua poxonaе jiwi
beta tane exainchi merawi xua xota yonoyonei.
Yawano bapon exanaena xua Israel nacuapiwi,
pomonaе jinyamonaе xua w̄nae jaintinchi
xua ichamonaе w̄nae jainchina”, jei Simeón.

³³ María ir̄u José yabara naj̄nt̄u coyene cabenaecabe pocotsiwa Simeón pexuyo yabara paebatsi. ³⁴ Nexata Simeón barai, Nacom baraichi xua María yabara yawano xua José yabara, jeye: “J̄nt̄u coyene weiweina exande baraponbe”, jei. Nexata Simeón, María baraichi xua pexuyo pena tatsi:

—Barapo pexuyo Nacom itapeta xua bapon peexanaenexa tsane po coyene xua Israel nacuapiwi ichamonaе Nacom beya peponaenexa xua ichacuitha icha ichamonaе Nacom beya jopa peponaenexa tsane. Yawa Nacom itoroba barapo pexuyo, peit̄abinexa Nacom pia peayapus̄wa ichitha ichamonaе jume cui aitafaetabi tsaibi tsane. ³⁵ Daxota barapo pexuyo yaputaena pocotsiwa jiwi pej̄nt̄u coyeneintha nanta xeineibina. Ichitha xam, María, daxita baxuan caaj̄nt̄u coyenerewe exanaena be poxonaе ich̄n canth̄th̄ tsapinopaena cusitha, jei Simeón xua María tsipaebatsi.

³⁶ Ir̄u baxota poponar̄u petsiriwa, pew̄n Ana. Barapowayo Nacom peitorobi jume pepaebiwayo. Barapowa Fanuel pexantiyo tatsi. Aser pon yatsicaya tab̄u ducua bapon pia pemomoxi susato jiwana tatsi. Barapowa bara nama penapataewa tsoponae. Barapowa caena bayatha poxonaе penowayo tsecae jitha eca. Pia pebinbe siete po weiyobe nabar̄u poponabe. Bapoxonaе pebin t̄pa. ³⁷ Barapowa caena bayatha piseuri cuenta t̄patsi. Anoxuae nama barapowa yaochenta y cuatro po weiyobe jopaba. Barapowa Nacom pin pia bo weya jopa pichapeibiyo. Saya exaneiba pocotsiwa Nacom itoroba merawintha yawa maticabintha. Najainboteibano poxonaе tsipaеbeiba Nacomtha. ³⁸ Poxonaе Jesús caponatsi Nacom pin pia botha xua Nacom pecatsinexatsi bapoxonaе Ana imoxoyo caquita uncua barapomon-aetha. Barapowa tsipaеba Nacomtha, jeye: “Nacom maisa j̄nt̄u coyene

weiweinan xua painta itorobame barapo pexuyo”, jei Ana. Bapoxonae Ana yabara paebaxoya pexuyo jiwitha pomonaetha pomonae wanae ewateiba po coyene xua Nacom itorobina Israel nacuapiwitha pon Israel nacuapiwi capanenebiya exanaeinchi romanomonae weya.

Meje yabara poxonae Jesusbar# caibe iyiya Nazaret tomara beya

³⁹ Nexata María ir# José wetabeba daxita xua Nacom, pon jiwi Pecanamataxeinaein, peitorobi jume coyenewa paeba. Bapoxonae caibe canawiyabe pexuyo Galilea nacua beya xua pia tomara beyabe, Nazaret tomara beyabe. ⁴⁰ Pexuyo wichabeca. Matautano bichocono daunwei nawita, peyaputae coyene xexenaponano. Nacom tsita juntu coyene xanapanapoinchi.

Meje yabara poxonae Jesús siwa pona Nacom pin pia bo tatsi

⁴¹ Jesús pena tatsi ir# paxa tatsi daxita weitha poneiba Jerusalén tomara beya xua nataiba Pascua w#n maticabin. Barapo Pascua w#n jei, poxonae Israel nacuapiwi nanta xeina xua poxonae pinae bayatha pia pamo susato jiwi tatsi capanenebiya exanatsi Egipto nacua weya, xua Nacom capanenebiya. ⁴² Poxonae Jesús doce po weiyobe yapu jopa, María ir# José ir# Jesús, Jerusalén tomara be-iyiya. Tsipei barapomonae pia cui xua poneiba barapo Pascua w#n maticabin nexa. ⁴³ María ir# José caibe nawirenabe pia tomara berena poxonae barapo maticabin weta. Ichitha pewowin Jesús naruntaba Jerusalén tomaratha. Jesús pena tatsi ir# José jopa taeyobe xua Jesús nacopatata. ⁴⁴ Nanta xeinabe xua Jesús mexeya itara napunaecaponawei pin bicheitha. Caentacabitha María ir# José namtotha naecaponabe, bapoxonae itaxanawiyabe pexanto. Necobauyabe pexanto pin bicheitha pia matabux#yo jiwimonaetha, pijiwimonaethano. ⁴⁵ Jopa pexanto caxinaebe. Bapoxonae equeicha caibe iyabe Jerusalén tomara beya, pewenaweneinexa tsanebe pexanto baxotiya equeicha.

⁴⁶ Poxonae acoibi po maticabiyobe yapucaewa Jerusalén tomaratha baxota pexanto caxinabe Nacom pin pia botha tatsi. Jesús naeca ichaxota pomonae jiwi pecuidubiwi Nacom pia peitorobi jume. Jesús jume tane barapomonae. Matautano yainyabano nawita barapomonaetha. ⁴⁷ Daxita pomonae jume tane, najuntu coyene cabenaeca tsipei Jesús peyaputaein tsecae, matautano tsipei Jesús beta jume nota. ⁴⁸ María ir# José poxonae baxua cui tanebe najuntu coyene cabenaecabe. María pexanto barai, jeye:

—Owae, ¿eta xua metha baxua painta exaname? Axa ir# xan paca yabara najuntu coyene exabatsibe, paca jeitompatsi, jei.

⁴⁹ Jesús jume nota pena, jeye:

—¿Eta pocotsiwa metha ichawa beya pana nejeitompame? ¿Metha bara jopa payaputaem jampa xua bewa necui eenaena xua Taxa pia cui yabara tatsi? jei.

⁵⁰ Ichitha María ir# José jopa xapain yaputaeyobe pocotsiwa Jesús paeba.

⁵¹ Jesús caibe nanawiya pena tatsibar#tha Nazaret tomara beya. Jesús pena jume jejei tsaibi yawano José jume jejei tsaibichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntu coyenewatha. ⁵² Nexata Jesús wiwich-abapona yawa juntu coyene ayapus#ya exanapoinchino Nacom pia Peju-mopetha t#nax# tatsi. Nacom ir# jiwi Jesús antobe tsoponaetsi.

3

Meje yabara poxonaе Juan pon Pebautisabin jiwi cuiduba ira xuepana susato tsurucuae nacuatha
(Mt 3.1-12; Mr 1.1-8; Jn 1.19-28)

¹ Irurur Tiberio pon romanomonaе itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Bapoxonaе irur Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Irur Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuathano. Barichirur Lisantias Abilinia nacuapiwi peyanacua ewatsinchi naexana.

² Barichirur Anás irur Caifás baponbe sacerdotemonaе pia pepa pentacaponaeinbe tatsibe. Barapoxonaerur Nacom Juan tsipaebatsi poxonaе ira xuepana susato tsurucuae nacuatha popona. Juan bapon Zacarías pexanto tatsi.

³ Juan popona ducuaeta Jordán nacuatha ichaxota Jordán mene. Nacom Pejume Diwesi tsipaeba ducuaeta jiwitha. Bapon barai jiwitha, jeye:

—Icha juntu coyene paxeinare painya neauraxae xua abe paexaname. Paca bautisabina ichamonaе xua Nacom paca necayabara juntemainaenexa abe painya neexanaе cuiru coyenein, jei Juan.

⁴ Baxua exana, peyabara jeichixaetsi xua peyabara jeixae pon Nacom peitorobi jume pepaеbin Isaías poxonaе bapon tina pejume diwesi. Barapo diwesitha Isaías caena bayatha wurnae tsiwurnaeya yabara paeba xua Juan yabara. Isaías namchi, jeye:

“Jume tan pon wawai ira xuepana susato tsurucuae nacuatha.

Bapon wawai jeye: ‘Patsinajuntu cui coyene wurnaere pon jiwi pia pepa Pecanamataxeinaeinchi pia pepatopae wurnaeya tsane.

⁵ Daxita pamarafotontha paatsa jehebapoinyama.

Daxita petsuton paatsa caxiquiyama.

Pejeyajeyowa namton bopiya dubeinya paexande.

Pamarafotofotowa namton, panamto dameyama.

Apara jopa yabara janyo namton, jame apara yabara jan painya juntu coyenein.

Ichi paichim xua namton paxanebame bara

paichinde pana najuntu cui wurnaere

painya Nepacacanamataxeinaein nexa

poxonaе bapon patopeicaena.

⁶ Daxita nacuapiwimonaе yaputaena Nacom pia pecapanenebiyaе coyene tatsi’, jei pon wawai”, jei Isaías pejume diwesitha.

⁷ Pin bicheito pata, xua Juan pebautisabinexa tsane. Juan barai barapomonaе jeye: “¡Paxam pomonaе pemuxuitorobi jiwi pam! ¡Paxam be bara jomomonaе pam, tsipei jomo ba cuitaya ducupa nawa! Bara paichim anoxuae paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanaem Nacomtha. ⁸ Xaniwaicha painompare xain ichamonaе paca cui tane xua icha juntu coyene painya nexainaewa Nacomtha, pon jiwi Pecanamataxeinaein. Tsipei bequein paxam pajam:

‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowantsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonae pejume cowantsixaetsi Nacom. ⁹ Poxonae pebin naein uba, sipari ba canacui wunaeta pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca jeta ichiya paca cana exanaena. Nacom paca yabara nacui wunaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata taexanaem”, jei Juan.

¹⁰ Nexata barapomonae Juan yainyabatsi jeichichi:

—¿Eta pocotsiwa Nacom ichichipa pocotsiwa pata exanaenexa xua ichamonae pata necui taenexa tsane xua bara pajuntu coyene xanepanaein Nacomtha? jei barapomonae.

¹¹ Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa nauma xatatsiyo camisa. Iruru pon tamatecatsi penabanaewa bapon becatsipa ichan pontha pon jopa xeinaeyo penabanaewa, jei Juan.

¹² Barichiru pata, pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Barapomonae pata xua Juan pebautisabinexa tsaneru barapomonae. Barapomonae Juan yainyabatsi, jeichichi:

—Pon jiwi Necuidubim, ¿eta pocotsiwa Nacom ichichipa pocotsiwa pata exanaewa tsane? jei barapomonae.

¹³ Juan jume nota, jeye:

—Saya meisa jiwi pawucaename paratixi xua romanomonae paca itoroba. Jopa yabara muxuitorobiya pawucaeinde ichawan, jei Juan.

¹⁴ Barichiru soldadomonae Juan yainyabatsi, jeichichi:

—Iru paxan, ¿eta pocotsiwa Nacom ichichipa pocotsiwa pata exanaewa tsane? jei barapomonae.

Juan jume nota, jeye:

—Jopa payabara jume daunweya wecobe noteibinde ichamonae piawan tatsi. Matautano ichamonae jopa pacui yopiteibinde pocotsiwa exana ichamonae poxonae apara jopa exaneibiyo. Bara saya pajuntu coyene weiweinare poxonae paratixi paxei name poxonae ichamonae xua pata exaname xua soldadomonae pamxaem, jei Juan.

¹⁵ Daxita pomonae wunaewateiba xua Mesías pepatopeicaewa tsane, barapomonae poxonae Juan jume tainchi, barapomonae pejuntu coyeneintha nanta xeina, xua apara Juan metha apara Mesíaswei. ¹⁶ Ichitha Juan barai daxita barapomonae, jeye: “Xan paca bautisabatsi meratha. Ichitha nama patopaena pon bichocono ainya cui beyacaincha xan. Bapon pon pepa Pecanamataxeinaein jiwi. Xan saya tapawin. Daxota auran xua tataxu mu isanaxubiwa pia penataxu xatatsiwa. Bapon paca jiwana bautisabina Nacom pia Pejumope tunaxutha tatsi. Bapon paca jiwana cui copatsinchi xua atene tsane Jesús pejume cowantsixaetsi tsane. ¹⁷ Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona, trigo xu matabohta. Matapepe jehebapona petautsinexa isototha, ichaxota po isoto jopa cuinaya itacounayiyo. Bara jeta cana ichi tsane jiwitha icha

trigo xu cana ichiya ichichi jiwi Nacom tsananobina pomonae pejume cowantsixaetsi pia nacuatha nexa. Ichamonae tsananobinchi pomonae jopa pejume cowantsiwichi, petautsinexa isototha ichaxota xua jopa itacounayiyo”, jei Juan.

¹⁸Icha diwesi yabara jumenon Juan barapomonaetha paeba Nacom pia pex-einya jume diwesi tatsi. ¹⁹Matautano Juan biatane, Herodes biatainchi pon Judea nacuapiwi pia peyanacua ewatsinchi poxoru Herodes peweicho caiba yabayo powa Herodías. Herodes peweicho tatsi pewan Felipe. Matautano Juan biatane poxoru bayatha Herodes abe exana nawita jiwitha. ²⁰Ichitha daumetha equeicha Herodes abe exana xua Juan caenaetatsi ichamonaetha xua pecaponaenexa tsainchi jiwi pecubi botha.

Meje yabara poxonae Jesús bautisabatsi
(Mt 3.13-17; Mr 1.9-11)

²¹Poxonae cataunxuae Juan jopa ecaeyo jiwi pecubi botha, Juan bautisaba ducuaeta jiwi. Barichi iru Jesús nabautisabatsi. Poxonae Jesús tsipae-buncua paxa, peitaboco nayausanaxuba. ²²Nacom pia Pejumope tanaxu tatsi patopeica Jesthath, be topiboto yaruneica. Jesús jume tane pocotsiwa peitaboco wetsipaebicatsi, jeichichi:

—Xam apara Taxantom pom bichocono cantobetsi, pom caitapetatsi. Nejutu coyene weiweina exaname, jei Nacom.

Meje yabara pomonae Jesús pia pamo susatopiwi tatsi
(Mt 1.1-17)

²³Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanae coyenewan po coyene Nacom Pejume Diwesi pecueicueijejewa xuano jiwi axaibi exana ducuaenaebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi. ²⁴Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi. ²⁵Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi. ²⁶Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto tatsi. Bapon Josec, Judá pexanto tatsi. ²⁷Bapon Judá, Joanán pexanto tatsi. Bapon Joanán, Resa pexanto tatsi. Bapon Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi. ²⁸Bapon Neri, Melqui pexanto tatsi. Bapon Melqui, Adi pexanto tatsi. Bapon Adi, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi. ²⁹Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi. ³⁰Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi. ³¹Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi. ³²Bapon Natán, David pexanto tatsi. Bapon David, Isaí pexanto tatsi. Bapon Isaí, Obed pexanto tatsi. Bapon Obed, Booz pexanto tatsi. Bapon Booz, Sala pexanto tatsi xua icha wan Salmón. Bapon Sala, Naasón pexanto tatsi. ³³Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi.

³⁴ Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi. ³⁵ Bapon Nacor, Serug pexanto tatsi. Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi. ³⁶ Bapon Sala, Cainán pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi. ³⁷ Bapon Lamec, Matusalén pexanto tatsi. Bapon Matusalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi. ³⁸ Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

4

*Meje yabara poxonae Jesús jüntu coyene jujutatsi caurimonae pia pentacaponaein tatsi xua Jesús abe coyeneya petaexanaenexa tsane
(Mt 4.1-11; Mr 1.12-13)*

¹ Poxonae Jesús jüntu coyene yucatsi Nacom pia Pejumope tunaxu tatsi bapoxonae caibe nawiya Jordán mene weya. Nacom pia Pejumope tunaxu tatsi Jesús mata cayatsi ira xuepana susato tsurucuae nacua beya.

² Baraxotiya Jesús popona cuarenta po matabibibe. Caurimonae pia pentacaponaein tatsi Jesús piraichi jüntu coyene jujutatsi xua Jesús abe coyeneya petaexanaenexa tsane. Barapo cuarenta po matabibibetha Jesús jopa nabanaeyo. Poxonae barapo matabibin yapucaewa Jesús bichocono jainpa.

³ Caurimonae pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita iture. Barapo iboto itorobare xain pan naexanaxoya, jei caurimonae pia pentacaponaein tatsi.

⁴ Jesús jume nota. Caurimonae pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan’, jei Nacom Pejume Diwesi, jei Jesús.

⁵ Caurimonae pia pentacaponaein tatsi Jesús matabapoinchi ichaxota po demxuwa bichocono atororo. Baraxotiya Jesús tsita itatarabatsi daxita nacuan, xua barapo cae pin nacuathe. ⁶ Bapoxonae caurimonae pia pentacaponaein tatsi Jesús baraichi, jeichichi:

—Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pewanaewan, tsipei bayatha necata daxita barapo nacuan xua taitorobeibiwa coyenewan. Tawaxae catsin ichantha pontha pon xua ichichipan xua tacatsiwa. ⁷ Ichaunxuae nentabocototha uncuaename taitabaratha, xuano ichaunxuae newanae jainchiname xua nenanta xeinaewaxae xua xan jinya tacacanamataxeinaeinchi, bapoxonae baxuan daxita bara cacatsinchi jinya Necanamataxeinaenexa barapo nacuan, jei caurimonae pia pentacaponaein tatsi.

⁸ Ichitha Jesús jume nota, jeye:

—Yaitama Nacom Pejume Diwesitha namchi, jeye: ‘Meisa wanae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

⁹ Cotacaya nama equeicha Jesús matabapoinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

—Icha bara xaniwaicha Nacom Pexanto tatsim, wenaxoreinque. ¹⁰ Nacom Pejume Diwesitha namchi, jeye:
‘Nacom itorobina pia matatsunpiwi

necayanabinexa.

¹¹ Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha poxonae wenaxorecame', jei Nacom Pejume Diwesitha, jei caurimonae pia pentacaponaein tatsi.

¹² Jesús jume nota, jeye:

—Barichi Nacom Pejume Diwesitha namchi, jeye: 'Jopa juntu coyene jujatsiya wnaeinde Nacom pon jinya Necanamataxeinaein, xua cajume jejei tsane necayawenaenexa poxonae jopa xapain exanaem', jei Nacom Pejume Diwesitha, jei Jesús.

¹³ Poxonae caurimonae pia pentacaponaein tatsi yaputane xua jopa xeinaeyo po coyenetha equeicha Jesús pejuntu coyene jujatsiwa tsainchi, bapoxonae nama Jesús wepu poinchiba xua saya bara caeto nexa.

Meje yabara poxonae Jesús tamropata pitaba pia penacuichiwa Galilea nacuatha

(Mt 4.12-17; Mr 1.14-15)

¹⁴ Jesús caibe iya Galilea nacua beya. Matautano jopa juniya xeinaeyo Nacom pia Pejumope tñaxu tatsi pia peyapusu itorobi coyenewa tatsi. Daxita jiwi pomonae jinompa barapo nacuatha Jesús yabara paebinoutatsi.

¹⁵ Jesús cuidubeiba barapomonae judiomonae pia penacaetutsi bontha tatsi xua daxita tomarantha. Barapomonae Jesús wnae jainteibatsi.

Meje yabara poxonae Jesús Nazaret tomaratha popona

(Mt 13.53-58; Mr 6.1-6)

¹⁶ Nexata Jesús Nazaret tomara beya pona, po tomaratha ichaxota wichaba. Judiomonae barompaya pia pentaquei seicae matababitha tatsi Jesús joniya judiomonae pia penacaetutsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonae peuncuaenexa peitabaratha, peyorobinexa Nacom Pejume Diwesi, xua barapomonae pejume taenexa. ¹⁷ Nexata Jesús catatsi Isaías pejume diwesi, pon Nacom peitorobi jume pepaebin, pon caena bayatha tupa. Poxonae Jesús diboro pataxuba baxota taeba pocotsiwa baxota paeba, xua jeye:

¹⁸ "Nacom pia Pejumope tñaxu tatsi neyanta popona.

Nacom neitapeta tatacucueijeinexa tsane pia pexeinya jume diwesi tatsi pomonaetha pomonae peacopeibi jiwi.

Matautano neitoroba xua tayawenaenexa pomonae anthuthutane.

Matautano neitorobano xua tayawenaenexa pomonae caurimonae itorobatsi nawita xua barapomonae pepanenebiyaenexa.

Matautano neitorobano xua tane tacana exanaenexa pomonae peitata nacutsi jiwi.

Matautano neitorobano xua tayawenaenexa pomonae xua bichocono taayapubetsi xua pejinompaewa tsane xua barapomonae jopa pexeinae dubenanaebiyaenexa tsane barapo coyenein.

¹⁹ Matautano neitorobano xua jiwi tatsipaebinexa po coyene xua Nacom nacui wnaeta xua jiwi peyawenaewa tsainchi

pomonae ichichipa xua Nacom pejume taewatsi”,
 jei Isaías pejume diwesitha, jei Jesús xua yoroba.

²⁰ Poxonae Jesús barapo diboro acataraba, bapoxonae cata pontha pon jiwi peyawenequeibin judiomonaе pia penacaetutsi botha tatsi. Bapoxonae Jesús econeca. Daxita pomonaе baxota ena, Jesús necotenatsi xua cui ewatenatsi xua pecueicueijeіwa tsane Jesús. ²¹ Bapoxonae Jesús tamropata pitaba xua paeba, jeye:

—Anoxuae xuaunxuae pajume taneme baxua apara barapo mataqueithe Nacom nayabara jume cui weta painya itatha, jei Jesús.

²² Daxita carepaya jiwi Jesús xanepanaya yabara paebatsi. Daxita barapomonaе najantа coyene cabenaeca xua pejume taexae xua po jume barapomonaе petsipaebixaetsi. Barapomonaе nantiya nabarai, jeye:

—Maisa jume xeica bapon, jume wаnaeya paeba. ¿Bara bapon José pexanto tatsi jampa? najei barapomonaе.

²³ Jesús barai barapomonaе, jeye:

—Metha pana netsipaebichipame icha be pocotsi diwesiyo iche xua pecayabara jаta pepaebi diwesiyo xua ba jei: ‘Pon jiwi neyawabin, jinya coutha nayawabare’, xua ba jei. Barichi anoxuae pana nejam tsane: ‘Xua paxan pajume tan xua juinya Capernaum tomaratha exaname, barichinde xote exande jinya tomaratha’, pana nejam tsane, jei Jesús.

²⁴ Awiya cataunxuae Jesús cueicueijeі. Equeicha namchi, jeye:

—Xaniwaicha paca tsipaebatsi pon ba Nacom peitorobi jume pepaebin pia nacuamonaepiwi ba aitafaetabichi. ²⁵ Xaniyan paca baraichi xua caena bayatha poxonae Elías popona pon Nacom peitorobi jume pepaebin, ainyawaxi powaxi pecuenta werapaewaxichi pia seuriwi Israel nacuatha jinompa. Barapo nacuatha cuinaya jopa duneicaeyo acoibi po weiyobe xuano seis po xometiyobethano. Daxita jiwi piyain barapo nacuatha Israel nacuatha.

²⁶ Nacom jopa itorobiyo, Elías jopa itorobichi xua peyawenaenexa tsane caewayo jiwana powaxi pecuenta werapaewaxichi pia seuriwi xua Israel nacuatha. Ichitha saya meisa Nacom itoroba, Elías itorobatsi powatha powa pecuenta tаpaewayotsi piseuri, powa popona Sarepta tomaratha, xua Sidón nacuatha xua barapowayo peyawenaenexatsi. ²⁷ Barichi Israel nacuatha pinmonae jinompa pomonaе peperа sawatsi jiwimonaе, poxonae Eliseo popona pon Nacom peitorobi jume pepaebin. Eliseo jopa jiwana axaibi exanaeyo. Ichitha meisa Eliseo Naamán axaibi exanatsi pon bichocono peperа sawinchi. Bapon Naamán, Siria nacuapin, jei Jesús.

²⁸ Poxonae barapomonaе jume tane pocotsiwa Jesús paeba pomonaе judiomonaе pia penacaetutsi botha ena, bapoxonae barapomonaе Jesús casebatsi. ²⁹ Asiya umenarаcаpa barapomonaе. Jesús tomara peаma beitaweyatsi. Jesús capoinchi pitapatororo itapa beya, po tsututha bomахаn jeba, xua bara wepexorecaenexa tsainchi Jesús. ³⁰ Ichitha Jesús barapomonaе xenta iya, pu seicataba.

*Meje yabara poxonae pebin pon cauri xeina
 (Mr 1.21-28)*

³¹ Nexata Jesús pona Capernaum tomara beya po tomara eca Galilea nacuatha. Baxotiya Jesús cuiduba jiwi po mataqueitha pentaquei seicaе matabitha. ³² Barapomonaе yabara najantа coyene cabenaeca tsipei pocotsiwa bapon barapomonaе cuidubatsi be pon peyaputaеin pia peaya-pusа itorobi jume coyeneya tatsi paeba.

³³ Judiomonae pia penacaetutsi botha tatsi pebin baxota eca, pon cauri xeina. Bapon bichocono wawaya exanatsi cauri. Bapon Jesús baraichi xua namtsebiya wawai, jeye:

³⁴ —¡Jesús Nazaret tomarapim, warapare pata xainya weya! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebicham? Paca yaputainchi yawa paca yaitainchi. Xam apara pon Nacom caitoroba, pon pepa Nentacuiruyapux-anepanaem, jei cauri.

³⁵ Jesús itaweta cauri, jeye:

—¡Moyandel! ¡Bapon wepu ponde! jei Jesús.

Nexata cauri pebin iratha xotsi barapomonae peitutha tatsi. Pebin wepu poinchi cauri, saya jantema. Equeicha jopa ateneyono. ³⁶ Daxita barapomonae yabara najantú coyene cabenaeca, nayainyaba namchi:

—¿Eta po jumera xua bapon paeba? Jamaisa barapo pebin itaweta caurimonae pia peayapusuya itorobi coyenewatha. Matautano barapo caurimonae bara pona.

³⁷ Daxita jiwi paebinouta Capernaum tomara cuariyatha pocotsiwa Jesús exana.

*Meje yabara poxonae Jesús axaibi exana Simón Pedro pamiyo tatsi
(Mt 8.14-15; Mr 1.29-31)*

³⁸ Bapoxonae Jesús judiomonae pia penacaetutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domaebatsi. Barapowa piamonae tatsi Jesús jume daunweya wacatsi xua bapowa axaibi peexanaenexa tsainchi. ³⁹ Jesús imoxoyo caquita uncua pentasipatha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domae aichurucuae. Nainya barapowa nantacotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae
(Mt 8.16-17; Mr 1.32-34)*

⁴⁰ Poxonae tabopiya tsanaicha pomonae piamonae barompaya taatenetsi pomonae xua jopa nayaromae jupaeyo, daxita barapomonae Jesús betacarendenatsi. Jesús ichawa beya jayabapona pecobetha, bapoxonae daxita carepaya axaibi. ⁴¹ Barichi pomonae cauri pexeinaewi Jesús taitaweta barapomonae. Barapo caurimonae wawaya jeye:

—Apara xam Nacom Pexantom, jei.

Bequein caurimonae baxua paeba ichitha Jesús awiya daumetha itaweta caurimonae. Jesús jopa najume copatsiyo xua equeicha pepaebiwa tsane poxoru barapo caurimonae yaputane xua bapon yatsicaewa Mesías pon Nacom itorobica.

*Meje yabara poxonae Jesús cueicueijeji Nacom Pejume Diwesi judiomonae pia penacaetutsi bontha tatsi
(Mr 1.35-39)*

⁴² Poxonae baya juntucuru pentha tsina, Jesús tomara weiya ichaxota jiwaibi bara beya pona. Ichitha jiwi Jesús jeitatsi. Barapoxonae bapomonae pata ichaxota Jesús popona. Barapomonae aichaxaibi xua Jesús pewepu warapaewa barapomonae. ⁴³ Ichitha Jesús namchi, jeye:

—Bewa irú yabara paebin Nacom pia pexeinya jume diwesi tatsi, po diwesi yabara xua Nacom waba jiwi petanaexanaenexatsi piamonae pomonae Nacom jantú coyene itorobiya ewata. Apara baxua netsiyabara itorobica, jei Jesús.

⁴⁴ Daxota Jesús paeba ducuaanaeta Nacom Pejume Diwesi Judea nacuatha xua judiomonae pia penacaetutsi bontha tatsi.

5

*Meje yabara poxonae Jesús piamonae yawena xua duwei yamona
(Mt 4.18-22; Mr 1.16-20)*

¹ Caentacabi Jesús Genesaret pucua itapatha uncu. Pin bicheito pata bichocono nacucunaxuba Jesustha, tsipei barapomonae ichichipa jume tane Nacom Pejume Diwesi tatsi. ² Jesús ainya jerabe tane pucuatha taetabo itapatha, po jera saya naebe. Tsipei duwei peyamonaewi bayatha nacui wetarucupa, matautano poxoru bayatha nonobouna taetabotha. Barapomonae pia peyamonaewan iquicomp. ³ Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonae Jesús eca jeratha. Jesús mene wecuidubecarena jiwi Nacom Pejume Diwesi. ⁴ Poxonae Jesús najume weta, Simón baraichi, jeye:

—Jeratha ponde ichaxota pentatheib. Paxoyama painya neyacamon-
aewa painya necapirenaenexa duwei, jei Jesús.

⁵ Simón, Jesús jume notatsi, jeye:

—Pon jiwi Necuidubim, bequein barapo merawithe payamonompan, pacobesa patan. Yaitama aunxuae neitorobame, methaunxuae xoyaein tayamonaewa, jei Simón.

⁶ Poxonae barapomonae xoya, duwei pin tunto capirena, muxu peucubabi xua peyamonaewa. ⁷ Nexata barapomonae moya pecobetha itacowaeba pomonae penabar yaxunobompaexae, pomonae icha jeratha jinompa itacowaebatsi, penayawenaenexa. Barapomonae pata. Jera ainya naebe wuntabe duwei. Muxu pebunopaebe jerabe. ⁸ Simón pon Jesús icha wun duta, xua Pedro baraichi, bapon tane baxua. Bapoxonae bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abe taexanaein, jei Simón Pedro.

⁹ Poxoru Simón Pedro junuwiya najunt coyene cabenaeca yaitama peyacamonawatha capirena duwei pin tunto. Iru pomonae Simón Pedro pia jeratha petaenaewichi barapomonae iru junuwiya najunt coyene cabenaeca. ¹⁰ Iru Zebedeo pexantobe tatsi, Santiago iru Juan baponbe iru junuwiya najunt coyene cabenaecabe. Baponbe ponbe Simón pebaru yamonaeinbe tatsibe. Ichitha Jesús Simón baraichi, jeichichi:

—Simón, jopa junuwinde, anoxuae caexanaeinchi xua pinmonae yawenaename xua barapomonae pejume cowantsiwa tsane Nacom icha bayatha ichim poxonae yamonaewa duwei nawita, jei Jesús.

¹¹ Nexata poxonae barapo jerabe botounabe, barapoxonae barapomonae baxuan daxita nacui barapenta. Bapoxonae barapomonae Jesús puna poinchi.

*Meje yabara poxonae Jesús axaibi exana pon peper sawinchi
(Mt 8.1-4; Mr 1.40-45)*

¹² Jesús icha tomara siwa pona. Bapoxonae pebin patopa pon peper sawinchi. Poxonae Jesús taebatsi, bapon Jesús peitabaratha tatsi pentabocotha tauncuatsi yawa ira betaeuncuareca. Bapon Jesús jume daunweya wacatsi, jeichichi:

—Pon Necanamataxeinaem jiwi, icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexeiaem, jeichichi Jesús bapon.

¹³ Nexata Jesús, nacobe yota, yawa mata jayaba bapon, pon peperu saw-inchi. Jesús barai, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

Bapoxonae bapon nainya taaichurucaetsi xua peperu sawiwatsi. ¹⁴ Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitatsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua peru wanaem, jei Jesús.

¹⁵ Ichitha daxita jiwi taju beya jume taetaepona pocotsiwa Jesús exana. Pin bicheiton nacaetutapona Jestutha pejume taenexa tsane pocotsiwa Jesús exana. Matautano nacaetutapona xua Jesús peaxaibi exanaenexa barapomonae. ¹⁶ Ichitha Jesús ichaxota jiwaibi bara beya poneiba compa. Baxotiya Paxatha tsipaebeiba.

*Meje yabara poxonae Jesús axaibi exana pon pecuenobinchi
(Mt 9.1-8; Mr 2.1-12)*

¹⁷ Caentacabi Jesús cuidubauya. Iruu baxotiya ena pomonae fariseomonae jiwana tatsi. Iru baxota ena pomonae jiwi pecuidubiwi Moisés pia peitorobi coyenewa tatsi. Barapomonae daxita tsiqui tomaraxi werendena po tomaraxi ena Galilea nacuatha. Iru daxita tsiqui tomaraxi werendena po tomaraxi ena Judea nacuatha, iru ichamonae Jerusalén tomara werendena. Nacom pia peayapusu itorobi coyenewa tatsi Jesús yawenatsi, daxota axaibi exana peatene jiwi. ¹⁸ Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomonae barapocotsiwatha carendenatsi pecuenobinchi. Barapomonae bepa bomuxutha cajojoniyaeyi xua bepa Jesús peitabaratha tabotichei. ¹⁹ Ichitha barapomonae jopa cajojoniyaeyo bomuxutha tsipei pin bicheito boupa quecona. Barapo bo matatupa pereca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe bamacatha barapo pemaiteibiwatha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi. ²⁰ Jesús tane xua barapomonae yabara cui jume cowanta xua Jesús bara peitacupaewatsi xua axaibi peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui jntemainatsiba abe jinya neexanae cuiru coyenein, jei Jesús.

²¹ Nexata pomonae jiwi pecuidubiwi Moisés pia peitorobi coyene, iru fariseomonae, daxita barapomonae caemonae natsipaeba, najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jntemainaya jntu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jntemainaya jntu puxana exanatsi abe pia peexanae cuiru coyenein tatsi”, najei barapomonae.

²² Ichitha Jesús yaputane xua barapomonae caemonae natsipaeba. Jesús barai barapomonae, jeye:

—¿Eta pocotsiwa metha baxua pana natsipaebame? ²³ ¿Eta po jumetha baran tsane pecuenobinchin? ¿Metha jan tsane: ‘Abe jinya neexanae cuiru coyenein cata jüntemainatsi’, jan tsane? Ichacuitha ¿metha jan tsane: ‘Asiya uncuatabare yawa ponare’, jan tsane? ²⁴ Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jüntemainaya jüntu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

²⁵ Bapoxonae pon pecuenobinchi caena nainya nontapona barapomonae peitutha tatsi, yawa pita xua pemaituncuaewa. Pia bo be-iya yawa Nacom wuna jaintatsi poxonae namtotha ecapona. ²⁶ Barapomonae daxita yabara najuntu coyene cabenaeca yawa Nacom wuna jaintatsi. Barapomonae junuwiya namchiya jeye:

—Anoxuae waxainchi tainchi xua pewunaewa pocotsiwa jopa yaputaetsi, jei barapomonae.

*Meje yabara poxonae Leví wabatsi, Jesús waba
(Mt 9.9-13; Mr 2.13-17)*

²⁷ Poxonae baxua Jesús nacui weta, bapoxonae Jesús pontaba. Jesús tane pebin pon pewun Leví. Leví bapon pon paratixi pentoma noteibin po paratixi jiwi bewa catsibina pon romanomonae pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Leví baraichi, jeichichi:

—Nepuna ponde, jei Jesús.

²⁸ Bapoxonae Leví nontapona. Daxita baxua xubota, cuenta pona. Bapoxonae Jesús puna poinchi.

²⁹ Pirapaeyo Leví pin penabanaewa exana pia botha xua Jesús tsiexanatsi. Iru pebiwi pinmonae pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa, barapomonae Jesús baru eca pexaethopeibiwatha, iru ichamonaeno baru enatsi penabaru nabanaenexa tsane. ³⁰ Ichitha fariseomonae iru pomonae jiwi pecuidubiwi Moisés pia peitorobi coyenewa, daxita barapomonae Jesús pijimonae abeya tsipaebatsi xua Jesús yabara. Barapomonae namchi, Jesús pijimonae tatsi baraichi, jeichichi:

—Maisa Jesús abe exana poxoru baru xayeca pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa. Matautano baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapomonae.

³¹ Jesús jume nota barapomonae, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyawubin. Saya jame meisa pomonae ba atene canantawenona pon jiwi peyawubin. ³² Barichinno xan patopan apara tha jopa tawabinexa tsane pomonae pejuntu coyene xanepanae jiwi. Apara tha meisa tawabinexa tsane pomonae peajuntucoyenebe jiwi, xua barapomonae icha juntu coyene pexeinaenexa tsane Nacomtha, jei Jesús.

Meje yabara poxonae Jesús yabara yainyabatsi po coyene xua Nacom peyabara nainbotsiwatsi

(Mt 9.14-17; Mr 2.18-22)

³³ Nexata barapomonaе fariseomonaе iru pomonaе jiwi pecuidubiwi Moisés pia peitorobi coyene, daxita barapomonaе Jesús yainyabatsi, je-ichichi:

—Pomonaе Juan pia pepuna jinompaewichi jopa juniya nainboteibiyo xua jopa juniya tsipaеbeibiyo Nacomtha. Iru pomonaе fariseomonaе barichiru. Ichitha nama jinyamonaе daxua jopa cou daichiyo, saya cou u penabaneibi xuano saya u peapeibi cou, jeichichi Jesús.

³⁴ Jesús jume nota barapomonaе, jeye:

—Paxam jopa bewa paexanaem tsane xua ichamonaе nainbotsina, pomonaе patsiwabame pexaewa xua penabanaenexa xua poxonaе pebin pecotsiwa pita. Poxonaе cataunxuae awiya bapon eca poxonaе jiwi nabane, jopa ba bapoxonaе nainbotsi. ³⁵ Ichitha icha pon aena piowa pita, bapon caena nainya waetabatsi, ichamonaе waetaba xua bapon taju pecapon-aenexatsi, bapoxonaе jame jiwi ba bewa wecoyeya yabara nainbotsi, xua equeicha bapon caewa pepatopaewa tsane, jei Jesús.

³⁶ Matautano Jesús pecayabara juta pepaеbi diwesiyo tsipaеba barapomonaе, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru dorouto, bapoxonaе barapo dorouto abe tsanaya. Tsipei poxonaе barapo dorouto matanaxuba barapo pena paparuwa natsaquetabiya. Poxonaе barapo pena paparuwa natsaquetabiya equeicha wan tsitsipanarena barapo dorouto. Bapoxonaе equeicha pin wan tsanaya beyacaincha xua poxonaе copiya. ³⁷ Matautano jiwi ba pena vino mera jopa eparecaeyo peru bocoto, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyetaponaeyo poxonaе barapo vino mera atsaxa. Barapo pena vino mera naxuba xuano barapo bocotono naxuba poxonaе barapo bocoto tsitsica. ³⁸ Daxota bewa jame pena vino mera eparecae pena bocoto. Bapoxonaе pena vino mera jopa naxubiyo, xuano pena bocoto jopa nacubiyo poxoru boco yeyena xuano poxoru pena bocoto. ³⁹ Pon ba xua peru vino mera apa pirapaeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

6

Meje yabara poxonaе Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi

(Mt 12.1-8; Mr 2.23-28)

¹ Caentacabitha judiomonaе barompaya pia pentaquei seicaе matabitha tatsi Jesús pijimonaе baru iya pabi iyiya. Jesús pijimonaе tatsi xunume-napona trigo xu, bapoxonaе barapomonaе pecobetha xu mata pepeta yawa xu xane. ² Nexata Jesús pijimonaе tatsi tayainyabatsi, fariseomonaе yainyaba, jeye:

—¿Eta pocotsiwa baxua paexaname? Aparu jiwi jopa yabara cui copatsiyo xua ichamonaе penacuichiwa barapo matabithe, xua judiomonaе barompaya pia pentaquei seicaе matabi tatsi, jei barapomonaе.

³ Jesús jume nota barapomonaе, jeye:

—Barapo tajimonaе jopa apara abe exanaeyo. ¿Jopa payabara yorobim pocotsiwa bayatha David exana poxonaе jainpa poxonaе iru pijimonaе

tajainpatsirũ? Bapon David pon caena bayatha Israel nacuamonae itorobiya pia pepa peewatsinchi. ⁴ Bapon David irũ pijimonae tatsi barapomonae Nacom pin pia botha jojoniya. David xane pan, po pan ichamonae cana exana xua Nacomtha pecatsiwatsi. Irũ barapo pan David pijimonae cata xua pexaenexarũ. Barapomonae xane bequein barapo Nacom pia peitorobi coyenewatha copata xua saya meisa sacerdotemonae itacũpatsi xua pexaewa barapo pan.

⁵ Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwi tacoya taitorobiwa pentaquei seicae matakabitha, jei Jesús fariseomon-aetha.

Meje yabara poxonae Jesús cobe wũnae exana pon pecobe mũbinchi
(Mt 12.9-14; Mr 3.1-6)

⁶ Icha matakabitha judiomonae pia pentaquei seicae matakabitha tatsi Jesús joniya judiomonae pia penacaetutsi botha tatsi. Mataũtano tamropata pitaba xua cuiduba barapomonae. Barapo botha eca pon pecoxa weya pecobe mũbinchi. ⁷ Pomonae jiwi pecuidubiwi Moisés pia peitorobi coyene tatsi, irũ fariseomonae baxota ena. Daxita barapomonae Jesús necotenatsi pecui taenexatsi icha bara metha Jesús cobe wũnae exanaena pentaquei seicae mataqueitha pon pecobe mũbinchi. Icha Jesús pon pecobe mũbinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi. ⁸ Ichitha Jesús yaputane pocotsiwa barapomonae nanta xeina. Jesús barai pontha pon pecobe mũbinchi, jeye:

—Nontaponde, uncuare xote, jei Jesús.

Bapon nontapona, asiya uncuua Jesús peitabaratha tatsi. ⁹ Nexata Jesús barai ichamonae, jeye:

—Paca yainyabinchi, ¿eta xua copata pentaquei seicae matakabitha? ¿wũnae jampa? ¿Abe jampa? ¿Eta xua, xua exana jane? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

¹⁰ Nexata Jesús naita muxunene cauncuapona, tane pomonae pematawacaicha enaewichi. Jesús barai pon pecobe mũbinchi, jeye:

—Nacobe doire, jei Jesús.

Bapon nacobe doita. Nainya cobe wũnae tsanaya. ¹¹ Ichitha barapomonae bichocono Jesús casebarũcupatsi. Barapomonae caemonae natsipaeba najei:

—¿Etabe cui yabara ichainchi Jesús? jei barapomonae fariseomonae.

Meje yabara poxonae Jesús itapetsiya waba pia peitorobiwi tatsi pomonae xua doce poyobe

(Mt 10.1-4; Mr 3.13-19)

¹² Barapo matakabintha Jesús pona demxuwatha petsipaebinxaxa Paxa. Baraxotiya Jesús Paxa matowa tsipaeba barapo merawitha. ¹³ Poxonae baya xometo pentha tsina bapoxonae Jesús pijimonae waba. Barapomonae jiwana itapetsiya waba doce poyobe, pomonae baraichi xua jeye: “Jesús pia peitorobi jiwi tatsi”, yabara jeichichi. ¹⁴ Meje barapo doce poyobe pomonae Jesús pia peitorobiwi tatsi. Meje barapomonae: Simón, pon icha wũn “Pedro”, baraichi, irũ ichũn pewũn Andrés, pon Simón peweicho tatsi, irũ ichũn pewũn Santiago, irũ ichũn pewũn Juan, irũ ichũn pewũn Felipe, irũ ichũn pewũn Bartolomé. ¹⁵ Irũ ichũn pewũn Mateo, irũ ichũn pewũn Tomás, irũ ichũn pewũn Santiago, pon Alfeo pexanto tatsi, irũ ichũn pewũn Simón, pon celotemonaepin. ¹⁶ Irũ ichũn pewũn Judas, pon Santiago pexanto tatsi, irũ ichũn pewũn Judas Iscariote, pon Jesús caenaetaxubatsi ichamonaetha xua Jesús pebexubinexatsi.

*Meje yabara poxonae Jesús pin bicheitomonae cuiduba
(Mt 4.23-25)*

¹⁷ Barapo doce poyobe Jesús demxuwa webaru dunareca, peira matafatanaewatha baru patopa. Baxota peira matafatanaewatha pin bicheito Jesús ewatumeinchi. Ichamonae pomonae Jesús pejume cowantsiwichi baxota umena. Iru Jerusalén tomarapiwi pata xua Judea nacuapiwi. Barichi Tiro tomarapiwi, Sidón tomarapiwino pata. Barapo tomarabe mar mene itapatha ecabe. Daxita barapo pin bicheito pata xua Jesús pejume taenexatsi xua cueicueiji xuano xua Jesús pia axaibi exanaetsi peatene jiwi. ¹⁸ Pomonae cauri pexeinaewi barapomonae Jesús taitaweta cauri. ¹⁹ Daxita jiwi ichichipa xua Jesús pejayabiwatsi tsipei Jesús daxita jiwi axaibi exana pia peayapuwatha.

*Meje yabara poxonae Jesús yabara cuiduba pejuntu coyene weiweinaewa,
xuano jopa pejuntu coyene weiweinaewa
(Mt 5.1-12)*

²⁰ Nexata Jesús pijimonae necota. Jesús barai pijimonae, jeye:

“Pajuntu coyene weiweiname bequein anoxuae peacopeibi jiwi pam. Tsipei Nacom pia pejume cowantsiwichi tatsi piamonae tatsi pam, pomonae Nacom juntu coyene itorobiya ewata.

²¹ “Pajuntu coyene weiweiname, bequein bara anoxuae pajainpame, bexa tsane patonsanaename.

“Pajuntu coyene weiweiname, bequein bara anoxuae pawecoyam, bexa tsane bichocono pajuntu coyene weiweinaename.

²² “Pajuntu coyene weiweiname poxonae bequein jiwi paca ita aenae-aenei, bequein paca itaweta bo weya xuano poxonae bequein abeya paca muxutainyaba. Matautano poxonae bequein jiwi paca yabara abe paeba. Barapomonae baxua paca cana exana tamonae jiwi pamxaem xua xan ponxaein Nacom Tananeitapetsin. ²³ Bichocono pajuntu coyene weiweinare barapo matabitha, tsipei peitabocothicha Nacom paca catsibina pia pexeyina peitupanaewan pocotsiwan Nacom paca juntu jeba pia nacuatheicha. Icha barapomonae paca ichi, barapomonae pia pamo susato jiwi tatsi, Nacom pia peitorobi jume pepaebiwi barichichi abeya biatainchi yawa abe exanatsi.

²⁴ “¡Ichitha pai jaibo paxam, anoxuae copei paacabem tsobenaem poxoru methaunxuae equeicha jopa painya neraichiwa tsane!

²⁵ “¡Pai jaibo, paxam pomonae anoxuae patonsanabename tsipei methaunxuae bexa tsane pajainpabenaename!

“¡Pai jaibo, paxam pomonae pajuntu coyene weiweinabename tsipei anoxuae methaunxuae pajuntu coyene wecoyam tsane!

²⁶ “¡Pai jaibo, pomonae jiwi wnae paca jainteibena painya necueicueijeixae po diwesi jopa Nacom Pejume Diwesiyo! ¡Icha barapomonae paca ichi barichi barapomonae pia pamo susato jiwi tatsi, wnae jainta pomonaetha pomonae naerabiya paeba xua pinae barapomonae Nacom pia peitorobi jume pepaebiwi!” jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peitafaetabi jiwichi
(Mt 5.38-48; 7.12)*

²⁷⁻²⁸ Equeicha Jesús namchi, jeye: “Paxamtha pomonae beta pana nejume taneme, barapomonae paca baraichi: Paantobeinde pomonae bequein painya nepaca caaitafaetabi jiwi. Matautano beta pata taexande pomonae paca ita aenae-aenei. Matautano amanaya beta papaebare pomonaetha

pomonae paca yabara abe paeba. Nacomtha patawucare pomonae xua paca biatane. ²⁹ Icha ichun paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. Icha ichun pacata pita peamutiya camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa. ³⁰ Daxita coyenexi pocotsiwa ichamonae paca wuca moya bara pacaichabeibare. Pon pacata pita painyawa jopa equeicha caewa pawucaeiinde. ³¹ Paexande ichamonaetha xua po coyene painya neichichipaewa xua barapomonae beta painya nepacata exanaewa tsane.

³² “Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei apara iru pomonae peajuntucoyenebewi antobe ichamonae pomonae peantobewixaetsi. ³³ Barichi icha saya beta pata exaname pomonae beta pacata exana, Nacom jopa paca cui matomatsiyo tsaneno baxua. Tsipei pomonae peaitabe jiwí barapocotsi coyene iru exana ichamonaetha pomonae peaitabe jiwítha. ³⁴ Barichi icha saya pacatsibame ichamonae xua bexa xuya painya nepaca catsibinexa, Nacom jopa paca cui matomatsiyo tsane baxua. Tsipei pomonae peaitabe jiwí barichi icha peaitabe jiwítha catsiba xua xuya equeicha pecatsibeibinexatsi. ³⁵ Paxam jame bewa paantobem tsane painya nepaca caaitafaetabi jiwí, xuano jame beta bewa paexanaem ichamonaetha. Matautano jame bewa bara pacatsibim ichamonae xua jopa painya neyabara ewateibiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca juntuana jeba pia nacuatheicha. Matautano Nacom paca cana exanaena pia pexanton jiwí tatsi pam, pon peitabocotha eca. Tsipei Nacom pejuntu coyene xanepanaein, daxota yawena barapomonaetha, pomonae bequein xua jopa wecobe noteibiya jacobebiyo xuano xua peaitabe jiwí. ³⁶ Payabara cui nanta xeinare po coyene xua ichamonae painya neyawenaewa. Icha be Nacom ichi xua yabara cui nanta xaina po coyene xua peyawenaenexatsi jiwí, bara paichinde”, jei Jesús.

Meje yabara poxonae Jesús cuiduba xua jiwí jopa bewa yabara paebina ichamonae xua penatsicuentsiwa xua abe peexanaexae (Mt 7.1-5)

³⁷ Equeicha Jesús namchi, jeye: “Jopa ichamonae payabara paebinde xua penatsicuentsiwa xua abe peexanaexae. Nexata bapoxonae Nacom jopa paca yabara paebi tsane painya xua nenatsicuentsiwa xua abe painya exanaexae. Ichamonae jume daunweya jopa pajande: ‘Apara bapon picoya, apara bapon picoya’, jopa pajande. Nexata Nacom jopa paca daichi tsane baxua. Pacui yabara juntemainare po coyene ichamonae pacata abe exana, nexata Nacom paca cui yabara juntemainaena xua abe painya neexanaewa. ³⁸ Ichamonaetha, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xatabacorecaena pecobetha yawa pacata nuncutaxuina. Yawa pacata wunca exanaena. Icha daunweya payabara paebiname xua penatsicuentsiwa ichamonae xua abe peexanaexae, Nacom barichi daunweya paca yabara paebina xua painya nenatsicuentsiwa xua abe painya neexanaexae”, jei Jesús.

³⁹ Jesús tsipaeba barapomonae pecayabara juta pepaebi diwesiyo, jeye: “Pon ba peitata nacutsin jopa itacupaetsi xua pematacaponaewa ichun pon iru peitata nacutsin. Icha bapon baxua exanaetsipabe, baponbe fetotha

joparecaetsipabe. ⁴⁰ Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaenin. Ichitha pon poxonae wetsina xua nacuiduba, bapon be pia pecuidubin cui jupa”, jei Jesús.

⁴¹ Barichi equeicha Jesús paeba caeintha pomonaе pijimonaе tatsi jiwana icha pecayabara juta pepaebi diwesiyo, jeye: “Xam be jinya jiton itata taneme poxonaе naepatiyo itata jopiyatsi, ichitha jopa taem xua iruru xam nama pin naepato neitacueretha ducua. Barapocotsi juta coyeneya ichi, xam ba jinya jiton cui taneme xua poxonaе abe exana, ichitha jopa naya-putaem xua iruru xam bara ichim nama bichocono abe exaname. ⁴² Icha jopa taem pin naepato xua neitacueretha ducua, jopa caitacupaeyo xua nejeiwa jinya jitontha: ‘Tajiton, cata jutinchi naepatiyo xua ducua neitacueretha’, xua nejeiwa. Xam nepaebin xua ichan exana xua baxua neexanaewatha iru. Xam copiya nata jure barapo pin naepato xua neitacueretha ducua. Bapoxonaе beta taename nejutsinexa tsane naepatiyo xua jinya jiton peitacueretha tarucuatsi”, jei Jesús.

Meje yabara poxonaе Jesús yabara cuiduba xua pinae jiwi yaputane nae penacoichixae

(Mt 7.17-20; 12.34-35)

⁴³ Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein camatsa naein jopa bapana nacoichiyo po pethei pexeinya thei. ⁴⁴ Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara juta ichi jiwi yaputane xua pebin pejuntu coyene xanepanaein pon xanepanaya peexanaeinxae. ⁴⁵ Pon ba pejuntu coyene xanepanaein, bapon ba jame ba paeba pocotsiwa pexeinya coyene, pejuntu coyene xanepanaeinxae. Barichi pon ba peajuntucoyenebein bapon ba abe paeba, peajuntucoyenebeinxae. Pocotsiwa jiwi nanta xeina pejuntu coyenetha, baxua ba pecoiboto tsina cueicueijej”, jei Jesús.

Meje yabara poxonaе Jesús ainya bomuxube yabara paeba

(Mt 7.24-27)

⁴⁶ Equeicha Jesús namchi, jeye: “Paxam pana neyabara jam: ‘Patatanecanamataxeinaem’, pajam, daichitha jopa paexanaem pocotsiwa paca itorobatsi. ⁴⁷ Incane yabara paca tsipaebinchi pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa. ⁴⁸ Bapon barapocotsi juta coyeneya nacana exana icha be ichi pon bo acabanota peira matatsucaewatha xua ichaxota ira daunwei. Meje jeye: Copiya muthun taju exanareca pecuaranobinexa bomuxu naeton. Poxonaе mene matacaewaxuba, barapo bomuxu jopa joparenaeyo poxoru naeton taju umenareca xuano poxoru bomuxu uncua pematatsucaewatha ichaxota ira daunwei. ⁴⁹ Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa taju umenarecaeyo. Poxonaе mene matacaewaxuba, barapo bomuxu joparena poxoru naeton jopa taju umenarecaeyo, xuano poxoru bomuxu uncua ichaxota ira matafatsana. Barapo bomuxu nainya joparena. ¡Maisa bomuxu bichocono abe!” jei Jesús.

7

Meje yabara poxonae Jesús axaibi exana pon soldadomonaе romanomonaе pia pentacaponaein tatsi tanacuitatsi (Mt 8.5-13)

¹ Poxonae Jesús baxuan najume weta xua barapomonaе jume tane, bapoxonaе Capernaum tomara beya pona. ² Baxotiya popona romanomonaе soldadomonaе pia pentacaponaein tatsi, pon xeina pia petanacuiteib-inchixaetsi. Barapon bichocono antobe pia petanacuitinchi. Bapon pon petanacuiteibin bichocono atene, xua awatha petupae. ³ Poxonaе romanomonaе soldadomonaе pia pentacaponaein tatsi Jesús yabara jume tainchi, bapoxonaе itoroba pitiri jiwi judiomonaе jiwanijiwi Jesús beya xua petaaxaibi exanaenexa tsainchi pia petanacuichin tatsi. ⁴ Barapomonaе Jesús imoxoyo caquita poinchi. Barapomonaе Jesús jume daunweya tsipae-batsi, jeichichi:

—Barapo pentacaponaein, pentacui xanepanaein, daxota yawende.

⁵ Poxoru bapon wanacuamonaе wunaе yabara cananta xeineibatsi. Matautano bapon itoroba xua acaba pata penacaetutsi bo pia paratixitha, jei barapo pitiri jiwi.

⁶ Nexata Jesús baru poinchi barapomonaе. Ichitha poxonaе Jesús muxu pepatopae, romanomonaе soldadomonaе pia pentacaponaein tatsi pia botha tatsi, barapo soldadomonaе pia pepa pentacaponaein tatsi, bapon itoroba pia jiwi xua petacajume jeichinexa tsainchi Jesustha: “Tanecanamataxeinaein, xan saya tacui pawin. Auran xua xam nepatopaewa tsane tabohta tsipei xam ainya cuim. ⁷ Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi bapoxonaе bapon axaibi bara tsane pon inta nacuiteiba. ⁸ Xan bichi xeinan tanecanamataxeinaein, pon neitoroba. Barichiru xeinan soldadomonaе pomonaе itorobeiban. Poxonaе ichun itoroban: ‘ponde’, jan, bapon pona. Poxonaе ichun waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomonaе penacajume caitorobixaetsi.

⁹ Poxonaе Jesús baxua jume taeba, jume cui yabara cananthuthu nanta xeinanaya cabenaeca beta pepaebixae romanomonaе soldadomonaе pia pentacaponaein tatsi. Jesús necotaba pomonaе puna poinchi, barai, jeye:

—Xaniyan paca tsipaebatsi Israel nacuatha iru dapocotsin jopa caxinaein yocotsin icha pon iche pon tana necui yabara jume cowantsin xua bara neitacupa xua axaibi taexanaewa jiwi, jei Jesús.

¹⁰ Poxonaе barapomonaе botha caibe nawibiya, barapomonaе taeba ducupa xua axaibiya boca romanomonaе soldadomonaе pia pentacaponaein tatsi pia petanacuichin tatsi.

Meje yabara poxonae Jesús petupaein asu exana pexanto tatsi powa pecuenta tupaewayotsi piseuri

¹¹ Poxonaе Jesús baxua nacui weta, bapoxonaе Naín tomara beya pona. Jesús cueyabatsi pijimonaе, iru pin bicheitomonaeno napona. ¹² Poxonaе Jesús muxu pepatopae tomaratha, Jesús tane xua pewowin petupaein cajondenatsi xua pemuthuthu xubinexa tsainchiba, pon pena tsita compa. Barapo pewowin powa pecuenta tupaewayotsi piseuri barapowa pexanto tatsi. Barapowa puna poinchi pin bicheito. ¹³ Bapon Jesús pon Pecanamataxeinaein xae jiwi, barapowa yabara cui nanta xeinatsi. Jesús barai bapowa, jeye:

—Jopa wecoyande, jei Jesús.

¹⁴ Nexata Jesús imoxoyo caquita pona petupaein, yacaja jayabano. Pomonae yacaja capona yacaja caumenarucupa. Jesús barai petupaein, jeye: —Pewowin catsipaebatsi, nontaponde, jei Jesús.

¹⁵ Nexata pewowin pon tupa, nantacotecataba, yawa tamropata pitaba xua pecueicueijeewa. Jesús coxiwatha cana cobenata pexanto. ¹⁶ Poxonae pin bicheito taerucupa baxua, barapo pin bicheito bichocono junuwa. Barapoxonae barapo pin bicheito Nacom wuna jaintatsi, barapomonae namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimonae pomonae pia pejume cowantsiwichi, jei barapomonae.

¹⁷ Daxita jiwi jume tane xua Jesús exana Judea nacuatha, iru po nacuan imoxoyo caquita ena Judea nacuatha.

Meje yabara poxonae Juan itoroba pijimonae Jesús beya peyainyabinexa tsainchi Jesús

(Mt 11.2-19)

¹⁸ Juan pijimonae tsipaebatsi daxita baxua xua Jesús exana. Juan waba ainya pebinbe pijimonae jiwana tatsi. ¹⁹ Baponbe Juan itoroba Jesús beya xua najume caruta baponbetha matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichun jampa, xua pawuna ewatsin jampa jei. ²⁰ Bara baponbe ponbe Juan peitorobixaebe, baponbe imoxoyo Jesús caquita uncuatsibe. Baponbe Jesús baraichi:

—Juan pon jiwi Pebautisabin, bapon pana nejume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichun pawuna ewatan jampara?’ jei Juan, jei baponbe.

²¹ Poxonae baponbe patopabe, Jesús axaibi exana peatenewi, iru pomonae pin domae xainchi, yawa taitaweta pomonae cauri xeina. Matautano yawenano xua equeicha tane pomonae jopa necotsiyo. ²² Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tanemebe, matautano xuaunxuae pocotsiwa pana nejume tane-mebeno. Matautano patsipaebarebe xua pomonae peitata nacatsi jiwi equeicha tane, matautano xua pomonae pejayujayujeimonae beta pona equeicha. Matautano xua pomonae peperu sawichimonae equeicha peru wuna, matautano xua pomonae pemuxusipanaewi equeicha muxu nasaba, matauta xua pomonae pewerapaewi equeicha asu. Matautano pomonae xua peacopeibiwi jume tane Nacom pia pexeinya pecapanenebiyae diwesi jume.

²³ Patsipaebare Juan xua xan janje: ‘Juntu coyene weiweinaena pon jopa ainya unthathanyo, pon xaniwaicha neyabara cui jume cowanta’, xua jan, jei Jesús.

²⁴ Nexata ponbe Juan itorobabe ponabe Juan beya. Bapoxonae Jesús tsipaeba jiwitha, xua Juan yabara paebatsi, jeye barapomonaetha: “Ira xuepana susato tsurucuae nacuatha paponame. Poxonae bara beya paponame, ¿eta xua painyatsi? ¿Painya jume taetsi pebin pon ainya unthathato cui xeina icha be naepanaewa ichi xua saya joibo ba jubabiya caya tsaibi? Jume apara. ²⁵ Bara paichim paponame, ¿painya nejume taenexa pebin, pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae jinompa pexeinya bontha pomonae jiwi itorobiya pia pepa peewatsiwixaetsi. ²⁶ Jume. Jopa baxua patsiponaem xua jopa painya jume taenexa pebin pon ainya

unthathato cui xeina, matautano xua jopa painya jume taenexa pebin pon peitupanae paparuwa nama xatata. Apará jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichun pon Nacom peitorobi jume pepaebin. ²⁷ Juan bapon apara, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon juntu cui wunaetsina jiwi, xua daxita jiwi najuntu cui wunaetsina xam nexa, xua necantenta weyataeya wabinexa poxonae patopaename’, nejei Nacom Pejume Diwesitha.

²⁸ Paca tsipaebatsi, xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonaе jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonaе anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonaе jopa ainya cui jiwi.

²⁹ “Daxita barapomonaе baxua jume taerucupa. Iruru jume taerucupa pomonaе paratixi pentoma noteibiwi romanomonaе pia pepa peyanacua ewatsinchi nexa, pomonaе bayatha Juan bautisaba. Daxita barapomonaе nanta xeinarucupa xua Nacom bara pepa pentacui xanepanaein. ³⁰ Ichitha fariseomonaе iru pomonaе jiwi pecuidubiwi Moisés pia peitorobi coyene tatsi, barapomonaе jume itaweta, Nacom jume itawetatsi pocotsiwa xua Nacom beexanaena barapomonaе nexa. Matautano barapomonaе cui itaweta, Juan cui itawetatsi xua pia pebautisabi coyenewa.

³¹ “Jiwi pia Pecanamataxeinaeinchi tatsi, bapon Jesús namchi, jeye: ¿Eta pocotsimonaе cui jupatsi barapomonaе pomonaе xote jinompe pomonaе Nacom jume itawetatsi? ¿Etabe jata ichi barapomonaе? ³² Barapomonaе be pexui, pocotsixi panatha nabaru jinompa. Nabaru wawai tsurubenanaebiya. Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonaе ichun tatupatsi, ichitha jopa pana itanuwe jume notsim xua painya newecoyeinexaru’, jei barapoxi. ³³ Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: ‘Apara Juan puna popoinchi cauri’, pajam. ³⁴ Bapoxonaе xan, ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame, pajam: ‘Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanae jiwi pia jiton tatsi, iru pomonaе paratixi pentoma noteibiwi barapomonaе pia jiton tatsi’, pana neyabara jam. ³⁵ Nacom piamonaе tatsi barapomonaе tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonaе exana baxua Nacom tsita pexeinya coyenetsi”, jei Jesús.

Meje yabara poxonaе Jesús siwa pona Simón fariseomonaepin pia bo beya tatsi

³⁶ Caein fariseomonaepin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penana-banaenexa tsane. ³⁷ Nexata petsiriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nanabanae-icha fariseomonaepin jiwanapintha. Barapowa alabastro ibo w_hn bosib_h atsato capatopa Jesustha xua petuxuei nasiwa xua bichocono w_hnc_ha. ³⁸ Barapowa Jesús imoxoyo caquita wecoyei tsuncuaetsi yawa peitacuere mentha Jesús taxu atatsica exanatsi. Bapoxonae barapowa pia pentanatha baxota Jesús taxu tsewa exanatsi. Barapowa Jesús taxu tsutsubatsi poxoru Jesús Pecana-mataxeinaein jiwi. Bapoxonae barapowa Jesús taxu eatabatsi petuxuei nasiwatha. ³⁹ Poxonae fariseomonaepin pon Jesús pewabixaetsi petaxaenexa tsane pia botha, poxonae bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepae-bin tsipae metha yaputaetsipa xua powa jayabatsi apara powa pesi cui weiweinaewa, matautano xua bapowa powa peatsacaewa. Ichitha bapon xaniwaicha jopa daponyo pon Nacom itoroba”, jei barapon pon fariseomonaepin. ⁴⁰ Nexata Jesús barai fariseomonaepin jiwana jiton, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

⁴¹ Jesús barai, jeye:

—Pebinbe nacueyatabe nacowaetabe paratixi ich_hntha. Ich_hn jopa cataunxuae xuya catsiyo quinientos po paratiximonaebe po paratixi quinientos po matacabibe nexa poxonae nacuita. Ich_hn jopa cataunxuae xuya catsiyo cincuenta po paratiximonaebe pontha pon penacowaetsixaetsi.

⁴² Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaebe, daxota pon penacowaetsixaetsi paratixi, bapon namchi, jeye: ‘Metha basaya paca cui yabara j_hntemainatsibe’, jei. Incane netsipaebare Simón xua baponbe, ¿jintam yatsicaewa antobetsira xua beyacaincha ich_hn antobetsi xua antobe pon nacowaetatsi paratixi? jei Jesús.

⁴³ Simón jume nota, Jesús jume notatsi, jeye:

—B_h, metha moya pon bichocono cacui yabara j_hntemainatsi bichocono pon penacowaetsixae quinientos po paratiximonaebe, jei Simón.

Jesús barai:

—Bara beta nejume notame, jei Jesús.

⁴⁴ Nexata Jesús necota barapo petsiriwa, bapoxonae Jesús Simón baraichi: Taema pocotsiwa barapo petsiriwa inta exana. Xan patopan jinya botha ichitha jopa meratha netaxu waexubim xua painya cui coyeneyathaxae xua judiomonaepin pamxaem. Nama barapowa peitacuere mentha netaxu atatsica exana yawa pia pentanatha netaxu tsewa exana. ⁴⁵ Xam jopa netsutsubim, ichitha bapowa poxonae caena jonarenan awiya came netaxu tsutsuba.

⁴⁶ Jopa nenta eatabim petuxuei tuxusi nasi mera. Ichitha barapowa petuxuei tuxusi nasi mera netaxu eataba. ⁴⁷ Daxota catsipaebatsi xua bapowa matowa nasi cui matacaeta. Daxita baxuan yabara j_hntemainan, daxota bichocono neantobe. Ichitha nama pon be conotha nasi cui matacaeta, be conotha yabara cui j_hntemainan. Bapon be conotha neantobe, jei Jesús.

⁴⁸ Equeicha Jesús namchi bapowatha. Petsiriwa baraichi, jei:

—Cacui yabara j_hntemainaya j_hnt_h puxana exanatsiba abe jinya neexanae cuiru coyenewan, jei Jesús.

⁴⁹ Pomonae Jesús pebaru nabanaexaetsi, barapomonae nabarai, jeye:

—Bapon, ¿jintamda, jamaisa bapowa cacui yabara jantemainaya juntu puxana exanatsi abe pia peexanae cuiru coyenewan tatsi? jei barapomonae pomonae baxota naena.

⁵⁰ Jesús barai petsiriwa, jeye:

—Bayatha necacapanepaewa caexainchi tsipei yabara tana nejume cowantsixaem. Saya jantemiya poponde, jei Jesús.

8

Meje yabara yabuxi powaxi Jesús yanabatsi

¹ Bapoxonae pirapae Jesús daxita tomarantha pona ducuaeta, tsica tomaraxithano po tomarantha pin tomaranthano. Matautano paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Jesús yanabatsi pia peitorobiwi tatsi pomonae doce poyobe.

² Barichi Jesús yanabatsi petsiriwaxi, powaxi Jesús bayatha taitaweta cauri xuano axaibi exanano xua domae xainchi. Barapowaxi jiwana caewayo pewun María Magdalena, tsipei pia tomara tatsi pewun Magdala. Barapowa María powa bayatha taitawetatsi siete poyobe cauri. ³ Bichiru petsiriwa, powa pewun Juana, bapowa napon. Bapowa Juana, Cuza piowa tatsi. Bapon Cuza pon Herodes pia bo tatsi tayapucaeatsi. Iru ichowa pewun Susana, bapowa napon. Iru ichowaxi ainya yabuxiru napon. Daxita barapowaxi Jesús upain exaneibatsi xua xoxi barapowaxi pexeinaexae.

Meje yabara poxonae Jesús cuiduba jiwi pecayabara juta pepaebi diwesiyo xua pon peubin yabara

(Mt 13.1-9; Mr 4.1-9)

⁴ Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara juta pepaebi diwesiyo. ⁵ Jesús barai: “Pebin pon peubin pontaba pia ubichi pabitha. Poxonae pon peubin ubauya, icha xu namtotha othopeica, pexu jiwi taxunaunaba, yawa pepupunaewi xu xane. ⁶ Icha xu, xu othopeica ibowantha. Poxonae barapo xu xuwa, barapo xu, xu yunna poxoru jopa tajru xuwarecaeyo poxoru ibotixi nacucuna yawa poxoru ira tsewa. ⁷ Icha xu, xu othopeica ichaxota pesoivan xuwinaena. Barapo xu yaboto nanta capanaba poxoru yawa muxuna xuwina pesoivan. ⁸ Icha xu, xu othopeica ichaxota ira wunae. Poxonae barapo xu, xu xuwa, xu nawunaeta. Cae xuto nacoita cien po xu matabuxuyobe”, jei Jesús.

Poxonae Jesús baxua paeba, bapoxonae jume daunweya namchi: “Icha pamuxu dubename, moya pana nejume naitaeware pocotsiwa tapaca tsi-paebiwatsi”, jei Jesús.

Meje yabara poxonae Jesús namchi xua exua metha pecayabara juta pepaebi diwesiyo yabara, jane jei

(Mt 13.10-17; Mr 4.10-12)

⁹ Nexata Jesús yainyabatsi pijimona, barapomona namchi, jeye: “¿Eta pocotsiwa yabara caunutame poxonae pana netsipaebame barapo pecayabara juta pepaebi diwesiyo?” jei bapomona. ¹⁰ Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apara xua Nacom exana xua paca cana exana xua painya nepaca itacupaewa xua painya nenaexanaewa Nacom piamona tatsi pam, pomona pamxaem Nacom itorobiya paca ewata. Ichitha jame ichamona meisa pomona jopa nejume cowantsiyo jopa daichichi Nacom

jopa copatsiyo xua barapomonaē peyabara yaputaewa baxua. Daxota barapomonaē cuiduban pecayabara j̄ta pepaēbi diwesiŋtha xua Nacom peyabara yaputaenexatsi. Baxua paēban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

Meje yabara poxonaē Jesús pijimonaē muxu yaputane exana po diwesi xua pecayabara j̄ta pepaēbi diwesiyo pon pebin yabara (Mt 13.18-23; Mr 4.13-20)

¹¹ Equeicha Jesús namchi: “Meje apara baxua yabara caunutan poxonaē paēban pecayabara j̄ta pepaēbi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonaē pebin j̄nt̄u coyene webocatsi pebin w̄naeya xanepanaya cana exanatsi. ¹² Po xuton xua namto beothopiya, aichurubenaē. Barapo xuton yabara caunuta xua jiwi bara j̄nt̄u coyene weichichi caurimonaē pia pentacaponaein tatsi. Jiwi j̄nt̄u coyene weajumetsurubenaē exanatsi Nacom Pejume Diwesi xua bayatha po jume jume tane, xua bapoxonaē jopa petajume cow̄antsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena. ¹³ Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano j̄nt̄u coyene weiweinaya Nacom jume cow̄antatsi. Ichitha bara caeto jume cow̄anta poxoru barapomonaē ant̄faetabiya jume jeba Nacom Pejume Diwesi pej̄nt̄u coyeneintha. Matāta cauri j̄nt̄u coyene wemuxu paēba xua abe peexanaenexa tsane. Daxota barapomonaē cayabara j̄nt̄emaina Nacom. ¹⁴ Po xuton xua xu othopa pesoiwantha barapo xuton caunuta xua pomonaē Nacom Pejume Diwesi jume tane ichitha saya barompaya pia j̄nt̄u coyeneyatha jinompa, yawa saya u copei cayabara nanta xeina, yawa saya exana pocotsiwa j̄nt̄u coyene weiweina cana exanatsi. Po coyene pebiwi exana baxuan barapocotsi j̄ta coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi j̄ta coyeneya ichi, barapo jiwi jopa xanepanaya jinompaeyo Nacom nexa. ¹⁵ Po xuton xua xu othopeica peira w̄naewatha, bara nacoita. Barapo xuton yabara caunuta pomonaē jume tane Nacom Pejume Diwesi xuano jume cow̄antano poxoru j̄nt̄u coyene xanepanaya jume tane. Matātano beta exana dubenanaēbiya beya matapainya jiwi cui tane xua barapomonaē j̄nt̄u coyene xanepana Nacom peitabaratha tatsi”, jei Jesús.

Meje yabara poxonaē Jesús pijimonaē tsipaēba pecayabara j̄ta pepaēbi diwesiyo xua pecoicha yabara (Mr 4.21-25)

¹⁶ Equeicha Jesús namchi: “Poxonaē jiton pecoicha coicha exana bapoxonaē jopa coicha matacatsiyo. Matāta jopa coicha exanaeyo cama peupana deca. Jame asiya coicha exanatsi, pecoicha taenexa pomonaē jojoneibarena. ¹⁷ Daxita pocotsiwa xua moya peyaw̄n xeinaewa bexa tsane jiwi yabara yaputaena. Barichi barapo diwesiŋ xua pecayabara j̄ta pepaēbi diwesiŋ xua paēbaponan jiwi itac̄paēinchi xua peyabara yaputaewa tsane.

¹⁸ “Pana nejume naitaeware painya neexanaenexa pocotsiwa paca tsi-paēbatsi. Pon ba be conoŋtha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonaē bapon equeicha bichocono Nacom pejume cow̄antsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene

bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara Jesús pena tatsi iruru peyapin jiwi tatsino
(Mt 12.46-50; Mr 3.31-35)*

¹⁹ Nexata Jesús pena tatsi iruru peyapin jiwi tatsino pata ichaxota Jesús uncua. Ichitha jopa Jesús imoxoyo caquita ponaetsi tsipei bichocono pin bicheito. ²⁰ Ichun Jesús baraichi:

—Ena, iruru neyapin jiwino pesato beya umena. Bepara bequein cataei, jei bapon.

²¹ Jesús namchi barapomonaetha:

—Apara jame be taena tsicotan yawano be tayapin jiwi tsicotan pomonae xua jume tane Nacom Pejume Diwesi xuano xua exana pocotsiwa Nacom itoroba, jei Jesús.

*Meje yabara poxonae Jesús xainya ducuanaya exana joibo, yawa marat-sacano xainya mene ducuanaya exanano
(Mt 8.23-27; Mr 4.35-41)*

²² Caentacabi Jesús baru pona pijimonaetha. Jesús pijimonaetha barai:

—Anthath, poinchi icha muxunene beya, pucua beya, jei Jesús.

Bara ponarucupaba. ²³ Poxonae cataunxuae jeratha yana enapona bapoxonae Jesús maituncuataba. Bapoxonae jemeicha pin joibo naetaba mentha. Matauta bichocono jera mene wanca, muxu pebunarecae. ²⁴ Nexata Jesús yaubaxotsi. Jesús baraichi:

—¡Jesús, Patatanecuidubim, yana bunarecatsi! jei barapomonaetha.

Nexata Jesús nacosataxuba. Jesús itawetaxuba joibo marat-sacano. Daxita caewanaya joibo yawa marat-sacano. ²⁵ Nexata Jesús barai pijimonaetha:

—¿Jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

Barapomonaetha bichocono junuwa yawa najuntu coyene cabenaecarucupa. Barapomonaetha caemonaetha natsipaeba, jeje:

—¿Jintam metha baponda? ¡Jamaisa bapon itaweta joibo yawa marat-sacan xua daxita xainya dubenanaya! najei barapomonaetha.

*Meje yabara xua pebin yabara pon caurimonaetha pexeinaein pon Gerasa nacupin
(Mt 8.28-34; Mr 5.1-20)*

²⁶ Pirapaeyo jebouna Gerasa nacua itapatha, po itapa eca Galilea nacua icha itapa panawa beya. ²⁷ Poxonae Jesús muxu penontounaetha jeratha, pebin pon copiya tomarapin pon equeicha aisowapin naexana, bapon patopa. Jesús caquita uncuatabatsi. Caena bayatha bapon puna jinompatsi caurimonaetha. Paparuwa jopa yawa poponaeyo, matautano botha jopa poponaeyo, saya ibo wountha poponeiba. ²⁸ Poxonae Jesús tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocototha eca. ¿Eta pocotsiwa metha patopame taxantha? ¡Jume daunweya cabaraichi jopa neperaxa exanaeinde! jei.

²⁹ Daxota bapon baxua paeba yaitama Jesús taitaweta cauri xua peponaenaxa bapon pia xainya weya tatsi. Bapon matowa teiqueibatsi cauri. Bayatha bequein jiwi taxu cubeiba yawa pemaxano penaintohta xua bapon xua jopa peponaenaxa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri. ³⁰ Jesús yainyaba:

—¿Eta po wam? jei Jesús.

Bapon jume nota exanatsi Jesustha. Bapon namchi, jeye:

—Taw_hn ayei, jei.

Baxua namchi tsipei bayatha cauri bicheito cunto pata bapontha. ³¹ Equeicha barapo pebin cueicueijejei exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jiwi atene tsaibi”, jei bapon xua cueicueijejei exanatsi cauri. ³² Pin marrano duweimonae pitapatororotha jinompa xua yawa xayompano. Caurimonae Jesús jume daunweya w_hcatsi, jeye: “Pana nepu copabare marrano duweimonaetha”, jei. Jesús namchi: “Moya pataema”, jei. ³³ Nexata caurimonae pebin wepu ponatsi, yawa marrano duweimonaetha pata. Barapo marrano duweimonae d_uc_upa, pin pitapatororo othopareca. Pucuatha bunothopa. Caurimonae cabunothopatsi.

³⁴ Pomonae yapu eena barapo marrano duweimonae junuwiya cuinaenouta tomarantha xuano tomaran aisowapiwi, xua pepaebinexa xua baxua exana. ³⁵ Jiwi poxonae baxua tane, pata baxota ichaxota Jesús uncu. Tainchi pon wepu poinchi caurimonae. Bapon Jesús petaxu deca taecatsi, xuano paparuwa nama xatateca. Axaibiya eca, be pocotsin jopa matsiyaibichi. Barapo jiwi junuwa nawita. ³⁶ Pomonae copiya tane, barapomonae equeicha tsipaeba ichamonaetha pomonaetha pomonae jopa taeyo po coyene xua bapon equeicha jume xua copiya bequein caurimonae pexeinaewa. ³⁷ Poxonae daxita barapo Gerasa nacuapiwi jume tane baxua, daxita barapomonae Jesús itawetatsi xua pewarapaenexa bara weya xua Gerasa nacua weya, poxoru barapomonae junuwa bichocono. Daxota Jesús jeratha nontabiya bara warapano. ³⁸ Pebin, pon wepu poinchi caurimonae, Jesús w_hcatsi xua bepara puna ponaetsei Jesús. Ichitha Jesús jopa copatsiyo xua pepuna ponaewa tsainchi bapon.

³⁹—Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

Meje yabara xua poxonae Jairo pexantiyo taaxaibi exanatsi; yawa yabara xua bapoxonae ir_u icha yab_uyo axaibi exanatsi poxonae Jesús pia paparuwa tajayabatsir_u

(Mt 9.18-26; Mr 5.21-43)

⁴⁰ Poxonae Jesús caibe patoparena Galilea nacua berena, jiwi Jesús matenta weiweinaya wabatsi, tsipei daxita barapomonae Jesús ewatatsi. ⁴¹ Nexata pebin patopa pon pew_hn Jairo. Bapon Jairo pon canamataxeina judiomonae pia penacaetutsi bo tatsi. Jesús petaxutha irabe tatayecarecatsi. Baxua Jairo exana poxoru Jesús pon ainya cui peexanaeinchi. Bapon Jairo Jesús jume daunweya wabatsi, jeye: “Antho tabothena ponare”, jei Jairo. ⁴² Bapon baxua paeba tsipei Jairo pexantiyo saya compa tatsi. Barapowayo doce po weibe xeina. Bapowayo muxu pet_upa.

Poxonae Jesús iya ir_u pin bicheito napon. Bichocono jiwi ac_uca. ⁴³ Barapo pin bicheithothena yab_uyo ir_u napon. Bapowa caena bayatha beya yadoce po weiyobe jopa xua pentab_u janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomonae jiwi peyaw_ubiwi cobe caewita daichitha jopa axaibi exanaetsi. ⁴⁴ Bapoxonae barapowa imoxoyo caquita uncuataba Jesús peputha tatsi. Barapowa Jesús pia paparuwa tatsi tajayabatsi xua peopirawa. Bapoxonae caena nainya bapowa ajaneibi tsanareca. ⁴⁵ Nexata Jesús yainyaba barapo pin bicheithothena, jeye:

—¿Jintam nejayabara? jei.

Daxita barapomonaе paeба xua pinae jopa jayabichiba. Daxota Pedro barai:

—Patatanecuidubim, barapo pin bicheito асҥсҥ canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

⁴⁶ Ichitha Jesús jume nota:

—Ichҥн nejayaba tsipei таауаpusҥwa newepu jiwana aichurucuae xua axaibi exanan, jei Jesús.

⁴⁷ Petsiriwa yaputane xua cobe yaputainchi xua Jesús cobe yaputane poxonaе bapowa jayaba. Barapowa junuwiya patopa yawa pentabocototha uncuа ira betaеuncuarecano Jesús petaxutha tatsi. Baxua exana bapowa poxoru Jesús аinya cui peexanaeinchi. Nexata barapowa namchi barapo bicheito peitabaratha, jeye:

—Apara xan jayaban. Poxonaе jayaban caena nainya axaibin, jei.

⁴⁸ Nexata Jesús barai, bapowa baraichi, jeye:

—Yabҥyo caaxaibi exanatsi tana neyabara jume cowҥntsixaem xua bara tana neitacҥpaewa xua tacaaxaibi exanaewatsi. Saya jҥntemiya poponde, jei Jesús.

⁴⁹ Poxonaе cataunxuae Jesús tsipaebaуа bapowatha, pebin patoparu pon Jairo pia bo tatsi weya pona. Bapon tsipaeba pontha pon pecanamataxeinaeinxae judiomonaе pia penacetutsi botha tatsi pon Jairo. Jairo baraichi, jeichichi:

—Nexantiyo bayatha cata тҥpa. Jopa came fayacotsinde pon jiwi Pecuidubin, jeichichi Jairo bapon.

⁵⁰ Ichitha poxonaе Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cowҥnde. Nexantiyo cata axaibi tsane, jei Jesús.

⁵¹ Poxonaе botha pata, Jesús jopa juntucuru bebarҥ joniyaeyo ichamonaе. Saya meisa Pedro irҥ Santiago irҥ Juan irҥ powayo тҥpa paxa tatsi, bapon Jairo yawa pena tatsi, Jesús barҥ joniya barapomonaе. ⁵² Daxita barapomonaе yabҥyo siwa wawaya wecoyeichi. Ichitha Jesús barai barapomonaе, jeye:

—Jopa pawecoyande, yabҥyo apara jopa тҥpaeyo, maituncua apara, jei Jesús.

⁵³ Ichitha Jesús jume caponatsi barapomonaе. Tsipei barapomonaе yaputane xua yatsicaewa apara тҥpa barapowayo. ⁵⁴ Nexata Jesús jume daunweya cobe pichiya barai, jeye:

—¡Ja, owaе asiya uncuatabare! jei Jesús.

⁵⁵ Barapowayo equeicha petҥpaewa nacosataxuba, caena nainya asiya uncuataba. Jesús itoroba barapomonaе xua barapowayo peapatsinexatsi pexaewa. ⁵⁶ Barapowayo paxa tatsi irҥ pena tatsi najҥntҥ coyene cabenaecaeya tanebe. Jesús barapomonaе tsipaeba xua jopa cui yopichi tsainchi ichamonaetha xua po coyene bapon peexanaexae.

9

Meje yabara poxonaе Jesús pijimonaе itoroba xua barapomonaе peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonaе tatsi

(Mt 10.5-15; Mr 6.7-13)

¹ Jesús pijimonaе caetuta pomonaе xua doce poyobe. Yawa pijimonaе cata pia peayapusawa. Matautano catano peitorobi coyenewa xua barapomonaе peitaweteibinexa tsane cauri xuano xua peaxaibi exanaenexa tsaibi tsane jiwi pomonaе atene. ² Jesús itoroba barapomonaе xua barapomonaе peyabara cueicueijeinexa tsane jiwitha xua po coyene Nacom waba jiwi xua petanaexanaenexatsi pijimonaе pomonaе itoroba peewatsixae. Matautano itoroba xua barapomonaе peaxaibi exanaenexa tsane jiwi pomonaе atene. ³ Jesús barai pijimonaе:

—Jopa pacaponaеinde ichawa xua painya necawarapaenexa. Matautano jopa iwabi pacaponaеinde, yawa jopa cote pacaponaеinde. Matautano jopa pacaponaеinde pexaewa, yawa jopa pacaponaеinde paratixi. Saya cae camisa panama xatabare, jopa icha camisan pacaponaеinde. ⁴ Botha po botha papatsiname, bara po botha painya nepu enaeinde bapoxonaе barapo botha painya nepu warapaeinde. ⁵ Pomonaе xua ichaxota jopa paca matenta weyataya wabiyo barapo tomara weya pawarapare. Pana taxu wenunababare tsorobon po tsorobon painya taxutha dubena. Baxua paexande xua barapomonaе peyaputaenexa xua abe exana paxamtha, jei Jesús.

⁶ Bara barapomonaе ponarucupa. Matautano barapomonaе pona daxita carepaya peya tomaraxitha. Matautano papaeba tsiniya Nacom pia pecaпанenebiyae diwesi jume tatsi. Yawa axaibi exana tsiniyano jiwi pomonaе atene.

Meje yabara poxonaе Herodes Juan yabara jume unthuthu deideijeichi pebexubixaetsi bayatha

(Mt 14.1-12; Mr 6.14-29)

⁷ Bapoxonaе Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonaе catsawa Jesús yabara namchichi: “Apara bapon Juan, pon bequein bayatha tupa, equeicha asu juina”, jei. ⁸ Iru ichamonaе namchi: “Bapon apara Elías, pon tsita naituta jiwitha”, jei. Iru ichamonaе namchi: “Apara pomonaе bayatha Nacom peitorobi jume pepaеbiwi, barapomonaе jiwana, bapon apara, pon petupaein equeicha juina”, jei barapomonaе. ⁹ Ichitha Herodes namchi:

—Bara bayatha ichamonaе cobe itorobacoumba xua Juan pewisi ucuibiwatsi. ¿Jintam metha bapon xua yabara jume tan nawita xua pinaе peitupanaewan exana? jei.

Herodes bichocono beyaitaena, Jesús beyaitaeinchi pon wunaе peexanaein.

Meje yabara poxonaе Jesús apata pexaewa cinco mil pebiwi

(Mt 14.13-21; Mr 6.30-44; Jn 6.1-14)

¹⁰ Poxonaе pata pomonaе Jesús itoroba, barapomonaе Jesús tsipaebatsi pocotsiwa xua barapomonaе exana. Jesús tsana baru jopa barapo pijimonaе tatsi xua pin bicheito weya. Ichaxota jiwi aibi, Jesús bara beya baru pona pijimonaе, Betsaida tomara pecuariya beya baru pona. ¹¹ Ichitha poxonaе barapo bicheito yaputane xua xota Jesús ponaena, barapo bicheito iru Jesús puna poinchi. Jesús matenta weiweinaya waba barapo pin bicheito. Matautano Jesús yabara tsipaeba barapo bicheitha po coyene xua Nacom waba jiwi petanaexanaenexatsi pijimonaе pomonaе itorobiya pecana-mataxeinaexae. Matautano Jesús axaibi exana atenemonaе.

¹² Poxonae imoxoyo tabopiya Jesús barompaya pijimonae tatsi pomonae xua doce poyobe, barapoyobe Jesús imoxoyo caquita umenarucupatsi. Jesús baraichichi, jeye:

—Barapo bicheito itorobare pejeichinexa tsane xua ichaxota maichina xuan xua pexaewa pejeichinexa tsane tomaranxitha yawa po bon pipatotha umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonae.

¹³ Ichitha Jesús barai pijimonae:

—Paxam paapare pexaewa, jei Jesús.

Jesús jume notatsi pijimonae:

—Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonae nexa, jei.

¹⁴ Barapo bicheito be cinco mil pebiwi. Nexata Jesús pijimonae barai:

—Pana nantaure xua ichamonae tsana eeniyaena be cincuenta po matabuxuyobe tsiniya, jei.

¹⁵ Bara Jesús pijimonae tatsi exana pocotsiwa xua Jesús paeba. Bapoxonae barapo pin bicheito iratha ena. ¹⁶ Bapoxonae Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa juntu coyene weiweinan xua pexaewa pata tanecatsiwaxaem”, jei Jesús. Poxonae Jesús epa janaquiya nacobe weta, pijimonae caitoroba xua pecatsibaponaenexa tsane barapo bicheitotha. ¹⁷ Bara daxita nabane, yawa bara daxita jain cowantarucupatsi. Bapoxonae Jesús pijimonae tatsi doce po cote matabuxuyobe wunba xua bayatha nacopaba pocotsiwa xua bayatha barapo jiwi jopa xaeyo petonsanaexae.

Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei Pedro

(Mt 16.13-19; Mr 8.27-29)

¹⁸ Caentacabitha Jesús Nacom tsipaebawiya, meisa pijimonae baru pona. Bapoxonae Jesús yainyaba pijimonae, jeye:

—¿Eta jiwi neyabara jei po coyene xua xan bapon aparan? jei Jesús.

¹⁹ Barapomonae Jesús jume notatsi, jeye:

—Ichamonae cayabara, jei: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara, jei: ‘Apara bapon Elías, pon equeicha petupaein asu juina’, jei. Iru ichamonae cayabara, jei: ‘Apara bapon jiwana pomonae Nacom peitorobi jume pepaebiwi, pon petupaein equeicha asu juina’, jei, Jesús pijimonae tatsi.

²⁰ Nexata Jesús pijimonae yainyaba, jeye:

—Incane iru paxamdu, ¿eta pana neyabara jumichimdu xua xan eta pondun? jei Jesús.

Pedro jume epa pita:

—Xam apara Mesías, pon Nacom caitorobica, jei Pedro.

Meje yabara poxonae Jesús nayabara diwesi paeba po coyene xua petupaewa tsane

(Mt 16.20-28; Mr 8.30-9.1)

²¹ Jesús pijimonae muxu barai, xua pijimonae jopa peyabara paebinexatsi ichamonaetha baxua. ²² Yawa barai pijimonae po coyene xua bexa ichamonae Jesús cana exanaeinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Matautano pitiri jiwi iruru sacerdotemonae pia pentacaponae tatsi, iruru pomonae jiwi pecuidubiwi Moisés pia peitorobi coyenewa tatsi, daxita

barapomonae neitawetsina. Matautano barapomonae nebexubina. Ichitha equeicha asu poponaein poxonae acoibi po matabiyobe tsuxubi tsane, jei Jesús poxonae nayabara paeba.

²³ Bapoxonae Jesús barai daxita pijimonae, jeye:

—Icha pebin ichichipa xua tajiwiwimonae jiwana pin penaexanaewa tsane bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae daxita matabi pocotsiwa itoroban bequein bara bapon bexotsi ichamonae, tajiwiwimonae jitonxae. ²⁴ Pon naantobeya nata exana pocotsiwa bapon ichichipa, bapon jopa xeinaeyo peajuntayarusawa, po peajuntayarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntayarusawa, po peajuntayarusawa ataya tsiteca xua Nacom pia nacua beicha. ²⁵ Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntayarusawa, po peajuntayarusawa ataya tsiteca, bapoxonae bapon jopa itacupaetsi xua penajunta coyene capanepaewa xua jopa peweraweracaewa. ²⁶ Icha ichun neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaein poxonae patopaetsicaein be jiwi pia pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús. ²⁷ Bara xaniwaicha paca tsipaebatsi xua pomonae xote umene abu barapomonae jopa werapae tsane. Barapomonae jiwana copiya matha necotsina xua po coyene Nacom waba jiwi xua petanaexanaenexatsi piamonae pomonae itorobiya peewatsixae, bapoxonae barapomonae wera-paena, jei Jesús.

Meje yabara poxonae Jesús pijimonae peitutha pexeinya itupanae coicha tsanaya naexana

(Mt 17.1-8; Mr 9.2-8)

²⁸ Poxonae ocho po matabibe jopa xua poxonae Jesús barapo diwesi paeba, bapoxonae Jesús pona demxuwawa beicha petsipaebinexa Nacom. Pedro iru Juan iru Santiago barapo matabiyobe baru poinchibe. ²⁹ Poxonae Jesús cataunxuae Nacom tsipaebauya, bapoxonae icha itabara tsanaya. Matauta penama xatatsiwano inyapana tsanaya yawa bichocono daedaena tsanaya. ³⁰ Nexata pebinbe yaitupanae be damacu patopabe. Baponbe, iru Jesús, bapoyobe nabaru cueicueijeibe. Ponbe xua Jesús jemeicha tsita patopatsibe, bapon Moisés iru ichun pewun Elías, ponbe xua caena bayatha naxubabe. ³¹ Baponbe yabara baru cueicueijeibe xua Jesús petupaewa tsane xua peraxa jubinchi ichamonae Jerusalén tomaratha. ³² Bequein Pedrobaru bichocono itamaipana daichitha nacosatumena. Pedrobaru tane xua Jesús yamatawacaicha pexeinya itupanae be damacu tsuncuaetsi. Matautano Pedrobaru tane ponbe Jesús baru uncuwa, Moisés iru Elías. ³³ Moisés iru Elías, poxonae baponbe Jesús weya naetababe, bapoxonae Pedro Jesús baraichichi, jeye:

—Jiwi Necuidubin, maisa wunaewa xua xote pata umenaewa. Pacata acabinchi acoibi po boutobe, cae bouto xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba. ³⁴ Poxonae Pedro cataunxuae baru cueicueijeibe Jesús, bapoxonae daxita pexainya bematawacaicha taruneicatsi tsaquinaebowa. Poxonae barapomonae tsaquinaebowa

tututha nataerucupa bichocono junuwa. ³⁵ Nexata barapomonaе tsaquinae-bowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

³⁶ Poxonae Nacom najume weta, Pedrobaruc necobarucupa xua Jesús beya compa uncua. Pedrobaruc saya moya. Jopa pejumeyo ichamonaetha xua tane.

*Meje yabara poxonae Jesús cauri taitaweta xua pewowin xeina
(Mt 17.14-21; Mr 9.14-29)*

³⁷ Baya poxonae Jesús barapo acoibi poyobe pijimonaеbe dabe baruc dunareca Jesús pin bicheito matenta poinchi. ³⁸ Nexata barapo bicheitha jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin. ³⁹ Taxanto inta waetabatsi cauri, inta papai exanatsi, yawa inta iratha bebaichi. Matauta inta coibo thamthamei exanatsi poxoru matayaibatsi exanatsi. Inta taxanto cui tatainchi jopa bepu sorobabeibichi barapo cauri. ⁴⁰ Bayatha bequein jinyamonae jume daunweya cui itoroban: ‘Painta taxanto taitawere cauri’, jan. Ichitha jopa itacupaetsi xua taxanto inta petaitawetsiwatsi cauri, jei pewowin paxa tatsi.

⁴¹ Jesús barai pin bicheitha, jeye:

—¡Paxam barapomonaе pam pomonaе jopa xapain cataunxuae pana nejume cowantsim! ¡Paxam barapomonaе pam, peajuntucoyenebe jiwi pam! ¿Eta po weibe nantawenonan xua bewa tapaca baruc ecaewa tsainchi xua beya poxonae tapana nejume cowantsiwam tsane? ¿Matautano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—¡Nexanto inta carenande! jei Jesús.

⁴² Poxonae pewowin cataunxuae Jesús itiya poinchi, bapoxonae equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin. Jesús axaibi exana pewowin. Equeicha Jesús caewa cata. Coxian caewa catatsi pexantoxae. ⁴³ Daxita barapo pin bicheito yabara najuntucoyene cabenaeca pocotsiwa pewowin pexeinya coyene taexanatsi Nacom.

*Meje yabara poxonae equeicha Jesús nayabara paeba xua poxonae tupaena
(Mt 17.22-23; Mr 9.30-32)*

Poxonae awiya cataunxuae yabara najuntucoyene cabenaecompa barapo pin bicheito pocotsiwa Jesús exana, bapoxonae Jesús pijimonaе barai:

⁴⁴ —Incane beta pajume taema, yawa jopa pana nejume cayabara juntemainaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

⁴⁵ Ichitha Jesús pijimonaе jopa xapain jume yaputaetsi xua barai. Barapomonaе jopa tacopatichi Nacom xua Jesús pejume yaputaewa tsainchi. Barapomonaе junuwa xua Jesús yabara peyainyabiwa tsainchi xua Jesús yaputane peexanaenexa xuaunxuae paeba.

*Meje yabara poxonae Jesús yabara yainyabatsi pijimonaе po coyene xua pon peainya cui peexanaeinchi
(Mt 18.1-5; Mr 9.33-37)*

⁴⁶ Nexata Jesús pijimonaе tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichan?” jei.

⁴⁷ Jesús yaputane baxua pocotsiwa barapomonae yabara nanta xeina. Nexata Jesús cobe pita pexuyo yawa pexainya cuaranoreca. ⁴⁸ Nexata Jesús barai pijimonae:

—Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei

(Mr 9.38-40)

⁴⁹ Nexata Juan Jesús baraichi, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan tsipei jopa naca puna poponaeyo, jei Juan.

⁵⁰ Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

Meje yabara poxonae Jesús jume itaweta, Santiago iru Juan jume itawetatsibe

⁵¹ Poxonae imoxoyo matabi jopaena, po matabitha Jesús athabe icha tsane, xua Nacom exanaena, bapoxonae Jesús bichocono awiya nantusuba xua peponaewa tsane Jerusalén tomara beya. ⁵² Jesús nawnae jume caitoroba pia jitonbe tatsi. Barapo Jesús pia jitonbe tatsi ponabe Samaria naca beya. Ponabe xua bo tutu pewucaenexa tsanebe po tomara barapo Samaria nacuatha eca xua Jesús peecaenexa. ⁵³ Ichitha barapo tomarapiwi xua Samaria nacuatha jinompa, barapomonae aichaxaibi xua Jesús weinaya pententa wabiwatsi baxota poxoru barapomonae yaputane xua Jesús pona Jerusalén tomara beya. ⁵⁴ Ichitha Santiago iru Juan poxonae baxua tanebe, ponbe bequein tawucabe bo tutu Jesús nexa, baponbe Jesús baraichi, jeye:

—Patatanecanamataxeinaem, ¿xam ichichipame xua paxan isoto pawucaein po isoto xua itaboco wetsica xua petautsinexatsi barapomonae? jei baponbe.

⁵⁵ Nexata Jesús pijimonae napatomeicha necota yawa jume itaweta.

⁵⁶ Nexata equeicha Jesús pijimonae baru pona icha tsiqui tomariyo beya.

Meje yabara poxonae Jesús yabara paeba pomonae ichichipa xua pepuna ponaewatsi

(Mt 8.19-22)

⁵⁷ Poxonae namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin. ⁵⁸ Jesús jume nota, jeye:

—Namomonae ba pia muthun xeina ichaxota pemaitathopeibiwa. Iru peyapupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafinacaecan, jei Jesús.

⁵⁹ Jesús barai ichantha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha matha xubichi copiya xua bapoxonae tacapuna ponaenexatsi, jei.

⁶⁰ Jesús jume nota, jeye:

—Bara copare xua petupaewi mathucaeinchi, pomonae xua be pewera-paewi jopa betanejume cowuntsiwixae, barapomonae mathucaena. Ichitha xam ponare jinya neyabara tsipaebinexa jiwitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae, jei Jesús.

⁶¹ Nexata ichun Jesús baraichi, jeye:

—Tanecanamataxeinaem, ichichipan xua tacapuna ponaewatsi. Ichitha copiya bara necopare xua tana napeyabiwa tsane tamonae, tabopiwi, jei bapon.

⁶² Jesús jume nota:

—Pebinba jopa itacupaetsi xua beta penacuichiwa pabi icha saya nap-atomeicha necobiya nacuita. Barapocotsi jata coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae icha bapon saya cayabara nanta xeina pocotsiwa barapo cae pin nacuathe xeina, jei Jesús.

10

Meje yabara poxonae Jesús pijimonae itoroba setenta y dos poyobe pebiwi

¹ Barapoxonae Jesús pon jiwi Pecanamataxeinaeinxae tatsi, bapon itapeta equeicha icha pijimonae tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena. ² Jesús barai barapomonae poxonae muxu peitorobi, jeye: “Bara xaniyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomonae jota pinmonae aibi. Bara jata ichi barapo cae pin nacuathe. Jiwi pinmonae jinompa pomonae nantawenona pejume taenexa Nacom pia pex-einya jume diwesi tatsi. Daichitha pomonae Nacom Pejume Diwesi cue-icueije tsurubenanaebiya ichamonaetha barapomonae pinmonae aibi saya tsiquimonaeyo. Daxota Nacom pawucare xua pecaitorobinexa tsane icha-monae xua petacamuxu tsipaebinexa tsainchi pia pejume diwesi pomonae barapo cae pin nacuathe pejinompaewi nexa. ³ Paponde ichaxota paca itorobatsi. Paca itorobatsi pia xainya beya pomonae jopa jume cowuntsiyo, pomonae itacupatsi xua abe painya nepaca exanaewa icha oveja ichi xua poxonae pona ichaxota neuthu jinompa xua itacupatsi xua abe peexanaewatsi. ⁴ Jopa pacaponaeinde cote. Yawa paratixi jopa pacaponaeinde. Yawa jopa pacaponaeinde painya nenataxu xatabiwan. Matauta jopa ichamonae namtotha paewatumeyaeinde xua saya painya netsipaebinexa. ⁵ Poxonae bomaxutha pajojoniyaename, barapo bopiwi pajacobare, pajande: ‘Barabu Nacom jantema jinompa paca cana exanaena’, pajande. ⁶ Icha baxota jinompa pomonae jantema jinompa, baxua Nacom taexanaena xua papae-bame. Ichitha icha baxota jinompa pomonae jopa jantema jinompaeyo, baxua Nacom jopa taexanae tsane xua papae-bame. Equeicha caewa pacata parenaena xua baxua papae-bame. ⁷ Barapo botha paenare. Paxeama paapareno pocotsiwa barapomonae paca apata. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde bontha, saya bara po botha paenare. ⁸ Poxonae tomaratha papanenebiyam, icha barapomonae paca matenta

weyataeya waba, moya paxaema pocotsiwa barapomonaē paca apata.
⁹ Axaibi paexande peatene jiwi, pomonaē xua barapo tomaratha ena. Barapomonaē pabarande: ‘Anoxuae Nacom waba jiwi xua petanaexanaenexatsi piamonaē tatsi pomonaē itorobiya peewatsixae’, pajande. ¹⁰⁻¹¹ Ichitha poxonaē icha tomaratha papatsiname icha barapo tomarapiwi jopa paca mantenta weyataeya wabiyo, pajande barapomonaētha: ‘¡Po tsorobon panataxu wenunababan painya tomaratha, apara xua abe paexaname pata xainya berena poxonaē pana nejume itawetame! Payaputaema, anoxuae Nacom waba jiwi petanaexanaenexatsi piamonaē tatsi pomonaē itorobiya peewatsixae ichitha pana nejume itawetame pomonaē Nacom pata tana neitorobiwi panxaein’, pajande. ¹² Xaniyeya paca tsipaebatsi matacabi patopaena. Barapo matacabitha Nacom yabara paebina jiwi xua penatsicuentisiwa xua petsita exanaexaetsi. Barapo matacabitha jopa juniya bichocono atene tsane pomonaē paca jume itaweta. Ichitha nama pomonaē barapo tomaratha jinompa pomonaē paca jume itaweta jopa juniya atene tsane, beyacaincha poxonaē Sodoma tomarapiwi atene”, jei Jesús.

Meje yabara poxonaē Jesús yabara paeba po tomaranpiwi jopa pejume cowantsiwichi
 (Mt 11.20-24)

¹³ Jesús equeicha pijimonaētha namchi, pomonaē setenta y dos poyobe xua ichamonaē yabara paebatsi, jeye: “¡Pai jaibo Corazín tomarapiwi tsobenaē! ¡Iru Betsaida tomarapiwi tsobenaē! Po tsita itatsi coyenewan exanan Corazín tomaratha yawa Betsaida tomaratha ichun jopa bapana exanaeyo barapo tsita itatsi coyenewan Tiro tomaratha yawa Sidón tomaratha. Icha barapo tsita itatsi coyenewan exanaetsipa Tiro tomaratha Sidón tomarathano, barapo tomaranbepiwi icha penanta xeinaē coyenewatha yabara nanta pentsipa Nacomtha. Barapomonaē iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonaē baxua exanaetsipa xua ichamonaē petsita itapeinya xeinaenexa tsainchi xua icha juntu coyenein Nacom petsita xeinaewatsi peauraxae xua abe peexanaexae. ¹⁴ Poxonaē barapo matacabi patopeicaena po matacabitha Nacom yabara paebina daxita jiwi xua petsita natsicuentisixaetsi xua abe petsita exanaexaetsi, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchi. Ichitha nama paxam pomonaē Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. ¹⁵ ¡Incane iru Capernaum tomarapiwi pamdu! ¿Bara pananta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca.

¹⁶ “Pon xua paca jume naitaewata, barapara nejume naitaewataru. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

Meje yabara poxonaē equeicha caibe parenaena Jesús pijimonaē tatsi pomonaē setenta y dos poyobe pebiwi

¹⁷ Barapo setenta y dos poyobe juntu coyene weiweinaya caibe nawibarena, jeye:

—Patatanecanamataxeinaem, caurimonaē pana nejume cowanta xua paitawetan poxonaē paca wun wun taibatsi, jei Jesús pijimonaē tatsi.

¹⁸ Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha yamuxu ichi poxonae uncueica. ¹⁹ Paxam paca catatsi taayapusuwa painya netaxunaunabaponaewa tsane jomon yawa pntonno, xua jopa painya nepaca capepeichinexa. Po peayapusuwa paca catatsi bichocono daunwei, beyacaincha painya nepaca caaitafaetabi jiton, pon cauri pia pentacaponaein pia peayapusuwa tatsi xua xota jiwi abe exanatsi. Jiwi dapomonaе aibi pomonaе abe paca cana exana. ²⁰ Jopa pajuntu coyene weiweinaeinde xua caurimonaе pia paca jume jejeixae xua dycpa poxonae paitawetame, saya jame pajuntu coyene weiweinare xua Nacom painya nepaca wun dubixae pia diborotha itabocotheicha.

Meje yabara poxonae Jesús juntu coyene weiweina exanatsi Nacom pia Pejumope tñaxu tatsi

(Mt 11.25-27; 13.16-17)

²¹ Bara caena bapoxonae Jesús juntu coyene weiweina exanatsi Nacom pia Pejumope tñaxu tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wunaе cajaintatsi tsipei jopa tsita itubim pocotsiwa pexainyei coyenewa xan yabara pomonaetha pomonaе bichocono penacuidubiwi pomonaе be pinyon penatsicotaewi tsipei nanta xeina xua bichocono peyaputaewi daxita. Jame nama tsita itutame barapo pexainyei coyenewa xan yabara pomonaetha pomonaе jopa bichocono penacuidubiwi pomonaе be pexui penatsicotaewi tsipei jopa nanta xeinaeyo xua bichocono peyaputae jiwi daxita. Axa baxua exaname necatsita xanepanaexae baxua”, jei Jesús Paxatha.

²² Equeicha Jesús pijimonaе barai pomonaе xua setenta y dos poyobe, jeye: “Taxa daxita necata xua pia peitorobi coyenewa tatsi matautano xua pia peyaputae coyenewan tatsi. Dapon aibi pon xaniwaicha nejuntu cui coyene yaputane. Jame saya meisa Taxa Nacom, nejuntu cui coyene yaputane. Dapon ajibi pon Taxa juntu cui coyene yaputainchi ichan, saya meisa Taxaxae juntu cui coyene yaputan. Matauta barichi Taxa meisa juntu coyene yaputainchi pon saya bara copatan xua bara Taxa pejuntu cui coyene yaputaewa tsainchi pomonaе ichichipan”, jei Jesús.

²³ Nexata Jesús pijimonaе napatomeicha necota pomonaе xua doce poyobe. Meisa barapomonaebetha barai, jeye: “Juntu coyene weiweina pomonaе xua tane, pocotsiwan xua pataneme. ²⁴ Poxoru paca tsipaebatsi, xua Nacom pia peitorobi jume pepaebi jiwimonaе iru nacuan peewatsiwimonaе, pomonaе bayatha napenta barapomonaе bequein betaena pocotsiwa pataneme ichitha jopa taeyo. Matauta barapomonaе bequein bejume taena pocotsiwa pajume taneme ichitha jopa jume taeyo”, jei Jesús.

Meje yabara poxonae Jesús yabara paeba Samaria nacuapin, pon wunaе exana

²⁵ Nexata iruru pon jiwi pecuidubin Moisés pia peitorobi coyene tatsi, barapon Jesús piraichi juntu coyene jajutsiya yainyabatsi xua barapon pejume barabotsinexatsi. Barapon Jesús jeichichi:

—Ja Tanecuidubim, ¿eta xua copiya matha exanocuaein xua ajuntuyapusaya tapoponaewa tsane xua ataya tsane? jei.

²⁶ Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara yorobame barapo diwesitha? jei Jesús.

²⁷ Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaein, bapon Nacom, daxita xua nejuntũ coyene wetsina, mataũtano xua daxita jinya nepoponae coyenewatha, mataũtano xua nanta xeiname, daxita xua nenanta xeinaewatha nentasipatha, mataũtano daxita xua nedaunwei coyenewatham, mataũtano antobeinde necatsicuarabũ ecaein icha ichim xua naantobem jinya coutha, jei pon jiwi pecuidubin Moisés pia peitorobi coyene.

²⁸ Nexata Jesús jume nota, jeye:

—Bara beta nejume notame. Icha baraxua exanaename peajuntũyapusuwa xeinaename po peajuntũyapusuwa xua ataya tsiteca, jei Jesús.

²⁹ Ichitha pon jiwi pecuidubin Moisés pia peitorobi coyene tatsi, barapon awiya nanta xeina nawita, pia jiwi nanta xeinaetsi xua bapon xeina pexinya peyainyabiwa. Bapon Jesús yainyabatsi, jeye:

—¿Jintam barũ pomonae tanetsicuarabũ enaewi? jei.

³⁰ Nexata Jesús jume nota, jeye:

—Irũrũ pebin Jericó tomara bereca pona, Jerusalén tomara namtotha weya pona. Poxonae awiya namtotha ecapona jemeicha waetabatsi pomonae jiwi pecaibiwi. Barapon daxita wecobe notatsi xua pocotsiwa xeina, yawa butsi. Barapomonae aichurubena, tsica cuiyotha copatabatsi. ³¹ Bapoxonae irũ sacerdotemonaepin barapo namto ecapona. Poxonae barapon yasusũinya taebotatsi sacerdotemonaepin tajũ matawacaicha toquetaba. ³² Irũ levimon-aepin baxoyo ecapona, bapon irũ tajũ matawacaicha toquetaba poxonae yasusũinya taebota. ³³ Ichitha Samaria nacuapin baxoyo irũ ecapona poxonae yasusũinya taebota, yabara najuntũ coyene xeinanareca peyawenaenexa. ³⁴ Nexata Samaria nacuapin imoxoyo caquita uncuataba pon yasusũinya boca. Bapon wan yawũbecapona penasiwatha vino merathano. Bapoxonae paparuwatha wan yarabecapona. Bapoxonae burrotha cuaretsica piyũntha. Bomũxũ beya capona ichaxota jiwi maiteibathopa. Baxota xanepanaeya bota. ³⁵ Bapoxonae baya poxonae juntucuru Samaria nacuapin ponaenaba, pita ainya paratixi. Bapoxonae cata pontha pon bo pexeinaein. Samaria nacuapin barai pontha pon bo pexeinaein: ‘Barapon beta xanepanaya bore. Icha paratixi seicanaya, equeicha bexa cacatsinchi poxonae caewa denan tsane’, jei Samaria nacuapin, jei Jesús.

³⁶ Equeicha Jesús namchi, jeye: “Barapo acoibi poyobe jiwana, ¿jintam yabara cananta xeiname xua wũnae exana xua peantobexaetsi pon waetabatsi pomonae jiwi pecaibiwi, yawa xua butsino?” jei Jesús.

³⁷ Pon jiwi pecuidubin Moisés pia peitorobi coyene tatsi, bapon Jesús jume notatsi, jeye:

—Pon xua yabara najuntũ coyene xeinanareca xua peyawenaenexa, jei bapon.

Jesús jume nota, jeye:

—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

Meje yabara poxonae Jesús, Marta yawa María siwa poinchibe

³⁸ Jesús pijimonae cataunxuae barũ ecapona namtotha Jericó tomara beya barũ pona. Pijimonae barũ patopa tsica tomariyotha ichaxota petsiriwa popona powa pewũn Marta. Barapowa Jesús matenta weyataeya wabatsi pia botha. ³⁹ Marta peyapiyo nantaũta powa pewũn María. Barapowa María Jesús caquita ecatsi xua Jesús pejume taenexatsi pocotsiwa paeba. ⁴⁰ Ichitha Marta enatsi pia penacuichiwa xua Jesús tsiexanatsi pexaewa xuano xua pijimonae tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bu neyawena, jei Marta.

⁴¹ Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neexanaewa. ⁴² Saya cae coyene ainya cui xua xam nantawenoname pocotsiwa xua María exana xua barompaya itapeta xua wunaexana poxonae nejume tayeca. Jiton dapocotsin aibi xua pon María juntu coyene weaichurubenaexainchi xua nejume tayeca, jei Jesús.

11

Meje yabara poxonae Jesús pijimonaex yabara cuiduba xua Nacomtha petsipaebiwa

(Mt 6.9-15; 7.7-11)

¹ Caentacabi Jesús tsipaebauya Nacom ichawatha. Jesús najume weta, bapoxonae pijimonaex tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaebiwa, icha Juan ichi xua pijimonaex cuiduba, jei bapon.

² Jesús barai barapomonaex, jeye:

—Poxonae Nacom patsipaebame, pajande:

‘Pata Taxam xam ponxaem peitabocotha athabeicha neeaein.

Barabu daxita jiwi cabarub cui itura jina nejuntu coyene wunaewa nexenaexae.

Barabu jopaena matacabi po matacabi xua poxonae xam jiwi itorobiya canamataxeinaename barapo cae pin nacuathe.

³ Daxita matacabin pexaewa pana catsibeibare po pexaewa daxita matacabi pata canantawenonaewa.

⁴ Pana neyabara cui cana juntemainare xua abe pata catsita exanaewatsi.

Bapoxonae pana neyabara cui cana exanare xua jopa equeicha pata catsita natsicuentisiwatsi

tsainchi xua abe pata catsita exanaewatsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamonaex jopa pana netsita natsicuentisiyo

xua abe pata tanetsita exanaewa.

Jopa pana copatsinde xua abe pata exanaewa

tsane poxonae jiwi pana nejuntu coyene

juntu xua abe pata exanaewa tsane’,

pajande poxonae Nacomtha patsipaebame, jei Jesús.

⁵⁻⁶ Equeicha Jesús barai, jeye:

—Metha beya tsipae xua caein paxam jiwana bapon nantaata pon peyaputaecinchi. Bapon pia peyaputaecinchi beya pona papaetha. Pia peyaputaecinchi barai: ‘Tamo, cacowaetatsi acoibi po panbe, yaitama icha taneyaputaecin patopa pon anoxuae warapa tabo berena. Jopa xeinaeinyo xua taapatsiwa bapon’, jei pebin. ⁷ Metha pon bomuxu tututha boca bapon jume notsipa, jei tsipae: ‘Jopa nejume fayacotsinde bomuxu boupa daunwei, tapexui baru maituncuan camatha. Jopa benontaponaeinyo xua pan tacacatsiwa tsane’, jei tsipae pon bomuxu tututha boca. ⁸ Paca tsipaebatsi bequein bapon bomuxutha jopa benontaponaeyo, bequein bara pia peyaputaecinchi,

daichitha cata poxoru jume fayacotatsi pia peyaputaecinchi. Matautano cata daxita xua pia peyaputaecinchi nantawenona. ⁹ Daxota paca tsipaebatsi. Matowa pawucare Nacom, bapoxonae paca catsibina pocotsiwa xua pawucame. Baraxua matowa paexande icha paichim poxonae matowa pajeiteibame beya poxonae pataebame, yawa icha paichim poxonae matowa pawawam bomuxutha beya poxonae ichun paca jume nota. ¹⁰ Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibotha matowa wawai bara tacoibo sarana xorenatsi yawa jume notatsino.

¹¹⁻¹² “Paxam pomonae pexui paxeiname paca yainyabatsi. Poxonae painya pexui paca wuca duwei, ¿painya pexui pacatsipame jomo? Jume. Ichacuitha tsipae poxonae painya pexui paca wuca petobu, ¿painya pexui pacatsipame puto? Jume, jopa baxua paraichim tsane. ¹³ Bara bequein peajuntucoyenebe jiwí pam, ichitha paxam payaputaneme xua pewnaewan painya pexui pacatsibeibame. Ichitha nama Nacom painya axa jopa juniya paca catsiyo Nacom pia Pejumope tñaxu tatsi poxonae pawucame. Nacom paca cata beyacaincha poxonae painya pexui pacatsibeibame poxonae paca wucqueiba”, jei Jesús.

Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi

(Mt 12.22-30; Mr 3.20-27)

¹⁴ Iruru Jesús taitawetauya cauri xua pebin muxusipana exainchi. Poxonae cauri pebin wepu poinchi, bapoxonae pebin equeicha paeba. Jiwi yabara najuntu coyene cabenaeca poxonae baxua tane. ¹⁵ Ichitha ichamonae namchi: “Bapon caurimonae itawetatsi apara pexeinaexae Beelzebú pia peayapusu itorobi coyenewa tatsi pon caurimonae pia pentacaponaein tatsi”, jei barapomonae.

¹⁶ Ichamonae Jesús wucatsi: “Pana netsita iture peitupanaewa xua peitaboco wetsica jopeicaena”, jei. Barapomonae baxua paeba poxoru ichichipa xua Jesús tsita itatsina, pia yaputaetsi icha barapon pon yatsicaewa Nacom itoroba. ¹⁷ Ichitha Jesús yaputane xua barapomonae nanta xeina. Jesús barai:

“Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. Matauta iruru icha cae bo matabuxuyomonaebe nababe yawa nawepu tsatajopabe, bapoxonae jopa xaexaenaecaeyo. ¹⁸ Barichi icha Satanás pijimonae tatsi nawepu tsatajopabe matautano xua nababe bapoxonae jopa xaexaenaecaeyo. Satanás jopa itacupaetsi xua itoroba pijimonae tsipei amsiya exana. Baxua paca tsipaebatsi tsipei naerabiya pana baram: ‘Apara bapon cauri itaweta Beelzebú pia peayapusu itorobi coyenewa tatsi pexeinaexae pon cauri pia pentacaponaein tatsi’, pana neyabara jam. ¹⁹ Icha Beelzebú pia peayapusu itorobi coyeneya tatsi cauri itawetan pon cauri pia pentacaponaein tatsi, ¿nexata eta po peayapusu itorobi coyeneya tatsi painyamonae cauri itaweta? ¿Iruru barapomonae cauri itawetatsi Beelzebú pia peayapusu itorobi coyeneya tatsi? Daxota painyamonae paca yaputane xua apara paxam panaerabame. ²⁰ Ichitha nama xan cauri itawetan Nacom pia Pejumope tñaxu tatsi pia peayapusu itorobi coyenewatha tatsi xua barapo pia pejumope tñaxu tatsi tanecatsixae. Baxua apara paca tsipaebatsi painya neyaputaenexa, xua painya xantha patopan ponxaein Nacom Tananeitapetsin.

²¹ “Pebin ba pon bo pexeinaein pon xua maxu daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara

xaniwaicha tabobeinchi. ²² Ichitha icha ichun patopa pon beyacaincha maxu daunwei, bapon ba nawita yawa caiba barapo peopi sojeiwan xua xuan bomuxu pexeinaein nanta xeina xua barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

²³ “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowuntsiwa tsane. Barapomonae jopa neyawenaeyo xua ichamonae nenacaetutsina tajiwi-monaexae tsane”, jei Jesús.

Meje yabara poxonae Jesús yabara paeba cauri xua caewa nauyata pebintha

(Mt 12.43-45)

²⁴ Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. ²⁵ Poxonae caibeya pona cauri caxina, pebin caxinatsi xua xanepanaya popona. ²⁶ Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe, beyacaincha bapon pon copiya. Daxita barapo caurimonae pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

Meje yabara poxonae Jesús yabara paeba po coyene pepa pejuntx coyene weiweinaewa

²⁷ Poxonae Jesús cataunxuae cueicueijejei tsuncuae barapo diwesi, baxota pin bicheitha petsiriwa jume daunwei wawai Jesustha, jeye:

—¡Maisa ena juntx coyene weiweina powayo xua bayatha caexana yawa xua mito caapatano! jei petsiriwa.

²⁸ Ichitha Jesús barai petsiriwa, jeye:

—¡Bequein barichi, jame yatsicaewa juntx coyene weiweina pomonae jume tane xua Nacom paeba xuano xua exana pocotsiwa Nacom itoroba! jei Jesús.

Meje yabara poxonae pomonae peajuntxcoyenebe jiwi Jesús cui itorobatsi xua peexanaewa tsane pexeinya petsita itxsi coyenewa

(Mt 12.38-42; Mr 8.12)

²⁹ Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonae anoxuae jinompa barapomonae peajuntxcoyenebe jiwi. Barapomonae necui itoroba xua bepa pinae tsita exanaein tatsita itxsi coyenewa xua pexeinya coyenewa. Ichitha jopa exanaein tsane icha tatsita itxsi coyenewa xua pexeinya coyenewa, saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa. ³⁰ Caena bayatha Nínive tomarapiwi Jonás yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi pomonae anoxuae jinompa barapomonae neyaputane po coyene xua xan Nacom neitorobica peitaboco wetsica. ³¹ Matabi patopeicaena po matabitha Nacom yabara paebina jiwi xua penatsicuentsiwa daxita peperaxa exanaenexa xua abe peexanaexae. Barapo matabeitha tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca tajx bereca eca. Barapowa pia nacuapiwi tatsi itorobiya pia

pepa peewatsiwayo. Barapowa yabara cueicueijei tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajuntꞏcoyenefaetabiya jume tane pocotsiwa Mesías cuiduba bequein Mesías bichocono peyaputaen’, jei tsane barapowa. Barapowa baxua paebina poxoru bapowa bayatha tajꞏ werena pona pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaen xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinexa Nacom yabara. Nama xote uncuanje ponxaein taexanaein pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonae cuiduba xua barapowa cuidubatsi xua Nacom yabara.³² Barichi barapo matabitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Barapomonae baxua exanaena tsipei barapo Nínive tomarapiwi icha juntꞏ coyene xeina Nacomtha peauraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntꞏ coyene paxeinaem. Nama apara xote uncuanje ponxaein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha”, jei Jesús.

Meje yabara poxonae Jesús yabara cuiduba jiwi po coyene xanepanaya peexanaewa pejuntꞏ coyene wetsina (Mt 5.15; 6.22-23)

³³ Jesús namchi jiwitha jeye: “Jiton dapon aibi pon pecoicha cueicha exana xua quirei pebꞏꞏ pana wetsina, yawa xua cueicha matabateta cajatha. Jume, jame, asiya cueicha exanatsi xua pecoicha taenexa pomonae jojoneibarena. ³⁴ Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuere-ton painya nepaca cayawenaenexa xua beta painya netaewa tsane. Icha painya itacuere-ton wꞏnae bara beta pataneme. Ichitha icha painya itacuere-ton abe jopa beta pataetsipaem. Barichirꞏ painya juntꞏ coyenewan xua painya nenanta xeinaewan. Icha painya juntꞏ coyenewan xanepanaetsipa bara beta Nacom payabara najuntꞏ coyene xeinaetsipame. Ichitha icha painya juntꞏ coyenewan jopa xanepanaetsipae jopa beta Nacom payabara najuntꞏ coyene xeinaetsipaem. ³⁵ Painya juntꞏ coyenewan paca cana exanaetsipa xua bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapapeichipame. Barichi pam, painya xoba pajinompame icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame. ³⁶ Icha painya juntꞏ coyene wꞏnae, xuano xua jopa paxeinaem peabe coyenewa painya juntꞏ coyenewa, bara xaniwaicha Nacom payabara yaputaneme icha poxonae pecoicha paca cana ichi xua beta pataneme”, jei Jesús.

Meje yabara poxonae Jesús muxuweta jiwi fariseomonae irꞏ pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi (Mt 23.1-36; Mr 12.38-40; Lc 20.45-47)

³⁷ Poxonae Jesús najume weta, fariseomonae jiwanaepin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopae-watha. ³⁸ Fariseomonae najuntũ coyene cabenaecaeya necotecataba xua Jesús jopa matha tsiwanaya penacobe quiatsiyoxae poxonae xane icha judiomonae ichi, xua saya pia cui coyene tatsi xua barapomonae nanta xeina icha jopa matha nacobe quiatsiyo Nacomtha natsicuentisipa. ³⁹ Nexata Jesús pon Pecanamataxeinaeinxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperũ iquicame. Daichitha bũpana iya painya jũntũ coyenetha pecaibi coyene paxeiname, peuwi coyeneno paxeiname. Be barapocotsi jiwi pam, pocotsimonae coroton saya matawacaicha iquica yawa paratonno, ichitha atutuxuira bichocono. ⁴⁰ Jopa peyaputae jiwi pam. Nacom exana wapepon yawa exana wajũntũ coyenewa. ¡Baxua payaputane-meba! ⁴¹ Xua xoxi paxeineibame matha abũ copiya pajiwana tsabeibare pomonae peacopeibiwi nexa. Bapoxonae xua xoxi nacopabeiba baxua panata copabeibare. Icha bara paichim tsane, bara xaniwaicha pajũntũ coyene xanepaname Nacomtha. Yawa jopa panantawenonaem xua pana nacobe iquiqueibame jiwi peitũtha xua be panatsicotaneme pocotsi pebin rejũntũ coyene wũnaein.

⁴² Equeicha Jesús namchi, jeye: “¡Paxam fariseomonaepiwi pam tsobenae, xua peperaxa perũ jũbiwa bexa paxeinaename! Daxita xua painya neũbiwa Nacom pacatsibeibame caewaxi poxonae diez xoyobe paxeineibame. Iru xua tsiwaxino pacatsibeibame. Bequein baxua paexaneibame ichitha Nacom jopa paantobem. Mataũta ichamonae jopa xapain pata exanaem. Bewa paexanaem xua Nacom pacatsibeibame caewaxi poxonae diez xoyobe paxeiname. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

⁴³ Bapoxonae Jesús fariseomonae baraichi, jeye: “¡Paxam fariseomonaepiwi pam tsobenae! Bexa paxeinaename xua peperaxa perũ jũbiwa. Paxam paichichipeibame xua painya nenanta caeneibiwa pexeinya peenaewantha judiomonae pia penacaetutsi botha po peenaewan ichaxota enathopeiba pomonae ainya cui penaexanaewi. Mataũtano paichichipeibame xua jiwi paca wũnae jainteiba poxonae paca jacobanaamtotha, xua jiwi painya nepaca barũ itura jinaenexa”, jei Jesús.

⁴⁴ Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobenae! ¡Iru fariseomonae pam tsobenae! Poxonae jiton ba pona namtotha jopa tsaqueinaeyo xua jiton piwa baxoyo bocareca mũthũ deca, xua peayeiwa poxoru jopa wũnaeyo. Paxam bara paichim. Jiwi imoxoyo paca caquita pona jopa tsaqueinaeyo xua pocotsiwa painya jũntũ coyenetha pananta xeiname xua abe xua jopa pecui wũnaewiyo”, jei Jesús.

⁴⁵ Nexata pomonae jiwi pecuidubiwi Moisés pia peitorobi coyene tatsi, barapomonae jiwana caein bapon Jesús baraichi, jeye:

—Jiwi Necuidubin, poxonae baxua paebame, apara irũ pana neyabara jam poxonae catsawiya paebame, jei.

⁴⁶ Nexata Jesús jume nota, jeye:

—¡Iru paxam Moisés pia peitorobi coyene tatsi jiwi pecuidubiwi pam tsobenae! Tsipei paxam ichamonae paitorobame xua capona pocotsiwa arewe pocotsiwa jiwi bapana jopa itacũpaetsi xua pecaponaewa, ichitha paxam jopa pata yoichaem, mataũta bara cae cobesitiotha jopa pata yoichaem. Jiton ba itoroba ichũnthũ xua pecaponaenexa pocotsiwa jopa juniya arewiyo, xua pocotsiwa jopa itacũpaetsi xua pecaponaewa pon itoroba. Bara paichim

paxam ichamonae pacuidubame xua jopa itacupaetsi xua peexanaenexa baxuan xua pocotsiwa iru xua jopa paca itacupaeyo xua painya neexanaewa baxuan.

⁴⁷ “iPaxam patsobenaem! Paxam petupaewi pomonae Nacom peitorobi jume pepaebiwi payamuthu acabame boutixi bequein painya amo susato jiwi juteba barapomonae. ⁴⁸ Poxonae baxua paexaname, ichamonae patsita itapeinya xeiname xua paxam bara iru paichichipameru pocotsiwa xua painya amo susato jiwi juteba xua barapomonae pomonae Nacom peitorobi jume pepaebiwi jutebatsi. Daxota barapo petupaewi payamuthu acabame boutixi.

⁴⁹ “Daxota Nacom peyaputae jumetha namchi: ‘Itorobicaein barapomonae aetha taitorobi jume pepaebiwi iru pomonae taitorobiwi. Ichamonae pomonae taitorobi jume pepaebiwi jutebinchi. Ichamonae pomonae taitorobi jume pepaebiwi abe exanaeinchi. Ichamonae, pomonae taitorobiwi jutebinchi. Ichamonae, pomonae taitorobiwi abe exanaeinchi’, jei Nacom peyaputae jumetha”, jei Jesús. ⁵⁰ Equeicha Jesús namchi, jeye: “Pomonae anoxuae jinompa Nacom cana exanaena xua barapomonae peraxa jubebinchi petsitaxaetsi xua barapomonae penatsicuentisiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonae Nacom aena forota barapo cae pin nacue. ⁵¹ Painya amo susato jiwi jujutebapona xua pomonae pejuntu coyene xeicae jiwi jutebatsi. Copiya matha Abel bexotsi beya poxonae iruru Zacarías bexotsiru. Barapon Zacarías pabexubame Nacom pin pia botha ichaxota xua barapo bo tututha naitama taeuncuabe xua be pexaethopaewa xua ichaxota duwei tauteiba Nacom nexa iru ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonae anoxuae pajinompame paca peraxa jubebina tsipei Nacom patsitame xua paxeiname penatsicuentisiwa xua painya amo susato jiwi pejutebixae barapomonae”, jei Jesús.

⁵² Equeicha Jesús namchi, jeye: “iPaxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom paebiyo. Paxam jopa pajume cowantsim Nacom matauta jopa pacopatsim xua ichamonae iru pejume cowantsiwa Nacom”, jei Jesús.

⁵³ Poxonae Jesús baxua paeba poxonae cataunxuae jopa natsixatabiyo, fariseomonae iru pomonae jiwi pecuidubiwi Moisés pia peitorobi coyene, daxita barapomonae Jesús bichocono casebatsi. Barapomonae Jesús muxu fayacotatsi xua yainyabatsi nawita, peamuxuconae exanaenexa tsainchi. ⁵⁴ Barapomonae Jesús piraichi matowa yainyabatsi peyaputaenexa icha Jesús ajumebeyu jume bara botsina.

12

Meje yabara poxonae Jesús yabara cueicueijeji jiwitha xua fariseomonae itara beta paeba ichitha jopa xapain exanaeyo

¹ Poxonae cataunxuae Jesús cueicueijeji tsuncuae, bapoxonae ayei jiwi nacaetutapona Jesustha. Jiwi nataxu taxunaunaba. Jesús tamropata pitaba xua cueicueijeji jiwitha. Copiya matha Jesús pijimonae tsipaeba, jeye: “Dota pam jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Barapomonae itara beta paeba ichitha jopa xapain exanaeyo. ² Daxita diwesi xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha

exana daichitha ichamonae bexa yaputaeponaena baxua. ³ Paxam xua po diwesi merawi nameicha pana natsipaebame, barapo diwesi ichamonae mataqueitha jume taena. Matautano pocotsiwa paxam aisawatha pana namuxu paxapaxeya tsipaebame, barapo diwesi ichamonae panatha paca jume canawabiya wawai tsane”, jei Jesús.

Meje yabara poxonae Jesús yabara paeba xua pontha bewa ba jiwi cuitaya cunuwina
(Mt 10.26-31)

⁴ Equeicha Jesús pijimonae barai, jeye: “Tamonaе paxam paca tsipaebatsi jopa pacuitaya cunuwinde pomonaе xua itacupatsi xua paca necajutebiwa xua meisa painya pepontha. Ichitha barapomonaе jopa itacupaetsi xua equeicha paca jumopein t̃nax̃ jutebina. ⁵ Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacupatsi xua painya nepaca bebaiwa pin isototha po pin isototha jopa bapana itacounayiyo xua weraweraca painya nepaca exanaenexa painya pepon. Xaniyan paca tsipaebatsi bewa jame pacunuwim bapon Nacom.

⁶ “Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara j̃ntemainaeyo siri, matautano caeyono jopa yabara j̃ntemainaeyo. ⁷ Ir̃ daxita painya nentanan Nacom daxita matapaeicha paca matana ununa. Jopa pajunuwinde tsipei paxam Nacom bichocono patsita ainya cuim beyacaincha siri”, jei Jesús pijimonaetha.

Meje yabara poxonae Jesucristo yabara paeba xua pomonaе peyabara paebiwichi ichamonae peitabaratha tatsi
(Mt 10.32-33; 12.32; 10.19-20)

⁸ Equeicha Jesús namchi pijimonaetha, jeye: “Yabara paca tsipae-batsi pomonaе xua nayopita ichamonaetha, pomonaе xua najei: ‘Apara paxan Jesús pijimonae tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomonaе apara tana nejume cow̃ntsiwi, jan tsane xuya barapo Nacom pia matatsunpiwi tatsi peitabaratha tatsi. ⁹ Ichitha pomonaе xua neyabara jei ichamonaetha: ‘Jopa dapon payaitaeinyo’, jei, xan ponxaein Nacom Tananeitapetsin xuya barapomonaе yabara jan tsane Nacom pia matatsunpiwi peitabaratha tatsi: ‘Apara barapomonaе jopa yaitaeinyo’, jan tsane.

¹⁰ “Xan ponxaein Nacom Tananeitapetsin pon abe neyabara paeba Na-com itacupatsi xua bapon peyabara j̃ntemainaewatsi pocotsiwa bapon abe neyabara paeba. Ichitha pon nama Nacom pia Pejumope t̃nax̃ tatsi bichocono abe yabara paebatsi Nacom jopa bapana yabara j̃ntemainaе bapon.

¹¹ “Paca caponaena judiomonaе pia penacaetutsi bontha ichaxota nacaе-tuteiba pentacaponaewi. Paca caponaena pomonaetha pomonaе peyabara paebi jiwi xua penatsicuentsiwa xua abe peexanaexae yawa tomara pia pentacaponaewi peitabaratha tatsi paca caponaena. Poxonae baxua paca exanaena, jopa payabara naj̃nt̃ coyene exabinde pocotsiwa xua painya nejume notsiwa xuano xua painya netsipaebiwa tsane barapomonaetha.

¹² Poxonae juntucuru pacaunutsiya paebiname, bapoxonae Nacom pia Pe-jumope t̃nax̃ tatsi paca tsijume dubina pocotsiwa painya netsipaebiwa tsane”, jei Jesús.

Meje yabara poxonae Jesús pijimonae yabara tsipaeba pon copei pexeinaein

¹³ Caеin pin bicheitha, bapon Jesús baraichi, jeye:

—Jiwi Necuidubim, taeweicho inta itorobare bu necata xua tawa xua taxa pecopiniwa xua xuan taxa bayatha pana nejuntana jeba, jei.

¹⁴ Jesús jume epa pita, jei:

—Maisacai, apara dapon aibi pon necana exana xua xan tapaca yabara paebiwatsi xua painya nenatsicuentsiwa xua abe painya neexanaexae. Matautano apara dapon aibi pon necana exana xua xan be pon tapacata tsabibeiwatsi pocotsiwa painya axa pia pecopiniwan tatsi, xua bayatha paca juntana jebeiba painya axa, jei Jesús.

¹⁵ Yawa Jesús namchi, jeye:

—Dota xua asiwiya paantobem xua xoxi paxeiname. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

¹⁶ Nexata Jesús tsipaeba jiwitha pecayabara juta pepaebi diwesiyo, xua jeye: “Iru matha pebin popona pon copei pexeinaein. Pia pabi tatsi pexaewa tanawetatsi nawita. ¹⁷ Pon copei pexeinaein nexata pia coutha nabarai: ‘¿Eta bichocuaein tsane? ¿Eta xota jebocuaein pocotsiwan pabitha notan?’ jei.

¹⁸ Pia coutha najume nota: ‘Bara yaputan tha xubichi pexaewa matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan. ¹⁹ Nexata najuntu coyene baran tsane: Bara daxita xeiname ainya wei dapaein nexa. Nafifinacaecare, xaibare, apeibareno, juntu coyene weiweineibare’, najei xua najuntu coyene barai pon copei pexeinaein. ²⁰ Ichitha pon copei pexeinaein Nacom barai bapon, jeye: ‘Pebin pon jopa xapain nenanta xeinaem, methaunxuae anoxuae merawi tupaename. Daxita baxuan xua yabo notame, ¿jintam metha piawa tsane?’ jei Nacom. ²¹ Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pejuntu coyene tatsi tsocuae xua Nacom jopa pejume cowantsixaetsi”, jei Jesús.

Meje yabara poxonae Jesús yabara cuiduba po coyene xua Nacom eena pijimona

(Mt 6.25-34)

²² Bapoxonae Jesús pijimona tsipaeba, jeye: “Paca tsipaebatsi, jopa bichocono payabara najuntu coyene exabinde pexaewa xua painya neuna jinompaewa tsane. Barichi jopa bichocono payabara najuntu coyene exabinde papaburu xua painya pepon nexa. ²³ Pocotsi asu pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui iru, beyacaincha papaburu xua pepon nexa.

²⁴ Uni payabara yaputaema. Bapomona jopa ubiyo pabitha. Matautano jopa jotsiyo pocotsiwa penawetsiwa. Jopa xeinaeyo bomuxun xua pejebinexa pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi. ²⁵ Dapon aibi pon paxam jiwana pon itacupatsi xua xeinaena icha matabi xua po matabitha pepoponaewa tsane poxonae tupaena. Bequein bapon nayabara nantu exaba nawita baxua, ichitha jopa itacupaetsi xua xeinaena caentacabi equeicha. ²⁶ Icha jopa paca itacupaeyo xua paexaname xua be conotha xua caentacabi nexa, ¿eta xua metha equeicha yabara panantu exabame ichawan xua daunwei bichocono?

²⁷ “Jame pacayabara nanta xeinare pentonon xua xuwa, xua matono itupana. Pentonon jopa nacuichiyo yawa jopa natsiexanaeyo papaburu penamaxatabinexa. Ichitha paca tsipaebatsi xua pentonon matono itupana

bichocono beyacaincha pocotsi paparuwa Salomón nama xatata xua pex-einya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tupa. ²⁸ Pentonon, po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wunaera bara bequein saya pentonon. Barichi Nacom itacupatsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae be conotha pajume cowantame Nacom! ²⁹ Jopa payabara najuntu coyene exabinde pexaewa xuano xua painya neapaewan yabara. Jopa panthuthu deideijeya jinompaeinde xua ichawa pacayabara nanta xeiname. ³⁰ Tsipei barapo cae pin nacuathe jiwi, saya i baxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantautame pon yaputane daxita pocotsiwa xua xoxi panantawenoname. ³¹ Meisa saya bichocono pacayabara nanta xeinare xua painya neexanaewa xua Nacom ichichipa waba jiwi xua jiwi wabatsi xua petanaexanaenexatsi pijimonae pomonae itorobiya pecanamataxeinaexae. Icha baxua paexanaename nexata Nacom paca catsibina xua daxita pocotsiwa panantawenoname”, jei Jesús.

Meje yabara poxonae Jesús yabara cuiduba xua pocotsiwa Nacom jiwi pejuntana jebiwatsi pia nacuatheicha
(Mt 6.19-21)

³² Equeicha Jesús namchi, jeye: “Tamonae pomonae be ovejamonae pam, painya nejunuwi jiwi pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimonae tatsi jiwana pam pomonae pejume cowantsiwichi pomonae itorobiya pecanamataxeinaexae. ³³ Pacaenaere xua paxeiname. Barapo paratixi pomonae acopeibiwi pacatsibare. Poxonae baxua paexaname, bapoxonae xuya Nacom athabeicha paca catsibina pocotsiwa xua painya nepaca juntana jebiwatsi pocotsiwa xua jopa naxubiyo. Athabeicha pecaibin jopa patopaeyo painya nepaca caibinexa pocotsiwa pajebame bara xoteicha. Matautano ofo jopa xaeyo pocotsiwa xua pajebame bara xoteicha. ³⁴ Ichaxota ba pajebame xua painya neichichipaewan baxota ba payabara nanta xeiname nawita”, jei Jesús.

Meje yabara poxonae Jesús yabara paeba xua pinae bewa nacui wunaetichi
³⁵⁻³⁶ Equeicha Jesús namchi, jeye: “Pana najuntu coyene cui wunaere xua tapatopaewa tsane. Barapocotsi jata coyeneya paichinde, icha pomonae petanacuichiwi ichi xua nacui wunaeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwi nacaetuta xua pexaenexa pexaewa poxonae pebin piowa pita. Bapon nawirena bara werena, pomonae pia petanacuichiwichixaetsi nainya tayausaranaxorenatsi pecoiboto poxonae bapon patopa pia botha. Barapocotsi jata coyeneya paichinde. Paxam panacui wunaetsiya jinompare xua tapatopeicaewa tsane. ³⁷ Poxonae bo pexeinaein patopa icha bapon tane xua pomonae pia petanacuichiwichixaetsi jopa maichiyo bapoxonae barapomonae juntu coyene weiweina. Bara xaniwaicha paca tsipaebatsi bapon pon bo pexeinaein xae pia petanacuichiwichi cuireba pexaethopaewatha, bapoxonae apatsina pexaewa. ³⁸ Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei wunaeyo, ichitha barapomonae pomonae petanacuichiwi juntu coyene weiweinaetsipa poxonae bo pexeinaein tane xua jopa maichiyo

barapomonaē. ³⁹ Barichi payaputaēma, icha bo pexeinaein yaputaetsipa xua poxonaē patopaena pon jiwi pecaibin jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. ⁴⁰ Bara paichinde. Tawanaetha pana nacui wanaere tsipei xan ponxaein Nacom Tananeitapetsin patopeicaein poxonaē jopa tsaca payabara jinompaem tsane poxonaē jopa payabara nanta xeinaem tsane xua tapatopaewa tsane”, jei Jesús

*Meje yabara poxonaē Jesús yabara diwesi paeba ponbe xua bo peyapucae-
caeinbe pon xua beta peexanaein, iru xua pon jopa beta peexanaein
(Mt 24.45-51)*

⁴¹ Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipae-bame, xua pecayabara juta pepaebi diwesiyo, ¿saya meisa paxan nexa? ¿Iru ichamonae nexano? jei Pedro.

⁴² Jesús pon Pecanamataxeinaeinxae jiwi, Pedro jume notatsi pecayabara juta pepaebi diwesiyotha pepatopaewa tsane yabara, jeye: “Yabara catsipae-batsi pon matacapopona pomonaē bo pexeinaein tanacuitatsi. Barapon xanepanaya yaputaeya matacapopona. Poxonaē bo pexeinaein wepu warapa barapomonaē, pon bo pexeinaein itoroba pontha pon bo petayapucaecaēinchi, jeye: ‘Inta beta matacapoponde, yawa inta beta pexaewa apare daxita matacabi pomonaē xua inta nacuita’, jei bo pexeinaein. ⁴³ Pon bo petayapucaecaēin bara juntu coyene weiweinaena poxonaē patopaena pon bo pexeinaein, petaexaetsi xua bara beta tayapucaeca bo, xuano bara beta peexanaexae xua bo pexeinaein itoroba. ⁴⁴ Xaniwaicha paca tsipaebatsi. Bo pexeinaein itorobina, xua pon petayapucaecaexaetsi bo, bapon cana exanaeinchi xua equeicha daxita piawa beta petayapu enaewatsi xua xuan xeina pon bo pexeinaein. ⁴⁵⁻⁴⁶ Ichitha ichacuiitha pon yapucaeca bo bapon peantacuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae. Bapoxonaē bapon cueinta pomonaē pon bo pexeinaein tanacuitatsi, pebiwi yawa pet-siriwaxi. Matautano bapon nanabanaetsipa nawita ichamonae yawa cupatsi nanaexanaetsipano. Bapoxonaē bo pexeinaein jemeicha patopaena poxonaē pon bo petayapucaecaēin jopa wanae tsaqueinaeyo. Poxonaē barapo hora tsuxubi jopa yaputaeyo yawa poxonaē barapo matacabi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaecaēin icha cana ichichi pomonaē jopa pejume cowantsiwi.

⁴⁷ “Pon bo yapucaeca, bapon bequein yaputane pocotsiwa pon bo pexeinaein itoroba xua ichichipa, ichitha jopa exanaeyo pocotsiwa itorobatsi, xua bo pexeinaein itoroba. Barapon bichocono peraxa jubinchi xua jopa peexanaexae pocotsiwa itorobatsi. ⁴⁸ Ichitha ichun pon bo yapucaeca jopa cono yaputaeyo pocotsiwa bo pexeinaein itoroba yawa itatemaya abe exana. Bequein jopa cono yaputaeyo yawa itatemaya abe exana, ichitha nantawenona xua peperaxa exanaewatsi be conotha, tsipei abe exana be conotha. Pon ba be conotha Nacom yabara yaputaēinchi, Nacom bapontha cana exanaena xua ichawa peyabara yaputaewa tsane beya poxonaē bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamona jopa pejume cowantsixae
(Mt 10.34-36)

⁴⁹ Equeicha Jesús namchi, jeye: “Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tapatopaewaxae jiwi atene tsane icha be ichi poxonae barapo jiwi tautatsi isototha. ¡Maisa metha bayatha bena baxua exanocuaein barapo isoto! ⁵⁰ Xan barichin tsane daxita matapaeicha aperaxatanein tsane poxonae tɔpaein. Awiya bichocono anthuthurewein xua beya baxua inta exanaena. ⁵¹ ¿Pananta xeiname xua xan apara patopan xua jiwi jɔntema pejinompaewa tsane? Apara aibi, jopa baxua tsipatopaeinyo. Apara jame patopeican taexanaenexa po coyene jiwi naba exanatsi xua daxota ainya bicheiton penaexanaewa tsane. ⁵² Anoxuae, yawa bexa tsane cinco poyobe cae matabuxɔyo xua bomuxɔtha jinompa barapomona nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabuxɔyobe naita aenae-aenei tsanebe. Baxua exanaena xua ichamona tana nejume cowantsi jiwixae xua irɔ ichamona jopa tana nejume cowantsixae. ⁵³ Coxian pexanto ita aenae-aenei tsane. Coxian xuya pexanto ita aenae-aenei tsainchi. Coxia pexantiyo ita aenae-aenei tsane. Coxia xuya pexantiyo ita aenae-aenei tsainchi. Irɔrɔ pamiyobe naita aenae-aenei tsanebe. Pecopeinyobe naita aenae-aenei tsanebe”, jei Jesús.

Meje yabara poxonae Jesús diwesi paeba xua jiwi itaboco tane peitaboco yaputaenexa
(Mt 16.1-4; Mr 8.11-13)

⁵⁴ Yawa Jesús barai jiwitha, jeye: “Poxona tsaquinaebowa pataneme xua pocotsiwe wejopeine: ‘Ema dawa jopeina’, pajam. Jopa jume bara duneica. ⁵⁵ Poxona joibo jopa: ‘Wei imoxoyo’, pajam. Jopa jume bara coicha jopa. ⁵⁶ Itara mexeya pexeinya jɔntɔ coyene paxeiname ichitha peajɔntɔcoyenebe jiwi pam. Itaboco yawa irano panaita caewatame painya yaputaetsi icha ema yawa xua icha pexeinya matababi. Ichitha jopa payabara yaputaem xua bequein peitɔpanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa”, jei Jesús.

Meje yabara poxonae Jesús paeba xua ichɔn jɔntɔ cui xanepanaya jɔntema popona cana exana xua pon peitafaetabixaetsi
(Mt 5.25-26)

⁵⁷ Equeicha Jesús namchi jiwitha, jeye: “¿Eta xua metha painya coutha beta jopa pana nayabara nanta xeinaem xua icha metha wɔnae painya neexanaewa? ⁵⁸ Icha ichɔn bepaca itoroba paca necaponaenexa pontha pon jiwi peyabara paebin xua penatsicuentisiwa xua abe peexanaexae nexata bapon patsipaebare poxona cataunxuae namtotha paca barɔ ecapona xua painya naita coxone exanaenexa. Xain bapoxona bapon jopa paca capona tsane pontha pon jiwi peyabara paebin xua penatsicuentisiwa xua abe peexanaexae. Tsipei icha bapon bara beya paca caponaetsipa, bapoxona pon jiwi peyabara paebin xua penatsicuentisiwa xua abe peexanaexae equeicha dabeya policiamona beya paca itorobichipa. Bapoxona nama policiamona jiwi pecɔbi bo beya paca itorobichipa. ⁵⁹ Bara xaniyeya paca tsipaebatsi. Paxam jopa paca pu copabi tsane jiwi pecɔbi bo weya, beya abɔ poxona panatsipu matomacaename daxita paratixi cuntha po paratixi xua paxeiname”, jei Jesús.

13

Meje yabara poxonae Jesús yabara paeba xua airya cui xua icha juntu coyene pexeinaewa Nacomtha

¹ Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonae, Nacom pin pia botha xua barapo duweimonae pejutebinexa petautsinexa xua petuxusi exanaenexa Nacom nexa. Ichitha poxonae cataunxuae baxua exanompa Galilea nacuapiwi pon Galilea nacuapiwi peyanacua ewatsinchi, pon pewan Pilato poxonae bapon baxua jume taeba, xua Galilea nacuapiwi exanompa Nacom pin pia botha, bapoxonae bapon pia soldadomonae itoroba Nacom pin pia bo beya xua pejutebinexatsi Galilea nacuapiwi. Daxita duwei jana, yawa Galilea nacuamonae jiwi jana cae jana naexananaya, jei barapomonae.

² Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peexanaewixae beyacaincha pomonae abe peexanaewi pomonae jinompa Galilea nacuatha? ³ Apara aibi. Icha jopa Nacom patsita xeinaem icha juntu coyene, bara paichipaem, paca weraweraca exanaetsipa. ⁴ Ichacuitha metha pacui cananta xeiname pomonae dieciocho poyobe, pomonae bayatha bomuxutha mata perababatsi xua po botha bichocono taicha po bo pewan Siloé. ¿Barapomonae mata tsapababatsi bichocono abe peexanaexae beyacaincha pomonae jinompa Jerusalén tomaratha? ⁵ Apara aibi. Icha Nacom jopa patsita xeinaem icha juntu coyene, paxam bara paichipaem paca weraweraca exanaetsipa”, jei Jesús.

Meje yabara poxonae Jesús yabara paeba higuera nae xua po diwesi pecayabara juta pepaebi diwesiyo

⁶ Nexata Jesús tsipaeba pecayabara juta pepaebi diwesiyo. Bapon namchi, jeye: “Matha iruru pebin higuera nae xeina po nae ubanota pia pabitha. Barapo pebin pia pabitha pona pia taetsi icha yacuei dubena. Ichitha poxonae tane jopa yacuei dubenaeyo. ⁷ Nexata pon pabi pexeinaein tsipaeba pontha pon pabi petayapu eenaeinchi, namchi, jeye: ‘Taema acoibi po weibe pabitha poneiban tha bequein taibichi pethei ichitha jopa yacuei dubeneibiyo. Uncataxore. Jopa ichichipaeinyo xua came barapo nae saya uncua ichaxota ubanotinchi icha nae, po nae penacoichi nae’, jei pon pabi pexeinaein poxonae tsipaeba pon pabi petayapu eenaeinchi. ⁸ Ichitha pon pabi petayapu eenaein jume nota: ‘Tanentacaponae, abu barapo nae uncuaena barapo weithe. Tha yaira tabaca nacuenacuena exanaetsi paraparatotha, bapoxonae duwei petasin jebarecaetsi petabaca deca. ⁹ Metha bapoxonae matono dubenaetsipa icha weitha. Icha jopa matono dubenae tsane icha weitha nexata moya beuncataxotsi’, jei pon pabi petayapu eenaein”, jei Jesús.

Meje yabara poxonae Jesús axaibi exana yabuyo pentaquei seicae matacabitha powayo naepasi xurutsiya pona

¹⁰ Caentacabitha judiomonae barompaya pia pentaquei seicae matacabitha tatsi Jesús cuidubauya Nacom Pejume Diwesi judiomonae pia penacaetutsi botha tatsi. ¹¹ Barapo botha yabuyo eca, powa caena bayatha atene dieciocho po weiyobe. Barapowa naepasi xurutsiya pona. Barapowa xua juntucuru epasi boipana ajibi. ¹² Poxonae barapowa Jesús tane, Jesús waba barai, jeye:

—Yabuyo anoxuae jopa neraichiwa, bayatha wanaem, jei Jesús.

¹³ Nexata barapowa Jesús pecobetha jayaba. Bapoxonae yabuyo epasi naroitaba yawa barapowa wanae jainta, Nacom wanae jaintatsi. ¹⁴ Ichitha

pon pecanamataxeinaein judiomonae pia penacaetutsi bo tatsi, bapon Jesús casebatsi xua axaibi peexanaexae pentaquei seicae matabitha. Bapon barai jiwitha, jeye:

—Bara iru seis po matabibibe xua be cae semanatha tsoptioneibi xua barapo matabintha benacuitatsi. Jame barapo seis matabintha moya papare xua axaibi painya nepaca exanaewa tsane. Nama jopa papatsinde pentaquei seicae matabitha, jei bapon pon pecanamataxeinaein judiomonae pia penacaetutsi bo tatsi.

¹⁵ Bapoxonae Jesús jume nota, jeye:

—Itara mexeya pexeinya juntu coyene painya nexeiaewi ichitha peajuntucoyenebe jiwi pam. Ichitha paxam iru panacuitame pentaquei seicae matabitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicae matabitha. ¹⁶ Barapowa powayo Abraham pia pemomoxi susatopiwi jiwawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota iruru barapowa xan axaibi exanan pentaquei seicae matabitha, jei Jesús.

¹⁷ Poxonae Jesús baxua caunuta, bapoxonae pomonae Jesús pia peaitafaetabiwichi aura tsumenae. Ichitha daxita jiwi juntu coyene weiweina petaxae xua Jesús pexeinya pewnaewa exana.

Meje yabara poxonae Jesús cuiduba pecayabara juta pepaebi diwesiyo po peabi xutiyo pewna mostaza xutiyo

(Mt 13.31-32; Mr 4.30-32)

¹⁸ Equeicha Jesús namchi, jeye: “Poxonae Nacom waba jiwi petanaexanaenexatsi pijimonae tatsi, pomonae itorobiya peewatsixae, ¿eta po coyene nacoyene jupabe? ¿Eta xua paca cuidubinchi xua baxua yabara? ¹⁹ Baraxua apara icha be mostaza xutiyo ichi po mostaza xuto pebin uba pia pabitha. Xuwa beya pin nae tsoptione. Pepinnaexae daxota siri exana coton pemaxranantha. Icha mostaza xutiyo ichi xua beya pin nae tsoptione, bara juta ichi Nacom pejume cowantsiwi. Bequein anoxuae tsica bicheitiyo, bexa tsane beya pin bicheito tsoptione tsane”, jei Jesús.

Meje yabara poxonae Jesús cuiduba pecayabara juta pepaebi diwesiyo xua levadura yabara xua pan cotowa exana

(Mt 13.33)

²⁰ Barichi Jesús namchi, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonae naenaexanapona. ¿Eta po coyene nacoyene jupabe? ²¹ Barapo coyene bara juta ichi icha levadura matawun ichi, pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauwentaba levadura matawun pocotsiwa xua cotowa exana pan. Bapoxonae pentabu naexananaya, cocotowapona tsipei levadura matawun muxunaxuba”, jei Jesús.

Meje yabara poxonae Jesús yabara cuiduba po boupayo tsica boupayo dena

(Mt 7.13-14, 21-23)

²² Poxonae Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano. ²³ Pomonae Jesús cuiduba barapomonae caein jiwana Jesús yainyabatsi, jeichichi:

—Patatanecanamataxeinaem, ¿saya tsiquimonaeyo pomonae capanenebiyatsi? jeichichi Jesús.

Nexata Jesús namchi jiwitha, jeye:

²⁴—Bequein bichocono ayapube xua naexana Nacom pijimonaе pomonaе Nacom itorobiya ewata, ichitha bichocono pajujure xua panaexaname Nacom pijimonaе tatsi. Baraxua be poxonaе pin bicheitomonaе ichichipa xua pejojondenaewa tsica boupayo dena. Bichocono ayapube. Bequein barapomonaе ichichipaena xua pejojondenaewa tsane ichitha jopa itacupaе tsainchi. ²⁵ Barapoxonaе matabi jopaena po matabitha poxonaе pon bo pexeinaein pecoiboto daunwei exanaena. Paxam pomonaе aisowatha paumename pecoiboto padacadacatsiname, pajam tsane: ‘Patatanecanamataxeinaem, painta coibo saranaxorena bomaxu’, pajam tsane. Ichitha bapon paca jume notsina. Jei tsane: ‘B_u canta jopa paca yaitaetsi xua jopa paca yaputaetsi xua ichaxota werena painya neponaewi’, jei tsane. ²⁶ Paxam pajam tsane: ‘Bara cain bayatha paca bar_u xainchiba yawa paca bar_u apatsiba, yawa bayatha jiwi cuidubameba namtotha pata tomaratha’, pajam tsane. ²⁷ Ichitha Nacom pon painya Nepacacanamataxeinaein paca jume notsina: ‘Aunxuae bayatha paca baraichiba: B_u canta jopa paca yaitaetsi. Jopa paca yaputaetsi xua ichaxota werena painya neponaewi’, jan. ‘Taxainya weya panatsixibarucupare. Apra paxam peajantucoyenebe jiwi pam, xua abe painya neexanaewi’, paca jei tsane. ²⁸ Barapoxonaе pataename xua Abraham, ir_u Isaac, ir_u Jacob, ir_u daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya. Daxota pawecoyam tsane anaya nantanuweya pana nawano tsaquibasinaename poxoru paca bebai tsane Nacom pia peitorobi nacua weya. ²⁹ Poxoru pinmonaе patsina, Nacom pia peitorobi nacuatha penabanaenexa tsane. Ichamonaе pomonaе ichaxota xometo ecoina, barapomonaepiwi patsinano. Ichamonaе pomonaе ichaxota xometo jopeica, barapomonaepiwi patsinano. Ichamonaе pomonaе ena pocotsiwa bereca, barapomonaepiwi patsinano. Ichamonaе pomonaе pocotsiwa beweyabeicha ena, barapomonaepiwi patsinano. ³⁰ Pomonaе xua anoxuae pepawi naexana pomonaе jiwi jopa petsita ainya cui jiwichi po cae pin nacuathe barapomonaе Nacom pia peitorobi nacuatheicha peainya cui jiwi tsane. Pomonaе xua anoxuae, pomonaе jiwi petsita ainya cui jiwichi po cae pin nacuathe, barapomonaе bexa Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonaе Jesús Jerusalén tomarapiwi siwa wecoyeichi
(Mt 23.37-39)*

³¹ Barapoxonaе fariseo jiwanamonaе pata. Jesús tsipaebatsi. Jeichichi:
—Bewa warapaetsipame barapo tomara weya. Dota bepa Herodes cabexubei, jei.

³² Ichitha Jesús jume nota, jeye:

—Paponare painya netsipaebinexa pon jiwi pemuxujainyabin, bapon Herodes. Pana nejume yopire pajande: ‘Taema anoxuae yawa baya tsane itawetsin caurimonaе jiwi weya yawa axaibi exanaein peatenewi. Popobaya tsane wetsin’, jei pajande. ³³ Ichitha anoxuae yawa baya tsane nantawenonan xua bara beya Jerusalén tomara beya ponaein namtotha. Barapoxonaе popobaya patopiyaеin Jerusalén tomaratha. Jopa tana neitacupaexae xua tatupaewa taj_u Jerusalén tomara pepuya beya ponxaein Nacom peitorobi jume tapaebin. Bewa tupaеin Jerusalén tomaratha, jei Jesús fariseomonaetha.

³⁴ Bapoxonaе Jesús yabara unthuth_u wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam, pajutebeibame

pomonaē Nacom pia peitorobi jume pepaebiwi! ¡Matautano paxam pajutebeibame ibotontha pomonaē Nacom pacata itoroba! ¡Maisa bepaca caetuaetuteibinchi, tapaca cayawenaewa tsainchi, icha wacara ichi poxonaē nacoxi caetuaetuteta pecuarafetha! ¡Maisa bebarichocuaein tsane daichitha jopa paichichipaem! ³⁵ Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equeicha jopa pana netaem tsane, beya abũ poxonaē pana neyabara jam tsane: ‘¡Maisa bapon jiwi jũntũ coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

14

Meje yabara poxonaē Jesús axaibi exana pon perũ putsuna

¹ Caentacabi pentaquei seicaē matabitha Jesús pona fariseomonaē pia pentacaponawewi tatsi jiwanapin pia botha tatsi penanabanaenexa. Baxota fariseomonaē ichamonaē Jesús amanayabiya tainchi pecui yaputaenexa tsainchi xua exana. ² Irũ baxota pebin patopa ichaxota Jesús naeca. Barapo pebin pon perũ putsuna. ³ Nexata Jesús yainyaba pomonaē jiwi pecuidubiwi Moisés pia peitorobi coyene, yainyabano fariseomonaē, jeye:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicaē matabitha jampa? ¿Ichacuitha metha jopa yabara copatsiyo jampa? jei Jesús.

⁴ Ichitha barapomonaē moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa. ⁵ Jesús tsipaeba, barapo fariseomonaetha, jeye:

—Paxam panantawenoname xua panacuitame pentaquei seicaē mataqueitha xua poxonaē pajutsiname painya nexanto xua poxonaē butecatsi irũba bueyno bara bequein pentaquei seicaē matabi, jei Jesús.

⁶ Barapomonaē jopa itacũpaetsi xua Jesús pejume notsiwatsi.

Meje yabara poxonaē Jesús yabara paeba pomonaē pexaewa petsiwabiwichi penabanaenexa poxonaē pebin piowa pita

⁷ Nexata Jesús tsipaeba barapomonaē pecayabara jũta pepaebi diwesiyo pomonaetha pomonaē xua pata penabanaenexa. Baxua tsipaeba poxonaē tane xua barapomonaē nanta caeniya, copiya penabanaenexa. Jesús namchi barapomonaetha, jeye:

⁸ —Poxonaē ichũn cawaba jinya nenabanaenexa tsane, jopa nantacae-caeinde ichaxota enothopeiba pomonaē peainya cui jiwi. Poxoru metha irũrũ patopaetsipa pon bichocono jiwi tsita ainya cuichi pon beyacainchaxam. ⁹ Pon xua cawaba, irũ xua wabatsi pon jiwi tsita ainya cui naexanatsi, bapon cabarai tsipae: ‘Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi’, jei tsipae pon xua paca mata canabane. Nexata icha muxunenetha uranaya ecoundecaetsipame. ¹⁰ Daxota poxonaē cawaba nenabanaenexa, cotacaya ecareinca necajeinexa poxonaē patopa pon paca mata canabane: ‘Tajiton, icha muxunenetha ecare ichaxota xaiba pomonaē jiwi tsita ainya cui naexanatsi’, jei. Bapoxonaē pomonaē pata xua penabanaenexa barapomonaē cayaitaena xua xam pon jiwi tsita ainya cui naexaname. ¹¹ Pon pia coutha peainya cui jiton naexana pejũntũ coyenetha, Nacom exanaena xua bapon pecui pawĩ jiton naexanaena. Ichitha pon xua pepawĩ naexana

pejuntũ coyenetha Nacom exanaena xua bapon peainya cui jiton naexanaena, jei Jesús.

¹² Yawano Jesús barai pontha pon pexaewa petsiwabixaetsi, jeye:

—Poxonae pexaewa tsixexaname yawano ichacuitha xua poxonae pin penabanaewa tsixexaname, jopa wabinde jinya jiwimonae penabanaenexa. Iru jopa wabinde eweichomonae irũ jinyamonae irũ pomonae copei pex-einaewi. Poxoru barapomonae pentoma exanaetsipa xua xuya catsi wabichipa penabanaewa. ¹³ Jame maisa poxonae jiwi pexaewa tsixexaname yawano ichacuitha pin penabanaewa tsixexaname, wabare pomonae peacopeibi jiwi. Yawa wabare pomonae jopa peainya cui jiwi, irũ pejayujayujei jiwino, irũ pomonae peitata nacũtsi jiwino. ¹⁴ Baropoxonae jũntũ coyene weiweinaename. Barapomonae jopa itacũpaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonae jiwi asũ exanaeinchi pomonae pejuntũ coyene wũnae jiwi, xuano xua exana pocotsiwa Nacom itoroba, jei Jesús.

Meje yabara poxonae Jesús cuiduba pecayabara jũta pepaebi diwesiyo xua pin penabanaewa peexanaewa tsane

(Mt 22.1-10)

¹⁵ Poxonae baxua jume tane, pomonae xua xayena, barapomonae caein jiwana Jesús baraichichi, jeichichi:

—jPon xua nanabane Nacom pia peitorobi nacuatheicha tatsi, bapon bichocono jũntũ coyene weiweina! jeichichi Jesús bapon.

¹⁶ Nexata Jesús jume nota, jeye:

—Pebin pin penabanaewa tsixexana jiwi. Barapo pebin itoroba ichũn, xua pewabinexa ayei bicheito. ¹⁷ Poxonae barapo hora tsuxubi poxonae pexaewa nacui wũnaeta, bapon itoroba pia petanacuichinchi xua pewabinexatsi pomonae bayatha wabatsi. Barapon namchi: ‘Pajande jiwi: Antha pajojondena jei. Pexaewa weta jei, pajande’, jei pon mata canabane. ¹⁸ Ichitha daxita barapomonae paeba xua pinae enatsi xua peexanaewa. Ichũn namchi: ‘Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. ¹⁹ Ichũn namchi: ‘Canta diez poyobe comotan buey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. ²⁰ Ichũn namchi: ‘Canta anoxuaetha taseuri pitan. Nexata nejume yopire pinae jopa itacũpaetsi xua pepatopaewa tsane, jande’, jei. ²¹ Poxonae caibe nawiya pon penajume caitorobinchi bapon daxita baxua tsipaeba pia pecanamataxeinaeinchitha. Nexata pon pecanamataxeinaein caseba pomonaetha pomonae bequein pewabixae, xua jopa pepatsixae. Bapon barai pia petanacuichinchi, jeye: ‘Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, penabenaewi caponde, pejayujayujeimonae caponde, pomonae peitata nacũtsi jiwi berene caponde’, jei pon pecanamataxeinaein. ²² Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: ‘Tanecanamataxeinaem, xua neitorobame bayatha exanan, ichitha bomũxũ jopa tutu canaũpaxubiyo, jiwi yayatha’, jei. ²³ Nexata bapon jume notatsi pia pecanamataxeinaeinchi: ‘Equeicha nainya ponde tomara cuariya beya po namton pin namtontha, yawa tsiqui namtoxithano tomara cuariya. Baxota jume daunweya itorobare pomonae xua taneme xua pepatsinexa tabotha petutu canaũpaxubinexa tsane. ²⁴ Catsipaebatsi, pomonae bequein waban ichitha jopa patsiyo, barapomonae jopa nabanae tsane tabotha’, jei pon pecanamataxeinaein, jei Jesús.

Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi

(Mt 10.37-38)

²⁵ Pin bicheitomonae Jesús puna poinchi. Jesús napatomeicha necota, namchi barapomonaetha, jeye: ²⁶ “Icha pebin ichichipa xua tajiwiwimonae jiwanapin penaexanaewa tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara tajiwiwionaepin. Ichitha icha jopa baxua exanaeyo xua bichocono nama tana neantobewa, bapon jopa tajiwiwionaeyo. ²⁷ Matautano pon jopa awiya exana ducuaenaebiyayo pocotsiwa itoroban, tsipei jopa beperaxa exanaetsi icha be xua poxonae neichi nexata bapon jopa tajiwiwionaepinyo. ²⁸ Poxonae pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecabaponaenexa pomonae nacuita bo. ²⁹ Ichacuithar_u saya naewa wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonae pata, barapomonae bo taenota. Poxonae tane barapomonae cui capona, bapon cui caponatsi. ³⁰ Barapomonae namchi tsane, jei tsane: ‘Barapon tamropata pitaba bo xua acaba, ichitha jopa itacupaetsi xua pewetsiwa’, jei tsane”, jei Jesús. ³¹ Equeicha Jesús namchi: “Iru_u pon jiwi itorobiya pia pepa peewatsinchi ichichipa xua jiwi naba exana ich_un beya pontha pon ir_u jiwi itorobiya pepa peewatsin. Poxonae bapon baxua exana, copiya nanta xeina, najei tsane: ‘Jamaisa, saya beisa diez mil po soldadomonae bicheitobe neyae-watacua, bapon netsi veinte mil po soldadomonae bicheitobe yaewatatsi. Metha tamonae jopa inta itacupaetsi xua peamanayabiwa barapo veinte mil bicheitha xua taxainya berena ponaena’, najei tsane. ³² Icha barapon jopa itacupaetsi xua peamanayabiwa, bapon najume caitorobina ich_untha, poxonae cataunxuae taj_u eca, ich_un pon icha nacuapiwi itorobiya pia pepa peewatsinchi xua petapaebinexa tsainchi xua jopa penabiwa tsane yabara, xua equeicha j_untema pejinompaenexa. ³³ Icha bapon ichi pon jiwi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxename, jopa paca itacupaeyo xua tajiwiwimonae painya nenaexanaewam”, jei Jesús.

Meje yabara poxonae Jesús diwesi yabara paeba xua bequein sare xoya pexaewatha ichitha awiya axaibi

(Mt 5.13; Mr 9.50)

³⁴ Equeicha Jesús jeye: “Sare beno, bara beno w_unae. Ichitha icha barapo sare beno jopa abenataeyo, bapoxonae jopa peitacupaewatsi xua equeicha peabenataewa. ³⁵ Barapo sare jopa ira nexiyo tsipei naein jopa beta xuwa exanaetsi. Daxota barapo sare jiwi bewa xubi. Icha pamuxu dubename moya pana nejume naitaware pocotsiwa tapaca tsipaebiwatsi”, jei Jesús.

15

Meje yabara poxonae Jesús paeba pecayabara j_uta pepaebi diwesiyo xua oveja pe-enaen yabara xua poxonae pia oveja taeba

(Mt 18.10-14)

¹ Pomonae paratixi pentoma noteibiwi, po paratixi jiwi bewa catsibina pon romanomonae itorobiya pia pepa peewatsinchi nexa, ir_u pomonae

abe peexanae cuiru coyene peexaneibiwi daxita barapomonae Jesús imoxoyo caquita umenarucupatsi xua Jesús pejume taenexatsi. ² Daxota fariseomonae irurur pomonae jiwi pecuidubiwi Moisés pia peitorobi coyene tatsi daxita barapomonae Jesús abe yabara paebatsi. Barapomonae namchi, jeye:

—Barapo pebin napona pomonaetha pomonae abe peexanae cuiru coyene peexanaewi, yawa barapomonaetha nanabane, jei.

³ Tsipei Jesús yabara paebatsi barapomonae, daxota nexata Jesús tsipaeba pecayabara jnta pepaebi diwesiyo jeye: ⁴ “Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja pewenaweneinexa oveja pon beya matapainya taeba. ⁵ Poxonae jiton oveja taeba pon aichurucuae, jntu coyene weiweinaya bota peutucuratha. ⁶ Poxonae jiton oveja capatopa botha bapoxonae piamonae waba pomonae petaenaewichi pia botha, pia jiwi wabano, wabano pomonae petsicuarabu enaewichi. Jiton daxita barapomonaetha barai, jeye: ‘Panebaru jntu coyene weiweinare tsipei oveja bayatha taeban pon bayatha inta aichurucuae’, jei bapon piamonaetha. ⁷ Xaniyan paca tsipaebatsi. Icha jiton ichi poxonae jntu coyene weiweina petaebixae oveja, barichi pomonae peitaboco beicha ena. Bapomonae bichocono jntu coyene weiweina poxonae ichun Nacom tsita xeinatsi icha jntu coyene pon copiya penacui matacaetsin xua abe peexanae cuiru coyene exana. Barapomonae bapon yabara toxechiya jntu coyene weiweinatsi beyacaincha poxonae yabara jntu coyene weiweinatsi pomonae xua noventa y nueve poyobe jiwi pomonae xanepanaya peexanaewi, pomonae jopa Nacom pentichi”, jei Jesús.

Meje yabara poxonae Jesús paeba pecayabara jnta pepaebi diwesiyo xua yabnyo yabara xua poxonae taeba paratiyo

⁸ Equeicha Jesús paeba pecayabara jnta pepaebi diwesiyo, jeye: “Petersiriwa diez po paratiyobe xeina xua pecacomocae paratixi. Cae paratiyo taaichurucuaetsi, daxota pecoicha coicha exana. Bo tutu camona bewayo, beya matapainya taeba. ⁹ Poxonae barapowa paratiyo taeba bapoxonae pia jitowaxi waba, wabano powaxi petsicuarabu enaewaxichi. Barapowa namchi barapowaxitha: ‘Pana nebaru jntu coyene weiweinare poxoru bayatha taeban paratiyo, po paratiyo bayatha inta aichurucuae’, jei. ¹⁰ Paca tsipaebatsi barichi peitabocotha Nacom pia matatsunpiwimonae tatsi bichocono jntu coyene weiweina poxonae ichun Nacom tsita xeinatsi icha jntu coyene pon copiya penacui matacaetsin xua abe peexanae cuiru coyene peexanaein”, jei Jesús.

Meje yabara poxonae Jesús paeba pecayabara jnta pepaebi diwesiyo xua pebin yabara pon pexanto cayabara cui jntemaina xua abe exana

¹¹ Barichi equeicha Jesús paeba icha pecayabara jnta pepaebi diwesiyo, jeye: “Jiton xeina pexantobe. ¹² Pon xuyapin paxa barai: ‘Axa, necare xua necopiniwa tsane pocotsiwa xua pana nejuntana jebame bequein cataunxuae poponame’, jei xuyapin. Nexata barapo jumetha coxiyan pexantobe tsata catabe. ¹³ Pirapaeyo xuyapin piawa caenaeta xua paxa catatsi. Barapo paratixi cuntha tajubeya pona icha nacua beya. Icha nacuatha abe exana. Barapo paratixi cobe caewitatsi xua nasi cui matacaeta yabuxitha. ¹⁴ Poxonae bapon daxita paratixi wetaxuba, iruru mayayo tsuxubiru barapo nacuatha, barapon muxu piyain petupa. ¹⁵ Nexata bapon jeita penacuichiwa ichantha xua barapo nacuatha. Bara barapon itorobatsi xua petayapu eenaenexa marranomona. ¹⁶ Bapon piyain ichichipa xane

marranomonaē pexunenowa xua petsebocoton, tsipei bapon jopa catichi pexaewa. ¹⁷ Nexata bapon pia coutha nanta xeinanaya najei: ‘¡Maisa taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tatupae. ¹⁸ Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino. ¹⁹ Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane’, najei barapo xuyapin. ²⁰ Nexata bapon paxa beya caibe nawiya.

“Poxonae cataunxuae tajū jiniya, paxa taebiyatsi, coxiyan pexanto yabara nantanuweya cui nanta xeina. Coxian pexanto matenta cuinaepoinya. Nexata pexanto cobe jayaba. Juntū coyene weiweinaya pexanto naisa cateita waetaba peantobexae. ²¹ Nexata barapo xuyapinxae paxa barai: ‘Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan’, jei barapo xuyapin. ²² Ichitha coxiyan barapo jumetha barai pia petanacuichiwichi: ‘Nainya papire pexeinya paparuwa pamaxatare taxanto. Yawa anillo pacobesi xatare. Yawa pataxu xatare xua penataxu xatatsiwa. ²³ Vacayo pebtiyo poyo nasiteca pacarenande. Pabexore. ¡Bū xainchi! ²⁴ Poxoru barapo taxanto mexeya nacata tūpawejan, ichitha anoxuae asū. Bayatha nacata aichawiya, anoxuae matapainya netsita patopa’, jei coxiyan. Nexata bapoxonae tamropata notarūcupa xua weiweina poxonae xane”, jei Jesús.

²⁵ Equeicha Jesús namchi, jeye: “Irarū pin penabanaewa exanempa, irarū matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba. ²⁶ Nexata barapon pon matapinxae waba caein pomonaē penacuichiwi. Yainyaba, jeye: ‘¿Eta xua juinya busi exanempa?’ jei. ²⁷ Nexata barapon pon penacuichiwi jiwana jume nota. Jeye: ‘Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya asūya pepatopaexae’, jei. ²⁸ Ichitha barapon pon matapinxae barapo jumetha anaepana. Jopa bejoniyaeyo botha. Coxian pesato bejoniya, pexanto jume daunweya waba: ‘Owae, antha, antha jonarena’, jei coxiyan. ²⁹ Nexata barapo coxiyan pexanto jume notatsi: ‘Bara xam caena bayatha yaputaneme xua ainya wei cata nacuitatsi yawa jopa cajumefebichi. Ichitha bapana jopa necatsim peweinyo cabritiyo, tajiwimonae tabarū nabanaenexa. ³⁰ Ichitha barapo nexanto anoxuae cata patopa, xua jinya paratixi caewitaxuba xua penasi cui matacaetsiwa yabūxitha. Xam penacuichiwi itorobame xua vacayo pebtiyo bexubina poyo nasiteca tayapin nexa’, jei barapon pon matapinxae.

³¹ “Nexata coxiyan jume nota pexanto: ‘Owae, apara xam cabarū pōponeibatsi. Daxita pocotsiwan xeinan, apara bara jinyawa. ³² Ichitha anoxuae wūnaē nawita xua pin penabanaewa, yawa juntū coyene weiweinaeinchi poxoru barapo neyapin, pon xua mexeya nacata tūpawejan, anoxuae asū popona. Caena bayatha nacata aichurucuae, yawa anoxuae matapainya naca tsita patopa’, jei coxiyan poxonae pexanto tsipaeba”, jei Jesús.

16

Meje yabara poxonae Jesús paeba pecayabara jūta pepaebi diwesiyo xua pebin yabara pon jopa xanepanaya peyapucaecaein bo

¹ Equeicha Jesús tsipaeba pijimonae pecayabara jūta pepaebi diwesiyo. Jesús jeye: “Matha irū pebin popona pon copei pexeinaein. Bapon xeina

pon bo petayapucaecaeinchi. Bapon pon copei pexeinaein tsipaebatsi ichamonae xua pinae pon bo petayapucaecaeinxetsi jopa pinae xapain exanaeyo, saya pinae abe exana, jei ichamonae. ² Nexata bo pexeinaein pon copei pexeinaeinxae, bapon waba pia petayapucaecaeinchi bo. Bapon barai pontha pon bo petayapucaecaeinchi, jeye: ‘¿Jame ichamonae jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta como-came. Tsipei jopa becaexanaetsi equeicha xua inta yapucaecame daxita tawan’, jei. ³ Nexata pon bo peyapucaecaeinxae nacui yabara nanta xeina pia coutha, nabarai: ‘¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonae jopa taxainaewa tsane pocotsiwa taexanaewa? Jopa nebusi coxonaeyo xua naein tauncatsiwa pabitha. Auran tsipae xua saya amanaya i taw_uqueibiwa paratixi. ⁴ Jaina, bara yaputan xua po coyeneya exanaein poxonae tanecanamataxeinaein necopatsina, xua poxonae jopa xeinaein tsane tanacuichiwa xua ichamonae tanententa wabeibinexa pia botha’, jei. ⁵ Nexata bapon pon bo petayapucaecaein daxita tamropatsiya wawabapona pomonae pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: ‘¿Eta xoyobe matoma amanayabame xua jopa cataunxuae catsim pontha pon tanecanamataxeinaein?’ jei. ⁶ Bapon jume nota, pon bo peyapucaecaein, jume notatsi, jeye: ‘Cien po penasi mera bosib_ube xua pin bosixib_un tha baxua catichi, ichitha cataunxuae jopa baxota matomatsinyo barapo penasi mera bosib_un’, jei. Pon bo petayapucaecaein xuya jume nota: ‘Taema xote xeinanje jinya papera xua tinadutame, cien po nasi bosixib_un, jam, xua bexa matomatsiname. Xote nainya ecoundeinqe barapo netinadutsiwa, iquinaxore. Icha itaneto dure xua saya cincuenta po penasi mera bosixib_ube, jande’, jei pon bo petayapucaecaein. ⁷ Bapoxonae equeicha ich_untha yainyaba: ‘Incane ir_u xam_u, ¿eta xoyobe tanecanamataxeinaein taacoibichi xua catsiname bapon?’ jei. Bapon jume nota, pon bo petayapucaecaein jume notatsi, jeye: ‘Tha catichi cien po sacube aro sacun’, jei bapon. Nexata pon bo petayapucaecaein xuya jume nota: ‘Taema xote xeinanje jinya papera xua bayatha tinadutame xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecoundeinqe barapo itaneto tsitsinaxore, icha pena netinadutsiwa tinadure xua saya ochenta po sacube, jande’, jei pon bo petayapucaecaein. ⁸ Ichitha bo pexeinaein yabara paeba pon bo petayapucaecaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonae pia jiwimonae peexanaewa. Daxota paca tsipaebatsi pomonae anoxuae jinompa barapo cae pin nacuathe, pomonae jopa penejume cow_untsiwi nama barichi. Barapomonae yabara naj_unt_u coyene w_unaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cow_untsiwi.

⁹ “Paca tsipaebatsi ichamonae pacatsibeibare paratixi xua painya jiwi painya neexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawenname barapomonae paca matenta weiweinaya wabina po bontha xua ataya tsitecaeya pajinompaename.

¹⁰ “Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua pox-

onae pin penacuichiwa. ¹¹ Icha paxam jopa xanepanaya patayapuentaem xua paratixi xua barapo cae pin nacuathe nexa, Nacom jopa paca itorobiyo xua patayapuentaename xua bapon pia pexeinya pexeinaewa tatsi. ¹² Icha jopa xanepanaya payapucaeacaeem ichun piawa, metha nexata jopa paca catsipae xua painyawa nexa tsane painya neyapucaeanaewamxae.

¹³ “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom”, jei Jesús.

¹⁴ Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi. ¹⁵ Nexata Jesús fariseomonae baraichi, jeye: “Paxam barapomonae pam, xua ichamonae paca yabara nanta xeina xua pejuntu coyene xanepanae jiwi pam. Ichitha Nacom paca juntu coyene yaputane xua peajuntucoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi”, jei Jesús.

Meje yabara poxonae Jesús diwesi yabara paeba Moisés pia peitorobi coyene tatsi, yawa po coyene Nacom waba jiwi petanaexanaenexatsi pijimona pomonae itorobiya pecanamataxeinaexae

¹⁶ Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwi pia pecuidubiwa tatsi, beya Juan patopa. Barapoxonae caena poxonae Juan popona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimona tatsi pomonae itorobiya peewatsixae. Jiwi bewa yabara najuntu coyene sibi awiya xua pepatsinexa Nacom pia peitorobi nacua beicha tatsi.

¹⁷ “Yapu xanepana xua itaboco yawa ira peweraweracaewa. Nama Nacom peitorobi jume ajumeyapusu bapana jopa peweraweracaewa bequein bara cae peitorobi coyene”, jei Jesús.

Meje yabara poxonae Jesús cuiduba xua jiwi piseurixi pepuna penteibiyainwa

(Mt 19.1-12; Mr 10.1-12)

¹⁸ Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya baru popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsixana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

Meje yabara poxonae Jesús diwesi yabara paeba xua pon copei pexeinaein iru ichun pon Lázaro

¹⁹ Equeicha Jesús tsipaeba icha diwesi, jeye: “Matha iruru barichi pebin pon copei pexeinaein. Pexeinya paparuwan xua pena paparuwa nama xatabapona. Matauta daxita matababi peitupanae nabanaewa exaneiba. ²⁰ Iruru ichun pebin popona, pon pewun Lázaro pon peacopeibin. Bapon Lázaro wan nawita xeina reparatotha. Bapon iratha eca pon copei pexeinaein pia bo bopatha weya tatsi. ²¹ Xua pon copei pexeinaein pia

pexaethopaewatha taothopeicatsi pexaewa pepurawan, baraxua Lázaro ichichipa xaiba. Yawa aurimonae pata xua Lázaro pewan daebinexatsi. ²² Icha matabitha Lázaro tupa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Iruru pon copei pexeinaein tupa, yawa muthutha xotsi.

²³ “Pon copei pexeinaein patopa ichaxota pateiba pomonae pewerapeibiwi barapo petupae cuiru coyene nacuatha. Bapon bichocono atene. Bapon athabeicha necoicha. Bapoxonae Abraham tajua taebiyatsi asiyeicha, yawa xua Lázaro barua equiyatsi. ²⁴ Pon copei pexeinaein wawai: ‘Tamo susato jiwana, Abraham, necui yabara nanta xeinare. Inta Lázaro itorobinca taneebato memeinyatsinexa meratha poxoru bichocono netaxua po isotothe uncuan’, jei. ²⁵ Ichitha Abraham jume nota: ‘Tamonae susato jiwana, nanta xeinatabare xua caena bayatha poxonae cataunxuae asu poponame, xeiname xua acabem xua pocotsiwan ichichipame xua nexainaewa. Xanepanaya poponame. Ichitha nama Lázaro jopa daichiyo poxonae cataunxuae asu popona. Jopa xanepanaya poponaeyo. Xote bapon wunae yabara nantanuweya cananta xeinatsi xua peyawenaenexatsi. Ichitha nama xam jopa caraichiyo. Bichocono caperu weyawa. ²⁶ Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa itacupaetsi xua bara beparecaena nexainya bereca. Iru pomonae nexainya weruneina jopa itacupaetsi xua taxainya betsina pepatsinaenexa’, jei.

²⁷ “Nexata pon copei pexeinaein jume nota: ‘Nexata tamo susatopim cawucatsi inta Lázaro itorobare taxa pia bo beya. ²⁸ Baxota xeinan cinco poyobe tayapin jiwi. Abraham Lázarotha najume carure xua bu tayapin jiwi jopa pepatsinexaru tsane ichaxota uncuan xua bichocono atenein’, jei. ²⁹ Ichitha Abraham jume nota: ‘Apara neyapin jiwi xaina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwan tatsi. Bu barapomonae exana pocotsiwa baraxua pejume coya’, jei Abraham. ³⁰ Pon copei pexeinaein jume nota: ‘Aa, tamo susato jitom, Abraham, ichitha icha petupaewi jiwana caein siwa ponaena barapomonae beya, barapomonae jume cowantsina yawa icha juntu coyene pexeinaenexa tsane Nacomtha’, jei. ³¹ Ichitha Abraham jume nota: ‘Icha barapomonae jopa exanaeyo xua peexanaewa pocotsiwa Moisés pia peitorobi coyene tatsi itoroba, xuano xua Nacom peitorobi jume pepaebiwi pia pecuidubiwan tatsi, barapomonae jopa jume cowantsipae bara bequein Nacom taitorobichipa xua jiwana caein pomonae petupaewi’, jei Abraham”, jei Jesús.

17

Meje yabara poxonae Jesús paeba xua jiton jopa bewa cana exanae ichuntha xua iru abe peexanaewa tsane

(Mt 18.6-7, 21-22; Mr 9.42)

¹ Jesús namchi pijimonaetha, jeye: “Barapo nacuathepiwi ataya xeineiba po jiwi pecana exanaexaetsi xua ichamonae cana exana xua barapo jiwi abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon cana exana, xua ichun cana exanatsi, xua ichun abe peexanaewa tsane. ² Metha jame wunae tsipae xua barapo pebin pin iboto wisi cutsipatsi pin mar mentha barapo iboto cayawa cabutabachipatsino. Tsipei jopa wunae tsipae xua bapon cana exana xua ichamonae abe peexanae xuiru coyene exana pomonae cataunxuae aena nejume cowanta. ³ ¡Dota pam, xua jopa bara paichim tsane!

“Icha ichun pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peauraxae xua pacata exana, bapoxonae pacui yabara jantemainare pocotsiwa bapon pacata exana. ⁴ Bequein bara bapon abe pacata exana, siete po cuiyobe xua cae matabitha, yawa paca tsipaeba siete po jumeyobe, bapon jeye: ‘Maisa auran tsocuae xua abe pacata exanatsi, equeicha jopa pacata abe exanae tsainchi’, jei pon abe exana. Daxota paca jeichi xua nantawenona peyabara jantemainawa baxua xua po coyene bapon pacata abe exana”, jei Jesús.

Meje yabara poxonae Jesús yabara paeba xua pin pejume cowantsi coyenewa

⁵ Jesús pon Pecanamataxeinaein jiwi, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomonae.

⁶ Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo juta ichi xua tsica xutiyo ichitha bara paca itacupa xua naewatha painya nejeiwa: ‘Ee, naewa jinya coutha natabu jonde yawa pin mar mene beya equeicha uncuare’, painya nejeiwa. Bapoxonae barapo nae jopa bayatha tsipae poxonae pajam tsipae baxua, jei Jesús.

Meje yabara poxonae Jesús paeba xua pocotsiwa jiwi bewa exanae pocotsiwa pentacaponaein itoroba

⁷ Equeicha Jesús namchi, jeye: “Metha ba paxam jiwana caein xeina pia petanacuichinchi pon penacuichin bapon ira cacobauya, matauta vaca yapu capopona. Bapoxonae bapon pon penacuichin wexua wenawirena, bo benawirena. Pon paxam jiwana caein metha bapon jopa jei tsipae: ‘Anetha, jondena matha xaema’, jopa jei tsipae bapon. ⁸ Jame bapon jei tsipae: ‘Pexaewa netsiapain exanare. Inta carena tsaibinde pexaewa pexaethopaewatha poxonae xunaecan. Bapoxonae cotacaya bexa nabanare’, jei tsipae pon paxam jiwana. ⁹ Pon penacuichin jopa jei tsipaetsi: ‘Jaco xua taneyawenaewam’, jopa jei tsipae pon paxam jiwana. Tsipei saya taexanatsi xua bapon peitorobixae. ¹⁰ Icha pon petanacuichin ichi xua taexana peitorobixaetsi pia pentacaponaein, paxam bara juta paichinde. Poxonae pawetame pocotsiwa Nacom paca itoroba, pajande: ‘Paxan pata nebusi cui tataewimonae pan xuano pata pecui pawi pan, tsipei saya paexanan xua pocotsiwa bewa paexanaein’, pajande”, jei Jesús.

Meje yabara poxonae Jesús axaibi exana diez poyobe pebiwi, pomonae peperu sawichimonae

¹¹ Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona. ¹² Poxonae Jesús tsica tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonae, ichitha barapomonae Jesús tajū wetaeumendenatsi. ¹³ Barapomonae wawai, jeye:

—Jesús, pon Patatanecuidubim, pana neyabara najuntu coyene xeinare jinya pata tana neyawenaenexam, jei barapo peperu sawichimonae.

¹⁴ Poxonae Jesús tane barapomonae, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonae cataunxuae namtotha enapona, bapoxonae barapomonae perū jume tsurucupae xua peperu sawiwatsi barapomonae. ¹⁵ Barapo diez poyobe

jiwana caein, poxonae bapon taeba xua axaibi tsurucupae, bapoxonae Jesús beya pona, xua caibeya pona, yawa jume daunweya Nacom wɥnae jaintatsi.

¹⁶ Barapon pentabocototha uncua Jesús peitabaratha tatsi. Yawa irabe taeuncuareca xua Jesús pejacobinexatsi. Barapo pebin apara pon seicaya Samaria nacuapin. ¹⁷ Nexata Jesús namchi, jeye:

—¿Diez poyobe itara axaibi exanan? ¿Incane dapo nueve poyobe jane?

¹⁸ Bapon apara penanapaincha jinompaewi jiwanapin. Yawa cou compa caiberena pia wɥnae jainchichi Nacom, jei Jesús.

¹⁹ Nexata Jesús equeicha pebin baraichi, jeye:

—Nontaponde pondeno, bayatha axaibim tana neyabara jume cowuntsixaemxae xua bara tana neitacupaewa xua axaibi tacaexanaewatsi, jei Jesús.

Meje yabara poxonae Jesús yabara paeba po coyene xua poxonae Nacom itorobiya ewatsina jiwi

(Mt 24.23-28, 36-41)

²⁰ Fariseomonae Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jeichichi barapomonae Jesús.

Jesús jume nota, jeye:

—Poxonae Nacom itorobiya ewatsina jiwi, barapo coyene jiwi jopa itacupaetsi xua petaewa baxua. ²¹ Daxota jiwi jopa jei tsane: ‘Baraxote bayatha patope’, jopa jei tsane. Mataatano jopa jei tsane ‘Xoteiche bayatha patope’, jopa jei tsane. Tsipei apara po coyene xua Nacom itorobiya ewatsina jiwi barapo coyene patopa jiwitha. Daxota Nacom juntu coyene itorobiya ewatsina jiwi pomonae pejume cowuntsiwixaetsi Nacom, jei Jesús.

²² Nexata Jesús barai pijimonae, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename caentacabi xua barapo matacabin jiwana. Dapo jumetha jopa painya nepaca itacupaewa tsane xua painya tana netaewam tsane xuano xua caentacabi xua barapo matacabin jiwana.

²³ Ichamonae paca jei tsane: ‘Baraxote bayatha patopa bapon’, paca jei tsane. Ichacuitha paca jei tsane: ‘Baraxoteicha bayatha patopa bapon’, paca jei tsane, ichitha jopa paponaeinde bara beya yawa jopa pajume cowuntsinde.

²⁴ Icha yamuxu ichi xua jemeicha yacoicha uncueica, xua coicha nayotaxuba itabocototha, barichi tsane po matacabitha poxonae patopeicaein ponxaein Nacom Tananeitapetsin. ²⁵ Ichitha copiya nantawenona xua neperaxa jabina ichamonae. Yawa neitawetsinano pomonae xua anoxuae jinompa.

²⁶ Icha matha ichi poxonae Noé caena bayatha popona jiwi jopa tsaqueinaeyo xua Nacom pin awubo exanaena methaunxae. Saya barompaya icha juntu cuitha jinompa daxota jiwi werapa. Barichi juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowuntsiyoxaetsi. ²⁷ Pomonae jinompa poxonae Noé popona, barapomonae juntea nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxonae po matacabitha Noé pin jera naetha joniya. Bapoxonae pin ema mu jopa. Daxita Noé wepu bunothopatsi pomonae jinompa poxonae Noé popona.

²⁸ Barichiru jiwi pocotsiwa ichamonae exana poxonae ichan pebin popona

pon pewan Lot. Barapomonaē nabaneiba, yawa apeiba, yawa comaque-
iba, yawa caenaeteiba, yawa pexaewa ubeiba, yawa bomuxun acabeiba.

²⁹ Poxonaē bapon Lot Sodoma tomara wenaetabiya, barapoxonaē iso itere
m, m othopeica tomaratha, yawa pocotsiwa be ibo puru baxua itaboco
weothopeicano xua bichocono atou. Daxita Sodoma tomarapiwi werapa.

³⁰ Icha Sodoma tomaratha ichi xua jemeicha iso itere m, m othopeica yawa
xua jemeicha ibo puru itaboco weothopeica, bara juta ichin tsane jemeicha
patopeicaein ponxaein Nacom Tananeitapetsin poxonaē jiwī tsita naitatsin.

³¹ “Barapo matacabitha icha ichun bo matatupatha uncua, barapon jopa
bewa botha jonyae tsane xua penotsiwa tsane pocotsiwa tabobeinchi
bomuxu tututha. Iru pon pabitha popona jopa bewa caibeya ponae tsane
botha, saya jame nainya benaetsiricuaena. ³² Pacui yabara nanta xeinare Lot
piseuri tatsi xua tupa poxonaē jopa nainya naetsiricuaeyo piawan caibe pe-
siwa necoyaexae. ³³ Pon naantobeya nata exana pocotsiwa bapon ichichipa,
bapon jopa xeinaeyo peajuntayaruswa po peajuntayaruswa ataya tsiteca
xua Nacom pia nacua beicha. Ichitha pon neantobeya inta exana pocotsiwa
ichichipan bapon xeinaena peajuntayaruswa, po peajuntayaruswa ataya
tsiteca xua Nacom pia nacua beicha.

³⁴ “Paca tsipaebatsi po mataqueitha patopaein, ainya pebinbe
ponbe xua nanta jupaya maitecabe, caein matatsunpin pichina, pon
pejume cowantsixae Nacom. Ichun saya cuenta ponaeinchi jopa
pejume cowantsiyoxae Nacom. ³⁵ Iru ainya yabyobe nacuara
yacatoyorobauyaenabe, ichowa matatsunpin pichina pejume cowantsixae
Nacom. Ichowa saya cuenta ponaeinchi jopa pejume cowantsixae
Nacom. ³⁶ Iru ainya pebinbe nacuara nacuitauyaenabe pabitha, ichun
matatsunpin pichina, ichun saya cuenta ponaeinchi”, jei Jesús.

³⁷ Poxonaē baxua Jesús pijimonaē jume tainchi, Jesús yainyabatsi jeichichi,
jeye:

—Pata Tanecanamataxeinaem, ¿exota metha baxua exanaena? jeichichi
pijimonaē.

Jesús pijimonaē jume nota pecayabara juta pepaebi diwesiyotha, jeye:

—Quequeremonaē ba nacaetuta ichaxota baurin boca. Bara juta paichim
tsane paxam pomonaē tana nejume cowantsi jiwī pam pana newanaē
ewatsiname po mataqueitha patopeicaein, barapo mataqueitha panacae-
tutsiname, jei Jesús.

18

*Meje yabara poxonaē Jesús paeba pecayabara juta pepaebi diwesiyo xua
yabyo yabara powa pecuenta tupaewayotsi piseuri xua iru pon jiwī peyabara
paebin xua penatsicuentisiwa xua abe peexanaexae*

¹ Jesús pijimonaē tsipaeba pecayabara juta pepaebi diwesiyo xua pecuidu-
binexa, jeye: “Paxam daxita matacabi bewa pawaqueibim Nacom. Painya
xoba paajuntacoyenefaetabim tsaibim poxonaē pawaqueibame”, jei Jesús.

² Equeicha Jesús pijimonaē barai, jeye: “Matha iruru tomaratha popona pon
jiwī peyabara paebin xua penatsicuentisiwa xua abe peexanaexae. Bapon
jopa Nacom cunuwichi. Yawa bapon jopa beta yabara nanta xeinaeyo
jiwītha xua peyawenaenexa. ³ Barapo tomaratha iruru popona petsiriwa,
powa pecuenta tupaewayotsi piseuri. Barapowa siwa poneiba pontha pon
jiwī peyabara paebin xua penatsicuentisiwa xua abe peexanaexae. Bara-
powa jei tsaibi bapontha: ‘Neyawende, ichun inta abe exana’, jei tsaibi.

⁴ Pon jiwī peyabara paebin xua penatsicuentisiwa xua abe peexanaexae

bapon ainya matakabin juntucuru jopa beexaneibiyo pocotsiwa barapowa wꞥqueiba. Ichitha bapon matapainya nanta xeina. Najei: ‘Xan apara jopa Nacom cunuwinyo. Mataꞥta jopa beta tayabara nanta xeineibin jiwi xua tayawenaenexa. ⁵ Ichitha barapo pecuenta tꞥpaewayotsi piseuri matowa nefayacota daxota neamuxufaetabi exana. Metha moya barapowa yawenaen, xua equeicha barapowa jopa penesiwa ponaenexa, tsipei bichocono amuxufaetabin’, najei pon jiwi peyabara paebin xua penatsicuentsiwa xua abe peexanaexae”, jei Jesús.

⁶ Jesús pon Pecanamataxeinaein jiwi equeicha namchi, jeye: “Baxua apara pocotsiwa paeba pon jiwi peyabara paebin xua penatsicuentsiwa xua abe peexanaexae xuano pon jopa beta yabara nanta xeinaeyo jiwitha xua peyawenaenexa. Pajume naitaeware pocotsiwa bapon paeba. ⁷ ¿Eta xua metha pananta xeiname? ¿Metha bara Nacom came bayatha tsaibi poxonae jiwi yaweneibatsi pomonae xua pewꞥqueibixaetsi? ¡Jume, apara! Nacom nainya jiwi yaweneiba poxonae barapo jiwi abe exaneibatsi ichamonae, beyacaincha xua barapowa yawenatsi. Jame yatsicaewa Nacom yaweneiba pomonaetha pomonae peitapetsixae pewꞥqueibixaetsi merawitha yawa mataqueithano. ⁸ Paca tsipaebatsi xua Nacom jopa bayatha tsaibiyo xua peyaweneibinexa pomonae nejume cowꞥnta. Xan ponxaein Nacom Tananeitapetsin poxonae patopeicaein, ¿metha bara pin bicheito taeyopeicaein jampa, pomonae xua xanepanaya beta tana nejume cowꞥntsiya jinompaewi pomonae Nacom pewꞥqueibiwichi?” jei Jesús pijimonaetha.

Meje yabara poxonae Jesús paeba pecayabara jꞥta pepaebi diwesiyo yabara xua fariseomonaen irꞥ pon paratixi matoma penoteibin

⁹ Jesús icha pecayabara jꞥta pepaebi diwesiyo tsipaeba pomonaetha pomonae jiwi peabiwi pomonae xua nayabara nanta xeina xua pinae beta jume cowꞥnta xua pinae ichamonae jopa daichiyo. ¹⁰ Jesús namchi, jeye: “Irꞥꞥ ainya pebinbe Nacom pin pia bo beya ponabe, xua baxotiya pewꞥcaenexabe Nacom. Ichꞥn fariseomonaepin, ichꞥn bapon jiwana pomonae paratixi pentoma noteibiwi po paratixi jiwi bewa catsibina pon romanomonaen itorobiya pia pepa peewatsinchi nexa. ¹¹ Fariseomonaepin nantacotuncua yawa pentꞥtotha wꞥca Nacomtha. Poxonae tsipaeba Nacom, jeye: ‘Nacom meisa xam nejꞥntꞥ coyene xanepanaein. Jꞥntꞥ coyene weiweinan xua tana neyawenaewam tsipei xan jopa be ichamonaeinyo pomonae xua jiwi pecaibiwi, yawa xua peabewi, xuano xua penasi cui matacaetsiwi yabꞥxitha. Mataꞥtano xan jopa dapomonae jiwanyo pomonae xua paratixi pentoma noteibiwi po paratixi jiwi bewa catsibina pon romanomonaen itorobiya pia pepa peewatsinchi nexa. ¹² Xan cayabara nainbotatsi ainya cuiyobe xua cae semanatha, beta tacawꞥqueibinexatsi. Mataꞥtano cae paratixi jiwana wetsabeiban xam nexa poxonae diez po paratiximonaebe xeineiban. Yawano daxita xua xeinan baxuano jiwana tsaban xam nexa’, jei fariseomonaepin. ¹³ Ichitha pon paratixi pentoma noteibin auranaya tajꞥ beuncuiya. Saya irabe necoreca yawa jopa athabe necoichaeyo. Saya ꞥ penantanuweya penanthꞥthꞥ jayabi abe peexanaeinxae. Bapon Nacom wꞥca, jeye: ‘Jaibo, Nacom neyabara najꞥntꞥ coyene cui xeinare xua tana neyawenaewam tsane bequein bara taajꞥntꞥcoyenyapubein’, jei pon paratixi matoma penoteibin. ¹⁴ Barapon pon paratixi penoteibin poxonae najume weta xua wꞥca Nacom, nawiya pia bo beya. Paca tsipaebatsi xua barapon Nacom tsitatsi xua jopa xeinaeyo xua penatsicuentsiwa xua abe peexanaexae. Ichitha fariseomonaepin jopa daichichi tsipei bapon awiya peajꞥntꞥcoyenebein. Pon xua pia coutha

peainya cui jiton naexana pejuntꝫ coyenetha, Nacom exanaena xua bapon pecui pawi jiton naexanaena. Ichitha pon xua pepawi naexana pejuntꝫ coyenetha, Nacom exanaena xua bapon peainya cui jiton naexanaena”, jei Jesús.

Meje yabara poxonae Jesús jeye pexuitha: “Barabꝫ Nacom beta paca yawenaena”, jei

(Mt 19.13-15; Mr 10.13-16)

¹⁵ Nexata jiwi Jesús tacaponatsi pexui, xua Jesús pejayabinexa pecobetha yawa xua Nacomtha petawꝫcaenexa barapo pexui xua pejeinexa: “Barabꝫ Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarꝫcupa xua barapomonae cui matawentatsi pomonae pexui carendena tsaibi. ¹⁶ Ichitha Jesús waba pexui. Jesús pijimonae barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejuntꝫ coyene xanepanaewi icha pexui ichi. Pexui pia cui xua tayapu xanepanatsi xua pia juntꝫ coyeneintha jume cowꝫnta Nacom. ¹⁷ Xaniyan paca tsipaebatsi. Pon jopa yabara jume cowꝫntsiyo xua icha be jopa pexui ichiyo xua ba pexui tayapu xanepanatsi xua jume cowꝫnta, bapon bapana jopa naexanae tsane Nacom pijimonae tatsi pomonae Nacom itorobiya ewata, jei Jesús.

Meje yabara poxonae pewowin pon copei pexeinaein Jesús tsipaebatsi

(Mt 19.16-30; Mr 10.17-31)

¹⁸ Caein pon pentacaponae wi jiwanapin bapon Jesús yainyabatsi, je-ichichi:

—Ja Tanecuidubim, maisa nejuntꝫ coyene wꝫnaem. ¿Eta xua copiya matha exanocuaein xua ajuntꝫyapusꝫya tapoponaewa tsane xua ataya tsane? jei.

¹⁹ Jesús jume epa pita, jeye:

—¿Eta xua nebaram: ‘Nejuntꝫ coyene xanepanaem’, jam? Apra ichꝫn dapon aibi pon pejuntꝫ coyene xanepanaein. Jame meisa apra bapon Nacom compa pejuntꝫ coyene xanepanaein. ²⁰ Xam yaputaneme po coyene Moisés pia peitorobi coyenewatha itoroba xua jeye: ‘Jopa ichowa pichinde ichꝫn piowa tatsi, jopa ichꝫn bexubinde, jopa caibinde ichꝫn piawan tatsi, jopa naerabiya cayabara paebinde pocotsiwa ichamonae exana. Axatha jume barꝫ cui itura jinare. Matautano enatha jume barꝫ cui itura jinare’, jei Moisés, jei Jesús.

²¹ Pon pentacaponaein jume epa pita, jeye:

—Daxita caena bayatha barapo coyenein exaneiban, poxonae pexuyothan tamropata pitaban, beya anoxuae yacuiya pinyon, jei.

²² Poxonae Jesús baxua jume tane, Jesús barai, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyonexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha, pocotsiwa Nacom necajuntꝫnata botsiwa pocotsiwa bichocono wꝫnae, jei Jesús.

²³ Poxonae barapo pebin jume taeba, bichocono juntꝫ wecoyei, tsipei bichocono copei pexeinaein. ²⁴ Poxonae Jesús tane xua barapon juntꝫ coyene wecoyei, Jesús barai, jeye:

—¡Maisa bichocono ayapubecai xua copei pexeinaewi naexana Nacom pijimonaе tatsi jiwana pomonaе itorobiya canamataxeina! Tsipei barapomonaе bichocono antasiwayatane barapo pia copei, beyacaincha xua Nacom antobetsi. ²⁵ Nama bichocono acuiruyapube xua duwein pon pewan camello xua bapon pejoniyaeва acuicheto peetabun wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaе tatsi jiwana pomonaе itorobiya canamataxeina beyacaincha xua poxonaе acuiruyapube xua poxonaе camello acuicheto peetabun wan iya pejoniyaeва, jei Jesús.

²⁶ Pomonaе xua baxua jume taerucapa, barapomonaе Jesús yainyabatsi, jeye:

—Bapoxonaе ¿jintam metha nexata itacupatsi xua penacapanepaewa pia coutha? jei barapomonaе.

²⁷ Jesús jume nota, jeye:

—Pebiwі ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

²⁸ Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

²⁹ Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonaе peyabara cueicueijeixae po diwesi xua Nacom waba jiwi petanaexanaenexatsi pijimonaе tatsi pomonaе itorobiya peewatsixae. Nacom beta cana exanaena barapomonaе pia bon pecuenta ponaexae, yawa piseuri pecuenta ponaexae. Matautano beta cana exanaena pomonaе peweichowi pecuenta ponaexae. Matautano beta cana exanaena pomonaе pamchowi pecuenta ponaexae. Matautano beta cana exanaena pomonaе paxei jiwi pecuenta ponaexae, matautano peniwi pecuenta ponaexae. Matautano beta cana exanaena pomonaе pia pexui pecuenta ponaexae. ³⁰ Barapomonaе barapo coyenein exana taneantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntucoyeneyapusawa po peajuntucoyeneyapusawa ataya tsiteca, jei Jesús.

Meje yabara poxonaе Jesús nayabara paeba acoibi po coyenebetha xua poxonaе tupaena

(Mt 20.17-19; Mr 10.32-34)

³¹ Bapoxonaе Jesús pijimonaе compa waba aisowa beya xua pomonaе doce poyobe tatsi. Jesús barai barapomonaе, jeye: “Anoxuae ponaeinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaebiwі newanae tsiwanaya yabara tina xua xan ponxaein Nacom Tananeitapetsin. ³² Yawa necaenaetsina pomonaetha pomonaе penanapaincha jinompaewi, xua icha nacua werena peponaewi xua barapomonaе tanecui caponaenexa. Matautano abe neyabara paebina. Yawa neyabara naone subabina. ³³ Yawa necuainchina, barapomonaе nebexubina. Daichitha poxonaе acoibi po matabibibe yapu caewina equeicha asun neexanaena petupae cuiru coyene weya”, jei Jesús.

³⁴ Ichitha Jesús pijimonaе tatsi jopa yaputaeyo baxua xua pocotsiwa Jesús pijimonaе tsipaeba. Barapomonaе jopa jume ita cui cupaetsi poxoru Jesús

barompaya nabaru jume yabara canamchi, baxua barapomonae taayapubetsi bichocono.

Meje yabara poxonae Jesús Jericó tomaratha axaibi exana pon peitata nac̣tsin

(Mt 20.29-34; Mr 10.46-52)

³⁵ Poxonae Jesús itiya pona Jericó tomara, pon peitata nac̣tsin namtotha eca, yawa jiwi ẉaqueibeca paratixi. ³⁶ Poxonae bapon ponxae peitata nac̣tsin jume tane xua juinya pin bicheito pona, bapoxonae bapon yainyaba, ichamonae yainyabatsi, jeye: “¿Eta xua metha juinya pin bicheito pona?” jei pon peitata nac̣tsin. ³⁷ Bapon ponxae peitata nac̣tsin jume notatsi, jeye: “Apara Jesús, Nazaret tomarapin xote imoxoyo patope”, jei. ³⁸ Nexata bapon pon peitata nac̣tsin jume daunweya wawai, jeye:

—Jesús, David pia pemomoxi susato jiwanapim, ponxaem Nacom necaitapetsim neyabara naj̣nṭu coyene xeinare jinya tana neyawe-naenam, jei pon peita nac̣tsin.

³⁹ Pomonae xua pin bicheito matacaenapoinchi, barapomonae pon peitata nac̣tsin jume matawentatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanapim ponxaem Nacom Necaitapetsim neyabara naj̣nṭu coyene xeinare jinya tana neyawe-naenam, jei pon peitata nac̣tsin.

⁴⁰ Nexata Jesús naruntaba. Jesús namchi, jeye:

—Painta max̣u xawena, jei.

Poxonae pon peitata nac̣tsin imoxoyo patopa Jesthath, Jesús yainyaba, barai, jeye:

⁴¹ —¿Eta xua jinya tacata exanaetsi? jei.

Pon peitata nac̣tsin jume nota, jeye:

—Jesús Tananecanamataxeinaem, benecotsin cuinaya, jei.

⁴² Jesús jume nota, barai, jeye:

—Moya necore antha. Axaibi caexanatsi tana neyabara jume coẉantsixaemxae xua bara tana neitac̣paewa xua tacayawenaewatsi, jei.

⁴³ Caena nainya bapon necotaxuba. Yawa Jesús puna poinchi. Matạtano Nacom ẉnae jaintatsi. Poxonae pin bicheito baxua cui tane, iṛu daxita barapo bicheito Nacom ẉnae jaintatsi.

19

Meje yabara poxonae pebin pon peẉn Zaqueo Jesús jume coẉntatsi

¹ Jesús Jericó tomaratha patopa. Bapoxonae bapon barapo tomara xenta iya. ² Baxota Jericó tomaratha pebin popona, pon copei bichocono pexeinaein. Bapon peẉn Zaqueo. Bapon pon pecanamataxeinaein pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. ³ Barapon Zaqueo bequein ichichipa xua Jesús peyaitaewatsi, ichitha Jesús jopa taetsi tsipei pin bicheito, matạtano poxoru Zaqueo xataxatequeca. ⁴ Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncua ichaxota Jesús ponaena, xua Jesús barapo naetheicha xaniwaicha peyaitaenexatsi. ⁵ Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:

—Zaqueo, nainya ecoinca tha jinya botha ecaetsi anoxuae, jei Jesús.

⁶ Bapoxonae Zaqueo nainya dunatabica. Matautano Jesús matenta weinaya wabatsi pia botha. ⁷ Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa ponae barapo botha, tsipei bapon abe peexanae cuiru coyene peexanaein, jei barapo bicheito.

⁸ Nexata Zaqueo nantacotuncua pia botha, yawa jeye Jesustha:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopeibiwi. Matautano pomonae xua naerabiya wucan cae paratixi equeicha caewa tha catsibichi cuatro po paratixibe, jei Zaqueo.

⁹ Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jivanam. ¹⁰ Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae icha xam ichim, xua tacapanenebiyaenexa tsane barapomonae, jei Jesús.

Meje yabara poxonae Jesús paeba pecayabara juta pepaebi diwesiyo xua diez po paratixibe yabara (Mt 25.14-30)

¹¹ Barapomonae jume tayena xua Jesús paeba barapo jiwitha poxonae Zaqueo yabara paebatsi. Daxota Jesús cuiduba barapo jiwi pecayabara juta pepaebi diwesiyotha, tsipei barapomonae nanta xeina xua Jesús pona Jerusalén tomara beya xua itara mexeya barapomonae itorobiya pia pepa peewatsinchi tatsi naexanaenawejei.

¹² Bapoxonae Jesús jeye: “Matha iruru pebin popona. Barapo pebin jivanapin pomonae peainya cui jiwi pomonae barompaya piamonae matabuxumonae. Barapo pebin taju pona icha nacuatha xua barapon icha nacuatha peexanaenexa tsainchi pocotsin be jiwi itorobiya pia pepa peewatsinchi, xua itorobiya peewatsinexa piamonae. Barapoxonae caibe nawiyaena pia nacuatha. ¹³ Poxonae cataunxuae jopa taju ponaeyo matha waba diez poyobe pebiwi, xua petanacuichinexatsi. Daxita barapomonaetha barompaya catsina be cae paratixi xua pocotsiwa ainya matoma. Barapo pebin namchi pomonaetha pomonae pia petanacuichiwichi, jeye: ‘Barapo paratixitha pacomocare, equeicha pacaenaere xuya, painya xuya nawita nexeinaponaenexa paratixi. Payacobe cui othopare poxonae beya patopaein’, jei barapo pebin. ¹⁴ Ichitha bapon casebatsi piamonae, pomonae jinompa pia nacuatha tatsi. Pomonae bapon casebatsi, barapomonae itoroba ichamonae xua pecoyo wepetayiyanexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaem jiwi itorobiya pia pepa neewatsin, taema, apara bapon piamonae aichaxaibichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

¹⁵ “Daichitha barapon cana exanatsi, pon jiwi itorobiya pia pepa peewatsinchi, xua ichan cana exana pon iru jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuatha patopa bapon waba pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba. ¹⁶ Pon copiya patopa bapon namchi: ‘Tanecanamataxeinaem,

po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban', jei pon copiya patopa. ¹⁷ Pon pecanamataxeinaein jume nota, jeye: 'Maisa xam beta exaname pon inta nenacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi', jei. ¹⁸ Ir_u icha petanacuichinchi patopa. Bapon jeye: 'Tanecanamataxeinaem, po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe', jei. ¹⁹ Pon pecanamataxeinaein jume nota. Bapontha jeye: 'Xam pentacaponaein caexanaeinchi xua necanamataxeinaenexa cinco po tomariyobepiwi', jei.

²⁰ "Ir_u icha pia petanacuichinchi patopa, bapon jeye: 'Tanecanamataxeinaem, taema xote xeinanje jinya paratiyo, cata mata quiyontabatsi painyaweratha. ²¹ Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa _ubim', jei. ²² Nexata pon jiwi itorobiya pia pepa peewatsinchi namchi: 'Bepa maisa dapon abem. Aparaxam jinya coutha nanatsicuentisi exaname abe nepaebixae. Xam yaputaneme xua xan pon jopa jiwi juniya taitorobeibin, xuano xua pexaewa naweta tanoteibiwa xua ichaxota jopa tacoya _ubeibinyo, matautano xua ichamonae cobe itorobeiban xua noteiba pocotsiwa jopa tawiyo. ²³ Tsipei catsawiya neyabara nanta xeiname xua bichocono daunweya itoroban daxota bayatha inta bewa barapo paratiyo banco botha botsipame xua equeicha poxonaepatopan, icha paratiyo equeicha matoma xeinaetsipan xua equeicha inta pemataroepichabotsixae tsipae poxonae ichamonae nacowaeta barapo paratiyo', jei. ²⁴ Pon jiwi itorobiya pia pepa peewatsinchi barai, pomonae xua ena baxota baraichi: 'Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina', jei pon jiwi itorobiya pia pepa peewatsinchi. ²⁵ Pomonae ena, barapomonae jume epa nota, jeye: 'Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apara diez po paratixibe xeina', jei barapomonae. ²⁶ Pon jiwi itorobiya pia pepa peewatsinchi barapomonae jume notatsi, jeye: 'Paca tsipaebatsi, pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. ²⁷ Yabara paca tsipaebatsi pomonae taneaitafaetabi jiwi. Barapomonae neaichaxaibi xua jiwi itorobiya pepa taewatsin tanecana exanaewa. Barapomonae pacarenenande ichaxota ecan. Barapomonae pajutebare ichaxota ecan', jei pon jiwi itorobiya pia pepa peewatsinchi", jei Jesús.

*Meje yabara poxonae Jesús Jerusalén tomaratha patopa
(Mt 21.1-11; Mr 11.1-11; Jn 12.12-19)*

²⁸ Poxonae Jesús baxua najume weta, bapoxonae pona Jerusalén tomara beya. ²⁹ Jesús itiya patopa Betfagé tomara, Betania tomarano xua saya patopa demxuwa po demxuwa pewan Olivowa tsipei baxota umena olivo naein. Bapoxonae nacueyatabe poyobe itoroba poyobe xua pijimonaexae tatsi jiwanae pomonae xua doce poyobe. ³⁰ Jesús barai baponbe, jeye:

—Paponarebe po tomara painya itabaraya equiya. Poxonae papatopae-namebe barapo tomaratha, pacaxinaenamebe burro pon penun pon pe-quetanotsin, pon jopa ichamonae tsijuma enaeyo. Payama isanaxorebe bepayama carenandebe. ³¹ Icha ichun paca barai: ‘¿Eta pocotsiwa payama isanaxubamebe burro?’ icha paca jei bapon, nexata pajandebe: ‘Pon Wanacanamataxeinaein bepa pata yama cayiyaeinjei, tsipei pinae nantawenona’, pajandebe, jei Jesús.

³² Poxonae baponbe tomaratha patopabe, tanebe be pocotsi coyeneya bay-atha Jesús namchi. ³³ Poxonae baponbe burro yama isacauyabe, baponbe yainyabatsibe pomonae barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

³⁴ Baraponbe jume notabe barapomonaetha, jeye:

—Pon Pecanamataxeinaein jiwi bepa pinae patayama cayiyaein, tsipei pinae nantawenona, jeibe baponbe.

³⁵ Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiyu xua baponbe pia paparuwan tatsi, bapoxonae Jesús cuaretsicatsi. ³⁶ Jesús burrotha ecapona. Jiwi paparuwan namtotha yerababa jejebabapoinya. Barapo paparuwan Jesús matatsun ecapona burrotha. Barapomonaebaxua exana tsipei Jesús matanta weyatainchi xua patopa. ³⁷ Poxonae Jesús muxu perunadecae demxuwa wereca, po demxuwa pewun Olivowa, tsipei baxota umena olivo naein barapoxonae pomonae Jesús pejume cowuntsiwichi, barapomonaejuntu coyene weiweinaya jume daunweya wawai. Yawano Nacom wunaejaintatsi xua bayatha pexeinya petsita itutsi coyenewan petaexae xua Nacom exana. ³⁸ Barapomonaejeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wunaej, bapon patopa Nacom peitorobixae! ¡Pomonae xua peitabocotha jinompa juntu coyene weiweina bichocono! ¡Maisa Nacom bichocono wunaejaintatsi pon athabeicha eca! jei Jesús pijimonae tatsi.

³⁹ Nexata fariseo jiwanamonae, pomonae naenapona pin bicheitha, barapomonaej Jesús baraichi:

—Pon jiwi Necuidubim, jinya jiwimonae baxua jume matawende: ¡Moya pande! jande, jei fariseo jiwanamonae.

⁴⁰ Ichitha Jesús jume epa pita, jeye:

—Paca tsipaebatsi, icha barapomonaemetha moya tsipae bara nexata iboton jume daunweya wawai tsipae, jei Jesús.

⁴¹ Poxonae Jesús imoxoyo Jerusalén tomaratha patopa, poxonae tomara tane, Jesús juntu coyene wecoyei tsanareca, poxoru Jerusalén tomaramonae yabara wecoyeichi. ⁴² Jesús namchi, jeye: “¡Pai maisa bepayaputaename xua pocotsi juntu coyene junte ma jinompa paca cana exana! Nama anoxuae baxua nantsiyata. Jopa paca itacupaeyo xua painya nexeinaewa painya juntu coyenetha. ⁴³ Meisa matabi pacata jopaena po matabi abe. Barapo matabitha painya nepaca caaitafaetabi jiwi paca yatomara yatoxoroto exanaxubina. Tsorobo paca yacaincha acabina. Yawa paca yacaincha ume-naena daxita muxuneneintha. ⁴⁴ Paxam Jerusalén tomarapiwi pam, yawano painya pexuino, ichamonae paca jutebina. Painya bon iratha paca yawa bebai tsane. Jopa cae iboto asiya uncuiyae tsane, omeicha othopeicaena. Tsipei paxam jopa Nacom payaitaem xua poxonae paca necasiwa ponaewa”, jei Jesús Jerusalén tomarapiwimonae yabara.

Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi

(Mt 21.12-17; Mr 11.15-19; Jn 2.13-22)

⁴⁵ Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota. ⁴⁶ Jesús barai barapomona, jeye:

—Nacom Pejume Diwesitha jeye: ‘Tabo apara po botha xua jiwi tanetsi-paebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia matha tutu pacana exaname, ichaxota pi-junuwi nantsiyabeibathopa, tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, jei Jesús.

⁴⁷ Nacom pin pia botha daxita matacabi Jesús cuidubeiba. Ichitha sacerdotemona pia pentacaponae, iru pomonae jiwi pecuidubiwi Moisés pia peitorobi coyene tatsi, iruru tomara pia pentacaponae daxita barapomona Jesús yabara nanta xeinatsi nawita xua pebexubinexa tsainchi.

⁴⁸ Ichitha jopa itacupaetsi barapomona xua Jesús pebexubiwa tsainchi tsipei pin bicheito beta xanepanaya Jesús jume tayenatsi.

20

Meje yabara xua Jesús pia peitorobi coyenewa xeina

(Mt 21.23-27; Mr 11.27-33)

¹ Caentacabi Jesús Nacom pin pia botha joniya. Barapo botha Jesús cuiduba jiwi. Yawa Nacom pia pecapanenebiyae diwesi yabara cueicueije. Bapoxonae iru sacerdotemona pia pentacaponae tatsi pata. Iru pata pomonae jiwi pecuidubiwi xua Moisés pia peitorobi coyenewa tatsi. Iru pata pomonae penapatae jiwi. ² Daxita barapomona Jesús baraichi, jeye:

—Incane pana tsipaebare, eta po peitorobi coyenewatha cuidubame baxuan? Jintam cacata barapo peitorobi coyene? jei.

³ Nexata Jesús jume nota, jeye:

—Xan iruru tha barichichi paca yainyabinchi pana nejume nore. ⁴ Jintam Juan cui itorobatsi jane xua jiwi pebautisabinexa tsainchi? Metha bara Nacom cui itoroba jampa? Metha bara jiwi cui itoroba jampa? jei Jesús.

⁵ Barapomona caemona yabara natsipaeba pocotsiwa Jesús pepaebiwa. Barapomona jeye: “eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei tsipae: ‘eta xua metha nexata jopa pajume cowantsim Juan?’ metha naca jei tsipae Jesús. ⁶ Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomona. ⁷ Barapomona Jesús jume notatsi, jeye:

—Canta jopa payaputaeyino xua pon Juan cui itorobatsi xua jiwi pebautisabiwatsi, jei barapomona.

⁸ Nexata Jesús barai barapomona, jeye:

—Nexata barichin tsane. Jopa yabara paca tsipaebi tsainchi, po peitorobi coyeneyatha exanan xua daxita taexanaewan, jei Jesús.

Meje yabara poxonae Jesús paeba pecayabara jata pepaebi diwesiyo pomonae xua abe exana, pomonae petayapucaenaewi uva pabi

(Mt 21.33-44; Mr 12.1-11)

⁹ Nexata Jesús diwesi tsipaeba jiwitha po diwesi pecayabara jata pepaebi diwesiyo. Jesús jeye: “Matha iru pebin pin uva pabi xeina. Bapon uba po unbo pewan uva cuei unbo. Bapoxona bapon itoroba pomona pia

uva pabi petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona ainya wei nexa. ¹⁰ Maticabi tsuxubi xua uva cuei naweta. Bapoxonae barapo mataqueitha pomonae pabi petayapucaenaewi jiwana itapeta nota xua penawetsiwa. Bapoxonae pon uva pabi pexeinaein, caein jiwana itoroba pomonae pia petanacuichiwichi jiwana, xua petawucaenexa tsainchi uva cuei pomonae beya pomonae pabi petayapucaenaewichi. Ichitha barapon pon najume caitorobatsi, bapon butsi. Bapon caibe cobesa iya. ¹¹ Pon uva pabi pexeinaein bapon equeicha caein jiwana itoroba pomonae pia petanacuichiwichi jiwana. Bapon barichi bichocono butsi, caibe cobesa nawiya yawa jopa catichi. ¹² Pon uva pabi pexeinaein equeicha caein jiwana itoroba pomonae pia petanacuichiwichi jiwana. Barichi pomonae pabi petayapucaenaewi barapon butsi yawa wan exanatsi yawa pabi weya xotsi.

¹³ “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxonae taxanto taeinchi, metha inta yabara baru cui itura jinaeinchi’, najei. ¹⁴ Dapo jumetha pomonae uva pabi petayapucaenaewi poxonae bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomonae. ¹⁵ Barapo pexanto tatsi uva pabi juma bexaxu cayiyatsi. Baxotiya bexotsi”, jei Jesús.

Nexata Jesús barai barapomonae, pomonae jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomonae barapo uva pabi pia petayapucaenaewichi? ¹⁶ Pon uva pabi pexeinaein patopaena pia uva pabitha, pomonae uva pabi peyapucaenaewi daxita barapomonae jutebinchi. Barapoxonae barapo uva pabi ichamonae xuya catinchi xua petayapucaenaenexa tsainchi barapo uva pabi”, jei Jesús.

Pomonae Jesús jume tayenatsi poxonae baxua jume tane xua Jesús paeba, barapomonae Jesús jume itawetatsi, jeye:

—¡Bara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamonae! jei barapomonae.

¹⁷ Ichitha Jesús tane, barapomonae tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxonae iboto yabara paeba, jeye:

‘Pebiwí pomonae ibo bon peacabiwi,
barapo pebiwi xuba po iboto tabu
caboca, po iboto peainya cui iboto.
Ichitha Nacom itapeta barapo iboto xua
petabu cabocaenexa peainya cui ibotoxae’,
jei Nacom Pejume Diwesitha.

¹⁸ Incane iboto yabara paca tsipaebinchi. Barapo ibototha poxonae ichauyo jopeica peruwixi tsanaya. Matautano poxonae barapo iboto ichauyo matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jata coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonae daxota peraxa exanaeinchi, jei Jesús.

¹⁹ Sacerdotemonae pia pentacaponae tatsi, iru pomonae jiwi pecuidubiwi xua Moisés pia peitorobi coyenewa tatsi, daxita barapomonae juntu-curu Jesús teicatsi poxoru barapomonae yaputane xua yabara paebatsi xua Jesús paeba. Nexata Jesús jopa teicaetsi poxoru jiwi cunuwatsi.

Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonaе itorobiya pia pepa peewatsinchi (Mt 22.15-22; Mr 12.13-17)

²⁰ Barapomonaе itoroba, ichamonaе itorobatsi xua petataenexa tsainchi. Pomonaе xua itorobatsi, barapomonaе naexana itara mexeya pentu cui xanepanaewi. Barapomonaе pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonaе Jesús waetabichi yawa pia caponaetsi pontha pon Judea nacuapiwi peyanacua ewatsinchi. Bapon peajumeyapusu itorobiwa xeina, xua po peajumeyapusu itorobiwa cata pon romanomonaе itorobiya pia pepa peewatsinchi.

²¹ Daxota barapomonaе Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsi-paebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonaе cuidubame poxonaе bequein jiwi jopa ichichipaeyo baxua, tsipei xam daxita jiwi catsita najupa. ²² Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaе itorobiya pia pepa peewatsinchi xua wanaca itorobixae bapon bequein bara pon penanapainchi poponaеin? Icha jopa tsipae, ¿metha daxua abe tsipae? jeichichi Jesús barapomonaе pomonaе fariseomonaе itoroba.

²³ Ichitha Jesús yaputane xua piraichi baxua yainyabatsi.

²⁴ Daxota jeye:

—Incane moya painta xawena paratiyo, tha taetsi. ¿Jintam pejumopere? ¿Yawano jintam wun ducuaе? jei Jesús.

Barapomonaе jume nota, jeye:

—Apara romanomonaе itorobiya pia pepa peewatsinchi, jei barapomonaе.

²⁵ Nexata Jesús barai barapomonaе, jeye:

—Bara nexata romanomonaе itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua iru piawaxae tatsi, jei Jesús.

²⁶ Barapomonaе jopa itacupaetsi xua Jesús pewaetabiwatsi daxita jiwi peitutha, tsipei Jesús beta jume nota barapomonaе. Barapomonaе yabara najuntu cui coyene cabenaeca pocotsiwa xua Jesús xanepanaya beta jume nota, daxota barapomonaе saya moya umena.

Meje yabara poxonaе Jesús yabara yainyabatsi po coyene xua equeicha asu pomonaе pewerapeibiwi

(Mt 22.23-33; Mr 12.18-27)

²⁷ Bapoxonaе saduceomonaе jiwana pata Jesús pia xantha tatsi xua Jesús piraichi petsipaebinexatsi. Saduceomonaе barompaya pia pecuidubi coyenewa xeina xua pinae pomonaе pewerapeibiwi equeicha jopa asu tsaibiyo. Barapo pecuidubiwa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonaе werapa. Daxota saduceomonaе Jesús siwa poinchi. Saduceomonaе Jesús baraichi:

²⁸ —Pon jiwi Necuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonaе pentapin pecoutha pexeinaenexa tsane pexui’, jei Moisés. ²⁹ Barichi, matha iru cae peweicho jiwi xua caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. ³⁰ Pon cotacaya naexana xuya pentapin coseuri pita xua

bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. ³¹ Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. ³² Bapoxonae matapainya iru barapowa tupa. ³³ Xam, Jesús, ba paebame, ba jam: ‘Matacabi jopaena po matacabitha Nacom asu exanaena xua jiwi asu exanaeinchi mathu wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha, ¿jintam metha barapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

³⁴ Nexata saduceomonae, Jesús jume nota. Jesús jeye:

—Barapo nacuathe pebiwi yawa yabuxi, barapomonae jitha eenapona. ³⁵ Pomonae xua Nacom itapeta waba, poxonae barapomonae patsina Nacom pia nacuathe, barapomonae jopa equeicha jitha eenapona tsane, yawa jopa pexantixi jitha cuarebapona tsane. ³⁶ Tsipei barapo nacuatheicha, barapomonae bexa jopa werapae tsane icha matatsunpiwi ichi xua jopa werapaeyo. Matauta barapomonae Nacom pia pexui, tsipei barapomonae equeicha asu barapo petupae coyene weya. ³⁷ Caena bayatha Moisés yabara naca cuiduba xua pomonae pewerapeibiwi xua equeicha asu tsaibi tsane, po diwesitha naewa yabara tina po naewa taxuncua. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. ³⁸ Baxua Nacom paeba tsipei Abraham iru Isaac, iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi caewa equeicha asu pejinompaewi pomonae pejume cowuntsiwixaetsi Nacom, barapomonae jame pia Nacom tatsi, pon itabocotha eca, jei Jesús.

³⁹ Nexata pomonae jiwi pecuidubiwi Moisés pia peitorobi coyene tatsi, barapomonae jiwanamona Jesús baraichi, jeye:

—Pon jiwi Necuidubim, maisa bara beta xanepanaya paebame, jei barapomonae.

⁴⁰ Saduceomonae equeicha jopa Jesús yainyabichi xua equeicha beta pejume notsiwatsiyainwa.

Meje yabara poxonae Jesús nayabara jei: “Mesías, ¿jintam pia pemomoxi susato jiwana pin tatsira?” jei (Mt 22.41-46; Mr 12.35-37)

⁴¹ Equeicha Jesús nayabara paeba pomonaetha pomonae jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinae Mesías bapon David pia pemomoxi susato jiwana pin tatsi? ⁴²⁻⁴³ Tsipei David jei salmos penaxunae weixi diwesintha:

‘Nacom pon Pecanamataxeinaein jiwi

Tanecanamataxeinaein baraichi pon

Mesías jeichichi:

Tacoxa werena ecare, beya abu tsane poxonae

necaaitafaetabi jiwi pia Pecanamataxeinaeinchi

tatsi caexanaeinchi, jei Nacom’,

jei David salmos penaxuna weixi diwesintha.

⁴⁴ Icha David yabara jei xua Mesías yabara jeichi: Bapon Mesías Tanecana mataxeinaein, jei, zeta xua metha tsipae xua Mesías apara David pia pemoxi susato jiwana pin tatsi? jei Jesús.

Meje yabara poxona Jesús muxuweta jiwi xua pomona jiwi pecuidubiwi Moisés pia peitorobi coyene tatsi barapomona pecuiyainwa tatsi

(Mt 23.1-36; Mr 12.38-40; Lc 11.37-54)

⁴⁵ Pomona xua umena daxita barapomona Jesús jume taeumeinchi poxona Jesús pijimona tsipaeba. Jesús namchi, jeye: ⁴⁶ “Dota pam, dota pomona jiwi pecuidubiwi Moisés pia peitorobi coyene tatsi. Barapomona pia pecuidubi coyenewan tatsi pecuiyainwa pande. Jopa paexanaeinde icha barapomona ichi xua barapomona bichocono ichichipa xua penama xatabiwa po paparuwan apipiya deca xua be pomona peainya cui jiwi penaexanaewi naexana. Barapomona bichocono ichichipa xua jiwi namtotha jacobebina xua barapomona pejacobinexatsi xua jiwi pebara cui itura jineibinexa barapomona xua barapomona pebara cui itura jineibinexatsi. Barapomona bichocono ichichipa xua nanta caeneiba judiomona pia penacaetutsi bontha tatsi ichaxota ba enathopeiba pomona peainya cui jiwi penaexanaewi. Matauta barapomona bichocono ichichipa xua eneiba ichaxota ba eneiba pomona peainya cui jiwimona poxona pexaewan tsinacaetuteiba xua poxona penabaneibinexa tsane. ⁴⁷ Matautano barapomona powaxi pecuenta werapaewaxichi piseurixi, barapowaxi cueranta enatsi pia bon. Barapomona naemata jopa cuinaya najume copababeibiyo poxona tsipaebeiba Nacom. Barapomona bichocono peraxa jubebinchi poxona po mataqueitha Nacom yabara paebina jiwi xua pia penatsicuentsiwa xua abe petsita exanaexatsi. Barapomona bichocono atene tsane xua poxona beyacaincha ichamona atene exanaeinchi xua jopa pejume cowantsixaetsi Nacom”, jei Jesús.

21

Meje yabara poxona Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri

(Mr 12.41-44)

¹ Nacom pin pia botha Jesús tane xua baxota pomona copei xeinaewi paratixi jeya Nacom nexa ichaxota jiwi jebeiba paratixi. ² Barichi Jesús tane xua ira ainya tsica paratiyobe jeca baxota powa pecuenta tupaewatsi piseuri, yawa bapowa peacopebiwayo. ³ Jesús jeye:

—Bara xaniyeya paca tsipaebatsi. Barapo yabayo powa pecuenta tupaewatsi piseuri, barapowa peacopebiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamona daxita pomona nawita jeya xua Nacom nexa. ⁴ Daxita barapomona jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca po paratiyobe bequein canantawenona xua pexaewa tsane, bequein bichocono peacopebiwayo, jei Jesús pijimonaetha.

Meje yabara poxona Jesús yabara paeba xua ichamona abe exanaena Nacom pin pia bo tatsi

(Mt 24.1-2; Mr 13.1-2)

⁵ Ichamona yabara natsipaeba nawita Nacom pin pia bo tatsi. Barapomona najei: “¡Maisa Nacom pin pia bo tatsi bepa wuna! ¡Maisa bepa wuna xua jiwi tutu pepena peitupanaewan barapo Nacom pin pia botha xua Nacom nexa!” jei barapomona. Nexata Jesús jeye:

⁶—Matacabi jopaena po mataqueitha tsane ichamonae pomonae penana-paincha jinompaewi pomonae xua icha nacua werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyi nacopatuncuae tsane icha iboto peumatha, daxita abe tsane, jei Jesús.

Meje yabara poxonae Jesús yabara paeba xua copiya matha pewunaeya exanaena petsita itatsi coyenewa poxonae daxita weraweracaenaba (Mt 24.3-28; Mr 13.3-23)

⁷ Nexata jiwi Jesús yainyabatsi, jeye:

—Pon jiwi pata Pecuidubim, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane xua pewunaeya tsita itapeinya xeinaena po coyene xua poxonae imoxoyo daxita weraweracaenaba? jei Jesús pijimonae tatsi.

⁸ Jesús jume barai: “Dota pam bu ichamonae naerabiya paca muxu tsi-paeba xua daxota abe paexanaetsipame. Tsipei tsane patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apara xan, Mesías’, jei tsane. Ichun jei tsane: ‘Anoxuae Mesías patopaena’, jei tsane. Ichitha paxam jopa payabara jume cowantsinde pocotsiwa xua barapomonae paeba. ⁹ Pajume taename xua jiwi juinya nabenuotsina xote, yawa xua juinya iruru nabenuotsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapu matacabi aichica tsane xua poxonae daxita weraweracaenaba yatsicaewa”, jei Jesús.

¹⁰ Equeicha Jesús namchi: “Cae nacuapiwi iru icha nacuapiwino barapo ainya nacuapiwibe nabenuotsina. Matautano iru pon nacua peewatsin iru ichundu pon icha nacua peewatsin baponbe iru nantiya nabenebe.

¹¹ Matautano ainya nacuantha ira jijiyatsina. Matautano ainya nacuantha jainbo nacua tsane, tsipei pin mayayo tsane. Matautano domae tsurucuae tsane ainya nacuantha. Matautano Nacom peitabocotha peitupanaewan itatsina, xua jiwi bichocono cunuwa.

¹² “Poxonae baxua pewunaeya tsane jiwi paca teiquebina, paca atene exanaena. Judiomonae pia penacaetutsi botha paca caponaena painya paca yabara paebinexa painya nenatsicuentiwa xua abe painya neexanaexae. Yawa paca caponaena jiwi pecubi botha. Paca caponaenano nacua peewatsiwi peitabaratha tatsi, painya tana nejume cowantsixaemxae. Yawano paca caponaena pentacaponae peitabaratha tatsi, pomonae iru itoroba jiwitha xua pon nacua peewatsin nexa painya tana nejume cowantsixaemxae.

¹³ Barapoxonae paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. ¹⁴ Pananta xeinare painya juntu coyenetha, pana najande: ‘Jopa tsiwanaya yabara nacui wunaetsi tsainchi xua ichamonae watsipaebiwatsi xua abe wanaca yabara paebiwam’, pana najande. ¹⁵ Tsipei xan paca tsimuxu dutinchi po jume xua pacaunutsiname, xua po jumetha beta paca yaputane exanaena. Barapo jume pacata exanatsi xua painya paca necaaitafaetabi jiwi jopa paca jume matanonopentsi tsane, xuano xua jopa peitacupaenexa tsainchi xua abe painya nepaca yabara paebiwam. ¹⁶ Paca caenaetsina ichamonae icha jiwitha pomonaetha pomonae jiwi pecanamataxeinaewi. Iru painya axeiwi yawa painya ena jiwi paca caenaetsina ichamonaetha. Iru painya eweicho jiwi paca caenaetsina ichamonaetha. Iru painya amoyo jiwi paca caenaetsina ichamonaetha. Iru painya jiwimonae paca caenaetsina ichamonaetha. Barichi ichamonae pomonae paxam jiwana pam jutebinchi. ¹⁷ Daxita nacuanpiwi paca casebina, painya tana nejume cowantsixaemxae. ¹⁸ Ichitha

Nacom paca capanenebiyaena painya nejuntũ coyenein panenebiyaenexa. ¹⁹ Awiya paantũyapusũya nejume cowantsiya jinompare poxonae bequein ichamonae abe pacata exana xua beya payacuiya werapaeya othopaename xua painya xeinaewa tsane peajuntũyapusũwa po peajuntũyapusũwa ataya tsiteca.

²⁰ “Poxonae pataename xua soldadomonaе xua icha nacuapiwi yacaincha matawacaicha yatoxoroto naexanaxubina Jerusalén tomara bapoxonaе payaputaename xua barapo tomara bara imoxoyo abe exanaeinchi. ²¹ Barapo mataqueitha, daxita pomonaе Judea nacuatha jinompa barapomonaе bewa demxuwan berucũpiyaena. Iru pomonaе Jerusalén tomara piwi, barapomonaе bewa bara berucũpiyaena. Iru pomonaе pabitha jinompa, barapomonaе jopa bewa ducũpaetsipae tomara beya. ²² Tsipei barapo matabintha Nacom cui itorobina, ichamonae cui itorobinchi, xua jiwі peraxa exanaeinchi, icha be po coyeneya Nacom Pejume Diwesitha yabara paeba baxua. ²³ ¡Pai yabũxi tsobenaе powaxi pexui bũpana taenatsi barapo matabitha! ¡Pai powaxi iru pexui isaina, barapowaxi tsobenaeru! Tsipei acabe tsobenaе tsane pexui. Mataũtano Nacom cui itorobina barapo nacuathe, ichamonae cui itorobinchi xua barapo nacuathepiwi pin peperaxa jũbiwatsi tsainchi. ²⁴ Ichamonae cusitha jutebinchi. Ichamonae yamaxũ cubiya caponaeinchi icha nacuan beya. Barapo Jerusalén tomaratha pomonaе penanapaincha jinompaewi xua icha nacia werena peponaewi dubenanaebiyaena beya barapo matabi yacobe cui othopaena, po matabitha xua Nacom cobe matawentsina xua equeicha jopa enae tsane barapo tomaratha barapomonaе”, jei Jesús.

Meje yabara poxonaе Jesús nayabara paeba xua poxonaе equeicha patopaetsica ponxae Nacom pia Peitapetsin (Mt 24.29-35, 42-44; Mr 13.24-37)

²⁵ Equeicha Jesús jeye: “Bapoxonaе xometotha naitũtsina peitũpanaewa, yawa jomocoichatotha, yawa opiteitontha. Barapo irathe daxita nacuanpiwi yabara najuntũ coyene cabenaenoutsina. Mataũtano busi taena pin maratsacan busi xua busi jopa xainya mene ducuaeyo. Bichocono jiwі najuinyacaena. ²⁶ Jiwі pijunuwi muxu pewerapae tsane poxonaе nanta xeinaena po coyene Nacom exanaena barapo cae pin nacuathe. Mataũta junuwina xua exanaena itabocotha poxonaе Nacom napuna torobabiyaena xua xuan itabocotha dubena. Bapoxonaе jopa xapain dubenanaeyo tsane. ²⁷ Bapoxonaе jiwі netaena ponxaein Nacom Tananeitapetsin xua tsaquinaebowatha patopeicaein. Nacom pia peayapusũwa itorobi coyenewatha, mataũtano bichocono pexeinya itũpanaе coichatha yawa patopeicaein. ²⁸ Poxonaе baxuan juntucuru exanaenaba, panantũsubarucũpare, athabe panecotumeinyama, tsipei bara imoxoyo paca necapanenebiwa tsane”, jei Jesús.

²⁹⁻³⁰ Nexata Jesús pijimonaе tsipaeba pecayabara jũta pepaebi diwesiyo xua higuera nae, jeye: “Pataema nae po nae pewũn higuera nae, xuano ichacuitha icha naeinno xua pataneme xua pena noxu xuxuwa pona. Nexata bapoxonaе payaputaema xua imoxoyo wei tsurucuae tsonaе. ³¹ Nexata barapocotsi jũta coyeneya icha tsane xuaunxuae paca tsipaebatsi xua poxonaе jiwі muxu pijunuwi pewerapae tsane. Bapoxonaе payaputaename xua bara imoxoyo tsane poxonaе xua tapatopae wũnae tsane poxonaе jiwі itorobiya ewatsin.

³² “Bara xaniyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena. ³³ Peitaboco aichurucuae tsane, matauta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

³⁴ “Dota pam, pana neyabara cananta xeinaeya jinompare. Painya xoba pana najuntũ coyene ararana exaname xua pana nasi cui matacaetame yabuxitha xuano xua pana nacupa exaname peatsaxae meratha, yawano xua saya i pananta xeiname xua panantawenoname xua saya paxam nexa. Bapoxonae barapo matacabi xain jopa paca benaecae tsane poxonae jopaena. ³⁵ Tsipei barapo matacabi jemeicha jopaena, icha be pocotsi jũta coyeneya ichi poxonae duwein jemeicha aũtabatsi mayatha. Barapo matacabi jopaena daxita barapo cae pin nacuathe yajiwi canaũpaxuinchĩ. ³⁶ Tsaca pajinompeibare xua tapatopae wũnae tsane. Matowa patsipaeba dubenanaebiyama Nacom. Patsipaebẽbare xua Nacom paca capanenebiya exanaena baxua weya xua poxonae Nacom cana exanaena ichamonaetha xuaunxuae paca tsipaebatsi. Barichi patsipaebẽbareno xua painya nepaca itacũpaewa tsane xua painya neumenaewa taitabaratha ponxaein Nacom Tananeitapetsin”, jei Jesús pijimonaetha.

³⁷ Daxita matacabi Jesús cuidubeiba jiwi Nacom pin pia botha Jerusalén tomaratha. Merawitha tsaibi demxuwa beya poneiba xua baxotiya peecaenexa tsaibi tsane, po demxuwa pewũn Olivos. ³⁸ Daxita matacabi jiwi caemũbotha tsaibi pateiba Nacom pin pia botha xua Jesús pejume taenexa tsaibi tsainchi.

22

Meje yabara poxonae fariseomonae irũ sacerdotemonae pia pentacaponaei tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi

(Mt 26.1-5, 14-16; Mr 14.1-2, 10-11; Jn 11.45-53)

¹ Bara nama imoxoyo matacabi jopa po matacabitha xua jiwi nacaetuta pexaenexa pan xua jopa cotowiyo. Barapo matacabi pewũn Pascua matacabi wũn. Barapo Pascua matacabi wũnthã jiwi yabara nanta xeina po matacabi poxonae caena bayatha matha judiomonae Egipto nacia weya panenebiya. ² Sacerdotemonae pia pentacaponaei tatsi, irũ pomonae jiwi pecuidubiwi Moisés pia peitorobi coyene tatsi, daxita barapomonae nabaerũ muxu jei xua bepa pinae eta bichi tsane poxonae Jesús waetabinchi pebexubinexatsi. Cataunxuae jopa exanaeyo, canta jiwi cunuwatsi.

³ Bapon Judas caein jiwana pomonae doce poyobe pomonae Jesús pijimonae aexae tatsi. Judas icha wũn xeina, po wũn “Iscariote”, baraichi. Nexata bapoxonae Satanás caurimonae pia pentacaponaein tatsi, Judas imoxoyo peinya caquita uncuatabatsi peitorobinexatsi xua abe peexanaewa tsane.

⁴ Judas siwa pona sacerdotemonae pia pentacaponaei tatsi, irũ policiamonae xua pebarũ cueicueijeinexa tsane. Barapomonae policiamonae pentacaponaei, xua pomonae peyabara umenaewi Nacom pin pia bo tatsi. Daxita barapomonaetha Judas tsipaeba xua pocotsi coyeneya poxonae Jesús caenaetinchi barapomonaetha. ⁵ Barapomonae bichocono ichichiparũcũpa baxua. Yawa barapomonae Judas muxu tsipaebatsi xua paratixi catsipaebatsi. ⁶ Judas bara yabara jejei xua barapomonae paeba. Bapoxonae

Judas tamropata pitaba xua jeita xua po coyenetha Jesús pecaenaetaxu-biwa tsainchi barapomonaetha poxonae peyapu xanepanaewatha poxonae jiwaibi tsurucurape.

Meje yabara poxonae Jesús pijimonaе baru nabane Pascua wun matabitha

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Nama matabi jopaba po matabitha poxonae jiwi tsinacaetutsina xua penabanaenexa pan po pan jopa muxuna pentsiyo levadura matawun pocotsiwa xua cotowa exana pan. Barapo penantacarucuae matabitha ba corderoxi pebtoxi xua oveja coxi jutebatsi xua jiwi pexaenexa. ⁸ Pedro iru Juan itorobatsibe, Jesús itoroba. Jesús barai, jeye:

—Paponarebe panacui wunaerebe pexaewa Pascua wun matabi nexa waxaenexa tsainchi, jei Jesús.

⁹ Baponbe, Pedro iru Juan, Jesús yainyabatsibe. Jeibe:

—¿Exota ichichipame xua xota pexaewa paca tsiwunaetsinchi wanabanaenexa tsane xua Pascua wun matabi nexa? jei barapomonaе.

¹⁰ Jesús jume nota. Jeye:

—Poxonaе tomaratha papatopaenamebe, pataenamebe pebin. Barapo pebin juruwattha yantana ponaena mera. Bapon papuna ponarebe bo beya ichaxota bapon joniyaena. ¹¹ Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwimonaе baru xaein Pascua wun matabi nexa? jeye Pecuidubin’, pajandebe, jei Jesús. ¹² Equeicha Jesús jeye:

—Bapoxonaе pon bo pexeinaein paca tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui wunaetajebare xua wanabanaenexa pexaewa barapo Pascua wun matabi nexa, jei Jesús.

¹³ Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonaе pexaewa nacui wunaetajebabe Pascua wun matabi nexa xua penabanaenexa.

¹⁴ Poxonaе barapo hora tsuxubi poxonaе quirei tsanaicha, Jesús baru ecoundeca pexaethopaewatha pijimonaе pomonaе doce poyobe pomonaе pia peitorobiwixae tatsi Jesús. ¹⁵ Nexata Jesús barai, jeye:

—Maisa bichocono juntu coyene weiweinan xua tapaca cabaru nacaetut-siwatsi, yawa tapaca cabaru nabanaewatsi barapo Pascua wun nabanae matabithe, xua baxua matha pewunaeye tsane xua poxonaе tatupaewa tsane. ¹⁶ Daxota paca tsipaebatsi xua equeicha jopa tapaca baru nacaetut-siwatsi tsainchi xua wanabanaewa tsane Pascua wun matabitha. Equeicha exanaeinchi barapo penabanaewa po mataqueitha poxonaе Nacom neexanaena xua jiwi itorobiya ewatsin, jei Jesús.

¹⁷ Nexata Jesús pecobetha pita corotiyoy, Nacomtha tsipaeba, jeye:

—Axa, maisa juntu coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimonaе, jeye:

—Barapo corotiye pana nacobe wenonotaponde tamropata tsiwixi paapaponde. ¹⁸ Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane pena coyenewatha paca baru apaeinchi barapo uva mera poxonaе Nacom neexanaena xua jiwi itorobiya ewatsin, jei Jesús.

¹⁹ Jesús pecobetha pita pan, Nacomtha tsipaeba, jeye:

—Axa, maisa juntu coyene weiweinan xua pan pata tanecatsiwam, jei.

Bapoxonae Jesús pecobetha epa janaca pan, yawa catsiba pijimonae. Pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsitupaewatsi tsainchi. Baxua paexaneibare bapocotsiwa xuaunxuae pan paca baru xainchi. Barapo coyene paexaneibare painya tana neyabara juntanaineibinexa tsaibi tsane, jei Jesús.

²⁰ Poxonae Jesusbaru najain weta, barapoxonae Jesús yabara paeba corotiyo, icha ichi xua yabara paeba pan. Jesús jeye:

—Nacom exana pena pecapanenebiyae coyene jiwi nexa. Barapo pecaa-paewiyotha uva mera paapame, xuaunxuae paapame, apara natsicotane be tajana xua tatupaein jana jopeicaein. Barapo pejanatha paca juntu coyene cui capanepaeinchi abe painya neexanae cuiru coyenein weya.

²¹ Pebin taxantha necacuita namaxu yatabota pexaethopaewatha, barapo pebin necaenaetsina ichamonaetha xua tanebexubinexa tsane ichamona.

²² Xan ponxaein Nacom Tananeitapetsin bewa tupaen, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha, jei Jesús.

²³ Nexata barapomonae caemonae nantiya nayainyaba, jeye: “¿Jintam metha caenaetatsi Jesús?” najei barapomonae.

Meje yabara poxonae Jesús pijimonae tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana

²⁴ Pirapaeyo Jesús pijimonae tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana.

²⁵ Nexata Jesús jume barai: “Pomonae jopa judiomonae naexanaeyo, barapomonae ba nantauta piamonae pomonae nacua peewatsiwi. Barapomonae pomonae jiwi itorobiya pia pepa peewatsiwichi barompaya piamonaexae jopa juniya itorobeibiyo. Barapomonae pomonae jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomonae pomonae jiwi itorobiya pia pepa peewatsiwichi wuna nacata exana xua naca itoroba’, pia jeichi jiwi. ²⁶ Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamona bapon bewa naexanaena be pon pecui pawi. Pon xua jiwi itorobeiba, bapon bewa naexanaena be pon amanaya tanacuita ichun nexa. ²⁷ Iru ainya pebinbe. Ichun pexaethopaewatha ecoundeca. Ichun pexaewa apata. Pon ecoundeca apatatsi. ¿Jintamda pon ainya cui peexanaeinchira xua beyacaincha ichun? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ichun. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyiyo.

²⁸ “Paxam barapomonae pam, pomonae meisa pana nebaru jinompeibame poxonae bequein ichamona inta abe exana. ²⁹ Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan. ³⁰ Barapo peitorobi coyenewan paca catatsi, painya nenabarū nabanaenexa taitorobeibi nacuatheica. Paenaename pexeinya peitupanae enaewantha, painya neyabara paebinexa tsane pomonae doce po bicheito cuntiyobe, pomonae Israel pia pemomoxi susato jiwimonae tatsi xua penatsicuentsiwa abe pia peexanaexae”, jei Jesús.

Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mt 26.31-35; Mr 14.27-31; Jn 13.36-38)

³¹ Equeicha Jesús jeye:

—Simón jan, caurimonae pia pentacaponaein tatsi, bapon Satanás newuca: ‘Jinyamonaepin necare’, nejei. Bapon ichichipa xua abe cata exanaena xua taneitawetsinexam tsane. Icha jiwi ichi xua pebeno daunweya yasisita pexubinexa pesiberapewa. Barichi caurimonae pia pentacaponaein tatsi ichichipa cajantꞫ coyene itorobina xua taneitawetsinexam tsane. ³² Ichitha xan Taxa beicha cata tsipaebatsi xua jopa tana neyabara jantemainaenexam tsane xua tana nejume cowantsiwam. Ichitha Satanás cacana exanaena xua tana nejumefebiwam saya bara caeto tsane. Bapoxonae equeicha caewa nejume cowantsiname. Poxonae equeicha caewa nejume cowantsiname, nexata ichamonae pomonae tana nejume cowantsiwi barapomonae yawenaename xua ajantꞫyapꞫusꞫya tana nejume cowantsiwa tsane, jei Jesús.

³³ Simón Jesús jume notatsi, jeye:

—Tanecanamataxeinaem, maisa be cabarꞫ poponaeinchi. Bara bequein ichamonae cacaponaena jiwi pecꞫbi botha ichitha awiya capuna tꞫpaeinchi. MataꞫta bequein tꞫpaename ichitha awiya capuna tꞫpaeinchi, jei Simón Pedro.

³⁴ Jesús jume nota, jeye:

—Pedro, catsipaebatsi bexa necaunutsiname acoibi po jume cuiyobe neyabara jam tsane: ‘Dapon jopa yaitaeinyo’, neyabara jam tsane. Barapoxonae irꞫ tsane wacara pebto fibina, jei Jesús.

Meje yabara poxonae bara nama barapo matacabi tsane po matacabitha Jesús waetabatsi

³⁵ Nexata Jesús pijimonae yainyaba, jeye:

—Poxonae bayatha paca itorobatsi paca jeichi: ‘Jopa paratixi doro pacaponaeinde, jopa cote pacaponaeinde, jopa panataxu xatabinde xua penataxu xatabiwa’, jan. ¿Eta xoyo pacata seica xua xoyo pacobena poname? jei Jesús.

Barapomonae Jesús jume notatsi, jeye:

—Ajibi, bara paxeinan pocotsiwa panantawenonan, jei.

³⁶ Nexata Jesús jume nota. Barapomonae jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa caponae. Pon xeina paratixi doro, moya bewa caponae. Pon peaitiyꞫ camisa xeina, bapon bewa caenaetsina barapo camisa, barapo paratixitha bewa comotsina cusi. ³⁷ Poxoru paca tsipaebatsi caena bayatha Nacom Pejume Diwesitha neyabara paeba, jeye: ‘Bapon cayabara cananta xeinaeinchi jei tsane bapon jiwana caein pomonae peabewi’, jei Nacom Pejume Diwesitha xua pinae jiwi jei tsane. Jiwi nantawenona xua baxua neyabara caunutsina xua Nacom peneyabara jumichixae baxuan pejume diwesitha, jei Jesús.

³⁸ Barapomonae Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

Meje yabara poxonae Jesús Paxa tsipaeba ichaxota tsica iriyo po iriyo pewun Getsemani

(Mt 26.36-46; Mr 14.32-42)

³⁹ Nexata Jesús tomara weya pona. Bapon pona demxuwa beya po demxuwa pewun demxu Olivowa, olivo naein peumenaexae baxota poxoru pia cui xua poneiba baxota petsipaebeibinexa Paxa. Jesús pijimonae puna poinchi. ⁴⁰ Poxonae barapo demxuwatha patopa, Jesús pijimonae barai:

—Nacom patsipaebare xua jopa abe painya neexanaewa tsane xua caurimonae paca itoroba.

⁴¹ Nexata Jesús pijimonae tsiwiyo wepu natsixitaba. Saya jopa tajuyo. Be poxonae pebin ibotiyoyoya xua be pocotsiwatha naruntabiya jopeica. Jesús pentabocototha ecoundeca. Paxa tsipaeba. ⁴² Jesús namchi: “Axa, icha ichichipame xua tana neyawenaewam, inta pire xua ajuntucoyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame”, jei Jesús.

⁴³ Bapoxonae Jesús tsita naitutatsi matatsunpin pon itaboco wetsica pona. Barapo matatsunpin Jesús antusaya cana exanatsi poxonae yawenatsi.

⁴⁴ Bichocono Jesús ajuntutane tsipei Paxa copatatsi xua jiwi petsitupaewa tsainchi. Paxa beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothepeica.

⁴⁵ Poxonae najume wetaba xuano xua asiya uncuano bapoxonae pijimonae beya pona. Jesús tane pijimonae xua tamaitumeinchi. Barapomonae maita tsipei juntu cuerona xua wecoyei, xua Jesús yaitama petupapaebixae.

⁴⁶ Nexata Jesús pijimonae barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya neexanaenexa tsane pocotsiwa caurimonae paca itoroba, jei Jesús.

Meje yabara poxonae Jesús waetabatsi

(Mt 26.47-56; Mr 14.43-50; Jn 18.2-11)

⁴⁷ Cataunxuae abu Jesús pijimonae tsipaebuncua poxonaeru jiwi pin bicheito pata. Caein Jesús pijimonae tatsi jiwana, pon pewun Judas, pomonae xua doce poyobexae, bapon pin bicheito matacapona. Judas Jesús imoxoyo caquita uncuatabatsi xua Jesús petsutsubinexa tsainchi. ⁴⁸ Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

⁴⁹ Pomonae Jesús pijimonae tatsi caquita umeinchi, poxonae barapomonae baxua tane xua Judas Jesús tsutsubatsi xua pecaenaetsinexatsi ichamonaetha, bapoxonae barapomonae Jesús baraichi:

—Pata Tanecanamataxeinaem, ¿barapomonae cusitha paucuboban? jei Jesús pijimonae tatsi.

⁵⁰ Jesús pijimonae tatsi jiwana caein, bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya. ⁵¹ Ichitha Jesús barai bapon jeye:

—Bara, bara, jei Jesús.

Pon muxuyoro catsonibatsi Jesús muxuyoro jayaba pecobetha. Bapoxonae bapon equeicha muxuyoro ducuanaya. ⁵² Jesús tsipaeba, sacerdotemonae pia pentacaponaein tatsi tsipaebatsi. Yawano tsipaebano pomonaetha pomonae penapataewi. Barichi tsipaebano pomonaetha pomonae

Nacom pin pia bo peyapu enaewi. Daxita barapomonaetha Jesús cueicueijei, pomonae ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonae pacana exaname pontha pon jiwi pecaibin! ⁵³ Poxonae daxita matacabi Nacom pin pia botha paca bar_u poponeibatsi, jopa pana newaetabim. Ichitha anoxuae barapo matacabi tsuxubi nama po matacabitha Nacom paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Nexata daxita barapomonae Jesús teicatsi. Yawano capoinchino sacerdotemonae pia pepa pentacaponaein tatsi pia bo beya tatsi. Pedro, Jesús tsiwiyo taj_u pu taetae tsiniyatsi. ⁵⁵ Baraxotiya sacerdotemonae pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonae barapomonae nayatoxoroto exanaxubiya ena isototha. Baraxota ir_u Pedro naeca. ⁵⁶ Yab_uyo powa sacerdotemonae pia pepa pentacaponaein tatsi tanacuitatsi, poxonae Pedro tainchi barapowa, xua ir_u naeca baxota isototha barapowa Pedro caununaya baraichichi, jeichichi:

—Bapon ir_u apara bayatha Jesús puna poponeibatsi, jei.

⁵⁷ Ichitha Pedro jume matawenta, jei:

—¡Petsiriwa, barapo pebin jopa yaitaeinyo! jei Pedro.

⁵⁸ Bapoxonae pirapaeyo ir_u ich_und_u pebin patopa. Bapon Pedro ir_u tainchi xua ir_u naeca baxota. Pedro baraichi bapon, jeye:

—Xam apara ir_u Jesús pijimonae tatsi jiwanam, jei.

Ichitha Pedro jume barai, jeye:

—¡Pebin, jopa dapomonae jiwananyo apara! jei Pedro.

⁵⁹ Poxonae cae hora yapucaewa, ir_u ich_un Pedro matowa baraichichi:

—Bapon apara napuna poneiba Jesús, tsipei bapon Galilea nacuapind_u, jei.

⁶⁰ Ichitha Pedro jume barai, jeye:

—¡Pebin, da_umetha jopa taeinyo xua paebame! jei Pedro.

Poxonae Pedro cataunxuae baxua cueicueijei, bapoxonae caena nainya wacara pebto caein fiba. ⁶¹ Nexata Jesús napatomeicha necota, Pedro necoyatsi. Nexata Pedro nanta xeinataba xua bayatha Jesús Pedro tsipaebatsi, poxonae jeye: “Xam barapo merawithe, pew_unaeya poxonae wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonae ir_u nainya wacara pebto fibina”, jeichi Pedro xua Jesús paeba. ⁶² Nexata Pedro pesato bejoniya. Bichocono wecoyei, peaj_unt_utanexae xua Jesús yabara paebatsi.

Meje yabara poxonae Jesús cui caponatsi

(Mt 26.67-68; Mr 14.65)

⁶³ Pomonae Jesús yapucaumeinchi, daxita barapomonae Jesús cui caponatsi, yawa but_{sino}. ⁶⁴ Jesús itacuere cutatsi, paparuwatha yawa itabara cuaintatsino. Barapomonae Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

⁶⁵ Daxita barapomonae Jesús ts_um_u jume bar_u paebatsi ainya jumeintha.

Meje yabara poxonae Jesús capoinchi judiomonaē pia pecanamata caitorobi jiwi bicheito tatsi pia peitabaratha tatsi

(Mt 26.59-66; Mr 14.55-64; Jn 18.19-24)

⁶⁶ Poxonaē pentha tsina nabarū nacaetuta penapataewi judiomonaē, irū sacerdotemonaē pia pentacaponae wi tatsi, irū pomonaē jiwi pecuidubiwi Moisés pia peitorobi coyene tatsi. Daxita barapomonaē Jesús capoinchi pecanamata caitorobi bicheito itabaratha tatsi xua peyainyabinexatsi, jei:

⁶⁷ —Incane pana netsipaebare, ¿Xam Mesías, pon Nacom necaitorobin? jei. Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cowantsitsipaem.

⁶⁸ Icha paca yainyabichipatsi tayainyabiwan apara jopa pana nejume notsi-paem. ⁶⁹ Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peayapusū itorobi coyenewa pexeinaein, jei Jesús.

⁷⁰ Bapoxonaē daxita barapomonaē Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

⁷¹ Nexata barapomonaē caemonaē natsipaeba najei:

—Anoxuae jopa nantawenonaetsi xua ichamonaē Jesús peyabara paebi-watsi. Tsipei anoxuae nama yatsicaewa jume tainchi, xua bapon pia coutha nayabara paeba, jei barapomonaē.

23

Meje yabara poxonaē Jesús uncuā Pilato peitabaratha tatsi

(Mt 27.1-2, 11-14; Mr 15.1-5; Jn 18.28-38)

¹ Nexata daxita penayatoroto exanaxubiya enae jiwi barapomonaē asiya umenarūcupa, Jesús teicatsi yawa capoinchi Pilato peitabaratha tatsi. Pilato bapon pon Judea nacuapiwi peyanacua ewatsinchi. ² Baxota daxita barapomonaē Jesús cui yopitatsi xua abe exana, jeye:

—Barapo pebin patan xua wajiwimonaē jume cui tsacabatsi xua anaepana cana exanatsi. Yawano pajume tanno pocotsiwa jopa bewa pinae paratixi matoma catsi pontha pon romanomonaē itorobiya pia pepa peewatsinchi. Matauta bapon nayabara paeba: ‘Xan apara Mesías pon jiwi itorobiya pepa Taewatsin’, jei, jei barapomonaē.

³ Nexata Pilato Jesús yainyabatsi, jeye:

—¿Xam judiomonaē itorobiya pia pepa Neewatsin? jei.

Jesús jume nota namchi, jeye:

—Xuaunxuae paebame bara baxua apara, jei Jesús.

⁴ Nexata Pilato barai sacerdotemonaē pia pentacaponae wi tatsi yawa baraino jiwi, jeye:

—Jopa jume itaraerowinyo bapon xua po jumetha penayaita anae ex-anaewa, xua pebexubinexatsi barapo pebin, jei.

⁵ Ichitha barapomonaē jume daunweya cueicueije, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equeicha aunxuae waxainya becui joparene, jei.

Meje yabara poxonaē Jesús uncuā Herodes peitabaratha tatsi

⁶ Poxonaē Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitha.

⁷ Barapo bicheito namchi, jeye:

—Aa, bapon Galilea nacuapin, jei barapomonaе.

Bapoxonaе Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara. ⁸ Poxonaе Jesús taebatsi Herodes, bapon bichocono juntá coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itátsi coyenewa exanaena. ⁹ Herodes Jesús matowa yainyabatsi. Ichitha Jesús jopa jume notsiyo. ¹⁰ Baraxota irá ena sacerdotemonaе pia pentacaponaeви tatsi. Irárá baxota ena pomonaе жиwi pecuidubiwi Moisés pia peitorobi coyenewa tatsi. Daxita barapomonaе Jesús bichocono abe yabara paebatsi Herodes pia xantha tatsi. ¹¹ Nexata Herodes yawano pia soldadomonaе tatsino daxita barapomonaе Jesús tsámu jume bará paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonaе peyanacua ewatsi жиwi. Equeicha Jesús itorobatsi Pilato peitabaratha beya, Herodes bara beitorobiya. ¹² Barapo matabitha Herodes iráno Pilato naitacoxonabe. Baponbe caena bayatha saya penaita aenae-aenei jitonbe.

Meje yabara poxonaе Pilato jume bará jejei xua Jesús bara pebexubiwa tsainchi ichamonaе

(Mt 27.15-26; Mr 15.6-15; Jn 18.39–19.16)

¹³ Sacerdotemonaе pia pentacaponaeви tatsi irárá judiomonaе pia pentacaponaeви, irárá daxita жиwi, daxita barapo bicheito Pilato waba xua barapo bicheito penacaetutsinexa. ¹⁴ Pilato bará barapo bicheito, jeye:

—Paxam barapo pebin pacaponame taxantha. Pajam: ‘Barapo pebin daxita жиwi jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipae-bame. ¹⁵ Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi. ¹⁶ Tha cueintichi bapon. Tha bapoxonaе pu copatichi, jei Pilato.

¹⁷ Poxonaе Pascua matabintha ichá ba bewa isanaxubichi. Pilato barapo Pascua matabintha nantawenona xua isanaxubina caein pon жиwi pecábi botha peecaеin, pon xua жиwi ichichipa, xua bapon peisanaxubinexa tsainchi.

¹⁸ Bapoxonaе daxita жиwi jume daunweya wawai, jeye:

—¡Soldadomonaе itorobare xua bapon pebexubinexatsi! ¡Barrabás painta pu sotabare! jei.

¹⁹ Barrabás жиwi pecábi botha etatsi, tsipei caena bayatha matabona ichamonaе xua barapo tomarapiwi najume tsacaba cana exanatsi xuano xua жиwi jutebatsi. ²⁰ Pilato ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi. ²¹ Ichitha equeicha barapo bicheito jume daunweya wawai Pilatotha, jeye:

—¡Bewa maisa naetotha táparucua exanaem! ¡Bewa maisa naetotha táparucua exanaem! jei.

²² Equeicha Pilato tsipaeba barapo bicheito, jeye:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonaе pu copatabichi, jei.

²³ Barapo bicheito jopa juniya wawayo xua naetotha tɔparucua pe-exanaenexatsi Jesús. Iruru sacerdotemonae pia pentacaponaeawi tatsi jume daunweya wawairu, beya capanepa po coyene ichichipa pecana exanaewa. ²⁴ Daxota Pilato namchi: “Moya paexande be pocotsi coyeneya paichichipame”, jei Pilato. ²⁵ Nexata Pilato nama pu sotaba pon jiwi pecabi botha peecaein, pon jiwi ichichipa xua bapon peisanaxubiwa tsainchi. Bapon pewun Barrabás, pon waetabatsi poxonae jiwi najume tsacaba xuano poxonae jiwi jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús tɔparucua exanatsi naetotha
(Mt 27.32-44; Mr 15.21-32; Jn 19.17-27)*

²⁶ Poxonae Jesús cataunxuae caenapoinchi tɔpa peexanadutsinexatsi naetotha, pebin waetabatsi, soldadomonae waetaba. Bapon pewun Simón, Cirene tomarapin. Bapon wexua werena pona. Bapon peutucuratha tabotsicatsi naeto, xua pecaponaenexa Jesús peputha tatsi.

²⁷ Jesús peputha tapoinchi pin bicheito, iru ainya yabuxino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús. ²⁸ Ichitha Jesús necotabiya barai barapowaxi, jeye:

—Yabuxi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande. ²⁹ Tsipei matacabin othopaena po matacabintha jiwi atene tsane. Barapo mataqueintha, jiwi jei tsane: ‘Juntu coyene weiweina po yabuxi jopa pexui xeinaeyo. Juntu coyene weiweina po yabuxi jopa bapana butixitha taenaetsi pexui. Juntu coyene weiweina po yabuxi bapana pexui jopa isinae’, jei tsane jiwi barapo matacabintha.

³⁰ Yawano jiwi namchi tsane: ‘Maisa xanepana xua wawerapaewa xua wanaca cunababiwa demxuwun, yawano tsorobon naca matatsun wetoxebabina xua jopa wanaca itutsiwa tsane’, jei tsane jiwi barapo matacabintha.

³¹ Xan wunae exanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

³² Cataunxuae Jesús ecapona. Iruru ponbe abe matowa peexanaeinbe, baponbe Jesús peputha tacapoinchibe, xua baponbe iru pebexubinexa tsainchibe poxonae Jesús bexotsi. ³³ Daxita jiwi Jesús baru patatsi ichaxota po uruto be jiton matasipa piwa. Po uruto wun caunuteiba xua jei tsaibi: “La Calavera”, jei. Barapo uruto matasoitha Jesús tɔparucua exanatsi naetotha. Iruru ponbe jiwi pecaibinbe tɔparucua exanatsibe naetotha ichaxota imoxoyo Jesús ducua. Ichun Jesús petsocona wetauncuiyatsi, iru ichun pecoxa wetauncuarenatsi. ³⁴ Poxonae Jesús naetotha ducua, Jesús jeye:

—Axa yabara cui juntemainare po coyene barapomonae necana exana, tsipei barapomonae jopa yaputaeyo xua necana exana, jei Jesús.

Soldadomonae nata tsaba Jesús pia paparuwan tatsi. Bapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. ³⁵ Baraxota Jesús taeumeinchi jiwi. Ichitha nama pentacaponaeawi Jesús cui caponatsi, barapomonae jeye:

—Bapon cain capanepibabei ichamonae, came jopa nacapanepaeyo. Icha bara bapon Mesías, pon Nacom pia peitapetsin, bu bara bapon pia coutha nacapanepa naeto wetsica, jei barapomonae.

³⁶ Soldadomonae iru Jesús cui capoinchi, imoxoyo caquita umenapoinchino. Barapo soldadomonae Jesús apatatsi po mera pewun vino, po mera mene atsu. ³⁷ Barapo soldadomonae Jesús baraichi, jeye:

—¡Icha xaniwaicha judiomonae itorobiya pia pepa Neewatsim, moya jinya coutha nacapanepare! ¡Naeto wetsica ecoinca! jei soldadomonae.

³⁸ Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa peewatsinchi”, jei barapo petinadutsiwa.

³⁹ Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ichun, bapon Jesús biatainchi petupaeyainwa naetotha. Bapon namchi:

—¡Icha xaniwaicha xam Mesías, ponxaem Nacom caitapeta, moya jinya coutha nacapanepare! ¡Yawano pana necapaneparebe! jei bapon.

⁴⁰ Pon icha naetotha ducua, bapon jume matawenta, pon Jesús casebatsi, bapon jume matawentatsi. Pon icha naetotha ducua namchi, jeye:

—¿Xam jopa cuitaya junuwim Nacom? Aparaunxuae tupaechibe ichaunxuae Jesús ichi tsane. ⁴¹ Waxainchibe jopa juniya naca peraxa jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopa apara abe exanaeyo, jei.

⁴² Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaenexam po matacabitha poxona patopeicaename xua jiwi neitorobinexam tsane, jei bapon.

⁴³ Jesús jume nota, jeye:

—Xaniwaicha bara catsipaebatsi, anoxuae tsane cabaru ecaeinchi ichaxota jiwi juntu coyene weiweinathopeiba, peitupanae nacuatheicha, jei Jesús.

Meje yabara poxonae Jesús tupa

(Mt 27.45-56; Mr 15.33-41; Jn 19.28-30)

⁴⁴ Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. ⁴⁵ Poxonae cataunxuae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica. ⁴⁶ Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús tupaicha.

⁴⁷ Soldadomonae pia pentacaponaein tatsi Roma nacuapin, poxonae bapon baxua taeba, bapoxonae Nacom wunae jaintatsi, jeye:

—Jaina, apara baraponje jopa abe exanaeyo, itara ichamonae yopita xua abe exana, jei bapon.

⁴⁸ Daxita pomonae xua baxua taeumena baxota, barapomonae pia bo benawibiya. Poxonae namtotha enapona, daxita barapomonae nantacari cuainbobenapona poxoru bichocono ajuntacoyenetane xua Jesús pewiswatsi. ⁴⁹ Ichitha pomonae Jesús peyaitae jiwi, iru yabuxino, powaxi Jesús puna dendensatsi Galilea nacua werena, daxita barapomonae Jesús tajuwetaeumeinyatsi poxonae ichamonae Jesús bexotsi.

Meje yabara poxonae Jesús petupaen ibo muthutha yauxatatabotatsi

(Mt 27.57-61; Mr 15.42-47; Jn 19.38-42)

⁵⁰ Iruru pebin popona, bapon pewun José, Arimatea tomarapin. Arimatea tomara eca Judea nacua. Bapon pentacui xanepanaein. Yawano beta

pepoponaein Nacom peitutha tatsi. José, bapon jiwana caein pomonae judiomonae pia pecanamata caitorobi bicheito tatsi. ⁵¹ Barapon José yabara jume cowantsiya wunaewateiba po coyenewa xua poxonae Mesías patopaetsica pon jiwi itorobiya peewatsinexatsi. Poxonae pomonae pecanamata caitorobi bicheito exana poxonae Jesús bexotsi, baxua José jopa peburaya nacayabara nanta xeinaeyo. ⁵² José Pilato siwa poinchi. Pilato wacatsi Jesús petupaein, José wuca. ⁵³ José naeto wepichica Jesús petupaein. Baropoxonae José mata quiyontabareca barapo pexeinya paparuwatha. Baropoxonae José ibo mutha iya boya, po mutha jiwi mutha tofobobapona. Barapo muthatha cataunxuae petupaein ichun jopa boyaetsi. ⁵⁴ José baxua exana po mataqueitha pewun penacui xaxainchi matabi poxonae judiomonae ba weta daxita xua penacuitsiwa pewunaeya poxonae jopaena pentaquei seicae matabi. Barapo pentaquei seicae matabi imoxoyo jopaena.

⁵⁵ Powaxi Jesús puna dendenatsi Galilea nacua werena, barapowaxi pona muthatha, petanexa xua Jesús muthatha xotsi. ⁵⁶ Poxonae barapowaxi bo benawibiya, baropoxonae nacui wanaetajeba petuxueiwan yawa penasiwanno, xua Jesús petupaein tsixaxaintajebatsi.

24

Meje yabara poxonae Jesús equeicha asu juina exanatsi petupae cuiru coyene weya

(Mt 28.1-10; Mr 16.1-8; Jn 20.1-10)

¹ Barapowaxi botha cuicuina peseicae matabitha, Moisés pia peitorobi coyeneya pepaebixae, barapo matabi yabara.

Poxonae judiomonae pia pentaquei seicae matabi tatsi yapu caewaba baropoxonae patopa matabi po matabi xua copiya ducua cae semanatha. Barapo matabitha poxonae aena pentha tsina, yabaxi pona mutha beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueyabatsi icha yabaxi. ² Poxonae barapowaxi barapo mutha beya pata, barapowaxi taerucupa xua po ibo panawatha yauxatatabota xua pin ibo panawa barapo ibo mutha bayatha cou yaupataxubabota. ³ Barapowaxi joniya muthiya ichitha barapowaxi jopa taeyo xua Jesús pon Pecanamataxeinaein petupaein pebocuaewa. ⁴ Barapowaxi yabara najuntaxa coyene cabenaeca. Jopa yaputaeyo xua exana tsipei jopa taeyo xua Jesús petupaein boca. Barapowaxi tsita naitutatsi nacueyatabe pebinbe ponbe xua asiya uncuabe, xuano xua yawa paparuwa nama xatatabe, po paparuwa bichocono daedaena. ⁵ Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha petupae cuiru coyenewatha panecobompame pon equeicha asu barapo petupae cuiru coyene weya? ⁶ Xote jopa bocaeyo bapon. Bayatha bapon asu petupae cuiru coyene weya. Payabara jume nanta xeinare xua bayatha bapon paca tsipaeba poxonae cataunxuae Galilea nacuatha popona. ⁷ Paca jeye: ‘Xan ponxaein Nacom Tananeitapetsin, bewa necaenaetsina pomonaetha pomonae abe peexanaewi. Barapo abe peexanaewi naetotha tparucua neexanadutsina. Ichitha equeicha po matabi acoibibetha asun juina neexanaena petupae cuiru coyene weya’, paca jei Jesús, jei barapo pebinbe xua barapowaxi tsipaebatsi.

⁸ Nexata barapowaxi baxua jume cui yabara nanta xeinarucupa xua bayatha barapowaxi tsipaebatsi, xua Jesús tsipaeba. ⁹ Poxonae barapowaxi

muthu wenawibiya tomara beya, barapowaxi daxita paeba pocotsiwa tane. Jesús pia peitorobiwi tatsi pomonae xua once poyobe barapomonae tsi-paebatsi, ichamonaeno tsipaebatsino, pomonae Jesús jume cowantatsi. ¹⁰ Powaxi yopita, xua powaxi Jesús pia peitorobiwi tsipaebatsi, ichowayo pewun María Magdalena powa Magdala tomarapiwayo, iru ichowayo Juana, ichowayo María, Santiago pena tatsi, yawanoru ichowaxino powaxi saya naponae. ¹¹ Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cowantsichi barapowaxi.

¹² Bapoxonae Pedro muthu becuinaepoinya. Muthu tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

Meje yabara poxonae Jesús pebinbe tsita naitata namtotha poxonae Emaús tomara beya ponabe
(Mr 16.12-13)

¹³ Barapo matabitha Jesús pijimonae tatsi jiwanaabe namtotha ecaponabe, siwa ponabe tomara, po tomara pewun Emaús. Barapo tomara eca once po kilométrebe xua Jerusalén tomara weya. ¹⁴ Baraponbe yabara natsipaebecaponabe namtotha xua mexuaetha exana. ¹⁵ Poxonae cataunxuae yabara natsipaebecaponabe yawa yabara najume matsontsonobecaponabe, bapoxonae Jesús imoxoyo caquita uncuatababe yawa naponano. ¹⁶ Bequein baraponbe Jesús tainchi, ichitha baponbe jopa ita cui canaupaetsibe xua Jesús peyaitaewatsi. ¹⁷ Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe juntu wecoyeya naruntababe peyabara natsipaebecaponaexaebe xua mexuaetha exana. ¹⁸ Ponbe penacueyatsixaebe caein pewun Cleofas. Bapon Cleofas Jesús jume notatsi, jeye:

—Daxita pomonae jinompa Jerusalén tomaratha, daxita barapomonae yaputane xua exana barapo matabintha. ¿Meisa xam compam jopa yaputaem xua mexuaetha exana? jei.

¹⁹ Nexata Jesús baraipe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaebin, pon peitupanae petsita itatsi coyenein exana Nacom pia peayapusu itorobi coyeneya tatsi’, pajan. ‘Pon xanepanaya pecueicueijein Nacom peitutha tatsi, xuano xua jiwi peitutha tatsi’, pajan.

²⁰ Sacerdotemonae pata tanecanamataxeinaewi iru pata pecanamata caitorobiwi piraichi Jesús cobe waetabatsi pia Pilato peitorobinexa soldadomonae xua Jesús teparucua peexanaenexa tsainchi naetotha.

²¹ Bequein pawnae ewatan xua Jesús patopa xua peyawenaenexa tsane Israel nacuapiwi xua barapo Israel nacuapiwi panenebiya peexanaenexatsi, ichitha bapon jopa capanenebiyaeyo barapomonae. Yawano acoibi po matabibibe pu caewa poxonae Jesús bexotsi. ²² Yabuxi, powaxi xua paxan jiwana pan, barapowaxi pona muthu beya poxonae aena pentha tsina. Pona ichaxota Jesús boca. Barapowaxi pana tsipaeba xua tane. Daxua pana nenabenaeca exana bichocono. ²³ Barapowaxi pinae jopa taeyo Jesús petupaein. Bapoxonae pana netsipaeba xua pinae barapowaxi tsita naitutatsi matatsunpiwi. Pinae matatsunpiwi namchi: ‘Bayatha Jesús asu’, jei pinae. ²⁴ Bapoxonae pata jiwimonae, barapomonae jiwana muthu beya

pona. Barapomonae bara tane baxua, xua yabuxi yopita. Ichitha Jesús petupaein jopa taetsi, jeibe xua Jesús tsipaebatsi.

²⁵ Nexata Jesús jume nota baraponbe, jeye:

—Paxam pomonae jopa peyaputae jiwi pam, xuano xua bewayo pajume cocowantaponame pocotsiwa bayatha Nacom peitorobi jume pepaebiwi paeba. ²⁶ Paxam payaputaneme xua Mesías pon Nacom itapeta, copiya bewa peraxa exanaeinchi. Nacom cana exanaena xua bapon patopaena Nacom pia peitorobi nacua beicha xua pexeinaenexa tsane Nacom pia peayapusu itorobi coyenewa tatsi, jei Jesús.

²⁷ Nexata Jesús tsipaeba baraponbe xua daxita i dapo diborontha Jesús yabara paebatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paebatsi. Bapoxonae equeicha Jesús yaputane exana xua po diwesi Nacom peitorobi jume pepaebiwi tina, xua Jesús yabara paebatsi.

²⁸ Jesús, iru barapo pebinbe imoxoyo pata tomaratha, po tomara siwa ponaena. Barapo pebinbe naruntababe, ichitha Jesús mexeya maisa pona namto tomara weya. ²⁹ Ichitha baponbe Jesús jume daunweya baraichi, jeye:

—Pana nebaru ecare, apara bayatha tabopiya tsanaicha, quirei tsanaicha apara, jeibe.

Daxota Jesús puna joniya ichaxota baraponbe patopabe xua barponbe pebaru ecaenexa tsainchibe. ³⁰ Nexata poxonae Jesús baru eca pexaethopae-watha baponbe, bapoxonae Jesús wecobe pita pan. Paxa barai: “Axa, maisa juntu coyene weiweinan xua pata tana necatsiwam barapo pan”, jei. Bapoxonae Jesús epa janaxuba pan. Baponbe catatsibe. ³¹ Poxonae Jesús baxua exana, caena bapoxonae baponbe Jesús yaitainchi. Baponbe yaitaebabe. Bapoxonae Jesús yacuinaya jemeicha aichurucuae tsanaya. ³² Baponbe natsipaebabe, najeibe:

—Maisa juntu coyene weiweinsibe poxonae namtotha naca tsipaebecaponabe. Bapon naca yaputane exanabe xua bapon peyabara paebiwatsi Nacom Pejume Diwesitha, jei baponbe.

³³ Bapoxonae caena yacuinaya caibe iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonae once poyobe pomonae Jesús pia peitorobiwi tatsi. Iruru nanacaetuta pomonae cueyaba xua pomonae once poyobe pia pecueyabiwichi. ³⁴ Barapo penacaetutsi jiwi namchi baponbetha, jeye:

—Apara xainyei. Bara Jesús pon Pecanamataxeinaein, asu. Apara bapon Jesús Simón tsita naitutatsi, jei barapo penacaetutsimonae.

³⁵ Nexata baponbe daxita yabara paebabe barapo penacaetutsi jiwitha xua baponbe namtotha cuidubecapoinchibe. Matauta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

Meje yabara poxonae Jesús tsita naituta pijimonae Jerusalén tomaratha (Mt 28.16-20; Mr 16.14-18; Jn 20.19-23)

³⁶ Poxonae cataunxuae tsipaebabe barapo diwesi, bapoxonae Jesús jemeicha tsita naituta barapomonae peitabaratha. Jesús jacobaba barapomonae, jeye:

—Barabu Nacom junte ma jinompa paca cana exana, jei Jesús barapo penacaetutsimonaetha.

³⁷ Barapomonae bichocono nabenaeca, yawa bichocono cuitaya junuwa. Barapomonae nanta xeina xua metha Jesús perowatsi tainchi. ³⁸ Ichitha Jesús barai barapo penacaetutsimonae, jeye:

—¿Eta xua metha junuwiya pana nabenaecame? ¿Eta xua metha ainya unthuton pam? ³⁹ Pana necobe taema, yawa pana netaxu taema. Aparā bara xan tsoeaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

⁴⁰ Poxonae baxua Jesús najume weta, nacobe wan itaba, yawa nataxu wan itaba. ⁴¹ Ichitha came awiya barapomonae jopa jume cowantsiyo poxoru barapo diwesi barapomonae tsita jume xEICatsi yawa barapo diwesi yabara najuntā coyene cabenaeca exanatsi. Jesús jeye:

—¿Paxam xote penabanaewiyo paxeiname? jei Jesús.

⁴² Nexata barapomonae Jesús catatsi duweiyo, poyo seba. ⁴³ Jesús wecobe pita, yawa xane barapomonae peitatha tatsi. ⁴⁴ Bapoxonae Jesús namchi barapomonaetha:

—Caena bayatha paca tsipaebatsi poxonae cataunxuae paca baru ecatsi. Paca jeichiche: ‘Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesintha neyabara tina, bewa necana exanaena. Daxita pocotsiwa Nacom peitorobi jume pepaebiwi neyabara tina, bewa necana exanaena. Daxita xua salmos penaxūnae weixi diwesintha neyabara tina, bewa necana exanaena’, paca jeichiche, jei Jesús.

⁴⁵ Jesús barapomonae yaputane exana xua Nacom Pejume Diwesi paeba. ⁴⁶ Jesús barai barapomonae, jeye:

—Nacom Pejume Diwesitha neyabara jei: ‘Mesías bewa tupaena, yawa equeicha asu tsane po matabi acoibibe petupae coyene cuiru weya. ⁴⁷ Yawano bewa barapomonae Mesías pia pejume cowanchiwichi bewa tsipaebina daxita nacuantha Nacom Pejume Diwesi tatsi Mesías pia peayapusu itorobi coyeneyatha tatsi. Copiya petamropata notsinexa Jerusalén tomara weya. Barapomonae jei tsane jiwitha: Bewa icha juntā coyene Nacom patsita xeinaem xua bapoxonae Nacom painya nepaca cayabara jantemainaewa tsane abe painya neexanae cuiru coyenewa, jei tsane barapomonae’, jei Nacom Pejume Diwesitha, jei Jesús. ⁴⁸ Equeicha Jesús barai pijimonae, jeye:

—Paxam daxita jiwi patsipaebiname daxita xua pataneme. ⁴⁹ Matauta pataemano xua pacata itorobicaeinchi Nacom pia Pejumope tūnaxu tatsi xua bayatha Taxa yabara paca tsiwūnae muxu duta. Barapo Nacom pia Pejumope tūnaxu tatsi yawa patopaena peayapusu itorobi coyenewa. Paenare xote Jerusalén tomaratha, beya poxonae barapon yawa pacata patopaena pia peayapusu itorobi coyenewa Nacom pia nacua tatsi wetsica, jei Jesús.

Meje yabara poxonae Jesús athabe juinya Nacom pia peitorobi nacua beicha tatsi

(Mr 16.19-20)

⁵⁰ Nexata Jesús pijimonae baru pona Jerusalén tomara weya, Betania tomara bebaru iya. Jesús namaxū yoicha itaboco beicha yawa tsipaeba Nacomtha xua pijimonae tatsi nexa, xua pijimonae petayawenaenexatsi.

⁵¹ Poxonae cataunxuae Jesús tsipaebuncua Nacom xua pijimonae tatsi nexa, bapoxonae Jesús athabe juinya exanatsi peitaboco beicha, Nacom exana.

⁵² Poxonae Jesús pijimonae tatsi baxua tane, bapoxonae barapomonae Jesús pecoutha tatsi namchi: “Maisa Wanacanamateinaein wūnae”, jei. Barapomonae Jerusalén tomara beya juntā coyene weiweinaya caibe nawibiya.

⁵³ Barapomonae Jesús pia peitorobi jiwi tatsi Nacom pin pia botha, baxota Nacom jopa juniya wūnae jainteibichi.

Baja Lucas.

Jesucristo Pia Pexeinya Diwesi Jume Tatsi Juan Petinae Diwesi

Meje yabara poxonae Mesías jiwi forotatsi, pon pewun “Pejume”, baraichi

¹ Poxonae cataunxuae daxita nacuan jopa forotsiyo, bapoxonae iruru caena bayatha Mesías popona, pon Nacom Pexanto tatsi, pon pewun “Pejume”, baraichi. Bapon Nacom caena bayatha baru poponeiba. Bapon apara bara Nacom. ² Poxonae aena copiya, bapoxonae bapon caena bayatha Nacom baru popona. ³ Nacom cana exana xua Mesías daxita nacuan foforota. Dapocotsiwa aibi xua yaseicanaya xua pocotsiwa bapon jopa exanaeyo. ⁴ Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeno cana catsiya taexanano jiwi xua jiwi yaputaena po coyene pexainyei coyenewa. ⁵ Icha pecoicha ichi xua jiwi yaweinchi xua beta pejinompaenexa poxonae quirei, bara juta ichi Mesías. Bapon jiwi yaweinchi xua beta xanepanaya pejinaponaenexa poxonae bapon Mesías cuiduba jiwi. Caurimonae pia pentacaponaein tatsi bequein ichichipa xua Mesías peamanayabiwatsi, ichitha caurimonae pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peayapuswa xeina.

⁶ Bapoxonae iru Nacom itoroba pebin, pon pewun Juan. ⁷ Bapon patopa xua Mesías peyabara paebinexatsi, po wun xua jei “Pon Nacom itorobica”, jei. Bapon Juan daxita jiwi juntu coyene cui tsacaraba xua jiwi Mesías pewunaeya tatsi, penajuntu cui wunaetsinexa xua daxita jiwi Mesías pejume cowuntsinexa tsainchi. ⁸ Juan apara Mesías aibi. Apra saya pia Mesías wunaeyabara paebichi xua Juan peitorobixaetsi baxua. ⁹ Bapon Mesías patopeica po cae pin nacuathe tsique peyawenaenexa daxita carepaya jitha pia pecuidubi coyenewantha.

¹⁰ Bapon popona barapo cae pin nacuathe tsique. Bara bequein bapon exana pia coya barapo nacie, po cae pin nacuathe tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita. ¹¹ Bequein bapon bara pia nacuathe patopeica, daichitha barapo cae pin nacuapiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom itoroba. ¹² Ichitha ichamonae pomonae bapon matenta weiweinaya wabatsi xuano xua bapon jume cowuntatsi, barapomonae Mesías cana exana xua po coyeneya barapomonae Nacom piamonae tatsi penaexanaewa tsane. ¹³ Tsipei barapomonae jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomonae jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomonae jopa naexanaeyo Nacom pia pexui xua poxoru coxiyun peichipaexae xua pexeinaewa pia pexui. Saya jame barapomonae Nacom pia pexui tatsi naexana, tsipei Nacom cana exana baxua.

¹⁴ Barapon Mesías pon pewun “Pejume”, baraichichi, bapon poxonae naexana po cae pin nacuathe tsique bara bapon yatsicaya pepa jiton. Matautano naca baru popona bapon. Bapon wun ununatatsi “Jesús” baraichichi. Matautano bapon pejuntu coyene wetsina bichocono jiwi antobetsi. Matautano bapon xainyeya pepaebin. Matautano paxan pacui tan

xua Jesús exaneiba pia pexeinya peayapus_w watha po pexeinya peayapus_w watha Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto. ¹⁵ Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxonae janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae ab_w cataunxuae jopa naexanaeinyo’, janje”, jei Juan.

¹⁶ Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi jantema watsita jinompaenexa tsane bapon. ¹⁷ Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon “Mesías” baraichi xua pocotsiwa naca cuiduba xua pinae Nacom jopa juniya antobeyo jiwi, xuano xua pocotsiwa naca cuiduba bara baxua yatsicaya pexainyei jume. ¹⁸ Dapon aibi pon Nacom petaewatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputaewatsi, paxa imoxoyo pebar_w poponaexaetsi.

Meje yabara poxonae Juan pon jiwi Pebautisabin Jesucristo yabara cueicueijeichi

(Mt 3.11-12; Mr 1.7-8; Lc 3.15-17)

¹⁹ Judiomonae pomonae ena Jerusalén tomaratha barapomonae sacerdotemonae itorobatsi ir_w levitamona itorobatsi Juan beya, xua Juan peyainyabinexatsi xua pejeinexatsi: “¿Xam jintam_wmda?” pejeinexatsi.

²⁰ Juan beta nayabara paeba, jeye:

—Xan Mesías apara aibin, pon Nacom itorobicaena, pon wanaca capanenebiwa tsane, jei Juan.

²¹ Nexata equeicha Juan yainyabatsi, jeichichi:

—¿Metha nexata xam jintam_wmda? ¿Bara xam bapom pon Nacom peitorobi jume pepaebim pon pew_w Elías, pon bayatha tupa? jei barapomonae.

Juan jume nota, jeye:

—Xan bapon apara aibin, jei.

Equeicha Juan yainyabatsi, jeichichi:

—¿Nexata jintam metham? ¿Xam bapom pon Nacom peitorobi jume nepaebim pon bewa patopeicaena juinya pata tanecuidubinexa tsane Nacom Pejume Diwesi? jei barapomonae.

Equeicha Juan jume nota, jeye:

—Jume, xan apara aibin dapon, jei Juan.

²² Nexata daxita barapomonae Juan baraichi, jeye:

—¿Eta pom metham? Tsipei xua pata tanejume notsiwam pata tha xuya tsipaebichi pomonae pana nejume caitoroba. ¿Etabe pana nejumichim tsane xua jinya coutha nenayabara paebiwam? jei barapomonae.

²³ Nexata Juan jume nota, jeye:

—Xan bapon aparan pon wawan ichaxota ira xuepana susato tsurucuae nacia beya, xua jan: ‘Patsi naj_wnt_w cui coyene w_wnaere, pon jiwi pia pepa Pecanamataxeinaeinchi nexa pia pepatopae w_wnaeya tsane’, xua jan ponxaein xua wawan ira xuepana susato tsurucuae nacia beya. Bayatha Isaías pejume diwesiha taneyabara jume cui w_wnae tsiwanaya paebixae pon Nacom peitorobi jume pepaebim, jei Juan.

²⁴ Daxita pomonae Juan bar_w cueicueijeichi, barapomonae fariseomonae itoroba. ²⁵ Daxita barapomonae Juan yainyabatsi, jeichichi:

—Icha xam bapon Mesías aibim xuano xua icha Elías aibim, yawa icha xam bapon aibim pon Nacom peitorobi jume nepaebin, ¿nexata jintam cacui itoroba xua nebautisabiwa jiwi? jei barapomona.

²⁶ Juan jume nota, jeye:

—Xan meratha bautisaban, ichitha ichun beta exanaena beyacaincha xan. Bapon bara bequein painyamonae pia xantha tatsi popona ichitha bapon jopa payaitaem. ²⁷ Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu m̄ isanaxubiwa tsane pia penataxu xatatsiwa tatsi, jei Juan.

²⁸ Daxita baxuan Juan yainyabatsi ichaxota po tomara pewun Betania. Barapo tomara eca icha pocotsiwa xometo weecoina xua icha muxunenetha eca Jordán mentha. Barapo muxunenetha Juan bautisaba jiwi.

Meje yabara xua poxonaes Jesús pon “Cordero”, baraichichi

²⁹ Icha mataqueitha Juan tane, Jesús tainchi xua Juan pexainya tarenatsi. Bapoxonaes Juan jiwitha jeye: “Incane pataema pon pejuntu coyene xeicaein pon Nacom itorobica, pon ‘Cordero’, baraichichi xua oveja pebto penun. Apra bapon pon jiwi petsitupaewa tsainchi xua abe pia peexanae cuiru coyenein tatsi icha poxonaes ovejiyo ichi poxonaes tsitupa jiwi abe pia peexanae cuiru coyenein tatsi. ³⁰ Bara bapon apra pon bayatha yabara paeban poxonaes janje: ‘Pon cotacaya patopa xua xan tsiwuna patopan, bapon jame bichocono peainya cuin, beyacaincha xan. Tsipei bapon caena bayatha popona poxonaes xan aibin xua poxonaes abun cataunxuae jopa naexanaeinyo’, janje. ³¹ Xan copiyatha jopa yaputaeyinyo xua Jesús bapon barapara Mesías, pon icha wun Cristo, pon Nacom itorobica. Ichitha xan patopan tabautisabinexa meratha Israel piamonaes susato saineiwi xua barapomonaes bapon peyaputaewa tsainchi”, jei Juan.

³² Juan yawa namchi, jeye: “Poxonaes bapon bautisaban bapoxonaes tan Nacom pia Pejumope t̄naxun tatsi xua peitaboco weruneica xua be topiboto yaruneica. Barapo Nacom pia Pejumope t̄naxun tatsi, bapon pexantha tapatopatsi. ³³ Xan cataunxuae bapoxonaes xaniwaicha jopa yaitaeyinyo bapon. Ichitha pon xua necui itoroba xua jiwi bautisaban meratha, nejei bapon: ‘Taename tajumope t̄naxun xua be topiboto tsecae xua peitaboco weruneica, po tajumope t̄naxun bapon pia xantha tapatopatsi. Poxonaes baxua taename bapoxonaes yaputaename xua barapo pebin apra pon jiwi pebautisabiwa tsainchi tajumope t̄naxuntha. Bapon barompaya pia pebautisabi coyenewa exanaena xua poxonaes barapo tajumope t̄naxun catsibina pomonaetha pomonaes piamonaethaxae. Barapoxonaes barapo tajumope t̄naxun barapomonaes yanaba jinompaeinchi’, jei Nacom. ³⁴ Bapoxonaes bapon yaitan xua deta cou apra Mesías, yaitama tan xua poxonaes bayatha Nacom netsipaeba. Daxota paca tsipaebatsi xua bapon barapara Nacom Pexanto tatsi”, jei Juan jiwitha.

Meje yabara xua poxonaes Jesús itapeta pomonaes copiya pomonaes Jesús pijimonaes tatsi

³⁵ Icha mataqueitha equeicha Juan pon jiwi Pebautisabin pecoutha patopa xuano xua pebinbe nacueyatabe puna poinchi ponbe xua pia pepuna pon-aewichi jiwanae tatsi. ³⁶ Poxonaes Juan tane xua Jesús dawerena ichaxoyo Juan dena, bapoxonaes Juan jeye xua Jesús yabara jeichi:

—¡Pataema apra bapon pon ‘Cordero’ baraichi xua oveja pebto penun pon Nacom itorobica xua petsitupaenexa jiwi abe pia peexanae cuiru coyenein tatsi! jei Juan.

³⁷ Barapo pebinbe ponbe Juan pia pepuna ponaewichi jiwanae tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe. ³⁸ Nexata Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeye:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

³⁹ Jesús jume nota baponbe, jeye:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

⁴⁰ Ponbe Juan pejume taexaetsibe xuano pepuna ponaexaetsibe Jesús, caein pewun Andrés, Simón Pedro peweicho tatsi. ⁴¹ Andrés copiya matha peweicho wenawenei pon pewun Simón. Andrés barai peweicho, jeye:

—Paxan pacaxinan pon pewun Mesías, jei Andrés. (Barapo wun yabara caunuta xua jei “Cristo”, jei.)

⁴² Bapoxonae Andrés peweicho capona, Simón capoinchi ichaxota Jesús uncu. Poxonae Jesús tane xua poxonae Simón tainchi, jeye:

—Xam Simón Juan pexanto tatsim. Ichitha xam anoxuae newun Cefas tsane, barapo wun Cefas wun jei: ‘Iboto’, jei, jei Jesús. Seicaya griego jume wun ‘Pedro’, jei barapo wun iru jei: ‘Iboto’, jei.

Meje yabara poxonae Jesús Felipe wabatsi, iru Natanael wabatsi

⁴³ Bapoxonae icha mataqueitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:

—Nepuna ponde, jei Jesús.

⁴⁴ Barapon Felipe Betsaida tomarapin, po tomaratha iru Andrés popona iru Pedro. ⁴⁵ Nexata Felipe Natanael wenaweneichi, yawa Felipe barai bapon, jeye:

—Pebin pacaxinan, pon bayatha Moisés yabara tsiwunae cui tina pia peitorobi diwesi jume coyenewatha. Matautano pon bayatha iruru Nacom peitorobi jume pepaebiwi yabara tsiwunae cui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

⁴⁶ Natanael jeye:

—Dapon pebin pon pejutu coyene xanepanaein Nazaret tomara weya bapana jopa pona. Tsipei daxita barapo tomarapiwi apara peajutucuiruyapubewi, jei Natanael.

Felipe jume barai, jeye:

—Anetha incane matha taema, jei Felipe.

⁴⁷ Poxonae Jesús tane xua Natanael imoxoyo caquita pona, Jesús jeye:

—Patopa pebin pepa israelmonaepin, pon jopa jiwi pemuxuitorobin, pon xaniwaicha pejume cowantsin Nacom, jei Jesús.

⁴⁸ Nexata Natanael Jesús yainyabatsi. Natanael jeye:

—¿Eta ichim xua taneyaitaewam? jei.

Jesús jume nota, jeye:

—Bayatha catainchi poxonae higuera nae tabacatha uncuame poxonae cataunxuae Felipe jopa cawabiyo, jei Jesús.

⁴⁹ Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara bara xam Israel nacuamonae itorobiya pia pepa Neewatsim! jei Natanael.

⁵⁰ Jesús jume nota, jeye:

—Xam nejume cowantame poxonae xua saya catsipaebatsi xua cacatae-watsi higuera naetha. Ichitha bexa necotsiname xua exanaein pocotsiwa pexeinya peitapanae tsita itutsiwan, beyacaincha xua saya aunxuae catsipaebatsi, jei Jesús.

⁵¹ Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Matautano pataename matatsunpiwi xua jujuneibicaena xote tsique taxantha pia taneyawenaetsi. Matautano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

2

Meje yabara poxonae jiwi tsinacaetuta pexaewa Caná tomaratha xua penabanaenexa xua poxonae pebin pita pecotsiwa

¹ Poxonae acoibi po matabibibe yapucaewa, bapoxonae iruru pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi iru baxota natane pewabixaetsi. ² Iru Jesús wabatsi, iru pijimonaе tatsi wabatsi xua penaponaewa tsane barapo pexaewa petsinacaetutsiwatha xua poxonae pebin pecotsiwa pita. ³ Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

⁴ Jesús jume nota, jeye:

—Ena, abu bexabu abu jopa yabara neyainyabinde baxua. Canta daxua aichica xua petsita itabiwa taexanaewa, jei Jesús.

⁵ Bapoxonae barapowa barai pomonaetha pomonaе pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

⁶ Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosibu matabuxayobe tutu canapa. Icha juruwatontha tsiniya setenta po mera bosibu matabuxayobe tutu canapa. Barapo juruwatontha ba judiomonaе mene yaebeiba xua barapo merantha penacobe quiateibinexa xua daxota jopa Nacom petsita najantu coyene taxobeibinexatsi. ⁷ Pomonaе pexaewa carena tsaibi barapomonaе Jesús barai, jeye:

—Barapo saya juruwatontha pawunbare mera, jei.

Bapoxonae barapomonaе barapo juruwaton wanba. ⁸ Bapoxonaе Jesús barai, jeye:

—Anoxuae barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonaе bara baxua exana xua Jesús peitorobixae. ⁹ Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa yabara yaputaeyo xua barapo vino mera xua eta werena metha mene capona. Saya meisa pomonaе mene eepacopona barapo juruwatontha barapomonaе yaputane xua barapo juruwatontha jiwana mene nota xua po mera vino mera naexana. Bapoxonaе pon mata canabane pexaewa waba, pon pecotsiwa pita bapon wabatsi.

¹⁰ Bapon barai, pon pecotsiwa pita baraichi, jeye:

—Daxita jiwi ba poxonae aena copiya matha apata po vino mera mene xeica. Poxonae jiwi ba wenaxuba po vino mera xeica, bapoxonae ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonae barapo vino mera jiwi wenaxuba po vino mera be conotha mene xaexaeca bapoxonae apatame po vino mera bichocono xeica, jei bapon.

¹¹ Baxua xua Jesús exana Caná tomaratha xua Galilea nacuatha. Barapo pexeinya petsita itatsi coyenewa poxonae xua aena copiya matha exana pia peayapuswatha. Poxonae baxua Jesús pijimonaе cui tainchi, Jesús jume cowuntatsi pijimonaе.

¹² Poxonae baxua pexaewa najain weta bapoxonae Jesús pona Capernaum tomara beya. Bapon pena baru pona yawa peweicho jiwi baru pona, matautano pijimonaе baru pona. Baxota Capernaum tomaratha daxita Jesusbaru be caentacabiyobe ena.

Meje yabara poxonae Jesús aisowa benapuna torobabiya pomonaе Nacom pin pia botha pecaenaetsiwi

(Mt 21.12-13; Mr 11.15-18; Lc 19.45-46)

¹³ Tsipei poxoru imoxoyo barapo matakabi tsaneba xua Pascua wun matakabin daxota Jesusbaru Jerusalén tomara beya pona. Barapo Pascua wun matakabin, po matakabin poxonae judiomonaе yabara nanta xeina xua pinae caena bayatha pia pamo susato jiwi tatsi panenebiya Egipto nacia weya. ¹⁴ Baxota Jesús caxina Nacom pin pia botha pomonaе baxota caenaeta buey duweimonaе, yawa ovejamonaeno yawa topibomonaе caenaetano. Matautano Jesús tane xua pomonaе ena pexaethopaewantha ichaxota paratixi nantiya nacatsiba jiwi. ¹⁵ Poxonae Jesús tane barapomonaе, Jesús bapoxonaе exana xua pocotsiwa xota cuainta xua duwein peru muto. Daxita barapomonaе Jesús Nacom pin pia bo wenapuna torobabiya. Yawano Jesús muxuna itaweta xua barapomonaе piawanxae, bueymonaeno, ovejamonaeno. Pomonaе xua ena pexaethopaewantha xua ichaxota nantiya nacatsiba paratixi Jesús iratha tabebai paratixi, yawa irabe tayebabareca torobabiya pexaethopaewan. ¹⁶ Pomonaе baxota caenaeta topibo, Jesús barai barapomonaе, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! jei Jesús.

¹⁷ Bapoxonae Jesús pijimonaе tatsi yabara jume cui nanta xeinarucupa xua Nacom Pejume Diwesitha namchi xua Cristo yabara jeichichi xua jeye: “Yabara nejuntu coyene yuca xua yabara nanta xeinan xua pocotsiwa Taxa pia pin pia botha tatsi xeina. Daxota jiwi necaseba”, jei Nacom Pejume Diwesitha xua Cristo yabara paebatsi.

¹⁸ Nexata judiomonaе Jesús yainyabatsi, jeye:

—¿Eta po pexeinya petsita itatsi coyenewa pana netsita itatsiname? Bapoxonaе xain payaputaеin xua bara cou xam deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

¹⁹ Jesús jume nota, jeye:

—Icha barapo bo weraweraca paexanaename, equeicha acoibi po matakabibetha beta caewa xanebin, jei Jesús.

²⁰ Nexata barapo judiomonaе Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acoibi po matabibetha equeicha w_{nae} exanaetsi? jei judiomonae.

²¹ Po bo xua Jesús yabara paeba apara xua nayabara paeba pia pepon.

²² Daxota poxonae Jesús equeicha as_u juina pet_upae cuariyatha Jesús piji-monae yabara jume cui nanta xeinatsi xua bayatha Jesús paeba. Daxota jume cow_{anta} Nacom Pejume Diwesi. Yawano Jesús jume cow_{antatsi} pocotsiwa xua paeba.

Meje yabara xua po coyene Jesús daxita j_{unt}u coyene yaputane jiwi

²³ Poxonae Jesús Jerusalén tomaratha popona xua Pascua w_{an} matabibetha bapoxonae pin bicheitomonae Jesús jume cow_{antatsi}. Daxota barapo bicheiton jume cow_{anta} tsipei tane Jesús pia pexeinya petsita it_{atsi} coyenewan tatsi. ²⁴ Jesús jopa yabara jume cow_{antsiyo} barapomonae bequein jume cow_{antatsi} taetha. Tsipei Jesús daxita j_{unt}u coyene yaputane jiwi xua ainya j_{unt}u coyene pexeinaewa. ²⁵ Daxota jopa nantawenonaeyo xua ichamonae Jesús petsipaebiwatsi icha jiwi yabara. Tsipei bapon Jesús daxita j_{unt}u coyenein yaputane jiwi.

3

Meje yabara poxonae Nicodemo Jesús tsipaebatsi

¹ Ir_uu pebin popona pon fariseomonaepin, pon pew_{an} Nicodemo. Bapon judiomonae canamataxeinatsi. ² Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ich_{un} jopa itac_upaetsi xua pexeinya petsita it_{atsi} coyenewan peexanaewa Nacom pia peayapus_watha tatsi icha Nacom jopa yantsiyo bapon icha be xua poxonae ichim poxonae xua exaname Nacom necayantsixae, jei Nicodemo.

³ Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itac_upaetsi xua Nacom piamonae tatsi penaexanaewa pomonae Nacom itorobiya peewatsixae, jei Jesús.

⁴ Nicodemo Jesús jume epa notsiya yainyabatsi. Nicodemo jeye:

—¿Eta bichi xua pebin pon bayatha pinyo xua equeicha caewa pena jiton naexana? ¿Metha bara itac_upatsi xua pena equeicha tsiper_u wepatopa xua equeicha caewa penaexanaenexa pena jiton? jei Nicodemo.

⁵ Jesús jume nota, jeye:

—Xaniyan catsipaebatsi. Pon meratha jopa bautisabichi xuano xua icha jopa xeinaeyo Nacom pia Pejumope t_{unax}u tatsi po jumope t_{unax}u bapon icha j_{unt}u coyene xeina pecana exanaenexatsi, bapon jopa itac_upaetsi xua Nacom piamonae tatsi penaexanaewa pomonae Nacom itorobiya peewatsixae. ⁶ Pomonae pena jiwi tsiper_u wenaexana bara jiwi coyeneya yacuiya naexana. Pomonae naexana Nacom piamonae tatsi barapomonae Nacom pia Pejumope t_{unax}u tatsi cana exana xua barapomonae pexeinaewa icha j_{unt}u coyene. Barapomonae yacuiya naexana Nacom piamonae tatsi tsipei exana pocotsiwa Nacom pia Pejumope t_{unax}u tatsi itoroba. ⁷ Jopa naj_{unt}u coyene cabenaecaeinde xua tacatsipaebiwatsi xua tacajeiwatsi: ‘Daxita jiwi bewa pena jiwi naexanae equeicha’, tacajeichiwatsi xua. ⁸ Joibo ba pona ichaxota ichichipa peponaewa. Joibo busi taneme, ichitha jopa yaputaem xua ichaxota weponarena, yawa jopa yaputaem xua xota ponaena. Icha jiwi ichi xua jopa taeyo joibo ichitha tane xua joibo bubujei barichi jiwi jopa

taeyo Nacom pia Pejumope t̄nax̄u tatsi. Saya jiwi yaputane xua icha jiwi j̄unt̄u coyene xeica cana exainchi barapo Nacom pia Pejumope t̄nax̄u tatsi, jei Jesús.

⁹ Nexata Nicodemo equeicha Jesús yainyabatsi, jeye:

—¿Eta metha bichi Nacom pia Pejumope t̄nax̄u tatsi? jei Nicodemo.

¹⁰ Jesús jume barai, Nicodemo jume baraichi, Jesús jeye:

—Xam pon daxita neyaputaen israelmonae pexantha tatsi yawa pon jiwi necuidubim barapomonae pexantha tatsi. Bequein barapo jitom ichitha jopa baxua yabara yaputaem xua tacatsipaebiwatsi. ¹¹ Xaniyan catsipae-batsi xua paxanbe, Juan, pon jiwi Pebautisabin, ir̄u xan Jesús paca tsipae-batsi xua pocotsiwan payaputanbe. Matautano paxanbe bara yatsicaewa pata paebinbe xua patanbe bayatha. Ichitha paxam pomonae judiomonae pam jopa yabara pana nejume cow̄untsim pocotsiwa paxanbe paca tsi-paebatsi. ¹² Icha jopa pana nejume cow̄untsim pocotsiwan xua barapo cae pin nacuathe yabare paca tsipaebatsi bara paichim jopa pana nejume cow̄untsipaem icha yabara paca tsipaebichipatsi pocotsiwan Nacom pia peitorobi nacua beicha tatsi.

¹³ “Dapon aibi pon peitaboco beicha pona Nacom beicha xua equeicha caewa patopeica bara wetsica. Daxota jiwi jopa yabara yaputaeyo Nacom pia peitorobi nacua beicha tatsi. Saya meisa jame xan ponxaein Nacom Tananeitapetsin patopeican tanacua wetsica daxota yabara yaputan Nacom pia peitorobi nacua beicha tatsi. ¹⁴⁻¹⁵ Caena bayatha ira xuepana susato tsurucuae nacuatha, pinmonae werapa poxoru jomon sinebatsi. Daxota Moisés penainto asiya duta xua be jomo canaxobiya exana. Pomonae jomon sinebatsi, poxonae barapomonae tane barapo penain jomo, bapoxonae jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetotha t̄parucua neexanaena. Barichi tsane pomonae yabara nejume cow̄untsina po coyene xua xan naetotha tatsit̄paewa tsane xua barapomonae abe pia peexanae cuiru coyenein tatsi, barapomonae jopa weraweracae tsane. Barapomonae xeinaena peaj̄unt̄uyapus̄wa, po peaj̄unt̄uyapus̄wa ataya tsiteca”, jei Jesús.

Meje yabara xua Nacom daxita jiwi bichocono antobetsi barapo cae pin nacuathe

¹⁶ Equeicha Jesús nayabara paeba poxonae Nicodemo tsipaebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cow̄untatsi, bapon jopa weraweracae tsane. Bapon peaj̄unt̄uyapus̄wa xeinaena, po peaj̄unt̄uyapus̄wa ataya tsiteca. ¹⁷ Nacom Pexanto jopa itorobicaeyo xua saya barapo cae pin nacuepiwi atene peexanaenexatsi xua penatsicuentisixae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuentisawa weya.

¹⁸ “Pon Nacom Pexanto tatsi yabara jume cow̄untatsi, bapon jopa Nacom tsitatsi xua atene peexanaewa tsainchi xua penatsicuentisixae xua abe peexanaexae Nacomtha. Ichitha nama pon Nacom Pexanto tatsi jopa yabara jume cow̄untsichi bapon Nacom bayatha tsitatsi xua atene peexanaewatsi tsainchi xua penatsicuentisixae jopa peyabara jume cow̄untsixaetsi Nacom Pexanto tatsi, pon bara compa. ¹⁹ Pomonae jopa Nacom Pexanto tatsi yabara jume cow̄untichi, barapomonae Nacom bayatha tsitatsi xua atene peexanaewatsi xua penatsicuentisixae xua abe peexanae cuiru coyenein peexanaexae. Tsipei poxonae Nacom Pexanto tatsi patopeica po cae pin

nacuathe tsique, barapomonaē ichichipa exana abe peexanaewan beyacaincha xua peexanaewa pocotsiwa Nacom itoroba. ²⁰ Tsipei daxita pomonaē abe peexanaewi barapomonaē Nacom Pexanto tatsi aichaxaibichi daxota jopa imoxoyo caquita ponaetsi bapon. Barapomonaē jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonaē abe exana. ²¹ Ichitha pomonaē pejume cowantsiwi, pomonaē yatsicaewa beta xanepanaya exana, barapomonaē Nacom Pexanto tatsi imoxoyo caquita poinchi. Tsipei barapomonaē ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonaē wnaē peexanaexae, xua pocotsiwa Nacom peitorobixae”, jei Jesús Nicodemotha poxonaē nayabara paeba.

Meje yabara poxonaē Juan pon jiwi Pebautisabin equeicha Jesús yabara cueicueijeichi

²² Poxonaē Jesús najume weta xua poxonaē Nicodemo tsipaebatsi, bapoxonaē pirapae Jesús pijimonaē baru pona Judea nacua beya. Barapo nacua tha Jesús ainya matabintha pijimonaē baru popona. Matautano baxota Jesús pijimonaē cui itoroba xua jiwi pebautisabiwa tsainchi. ²³ Iruru Juan bautisaba jiwi Enón tomaratha, po tomara eca ichaxota imoxoyo po tomara pewun Salim. Tsipei baxota menein nawita. Pinmonaē Juan itata patatsi, yawa Juan bautisaba barapomonaē. ²⁴ Juan baxua pewunaeya exana xua poxonaē jiwi pecubi botha etatsi.

²⁵ Bapoxonaē pomonaē Juan pia pepuna jinompaewichi tatsi iru judiomonaeno, barapomonaē yabara baru najume matsontsonobatsi pebautisabi coyenewa. ²⁶ Barapomonaē Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon caniwi cabaru popona Jordán mentha xua icha muxunene beya, pon bayatha yabara pana netsipae-bame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimonaē tatsi xua Jesús yabara paebatsi.

²⁷ Nexata Juan barai barapomonaē, jeye:

—Jiwi ba jopa xeinaeyo icha Nacom jopa catsiyo. ²⁸ Paxam bara yat-sicaewa pana nejume taneme xua paca jeichi: ‘Xan dapon aibin Mesías’, jan. ‘Apara bapon pia pewunaeya tatsi Nacom neitoroba’, jan. ²⁹ Poxonaē ba pebin pecotsiwa pita bapon pona yabayoyo pia botha tatsi. Pon piowa pepichixae bapon pia jiton tatsi bichocono juntu coyene weiweina xua bapon piowa pepichixae poxonaē jume taeuncua xua pia jiton tatsi piowa pita. Icha pebin cana ichichi pia jiton, bara juta ichin Jesucristo tha anoxuae. Bichocono juntu coyene weiweinan tsipei daxita jiwi Mesías puna poinchi. ³⁰ Bapon bewa mataropeicha ainya cui naexanaponaē jiwi peitutha tatsi. Xan bewa jopa ainya cui naexanaponaēin tsane jiwi peitutha tatsi, jei Juan.

Meje yabara poxonaē Juan yabara paeba pon peitaboco wetsica pona

³¹ Equeicha Juan piamonaē barai, jeye:

—Pon peitaboco wetsica pona, bapon jame bichocono peyaputaēin beyacaincha xua ichamonaē. Pon xua po irathepin bapon apara saya jiton. Bapon saya yabara cueicueijeī pocotsiwa po irathe yabara. Ichitha pon peitaboco wetsica pona, bapon daxita canamataxeina. ³² Bapon bequein jiwi yabara tsipaebatsi pocotsiwa xua bayatha tane peitabocotha, xuano xua pocotsiwa bayatha jume tane peitabocotha, ichitha jiwi jopa jume cowantsiyo pocotsiwa bapon paeba. ³³ Icha pebin jume cowanta pocotsiwa paeba pon peitaboco wetsica peponaexae xua Nacom yabara paebatsi,

barapon tsita itapeinya xeina ichamonaetha, xua apara Nacom bara xaniwaicha pepaebin. ³⁴ Pon xua Nacom itoroba bara bapon cueicueijejei Nacom pejumein tatsi, tsipei Nacom jopa juniya nacana jumope tɨnaxɨ catsiyo xua bapon peyawenaewa tsainchi. ³⁵ Nacom bichocono antobe Pexanto. Pexanto cata peayapusɨ itorobi coyenewa xua bapon daxitan pecanamataxeinaewa tsane. ³⁶ Pon Nacom Pexanto tatsi yabara jume cowɨntinchi, bapon peajɨntɨyapusɨwa xeinaena, po peajɨntɨyapusɨwa jopa bapana weraweracaeyo. Ichitha pon Nacom Pexanto tatsi jopa yabara jume cowɨntinchi, bapon jopa xeinae tsane barapo peajɨntɨyapusɨwa. Nama bapon Nacom cana exanaena xua bapon bichocono atene peexanaewa tsainchi, jei Juan.

4

Meje yabara poxonae Jesús tsipaeba powayo Samaria nacuapiwayo

¹ Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomonae pia pepuna ponaewichi. Jesús toxeinchiya jopa juniya bautisabiyo jiwi beyacaincha xua poxonae Juan bautisaba jiwi”, jei jiwi fariseomonaetha. ² (Dau metha Jesús apara jopa bautisabiyo. Apra jame Jesús pijimonae tatsi bautisaba jiwi.) ³ Poxonae Jesús jume yaputane xua jiwi paeba fariseomonaetha, bapoxonae Jesús pijimonae Judea nacua webarɨ warapiya. Caibeya warapa Galilea nacua beya.

⁴ Poxonae warapa Galilea nacua beya bewa ponaena ichaxoyo Samaria nacua iya, tsipei namto baxoyo ducuiya. ⁵ Bapoxonae Jesús pijimonae barɨ patopa Sicar tomaratha, po tomara eca Samaria nacua. Barapo tomara, Sicar tomara eca ichaxota imoxoyo po iriyo caena bayatha Jacob pexanto cata. Barapo Jacob pexanto tatsi pewɨn José. Jacob irɨ pexanto tatsi caena bayatha tɨpabe. ⁶ Barapo iriyotha mene mɨthɨ eca, barapo mene mɨthɨ pewɨn, “Jacob pia mɨthɨ”, jei. Tsipei Jesús natsepapona namto dena, tsipei tajɨ werena pona, daxota barapo mene mɨthɨ mɨxɨburɨtha ecopa. Mataɨtano bapoxonae mateinyaxae tsuxubi irɨ. ⁷⁻⁸ Irɨ bapoxonae Jesús pijimonae tatsi tomara be-iyiya pecomocaenexa pexaewa. Barapomonae pecoutha tatsi yabɨyo Samaria nacuapiwayo patopa ichaxota Jesús po mene mɨthɨ mɨxɨburɨtha eca. Jesús barai bapowa, jeye:

—Mera necare, jei Jesús.

⁹ Bapoxonae barapo Samaria nacuamonaepiwayo Jesús jume notatsi. Barapowa jeye:

—¿Eta pocotsiwa metha mera nebarɨ ununame? Apra judiomonaepim irɨ xan apra Samaria nacuamonaewayon, jei.

Barapowa baxua paeba tsipei judiomonae irɨ Samaria nacuamonae daxita barapomonae jopa naita coxonaeyo. ¹⁰ Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon aunxuaein mera cawɨcatsi, bapoxonae jame newɨcaetsipame mera, xua icha mera, po mera jiwi peajɨntɨyapusɨwa xeina cana exainchi, po peajɨntɨyapusɨwa jopa bapana weraweracaeyo, jei Jesús.

¹¹ Bapowa Jesús jume notatsi, jeye:

—Pon jiwi Necanamataxeinaem, apra jopa xeinaem xua xota mene capatame. Yawa po mene mɨthe apra tajɨ deca. ¿Jinya exota po mene boca inta mene capitichi, po mera jiwi ajɨntɨyapusɨ exainchi? ¹² Barapon Jacob pata tamo susatopin pana cata barapo mene mɨthɨ. Bapon barapo mene mɨthɨ mene capaneiba peapeibinexa, irɨ pia pexui tatsi mene capaneiba

xua peapeibinexa, matautano mene capaneiba peapateibinexa pia duweimonaein. ¿Metha bara Jacob toxeincha ainya cuim, beyacaincha bapon? jei bapowa.

¹³ Jesús jume nota, jeye:

—Daxita pomonae xua po mene muthu the mene capaneiba xua peapeibinexa equeicha meratsipouneibina. ¹⁴ Ichitha pon apa xua po mera catan, bapon equeicha jopa caewa meratsipae tsane. Barapo mera icha ira bupana mene ichi xua epatoya mene jujuina poxoru bichocono ira buxupana mene nayuca. Barichi po coyene xua cacatinchi barapo coyene cajuntu coyene yuca cacana exanaena, bapoxonae xeinaename peajuntu yapusawa, po peajuntu yapusawa xua ataya tsiteca, jei Jesús.

¹⁵ Nexata bapowa Jesús jume notatsi, bapowa jeye:

—Pon jiwi Necanamataxeinaem, dapo mera necare xua jopa caewa tameratsipouneibiwa tsane yawa xua equeicha po mene muthu the jopa tapateibiwa tsane xua mera tacapanathopeibinexa, jei barapowa.

¹⁶ Jesús jume nota, jeye:

—Moya matha iyande, matha jinseuri wabare. Nexata bapoxonae xote papatoparebe, jei Jesús.

¹⁷ Bapowa jume nota, Jesús jume notatsi, jeye:

—Taseuri apara jopa xeinaeinyo, jei.

Nexata Jesús jume barai, jeye:

—Bara xainyeya paebame poxonae jam, ‘Taseuri jopa xeinaeinyo’, jam.

¹⁸ Tsipei caena bayatha cinco poyobe pebiwi punaxubame. Pon xua anoxuae baru poponame, apara jinseuri aibi. Poxonae paebame baxua bara xainyeya paebame, bara jopa naerabim, jei Jesús.

¹⁹ Barapowa poxonae Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apara pon Nacom peitorobi jume nepaebim. ²⁰ Pata tamo susato jiwi, Samaria nacuamonae piwi, barapomonae wuna jainteiba Nacom xote po demxuwathe. Ichitha paxam judiomonae pam, papaebame xua pinae bewa jiwi wuna jainteibina Nacom bomuxu tha po bo uncua Jerusalén tomaratha po bo Nacom pin pia bo tatsi, jei barapowa.

²¹ Jesús jume nota, jeye:

—Yabayo moya yabara nejume cowunde xua tacatsipaebiwatsi. Tsipei barapo matacabi imoxoyo patopaena, po mataqueitha xua wuna pajainteibiname Nacom. Nama jopa painya nenantawenonaewam tsane xua painya neponaewa, po demxuwathe yawa Jerusalén tomara beya xua wuna painya nejainteibiwa tsane Nacom. ²² Paxam Samaria nacuamonae pam, jopa payaputaem pon wuna pajainteibame. Paxan nama judiomonae pan payaputan pon wuna pajainteiban, tsipei pon pecapanenebiyaein jiwi apara bapon judiomonae jivanapin. ²³ Ichitha anoxuae nama patopa po mataqueitha poxonae pomonae xaniwaicha wuna pejainchiwa Nacom, barapomonae icha coyene cuitha Nacom wuna jaintinchi, xua barapomonae pia Paxaxae tatsi. Barapomonae xaniwaicha pia pejuntu coyenewatha wuna jainchina Nacom. Tsipei Nacom baxua ichichipa xua wuna pejainchiwatsi xua jiwi wuna pejainchiwa pejuntu coyenewatha. ²⁴ Nacom pejuntu coyene xanepanaein pon peinya jumopein. Daxota pomonae Nacom wuna pejainchiwatsi, barapomonae bewa xaniwaicha pejuntu coyenewatha wuna jainchina Nacom, jei Jesús.

²⁵ Barapowa jume nota, jeye:

—Yaputan xua patopeicaena pon pewan Mesías, (xua pon icha wan “Cristo” baraichi). Poxonae bapon patopeicaena daxita yabaran pana necuidubina, jei bapowa.

²⁶ Jesús jume nota, jeye:

—Apara xan bapon, pon aunxuaein catsipaebatsi, jei Jesús.

²⁷ Bapoxonae equeicha Jesús pijimonaе tatsi pata. Daxita barapomonaе yabara najuntа cui coyene cabenaeca xua Jesús tsipaeba Samaria nacua-monaewayo. Ichitha dapon aibi xua pon pejeiwa Jesthа, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa.

²⁸ Nexata bapowa juruwato cuenta iya tomara be-iyа, nainya yacuinaya iya. Bapowa jiwi tsipaeba, jeye:

²⁹ —Anetha, pataema pebin ichaxota muthа mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesías! jei bapowa.

³⁰ Bapoxonae jiwi tomara we-iyiya peponaenexа ichaxota Jesús popona.

³¹ Irurа Jesús pijimonaе jume daunweya baraichichi, jeye:

—Pon Patatanecuidubim, matha xaema, jeichichi pijimonaе.

³² Jesús jume barai pijimonaе, jeye:

—Xan xeinan pexaewa, po pexaewa jopa payaputaem, jei Jesús.

³³ Jesús pijimonaexae tatsi nexata bara caemonaе nayainyaba, jeye:

—¿Metha bara ichan Jesús apatatsi pexaewa? najei barapomonaе.

³⁴ Ichitha Jesús pijimonaе jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Matautano bewa nacui wetsin Nacom pia penacuichiwa tatsi xua tana neitorobixae. Daxota xua bapoxonae tanejuntа coyene yucaewa tsane be poxonae pebin xua pexaewa una tonsana. ³⁵ Paxam ba pajam: ‘Abа cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi jata coyeneya paca jeichi: ‘Jiwi barapo cae pin nacuathe bayatha najuntа cui coyene wanaetaba xua pejume taenexa Nacom Pejume Diwesi xua pejume cowantsinexa’, paca jeichi. ³⁶ Catsibin pomonaе tamonaexae pocotsiwa xua pematomatsiwa xua intа ichamonaе peyawenaexaetsi xua irurа be tamonaе jiwi penaexanaenexa. Pomonaе nejume cowanta barapomonaе catsibin peajuntayaruswa, po peajuntayaruswa jopa weraweracaeyo. Tsipei pomonaе tajume diwesi pecueicueijeijiwi copiya xuano irа pomonaе tajume diwesi cotacaya xuya yaputane canа exana xua daxota jiwi nejume cowanta, daxita barapomonaе matabxuyobe nabarа juntа coyene weiweina xua ichamonaе nejume cowanta pecana exanaexaetsi. ³⁷ Tsipei po diwesiyo xua tsica diwesiyo, po diwesiyo yabara canauta jatsiya pepaebiwa bara apara xaniwaicha, po diwesiyo xua ba jeye: ‘Ichан аба, irа ichан xuya jota poxonae naweta’, xua jei po diwesiyo. ³⁸ Paca itorobatsi xua intа payawename jiwi xua tajiwiwimonaе penaexanaenexa xua po coyene jopa pacata ayapubeyo xua poxonae paexaname baxua. Baxua paexanaename bequein bara jopa dapomonaе pam pocotsimonaе copiya tajume diwesi paeba barapo jiwitha. Jame paxam apara barapomonaе pam, xua xuya cotacaya yaputane pacana exaname barapo tajiwiwimonaе. Baraxua icha be poxonae ichi poxonae ichan xuya jota cotacaya poxonae ichan copiya аба, jei Jesús.

³⁹ Bapoxonae pin bicheitomonaе pomonaе barapo tomaratha jinompa xua Samaria nacuatha, Jesús jume cowantatsi, tsipei barapo petsiriwa pejeixae:

“Bapon Jesús yabara netsipaeba daxita pocotsiwa bayatha caena exanan”, jei. ⁴⁰ Poxonae barapo Samaria nacuapiwi Jesustha pata, bapoxonae Jesús jume daunweya jeichichi: “Pana baru ecare pata tomaratha”, jeichichi. Daxota Jesús ainya matabibe naeca barapo tomaratha. ⁴¹ Bichocono pinmonae Jesús jume cowantaponatsi poxonae jume tane xua Jesús paeba. ⁴² Nexata barapomonaebapowa tsipaebatsi, jeichichi:

—Anoxuae nama pajume cowantan jopa meisa saya poxoru pata tanetsipaebiwam. Matautano bara pajume cowantan tsipei yatsicaewa pata muxutontha pajume tan pocotsiwa bapon paeba. Matautano bara payaputan xua bapon pon jiwi Pecapanenebiyaeinchi abe pia peexanae cuiru coyenein tatsi weya xua barapo jiwi jopa peweraweracaenexa, jei barapomonaebapowa.

Meje yabara poxonae Jesús axaibi exana pon pentacaponaein pexanto tatsi

⁴³ Poxonae barapo ainya matabibe yapucaewa, bapoxonae Jesús pijimonae Samaria nacua webaru warapiya xua baru pona Galilea nacua beya. Ichitha pijimonae jopa baru patopaeyo pia tomaratha Nazaret tomaratha.

⁴⁴ Tsipei Jesús bayatha pijimonae tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa baru cui itura jinaetsi, jei Jesús. ⁴⁵ Poxonae Jesús pijimonae baru patopa Galilea nacua, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalén tomaratha, poxonae jiwi nacaetuta xua penabanaenexa pexaewa po matacabintha pewan Pascua wan matacabin poxonae jiwi yabara canantana xeina xua caena bayatha pia pamo susato jiwi tatsi panenebiya Egipto nacua weya. Matautano tsipei poxoru bayatha barapomonaebapowa tane daxita pocotsiwa Jesús exana baxota.

⁴⁶ Bapoxonae Jesús pecoyo baru pona pijimonae Caná tomara beya xua po tomara eca barapo Galilea nacua. Barapo Caná tomara, po tomaratha ichaxota bayatha Jesús meratha equeicha vino mera cana exana. Poxonae Jesús Caná tomaratha eca, iruru pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwi itorobiya pia pepa peewatsinchi tanacuitatsi. ⁴⁷ Barapon pon pentacaponaein yaputane xua Jesús pijimonae baru patopa Galilea nacua xua Judea nacua weya pona. Bapoxonae Jesús siwa poinchi. Bapon Jesús jume daunwei jeichichi:

—Tabo beya ponde. Inta taxanto axaibi exande tsipei imoxoyo petupaebapowa, jei bapon.

⁴⁸ Nexata Jesús barai bapon xua piamonaebapowa tatsiru, jeye:

—Paxam jopa yabara pana nejume cowantsim. Saya poxonae pexeinya petsita itatsi coyenewan paca tsita exaneibatsi bapoxonae deta pana nejume cowanteibame, jei Jesús.

⁴⁹ Ichitha pentacaponaein jume nota, jeye:

—Pon Necanamataxeinaem jiwi, anetha nainya iyande, xua pewanaeya tsane poxonae taxanto tupaena, jei.

⁵⁰ Nexata Jesús jume barai bapon, jeye:

—Moya caibe nawiyama jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya. ⁵¹ Poxonae barapo pentacaponaein cataunxae ecapona namtotha xua pia bo beya pona, bapoxonae bapon matenta poinchi pomonaebapowa pia petanacuichiwiwaxaetsi pia botha. Bapon jeichichi:

—Nexanto bayatha cata axaibi, jei barapomonaebapowa.

⁵² Nexata bapon yainyaba pia petanacuichiwichi, jeye:

—¿Eta poxonae inta taxanto axaibi? ¿Eta xoyo poxonae ecatabiya xometo? jei bapon.

Barapomonae jume nota, jeye:

—Mexuae axaibi tsuxubi poxonae mateinyaxae pepuya weya bapoxonae yasataxotsi domae, jei barapomonae.

⁵³ Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiyama jinya bo beya, bayatha nexanto cata axaibi”, jei Jesús. Bapoxonae bapon iru pomonae pia botha petaenaewichi Jesús yabara jume cowantatsi.

⁵⁴ Barapo pexeinya petsita itutsi coyenewa xua poxonae equeicha Jesús cotacaya exana poxonae caibe warapiya Galilea nacia beya poxonae Judea nacia wewarapiya.

5

Meje yabara poxonae Jesús axaibi exana pon pecuenobinchi ichaxota po fetiyo pewun Betzata

¹ Bapoxonae pirapae Jesús pona Jerusalén tomara beya. Barapo tomaratha judiomonae nacaetuta xua penabanaenexa pexaewa. ² Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewun “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewun “Betzata”, jei. Barapo fetiyotha cinco po boutiyobe umena. ³ Barapo boutontha peatenewi iratha bobenapoinya, ichamonae pomonae peitata nacutsi jiwi, iru ichamonaeno pomonae pejayujayujei jiwi, iru ichamonaeno pomonae pecuenobiwichi. Barapomonae ewatabobena xua barapo mene fetiyo mene najirababa. ⁴ Tsipei ichacuitha tsaibi matatsunpin patopeiqueiba barapo mene fetiyotha xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonae axaibi exainchi. ⁵ Baxota pebin iru boca pon caena bayatha atene treinta y ocho po weiyobetha. ⁶ Jesús tane xua bapon iratha boca. Matautano Jesús yaputane xua bapon ainya dapaein bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

⁷ Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betanemaxu cayaenexa poxonae matatsunpin mene najirababa exana. Poxonae tacoutha taepatotha iya tsaibin ichan copiya netsiwana patopeiba. Bapon axaibi, copiya pecaxinaexae mene, jei pon atene.

⁸ Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

⁹ Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matabi apara po matabi pentaquei seicae matabi. ¹⁰ Daxota judiomonae barai pontha pon axaibi exainchi. Jeichichi:

—Apara anoxuae po matabi xua pentaquei seicae matabi. Barapo matabietha jopa cacopatsiyo xua bara necaponaewa jinya nebocaewa, jei judiomonae.

¹¹ Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebocaewa, bara ponde’, nejei bapon, jei bapon judiomonaetha.

¹² Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonaē.

¹³ Ichitha bapon jopa w_{an} taeyo pon peaxaibi exanaexaetsi, tsipei Jesús pin bicheitho naita cafetaba. ¹⁴ Pirapae bapon Jesús taeba Nacom pin pia botha tatsi. Jesús barai bapon, jeye:

—Incane nejume taema. Jame caaxaibi exanatsi. Equeicha jinxoba abe exaname, tsipei bapoxonaē bichocono atenem tsipae beyacaincha xua poxonaē copiya atenem, jei Jesús.

¹⁵ Nexata barapo pebin pona judiomonaē beya xua pejeinexa:

—Apara pon neaxaibi exana bapon apara Jesús, jei bapon.

¹⁶ Daxota Jesús abe tsiyabara jeitapoinchi xua pebexubiwa tsainchi yaitama Jesús axaibi exana pon atene po mataqueitha pentaquei seicaē mataqueitha. ¹⁷ Ichitha Jesús jeye barapomonaētha:

—Taxa, apara cataunxuae nacuiteiba daxita matakabintha. Xan barichin bara bequein pentaquei seicaē matakabi tan, jei Jesús.

¹⁸ Daxota bichocono nama judiomonaē jopa juniya anaepanaeyo, yawa ichichipa xua Jesús pebexubiwa tsainchi. Barapomonaē anaepana tsipei yaitama Jesús po mataqueitha pentaquei seicaē matakabitha nacuita poxonaē bequein barapomonaē jopa copatsiyo. Matautano anaepana tsipei Jesús naexana xua Nacom pecui j_upaewatsi, yawa tsipei jeye: “Nacom, Taxa”, jei.

Meje yabara poxonaē Jesús yabara paeba xua pexeinaewa pia peayapus_u itorobi coyenewa

¹⁹ Nexata equeicha Jesús barai barapo judiomonaē, jeye: “Xaniyan paca tsipaebatsi xua xan Nacom Pexanton jopa exanaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsiwan baxua exanan. ²⁰ Taxa bichocono neantobe, yawa netsita itata daxita xua bapon pocotsiwa exana. Taxa equeicha ichawanno netsita itatsina pocotsiwa xua bichocono w_{nae} beyacaincha xua bayatha exanan. Bapoxonaē yabara pana naj_unt_u cui coyene cabenaecaename. ²¹ Taxa equeicha as_u cana exana pomonaē caena bayatha werapa. Xan barichin tsane Nacom Pexantonxaein equeicha as_u cana exanaein pomonaē pewerapaewi, pomonaē xua ichichipan xua as_u tacana exanaewa. ²² Taxa jopa ba yabara paebiyo jiwi xua penatsicuentisiwa xua abe peexanaexae. Saya meisa xan Pexanto tatsixaein necata barapo peayapus_u itorobi coyenewa xua tayabara paebiwa jiwi xua penatsicuentisiwa xua abe peexanaexae Nacomtha. ²³ Baxua Taxa barapo peayapus_u itorobi coyenewa necata xua daxita jiwi tana nebar_u cui itura jinaenexa xua icha barapo jiwi ichi xua poxonaē Taxa bar_u cui itura jinatsi. Xan ponxaein Nacom Pexantoxaein ponxaein Nacom tana neitorobixae pon jopa nebar_u cui itura jinaeyo bapon barichi Taxa jopa bar_u cui itura jinaetsi.

²⁴ “Bara xainyeya paca tsipaebatsi xua xan, Nacom Pexantoxaein, pon xanepanaya nejume naitaewata pocotsiwa paeban xuano xua Taxa jume cow_untatsi bapon peaj_unt_uyapus_uwa xeinaena po peaj_unt_uyapus_uwa xua ataya tsiteca. Bapon bapana jopa yabara caunutsin tsane xua bapon Nacom bayatha tsitatsi xua bapon penatsicuentisiwa xua daxota bapon bewa t_upaena abe peexanaexae. Tsipei bapon be barapocotsin, bara be pocotsin xua equeicha as_u exanan pet_upae cuiru coyene weya. ²⁵ Xainyeya paca tsipaebatsi. Apara anoxuae barapo matakabi patope, po mataqueitha pomonaē be pewerapaewi jopa pexeinaexae peaj_unt_uyapus_uwa, barapomonaē nejume taena. Yawano icha barapomonaē nejume

cowantsina bapoxonae xeinaena peajuntuyapusuwa. ²⁶ Taxa xeina xua peajuntuyapusuwa, po pia peajuntuyapusuwa tatsi jopa weraweracaeyo. Daxota bara tayapu xanepanatsi xua ichun pecatsinexatsi barapo peajuntuyapusuwa. Matautano Taxa necata barapo peajuntuyapusuwa xua daxota xuya jiwi catan. ²⁷ Taxa pia peayapusu itorobi coyenewa necata xua jiwi tayabara paebinexa xua penatsicuentisiwa xua abe peexanaewixae Nacomtha. Tsipei naexanan pepa Jiton daxota necui jupa xua barapo pia peayapusu itorobi coyenewatha jiwi tayabara paebiwa xua penatsicuentisiwa xua abe peexanaexae. ²⁸ Jopa baxua payabara najuntu coyene cabenaecaeinde pocotsiwa tapaca tsipaebiwatsi. Tsipei patopaena icha matacabi po mataqueitha pomonae pewerapaewi nejume taena. ²⁹ Barapomonae pomonae pewerapaewi muthu wejujuinaena. Pomonae xua xanepanaya exana xua poxonae caena bayatha jinompa, barapomonae asu exanaeinchi xua pexeinaewa tsane peajuntuyapusuwa. Ichitha nama pomonae abe exana xua poxonae caena bayatha jinompa, barapomonae asu exanaeinchi xua peyabara paebinexatsi xua penatsicuentisiwa xua abe peexanaexae Nacomtha”, jei Jesús.

Meje yabara poxonae Jesús tsita itapeinya xeina jiwi xua bara xeina peayapusu itorobi coyenewa

³⁰ Cataunxuae awiya Jesús cueicueijeji judiomonaetha. Jesús jeye: “Jopa exanaeinoyo pocotsiwa tacoutha ichichipan. Jiwi yabara paeban xua penatsicuentisixae xua abe peexanaexae Nacomtha be pocotsi coyeneya Taxa tanecui itorobixae. Baxua xua pocotsiwa poxonae jiwi yabara paeban xua penatsicuentisiwa xua abe peexanaexae apara bara xanepana. Tsipei jopa exanaeinoyo pocotsiwa tacoutha ichichipan jame saya exanan pocotsiwa Taxa ichichipa, pon tana neitorobixae. ³¹ Icha saya meisa nayabara paebichipan tacoutha, yawa icha ichun jopa neyabara jume yawenaetsipae metha bapoxonae pana neyabara jam tsipaem: ‘Apara pocotsiwa bapon pia coutha nayabara paeba jopa xainyeyo’, pana neyabara jam tsipaem. ³² Ichitha ichun neyawena xua tana neyabara paebiwa tsipei paeban xua pocotsiwa bapon paeba. Nanta jupaya papaebanbe. Apara bapon Nacom bara Taxa. Bara yaputan po coyene bapon xua tana neyabara paebiwa apara bara xainyei. ³³ Paxam ichamonae paitorobame Juan beya, xua Juan peyainyabiwa tsainchi, pocotsiwa Juan yabara paca jume nota xua xan yabara, bara apara xainyei. ³⁴ Xan jopa jiton nantawenonaeinyo xua tana nebaru jume yawenaewa xua jiwi yabara tana nejume cowantsiwa xua bara xainyeya tapaebin. Saya yabara paca tsipaebatsi pocotsiwa Juan tana neyabara paebiwa. Poxonae baxua pajume cowantsiname pocotsiwa Juan tana neyabara paebiwa bapoxonae paca capanenebiyaena abe painya neexanae cuiru coyenein weya xua jopa painya atene tsabiwa tsane abe painya neexanaewantha. ³⁵ Poxonae pecoicha itanata, jiwi ba caeto juntu coyene weiweina poxoru ichichipa barapo coicha xua yonoyonei. Icha pecoicha ichi Juan barichi. Poxonae Juan paca cuiduba copiya pajuntu coyene weiweiname caeto, poxoru paichichipame barapo diwesi pocotsiwa bapon paca tsipaeba. ³⁶ Ichitha nama xan xeinan xua pocotsiwa ainya cui beyacaincha xua po diwesi Juan tana neyabara paebiwa. Baxuan xua xuan pocotsiwa exanan apara bara xua pocotsiwa Taxa neitoroba. Po pexeinya petsita itubiwana xua exanan poxonae baxuan jiwi necui tane bapoxonae nejume cowanta xua Taxa necata barapo peayapusu itorobi coyenewa. ³⁷ Matautano Taxa, pon tana neitorobixae, beta xanepanaya neyabara paeba. Ichitha paxam jopa bapana Nacom pajume taem xua pejume. Matautano jopa

bapana pataem pia pepon. ³⁸ Nacom Pejume Diwesi jopa paxeinaem painya juntu coyeneintha tsipei jopa pana nejume cowantsim ponxaein xua Nacom tana neitorobixae. ³⁹ Paxam matowa pana nacuidubame Nacom Pejume Diwesi, tsipei pananta xeiname xua pia bapoxonae Nacom painya nepaca catsibichi pia peajuntayapuswa, po peajuntayapuswa jopa weraweracaeyo. Ichitha Nacom Pejume Diwesi, po diwesi payorobame, apara xua tana neyabara paebiwa. ⁴⁰ Ichitha jopa bapana pana nejume cowantsim xua tapaca catsibinexatsi barapo peajuntayapuswa, po peajuntayapuswa jopa weraweracaeyo.

⁴¹ “Jopa netsita ainya cuiyiyo xua bara jiwi tana nebaru cui itura jinaewa xua ainya cuin tanaexanaexae. ⁴² Matautano paca juntu coyene yaputainchi xua painya juntu coyeneintha jopa Nacom paantobem. ⁴³ Xan, Nacom Taxa tana neitorobixae, pacata patopatsi, daichitha jopa pana nejume cowantsim. Ichitha icha ichan pacata patopaetsipa pon pia coutha naitoroba, bapon xanepanaya pajume cowantsipame. ⁴⁴ Jopa paca itacupaeyo xua pana nejume cowantsiname tsipei saya pananta xeiname xua pia jiwi paca necayabara baru cui itura jineibiwa. Jopa pananta xeinaem xua po coyene Nacom paca necayabara baru cui itura jinaewa tsane. ⁴⁵ Jopa pananta xeinaemde xua Taxatha tapaca yabara paewatsi xua po coyene abe painya neexanaewa. Xan dapon apara aibin xua abe tapaca yabara paewatsi. Paxam pananta xeiname, pana najam: ‘Caena bayatha Nacom nacana jume diwesi cata Moiestha xua jiwi pejume cowantsiwa tsane. Jume cowantatsi barapo diwesi, daxota Nacom naca capanenebiya tsane’, pana najam. Daichitha jopa paexanaem pocotsiwa Moisés paca itoroba. Poxoru tsipei jopa Nacom pajume cowantsim daxota Nacomtha abe paexaname. ⁴⁶ Icha pajume cowantsipame pocotsiwa Moisés neyabara tinaeya paeba, metha iruru pana nejume cowantsipame, tsipei Moisés neyabara tina. ⁴⁷ Icha jopa pajume cowantsim pocotsiwa Moisés neyabara paeba, bara paichipaem jopa pana nejume cowantsipaem”, jei Jesús xua judiomona tsipaebatsi.

6

Meje yabara poxonae Jesús apata pexaewa cinco mil pebiwi (Mt 14.13-21; Mr 6.30-44; Lc 9.10-17)

¹ Poxonae Jesús najume weta judiomonaetha, bapoxonae Jesús pijimona baru pona jeratha xua Galilea pucua icha muxunene beya. Barapo pucua icha wan Tiberias pucua. ² Pin bicheito Jesús puna poinchi, tsipei Jesús cui tainchi xua exana pia pexeinya petsita itatsi coyenewan, poxonae axaibi exana peatenewi. ³ Nexata Jesús pijimona baru ecoinya demxuwa icha. Bapoxonae baxoteicha Jesús pijimona baru ecopiya. ⁴ Imoxoyo bara nama patopaena matababi xua judiomona pia Pascua wan matababi tatsi. ⁵ Jesús tane xua puna poinchi pin bicheito. Bapoxonae Jesús barai, Felipe baraichi jeichichi:

—¿Eta xota metha pexaewa barapomonae upain comocaeinchi? jei Jesús Felipetha.

⁶ Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa. ⁷ Nexata Felipe Jesús jume notatsi, jeye:

—Bequein doscientos po pan matabaxumona comocaetsipathatsi jopa awiya jupaetsipae xua daxita barompaya pexexinaponaewa barapo bicheito. Barapo denario paratiyo matawan xua bichocono matoma nawita

xua caentaqueitha nexa xua matoma xeineiba pomonae penacuichiwi, jei Felipe.

⁸ Bapoxonae Andrés pon iruru Jesús pijimonaе tatsi jiwana jiton, pon Simón Pedro peweicho tatsi, bapon Jesús jeichichi:

⁹ —Meje pewowin wuto uncue. Bapoyo cinco po panbe xeina, po pan xua cebada beno pan. Matautano bapoyo duweiyо ainyobe capana. ¡Ichitha apara jopa yapu japaeyo xua pin bicheito! jei Andrés.

¹⁰ Nexata Jesús jume nota pijimonaе, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi. ¹¹ Nexata Jesús pecobetha pita pan, po pan xua pexuyo capatopa. Bapoxonae Jesús Paxatha tsipaeba: “Axa, maisa juntu coyene weiweinan xua pata tana necatsiwaxaem pexaewa”, jei Jesús. Bapoxonae Jesús pijimonaе tsicobe jajanacapona pan. Equeicha Jesús pijimonaе tatsi cacatsibapona barapo pan barapo cinco mil pebiwitha. Jesús barichiya exana poxonae duweiyobe pita. Matautano pijimonaе tsicobe jajanacapona barapo bicheito nexa. Barapo cinco mil pebiwi bara xane xua ichichipa piyainxae. ¹² Poxonae daxita tonsanarucupa, bapoxonae Jesús pijimonaе barai:

—Panore xua barapomonaе jiwana xane. Pajebare, jopa pabebande, jei Jesús.

¹³ Barapomonaе Jesús pijimonaе tatsi nonotapona pocotsiwa barapo pin bicheito jiwana xaexaepona. Jesús pijimonaе tatsi doce po cotebe wunba xua bayatha po cinco panbe jiwana xaexaepona pin bicheito po pan xua cebada beno pan. ¹⁴ Barapo cinco mil jiwi poxonae Jesús cui tainchi xua pexeinya petsita itutsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinae patopaena po nacuathe xua wanacuatha tsica, jei.

¹⁵ Ichitha Jesús yaputane xua barapomonaе ichichipa xua po coyene Jesús penaexanaewa tsane be pon jiwi itorobiya pia pepa peewatsinchi tsane barapo bicheito pia nacuatha tatsi. Daxota equeicha Jesús ponataba demxuwa beya, xua compa peecaenexa.

*Meje yabara poxonae Jesús mene matatsun jumatha pona
(Mt 14.22-27; Mr 6.45-52)*

¹⁶ Poxonae quirei tsanaicha Jesús pijimonaе tatsi pucua itapa bepareca.

¹⁷ Bapoxonae jeratha nonobabiya. Barapo pucua iya jeratha epatauta iyiyi xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo.

¹⁸ Bapoxonae pin joibo tsuxubi. Yawa maratsaca muxunenababa jera.

¹⁹ Poxonae Jesús pijimonaе tuwatha yana panenebiya, bapoxonae Jesús pijimonaе tainchi. Jesús mene matatsun juma dena pona jera dena. Bapoxonae barapomonaе bichocono junuwa. ²⁰ Ichitha Jesús pijimonaе barai, jeye:

—¡Apara xan! ¡Jopa pajunuwinde! jei Jesús.

²¹ Bapoxonae Jesús pijimonaе yaitaerucupatsi. Bapoxonae Jesús juntu coyene weiweinaya wabatsi pijimonaе xua jeratha penontabinaenexa. Bapoxonae nainya patarucupa Capernaum tomaratha.

Meje yabara poxonae jiwi Jesús wenaweneichi

²² Icha mataqueitha pin bicheito, pomonaе umena pucua itapatha xua icha muxunenetha, barapomonaе tane xua Jesús pijimonaе cuenta ponarucupatsi jeratha, po jera saya bara cae nae xua po nae baxota boca.

²³ Poxonae cataunxuae Jesús yabara nanta xeinatsi baxua, bapoxonae icha

jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamataxeinaein, Paxa tsipaeba xua jeye: “Axa, maisa juntu coyene weiweinan xua pata tanecatsiwam pan”, xua jei, xuano xua baxota Jesús apata pan jiwitha. ²⁴ Barapomonae yaputane xua Jesús aichurucuae. Matautano yaputane xua Jesús pijimonae tatsi aichurubena. Daxota jeran notarucupa Capernaum tomara be-iyiya xua Jesús pewenaweneiwa tsainchi.

Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobcatsi

²⁵ Poxonae barapomonae pata icha muxunene beya xua pucua iya, bapoxonae Jesús tainchi. Barapomonae Jesús yainyabatsi, jeichichi:

—Pon jiwi Necuidubim, ¿eta poxonae xote patopame? jei barapomonae.

²⁶ Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apra jopa baxua patsipatsim xua bayatha tapaca tsita exanaexaetsi pexeinya tatsita itutsi coyenewan. ²⁷ Jopa pananta xeinaeinde xua saya pexaewa pana natsiapain nacuitame, po pexaewa saya nainya weraweraca. Saya meisa jame payabara nanta xeinare xua peajuntuyapusu coyenewa, po peajuntuyapusu coyenewa jiwi ajuntuyapusu exanatsi, po peajuntuyapusuwa jopa weraweracaeyo. Taxa, Nacom, barapo peajuntuyapusuwa necata, po peajuntuyapusuwa xuya paca catsinchi ponxaein Nacom Tananeitapetsin, jei Jesús.

²⁸ Nexata barapomonae Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

²⁹ Nexata Jesús jume nota barapomonae, jeye:

—Jame Nacom baxua ichichipa xua pata tanejume cowantsiwam tsane ponxaein xua barapon Nacom, Taxa, neitoroba, jei Jesús.

³⁰ Nexata barapomonae Jesús yainyabatsi, jeye:

—¿Eta po jinya pexeinya netsita itutsi coyenewa, pana netsita itutsiname? Icha paca cui taeinchi baxua xua pana netsita itutsiname nexata bapoxonae xua xain paca jume cowantatsi. ³¹ Ichaxota ira xuepana susato tsurucuae nacuatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawun. Barapomonae baxua cana exanatsi be pocotsi coyeneya Nacom Pejume Diwesitha yabara jeichichi: ‘Nacom cata barapomonaetha pexaewa, po pexaewa itaboco wetaitorobica’, jei Nacom Pejume Diwesitha, jei barapomonae.

³² Nexata Jesús jume barai barapomonae, jeye:

—Xaniyan paca tsipaebatsi, Moisés barapo pexaewa apra jopa wamo susato jiwi catsichi, po pexaewa xua itaboco wetaitorobcatsi. Apra jame Nacom, Taxa, barapo pexainyei nabanae pexaewa taitorobica. ³³ Po pexaewa Nacom itaboco wetaitorobica, apra neyabara wanae caunuta. Nacom neitorobica xua tacana exanaewa tsane jiwi barapo cae pin nacuathe xua jiwi pexeinaewa tsane peajuntuyapusuwa, po peajuntuyapusuwa jopa weraweracaeyo, jei Jesús. ³⁴ Nexata barapomonae Jesús baraichichi, jeye:

—Patatanecanamataxeinaem, barapo pexaewa pana catsibeibare daxita matabi tsaibi, jei.

³⁵ Jesús jume nota, jeye:

—Xan apra bapon xua po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi

peajuntayapuswa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cowanta bara xeina daxita pocotsiwa penantawenon-aewa. ³⁶ Bara bayatha bequein paca tsipaebatsi, daichitha jopa pana nejume cowantsim bequein pana netaneme. ³⁷ Daxita pomonae xua Taxa necata, barapomonae bara tamonae. Barichi pomonae nejume cowanta, barapomonae jopa beban tsane. ³⁸ Xan apara jopa baxua tsipatopeicaeinyo itaboco wetsica xua taexanaewa tsane pocotsiwa tacoutha ichichipan. Apara saya jame baxua tsipatopan xua taexanaewa tsane pocotsiwa Taxa ichichipa. ³⁹ Tsipei Taxa ponxae neitoroba, barapon ichichipa xua daxita jiwi beta ta-eenaewa tsane pomonae tana necatsixae. Matautano Taxa jopa ichipaeyo xua barapomonae jiwana caein tanexubiwa. Matautano Taxa ichichipa xua equeicha asu cana exanaein petupae coyene cuariya weya pomonae tana necatsixae xua poxonae po maticabi opi ducuaenaba po cae pin nacuathe. ⁴⁰ Paxam yabara paca tsipaebatsi xua pocotsiwa Taxa peichichipaewa. Daxita pomonae neyabara paebina po coyene xua xan apara Nacom Pexanton, xuano xua nejume cowanta, barapomonae xeinaena peajuntayapuswa xua ataya tsiteca. Barapomonae asu exanaein petupae coyene cuariya weya poxonae maticabi opi ducuaenaba po cae pin nacuathe, jei Jesús.

⁴¹ Poxonae Jesús baxua nayabara paeba bapoxonae judiomonae Jesús abe yabara paebatsi, tsipei Jesús jeye: “Xan apara bapon po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajuntayapuswa tacatsin”, jei Jesús. ⁴² Barapomonae najei caemonae:

—Apara bapon Jesús, José pexanto tatsi. Apara coxiyan bayatha yaputainchi, coxiwano yaputainchino. ¿Eta pocotsiwa metha naca tsipaeba xua pinae itaboco wetsica pona? najei barapomonae.

⁴³ Nexata Jesús jume barai, jeye:

—Jopa caemonae pana natsipaebinde xua abe papaebame. ⁴⁴ Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomonae asu exanaein petupae coyene cuariya weya poxonae po mataqueitha daxita weraweracaena po nacuathe. ⁴⁵ Nacom peitorobi jume pepaebiwi pia petinae diwesintha jeye: ‘Daxita jiwi Nacom yaputane cana exanaena’, jei barapo Nacom peitorobi jume pepaebiwi pia petinae diwesintha. Daxota daxita pomonae Taxa jume tainchi xuano xua jume cowantatsino barapomonae bara pata taxantha.

⁴⁶ “Dapon aibi pon Taxa tainchi. Jame meisa ponxaein itaboco wepatopeican bara Taxa tan. ⁴⁷ Xaniyan paca tsipaebatsi, pon nejume cowanta bapon jame xeinaena peajuntayapuswa, po peajuntayapuswa jopa weraweracaeyo. ⁴⁸ Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajuntayapuswa tacatsin. ⁴⁹ Painya amo susato jiwi pexaewa xane ichaxota ira xuepana susato tsurucuae nacuathe. Barapo pexaewa maná matawan. Bequein bara barapo pexeinya pexaewa nabane daichitha matapainya werapa. ⁵⁰ Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara wanae caunutsixae. Pon nejume cowantsina jopa weraweracae tsane icha ichun ichi xua poxonae xane barapo pexaewa jopa tupaeyo. ⁵¹ Xan apara bapon xua po pexaewa Nacom itaboco wetaitorobica jiwi, po pexaewa ayapusu,

xua po pexaewa tana neyabara wuna caunutsixae. Pon xua nejume cowanta bara ataya poponaena icha ichun ichi xua poxonae xane barapo pexaewa bara asu. Po pexaewa xua yabara paeban, apara tapepon xua paca catatsi painya nenabanaewa tsane. Tupaen xua jiwi pexeinaewa tsane peajuntuyapuswa”, jei Jesús.

⁵² Nexata judiomonae caemonae najume matsontsonoba, najei:

—¿Eta pocotsiwa metha bapon naca tsipaeba xua naca catapaeba pia pepon xua wanabanaewa tsane? jei barapomonae.

⁵³ Jesús barai barapomonae, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peajuntuyapuswa, po peajuntuyapuswa jopa weraweracaeyo. ⁵⁴ Pon xua tapepon xane yawa xua apa tajana, bapon xeinaena peajuntuyapuswa, po peajuntuyapuswa jopa weraweracaeyo. Yawa bapon asu exanaein petupae coyene cuariya weya po mataqueitha poxonae daxita weraweracaena po cae pin nacuathe. ⁵⁵ Tsipei tapepon be pexeinya pexaewa poxonae xua jiwi pexaewa tsane. Yawa tajana be pexeinya peapaewa xua jiwi peapaewa tsane. ⁵⁶ Pon tapepon xane yawa apa tajana, bapon nebaru poponeibina yawa xan baru poponeibin. Tsipei poxoru bapon neyabara jume cowanta xua xan bapon pia pepon tatsi tsitupan, yawano xua tajana othoparenaewa bapon nexa xua abe pia peexanae cuiru coyenein tatsi nexa. ⁵⁷ Taxa ponxae neitoroba bapon ataya asu poponeiba. Iruru xan barichin ataya asu poponeiban tsipei Taxa necata pia peajuntuyapuswa, po peajuntuyapuswa jopa weraweracaeyo. Barichiru pon xane tapepon, xua poxonae tana nejume cowantsiwa, bapon asu poponeibina tacatsixae peajuntuyapuswa. ⁵⁸ Xan yabara paeban pexaewa, po pexaewa Nacom itaboco wetaitorobica jiwi. Barapo pexaewa jopa jupaeyo, xua icha be maná matawan ichi, po pexaewa painya amo susato jiwi xane. Daichitha barapomonae matapainya werapa. Po pexaewa yabara paeban icha ichun xane barapo pexaewa, bapon xeinaena peajuntuyapuswa, po peajuntuyapuswa jopa weraweracaeyo, jei Jesús.

⁵⁹ Baxuan Jesús cuiduba judiomonae pia penacaetutsi botha tatsi xua Capernaum tomaratha.

Meje yabara poxonae Jesús yabara paeba peajuntuyapuswa, po peajuntuyapuswa jopa weraweracaeyo

⁶⁰ Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowantsiwa. ¿Jintam metha itacupatsi xua peexanaewa tsane pocotsiwa bapon paeba? najei.

⁶¹ Ichitha Jesús yaputane pocotsiwa xua peyabara paebiwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube? ⁶² ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin? ⁶³ Jiwi asu jinompa poxoru xeina pejumope tuxaxu. Poxona pejumope tuxaxu panepa jiton ba pia pepon tupa. Icha pejumope tuxaxu ichi xua jiton asu exainchi pia pepon, barichi xua xan pocotsiwa tapaca tsipaebiwatsi barapo jume paca juntu coyene ayapusu cana exana

xua jopa painya neweraweracaewa tsane. ⁶⁴ Ichitha cataunxuae pinmonae pomonae paxam jiwana pam, jopa nejume cowantsiyo, jei Jesús.

Caena bayatha Jesús copiya w̄nae tsiwanaya yaputane pomonae jopa pejume cowantsiwa tsainchi. Matautano caena bayatha Jesús copiya w̄nae tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús. ⁶⁵ Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitac̄paewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiwi pepatsiwa xantha’, paca jeichi, jei Jesús.

⁶⁶ Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi. ⁶⁷ Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya ir̄a ponaetsir̄a? jei Jesús.

⁶⁸ Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaetsipatsi. Saya meisa payaputan xua meisa xam compam yabara pana netsipaebame peaj̄nt̄uyapus̄wa, po peaj̄nt̄uyapus̄wa jopa weraweracaeyo. ⁶⁹ Paxan paca jume cowantatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

⁷⁰ Jesús pijimonae jume nota, jeye:

—Paxam pomonae doce poyobe pam pomonae tapaca caitapetsiwichi pam. Daichitha caein jiwana pam cauri piamonae jiton tatsi, jei Jesús.

⁷¹ Poxonae Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonae Jesús pijimonaexae tatsi, pomonae doce poyobe tatsi.

7

Meje yabara poxonae Jesús jopa yabara jume cowantichi peweicho jiwi

¹ Bapoxonae Jesús popona ducuaeta baxota xua Galilea nacuatha. Jesús aichaxaibi xua pepoponaewa Judea nacuatha, tsipei judiomonae, pomonae baxota jinompa, ichichipa xua Jesús pebexubiwatsi. ² Bara nama imoxoyo tsurucuae tsoponaeba po maticabintha judiomonae jinompa tsica bom̄x̄x̄x̄itha xua penabanaenexa pexaewa. Barapo maticabin ba judiomonae cayabara nanta xeina xua caena bayatha pinae pia pamo susato jiwi tatsi jinompa tsica bom̄x̄x̄x̄itha ira xuepana susato tsurucuae nacuatha.

³ Jesús baraichi pia peweicho jiwi, jeye:

—Jopa xote poponaende. Judea nacua beya warapiyama xain baxotiya jinyamonae cacui tane pocotsiwa exaname xua jinya netsita it̄tsiwa. ⁴ Pon xua ba ichichipa peyaputaewatsi daxita jiwi, bapon ba daxita jiwi peit̄tha exana po coyene xua moya peyawan xeinaewa po coyene jiwi copiya jopa yabara yaputaeyo. Bapon ba jopa nameicha exanaeyo. Xam ir̄ar̄a barichinde. Daxita jiwi peit̄tha exande xain cacui tane xua jinya netsita it̄biwa neexanaewam, jeichichi Jesús peweicho jiwi.

⁵ Baxua Jesús baraichichi peweicho jiwi, tsipei Jesús jopa jume cowantichi peweicho jiwi. ⁶ Nexata Jesús jume barai peweicho jiwi, jeye:

—Apara inta cataunxuae dapo maticabi aichica, po mataqueitha tana nait̄tsiwa judiomonaetha xua Judea nacuatha. Ichitha poxonae

paichichipame xua painya neponaewa moya bara paponde Judea nacua beya. ⁷ Pomonae jopa Nacom jume cowantichi barapomonae jopa paca casebiyo. Ichitha xan necaseba tayabara paebixae xua po coyene pocotsiwa barapomonae exana pejuntũ coyeneintha apara abe. ⁸ Paxam bara moya paponde ichaxota judiomonae nacaetuta xua penabanaenexa pexaewa. Xan nama jopa ponaeinyo cataunxuae canta tamatacabi aichica, jei Jesús.

⁹ Poxonae Jesús baxua najume weta, bapoxonae abũ cataunxuae Galilea nacuatha popona be caentacabiyo xua pecoyo weya peponaenexa.

Meje yabara poxonae Jesús nasiwa pona Jerusalén tomara ichaxota judiomonae nacaetuta xua penabanaewa tsane pexaewa

¹⁰ Poxonae Jesús peweicho jiwi tatsi bayatha ponaba penanabanaenexa pexaewa irũ Jesús bara beya pona. Jesús compa nameicha pipatotha pona. Jopa pebũrũya naponaeoyo jiwitha. ¹¹ Barapo judiomonae penacaetutsiwatha Jesús wenaweneichi. Barapo judiomonae pia pentacaponae wi tatsi caemonae nayainyaba, najei:

—¿Incane methara? ¿Exota metha popona bapon? najei barapomonae xua Jesús yabara paebatsi.

¹² Barapo pin bicheitomonaetha ichamonae Jesús yabara paxapaxeya paebatsi. Ichamonae jeye: “Bapon apara pejuntũ coyene xanepanaein”, jei. Ichamonae jeye: “Bũũ, metha jume, apara jiwi muxujainyabeibatsi”, jei barapomonae.

¹³ Ichitha dapon aibi pon pentha pejume jinaewa jiwi peitũtha xua Jesús peyabara paebiwatsi, tsipei judiomonae pia pentacaponae wi tatsi cunuwatsi.

¹⁴ Poxonae cuatro po matakabinbe yapucaewa xua poxonae judiomonae po matakabintha nacaetuba, bapoxonae Jesús joniya Nacom pin pia botha. Matautano baxota tamropata pitaba xua pecuidubiwa jiwitha.

¹⁵ Bapoxonae judiomonae yabara najuntũ cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyo xua waxainchi wepu wanacuidubi-watsi diwesi? jei.

¹⁶ Jesús jume nota barapomonae, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecui itorobixae baxua. ¹⁷ Icha ichũn ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusũ itorobi coyenewatha po coyene xua tawa xua saya tacoutha ichichipan. ¹⁸ Pon barompaya pia diwesi pia coutha nayabara paeba, apara bapon pia xua wũnae yabara paebichi xua jiwi wũnaeya peyabara paebiwa tsane. Ichitha ichũn pon ichichipa xua jiwi Nacom wũnae pejainchiwatsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxutorobin jiwi.

¹⁹ “Moisés paca cata pia peitorobi coyenewa. Daichitha jopa pacayabara jume cui cowantsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubiwam?” jei Jesús.

²⁰ Daxita barapomonae Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomonae.

²¹ Jesús jume barai barapomonae, jeye:

—Daxita paxam payabara najuntũ cui coyene cabenaecame, tsipei pebin axaibi exanan po matabitha pentaquei seicae matabitha. ²² Ichitha paxam irũ panacuiteibame barapo matabitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi xeinatsi xua ichaxota nareixacaena xua ocho po matabibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo susato jiwi tamropata notarũcũpa baxua. Poxonae ocho po matabibe yapu othopeiba pawi thabame pebin wũtixi bequein poxonae pentaquei seicae matabi pataetham. ²³ Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wũtixi pawi thabame ichaxota pebiwichi xeinatsi xua ichaxota nareixacaena bequein pentaquei seicae matabi pataetham poxonae. Icha bara paichim pentaquei seicae matabitha, ¿eta pocotsiwa metha pana necasebame xua pebin axaibi taexanaexae pentaquei seicae matabitha? ²⁴ Painya xoba pebin payabara paebame xua penatsicuentiwa xua abe peexanaexae Nacomtha poxonae cataunxuae jopa payaputaem pocotsiwa pebin abe exana. Jame metha copiya pacui yaputaema xua icha bara metha pebin abe exana tsipei methapara barapo pebin xanepanaya exana.

Meje yabara xua Jesús yabara paeba xua ichaxota copiya popona

²⁵ Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi? ²⁶ Bapon apara jiwi peitabaratha paebuncuajeba. Ichitha dapon aibi pon pejume matawentsiwatsi bapon. ¿Metha poxoru pentacaponae wi bapon yabara nanta xeinatsi xua bapon barapara Mesías pon Nacom itoroba daxota jopa pejumeyo barapomonae? ²⁷ Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

²⁸ Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponae. Apara jopa tsipatopaeinyo xua taexanaewanexa pocotsiwan ichichipan tacoutha. Mexeya apara daxota tsipatopan ichan tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem. ²⁹ Bapon bara yaitan tsipei bapon pexainya wetsica ponan. Matautano bapon neitorobica, jei Jesús.

³⁰ Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunxuae Jesús pia matabi jopa tapatopeicaetsi. ³¹ Pin bicheitomonae Jesús yabara jume cowantatsi xua Jesús apara bara Mesías. Barapomonae Jesús yabara jeichichi:

—Barapo pebin pexeinya petsita itũtsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonae.

Meje yabara poxonae fariseomonae itoroba policiamonae xua Jesús pewaetabiwa tsainchi

³² Bapoxonaeru fariseomonaе jume tane pocotsiwa jiwi Jesús yabara baraichi: “Bapon apara Cristo”, xua jei jiwi. Nexata bapoxonaе fariseomonaе iruru sacerdotemonaе pia pentacaponawewi tatsi, daxita barapomonaе itoroba policiamonaе Nacom pin pia bo beya xua Jesús pewaetabiwa tsainchi. ³³ Nexata Jesús jei jiwitha:

—Saya caeto paca baru popoinchi. Bapoxonaе pirapaeyo equeicha tacoya beicha Taxa beicha ponaein pon tana neitorobixae. ³⁴ Paxam pana newenawenam tsane ichitha jopa pana necaxinaem tsane. Tsipei jopa paca itacurpae tsane xua painya neponaewa xua ichaxota taponawewa tsane, jei Jesús.

³⁵ Nexata judiomonaе caemonaе nayainyaba, najei:

—¿Exota metha bapon ponaena xua jopa wacaxinaewa tsainchi? ¿Metha icha judiomonaetha ponaena jampa po judiomonaе icha nacua werena pona po judiomonaе griegomonaе baru jinompa jampa? Metha pia bapoxonaе bapon cuidubichi barapo judiomonaе, griegomonaeno. ³⁶ ¿Eta xua metha baxua caunuta poxonaе naca jei: ‘Paxam pana newenawenam tsane ichitha jopa pana necaxinaem tsane, tsipei jopa paca itacurpae tsane xua painya neponaewa xua ichaxota taponawewa tsane’, poxonaе xua naca jei? najei judiomonaе.

Meje yabara poxonaе Jesús yabara paeba xua ira buruxu pana mene epatoyaya ichawa beya mene pona

³⁷ Po matabi opi ducuanayaba xua po mataqueitha judiomonaе nacaetuta xua penabanaenexa pexaewa, barapo matabi bichocono peainya cui matabi. Barapo matabitha Jesús uncua jiwi peitabaratha tatsi. Matautano jume daunweya wawaya jeye:

—Icha ichun meratsipa, bu pona xan berena xua peapaenexa mera.

³⁸ Nacom Pejume Diwesitha paeba: Pinae pon tana nejume cowantsiwa bichocono juntu coyene yuyuca exanaponaeinchi po coyene xua tana nejume cowantsiwa, icha be pinae mene ichi tsane po mene ira buruxu pana mene, po mene xua ichawa beya epatoyaya mene pona bichocono pemene nayuca ponaexae, jei Jesús.

³⁹ Baxua Jesús paeba, xua pomonaе pejume cowantsiwa tsainchi, barapomonaе pinae xeinaena Nacom pia Pejumope tunaxu tatsi. Ichitha cataunxuae Nacom pia Pejumope tunaxu tatsi aichica. Tsipei cataunxuae Jesús jopa turpaeyo naetotha. Matautano tsipei cataunxuae jopa ponaeyo Nacom beicha. Bapoxonaе bexa tsane barapomonaе pomonaе Jesús pejume cowantsiwichi xeinaena Nacom pia Pejumope tunaxu tatsi.

Meje yabara poxonaе jiwi Mesías yabara najume matsontsonobatsi

⁴⁰ Baxota iruru ena ichamonaе pomonaе Jesús jume tainchi poxonaе yabara paeba mera. Barapoxonaе barapomonaе najume matsontsonobiya paeba. Ichamonaе jeye:

—Apara barapo pebin pon Nacom peitorobi jume pepaebin, pon wunaе ewatatsi, pon bewa juinya patopaena, jei.

⁴¹ Ichamonaе jeye:

—Apara barapo pebin, bapon apara Mesías pon Nacom itorobeicapaba peitaboco wetsica, jei.

Ichitha ichamonaeru jeye:

—Jume apara, apara Mesías aibi, tsipei Mesías jopa patopaeyo Galilea nacua werena. ⁴² Tsipei Nacom Pejume Diwesitha jeye: ‘Bapon Mesías itorobarecaein. Bapon Mesías David pia pemomoxi susato jiwanapin tatsi, pon caena bayatha Judea nacuamonaе itorobiya pia pepa peewatsinchi tatsi

naexana. Bapon Mesías Belén tomaratha naexanaena, po tomaratha David ichaxota popona bayatha', jei Nacom Pejume Diwesitha, jei barapomonae.

⁴³ Daxota pinmonae najume matsontsonoba, tsipei daxita barapomonae Jesús ichawa beya barompaya yabara nanta xeinatsi. ⁴⁴ Barapomonae jiwamonae bequein ichichipa xua Jesús pewaetabiwatsi, ichitha dapon aibi pon Jesús pewaetabiwatsi.

Meje yabara poxonae pentacaponaeawi jopa Jesús yabara jume cowantichi

⁴⁵ Bapoxonae policiamonae pomonae Nacom pin pia bo peyapu eenaewi nawibiya fariseomonae beya yawa sacerdotemonae pia pentacaponaeawi tatsi beyano. Daxita barapomonae policiamonae yainyabatsi, jeichichi:

—¿Eta xua metha jopa pacarendenaem Jesús? jei daxita.

⁴⁶ Barapo policiamonae jume nota barapomonae, jeye:

—¡Dapon aibi ichan pon beta pepaebiwa, icha bapon ichi xua beta wanaeya paeba! jei.

⁴⁷ Daxita nexata barapomonae policiamonae jume notatsi, jeye:

—¿Paxam iruru jiwi pacui jupame, xua iruru pajume cowantame bequein bara bapon paca muxutoroba? ⁴⁸ Tsipei apara jopa payaputaem xua judiomonae pia pentacaponaeawi tatsi jopa yabara jume cowantsiyo bapon. Iru fariseomonae pia pentacaponaeawi tatsiru jopa yabara jume cowantsiyo bapon. ⁴⁹ Pomonae Jesús jume cowantatsi apara barapomonae jopa yaputaeyo pocotsiwa Nacom paeba pia peitorobi jumeintha. Barapomonae apara Nacom atene cana exanaena xua petsita natsicuentsexatsi xua abe petsita exanaexatsi, jei daxita fariseomonae.

⁵⁰ Barapo fariseomonae jiwonapin baxota eca, pon pewan Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

⁵¹ —Waitorobi coyenewatha ba jeichichi: 'Jopa bewa yabara paebichi pebin xua penatsicuentsiwa xua abe peexanaexae poxonae cataunxuae jopa jume taetsi bapon pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana', ba jeichichi, jei Nicodemo.

⁵² Nexata fariseomonae Nicodemo jume notatsi, jeye:

—¿Xam iruru barichim Galilea nacuapin naexaname, po Galilea nacuapiwi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacua werena pona, jei fariseomonae.

Meje yabara poxonae yabayo abe exana poxonae nasi cui wainmeinta icha pebintha bequein pia pebin xeinaetha

⁵³ Nexata daxita barapomonae barompaya pia bon be-iyiya.

8

¹ Nexata Jesús pona demxuwa beya, po demxuwa pewan demxu Olivowa. ² Icha matabitha poxonae pentha tsina, bapoxonae equeicha Jesús caibeya pona Nacom pin pia bo tatsi beya. Pinmonae Jesús imoxoyo caquita poinchi. Jesús eca yawa tamropata pitaba xua pecuidubiwa jiwi. ³ Bapoxonae judiomonae, pomonae jiwi pecuidubiwi Moisés pia peitorobi coyene tatsi, iruru fariseomonae, daxita barapomonae carendena petsiriwa Jesús pia xantha tatsi. Barapomonae cui taepona poxonae barapo petsiriwa nasi cui wainmeinta icha pebintha bequein pia pebin xeinaetha. Bapoxonae daxita barapomonae barapo petsiriwa cuaranotatsi pin bicheito itabarayo deca xuano xua Jesús peitabarayo deca tatsi. ⁴ Daxita fariseomonae iruru

judiomonae, pomonae jiwi pecuidubiwi Moisés pia peitorobi coyene tatsi daxita barapomonae Jesús baraichi, jeye:

—Pon jiwi Necuidubim, paxan jemeicha pacui taeponan xua barapo yabꞑyo abe exana, poxonae nasi cui wainmeinta icha pebintha bequein pia pebin xeinaetha. ⁵ Moisés pia peitorobi coyenewatha naca tsipaeba xua pinae bewa tꞑpa exanaetsi ibowantha powaxi poxonae barapo coyene exana xua abe exana. ¿Incane irꞑ xamdu? ¿Jinya eta xua pana netsipaebichi xua pata cana exanaewa bapowatha? jei.

⁶ Baxua naemata Jesús yainyabatsi, pia poxonae Jesús abeya jume notsina bapoxonae pia barapomonae Jesús abe yabara paebichi. Nexata bapoxonae Jesús irabe taeuncuareca yawano ira tinano pecobesitha. ⁷ Tsipei barapomonae matowa Jesús yainyabatsi, daxota Jesús equeicha nantacotaxuba. Yawano barai barapomonae, jeye:

—Caein paxam jiwana pam, pon bapana jopa abe exanae, bꞑ bapon jame copiya matha bapowa cuintabatsi ibototha, jei Jesús.

⁸ Equeicha Jesús irabe taeuncuareca. Yawano equeicha Jesús ira tina pecobesitha. ⁹ Ichitha poxonae barapomonae Jesús jume tainchi, bapoxonae daxita barapomonae barompaya nanthꞑthꞑ cayabara nanta xeina xua irꞑꞑ abe exanarꞑ barapomonae. Daxita barapomonae Jesús pia xainya weya tatsi tsana nanatsixibapona. Copiya penapataewi pona, bapoxonae cotacaya ichamonae nawibiya, beya jiwaibi. Saya meisa barapo yabꞑyo compa uncua Jesús pia xantha tatsi. ¹⁰ Bapoxonae Jesús equeicha nantacotaxuba. Yawa Jesús tane barapo yabꞑyo xua compa uncua pia xantha tatsi. Jesús barai yabꞑyo, jeye:

—¿Incane dapomonae? ¿Dapomonae aibi pomonae cayabara paeba xua nenatsicuentsiwa xua abe neexanaexae Nacomtha? jei Jesús.

¹¹ Barapowa Jesús jume notatsi, jeye:

—Jume, Tanecanamataxeinaein, dapomonae aibi pomonae neyabara paeba xua tanatsicuentsiwa xua abe taexanaexae Nacomtha, jei.

Nexata Jesús barai bapowa, jeye:

—Xan irꞑꞑ jopa cayabara paebi tsainchi xua nenatsicuentsiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

Meje yabara poxonae Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús

¹² Equeicha Jesús tsipaeba jiwi Nacom pin pia botha. Jesús jeye:

—Icha pecoicha ichi xua jiwi beta tanecana exainchi merawi, barichin xan jiwi cana exanan xua Nacom beta peyaputaewatsi xua pomonae jinompa po cae pin nacuathe. Pon nejume cowꞑnta, bapon xeinaena peajꞑntꞑyapꞑꞑwa, po peajꞑntꞑyapꞑꞑwa ataya tsiteca xua bapon jopa abe peexanaenexa, jei Jesús.

¹³ Nexata fariseomonae Jesús baraichi, jeye:

—Xam apara jinya coutha nayabara diwesi paebame, daxota jopa be paca jume cowꞑntichi tsipei jopa ainya cuiyo pocotsiwa paebame, jei fariseomonae.

¹⁴ Jesús jume nota barapomonaetha, jeye:

—Xua xan nayabara diwesi paeban, baxua apara xainyan, bequein bara tacoutha nayabara diwesi paeban saya. Tsipei yaputan ichaxota werena taponae xua ichaxota beya taponae tsane. Ichitha paxam jopa payaputaem ichaxota werena taponae xua ichaxota beya

taponaeewa tsane. ¹⁵ Paxam jiwi payabara paebame xua penatsicuentisiwa xua abe peexanaexae Nacomtha saya xua poxonae pataneme xua exana icha po cae pin nacuathepiwi ichi. Xan jopa bapana jiwi yabara paebinyo xua penatsicuentisiwa xua abe peexanaexae Nacomtha saya xua poxonae tan xua exana. ¹⁶ Icha jiwi yabara paeban xua penatsicuentisiwa xua abe peexanaexae Nacomtha bara pexainyei coyeneyatha exanan. Tsipei jopa bapana companyo poxonae jiwi yabara paeban xua penatsicuentisiwa xua abe peexanaexae Nacomtha tsipei Taxa Nacom nebar_u exana baxua pon tana neitorobixae. ¹⁷ Painya itorobi coyenewatha jeye: ‘Icha ich_unbe nanta j_upaeya yabara paebabe pocotsiwa tanebe bewa baponbe pajume cow_untsiname tsipei baxua apara ainya cui’, jei. ¹⁸ Xan tacoutha nayabara diwesi paeban. Ir_ur_u Taxa neyabara diwesi paeba, pon tana neitorobixae. Daxota Taxa pana nacueyatanbe, jei Jesús.

¹⁹ Nexata barapomonaе Jesús yainyabatsi, jeye:

—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonae metha payaitaetsipame Taxa, jei Jesús xua fariseomonaе tsipaebatsi.

²⁰ Baxuan Jesús caunuta poxonae tsipaeba jiwi Nacom pin pia botha tatsi. Jesús imoxoyo uncua ichaxota jiwi jeba paratixi Nacom nexa. Dapon aibi pon Jesús pewaetabiwatsi, tsipei Jesús pia matabi cataunxuae taaichicatsi.

Meje yabara poxonae Jesús namchi: “Jopa paca itac_upaе tsane xua painya neponaewa tsane ichaxota taponaeewa tsane”, jei Jesús

²¹ Equeicha Jesús jeye barapo fariseomonaetha:

—Bexa equeicha caibeicha ponaein. Paxam pana neitaxanaename painya tapaca cayawenaenexa tsainchi abe painya neexanae cuiru coyenein weya. Jopa paca capanepae tsainchi abe painya neexanae cuiru coyenein weya xua poxonae pawerapaename. Jopa paca itac_upaе tsane xua painya neponaewa ichaxota taponaeewa tsane, jei Jesús fariseomonaetha.

²² Nexata judiomonaе caemonaе najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa naca itac_upaе tsane xua waponaeewa ichaxota bapon peponaewa tsane? ¿Metha pia coutha pia nabexuichi? jei judiomonaе.

²³ Nexata Jesús barai judiomonaе, jeye:

—Paxam saya betsiqepiwi pam. Xan seicaya nama athabeicha taponaein. Paxam seicaya nama po cae pin nacuathepiwi pam. Xan nama po cae pin nacuathepin aibi. ²⁴ Daxota bayatha paca jeichi: ‘Paxam jopa paca capanepae tsainchi abe painya neexanae cuiru coyenein weya poxonae pawerapaename’, jan. Tsipei jopa pana neyabara jume cow_untsim po coyene xua bara tana neitac_upaewa xua tapaca cayawenaewatsi, daxota pamuxuna werapaename abe painya neexanae cuiru coyenein, jei Jesús judiomonaetha.

²⁵ Nexata barapomonaе Jesús yainyabatsi, jeye:

—¿Jintam xamda? ¿Etapo jitom? jei.

Jesús jume nota barapomonaе, jeye:

—Poxonae aena tamropata pitaban xua paca cuidubatsi, bapoxonaе bayatha nayopichiya paca tsipaebatsi po coyene xua ichaxota werena taponaeewa. ²⁶ Acoibi nawita xua yabara tapaca tsipaebiwatsi po coyene xua abe peexanae cuiru coyenein painya neexanaewa xua daxota Nacom patsita natsicuentame xua abe painya neexanaexae Nacomtha. Taxa neitoroba xua

jiwi tatsipaebiwa pocotsiwa bayatha Taxa jume tan. Taxa bara yatsicaya jume xainyeya paeba, jei Jesús.

²⁷ Ichitha barapomonaē jopa yaputaeyo poxonaē Jesús jeye Nacom yabara: “Taxa”, jei xua apara Paxa caunuta, pon Nacom. ²⁸ Daxota Jesús barai barapomonaē, jeye:

—Poxonaē paxam naetotha pana necobe matatabarutsiname xan ponxaein Nacom Tananeitapetsinxae, bapoxonaē pana neyaputaename xua deta cou apara barapo jiton xan. Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba. ²⁹ Tsipei pon neitoroba apara nebaru popona. Taxa bapana jopa compa popona neexanaē tsipei saya exaneiban pocotsiwa Taxa tsita xanepanatsi, jei Jesús.

³⁰ Poxonaē Jesús baxua caunuta pinmonaē judiomonaē Jesús jume cowuntatsi.

Meje yabara poxonaē Jesús yabara paeba Nacom pijimonaē tatsi iru pomonaē caurimonaē pia pentacaponaein tatsi piamonaē tatsi

³¹ Nexata bapoxonaē Jesús barai judiomonaē, po judiomonaē Jesús pejume cowuntsixaetsi. Jesús jeye:

—Icha paxam xanepanaya pana nejume cowuntsiya exanaponaeya jinompaename pocotsiwa tapaca tsipaebiwatsi, bapoxonaē bara pepa tajimonaē pam tsane. ³² Bapoxonaē payaputaename po coyene pexainyei coyenewa. Matautano papanenebiyaename pexainya weya pon paca itoroba xua abepainya neexanaewa, jei Jesús.

³³ Barapo judiomonaē, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonaē pana itoroba xua poxonaē pana busi tatane. ¿Eta pocotsiwa metha pana nejam: ‘Paxam papanenebiyaename pexainya weya pon paca itoroba xua abepainya neexanaewa’, pana nejam? jei pomonaē Jesús jopa jume cowuntichi.

³⁴ Jesús barai barapomonaē, jeye:

—Xaniyan paca tsipaebatsi daxita pomonaē xua abepexanaē cuiru coyenein exana barapomonaē bara exana po coyenein pia pepon itorobatsi icha jiton ichi pon amanaya tanacuita ichun xua poxonaē bewa exanaē pocotsiwa peitorobixaetsi poxonaē busi cui tatainchi. ³⁵ Pon ba amanaya tanacuita ichun, bapon ba apara piamonaē aibi pomonaē peitorobixaetsi, tsipei bapon pebusi cui taetaeinchi. Ichitha pon ba xua ichun pexantoxae tatsi, bapon ba ataya pexanto tatsi bara piamonaē pexeinaexae bapon. ³⁶ Daxota xan Nacom Pexanton, icha panenebiya paca cana exainchi caurimonaē pia pentacaponaein tatsi weya, pon xua paca itorobeiba xua abepainya neexanaewa, barapoxonaē bara ataya paca capanenebiya tsoponeibi tsainchi bapon pexainya weya tatsi. ³⁷ Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaexae xua painya nejume taewa pocotsiwa paca tsipaebatsi. ³⁸ Xan yabara paeban po coyenein xua Taxa netsita ituta. Paxam paexaname xua po coyenein painya axa paca itoroba, jei Jesús.

³⁹ Barapomonaē Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonaē.

Ichitha Jesús jume barai, jeye:

—Icha bara Abraham pia pexui tatsi pam tsipaem, metha bara paexanaetsipame pocotsiwa bapon bayatha caena exana. ⁴⁰ Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apra Abraham jopa bapana baxua daichi. ⁴¹ Paxam bara barapocotsiwa paexaname pocotsiwa painya axa exana, jei Jesús.

Nexata barapomonaе Jesús baraichi, jeye:

—Paxan dapomonaе pan aibi pomonaе piacoibi jiwi pan, tsipei pata taena jopa nasi cui wainmeinchiyo. Paxan xaniwaicha payaputan xua bara compa painta pata taxa, bapon Nacom, jei barapomonaе.

⁴² Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wetsica ponan, anoxuaeno bara uncuanje. Apra jopa daxua tsipatopaeinyo xua tacoutha tana nayabara paebiwa tsane. Saya patopan poxoru Nacom neitoroba. ⁴³ Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi. ⁴⁴ Caurimonaе pia pentacaponaein tatsi, bapon apra painya axa. Barapo caurimonaе pia pentacaponaein tatsi bapon piamonaе tatsi pam daxota paexaname pocotsiwa bapon paca itoroba. Barapo caurimonaе pia pentacaponaein tatsi jiwi jutebapoinchi poxonaе Nacom aena nacia forota weya, xua beya anoxuae. Bapon bapana jopa xainyeya pepaebin tsipei po juntu coyene Nacom xainyeya peyabara paebiwatsi jopa xeinaeyo. Poxonaе bapon naerabiya paeba, baxua paeba tsipei barapo penaerabi juntu coyene xeina. Bapon jiwi itorobatsi xua jiwi naerabiya pepaebiwiwa tsane. ⁴⁵ Paxam bapon piamonaе tatsi pamxaem daxota jopa xaniwaicha pana nejume cowantsim pocotsiwa xainyeya tapaebiwa. ⁴⁶ Paxam caein jiwana pam dapon aibi pon tana neyabara jeiwa: ‘Maisa bapon abe exana’, pon tana neyabara jeiwa. Bequein bara pexainyei jume paca tsipaebatsi daichitha jopa pana nejume cowantsim. ⁴⁷ Pon ba Nacom piamonaе tatsi baraba namuxu naewata pocotsiwa Nacom paeba. Paxam apra jopa Nacom piamonaе tatsi pam, daxota jopa bepajume cowantsim pocotsiwa Nacom paeba, jei Jesús xua judiomonaе tsipaebatsi.

Meje yabara poxonaе Jesús namchi: “Poxonaе cataunxuae Abraham jopa poponaeyo, caena bayatha tsiwanaya ataya poponeiban”, jei Jesús

⁴⁸ Nexata equeicha judiomonaе Jesús baraichi, jeye:

—Bara xainyeya paca yabara paebatsi poxonaе pana najan: ‘Bapon apra Samaria nacuamonaepin, apra cauri xeina’, poxonaе paca yabara jeichichi, jei judiomonaе.

⁴⁹ Jesús jume nota, jeye:

—Xan apra cauri jopa nebaru poponaeyo. Saya xua exanan bara pocotsiwa jiwi cana exanan xua Taxa wnae pejainchiwatsi, ichitha nama paxam pana necasebame, saya abeya pana neyabara paebame. ⁵⁰ Jopa netsita ainya cuiyiyo xua jiwi wnae tana nejainchiwa. Bequein Taxa ichichipa xua jiwi wnae tana nejainchiwa. Bapon Taxa yabara paebina jiwi pomonaе xua abe peexanaewa xua penatsicuentsiwa xua abe petsita exanaexaetsi. ⁵¹ Xaniyan paca tsipaebatsi pon nejume cowantsiya exanaena pocotsiwa paeban, bapon jopa bapana tupaе tsane, jei Jesús.

⁵² Bapoxonaе judiomonaе Jesús jume notatsi, jeye:

—Bara xaniwaicha payaputan xua xam cabaru popona cauri. Abraham iruru pomonaе Nacom peitorobi jume pepaebiwi daxita barapomonaе caena

bayatha werapa. Ichitha xam pana nejam: ‘Pon nejume cowuntsiya exanaena pocotsiwa paeban, bapon jopa bapana t̄pae tsane’, pana nejam. ⁵³ ¡Xam apara jopa toxecha ainya cuim Abraham pon pata tamo susatopin! Bapon caena bayatha t̄pa ir̄r̄ caena bayatha werapa pomonae Nacom peitorobi jume pepaebiwi. ¿Eta xua metha jinya coutha nanta xeiname xua ichamonae cayabara nanta xeinaena xua xam pon peainya cui jitom? jei judiomonae.

⁵⁴ Jesús jume nota, jeye:

—Icha saya compa xan tacoutha w̄nae najaintan baxua jopa xapain w̄naeyo. Jame pon w̄nae nejainta bapon apara Nacom, pon payabara jam: ‘Apara pata Taxa, bapon Nacom’, pajam. ⁵⁵ Bequein baxua papaebame dai-chitha jopa xapain payabara yaputaem Nacom. Xan Nacom yaputan. Ichitha icha jan tsipaein: ‘Bapon jopa yaputaeyo’, jan tsipaein, metha apara naerabichipan icha paichim xua naerabiya papaebame poxonae. Ichitha xan yatsicaewa yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom. ⁵⁶ Abraham painya amo susatopin bayatha yabara w̄nae yaputane xua tapatopaewa tsane po cae pin nacuathe tsique. Daxota bapon bichocono j̄nt̄ coyene weiweina. Bara xainyei patopan po cae pin nacuathe tsique daxota bichocono j̄nt̄ coyene weiweina bapon.

⁵⁷ Nexata judiomonae Jesús baraichi, jeye:

—Apara pena jitom cataunxuae, jopa xeinaem apara cincuenta po weibe. ¿Eta pocotsiwa metha jam: ‘Abraham tan’, jam? Bara caena bayatha Abraham t̄paba, jei judiomonae.

⁵⁸ Jesús jume nota, jeye:

—Xaniyan paca tsipaebatsi poxonae cataunxuae Abraham jopa popone-ayeo caena bayatha tsiwanaya ataya poponeiban, jei Jesús judiomonaetha.

⁵⁹ Nexata bapoxonae barapomonae anaepanaya ibowan notar̄c̄pa pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonae pia xainya iya tatsi.

9

Meje yabara poxonae Jesús axaibi exana pon peitata nac̄tsin, pon xua pexuyotha yawa naexana

¹ Ir̄r̄ Jesús Nacom pin pia bo weya bar̄ pona pijimonae xua poxonae namtotha bar̄ ecapona. Bapoxonae Jesús caxina pebin pon peitata nac̄tsin xua pon pexuyotha yawa naexana. ² Jesús pijimonae yainyabiyatsi, jeye:

—Patatanecuidubim, ¿eta pocotsiwa metha bapon itata nac̄tsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacuitha metha tsipae poxoru bapon pia coutha abe exana? jei barapomonae.

³ Jesús pijimonae jume barai, jeye:

—Jume apara, jopa apara itata nac̄tsiyo poxoru abe peexanaexae bapon. Matātano jopa apara baxua xua paxa tatsi abe peexanaexae. Matātano jopa apara baxua xua pena tatsi abe peexanaexae. Jame apara bapon itata nac̄ta xua jiwi peyaputaenexa xua Nacom peayapus̄wa xeina xua axaibi peexanaenexa tsainchi bapon. ⁴ Jiton ba nacuita poxonae cataunxuae pentha tsuncuae. Poxonae quirei tsuxubi pebin ba jopa itac̄paetsi xua penacuichiwa. Xan barichin. Poxonae cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxonae t̄paein jopa neitac̄pae

tsane xua taexanaewa barapo tanacuichiwa xua bayatha Nacom neitoroba.
⁵ Poxonae cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimonaetha.

⁶ Poxonae Jesús baxua najume weta, bapoxonae iratha naone sutaba, yawa peonetha tsoroboyo nacobena ponaxuba. Bapoxonae Jesús barapo tsoroboyotha itacuere caxueba peitata nacutsin. ⁷ Nexata Jesús barai bapon, jeye:

—Ponare fetiyo beya, po fetiyo pewan Siloé. Barapo Siloé fetiyotha naitacuere waexore, jei Jesús. (Barapo Siloé fetiyo wan jei: “Po fetiyo Nacom itoroba”, jei.)

Pon peitata nacutsin pona fetiyo beya naitata waexubano. Poxonae equeicha bapon caibe iya Jesús beya, nama bara itacupatsi xua petaewa. ⁸ Bapon pia petsicuarabu enaewichi tatsi, irano pomonae pecui yaputaexaetsi xua poxonae bapon aitatabeya popona daxita barapomonae bapon yabara nat-sipaebatsi. Ichamonae jeye:

—¿Apara baponda pon iratha jiwi wunquequeibara paratixi? jei.

⁹ Ichamonae jeye:

—Aa, apara bapon, pon iratha jiwi wunquequeiba paratixi, jei.

Ichamonae jeye:

—Apara bapon aibi. Saya apara be bapon, jei.

Ichitha pon peitata nacutsin pia coutha jeye:

—Apara bara xan tsocuaein, jei.

¹⁰ Nexata daxita barapomonae peitata nacutsin yainyabatsi, jeichichi:

—¿Eta xua metha anoxuae taneme? jei daxita barapomonae.

¹¹ Pon peitata nacutsin jume nota barapomonae, jeye:

—Pon pewan Jesús, bapon tsoroboyo peonetha nacobena pontaba, bapoxonae barapo tsoroboyotha neitacuere caxueba. Yawa nejei: ‘Fetiyo beya ponare, po fetiyo pewan Siloé. Barapo fetiyotha naitacuere waexore’, nejei. Bara barabeya ponan. Poxonae baxota naitacuere waexuban, bapoxonae bara tan, jei bapon.

¹² Bapoxonae peitata nacutsin yainyabatsi barapomonae, jeichichi:

—¿Incane dapo pebin, pon caaxaibi exana? jeichichi.

Bapon jume barai bapomonae, jeye:

—Bn, canta jopa taeinyo, jei bapon.

Meje yabara poxonae pon equeicha xua itata wnae matowa yainyabatsi xua fariseomonae matowa yainyaba

¹³ Pon xua equeicha itata wnae, pomonae pia petsicuarabu enaewichi tatsi barapomonae bapon capoinchi fariseomonae beya. ¹⁴ Ichitha po mataqueitha Jesús axaibi exana pon peitata nacutsin, xua poxonae tsoroboyo peonetha nacobena pontaba, barapo matabi apara judiomonae pia pentaquei seicae matabi tatsi. ¹⁵ Bapoxonae bapon yainyabatsi fariseomonae, jeye:

—¿Eta bichim xua anoxuae jamaisa necotame? jei fariseomonae.

Bapon jume barai, jeye:

—Bapon tsoroboyo peonetha neitacuere caxueba. Bapoxonae naitacuere waexuban meratha. Bapoxonae yawa bara necotan, jei fariseomonaetha.

¹⁶ Bapoxonae fariseo jiwamonae bapon baraichi, jeye:

—Pon caaxaibi exana apara Nacom jopa bapon itorobicaeyo, tsipei bapon jopa yabara baru cui itura jinaeyo barapo pentaquei seicae matabi, jei fariseo jiwamonae.

Ichamonae jeye:

—Icha bapon peajuntꝯcoyenebein, ¿metha nexata eta pocotsiwa pexeinya petsita itꝯtsi coyenewa exana? jei.

Daxita barapo fariseomonaе nantiya najume matsontsonoba. ¹⁷ Equeicha fariseomonaе, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinamerꝯ pon caaitacuerexaibi exana? jei fariseomonaе.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaebin, jei bapon.

¹⁸ Ichitha judiomonaе jopa bejume cowꝯntsiyo pocotsiwa pon peitata nacꝯtsin bayatha itacuere axaibi exainchi xuano xua anoxuae itacꝯpatsi xua petaewa. Daxota bapoxonaе barapo judiomonaе pon itacuere axaibi exainchi paxa tatsi wabatsi, yawa pena tatsi wabatsi. ¹⁹ Barapo judiomonaе jeye coxiyꝯnbetha:

—¿Baponje bara yatsicaya painya nexanto? ¿Apara bara bapon pon bayatha yaitata nacꝯtsiya naexana? ¿Eta bichi xua anoxuae itacꝯpatsi xua penecotsiwa? jei judiomonaе.

²⁰ Barapo coxiyꝯnbe jume notabe, jeibe:

—Bara yatsicaewa payaputan xua bapon barapara pata taxanto. Mataꝯtano payaputan xua bayatha bapon itata nacꝯtsiya naexana.

²¹ Daichitha jopa payaputaеinyo xua eta bichi xua bapon anoxuae necota. Mataꝯtano jopa payaputaеinyo xua pon pata taxanto itacuere axaibi exainchi. Paxam moya bara bapon payainyabare. Bꝯ nexata bapon pia coya paca jume notsina tsipei apara bayatha pinyo, jeibe coxiyꝯnbe.

²² Barapo coxiyꝯnbe cunuwa judiomonaе cunuwatsi. Tsipei judiomonaе bayatha jei: “Pomonaе Jesús yabara jume cowꝯntatsi, pomonaе xua jeye: ‘Jesús apara bapon Mesías pon Nacom itorobica’, pomonaе jeye, barapomonaе paitawetan pata penacaetutsi bo weya”, jei barapo judiomonaе. Daxota barapo coxiyꝯnbe pijunuwi jopa jeibe: “Apara bapon Jesús pon Mesías bapon painta taxanto itacuere axaibi exainchi”, jopa jeibe. ²³ Daxota barapo coxiyꝯnbe barapo judiomonaetha jeibe: “Paxam moya bapon payainyabare. Bꝯ nexata bapon pia coya paca jume nota tsipei bayatha pinyo”, jeibe coxiyꝯnbe.

²⁴ Bapoxonaе equeicha judiomonaе pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua irꝯꝯ Nacom necajume taenexa. Paxan payaputan xua Jesús bapon apara pon peajuntꝯcoyenebein, jei judiomonaе.

²⁵ Bapon jume nota barapo judiomonaetha, jeye:

—Xan jopa yabara yaputaеinyo xua icha metha bapon pon peajuntꝯcoyenebein. Saya meisa yaputan xua copiya taitata nacꝯtsin xuano xua anoxuae neitacꝯpa xua tanecotsiwa, jei bapon.

²⁶ Equeicha barapo judiomonaе bapon yainyabatsi, jeichichi:

—¿Eta caitacuere ichi poxonaе caaitacuerexaibi exana? jei judiomonaе.

²⁷ Bapon jume nota barapo judiomonaе, jeye:

—Bara bayatha paca tsipaebatsiba. Came jopa yabara pana nejume cowꝯntsim. ¿Eta xua metha equeicha bepa baxua matowa paca tsipaebichi? ¿Painya irꝯꝯ naexanaetsi Jesús pijimonaе tatsi? jei bapon.

²⁸ Ichitha barapo judiomonaе bapon biatainchi, jeichichi:

—Xam moya Jesús piamonae jiton tatsi naexande, nama paxan Moisés pia peitorobi coyenewa pata exanaponae jiwi. ²⁹ Paxan payaputan xua Nacom Moisés itorobatsi. Ichitha nama pon caaitacuereaxaibi exana jopa payaputaeyinyo xua ichaxota werena peponaewa xua ichan peitorobixae, jei judiomonae.

³⁰ Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neaitacuereaxaibi exanaewa. ³¹ Waxainchi yaputainchi bara, xua Nacom jopa jume naitaewatsiyo pomonaetha pomonae abe peexanaewi xua peyawenawanexa. Nacom saya meisa jume naitaewata pomonaetha pomonae wnae pejainchixaetsi. Matautano Nacom saya jume naitaewata pomonaetha pomonae peitorobixae xua pia petaexanaewa tsainchi pocotsiwa bapon peichichipaexae. ³² Poxonae aena Nacom nacua forota, bapoxonae xua beya anoxuae, dapon aibi pon ichan itacuere axaibi exainchi pon peitata nacatsin. ³³ Icha bapon Nacom jopa itorobichipae, metha bapon jopa itacupaetsipaetsi xua ichan itacuere axaibi peexanaewatsi, pon peitata nacatsin, jei bapon.

³⁴ Nexata bapon baraichi, jeichichi:

—Daxota itata nacatsiya naexaname tsipei ajuntacoyenebeya naexaname. ¡Dacotsiwa apara ichichipame pana necuidubamecai! jei judiomonae.

Bapoxonae bapon itawetatsi judiomonae pia penacaetutsi bo tatsi weya.

Meje yabara poxonae Jesús yabara paeba pomonae jopa Nacom yaputaetsi

³⁵ Jesús yaputane xua pon bayatha itacuere axaibi exainchi itawetatsi judiomonae pia penacaetutsi bo tatsi weya, xua judiomonae itaweta. Poxonae bapon Jesús caxina, Jesús jeye:

—¿Xam yabara jume cowantame pon Nacom pia Peitapetsin tatsi? jei Jesús.

³⁶ Bapon jume barai Jesús, jeye:

—Pon Necanamataxeinaem jiwi, incane netsipaebare, ¿Incane bapon pon Nacom pia Peitapetsin? Bapoxonae tha jume cowantichi, jei pon peitata nacatsin.

³⁷ Jesús jume nota, jeye:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipaebatsi, apara bara xan, jei Jesús xua nabarai.

³⁸ Nexata bapon pentabocototha uncua Jesús peitabaratha tatsi xua Jesús wnae pejainchinexatsi. Bapon jeye:

—¡Tanecanamataxeinaem, cajume cowantatsi bara! jei bapon.

³⁹ Bapoxonae Jesús barai, jeye:

—Barapo cae pin nacuathe patopeican xua jiwi tayabara paebinexa xua penatsicuentsiwa xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yaputaeyinchi. Pomonae xua bayatha bequein nanta xeina xua Nacom cayabara yaputainchi barapomonae cana exanaein xua barapomonae equeicha jopa Nacom cayabara yaputae tsainchi, jei Jesús.

⁴⁰ Bapoxonae fariseo jiwanamonae, pomonae Jesús baru uncua, poxonae barapomonae Jesús jume tainchi, Jesús yainyabatsi, jeye:

—¿Apara pana baram xua equeicha jopa payabara yaputaein tsane Nacom? jei fariseo jiwanamonae.

⁴¹ Jesús jume nota, jeye:

—Icha paxam bayatha jopa payabara yaputaemtsipae Nacom, jopa apara painya coutham tsipae xua poxonae abe painya neexanaewa. Ichitha mexeya poxoru pajam: ‘Payaputan Nacom’, pajam daxota apara painya coutham xua bara abe painya neexanaewa, jei Jesús.

10

Meje yabara poxonae Jesús yabara paeba pon oveja pe-eenaen

¹ Equeicha Jesús namchi: “Xaniyan paca tsipaebatsi diwesi xua pata neyabara yaputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon apara pon pecaibin oveja. ² Pon jame joniya pepa boupa iya bapon apara pon pe-eenaen oveja. ³ Pon peboupa xatababin, bapon boupa saranaxorena pon oveja pe-eenaen taboupa saranaxorenatsi. Poxonae pon oveja pe-eenaen junuta oveja, barapo oveja jume copi yaputane baxua. Pon oveja pe-eenaen, bapon daxita barapo oveja barompaya pia wɔnɔxitha junuta. Bapoxonae bapon curara weya mata coniya ovejamona. ⁴ Poxonae curara weya mata coniya daxita bapon mata caecapona yawa punaenapoinchi pejume copi yaputaexaetsi. ⁵ Ichitha barapo ovejamona jopa puna ponaeyo ichantha, pontha pon jopa yaitaeyo. Saya cuitaya dɔcɔpa tsipei ichan jopa jume copi yaputaetsi”, jei Jesús.

⁶ Jesús tsipaeba barapomona barapo pecayabara jɔta pepaebi diwesiyo poxonae oveja yabara paeba, daichitha came barapomona jopa yaputaeyo barapo diwesi.

Meje yabara xua Jesús pon beta pe-eenaen jiwi

⁷ Nexata equeicha Jesús tsipaeba barapomona, jeye: “Icha oveja ichi xua curaratha joniya xua peboupa peyawenaexaetsi, barichi jiwi xua Nacom pia nacuatheicha tatsi pata poxoru xanxaein xua tayawenaexae. ⁸ Daxita pomona netsiwana pata, pomona xua jei: ‘Nacom pana itoroba’, jei, barapomona apara pomona jiwi pemuxujainyabiwi. Ichitha jiwi jopa yabara jume cowantsiyo barapomona, icha oveja ichi xua aichaxaibi pepuna ponaewa ichantha jopa pejume copi yaputaexae. ⁹ Xan jiwi tayawenaen daxota pon nejume cowanta yawenan xua pepatopaewa Nacom beicha. Icha oveja ichichi xua merawi curaratha yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomona tana nejume cowantsiwi barapomona beta yawenan.

¹⁰ “Pon pecaibin patopa xua saya pecaibinexa oveja, yawa xua saya abe peexanaenexa yawa pebexubinexa. Ichitha nama xan patopan xua jiwi tacatsinexa peajɔntɔyapɔsɔwa, po peajɔntɔyapɔsɔwa jopa weraweracaeyo xua jiwi jopa juniya mataropeichiya xexeinaponae tsane barapo peajɔntɔyapɔsɔwa. ¹¹ Pon beta pe-eenaen oveja, bapon tsitɔpa pia ovejamona, tsipei jopa ichichipaeyo xua petajutebiwatsi pia ovejan tatsi xua poxonae pomona pecaibiwi jutebina. Barapocotsi coyene ichi jiwi beta ta-eenaen. Jiwi tsitɔpaein xua barapomona tacapanepaenexa. ¹² Ichitha pon tanacuita ichan xua tayapu eena oveja apara saya piaparatiɔchi. Poxonae bapon neuthɔ tane pijunuwi, oveja cuenta naetsiriwa, tsipei barapo ovejamona pia ovejamona tatsi aibi. Poxonae neuthɔ icha ovejan teicatsi, bapoxonae icha ovejamona tsanaothopa. ¹³ Bapon naetsiriwa tsipei saya oveja eena xua piaparatiɔchi, xuano xua jopa xapain peyabara nanta xeinaexae ovejamona.

14-15 “Xan natsicotan be pon ovejamona beta tayapu eenaein tsipei beta ta-eeinaein pomona tana nejume cowuntsiwi. Taxa neyaitane, xuya Taxa yaitan. Barichi yaitan pomona tana nejume cowuntsiwi, xuya barapomona neyaitane. Xan tana nejume cowuntsiwi yaitatsin xua tatsitupaenexa naetha xua jopa peweraweracaewa tsane barapomona. ¹⁶ Barichi xeinan icha tana nejume cowuntsiwi pomona jopa israelmonaeyo. Barapomona bewa iruru nacaetuta exanaein xantha pomona caena bayatha tana nejume cowuntsiwi iru pomonaeno xua hexa nejume cowuntsinano. Cae bicheito exanaein. Barapomona exanaena pocotsiwa itoroban. Matautano xeinaena bara compa xua xan ponxaein beta ta-eeinaein, icha pebin ichi pon ovejamona peyapu eenaein xua poxona ovejamona caetucaetuteta cae curaratha.

¹⁷ “Taxa bichocono neantobe tsipei tsitupaen pomona tana nejume cowuntsiwi. Ichitha equeicha asun tsane. ¹⁸ Dapon aibi pon xua pia coutha tana nebexubiwa. Saya jame poxona tacoutha ichichipan. Xan itacoxonan xua bara jiwi tatsitupaewa. Matautano itacoxonan xua equeicha asu tapoponaewa tsane petupaewa weya. Baxua itacoxonan xua taexanaewa, Taxa tana neitorobixae”, jei Jesús.

¹⁹ Poxona barapo judiomona Jesús baxua jume tainchi, bapoxona equeicha barapo judiomona yabara najume matsontsonoba. ²⁰ Ichamona judiomona yainyaba xua icha judiomona yainyabatsi, jeichichi:

—¿Eta xua metha bapon pajume naitaewatame pocotsiwa bapon paeba? ¡Apara matayaibatsi! ¡Cauri xeina apara! jei judiomona.

²¹ Ichamona jeye:

—Dapon aibi pon xanepanaya pepaebiwa icha cauri xeina. Caurimonae pin jopa bapana itacupaetsi xua pon peitata nacutsin axaibi peexanaewatsi, jei ichamona.

Meje yabara poxona judiomona Jesús jume itawetatsi

²² Poxona awubo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi matabin poxona nabane jiwi yabara nanta xeina xua caena bayatha piamona tatsi equeicha xaneba Nacom pin pia bo tatsi poxona ichamona abe exana. Barapomona baxua yabara nacaetuta peyabara paebinexa xua barapo bo Nacom nexa. ²³ Jesús popona Nacom pin pia bo tauchipa boutotha. Barapo Nacom pin pia bo tauchipa bouto pewun Salomón. ²⁴ Baxota judiomona Jesús imoxoyo caquita umenarucupatsi yawa Jesús jeichichi:

—¿Eta po matabibe metha ainya muxu paxeinaein xua pata cayabara yaputaewa tsainchi? Icha bara yatsicaya Mesías xam, moya pana netsipaebare, jei.

²⁵ Jesús jume nota, jeye:

—Bara bayatha paca tsipaebatsiba ichitha jopa pana nejume yabara cowuntsim. Pocotsiwa xua exanan, xua Taxa tana neitorobixae, baxua apara bara paca tsita naitapeinya xeinatsi xua xan apara bara Mesías. ²⁶ Baxua jopa pana neyabara jume cowuntsim tsipei jopa tajimona pam be pocotsi coyeneya aunxuae bayatha paca tsipaebatsi. ²⁷ Pomona tana nejume cowuntsiwi nejume copi yaputane yawa nepuna pona, icha ovejamona ichi xua jume copi yaputane pontha pon pe-eeinaexaetsi xuano xua barapo ovejamona puna pona xua bapon puna poinchi. ²⁸ Tana nejume cowuntsiwi catan peajuntayapusawa, po peajuntayapusawa xua bapana jopa peweraweracaewa tsane. Matautano ichamona jopa itacupaetsi xua tana newecobe notsiwa xua tamona inta notatsi. ²⁹ Taxa barapomona necata. Barapon

Taxa bichocono toxecha caein ainya cui, beyacaincha ichun xua ainya cui. Dapon aibi pon Taxa wecobe notatsi xua piamonae tatsi tanotatsi. ³⁰ Xan, iru Taxa bara caein panbe, jei Jesús.

³¹ Nexata judiomonae ibotoxi nota xua Jesús pecuinbabiwa tsainchi. ³² Jesús barai barapomonae, jeye:

—Paxamtha matowa exaneiban pexeinya tatsita itatsi coyenewan Taxa pia peayapuswatha tatsi. ¿Eta po tatsita itatsi coyenewan taexanaexae ibotoxitha painya necuinbabichi? jei Jesús.

³³ Judiomonae jume nota, jeye:

—Jopa apra daxota paca cuinbabichi poxoru pexeinya petsita itatsi coyenewan neexanaexae. Daxota paca cuinbabatsi tsipei jam: ‘Xan iru Taxa bara caein panbe’, jam. Baxua apra abe paebame tsipei be Nacom naexaname jinya coutha poxonae saya pebim, jei judiomonae.

³⁴ Jesús barai, jeye:

—Nacom Pejume Diwesitha yabara paebatsi pomonae Nacom pejume cowantsiwichi. Nacom jeye: ‘Paxam iruru nacommonae pam’, yabara jei Nacom, pomonae pejume cowantsiwixaetsi. ³⁵ Nacom paeba xua pinae pomonae petajume cowantsiwixaetsi pejume diwesi barapomonae pinae bara nacommonae tsenae. Matautano waxainchi yaputainchi barapo diwesitha xua jopa bapana Nacom naerabiyo. ³⁶ Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua xan abe paeban poxonae jan: ‘Xan Nacom Pexanton’, jan? ³⁷ Icha jopa exanaeinyo pocotsiwa Taxa neitoroba painya xoba pana nejume cowantame baxua. ³⁸ Icha exanan pocotsiwa Taxa neitoroba, bapoxonae pana necui yabara jume cowunde pocotsiwa exanan, bequein jopa pana nejume cowantsim xua paca tsipaebatsi. Bapoxonae xain payaputaename xua xan Taxa nebaru popona, xua barichin xua Taxa baru poponan, jei Jesús.

³⁹ Equeicha barapomonae ichichipa xua Jesús pewaetabiwatsi ichitha Jesús naetsiriwa barapomonae weya.

⁴⁰ Nexata Jesús pijimonae caibe baru nawiya icha muxunene beya xua Jordán mentha. Baraxotiya Jesús pijimonae baru eca, ichaxota Juan bayatha bautisaba jiwí. ⁴¹ Pin bicheitomonae Jesús siwa poinchi pejume taenexatsi. Barapomonae Jesús yabara natsipaebatsi, najei:

—Xaniyei bequein Juan pexeinya petsita itatsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apra xainyei, najei barapomonae.

⁴² Baraxotiya pin bicheitomonae Jesús yabara jume cowantatsi.

11

Meje yabara poxonae Lázaro tupa

¹ Iru pebin popona, pon pewun Lázaro. Bapon atene. Bapon Betania tomarapin. Iruru bapon Lázaro pamchobe tatsi barichi Betania tomarapwayobe. Barapo pamchobe tatsi ichowayo pewun María, ichowayo pewun Marta. ² Barapowa María, powa Lázaro pamcho tatsi, powa Jesús taxu epatabinchi icha matabitha penasiwatha xua petuxueiwa xuano xua taxu tsewa exanaeinchi pentanatha. ³ María pamchobe najume caitorobabe ichantha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

⁴ Poxonae Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua tupa peexaneibiwa ataya. Saya atene, apara Nacom pia jiwí tsita itatsichi pia peayapusya itorobi coyenewa. Matautano iru xan Nacom Pexanton jiwitha tatsita itatsinexa taayapusya itorobi coyenewa, jei Jesús.

⁵⁻⁶ Bequein Jesús antobe Marta iru María iru Lázaro ichitha cataunxuae eca baxotiya ainya matabibe poxonae jume taetha xua Lázaro bayatha atene nawita. ⁷ Pirapae Jesús daxita pijimonae barai, jeye:

—Caibeya poinchi Judea nacua beya, jei Jesús.

⁸ Nexata daxita Jesús pijimonae baraichi, jeye:

—Pon Patatanecuidubim, cain judiomonae, Judea nacuatha ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

⁹ Jesús barai, jeye:

—Caentacabi doce po horabe xeina poxonae pentha tsuncuae. Icha pebin mataqueitha popona jopa xuirapopaeyo pentha petsuncuaexae barapo cae pin nacuathe. ¹⁰ Barichin poxonae cataunxuae poponan barapo cae pin nacuathe bewa exanaein xua Taxa pocotsiwa neitoroba. Tsipei poxonae tupaen jopa neitacupaesane xua exanaein baxua, barapo cae pin nacuathe.

¹¹ Pirapae Jesús daxita pijimonae barai, jeye:

—Wajiton, Lázaro, maituncua. Ichitha tha bexa yaubaxuichi, jei Jesús.

¹² Nexata daxita Jesús pijimonae baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yasatatsi, daxota baxua paebame? jeichichi.

¹³ Ichitha Jesús namchi: “Lázaro bayatha tupa”, jei, xua poxonae jei: “Lázaro maituncua”, jei. Daichitha Jesús pijimonae tatsi nanta xeina xua metha Lázaro maituncua icha merawi ichi poxonae maiteca. ¹⁴⁻¹⁵ Bapoxonae Jesús pijimonae tsita najume itapeinya xeina, jeye:

—Lázaro bayatha naxuba. Pacata daxua wuna xua jopa baxotiya poponaeinyo poxonae Lázaro tupa. Tsipei baxua painya nejume cowantsinexa, daxota jopa nainya ponaeyo. Antha poinchi bara beya ichaxota Lázaro boca, jei Jesús.

¹⁶ Nexata Tomás, pon icha wun Gemelo peweichobe penama naexanaexaebe, bapon Jesús pijimonae tatsi baraichi, jeye:

—Bn naca baru pona Jesús, xain Jesús naca baru werapa, jei Tomás.

Meje yabara xua Jesús namchi: “Xan pon jiwí asu taexanaein petupaes cuiru coyene weya”, jei

¹⁷ Poxonae Jesús pijimonae baru patopa Betania tomaratha, jiwí Jesús tsipaebatsi xua pinae bayatha Lázaro cuatro po matabibe yapucaewa xua muthutha xotsi. ¹⁸ Betania tomara tajuyo itamataeca Jerusalén tomara saya tres po kilómetro epatoyobe xeina. ¹⁹ Pinmonae judiomonae Marta iru María siwa poinchibe pia botha tatsi peitanuwe matataenexa tsainchibe petatupaexaetsibe peweicho tatsi. ²⁰ Poxonae Marta yaputane xua Jesús pijimonae baru patopa, bapowa bo wejonarena xua Jesús pententa weyataeya wabinexatsi. Ichitha nama María botha eca. ²¹ Marta Jesús baraichi, jeye:

—Pon Necanamataxeinaem jiwí, icha bayatha xote ecaetsipame, metha bayatha jopa tupaetsipae taeweicho. ²² Yaputan xua methaunxuae Nacom cacatsina daxita pocotsiwa newucaewam, jei Marta.

²³ Jesús barai, jeye:

—Eweicho equeicha cata asu poponaena, jei Jesús.

²⁴ Marta Jesús baraichi, jeye:

—Aa, bara yaputan xua equeicha asu poponaena poxonae po mataqueitha daxita jiwi Nacom asu exanaena petupaе cuiru coyene weya poxonae po cae pin nacue daxita weraweracaena, jei Marta.

²⁵ Nexata Jesús jume barai, jeye:

—Xan apara barapo jiton, pon jiwi asu jinompa taexanaein petupaе cuiru coyene weya. Matautano xan pon jiwi tacatsin peajuntuyapusuwa, po peajuntuyapusuwa jopa weraweracaeyo. Pon nejume cowanta bequein bara tupa ichitha equeicha asu poponaena. ²⁶ Pon xeinaena peajuntuyapusuwa xuano xua nejume cowantsina, bapon bapana jopa weraweracae tsane. ¿Baxua bara yabara jume cowantame? jei Jesús xua Marta tsipaebatsi.

²⁷ Bapowa jume nota, jeye:

—Aa, Tanecanamataxeinaem, bara baxua yabara jume cowantan xua xam Mesías pon Nacom Pexantom, pon bewa juinya patopaename po cae pin nacuathe tsique, jei Marta.

Meje yabara poxonae Jesús itamata wecoyei tsuncuae ichaxota Lázaro yamuthu uncua

²⁸ Poxonae Marta najume weta xua Jesús tsipaebatsi, bapoxonae Marta pamcho waba powa pewun María. Marta nameicha pamchotha jeye:

—Pon jiwi Pecuidubin xote patope, cawaba, jei Marta.

²⁹ Poxonae María baxua jume taeba, bapoxonae caena nainya ponataba Jesús petaenexatsi. ³⁰ Jesús abu cataunxuae pijimonaе jopa baru pon-aeyo tomaratha. Jesús caxinatsi ichaxota copiya Marta Jesús caxinatsi. ³¹ Judiomonaе pomonaе María pamchobe itanuwe matateicatsibe xua pomonaе pia botha tatsi taenatsibe, poxonaе barapo judiomonaе tane xua María nainya ponataba, iruru barapomonaе napuna pona. Barapo judiomonaе nanta xeina xua mexeya itara María pamchobe muthu beya ponabewei xua pewecoyeinexabe ichaxota peweichobe tatsi tayamuthu uncuatsibe.

³² Poxonaе María itamata patopatsi María pentabocototha uncua, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taeweicho jopa tupaetsipae, jei María xua Jesús tsipaebatsi.

³³ Jesús tane xua María wecoyei. Taneno xua judiomonaе pomonaе napona xua iruru wecoyei. Bapoxonaе Jesús anthuthu wecoyei yawa anthutharewe. ³⁴ Jesús baraino barapomonaе, jeye:

—¿Exota Lázaro pamuthuthu xubame? jei Jesús.

Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonaе.

³⁵ Iruru Jesús wecoyei tsanareca. ³⁶ Bapoxonaе judiomonaе Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonaе.

³⁷ Ichitha ichamonaе judiomonaе Jesús yabara jeichichi:

—Icha bapon itacupatsi xua pon peitata nacutsin axaibi exainchi, zeta xua metha bapon jopa itacupaetsi xua Lázaro yawenatsi xua bayatha jopa tupaetsipae? najei judiomonaе.

Meje yabara poxonaе Lázaro equeicha asu popona

³⁸ Equeicha Jesús bichocono anthutharewe. Yawa imoxoyo pijimonaе baru pona muthu beya. Barapo muthu ibo muthu, yawa muthu yauxatatabanota pin ibo panawatha. ³⁹ Jesús barai barapomonaе, jeye:

—Papataxore ibo panawa, jei Jesús.

Lázaro pon tupa bapon pamcho tatsi Marta, Jesús jeichi:

—Patatanecanamataxeinaem, apara bayatha pepon bichocono tuxamna, tsipei bayatha cuatro po matabibe yapucaewa poxonae tupa, jei Marta.

⁴⁰ Ichitha Jesús Marta jume baraichi, jeye:

—Bara bayatha catsipaebatsiba: Icha yabara jume cowantame, necotsiname Nacom pia peayapusawa, cajeichiba, jei Jesús.

⁴¹ Nexata ichamonae ibo panawa pataxuba. Bapoxonae Jesús peitaboco beicha athabeicha necoicha. Yawa jeye Paxatha:

—Axa, juntu coyene weiweinan, yaitama nejume taneme pocotsiwa tacawucaexaetsi. ⁴² Bara yaputan xua nejume taibame poxonae cawuqueibatsi.

Apara catsipaebatsi baxua xua pomonae xote umene barapomonae nexa xua tana neyabara jume cowantsinexa xua xan pon tana neitorobim, jei Jesús.

⁴³ Poxonae Jesús najume weta baxua, bapoxonae jume daunweya wawai, jeye:

—¡Lázaro, bara wejondena! jei Jesús.

⁴⁴ Bapoxonae pon xua tupa muthu wejondena. Xua bayatha paparuwatha maxu caecunta cubaxotsi yawa pesito decano yawa xua painyoweratha itabara yarabaxotsi, baxuan Lázaro yawa jondena. Jesús barai jiwi, jeye:

—Daxita baxuan paweisacare, bapoxonae bu bara pona, jei Jesús.

Meje yabara poxonae fariseomonae iru sacerdotemonae pia pentacaponae wi tatsi daxita barapomonae Jesús yabara nanta xeinatsi xua po coyeneya Jesús pewaetabiwa tsainchi

(Mt 26.1-5; Mr 14.1-2; Lc 22.1-2)

⁴⁵ Judiomonae pomonae María pamchobe cueyatatsibe, poxonae barapo judiomonae baxua Jesús cui tainchi Jesús yabara jume cowantatsi pinmonae.

⁴⁶ Ichitha ichamonae judiomonae fariseomonae beya pona xua peyabara paebinexa pocotsiwa bayatha Jesús exana. ⁴⁷ Nexata fariseomonae iru sacerdotemonae pia pentacaponae wi tatsi daxita barapomonae nacaetuta penacanamata caitorobi bicheitha, yawa najei barapomonae:

—¿Eta xua exanaeinchi metha? Barapo pebin exana nawita pexeinya petsita itutsi coyenewan. ⁴⁸ Icha baraxua saya yabara cui copatinchi metha pinmonae bapon yabara jume cowantsinchi. Barapoxonae romanomonae pia pentacaponae wi patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonae.

⁴⁹ Caein bapomonae jiwana pewun Caifás. Bapon Caifás barapo weitha sacerdotemonae pia pepa pentacaponae in tatsi naexana. Bapon Caifás jei pin bicheitha:

—Paxam apara jopa baxua payabara yaputaem. ⁵⁰ Matautano jopa payabara yaputaem xua po coyene pacata xanepana xua ichun bara caein piamonae yaitatsina pebexubinexatsi xua daxita piamonae tatsi jopa petajutebinexa tsainchi, jei Caifás xua piraichi nanta xeina.

⁵¹ Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonae pia pepa pentacaponae in tatsi naexana, daxota tsiwunaeyo yabara paeba xua Nacom cueicueijei exana xua Jesús bewa tsitupaena judiomonae. ⁵² Meisa barapo judiomonae Jesús jopa tsitupaeyo, apara iruru ichamonae nexano Jesús tsitupa xua Jesús caemonae nacaetuta

peexanaenexa pomonae Nacom piamonae tatsi, pomonaeno taj_u ena ichaxota icha nacuantha. ⁵³ Daxota barapomonae judiomonae pia pentacaponae wi tatsi nabar_u muxu jei po coyeneya xua poxonae Jesús pebexubiwa tsainchi.

⁵⁴ Daxota Jesús jopa naitapeinya xeinaeyo judiomonaetha. Saya Jesús Judea nacua wewarapiya, tomara beya pona po tomara pew_un Efraín, po tomara eca ichaxota ira xuepana susato tsurucuae nacua. Barapo tomaratha pijimonae bar_u eca Jesús.

⁵⁵ Bara nama imoxoyo tsurucuae tsoponae po maticabin xua judiomonae pia Pascua w_un maticabin tatsi. Pin bicheitomonae tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentseinexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonae bewa baxua exanaena Pascua w_un maticabin pew_unaeya.

⁵⁶ Daxita barapomonae Jesús wenaweneichi. Poxonae barapomonae Nacom pin pia botha pata, baxota barapomonae najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonae.

⁵⁷ Fariseomonae ir_u sacerdotemonae pia pentacaponae wi tatsi daxita barapomonae jiwi baraichi, jeichichi:

—Pon tane Jesús, nexata b_u pana netsipaeba, xua bapon pata tha waetabichi, jei barapomonae.

12

Meje yabara poxonae petsiriwa Jesús mata epatabatsi penasiwa, po penasiwa petuxueiwa

(Mt 26.6-13; Mr 14.3-9)

¹ Poxonae cataunxuae seis po maticabibe aibi xua Pascua w_un maticabin nexa, Jesús pijimonae bar_u pona Betania tomara beya. Barapo Betania tomara, po tomara ichaxota Lázaro popona, pon Jesús bayatha as_u exana pet_upae cuiru coyene weya. ² Baxota pexaewa Jesús upain exanatsi. Marta apata pexaewa. Jesús pijimonae tatsi ir_u naena pexaethopaewatha. Ir_u Lázaro baxota naeca xua ir_u naxane. ³ Ir_u bapoxonae María carena bosib_u bichocono w_unc_ua petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pew_un nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonae María pentanatha Jesús taxu tsewa exainchi. Daxita bom_ux_u tutu cana_upa ducua xua tuxuei tsurucuae. ⁴ Ir_u naeca Judas Iscariote, pon Simón pexanto tatsi. Bapon Judas Jesús pijimonae tatsi jiwana. Barapo Judas pon bexa Jesús caenaetsinchi. Bapon namchi, jeye:

⁵ —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaebe xua po paratiximonaebe beyacaincha trescientos po maticabibe nexa, poxonae nacuita, jei Judas Iscariote.

⁶ Judas apara jopa baxua paebiyo xua peantobexaetsi pomonae peacopeibiwi. Saya apara baxua paeba poxoru bapon pon pecaibin jiwi. Bapon Judas Jesusbar_u paratixi dunucue tacapoinchi. Ichitha bapon cou jiwana wenoteiba paratixi poxonae Jesusbar_u jeiba. ⁷ Nexata Judas Jesús barai, jeye:

—¡Moyande bara copare! Apra xua barapowa netsibota barapo petuxuei tuxusi nasiwa tapepon nexa xua tat_upaein tana neper_u waenexa poxonae po mataqueitha m_uthiya tana neboyaenexa tsane. Baxua netsibota apra

xua muthu tana neboyaenexa poxonae tupaein. ⁸ Barapo irathe peacopeibi jiwi paca baru jinompeibina painya neyawenaenexa tsaibi tsane barapo jiwi. Ichitha nama paxam jopa ataya paca baru poponae tsainchi xua pata tana neyawenaenexam barapo irathe, jei Jesús.

Meje yabara poxonae sacerdotemonaē pia pentacaponae wi tatsi peburuya nanta xeina xua Lázaro pebexubiwa tsainchi

⁹ Pinmonae judiomonaē jume tane xua Jesús popona Betania tomaratha. Bapoxonae barapo judiomonaē pona Betania tomara beya xua Jesús petaenexatsi iruru xua Lázaro petaenexatsi pon Jesús bayatha asu exana petupae cuiru coyene weya. ¹⁰ Nexata sacerdotemonaē pia pentacaponae wi tatsi peburuya nanta xeina xua iru Lázaro pebexubiwa tsainchi. ¹¹ Tsipei pinmonae judiomonaē penta sacerdotemonaē pia pentacaponae wi tatsi pia pecuidubiwan tatsi. Matautano barapo judiomonaē saya Jesús jume cowuntatsi tsipei Jesús cui tainchi pocotsiwa Jesús wunaē exana poxonae Lázaro asu exainchi petupae cuiru coyene weya.

Meje yabara poxonae Jesús Jerusalén tomaratha patopa (Mt 21.1-11; Mr 11.1-11; Lc 19.28-40)

¹² Icha mataqueitha baya xua poxonae po mataqueitha Jesús taxu wainchi petuxuei nasiwatha, bapoxonae Jesús pijimonaē baru pona Jerusalén tomara beya. Bapoxonaeru Jeruslén tomaratha ena pin bicheito pomonaē xua copiya bayatha pata Pascua wun matakabin nexa. Daxita barapomonaē yaputane xua anoxuae methaunxuae patopaena Jesús barapo tomaratha. ¹³ Barapo pin bicheito peaxu ucuboba po axu icha coichaxu axu ichi. Barapomonaē Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Maisa Jesús pon Pecanamataxeinaein jiwi deta wunaē, bapon patopa Nacom peitorobixae! ¡Maisa Nacom bichocono wunaē jaintatsi pon peitabocotha eca! ¡Maisa Jesús deta wunaē, pon Israel nacuamonaē itorobiya pia pepa Peewatsinchi tatsi! jei barapo pin bicheito.

¹⁴ Bapoxonae Jesús tane burro pon penun. Bapoxonae barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

¹⁵ “Sión tomarapiwi pam, jopa pajunuwinde.

Pataema pon itorobiya pepa painya Nepacacawatsin.

Bapon pacata patopaena xua burrotha equeicaena”, jei Nacom Pejume Diwesitha.

¹⁶ Bapoxonae Jesús pijimonaē tatsi jopa yaputaeyo po coyene xua caena bayatha Jesús wunaē yabara tsiwunaē paebatsi, xuano xua po coyene exanaenano. Ichitha pirapae poxonae Jesús caibe nawicha peitaboco beicha, yawa poxonae Paxa matenta weyataeya wabatsi, bapoxonae barapomonaē yaputane po coyene Jesús yabara tsiwunaē paebatsi Nacom Pejume Diwesitha, xuano xua jiwi exana poxonae Jesús wunaē jaintatsi.

¹⁷ Pomonaē napon poxonae Jesús Lázaro wabatsi petupae cuiru coyene weya, barapomonaē tamropata notarucupa xua jiwitha paeba pomonaetha pomonaē Jerusalén tomarapiwi, pomonaē bayatha Jesús pecui taexaetsi poxonae Lázaro asu exainchi. ¹⁸ Daxota pinmonae pona Jesús beya xua Jesús pematenta weyataeya wabinexatsi. Tsipei barapo pinmonae jume tane pocotsiwa Jesús exana pexeinya petsita itatsi coyenewa poxonae Lázaro asu exainchi. ¹⁹ Nexata fariseomonaē caemonaē natsipaeba, najei:

—¡Incane matha pataema! Barapomonaе jopa naca jume cowantsiyo, yawa daxita jiwi meisa napuna pona bapontha, najei barapomonaе.

Meje yabara poxonaе griegomonaе Jesús wenaweneichi

²⁰ Barapo pin bicheito, po bicheito copiya bayatha Jerusalén tomaratha ena, xua baxota wunaе pejainchinexa Nacom, barapo pin bicheito jiwana-monaе, griego nacuamonaеpiwi jiwana. ²¹ Barapo griego nacuamonaеpiwi Felipe imoxoyo caquita poinchi. Barapon Felipe Betsaida tomarapin xua Galilea nacuatha. Barapo griego nacuamonaеpiwi Felipe tsipaebatsi, je-ichichi:

—Incane matha pana nejume taema. Pata bequein Jesús taetsi, jei.

²² Bapoxonaе Felipe jume yopita Andrés beya, xua equeicha baponbe pejume yopichinexabe Jesús beya. ²³ Bapoxonaе Jesús baraponbe baraichi yawa daxita barapo jiwi baraichi, jeye:

—Nama imoxoyo barapo matacabi tsoponaе, po mataqueitha xan, ponxaein Nacom tana neitapetsixae nebexubina ichamonaе. Barapo mataqueitha Nacom ainya cui neexanaena. ²⁴ Xaniyan paca tsipaebatsi. Poxonaе trigo xuto saya xu boca yawa icha jopa xu bocaeyo tsorobo tututha, yawa icha jopa xuwiyo, jopa itacupaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonaе jame bara pexaewa naexana. Icha barapo trigo xuto ichi, xan barapocotsi coyeneya jiwi bara necana ichi tsane. ²⁵ Pon naantobeya nata exana pocotsiwa bapon ichichipa po cae pin nacuathe, bapon jopa xeinaeyo peajantuyapusawa, po peajantuyapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajantuyapusawa, po peajantuyapusawa ataya tsiteca xua Nacom pia nacua beicha. ²⁶ Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana exanaena xua bapon peainya cui jiton tsane Taxa pia nacua beicha tatsi, jei Jesús.

Meje yabara poxonaе Jesús nayabara paeba xua petapaewa tsane

²⁷ Equeicha Jesús jeye: “Anoxuae bichocono anthatharewein tsipei tatapaewa tsaneba. ¿Eta jumichicuaein tsane metha Taxatha? ¿Metha jan tsane: ‘Axa, necapanepare baxua weya’, metha jan tsane? Jume, apara jopa baxua tsipatopeicaeinyo. Apara tsipatopeican xua taaperutanewa tsane jiwi nexa. ²⁸ Jame bejan: ‘Axa, bara bu jiwi cana exaname xua wunaе necajainchiwa’, bejan jame”, jei Jesús.

Poxonaе Jesús baxua najume weta, bapoxonaе Jesús jume tane xua Nacom namchi peitaboco wetsica, jeye: “Bayatha apara baxua jiwi cana exanan xua jiwi wunaе tana nejainteibiwaneja, tsipei daxita beta exanan. Matautano equeicha ichawa exanaein xua jiwi wunaе tana nejainteibiwaneja tsane”, jei Nacom.

²⁹ Pinmonaе umena xua Jesús jume taeumeinchi, iru Jesús pijimonae tatsi baxota umenaru. Barapo jiwi baxua nayabara yainyaba xua Nacom cueicueijei. Ichamonaе jeye:

—¡Apara xua jurujurei yamuxu! jei.

Ichamonaе jeye:

—¡Apara bapon tsipaebatsi matatsunpin! jei.

³⁰ Nexata Jesús pijimonae barai, jeye:

—Pon pajume taneme apara Nacom. Jopa apara paebiyo xua xan nexa. Apara paeba pia xua painya nejume taenexa daxota baxua Nacom paeba.

³¹ Imoxoyo nama matacabi patopaena, po mataqueitha Nacom yabara paebina jiwi xua penatsicuentiwa xua abe peexanaexae bapontha. Pon jiwi juntu coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxona xubina barapo cae pin nacue weya. ³² Poxona ichamonae nedutsina naetotha tãpaenexa tsane, bapoxona daxita jiwi cana exanaein xua pomona peichichipaewa tsane xua tana nejume cowantsinexa, jei Jesús.

³³ Poxona Jesús baxua paeba jiwi yaputane exainchi xua Jesús pebexubiwa tsainchi poxona tãpaena. ³⁴ Bapoxona barapo jiwi Jesús tsipaebatsi. Jesús jeichichi:

—Paxan pajume tan xua poxona wamonae yoroba Moisés pia peitorobi coyenewatha pocotsiwa baxota jeye: ‘Bara Mesías ataya asu poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa naetotha tãpaena? ¿Jintam metha pon Nacom Peitapetsin? jei barapomona.

³⁵ Nexata Jesús tsipaeba barapomona xua nacaunuta, jeye:

—Saya caeto pana netaneme pon paca yaputane exainchi. Beta pajinompame tapaca yawenaexae tsainchi, icha paichim xua beta pajinompame poxona xometo paca yawena xua beta pajinompame mataqueitha. Pana nejume cowunde poxona cataunxuae po cae pin nacuathe poponanje. Matautano poxona cataunxuae paca itacupa xua pata tanejume cowantsiwam. Jopa abe paexanaeinde xua poxoru poxona jopa pata tanejume cowantsixaemxae. Tsipei bara jãtiya ichi, poxona jiwi abe exana be poxona pomona pona ichaxota quirei. Jopa beta ponaeyo tsipei jopa xeinaeyo pecoicha. ³⁶ Pana nejume cowunde poxona cataunxuae po cae pin nacuathe poponanje. Bapoxona paxam tajimona pam tsane, jei Jesús.

Poxona baxua Jesús najume weta, barapo jiwi weya natsixitaba yawa wepu aichurucuae.

Meje yabara poxona Jesús yabara paeba xua eta xua metha pinae Jesús jopa jume cowantichi judiomona

³⁷ Bequein Jesús matowa exana pia pexeinya petsita itãtsi coyenewan barapomona peitãtha tatsi, daichitha pinmonae barapomona jopa Jesús yabara jume cui cowantichi po coyene xua Jesús bara bapon Mesías pon Nacom itorobica. ³⁸ Baxua exana xua nayabara jume cui weta po coyene bayatha pon Nacom peitorobi jume pepaebin Isaías wãnae tsiwanaya yabara jei:

“Pon jiwi Necanamataxeinaein barapomona jopa jume cowantsiyo xua pacuiduban bequein barapomona tane matowa poxona paexanan Nacom pia peayapusãwatha”, jei Isaías.

³⁹ Barapomona jopa jume cowantsiyo, tsipei Isaías equeicha jei:

⁴⁰ “Nacom cana exana xua barapomona jopa beta xapain naita cui coyene yaputaeyo. Matautano Nacom cana exana xua jopa pejume cowantsiwa pejuntu coyene wetsina. Barapomona be natsicotane peitata nacãtsi jiwi, tsipei jopa beyaputaeyo, xua icha juntu coyene pexeinaewanexa. Matautano jopa ichipaeyo xua peyabara jume cowantsiwa po coyene xua Nacom itacãpatsi

xua pejunta coyene xanepana peexanaewa”,
 jei Isaías pejume diwesitha.

⁴¹ Daxita baxuan Isaías paeba xua Jesús yabara paebatsi. Isaías caena bayatha tane poxona eca Mesías pia pexeinya pia peitapanae peecaewatha. Daxota Isaías yabara paeba, Mesías yabara paebatsi xua pocotsiwa bayatha petaexae.

⁴² Bequein daxita judiomonae Jesús jopa jume cowantichi, daichitha ichamonae judiomonae Jesús jume cowantatsi. Matautano ichamonae judiomonae xua pomonae judiomonae pia pentacaponae wi tatsi Jesús jume cowantatsi. Ichitha daxita barapomonae jopa Jesús yabara paebichi jiwi peitatha tatsi tsipei fariseomonae cunuwatsi. Tsipei icha barapomonae Jesús yabara paebichipatsi, metha barapomonae itawetsipatsi judiomonae pia penacaetutsi bon tatsi weya, xua fariseomonae itawetsipa. ⁴³ Tsipei barapo Jesús pia pejume cowantsiwichi pijunuwi daxota itapeta jume naitaewata xua jiwi jei: “Jopa Jesús payabara paebinde”, jei jiwi. Barapomonae pomonae Jesús pejume cowantsiwichi baxua itapeta jume naitaewata beyacaincha xua poxona bequein Nacom cui itoroba.

Meje yabara xua po jume Jesús paeba barapo jumetha jiwi yabara paebinchi xua penatsicuentiwa xua abe peexanaexae

⁴⁴ Equeicha Jesús jume daunweya jeye: “Pon nejume cowanta meisa jopa nejume cowantsi tsane, jame Taxa jume cowantsinchino pon tana neitorobixae. ⁴⁵ Pomonae xua neyaputane barapomonae barichi Taxa yaputainchi. ⁴⁶ Xan pon yabara yaputane paca cana exainchi Nacom. Patopeican po cae pin nacuathe xua pomonae tana nejume cowantsiwi jopa penantawenon-aenexa xua pejinompaewa poxona jopa Nacom yabara yaputaetsi. ⁴⁷ Pon bequein jume tane tajume diwesi xuano xua icha bequein jopa exanaeyo tana nejume taewatha pocotsiwa itoroban, bapon jopa yabara paebin tsane xua penatsicuentiwa xua abe peexanaexae Nacomtha. Tsipei apara jopa baxua tsipatopaeinyo xua tacoya barapocotsi jiwimonae tayabara paebinexa xua penatsicuentiwa xua abe peexanaexae Nacomtha. Jame apara tsipatopan xua jiwi u tacapanenebiyaenexa tsane. ⁴⁸ Pon jopa tsita ainya cuichi xua jopa tsita ainya cuinyo, xuano xua icha jopa jume cowantsiyo pocotsiwa paeban po jume aunxuae paeban, bapon barapo jumetha yabara paebinchi xua penatsicuentiwa xua abe peexanaexae poxona po mataqueitha nacia weraweracaena. ⁴⁹ Tsipei xan jopa paebinyo pocotsiwa tacoutha taichichipaewa. Saya apara baxua daxita exanan pocotsiwa Taxa neitoroba pocotsiwa bewa paebin xuano xua pocotsiwa bewa jiwi cuidubin. ⁵⁰ Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajuntayapusawa, po peajuntayapusawa ataya tsiteca. Daxota pocotsiwa paca tsipaebatsi apara xua Taxa bayatha tana neitorobixae”, jei Jesús.

13

Meje yabara poxona Jesús pijimonae taxu matawane meratha

¹ Barapoxonaer u bara barapo matakabi tsuxubi, po matakabi tsiwanaya mata carucua xua Pascua w n matakabin. Jesús yaputane xua bara nama imoxoyo bara po matakabi tatsoponaetsiba, po mataqueitha Jesús cuenta ponaena po cae pin nacue xua Paxa beicha peponaewa tsane. Jesús antobe tsaibi pia pejume cowantsiwichi pomonae xua tajinompatsi po cae pin nacuathe. Nama imoxoyo Jesús exana xua pocotsiwa jiwi yaputane xua Jesús jopa juniya antobeyo pomonae pia pejume cowantsiwichi.

2-4 Judas, pon Simón Iscariote pexanto tatsi, bapon cui itorobatsi caurimonae pia pentacaponaein tatsi xua Jesús pecaenaetsinexatsi ichamon-aetha. Jesús yaputane xua bayatha Paxa wetsica pona. Matautano xua equeicha Paxa beicha patopaena xuano xua Paxa catatsi daxita pia peayapusa itorobi coyenewa. Baxua bequein xeina, daichitha poxonae pijimonae baru eca pexaethopaewatha asiya uncuataba. Yawa paparuwa nama jonta, po paparuwa matha weruya. Yawa icha paparuwatha naepa cuta. ⁵ Bapoxonae Jesús mera epata corototha. Bapoxonae pijimonae taxu matawaepona meratha. Yawa paparuwatha taxu tsewa exana po paparuwatha naepa cuta.

⁶ Poxonae Jesús Simón Pedro muxu petaxu matawaetsi, Simón jeye:

—Tanecanamataxeinaem, ¿eta pocotsiwa metha iru jinya netaxu matawaetsi? jei Simón Pedro.

⁷ Jesús jume barai, jeye:

—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

⁸ Ichitha equeicha Simón Pedro jume barai, jeye:

—Bapana jopa netaxu matawaem tsane, jei Simón Pedro.

Jesús jume barai, jeye:

—Icha jopa cataxu matawaetsipaetsi meratha nexata jopa tajimonae jitom tsipaem, jei Jesús.

⁹ Simón Pedro jume barai, jeye:

—Tanecanamataxeinaem, meisa jopa netaxu matawaeinde, jame yawa necobe matawaema, yawa nentasipa matawaema, jei Simón Pedro.

¹⁰ Jesús jume barai, jeye:

—Pon xua anoxuae nowaexuba, bapon equeicha jopa nantawenonaeyo xua pia pepon matawaeinchi, saya jame meisa petaxu. Paxam pejuntu coyene xeicae jiwi pam, saya caein jiwana pam jopa daichiyo, jei Jesús.

¹¹ Jesús jeye: “Paxam pejuntu coyene xeicae jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonae Jesús pijimonae tatsi, bapon Jesús caenaetinchi.

¹² Poxonae Jesús nacobe weta xua pijimonae taxu matawane meratha equeicha paparuwa nama xatata po paparuwa copiya nama xuenaxuba. Bapoxonae equeicha econeca pexaethopaewatha. Yawa pijimonae barai, jeye:

—¿Bara payaputaneme xuaunxuae pacata exanatsi? ¹³ Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamataxeinaein’, pana neyabara jam. Bara xainyeya pana neyabara jam baxua, tsipei apara xan bapon. ¹⁴ Icha xan painya Tapacacuidubinchi xuano xua painya Tapacacanamataxeinaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha. ¹⁵ Baxua paca tsita exainchi xua painya bara paichinexam tsane ichaunxuae ichin. ¹⁶ Xaniyan paca tsipaebatsi. Pon ba tanacuita bapon jopa ainya cuiyo. Jame bapon pia pentacaponaein tatsi yatsicaya ainya cui beyacaincha pon tanacuita. Pon ba itorobatsi jopa ainya cuiyo. Jame pon peitorobixae bapon ainya cui. ¹⁷ Icha baxua payaputaneme yawa icha baxua paexanaenameno bapoxonae pejuntu coyene weiweinae jiwi pam tsane.

¹⁸ “Apara jopa daxita paca yabara paebichi xua pejuntu coyene weiweinae jiwi pam tsane, tsipei caein jiwana pam jopa daichiyo. Xan paca juntu coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwuna yabara paeba pejume

diwesitha. Nacom jeye: ‘Pon bar_u xan, pon itara mexeya tajiton, bapon equeicha caewa tana neaitafaetabi jiton naexana’, jei Nacom Pejume Diwesitha. ¹⁹ Baxua pew_unaeya paca tsipaebatsi xua poxonae necana exanaena pon equeicha caewa tana neaitafaetabi jiton naexana. Bapoxonae painya yabara tana nejume cow_untsineexam tsane xua xan bapon apar_un xua ponxaein paca tsipaebatsi. ²⁰ Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa weyataya waba barapara Nacom matenta weyataya wabatsi, pon tana neitorobixae”, jei Jesús.

Meje yabara poxonae Jesús jeye: “Judas necaenaetsina ichamonaetha”, jei (Mt 26.20-25; Mr 14.17-21; Lc 22.21-23)

²¹ Poxonae baxua Jesús najume weta, bapoxonae bichocono anth_uth_urewewe tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caein jiwana pam bapon necaenaetsina ichamonaetha, jei Jesús pijimonaetha.

²² Nexata Jesús pijimonaetha tatsi naitabara taer_uc_upa, nantiya najeye: “¿Jintam metha bepa Jesús caenaetichi?” najei. Ichitha barapomonaetha jopa yaputaeyo xua Jesús yabara jei pon. ²³ Caein Jesús pijimonaetha tatsi jiwana, pon bichocono Jesús antobe, bapon Jesús imoxoyo bar_u xunaeca, barapo pexaethopaewatha. ²⁴ Simón Pedro pecobetha moya jume itoroba jeye: “Jesús yainyabare: ‘¿Jintam yabara paebame?’ jande”, jei Simón Pedro xua jume itorobatsi pon Jesús imoxoyo caquita ecatsi. ²⁵ Bapoxonae Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ¿jintam cacaenaetsina? jei.

²⁶ Jesús jume nota, bapon jume notatsi, jeye:

—Pan p_ur_uwiyo tha atatsica exanaetsi. Pon catan barapo pan p_ur_uwiyo, bapon apara pon necaenaetsina ichamonaetha, jei Jesús pontha pon peyainyabixaetsi.

Poxonae Jesús pan p_ur_uwiyo atatsica exana, bapoxonae Jesús cata, Judas catatsi pon Simón Iscariote pexanto tatsi. ²⁷ Poxonae Judas barapo pan Jesús wecobe pitatsi, bapoxonae caena nainya Judas j_unt_u coyene itorobatsi Satanás caurimonaetha pia pentacaponaein tatsi xua Jesús pecaenaetsiwa tsainchi. Bapoxonae Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

²⁸ Daxita barapomonaetha pomonaetha Jesús pijimonaetha tatsi, pomonaetha pebar_u xunaecaexae, jopa xapain yaputaeyo pocotsiwa Jesús itoroba, xua Judas itorobatsi. ²⁹ Tsipei bapon Judas paratixi dor_u capopona, daxota Jesús pijimonaetha tatsi nanta xeina xua mexeya itara Jesús itorobawejei xua pia tacomotichi pexaewa penabanaetha coyenewa nexa. Yawa nanta xeina xua mexeya itara Jesús itorobawejei xua Judas paratixi pecatsinexa peacopeibi jiwitha. ³⁰ Poxonae Judas Jesús wecobe pitatsi pan p_ur_uwiyo, bapoxonae Judas ponataba. Ir_u bapoxonae quirei tsanaichar_u.

Meje yabara poxonae Jesús yabara cuiduba jiwi pena peitorobi coyenewa

³¹ Nexata poxonae Judas pontaba Jesús pijimonaetha barai, jeye:

—Imoxoyo nama paca tsita it_utsinchi taayapus_uya itorobiya coyenewa xua xan apara bara ponxaein Nacom Tananeitapetsin. Barichino paca tsita it_utsinchi Nacom pia peayapus_u itorobi coyenewa tatsi. ³² Icha xan ponxaein Nacom Tananeitapetsin, icha paca tsita it_utatsi Nacom pia peayapus_u itorobi coyenewa, nexata Nacom xuya nainya paca tsita it_utsina taayapus_u itorobi coyenewa xua xan apara bara ponxaein Nacom Tananeitapetsin.

³³ Pomonae be tapexui tapaca canatsicotaewichi pam, bara nama saya caeto paca baru poponaeinchi. Icha ichin xua caena bayatha xua judiomonae tsipaeban, bara paca jumichichi anoxuae: ‘Jopa paca itacupaes tsane xua pana nepuna ponaename ichaxota taponaeawa tsane’, paca jeichi. ³⁴ Barapo pena itorobi coyenewe paca cuidubatsi, xua janje: ‘Nantiya pana naantobeinde, icha paca ichichi xua paca antobetsi. Bewa bara paichim tsane xua nantiya pana naantobem tsane’, jan. ³⁵ Icha paxam nantiya pana naantobem tsurubenanaebiyam tsane, daxita jiwi paca cui yaputaena xua paxam bara apara tana nejume cowantsi jiwi pam, jei Jesús.

Meje yabara poxonae Jesús namchi xua Pedro jei tsane: “Jopa dapon yaitaeinyo”, pinae yabara jei tsainchi Jesús

(Mt 26.31-35; Mr 14.27-31; Lc 22.31-34)

³⁶ Simón Pedro Jesús yainyabatsi, Pedro jeye:

—Tanecanamataxeinaem, ¿jinya exota ponaetsi? jei Simón Pedro.

Jesús jume nota, jeye:

—Anoxuae jopa caitacupaeyo xua tana nepuna ponaewam ichaxota ponaein. Ichitha bexa tsane caitacupaena xua tana nepuna ponaewam ichaxota ponaein, jei Jesús.

³⁷ Nexata Simón Pedro jume barai, jeye:

—Tanecanamataxeinaem, ¿eta xua metha baxua paebame xua anoxuae jopa neitacupaeyo xua tacapuna ponaewatsi ichaxota poname? ¡Ichitha xan bara copatan xua jiwi tana nebexubinexa tacapuna ponaenexatsi! jei Pedro.

³⁸ Jesús jume barai, jeye:

—¿Bara xaniwaicha xua xam bara copatame xua jiwi necabexubinexa tana nepuna ponaenexam? Jume, apara xaniyan catsipaebatsi barapo merawithe acoibi po jumeyobebe neyabara jam tsane: ‘Jopa dapon yaitaeinyo’, neyabara jam tsane. Bapoxonae iruru wacara pebto fibina, jei Jesús.

14

Meje yabara poxonae Jesús jeye: “Xan apara pon jiwi matacaponan Taxa beicha”, jei Jesús

¹ Equeicha Jesús pijimonae barai, jeye: “Jopa yabara nantu exabinde ichawan. Pana neyabara jume cowanteibare yawano Taxa payabara jume cowanteibareno. ² Taxa pia nacua beicha bon nawita ichaxota jiwi pejinompaewa. Icha bon ajibi tsipae, metha bayatha jopa paca tsipaebichipaetsi, daxota apara paeban tsipei xainyan. Daxota paca tsiwanaeya pacata tutu wunaetinchi bara po bon. ³ Poxonae wetan xua Taxa beicha taponaeawa xuano xua icha nacobe wetan xua bon paca tsiwanaeya tutu wunaetatsi, bapoxonae equeicha patopeicaein. Paca caponaeinchi ichaxoteicha xua taroponaewa tsane. ⁴ Paxam payaputaneme ichaxota ponaein. Daxota payaputanemeno po coyeneya xua painya nepatsiwa tsane baxota”, jei Jesús.

⁵ Tomás jeye Jesustha:

—Patatanecanamataxeinaem, jopa payaputaeyo po nacua beya ichaxota ponaename. Tsipei baxua jopa payaputaeyo, daxota jopa pana neitacupaeyo xua pata ponaewa po nacua beya ichaxota xam ponaename, jei Tomás.

⁶ Jesús jume nota, jeye:

—Xan apara pon jiwi tamatacaponaein Taxa beicha. Matautano xan pon xainyeya tapaebin. Matautano xan apara pon jiwi tacatsin peajuntayapusawa, po peajuntayapusawa ataya tsiteca. Saya meisa xan ba jiwi yawenan xua pepatsiwa Taxa beicha. ⁷ Icha paxam pana

neyaputaneme bara paichim Taxa payaputaneme. Daxota anoxuae nama Taxa payaputaneme yawano patanemeno tsipei paxam pana netaneme, jei Jesús.

⁸ Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonae jantema pata jinompaewa tsane, jei Felipe.

⁹ Jesús Felipe jume notatsi. Jesús jeye:

—Felipe, bara bayatha cabar_u popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam. ¹⁰ ¿Eta xua metha jopa jume cowantsim xua bara Taxa neyanta xua bara ir_u Taxa yantand_u? Daxita pocotsiwan paca tsipaebatsi apara jopa paebinyo pocotsiwa tacoutha ichichipan. Apará Taxa pon neyantsiya popona baxua apara exana pocotsiwa xua exanan. ¹¹ Pajume cowunde xua Taxa neyanta popona, xua Taxa ir_u yanta poponan xua daxota Taxa be caein panbe. Icha jopa paca itacupaeyo xua pana nejume cowuntame pocotsiwa yabara paca tsipaebatsi Taxa, moya pana necui yabara jume cowunde xua bayatha exanan pexeinya tatsita it_utsi coyenewan. Baxuan jiwi tsita it_uban xua bara xainyei xua Taxa neyanta popona xua daxota Taxa be caeinbe panbe. ¹² Xaniyan paca tsipaebatsi, pon nejume cowanta, bapon ir_u exanaena pocotsiwa exanan. Matautano equeicha ichawan mataropeicha exanaena pewnaewan beyacaincha xua pocotsiwa exanan. Tsipei xan ponaein Taxa beicha. ¹³ Daxita pocotsiwan pana new_un caununaya w_ucame Taxa beicha, bara baxua exanaein, tapaca catsita it_utsinexatsi Taxa pia peayapus_u itorobi coyenewa tatsi. ¹⁴ Bara pacata exanaeinchi poxonae pana new_un caununaya w_ucame Taxa beicha, jei Jesús.

Meje yabara poxonae Jesús tsiw_unaeya paeba xua bexa Nacom najumope t_unax_u itorobina jiwitha

¹⁵ Equeicha Jesús barai pijimona, jeye: “Icha pana neantobem, moya paexande taitorobi coyenewan. ¹⁶ Icha baxua paexanaename tha bapoxonae Taxa w_ucaetsi jan tsane: ‘Axa, ich_un itorobare xua barapomona peyawenaenexatsi’, jan tsane. Bapoxonae Taxa pacata itorobina pon ataya paca yantsiya poponeibina. ¹⁷ Pon Nacom itorobina, apara bapon bara pia Pejumope t_unax_u tatsi, po Pejumope t_unax_u tatsi paca yaputane exana xua bara xainyei xua pocotsiwa Nacom yabara. Ichitha pomona jopa nejume cowantsiyo, barapomona jopa yaputaeyo Nacom pia Pejumope t_unax_u tatsi. Daxota barapo Nacom pia Pejumope t_unax_u tatsi jopa itacupaetsi xua barapomona peyantsiya jinompaewatsi. Daichitha payaputaename barapo Nacom pia Pejumope t_unax_u tatsi tsipei pacata patopaena yawano ataya paca yantsiya poponaena”, jei Jesús.

¹⁸ Equeicha Jesús barai pijimona, jeye: “Jopa paca punapentsi tsainchi. Equeicha caibe patopeicaein xua tapaca bar_u poponaewatsi tsainchi. ¹⁹ Bara caeto jiwi jopa netae tsane pomona jopa tana nejume cowantsiwi. Ichitha paxam pana netaename. Paxam equeicha as_u pajinompaename tsipei xan equeicha as_u poponaein. ²⁰ Barapo mataqueitha poxonae Nacom pia Pejumope t_unax_u tatsi patopeicaena, payaputaename xua xan Taxa be caein pana naexananbe ir_u xua paxam be caein pana necana exaname ir_u xua xan be caein paca cana exanatsi. ²¹ Pon yaputane taitorobi coyenewan xuano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa antobe tsane bapon,

pon neantobe. Xan barichin antobein tsane bapon. Matautano yaputane exanaein xua bara bapon baru poponan”, jei Jesús.

²² Iru Judas pon seicaya ichandu, pon Judas Iscariote aibi, barapo Judas Jesús tsipaebatsi, Jesús jeichichi:

—Patatanecanamataxeinaem, zeta xua jinya meisa pana neyaputane exanaetsi xua bara pana nebaru jinompame xua jopa daichim pomonaetha pomonae jopa cajume cowantsiyo? jei Judas.

²³ Jesús Judas jume notatsi, jeye:

—Pon neantobe bapon exana pocotsiwa itoroban. Bapoxonae Taxa antobe tsane bapon. Xan iruru Taxa pon caein panxaeinbe papatopaeinbe bapontha pata yantsinexa bapon. ²⁴ Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa nata paebinyo. Apara baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

²⁵ Equeicha Jesús pijimona barai, jeye: “Daxita baxuan paca tsipaebatsi poxonae cataunxuae paca baru popoinchi anoxuae. ²⁶ Inta paxam pacata Nacom najumope tanaxu itorobina. Barapo Nacom pia Pejumope tanaxu tatsi paca yawenaena. Matautano paca cuidubina xua pexainyeiwa xua Nacom yabara. Matautano barapo Nacom pia Pejumope tanaxu tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

²⁷ “Poxonae paca cuenta ponaeinchi juntea jinompa paca cana exanaeinchi. Paca catinchi po coyene juntea tapoponae coyenewa. Barapo juntea tapoponae coyenewa jopa bara be juta ichiyo xua jiwi barompaya juntea pia pejinompae coyenewa tatsi. Jopa yabara pana najuntu exabinde ichawan. Matauta jopa junuwiya pajinompaeinde. ²⁸ Bayatha pana nejume taneme xua ponaein jan xuano xua equeicha patopeicaein paxamtha xua paca baru poponaeinchi jan. Icha xaniwaicha pana neantobem tsipaem metha pajuntu coyene weiweinaetsipame xua taponae Taxa beicha. Tsipei Taxa bichocono ainya cui, beyacaincha xua xan poxonae cataunxuae poponan po cae pin nacuathe. ²⁹ Baxua paca tsipaebatsi xua tsiwuna paeban painya tana nejume cowantsinexam tsane poxonae xaniwaicha baxua tsane.

³⁰ “Nama imoxoyo jopa neitacupaeyo xua equeicha caeto tapaca tsipaebiwa tsainchi, tsipei nama imoxoyo patopaenaba pon jiwi juntu coyene itorobeibatsi po jiwitha jopa tana nejume cowantsiwi. Ichitha bapon jopa xeinaeyo peyapusu itorobi coyenewa xua tana neitorobiwa tsane. ³¹ Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“¡Panonoba ponde! Weye poinchi”, jei Jesús pijimonaetha.

15

Meje yabara poxonae Jesús yabara paeba uva unboto xua pepa unboto

¹ Equeicha Jesús jeye: “Icha pepa unboto ichi xua petabu opina wejujuina mene xua uva thei penacoichinexa, xan bara pocotsi juta coyeneya cana ichin jiwi. Jiwi ajuntucoyenyapusuya cana exanan pomonae tana nejume cowantsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara juta coyeneya ichi. Taxa yawena pomonae tana nejume cowantsiwi, pomonae xanepanaya inta pejinompaewi. ² Uva pabi pexeinaein daxita ucuboba po maxuranaan xua jopa nacoichiyo. Bapoxonae daxita barapo pemaxuranaan po maxuranaan

xua dubena xanepanaya nacoita beyacaincha xua copiya poxonae nacoita. Taxa barapocotsi j̄ta coyeneya exana. Taxa itaweta pomonae bequein nejume cow̄anta ichitha jopa beta jinompaeyo xan nexa. Barichi pomonae bequein nejume cow̄anta ichitha saya tsiwiyo exana pocotsiwa itoroban, Taxa atene cana exana xua barapomonae atene, xua daxota barapomonae beta exanaena pocotsiwa itoroban. ³ Paj̄nt̄ coyene w̄naem painya tana nejume cow̄antsixaemxae xua bayatha po jume diwesi tapaca tsipaebix-aetsi. ⁴ Pana necayawa jinompeibare icha ichin xua ataya paca cayawa poponeibinchi. Uva ̄nboto max̄ranawa ba poxonae iratha max̄rana boca jopa ba pipatotha matono xuwouncuaeyo xua pethei perubenaenexa. Bara j̄ta coyeneya paichim. Icha jopa pana necayawa jinompaem, jopa paxeinaem tsane xua po coyene pexeinya peaj̄nt̄yapusu coyenewa.

⁵ “Icha pepa uva ̄nboto ichi xua xeina pemax̄ranawan, bara j̄ta coyeneya ichin. Xeinan pomonae tana nejume cow̄antsi jiwi pam. Pepa uva ̄nboto nacoita exana nawita pethei pemax̄ranawantha tsipei poxoru pemax̄ranawan dubena pepa uva ̄nbototha tsica. Bara j̄tiya ichi icha pana necayawa jinompame bapoxonae bichocono paca j̄nt̄ coyene xanepana exanaeinchi. Daxota icha pana nepentsiya jinompame jopa paca itac̄paetsipae xua paexaname pocotsiwa xua Nacom ichichipa. ⁶ Pon jopa necayawa poponaeyo bapon Taxa itawetsina, icha xua uva pabi pexeinaein ichi. Bapon pet̄pae max̄ranawan nota xua bayatha ucobobeba yawa bapoxonae isotototha bebeya petautsinexa.

⁷ “Icha pana necayawa jinompaename yawa icha jopa paj̄nt̄emainaem tsane pocotsiwa bayatha paca cuidubatsi, bapoxonae pocotsiwa pana new̄caename bara baxua pacata exanaeinchi. ⁸ Jiwi Taxa bar̄ cui itura jinatsi poxonae paca tane xua betiya xanepanaya pajinompame painya neexanaexae pocotsiwa Taxa paca itoroba. Yawa Taxa bar̄ cui itura jinatsi tsipei barapomonae paca cui yaputane xua paxam barapara pepa tamonae jiwi pam. ⁹ Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonae tapana nejume cow̄antsi jiwi pam. ¹⁰ Paexanaponde pocotsiwa paca itorobatsi, bapoxonae bichocono tsitecaeya paca antobe tsoponae tsainchi, icha xan ichin xua poxonae exanan pocotsiwa Taxa neitoroba xua daxota ataya tsitecaeya neantobe tsoponae.

¹¹ “Baxuan paca tsipaebatsi xua paca j̄nt̄ coyene xanepana exanaeinchi xua bapoxonae bichocono paj̄nt̄ coyene weiweinaename. ¹² Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan. ¹³ Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonae peantobexae pia jiton yaitataba xua pebexubinexatsi xua pia jiton tatsi jopa bepetabexubiwa tsainchi. ¹⁴ Paxam apara tajiwimonae pam, icha paexanaponaename pocotsiwa xua tapaca itorobiwatsi. ¹⁵ Anoxuae jopa bepaca caunutichi xua paxam pomonae inta amanaya penacuichiwi pam. Nama po cae pin nacuathe pomonae petanacuichiwi jopa yabara yaputaeyo pocotsiwa exana pomonae pia pecanamataxeinaewichi tsipei jopa baxua yabara paebiyo. Ichitha paca caunutatsi xua paxam apara tajiwimonae pam, tsipei nama xan paca cana exainchi xua payabara yaputaneme daxita pocotsiwan xuan Taxa necui itoroba. ¹⁶ Apara jopa pana neitapetsim. Jame apara paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua jopa peweraweracaewa tsane pocotsiwan painta exanaename. Bapoxonae Taxa bara pacata exanaena poxonae Taxa beicha

pawꞥcame poxonae pana nebuꞥna bobenouname. ¹⁷ Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

Meje yabara poxonae Jesús jeye: “Jiwi necaseba, irꞥ paca caseba”, jei Jesús

¹⁸ Equeicha Jesús jeye: “Pomonae jopa nejume cowꞥntsiyo icha barapomonae paca caseba pananta xeinare xua barapomonae copiya necaseba daxota paca casebarꞥ. ¹⁹ Icha paxam pomonae jopa pata tana nejume cowꞥntsiwi jiwana pam tsipaem, bapoxonae pomonae necaseba paca antobe tsipae icha ichi xua barompaya antobe pijimonae. Pomonae xote jinompe, pomonae jopa tana nejume cowꞥntsiwi, barapomonae pexantha tatsi paca itapetatsi daxota barapomonae paca caseba. Tsipei anoxuae paxam jopa barapomonae jiwana pam. ²⁰ Pana nejume cayabara nanta xeinare xua bayatha paca tsipaebatsi xua janje: ‘Pon ba tanacuita ichꞥn, bapon jopa ainya cuiyo, jame pia pentacaponaein tatsi ainya cui pon peitorobixaetsi’, paca jeichi. Tsipei jiwi inta abe exana daxota irꞥ pacata abe exana. Jiwi jopa jume cowꞥntsiyo tacuidubiwa. Barichi jopa jume cowꞥntsiyo painya necuidubiwa. ²¹ Daxita baxuan jiwi paca cana exanaena xua painya neexanaexae pocotsiwa paca itorobatsi tsipei jopa yaputaetsi pon neitoroba pon Taxaxae.

²² “Icha jopa patopaeinchipae po cae pin nacuathe, xuano xua icha jopa cuidubinchipae barapomonaetha, barapomonae jopa natsicuentcipae xua abe peexanaexae tsipei jopa yaputaetsipae xua abe exana. Ichitha anoxuae jopa itacꞥpaetsi xua pejeiwa: ‘Jopa payaputaeyinyo xua abe paexanan’, xua pejeiwa, tsipei patopan yawa cuiduban barapomonae. ²³ Pomonae xua necaseba, barapomonae irꞥ Taxa casebatsi. ²⁴ Barapomonae tane xua xan exanan pocotsiwa ichꞥn jopa itacꞥpaetsi xua peexanaewa. Icha barapomonae jopa bayatha necui taetsipae xua exanan jopa natsicuentcipae xua abe peexanaexae jopa peyaputaexae tsipae xua abe exana. Ichitha barapomonae bara xaniwaicha necui tane xua exanan. Matautano yaputane xua abe exana. Daxota barapomonae necaseba irꞥ daxota Taxa casebatsi. ²⁵ Ichitha baxua bewa neyabara jume cui wetsina tsipei Moisés pia peitorobi coyenewatha neyabara tsiwꞥnaeya jeye: ‘Barapomonae necaseba poxoru saya apatsi’, jei barapo Moisés pia peitorobi coyenewatha.

²⁶ “Itorobin Nacom pia Pejumope tꞥnaxꞥ tatsi xua po pejumope tꞥnaxꞥ Taxa werena pona, po pejumope tꞥnaxꞥ paca yawenaena po pejumope xainyeya pepaebin. Barapo pejumope tꞥnaxꞥ neyabara paebina poxonae bapon patopeicaena. ²⁷ Paxam bara paichim tsane ichamonaetha pana neyabara paebiname. Tsipei poxonae aena tamropata pitaban tanacuichiwa barapo cae pin nacuathe, bapoxonae caena bayatha pana nebarꞥ jinompame”, jei Jesús pijimonaetha.

16

¹ Equeicha Jesús barai pijimonae, jeye: “Baxua paca tsipaebatsi xua jopa painya nebarapentsiwa tsane xua tapanane nejume cowꞥntsiwam poxonae jiwi abe pacata exanaena. ² Paca itawetsina judiomonae pia penacaetutsi bon weya. Po mataqueitha poxonae jiwi paca jutebina, barapo jiwi catsawiyana nanta xeinaena xua Nacom pecui itorobixae xua daxota painya paca necajutebiwa tsane. ³ Barapo jiwi baxua pacata exanaena, tsipei jopa neyaputaeyo matauta Taxa tsipei jopa yaputaetsi. ⁴ Baraxua paca tsipaebatsi xua painya tana necayabara jume cananta xeinaewam tsane poxonae barapo matakabi tsane poxonae po mataqueitha jiwi abe pacata exanaena.

Meje yabara po coyene xua Nacom pia Pejumope tꞥnaxꞥ tatsi exana

“Poxonae aena tamropata pitaban tanacuichiwa baraxua jopa paca tsipaebichi tsipei paca baru popoinchi. ⁵ Ichitha nama anoxuae baxua paca tsipaebatsi tsipei ponaein, xua Taxa beicha taecaewa tsane pon tana neitorobixae. Dapon aibi paxam jiwana pam pon neyainyaba xua nejei: ‘¿Eta xota ponaename?’ pon nejei, tsipei daxita pam bara pana neyaputaneme xua xota taponaeawa. ⁶ Nama anoxuae bichocono panthathu wecoyam tapaca tsipaebixaetsi baxua. ⁷ Ichitha bara yatsicaya xainyeya paca tsipaebatsi. Baxua pacata wuna xua taponaeawa tsipei icha jopa ponaeinchipae, jopa neitacupaetsipae xua taitorobiwa Nacom pia Pejumope tñaxu tatsi xua painya nepaca cayawenaenexa. Icha ponaein barapo jumope pacata itorobinchi. ⁸ Poxonae Nacom pia Pejumope tñaxu tatsi patopeicaena, jiwi yabara yaputane cana exanaeinchi pocotsiwa daxita jiwi abe peexanae cuiru coyenein exana. Matautano barapo Nacom pia Pejumope tñaxu tatsi jiwi yaputane cana exanaeinchi xua xan saya xanepanaya Nacom tayabara paebin. Matautano barapo Nacom pia Pejumope tñaxu tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentisiwa xua abe peexanaexae. ⁹ Poxonae barapomona abe peexanae cuiru coyene exana baxua tsita itapeinya xeina xua barapomona jopa tana nejume cowuntsiwi. ¹⁰ Matautano jiwi yaputane cana exanaeinchi xua xan saya xanepanaya Nacom tayabara paebin, tsipei Taxa beicha ponaein yawa paxam jopa equeicha pana netaem tsane. ¹¹ Matauta barapo Nacom pia Pejumope tñaxu tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentisiwa xua abe peexanaexae. Tsipei caena bayatha bapocotsiwa exana caurimonae pia pentacaponaeintha, pon jiwi juntu coyene itorobatsi barapo cae pin nacuathe xua abe peexanaenexa. Matautano Nacom bapontha cana exanaena xua bexa bapon weraweracaena.

¹² “Ichawa bequein xeinan xua tapaca tsipaebiwatsi ichitha anoxuae jopa paca itacupaeyo xua painya neyaputaewa tsipei jopa paca coyene cupaeyo. ¹³ Poxonae patopeicaena Nacom pia Pejumope tñaxu tatsi, barapo pejumope tñaxu paca tsipaebina daxita xua xuan pocotsiwa pexainyeiwa tsipei apara jopa paebi tsane xua pia coutha peichichipaewa. Saya paebina xua Nacom bayatha jume tainchi. Matautano barapo pejumope tñaxu yabara yaputane paca cana exanaena pocotsiwa bexa tsane exanaena po cae pin nacuathe tsique. ¹⁴ Barapo Pejumope tñaxu jiwi cana exanaeinchi xua jiwi wuna tana nejainchiwa tsane. Pocotsiwa xua paca tsipaebatsi, barapo pejumope tñaxu xuya yaputane paca exanaena. ¹⁵ Daxita xua Taxa pocotsiwa xeina iru apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope tñaxu xuya equeicha paca cuidubina’, paca jeichi.

¹⁶ “Caeto tsane jopa pana netaem tsane. Ichitha bexa tsane bapoxonae equeicha pana netaename. Bapoxonae pirapaeyo Taxa beicha ponaein”, jei Jesús pijimonaetha.

Meje yabara poxonae Jesús jeye: “Bequein copiya pawecoyam tsane ichitha bexa equeicha pajuntu coyene weiweinaename”, jei Jesús

¹⁷ Bapoxonae ichamonae pomona Jesús pijimona tatsi caemonae nayainyaba, najei:

—¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxonae equeicha pana

netaename. Bapoxonae pirapaeyo Taxa beicha ponaein', naca jei? ¹⁸ ¿Eta xua metha 'caeto tsane', jane? Jopa baxua yaputaetsi, najei.

¹⁹ Jesús pijimonae yaputane xua pijimonae juntucuru yainyabatsi. Daxota pijimonae barai, jeye:

—Xuaunxuae paca jeichi: 'Caeto tsane jopa pana netaem tsane. Ichitha becha tsane bapoxonae equeicha pana netaename', jan ¿baxua apara pana necayabara jume yainyabame? ²⁰ Xaniyan paca tsipaebatsi. Tacoutha paxam pawecoyam tsane yawano paanth_hth_hrewem tsane poxonae ir_hh_h j_hnt_h coyene weiweinaena pomonae jopa tana nejume cow_hntsi jiwi. Bequein caeto pawecoyam tsane ichitha equeicha paj_hnt_h coyene weiweinaename. ²¹ Poxonae yab_hyo b_hpana taecatsi pexuyo, poxonae imoxoyo naexanaena pexuyo, barowa bichocono wecoyei. Ichitha poxonae bayatha pexuyo naexana, bapoxonae barowa nacayabara j_hntemaina xua bayatha yaporowa papai xua peatenexae. Daxota barowa j_hnt_h coyene weiweina pexuyo bayatha penaexanaexae. ²² Bara j_hta coyeneya paichim tsane. Poxonae t_hpaein xua taponaenexa tsane, bequein pawecoyam tsane, ichitha panetaename poxonae as_hn tsane xua ponaein Taxa beicha. Yawa bapoxonae paj_hnt_h coyene weiweinaename. Dapon aibi pon barapo j_hnt_h weiweinae coyenewa paca j_hnt_h coyene wej_hntemaina cana exanaena.

²³ “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxonae Taxa beicha pana new_hn caununaya w_hcaename, bara baxua daxita pacata exanaena. Baxuan pocotsiwa paca tsipaebatsi bara xainyan. ²⁴ Caena bayatha xua beya anoxuae jopa pana new_hn caununaya w_hcaem Taxa beicha. Anoxuae nama pana new_hn caununaya w_hcaename Taxa beicha. Bara baxua pacata exanaena xua bichocono yatsicaya painya nej_hnt_h coyene weiweinaewa tsane”, jei Jesús pijimonaetha.

Meje yabara poxonae Jesús jeye: “Xan amanayabaxubin pon jiwi j_hnt_h coyene itorobatsi po cae pin nacuathe”, jei Jesús

²⁵ Equeicha Jesús barai pijimonae, jeye: “Pocotsiwan xua bayatha paca tsipaebatsi, bara paeban pecayabara j_hta pepaebi diwesixitha. Ichitha barapo matabi patopaena, po mataqueitha jopa paca tsipaebi tsainchi pecayabara j_hta pepaebi diwesixitha. Barapo mataqueitha bara Nacom yabara jume penthiya paca tsipaebinchi. ²⁶ Barapo mataqueitha pana new_hn caununaya w_hcaename Taxa beicha. Jopa paca tsipaebichi xua Taxatha tapacata w_hcaewa tsainchi tsipei apara bara painya coya paca itac_hpa. ²⁷ Taxa paca antobe pata tana neantobemxam yawa pata tana nejume yabara cow_hntsixaemxae xua xan bara yatsicaya Taxa wetsica ponan. ²⁸ Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin nacue cuenta ponan xua equeicha Taxa beicha taponaewa tsane”, jei Jesús pijimonaetha.

²⁹ Nexata Jesús pijimonaexae baraichichi, jeye:

—Anoxuae bara yatsicaya jume penthiya pana netsipaebame. Jopa paebim pecayabara j_hta pepaebi diwesixitha. ³⁰ Anoxuae payaputan po coyene xua bara daxita neyaputaewan. Mata_htano payaputan xua jopa pata nantawenonaewa xua paxan pata paca cayainyabiwatsi. Daxota pajume cow_hntan xua xam bara yatsicaewa Nacom wetsica neponaein, jeichichi Jesús pijimonae.

³¹ Jesús jume barai pijimonae, jeye:

—¡Anoxuae matapainya pana nejume cow_hntame! jei Jesús. ³² Bara nama imoxoyo matabi patopa, po mataqueitha tsana par_hc_hpaename poxonae

jiwi paca yotabina. Paxam pana necuentarucupaename. Daichitha xan jopa companyo tsane tsipei Taxa neyanta bayatha. ³³ Daxita baxuan paca tsipaebatsi painya nejuntũ coyene weiweinaenexam tsane tapanā necayawa jinompaexaem tsane. Poxonae cataunxuae pajinompaename po cae pin nacuathe jiwi paca atene exanaena poxonae abe paca cana exanaena. Daichitha jũntema pajinompare. Tsipei xan amanayabaxubin pon jiwi jũntũ coyene itorobatsi po cae pin nacuathe, jei Jesús pijimonaetha.

17

Meje yabara poxonae Jesús pijimonaē tawũca Paxatha

¹ Poxonae Jesús baxua najume weta xua pijimonaē tsipaeba, bapoxonae Jesús itaboco necoicha. Paxatha tsipaeba jeye: “Axa, aunxuae patopaena xua poxonae jiwi tsita itũtsiname xua xan, apara bara Nexanton, pon taainya cuin. Bapoxonae jiwi tsita itũtsin xua xam jinya neainya cuim. ² Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cowũntsiwi, barapo jiwi catsin peajũntũyapusuwa, po peajũntũyapusuwa ataya tsiteca. ³ Axa, yatsicaya compam xam Nacom, irũ xan Jesucriston compan ponxaein neitorobame po cae pin nacuathe tsique. Pomonaē nejume cowũnta irũ xuano cajume cowũntano, barapomonaē xeinaena peajũntũyapusuwa, po peajũntũyapusuwa ataya tsiteca.

⁴ “Po cae pin nacuathe exanan xua jiwi wũnae necajainchiwa. Bayatha wetan xua bayatha necui itorobame xua taexanaewa tsane. ⁵ Axa, anoxuae equeicha ainya cui neexande neitabaratha, icha matha neichim poxonae caena bayatha ainya cui neexaname neitabaratha poxonae nexantha poponan poxonae cataunxuae po cae pin nacue jopa forotsinyo.

⁶ “Pomonaē bayatha itapetame, pomonaē nejume cowũnta, barapomonaē yabara cuiduban xua xam cayabara paebatsi. Barapomonaē bara jinyamonaē yawa nepuna pona exaname. Barapomonaē bara xanepanaya exana xua pocotsiwa itorobame. ⁷ Pocotsiwan xua xan paeban xuano xua exanan, daxita baxuan exanan tana necatsimxae jinya pexeinya ayapusu itorobi coyenewa. Anoxuae daxita baxuan barapomonaē yaputane. ⁸ Pocotsiwan necuidubame xuya barapomonaē cuiduban. Daxita baxuan barapomonaē yabara nejume jejei. Barapomonaē yaputane xua xan bara yatsicaya xam wetsica ponan. Mataũtano yaputaneno xua xam tana neitorobiwam.

⁹ “Cawũcatsi barapomonaē nexa xua neyawenaewa tsane barapomonaē. Apara jopa yabara cawũcaetsi pomonaē jopa nejume cowũntsiyo xua neyawenaewa tsane. Saya jame yabara cawũcatsi pomonaē tana necatsixaemxae pomonaē jinyamonaexae. ¹⁰ Daxita pomonaē xua jinyamonaē apara tamonaerũ. Daxita irũrũ pomonaē xua tamonaē, apara jinyamonaerũ. Ichamonaē wũnaeya necayabara nanta xeina xua xan ainya cuin tsipei xanepanaya jinompa, pomonaē tana nejume cowũntsi jiwi.

¹¹ “Xan jopa poponaēin tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonaē jopa daichiyo, saya po cae pin nacuathe dubenanaebiyaena. Axa, xam ponxae bichocono nejũntũ coyene xanepanaein tsaibim. Pomonaē bayatha tana necatsixaemxae barapomonaē beberē jinya neayapusu neitorobi coyenewatha xua barapomonaē jopa pejũntũ coyene cui itorobinexa tsainchi xua abe peexanaewa tsane xua caurimonaē pia pentacaponaein tatsi jũntũ coyene cui itoroba. Bapoxonae barapomonaē be caein cana naexanaeinchibe waantobexaēbe barapomonaē icha ichichibe xua be caein

naexainchibe. ¹² Poxonae cataunxuae poponan po cae pin nacuathe, apara xan bebeteiban barapomonae jinya neayapusu neitorobi coyenewatha pomonae tana necatsixaemxae. Barapo tamonaexae beta bebetan yawa jopa copatsinyo xua ichun tana newepu aichurucuaewa, saya meisa caein nexubina barapomonae jiwana. Daxota bapon bewa tupaena tsipei bichocono peajuntucoyenyapubein. Bapon abe exana tsipei caena bayatha nejume diwesitha bapon yabara paebatsi po coyeneya xua bapon tana necana exanaewa tsane.

¹³ “Anoxuae xan ponan nexainya beicha ichaxoteicha ecame. Ichitha daxita baxuan paeban poxonae cataunxuae po cae pin nacuathe poponanje xua barapomonae bichocono pejuntu coyene weiweinaenexa, po pejuntu coyene weiweinaewa bayatha xeinan. ¹⁴ Nejume diwesi catan barapo tamona. Ichitha barapo tamona inta casebatsi ichamonae tsipei barapo jiwi po cae pin nacuathepiwi. Barapo tamona nama po cae pin nacuathepiwi aibi, icha ichin xua xan po cae pin nacuathepin aibin. ¹⁵ Apra jopa cawucaetsi xua barapo tamona nenotsinexa po cae pin nacue weye. Saya apra cawucatsi xua barapomonae nebebetsinexa caurimonae pia pentacaponaein tatsi pecuiyainwa. ¹⁶ Icha xan ichin xua po cae pin nacuathepin aibin, barichi barapo tamona jopa barapo cae pin nacuathepiwiyo. ¹⁷ Nejume diwesi, apra po diwesi nexainyei diwesi jume. Poxonae barapo tamona jume tane baxua barapomonae catame xua pejuntu coyene weiweinaewa xua peexanaewa tsane pocotsiwa ichichipame. ¹⁸ Icha neichim xua neitorobame pomonaetha pomona jopa jume cowuntsiyo, barichin pomona tana nejume cowuntsiwi itoroban pomonaetha pomona jopa tana nejume cowuntsiwi. ¹⁹ Najuntu coyene catan nexainya beya tha xua exanaetsi pocotsiwa ichichipame. Baxua exanan tsipei antobein tamona. Exande xua barapomonae iru penajuntu coyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

²⁰ “Jopa meisa cawucaetsi barapo tamona nexa, apra yawano iru yabara cawucatsi pomona bexa nejume cowuntsina poxonae jume taena tajume diwesi xua poxonae pepaebixae tsane barapo tamona. ²¹ Cawucatsi xua barapomonae be caein penaexanaenexa xuano xua cae penanta xeinaeya nacana baru cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuano xua xam cayantatsiru. Poxonae barapomonae be caein nacayawa naexana ponaeinchibe, bapoxonae ichamonae yabara jume cowuntsina xua xam bara yatsicaya tana neitorobiwam. ²² Barapo tamona peainya cui coyenewa catan, po peainya cui coyenewa xam necatame xua barapomonae be caein penaexanaenexa icha ichichibe xua bara caein naexanatsibe. ²³ Xan tamona yantan iru xam neyantame, tsipei daxitatsi be caein naexainchi daxota barapomonae yatsicaya bara be caein naexana. Bapoxonae daxita jiwi cui yaputaena xua xam bara yatsicaya tana neitorobiwam. Matautano barapo jiwi cui yaputaena xua tamona antobem icha ichim xua neantobem.

²⁴ “Axa, necatame barapo tana nejume cowuntsiwi. Ichipan xua barapomonae pomona tana nejume cowuntsiwi ponaena ichaxoteicha taponaeewa tsane xuano xua pia petaenexa tsane taainya cui coyenewa xua necatame. Tsipei caena bayatha neantobem poxonae cataunxuae jopa forotsiyo po cae pin nacue. ²⁵ Axa, pon bichocono nejuntu coyene xanepanaem. Pomona jopa tana nejume cowuntsiwi jopa pepa jinyamonaeyo tsipei jopa cayaitaeyo. Ichitha xam bara cayaitainchi. Pomona tamona, pomona

tana nejume cowuntsiwi barapomonae neyabara yaputane xua xam tana neitorobiwam. ²⁶ Barapomonae pomonae tana nejume cowuntsiwi yabara yaputane exanan xua xam cayabara paebatsi. Abɛ cataunxuae awiya baxua exanaein xua jinya necaantobenexa tsane icha neichim xua neantobem. Matautano barapomonae ataya yaitata poponeibin”, jei Jesús poxonae Paxa tsipaeba.

18

Meje yabara poxonae Jesús waetabatsi

(Mt 26.47-56; Mr 14.43-50; Lc 22.47-53)

¹ Poxonae Jesús najume weta xua poxonae Paxa tsipaeba, bapoxonae pomonae Jesús pijimonaexae tatsi Jesús barɛ pona. Jesús barɛ pona foto iya icha muxunene beya, po foto cataunxuae ira tsewa. Barapo foto pewɛn Cedrón. Barapo icha muxunene beya umena xua ponaein peɛbi naein, baxota Jesús pijimonae barɛ patopa. ² Judas, pon Jesús caenaetatsi, bapon yaputane barapo momiyo tsipei baxota matha matowa Jesús pijimonae barɛ nacaetuteiba. ³ Judas patopa ichaxota Jesús pijimonae barɛ uncua. Judas barɛ pona soldadomonae irɛno policiamonae, po policiamonae pomonae Nacom pin pia bo peyabara umenaewi. Daxita barapomonae, pomonae Judas barɛ patopa fariseomonae itoroba irɛ sacerdotemonae pia pentacaponaei tatsi itorobarɛ. Daxita barapomonae cusin capona. Irɛ ichamonae lámpan capata irɛ ichamonae banaxuton capata. ⁴ Bequein Jesús tsiwana yaputane barapomonae xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

⁵ Daxita barapomonae Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Irɛ Judas, pon Jesús caenaetatsi, baxota nauncuarɛ. ⁶ Poxonae Jesús, jeye: “Apara, bara bapon uncuanje”, jei, bapoxonae barapomonae peɛma iyiya caibeya yawa xuirabathopa. ⁷ Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomonae, jeye:

—Apara, Jesús Nazaret tomarapin pawenawenan tsompae, jei barapomonae.

⁸ Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamonaie inta painta pu copabare, jei Jesús.

⁹ Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ichɛn tana newepu aichurucuaewa”, jei Jesús. ¹⁰ Bapoxonae Simón Pedro namara wejonta pia wato cusi. Simón Pedro muxuyoro catsoniba pon pewɛn Malco, po muxuyoroto pecoxa werucuiya. Bapon Malco pon sacerdotemonae pia pepa pentacaponaei tatsi tanacuitatsi. ¹¹ Jesús Pedro barai, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiji atene tana necana exanaewa? jei Jesús.

Meje yabara poxonae Jesús uncua Anás peitabaratha tatsi

(Mt 26.57-58; Mr 14.53-54; Lc 22.54)

¹² Bapoxonae soldadomonae iru soldadomonae pia pentacaponaein tatsi iruru policiamonae, po policiamonae pomonae Nacom pin pia bo peyabara umenaewi, daxita barapomonae Jesús waetabatsi yawa maxu cubatsi. ¹³ Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weitharu sacerdotemonae pia pepa pentacaponaein tatsi naexana. ¹⁴ Barapon Caifás, pon caena bayatha jei judiomonaetha: “Metha wunae xua bara caein piamonae yaitatsina pebexubinexatsi xua daxita piamonae tatsi jopa petajutebinexatsi”, jei Caifás xua bayatha paeba.

Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús

(Mt 26.69-70; Mr 14.66-68; Lc 22.55-57)

¹⁵ Simón Pedro iru ichun ponxaeru Jesús pijimonae tatsi jiwana Jesustha napuna ponabe poxonae policiamonae Jesús capoinchi sacerdotemonae pia pepa pentacaponaein tatsi pia botha tatsi. Barapon pon ichun bapon yaitainchi xua sacerdotemonae pia pepa pentacaponaein tatsi yaitane. Daxota bapon sacerdotemonae pia pepa pentacaponaein tatsi pia pin pia bo panatha tatsi Jesús puna jonyatsi. ¹⁶ Nama Pedro aisowatha uncu peboupa juma werena. Daxota bapon pon ichun pana weya pona peboupa beya xua yabayo petsipaebinexatsi powayo yapu eeneiba peboupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonae pia pentacaponaein tatsi bapon yaitainchi daxota barapowa Pedro bara copatatsi xua bara jondenaena. ¹⁷ Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonae tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

¹⁸ Yaitama iru aque tsuncuaeru daxota pomonae sacerdotemonae pia pepa pentacaponaein tatsi tanacuitatsi iru policiamonae, daxita barapomonae isoto itutaeta barapo panatha. Daxita barapomonae nonopumena barapo isototha. Pedro iru baxota nanonopuncuaru.

Meje yabara poxonae sacerdotemonae pia pepa pentacaponaein tatsi Jesús matowa yainyabatsi

(Mt 26.59-66; Mr 14.55-64; Lc 22.66-71)

¹⁹ Iruu bapoxonae sacerdotemonae pia pepa pentacaponaein tatsi tamropata pitaba xua Jesús matowa peyainyabiwatsi. Jesús jeichichi: “Jesús, ¿jintam baru jinyamonae? ¿Eta po diwesi cuidubame barapo jinyamonae?” jeichichi Jesús.

²⁰ Jesús jume nota, jeye:

—Caena bayatha daxita jiwi peitutha cueicueijan tsaibin. Judiomonae pia penacaetutsi bontha ataya cuidubeiban. Matautano Nacom pin pia botha ichaxota judiomonae nacaetuteiba, baraxotano ataya cuidubeiban. Bapana jopa jiwi wepu nameicha paebin xua pocotsiwa jiwi jopa tana nejume taenexa. ²¹ ¿Eta pocotsiwa metha nejume yabara yainyabame? Jame maisa moya yainyabare pomonae bayatha nejume tane. Moya barapomonae catsipaebina pocotsiwa bayatha tsipaeban barapomonae petanejume yaputaexae pocotsiwa bayatha tsipaeban, jei Jesús.

²² Poxonae Jesús baxua najume weta, bapoxonae caein policiamonae jiwana pin pomonae baxota umena, po policiamonae Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonae pia pepa pentacaponaein tatsi? jei bapon.

²³ Jesús jume nota, jeye:

—Icha bara pocotsiwa abe paeban, moya netsipaebare xua abe. Ichitha icha xua wuna paeban, ¿eta pocotsiwa metha nexata nejumata cuaintaxubame? jei Jesús.

²⁴ Bapoxonae Anás Jesús yamaxa cubiya itorobatsi Caifás beya. Bapon Caifás sacerdotemonae pia pepa pentacaponaein tatsi naexana barapo weithara.

Meje yabara poxonae equeicha Pedro Jesús yabara paebatsi: “Jopa dapon yaitaeinyo”, yabara jeichichi Jesús

(Mt 26.71-75; Mr 14.69-72; Lc 22.58-62)

²⁵ Poxonae baxuaru, iruru cataunxuae Pedro nanonopuncua. Barapoxonae barapomonae Pedro yainyabatsi, jeichichi:

—¿Xam apara Jesús pijimonae tatsi caein jiwanamda? jeichichi Pedro.

Ichitha Pedro jume notsiya jeye:

—Jume, apara xan bapon aibin, jei Pedro. ²⁶ Bapoxonae equeicha ichun Pedro yainyabatsi pon sacerdotemonae pia pepa pentacaponaein tatsi tanacuitatsi. Pon Pedro yainyabatsi, bapon caein jiwana pomonae Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena catainchi poxonae Jesús paca baru pona momiyoy beya. ¿Bara methara? jeichichi Pedro.

²⁷ Pedro equeicha jume notsiya jeye:

—Jume, jopa dapon yaitaeinyo, jei.

Bapoxonaeru caena nainya wacara pebto fiba.

Meje yabara poxonae Jesús uncua Pilato peitabaratha tatsi

(Mt 27.1-2, 11-14; Mr 15.1-5; Lc 23.1-5)

²⁸ Caemambotha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pewun Pilato. Ichitha judiomonae jopa jojoniyaeyo barapo botha pon jiwi peyanacua ewatsinchi pin pia bothaxae tatsi. Judiomonae pia juntu coyene cui xeina xua jei: “Judiomonae jopa bewa nanacaetutsi pomonae jopa be judiomonae naexanaeyo pia bothaxae tatsi po mataqueitha poxonae imoxoyo Pascua wun matakabin xua poxonae jiwi penabanaewanexa pexaewa”, jei. Tsipei icha baxua exanaetsipa pia coutha najuntu coyene taxobichipa yawa barapomonae jopa itacupaetsipaetsi xua pexaewa xaena, po pexaewa poxonae xane Pascua wun matakabintha. ²⁹ Daxota Pilato aisowa bejoniya pia bo weya xua petsipaebinxatsi pomonae pesatotha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

³⁰ Barapomonae Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonae.

³¹ Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentiwa xua abe peexanaexae, jei Pilato.

Barapo judiomonae jume nota, jeye:

—Ichitha paxan judiomonae pan, romanomonae pia peitorobi coyenewa jopa pana copatsiyo xua ichun pacui itoroban xua jiton pebexubiwatsi xua poxonae abe peexanaexae, jei judiomonae.

³² Baxua exana tsipei bayatha Jesús tsiwanaya nayabara paeba po coyeneya jiwi poxonae Jesús pebexubiwa tsainchi. ³³ Bapoxonae Pilato equeicha pia pin pia bo bejoniya yawa Jesús wabatsi, jeichichi:

—¿Xam judiomonae itorobiya pia pepa Neewatsin? jei Pilato.

³⁴ Jesús jume nota, jeye:

—¿Apara jincoya necayabara cananta xeinaeya yainyabame? Apara ichun yabara necatsipaebixae baxua, ¿daxota barapo jumetha neyainyabame? jei Jesús.

³⁵ Pilato jume nota, jeye:

—Jopa taeinyo tsipei apara xan judiomonaepin aibin. Apara jinya nacuamonaepiwi iru sacerdotemonae pia pentacaponae tatsi, apara barapomonae cacaenaeta taxantha. ¿Eta pocotsiwa metha exaname? jei Pilato.

³⁶ Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaetsipan, bara nexata tamona neyawenaetsipa xua judiomonae jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

³⁷ Nexata Pilato Jesús jeichichi:

—¿Apara xam pon jiwi itorobiya pia pepa Neewatsin? jeichichi Jesús.

Jesús jume nota, jeye:

—Aa, apara bara xan bapon pon jiwi itorobiya pia pepa Taewatsin xuaunxuae bara paebame. Daxota naexanan po cae pin nacuathe yawa patopan tapaebinexa xua pocotsiwa pexainyeiwa yatsicaewa. Daxita pomonae ichichipa xua pejume cowantsiwa xua barapo pexainyei jume, barapomonae bara nejume tane, jei Jesús.

³⁸ Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

Meje yabara poxonae Pilato jume baru jejei xua Jesús bara pebexubiwa tsainchi ichamonae

(Mt 27.15-31; Mr 15.6-20; Lc 23.13-25)

Poxonae Pilato baxua yainyaba, bapoxonae Pilato equeicha aisowa bejoniya xua equeicha judiomonae petsipaebinexatsi. Pilato barai judiomonae, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinexatsi. ³⁹ Ichitha paxam painya cui paxename xua ba caein tapacata isanaxubiwatsi pomonae jiwi pecubi botha nobatsi poxonae xua po mataqueitha Pascua wun matabintha. ¿Bara anoxuae pacata saya pu copatinchi pon judiomonae itorobiya pia pepa peewatsinchi? jei Pilato.

⁴⁰ Nexata barapo judiomonae jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo judiomonae.

Barapon Barrabás, pon bichocono jiwi pecaibi.

19

¹ Nexata Pilato najume caitoroba xua Jesús bara pecuainchinexatsi xua pocotsiwatha eewa xua bichocono amapiya xua xota ba jiwi cuainteibatsi poxonae abe exaneiba. Soldadomonae baxua exana. ² Barapo soldadomonae Jesús mata xatatatsi pee tepa. Matautano bapoxonae Jesús pia paparuwa juma xuenatsi. Icha paparuwa juma xatatatsi po paparuwa tsobia. ³ Bapoxonae barapo soldadomonae Jesús imoxoyo cacuita ume-narucupatsi. Yawa Jesús cui caponaeya jeichichi:

—¡Jaina, maisa wunaem pon judiomonae itorobiya pia pepa Neewatsin! jei barapo soldadomonae xua Jesús cui capoinchi.

Bapoxonae Jesús itabara cuaintatsi.

⁴ Equeicha Pilato pesato bejoniya judiomonae beya. Pilato barai judiomonae, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinexatsi barapo pebin, jei Pilato.

⁵ Bapoxonae Jesús pee tepa pesato beyawa joniya. Yawa paparuwa yawa joniya po paparuwa tsobia. Nexata Pilato barai jiwi, jeye:

—¡Pataema xote uncue baponje! jei Pilato.

⁶ Bapoxonae sacerdotemonae pia pentacaponae tatsi iru policiamonae, poxonae daxita barapomonae Jesús taerucupatsi, jume daunweya wawaya jeye:

—¡Naetotha bara tɔparucua bewa exanaem! ¡Naetotha bara tɔparucua bewa exanaem! jei barapomonae.

Pilato barai jiwi, jeye:

—Moya paxam jame bara papire, moya painya coya naetotha tɔparucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinexatsi.

⁷ Ichitha judiomonae Pilato jume notatsi, jeye:

—Paxan pata taitorobi coyenewa paxeinan. Bapon pia coutha Nacom Pexanto tatsi natsicotane daxota bapon bewa tɔpaena tsipei pata taitorobi coyenewa baxua peyabara paebixae, jei judiomonae.

⁸ Poxonae Pilato baxua jume tane, Pilato nama bichocono equeicha junuwa. ⁹ Equeicha Pilato Jesús caibe maxu coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo. ¹⁰ Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitacɔpaewa xua jiwi taitorobiwa xua tɔparucua necaexanadutsiwa naetotha? Matautano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

¹¹ Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonae jopa itorobimchipae xua ichamonae abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

¹² Poxonae baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonae jume daunweya wawai. Barapomonae jeye:

—¡Icha xam bara saya, pu sotabame, apara romanomonae itorobiya pia pepa peewatsinchi bapon jopa pia jiton tsipaem! ¡Pon pia coutha naexana xua be natsicotane pon jiwi itorobiya pia pepa peewatsinchi, bapon apara romanomonae itorobiya pia pepa peewatsinchi bapon pia peaitafaetabinchi jitontsi! jei judiomonae.

¹³ Poxonae Pilato baxua jume taeba, bapoxonae ecoundeca ichaxota pia coutha cayabara cananta xeinecaeya cueicueije tsequeibi jiwi. Bapon baxota eca yawa najume caitorobeca xua bara berena Jesús pecarendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei.

¹⁴ Bapoxonaer_u barapo matacabi tsuxubir_u, po matacabi copiya tsiwanaya ducua Pascua w_un matacabi. Barapo mataqueitha judiomonae pexaewa xaxaintajeba xua Pascua w_un matacabi nexa xua baya tsane. Poxonae mateinyaxae tsuxubi, bapoxonae Pilato barai judiomonaetha, jeye:

—¡Incane pataema pon itorobiya pepa painya Nepacacaewatsin! jei.

¹⁵ Ichitha barapo judiomonae jume daunweya wawaya jeye:

—¡Maisa bara t_upaena! ¡Bara naetotha t_uparucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacaewatsin? jei Pilato.

Ichitha sacerdotemonae pia pentacaponaeawi tatsi Pilato jume notatsi, jeye:

—Apara ich_un jopa paxeinaeinyo pon jiwi itorobiya pia pepa Peewatsinchi. Jame saya meisa painta bara compa pon itorobiya pepa pata Neewatsin, bapon jame apara pon romanomonae itorobiya pia pepa Peewatsinchi, jei judiomonae.

¹⁶ Barapo jumetha Pilato Jesús canacobena catatsi barapo judiomonaetha. Baxua Pilato exana xua Jesús bara t_upa peexanaenexatsi naetotha. Bapoxonae barapo judiomonae Jesús pitatsi.

*Meje yabara poxonae Jesús t_uparucua exanatsi naetotha
(Mt 27.32-44; Mr 15.21-32; Lc 23.26-43)*

¹⁷ Jesús bara pona, yawa pia naeto utucurapona, xua barapo naetotha pecobe matatabarutsinexatsi ichaxota po demxuwatha be jiton matasipa piwa. Barapo demxuwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Gólgota”, jei.) ¹⁸ Barapo demxu mata-soitotha Jesús cobe matatabarutatsi naetotha. Ir_u ainya pebinbe cobe matatabarutatsibe. Jesús tutiyotha yanaeto uncuca, ich_un Jesús pecoxa weya tayanaeto uncuatsi ir_u ich_un Jesús petsocona weya tayanaeto uncuatsi. ¹⁹ Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomara-pin, pon judiomonae itorobiya pia pepa Peewatsinchi”, jei barapo petinae napaeuyotha. ²⁰ Pinmonae judiomonae yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pew_un Jerusalén. Barapo petinae napaeuyotha, hebreo jumetha tina, griego jumetha tinano, ir_u latín jumetha tinano. ²¹ Daxota sacerdotemonae pia pentacaponaeawi tatsi, pomonae judiomonaexae, Pilato baraichi, jeye:

—Jopa jande ‘Pon judiomonae itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonae itorobiya pia pepa Taewatsin, najei’, jande, jei sacerdotemonae pia pentacaponaeawi tatsi.

²² Ichitha Pilato jume nota, jeye:

—Xuaunxuae tinadutan bara ducuaena, jei Pilato.

²³ Soldadomonae poxonae Jesús canacobena wetatsi xua cobe matabobatsi, bapoxonae nota Jesús pia paparuwan tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonae. Mata_uta dorouto Jesús juma wejontatsi, po dorouto ompareca, xua jopa epa x_ux_ucaeyo. ²⁴ Barapo cuatro poyobe xua soldadomonae caemonae natsipaeba, najei:

—Jopa tsana nata epa tsitsicae tsainchi. Jame metha xanepana xua ibotixi bebeya tsainchi. Bapoxonae yaputaeinchi xua pon ibotiyo beta xoya, moya copiya pichina, jei.

Baxua barapomonaē exana peyabara cui w_hnae tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuwan nata tsabina yawa ibotixi bebeya tsane penacueranta notsinexa tsane tapaparuwan”, jei pon Nacom peitorobi jume pepaebin. Bara baxua exana barapo soldadomonaē.

²⁵ Jesús pena tatsi imoxoyo uncuā ichaxota Jesús ducua. Barichi Jesús pena tatsi ir_u pamcho tatsi baxota umena. Barichi icha María, powa Cleofas piowa tatsi baxota uncuā. Barichi icha María, powa María Magdalena, powa Magdala tomarapiwayo, baxota uncuā. ²⁶ Poxonaē Jesús taenota pena yawa poxonaē taenota pon bichocono Jesús antobe, pon pijimonaē jiwana pin bapoxonaē Jesús barai pena, jeye:

—Ena, taema bapon nexanto cata uncuareque, jei Jesús.

²⁷ Bapoxonaē Jesús barai bapon, jeye:

—Incane taema barapowa, powayo enaxae, jei Jesús.

Bapoxonaē barapowa barapon pena tsicotaeya waba pia botha.

Meje yabara poxonaē Jesús t_upa

(Mt 27.45-56; Mr 15.33-41; Lc 23.44-49)

²⁸ Bapoxonaē pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matautano xua Jesús penajume cui yabara wetsinexatsi xua bayatha Nacom Pejume Diwesitha yabara tsiw_hnae paebatsi, bapoxonaē Jesús jeye:

—Meratsipan, jei.

²⁹ Baxota juruwato eca xua yawa eca vino mera, po mera atsu. Nexata barapo soldadomonaē esponjatha mene yutsiya capita. Bapoxonaē Jesús naewatha tadutatsi yawa tayoichatsi pecoiboto deca. ³⁰ Jesús tsutsubiya apa barapo vino mera. Bapoxonaē jeye:

—Bara daxita neyabara jume cui weta, jei Jesús.

Bapoxonaē Jesús nawisi jetataba. T_upanaicha.

Meje yabara poxonaē soldadomonaē pin Jesús epa catsitsinaxubiya caw_hichatsi dejonatha

³¹ Cataunxuae barapo matabi po matabitha poxonaē judiomonaē pew_hnaeya nacui w_hnaeta pia pentaquei seicae matabi tatsi nexa. Barapomonaē jopa ichipaeyo xua came naetotha dubenaena po pebiwi naetotha werapa poxonaē jopaena barapo pentaquei seicae matabi, po matabi peainya cui matabixae. Barapo pentaquei seicae matabi, po matabi tamropata pitaba xua Pascua w_hn matabin. Judiomonaē jopa ichipaeyo xua pejontsiwa pepon naetotha barapo pentaquei seicae matabitha. Daxota barapo judiomonaē Pilato jume itorobatsi, jeye: “Soldadomonaē itorobare xua petopa janacaenexa tsainchi pomonaē naetotha dubena xua nainya barapo pebiwi t_upa peexanaenexatsi. Matauta itorobare xua barapo pebiwi naeton wetsica penotsinexatsi icha xaniwaicha daxita barapo pebiwi bayatha werapa”, jei barapo judiomonaē.

³² Nexata soldadomonaē bara beya pona. Yawa barapo soldadomonaē copiya topa janaxuba ich_hn pon Jesús icha muxunene wetarucuiyatsi. Bapoxonaē equeicha ich_hn topa janaxotsi pon Jesús icha muxunene wetarucuiyatsi. ³³ Poxonaē soldadomonaē imoxoyo umenarucupa ichaxota Jesús ducua, bapoxonaē Jesús tainchi xua bayatha Jesús t_upa. Daxota barapo soldadomonaē Jesús jopa topa janaxuichi.

³⁴ Ichitha caein barapo soldadomonaē jiwana, bapon Jesús epa caw_hicha catsitsinaxubiyatsi dejonatha. Bapoxonaē caena nainya jana othoparena

yawano mera othoparenano. ³⁵ Xan, Juan, baxuan daxita tan pocotsiwa soldadomonaes Jesús cana exanatsi. Daxota pocotsiwa xua baxua paeban bara xainyan, xua daxota painya tana nejume cowantsinexam. ³⁶ Barapomonaes baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matauta cae piwano”, jei Nacom Pejume Diwesitha. ³⁷ Matautano icha jume diwesitha xua Nacom Pejume Diwesi, jeye: “Necoichaeinchi pon xua cawichatsi”, jei Nacom Pejume Diwesitha.

*Meje yabara poxonaes Jesús petapaein ibo mathatha yauxatatabotatsi
(Mt 27.57-61; Mr 15.42-47; Lc 23.50-56)*

³⁸ Bapoxonaerū pebin, pon pewūn José, pon Arimatea tomarapin, bapon Jesús irū jume cowantsi. Ichitha José baxua jopa nayopichiyo ichamon-aetha xua Jesús pejume cowantsiwatsi, tsipei judiomonaes jume cunuwatsi. Bapon José copiya Pilato muxu tsipaebiya jeichichi, jeye:

—Nejume barū jejande tha jontichi Jesús petapaein naeto wetsica, jei José.

—Bara moya taema, jei Pilato.

Daxota José bara beya pona. Bapoxonaes José jonta naetha Jesús petapaein. ³⁹ Irūn ichūn napona Jesús pia mathatha. Bapon pewūn Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo capatopa treinta po kilobe xua pocotsiwa pebeno, po beno xua tuxuei. Barapo benotha muxunaxuba po petuxuei nain pewūn mirra, xuano xua icha petuxuei nainwano po petuxuei nainwa pewūn áloe. ⁴⁰ Bapoxonaes José irū Nicodemo pitabe Jesús petapaein. Yawa paparuwatha petuxuei beno muxuna capanaboinca mata quiyontabicabe. Baxua exanabe, tsipei judiomonaes pia cui coyene xeina xua poxonaes pon petapaein canacui wūnaes wetatsi poxonaes namathaqueiba. ⁴¹ Imoxoyo ichaxota Jesús po demxuwatha tupa, baxota peubi naein umena. Barapo peubi naein uniyotha ibo itapatororotha matha boca pena matha, po mathatha cataunxuae jopa mathatha xubichi petapaein ichūn. ⁴² Barapo pena mathatha Jesús boyatsi, tsipei barapo pena matha imoxoyo boca ichaxota Jesús tupa. Matauta tsipei quirei tsanaicha xua poxonaes patopa pentaquei seicae matakabi, po mataqueitha judiomonaes jopa nacuichiyo.

20

Meje yabara poxonaes Jesús equeicha asū juina exanatsi petapae cuiru coyene weya

(Mt 28.1-10; Mr 16.1-8; Lc 24.1-12)

¹ Bapoxonaerū domingo matakabi jopa, po matakabi xua copiya ducua cae semanatha. Bapoxonaes caemambotha poxonaes cataunxuae quiriquirica, bapoxonaes María Magdalena, powa Magdala tomarapiwayo, mathatha patopa ichaxota Jesús boca. Barapowa tane xua matha yapusauncua xua bequein ichamonae yapu xatatabanota pin ibo panawatha. ² Bapoxonaes barapowa nainya pata taxainya becuinaerena ichaxota Simón Pedro uncua irū xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús petapaein pitatsi, pon Wanacanamataxeinaein. Jopa payaputaeyo ichaxota equeicha botatsi, pana nejei.

³ Bapoxonaes Simón Pedro, irū xan Juan, matha bepaiyanbe. ⁴ Bara beya pana nacuara cuinayanbe. Ichitha xan, Juan, bichocono bichoinan beyacaincha Pedro. Daxota mathatha patopan copiya. ⁵ Yawa matha beya nabuxu tsutiya necobiyan. Paparua tan xua iratha boca, po paparuwatha Jesús

petupaein mata quiyontabatsi, ichitha jopa joniyaeyno. ⁶ Bapoxonae Simón Pedro tacoya werena cotacaya patopa. Bapoxonae muthu joniya. Barichí barapon barapo paparuwa tane xua iratha boca. ⁷ Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca. ⁸ Bapoxonae xan, ponxaein copiya patopan, iru joniyan muthu iya. Poxonae daxita baxuan tan, bapoxonae nainya jume cowuntan xua Jesús bayatha asu. ⁹ Bayatha jopa payaputaeyno Nacom Pejume Diwesi, po diwesitha xua xota bapon yabara paebatsi po coyene xua bapon bewa asu tsane petupae coyene cuiru weya. ¹⁰ Nexata xan, Juan, iru Simón Pedro caibe panawiyambe bo beya.

Meje yabara poxonae Jesús María tsita naitutatsi, powayo Magdala tomarapiwayo

(Mr 16.9-11)

¹¹ María Magdalena, Magdala tomarapiwayo, powa pana tsiwun caya, bapowa equeicha caiberena muthu patopa. Barapowa muthu coiboto juma weya wecoyei tsuncuae. Poxonae wecoyei tsuncuae nantanuweya nabuxu japasota necobiya muthu iya. ¹² Bapoxonae bapowa tane ponbe matatsunpinbe xua ecabe ichaxota bayatha Jesús botatsi petupaein. Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi. ¹³ Barapo matatsunpinbe María yainyabatsi, jeichichi:

—María, ¿eta xua metha wecoyam tsauya? jei.

María jume nota, jeye:

—Yaitama cou Tanecanamataxeinaein petupaein pitatsi. Jopa taeinyo xua equeicha xota botatsi petupaein, jei María.

¹⁴ Poxonae bapowa najume wetsiya paebaxoya, xuano xua poxonae napatomeicha necotaxoya, bapoxonae pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi.

¹⁵ Nexata Jesús María yainyabatsi, jeichichi:

—Ja, ¿eta pocotsiwa came wecoyam tsauyam? ¿Jintam wenawenam? jei.

Barapowa nanta xeina xua mexeya itara pon peubi naein yapu eenawei. Daxota bapowa, jeye:

—Icha xam bayatha pitame petupaein pon Tanecanamataxeinaein, incane netsipaebare xua equeicha exota botame. Tha bapoxonae petupaein equeicha pitichi, jei María.

¹⁶ Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwí Necuidubin”, jei).

¹⁷ Jesús jume nota, jeye:

—Jopa nejayatabinde tsipei cataunxuae jopa ponaeinyo ichaxota Taxa equiya. Jamaisa ponde, paebareno tajimonaetha xua xan paeban xua jan: ‘Taxa beicha ponaein, po Taxa painya Axa iru’, jan. ‘Barapon Nacom, Tanacom iru paxam painya Nacom’, jan xua, jei Jesús.

¹⁸ Barapoxonae María Magdalena, powa Magdala tomarapiwayo, tsiwun caya Jesús pijimona tatsi beya. Bapowa tsipaeba xua bayatha tane pon Pecanamataxeinaein jiwí. Yawano tsipaebano daxita pocotsiwa Jesús paeba bapowatha.

Meje yabara poxonae Jesús pijimona tsita naituta
(Mt 28.16-20; Mr 16.14-18; Lc 24.36-49)

¹⁹ Barapo mataqueitha poxonae cataunxuae awiya domingo, bapoxonaerawí Jesús pijimonaer tatsi nacaetuta. Tsipei judiomonaer cui cunuwatsi daxota bo bichocono boupa daunwei exana. Nexata Jesús barapo tututha patopa. Yawa pijimonaer peitabarayo deca tauncua. Pijimonaer jacobiya jeye:
—Maisa jüntema pajinompare, jei Jesús.

²⁰ Poxonaer Jesús baxua najume weta bapoxonaer tsita nacobe wan ituta pijimonaer yawa naepa wan ituta. Poxonaer Jesús pijimonaer taerucupatsi bichocono jünta coyene weiweina petaxaetsi Jesús pon barapomonaer Pecana-mataxeinaexaetsi. ²¹ Pirapaeyo equeicha Jesús pijimonaer barai, jeye:

—Maisa jüntema pajinompare. Icha Taxa neichi xua neitoroba bara paca ichichi paca itorobatsi, jei Jesús.

²² Nexata bapoxonaer Jesús pijimonaer matatsun ofutaba, jeye:

—Nacom pia Pejumope tñaxa tatsi bara paca yantsina, jei. ²³ Pomonaer xua pacui cayabara jüntemainame abe pia peexanaer cuiru coyenein tatsi, bara barapomonaer Nacom iru cayabara cui jüntemainaena abe pia peexanaer cuiru coyenein tatsi. Pomonaer jopa pacayabara cui jüntemainaem abe pia peexanaer cuiru coyenein tatsi, bara barapomonaer Nacom iru jopa cayabara cui jüntemainaeyo abe pia peexanaer cuiru coyenein tatsi, jei Jesús.

Meje yabara poxonaer Tomás tane xua Jesús equeicha asu

²⁴ Tomás, bapon Jesús pijimonaer tatsi jiwana. Bapon icha wñ Gemelo, po wñ xua jei: “Nama naexanabe pexuyobe”, jei. Barapon Tomás jopa naecaeyo poxonaer Jesús pijimonaer tsita naituta.

²⁵ Pirapae poxonaer Jesús napitaba ichamonaer pomonaer Jesús pijimonaer tatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cowantsinyo baxua. Jopa bejume cowantsinyo icha jopa cobe wan taeinyo xua penain wan, xuanō xua icha jopa jayabinyo tacobetha. Matautano jopa bejume cowantsinyo icha jopa yene wan jayabinyo, jei Tomás.

²⁶ Poxonaer ocho po matabibe yapucaewa xua icha domingotha, bapoxonaer equeicha bomaxatha nacaetuta Jesús pijimonaer tatsi. Bapoxonaeru Tomás jame naeca. Bequein bomaxa boupa bichocono daunwei exana ichitha Jesús jonarena. Pijimonaer peitabarayo deca tauncua. Yawa jacobiya jeye:

—Maisa jüntema pajinompare, jei Jesús.

²⁷ Bapoxonaer Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wanbe. Yawano neyene wan jayabare. Jopa ainya muxu xeinaeinde. Moya maisa nejume cowande, jei Jesús.

²⁸ Nexata Tomás jume nota, jeye:

—¡Jaina, deta Tanecanamataxeinaem! ¡Yawa Nacom, Tanacom! jei Tomás.

²⁹ Jesús jume nota, jeye:

—Tomás anoxuae nejume cowantame tanetaemxaem. Ichitha pomonaer bequein jopa netaeyo xua daichitha nejume cowanta, barapomonaer bichocono jünta coyene weiweina, jei Jesús.

Meje yabara xua eta pocotsiwa metha yabara tina barapo diboro

³⁰ Jesús ainya coyenein matowa pijimonaer peitutha exaneiba pexeinya petsita itutsi coyenewan. Daxita barapo coyenein awiya yabara seica xua jopa yabara tinaeyo barapo diborothe. ³¹ Daxita xua xuan pocotsiwa yabara tinan po diborothe apara xua baxuan painya yabara jume

cowantsinexam tsane xua Jesús apara bara Mesías. Matautano yabara tinan xua painya yabara jume cowantsinexa xua Jesús apara Nacom Pexanto tatsi. Matautano yabara tinan xua painya nexeiaenexa tsane peajuntuyapuswa, po peajuntuyapuswa xua ataya tsiteca xua poxonae pajume cowantsiname Jesús.

21

*Meje yabara poxonae Jesús tsita naitata siete poyobe pomonaе pijimon-
aexae tatsi jiwana*

¹ Bapoxonaе pirapae equeicha Jesús pijimonae tsita naitata Tiberias pucua itapatha. Poxonaе pijimonae tsita naitata poxonaе apara iche: ² Jesús pijimonae tatsi nacaetuta. Barapo matabuxuyobe meje: Simón Pedro, iru Tomás pon icha wun Gemelo, iru Natanael Caná tomarapin, po tomara eca Galilea nacuatha, iru xan, Juan, iru taeweicho xua Zebedeo pexantobe tatsi panbe, iru ichunberu. Daxita barapo matabuxuyobe pan panacaetutan Tiberias pucua itapatha. ³ Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonaе jeratha daxita panonobabiyán. Ichitha barapo merawitha jopa duwei pataeinyo, bequein payamonan. ⁴ Poxonaе baya pentha tsina, Jesús pana tsita naitata pitapathiya, tuwatha payana dubendenan. Ichitha paxan jopa payaitaeinyo xua bapon apara Jesús. ⁵ Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

⁶ Nexata Jesús pana barai, jeye:

—Jera coxa beya bara bepaxoyama peyacamonaewa. Bapoxonaе pacapirenaename duwei, jei Jesús.

Baxua paexanan. Pirapae jopa pana itacupaeyo xua patajutaxorenaewa peyacamonaewa, poxoru pin duwei tunto pacapirenan. ⁷ Nexata xan, Juan, ponxaein bichocono Jesús neantobe, Simón Pedro baran, janje:

—Apara bapon Jesús, pon Wanacanamateaxeinaein, jan.

Poxonaе Simón Pedro nejume taeba, bapoxonaе paparuwa xua nama xuenabota nainya yacuinaaya nama xatataba. Bapoxonaе mene weitata jopiya. ⁸ Ichitha paxan pomonaе jopa paraichinyo jeratha pajebounan. Barapo jera be conotha tajun tuwatha berucuaarena saya cien metrobe xeina. Bewayo pajeboundenan tsipei peyacamonaewa mentha yawa ducupona pin duwei tunto. ⁹ Poxonaе jera wepanonobabiyán, bapoxonaе isoto patan xua barapo isototha duwein yataboaya yawano xua pan boquiya. ¹⁰ Jesús pana barai, jeye:

—Painta xawena duwei xuaunxuae pacaebouname, pana jei.

¹¹ Simón Pedro jeratha nontabiya. Yawa taetabo itapa bejutabotsina peyamonawa xua bichocono wunca duwei. Ciento cincuenta y tres po duwei matabuxumonaеbe. Bequein duwei bichocono wunca daichitha jopa ucupanayiyo peyacamonaewa. ¹² Nexata Jesús pana barai, jeye:

—Anthá matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon jei, tsipei daxita paxan payaitan xua bapon apara pon Patatanecanamamateaxeinaein. ¹³ Bapoxonaе Jesús isoto bepoinya pepichinexa pan. Bapoxonaе pana necatsiba yawa duwei pana necatsiba.

14 Baxua exana poxonae nama acoibi po cuiyobe xua Jesús pana netsita naituta xua poxonae equeicha asu popona petupae cuiru coyene weya.

Meje yabara poxonae Jesús baru cueicueije Simón Pedro

15 Poxonae pana nain wetan xua Jesús pana apata, bapoxonae Simón Pedro, Jesús yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe neantobe? jei.

—Aa, Tanecanamataxeinaem, bara caena bayatha neyaputaneme xua tacaantobewatsi bichocono, jei Pedro.

Jesús barai, jei:

—Icha neantobem, inta tamona tana nejume cowantsiwi yawende, icha pon ovejaxi pe-eenaen ichi xua yawena ovejaxi, jei Jesús.

16 Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono tacaantobewatsi, jei Pedro.

Jesús jume nota, jeye:

—Icha neantobem, inta tamona tana nejume cowantsiwi yawende, icha pon ovejamona pe-eenaen ichi xua yawena ovejamona, jei Jesús.

17 Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro juntu coyene wecoyeyaitama Jesús yainyaba acoibi po jume cuiyobetha. Pedro jeye Jesustha:

—Tanecanamataxeinaem, bayatha caena daxita yaputaibame. Matautano yaputanemeno xua tacaantobewatsi, jei Pedro.

Jesús jume nota, jeye:

—Icha neantobem, inta tamona pomona tana nejume cowantsiwi yawende, icha pon ovejamona pe-eenaen ichi xua yawena ovejamona.

18 Xaniyan catsipaebatsi poxonae matha cataunxuae pewowim jinya paparuwa bara jincoutha namaxatabeibame. Matautano matha bara poneibame xua ichaxota ba ichichipa neponaewa. Ichitha poxonae perum tsane, ichamona camaxu cubiya yotsina. Ichun paparuwa cama xatatsina. Ichamona camaxu caponaena ichaxota jopa ichipaem xua neponaewa, jei Jesús.

19 Poxonae Jesús baxua paeba Pedro wuna tsiwanaya cui yaputane exainchi xua jiwi eta bichi tsane poxonae Pedro bexubinchi. Matautano Jesús tsiwanaya cui yaputane exana xua jiwi Nacom wuna jainchinchí xua poxonae jiwi taena xua po coyene cuirutha xua poxonae Pedro tupaena peexanaexae pocotsiwa Nacom itoroba. Bapoxonae Jesús jeye Pedrotha:

—¡Bara ataya yacuiya poponare xua tamona jitom! jei Jesús.

Meje yabara poxonae Jesús neyabara paeba ponxaein xua Jesús bichono neantobe

20 Poxonae Pedro napatomeicha necota, bapoxonae netaenota xua punauncuan ponxaein Jesús bichocono neantobe. Xan apara bapon pon bayatha matha imoxoyo Jesús caquita xunaecan, poxonae matha jan: “Tanecanamataxeinaem, ¿jintam pon cacaenaetapaeba?” ponxaein matha jan. 21 Poxonae Pedro netane, bapoxonae jeye Jesustha:

—Tanecanamataxeinaem, ¿incane ponje tsaneru? jei Pedro.

22 Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asu poponaena beya poxonae xua equeicha caewa patopeicaein po cae pin nacuathe, baxua

jopa apara cata ainya cuiyo. Jamaisa xam bara ataya yacuiya poponde po coyene xua tamonaе jitom, jei Jesús.

²³ Daxota Jesús pijimonaе tatsi, barapomonaе neyabara tsiwɛn capana pijimonaetha xua xan jopa tatɔpaewa tsane. Ichitha Jesús jopa paebiyo xua jopa tatɔpaewa tsane. Saya apara jei: “Icha xan tacoutha ichichipan xua bapon bara ataya asɛ poponaena beya poxonaе xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

²⁴ Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Mataɔta barapo diborothe xan apara tinan, pon Juan tsocuaein. Bara paichim daxita xua xuan tinan payaputane-merɛ xua baxuan apara bara pexainyeiwan.

²⁵ Awiya cui yapu seica xua tayabara tinaewa pocotsiwa Jesús daxita exana. Icha daxita diwesin tsana yabara titiniyaetsipan pocotsiwa Jesús exana, metha barapo diboron jopa po cae pin nacue tsijuntutu canaɛpaetsipaetsi. Baja Juan.

Po Coyenein Jesucristo Pia Peitorobiwi Tatsi Pexeinya Coyenein Exana

Meje yabara xua Lucas yabara tina xua Nacom yabara tsiwuna muxu duta xua itorobina jiwitha pia Pejumope tñaxu tatsi.

¹ Xam, Teófilom, tajiton cata tinatsi. Bayatha copiya matha cain cata tinatsi icha diwesi. Barapo diwesitha yabara catsipaebatsi daxita po coyenewan xua Jesús exana. Cata tinatsi bayatha daxita xua po mataqueitha Jesús tamropata pitaba po coyene xua peexanaewa, matautano xua pecuidubiwano, xua beya yacui weraweracanaya po mataqueitha poxonae athabe juinya. ² Poxonae pewunaeya tsane xua Jesús athabe icha, matha pia peitorobiwi itapeta. Jesús cuiduba barapomonae xua Nacom pia Pejumope tñaxu tatsi pia peayapuswatha tatsi. Jesús cata barapomonae po coyenewan xua Jesús petaexanaenexa tsainchi. ³ Poxonae Jesús equeicha asu, poxonae bequein tupa, bapoxonae Jesús tsita naituta barapomonaetha. Cuarenta po matabibetha Jesús tsita naituba ducuaenaebiya barapomonae. Petsita naituba ducuaenaebiyaexae pijimonae, barapoxonae pijimonae yaputainchi xua xaniwaicha bara petupaein equeicha asu. Jesús barapo pia peitorobiwi yabara cuiduba po coyene Nacom waba jiwi petanaexanaenexatsi pijimonae pomonae itorobiya peewatsixae.

⁴ Poxonae cataunxuae awiya Jesús pia peitorobiwi baru nacaetuta ducuaenaebiya, Jesús barai, jeye:

—Abu jopa paponaeinde Jerusalén tomara weya. Paeware xua Nacom Taxa bayatha yabara paca tsiwuna muxu duta. Taxa namchi: ‘Tajumope tñaxu itorobicaein’, jei. Baraxua bayatha paca tsipaebatsi. ⁵ Barapon Juan bautisaba u meratha. Ichitha tsiwiyo bayiyo bexa tsane Nacom pia Pejumope tñaxutha tatsi paca bautisabina. Pacata patsina Nacom pia Pejumope tñaxu tatsi painya paca baru poponaenexa tsane, jei Jesús pijimonaetha.

Meje yabara poxonae Jesús athabe icha

⁶ Poxonae Jesús pia peitorobiwi baru nacaetutatsi Jesús yainyabatsi pia peitorobiwi, jeichichi:

—Jesús, pata Necanamataxeinaem, ¿methaunxuae anoxuae exanaename xua Israel nacuapiwi equeicha xeinaena itorobiya pia pepa peewatsinchi? jeichichi Jesús pijimonae.

⁷ Jesús jume nota pijimonae, jeye:

—Paxam jopa paca itacupaeyo xua painya neyaputaewa po dapae poxonae Nacom peexanaewa tsane baxua, matautano xua po mataqueitha poxonae peexanaewa tsane. Saya meisa Taxa xeina peayapusu itorobi coyenewa, po peayapusu itorobi coyenewatha xua peexanaewa baxua. ⁸ Poxonae Nacom pia Pejumope tñaxu tatsi pacata patsina painya nepaca baru poponaenexa xua bapoxonae peayapusuwa painya nexenaenexa. Tajume diwesi painta papaebiname Jerusalén tomaratha, Judea nacuathano, Samaria nacuathano, daxita carepaya tajua nacuantha, jei Jesús.

⁹ Poxonae Jesús baxua najume weta, Jesús athabe caichatsi Nacom. Jesús pia peitorobiwi taeumeinyatsi. Barapomonae tsaquinaebowa tane xua Jesús matawacaicha duneicatsi. Equeicha Jesús jopa taetsi. ¹⁰ Poxonae awiya came barapomonae necotumeinya itaboco, barapomonae jemeicha caquita

umenaarucupatsi pon xua nacueyatabe, ponbe xua pemainya paparuwa penama xatatsinbe. ¹¹ Baraponbe Jesús pijimonae tatsi baraichi, jeye:

—Ja, pomonae Galilea nacuapiwi pam, zeta xua metha came awiya paitaboco necotumeinyame? Bapon Jesús, pon xuaunxuae athabe icha painya xamtha, bexa tsane equeicha patopaetsica, barapocotsi jata coyeneya ichi tsane ichaunxuae aunxuae icha ichi, poxonae athabe icha.

Meje yabara poxonae Jesús pia peitorobi jiwi tatsi Matías itapetatsi Judas pecoutha petanacuichiwa tsainchi

¹² Barapoxonae Jesús pia peitorobi jiwi tatsi demxuwa weiyiya po demxuwa pewun Olivo demxuwa xua Jerusalén tomara be-iyiya. Poxoru Jerusalén tomara imoxoyo daxota barapomonae itacupatsi xua peponaewa Jerusalén tomara beya demxuwa weya bequein bara judiomonae pia pentaquei seicae matabi tatsi saya poxoru Moisés pia peitorobi coyenewatha baxua peyabara copatsixae. ¹³ Poxonae Jesús pia peitorobiwi tatsi pareca Jerusalén tomaratha, athabe jujuinya po tututha athawetsica jinompa. Baraxota jinompa Jesús pia peitorobiwi tatsi pewun Pedro, iru Juan, iru Santiago, iru Andrés, iru Felipe, iru Tomás, iru Bartolomé, iru Mateo. Iru popona ichun Santiago pon Alfeo pexanto tatsi. Iru popona ichun pon pewun Simón. Barapon Simón celotemonae jiwapanin. Barapo celotemonae pomonae ba ichichipa xua pexeinaewa barompaya pia pecanamataxeinaeinchi. Iru popona ichun pon pewun Judas pon Santiago pexanto tatsi. ¹⁴ Daxita barapomonae iru Jesús peyapin jiwi tatsi baru nacaetuteibatsi, xua pebaru tsipaebeibinexatsi Nacomtha. Iru Jesús pena tatsi, bapowa María, iru ichowaxi yabuxi baru nacaetuteibatsi xua pebaru tsipaebeibinexatsi Nacomtha.

¹⁵ Nexata caentacabi Pedro nontapona ichaxota ena pomonae xua Jesús pejume cowantsiwi. Barapo bicheito be ciento veinte poyobe. Barapomonae Pedro barai, jeye: ¹⁶ “Tamonae pam, pomonae iru painya nejume cowantsiwixae Jesús. Bewa nayabara jume cui wetsina po coyene bayatha Nacom namchi xua pejume diwesitha yabara tsiwanaya paeba. Bayatha caena David cueicueijejei exanatsi Nacom pia Pejumope tñaxu tatsi xua Judas cui coyene caunutatsi xua pinae Jesús waetabinchi pomonae Judas matabapona. ¹⁷ Bara Judas yatsicaya pata jiton petain pana nabaru nacuitan barapo penacuichiwa. ¹⁸ Poxonae Judas Jesús caenaetatsi, sacerdotemonae pia pentacaponae tatsi Judas catatsi paratixi. Pirapae sacerdotemonae pia pentacaponae tatsi bapo paratixitha Judas petupaein tsicomotatsi ira. Judas iratha jopeica poxonae tupa yawa coto tsitecatsi, unu pichatecatsino abe peexanaexae. ¹⁹ Nexata pomonae Jerusalén tomaratha pejinompaewi, barapomonae jume tane pocotsiwa Judas exana. Daxota barapomonae barapo ira wun duta po wun jei: ‘Acéldama ira’, jei. Barapo jume, barapomonae pijumetha xua jei: ‘Pejana ira’, jei”, jei Pedro. ²⁰ Equeicha Pedro barai barapomonae pomonae pejume cowantsiwi, jeye: “Salmos penaxunae wei diwesitha Judas petupaexae yabara paeba, jeye:

‘Pia bo tatsi tausaya bo tauncuaeinchi.

Jopa ichun ecae tsane baxota’, jei.

Matautano namchino:

‘Equeicha pecoutha tanacuitinchi ichun’,

jei Salmos penaxunae wei diwesitha,

xua Judas yabara”, jei Pedro.

²¹ Nexata Pedro equeicha namchi, jeye: “Xote waxantha jinompa pebiwi pomonae matha cain pana nepuna jinomparu poxonae Jesús pon Wanacanamataxeinaein pana nebaru jinompa daxita pan. ²² Barapo pebiwi taneno xua

Juan Jesús pebautisabiwatsi. Yawa barapo pebiwi taneno xua poxonae Jesús cataunxuae exana ducuaanaebiya pocotsiwa xua pewunaewan. Matautano barapo pebiwi taneno poxonae Jesús yantacabi jopa po mataqueitha poxonae athabe juinya. Bewa wabichipatsi caein barapo pebiwi jiwana, pon pecui yaputaein po coyene Jesús equeicha asu popona. Bapon iru pana puna cueicueije tsane xua po coyene Jesús equeicha asu pepoponaewa”, jei Pedro barapo pejume cowantsi jiwitha.

²³ Barapomonaе pomonaе pejume cowantsi jiwi najiwana itapeta ayunbe. Ichun pewun José Barsabás, pon icha wun Justo. Iru ichun pewun Matías.

²⁴ Nexata barapomonaе Jesús athabeicha tsipaebatsi, jeye: “Nacom, pon jiwi Necanamataxeinaem. Daxita jiwi nejuntu coyene yaputaein. ¿Incane methara ponbe jiwana pon xua ichichipamera, pon xua cuita itapeta ichichipame? ²⁵ Barapon iru penaexanaenexa jinya neitorobi jiton pon xuya Judas pecoutha petanacuichinexatsi. Judas tupa nacabeta abe peexanaexae. Judas pona ichaxota po nacuatha jopa nacoicha duntsiyo isoto”, jei barapomonaе.

²⁶ Nexata barapomonaе wun jiyatabaxuba ibotiyobe. Nexata saya Matías wun naitataraba. Daxota bapon Matías itapeta cuita wabatsi. Matías once pomonaeyobetha napona pomonaе Jesús pia peitorobi jiwi tatsi.

2

Meje yabara poxonae Nacom pia Pejumope tuxaxu tatsi patopeica pomonaetha pomonaе Nacom pejume cowantsiwi

¹ Pentecostés matakabi tsuxubi, po mataqueitha xua poxonaе jiwi tsinacaetuteiba penabanaenexa pexaewa peyabara nanta xeinaexae xua pexaewa naweta. Barapo matakabitha daxita pomonaе Jesús pejume cowantsiwi bara cae botha nacaetuta. ² Barapo mataqueitha barapomonaе busi tane, pebusi po busi xua be joibo busi po busi xua busi nainya naetaba itaboco wetsica. Barapo busi daxita bo tutu canaupa ichaxota barapomonaе nacaetuta. ³ Barapoxonaе barapomonaе tsita naitapeinya xeinatsi xua be peebato jumope coichan. Barapo peebato jumope coichan daxita carepaya barompaya barapomonaе jajayababa tsiniya taenatsi. ⁴ Barapoxonaе daxita carepaya barapomonaе juntu coyene yucatsi Nacom pia Pejumope tuxaxu tatsi pia peayapusu itorobi coyenewa tatsi. Matautano daxita barapomonaе barompaya tsanaya icha jumeintha cueicueije xua be po jumetha Nacom pia Pejumope tuxaxu tatsi cueicueije cana exana barapomonaе po jumein xua jopa yaputaeyo.

⁵ Barapo matakabintha, iruru pinmonaе judiomonaе pata Jerusalén tomaratha, po judiomonaе i dapocotsi nacuan werena peponaewi xua penataenexa Pentecostés wun matakabi poxonaе tsinacaetuta pexaewa penabanaenexa. Barapomonaе bichocono pejume cowantsiwi Nacom. ⁶ Barapo ayei bicheitomonaе pomonaе judiomonaе barapomonaе busi tane xua po busi, busi duneica ichaxota nacaetuta pomonaе barapon Jesús pia pejume cowantsiwichi tatsi. Barapo judiomonaе jume tane xua daxita barapomonaе barompaya pia jumexitha cueicueije xua judiomonaе pia pejume tatsi. Barapoxonaе barapomonaе nanacaetuta Jesús pejume cowantsiwitha. Barapomonaе pomonaе judiomonaе najuntu coyene cabenaeca. Yawa jopa yaputaeyo xua peyabara nanta xeinaewa baraxua tsipei daxita barapomonaе pomonaе Jesús pejume cowantsiwichi barompaya judiomonaе pijumexitha tatsi cueicueije. ⁷ Daxita barapomonaе pomonaе judiomonaе najuntu coyene cabenaeca. Nantiya caemonaе natsipaeba, jeye:

—¡Jina, bara barapomonaē Galilea nacuapiwiba, pomonaē bequein barapomonaē jopa icha jumeintha pecueicueijei jiwi xua wajumeintha pecueicueijeiwa! ⁸ ¿Eta pocotsiwa barapomonaē metha daxita barompaya tsanaya icha jumeintha cueicueijei xua wajumeintha? ⁹ Xote jinompa Partia nacuapiwi iru Media nacuapiwiba, iru Elam nacuapiwiba. Barichi xote jinompe Mesopotamia nacuapiwi, iru Judea nacuapiwiba, iru Capadocia nacuapiwiba, iru Ponto nacuapiwiba, iru Asia nacuapiwiba. ¹⁰ Matautano barichi xote jinompa Frigia nacuapiwi, iru Panfilia nacuapiwiba, iru Egipto nacuapiwiba, iru Libia nacuapiwiba pomonaē jinompa imoxoyo Cirene nacua. Matautano ichamonae pata pomonaē Roma tomarapiwi. ¹¹ Barapo Roma tomarapiwi icha judiomonaē pepa judiomonaē xua yacui naexana. Icha judiomonaē jopa pepa judiomonaeyo. Saya judiomonaē penaexanaewi, tsipei barapomonaē jume cowanta Nacom icha be judiomonaē ichi pomonaē pepa judiomonaē. Iru pata ichamonae Creta nacuapiwi, iru Arabia nacuapiwiba. Ichitha daxita waxainchi jume tainchi xua Nacom pewanaewan exana peayapuwatha, poxoru barapo Jesús pijimonaē tatsi wajumeintha paeba, jei barapo judiomonaē.

¹² Daxita barapo judiomonaē najuntu coyene cabenaeca. Daxota barapomonaē jopa xaniwaicha yabara nanta xeinaeyo baxua. Barapomonaē caemonaē nayainyabiya, jeye:

—¿Eta pocotsiwa metha baxua jane? jei. ¹³ Ichamonae saya jume cui capana. Barapomonaē namchi, jeye:

—¡Apara barapomonaē Jesús pijimonaē tatsi cupatsi! jei.

Meje yabara poxonaē xua Pedro tsipaeba barapomonaē

¹⁴ Jesús pia peitorobiwi tatsi poyobe xua once poyobe, barapoyobe pia xantha tatsi Pedro nontapona. Matautano nontapona pepa bicheito itabaratha tatsi. Pedro jume daunweya barai barapo bicheitha, jeye: “Paxam, pomonaē Judea nacuapiwi pamxaem iru daxita pomonaē Jerusalén tomara-piwi pamxaem, incane pana nejume taema, yabara paca tsipaebinchi xuaunxuae pajume taneme. ¹⁵ Barapo pebiwe xua Jesús pijimonaē tatsi apara jopa cupaetsi xuaunxuae pacui yabara nanta xeiname. Apara awiya xometo caewa ecareca. Cataunxuae apara baya daxota jopa cupaetsi. ¹⁶ Baraxua xuaunxuae anoxuae pajume taneme, caena bayatha Nacom pia peitorobi jume pepaebin yabara tsiwanae muxu duta pon pewan Joel. Joel baraxua Nacom Pejume Diwesitha tina xua saya tatina, xua pinae Nacom paeba.

¹⁷ Jeyei Nacom:

‘Poxonaē barapo cae pin nacuathe po matabi
opi weraweracaena, bapoxonaē barapo
matabitha daxita carepaya jiwitha
najumope tuxa cayataxubiya catsibin.
Painya nexanto jiwi iru painya nexantixi
neyabara cueicueijei tsane pocotsiwa
xua yaputane exanan.
Pewowi yatsicaya tsita naitateibinchi
be poxonaē camaiteibina.
Pitiri jiwi camaiteibina poxonaē amachinae tsane.

¹⁸ Pomonaē xua amanaya neyabara diwesi
canantsipaebina, barapomonaethano
najumope catsibin barapo matabitha,
yabaxithano, pebiwithano. Barapoxonaē inta cueicueijei tsane.

¹⁹ Peitabocotha paca tsita itatsinchi po coyenein

bichocono pewunaewan xua jiwi bichocono najuntɔ coyene cabenaeca exanatsi.

Iratha tsicano paca tsita itatsinchi po coyenein xua jopa juniya be pejana tsurucuae tsane, xuano xua jopa juniya be isoto tsurucuae tsane, xuano xua jopa juniya be nobo tsuxu tsurucuae tsane.

²⁰ Poxonae patopaetsica pon jiwi Pecanamataxeinaein copiya baraxue panecotsiname xua xometo quiri jei tsane, jopa pentha tsurucuae tsane.

Yawa panecotsiname xua jomocoichato be janowa ducuaena.

Barapo matabi wuna tsane poxonae pon jiwi Pecanamataxeinaein patopaetsica.

Barapo matabi Nacom pepa peitapanae matabi exanaena.

²¹ Pomonae picoya penata wucaewa Nacomtha xua Nacom peyawenaenexa tsainchi, barapomonae capanebiya tsainchi Nacom', jei Joel xua saya Nacom tapaebatsi", jei Pedro.

²² Equeicha Pedro barai barapomonae jeye: "Pomonae Israel nacuapiwi pamxaem, incane pana nejume taema, xua paca tsipaebinchi. Jesús, pon Nazaret tomarapinxae bapon Nacom itoroba painya xantha. Bapon Jesús pewunaewan exana pexeinya petsita itatsi coyenewanno Nacom pia peayapuwatha tatsi, painya neyaputaenexa tsane xua Nacom yawena xua Jesús peyawenaewatsi. Paxam bayatha payaputaneme xua bapon tsita naitaba ducuaenaebiya. ²³ Bayatha Nacom paca cui wuna tsiwanaya tane xua po coyeneya pata exanaename pexantotha tatsi. Nacom bara paca cui copata xua abe paexaname. Jesús pawaetabame painya caenaetsinexa tsane bapon peacuipe jiwitha. Barapomonae Jesús cobe matabobatsi naetotha yawa bexotsi. ²⁴ Ichitha equeicha Nacom asu exana pexanto petupae cuiru nacua weya. Nacom Pexanto capanepa pia peantuyapuwatha barapo petupae cuiru nacua weya, tsipei barapo petupae cuiru nacua jopa xeinaeyo peayapuwawa xua Jesús awiya pebotsiwatsi barapo petupae cuiru nacua. ²⁵ Iru David, Israel nacuapiwi itorobiya pia pepa peewatsinchi, caena bayatha tina Nacom Pejume Diwesitha. David tina Jesús jume yabara tatsi. David namchi, jeye:

Yaputan xua Tanecanamataxeinaein nebaru poponeiba daxita matabi.

Bapon neyaweneiba.

Bapon nebaru poponeiba daxota jopa junuwin tsane.

²⁶ Daxota bichocono juntɔ coyene weiweinan.

Matautano daxota Nacom Pejume Diwesi

juntɔ coyene weiweinaya

cueicueijan ichamonaetha.

Bara bequein tupaen, muthutha bocuaeinno,

ichitha jume cowantan xua Nacom equeicha asu neexanaena pia peantuyapuwatha.

²⁷ Xam Nacom jopa punaxubim tsane tajumope petupae cuiru cuariyatha.

Poxoru xan jinya nexanton tajuntɔ cui

xanepanaein daxota jopa benecopatsim

xua tatupaein tuxamnuncuaein,
yawa xua tsabanuncuaein.

²⁸ Neita cui tsita itubame beta xaniwaicha tapoponaenexa tsane poxonae equeicha asu neexanaename petupae cuiru nacua weya. Nejutu coyene weiweina exaname tsipei neyanta poponeibame', jei David xua saya Jesús tapaebatsi", jei Pedro.

²⁹ Equeicha Pedro barai barapomona, jeye: "Tamonae, daxota beta paca tsipaebatsi xua pinae David wamo susato nacuapin bayatha pinae tupa. Piamonae muthutha xotsi. Awiya waxantha boca barapo muthu ichaxota petupaein muthutha xotsi. ³⁰ Apra, barapon David, pinae Nacom peitorobi jume pepaebin. Bayatha pinae David nacana wanae tsiwanaya muxu tsidutatsi Nacom, xua pinae David pijimonae tatsi jiwana pon jiwi Pecanamataxeinaein tatsi naexanaena. Barapon pon Pecanamataxeinaein jiwi Israel nacuapiwi canamataxeinaeinchi icha cain bayatha David ichi poxonae canamataxeina barapo Israel nacuamonae. ³¹ Bayatha pinae David yabara tsiwanae muxu duta xua bexa tsane Nacom Mesías equeicha asu exanaeinchi. Nacom Pexanto tatsi pon David yabara jume jei, apra bapon Mesías. David namchi xua Mesías jeyei xua saya pinae David tapaeba: 'Xam Nacom jopa punaxubim tsane tajumope petupae cuiru cuariyatha. Poxoru xan jinya nexanton jututu cui xanepanaein, daxota jopa benecopatsim xua tatupaein tuxamnuncuaein yawa xua tsabanuncuaein', jei David xua Mesías jeyei. ³² Pon Mesías, pon xuaunxuae yabara paca tsipaebatsi apra bapon Jesús pon Nacom equeicha asu exana. Baraxua paxan yatsicaewa pata cui taewi. ³³ Jesús asiya icha peecaenexa Nacom pecoxatha tatsi. Jesús pon jiwi pepa Pecanamataxeinaein exanatsi Nacom. Matautano Jesús nacana jumope catatsi, Nacom. Barichi baxua xuaunxuae pataneme yawa pana nejume tanemeno xua daxita carepaya barompaya icha jumexitha pacueicueijan, baraxua Nacom pia Pejumope tuxaxu tatsi pana cata. ³⁴ Poxoru David saya tupa, jopa athabe ichiyo, icha be jopa Jesús ichiyo poxonae athabe icha Jesús. Ichitha saya baxua David tapaeba Nacom, xua Nacom Mesías tsipaebatsi, jeye:

'Nacom, Tanecanamataxeinaein baraichi.
Tacoaxatha weya ecare.

³⁵ Abu beya poxonae matapainya necaaitafaetabi jiwi pia Pecanamataxeinaein tatsi caexanaeinchi. Barapomona beexanaetsipa pocotsiwa xua xam nepaebiwam', jeye pinae Nacom xua Mesías tsipaebatsi, jei David Nacom nexa", jei Pedro.

³⁶ Equeicha Pedro namchi barapomonaetha: "Paxam, pomona Israel nacuapiwi pamxaem. Anoxuae payaputaneme pon xua naetha tupaerucua paexaname, Nacom exana xua bapon jiwi pia Pecanamataxeinaein tatsi naexana. Yawano Nacom naca itata caewata xua pon Mesías jei, pon Nacom itorobica petsitupaenexa jiwi, apra bapon Jesús", jei Pedro.

³⁷ Poxonae daxita carepaya barapomona baxua jume taerucupa bi-chocono jututu coyene wecoyeyi tsurucupa. Barapomona Pedro baraichi iru Jesús pia peitorobi jiwi tatsi baraichi, jeye:

—Patamonae, zeta bewa pabichin tsane metha? jei.

³⁸ Nexata Pedro barapomona barai, jeye:

—Icha jututu coyene paxeinare Nacomtha painya neauraxae xua abe paexaname. Matautano daxita carepaya pam ichamonae paca bautisabina

Jesucristo pewantha xua Nacom pia paca necayabara jantemainaenexa xua abe painya neexanae cuiru coyenein. Barapoxonae Nacom paca nacana jumope catsibina. ³⁹ Barapo peyabara tsiwinae muxu dutsiwa apara paxam nexa, iru muxuna daxita painya pexui nexano. Matautano pomonae tajm beya jinompa iru barapomonae nexa. Barichi Nacom pon Wanacanamataxeinaeinxae, pomonae waba peantobexae barapomonae iru nexa, jei Pedro.

⁴⁰ Barapo jumeintha yawa icha jumeintha Pedro tsipaeba barapomonae. Matautano Pedro bichocono muxuweta poxonae jeye:

—Po coyenein xua daxita abe peexanae cuiru coyenein paexaneibame, barapo coyenein pana nacui barapende, po coyenein xua daxita carepaya jiwi exaneiba, jei Pedro.

⁴¹ Po matabitha poxonae Pedro paeba baxua barapo matabitha pomonae jume cowanta xua Pedro paeba barapomonae bautisabatsi. Barapo matabitha tres mil po bicheito jiwimonaebe naexana xua pomonae copiya pomonae Nacom pejume cowantsiwixaetsi barapomonae mataropeicha pinmonae naexanatsi. ⁴² Barapomonae nacuiduba nawita, xua Jesucristo pia peitorobi jiwi tatsi paeba. Barapomonae nacana cui nanta jupaya jinompa. Nacomtha nabaru tsipaebetano. Nabaru nacaetuteibano xua penabaru epa janaqueibinexa pan xua penabaru xaibinexa. Barapomonae baxua exana dubenanaebiya xua Jesucristo peyabara nanta xeina dubenanaebiyaenexatsi po coyene xua Jesucristo bayatha icha ichi xua poxonae pan epa janaca.

Meje yabara po coyeneya xua jinompa pomonae copiya Jesús pejume cowantsiwi

⁴³ Jesucristo pia peitorobiwi tatsi, barapomonae pexeinya petsita itatsi coyenewan exana nawita Nacom pia peayapuswatha tatsi. Daxota pomonae jopa Jesucristo pejume cowantsiwichi, daxita barapomonae junuwa, Nacom cunuwatsi poxonae cui tane baxuan. ⁴⁴ Daxita barapomonae, pomonae Jesús pejume cowantsixaetsi, barapomonae xaniwaicha caemonae peburaya nabaru jinompa. Matautano barapomonae caemonae nantiya nacatsiba dubenanaebiya pichiwixi pocotsiwan xua xeina. ⁴⁵ Matautano barapomonae daxitan pocotsiwan xua xeina caenaeta dubenanaebiya. Barapoxonae barapo paratixi nata tsaba dubenanaebiya xua jopa pexeinaexae ichamonae xua icha be pocotsi coyeneya pocotsiwan canantawenona ichamonae. ⁴⁶ Daxita carepaya barapomonae nabaru nacaetuta dubenanaebiya Nacom pin pia botha. Matautano pia boxitha nabaru nacaetuta dubenanaebiya pan nabaru epa nantaraba janaquiya exana dubenanaebiya. Jantema nabaru jantu coyene weiweinaeya xaerubenanaebiya. ⁴⁷ Daxita barapomonae carepaya Nacom winae jainta dubenanaebiya. Matautano barapomonae baru cui itura jinatsi ichamonae beta peexanaexae. Daxita matabi tsaibi pomonae Nacom pejume cowantsiwixaetsi barapomonae Nacom cana exana xua mataropeicha pinmonae tsoponae tsaibi.

3

Meje yabara poxonae pon pejayujayujei jiton equeicha cui jume exanatsi

¹ Caentaqueitha quiripitha poxonae tres po horabe tsuxubi po horatha poxonae jiwi ba poneiba Nacom pin pia botha xua petsipaebetinexa Nacomtha barapoxonae Pedro iru Juan Nacom pin pia botha joniya. ² Barapo bo Nacom pin pia bo tatsi icha coiboto jiwi wan duta, jeye: “Pexeinya coiboto”,

jei. Barapo coibototha daxita matacabi tsaibi pebin cuareteibatsi pon pejayujayujei jiton xua yawa naexana poxonae pexuyo. Daxota bapon baxota cuareteibatsi xua pew_uquequeibinexa pomonaetha pomonae jojoneibiya barapo coiboto iya. ³ Pon pejayujayujei jiton w_uca paratixi poxonae Pedro ir_u Juan tainchibe xua muxu pejoniyaebe barapo coiboto iya. ⁴ Nexata Pedro ir_u Juan tanebe bapon. Pedro barai bapontha, jeye:

—Incane pana taemabe, jei Pedro.

⁵ Nexata necota bapon. Nanta xeinataba xua catinchi paratixi. ⁶ Ichitha Pedro barai bapontha, jeye:

—Canta jopa xeinaeinyo paratixi. Matautano jopa xeinaeinyo pocotsiwa oro nain mataw_un. Meisa po coyenewa xua taxeinaewa baxua cacatinchi. Jesucristo, Nazaret tomarapin w_untha cabaraichi, asiya uncuatabare yawa pondeno, jei Pedro.

⁷ Nexata Pedro pocotsiwa pecoxa weya cobe pita. Yawa asiya cuarantano. Bapoxonae nainya beta taxuyawere daunweya ducuanaya. Pesitano w_unae tsanayano. ⁸ Nexata bapon pon pejayujayujei jiton jiraw_una. Asiya uncuatabano. Ponano. Bapoxonae Pedro ir_u Juan puna jonyatsibe bapon, Nacom pin pia botha. Jirajirawiya ponano. Yawano Nacom w_unae jaintatsi. ⁹ Nexata daxita pomonae xua Nacom pin pia bo tututha peenaexae, tainchi pon pejayujayujei jitonxae xua pona, yawano xua Nacom w_unae jaintatsino. ¹⁰ Barapomonae daxita carepaya naj_unt_u coyene cabenaecaeya tane, tsipei barapomonae bayatha cui tane xua bapon amanaya jiwi w_uquequeiba paratixi pecoibototha, po coiboto pew_un “Pexeinya coiboto”, jei.

Meje yabara poxonae Pedro diwesi paeba Nacom pin pia botha po tututha pew_un Salomón bo w_un tututha

¹¹ Poxonae pejayujayujei jiton awiya max_u waetabatsibe Pedro Juanno bapoxonae ir_ug_u daxita jiwi naj_unt_u coyene cabenaecaeya cuinaenouta Nacom pin pia botha xua tututha po tututha Salomón bo w_un tututha ichaxota Pedro bar_u jinompa. ¹² Poxonae Pedro barapomonae caetaebiya, Pedro barai: “Ja, pomonae Israel nacuamonaepiwi pamxaem, ¿eta xua metha daxita paxam pana naj_unt_u coyene cabenaecaeya taneme baxua? ¿Pana neyabara nanta xeinamebe xua pata taayapus_uwatha paaxaibi exananbe pejayujayujei jiton? ¿Matautano pana neyabara nanta xeinamebe poxoru Nacom pajume cow_untanbe daxota pon pejayujayujei jiton axaibi? ¹³ Ajibi, apara wamo susato jiwi pia Nacom tatsi axaibi exana bapon. Barapo Nacom Jacob pia Nacom tatsi, Abraham bapon pia Nacomno, Isaac bapon pia Nacomno. Apra bapon baxua taexana Nacom. Bapon Nacom Pexanto bichocono ainya cui cana exana poxonae pexanto as_u exana pet_upa_e cuiru coyene weya. Bapon apra Jesús pon pacaenaetame pomonaetha pomonae pentacaponae_uwi, pon bepa bequein isanaxubei Pilato poxonae paxam jopa pacopatsim xua bapon peisanaxubiwa. ¹⁴ Bapon pon bichocono pe_unt_u coyene xanepanaein xua jopa xeinaeyo penatsicuentsiwa xua abe peexanaexae tsipei saya exaneiba pocotsiwa Nacom ichichipa. Ichitha jopa paichipaem xua Pilato peisanaxubiwa tsane bapon. Saya meisa paw_ucame xua Pilato peisanaxubiwa ich_un pon jiwi pejutebeibin pon Barrabás. ¹⁵ Poxonae baxua paexaname barapara Jesús pabexubame. Bapon Jesús pon jiwi cana exanatsi xua jiwi aj_unt_uyapus_uya pejinompaewa. Bapon Jesús Nacom equeicha as_u exana pet_upa_e cuiru coyene weya. Bara baxua yatsicaya pacui tan daxita. ¹⁶ Po jume w_un peayapus_u w_un, bapo w_un Jesús pia w_un. Daxota pejayujayujei jiton barapo jume w_untha axaibi exanatsi. Barapon pataneme xua axaibi, tsipei bapon jume nanta pitabiya jume

cowanta barapo peayapusu jume wun. Daxota barapon painya itabaratha axaibi tsuxubi poxoru jume cowanta Jesús”, jei Pedro.

¹⁷ Equeicha Pedro jeye: “Tamonaе yaputan xua jopa payabara yaputaem xua paexaname poxonaе Jesús pabexubame. Barichi painya pentacapon-aewino jopa yabara yaputaeyo xua baxua exana. ¹⁸ Nacom peitorobi jume pepaеbiwi bayatha Mesías yabara tsiwana paebatsi. Barapomonaе paeba, jeye: ‘Bexa tsane Mesías bexubinchi’, jei. Nacom bara nacui yabara jume weta baxua xua bayatha Nacom peitorobi jume pepaеbiwi paeba. ¹⁹ Daxota icha juntu coyene paxeinare Nacomtha painya neauraxae xua abe paexaname. Yawa pajume cowande painya nepaca cayabara juntemainaenexa abe painya neexanae cuiru coyenein. Yawa Nacom pawucare xua paca juntu coyene xanepana exanaena. Bapoxonaе Nacom paca juntu coyene ayapusuya exanaena. ²⁰ Tsipei Nacom equeicha athawetsica Jesús itorobicaeinchi pon bayatha Nacom itapeta pon Mesías xua painya nepaca capanenebiyaenexa tsane abe painya neexanae cuiru coyenein weya. ²¹ Cataunxuae abu Jesucristo equiya Nacom pia nacuathe-icha tatsi. Equeicha bapon patopaetsica poxonaе Nacom wunaе exanaena daxitan, be pocotsi coyeneya bayatha Nacom peitorobi jume pepaеbiwi paeba. ²² Barichi Moisés pata amo susato jiton namchi: ‘Painyamonae jiwana Nacom cana exanaena, pon Nacom pia peitorobi jume pepaеbin tsecae tsane icha neichi. Pajume cowantsiya exande daxita pocotsiwa xua bapon paca tsipaebina. ²³ Daxita pomonaе jopa jume cowantsiyo pocotsiwa bapon paeba, barapomonaе Nacom weraweraca cana exanaena xua jopa penaexanaenexa Nacom pijimonaе tatsi’, jeyei Moisés”, jei Pedro.

²⁴ Equeicha Pedro jeye: “Daxita Nacom peitorobi jume pepaеbiwi iru Samuel pon xua yatsicaya tabu ducua, baraxua carepaya bapo diwesin yabara paeba barapo maticabin. ²⁵ Barapo Nacom pia peyabara tsiwanae muxu dutsiwa po peyabara tsiwanae muxu dutsiwa Nacom tsiwanaeya muxu duta Nacom pia peitorobi jume pepaеbi jiwitha, apara bara iru paxam nexa. Baxua Nacom pena peyabara tsiwanae muxu dutsiwa Abraham yabara tsiwanae muxu dutatsi pon wamo susatopin xua xanepanaya painya nejinompaenexa. Nacom Abraham baraichi, jeye: ‘Caein jinya nemomoxi susato jiwi jiwana pin pepatopaexae tsane daxita i dapocotsi nacuanpiwi yawenaеin’, jei Nacom Abrahamtha. ²⁶ Poxonaе Nacom Pexanto asu exana petupaе cuiru coyene weya, bapoxonaе copiya pacata itoroba painya xantha pia painya nepaca cayawenaenexa xua daxita paxam painya nenacui barapentsinexa abe painya neexanae cuiru coyenein”, jei Pedro.

4

Meje yabara poxonaе Pedro iru Juan cueicueijeibe tsuncuaebe pomonaе tomarapiwi pia pentacaponae wi tatsi peitabaratha tatsi

¹ Poxonaе cataunxuae Pedro iru Juan cueicueijeibe barapomonaetha, bapoxonaе sacerdotemonaе pia pentacaponae wi tatsi pata. Iru patopa pon soldadomonaе pia pentacaponae in tatsi pon Nacom pin pia botha tatsi pe-enaеin. Yawa saduceomonaeno iru pata baxota. ² Barapomonaе bichocono anaepana, yaitama Pedro Juanno paebabe xua po coyene Jesús petupaеin equeicha asu, xua pinaе barichi jiwino poxonaе tupa equeicha asu. ³ Bara nexata Pedro Juanno waetabatsibe barapomonaе. Jiwi pecubi botha capoinchibe. Barapo botha etatsibe tsipei quirei tsanaya xua beya poxonaе yaitapenacaena. ⁴ Pinmonae jume tane po diwesi Juan iru Pedro paebabe, yawa jume cowantano barapo diwesi. Barapomonaе iruru pomonaе copiya

jume cowanta caena bayatha, daxita barapomonaex nexata daxita cinco mil bicheito tsuxubi xua saya pebiwi ununatsi.

⁵ Icha mataqueitha judiomonaex pia pentacaponawewi tatsi, iruru pitiri jiwi, irano pomonaex jiwi pecuidubiwi Moisés pia peitorobi coyenewa tatsi, daxita barapomonaex nacaetuta Jerusalén tomaratha. ⁶ Baxota iru nanacaetuta Anás pon sacerdotemonaex pia pepa pentacaponawewi tatsi. Iru nanacaetuta Caifás, Anás perobi. Iru nanacaetuta Juan iru Alejandro, ponbe Anás piamonaex tatsi. Barichiru nanacaetuta ichamonaex pomonaex sacerdotemonaex pia pentacaponawewi tatsi barapomonaex piamonaex tatsi. ⁷ Bapoxonaex ichamonaex itoroba xua Pedro iru Juan pecuaranotatsinexatsibe barapo penacaetutsiwi itabaratha. Yainyabatsibe, jeichibe:

—¿Jintam pia peayapusu itorobi coyenewatha tatsi matautano jintam pewantha tatsi axaibi paexanamebe? jeichichibe.

⁸ Pedro bichocono juntu coyene yucatsi Nacom pia Pejumope tuxaxu tatsi pia peayapusu itorobi coyenewa tatsi. Pedro barapomonaex jume nota, jeye:

—Pomonaex tomarapiwi pia pentacaponawewi pamxaem, iruru pomonaex pitiri jiwi pamxaem, pomonaex Israel pijimonaex tatsi pamxaem, daxita barapomonaex pam paca tsipaebatsi. ⁹ Maisa yabara pana yainyabamebe xua po coyene pejayujayujei jiton axaibi xua painya neyaputaenexa xua eta po coyeneya xua paexananbe poxonaex bapon axaibi exanatsi po coyene xua bichocono wunaex. ¹⁰ Daxota paxanbe paca jume notatsi xua iru israelmonawewi peyaputaenexa po coyene xua pon pejayujayujei jiton axaibi exanatsi poxonaex pawun paeban Jesús pewun pon Nazaret tomarapin. Bapon Jesús, pon apara naetotha tuxarucua paexaname matautano pon equeicha Nacom petuxawewi asu exana petuxawewi cuiru coyene weya. ¹¹ Bayatha Nacom Pejume Diwesitha tsiwanaya yabara paeba xua po coyeneya pacana exanaenax Jesustha. Paxam be barapocotsimonaex pam, be pocotsimonaex xua ibo bo peacabiwi. Barapomonaex xuba iboto po iboto bequein ainya cui naexana beyacaincha icha iboto. Paxam bara paichim Jesucristo paxubame pon peainya cui xua Nacom ainya cui cana exana beyacaincha ichamonaex. ¹² Barapo cae pin nacuathe dapocotsin aibi pon capanepeiba jiwi. Saya meisa bapon Jesús capanepeiba jiwi. Ichun Nacom jopa nacata itorobiyo.

¹³ Daxita tomarapiwi pia pentacaponawewi tatsi yabara najuntu coyene cabenaeca xua Pedro Juanno jopa auriyobe xua atsaquiya paebabe. Tsipei barapomonaex pomonaex pentacaitorobi bicheito yaputane xua Pedro Juanno jopa nacuidubiyobe petinaex botha matautano xua baponbe saya pecui pawu jitonbe. Barichi barapo pentacaitorobi bicheito yaputaneno xua xaniwaicha apara baponbe ponbe napuna poponeibabe Jesustha. ¹⁴ Barapomonaex moya ena tsipei pon pejayujayujei jiton Pedro Juanno axaibiya caquita uncuatsibe. Daxota barapomonaex Pedro Juanno jopa abe yabara paebichibe. ¹⁵ Pedro Juanno matha pesato beitorobiyatsibe. Barapomonaex natsipaeba.

¹⁶ Nabarai, jeye:

—¿Eta bichainchi metha baraponbexa Pedro Juanno? Bayatha daxita carepaya Jerusalén tomarapiwi yaputane xua Juan Pedrono exanabe pexainya petsita itutsi coyenewa Nacom pia peayapusuwatha tatsi. Daxota jopa naca itacuxawewi xua wapaebiwa po coyene xua baponbe jopa apara exanaeyobe pexainya petsita itutsi coyenewa Nacom pia peayapusuwatha tatsi. ¹⁷ Maisa aichaxaibichi xua daxita carepaya jiwi jume taetaepona baxua. Metha daxota baponbe jume daunweya itorobinchi xua equeicha jopa paebi tsanebe xua Jesús peyabara paebiwatsi, jei barapomonaex.

¹⁸ Barapo pentacaitorobi bicheito equeicha Pedro iru Juan wabatsibe. Jume daunweya tsipaebatsibe:

—Equeicha jopa Jesús payabara paebindebe. Equeicha jopa yabara pacuidubindebe barapo cui, jei barapomonae.

¹⁹ Bara nexata Pedro Juanno jume notabe barapomonae, jeibe:

—Incane payabara nanta xeinare icha metha bara Nacom tsita xanepanatsi xua paxanbe pata paca cajume cowantsiwatsi xua pata exanaewabe pocotsiwa pana itorobame xua daxota jopa pata exanaewa pocotsiwa Nacom pana itoroba. ²⁰ Bewa paexanaeinbe daxita pocotsiwa Nacom pana neitorobabe. Bewa papaebinde daxita pocotsiwa patanbe xua Jesús exana yawa xua pajume tanbeno xua Jesús paeba, jeibe Pedro Juanno.

²¹ Barapomonae pomonae tomarapiwi pia pentacaponae wi tatsi, Pedro iru Juan jume itawetatsibe. Daichitha saya pu copatatsibe. Barapomonae jopa itacupaetsi xua pecuainchiwatsibe Pedro iru Juan jiwi pecunuwixaetsi, tsipei pinmonae jiwi Nacom wuna jaintatsi, petaexae pocotsiwa Pedro iru Juan exanabe. ²² Pon pejajuyajuyei jiton pontha pon Nacom pexeinya petsita itatsi coyenewa taexana, bapon axaibi exanatsi poxonae cuarenta po weiyobe xeina.

Meje poxonae pomonae Jesús pejume cowantsiwichi tatsi wuca Nacom xua jopa pejunuwina tsane poxonae Nacom Pejume Diwesi cueicueije tsane jiwitha

²³ Pedro Juanno nainya pontababe ichaxota Jesús pejume cowantsiwichi tatsi jinompa. Baxota nanabaru nacaetutatsibe. Barapomonaetha paebabe, xua baraunchichibe sacerdotemona pia pentacaponae wi, pitiri jiwino. ²⁴ Poxonae Pedro iru Juan baxua jume taerucupatsibe, barapomonae Nacomtha tsipaeba, jeye: “Nacom, pon pata Necanamataxeinaem, xam daxita peitabocotha exaname, irathano, menthano, daxita icha coyeneinno. ²⁵ David pon neitorobi jume pepaebin, nejumope tuxaxu cueicueije cana exanatsi xua cata paeba, poxonae jeye:

‘¿Eta xua metha, pomonae jopa judiomona naexanaeyo cayabara anaepana? Bara bequein ichipa abe cata exana ichitha jopa itacupaetsi.

²⁶ Daxita carepaya nacuanpiwi pomonae jiwi itorobiya pia pepa peewatsiwichi iru ichamonae pomonae jiwi peyanacua ewatsiwichi barapomonae nacaetuta xua abe necayabara paebinexa yawa xua Nexanto pia abe yabara paebichi pon Mesías, pon jinya Neitapetsin’, jeyei David, xua pinae Nacom tapaebatsi”, jei barapomonae xua wuca Nacomtha.

²⁷ Equeicha bapomonae jeye: “Bara yatsicaya baxua exana poxonae Herodes iru Poncio Pilato, iru icha nacuamonaepiwino, iru Israel nacuamonaepiwino xote nacaetuta Jerusalén tomaratha. Barapomonae nacaetuta xua Jesús abe peyabara paebinexatsi nexanto pon pejuntu coyene xanepanaein pon Mesías pon itapetame. ²⁸ Barapomonae, pomonae xote nacaetuta, exana daxita xua caena bayatha cui wuna tsiwanaya yabara paebame po coyene xua barapomonae exanaena. ²⁹ Pata Necanamataxeinaem, matha jume taema xua pana yabara abe jume baraunchi xua abe pana exanapaeba. Pana care xua neajuntayapuswa xua jopa junuwiya pata paebinexa tsane

jinya jume diwesi, tsipei paxan jinya neitorobi jiwi pan. ³⁰ Peatenewi axaibi exande neayapuswatha. Matautano barabw copatame xua pexeinya petsita itutsi coyenewan paexanaein poxona pacueicueijan tsane jinya jume diwesi, Jesús nexanto pia peayapuswatha tatsi pon pejuntw coyene xanepanaein”, jei barapomona poxonae wca Nacomtha.

³¹ Barapomona najume wetarwpa xua Nacomtha petsipaebiwa. Bapoxonae ichaxota nacaetuta barapomona ira jijiyataxuba. Daxita barapomona jntw coyene yca cana exanatsi Nacom pia Pejumope tñaxw tatsi pia peayapusw itorobi coyenewa tatsitha. Matautano barapomona Nacom Pejume Diwesi jopa junuwiya paebinoutsiyo.

Meje yabara poxonae pomonae Jesús pejume cowantsiwi pocotsiwan xua xeina daxita baxuan bara barapomona nexa

³² Pomona pejume cowantsiwi Jesucristo pinmonae tsopona. Barapomona pebwya nanta xeina be caenthwto coyeneya. Ichw jopa jeiyo: “Apara pocotsiwa xeinan meisa tawa”, jopa jeiyo. Ichitha daxita xua barapomona xeina baxua saya daxita bara barapomona nexa. ³³ Jesús pia peitorobi jiwi tatsi ajumeyapuwya yabara paeba pocotsiwa bayatha tane poxonae Jesucristo pon jiwi Pecanamataxeinaeinchi xua equeicha petwpaein asw popona exanatsi. Matautano yabara cueicueijei po coyene Nacom bichocono wnae exana daxita barapomonaetha peantobexaetsi. ³⁴⁻³⁵ Jopa ichw acopeibiyo pomonae Jesús pejume cowantsiwi. Daxita barapomona xeina xua pocotsiwa penantawenonaewa poxoru ichamona pomona nawita pexeinaewi caenaeta dubenanaebiya pabin, bomwñno. Barapo paratixi poxonae xeineiba, catsibeibatsi Jesucristo pia peitorobi jiwi tatsitha. Nexata xuya barapo paratixi Jesucristo pia peitorobi jiwi tatsi catsibeiba pomonaetha pomonae peacopeibi jiwi xua daxota jopa petaseicaenexatsi pocotsiwa nantawenona. ³⁶ Barichi exana bapon José pon Leví pia pemomo susato jiwana pin. Jesucristo pia peitorobi jiwi tatsi icha wñn duta bapontha, po wñn Bernabé. (Barapo wñn, xua hebreo jume jei: “Pon jiwi pentateiqueibin”, jei.) Barapon José, Chipre tunaetotha naexana. ³⁷ Bapon pia pabi caenaeta. Bapoxonae barapo paratixi Jesucristo pia peitorobi jiwi tatsi catatsi peacopeibiwi nexa.

5

Meje yabara poxonae Ananías irw piowa Safira abe exanabe

¹ Bapoxonae irw ichw pon pewñn Ananías irw piowa pewñn Safira, pabi xeinabe. Bapon piowabe pia ira caenaetabe. ² Bapon piowabe najwpa nanta xeinabe. Baponbe icha paratixi nata botabe. Icha paratixi Jesucristo pia peitorobi jiwi tatsi catabe bequein Ananías paeba xua daxita catabe Jesús pia peitorobi jiwitha tatsi. ³ Bara nexata Pedro Ananías baraichi, jeye:

—Ananías, ¿eta xua metha Satanás jume jejam xua cajume tsiduta xua Nacom pia Pejumope tñaxw tatsi muxuitorobame? ¿Eta xua metha paratixi nata botame xua ira matoma cacata? ⁴ Po ira caenaetame apara bara jinya ira. Yawa barapo matomano apara bara jinyawa. Barapo paratixi icha canantawenoname bara ba moya tainchi. ¿Eta xua metha baxua najntw coyene xeiname? Jopa apara muxuitorobim pebiwi. Jame yatsicaya apara Nacom pia Pejumope tñaxw tatsi muxuitorobame, jei Pedro.

⁵ Poxonae baraxua Ananías jume taeba, petwpaein Ananías iratha jopa. Daxita pomona xua jume tane xua bapon twpa, bichocono junuwa. ⁶ Pewowi pata. Ananías petwpaein mata yarabatsi pesato becayatsi, xua pemwthwtha xubinexatsi.

⁷ Pirapaeyo poxonae tres po horabe weta, Ananías piowa tatsi patopa ichaxota Pedrobaru ena. Barapowa jopa yaputaeyo xua pia pebin tatsi tatupatsi. ⁸ Nexata Pedro barai barapowa, jeye:

—¿Bara daxita pana catame xoxi pacaenaetame pentoma pabi? jei Pedro. Barapowa jume nota, jeye:

—Aja, bara daxita, jei barapowa.

⁹ Nexata Pedro barai barapowa, jeye:

—¿Eta xua metha pana muxu wetamebe xua Nacom pia Pejumope tunaxu tatsi pamuxuitorobinamebe? Taema, pewowi pomonae aunxuae jinya pebin muthutha xotsi, pecoibototha pata, necamuthutha xubinexa tsaneru.

¹⁰ Barapoxonae caena nainya Safira Pedro petaxutha petupaein tanabotabatsi. Poxonae pewowi taeba xua barapowa bayatha tupa, bapoxonae bapowa jontaxorenatsi. Pia pebin cacuita muthutha xorecatsi. ¹¹ Daxita Jesús pejume cowantsi jiwi, ichamonaeno unthutha nayotarucupa pejunuwixae poxonae baraxua jume tane.

Meje yabara poxonae Jesús pia peitorobi jiwi tatsi ainya pexeinya petsita itutsi coyenewan exana, Nacom pia peayapusuwatha tatsi

¹² Jesús pia peitorobi jiwi tatsi pexeinya petsita itutsi coyenein exana jiwitha Nacom pia peayapusuwatha tatsi. Pinmonae Jerusalén tomarapiwi pomonae jume cowanta Jesús, Nacom pin pia botha nacaetuta. Po tutu pewun Pórtico de Salomón tutu, bapo tututha nacaetuta. ¹³ Ichamonae, pomonae xua jopa jume cowantsiyo Jesús, junuwa xua penanacaetutsiwa Jesús pejume cowantsi jiwitha tatsi. Ichitha barapo Jerusalén tomarapiwi tsita cui wunaetsi Jesús pejume cowantsi jiwi tatsi. ¹⁴ Pin bicheito nayoyotapona, pebiwino, yabuxino pomonae xua jume cowantapona Jesús ponxae jiwi Pecanamataxeinaeinchi. ¹⁵ Jesús pia peitorobi jiwi tatsi wunae peexanaexae, Nacom pia peayapusuwatha tatsi, daxota pomonae atene namtotha capoinchi. Ichamonae camatha bobena namtotha. Ichamonae weintha bobena. Barapomonae ichipa jayababatsi xua Pedro pejumope tatsi, xua barapomonae peaxaibi exanaenexa tsainchi. ¹⁶ Jiwi nacaetuta Jerusalén tomaratha pomonae xua pia tomaran jeba Jerusalén tomara pepuya weya. Barapomonae capata peatenewi iru pomonae xua matajemabatsi exanatsi cauri. Daxita barapomonae peburuya axaibi exanatsi. Daxita barapomonae carepaya equeicha axaibi.

Meje yabara poxonae Jesús pia peitorobi jiwi tatsi peraxa exanatsi

¹⁷ Nexata sacerdotemonae pia pepa pentacaponaein tatsi, iru pomonae xua napuna pona, pomonae saduceomonae, daxita barapomonae Jesús pia peitorobi jiwi tatsi anaepanaya jume uwatsi. ¹⁸ Daxota pomonae xua anaepana Jesús pia peitorobi jiwi tatsi teicatsi. Jiwi pecubi bothano capoinchi. ¹⁹ Ichitha Jesús itoroba matatsunpin. Bapon merawi patopa. Jiwi pecubi coiboto yausaranaxuba. Matatsunpin aisowa bemaxu cayiya Jesús pia peitorobi jiwi tatsi. ²⁰ Matatsunpin Jesús pia peitorobi jiwi tatsi tsipae-batsi, jeye: “Paponde Nacom pin pia botha. Baxota paumende. Payabara paebare daxita jiwitha barapo pena juntu coyene po coyene xua Nacom cata jiwitha xua beta pejinompaenexa”, jei matatsunpin. ²¹ Poxonae baya caemumbotha Jesús pia peitorobi jiwi tatsi bara exana xua matatsunpin paeba. Bara Nacom pin pia botha yacuinaya jojoniya pecuidubinexa jiwi.

Barapoxonae sacerdotemonae pia pepa pentacaponaein tatsi, iru saduceomonaeno waba daxita carepaya Israel nacua pia penapatae jiwi xua penacaetutsinexa pentacaitorobi bicheitotha. Barapoxonae barapomonae

itoroba ichamonae xua Jesús pia peitorobi jiwi tatsi pecuaranobinexatsi pin bicheitho peitabaratha tatsi. ²² Ichitha poxonae policiamonae jiwi pecubi botha pata, Jesús pia peitorobi jiwi tatsi jopa taetsi. Daxota policiamonae diwesiyo caibeya capona pin bicheito peitabaratha. ²³ Policiamonae namchi, jeye:

—Poxonae papatan jiwi pecubi botha, soldadomonae pomonae peewatsiwi barapo pecubi botha barapo soldadomonae pecoiboto yabara umena, daunwei tsuncuae. Poxonae pasaranaxoyan jopa paitaraerowinyo Jesús pia peitorobi jiwi tatsi. Jiwaibi. Aichurubena, jei.

²⁴ Poxonae sacerdotemonae pia pepa pentacaponaein tatsi, iru Nacom pin pia bo peyabara umenaewi pia pentacaponaein tatsi, iru sacerdotemonae pia pentacaponaein tatsi jume tane baxua, bapoxonae najantu coyene be-naecaeya nayainyaba, jeye: “¿Exota metha jane Jesús pia peitorobi jiwi tatsi? ¿Exua jane?” jei. ²⁵ Iruru barapoxonae pebin patopa. Barapomonae baraichi, jeye:

—Ja, pomonae jiwi pecubi botha pacaponame, barapomonae Nacom pin pia botha umena. Matautano cuiduba jiwi, jei bapon.

²⁶ Nacom pin pia bo peyabara umenaewi barapomonae pia pentacaponaein tatsi bapon baru pona policiamonaeno Nacom pin pia botha. Equeicha caewa baru dendenatsi Jesús pia peitorobi jiwi tatsi ichaxota nacaetuta pentacaitorobi bicheito. Saya jopa abe exanaetsi poxonae teicatsi. Saya baru cui wunaeya carendenatsi poxoru barapo policiamonae jiwi cui cunuwatsi. Daxota policiamonae saya be xainyatha teica barapomonae xua jiwi pecuiyainwaxae tatsi xua policiamonae pecuinbabiwa tsipaetsi ibotixitha. ²⁷ Nacom pin pia bo peyabara umenaewi pia pentacaponaein tatsino, barapomonae Jesús pia peitorobi jiwi tatsi capoinchi pentacaitorobi bicheito peitabaratha. Sacerdotemonae pia pepa pentacaponaein tatsi bapon, Jesús pia peitorobi jiwi tatsi baraichi, jeye:

²⁸ —Bayatha jume daunweya paca tsipaebatsiba: ‘Equeicha jopa Jesús payabara paebinde’, pajan. ¿Ichitha eta xua paexaname? Daxita carepaya Jerusalén tomarapiwi yaputane pocotsiwa paxam pacuidubame Jesús yabara. Yawa painya metha paebichi xua paxan panatsiaena cuentan Nacomtha tupa pata exanaexae Jesús, jei barapo pentacaitorobi bicheito.

²⁹ Nexata Pedro iru ichamonae pomonae Jesús pia peitorobi jiwi tatsi daxita barapo matabuxnyobe jume nota barapomonaetha, jeye:

—Apara jame bewa paexanaein pocotsiwa Nacom pana itoroba. Nacom pia peitorobi coyenewa ainya cui beyacaincha jiwi pia peitorobi coyene tatsi. ³⁰ Pata amo susato jiwi pia Nacom tatsi, barapo Nacom Jesús equeicha petupaein asu exanatsi pon xua pabexubame, poxonae naetho tupa ruca paexanadutame. ³¹ Nacom Pexanto pia peayapuswatha exana yatsicaya jiwi pia pepa Pecanamataxeinaein tatsi. Yawa exana pexanto pon jiwi Pecapanenebiyaein. Baxua exana poxonae pecoxatha taecatsi pexanto. Nacom baxua exana tsipei ichichipa xua Israel nacuapiwi icha juntu cui coyene xeinaena bapontha, xua bapoxonae barapomonae Nacom pecui yabara junte mainaenexa po coyene xua barapomonae Nacom tsita natsicuentatsi xua abe pe-eexanaexae. ³² Bara yatsicaya pata cui taewi daxita baxuan, Nacom pia Pejumope tuxu tatsi iru taneru. Daxota paca tsipaebatsi baxua, pocotsiwa xua Jesús exana. Nacom najumope cata pomonaetha pomonae xua peichichipaewa xua peexanaewa pocotsiwa Nacom itoroba, jei Jesús pia peitorobi jiwi tatsi.

³³ Pentacaitorobi bicheito jume taerucupa xua pocotsiwa paeba barapomonaē pomonaē Jesús pia peitorobiwi tatsi. Bapoxonaē barapomonaē bichocono casebarucupatsi. Barapo pentacaitorobi bicheito ichichipa xua barapo Jesús pia peitorobiwi tatsi pejutebiwatsi. ³⁴ Barapo pentacaitorobi bicheitha eca fariseomonaēpin pewun Gamaliel, pon jiwi pecuidubin Moisés pia peitorobi coyene tatsi. Jiwi bapon baru cui itura jineibatsi. Bapon asiya uncuā yawa itoroba xua bara caeto pesato becayiya tsainchi barapomonaē pomonaē Jesús pia peitorobi jiwi tatsi. ³⁵ Bapoxonaē bapon Gamaliel barai barapomonaē pomonaē pentacaitorobi bicheitha, jeye:

—Paxam pomonaē Israel nacuamonaēpiwi pamxaem, dota pam xua pocotsi coyeneya pacana exanaename barapomonaē. ³⁶ Metha bara pajuntemainame poxonaē matha bapon Teudas poxonaē pia coya pentacaponaein naexana, nayabara paeba xua pinaē bichocono peainya cui jiton. Cuatrocientos pebiwimonaē matabuxube puna jinompatsi bapon. Ichitha poxonaē Teudas bexotsi ichamonaē, bapoxonaē pijimonaē tatsi ducupa, poxonaē daxita yotabatsi. Saya xua Teudas exana baxua pecui pawī. ³⁷ Barichi Teudas pepuya weya ichun patopa pon pewun Judas. Bapon pentacaponaein najainta poxonaē jiwi pewun tinaē matabi tsuxubi. Bapon Galilea nacupin. Piamonaē pin bicheito puna jinompatsiru, ichitha barichi bapon Judas bexotsi ichamonaē. Barichiru pijimonaē tatsi tarucupatsi poxonaē yotabatsi. ³⁸ Daxota paca jeichi: ‘Jesús pia peitorobi jiwi tatsi bara pacui copabare’, jan. Icha barapomonaē saya exanaetsipa xua jiwi itoroba, nexata barapomonaē jopa amanayabichipae pocotsiwa xua ichichipa peexanaewa. ³⁹ Ichitha icha barapomonaē exanaetsipa pocotsiwa Nacom itoroba, nexata paxam jopa pacui amanayabichipaem barapomonaē. Dota pam. Daxota jopa paexanaponaēinde po coyene xua Nacom pia peitafaetabi jiwichi pana naexanaponaē, jei Gamaliel.

Barapomonaē pomonaē pentacaitorobi bicheito bara jopa pecuiyo Gamaliel pepaebixae. ⁴⁰ Barapoxonaē barapomonaē pomonaē pentacaitorobi bicheito equeicha wabatsi Jesús pia peitorobi jiwi tatsi. Bapoxonaē matha copiya ichamonaē itorobatsi xua Jesús pia peitorobi jiwi tatsi pecuainchinexatsi. Equeicha jume daunweya tsipaebatsi: “Equeicha jopa Jesús payabara papaebim tsane”, jei. Bapoxonaē pu copababatsi nama Jesús pia peitorobi jiwi tatsi. ⁴¹ Jesús pia peitorobi jiwi tatsi pentacaitorobi bicheito weya pona. Barapomonaē juntu coyene weiweina tsipei peraxa exanatsi ichamonaē, Jesús pijimonaēxae xua baxua saya Nacom pecopatsixae. ⁴² Awiya barapomonaē amsiya yabara cuiduba, Nacom pin pia botha Jesús pia pexeinya jume diwesi yawa xua boxithano. Matautano cuidubano xua Jesús apara Mesías pon Nacom itorobica.

6

Meje yabara poxonaē Jesús pia peitorobi jiwi tatsi itapeta siete poyobe peyawenaenexa tsane ichamonaetha

¹ Barapoxonaē barapo mataqueitha pinmonaē jume cowanta Jesús. Pomonaē xua griego jume pecueicueijeijiwi anaya tsipaeba, pomonaē xua hebreo jume pecueicueijeijiwi baraichi, jeye: “Patamonaē, powaxi pecuenta werapaewaxichi piseurixi powaxi griego jume pecueicueijeiwaxi poxonaē judiomonaē apata pexaewa, barapowaxi saya peyaxi apatatsi pexaewa. Ichitha meisa judiomonaewaxi powaxi pecuenta werapaewaxichi barapowaxi jopa juniya nabaneibiyo”, jei. ² Jesús pia peitorobi jiwi tatsi, pomonaē doce poyobe, barapomonaē baru nacaetuta ichamonaē pomonaē

irꝫ Nacom pejume cowꝫntsiwi. Barapomonaē pomonaē Jesús pia peitorobi jiwi tatsi jeye barapomonaetha:

—Painta jopa yapu xanepanaeyo xua pata nacui barapentsiwa xua pata cueicueijejiwa Nacom Pejume Diwesi xua saya pexaewa pata apatsinexa jiwi. ³ Daxota wajiwimonaē paitapere siete poyobe pebinbe paxam jiwana. Paitapere pomonaē xua daxita jiwi ita cui jꝫntꝫ coyene xanepaneibatsi, pomonaē xua jꝫntꝫ coyene yꝫcatsi Nacom pia Pejumope tꝫnaxꝫ tatsi pia peayapusꝫwatha tatsi, pomonaē xua peyaputaewi. Barapo siete poyobe pacui itorobin xua pexaewa apateibina. ⁴ Bapoxonaē paxan Jesús pia peitorobiwi tatsi pan, jopa paapatsin tsane pexaewa. Saya meisa Nacom pata tsipaebeibichi nawita yawa pata cueicueijeji tsaibichi Jesús pejume diwesi, jei barapomonaē.

⁵ Jesús pejume cowꝫntsi jiwi tatsi nanta jꝫpaya nanta xeinarꝫcꝫpa. Bapoxonaē Esteban itapetatsi. Bapon Esteban pon bichocono jume cowꝫnta Jesús yawa bichocono jꝫntꝫ yꝫcatsi Nacom pia Pejumope tꝫnaxꝫ tatsi pia peayapusꝫwa tatsi. Itapetatsi Felipeño, irꝫ Prócoro, irꝫ Nicanor, irꝫ Timón, irꝫ Parmenas, irꝫ Nicolás. Bapon Nicolás Antioquía tomarapin. Bapon copiya jopa naexanaeyo judiomonaepin. Poxonaē jume cowꝫnta Nacom, bapoxonaē judiomonaepin naexana. ⁶ Barapoxonaē barapo siete poyobe Jesús pejume cowꝫntsi jiwi tatsi capona Jesús pia peitorobi jiwi tatsitha. Jesús pia peitorobi jiwi tatsi mata jayabiya tawꝫca Nacomtha xua Nacom yawenaena barapomonaē.

⁷ Pinmonaē jume tane Nacom Pejume Diwesi. Pinmonaeno irꝫ jume cowꝫnta Cristo Jesús, pomonaē Jerusalén tomaratha jinompa. Irꝫ judiomonaē pia sacerdotemonaē tatsi, barapocotsimonaē pin bicheito jume cowꝫnta.

Meje yabara poxonaē Esteban waetabatsi

⁸ Esteban pexeinya petsita itꝫtsi coyenewan exaneiba jiwitha Nacom pia peayapusꝫ itorobi coyenewatha tatsi. Tsipei Nacom yanta popona bapon daxota Esteban Nacom yaweneibatsi pecatsixaetsi peayapusꝫwa. ⁹ Nexata nacaetuta pinmonaē judiomonaē pia penacaetutsi botha tatsi. Ichamonaē wꝫn dutatsi xua jeichichi: “Pomonaē pepu sorobabebiwichi poxonaē busi cui tatayebabatsi”, yabara wꝫn jeichichi. Irꝫ nanacaetutapona Cirene tomarapiwi, irꝫ Alejandría tomarapiwi, irꝫ Cilicia nacuapiwi irꝫ Asia nacuapiwi. Daxita barapomonaē Esteban jume matsontsonobatsi. ¹⁰ Ichitha Esteban xaniwaicha cueicueijeji exanatsi Nacom pia Pejumope tꝫnaxꝫ tatsi. Daxota poxonaē Esteban paeba barapomonaē jopa itacꝫpaetsi xua beta pejume notsiwa. ¹¹ Nexata barapomonaē po pin bicheito penacaetutsimonaē ichamonaē nantsiyatsiya catatsi paratixi petacamuxuitorobinexa tsainchi xua Esteban paeba. Barapomonaē pomonaē pemuxuitorobi jiwi namchi xua Esteban Moisés baraunchichi abe jei, yawa xua Nacom baraunchichi abe jei. ¹² Barapo jumetha pemuxuitorobi jiwi daxita jiwi anaepana exanatsi xua Esteban jume canaerabatsi. Pitiri jiwino anaepana. Irꝫ pomonaē jiwi pecuidubiwi Moisés pia peitorobi coyene tatsi barapomonaeno irꝫ anaepana. Daxota barapo penapatae jiwi irꝫ pomonaē jiwi pecuidubiwi Moisés pia peitorobi coyene tatsi barapomonaē Esteban yorobateicatsi. Pentacaitorobi bicheito peitabaratha capoinchi. ¹³ Barapo pentacaitorobi bicheito equeicha waba pomonaē Esteban jume cui canaerabatsi wabatsi. Barapomonaē pomonaē penaerabiwi Esteban yabara jeichichi:

—Bapon Esteban Nacom pin pia bo tatsi baraunchichi abe jei. Barichi bapon Esteban Moisés pia peitorobi coyenewa tatsi baraunchichi abe jei.

¹⁴ Pajume tan, xua Esteban paeba xua pinae Jesús Nazaret tomarapin paeba. Jesús pinae namchi, pinae jeye: ‘Barapo bo Nacom pin pia bo tantanaca exanaein’, pinae jei Jesús. Equeicha Esteban namchi xua pinae Jesús paeba pinae jeye: ‘Tamropata pitaban po peitorobi coyenewa xua bayatha Moisés paca itoroba’, jei pinae bapon Jesús, jei barapomonae pomonae penaerabiwi.

¹⁵ Pomonae baxota ena pomonae pentacaitorobi bicheito, barapomonae Esteban necotenatsi. Barapomonae itabara tayena xua Esteban peitabara be matatsunpin itabara, xua bichocono wanae.

7

Meja yabara poxonae Esteban pentacaitorobi bicheito itabaratha pia coya paeba

¹ Nexata sacerdotemonae pia pepa pentacaponaein tatsi bapon Esteban baraichi, jeichi: “¿Bara xainyei xua barapomonae cabarai?” jei sacerdotemonae pia pepa pentacaponaein tatsi. ² Esteban jume nota, jeye: “Tamonae pam pana nejume taema. Wanacom wanae nawita. Barapon Abraham tsita naitutatsi poxonae caena bayatha awiya Mesopotamia nacuatha popona. Bapon Abraham wamo susatopin matha copiya tsiwanaeya popona Mesopotamia nacuatha poxonae Harán tomara bewarapiya. ³ Nacom pinae Abraham baraichi: ‘Barapo ira jinya ira cuenta warapare. Jinyamonaeno cuenta warapare. Icha ira bewarapiyama ichaxota po ira beya cacaponaeinchi’, jei pinae Nacom. ⁴ Nexata pinae Abraham Caldea nacua wewarapiya. Harán tomara pinae bewarapiya. Poxonae pinae Abraham Harán tomaratha popona pinae Abraham paxa tatupatsi pon pewan Taré. Bapoxonae Nacom, Abraham pinae itorobatsi barapo irathe po irathe pajinompame anoxuae. ⁵ Barapoxonae pinae Abraham cataunxuae jopa catichi ira. Saya pinae tacayabara wanae tsimuxu dutatsi. Nacom pinae Abraham baraichi: ‘Jinya ira tsane, iru jinya jiwi penaitapataya naexana dubenaponeibiwi tsane pomonae jinya nemomo susato jiwi pia ira nexa tsaneru’, jei pinae Nacom. Ichitha pinae barapoxonae jopa xeinaeyo pexui. ⁶ Baraxua Nacom pinae Abraham baraichi: ‘Jinya nemomo susato jiwi icha nacuatha jinompaena. Be pomonae penanapaincha jinompaewi tsicotaeinchi xua be pocotsi jiwimonae icha nacua werena peponaewi. Tanacuitinchi ichamonae xua amanaya tanacuichina. Busi cui tatayebeibinchino. Caitacueintinchino yawa. Cuatrocientos po weiyobe tsane xua jinyamonae naitapataya atene exaneibinchi’, jei Nacom Abrahamtha. ⁷ Equeicha Nacom tsipaeba Abraham, jeye: ‘Barapomonae xua abe pacata exanaena poxonae paca busi cui tataibina barapomonae jopa cui jantemainaein tsane. Barapomonae itawetsiya peraxa jubin. Bapoxonae jinya nemomoxi susato jiwi warapaena po nacuathe ichaxota uncuame yawa wanae nejainchina xote’, jei pinae Nacom Abrahamtha. ⁸ Nacom pinae Abraham itorobatsi xua peexanaenexa po coyene xua pexui pebin wutixi pewi thabiwatsi xua ichaxota nareixacaena. Barapo coyene exana Abraham penanta xeinaenexa iru piamonae tatsi xua po coyene bayatha Nacom pinae yabara tsiwanae muxu duta, xua bepa pinae yaweneibina xua barapomonae pinae bepa yaweneibinchi. Daxota pinae poxonae Abraham pexanto tanaexanatsi pexanto wi thaba, pinae pewan Isaac. Isaac iru pinae barichi pexanto wi thaba, pinae pewan Jacob. Jacob iru pinae barichi wi thaba pexanto jiwi, pomonae bayatha Israel nacuamonaepiwi pia pentacaponaeinchi tanaexanatsi barapo doce poyobe.

⁹ “Jacob pia pexanto jiwi tatsi, barapo doce poyobe, wamo susatomonae. Barapo doce poyobe jiwana caein pewan José. José pentapin jiwi uwatsi.

Daxota José pentapin jiwi caenaetatsi. Pomonae bapon José comotatsi barapomonae José Egipto nacua becayiyatsi. Pon be jiwi pebusi cui tataibinchi be bapocotsin petsicotaenexa tsainchi. Ichitha Nacom José yawenatsi pebaru poponaexaetsi. ¹⁰ Poxonae José abe jume baraunchaibichi ichamonae, yawa poxonae muxu atene peexaneibichi awiya José capanepeibatsi Nacom. Poxonae faraón peitabaratha taponatsi José, Nacom exana xua José faraón tsita jantũ coyene xanepanatsi. Mataũtano Nacom peyaputaen exanano. Bapon faraón Egipto nacuamonae pia pepa peewatsinchi tatsi. Faraón cana exana xua José Egipto nacuapiwi yanacua ewatatsi faraón nexa. Mataũtano faraón cana exana xua José canamataxeina daxita xua xuan faraón xeina.

¹¹ “Barapoxonae Egipto nacuatha jainbo nacua tsurucuaeno, Canaán nacuathano irũ. Pata amo susato jiwi jopa pexaewa taeyo. Yawa piyain pewerapae nacua tsurucuae poxoru pexaewa ajibi. ¹² Poxonae Jacob jume tane xua trigo xu xeina Egipto nacuatha, pia pexui bara beitorobiya. Barapon Jacob pia pexui tatsi, pata amo susato jiwi. Baraxua poxonae xua copiya aena pona Egipto nacuatha. ¹³ Poxonae equeicha pona José pentapin jiwi tsita naitapeinya xeina xua bapon bara peweicho jiwi tatsi. Bapoxonae faraón yaputane xua barapomonae apara bara José piamonae tatsi. ¹⁴ Pirapae José pentapin jiwi itoroba xua petabarũ dendenaenexatsi paxa tatsi, pon pewũn Jacob, mataũtano piamonae tatsi petabarũ dendenaenexatsi po jiwimonæxae xua setenta y cinco poyobe. ¹⁵ Daxota Jacob irũ pijimonaeno Egipto nacua beya warapa. Baxota pirapae bapon tũpa. Irũ pirapae pata amo susato jiwino weraparũ baxota. ¹⁶ Pirapaeno Jacob piwan capoinchi Siquem tomara beya. Baxota piwan mũthũtha xotsi, po ira bayatha Abraham comota, po ira Hamor pexantixi tatsi caenaeta.

¹⁷ “Ainya wei tsuxubi. Poxonae barapomonae Egipto nacua wewarapiyaenaba, be pocotsi coyeneya bayatha Nacom yabara tsiwũnae muxu duta, bapoxonae Israel nacuapiwi pinmonae naexana. ¹⁸ Nexata Egipto nacuatha ichũn nacua peewatsin naexana, pon José jopa yaputaetsi. ¹⁹ Barapo Egipto nacuapiwi itorobiya pia pepa peewatsinchi tatsi pata amo susato jiwi muxuitorobeibatsi. Yawa cuainteibatsino. Yawa cobe itorobeibatsino xua pexui saya pebebainexa tsaibi tsane aisowatha xua pewerapeibinexa. ²⁰ Barapoxonae irũ Moisés naexanarũ. Moisés paxa pia botha wihatatsi acoibi po xometiyobe. Barapon Moisés pexeinyan nawita Nacom tsita jantũ coyene xanepanecatsi barapo pexuyo. ²¹ Poxonae Moisés pena xotsi yawa paxa xotsi namicha jeriyotha yana botetatsi mentha xua musuripawa caba, barapoxonae faraón pexantiyo tatsi Moisés pitatsi. Be pexanto tsicotane, pia botha wichata. ²² Bapon Moisés nacuiduba nawita pocotsiwa Egipto nacuamonae yaputane. Daxota peyaputaen tsecaeno, wũnae peexanaein tsecaeno.

²³ “Pirapae poxonae Moisés yacuaenta po weibe jopa, bapon nanta xeina xua piamonae pesiwa ponaewa pomonae Israel nacuamonaæxae. ²⁴ Poxonae Moisés piamonae siwa pona, bapon tane xua piamonae jiwana tatsi tabũtsi, Egipto nacuapin. Daxota Moisés yawena pon piamonae jiwanaxae tatsi yawa bexuba Egipto nacuapin. ²⁵ Moisés nanta xeina, pia coutha nabarai: ‘Tamonae, Israel nacuamonaepiwi neyaputaena xua Nacom neitoroba. Mata cawarapaein barapomonae Egipto nacua weya, penacapanenebiyaenexa tsane’, najei. Ichitha daũmetha barapomonae jopa tsaqueinaeyo. ²⁶ Icha matabitha Moisés tane xua caepinbe irũ nababerũ Israel nacuamonaepinbe. Moisés barai baponbe: ‘Ja, ¿eta xua metha caepinbe pana nabamebe?’ jei. ²⁷ Pon piamonae ba, Moisés napuna torobapoinchi. Moisés baraichi: ‘¿Jintam caitoroba pata xantha xua pon

be jiwi neyabara paebin penatsicuentsiwa xua abe peexanaexae, xuano xua jiwi Necanamataxeinaem naexaname? ²⁸ ¿Jinya nebexuichi icha mexuae ichim Egipto nacuapin?’ jeichichi Moisés. ²⁹ Poxonae Moisés jume taebiriwa baxua, Moisés naetsiricua Madián nacua benaetsiricuiya. Baxota Moisés tanaexanatsi pexuyobe, pebin wutobe”, jei Esteban.

³⁰ Equeicha came Esteban barapomonae baru cueicueijei. Namchi, jeye: “Caentacabi pirapae poxonae cuarenta po weibe pu caewa, xua poxonae equeicha icha cuarenta po weibe xeina, Moisés popona ichaxota ira xuepana susato tsurucuae nacuatha. Imoxoyo demxuwan, po demxuwan pewun Sinaí baraxota Moisés tsita naitatatsi matatsunpin xua poxonae isototha uncu xua taxuncua tsica naeyo. ³¹ Moisés yabara najuntu coyene cabenaeca. Bapon itatapoinya tsipei ichipa yaitane. Bapoxonae baxota Moisés jume tane xua Nacom namchi: ³² ‘Apara jinya amo susato jiwi pia Nacom tatsin. Iru apara, Abraham pia Nacom tatsin. Iru apara Isaac pia Nacom tatsin. Apara iru Jacob pia Nacom tatsin’, jei Nacom. Moisés pijunuwi bichocono jiyijiyei daxota aichaxaibi xua tane. ³³ Nacom pinae Moisés baraichi: ‘Xua nataxu xatatame nataxu wejonde, poxoru po iratha poname apara tairiyo. ³⁴ Tamonae, pomonae Egipto nacuatha jinompa bichocono atene exaneibatsi yawa jume tanno xua nanenaba. Daxota barapomonae capanepan. Antha, caitorobatsi equeicha necoyo beya, Egipto nacua beya’, jei pinae Nacom”, jei Esteban.

³⁵ Equeicha Esteban namchi, jeye: “Pomonae Egipto nacuatha jinompa, barapomonae Moisés aichaxaibichi. Barapomonae Moisés baraichi: ‘¿Jintam caitoroba pata xantha xua naexaname pon be jiwi neyabara paebin xua penatsicuentsiwa xua abe peexanaexae xuano xua naexaname pon be necanamataxeinaein?’ jei barapomonae. Bequein barapomonae baxua paeba ichitha Nacom cana exana xua bapon Moisés naexana be pon jiwi peyabara paebin xua penatsicuentsiwa xua abe peexanaexae. Matautano Moisés cana exanatsi pon pecapanepaein piamonae. Baxua Moisés naexana poxonae matatsunpin itoroba po matatsunpin Moisés tsita naitatatsi poxonae isototha uncu xua taxuncua tsica naeyo. ³⁶ Bapon Moisés pon wamo susato jiwi capanepatsi Egipto nacua weya. Moisés petsita itatsi coyenewan exana Nacom pia peayapuswatha. Baxua exana Egipto nacuatha, Mar Rojo menthano. Matautano exanano ichaxota ira xuepana susato tsurucuae nacuatha cuarenta po weibetha. ³⁷ Moisés Israel nacuamonae jiwitha namchi: ‘Nacom paca jiwana cana exanaena pon pia peitorobi jume petapaebinchi icha neichi barichi tsane. Bapon xua pon Nacom itorobina, apara pon painyamona jiwana tsane’, jei Moisés. ³⁸ Matautano apara bapon Moisés pon nanacaetuta poxonae Israel nacuamonae nacaetuta ichaxota ira xuepana susato tsurucuae nacuatha. Matautano bapon Moisés diwesi tsipaeba jiwitha xua petsipaebixaetsi matatsunpin poxonae tsipaebatsi demxuawatha po demxuwa pewun Sinaí. Barapo diwesi po diwesi Moisés wamo susato jiwi tsipaebatsi barapo diwesi jiwi cana exanatsi xua peajuntuyapuswa pexeinaewa. Barapo diwesi iru waxainchi nexaru.

³⁹ “Ichitha barapomonae wamo susato jiwi jopa bejume jejeyo xua peexanaewa pocotsiwa Moisés itorobatsi Nacom. Moisés jume matawentatsi. Saya barapomonae ichipa xua equeicha caibeya penawibiwa Egipto nacua beya. ⁴⁰ Poxonae cataunxuae Moisés demxuawatha pona, barapoxonae barapomonae Moisés peweicho tatsi pon pewun Aarón, bapon baraichi: ‘Painta exande ainya ibo nain nacomun. Barapo ibo nain nacomun naca tsiwana copiya cajijincaena namtotha. Jopa payaputaeyo xua Moisés aichawiya

pon pana matacapona Egipto nacua weya', jeichichi Aarón. ⁴¹ Barapoxonae barapomonae penain nacom exana be vacayo pebtiyo canaxobeta. Bapoxonae barapomonae tabexuba oveja, penain nacom vacayo nexa. Tsipei barapomonae nanta xeina xua metha penain nacom ichichipa baxua. Barapomonae bichocono juntu coyene weiweina penain nacom pia coya peexanaexae, xua pin penabanaewa xua pebaru itura jinaenexatsi barapo ibo nacom. ⁴² Barapomonae Nacom wepu tsatajopa tsipei barapomonae pia penain nacom exana. Nacom bara copata barapomonae xua bara barapomonae bara exanaena be pocotsi coyeneya xua ichichipa peexanaewa. Daxota barapomonae opitei be nacom cana exana, po opitei barapomonae wuna jainta. Barapomonae pomonae wamo susatomonae, exana pocotsiwa caena bayatha Nacom pia peitorobi jume pepaebin yabara cui tsiwuna muxu dutsiya tina. Bapon diwesi tina xua Nacom jume yabara tinatsi xua Nacom namchi barapo diwesitha, jeye:

'Israel nacuamonae, paxam oveja pabexubame

painya penain nacom nexa,
ichitha xan nexa jopa paraichim.

Baraxua paexaname poxonae pajinompame ichaxota
ira xuepana susato tsurucuae nacuatha
xua cuarenta po weibetha.

⁴³ Yawa pacaponame penain boutiyo nacom
po penein boutiyo nacom pewun Moloc.
Yawa pacaponame icha penain opitei nacom
po opitei penain nacom pewun Refán.
Barapo penain nacombe paexaname
painya wuna jaintichi.

Daxota xan itorobin ichun xua paca mata
cawarapaena Babilonia nacua beya.
Bequein jopa bepawarapaem ichitha awiya
paca itorobinchi', jei Nacom.

⁴⁴ "Wamo susato jiwi exana xua be bo xua anseraboco, xua ichaxota tututha jeba ibo xua po iboton Moisés mata tina xua Nacom pejume caitorobiwan. Barapomonae cuita acaba be pocotsi boyo Moisés tsita itatatsi Nacom. ⁴⁵ Wamo susato jiwi poxonae tawerapatsi paxa tatsi, itorein pita barapo boyo xua anseraboco boyo. Pata tamo jiwi Nacom pia boyo capona poxonae Josué napona. Poxonae pata tamo jiwi ainya nacuan nonota tsiniya barapoxonae equeicha barapo anseraboco boyo capona beya yacobe cui matakabi othopa poxonae David popona pon Israel nacuapiwi itorobiya pia pepa peewatsinchi. ⁴⁶ Bapon David pon Israel nacuapiwi itorobiya pia pepa peewatsinchi tatsi, Nacom tsita pejuntu coyene xanepanaeinchi. Bapon David ichichipa xua acaba pin bo Nacom nexa po Nacom Jacob pia Nacom tatsi. ⁴⁷ Ichitha Salomón bapon apara pon Nacom pin pia bo exana. ⁴⁸ Bequein Nacom pon pepa Nacom jopa poponaeyo botha pocotsi bo jiwi acaba Nacom nexa. Nacom peitorobi jume pepaebin baxua yabara paeba xua Nacom tapaebatsi, jeye:

⁴⁹ 'Peitaboco apara ichaxota taequeibithopeibiwa.

Ira apara ichaxota nataxu yutabotan.

¿Eta pocotsi bo netsiexanaename?'

jei pon Wanacanamataxeinaein.

Matautano jeino: 'Ichacuitha zeta po irara
xua ichaxota nafinacaecaein?'

⁵⁰ Apara xan tacoutha exanan daxita ira yawa

peitaboco daxota jopa nantawenonaeyno xua ichawa tana netsiexanaewam', jei Nacom", jei Esteban.

⁵¹ Equeicha Esteban barai, jeye: "Maisa bichocono pajuntũ coyene daunwam xua jopa bepayaputaem. Mataũtano pamuxu tutu daunwam, yawano pajuntũ coyene daunwam icha be pocotsimonaey ichi pomonaey jopa peyaputaewi Nacom. Barichi paaichaxaibim Nacom pia Pejumope tũnaxũ tatsi. Paxam bara paichim icha painya amo susato jiwi ichi. ⁵² Apara painya amo susato jiwi bayatha Nacom pia peitorobi jume pepaebiwi catsa jume barũ paebatsi, yawa cueintatsino. Mataũtano bayatha jutebatsi barapomonaey pomonaey Nacom pia peitorobi jume pepaebiwi, pomonaey namchi: 'Bexa patopaena pon pepa pejuntũ xanepanaeyin pon Mesías baraichi', jei. Cain paxam, barapon poxonaey patopa, pacaenaetame, pabexubameno. ⁵³ Nacom pia peitorobi diwesi pajume taneme xua matatsunpiwi paca tsipaeba Nacom nexa. Ichitha jopa paexanaem pocotsiwa Nacom paca itoroba barapo pia peitorobi diwesitha", jei Esteban pentacaitorobi bicheitha.

Meje yabara poxonaey Esteban tũpa

⁵⁴ Poxonaey pentacaitorobi bicheito jume tane pocotsiwa Esteban paeba, bapoxonaey bichocono Esteban yabara cui anaepanarũcũpatsi. ⁵⁵ Ichitha Esteban bichocono jũntũ coyene yũca cana exainchi Nacom pia Pejumope tũnaxũ tatsi pia peyapũwatha. Esteban athabeicha necoicha. Bapon necota Nacom pia peitũpanaey coicha tatsi irũ Jesucristo xua uncua Nacom pecoxatha tatsi. ⁵⁶ Nexata Esteban namchi, jeye:

—Incane pataema. Necotan xua peitaboco naitaboco coibo yausaranaxuba. Tan Jesús xua uncua Nacom pecoxa weya tatsi ponxae Nacom pia Peitapetsin tatsi, jei Esteban.

⁵⁷ Barapomonaey jume itapataya namuxu acaba pocotsiwa Esteban paeba. Yawa anaepanaya wawai. Barapomonaey be cae bicheito naexana pomonaey Esteban betacuinaeyiyatsi. ⁵⁸ Barapomonaey Esteban aisowa bexoyatsi tomara weya. Yawa baraxota ibotontha cuinbabatsi. Pomonaey abe peexanaewichi Esteban, barapomonaey Saulo juma camisa jeba xua pocotsiwan nainya werubiya. Bapon Saulo pon pewowin xua bayatha pinyo.

⁵⁹ Poxonaey barapomonaey Esteban cuinbabompatsi ibotontha bapoxonaey Esteban tsipaeba Nacomtha, jeye: "Jesús, pon Tanecanamataxeinaem, nejumope tũnaxũ pire", jei Esteban. ⁶⁰ Bapoxonaey pentabocototha uncua. Namtsebiya wawaino, jeye: "¡Jesús, Tanecanamataxeinaem! ¡Necana cui jũntemainare, yawa jopa neyantomatsinde xua barapomonaey inta abe exana!" jei Esteban.

Poxonaey najume wetaba, tũpanaicha Esteban.

8

¹ Saulo irũ barũ ita cui wũnaetsi poxonaey ichamonaey Esteban bexotsi.

Meje yabara poxonaey Saulo abe exana pomonaetha pomonaey Jesús pejume cowũntsiwi

Po matabitha Esteban bexotsi, barapo matabitha judiomonaey tamropata notarũcũpa xua Jesús pejume cowũntsi jiwi tatsi bichocono abe exanatsi Jerusalén tomaratha. Daxita Jesús pejume cowũntsi jiwi tatsi yotabatsi. Ichamonaey Judea nacua berũcũpiya, ichamonaey Samaria nacua berũcũpiya. Meisa Jesús pia peitorobi jiwi tatsi pomonaey xua doce poyobe ena Jerusalén tomaratha. Jopa dũcũpaeyo. ² Ichamonaey, pomonaey Nacom pejume cowũntsiwichi, Esteban mũthũtha xotsi. Barapomonaey Esteban

bichocono siwa wecoyeichi. ³ Saulo jeita ducuaeta Jesucristo pia pejume cowantsi jiwi tatsi. Daxita bomaxun jupaya Saulo jiwi teteica tsiniya yabaxino pebiwino. Jiwi pecubi bo beya capona.

Meje yabara poxonae Jesús pejume cowantsi jiwi tatsi paeba dubenanaebiya Jesús pia pexeinya jume diwesi tatsi Samaria nacuatha

⁴ Pomonae bewa Jerusalén tomara werucupiyaena barapomonae Jesucristo pia pecapanepae jume diwesi paeba dubenanaebiya daxita po tomarantha xua pateiba. ⁵ Barapomonae jiwana tatsi pon Felipe baraichi bapon pona pepa tomaratha Samaria nacuatha. Barapo tomaratha tamropata pitaba xua pecueicueijeija Cristo yabara. ⁶ Jiwi nacaetuta dubenanaebiya. Matautano jume naitomatsiya jume taerubenanaebiya pocotsiwa Felipe cueicueijeija Cristo yabara. Matautano barapomonae taerubenanaebiya pexeinya petsita itatsi coyenewan xua Felipe exana Nacom pia peayapusu itorobi coyenewatha. ⁷ Pomonae xua cauri pexeinaewi, barapomonae equeicha axaibi exanatsi poxonae Felipe taitaweta cauri. Matautano caurimonae barapomonae wawaya wepu ducupeibatsi. Ichamonae pomonae pecuenobichi jiwi, pejayujayujeimonaeno, daxita barapomonae axaibi exanatsi. ⁸ Felipe baxua peexanaexae daxota barapo tomarapiwi bichocono juntu coyene weiweinaya jinompa.

⁹ Barapo Samaria tomaratha popona pon pentawun Simón. Bapon Simón mara pexeinaein. Matautano bapon barapo Samaria tomarapiwi muxujainyabeibatsi poxonae bapon pia coya pentacaponaein naexana. ¹⁰ Daxita tomarapiwi pomonae peacopeibiwi iru pomonae nawita pexeinaewino, barapomonae beta jume naitaewata pocotsiwa Simón paeba. Barapomonae namchi, jeye: “Barapon Simón apara pon yabara jeichichi: ‘Pon bichocono Nacom pia peayapusuwa tatsi xeina’, yabara jeichi”, jei barapomonae.

¹¹ Daxita barapo tomarapiwi itapeta jume naitaewata pocotsiwa Simón paeba, tsipei saya caena bayatha barapomonae muxujainyabatsi mara peexanaewi pia coyenyatha tatsi. ¹² Barapomonae jume cowanta po pexeinya jume diwesi Felipe cueicueijeija xua Nacom yawa Jesucristo yabara, po diwesi xua Nacom waba jiwi petanaexanaenexatsi pijimonae tatsi jiwana pomonae Nacom itorobiya ewata. Bapoxonae barapomonae bautisabatsi pebiwi yawa yabaxino. ¹³ Bapoxonae bapon Simón iru jume cowanta. Irano bapon bautisabatsi. Matautano bapon tamropata pitaba xua Felipe peyantsiwatsi. Bapon Simón yabara najuntu coyene cabenaeca bichocono poxonae Felipe pexeinya petsita itatsi coyenewan exana Nacom pia peayapusuwatha.

¹⁴ Jesucristo pia peitorobi jiwi tatsi, pomonae peenaexae Jerusalén tomaratha, jume tane xua Samaria nacuamonae jume cowanta Nacom Pejume Diwesi. Daxota barapomonae Pedro itorobatsi iru Juan itorobatsi, Samaria nacuamonae beya. ¹⁵ Poxonae Juan Pedrobe patopabe barapomonaetha, bapoxonae Nacomtha tawucabe Samaria nacuapiwi nexa, pomonae pejume cowantsixae Nacom. Baponbe ichichipabe xua barapomonae peyanaba jinompaenexatsi Nacom pia Pejumope tunaxu tatsi. ¹⁶ Pedro iru Juan tawucabe barapomonae Nacomtha. Tsipei barapomonae awiya cataunxuae jopa tapatichi pia juntu coyeneintha Nacom pia Pejumope tunaxu tatsi. Saya meisa poxoru bautisabatsi Jesús pon Pecanamataxeinaein jiwi bapon pewantha tatsi. ¹⁷ Pedro iru Juan, pecobetha mata jayababe barapomonae. Barapoxonae barapomonae tapatatsi pia juntu coyeneintha tatsi Nacom pia Pejumope tunaxu tatsi.

¹⁸ Poxonae Simón cui tane xua Pedro Juanno pecobetha mata jayababe xua daxota Nacom pia Pejumope t̄nax̄u tatsi tapatatsi barapomonaē, Simón ichichipa xua pecatsiwa paratixi baponbetha. ¹⁹ Simón namchi, jeye:

—Dapo peayapus̄wa necare. Tha ir̄u poxonae mata jayabeiban icha-monaē tapateibinchi Nacom pia Pejumope t̄nax̄u tatsi, jei Simón.

²⁰ Nexata Pedro Simón baraichi, jeye:

—Barab̄u xam yawa jinya paratixino cayawa muxuna weraweraca ex-anaena, tsipei saya nanta xeiname xua necaitac̄paewa xua Nacom pia peayapus̄wa tatsi necomotsiwa paratixitha, po peayapus̄wa bequein Na-com amanaya pecatsiwa jiwitha. ²¹ Jopa caitac̄paeyo xua nexainaewa Nacom pia peayapus̄wa tatsi, tsipei apara Nacom caj̄nt̄u coyene yaputane xua neaj̄nt̄ucoyenebewa. ²² Nacui baraxore jinya abe neexanaē cuiru coyenein. Nacom w̄care, xain Nacom cayabara j̄nt̄emaina xua nanta xeiname baxua. ²³ Catainchi xua pejume uwiwa nenth̄totha xeiname. Xam neabewa canth̄th̄u yancababa daxota beta jopa xapain poponaem, abe nanta xeiname jincoutha, jei Pedro.

²⁴ Nexata Simón jume nota. Pedro ir̄u Juan jume notatsibe, jeye:

—Painta yabara w̄carebe Nacomtha baxua xuaunxuae pana netsipae-bamebe, xain bapoxonae xeinaein barapo coyene xua jopa abe tana necana exanaenexa, jei Simón.

²⁵ Bapoxonae Pedro Juanno ichamonaetha nacui yopitabe po coyene xua bayatha jume cow̄nt̄abe Nacom. Yawa xua penth̄totha taecatsibe Nacom pia Pejumope t̄nax̄u tatsi. Baponbe Nacom pia pexeinya jume diwesi tsi-paebabe barapomonaetha. Jerusalén tomara bewarapiyabe. Poxonae wara-pabe, Jesús pia pexeinya jume diwesi papaeba tsiniyabe Samaria nacuatha. Ainya tomarantha cueicueijeibe.

Meje yabara xua poxonae Felipe ir̄ur̄u Etiopía nacuapin nantenta ponabe namtotha

²⁶ Barapoxonae pirapae, Jesucristo pon Pecanamataxeinaein jiwi, bapon pia matatsunpin tatsi, Felipe tsita nait̄tsiya tsipaebatsi, jeichichi: “Non-taponde, yawa ponde pocotsiwa parowa bereca. Jerusalén namto iyande xua po namto Gaza tomara betaerucuiya”, jei matatsunpin. Barapo namto ducuiya ichaxoyo ira xuepana susato tsurucuae nacua iya. ²⁷ Felipe nantacotaxuba, bapoxonae bara ponataba. Poxonae Felipe namtotha ecapona, bapoxonae caxina pebin Etiopía nacuapin. Barapon pon pentacaponaein pon peainya cui jiton. Matautano bapon paratixi tayapu eena xua yab̄yo nexa powa Etiopía nacua pepa peewatsiwayo. Bapon Etiopía nacuapin bayatha pona Jerusalén tomara beya xua w̄nae pejainchinexa Nacom. ²⁸ Bapon caewa pia nacua siwa ecapona Etiopía nacua. Cawayu pecaponae naeyotha ecapona yawa yorobecapona po diwesi bayatha Isaías tina, pon Nacom peitorobi jume pepaebin.

²⁹ Nacom pia Pejumope t̄nax̄u tatsi Felipe baraichi, jeye: “Imoxoyo ponde cawayu pecaponae naeyo beya yawa imoxoyo caquita naecaponde”, jeichichi Felipe. ³⁰ Felipe cuinaepona cawayu pecaponae naeyo beya, ichaxota jume tane xua yoroba Etiopía nacuapin. Bapon yoroba Nacom Pejume Diwesi, xua po diwesi bayatha Isaías tina. Felipe barai bapontha jeye:

—¿Bara yaputaneme xuaunxuae yorobame? jei.

³¹ Bapon Felipe jume notatsi, jeye:

—¿Eta bichin xua tayaputaewa icha dapon aibi pon yabara neyaputane exana barapo diwesi? jeichi Felipe.

Felipe wabatsi xua penontabinaenexa xuano xua peecaenexa ichaxota bapon eca. ³² Po diwesi ichaxota bapon yoroba xua baxue meje:

“Be poxonaе jiwi oveja yam_u capona pebexubinexa tsane, barichi tsane jiwi caponaena jiton pebexubinexa tsane.

Be cordero moya, jopa papayo poxonaе na thabatsi barichi tsane jiton moya tsane, jopa papai tsane poxonaе caitacueintinchi poxonaе yawa aper_utane tsaneno.

³³ Jiton ura exanaeinchi.

Jiwi ura exanaena.

Jopa beta yabara exanae tsainchi poxonaе jiton atene tsane poxonaе jopa bequein abe exanaeyo.

Jiwi jopa yabara paebi tsane xua pia pexui tatsi, poxoru jopa nanta_utsi tsane pexui, pemomoxino.

Jiwi barapo jiton bexubinchi”, jei Nacom Pejume Diwesi, po diwesi Isaías tina xua ichaxota yoroba Etiopía nacuapin.

³⁴ Nexata Felipe yainyabatsi Etiopía nacuapin, jeichichi:

—Incane netsipaebare, ¿jintam Isaías yabara jei? ¿Pia coutha nayabara jei jampa? ¿Bara metha ich_un yabara jeichi? jeichichi Felipe Etiopía nacuapin.

³⁵ Felipe yaputane exana Etiopía nacuapin po diwesi xua Isaías tina Jesús jume yabara. Bapoxonaе nama paeba po coyene Jesús pia pexeinya jume diwesi tatsi. ³⁶ Poxonaе Felipe Etiopía nacuapinno namtotha ecaponabe, bapoxonaе Etiopía nacuapin namchi, jeye:

—Taema meniyo eque jeba. ¿Jopa nebautisabim tsane? jeichichi Felipe.

³⁷ Felipe barai, jeye:

—Icha daxita carepaya jume cow_untame nej_unt_u coyenetha, methaunx-uae bara cabautisabinchi, jei Felipe.

Etiopía nacuapin Felipe jume notatsi, jeye:

—Bara yabara jume cow_untan xua Jesucristo, bara Nacom pexanto tatsi, jei bapon.

³⁸ Nexata Etiopía nacuapin cobe itoroba xua duntabina pon xua cawayu pecomaecaein. Nexata duneicabe Felipe Etiopía nacuapinno. Meniyo be-jonecabe. Nexata Felipe meniyotha bautisaba Etiopía nacuapin. ³⁹ Poxonaе meniyo wejuinabe, Nacom pia Pejumope t_unax_u tatsi Felipe puxanatsi. Felipe equeicha jopa taetsi Etiopía nacuapin. Saya equeicha Etiopía nacuapin j_untema pona pia nacua beya. ⁴⁰ Felipe taer_uc_upatsi ichamonae Azoto tomaratha. Felipe daxita tomaran tamropatecapona xua pecueicueijejwa Jesucristo pia pexeinya jume diwesi tatsi, beya yacui jopa Cesarea tomaratha.

9

Meje yabara poxonaе Saulo jume cow_unta Jesús (Hch 22.6-16; 26.12-18)

¹ Awiya came Saulo ichipa daxita pejutebiwa pomonaе Jesucristo pejume cow_untsi jiwi tatsi, pon Jesús Pecanamataxeinaein jiwi. Daxota Saulo siwa pona sacerdotemonae pia pepa pentacaponaein tatsi. ² Saulo w_uca: “Necare cartan judiomonaе pia penacaetutsi bon pia pentacaponaei nexa. Tha tacaponaei Damasco tomara beya. Icha caxinaein pomonaе Jesús pejume

cowantsiwi tha jiwi pecubi botha caponaetsi Jerusalén tomaratha, pebiwino, yabuxino”, jei Saulo. ³ Saulo Damasco tomara beya pona. Poxonae bara muxu pepatopae, bapoxonae pin coicha yacaincha matawacaicha matatsun uncuatabicatsi. Barapo coicha peitaboco wejopeica. ⁴ Nexata iratha jopa Saulo. Yawa jume taneno xua pejume xua baraichichi, jeichichi: “Saulo, Saulo, ¿eta xua metha tamonae inta abe exaname?” jei pejume.

⁵ Saulo jume nota, jeye: “Pon jiwi Pecanamataxeinaem, ¿jintamanda?” jei Saulo. Saulo u pejume jume notatsi, jeye: “Apara bara xan Jesús, ponxaein inta abe cana exaname tamonae. ⁶ Nontaponde, tomara be-iyande. Baraxotiya catsipaebina pocotsiwa bewa exanaename”, jeichichi Saulo.

⁷ Pebiwi, pomonae Saulo puna poinchi bichocono pijunuwi moya umena tsipei saya u pejume jume tane ichitha pepon jopa xapain taeyo. ⁸ Saulo nantacotaxuba asiya uncu. Poxonae necotaxuba jopa xapain taeyo. Daxota pomonae Saulo puna poinchi cobe capoinchi Damasco tomara beya. ⁹ Baraxota Damasco tomaratha Saulo eca acoibi po matabibibe. Jopa xapain necotsiyo. Barapo acoibi po matabibibetha jopa nabanaeyo, jopa apaeyono.

¹⁰ Baxota Damasco tomaratha popona pon pejume cowantsin Jesucristo. Bapon pewan Ananías. Ananías tsita naitapeinya xeinatsi Jesús poxonae camaita. Ananías tsipaebatsi Jesús jeichichi: “¡Ananías!” jeichi. Ananías jume nota, jeye: “Jai, apara xote ecanje, pon jiwi Pecanamataxeinaem”, jei.

¹¹ Nexata Jesús Ananías baraichi: “Nontaponde. Namto beya ponde, po namto pewan Bopiya perucuiyae namto. Poxonae Judas pia botha patopame, yainyabare barapo botha. ‘¿Incane Saulo, Tarso tomaramonae-pin?’ jande. Iraunxuaeru Saulo Nacom tsipaebauya. ¹² Saulo amachinae xua cacamaita, xua Ananiam xua itacuere wunaetsiname Saulo necobetha”, jei Jesús.

¹³ Nexata Ananías jume nota, jeye: “Pon jiwi Pecanamataxeinaem, pinmonae netsipaeba xua pinae bapon cata abe exanatsi jinya jiwimonae, pomonae Jerusalén tomaratha jinompa. ¹⁴ Bapon carta capatopa xote, po carta bayatha sacerdotemonae pia pentacaponae wi caitoroba. Saulo carta capatopa poxoru sacerdotemonae jume jejei xua Saulo pinae bara caponaena jiwi pecubi bo beya pomonae cawan ununeiba poxonae Nacom tsipaebibatsi”, jei Ananías.

¹⁵ Jesús Ananías baraichi, jeichichi: “Ponde tsipei yaitama bapon bayatha Saulo itapetan. Bapon Saulo tsipaebina tajume diwesi icha nacuantha, po nacuantha jinompa pomonae jopa judiomonae naexanaeyo. Matautano tsipaebina pomonaetha pomonae jiwi itorobiya pia pepa peewatsiwichi. Matautano tsipaebina barapo tajume diwesi israelmonaetha. ¹⁶ Tha bexa Saulo tsita itatichi po coyene xua bewa atene tsane tajume diwesi penatsipei cueicueijeixae tsane”, jei Jesús.

¹⁷ Nexata Ananías pona ichaxota Saulo eca. Poxonae joniya botha, Saulo pecobetha ainya cobethabe mata jayabatsi. Ananías namchi, jeye:

—Saulom, pon be tayapin catsicotainchi, nejume cowantsixae Jesús. Bapon Jesús pon jiwi Pecanamataxeinaein neitoroba, pon namtotha catsita naituta xuano xua catsipaebano. Jesús neitoroba nenecotsinexa tsane yawa Nacom necajuntu coyene yuca exanaenexa pia Pejumope tanaxatha, jei Ananías xua Saulo tsipaebatsi.

¹⁸ Barapoxonae caena nainya peitacueretotha be petsebocoton taothopeinatsi. Bapoxonae equeicha caewa wunaeya daxita carepaya tane. Saulo asiya uncu bapoxonae caena bautisabatsi. ¹⁹ Poxonae nabane

bapoxonae cui th̄nei tsanaya. Be caentacabiyobe Saulo eca Damasco tomaratha ichaxota ena pomonae pejume cow̄ntsiwi Jesucristo.

Meje yabara poxonae Saulo Jesús pejume diwesi paeba Damasco tomaratha

²⁰ Caena nainya Saulo pona judiomonae pia penacaetutsi bontha tatsi. Tsipaeba barapomonaetha, jeye: “Barapon Jesús, apara Nacom Pexanto tatsi”, jei. ²¹ Daxita pomonae jume tayena barapomonaetha yabara naj̄nt̄ coyene cabenaeca, nabarai, najei:

—Bara baraponda, pon cain matha Jerusalén tomaratha patopa xua abe peexanaponaenexatsi pomonae Jesucristo pew̄n ununaewichi poxonae Nacom w̄queibatsi. Apra bapon pon bayatha xote patope xua peteicaenexatsi pomonae pejume cow̄ntsiwi xuano xua pecaponaenexatsi pomonaetha pomonae sacerdotemonaetha pia pentaponaewi xua Jerusalén tomara beya, najei.

²² Ichitha bapon Saulo awiya jume tsacatsacapiya cueicueijei. Bapon tsita itapeinya xeina xua Jesús apara Mesías. Daxota barapomonaetha judiomonae moya umenar̄cupa tsipei yabara naj̄nt̄ coyene cabenaeca pocotsiwa xua Saulo paeba.

Meje yabara poxonae Saulo panepa judiomonae pecuiyainwa

²³ Poxonae ainya matabin yapucaewa judiomonae caemonae peb̄r̄ya nanta xeina xua bepa bexubichei Saulo. ²⁴ Saulo ich̄n muxu baraichi: “Bepa cabexubei ichamonae”, jei. Saulo ewatumeinchi tomara coibotontha po coiboton xua tomara peyacaincha toxoroto dutsiwa coiboton. Barapo coibotontha Saulo ewatumeinchi daxita matabi, yawa merawino. ²⁵ Ichitha Saulo merawi panepa poxonae pijimonae pitatsi yawa yacote yorecatsi pepa tomara juma deca xua tomara peyacaincha toxoroto dutsiwa juma deca.

Meje yabara poxonae Saulo Jerusalén tomaratha popona

²⁶ Poxonae Saulo Jerusalén tomaratha patopa bepa bequein bar̄ nacaetutei Jesús pejume cow̄ntsiwichi tatsi, ichitha barapomonaetha Saulo cunuwatsi tsipei nanta xeina xua Saulo jopa xapain Jesús pejume cow̄ntsiwichi jiwana tatsi. ²⁷ Ichitha Bernabé Saulo cuaranotatsi Jesús pia peitorobi jiwi tatsi peitabaratha tatsi. Bernabé barapomonaetha namchi, jeye: “Pinae bayatha Saulo namtotha tsita nait̄tatsi Jesús pon jiwi Pecanamataxeinaein. Matātano pinae Saulo muxu tsipaebatsi. Matātano pinae tsipaeba Jesús pejume diwesi Damasco tomaratha xua pinae cui tsacatsacapiya cueicueijei”, jei Bernabé. ²⁸ Daxota Saulo napopona ducunaeta Jerusalén tomaratha ichaxota Jesús pia peitorobi jiwi tatsi. Saulo Jerusalén tomaratha jume tsacatsacapiya cueicueijei ducunaeta Jesús pejume diwesi tatsi pon jiwi Pecanamataxeinaein. ²⁹ Saulo yabara bar̄ natsipaeba Jesús pejume diwesi, yawa bar̄ najume matsontsonobatsi judiomonae, pomonae xua griego jume penatsipaebiwi. Barapomonaetha judiomonae, ichichipa xua Saulo pebexubiwatsi. ³⁰ Pomonae ir̄ Jesús pejume cow̄ntsiwi tatsi jume tane, xua bepa Saulo imoxoyo bexubichei judiomonae. Daxota Saulo Cesarea tomara becayiyatsi. Baxota punaxubathopatsi. Equeicha Saulo dabe pu itorobiyatsi Tarso tomara beya.

³¹ Daxita Jesús pejume cow̄ntsi jiwi tatsi j̄ntema jinompa Judea nacuatha, Galilea nacuathar̄, Samaria nacuathar̄, tsipei jopa ichamonae abe exanaeyo barapomonaetha. Matātano barapomonaetha mataropeichiya nacuidubapona xua pejume cow̄ntaponaewa Nacom. Matātano exanapona pocotsiwa Nacom ichichipa. Nacom pia Pejumope t̄nax̄ tatsi

barapomonae yaweinchi pejuntꝫ coyeneintha tatsi. Pinmonae Jesús jume cocowꝫntapona.

Meje yabara poxonae Eneas axaibi exanatsi

³² Poxonae Pedro siwa pona ducuaeteiba daxita tomaran Jesús pejume cowꝫntsi jiwi tatsi, bapoxonae yawa siwa ponano pomonae Jesús pejume cowꝫntsi jiwi pomonae ena Lida tomaratha. ³³ Baxota Pedro caxina pon pecuenobinchi xua saya camatha boca. Bayatha caena xeina baxua ocho po weibe. Bapon pewꝫn Eneas. ³⁴ Pedro, Eneas baraichi:

—Eneas, Jesucristo caaxaibi exana. Asiya uncuatabare. Jinya cama xaxainta xore, jei Pedro.

Barapoxonae caena yacuinaya nantacotaxuba Eneas. ³⁵ Nexata Lida tomarapiwi, irꝫ Sarón tomarapiwino, barapomonae Eneas tainchi xua equeicha beta pona. Bapoxonae barapomonae nacui barapenta xua copiya jume cowꝫnta pejume cowꝫntsinexa Jesucristo, pon jiwi Pecanamataxeinaein.

Meje yabara poxonae Dorcas equeicha caewa asꝫ exanatsi poxonae tꝫpa

³⁶ Irꝫꝫ jame caena bayatha Jope tomaratha popona powa pejume cowꝫntsiwayo Jesús. Bapowa pewꝫn Tabita. Barapo wꝫn seicaya griego jume wꝫn “Dorcas” baraichi. Barapowa pocotsiwa wꝫnae itapeta exaneiba nawita. Matautano barapowa yaweneiba pomonaetha pomonae peacopeibiwi. ³⁷ Barapowa caena nainya atene tsanaya. Caena nainya tꝫpanaya. Daxita petꝫpaein matapaeta perꝫ iquicatsi. Bapoxonae po tutu athabeicha baxota boichatsi. ³⁸ Jope tomara Lida tomara imoxoyo nacaquita ecabe. Baxota Pedro popona Lida tomaratha. Baxota Jope tomaratha pomonae Jesús pejume cowꝫntsiwichi tatsi jume tane xua juinya Pedro Lida tomaratha popona. Bapoxonae itoroba pebinbe nacueyatabe xua bepa pinae tawabathopiyaetsi xua Pedro pewabathopiyaenexatsi Lida tomara beya. Baponbe namchibe. Pedro baraichi: “Cawaba pomonae Jesús pejume cowꝫntsiwichi tatsi. Bepa pinae anetha iyaem”, jeibe baponbe.

³⁹ Bara Pedro puna pona baponbetha. Poxonae Pedro patopa Jope tomaratha, barꝫ jojoniyatsi Pedro, ichaxota po tututha boca petꝫpaewa Dorcas. Daxita pecuenta werapaewaxichi piseurixi caquita wecoyei tsumenaetsi Pedro. Yawa barapowaxi Pedro tsita itabatsi dorobꝫꝫ, camisanno xua bayatha Dorcas taxꝫꝫca poxonae cataunxuae abꝫ popona. ⁴⁰ Pedro pesato beitaweya daxita barapomonae. Pedro imoxoyo caquita eca pentabocototha. Nacomtha tsipaeba. Bapoxonae powa tꝫpuncua Pedro pexainya benecoya, Pedro barai bapowa, jeye:

—Tabita, asiya uncuatabare, jei Pedro.

Bapoxonae powa tꝫpuncua necotaxuba. Poxonae Pedro tainchi, bapoxonae nantacotecataba. ⁴¹ Pedro Dorcas cobe pitatsi. Asiya cuaranotatsi. Bapoxonae Pedro waba pomonae Jesús pia pejume cowꝫntsi jiwi tatsi, irꝫꝫ powaxi pecuenta werapaewaxichi piseurixi. Barapomonae Pedro tsita itata xua equeicha Dorcas asꝫ. ⁴² Jope tomarapiwi jume taerꝫcꝫpa xua equeicha Dorcas petꝫpaewa nacosata. Bapowa equeicha asꝫ popona. Daxota pinmonae jume cowꝫnta Jesús pon jiwi Pecanamataxeinaeinchi. ⁴³ Jope tomaratha Pedro baxota popona ainya matakabin. Pedro popona Simón pia botha tatsi pon xua duwei peboco wꝫnaeteibin.

10

Meje yabara Pedro irꝫ Cornelio

¹ Irꝫꝫ jame Cesarea tomaratha pebin warapaeya popona. Bapon pewꝫn Cornelio. Cornelio, jame yatsicaya pia nacua tatsi Italia nacua. Bapon

soldadomonaē pia pentacaponaein tatsi. Iruru soldadomonaē pia nacua tatsi Italia nacua. ² Cornelio piamonaē baru jume cowanta Nacomtha. Matautano Nacom wnae jaintatsi. Barapon Cornelio matowa yaweneiba judiomonaē, pomonaē peacopeibiwi. Bapon paratixi catsibeiba barapomonaetha. Bapon Cornelio tsipaēbeiba Nacomtha. ³ Icha mataqueitha, Cornelio mataqueitha quiripitha amachinae.

Cornelio tane Nacom pia matatsunpin tatsi be poxonaē camaita. Matatsunpin patopaeya namchi, jeye: “¡Cornelio!” jei. ⁴ Cornelio junuwiya camaitiya tane matatsunpin. Cornelio jume epa pita, jeye: “Pon jiwī Pecanamataxeinaem, ¿eta xua jinyatsi?” jei Cornelio. Cornelio jume notatsi matatsunpin jeye: “Bayatha Nacom cajume tane poxonaē tsipaēbame pexainya beya. Cacui taneno xua yaweneibame peacopeibiwi. Nacom cayabara nanta xeina. ⁵ Cornelio, ichamonaē Jope tomara beitorobiyama pewabinexa tsainchi pon ainya wanbe pexeinaein. Bapon Simón baraichi yawa Pedro baraichi. ⁶ Barapon Simón Pedro eca icha Simón pia botha tatsi pon Simón seicaya pon duwein peboco wnaeteibin. Barapon Simón mar mene itapatha yabo uncua”, jeichichi Cornelio matatsunpin.

⁷ Poxonaē matatsunpin napitaba, barapoxonaē Cornelio ichamonaē waba, pomonaē xua pia botha petanacuichiwichi. Iru soldadomonaēpin waba, pon xua pia botha tanacuitatsi. Barapon soldadomonaēpin pejuntu coyene xanepanaein Nacomtha. ⁸ Barapomonaetha tsipaēbatsi pocotsiwa bayatha Cornelio tsipaēbatsi matatsunpin. Cotacaya Cornelio itoroba barapomonaē Jope tomara beya.

⁹ Icha mataqueitha barapomonaē warapa Jope tomara beya. Poxonaē cataunxuae itiya pona poxonaē mateinyaxae, poxonaē bara imoxoyo patichaba, bapoxonaē iruru Pedro bo matatupa beecoinyaru, po bo matatupa pereca. Nacom tsipaēbawiya poxonaē bayatha mataeinyaxae tsuxubi. ¹⁰ Pedro bichocono jainpeca, bepa bequein xaei. Ichitha poxonaē awiya cataunxuae tasetatsi, Pedro tsita naitutatsi be poxonaē camaita. ¹¹ Pedro athabe necoicha xua peitaboco nayausaranaxuba. Yawa taneno xua pin paparuwa pexainya betaruneicatsi, be xua jiton nantiya caruneicabe. ¹² Bapoxonaē barapo paparuwatha Pedro tane daxita xua xuan saya pecobetha pona be cawayun. Yawa tane daxita xua xuan saya petaxutha bobenapona be maquibun. Yawa tane daxita xua xuan saya petompacuetontha bobenapona be jomon. Matautano tane daxita xua xuan saya yapupuna be peyapupunaewi. ¹³ Nexata Pedro peitabocotha jume tane xua namchi, jeye: “Pedro asiya uncuatabare. Pon xua ichichipame, pire. Moya bexore. Yawa xaema”, jei barapo jume.

¹⁴ Nexata Pedro jume nota, jeye: “Bara, bayatha apara jopa bapana camatsawan xaeinyo, xua tamonaē jopa copatsiyo xua pexaewa”, jei Pedro. ¹⁵ Equeicha Pedro jume tane pejume xua tsipaēbatsi, xua jeichichi: “Xua Nacom catsijainya exana, baraxua jopa camatsawa jaintocuaetsi”, jeichichi.

¹⁶ Pedro matha acoibi po jumeyobe tsipaēbatsi baxua. Bapoxonaē paparuwa caibe juinya peitaboco beicha. ¹⁷ Xua Pedro baraichi Nacom, baxua Pedro yabara nanta xeina nawita: “¿Eta xua metha Nacom yabara nejumichira?” najei. Pomonaē Cornelio itoroba, barapomonaē i dapō bon yainyainyaba tsiniya: “¿Incane Simón pia bo?” jei. Bapoxonaē bapomonaē pata Simón pia curara coibototha tatsi. Poxonaē barapomonaē pata, Pedro cataunxuae yabara nanta xeina xua tsipaēbatsi xua Nacom tsipaēba. ¹⁸ Poxonaē Cornelio pijimonaē tatsi pata baxota, pin jumetha namchi, jeye: “¿Incane Simón pon icha wan ‘Pedro’ baraichi? ¿Baxota bara ecara?” jei.

¹⁹ Awiya came Pedro baxua yabara nanta xeinequiya xua pocotsiwa bapon tane. Nexata bapoxonae Nacom pia Pejumoŋe t̄nax̄a tatsi Pedro baraichi, jeye: “Pedro, nejume taema. Acoibi poyobe pebiwi cawenawenei tsompae.
²⁰ Nontaponde nainya ira bedunatabareinca. Barapomonae naponde, beitatema napontabare, yaitama barapomonae itoroban”, jeichichi Pedro.

²¹ Bara nexata Pedro ira bedunatabareca. Pedro barai barapomonae, jeye: —Apara bara xan, po jiton xua pana newenawenei tsompaem. ¿Eta xua metha papatame? jei.

²² Barapomonae Pedro jume notatsi, jeye:

—Papatan yaitama Cornelio, pon soldadomonae pia pentacaponaein tatsi, bapon pana itoroba. Barapon pejūnt̄a coyene xanepanaein. Barapon Nacom jume cow̄nt̄atsi. Irūrū daxita judiomonae barapon bar̄a cui itura jineibatsi yawa antobetsi. Pinae Nacom pia matatsunpin tatsi Cornelio itorobatsi Simón Pedro wabare nejume taenexa tsane jei pinae, jei barapomonae, xua Pedro tsipaebatsi.

²³ Nexata Pedro waba barapomonae xua petamaitenaewa tsainchi barapo botha. Icha matabitha piawa xaxainta xua caponaena. Bapoxonae Pedro napona barapomonae. Irū ichamonae naponano, pomonae ir̄ū Jesús pejume cow̄nt̄atsiwi tatsi, pomonae xua ena Jope tomaratha.

²⁴ Icha matabitha pata Cesarea tomaratha. Baraxota Simón Pedro ewatatsi. Cornelio pia matab̄x̄uyomonae pewabixae bar̄a ewateca, yawa pia jiwi tatsino. ²⁵ Poxonae Pedro Cornelio pia botha tapatopatsi, Cornelio Pedro jacobatsi. Bapoxonae Cornelio Pedro peitabaratha pentabocototha tauncuatsi, pew̄nae jainchinexa tsainchi Pedro. ²⁶ Ichitha Pedro, Cornelio asiya cuaranotsiya baraichichi, jeye:

—Cornelio, nontaponde. Saya apara xan pebin naexanan icha xam ichim barichin apara, jei Pedro.

²⁷ Poxonae Pedro natsipaebiya jonyabe, baxota Pedro pin bicheito tane xua nacaetuta. ²⁸ Nexata Pedro barai barapomonae, jeye:

—Bara bayatha payaputaneme xua waxainchi judiomonae jiwichi wacui coyenewa xeinatsi xua jopa nacui yabara copatichi xua wabar̄a nacaetuteibiwa pomonae jopa judiomonae naexanaeyo. Matautano jopa nacui yabara copatichi xua pia bonthano waponeibiwa. Ichitha Nacom auxuae necuiduba xua pinae jopa bewa ichamonae catsapiwi jaintin tsane. ²⁹ Daxota bichoina patopan yaitama pinae pana wabame. ‘Bara’, jopa janyo. Methaunxuae paca yainyabinchi: ¿Eta xua metha pana tsiwabame? jei Pedro.

³⁰ Nexata Cornelio, Pedro jume notatsi, jeye:

—Petain cuatro po matabibibe tsuxubi, quiripitha xote taboŋa poxonae yabara nainbotan xua Nacom tsipaeban barapoxonae matatsunpin jemeicha taboŋa patopa. Barapo matatsunpin paparuwa nama xatata po paparuwa bichocono daedaena. ³¹ Matatsunpin nebarai: ‘Cornelio, bayatha Nacom cajume tane poxonae tsipaebame pexainya beya. Cacui taneno xua yaweneibame peacopeibiwi daxota Nacom cayabara nanta xeina’, jei. ³² Nebaraino: ‘Ichamonae Jope tomara be itorobiyama, pewabinexa tsainchi pon ainya w̄nbe pexeinaein. Bapon Simón baraichi, yawa Pedro baraichi. Pedro eca ich̄un Simón pia botha tatsi, pon Simón pon seicaya duwein peboco w̄naeteibin. Barapon Simón mar mene itapatha yabo uncua’, nejei. ³³ Daxota nainya itoroban ich̄unbe acoibi poyobe yaitama apara cawabatsi. Barab̄a patopame. Daxita paxan xote Nacom peitabaratha pajinompan. Matautano paca ewatatsino tsipei yaitama tha paca jume taetsi xua Nacom, pon Pecanamataxeinaein, cana cajume itoroba, jei Cornelio.

Meje yabara poxonae Pedro pin diwesi paeba Cornelio pia botha tatsi

³⁴ Pedro barapomonaetha namchi, jeye:

—Anoxuae yaputan xua Nacom jopa cana exanaeyo jiwi xua ichun ainya cui xua beyacaincha ichun. Nacom daxita jiwi tsita najupatsi. ³⁵ Daxita nacuantha pomonae xua Nacom wuna jaintatsi xuano xanepanaya exanano, Nacom antobe barapomona. ³⁶ Bayatha payaputaneme xua Nacom Pejume Diwesi nacariwesi itoroba paxantha pomonae Israel pia pemoxi susato jiwi tatsi panxaein. Barapo pexeinya diwesi jume jantema jinompa pana exana poxonae Jesucristo pajume cowuntan. Nacom Jesús Pecanamataxeinaein exanatsi daxita carepaya jiwi nexa. ³⁷ Paxam bara payaputaneme xua Juan Jesús yabara cueicueijeichi yawa bautisaba jiwi Galilea nacuaatha. Bapoxonae iruru Jesucristo tamropata pitaba xua cueicueije Galilea nacuaatha yawa daxita Judea nacuaatha. ³⁸ Matautano bara payaputanemeno xua Nacom cata pia peayapusu itorobi coyenewa, Jesucristo Nazaret tomarapin catatsi. Yawano Jesucristo nacana jumope tñaxu catatsi. Bapoxonae Jesús daxita carepaya tomarantha popona ducua-naeta. Yawa axaibi exana ducuaetano peatene jiwi. Yawa taitaweta ducuaetano pomonae xua cauri pexeinaewi. Daxota bapon baxua beta exana Nacom pebaru poponaexae. ³⁹ Bayatha pacui tan daxita carepaya xua Jesús exana Judea nacuaatha, Jerusalén tomarathano ichaxota jinompa judiomona. Bapoxonae nama Jesús naetotha cobe matatabarutatsi, xua poxonae tupa exanadutatsi naetotha. ⁴⁰ Poxonae acoibi po matababibe tsuxubi Nacom petupaein equeicha asu exana. Matautano bapon pana netsita naituta exana. ⁴¹ Ichitha daxita jiwi jopa tsita naituta exanaetsi. Saya paxan pana netsita naituta exana. Nacom pana itapeta pia patayopichinexa ichamonaetha pocotsiwa Jesús exana xuano xua paebano. Paxan Jesús pabaru naban, matautano pabaru apanno poxonae equeicha asu popona. ⁴² Jesús pana itoroba daxita nacuantha pata paebinexa tsane Nacom Pejume Diwesi, xuano bapon pejume diwesino. Nacom cana exana, Jesucristo cana exanatsi be pon jiwi peyabara paebin penatsicuentsiwa xua abe peexanaexae. Bexa tsane Jesús daxita jiwi nanantaustiya jiwana torotsiya itawetsina, pomonae cataunxuae jinompa yawa pomonae bayatha werapano. ⁴³ Bayatha pomonae Nacom pia peitorobi jume pepaebiwi Jesús pejume diwesi paeba. Barapomonae namchi: ‘Daxita pomonae Jesús pejume cowuntsiwichi barapomonae Nacom yabara jantemainaena abe pia peexanae cuiru coyenein tatsi Nacom pia peayapusuwathaxae’, jei barapomona, jei Pedro.

Meje yabara poxonae pomonae jopa judiomona naexanaeyo pejuntu coyeneintha tapatatsi Nacom pia Pejumope tñaxu tatsi

⁴⁴ Poxonae cataunxuae Pedro cueicueije, bapoxonae Nacom pia Pejumope tñaxu tatsi tapatatsi pomonae jume tane xua Pedro paeba. ⁴⁵ Judiomona, Jope tomarapiwi, pomonae pejume cowuntsixae Jesucristo, barapomonae Pedro puna poinchi. Barapomonae daxita yabara najuntu coyene cabenaeca xua iru barapomonae pomonae jopa judiomona naexanaeyo iru pejuntu coyeneintha taenatsi Nacom pia Pejumope tñaxu tatsi. ⁴⁶ Judiomona yaputane xua bara xaniwaicha Nacom pia Pejumope tñaxu tatsi tapatatsi pomonae jopa judiomona naexanaeyo. Yaputane tsipei barapomonae barompaya tsanaya icha jumeintha cueicueije. Ichitha barapomonae jopa xapain najume copi yaputaeyo. Judiomona jume taneno xua pomonae jopa judiomona naexanaeyo Nacom wuna jaintatsi. ⁴⁷ Pedro namchi, jeye:

—Barapomonaē apara Nacom pia Pejumope t̄nax̄u tatsi xeina icha wax-ainchi ichichi. Jiton dapon aibi pon jeye: ‘Jopa bewa bautisabi, apara pomonaē jopa judiomonaē naexanaeyo’, xua pon pejeiwa, jei Pedro.

⁴⁸ Pedro cui itoroba judiomonaē. Pedro namchi, jeye: “Pabautisabare barapomonaē pomonaē jopa judiomonaē naexanaeyo. Jesucristo pew̄n paw̄n taibare poxonaē pabautisabame”, jei Pedro. Bapoxonaē pirapae barapomonaē, pomonaē xua aena taenatsi Nacom pia Pejumope t̄nax̄u tatsi, Pedro apusiwatsi xua jopa warapae tsane yawa xua caeto ab̄u ecae-nano.

11

Meje yabara poxonaē Pedro diwesi tsipaeba pomonaetha pomonaē Jesús pejume cow̄ntsi jiwi Jerusalén tomaratha

¹ Jesús pia peitorobi jiwi tatsi ir̄ū pomonaē pejume cow̄ntsiwi Jesús, pomonaē ena Judea nacuatha, barapomonaē daxita jume tane xua ir̄ū pinae pomonaē jopa judiomonaē naexanaeyo bayatha jume cow̄nta Nacom Pejume Diwesi. ² Poxonaē Pedro Jerusalén tomara bewarapiya, judiomonaē pomonaē xua jume cow̄nta xua ainya cui Jesús pejume cow̄ntsi jiwi tatsi pewi thabiwa tsainchi, barapomonaē Pedro jume daunweya tsipaebatsi.

³ Pedro baraichi, jeye:

—¿Eta xua metha barapomonaē siwa poname pomonaē jopa judiomonaē naexanaeyo? ¿Eta xua metha naxaneme barapomonaetha? jei judiomonaē.

⁴ Nexata Pedro diwesi eetapona xua cueicueijeji barapomonaetha. Po diwesiin eetapona, barapo diwesiin xua poxonaē siwa pona pomonaē jopa judiomonaē naexanaeyo. Pedro namchi:

⁵ —Poxonaē Jope tomaratha Nacom tsipaeban, pin paparuwa tan be poxonaē camaitan. Barapo paparuwa peitaboco weruneica be pem̄tontha nantiya yacaincha opi queraba. Taxainya duneica. ⁶ Barapo paparuwatha tan xua bobena. Baraxuan tan xua saya pecobetha pona be cawayun. Baraxuanno tan xua saya petaxutha bobenapona be maquib̄n. Baraxuanno tan xua saya petompacuetontha bobenapona be jomon. Baraxuanno tan xua saya yapupuna be peyapupunaewi. ⁷ Peitabocotha jume tan xua nebarai: ‘Pedro asiya uncuatabare. Pon xua ichichipame, pire. Moya bexore. Yawa xaema’, nejei. ⁸ Jume notan nexata: ‘Bara, bayatha apara jopa bapana camatsawan xaeinyo xua tamonaē jopa copatsiyo xua pexaewa’, jan. ⁹ Equeicha peitaboco wenebaraichica: ‘Xua Nacom catsijainya exana, baxua jopa camatsawa jaintocuaetsi’, nejei. ¹⁰ Acoibi po jumeyobe nebarai. Saya ū barapo jumethabe nebarai. Bapoxonaē paparuwa equeicha peitaboco beicha caibe caicha. ¹¹ Paparuwa caibe juinya, ir̄ū pebiwi acoibi poyobe patar̄u. Bapoyobe Cesarea tomarapiwi, taxantha pata. Barapo acoibi poyobe, pomonaē Cornelio itoroba. ¹² Nacom pia Pejumope t̄nax̄u tatsi nebarai: ‘Napuna ponde. Beitatema pontabare’, nejei. Ir̄u nebar̄u pona seis poyobe Cesarea tomara beya pomonaē pejume cow̄ntsiwi Jesús. Pajoniyan Cornelio pia botha tatsi. ¹³ Cornelio pana netsipaeba xua pinae pia botha tapatopatsi matatsunpin. Matatsunpin namchei: ‘Pebiwi Jope tomara beitorobiyama, pewabinexa tsainchi pon xua ainya w̄nbe xeina, Simón yawa Pedro. ¹⁴ Barapon Simón Pedro paca tsipaebina Jesús pejume diwesi, paca necayawa capanenebiyaenexa tsane Nacom’, jei pinae matatsunpin poxonaē pinae Cornelio tsipaebatsi, jei Pedro barapomonaetha. ¹⁵ Pedro equeicha namchi:

—Poxonaē Jesucristo pejume diwesi paebaxoyan Corneliobar̄ūtha, barapoxonaē Nacom pia Pejumope t̄nax̄u tatsi tapatatsi barapomonaē. Icha

cain painta ichi, barichi pomonaetha Nacom nacana jumope catsiba. ¹⁶ Vapoxonae nantana pitaban Jesús pejume, poxonae pana barai: ‘Juan saya ɱ meratha bautisaba. Ichitha Nacom seicaya barompaya pia cuiitha paca bautisaba. Ichitha Nacom seicaya barompaya pia cuiitha paca bautisabina. Vapoxonae painya jɱntɱ coyeneintha pacata patsina Nacom pia Pejumope tɱnaxɱ tatsi’, jei Jesús. ¹⁷ Xaniwaicha beta yaputan xua Nacom nacana jumope tɱnaxɱ cata barapomonaetha pomonae jopa judiomonae naexanaeyo, icha cain ichi poxonae Nacom nacana jumope tɱnaxɱ cata pata xantha poxonae Jesucristo pajume cowɱntan. Daxota Nacom jopa cui yancatabinyo poxonae ichichipa exana barapomonaetha, jei Pedro.

¹⁸ Poxonae Jesucristo pejume cowɱntsi jiwi, pomonae ena Jerusalén tomaratha, poxonae baxua jume taerɱɱɱpa moya umenarɱɱɱpa. Mataɱtano Nacom wɱnae jaintatsino. Barapomonaetha namchi, jeye:

—¡Maisa wɱnae, irɱ Nacom nacana cui cata pomonaetha pomonae jopa judiomonae naexanaeyo xua barapomonaetha pejume cowɱntsiwa tsanerɱ Jesús, yawa xua jɱntema pejinompaewa tsanerɱ! Baraxua Nacom ichichipa xua barapomonaetha najɱntɱ cui coyene barapenta xua abe, petaxeinaenexa tsainchi peajɱntɱyapɱɱɱwa, po peajɱntɱyapɱɱɱwa xua jopa weraweracaeyo, jei barapomonaetha.

Meje yabara poxonae Jesús pejume cowɱntsi jiwi tatsi jinompa Antioquía tomaratha

¹⁹ Jesucristo pia pejume cowɱntsi jiwi tatsi dɱɱɱpa, tsipei peanaepanaewi yotaba, poxonae po matabitha Esteban bexotsi. Barapomonaetha tsanarɱɱɱpa, ichɱn Fenicia nacua beya, ichɱn Chipre nacua tunaeto beya, ichɱn Antioquía tomara beya. Barapomonaetha saya judiomonaetha cueicueijei Jesucristo pejume diwesi. ²⁰ Ichamonaetha, pomonae pejume cowɱntsiwi Jesús, Chipre nacua tunaetopiwi, Cirene tomarapiwino, barapomonaetha Antioquía tomaratha pata. Daxita barapomonaetha tsipaeba pomonaetha pomonae jopa judiomonae naexanaeyo Jesús pejume diwesi tatsi pon jiwi pia Pecanamataxeinaeinchi. ²¹ Barapomonaetha yawenatsi nawita Nacom pia peayapɱɱɱwa tatsi. Daxota pin bicheito pomonae jopa judiomonae naexanaeyo, barapomonaetha jume cowɱntatsi Jesús, pon jiwi Pecanamataxeinaeinchi.

²² Jerusalén tomaratha, Jesucristo pejume cowɱntsi jiwi tatsi, barapomonaetha, jume tane xua Antioquía tomarapiwi jume cowɱnta Jesucristo pomonae jopa judiomonae naexanaeyo. Daxota Bernabé Antioquía tomara beitorobiyatsi. ²³ Poxonae Bernabé Antioquía tomaratha patopa be ita cui wɱnaetsi xua Nacom yawena barapomonaetha. Vapoxonae Bernabé jɱntɱ coyene weiweina. Bernabé barapomonaetha barai, jeye: “Paajɱntɱcoyenyapɱɱɱya jinompare Nacomtha. Mataɱtano Nacom ajɱntɱyapɱɱɱya pajume cowɱntaponde”, jei Bernabé. ²⁴ Bernabé pejɱntɱ coyene xanepanaein. Vapon jɱntɱ coyene yɱcatsi Nacom pia Pejumope tɱnaxɱ tatsi tsipei daxita i daxuan exana pocotsiwa Nacom itoroba. Mataɱtano bichocono Nacom jume cowɱntatsi. Daxota pin bicheito jume cowɱnta Jesús, pon jiwi Pecanamataxeinaeinchi.

²⁵ Nexata Bernabé Tarso tomara bewarapiya, pewenaweneinexatsi Saulo. ²⁶ Poxonae Saulo caxinatsi baxota, Antioquía tomara bebarɱ warapiyatsi Saulo. Baraponbe cae wei naecabe baxota, cuidubabe pin bicheito xua Jesús pejume diwesi. Baraxota jiwi matha Jesús pijimonaetha tatsi wɱn dutatsi xua Antioquía tomarapiwi wɱn duta xua jeye: “Cristobarɱmonaetha”, jeichichi barapomonaetha pomonae Jesús pijimonaetha tatsi.

²⁷ Poxonae Bernabé iru Saulo cataunxuae cuidubapoponabe Antioquía tomaratha, Nacom pia peitorobi jume pepaebiwi baxota pata, Jerusalén tomara werendena. ²⁸ Bara caein jiwana pewun Agabo. Agabo asiya uncua barapomonaetha. Bapon wuna tsiwanaya paeba. Agabo yaputane exanatsi Nacom pia Pejumope tuxaxu tatsi. Agabo namchi, jeye: “Bexa tsane daxita carepaya nacuantha jainbo tsane”, jei Agabo. Baraxua xainyei poxonae jumba matha Claudio romanomona itorobiya pia pepa peewatsinchi tatsi naexana, bapoxonae pin jainbo tsurucuae. ²⁹ Daxota Jesús pejume cowantsiwi tatsi, pomona ena Antioquía tomaratha, ichipa yawena pomona iru pejume cowantsiwixae Jesús pomona peenaexae Judea nacua. Daxota barapomona pomona Jesús pejume cowantsiwixae peburaya nanta xeina xua paratixi taitorobina. Daxita barapomona carepaya paratixi cata be xua po coyene cobe itacupatsi xua pecatsiwa. ³⁰ Barapomona baxua exana. Barapo paratixi Bernabé iru Saulo caitorobatsibe pitiri jiwu nexa xua Judea nacua beya.

12

Meje yabara poxonae Santiago bexotsi iru xua poxonae Pedro jiwu pecubi botha capoinchi

¹ Barapoxonae Herodes pon Judea nacuaapiwi peyanacua ewatsinchi, bapon tamropata pitaba xua pomona Jesús pejume cowantsiwi tatsi peraxa exanatsi. ² Herodes itoroba pia jiwu, xua pin cusitha Santiago pebexubi-watsi, pon Juan peweicho tatsi. ³ Herodes jume tane xua judiomona tsita xanepanatsi xua Santiago bexotsi. Daxota Herodes cui itoroba piamona xua Pedro pewaetabiwatsi xua pecaponaenexatsi jiwu pecubi botha. Baxua exana poxonae Pascua wun matabintha poxonae jiwu pan xane po pan xua jopa xeinaeyo levadura xua pocotsiwa cotowa exana. ⁴ Poxonae Pedro jiwu pecubi botha eca, soldadomona yapucaumena, Pedro yapucaumeinchi. Soldadomona, cuatro po bicheito matabuxuyobe. Cae matabuxuyo xeina be cuatro poyobe. Be cae matabuxuyo tamroropatapona poxonae yacaincha umeneibatsi Pedro. Herodes yabara nanta xeina xua peexanaewa tsane xua Pedro pin bicheito peitabaratha cuaranotinchi pepa tomaratha poxonae Pascua wun matabin yapu caewina. ⁵ Awiya came Pedro jiwu pecubi botha eca. Ichitha Jesús pejume cowantsiwichi jume daunweya wuca Nacom, Pedro tawucatsi.

Meje yabara poxonae Nacom, Pedro capanepatsi jiwu pecubi bo weya

⁶ Herodes merawi nanta xeina xua baya tsane Pedro cuaranotinchi pepa bicheitha peitabaratha. Barapo merawitha, abu cataunxuae Pedro nantiya cobe nain camaituncuatsibe soldadomonaepinbe. Iru soldadomonaepinbe yacaincha uncuabe jiwu pecubi bo boupa. ⁷ Caena nainya Jesús pia matatsunpin tatsi Pedro tsita naitatatsi. Jiwu pecubi botha pin coicha pentha tsuxubi bichocono. Matatsunpin Pedro yaubaxotsi. Nexata Pedro nacosataxuba. Matatsunpin namchi, jeye: “Pedro, nanainya nonta ponde”, jei matatsunpin. Bapoxonae Pedro nantiya cobe nain jopeicabe iratha. ⁸ Bapoxonae matatsunpin Pedro baraichi, jeye: “Coreinya bocoto bichocono nacoto epa catatabare. Nainya nataxu xatare jinya nenataxu xatatsiwa”, jei. Baraxua Pedro exana. Equeicha matatsunpin namchi, jeye: “Pire jinya camisa po paparuwa xua nainya weruyame. Antha nepuna ponde”, jei matatsunpin.

⁹ Nexata matatsunpin Pedro pecoiboto bepuna joniya, pesato beya. Ichitha Pedro xapain jopa naita cui coyene taeyo xua jiwu pecubi bo wepuna joniya

matatsunpin. Saya nanta xeina be amachinae. ¹⁰ Pedro iru matatsunpin xenta jonyabe soldadomonaepin pon yacaincha uncua ichaxota Pedro etatsi. Bapoxonae equeicha icha soldadomonaepin xenta jonyabe pon ewatuncua pepa boupa xua pesatotha. Pedro iru matatsunpin peboupa penainwa xua peyacaincha dutsiwa bara wejonyabe tomara beya. Barapo boupa jemeicha nacoibo yausaranaxuba. Pedro matatsunpinno namtotha ponabe. Poxonae icha namtotha patopabe bapoxonae jemeicha matatsunpin Pedro cuenta aichurucuaetsi tomara namtotha.

¹¹ Barapoxonae Pedro xaniwaicha naita cui coyene tane. Bapon nabarai, jeye: “Bara yatsicaya xainyei Jesús pia matatsunpin inta itoroba tsipei metha bepa necapanepae Herodes pia xainya weya tatsi xuano xua judiomonae pia xainya weya tatsi, pomonae ichichipa abe inta peexanaewa”, najei.

¹² Poxonae baxua nacui cananta xeina, Pedro pona María pia bo tatsi beya. Bapowa Juan pena tatsi. Juan icha wun xeina, Marcos. María pia botha tatsi pin bicheito nacaetuta pewaqueibinexa Nacomtha. Baxota Pedro patopa.

¹³ Pedro curara coiboto dadacata. Yabuyo powa pewun Rode muxu naya pia yaputaetsi pon patopa. ¹⁴ Poxonae barapowa Pedro jume copi tainchi xua wawai abu jopa saranaxubiyo peboupa. Bapowa bichocono juntu coyene weiweina daxota caibe cuinaya piamonae tsiwun caya. Namchi:

—Pedro curara coibototha uncua, jei Rode.

¹⁵ Barapomonae namchi, jeye:

—¡Apara camatayaiba! jei.

Equeicha bapowa jume nota, jeye:

—¡Babara xainyan, Pedro bapon yatsicaya! jei.

Equeicha barapomonae jume nota, jeye:

—Metha apara Pedro pia matatsunpin tatsi, pon yantatsi, jei.

¹⁶ Awiya came Pedro peboupa dacadacatuncua. Poxonae barapomonae peboupa saranaxoya, Pedro yabara najuntu coyene benaecaeya tainchi.

¹⁷ Pedro pecobetha moya jume matawenta. Cotacaya Pedro diwesi tsipaeba barapomonae xua bayatha capanepatsi jiwi pecubi bo weya, xua Jesús capanepa pon jiwi Pecanamataxeinaeinxae tatsi. Pedro namchi, jeye:

—Barapo diwesi Santiago patsipaebare iru ichamonae patsipaebare pomonae Jesús pejume cowantsiwi tatsi, jei Pedro.

Barapoxonae Pedro icha namto be-iyia.

¹⁸ Poxonae baya pentha tsina soldadomonae nabenaenompa tsipei jopa yabara yaputaeyo po coyene xua Pedro aichurucuae. ¹⁹ Herodes soldadomonae itorobatsi xua jeitatsi Pedro. Ichitha jopa Pedro taebichi. Daxota Herodes cana exana xua barapo soldadomonae natsiaenae cuenta pepanepaexae Pedro. Barapoxonae Herodes icha soldadomonae cui itorobatsi xua barapo soldadomonae jutebinchi. Barapoxonae Herodes Judea nacia wewarapiya, Cesarea tomaratha pepoponaenexa.

Meje yabara poxonae Herodes tupa

²⁰ Herodes pon Judea nacuapiwi peyanacua ewatsinchi, bapon Tiro tomarapiwi casebatsi iru Sidón tomarapiwino casebatsi. Bequein bayatha copiya Herodes itoroba pexaewa barapo tomarabe nexa ichitha anoxuae jopa daichiyo poxoru Herodes caseba barapo tomarapiwibe. Daxota Sidón tomarapiwi iru Tiro tomarapiwino itoroba pebiwi pesiwa ponaenexa tsainchi Blasto pon peainya cui jiton xua Herodes pon tanacuitatsi. Barapomonae ichichipa xua Herodes xaniwaicha caewa be piamonae exana, daxota barapomonae Blasto tsipaebatsi xua barapomonae peyabara jume

yawenaenexatsi xua poxonae petsipaebinexatsi Herodes. ²¹ Daxota Herodes wun duta, barapo mataba, po matabitha xua Herodes siwa ponaeinchi barapomona. Poxonae mataba tsuxubiba barapo matabitha Herodes pia paparuwa nama xatataba po paparuwa tsobia, pocotsi paparuwan nama xataba pentacaponae. Bapoxonae pia peecaewatha eca. Herodes piamonaetha tsipaeba. ²² Nexata barapomona wawai Herodes baraichi, jeye: “¡Apara xua bapon paeba, jopa be pebinyo, apara bara nacom tsecae!” jei barapomona. ²³ Bara caena bapoxonae Nacom pia matatsunpin tatsi Herodes iratha xotsi. Iratha xotsi yaitama bapon jopa Nacom baru cui itura jinaetsi poxonae pia coya Nacom naexana. Oro un caewita poinchi. Jana caewita poinchino. Tsapita poinchino. Herodes tpanaicha.

²⁴ Pomona xua jume cowanta Jesús, barapomona taj tsipaebapona Nacom Pejume Diwesi daxita nacuantha. Daxota daxita pinmonae jume cowantatsi Jesús.

²⁵ Poxonae Bernabé Saulono nacui wetabe baxua, Jerusalén tomara we-warapiyabe. Antioquía tomara bewarapiyabe. Juan Marcos baru warapatsi.

13

Meje yabara poxonae Bernabé Saulono Nacom Pejume Diwesi caponabe

¹ Baraxota Antioquía tomaratha jiwana jinompa pomona pejume cowantsiwi Nacom pomona Nacom pia peitorobi jume pepaebiwi iru pomona jiwu pecuidubiwi Moisés pia peitorobi coyene. Barapomona meje: Bernabé iru Simón pon icha wanno, Negro baraichi, iru Lucio Cirene tomarapin ecaru. Iru Saulo ecaru. Iru Manaén ecaru, pon Herodes bayatha caepinbe naexanabe xua nacuara wichaba ponabe. Herodes Galilea nacuapiwi peyanacua ewatsinchi naexana. ² Caentacabi, poxonae barapomona Nacom pejume coyene canatsipaeba exana, yawa yabara nainbota, barapoxonae Nacom pia Pejumope tnanax tatsi barapomona tsipaebatsi, jeye: “Paitorobare Bernabé, Saulono, petsipaebinexa tsanebe Nacom pia pexeinya jume diwesi tatsi po penacuichiwa baponbe bayatha tsiwabanbe”, jei Nacom pia Pejumope tnanax tatsi.

³ Nexata poxonae xua Nacom wuca najume weta, xuano poxonae weta xua yabara nainbota, barapoxonae Bernabé Saulono pecobetha mataboco jayabatsibe. Bapoxonae napeyabatsibe.

Meje yabara poxonae Nacom pia peitorobi jiwu tatsi, Nacom pia diwesi tatsi cueicueijeji Chipre tunaetotha

⁴ Bapoxonae Bernabé Saulonuru itorobatsibe Nacom pia Pejumope tnanax tatsi. Seleucia tomara bewarapiyabe. Bapoxonae ponabe jeratha po naetha po nae pin nae, petunaeto beya. Barapo tunaeto pewun Chipre. ⁵ Poxonae patopa Salamina tomaratha, Nacom pia pexeinya diwesi tatsi cueicueijeji judiomona pia penacetutsi bontha tatsi. Juan Marcos bichi napon Bernabé Saulono peyawenaenexatsi.

⁶ Barapoyobe daxita barapo tunaeto matawacaicha enapona petsipaebinexa Nacom pia pexeinya jume diwesi tatsi. Bapoxonae Pafos tomaratha pata. Barapo tomaratha bapoyobe caxinabe judiomonaepin pon pewun Barjesús. Bapon Barjesús mara pexeinaein, pon saya naeraba paeba. Bapon Barjesús namchi, jeye: “Xan tacueicueijein Nacom nexa”, jei. ⁷ Barapon napuna poneiba pontha pon Chipre tunaetopiwi peyatunaeto ewatsinchi ponxae pewun Sergio Paulo. Bapon Sergio Paulo peyaputaen. Bernabé Saulono wabatsibe pia jume taetsibe xua Nacom Pejume Diwesi tatsi pepaebiwa. ⁸ Barapon pon mara pexeinaein icha wun xeina, griego jume, “Elimas”,

baraichi. Bapon Bernabé Saulono jume yancatabatsibe, tsipei jopa ichipaeyo xua Sergio Paulo jume cowantsina Nacom Pejume Diwesi. ⁹ Nexata Saulo, pon icha wnxae Pablo, Nacom pia Pejumope tñaxñ tatsi jñntñ coyene yñcatsi. Pablo bichocono pexainya beya tane. ¹⁰ Pablo barai, jeye:

—¡Barjesús, xam pon jiwi nemuxitorobeibin, abe neexanaein, cauri pexantom, daxita xua pewnaewan neaichaxaibim! ¿Eta xua daichim jiwi cui yancababeibame xua pejume cowanteibiwa Jesús, pon jiwi Pecanamataxeinaeinchi? ¹¹ Bara anoxuae Nacomtha natsiaenae cuentsiname. Daxota caitacuere piontababa. Jopa caeto pesato taem tsane, beya poxona matapainya Nacom copatsina xua netaewa tsane, jei Pablo.

Bapoxonae Elimas nainya itata quirei. Bapon ichawa beya ichñn nacobena jayaba, pecobe caponaenexatsi peitata nacñtsinxae. ¹² Poxonae Sergio Paulo baxua tane bapoxonae bapon Nacom jume cowñntatsi tsipei tsita wñaetsi pocotsiwa Pablo Bernabeno yabara cuidubabe Nacom pon jiwi Pecanamataxeinaeinchi.

Meje yabara poxonae Bernabé Pablono Antioquía tomaratha ecabe xua Pisidia nacuatha

¹³ Pablo irñ pijimonaе tatsino Pafos tomara wewarapiya. Perge tomara be-iyiya jeratha, po nae pin nae. Perge tomaratha pata, Panfilia nacuatha. Barapo nacuatha daxita barapomonaе Juan Marcos wñ pona. Barapoxonae Jerusalén tomara bewarapiya. ¹⁴ Nexata Pablo irñ pijimonaе tatsi Antioquía tomara be-iyiya. Barapo tomara Pisidia nacia nacacuita ecabe. Barapo matababitha, po matababitha pentaquei seicae matababitha, judiomonaе pia penacaetutsi botha tatsi pata, yawa enoundeca. ¹⁵ Baraxota ichñn yoroba Moisés pia peitorobi coyene diwesi tatsi. Yawa yoroba xua Nacom peitorobi jume pepaebiwi paeba. Bapoxonae poxonaе najume weta pentacaponae, pomonaе peyabara umenaewi penacaetutsi bo, barapomonaе Pablo wabatsi irñ piamonaе tatsi wabatsi. Barapomonaе jeye:

—Pata tajiwiwimonaem, icha paxei name diwesi, po diwesi xua barapomonaе peñntñ coyene tsacabiwatsi xua jñntema pejinompaewa nexa barapomonaе pomonaе xote ene, bara moya papaebare barapo diwesi, jei barapomonaе.

¹⁶ Nexata Pablo asiya uncua. Pecobetha jume matawenta xua moya peenaenexa. Pablo barai, jeye:

—Incane pajume taema, israelmonaе pam, irñ paxamno pomonaе Nacom abe paca necaexanaeyainwa pam xua icha abe paexaname, pomonaе judiomonaе jopa naexanaeyo pam. ¹⁷ Wamo susato jiwi, pomonaе Israel piamonaе, barapomonaе Nacom cana exana xua barapomonaе nayoyotapona beya xua pin bicheito naexanapona, poxonaе cataunxuae Egipto nacuatha jinompa. Nacom itapeta waba barapomonaе, xua petanaexanaenexatsi pijimonaе jiwana tatsi. Daxota Nacom pia peayapuwatha wamo jiwi capanepatsi Egipto nacia weya. ¹⁸ Wamo jiwi ira xuepana susato tsurucuae nacia beya warapa cuarenta po weibe. Nacom yaweneiba barapomonaе bequein barapomonaе abe exaneiba cuarenta po weibe. ¹⁹ Wamo susato jiwi tsimaxñ dubatsi Nacom poxonaе jutebatsi Canaán nacuamonae. Nacom caewitaxuba Canaán nacuamonae siete po bicheito matabññyobe. Wamo susato jiwi barapo ira xuya catatsi, Nacom cata. ²⁰ Daxita baraxua Nacom exana barapomonaetha cuatrocientos cincuenta po weibetha.

“Bapoxonaе Nacom jiwana cana exana pomonaе jiwi peyabara paebiwichi xua penatsicuentsiwa xua abe peexanaexae pentacainompaenexa tsane barapomonaе. Nacom baxua exana beya poxonaе pon pewñn Samuel

popona pon Nacom pia peitorobi jume pepaebin. ²¹ Nexata israelmonae Nacomtha w̄ca pon be yatsicaya barapomonae barompaya itorobiya pia pepa peewatsinchi tatsi tsane. Daxota Nacom taexana barapomonaetha pon pew̄n Saúl, Cis pexanto tatsi, pon Benjamín pia pemomoxi susato jiwana tatsi. Bapon Saúl, pon jiwi itorobiya pia pepa peewatsin naexana cuarenta po weiyobe. ²² Baroxonae Saúl cui matawentatsi Nacom abe peexanaexae. Equeicha exana ich̄n pon jiwi itorobiya pia pepa peewatsinchi, pon pew̄n David. Nacom yabara jume jei David: ‘David tan, pon Isaí pexanto. David netsita j̄nt̄a coyene xanepana yawa w̄nae exanano. David itapeta exanaena daxita pocotsiwa ichichipan’, jei Nacom. ²³ David pia pemomo susato jiwana tatsi, bapon pew̄n Jesús. Jopa cain bayatha Nacom Pejume Diwesi paebi penamchixae Jesús capanepa Israel nacuamonae. Baraxua caena bayatha Nacom yabara tsiw̄nae muxu duta. ²⁴ Pew̄naeya poxonae Jesús tamropata pitabina xua pecuidubiwa Nacom nexa copiya matha Juan daxita Israel nacuapiwi tsipaeba xua pinae bewa naci barapentsina abe peexanae cuiru coyenein xua Nacom petsita xeinaenexatsi icha j̄nt̄a coyenein, xuano xua bewa pinae nabautisabina. ²⁵ Poxonae Juan bara imoxoyo t̄pa, jeye: ‘jopa daponyo xan, pon xua payabara nanta xeiname, pon Mesías baraichi. Cotacaya ich̄n patopaena xua pon nepuna patopaena. Pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua daxota bewa jopa tataxu m̄ isanaxubiwa tsane pia penataxu xatatsiwa tatsi’, jei Juan”, jei Pablo.

²⁶ Equeicha Pablo jeye: “Tamonae pam, Abraham pia pemomoxi susato jiwi tatsi pamxaem, ir̄r̄a pomonae Nacom abe paca necaexanaeyainwa pam xua icha abe paexaname. Nacom pacata itoroba barapo peca-panenebiyae diwesi jume po diwesi Juan yabara paeba. ²⁷ Barapomonae pomonae Jerusalén tomaratha jinompa ir̄ pia pentacaponae wi tatsi jopa Jesús yaitaetsi po coyene xua bapon apara Mesías. Matautano barapomonae jopa yaputaeyo xua bayatha Nacom peitorobi jume pepaebiwi yabara w̄nae tsiwanaya paeba xua bexa Jesús cana exanaeinchi. Pentaquei seicae mat-acabitha poxonae ichamonae yoroba po diwesi xua Nacom pia peitorobi jume pepaebiwi tina, judiomonae pia penacaetutsi botha tatsi barapomonae jopa yabara yaputaeyo barapo diwesi. Poxonae Jesús naetotha t̄parucua exanatsi, barapomonae nanta j̄piya exana Jesth̄a icha be pocotsi coyeneya bayatha Nacom pia peitorobi jume pepaebiwi paeba. ²⁸ Barapo judiomonae jopa xeinaeyo po coyeneya xua Jesús pebexubiwa tsainchi. Bequein Jesús jopa abe exanaeyo ichitha barapomonae Pilato w̄catsi xua Pilato itorobina soldadomonae xua Jesús pebexubiwa tsainchi. ²⁹ Barapomonae exana daxita po coyene bayatha xua Jesús yabara w̄nae tsiwanaya paebatsi Nacom Pejume Diwesitha. Barapoxonae Jesús pijimonae pet̄paein naeto wepichicatsi. Pijimonae m̄th̄tha xotsi pet̄paein pitapatororo m̄th̄tha. ³⁰ Ichitha Nacom, Jesús equeicha caewa as̄ exanatsi pet̄pae cuiru coyene weya. ³¹ Matha cain Jesús puna jinompeibatsi ichamonae poxonae Galilea nacuatha popona, Jerusalén tomarathano. Barapomonaetha equeicha Jesús tsita nait̄ta ducuaenaebiya ainya matabi dapaein. Pomonae Jesús bayatha tsita nait̄ta, barapomonae apara pomonae xua anoxuae daxita toman tsipaeba dubenanaebiya Jesús yabara.

³² “Daxota paca tsipaebatsi Jesucristo pia pexeinya diwesi jume xua bayatha Nacom yabara tsiw̄nae muxu duta wamo susato jiwitha. ³³ Baxua Nacom exana poxonae Jesús equeicha as̄ exanatsi. Nacata exana poxoru waxainchi wamo susatopiwi pijimonaetsi. Icha be pocotsi coyeneya bayatha

tina Nacom Pejume Diwesitha xua salmos penax_unae weixi diwesintha, po wei xua ichaxota ‘dos’, jei xua jeye: ‘Xam, taxantom, itawan caexanatsi bara’, jei. ³⁴ Nacom, Jesús as_u exanatsi, xua equeicha jopa pet_upaenexa tsane, xua equeicha jopa tsabanuncuae tsane. Daxota jei pejume diwesitha: ‘Paca catinchi xua bayatha David tayabara tsiw_unae muxu dutan’, jei. ³⁵ Daxota pon xua tina salmos penax_unae weixi diwesintha, barapo diwesintha Nacom baraichi: ‘Jopa copatsim xua nexanto petsabanuncuaewa tsane pon bichocono pe_unt_u coyene xanepanaein’, jei. ³⁶ Xainyei, David exana xua Nacom ichipa poxonae bar_u popona Israel nacuapiwi. David bayatha t_upa. M_uth_utha xotsi ichaxota pamo jiwi tatsi yam_uth_u umena. Yawa bayatha tsabanuncua. ³⁷ Ichitha barapo pepon po pepon Nacom as_u exana, barapo pepon jopa tsabanaeyo. ³⁸ Tamona pam, maisa bepayabara yaputaename Jesús po coyene xua bapon Jesús pacata cayawa t_upa abe painya neexanae cuiru coyenein xua daxota Nacom j_untemaina barapo abe painya neexanae cuiru coyenein. ³⁹ Tsipei Jesús t_upa daxota daxita pomona jume cow_unta bapontha, Nacom j_unt_u coyene w_unaetsina. Bequein jiwi exana daxita pocotsiwa Moisés pia peitorobi coyenewatha itoroba, ichitha barapo coyenewa bapana jopa jiwi j_unt_u coyene xanepana exanaetsi abe pia peexanae cuiru coyenein tatsi weya. ⁴⁰ Dota, icha metha jopa Nacom pajume cow_untsipaem, bara paichim tsipae icha be pocotsi coyeneya bayatha pomona Nacom peitorobi jume pepaebiwi yabara tina. Namchiya tina, jeye:

⁴¹ ‘Ja, jiwi pecui caponaemona pam,
 bara pana nabenaecare, pawerapare.
 Xan, Nacom, anoxuae exanaein bichocono pepa
 pew_unaewa poxonae cataunxuae pajinompame.
 Baxua xua exanan, jopa pajume cow_untsims,
 bara bequein ichamona paca tsipaeba’,
 jei Nacom”, jei Pablo.

⁴² Pablo, ir_u pia pepuna ponaewichi daxita barapoyobe judiomona pia penacaetutsi bo tatsi wejojoniya. Pomona baxota umena pomona jopa yacuiya naexanaeyo xua judiomona penaexanaewa, barapomona Pablo w_ucatsi xua bepa pinae Pablo equeicha cuidubina po diwesi anoxuae paeba xua equeicha icha diwesi mataropeichiya cuidubina xua icha mataqueitha tsane xua pentaquei seicae matabitha. ⁴³ Poxona najume weta Pablo ir_u Bernabé, puna poinchibe judiomona ir_u pomona jopa judiomona naexanaeyo. Barapomona Nacom jume cow_unta nawita icha judiomona ichi. Pablo Bernabeno tsipaebabe barapomona: “Nacom pajume cow_unta dubenanaebiyama xua Nacom w_unae pia pacata exanaenexa painya j_unt_u coyeneintha pia paca necaantobexae”, jeibe.

⁴⁴ Icha matabi, po matabitha pentaquei seicae matabitha, pin bicheito pomona tomaratha ena, nacaetuta xua pejume taenexa Nacom pia pexeinya jume diwesi tatsi, pon Pecanamataxeinaeinchi jiwi. ⁴⁵ Ichitha poxona judiomona pinmona necota, jume uwa tsipei pinmona nacaetuta pejume taenexatsi Pablo. Pablo jume matawentatsi xua paeba yawa tsam_u jume bar_u paebatsino. ⁴⁶ Nexata Pablo Bernabeno tsipaebabe barapomona. Jopa auriya paebiyobe. Jeibe:

—Bara xanepana xua copiya Nacom Pejume Diwesi paca tsipaebatsi pomona judiomona pamxaem. Daichitha, jopa bepajume taem barapo diwesi tsipei jopa paichichipaem xua painya nexainaewa peaj_unt_uyapus_uwa po peaj_unt_uyapus_uwa ataya tsiteca. Daxota anoxuae ichamonaetha pata

tha ponaetsi pomonaetha pomonae jopa judiomonae naexanaeyo. ⁴⁷ Pata Tanecanamataxeinaein Nacom pana itoroba. Pana baraino, jeye:

‘Paca exanatsi xua painya neyawenaewa
daxita pomonae jopa judiomonae naexanaeyo
xua xanepanaeya pejinompaenexa tsane.

Matautano paca exanatsi xua beta
painya netsipaebinexa Nacom Pejume
Diwesi daxita nacuantha, xua jiwi
pecapanenebiyaenexa tsainchi Nacom abe pia
peexanae cuiru coyenein weya tatsi’,
jei Nacom, jei Pablo.

⁴⁸ Poxonae baxua jume taerucupa, pomonae jopa judiomonae naexanaeyo, barapomonae bichocono juntu coyene weiweinarucupa, juntea jinompano. Pablo tsipaebatsi: “Nacom Pejume Diwesi jume xeica. Bichocono jume wuna”, jei. Daxita barapomonae jume cowanta pomonae Nacom cuita itapeta petaxeinaenexa tsainchi peajuntayapusawa, po peajuntayapusawa ataya tsiteca. ⁴⁹ Barapomonae pomonae Jesús pejume cowantsiwichi daxita nacuantha tsipaeba Jesús pia pexeinya jume diwesi tatsi, pon jiwi Pecanamataxeinaein. ⁵⁰ Ichitha judiomonae anaepana exana yabuxi powaxi Nacom cananta xeinatsi bichocono. Yawa pebiwi pomonae peainya cui jiwi, barapo pebiwi anaepana exanatsiru. Iru judiomonae Pablo Bernabeno abe yabara cueicueijeichibe, daxota daxita jiwi Pablo iru Bernabé casebatsibe. Barapo jiwi Pablo Bernabeno itawetaxotsibe pia nacua beya. ⁵¹ Nexata Pablo Bernabeno nataxu nunatababe tsorobo. Baxua exanabe petsita itapeinya xeinaenexa po coyene bapomonae abe exana poxonae jume itaweta Nacom Pejume Diwesi. Barapoxonae warapabe Iconio tomara beya. ⁵² Ichitha pomonae Jesús jume cowanta, barapomonae bichocono juntu coyene weiweina. Matautano barapomonae juntu coyene yucatsi Nacom pia Pejumope tuxaxi tatsi.

14

Meje yabara poxonae Pablo Bernabeno Iconio tomaratha poponabe

¹ Iconio tomaratha Pablo Bernabeno judiomonae pia penacaetutsi botha tatsi jonyabe. Beta paebabe daxota pinmonae Jesús jume cowanta. Judiomonae jume cowanta, iruru pomonae jopa judiomonae naexanaeyo jume cowanta Jesús. ² Ichitha po judiomonae jopa Jesús pejume cowantsiwichi barapomonae cui tsacaba pomonae jopa judiomonae naexanaeyo cui tsacabatsi. Daxota barapomonae pomonae jopa judiomonae naexanaeyo abe yabara nanta xeina xua pomonae Jesús pejume cowantsiwi tatsi abe yabara nanta xeinatsi. ³ Pablo Bernabeno barapo tomaratha ecabe. Ainya matabi dapaein baraponbe ecabe baraxota. Nacom Pejume Diwesi jume daunweya cueicueijeibe Pecanamataxeinaein nexa. Baponbe Nacom cata pia peayapusawa peexanaenexabe pexeinya petsita itatsi coyenewan. Poxonae jiwi cui tane xua baponbe exanabe, barapo jiwi yaputane xua Nacom yawena baponbe, peantobexatsibe. ⁴ Daxita jiwi tomaratha be ainya jiwibe natsababe. Ichamonae judiomonae ichichipa. Ichamonae Jesús pia peitorobi jiwi tatsi ichichipa. Daxota ainya bicheitobe nacana exanabe. ⁵ Nexata bapoxonae judiomonae iru pomonae jopa judiomonae naexanaeyo peburaya yabara jume baru nanta xeinarucupa xua pentacaponae paeba po coyene xua Pablo yawa Bernabé abe peexanaewa tsainchibe xuano xua ibotontha pecuinbabinexatsibe. ⁶ Poxonae Bernabé Pablo jume taebabe

nainya naetsirucuabe Lистра tomara beya, Derbe tomara beyano. Barapo tomarabe Licaonia nacuatha ecabe. Matautano icha tomaran beya ponabe Pablo Bernabeno xua po tomaran ena barapo Licaonia nacuatha. ⁷ Barapo tomarantha cuiduba ducuaenaebiyabe Jesús pia pexeinya jume diwesi tatsi.

Meje yabara poxonae Pablo Lистра tomaratha ibotontha cuinbabatsi

⁸ Lистра tomaratha pebin popona pon pemabinchi, pon xua jopa peponaein. Bapon pexuyotha caena yawa naexaneca, xuano bapana jopa ponae. ⁹ Bapon pon pemabinchi Pablo jume tainchi xua pocotsiwa cueicueije. Pablo pemabinchi tane. Pablo nanta xeina, xua pon pemabinchi bara Nacom jume cowantatsi. Pablo nanta xeinataba xua axaibi peexanaewa tsainchi pon pemabinchi. Daxota bichocono Pablo naita cui duya bapontha beya. ¹⁰ Nexata Pablo jume daunweya barai, jeye:

—Asiya uncuare, jei.

Pon pemabinchi asiya uncuatabiya jirawana yawa nainya ponano. ¹¹ Poxonae Pablo cui tainchi barapomona, jume daunweya wawai pin jumetha, Licaonia pijumetha tatsi:

—¡Nacombe be pebin jata tsecae waxainya berena patopabe! jei.

¹² Barapomona namchi: “Maisa Bernabé bara mexeya nacom tsecae, po nacom pewan Zeus. Iru Pablo bara mexeya icha nacom tsecae, po nacom pewan Hermes”, jei. Barapomona bapo wan duta poxoru tsipei Pablo penantacapaebin tsecae. ¹³ Iru barapo nacom Zeus pia sacerdotemonaepin xinaru, pon Zeus wanae jainteibatsi pia penacaetutsi bo tatsitha. Barapo penacaetutsi bo uncuata tomara coiboto juma weya. Barapo sacerdotepin vaca pebton wiyaba pentonon pecaponaenexa Zeus pia penacaetutsi botha tatsi. Barapo tomarapiwi iru Zeus pia sacerdotepin ichichipa juteba vaca pebton petautsinexa xua petuxusi exanaenexa Pablo iru Bernabé nexabe pia Pablo iru Bernabé yabara nanta xeinaebe barapomona xua barapomona bara pejuntu coyene xanepanaewi. ¹⁴ Bernabé Pablobe jume tanebe xua taexanaeinhibe baxua barapomona. Bapoxonae anaya nama paparuwa tsitsinaxubabe. Cuinaeponaya wawai be poxoru aichaxaibibe xua baxua barapomona exanaena. Jeibe:

¹⁵ —¿Eta xua daxua pana canautame? Aparasaya jiwipambe. Be paxam paichim bara paichinbe. Papatopanbe tsipei apara pata paca catsipaebinexa tsainchi xua painya nenacui barapentsiwa tsane barapo coyenexi xua jopa pecui xanepanaewiyo. Maisa Nacomtha panantana pende. Barapo Nacom pon peantacuiyapusu, exana peitaboco, iranno, pin meneinno. Daxita xua xuanno yawa muxuna dubena tsiniya Nacom bayatha exana. ¹⁶ Wawunaeya Nacom cui copata daxita nacuapiwi xua bara pejinompaenexa icha be pocotsi coyeneya ichichipa xua pejinompaewa. Daxita jiwipi cui nata exana saya. ¹⁷ Nacom xua pewanaewan nacopiniwa tsita itaba daxota jiwipi naita cui coyene tane xua Nacom exana. Barapon Nacom apara pon emapacata itorobica, pexuwiwanno paca tsijain exaneica catsicano. Pexaewa paca cata. Paca juntu coyene weiweina exana, jei.

¹⁸ Bequein Bernabé Pablobe jume daunweya yabara paebabe baraxua, awiya barapomona ichichipa jutebina vaca pebton xuano xua wanae pejainchinexatsibe Pablo iru Bernabé. Barapomona muxu pejutebi vaca daichitha jopa jutebiyo.

¹⁹ Bapoxonae judiomonae pomonae jopa pejume cowuntsiwi, Antioquía tomara weparena, iruru Iconio tomara weparena. Daxita barapo judiomonae Listra tomarapiwi baru cueicueijeichi pebaru anaepanaenexasibe Pablo iru Bernabeno. Nexata barapomonae Listra tomarapiwi ibotontha cuinbabatsi Pablo. Barapomonae najuntu coyene xeina xua bayatha tupa Pablo. Pablo tomara coiboto juma bejojontapoinyatsi. ²⁰ Jesús pejume cowuntsiwichi Pablo cacuita mata wacaicha umenarucupatsi. Bapoxonae Pablo asiya uncuataba. Equeicha tomara bepoinya. Icha mataqueitha Bernabé Pablobe Derbe tomara beya ponabe.

²¹ Barapoxonae Bernabé Pablobe muxu tsipaebabe Jesús pia pexeinya jume diwesi tatsi. Pinmonae jume cowanta Jesús. Equeicha bapoxonae Listra tomara beya, caibeya ponabe. Iconio tomarano, Antioquía tomara beyano bara bewarapiyabe. ²² Bernabé iru Pablo barapo tomarantha juntu coyene tsacababe pomonaetha pomonae pejume cowuntsiwi xua xanepanaya pejinompaewa tsane. Matautano cui itorobabe barapomonaetha xua bewa barapomonae beta xanepanaya jume cowanta dubenanaebiyaena. Barichino matautano tsipaebabe xua pinae poxonae ichamonae pepatsiwa tsane Nacom pia peitorobi nacua beicha bewa matha ajuntucoyenetane exaneibinchi xua ichamonae taexanaena. ²³ Bernabé Pablobe tamroropata itapeta tsiniyabe pitiri jiwi daxita Jesús pejume cowuntsiwi pia penacaetutsi bontha. Barapo pitiri jiwi itapetatsi peyawenaenexa xua peyawenaenexatsi pomonae Jesús pejume cowuntsiwi. Poxonae daxita najume weta xua Nacomtha petsipaebiwa, xuano xua yabara nainbota pitiri jiwi nexa, barapoxonae Pablo iru Bernabé, Nacom pon Pecanamataxeinaein jiwi, jeichichi: “Nacom, barapo pitiri jiwi beta eenare jinya necajume cowuntsixae”, jeibe.

Meje yabara poxonae Bernabé iru Pablo Antioquía tomaratha equeicha caibe patopiyabe xua po tomara peecaexae Siria nacuatha

²⁴ Copiya matha Pisidia nacua bewarapiyabe. Bapoxonae Panfilia nacuatha patopabe. ²⁵ Jesús pia pexeinya jume diwesi tsipaebabe Perge tomaratha. Barapoxonae equeicha Atalia tomara bewarapiyabe. ²⁶ Baraxotiya Atalia tomaratha Antioquía bewarapiyabe jeratha, po naetha po nae pin nae. Antioquía tomara barapo tomara ichaxota bayatha matha barapomonae Bernabé iru Pablo tawucatsibe Nacomtha poxonae juntucuru warapabe. Bayatha cain barapo Antioquía tomarapiwi tawuca Nacomtha, xua Nacom beta eenaena peantobexae xua Pablo iru Bernabeno beta eenaeinchibe poxonae nacuitabe Nacom pia penacuichiwa. Baxota equeicha Pablo Bernabeno pecoutha patopabe tsipei barapo pia penacuichiwabe bayatha wetabe. ²⁷ Bernabé iru Pablo poxonae patopabe Antioquía tomaratha caetutabe pomonae pejume cowuntsiwi Jesús. Baponbe barapomonaetha tsipaebabe po coyene bayatha Nacom Pablo iru Bernabé taexanatsibe. Matautano tsipaebabe xua Nacom pon Pecanamataxeinaein jiwi, pomonae jopa judiomonae naexanaeyo tacopatatsi xua iru barapomonae peitacupaewatsi xua pejume cowuntsinexatsi Jesús. ²⁸ Bernabé iru Pablo baraxotiya ainya dapaein naecabe barapomonae pia xantha tatsi pomonae Jesús pejume cowuntsiwi.

15

Meje yabara poxonae nacaetuta Jerusalén tomaratha Jesús pia peitorobi jiwi tatsi iru penapatae jiwi

¹ Barapoxonae iru pebiwi, pomonae Judea nacuatha jinompa, pata Antioquia tomaratha. Barapomonae tamropata notarucupa xua pecuidubiwa pomonaetha pomonae iru pejume cowantsiwixae Jesús. Jeye: “Icha paichichipame xua painya nepaca capanenebiwa matha pana nawi thabare pebiwi pam ichaxota pana nareixacaename icha be ichi pocotsi coyeneya bayatha Moisés paca itoroba”, jei. ² Pablo iru Bernabeno jume daunweya tsipaebabe xua baxua jopa xainyeyo. Ichitha jume matsontsonobatsibe barapomonae. Daxota Pablo iru Bernabé wun dutatsibe, iru ichamonae wun dubatsi xua daxita barapomonae peponaenexa Jerusalén tomara beya. Matautano barapomonae itorobatsi xua barapo penawi thabi coyene yabara petsipaebinxatsi Jesús pia peitorobi jiwi tatsi, iruru pitiri jiwi petsipaebinxatsi pomonae penacaetutsi jiwi jiwana xua Jerusalén tomaratha.

³ Barapo Antioquia tomarapiwi pomonae Jesús pejume cowantsiwi pu taeumena. Pablo iru Bernabé iru icha pebiwi pu taeumeinchi. Barapoxonae Pablo Bernabeno iru icha pebiwino warapa. Barapomonae siwa pona Fenicia nacua beya, Samaria nacua beyano. Barapomonae Pablo Bernabeno tsipaebabe, jeibe: “Pomonae xua jopa judiomonae naexanaeyo, barapomonae pia cui coyenein naci barapenta po coyenein xua jume cowanta bayatha pia jume cowantichi Nacomtha”, jeibe Pablo, Bernabeno. Daxita pomonae iru pejume cowantsiwixae Jesús bichocono juntu coyene weiweina poxonae jume tane baxua.

⁴ Bernabé iru Pablo poxonae patopabe Jerusalén tomaratha, pomonae pejume cowantsi jiwi baponbe matenta weiweinaya wabatsibe. Iruru Jesús pia peitorobi jiwi tatsi matenta weiweinaya waba. Barichiru pitiri jiwi matenta weiweinaya waba. Bernabé iru Pablo tsipaebabe barapomonaetha po coyene bayatha Nacom taexana baponbetha. ⁵ Ichitha ichamonae fariseomonae, pomonae bayatha jume cowanta Jesús, asiya umena. Barapomonae namchi, jeye:

—Pomonae jopa judiomonae naexanaeyo pomonae pejume cowantsiwi Jesús bewa exanaetsi xua penawi thabiwa tsane xua ichaxota nareixacaena xua ichaxota pebiwixae xeina. Matautano bewa cui itorobichi xua bewa exanaponaena pocotsiwa bayatha Moisés itoroba pia peitorobi coyenewatha, jei.

⁶ Bapoxonae Jesús pia peitorobi jiwi tatsi iru pitiri jiwimonaeno nacaetuta peyabara paebinxaxa barapo penawi thabi coyene. ⁷ Caena bayatha bapomonae najume matsontsonobompa. Bapoxonae Pedro asiya uncutaba. Barai barapomonaetha, jeye:

—Tamonae pam, pomonae iru painya nejume cowantsiwixae Jesús, paxam payaputaneme, xua caena bayatha Nacom neitapeta painya xantha. Newaba tacueicueijeinexa tsane Jesús pia pexeinya pecapanenebiyae diwesi jume pomonaetha pomonae jopa judiomonae naexanaeyo, xua iruru barapomonae pejume cowantsinexa barapo diwesi. ⁸ Nacom pejuntu coyene yaputaein jiwi daxota naca yaputane exana xua bapon tsitatsi xua barapomonae pejuntu coyene xanepanaewi bequein jopa judiomonae naexanaeyo. Nacom bara nanajumope tuxaxa cata barapomonaetha icha matha naca cana ichi. ⁹ Nacom bichocono antobe barapomonae icha ichi xua bichocono naca antobe. Nacom juntu coyene puxana exana barapomonae xua abe pia peexanae cuiru coyenein tatsi pejume cowantsixaetsi icha naca ichi. ¹⁰ Maisa anoxuae jopa bepayabara yaputaem pocotsiwa Nacom exana. Matautano barapo pejume cowantsiwi pomonae jopa judiomonae naexanaeyo pacui itorobame xua penawi thabiwa xua ichaxota

nareixacaena xua ichaxota pebiwichi xeinatsi. Matautano be paca ita cui jicha xua barapomonaе bewa exanaena pocotsiwa Moisés itoroba. Apara baraxua jopa naca itacupaeyo xua waexanaewa. Iruru wamo susato jiwi jopa itacupaetsi xua peexanaewa baxua. ¹¹ Nama अपारा waxainchi wanaca capanenebiyae jiwichi xua saya amanaya xua Jesús pon jiwi Pecanamataxeinaein peichichipaexae baxua. Barapo pejume cowantsiwi iru bara cana ichichi, jei Pedro barapomonaetha.

¹² Bapoxonae barapomonaе moya umena. Barapomonaе Bernabé iru Pablo jume taeumenatsibe. Tsipaebabe: “Paponeibanbe pomonaetha pomonaе jopa judiomonaе naexanaeyo. Paexaneibanbe barapomonaetha pexeinya petsita itatsi coyenewan Nacom pia peayapusawiyatha tatsi”, jeibe.

¹³ Poxonae Bernabé iru Pablo najume wetabe xua paebabe, bapoxonae Santiago namchi, jeye:

—Tamonae pam, pomonaе iru painya nejume cowantsiwixae Jesús, pana nejume taema: ¹⁴ Simón Pedro auxxae naca tsipaeba. Pedro namchi: ‘Poxonae Nacom copiya tamropata pitaba xua yawena pomonaе jopa judiomonaе naexanaeyo, Nacom jiwana itapeta pomonaе xua peantobenexa tsainchi bapon’, jei Pedro. ¹⁵ Xuaunxae Pedro paeba caena bayatha Nacom pia peitorobi jume pepaebiwi yabara tsiwanae muxu dutsiya tina Nacom Pejume Diwesitha xua Nacom nexa, jeye:

¹⁶ ‘Poxonae daxita baraxua wetsina, xan Nacom equeicha patoparecaein. Exanaein xua caein, pon David pia pemomo jiwi tatsi jiwana matacapoponaena piamonaе, icha matha David ichi poxonae piamonaе matacapopona.

¹⁷ Poxonae baraxua exanaein, barapoxonae ichamonaе pomonaе jopa judiomonaе naexanaeyo newenawenei tsane pia tanejume cowantsinexa tsane. Barapomonaе pia Pecanamataxeinaein tatsi naexanaein taitapetsixae barapomonaе.

¹⁸ Nacom pon jiwi yaputaeya exanatsi barapo coyenein caena bayatha pepaebixae baxua daxota xaniwaicha Nacom exanaena’, jei Nacom pia peitorobi jume pepaebiwi, Nacom Pejume Diwesitha xua Nacom nexa, jei Santiago.

¹⁹ Santiago cataunxae awiya cueicueije, jeye: “Daxota nanta xeinan, equeicha waxainchi jopa bewa itorobi tsainchi pomonaе jopa judiomonaе naexanaeyo xua peexanaewa po coyenein xua taayapubetsi. Barapomonaе nacui barapenta pia cui coyenein po coyenein xua jume cowanta bayatha pia jume cowantichi Nacomtha. ²⁰ Betatinaetsipatsi carta pomonaе jopa judiomonaе naexanaeyo. Barapo cartatha jeichipaetsi: ‘Jopa equeicha pewi paxaeinde po wi jiwi tajeba ibo nacom nexa. Painya xoba yabaxi panotame po yabaxi jopa painya seurixi. Painya xoba duwei paw xaneme pon saya pipato tupa xuano pon saya bunopa. Matautano jopa paxaeinde pejanan’, bejei tsipaetsi. ²¹ Baraxua bewa exanaetsi poxoru caena cain bayatha pomonaе Nacom Pejume Diwesi pecanatsipaebi jiwi yorobeiba barapo diwesi judiomonaе pia penacaetutsi bontha tatsi. Daxita tomarantha xua po matabintha pentaquei seicae matabintha barapomonaе yorobeiba Nacom Pejume Diwesi, po diwesi xua Moisés tina bayatha pocotsiwa yabara tsiwanae muxu duta Nacom”, jei Santiago.

Meje yabara poxonaē barapo bicheito carta tatina pomonaetha pomonaē jopa judiomonaē naexanaeyo

²² Jesús pia peitorobi jiwi tatsi iruru pitiri jiwi, iru daxita pomonaē pejume cowantsiwi juntucuru najiwana itapeta. Bapoxonaē xua Antioquía tomara beya penajiwana itorobinexa Pablo iru Bernabé. Judas wun dutatsi pon icha wun Barsabás. Iru Silas wun dutatsi, baponbe ponbe bichocono peainya cui jitonbe xua pomonaē iru pejume cowantsiwi pia xantha tatsi. ²³ Jesús pia peitorobi jiwi tatsi iruru pitiri jiwi, iru pomonaē Jesús pejume cowantsiwi, barapomonaē carta tina xua peaitorobinexa xua Pablo iru Bernabé iru Judas iru Silas barapoyobe peaitorobinexatsi. Barapo carta namchi, jeye:

“Paxan Nacom pia peitorobi jiwi tatsi pan, iru pitiri jiwi panno xua nacaemonaē jiwichi xua wajume cowantsiwichi Jesús. Paxan pajacoban patamonaē pomonaē jopa judiomonaē naexanaeyo pomonaē iru Jesús pejume cowantsiwichi, pomonaē pejinompaexae Antioquía tomaratha, xuano xua pejinompaexae Siria nacuatha, Cilicia nacuathano. ²⁴ Payaputan ichamonaē xua patamonaē pata tomara weya pipato paca siwa pona painya tomara beya. Paca cajume acaura. Barapomonaē namchi: ‘Pana nawi thabare. Matautano paexande pocotsiwa Moisés pia coyenewatha itoroba’, jei. Jopa paitorobinyo barapo jume. ²⁵ Daxota be juntucuru pawnaein xua cuita pananta jupaya nanta xeinan. Paitoroban ichamonaē pata xainya weya pia paca necataenexa tsane. Napuna ponabe Bernabé Pablono ponbe bichocono paantobein. ²⁶ Baponbe Pablo iru Bernabé muxu pebocaebe xua pebexubiwatsibe pecueicueije tsurucuaenaebiyaexaebe Jesucristo nexa, pon Wanacanamataxeinaein. ²⁷ Paitorobanbe Judas Silasno. Baraponbe saya pia coutha paca tsipaebinabe daxita xua barapo cartatha papaeban painya neyaputaenexa. ²⁸ Paxan iru Nacom pia Pejumope tuxaxu tatsi pananta jupaya nanta xeinan xua jopa bepaca itorobichi icha cui coyene po cui coyene bichocono pacata ayapube xua painya neexanaewa tsane. Meisa saya u baxua xua pacata tinatsi po cartathe baxua panantawenoname xua painya neexanaewa tsane. ²⁹ Painya xoba paxaneme pewi po wi jiwi tajeba ibo nacom nexa poxonaē tauta barapo duwei xua tuxusi exana barapo ibo nacom nexa. Barichi painya xoba duwei pawu xaneme pejanano po duwei pipato tuxumena. Matautano ichamonaē painyamonae jiwana pia xoba nota yabaxi powaxi jopa piseurixi tatsi. Icha baraxua panacui barapentsiname xanepanaya pajinompaename. Baja”, jei barapo cartatha.

³⁰ Bernabé iru Pablo, iru Judas Silasno barapomonaeyobe peitorobixaetsi bara Antioquía tomara be-iyiya. Barapo tomarathiya barapomonaeyobe caetuteta pomonaē pejume cowantsiwi. Matautano barapomonaeyobe barapo carta cata barapomonaetha. ³¹ Pomonaē iru pejume cowantsiwixae Jesús bara yoroba barapo carta. Barapomonaē bichocono juntu coyene weiweina tsipei barapo cartatha cui matateicaeya yabara paebatsi. ³² Judas iru Silas peitacupaexaetsibe xua beta petsipaebiwabe Nacom Pejume Diwesi xua Nacom yaputane exana, daxota juntu coyene tsacababe barapomonaetha pomonaē iru Jesús pejume cowantsiwi tatsi xua beta pejinompaewa tsane. Matautano baponbe cui matateicabe. ³³ Barapoyobe barapo pejume cowantsiwitha naecabe caena bayiyo. Barapoxonaē barapomonaē pomonaē pejume cowantsiwixae Jesús barapoyobe juntu coyene xanepanaya pu napeyabatsi xua penawibiyaexae caibeya ichaxota werena bayatha pomonaē peitorobirenaexaetsi. ³⁴ Ichitha Silas juntucuru narunta. ³⁵ Pablo iru Bernabé Antioquía tomaratha ecabe. Baponbe iru ichamonaeno pomonaē pinmonae, daxita barapomonaē cuiduba dubenanaebiya yawa

tsipaeba dubenanaebiya Jesús pon Pecanamataxeinaein jiwi pia pexeinya jume diwesi tatsi.

Meje yabara poxonae Pablo equeicha warapa nacueyatabe po cuiyobetha xua Jesús pia pexeinya jume diwesi tatsi pecueicueijeiva nexa

³⁶ Pirapaeyo icha mataqueitha, Pablo barai, Bernabé baraichi, jeye:

—Antha equeicha Jesús pejume cowantsiwi siwa ponaeinchi daxita jupaya tomarantha ichaxota matha cain Jesús pon jiwi Pecanamataxeinaein pia jume diwesi tatsi tsipaebatsibe. Wayaputaenexabe icha metha bara beta jinompa bapomona, jei Pablo.

³⁷ Bernabé ichichipa xua puna poinchibe pon Juan, pon icha wunno Marcos. ³⁸ Ichitha Pablo jopa ichipaeyo xua pebaru ponaewatsi Juan Marcos tsipei bayatha Panfilia tomaratha Bernabé iru Pablo cuenta ponatsibe. Bayatha Juan Marcos juntucuru jopa benapuna nanacuichiyo Jesús pia pexeinya jume diwesi tatsi. ³⁹ Najume matsontabe. Bernabé iru Pablo nawu tsatajopabe. Bernabé tsana baru jopa Marcos. Weratha ponabe Chipre tunaeto beya. ⁴⁰ Barapoxonae Pablo cuita waba Silas. Antioquia tomaratha pomona pejume cowantsiwixae Jesús, Pablo Silasno tatsipabatsibe Nacomtha xua Nacom peenaenexa peantobexae xua Pablo iru Silas peenaenexatsibe poxonae cueicueijeibe Nacom Pejume Diwesi. ⁴¹ Pablo iru Silas warapabe Siria nacua beya, Cilicia nacua beyano. Baponbe juntu coyene tsacababe pomonaetha pomona pejume cowantsiwi Jesús xua beta pejinompaewa nexa.

16

Meje yabara poxonae Timoteo cueyata, Pablo iru Silas cueyatatsibe

¹ Pablo iru Silas Derbe tomaratha patopabe. Equeicha bapoxonae Listra tomaratha patopabe. Baraxota Listra tomaratha caxinabe pebin pon pejume cowantsin Jesús. Bapon pewan Timoteo. Pena tatsi saya judiomonaewayo. Barapowa iru pejume cowantsiwayo Jesús. Timoteo paxa tatsi griegomonaepin. ² Jesús pejume cowantsiwi, pomona jinompa Listra tomaratha, iru pomona Iconio tomaratha jinompano, barapomona Timoteo beta yabara paebatsi xua pinae pejuntu coyene xanepanaein. ³ Pablo ichichipa xua bepuna ponaichatsi Timoteo xua peyawenaenexatsi. Ichitha matha copiya cui itorobatsi Timoteo xua pewi thabinexatsi xua ichaxota nareixacaeca xua ichaxota pebinxae xeina. Pablo baxua exana tsipei jopa ichipaeyo xua judiomona anaepana peexanaewa tsainchi xua jopa pewi thabixae tsipaetsi Timoteo. Tsipei Pablo yaputane xua judiomona nawita ichaxota poneibinabe. Barapomona judiomona nawi thabeiba tsipei pia cui. Matautano barapomona judiomona yaputane xua Timoteo paxa tatsi griegomonaepin. Daxota Timoteo jopa caena bayatha wi thabichi tsipei canta griegomona jopa daxua exaneibiyo. ⁴ Daxita jupaya tomarantha pateiba, Pablono, Silasno, Timoteono. Barapomonaeyobe tsipaebabe pomonaetha pomona Jesús pejume cowantsiwi pocotsiwa bayatha Jesús pia peitorobi jiwi tatsi iru pitiri jiwi tina cartatha poxonae nacaetuta Jerusalén tomaratha pomona pejume cowantsiwi Jesús. ⁵ Daxota pomona penacaetutsi jiwi bara xanepanaya beta jume cowanta. Daxotano pinmonae jume cowanta. Daxita matabi mataropeicha pinmonae tsopona xua jume cowantapona Jesús.

Meje yabara poxonae Pablo camaita Macedonia nacuapin

⁶ Nacom pia Pejumope tñaxu tatsi Pablo jopa copatichi xua pecueicuei-jeiwa tsane Nacom pejume diwesi Asia nacuatha. Daxota Pablobaru Frigia nacua iya pona xuano xua Galacia nacua iya pona. ⁷ Misia nacua iyiya. Baraxotiya bequein ichichipa pata Bitinia nacuatha, ichitha Jesús pia Pejumope tñaxu tatsi apusiwa. ⁸ Daxota Misia nacua iyiya. Troas tomaratha mene itapatha pata. ⁹ Baraxota merawi Pablo camaita pebin pon Macedonia nacuapin. Bapon Macedonia nacuapin nantacotuncua. Pablo jume daunweya wabatsi: “¡Anetha denande! Macedonia nacua berena. ¡Pana yawende!” jeichichi Pablo. ¹⁰ Pablo camaita bapon, daxota paxainxainyan xua pata warapaenexa Macedonia nacua beya. Iru xan, Lucas tsocuaein, naponan. Paxan tsipei payaputan xua bara Nacom pana itoroba barapo nacuatha xua pata cueicuei-jeiwa tsane Jesús pia pexeinya jume diwesi tatsi.

Meje yabara poxonae Pablo iru Silas Filipos tomaratha ecabe

¹¹ Jeratha pawarapan, po naetha po nae pin nae. Paponarucupan Troas tomara mene itapa weya. Weratha bopiya payiyan petunaeto cacuitiya Samotracia tunaeto. Icha matababitha papatan Neápolis tomaratha. ¹² Equeicha baxotiya Filipos tomara bepaiyan, po tomaratha xua romanomonae cueranta ena. Barapo Filipos tomara yatsicaya pepa tomara, pepa Macedonia nacua. Baraxota ainya matababin paenan. ¹³ Caentacabi, po matababi pentaquei seicae matababitha, tomara pepuya beya paponan mene itapa beya, ichaxota judiomonae Nacom wñqueiba. Paenan baraxotiya. Jesús pejume diwesino pacueicueijan yabuxitha powaxi xua cou bayatha nacaetuta. ¹⁴ Barapowaxi caewayo jiwana pana jume tane. Barapowa pewun Lidia, Tiatora tomarapiwayo. Bapowa caenaeteiba papaburu, po papaburu mu tsobia po papaburu ainya matoman. Barapowa wñnae jainteiba Nacom. Barapowa beta jume tane pocotsiwa Pablo paeba. Nacom pon jiwí Pecanamataxeinaein, barapowa icha juntu coyene cana exanatsi xua peexanaenexa pocotsiwa Pablo paeba. ¹⁵ Barapowa bautisabatsi, yawa piamonae matabuxuyo tatsi bautisabatsi. Bapoxonae bapowa pana barai, jeye:

—Icha bara metha xaniwaicha pananta xeiname xua Jesús tajume cowantsiwayo, pon jiwí Pecanamataxeinaein, nexata antha tabotha pamaire, pana nejei Lidia.

Pecono jumeyotha pana barai, bepa pinae xua pia botha pamaichin.

¹⁶ Icha mataqueitha poxonae namtotha paenaponan xua poxonae pa-ponan ichaxota jiwí wñqueiba Nacomtha, baxota yabuyo pacaxinan namtotha. Barapowayo cauri xeina. Barapowayo pebusi cui taetaewayotsi xua amanaya petanacuichiwa pia pentacaponaein nexa. Matautano barapowayo paratixi caetuba pia pentacaponaein tatsi nexa xua bapowa pecueicuei-jei tsaibixae pocotsiwa cauri yaputane exana. ¹⁷ Barapowa, Pablo, iru paxan pana pu wabapona. Bapowa wawaya namchi, jeye:

—¡Barapomonae tanacuita Nacom nexa, po Nacom itabocotha eca! ¡Paca muxu tsipaeba Nacom pia pecapanenebiyae diwesi! jei barapowayo.

¹⁸ Bapowa baxua exaneiba ainya matababin. Pablo amuxufaetabi. Pablo barapowa taitaweta cauri. Pablo cauritha namchi, jeye:

—Jesucristo wantha caitawetatsi. Naetsiriware. Xubariware bapowayo, jei Pablo.

Bara caena barapowayo copatabatsi cauri.

¹⁹ Barapoxonae yabuyo cui tainchi pia pentacaponaeiwichi tatsi xua equeicha jopa amanaya tacaetubi tsane paratixi barapomonae nexa. Daxota Pablo Silasno waetabatsibe. Pematacaitorobi bicheito jiwí peitabaratha

capoinchibe tomara panatha. ²⁰ Barapomonaе Pablo iru Silas cuaranotatsibe peitabaratha tatsi pomonaе jiwi peyabara paеbiwi xua penatsicuenta siwa xua abe peexanaexae. Barapomonaetha jeye:

—Baponbe judiomonaе jitonbe, watomaratha baponbe wamonaе cui tsacabatsi xua najume matsontsonoba. ²¹ Baraponbe pia cui coyeneya naca cuiduba. Barapo coyene jopa becopatichi xua wajume taenexa xuano xua waexanaenexa, tsipei romanomonaetsi, jei barapomonaе.

²² Bara nexata Pablo iru Silas baru anaepanarucupatsibe jiwi. Matautano pomonaе jiwi peyabara paеbiwi xua penatsicuenta siwa xua abe peexanaexae, barapomonaе ichamonaе cui itorobatsi xua Pablo iru Silas peuma xuenaxubinexatsibe paparuwa, bapoxonaе xua pecuainchinexatsibe iwantontha. ²³ Matha bichocono cuaintatsibe. Bapoxonaе caponatsibe jiwi pecubi bo beya. Pon peyabara equeibin pomonaе cubebatsi jiwi pecubi botha bapon cui itorobatsi jeichichi: “Beta yapu eenare, xua jopa penaetsiriwanexabe”, jeichichi barapon. ²⁴ Poxonaе bapon jume tane pocotsiwa pentacaponae wi cui itoroba, bapoxonaе po tutu taju beya baxota Pablo iru Silas cuaranoyatsibe. Bichocono naepaewatha taxu cateitabetatsibe jiwi petaxu cateibabi naewatha.

²⁵ Papaetha Pablo iru Silas Nacomtha tsipaebabe yawa Nacom pijume weino naxunabe. Ichamonaе baraxota cubebatsi jiwi pecubi botha. Barapomonaе Pablo iru Silas jume tayenatsibe. ²⁶ Barapoxonaе jemeicha bichocono jijiyataxuba. Ibowano jijiyataxubano xua bomuxu peyatanotsiwa. Bapoxonaе jemeicha nainya saya dubenanaya peboupan. Matautano pomonaе jiwi pecubi botha jebatsi daxita taxu nain sarababatsi. ²⁷ Pon peyabara equeibin pomonaе cubebatsi, bapon nacosataxuba. Bapon tane xua barapo jiwi pecubi bo saya peboupa umenarucupa. Bapoxonaе pia cusi namara jonta. Muxu penabexubi, tsipei bapon nanta xeina xua bara daxita panenebiya, Pablo, Silasno iru ichamonaeno. ²⁸ Ichitha Pablo waba bapon pon peyabara equeibin pomonaе cubebatsi jiwi pecubi botha, jeye:

—Jopa jinya coutha nabexubinde, tsipei apara cataunxuae xote pajinoman! jei Pablo.

²⁹ Nexata pon peyabara equeibin pomonaе cubebatsi jiwi pecubi botha, wawaya namchi, jeye: “Painta itanatabare”, jei. Jijiyeya cuinaepondena. Pablo iru Silas imoxoyo petaxutha pentabocototha caquita tauncuatabatsibe. ³⁰ Bapoxonaе bapon pon peyabara equeibin pomonaе cubebatsi jiwi pecubi botha, bapon Pablo iru Silas pesato becayatsibe. Pablo iru Silas baraichichibe, jeye:

—Ja, zeta bichocuaein tsane xua tana necapanepaewa tsane Nacom beicha? jei bapon.

³¹ Pablo iru Silas jume notabe, jeye:

—Jume cowande Jesús pon jiwi Pecanamataxeinaein, bapoxonaе necapanepae jitom tsane iru jinyamonaе matabuxuyo pecapanenebiyae jiwi tsainchi, jeibe.

³² Tsipaebabe bapontha, Jesús pon jiwi Pecanamataxeinaein, pia pexeinya jume diwesi tatsi. Matautano tsipaebabe piamonaе matabuxuyo jiwitha tatsi, pomonaе pia botha petaenaexaetsi. ³³ Caena barapoxonaе, pon peyabara equeibin pomonaе cubebatsi jiwi pecubi botha, Pablo, iru Silas wan quietatsibe. Bapoxonaе bapon bautisabatsi iru piamonaе matabuxuyo tatsi bautisabatsi. Pablo, iru Silas bautisababe. ³⁴ Bapoxonaе Pablo iru Silas bo beya caponatsibe. Pexaewa catatsibe. Bapon piamonaе matabuxuyo tatsino bichocono juntu coyene weiweina pejume cowantsixae Nacom.

³⁵ Pomonae jiwi peyabara paebiwi penatsicuentisiwa xua abe peexanaexae, barapomonae caemumbotha itoroba, policiamonae itorobatsi ichaxota pon peyabara equeibin pomonae cabebatsi jiwi pecubi botha. Bapon copatatsi xua bara Pablo iru Silas pepu copatsinexatsibe. ³⁶ Nexata pon jiwi peyabara equeibin pomonae cabebatsi jiwi pecubi botha, bapon Pablo baraichi, jeye:

—Pomonae jiwi peyabara paebiwi penatsicuentisiwa xua abe peexanaexae, barapomonae necui itoroba xua tapaca isanaxubiwa tsainchibe. Bara paca itacupabe xua bara papu seicaenamebe, jei bapon.

³⁷ Ichitha Pablo barai policiamonaetha, jeye:

—Apara barapomonae pana cuainta pepa bicheito peitabaratha. Dacotisiwa barapomonae abe painta exana. Seicaya apara romanomonae pan. Copiya matha jopa pana caponaeyobe ichaxota pon jiwi peyabara paebin xua penatsicuentisiwa xua abe peexanaexae. Saya barapomonae pia coutha paeba xua abe paexananbe. Daxota jiwi pecubi botha pana caponabe. Deta aena poxonae juntucuru pana isanaxubapaebabe moya namicha pana itorobabe. Pentacaponaeawi patsipaebare, pomonae pana cuainta, bu jame barapomonae pia coutha pana nepu sotababe, jei Pablo.

³⁸ Baxua policiamonae bayatha jume yopita pomonaetha pomonae jiwi peyabara paebiwi xua penatsicuentisiwa xua abe peexanaexae. Barapomonae bichocono junuwa poxonae jume tane xua Pablo iru Silas apara romanomonaepinbe. ³⁹ Barapomonae ponarucupa jiwi pecubi botha, Pablo, iru Silas siwa poinchibe peauraxae xua bayatha Pablo, iru Silas cuaintatsibe. Barapomonae Pablo iru Silas tsipaebatsibe, jeichichibe: “Maisa paauran tsipei abe paca exanatsibe. Moya paponarebe. Jopa po tomarathe paecaeindebe. Jopa pana neyopichinde”, jei. ⁴⁰ Poxonae Pablo iru Silas jiwi pecubi bo wenaetabiyabe, Lidia pia bo tatsi be-iyabe. Siwa ponabe pomonae pejume cowuntsiwixae Jesús. Barapomonaetha baponbe juntu coyene tsacababe xua xanepanaya pejinompaewa tsane. Bapoxonae bara wewarapiyabe.

17

Meje yabara poxonae Tesalónica tomarapiwi namtsebiya anaepanaeya wawai xua Pablo, iru Silas pecasebixaetsibe

¹ Pablo iru Silas Anfípolis tomara iyabe. Apolonia tomara iyabeno. Barapoxonae Tesalónica tomaratha patopabe po tomara ichaxota judiomonae pia penacaetutsi bo tatsi uncua. ² Pablo pia cui xeina xua judiomonae pia penacaetutsi bontha tatsi pateiba. Daxota baxota eca acoibi po semanabe. Matautano daxita pentaquei seicae maticabintha barapo judiomonae pia penacaetutsi botha Pablo iru Silas cuidubabe. ³ Pocotsiwa Nacom Pejume Diwesi paeba, baxua Pablo tsipaeba po coyene xua pinae pon Mesías bewa bexubinchi ichamonae, xuano xua pinae bapoxonae equeicha asu tsane. Pablo jeye barapomonaetha:

—Pon xua Jesús xuaunxuae yabara paca muxu tsipaebatsi, bapon apara bara Mesías, jei Pablo.

⁴ Ichamonae, judiomonae jume cowunta. Barapomonae Pablo, iru Silas caemonae naexanatsibe. Barichi pin bicheiton griegomonae jume cowuntaru, pomonae Nacom wuna jaintatsi. Barapomonae jume cowunta Jesús. Iruru ainya yabuxi bicheiton jume cowunta Jesús powaxi baru cui itura jineibatsi xua jiwi baru cui itura jineiba. ⁵ Ichitha icha judiomonae pomonae jopa pejume cowuntsiwi, baxua yabara uwa. Daxota barapomonae pebiwi baru nacaetuba po pebiwi peajuntucoyenyapubewi xua po pebiwi

saya pejinompaewi namtontha. Daxita barapomonae namtsebiya wawai tomaratha. Jasón pia botha tatsi anaepanaya jojoniya xua Pablo iru Silas pejeichinexatsibe xua pewaetabinexatsibe xuano xua pecaenaetsinexatsibe jiwitha. ⁶ Ichitha baxota Pablo iru Silas jopa taebichibe. Daxota catsaya waetabatsi Jasón, iru ichamonae pomonae pejume cowuntsiwixae Jesús. Pablo iru Silas waetabatsibe. Daxita barapomonae pentacaponae jiwitha becayiyatsi. Daxita barapomonae yabara wawaichiya jeichibe:

—¡Barapo pebinbe daxita nacuantha abe paeba ducuaenaebiyabe yawa waxainya becui joparenabe! ⁷ Jasón barapomonae matenta weiweinaya waba pia botha. Jasón pia botha maitecabe. Daxita Pablobaru jopa exanaeyo po peitorobi coyenewan xua pon romanomonae itorobiya pia pepa peewatsinchi itoroba. Matautano barapomonae paeba xua pinae ichun popona pon jwi itorobiya pia pepa peewatsinchi, bapon pinae Jesús, xua jopa yabara cananta xeinaetsi pon romanomonae itorobiya pia pepa peewatsinchi, jei barapomonae xua namtsebiya wawai.

⁸ Poxonae baxua jume tane, pentacaponae iru pomonae xua baxota umena, daxita barapomonae anaepanaeya namtsebiya wawai. ⁹ Barapo pentacaponae wecobe nota paratixi xua Jasón iru pomonae pejume cowuntsiwi wecobe notatsi. Barapo pentacaponae namchi xua pinae equeicha caewa catsinchi Jasón barapo paratixi poxonae Pablobaru tomara weya ponaena. Bapoxonae pentacaponae Pablo baru pu sorobabatsi pewarapaenexa tsane tomara weya.

Meje yabara poxonae Pablo iru Silas Berea tomaratha poponabe

¹⁰ Barapo merawitha pomonae iru pejume cowuntsiwixae Jesús, barapomonae Pablo, iru Silas itorobatsibe xua nainya pewarapaenexabe Berea tomara beya. Poxonae barapo tomaratha patopiyabe judiomonae pia penacaetutsi botha tatsi jonyabe. ¹¹ Judiomonae, pomonae Berea tomarapiwi, barapomonae pejuntu coyene xanepanaewi icha be jopa Tesalónica tomaratha ichiyo. Jame barapo Berea tomarapiwi bara xanepanaya jume tane Jesús pejume diwesi. Daxita matabi barapomonae Nacom Pejume Diwesitha yorobeiba pia yaputaetsi barapo diwesi, po diwesi xua Pablo iru Silas paebabe icha metha baraxua bara xainyeibe. ¹² Daxota pinmonae jume cowanta Jesús. Judiomonae jume cowanta Jesús. Iru griegomonae jume cowantano, yabaxi, iru pebiwi. Powaxi jume cowanta Jesús, barapowaxitha jwi baru cui itura jineiba. ¹³ Judiomonae, Tesalónica tomaramonae, jume tane xua Pablo cuiduba Nacom Pejume Diwesi Berea tomaratha. Daxota bapomonae Berea tomara be-iyiya. Baxotiya barapomonae namtsebiya wawai xua Pablo iru Silas pecasebixatsibe. ¹⁴ Ichitha pomonae pejume cowuntsiwixae Jesús, Pablo itorobatsi xua nainya peponaenexa imoxoyo mar mene beya poxonae cataunxuae Silas iru Timoteo ecabe Berea tomaratha. ¹⁵ Pomonae Pablo cueyabatsi barapomonae Pablo punaxubathopatsi Atenas tomaratha. Barapomonae equeicha caibe nawibiya Berea tomara beya. Barapomonae Silas iru Timoteo tsipaebatsibe xua Pablo najume caruta xua bepa pinae Silas iru Timoteo nainya patopaenabe Atenas tomaratha.

Meje yabara poxonae Pablo Atenas tomaratha popona

¹⁶ Pablo ewata, Silas iru Timoteo ewatatsibe Atenas tomaratha. Barapoxonae barapo tomaratha Pablo tane xua barapomonae ainya ibo nacomun xeina. Daxota bichocono yabara najuntu coyene exaba. ¹⁷ Daxota Pablo tsipaeba Nacom Pejume Diwesi judiomonaetha judiomonae pia penacaetutsi botha tatsi. Matautano baxotano tsipaeba pomonae bequein jopa

judiomonae naexanaeyo, barapomonae Nacom w_hnae jaintatsi. Barichi daxita matabi pomonae Pablo caxibeiba pomonae nacaetuteiba tomara pin panatha barapomonaethano Pablo cuidubeiba Nacom Pejume Diwesi. ¹⁸ Barichi griegomonae ichichipa xua pejume taewa pocotsiwa Pablo paeba. Ichamonae griegomonae itapeta jume cow_hanta pocotsiwa epicureomonae cuiduba. Iru ichamonae griegomonae itapeta jume cow_hanta pocotsiwa estoicomonae cuiduba. Barapomonaebe Pablo tsipaeba. Bapoxonae ichamonae Pablo yabara jeichichi, jeye:

—¿Eta xua bapon naca barai tsipae, pon xua jopa juniya cueicueijeji tsaibiyo? jei.

Ichamonae jeye:

—Mexeya maisa bapon cueicueijeji pia nacom_hn nexa, jei.

Barapomonae baraxua paeba, tsipei Pablo Jesús pia pexeinya jume diwesi paeba ducuaenaebiya, matautano poxoru paeba xua Jesús equeicha pinae as_h. ¹⁹ Nexata ichamonae Pablo teicatsi pecaponaenexatsi atororotha ichaxota ba pentacaponaewi nacaetuteiba, poxonae ichauxi muxu peexaneibi. Barapo pentacaponaewi matab_hx_hyo pew_hn Areópago, Pablo yainyabatsi, jeichichi:

—Pana netsipaebare bepayabara yaputaein po diwesi xua cuidubiya paeba ducuaenaebiyame. ²⁰ Xuaunxuae pana tsipaebame, barapo diwesi jopa payaputaeyo bayatha. Pata bequein yabara yaputaetsi xua po diwesi baxua yabara caunuta, jei barapomonae.

²¹ Atenas tomaramonae iru pomonae penanapaincha jinompaewi xua icha nacia werena peponaewi, pomonae anoxuae jinompa xote, daxita barapomonae u saya pepaebeibi. Yawa saya u cou paebeiba poxonae pena jume jume taiba, saya baxua paebeiba.

²² Nexata Pablo Areópago w_hn matab_hx_hyo peitabaratha tatsi asiya uncutaba. Pablo namchi, jeye:

“Paxam Atenas tomaramonae pam. Bara paca cui yaputainchi xua painya nacom_hn w_hnae pajaintame. ²³ Poxonae ponan ichaxota painya nacom_hn w_hnae pajaintathopeibame tan ainya ibo nacom matabon. Matautano tan baxota, ichaxota nacom w_hnae pajaintame, xua cou ichaxota pocotsiwatha xua be pexaethopaewa xua ichaxota duwei patautathopame baxua cou panta tinadutame. Baxua panamchim couje: ‘Barapo nacom xua pon jiwi jopa yaputaeyo’, pajam. Xuaunxuae cou asiya paw_hn dutame pon, bapon, apara pepa Nacom. Xuaunxuae po diwesi yabara paca tsipaebatsi, barapon pejume diwesi apara.

²⁴ “Barapon pon pepa Nacom, daxita barapo ira exana. Daxita carepaya jupaya exana. Barapon pon pia coya peewatsin barapo susato nacuano, yawa barapo itabocono. Po bon patsiacabeibame Nacom xua po botha jiwi w_hnae pejaintithopeibinexa Nacom, apara ba Nacom jopa poponaeyo barapocotsi botha. ²⁵ Xua pocotsiwan jiwi taexana Nacom nexa, baraxua Nacom jopa nantawenoneibiyo. Barapo Nacom saya pia coutha daxita nacata exana. Peayapus_hwano, naca cata. Daxita barapo petusato tutu joibo naca cata. Baxuan daxita amanaya saya nacata exana. Daxita ichauxino muxuna exanano.

²⁶ “Copiya meisa bapon Nacom compa exana pebin, bara caein. Barapo cae janatha daxita yanacia exana jiwi. Daxita w_hnae tsiwanaeya yaputaneno poxonae naexanaena daxita jiwi. Matautano yaputane xua eta po weiyobetha jinompaena. Matautano yaputane xua pia iranthe bexa naexanumenaponaena. ²⁷ Icha pebin cuita cananta xeinaetsipa Nacom, bara Nacom cana exanaetsipa xua bapon bara Nacom pejume cow_hantsiwa

tsainchi. Nacom jopa tajɯ ecaeyo ichitha bara waxantha imoxoyo popona.
²⁸ Nacom pepoponaexae daxota asɯ jinompatsi. Nacom naca exana, daxota beta nacuiyenabatsi, yawa daxota wacobexitha ɯ waexanae. Ichaunxuae ichin xua paca tsipaebatsi barichi painyamonaе baxua paeba pomonaе diwesi petinaewi poxonaе jei, ‘Nacom apara pia jiwichi waxainchi’, jei.
²⁹ Waxainchi Nacom pia jiwichixaetsi, daxota jopa bewa nanta xeinaetsi xua Nacom po Nacom pepa Nacom, apara jɯpa po nacomɯn jiwi exana pecobetha. Barapo nacomɯn po nacomɯn xua jiwi cana exana xua oro nainton yawa xua plata nainton yawa xua ibowan, saya jiwi pia coyene cuirutha nanta xeina xua peexanaewa barapo nacomɯn.
³⁰ Matha copiya bayatha Nacom saya beitatemaya tane jiwi abe pia peexanaewan tatsi, tsipei barapomonaе jopa yabara yaputaeyo pocotsiwa Nacom ichichipa. Ichitha matapainya anoxuae daxita jiwi Nacom cui itoroba xua petsita xeinaenexatsi icha jɯntɯ coyene, xua jopa equeicha peexanaenexa abe peexanae coyene. Saya ɯ penanta xeinaenexa tsane pocotsiwa Nacom ichichipa.
³¹ Nacom matababi wɯn duta xua po mataqueitha tsane Jesús caetucaetutetsina daxita jiwi pia peitabaratha. Barapo matababitha tsane Jesús xaniwaicha yabara paebina daxita jiwi xua penatsicuentisiwa xua abe peexanaexae. Pomonaе xua abe exana itawetsinchi, pomonaе xua wɯnae exana jopa itawetsi tsainchi. Nacom itapeta, xua Jesús tsiitapetatsi barapo penacuichiwa tsipei Jesús saya xaniwaicha pepaebin. Poxonaе Nacom Jesús asɯ exanatsi petɯpaewitha, Nacom naca tsita itapeinya xeina xua apara Jesús tsiitapetatsi barapo penacuichiwa”, jei Pablo.

³² Poxonaе barapomonaе Pablo jume tainchi po coyene xua equeicha petɯpaewi pinae asɯ tsaibi tsane, ichamonaе Pablo jume cui caponatsi nawita. Ichamonaе namchi, jeye:

—Bexa paca jume taeinchi equeicha xuaunxuae paebame, jeichichi Pablo.

³³ Nexata Pablo cuenta ponataba barapomonaе.
³⁴ Ichitha ichamonaе Pablo puna poinchi yawa bapomonaе Jesús jume cowɯntatsi. Ichɯn barapomonaе jiwana pewɯn Dionisio. Bapon Dionisio Areórago wɯn matabɯxɯyo jiwana pin. Petsiriwa powa irɯ napona powa irɯ pejume cowɯntsixaе Jesús, bapowa pewɯn Dámaris. Ichamonaе irɯ napona pomonaе irɯ Jesús pejume cowɯntsiwichi.

18

Meje yabara poxonaе Pablo Corinto tomaratha popona

¹ Pirapae equeicha Pablo Atenas tomara wewarapiya. Corinto tomara bewarapiya.
² Baraxota Pablo caxina judiomonaepin, pon pewɯn Aquila. Bapon Ponto nacuapin. Piowa tatsi pewɯn Priscila. Piseuribe mexuaetha Italia nacua wewaraparenabe, tsipei pon romanomonaе itorobiya pia pepa peewatsinchi pon pewɯn Claudio, bapon judiomonaе daxita itorobatsi xua pewarapaewa tsane barapo Roma tomara weya. Daxota Corinto tomaratha patopabe. Pablo siwa pona, Aquila petsiriwano siwa poinchibe.
³ Pablo naeca Aquila pia botha tsipei bapon pia penacuichiwiyo irɯ xeina icha Aquila piawabe ichi. Pia penacuichiwiyo xeina xua chivo boco bouton exana. Aquila piowabe nacuitabe, irɯ Pablo piawa nacuita.
⁴ Daxita matababi, po matababintha pentaquei seicaе matababintha Pablo poneiba judiomonaе pia penacaetutsi botha tatsi. Baxota Pablo jume daunweya cueicueijeі pomonaetha pepa judiomonaetha irɯ pomonaetha jopa judiomonaе naexanaeyo. Pablo cueicueijeі barapomonaetha tsipei ichichipa xua barapomonaе Jesús pejume cowɯntsiwa tsainchi.

⁵ Poxonae Silas iru Timoteo Macedonia nacua wepatoparenabe, barapoxonae daxita maticabintha Pablo cuidubeiba judiomonaetha. Pablo paeba xua pinae pon Jesús jeichichi xua apara pinae bapon apara bara Mesías, pon xua pinae barapomonae pewunaewatsixae. ⁶ Barapomonae tamropata pitaba xua Pablo abe yabara paebatsi yawa tsamujume baru paebatsi. Nexata Pablo pepatomeicha nama paparuwa nunataba. Baxua exana poxoru barapomonae anthaetabiya jume tane. Pablo barai barapomonae, jeye:

—Bara apara painya coutha icha pana natsicuentame xua daxota poxonae paweraweracaename. Jopa tacouthinyo xua jopa paxeinaem tsane peajuntacuiyapuwawa, tsipei bayatha yabara paca tsipaebatsi barapo peajumeyapuwadiwesi. Tha anoxuae Nacom Pejume Diwesi caponaetsi pomonaetha pomonae jopa judiomonaetha naexanaeyo, jei Pablo.

⁷ Barapoxonae Pablo judiomonaetha pia penacaetutsi bo tatsi wewarapiya. Pablo pona Justo pia bo beya tatsi. Bapon Justo, icha wun xeina, Ticio baraichi. Bapon wuna pejainteibin Nacom. Bapon yabo uncua ichaxota imoxoyo judiomonaetha pia penacaetutsi bo tatsi pewa werena. ⁸ Iru Crispo, pon judiomonaetha pia penacaetutsi bo peyapucauncuaein, bapon piamonae matabuxayo barujume cowunta Jesús pon jiwi Pecanamataxeinaein. Barichi pinmonae pomonae Corinto tomaratha jinompa poxonae jume tane Nacom Pejume Diwesi, bapomonae iru jume cowunta Jesús. Pomonae pejume cowuntsiwi barapomonae daxita bautisabatsi. ⁹ Bapoxonae Pablo merawi camaituncua Nacom pon Pecanamataxeinaein jiwi. Pablo baraichichi, jeye: “Jopa junuwinde. Nacom Pejume Diwesi paeba ducuaenaebiyama. Jinxoba moyam. ¹⁰ Tsipei apara, xan cabaru popoinchi, daxota ichamonae jopa itacupaetsi xua abe nacaexanaewa. Barapo tomarathe tamonae, pinmonae apara inta jinompa”, jei Jesús. ¹¹ Pablo baxota popona dieciocho po xometiyobe Corinto tomaratha. Baxota Pablo cuiduba ducuaenaebiya Nacom Pejume Diwesi.

¹² Iru pebin popona pon pewun Galión. Bapon Galión Acaya nacuapiwi pia peyanacua ewatsinchi exanatsi. Barapoxonae judiomonaetha pomonae Acaya tomarapiwi nacaetuta Pablo yabara nacaetutatsi pecasebixaetsi xua pecaponaenexatsi Galión peitabaratha tatsi. ¹³ Judiomonaetha namchi, Galión baraichi, jeye:

—Poxonae bapon Pablo paeba ducuaenaebeiba pinmonae baraxua jume jejei tsaibi. Pablo cuidubeiba jiwi, xua pinae jame bewa jiwi wuna jainteibi Nacom po coyene jopa jupaeyo Moisés pia peitorobi coyenewa tatsi, jei barapomonae.

¹⁴ Pablo bara muxu pepaebi, iru Galión paebaxoyaru. Nexata barapon namchi judiomonaetha baraichi, jeye:

—U judiomonaetha pam. Painya xoba pana tsipaebame. Jame icha bapon caiba, icha jiton bexotsi, icha ichawiyoy exana xua abe, metha jame bapoxonae paca jume jejei tsipaetsi. Ichitha bapon jopa abe exanaeyo. ¹⁵ Saya u payabara cueicueijam tsaibi barompaya painya cui xua painya amo jiwi pia cui coyeneya tatsi. Moya baxua paxam paexande pocotsiwa Pablo payabara paebame. Tsipei jopa bepacata naexanaetsi be pon jiwi peyabara paebin xua penatsicuentasiwa xua abe peexanaexae. Moya painya coutha pacui itawere, jei Galión.

¹⁶ Bapoxonae Galión pesato benapuna torobabiya barapo judiomonaetha. ¹⁷ Bara nexata daxita judiomonaetha Sóstenes waetabatsi pon judiomonaetha pia penacaetutsi bo tatsi pewatsin. Barapomonae Sóstenes butsi Galión peitabaratha tatsi. Daichitha baxua Galión saya cui tane, jopa tsita ainya cuichi.

Meje yabara poxonae Pablo equeicha Antioquía tomara beya caibeya warapa. Baxotiya tamropata pitaba xua warapa acoibi po cuiyobetha xua pecueicueijeinexa Jesús pia pexeinya jume diwesi tatsi

¹⁸ Pablo awiia came baxota popona ainya maticabin Corinto tomaratha. Bapoxonae nama copiia napeyaba pomona pejume cowantsiwixae Jesús. Siria nacua bewarapiya weratha, po naetha po nae pin nae. Aquilano piowabe naponabe. Barapoxonae juntucuru bara ponatabichiba copiia matha nanta catepateya sibaxuba Cencrea tomaratha xua penayabara tsita itapeinya xeinaenexa xua nayabara jume cui wetsina xua exanaena xua bayatha Nacomtha nayabara tsiwinae muxu duta. ¹⁹ Bara Efeso tomaratha patarucupa. Baxota Pablo Aquila piseuribe xubetatsibe pia ponaetsi ichaxota judiomona nacaetuta barompaya pia penacaetutsi botha. Baraxota Pablo baru cueicueije barapo judiomona. ²⁰ Efeso tomarapiwi bequein Pablo apusiwatsi xua abu peecaewa tsane. Ichitha Pablo juntucuru jopa beecaeyo baxota ainya maticabin. ²¹ Nexata Pablo napeyaba barapomona. Pablo namchi, jeye: “Tha nama Jerusalén tomara beequiyaetsi. Tha naewatequiyaetsi xua jiwi petsinacaetutsinexa pexaewa xua penabanaewa. Metha equeicha paca taeyoparenaeinchi icha Nacom metha newanae ichipaena”, jei Pablo.

—Bara warapataba Pablo. Efeso tomara wewarapiya jeratha po naetha po nae pin nae. ²² Poxonae Cesarea tomaratha patopa Jerusalén tomara be-iyá, pia jacobichi pomona Jesús pejume cowantsiwichi. Bapoxonae equeicha Antioquía tomara bewarapiya. ²³ Poxonae bara juntucuru yaainya merawin jopa baxotiya equeicha icha nacuabe bewarapiya. Galacia nacua bewarapiyano. Frigia nacua bewarapiyano. Baxota Jesús pejume diwesi cuiduba Pablo pomonaetha pomona Jesús pejume cowantsiwi. Pablo juntu coyene tsacaba xua barapomona ajuntayapusa pejume cowantaponaewa tsane Jesús.

Meje yabara poxonae Apolos Nacom Pejume Diwesi cueicueije Efeso tomaratha

²⁴ Caein judiomonae jiwanapin Efeso tomaratha patopa. Bapon pewan Apolos. Bapon seicaya iru Alejandría tomarapin. Bapon Nacom Pejume Diwesi peyaputaen yawa beta cacueicueije barapo diwesi. ²⁵ Apolos beta yabara cuidubatsi ichamona xua Jesús, pon Pecanamataxeinaein jiwi, pia cui. Juntu coyene weiweinaya paeba. Xaniwaicha piamona cuiduba Jesús yabara bequein saya yaputane xua po coyene pinae Juan pebautisabiwa jiwi xua icha juntu coyene pexeinaenexa Nacomtha. ²⁶ Apolos judiomonae pia penacaetutsi botha tatsi bichocono juntu coyene wanaeya cueicueije Nacom Pejume Diwesi. Priscila, Aquila, piowabe jume tanebe bapon. Wababe bapon, pia bo becayabe. Aquila, Priscila pia pebinbe yabara muxu tsidutabe icha diwesi xua Nacom pia pepa diwesi po diwesi xua jopa yaputaeyo. ²⁷ Apolos ichichipa xua peponaewa Acaya nacua beya. Bapoxonae pomonae pejume cowantsiwixae Jesús, Apolos canatsiwana tinaxotsi carta xua tatinatsi pomonae pejume cowantsiwixae Jesús. Daxota barapomonae tatina xua Apolos pententa weiweinaya wabinexatsi. Poxonae Apolos patopa Acaya nacua, bapon yawena pomonaetha pomona bayatha Nacom jume cowantatsi pomonae Nacom peantobexae. ²⁸ Apolos daxita jiwi peitabaratha jume amanayaba poxonae Jesús beta yabara paebatsi. Daxota barapomonae judiomona jopa itacupaetsi xua pejume notsiwatsi bapon po coyene xua poxonae bapon abe pepaebiwa. Poxonae Apolos yoroba Nacom Pejume

Diwesi bapon tsita itapeinya xeina xua Jesús apara Mesías pon Nacom itorobica.

19

Meje yabara poxonae Pablo Efeso tomaratha popona

¹ Poxonae Apolos Corinto tomaratha eca, bapoxonae iru Pablo seicaya ducuaanaebiya daxita tomaran juraya, po tomarantha ichaxota atororon. Efeso tomaratha patopa, baxota Pablo caxina ichamonaе pomonaе Cristo pejume cowantsiwichi. ² Pablo yainyaba barapomonaе, jeye:

—¿Bayatha Nacom pia Pejumope tunaxu tatsi painya juntu coyenetha pacata pata poxonaе pajume cowantame Jesús? jei.

Barapomonaе Pablo jume notatsi, jeye:

—Jume, jopa payaputaеinyo. ¿Eta pocotsiwara xua Nacom pia Pejumope tunaxu tatsi? Bayatha jopa payabara jume taeinyo baxua, jei.

³ Pablo yainyaba, jeye:

—¿Eta pabichim poxonaе pajume cowantame poxonaе paca bautisaba? jei.

Pablo jume notatsi, jeye:

—Apara saya payabara jume cowantan xua Juan cuiduba, po coyene xua Juan itorobatsi xua jiwi pebautisabiwatsi, jei.

⁴ Pablo jume nota, jeye:

—Aja, Juan bautisaba pomonaetha pomonaе abe pia peexanaе cuiru coyenein nacui barapenta xua pomonaе pejume cowantsiwichi Nacom. Daxota metha Juan piamonaetha barai: ‘Pajume cowande pon xua tsiwana patopan’, jei Juan piamonaetha. Xua Juan namchi: ‘Pon xua tsiwana patopan’, jei, bapon apara Jesús, pon ‘Mesías’ baraichi, jei Pablo.

⁵ Poxonaе baraxua Pablo jume taerucupatsi, caena barapomonaе bautisabatsi Jesús pia pewantha tatsi pon Pecanamataxeinaein jiwi. ⁶ Poxonaе Pablo barapomonaе pecobetha mata jayaba, barapoxonaе barapon Nacom pia Pejumope tunaxu tatsi barapomonaе tapatatsi pejuntu coyeneintha, yawa cueicueijeі exanebatsi icha jumeintha xua ichamonaе pia jume tatsi. Matautano barapoxonaе barapomonaе cueicueijeі Nacom Pejume Diwesi pocotsiwa Nacom yaputane exana. ⁷ Daxita barapomonaе pomonaе baxota ena doce pomonaе matabuxuyobe pomonaе xua Jesús pejume cowantsixaetsi.

⁸ Baxota Efeso tomaratha, Pablo judiomonaе pia penacaetutsi botha tatsi poneiba acoibi po xometiyobetha Nacom Pejume Diwesi pecueicueijeіwanexa. Bapon jopa junuwiyo poxonaе cueicueijeі. Matautano yabara tsipaeba po coyene Nacom waba jiwi petanaexanaenexatsi piamonaе tatsi pomonaе itorobiya peewatsixae. ⁹ Ichitha ichamonaе aichaxaibi jume tane. Jopa juntucuru bejume cowantsiyo. Saya barapomonaе jiwi peitatha tatsi abe yabara paeba Jesús pia pena pecuidubiwa tatsi. Nexata barapomonaе pia xainya weya tatsi Pablo napitaba. Saya meisa baru pona pomonaе Jesús pejume cowantsiwichi po bo penacuidubi bo beya. Pebin pon pewan Tirano barapo bo, bapon pia bo tatsi. Barapo botha Pablo daxita matabi Nacom Pejume Diwesi cuidubeiba. ¹⁰ Baraxota Pablo ainya weibe paeba ducuaanaebiya Nacom Pejume Diwesi. Daxita pomonaе Asia nacuapiwi judiomonaе iru pomonaе jopa judiomonaе naexanaeyo barapomonaе jume cowanta Jesús pia pexeinya jume diwesi tatsi, pon Pecanamataxeinaein jiwi. ¹¹ Nacom Pablo yawenatsi xua pexeinya petsita itatsi coyenewan exana Nacom pia peayapusuwatha tatsi. ¹² Ichamonaе paparuwan yawa painyaweran capona Pablo beya xua barapo paparuwantha Pablo peperu

jayababinexatsi. Barapo paparuwan nata capona peatene jiwitha. Bapoxonae barapo paparuwantha nainya axaibi tsouneibi. Iru pomonae cauri xeina barapo paparuwantha nacapanenebiya tsaibi. Barapomonae cauri wepu poneibatsi.

¹³ Ichamonae judiomonae, pomonae saya pejinompaewi, barapomonae pia cui xeina xua jiwi taitaweteibatsi cauri. Barapomonae ichichipa Jesús wun wun taibatsi poxonae itaweta cauri. Barapomonae caurimonae baraichi, jeye: “¡Bara Jesús pewantha paca itawetatsi, pon Pecanamataxeinaein jiwi, xua pon Pablo wun yopita ducuaenaebiya!” jei barapomonae.

¹⁴ Iru barapoxonaeru judiomonaepin pon pewun Esceva, xeina siete poyobe tatsi pebiwi. Barichi barapo siete poyobe wun wun taibatsi Jesús, poxonae itaweta cauri. Esceva sacerdotemonae pia pentacaponae wi jiwana tatsi. ¹⁵ Poxonae barapomonae paeba barapo wantha, Jesús pewantha tatsi, barapomonae jume notatsi cauri, jeye: “Bara tayaputaen Jesús, Pablono bara yaputanno. ¿Incane paxamda? ¿Jintam pamda?” jei bapon cauri.

¹⁶ Bapoxonae barapo siete poyobe pexainya betanaxorenatsi pon cauri xeina. Barapomonae butsi. Matautano barapomonae jopa nacuiyenabiyo. Barapo siete poyobe daxita tamasa jebompatsi yawa wan dubatsi. Bo bejumasa ducupa. ¹⁷ Pomonae Efeso tomaratha peenaewi, judiomonae, iru pomonae jopa judiomonae naexanaeyo, daxita bapomonae jume tane xua siete poyobe jumasa ducupa. Barapomonae junuwa bichocono. Daxota barapomonae Jesús pon Pecanamataxeinaein jiwi wanae jaintatsi.

¹⁸ Pomonae Jesús jume cowantatsi pinmonae barapomonae jiwana baxota pata. Barapomonae jiwi peitatha tatsi paeba xua bepa pinae bayatha abe exana poxonae mara coyeneya exana nawita. ¹⁹ Pomonae Jesús pejume diwesi coyene nacuiduba, barapomonae carendena diboron po diboron xua mara yabara penacuidubiwan. Barapo diboron tauteba. Poxonae barapo diboron tauteba daxita nataeumena. Barapomonae yabara matoma ununa xua pinae barapo diboron matoma nawita, cincuenta mil po paratiximonae be pinae nantomata. ²⁰ Barapoxonae pin bicheito jume cowanta Jesús, pon Pecanamataxeinaein jiwi. Yawa barapomonae tsita itapeinya xeina dubenanaebiya xua bara Nacom apara xeina peayapusa itorobi coyenewa.

²¹ Poxonae baxua weta Pablo najuntu coyene weta xua pesiwa ponaewa tsane tomaran xua Macedonia nacuatha, yawa xua Acaya nacuathano xua bapoxonae Jerusalén tomara bepewarapiyaenexa. Nanta xeinano xua peponaewa tsane Roma tomara beya. ²² Ponbe Pablo yawenatsi, Timoteono Erastono, baponbe Pablo Macedonia nacua beitorobiyabe. Cataunxuae abu bapon Pablo Asia nacuatha eca.

Meje yabara poxonae jiwi namtsebiya wawai Efeso tomaratha Pablo pecasebixaetsi

²³ Barapoxonae Efeso tomarapiwi anaya anaepanaeya najume cayayataxuba poxoru aichaxaibi xua pejume taewa xua Pablo yabara cueicueijei Jesús pia pena pecuidubiwa tatsi. ²⁴ Pon xua abe penajume cayayataxubin xua poxonae namtsebiya wawai bapon pewun Demetrio. Bapon pinmonae xeina pomonae petanacuichiwichi xua petaexanaewichi penainwixi. Barapomonae Demetrio taexanatsi tsiqui penain boxi xua Artemisa pia bo canaxobeba. Artemisa Efeso tomarapiwi pia nacomwa tatsi. Barapowa jopa be pepa nacomio. ²⁵ Bapon Demetrio pia petanacuichiwichi waba. Pomonae iru Artemisa pia penain boxi peexanaewi wabatsino. Demetrio namchi daxita barapomonaetha, jeye: “Bara metha payaputaneme xua

paratixi xeinatsi poxoru Artemisa pia penain boxi exanatsi wacaenaetsinexatsi, daxota xeinatsi paratixi. ²⁶ Pon pataneme yawa pajume tanemeno, barapon Pablo. Bapon paeba ducuaenaebiya xua pinae pomonae icha nacom canaatsiya exana apara pinae xapain jopa daxua pepa nacomiyu. Pomonae Pablo cuidubeiba jume jejei tsaibichi ayei jiwi Efeso tomarathano, Asia nacuathanoru jume jejei pinmonae. ²⁷ Baxua bichocono nacata abe, tsipei icha jiwi jopa comocaetsipae barapo penain boxi xua waxainchi exaneibatsi bapoxonae jopa xeinaetsipaetsi paratixi. Jiwi namchi tsane: ‘Artemisa pia pin bo tatsi abe. Xapain jopa pepa Nacom pin pia boyo’, jei tsane. Cataunxuae anoxuae barapo jiwi Asia nacuapiwi iru daxita nacuanpiwi Artemisa wuna jainteibatsi. Ichitha icha jume cowantsinchi Pablo, metha equeicha jopa bewuna jainteibichipaetsi Artemisa”, jei Demetrio.

²⁸ Poxonae baxua Demetrio jume taerucupatsi, anaepanarucupa barapomonae. Yawa barapomonae namtsebiya wawai, jeye: “¡Maisa Artemisa powa pata tanecanamataxeinaewa, barapowa bichocono pejuntu coyene xanepanaewa! ¡Maisa Efesimonae pan Artemisa wuna pajaintan!” jei barapomonae.

²⁹ Barapoxonae daxita tomarapiwi jupaya anaepana. Gayo iru Aristarco, ponbe Macedonia nacuapinbe, ponbe Pablo pepuna ponaexatsibe, baraponbe waetabatsibe. Po botha ichaxota jiwi nacaetuteiba pecueicueijeinexa tsaibi tsane bara bema ru cayatsibe. ³⁰ Bepa bequein Pablo najoniyaei barapo botha, petsipaebinexa tsane barapomonae, ichitha Jesús pejume cowantsiwichi Pablo jopa pu copatichi. ³¹ Barichi pomonae pentacaponae wi jiwana Asia nacuatha, barapomonae Pablo pia jiwi tatsi cou tana cajume caitorobatsi xua bepa pinae Pablo jopa najoniyae tsane baxota. ³² Barapoxonae barapo penacaetutswatha, ichamonae icha caununaya wawai iru ichamonae icha caununaya wawai. Daxita barapomonae najume cayayataxubiya wawai. Ichamonae jopa yaputaeyo po coyene xua barapomonae yabara nacaetuta. ³³ Barapo penacaetutswimonae anaepana. Pablo yabara anaepanatsi iru pijimonae tatsi tayabara anaepanatsi. Daxota judiomonae caemonae najiwana napuna totabiya pebin xua bapon peitabaratha peuncuaenexa barapo penacaetutswatha. Bapon pewun Alejandro. Bapon pecobetha jume matawenta tsipei ichichipa bequein yabara jume yawena judiomonae barompaya piamonae. ³⁴ Poxonae barapomonae Alejandro yaitaerucupatsi xua Alejandro judiomonaepin, barapoxonae equeicha daxita namtsebiya wawai tsonpae ainya horabe. Barapomonae namchi, jeye: “¡Maisa pata tanecanamataxeinaewa Artemisa! ¡Maisa barapowa pejuntu coyene xanepanaewa! ¡Maisa efesimonae pan Artemisa wuna pajaintan!” jei barapomonae.

³⁵ Nexata, pon xua tomara peewatsin, bapon uncuwa barapo penacaetutswi itabaratha. Bapon jume matawenta xua equeicha jopa penamtsebiya wawainexa tsane barapomonae. Bapoxonae bapon namchi, jeye: “Pomonae Efeso tomaramonae pam. Bara daxita nacuamonaepiwi naca yaputane xua waxainchi notatsi Artemisa pin pia bo tatsi. Matautano yaputane xua waxainchi botatsi po iboto xua athawe jopeica. Barapo iboto apara bara Artemisa tsipei be Artemisa pia pawu. ³⁶ Jiton dapocotsin aibi pon xua nejume barai xua naeraban, daxota saya iru moya pande. Painya xoba ichawa pananta xeiname poxonae jopa beta pananta xeinaem. ³⁷ Ponbe, Gayo iru Aristarco, ponbe pacarendename, baponbe jopa abe paebiyobe. Baponbe jopa caibiyobe xua xoyo boca Artemisa pin pia botha tatsi. Matautano Artemisa nacomwa jopa cui aebiyobe. ³⁸ Icha Demetrio iru petanacuichi-

wichi nanta xeina xua ichamonae Demetriobaru abe taexainchi moya jame barapomonae bewa ponaena po bo ichaxota ena pomonae jiwi peyabara paebiwi xua penatsicuentisiwa xua abe peexanaexae. Bapoxonae barapomonae itacupatsi xua petsipaebiwa pomonaetha pomonae tomara pentacaponae wi po coyene xua ichamonae abe exana barapomonaetha. ³⁹ Icha ichawa painya paebichi abu anoxuae jopa papaebinde. Po mataqueitha poxonae pentacaponae wi ba nacaetuta pejume taenexa xua jiwi paeba bapoxonae jame papaebare. ⁴⁰ Wanamtsebiya wawaijeixae anoxuae daxota romanomonae naca yabara anaepanaena tsipei nanta xeinaena xua waxainchi aichaxaibichi xua barapomonae naca itoroba. Jopa xeinaetsi po diwese xua yabara tsipaebinchi barapomonaetha pocotsiwa xua yabara namtsebiya wawaichi”, jei tomara peewatsin. ⁴¹ Poxonae najume wetaba baxua, barapomonae pesato beitorobiyatsi.

20

Meje yabara poxonae Pablo siwa pona Macedonia nacua, Grecia nacuano

¹ Bara najume wetarucupa daxita poxonae namtsebiya wawai tsonpae. Bapoxonae Pablo waba pomonae Jesús pejume cowuntsiwichi pebaru nacaetutsinexa. Barapomonaetha Pablo yabara tsipaeba Jesús pejume diwesi xua barapomonae peajuntuyapusaya xanepanaya pejinompaenexa tsane Nacomtha. Bapoxonae Pablo barapomonae napeyaba. Macedonia nacua bewarapiya. ² Daxita barapo tomaran, Pablo siwa pona barapo Macedonia nacua, cuidubano pomonaetha pomonae Jesús pejume cowuntsiwichi, xua peajuntuyapusaya xanepanaya tajinompaenexa tsainchi Nacomtha. Poxonae nacui wetaba equeicha Grecia nacua bepatopiya. ³ Baraxota Pablo acoibi po xometiyobe yapucaewa. Bara juntucuru Siria nacua beya warapa jeratha po nae pin naetha. Bapoxonae jume tane xua pinae judiomonae anaepana xua Pablo bexubapaebatsi. Daxota Pablo najuntu cui weta xua caibeya peponaewa tsane petaxutha Macedonia nacua beya. ⁴ Pablo yanabatsi ichamonae. Iru ichun napona bapon pewun Sópater, pon Berea tomarapin, pon Pirro pexanto tatsi. Iru ichunbe naponabe baponbe pewunbe Aristarco iru Segundo, baponbe Tesalónica tomarapinbe. Iru ichun napona, bapon pewun Gayo, Derbe tomarapin. Iru ichun napona, bapon pewun Timoteo. Iru ichunbe naponabe, ponbe pewunbe Tíquico iru Trófimo, baraponbe Asia nacuarinbe. ⁵ Barapomonae daxita pana netsiwana nantacaponae, Troas tomaratha cou baxota pana ewata. ⁶ Ichitha Filipos tomara weya pawarapan jeratha, po naetha po nae pin nae poxonae weta Pascua wun matabin. Barapo Pascua matabintha jiwi xane pan xua pocotsiwa jopa cotowiyo. Poxonae cinco po matabibibe caewa papatan Troas tomaratha, baxota barapomonae pacaxiban. Baraxota paenan siete po matabibibe.

Meje yabara poxonae Pablo Troas tomara siwa pona

⁷ Pentaquei seicae matabitha, domingotha, pana nacaetutan, pata epanantarubi janacaenexa tsane pan. Pablo cuiduba pomonae Jesús pejume cowuntsiwichi, tsipei baya warapaena Pablo. Daxota poxonae cueicueijei beya yapapae. ⁸ Po tutu athabeicha barapo tututheicha pana nacaetutan. Barapo tututha ainya coichan dubena. ⁹ Pewowindu pewun Eutico, barapoyo bomuxu tututha ventanatha pemuxuburutha eca. Pablo bayiyo tsuxubi xua Nacom Pejume Diwesi cueicueijei. Barapoxonae Eutico nantacotiya maitecataba. Tajw wejopeica. Po tututha Pablo cueicueijei tsuncuae xua ichaxota acoibi tututheicha barapo tutu wejopeica. Eutico petupaeyo pitatsi. ¹⁰ Bara

nexata Pablo dunatabica. Pablo Eutico caquita ecatsi pentabocototha. Pablo naisa cateita waetaba. Piamonae barai Pablo, jeye:

—Jopa pajunuwinde, bara apara asu, jei.

¹¹ Nexata Pablo equeicha caibe juinya. Pan epa janaxuba, yawa xane. Barapoxonae equeicha Pablo matowa cueicueijei Nacom Pejume Diwesi, beya yajume pentha tsina. Bapoxonae weta. Bara cou nama matabi wanae tsuxubiba Pablo warapa. ¹² Barapo pewowin Eutico equeicha bara asu. Eutico piamonae bo becayiyatsi. Daxita saya juntu coyene tsacabatsi xua juntea jinompa xua equeicha Eutico peasaxae.

Meje yabara poxonae Pablo jeratha Troas tomara wewarapiya po naetha po nae pin nae xua Mileto tomara bewarapiya

¹³ Paxan copiya jeratha paponan weratha Aso tomara beya tsipei yaitama Pablo pana itoroba xua bepa pinae weratha paponaein. Bapon yaitama bepa petaxutha ponaei. Bara xotiya, Aso tomaratha paichichipan payapitan Pablo. ¹⁴ Poxonae Pablo Aso tomaratha pacaxibarucupan, bapon equeicha pana yantaba. Mitilene tomara beya pawarapan. ¹⁵ Mitilene tomara wewarapiyan. Bapoxonae icha matabitha imoxoyo Quío tunaetotha papatan icha muxunenetha. Baraxota caentacabitha paenan. Equeicha icha matabitha Samos tunaetotha papatan. Barapoxonae equeicha icha matabitha Mileto tomaratha papatan. ¹⁶ Baxua Pablo exana tsipei bapon nanta xeina xua jopa becaeyo ainya matabin Asia nacuatha. Bapon aichaxaibi pona Efeso tomaratha. Ichichipa Jerusalén tomara beya bichoina peponaewa tsane, tsipei imoxoyo bara Pentecostés matabi tsane, icha bara pecui jupaenexatsi.

Meje yabara poxonae Pablo tsipaeba penapatae jiwi Efeso tomaratha

¹⁷ Pablo Mileto tomaratha eca. Pablo najume caitoroba ichamonae xua Efeso tomaramonae pitiri jiwi pewabinexatsi pomonae Jesús pejume cowantsiwichi, xua Mileto tomaratha pepatsinexa. ¹⁸ Poxonae Efeso tomara piwi, penapatae jiwi pata baxota, Pablo barai, jeye: “Bara paxam payaputaneme xua wanae poponan poxonae copiya patopan Asia nacuatha painya xantha. Awiya cataunxuae barichin wanae poponan. ¹⁹ Daxita matabi Jesús pejume diwesi cueicueijan tsaibi. Jopa bichocono atsaca tsaibinyo. Jume wanaeya natsipaeban saya. Poxonae Nacom pon jiwi Pecanamataxeinaein pejume diwesi cueicueijan, bichocono yaitawanaeya cueicueijan yawa nejume yancababeiba judiomonae yawa bepa nejutebeibei. ²⁰ Paxam payaputaneme xua jopa nacui baraxubinyo xua tapaca tsipaewatsi Jesús pejume diwesi xua po coyene painya nepaca yawenaewa tsane. Paca cuidubatsi jiwi peitabaratha tatsi. Matautano painya boxithano paca cuidubatsi. ²¹ Judiomonae jume daunweya cuiduban. Iruru pomonae jopa judiomonae naexanaeyo jume daunweya cuiduban xua barapomonae bewa icha juntu coyene pexeinaenexa Nacomtha xuano pejume cowantsinexatsi Jesús pon Wanacanamataxeinaein. ²² Nacom pia Pejumope tanaaxu tatsi neitoroba xua bewa ponaetsipanjei Jerusalén tomara beya. Ichitha jopa nayaputaeyo pocotsiwa xua baxotiya tsane ichamonae inta exanaena. ²³ Jame anoxuae saya meisa yaputan xua Nacom pia Pejumope tanaaxu tatsi yabara netsipaeba xua daxita tomanan ichaxota pateibin. Nebarai, jeye: ‘Jiwi pecubi bontha cajebeibina, yawa caperaxa exaneibinano’, nejei Nacom pia Pejumope tanaaxu tatsi. ²⁴ Juntucuru xua icha tapan, baraxua jopa netsita ainya cuiyo. Bara jemba tsane icha saya poponaein. Icha tapan, bara jemba tsane. Daxota neitacupa xua juntu coyene weiweinaya exanaein pocotsiwa

Jesús neitoroba beya yacuiya tɔpajopaein. Matautano daxota neitacɔpa xua wetsin pocotsiwa Jesús neitoroba, pon Pecanamataxeinaeinchi jiwi, xua tapaca tsipaebiwatsi barapo pexeinya jume diwesi po coyene xua bichocono jiwi peantobewatsi Nacom.

²⁵ “Bayatha paca tsipaebatsi Nacom Pejume Diwesi po diwesi yabara xua Nacom waba jiwi, petanaexanaenexa tsainchi pijimonae jiwana tatsi pomonae itorobiya peewatsixae. Anoxuae bara xaniwaicha yaputan paxam pomonae pamxaem xua paca tsipaebatsi barapo diwesi, equeicha jopa pana netaem tsane. ²⁶ Daxota anoxuae paca tsipaebatsi icha jopa pajume cowantsim, baraxua apara jopa tacoyiyo. Bara apara painya coyam tsipei bayatha bequein matowa paca tsipaebatsi pexeinya jume diwesi. ²⁷ Daxita xua Nacom neitoroba barapo diwesi omeicha paca tsipaebatsi. Jopa icha diwesiyo copatsinyo. ²⁸ Painya coutha xanepanaya pana najantɔ coyene yabara nanta xeinare. Matautano xaniwaicha payapu eenare pomonae Jesús pejume cowantsiwichi. Paxam pitiri jiwi pam, baxua paexande tsipei Nacom pia Pejumope tɔnaxɔ tatsi paca itoroba painya neyapu cainompaenexa tsane Jesús pejume cowantsiwi tatsi. Matautano baxua paexande tsipei barapomonae Nacom piamonae tatsi, tsipei pexanto tatsi tsitɔpa xua barapomonae jopa peweraweracaewa tsane. ²⁹ Yaputan poxonae warapaein tacoutha patsina ichamonae. Barapomonae Jesús pejume cowantsiwichi abe exanaeinchi. Barapomonae Jesús pejume cowantsiwichi dɔcɔpa exanetɔnchi icha neuthɔ ichi. ³⁰ Barichi painya jiwi jiwamonae ajumebeya cuidubina xua jopa xainyeyo. Barapomonae cuidubina penaerabi diwesi, xua pomonae Jesús pejume cowantsiwichi pejume cowantsinexa barapo penaerabi diwesi. ³¹ Dota pam, xua peabe jume, painya nejume cowantsiwa. Pana necui yabara nanta xeinare xua paca cuidubatsi acoibi po weiyobe. Paca cuidubatsi merawithano, mataqueithano. Matautano paca siwa wecoyeichi ichacuitha.

³² “Tamonae pam, Nacomtha pacata tsipaebatsi xua paca necayawenaewa tsane, xuano xua Nacom Pejume Diwesi painya necayawenaenexa po diwesi xua paca cuiduba xua pinae Nacom paca antobe. Barapo Nacom Pejume Diwesi peayapusɔwa xeina xua ajantɔyapusɔya paca cana exanapona. Matautano paca catsina daxita pocotsiwa bayatha pepa piamonaetha yabara tsiwɔnae muxu duta xua catsiba paeba. ³³ Jopa taichichi tsaibinyo xua ichɔn pia paratixi tatsi matautano xua ichɔn pia paparuwan tatsi. ³⁴ Jame bara payaputaneme xua tacoutha natsiyabara nacuitan. Bara tawa comotan. Matautano xua pexaewa comotan, paparuwano. Matautano yawenan pomonae xua necueyaba. ³⁵ Bayatha payaputaneme xua daunweya nacuitan. Baxua exanan tsipei ichichipan xua painya neyaputaewa tsane, xua painya neyawenaenexa pomonae peacopeibi jiwi. Jopa pajanteminaeinde xua Jesús pon Pecanamataxeinaein jiwi namchi, xua jeye: ‘Ba jantɔ coyene weiweina bichocono pon cata beyacaincha xua pon pecatsixaetsi’, jei Jesús”, jei Pablo.

³⁶ Poxonae Pablo najume wetsiya paeba, poxonae xua pitiri jiwi tsipaebatsi, bapoxonae pentabocototha uncu. Pablo daxita barɔ tsipaeba Nacomtha. ³⁷ Barapoxonae daxita matowa wecoyei. Yawano matowa naisa teicatsino Pablo poxonae tsutsubatsi, peantobexaetsi. ³⁸ Barapomonae bichocono wecoyei tsipei Pablo bayatha namchi, jeye: “Equeicha jopa pana netaem tsane”, jei. Barapoxonae barapomonae Pablo jera bepuna tayathopiyatsi po naetha po nae pin nae.

21

Meje yabara poxonae Pablo weratha Jerusalén tomara bewarapiya po naetha po nae pin nae

¹ Poxonae Jesús pejume cowantsiwichi pacuenta ponan, barapoxonae Cos tomara bepawarapiyan weratha. Barapoxonae icha matabitha Rodas tomara bepaiyan weratha. Barapoxonae equeicha icha matabitha Pátara tomara bepawarapiyan weratha. ² Pátara tomaratha baxota equeicha icha nae panotarucupan. Fenicia tomara bepawarapiyan. ³ Poxonae Chipre tunaeto patan pamatawacaicha toqueban. Barapo tunaeto pata tatsocona iya paxenta iyian. Siria nacua bepaiyan. Barapo nae Tiro tomaratha botouna, pejotsinexa tsane xua capona. Tiro tomaratha paxubarucupan barapo nae. Baxota painompanno. ⁴ Baraxota Tiro tomaratha pacaxibarucupan pomonae Jesús pejume cowantsiwichi. Barapomonae pia xantha tatsi pajinompan siete po merawiyobe. Barapomonae Pablo tsipaebatsi, jeichichi: “Jopa Jerusalén tomara beya ponaeinde”, jeichichi. Nacom pia Pejumope tñaxu tatsi barapomonae yabara tsiwanaya tsipaebatsi po coyene xua ichamonae Pablo cana exanaeinchi barapo tomaratha. ⁵ Poxonae barapo siete merawiyobe payapucaeawan paponarucupan. Daxita pomonae Jesús pejume cowantsiwichi, tomara weya pana nepu taeumenathopiya yabuxino pexuino. Taetabo mene itapa bepaiyan. Baraxota pentabocototha paumenan. Nacom patsipaeban. ⁶ Pana napeyaban barapomonae, pana naisa teica pata taneantobexae. Bapoxonae equeicha jera panotarucupan, barapomonae equeicha pia boxi benawibiya.

⁷ Bara papanenebiyan tsarucupae xua Tiro tomara weya paponan. Tolemaida tomara beya papanenebiyan. Baxota equeicha pajacaban pomonae Jesús pejume cowantsiwichi. Caentacabitha baxota pajinompan. ⁸ Icha matabitha, Pablono yawa xua pomonae pata tacueyabixae pan Cesarea tomaratha papatan. Barapo tomaratha Felipe pia bo tatsi bepaiyan. Bapon Nacom Pejume Diwesi pecueicueije ducuanabiyae jiton. Bapon jiwana pomonae siete poyobe pomonae peyawenae jiwi. Barapo siete poyobe, matha cain itapetatsi Jerusalén tomaratha xua Jesús pia peitorobi jiwi tatsi peyawenaenexatsi. Barapon pia xantha tatsi paenan. ⁹ Felipe cuatro po pexantiyobe tatsi xeina. Barapowaxi cataunxuae jopa jitha enaeyo. Barapowaxi tsipaeba jiwi Nacom Pejume Diwesi xua Nacom yaputane exana. ¹⁰ Baxota caentacabiyobe paenan Cesarea tomaratha. Barapoxonae Judea nacupin patopa, pon Nacom pia peitorobi pepaebin, pon pewun Agabo. ¹¹ Agabo pana nesiwa pona. Pablo coreinya bocoto mara wejontatsi. Barapo coreinya bocototha petaxuno, pemañno Agabo pia coutha nacaecunta cubaxuba. Bapoxonae Agabo namchi, jeye:

—Bayatha Nacom pia Pejumope tñaxu tatsi netsipaeba po coyene xua judiomonae exanaena Jerusalén tomaratha. Bepa pinae barapomonae caiche tsane pon xua pia bocoto pexeinaein pocotsi bocote, ichaunxuae naichin, bara jata caichi tsane pinae. Matañtano bepa pinae barapomonae cacaponae pomonaetha pomonae penanapaincha jinompaewi xua icha nacua werena peponaewi, jei Agabo.

¹² Poxonae baxua pajume tan, paxan iru pomonae Cesarea tomarapiwi Pablo pabaran, pajanje:

—Bara, jinxoba poname Jerusalén tomara beya, pajan.

¹³ Ichitha Pablo pana jume nota, jeye:

—¿Eta xua metha pana siwa wecoyam? ¿Eta xua metha pana itanuwe forotame? Bara bayatha nacui yabara jume wetan tanecubinexa tsane,

matautano tatupaenexa tsane Jerusalén tomaratha tajume cowantsixae Jesús, pon jiwi Pecanamataxeinaein, jei Pablo.

¹⁴ Bequein Pablo jume daunweya pabaran xua jopa ponae tsane ichitha Pablo dapo jumetha bepa ponaei. Matapainya saya jopa equeicha pata jumeyo. Matautano pajan:

—Basaya moya baxua exanaena be pocotsi coyeneya xua Nacom ichichipa, pajan.

¹⁵ Bapoxonae poxonae pana jume wetan baxua, bara nama paxainxainyan. Bapoxonae Jerusalén tomara bepawarapiyan. ¹⁶ Ichamonae Cesarea tomarapiwi, pomonae Jesús pejume cowantsiwichi pana nepuna pona. Pana capona bo beya pata tajinompaeenexa tsane, pebin pon pewun Mnasón, bapon pia bo beya tatsi. Bapon Mnasón Chipre tunaetopin. Bapon pinae caena bayatha jume cowanta Jesús.

Meje yabara poxonae Pablo, Santiago siwa poinchi

¹⁷ Poxonae Jerusalén tomaratha papatan, baxota pomonae Jesús pejume cowantsiwichi weiweinaya pana matenta waba bichocono. ¹⁸ Icha matacabitha Pablo pana nebaru pona. Pasiwa ponan Santiago. Baraxota iru daxita pitiri jiwi jinomparu. ¹⁹ Barapomonae Pablo jacobae. Bapoxonae tsiwiyo bexa Pablo tsipaeba daxita po coyene xua Nacom exana pomonaetha pomonae jopa judiomonae naexanaeyo. Yawano paeba po coyene Pablo itorobatsi Nacom, xua petacaponaeenexa Nacom Pejume Diwesi tatsi. ²⁰ Poxonae jume tane baxua xua Pablo paeba, barapoxonae barapomonae Nacom wunae jaintatsi. Nexata Santiago Pablo baraichi, jeye:

—Taema, incane jume taema. Judiomonae pin bicheiton tsoponae, pomonae bayatha Jesús jume cowantatsi. Daxita barapomonae namuxutainyaba xua pinae daxita jiwi nantawenona xua Moisés pia peitorobi coyene exanapona. ²¹ Cayopita ichamonae xua pinae cuidubame judiomonae pomonae icha nacuantha pejinompaewi. Pinae cuidubame xua equeicha pinae barapomonae bewa jopa yabara jume cui exanae pocotsiwa bayatha Moisés itoroba. Matautano pinae cuidubame barapomonae xua pinae jopa bewa penawi thabi coyene exanae tsane xua pewi thabiwa pia pexui ichaxota nareixacaena xua ichaxota pebiwixae xeina. Matautano pinae cuidubame xua barapomonae bewa jopa exanae barapo peitorobi coyenewan xua pinae pocotsiwa wamo jiwi bayatha exaneiba. ²² ¿Eta xua waxainchi exanaeinchi? Tsipei judiomonae, pomonae pejume cowantsiwi Jesús, nacaetutsina xote barapo Jerusalén tomarathe, poxonae jume taena xua patopame. ²³ Paxan xua paca itorobatsi baxua exande. Taema xote pata xantha cuatro poyobe poponabe pebiwi. Barapoyobe yabara nacui wunae tsijume dutabe Nacomtha pocotsiwa xua exanapaeba. Anoxuae baxua barapomonae bewa exanae pocotsiwa bayatha exanapaeba. ²⁴ Barapomonae matakayande paratixi nanacui baru nantomare sacerdotemonaepintha, xam nexano iru barapomonae nexano xua jopa painya nenajuntu coyene taxobinexa. Nanacui baru nantomare, barapoyobe penanta catepateya sibapentsinexa tsane. Icha baxua exanaename, daxita jiwi cacui yaputaena xua bayatha jopa exanaem xua ichamonae abe cayabara paeba. Yawa daxita jiwi cacui yaputaena xua xam xaniwaichiya exaname pocotsiwa Moisés itoroba. ²⁵ Paxan pata tinan carta pomonae Jesús pejume cowantsiwichi, pomonae jopa judiomonae naexanaeyo. Pata yabara tinan baxua xua pananta xeinan xua barapomonae beexanaetsipa. Pajan barapo cartatha: ‘Painya xoba duwei pawu xaneme po duwein jiwi tsiseba ibo nacom. Matautano painya xoba paxaneme po duwein pon saya pipato tɔpuncua,

xuano painya xoba pajana xaneme. Painya xoba pasiwa xeiname yabuxi xua jopa painya seurixi', pajan, jei Santiago.

Meje yabara poxonae soldadomonaе Pablo maxu waetabatsi judiomonaе pin pia botha tatsi, bapoxonaе jiwi pecuabi bo beya caponatsi

²⁶ Nexata Pablo baru poinya barapo cuatro poyobe. Icha matababi Pablo iru barapo cuatro poyobe exana po coyene xua jopa penajuntu coyene taxobiwa Nacomtha. Bapoxonaе Pablo iru barapo cuatro poyobe Nacom pin pia botha tatsi jojoniya. Pablo namchi, jeye: “Equeicha papatsinan siete po matababibe poxonaе pawetsin po coyene xua daxota jopa pata najuntu coyene taxobiwa Nacomtha. Pacaponaein duwein sacerdotemonaepin pebexubinexa tsane xua pata catsinexa Nacom”, jei Pablo.

²⁷ Poxonaе barapo siete matababiyobe imoxoyo yapucaewinaba, bapoxonaе Pablo judiomonaе Nacom pin pia botha tainchi. Pomonaе Pablo tainchi, barapomonaе judiomonaе pomonaе Asia nacua weya pona. Pomonaе Pablo tainchi, barapomonaе exana xua pin bicheito namtsebiya wawai xua Pablo pecasebixaetsi. Bapoxonaе Pablo waetabatsi.

²⁸ Jume daunweya wawai, jeye: “¡Pajume taema, paxam pomonaе Israel nacuapiwi pamxaem! ¡Pana yawende! Barapon cuiduba ducuaеbiya daxita jiwi. Abeya naca yabara cui cueicueije. Matautano abeya yabara cueicueije Moisés pia peitorobi coyenewan tatsi. Matautano barapo Nacom pin pia bo abeya yabara cueicueije barapon. Matautano bapon griegomonaе matabapoinchi barapo Nacom pin pia bo berena. Poxonaе Pablo matabapona griegomonaе, Nacom pin pia botha tatsi atutube exana”, jei barapomonaе.

²⁹ Baxua paeba, tsipei poxoru bayatha barapomonaе Pablo tainchi Jerusalén tomaratha. Baxota Pablo baru pona Efeso tomarapin, pon pewun Trófimo. Daxota barapomonaе catsawa nanta xeina xua metha bayatha Pablo Nacom pin pia botha baru pona Trófimo. Daumetha Trófimo baxota jopa naponaeoyo.

³⁰ Daxita tomarapiwi jupaya equeicha jume daunweya wawai. Daxita cuinaerendena, barapomonaе Pablo yoroba teicatsi. Nacom pin pia bo wemaxu capoinyatsi. Barapoxonaе barapomonaе bichocono yaboupa cateitabanota Nacom pin pia bo. ³¹ Barapomonaе, pomonaе peanaepanaewi muxu Pablo pebexubichi. Bara nexata romanomonaе soldadomonaе pia pepa pentacaponaein tatsi jume tane xua daxita Jerusalén tomaramonaе najume cayayataxuba. ³² Nexata soldadomonaе pia pepa pentacaponaein tatsi, bapon pia soldadomonaе copiya piamonaе caeаetuteta. Bapoxonaе barapo soldadomonaе pin bicheito becuinaeyiya ichaxota Pablo muxu pebexubichi. Poxonaе barapo soldadomonaе taerucupatsi barapo bicheito xainya ume-narucupa. Barapoxonaе barapomonaе equeicha jopa Pablo butsi. ³³ Nexata soldadomonaе pia pepa pentacaponaein tatsi Pablo imoxoyo caquita uncuatabatsi. Bapoxonaе Pablo maxu waetabatsi. Bapon soldadomonaе pia pepa pentacaponaein tatsi piamonaе itoroba xua ainya naintothabe pemaxu cubaxubinexatsi Pablo. Bapoxonaе bapon soldadomonaе pia pepa pentacaponaein tatsi yainyaba pin bicheitha, jeye: “¿Jintam baraponda? ¿Eta xua metha bapon exana?” jei. ³⁴ Ichitha barapomonaе ichawan caununaya wawai. Ichamonaе ichawa wawai. Daxota bapon soldadomonaе pia pentacaponaein tatsi jopa xapain jume taeyo. Bapoxonaе bapon soldadomonaе pia pentacaponaein tatsi Pablo itorobatsi soldadomonaе pia bo beya tatsi.

³⁵ Poxonaе patopa soldadomonaе pia bo beya, penonobabeiyaewatha xua nonababeibiya soldadomonaе Pablo yoichiya capoinchi bara beya. Pin

abe exaname?’ jei. ⁸ Nexata yainyaban: ‘Pon jiwi Necanamataxeinaem, ¿jintamamda?’ jan. Nejume epa pita, jeye: ‘Apara xan Jesús, Nazaret tomarapin ponxaein tamonaen inta abe exaname’, nejei. ⁹ Pomonaen nepuna pona iru coicha taneno. Bichocono bapomonaen junuwa. Saya meisa coicha tane, saya jopa jume taeyo po jume xua nebaraichica. ¹⁰ Nexata yainyaban: ‘Pon jiwi Necanamataxeinaem, ¿eta pocotsiwa metha exanocuaein?’ jan. Bapon nebarai, jeye: ‘Nontaponde Damasco tomara be-iyande barapo tomaratha, ichun yabara catsipaebina pocotsiwa xua bewa exanaename’, nejei. ¹¹ Barapo coicha bichocono neitata naquitaba exana. Pomonaen nepuna pona Damasco tomara benemaxu cayiya.

¹² “Barapo tomaratha, Damasco tomaratha, cou pebin popona, bapon pewun Ananías. Bapon daxita yabara jume cuiya exaneiba Moisés pia peitorobi coyene tatsi. Barapo judiomonaen, Damasco tomaratha, bapomonaen Ananías xanepanaya yabara paebeibatsi. ¹³ Ananías nesiwa pona. Bapon nebarai: ‘Saulo, tamonaen jitom, equeicha caewa nepu necotsinde’, jei. Bara caena barapoxonaen equeicha caewa necotaxuban. Bapon bapoxonaen taenotan. ¹⁴ Ananías nebarai, jeye: ‘Pata amo jiwi pia Nacom tatsi bayatha itapeta cawaba xua neyaputaenexa tsane xua Nacom caitoroba. Caitapeta xua netaenexa pon yatsicaewa pejuntu coyene xanepanaein, matautano nejume taenexa pocotsiwa catsipaeba. ¹⁵ Aunxuae Jesús yabara cueicueijam tsane daxita nacuan jupayantha. Yabara paebiname daxita xua taneme xuano xua jume tanemeno. ¹⁶ Anoxuae, ¿eta xua metha came ecame? Nontaponde. Barabu ichun cabautisabina Jesucristo pewantha, pon jiwi Pecanamataxeinaein, necayabara junteinaenexa abe jinya neexanaen cuiru coyenein’, nejei Ananías”, jei Pablo.

Meje yabara poxonaen Pablo nayabara paeba xua peitorobiwatsi ichaxota pomonaetha pomonaen jopa judiomonaen naexanaeyo

¹⁷ Pablo cataunxuae cueicueijei, jeye: “Poxonaen caibe nawiyen Jerusalén tomara beya, Nacom pin pia botha tatsi ponan. Barapo botha Nacom tsipaeban. Bapoxonaen camaitan xua netsita naita. ¹⁸ Jesús necotan, pon jiwi Pecanamataxeinaein. Bapon nebarai: ‘Anthayacuinaen pontabare Jerusalén tomara weya, tsipei bapomonaen jopa xapain cajume cowantsi tsane xua tana neyabara paebiwam’, jei Jesús. ¹⁹ Nexata jume epa pitan: ‘Pon jiwi Necanamataxeinaem, bapomonaen bayatha necui yaputane xua poneiban daxitan judiomonaen pia penacaetutsi bontha tatsi. Bayatha jiwi pecubi botha caponeiban, pomonaen necajume cowantsiwi. Matautano bichocono beibanno. ²⁰ Poxonaen Esteban bichocono jana othopeica xan saya cui necotuncuan. Bapon Esteban pon cajume cowanta bayatha. Bapon jinya diwesi pecanantsipaebin. Poxonaen Esteban bexotsi, saya cui matu taeuncuan. Yabara jume baru cui jejan poxonaen bapomonaen Esteban bexubapaebatsi. Bapomonaen pipaparuwan tajeban’, jan Jesth. ²¹ Ichitha bapon pon jiwi Pecanamataxeinaein nebarai: ‘Anthaponde. Aunxuae taju caitorobinchi bapomonaen beya, pomonaetha pomonaen jopa judiomonaen naexanaeyo beya’, nejei”, jei Pablo.

Meje yabara poxonaen soldadomonaen pia pentacaponaein tatsi Pablo waetabatsi

²² Pablo cataunxuae paebuncua barapo penonobabeibiyathopaewatha soldadomonaen pia botha. Poxonaen Pablo jume taerucupatsi xua bepa pinaen ponaena pomonaetha pomonaen jopa judiomonaen naexanaeyo beya, bapoxonaen barapo bicheito namtsebiya wawai, jeye: “¡Maisa bapon pabexore bara! ¡Dapocotsin jopa bewa poponaen!” jei. ²³ Awiya came bapomonaen wawai

tsompae. Yawa pia paparuwan anaya nunababa. Yawa taetowan anaya athabe bebeicha. ²⁴ Romanomonaē soldadomonaē pia pepa pentacaponaein tatsi, bapon pia soldadomonaē itoroba xua Pablo pecaponaenexatsi soldadomonaē pia bo beya tatsi xua jiwi pecabi bo. Baxota Pablo capoinchi pecuainchinexa tsainchi xua daxota Pablo peyabara paebiwa tsane baxua xua Pablo peyabara namtsebiya wawaichiwatsi judiomonaē. ²⁵ Poxonaē bara juntucuru Pablo maxa cutanotatsi xuano juntucuru muxu pebetsino, Pablo barai soldadomonaē pia pentacaponaein tatsi, jeye:

—Jopa be pana necuainchipaem tsipei apara xan romanomonaepin. Matautano baxua jopa pana necanaichipaem icha jopa neyabara paebiyo pon jiwi peyabara paebin penatsicuentsiwa xua abe peexanaexae, jei Pablo.

²⁶ Poxonaē baxua jume tane, soldadomonaē pia pentacaponaein tatsi, bapon pona pia pepa pentacaponaein tatsi beya. Bapon namchi pia pepa pentacaponaeintha, jeye:

—Dota xua xam cana exanaename bapontha. Apra cou deta Pablo iru romanomonaepin, jei.

²⁷ Nexata soldadomonaē pia pepa pentacaponaein tatsi, bapon Pablo imoxoyo caquita uncuatabatsi. Bapon Pablo yainyabatsi, jeichichi:

—¿Bara yatsicaya xainyei bara xam romanomonaepim? jeichichi Pablo.

Pablo jume nota, jeye:

—Aa, bara xan tsocuaein, jei Pablo.

²⁸ Soldadomonaē pia pepa pentacaponaein tatsi Pablo jume notatsi, jeichichi:

—Xan iru barichin romanomonaepin. Nacui yabara matomatan bichocono pin paratixi matoma xua romanomonaepin tana naexanaewa tsane, jei.

Pablo namchi, jeye:

—Apra seicaya nama xan caena bayatha pexuyothan yacuiya naexanan romanomonaepin, jei.

²⁹ Poxonaē Pablo baxua paeba, bapoxonaē pomonaē Pablo muxu pecuainchichi Pablo pexeinya wetanatsixibarucupiyatsi. Iruu bara wenatsixitabiya soldadomonaē pia pepa pentacaponaein tatsi tsipei bapon yaputane xua Pablo apra romanomonaepin. Daxota junuwa xua Pablo pemaxa cubixaetsi.

Meje yabara poxonaē Pablo pentacaitorobi bicheitomonaē peitabaratha uncuapomonaē judiomonaē

³⁰ Icha matabitha soldadomonaē pia pepa pentacaponaein tatsi bepa yputaei, bepa jeyei: “¿Eta xua metha Pablo yabara anaepanatsi judiomonaē?” bepa jeyei. Daxota bapon, Pablo taxuenaxotsi xua maxa cutatsi. Nexata bapon itoroba xua sacerdotemonaē pia pentacaponaein tatsi iru pentacaitorobi bicheito nacaetutsina. Pablo bara bebaru iyatsi. Baraxota cuaranotatsi barapomonaē peitabaratha tatsi.

23

¹ Pablo pentacaitorobi bicheito beya bichocono naita cui dutsiya necoya. Pablo barapomonaē beya namchi, jeye:

—Tamonae, caena bayatha beya anoxuae juntu coyene xanepanaya poponan Nacom peitutha tatsi, jei Pablo.

² Nexata sacerdotemonaē pia pepa pentacaponaein tatsi, Ananías, bapon itoroba xua Pablo pecoibo cuainchinexatsi pomonaē Pablo imoxoyo caquita peumenaexaetsi. ³ Ichitha Pablo jume nota, Ananías jume notatsi, jeye:

—Xam ponxaem itara mexeya xanepanaya nepaebin ichitha jiwi nemuxuitorobin, Nacom cacuainchina. Xam ecame xote jinya tana neyabara paebinexam tana natsicuentsiwa xua abe taexanaexae icha be pocotsi coyeneya Moisés pia peitorobi coyenetha baxua yabara paeba. Ichitha xam jopa xapain exanaem poxonae ichamonae itorobame xua tana necoibo cuainchinexa poxonae Moisés pia peitorobi coyenewatha jopa baxua itorobiyo, jei Pablo.

⁴ Pomonae Pablo imoxoyo caquita umeinchi, jeichichi:

—Apara sacerdote pia pepa pentacaponaein tatsi abe tsipaebame pon Nacom tanacuitatsi, jei barapomona.

⁵ Pablo jume nota, jeye:

—Tamona, jopa yaputaeyinyo xua pon tsipaeban apara sacerdotemona pia pepa pentacaponaein tatsi. Icha yaputaetsipan, jopa paebinchipae. Nacom Pejume Diwesitha namchi, jeye: ‘Jopa bewa painya pentacaponaeiwi jiwana abe pajainchim pomona xua painya tomaratha’, jei Nacom Pejume Diwesitha, jei Pablo.

⁶ Nexata Pablo cui yabara nanta xeina barapomonaetha tsipei ainya bicheitobe, ichamonae saduceomonaer_u, ichamonae fariseomonaer_u. Daxota bapon Pablo jume daunweya wawai barapomonaetha, jeye:

—Tamona, bara xan apara fariseomonaepin, yawa fariseomonaepin pexanton. Tsipei jume cow_untan xua jiwi pet_upaewi equeicha as_u tsaibi tsane daxota pana necapona painya tana neyabara paebinexam xua tana natsicuentsiwa xua abe taexanaexae, jei Pablo.

⁷ Poxona Pablo baxua paeba saduceomona ir_u fariseomona najume matsontsonobabe. Barapo bicheito ainya bicheitobe naexanabe, tsipei barapo bicheitobe seicaya barompaya nabar_u nanta xeina. ⁸ Saduceomona paeba xua pinae pet_upaewi jopa equeicha as_u tsaibi tsane. Matautano barapomona paeba xua pinae matatsunpiwi jopa jinompaeyo, matautano pinae dowatsi dapomona pinae ajibi. Ichitha meisa fariseomona jume cow_unta daxita barapo diwesin, xua pinae pewerapeibiwi equeicha as_u tsaibi tsane, matautano xua pinae dowatsi jinompa, xuano xua pinae matatsunpiwi bara jinompa. Daxita barapo diwesin fariseomona jume cow_unta. Ichitha nama saduceomona jopa daichiyo. ⁹ Daxita barapo bicheitobe namtsebiya wawai. Fariseomona jiwana ichamonae nonobapona. Barapomona yaputane nawita Moisés pia peitorobi coyene tatsi. Barapomona namchi, jeye:

—Bapon Pablo jopa abe exanaeyoba, metha dowatsi bapon tsipaebatsi, ichacuitha metha matatsunpin bapon tsipaebatsi, jei barapomona.

¹⁰ Barapomona daxita najume matsontsonobiya biatane. Bapon romanomona soldadomona pia pepa pentacaponaein tatsi, bapon bichocono junuwa tsipei Pablo tsana per_u xunaeinchi. Daxota bapon romanomona soldadomona pia pepa pentacaponaein tatsi itoroba pia soldadomona xua Pablo equeicha caponaeinchi soldadomona pia bo beya tatsi.

¹¹ Icha mataqueitha merawi pon Pecanamataxeinaein jiwi, Pablo imoxoyo caquita uncuatsi xua tsita naitautatsi. Bapon namchi, Pablo baraichi, jeye: “Pablo, najunt_u coyene tsacatabare. Icha ichim xua Jerusalén tomaratha neyabara paebame barichinde equeicha Roma tomaratha neyabara paebare”, jei Jesús.

Meje yabara poxonae judiomona nanta xeina xua Pablo pebexubiwa tsainchi

¹² Icha mataqueitha, ichamonae judiomonae peburuya nanta jupaya nanta xeina xua Pablo pebexubiwa tsainchi. Barapomonae nayabara tsiwanae muxu duta Nacomtha xua bepa pinae jopa nabanae tsane, xuano jopa apae tsaneno xua beya pinae yajainbonaya othopaena poxonae Pablo bexubinchi. ¹³ Barapomonae pomonae Pablo bexubapaebatsi xuano xua yabara nainbotapaebatsi bichocono pinmonae beyacaincha xua pocotsi cuarenta po pebiwimonaeyobe. ¹⁴ Barapomonae pona sacerdote pia pentacaponaei tatsi beya, yawa judiomonae pia pitiri jiwi tatsi beya. Barapo pebiwimonaeyobe barai barapomonaetha, jeye:

—Bayatha pana nayabara tsiwanae muxu duban Nacomtha xua jopa pata nabanaewa tsane beya tsane poxonae cataunxuae jopa pabexubinyo tsane Pablo. ¹⁵ Paxam iru pomonae pentacaitorobi bicheito, romanomonae soldadomonae pia pepa pentacaponaein tatsi patsipaebare xua bapon pia soldadomonae peitorobinexa xua Pablo pecuaranotsinexa tsainchi painya itabaratha baya tsane. Romanomonae soldadomonae pia pepa pentacaponaein tatsi pamuxuitorobare. Naemata bapon pabarande: ‘Awiya peyainyabiwa paxeinan pata tha yainyabichi Pablo’, pajande. Paxan pata tha nama namtotha ewatumenae. Pata tha bexuichi, poxonae barapomonae Pablo caponaeinchi, jei barapomonae.

¹⁶ Pablo perobi tatsi jume tane xua barapo cuarenta po pebiwimonaeyobe namtotha nantsiyatsiya bobenapaeba pewaetabinexa tsainchi Pablo. Daxota Pablo perobi tatsi pona soldadomonae pia bo tatsi beya. Baxota Pablo perobi tsipaebatsi xua barapomonae Pablo bepa bexubichei. ¹⁷ Nexata Pablo waba pon xua romanomonae soldadomonaepin pia pentacaponaei jiwana. Pablo namchi, jeye:

—Poye pewowin wuto caponde romanomonae soldadomonae pia pepa pentacaponaein tatsi beya, tsipei bapoyo diwesiyo xeina xua petsipaebiwa tsane, jei Pablo.

¹⁸ Romanomonae soldadomonae pia pentacaponaein tatsi Pablo perobi tatsi capoinchi xua romanomonae soldadomonae pia pepa pentacaponaein tatsi beya. Bapon namchi, jeye:

—Pablo soldadomonae pia botha peecaein, bapon neitoroba xua pinae bepa caponaeinjei poye. Tsipei pinae xeina diwesiyo xua necatsipaebinexa, jei bapon soldadomonae pia pentacaponaein tatsi. ¹⁹ Pablo perobi tatsi cobe pitatsi romanomonae soldadomonae pia pepa pentacaponaein tatsi. Baru natsixitabatsi aisowa beya. Bapoyo baraichichi, jeichichi:

—¿Jinya eta xua netsipaebichi? jeichichi.

²⁰ Nexata pewowin wuto jume nota romanomonae soldadomonae pia pepa pentacaponaeintha, jeye:

—Judiomonae peburuya nanta xeina xua bepa sawnae xua Pablo baya necaponaeinexa pentacaitorobi bicheitha. Bepa camuxuitorobei. Bepa jeyei: ‘Panantawenonan pata tha Pablo yainyabichi ichawiyo’, bepa jeyei barapomonae. ²¹ Ichitha jopa jume cowantsinde, barapomonae namtotha nantsiyatsiya bobenapaeba pewaetabinexa tsainchi taxuyo. Barapo cuarenta po pebiwimonaeyobe natsiwanae yabara muxu duba Nacomtha xua bepa pinae jopa nabanae tsane yawa jopa apae tsane beya pinae poxonae tsane poxonae Pablo bexubinchi. Anoxuae barapomonae cajume cui ewata xua jam tsane: ‘Baya tsane Pablo pentacaitorobi bicheitha itorobinan’, jam tsane, jei Pablo perobi tatsi.

²² Nexata romanomonae soldadomonae pia pepa pentacaponaein tatsi barapoyo napeyabatsi. Pewowin wuto ponataba. Pewowin wuto baraichi, jeye:

—Ichantha jopa tsipaebinde xuaunxuae po diwesiyo netsipaebame, jei soldadomonae pia pepa pentacaponaein tatsi.

Meje yabara poxonae soldadomonae pia pepa pentacaponaein tatsi Pablo itorobatsi Félix beya pon Judea nacuamonae pia peyanacua ewatsinchi

²³ Romanomonae soldadomonae pia pepa pentacaponaein tatsi waba ainya pentacaponaeinbe. Bapon baraponbetha itoroba. Barai: “Soldadomonae pacui wunaerebe doscientos po soldado matabuxube pomonae xua petaxutha ponaena, iru setenta po soldado matabuxube pomonae xua cawayutha ponaena, iru doscientos po soldado matabuxube pomonae dejonan cajjincaena. Barapo bicheito daxita peponaenexa Cesarea tomara beya merawitha poxonae a las nueve tsuxubi. ²⁴ Matautano pacui wunaerebe cawayu ayunbe xua Pablo peequeicaenexa tsane. Matautano paitorobarebe xua Pablo beta pecaponaenexatsi, xua asuno Félix beya”, jei. ²⁵ Bapon pia soldadomonae caitoroba carta. Barapo cartatha namchi, jeye:

²⁶ “Xan Claudio Lisias. Félix, ponxaem tacabaru cui itura jinaeinchi, cajacobatsi. ²⁷ Pon anoxuae cata itorobatsi nexainya beya barapo pebin waetabatsi, judiomonae waetaba. Muxu pebexuichi. Poxonae jume tan xua bapon romanomonaepin najainta daxota nainya soldadomonae baru ponan bapoxonae bapon capanepan. ²⁸ Tsipei tha yaputaetsi xua barapomonae Pablo yabara paebatsi, daxota Pablo cuaranotan judiomonae pia pentacaitorobi bicheitha tatsi. ²⁹ Jume tan xua barapomonae Pablo yabara paebatsi xua pinae bapon jopa exanaeyo icha be pocotsiwa barapomonae pia peitorobi coyenewan tatsi paeba. Ichitha barapomonae jopa xeinaeyo po coyene xua daxota Pablo pebexubinexatsi, xuano xua daxota jiwi pecubi botha peetsinexatsi. ³⁰ Ichitha bapoxonae jume tan xua judiomonae namuxuweta pebexubinexa tsainchi Pablo. Daxota Pablo nexainya beya itoroban. Tsipaeban judiomonae pia pentacaitorobi bicheito tatsi. Janje: ‘Icha awiya Pablo pacui itawetsiname xua abe bapon exana —cabaraichi— bapon pia xainya beya paponare. Papaebare Félixtha baxua, pocotsiwa Pablo exana’, jan. Baja, Claudio”, jei barapo cartatha.

³¹ Barapo soldadomonae exana pocotsiwa xua bayatha itoroba pon romanomonae soldadomonae pia pepa pentacaponaein tatsi itoroba pon pewun Claudio. Barapo soldadomonae barapo merawitha Pablo capoinchi Antipatris tomara beya. ³² Icha mataqueitha barapomonae soldadomonae pomonae petaxutha pona, caibe nawibiya ichaxota tauncuatsi soldadomonae pia bo beya. Pomonae cawayutha pona awiya Pablo baru poinchi. ³³ Soldadomonae Pablo capoinchi Cesarea tomara beya. Barapomonae soldadomonae Félix catatsi barapo carta. Pablono baxota punaxubothopatsi. ³⁴ Félix matha yoroba carta. Bapoxonae Pablo yainyabatsi, jeichichi:

—Pablo, ¿eta po nacua jitomda? jei.

Pablo jume nota, jeye:

—Bara Cilicia nacua piyon, jei.

³⁵ Félix namchi, jeye:

—Poxonae judiomonae patsina, pomonae xua abe cayabara paeba, bapoxonae cajume taeinchi xua tana netsipaebiwam tsane, jei Félix.

Bapoxonae Félix itoroba soldadomonae xua Pablo yapucaenaeinchi ichaxota po botha peitupanae bo, po bo Herodes cuenta naxuba.

24

Meje yabara poxonae Pablo Félix peitabaratha tatsi nayabara jume paeba

¹ Icha matabitha poxonae cinco po matabibe tsuxubi, pebiwi pata Cesarea tomaratha. Ichun pewun Ananías. Bapon Ananías sacerdotemonae pia pepa pentacaponaein tatsi. Iru pitiri jiwimonaeno pata. Iru pon xua petapaebeibin jiwi, pon pewun Tértulo bapon napatopa. Barapomonae nacuara pata Cesarea tomaratha. Barapomonae Félix peitabaratha taumeinchi, xua Pablo abeya peyabara paebinxatsi. ² Poxonae Pablo carendenatsi, Tértulo Pablo abe yabara paebatsi. Félix baraichi, jeye:

—Félix, xam pon pana yanacua ewatame. Daxota juntea xanepanaya pajinompan. Maisa bara beta itorobiya canamataxeiname jiwi jinya neyaputae coyenewatha. Daxota xam beta exaname barapo nacuathe.

³ Félix, xam pon pata paca baru itura jinaeinchim, xua exaname yatsicaya wunae nawita barapo nacue nexa. ⁴ Jopa ichichipaeinyo xua tacayatacutsiwatsi. Daxota catsipaebatsi xua saya caeto pana nejume taema xua pata paca catsipaebiwa tsainchi. ⁵ Anoxuae payaputan xua Pablo bichocono pana cui fayacota xua abe exana. Matautano bapon judiomonae cui tsacabatsi xua nacaseba exanatsi daxita nacuantha. Matautano bapon, apara pomonae nazarenomonae barapomonae pia pentacaponaein tatsi, pomonae pecuidubi jiwi icha coyeneya pocotsiwa jopa xainyeyo. ⁶ Yawa Nacom pin pia bono tatsi juntucuru abe taexanatsino, poxonae juntucuru baru jonyatsi pon jopa judiomonae naexanaeyo Nacom pin pia botha. Daxota pawaetaban. Paxan paichichipan Pablo paperaxa exanan barompaya pata peitorobi coyenewa cuitha. ⁷ Ichitha soldadomonae pia pepa pentacaponaein tatsi, Lisias, daunweya pana wecobe maxu pitatsi Pablo. ⁸ Soldadomonae pia pepa pentacaponaein tatsi, Lisias, pana barai: ‘Pomonae Pablo abe jaintatsi moya Félix peitabaratha papaebare’, pana jei Lisias, jei Tértulo.

Tértulo equeicha namchi, jeye:

—Félix icha yainyabatsipame Pablotha metha bara yaputaetsipame xuaunxuae cabaraichichi. Xuaunxuae Pablo yabara paeban baxua xaniyan yatsicaya, jei Tértulo.

⁹ Judiomonae, pomonae Tértulo puna poinchi namchi: “Tértulo bara xaniyei paeba”, jei. ¹⁰ Nexata Félix Pablo moya pecobetha jume itorobatsi. Bapoxonae Pablo Félix baraichi, jeye:

—Yaputan xua caena bayatha ainya wei xam naexaname pon jiwi neyabara paebin xua penatsicuentsiwa xua abe peexanaexae xua barapo tomarathe nexa. Daxota juntu coyene weiweinan xua tana nayabara paebiwa neitabaratha. ¹¹ Icha yainyabame barapomonae, Jerusalén tomara piwi, catsipaebichipa xua bayatha Jerusalén tomara beya ponan. Baxota ponan tsipei Nacom pin pia botha wunae tajainchinexa Nacom. Anoxuae petain doce matabibe yapucaewan poxonae xua bayatha ponan bara beya. ¹² Jopa jume matsontsonobeibinyo jiwi. Yawa jiwi jopa jume cui tsacabeibinyo xua anaepanaya penajume cayayatsinexa. Baxuan jopa exanaeinyo Nacom pin pia botha. Matautano judiomonae pia penacaetutsi bontha tatsi, baxuan jopa exanaeinyo. Matautano tomanan pecuariyathan jopa baxuan exanaeinyo. ¹³ Pomonae paeba xua pinae abe exanan, barapomonae jopa jume cupaetsi xua tana necui yopichiwa xua abe exanan. ¹⁴ Xaniwaicha catsipaebatsi xua xan Nacom tanacuitan pon tamo susato jiwi pia Nacom tatsi. Baraxua exanan xua jiwi cuiduban be pocotsi coyeneya xua paeba Jesús pia pena pecuidubiwa tatsi po pecuidubiwa judiomonae

yabara nanta xeina xua pinae barapo pecuidubiwa jopa xainyeyo. Xan jume cowantan daxita Moisés pia peitorobi coyenewan. Matautano po diwesin Nacom pia peitorobi jume pepaebiwi tina, barapo diwesinno jume cowantan. ¹⁵ Xan barichinda, Nacom yabara baru jume cowantsiya ewatan icha barapomonaе ichi xua po coyene pomonaе pewerapaewi equeicha asu tsane, pomonaе peajuntucoyenebe jiwi iru xua asu tsane pomonaе pejuntu coyene xanepanae jiwino. ¹⁶ Daxota jopa najuntu coyene acaurinyo tsipei nayaputan xua Nacom beta taexanan. Jiwithano jopa najuntu coyene acaurinyo.

¹⁷ “Ainya wei dapaein saya icha nacuantha poponan. Bapoxonaе equeicha tatomara beya poponan, Jerusalén tomara beya. Patopan baxota Nacom pin pia botha poxoru yaitama paratixi caponan xua tamonaе nexa po paratixi ichamonaе taitoroba. Matautano bara beyan xua baxotiya Nacom tatsita exanaenexa xua pocotsiwa be tacatsiwa Nacomtha, xua duwein tatautsiwa tsane. ¹⁸ Barapo coyenein awiya exanawiyen, bequein bayatha nenacui yabara jume weta exana po coyene xua daxota Nacom jopa tsitanyo xua taajuntucoyenebewan be pocotsi coyeneya xua judiomonaе itoroba. Bapoxonaе judiomonaе pomonaе Asia nacua weparena netaeba Nacom pin pia botha. Barapomonaе baxota necaxiba bequein poxonaе jopa jiwi namtsebiya wawaya exanaeinyo. ¹⁹ Pomonaе netane Nacom pin pia botha pomonaе Asia nacua werena pepatsiwi bewa dapomonaе xote patsi xua necatsipaеbinexa tsane xua tana neyabara paеbinexa tsane xua abe taexanaewa. ²⁰ Icha barapomonaе jopa patsiyo pomonaе xote ena bu paeba. Barapomonaе netane poxonaе cain matha judiomonaе pia pentacaitorobi bicheito peitabaratha uncuan. Barapomonaе bu catsipaeba, icha metha bara abe exanan poxonaе barapo pentacaitorobi bicheito peitabaratha tatsi uncuan. ²¹ Saya u baxua exanan poxonaе peitabaratha uncuan, bapoxonaе bichocono wawan. Janje: ‘Anoxuae poxonaе paxam pana neyabara paeбame xua tanatsicuentisiwa xua abe taexanaewa paxam pananta xeiname xua abe exanan yaitama jume cowantan xua pewerapaewi equeicha asu tsaibi tsane’, jan jei”, Pablo.

²² Félix caena bayatha yabara yaputane Jesús pia pena pecuidubiwa tatsi. Daxota Félix cataunxuae abu jopa baxua yabara paеbiyo pocotsiwa barapomonaе paeba. Daxota Félix namchi, bapomonaetha, jeye:

—Abu bexa pacatsipaеbinchi, poxonaе soldadomonaе pia pepa pentacaponaein tatsi patopaena pon Lisias, bapoxonaе yabara paеbin pocotsiwa Pablo exana, jei Félix.

²³ Nexata Félix itoroba soldadomonaе pia pentacaponaein tatsi xua soldadomonaе Pablo cataunxuae yapu eeniya pebaru jinompaenexatsi Herodes pia botha tatsi, bequein bara copata xua Pablo bara exanaena be pocotsiwa xua bapon ichichipa exana barapo botha. Matautano copatano xua Pablo bara pesiwa ponaenexatsi piamonaе xua piamonaе peyawenaenexatsi xua pocotsiwa nantawenona bapon.

²⁴ Icha matabitha pirapaeyo Félix piowabe patopabe. Petsiriwa pewan Drusila. Barapowa judiomonaewayo. Félix najume caitoroba ichantha xua Pablo pewabinexatsi Félix berena, matautano xua Pablo Félix yabara petsipaеbinexatsi xua po coyene jiwi jume cowanta Jesucristo. ²⁵ Pablo Félix tsipaebatsi xua pinae ainya cui xua jiwi beta yanthathiya jinompa icha be Nacom ichi xua beta yanthathiya popona. Matautano paebano xua pinae jiwi pia xoba abe exaneiba. Matautano namchino xua pinae caentacabitha tsane Nacom wabina daxita jiwi xua peyabara paеbinexa

xua penatsicuentsiwa xua abe peexanaexae barapo cae pin nacuathe. Félix najuntá coyene cabenaeca poxonae jume tane baxua. Pablo tsipaebatsi, jeichichi:

—Jinya tutu beya bara ponde. Bexa equeicha cawabinchi icha ichawiyoy jopa neenaeyo, jei Félix.

²⁶ Félix nanta xeina xua paratixi pecatsiwa tsainchi xua Pablo pecatsiwa tsane xua daxota Pablo pepu copatsinexatsi. Daxota memecabiya wabatsi Pablo. ²⁷ Baraxua exana beya yaainya weibe jopa. Barapoxonae Félix weta xua pon peyanacua ewatsin jiwi naexana barapo Judea nacuatha, xua icha nacua beya pewartapaexae. Ichun Félix pecoutha tatsi tapatopatsi pon pewun Porcio Festo pon xuya pon peyanacua ewatsin jiwi naexana Judea nacuatha. Félix ichichipa xua peweyataewatsi xua judiomonae peweyataewa daxota Pablo jopa copatichi xua bara yatsicaewa pepu copatsiwatsi xua pepanepaewa tsane.

25

Meje yabara poxonae Pablo Festo peitabaratha tatsi tauncuatsi

¹ Festo bara patopa xua penaexanaenexa pon peyanacua ewatsin jiwi. Poxonae acoibi po matabibe weta Cesarea tomara weya pona, Jerusalén tomara beya pona. ² Barapo tomaratha Jerusalén tomaratha sacerdotemonae pia pentacaponae tatsi iru judiomonaeno pomonae pentacaponae wino, barapomonae Pablo abeya cui yabara canantsipaebatsi. ³ Barapomonae Festo baraichi: “Bu painta ichamonae Pablo Jerusalén tomara beya capoinchi”, jei. Barapomonae baxua Festo jeichichi, tsipei Pablo namtotha ewatabobenapaebatsi pebexubinexatsi. ⁴ Festo jume nota, jeye:

—Canta Pablo Cesarea tomaratha eca xua soldadomonae baru jinompatsi. Tha nama imoxoyo bara beya equeicha caibeya ponaetsi. ⁵ Painyamona jiwana pomonae pentacaponae moya bu barapomonae nepuna pona Cesarea tomara beya. Icha Pablo abe exana, metha moya baraxota Pablo jame be cui yabara paebichipatsi barapomonae, jei Festo.

⁶ Festo cataunxuae Jerusalén tomaratha ocho po merawiyobe yapucaewa xua equeicha ainya dapaeyobe. Barapoxonae Cesarea tomara bewarapiya caibeya. Icha matabitha Festo eca peequeibithopeibiwatha po tututha ichaxota yabara paebequeiba jiwi xua penatsicuentsiwa xua abe peexanaexae. Festo barai soldadomonae: “Painta caponde Pablo taxainya berena”, jei. ⁷ Poxonae Pablo patopa, judiomonae imoxoyo umenarucupa pomonae Jerusalén tomara weparena. Barapomonae judiomonae Pablo yacaincha matawaqueicha umenatsi. Barapomonae Pablo cui yabara paebatsi xua abe exana nawita. Ichitha xua barapomonae paeba jopa tsita itapeinya xeinaeyo xua apara bara xainyei pocotsiwa barapomonae paeba. ⁸ Nexata Pablo pia coya nayabara paeba, jeye:

—Xan jopa abe exanaeyo. Jopa abe yabara paebinyo Moisés pia peitorobi coyene tatsi. Matautano Nacom pin pia bo jopa abe yabara paebinyo. Matautano jopa abe yabara paebinyo romanomonae itorobiya pia pepa peewatsinchi tatsi, jei Pablo.

⁹ Festo bepara antobetsei judiomonae. Daxota Festo Pablo yainyabatsi, jeichichi:

—¿Jinya ponaetsi Jerusalén tomara beya xua baxotiya cayabara paebinchi nenatsicuentsiwa xua abe neexanaexae? jei Festo.

¹⁰ Pablo jume nota, Festo jume notatsi, jeye:

—Xan uncuan peitabaratha tatsi pomonae pentacaponae, pomonae romanomonae itorobiya pia pepa peewatsinchi tatsi itoroba. Barapomonae pentacaponae bara itacupatsi xua barapo tomarathe tana neyabara paebinexa xua tana natsicuentisiwa xua abe taexanaexae. Jopa nantawenonaeinyo xua taponae tsane Jerusalén tomaratha. Xam bayatha beta yaputaneme xua jopa abe exanaeinyo judiomonaetha. ¹¹ Icha xaniwaicha abe exanan barapomonaetha, metha moya benebexubina. Jopa junuwinyo xua tatupaewa tsane. Ichitha icha jopa xainyeyo xua barapomonae neyabara paeba, metha nexata barapomonae jopa nebexubichipae. Tha nama warapaetsi romanomonae itorobiya pia pepa peewatsinchi beya, tacoya nayabara paebichi, jei Pablo.

¹² Copiya matha Festo tsipaeba pejume yaweneibiwichi. Barapoxonae Festo, Pablo baraichi, jeye:

—Yaitama aunxuae siwa ponapaebame romanomonae itorobiya pia pepa peewatsinchi tatsi, xua necayabara paebinexa xua nenatsicuentisiwa xua abe neexanaexae daxota moya ponaename bapon beya, jei Festo.

Meje yabara poxonae Pablo uncua Agripa peitabaratha tatsi pon peyanacua ewatsin jiwi

¹³ Icha matabitha Agripa, pon peyanacua ewatsin jiwi, bapon pona Cesarea tomara beya. Petsiriwa puna poinchi, bapowa pewan Berenice. Festo siwa poinchi Cesarea tomaratha iya. ¹⁴ Baraxotiya Agripa petsiriwano ainya matabin ecabe. Festo namchi Agripa, jeye:

—Xote eque pon cain Félix xubeta Cesarea tomaratha xua bapon pebaru jinompaenexatsi soldadomona. ¹⁵ Poxonae Jerusalén tomaratha ecan, sacerdotemona pia pentacaponae jiwi tatsi, pitiri jiwino, barapomonae netsipaeba xua bepa pinae Pablo itorobin xua petupaewa tsane. ¹⁶ Barapomonae baran: ‘Barapocotsi coyene romanomonae pan pata cui coyene. Paxan jopa pacopatsinyo xua ichan amanaya bexotsi. Jame copiya pomonae xua abe yabara paeba ichantha, barapomonae bewa paebina bapon peitabaratha tatsi icha bara metha bapon xaniwaicha abe exana. Bapoxonae bapon pia coutha beya nayabara paebichipa xua barapomonae paeba’, jan. ¹⁷ Daxota poxonae barapomonae pata xote, jopa be bayathinyo yaitama. Daxota baya caena nainya ecoundecan, po tututha yabara paebequeiban jiwi xua penatsicuentisiwa xua abe peexanaexae. Itoroban soldadomona xua Pablo pecaponaenexatsi taxainya berena. ¹⁸ Xan nanta xeinan xua Pablo bichocono abe exana. Ichitha poxonae barapomonae asiya umena peyabara cueicueijeinexa tsainchi, Pablo jopa paebiyo po diwesi xua daxota tananta xeinaenexa xua Pablo bara abe exana cou. ¹⁹ Pocotsiwa xua Pablo yabara cueicueijeichi, saya xua apra pia pejume cowantsiwa tatsi yabara, matautano xua Pablo peyabara cueicueijeixae pebin pon Jesús baraichi, xua pinae equeicha asu poxonae tupa. Seicaya nama barapomonae paeba xua pinae bapon apra tupa, xua equeicha jopa asuyo. ²⁰ Jopa yaputaeinyo xua baxua exanan xua Pablo abe yabara paebatsi. Daxota copiya matha Pablo yainyaban, janje: ‘¿Xam, jinya ponaetsi Jerusalén tomara beya xua baraxotiya cayabara paebinchi xua nenatsicuentisiwa xua abe neexanaexae?’ jan. ²¹ Ichitha Pablo dapu jumetha netsipaeba xua bepa ponaei Augusto beya, romanomonae itorobiya pia pepa peewatsinchi beya, pon xua bepa pinae yabara paebinchi xua penatsicuentisiwa xua abe peexanaexae. Daxota itoroban soldadomona xua Pablo abu pebaru jinompaenexatsi soldadomona, beya abu poxonae necui jupa xua itorobin

pontha pon romanomonae itorobiya pia pepa peewatsinchi, jei Festo xua Agripa tsipaebatsi.

²² Nexata Agripa Festo baraichi, jeye:

—Tha bequein iru jume taetsiru Pablo, jei Agripa.

Agripa jume notatsi, Festo jume nota, jeye:

—Metha moya baya tsane jume taename, jei Festo.

²³ Bara icha matabitha Agripa iru Berenice patopabe. Paporuwa peitupanaewa nama xatatabe. Agripa pinmonae baru pata, soldadomonae pia pepa pentacaponae wi tatsino, iru Cesarea tomara pia pentacaponae wino. Barapo bicheito Agripa baru pona. Festo itoroba soldadomonae xua Pablo pecarendenaenexa tsainchi. ²⁴ Festo barai, jeye:

—Agripa, xam pon neyanacua ewatsin jiwi, iru pomonae pecanamataxeinae jiwi pamdu. Bapon xote uncue Pablo. Daxita judiomonae iru Jerusalén tomarapiwi, iru Cesarea tomarapiwi, daxita barapomonae Pablo jume yabara paebatsi xua pinae abe exana. Matautano barapomonae neitoroba nawita xua bepa pinae Pablo itorobin xua petupaewa tsane. ²⁵ Ichitha xan saya tacoya nanta xeinan be jopa neichichi abe exanaeyo, poxonae nejume nota, poxonae tsipaeban. Daxota jopa becaenaetaxubinyo xua pebexubiwa tsainchi. Ichitha Pablo netsipaeba xua bepa ponaei romanomonae itorobiya pia pepa peewatsinchi tatsi beya, pon pewan Augusto, tsipei bepa pinae yabara paebichi xua penatsicuentisiwa xua abe peexanaexae. Daxota yabara najuntu coyene wetan xua bapon Pablo taitorobiwa tsane bara beya. ²⁶ Yaitama bapon jopa abe exanaeyo, jopa yaputaeyo xua eta be tajumichiwa tsane barapo cartatha poxonae Pablo itorobin xuano xua cartano cayabara cui pu catsin bara beya. Daxota anoxuae Pablo painya itabaratha cuaranotan. Xam Agripa, pon neyanacua ewatsin jiwi, moya matha copiya yainyabare Pablo, tsipei tha beta cui yabara tatinaetsi bara beya pontha pon romanomonae itorobiya pia pepa peewatsinchi. ²⁷ Tsipei inta jopa xanepanaetsipae icha itorobichipan Pablo pon pewaetabinchi icha jopa yabara paebinchipae xua pocotsiwa bapon peexanaexae, jei Festo xua Agripa tsipaebatsi.

26

Meje yabara poxonae Pablo pia coutha cuita paeba, Agripa peitabaratha tatsi, pon peyanacua ewatsin jiwi

¹ Bara nexata Agripa Pablo baraichi, jeye:

—Icha jinya paebichi, moya taema, jei.

Barapoxonae Pablo namaxa yoicha xua Agripa jacobatsi. Bapoxonae namchi, jeye: ² “Agripa, pon neyanacua ewatsin jiwi, maisa bichocono juntu coyene weiweinan, xua anoxuae neitabaratha tana nayabara jume paebixae tsane pocotsiwa bayatha neyabara paeba judiomonae po coyene xua pinae abe exaneiban. ³ Poxoru yaitama, xam Agripa, bayatha yaputaneme pata juntu coyenein pomonae judiomonae panxaein. Yaputanemeno baxuan xua pana najume matsontsonoban. Daxota cabaraichi xua saya beta nejume taema xua jopa aitaconaeinde”, jei Pablo.

Meje yabara poxonae Pablo nayabara paeba, poxonae pinae cataunxuae jopa jume cowantsiyo Jesús

⁴ Equeicha Pablo namchi, jeye: “Daxita judiomonae barapomonae neyaputane xua poxonae pexuyon, poxonae caena bayatha pia xantha tatsi poponan xua tanacuaxae. Barichino neyaputane poxonae Jerusalén tomaratha poponan. ⁵ Icha yainyabatsipame barapomonae, yabara catsipaebichipa

pocotsiwa exaneiban xua fariseomonaē pocotsi juntu coyene cuidubeiba, pocotsiwa judiomonaē cuidubeibatsi, tsipei xan fariseomonaēpin. Daxita barapomonaē yaputane xua caena bayatha jume cowantan daxita pocotsiwa xua barapomonaē itoroba. Fariseomonaē itapeta cuita exaneiba pocotsiwa Nacom itoroba beyacaincha ichamonaē xua exaneiba. ⁶ Judiomonaē necapona xote tsipei saya poxoru yabara wunaē ewatan xua bexa Nacom asu exanaena pomonaē xua werapa. Baxua pinaē Nacom wamo susato jiwi yabara tsiwunaē muxu dutatsi. ⁷ Patamonaē pomonaē Israel nacua-monaēpiwi pomonaē xua doce pomonaē bicheitobe, baxua yabara jume cui wunaē ewata poxonaē petupaewi equeicha asu exanaeinchi, xua poxonaē Nacom exanaena. Daxota barapomonaē Nacom wunaē jainteibatsi. Matautano itapeta exana pocotsiwa Nacom itoroba, merawithano, matacabithano. Xam Agripa pon neyanacua ewatsin jiwi catsipaebatsi baxua tayabara jume cowuntsixaeru, daxota judiomonaē neyabara paeba xua pinaē abe exanan. ⁸ Painya xoba pananta xeiname xua Nacom jopa itacupaetsi xua equeicha jiwi asu peexanaewatsi pomonaē xua werapa”, jei Pablo.

Meje yabara poxonaē Pablo nayabara paeba xua pinaē copiya abe exana nawita pomonaētha pomonaē pejume cowuntsiwichi Jesús

⁹ Equeicha Pablo jeye: “Xan copiya tacoutha nanta xeinan xua bewa bichocono abe exanaein pomonaētha pomonaē Jesús pejume cowuntsiwichi pon Nazaret tomarapin. ¹⁰ Jerusalén tomaratha baxua exanan. Sacerdotemonaē pia pentacaponawē pia peitorobi coyenewa necata xua daxota tana necui jupaewa xua jiwi tacaponaewa jiwi pecubi botha. Pinmonaēcai caponan, pomonaē Jesucristo pejume cowuntsiwi. Xan yabara jume jejan xua barapomonaē pejutewiatsi. ¹¹ Anaya caenaetan, peraxa exananno poxoru ichipan xua barapomonaē pentsina xua Jesús pejume cowuntsiwatsi. U baxua exanan. Daxita judiomonaē pia penacaetutsi bontha tatsi exananno. Bichocono anaepanan. Daxota icha nacuantha ponan tajeichinexa pomonaē pejume cowuntsiwichi Jesús xua barapomonaē abe taexanaenexa”, jei Pablo.

Meje yabara poxonaē equeicha Pablo nayabara paeba poxonaē pinaē jume cowanta Jesús

¹² Equeicha Pablo namchi, jeye: “Barichi sacerdotemonaē pia pentacaponawē tatsi pia peitorobi coyenewa necata xua daxota tana necui jupaewa xua taponawē Damasco tomara beya, xua pomonaē jume cowanta Jesucristo tacaponaenexa tsane Jerusalén tomara berena. ¹³ Xam pon neyanacua ewatsin jiwi bara xaniwaicha catsipaebatsi poxonaē namtotha paenaponan poxonaē mateinyaxae tsuxubi pecoicha tan xua peitaboco wejopeica, pin coicha po coicha beyacaincha xua xometo. Barapo coicha pomonaē nepuna pona nebaru matawacaicha matatsun uncueica. ¹⁴ Nexata daxita iratha paothopan. Jume tan xua pon hebreo jumetha nebarai, jeye: ‘Saulo, Saulo, zeta xua tamonaē inta abe exaname? Poxonaē tamonaē peraxa exaname, apara jinya coutha atene nacana exaname icha be buey ichi poxonaē ba pia coutha xua xota sojei nataxu matababa’, nejei. ¹⁵ Nexata jume notan janje: ‘Pon jiwi Necanamataxeinaem, zjintam xamda?’ jan. Nejume nota jeye: ‘Apara bara xan, Jesús ponxaein inta abe exaname tamonaē pomonaē tana nejume cowuntsiwi. ¹⁶ Nontaponde. Xua anoxuae necotame catsita naitutatsi. Apara tha tana nejume yopichim. Matautano bexano equeicha ichawa necotsiname tana neyabara paebinexam tsane baxuanno. ¹⁷ Cacui itorobatsi xua Nacom Pejume Diwesi necueicueijamnexam. Nexata cacapanepaeinchi poxonaē juntucuru caperaxa exana judiomonaē iru

pomonae jopa judiomonae naexanaeyo. ¹⁸ Caitorobatsi judiomonaetha iru pomonaetha pomonae jopa judiomonae naexanaeyo xua jopa equeicha pejinompaenexa poxonae jopa jume cowantsiyo. Matautano caitorobatsi xua barapomonae jopa peexanaponaenexa pocotsiwa caurimonae pia pentacaponaein tatsi itoroba, pon Satanás, jame meisa peexanaenexa pocotsiwa Nacom itoroba. Matautano caitorobatsi xua barapomonae tana nejume cowantsinexa. Bapoxonae yabara juntemainaein barapomonae abe pia peexanae cuiru coyenein tatsi, matautano xua pexeinaenexa pocotsiwa Nacom yabara tsiwuna nae muxu duba', nejei Jesús", jei Pablo.

Meje yabara poxonae Pablo exana pocotsiwa Nacom itoroba poxonae tsita naitatsi namtotha

¹⁹ Equeicha Pablo namchi, jeye: “Agripa, xam pon neyanacua ewatsin jiwí, xan jopa jumefebinyo xua Jesús neitoroba poxonae itaboco wenetsita naitatsica xua namtotha netsita naitata poxonae pecoichatha jume tan xua Jesús netsipaeba. ²⁰ Copiya matha Damasco tomarapiwi tsipaeban Nacom Pejume Diwesi. Bapoxonae equeicha barapo diwesi tsipaeban Jerusalén tomarapiwi. Bapoxonae equeicha daxita Judea nacuamonaepiwi barapo diwesi tsipaebanno. Iru pomonaetha pomonae jopa judiomonae naexanaeyo tsipaebanno. Barapo diwesi tsipaeban xua barapomonae icha juntu coyenein pexeinaenexa, yawa Nacom pejume cowantsinexatsi, matautano xua barapomonae petsita itapeinya xeinaenexa jiwítha xua bara Nacom jume cowantatsi xua beta peexanaexae. ²¹ Daxota judiomonae newaetaba poxonae Nacom pin pia botha patopan yawa bepa nebexubei. ²² Ichitha Nacom neyawena. Daxota awiya Nacom Pejume Diwesi paeban bichocono daxita i dapomonaeintha pomonaetha pomonae pepawi jiwí iru poponathano pomonae peainya cui jiwí. Baraxua saya meisa paeban be pocotsi coyeneya matha juinya Moisés yabara wuna tsiwanaya paeba iruru be pocotsi coyeneya matha juinya Nacom peitorobi jume pepaebiwi yabara wuna tsiwanaya paeba. ²³ Barapomonae tsipaeban po diwesi yabara xua pinae bexa Mesías peraxa exanaeinchi ichamona. Matautano bapon pinae pon xua copiya pomonae pewerapaewi asu nanta caexanaeinchi. Matautano xua pinae judiomonae iru pomonae jopa judiomonae naexanaeyo yabara yaputane exanaeinchi pecapanenebiyae diwesi jume”, jei Pablo xua Agripa tsipaebatsi.

Meje yabara poxonae Pablo paeba Jesús pejume diwesi Agripa xua Agripa pejume cowantsinexa

²⁴ Poxonae baraxua Pablo najume weta xua nayabara jume paeba, Festo jume daunweya wawai, jeye:

—¡Pablo, maisa cantsiyaibeca poxoru saya u necuidubi daxota cantsiyaiba! jei Festo.

²⁵ Pablo jume nota, jeye:

—Festo ponxaem tacabaru cui itura jinaeinchi, jopa nentsiyaibiyo apara. Xuaunxuae paeban, apara seicayar u xaniwaicha paeban xua bara apara pexainyeiwa. ²⁶ Ee taema, Agripa, pon pepa peyanacua ewatsin jiwí pon xote eque. Bapon yaputane xua xaniwaicha paeban. Bapontha jopa junuwinyo xua tsipaeban. Xuaunxuae catsipaebatsi bapon baxua daxita yaputane poxoru jopa namicha exanaeinyo. ²⁷ Agripa, xam pon neyanacua ewatsim jiwí. ¿Jume cowantame pocotsiwa Nacom pia peitorobi jume pepaebiwi paeba? Bara yaputan xua bara jume cowantame, jei Pablo.

²⁸ Agripa jume nota, Pablo jume notatsi, jeye:

—Saya caeto netsipaebame. Saya barapo jumetha nanta xeiname xua xan nainya jume cowantsinan Jesús, jei Agripa.

²⁹ Nexata Pablo namchi, jeye:

—Xua caeto paca tsipaebatsi yawa icha matowa paca tsipaebatsi bara ba Nacomtha pacata wacatsi xam nexa, iru pomonae nexa, pomonae nejume tane painya nejume cowantsinexam tsane Jesús. Ichichipan xua painya nexanaewa icha ichin xua tajume cowantsiwa, bara bequein jopa ichipaeinyo xua painya nemaxutha painya nexenaewa jiwi pecubi nainto be pocotsi nainto xuaunxuae tamaxutha ducua, jei Pablo.

³⁰ Poxonae Pablo najume weta baxua, Agripa pon peyanacua ewatsin jiwi iru Berenice asiya uncuatababe. Iru Festo pon peyanacua ewatsin jiwi asiya uncuataba. Pomonae iru ena asiya umenarucupa. ³¹ Aisowa be-iyiya barapomonae natsipaeba, najei:

—Barapon Pablo jopa apara abe exanaeyo po coyeneyatha xua daxota bapon pebexubinexatsi, matautano po coyeneyatha xua daxota bapon jiwi pecubi botha peetsinexatsi, najei barapomonae.

³² Agripa tsipaeba, Festo baraichi, jeye:

—Icha metha jopa naca wucaetsipae Pablo xua peponaewa tsane pontha pon romanomonae itorobiya pia pepa peewatsinchi xua baxotiya peyabara paebinexatsi penatsicuentisiwa xua abe peexanaexae metha pu copatsipatsi xua bara pepanepaewa tsane yatsicaewa, jei Agripa.

27

Meje yabara poxonae Pablo Roma tomara beitorobiyatsi

¹ Barapomonae najuntu coyene weta xua pata taneitorobiwa Italia nacua beya. Pablo iru ichamonaeru pomonae peteiquebiwichi daxita barapomonae itorobatsi Roma tomara beya. Pon barapomonae matabapoinchi bapon pewun Julio, pon soldadomonae pia pentacaponaein tatsi. Barapo matabuxuyo soldadomonae bicheito wun dutatsi “Augusto soldado bicheito”, jei, poxoru barapo soldadomonae Augusto tanacuitatsi, pon romanomonae itorobiya pia pepa peewatsinchi. Barapo soldadomonae Pablo iru ichamonae caponatsi Augusto beya. ² Pepa weranaetha pawarapan, po nae Adramitio tomara werena pona. Barapo nae equeicha Asia nacua beya ponaena. Po tomaraxi pitapatha ena barapo tomaraxi bepa siwa ponaeni. Ichun pana cueyata. Bapon pewun Aristarco Tesalónica tomarapin. Barapo tomara Tesalónica tomara eca Macedonia nacuatha. ³ Icha matabitha Sidón tomaratha papatan. Baraxota barapon Julio, Pablo baru jume wunaetsi. Matautano bapon Julio, Pablo copatatsi xua bara Pablo piamonae pesiwa ponaewa tsainchi, xuano xua bara Pablo peyawenaenexatsi xua xoxi nantawenona. ⁴ Bara Sidón tomara wepawarapiyan weratha. Bara weratha paenaponan joibo cuiyainwa Chipre tunaeto pantawaqueban, yaitama bichocono pin joibo dena ichaxoyo copiya payiyan. ⁵ Bara mar mene iya paenaponan, Cilicia nacua, Panfilia nacuano imoxoyo pacaquita enaponan. Bapoxonae Mira tomaratha papatan, po tomara Licia nacuatha eca.

⁶ Baraxota pon soldadomonae pia pentacaponaein tatsi bapon icha nae taeba baraxota. Barapo nae Alejandria tomara werena pona. Barapo nae iru seicaya Italia nacua beya ponaena. Barapo naetha equeicha Julio pana baru iya Italia nacua beya. ⁷ Ainya matabin saya bewayo paenaponeiban, poxoru yaitama joibo jera caewa carena tsaibi. Gnido tomara paxenta enaponan. Salmón tomarano paxenta enaponan. Creta tunaetono

pantawaqueban. ⁸ Bewayo weratha paenaponan, pitapa pacaquita enaponan. Tomaratha papatan ichaxota pexutoroto. Baxota pajebounan, po tomara pewan Buenos Puertos. Barapo tomara imoxoyo eca ichaxota Lasea tomara.

⁹ Baraxota came awiya ainya maticabin paenan. Bayatha yapu caewa barapo maticabin poxonae barapomonae warapapaeba barapo maticabitha xua pin mene mara mene iya. Tsipei imoxoyo awabo tsurucuae tsoponae, daxota Pablo nanta xeina xua icha metha paponatsipan, panacabetsipan. Daxota barapomonae Pablo muxuweta. ¹⁰ Pablo namchi, jeye:

—Pebiwi pam, pana nejume taema. Ichaunxuae warapaeinchi methaunxuae nacabetinchi. Matautano methaunxuae weranae abe exanaena. Matautano xoxino xua capoinchi methaunxuae napentsina. Matautano jiji methaunxuae napentsina, jei Pablo.

¹¹ Ichitha soldadomonaen pia pentacaponaein tatsi, bapon Julio, jopa jume naitomatsiyo xua Pablo tsipaeba. Ichitha dapu jumetha saya meisa pon jera pecanamataxeinaein iru pon jera pexeinaein, baponbe itapeta jume naitomatatsibe. ¹² Barapomonaen nanta xeina, xua baraxota jopa beenaeyo poxoru barapo tomara jopa cui wunaeyo xua jera pebocaewa poxonaen awabo pin joiboxae. Pinmonaen barapomonaen jiwana tsita xanepanatsi xua Buenos Puertos weya pewarapaenexa jeratha Fenice tomara beya, po tomara eca Creta tunaetotha. “Methaunxuae tsiwanaya payaeinchi penacabetsi awabo, joibono”, jei. Barapo tomara cui wunaen xua ichaxota jera jebouneiba. Baxota joibo yayapa poxoru tomara naita cafeteca, poxoru joibo jopa patopaeyo pocotsiwa wetsica yawa pocotsiwa wetsina. Baraxota bepa enaen poxonaen awabo tsuxubi.

Meje yabara poxonaen maratsaca daunwei pepa mar mentha

¹³ Nexata bewayo joibo tsuncuae, be pocotsiwa parowa wejopeina. Daxota barapomonaen namchi: “Bu poinchi cataunxuae saya tsiqui joibiyo”, jei. Bapoxonaen totabiya jera. Barapo Creta tunaeto imoxoyo pitapa pacaquita enaponan weratha. ¹⁴ Poxonaen saya caeto paenaponan bapoxonaen pin joibo pana epa taepona, Creta nacua tunaeto wejoparena. Jera epa yutaba. ¹⁵ Nexata joibo jera muxunenababa. Canta joibo nawita, daxota jopa paponaeinyo joibo beya. Daxota saya pacopatan xua saya bara joibo pana yanacaputabiyaenaba. ¹⁶ Cauda tunaetiyo bepana yanacaputabiya. Baraxota ichaxota joibo yayapa, tsica naeyo jeriyo po naeyo paquetoutan, pajontaxuinan pepa naetha. ¹⁷ Panacuitontan xua pajonta xuinan. Barapo naeyo pepa jeratha pacutabotan. Nexata jera penacuichiwi pepa bamacantha peuma wemuxuburu capabina, muxuburu babataruba xua pewacatabiyainwa joibo. Nexata barapomonaen bichocono junuwa poxoru nanta xeina xua mexeya itara jera naxatatabawei taetabotha, po taetabo pewan Sirte. Daxota wera jontabota jeratha. Saya jera caputabiya joibotha. ¹⁸ Icha maticabitha came awiya maratsacan bichocono daunwei. Daxota ichawan mentha bebai xua xuan capona. ¹⁹ Icha maticabitha daxota pabeban xua jeratha jeba tsipei ichichipa xua tafafanatsi. ²⁰ Ainya maticabin came awiya jopa panecotsinyo xometo. Opiteino jopa panecotsinyono. Pajunuwan. Pananta xeinan: “Metha aparaunxuae jopa nacapanenebiya tsainchi. Bunothropaeinchi aunxuae”, pajan.

²¹ Ainya maticabin pana yapu xenaca xua jopa panabanaeinyo. Pablo nontapona. Barapomonaen baraichi, jeye:

—Bara bayatha paca tsipaebatsiba: ‘Creta tunaeto beya, jopa pawarapaeinde’, paca baraichiba. Daumetha equeicha pawarapame. Daxota aunxuae jera abe exana. Matautano pananta puxanameno xuaunxuae pabeban

xoxi pacaponame. ²² Ichitha saya jopa pajunuwinde. Jopa pajiwana tupaem tsane, bequein meisa jera naxubina. ²³ Merawi matatsunpin netsita naitata. Barapo matatsunpin Nacom itoroba pon Tanacom xuano xua taexanaexae pocotsiwa bapon neitoroba. ²⁴ Barapo matatsunpin nebarai: ‘Pablo jopa junuwinde poxoru bexa tsane romanomonae itorobiya pia pepa peewatsinchi pon Augusto, peitabaratha tatsi uncuaename. Daxota pomonae xua napona cata capanepatsi Nacom’, nejei matatsunpin. ²⁵ Daxota, paxam pana najantũ coyene tsacabare, poxoru xan nanta xeinan xua pocotsiwa matatsunpin netsipaeba bara baxua exanaena. ²⁶ Ichitha petunaetotha naca monapentsina, jei Pablo.

²⁷ Poxonae catorce po matakabibe tsuxubi, barapoxonae mar mene pacaxiban. Barapo pepa mar mene pewun Adriático mene. Barapo mentha joibo pana yana muxunenababa. Merawi papaetha, pomonae petanacuichiwi barapo naetha, barapomonae nanta xeina xua imoxoyo ira itiya pona. ²⁸ Barapomonae mene epa tutu canaũbareca. Treinta y seis po mũ epatiyobe xeina xua iratha deca. Caeto equeicha mene epa tutu canaũba, baxota veinte y siete po mũ epatiyobe xeina xua iratha deca. ²⁹ Barapomonae pejunuwixae xua jera tofotabina poxonae yatabina ibowantha, daxota barapomonae po nainto arewe, xua jera duntaba exanaduta petafe xoreca. Cuatro po naintobe xoreca peruntaba exanadutsinexa. Mataũtano barapomonae Nacomtha wũca xua xometo pentha tsane, penecotsinexa tsane. ³⁰ Pomonae petanacuichiwi barapo naetha barapomonae nanta xeina xua perũcupaewa. Daxota barapomonae naemata po nainto arewe dureca pebũxũreca. Ichitha tsiqui naeyo mentha durecano, poxoru pia namicha dũcupaetsi barapo naeyotha. ³¹ Pablo barai Julio, pon soldadomonae pia pentacaponaein tatsi, xuano baraino soldadomonaetha, jeye:

—Icha pomonae petanacuichiwi barapo naetha icha jopa enae tsane barapo pin naethe, jopa Nacom capanenebiyae tsane, jei Pablo.

³² Daxota soldadomonae jeriyo mũ ucuiba. Jeriyo mentha jopeica.

³³ Poxonae caemũmbo, Pablo pijiwimonae jain itoroba. Pablo pijiwimonae barai, jeye:

—Bayatha dos po semanabe painya junuwi jopa bichocono panabanaem poxoru pajunuwame xua pabunothopame. ³⁴ Daxota pin jumetha paca jeichichi. Moya matha paxaema tsipei baxua ainya cui xua painya nenacapanenebiyaenexam. Bara caein jopa napuxanae tsane. Mataũtano jopa caentanatiyo aichurucuae tsane.

³⁵ Poxonae Pablo najume weta, pecobetha pan pita, Nacomtha tsipaeba barapomonae peitabaratha tatsi. Barapoxonae pan epa janaxuba. Barapoxonae xane. ³⁶ Barapoxonae barapomonae najantũ coyene tsacabarũcupa. Mataũtano barapomonae daxita jũntema nabanerũcupa. ³⁷ Jerapiwi doscientos setenta y seis po matabũxũmonaebe pan xua daxita pan. ³⁸ Poxonae barapomonae najain wetarũcupa, daxita barapomonae trigo xu bebai pepa mentha poxoru bepa jera tafafanaetsei.

Meje yabara poxonae jera bunareca

³⁹ Poxonae xometo baya pentha tsina, pomonae petanacuichiwi barapomonae jopa yaitaeyo ira, po iratha muxu pepatsi. Poxonae barapomonae pexutoroto tane, barapomonae nanta xeina xua juntucuru jebounaena taetabo itapatha. ⁴⁰ Daxota barapomonae nayana mũ ucuiba, xua po nainton arewe mene bũpana bobendeca. Po catenano pecabobotsi catena, barapo catenano isanaxoreca. Nexata paparuwa duta wera naetotha. Barapo wera pebũxũtha duta. Jera nainya cacuita caputabiya ira. ⁴¹ Ichitha barapoxonae

barapo nae ichaxota tsewa tuwutha naxatatabarena. ВѸХѸ naxatatabuncua bichocono. Petafe fotaba maratsacatha.

⁴² Soldadomonae bepara jutebei pomonae peteiquebi jiwichi, tsipei poxonae mentha othopaena mexeya itara dꙋcꙋpaenawei. ⁴³ Ichitha soldadomonae pia pentacaponaein tatsi, bapon Julio, ichipa xua Pablo asꙋ popona. Daxota Julio jopa yabara jume copatsiyo xua jutebinchi pomonae peteiquebi jiwichi. Bapoxonae Julio itoroba pomonae yaputane xueiba, copiya pepatsinexa tsane pepa iratha. ⁴⁴ Pomonae xua jopa xueibiyo napawwan cobena xueibiya. Matautano barapo jera pepan cobena xueibiya. Daxota daxita panenebiya pepa iratha.

28

Meje yabara poxonae Pablo Malta tunaetotha patopa

¹ Poxonae po tunaetotha papanenebiyan ichamonae pana tsipaeba: “Apara Malta tunaeto”, jei. ² Malta tunaetopiwi beta pana matenta weiweinaya waba. Bichocono ema duna. Ema pana atsana. Aqueno. Daxota barapomonae pin isoto itutaeta. Bapoxonae barapomonae pana waba: “Anthā panonopenare”, jei. ³ Pablo isoton nota po isoton tsewa. Poxonae barapo isoton pepa isototha bebebeyā, barapo isotontha jomo athabe jopeina poxoru bichocono atou. Pablo cobe sinaducuatsi barapo jomo. ⁴ Malta tunaetomonaepiwi, Pablo cui tainchi xua jomo cobe sinaducuatsi. Barapomonae nantiya natsipaeba, najei: “Barapo pebin apara pon jiwi pejutebin. Bequein panepa pepa mar mentha ichitha barapo nacom, po nacom pewꙋn Justicia, bapon itoroba jomo pesinarucuaenexa tsainchi, xua bapon jopa pepoponaenexa tsane”, jei barapomonae.

⁵ Ichitha Pablo nacobe nꙋnꙋtaba jomo isototha. Saya axaibi tsuncuae Pablo. ⁶ Daxita barapomonae Pablo cui necotumeinchi xua cobe put-sunanaya yawa icha iratha jopiyaena petꙋpaein. Bayatha cui wenaewatumena. Poxonae baxua jopa daichiyo, daxota equeicha ichawa nanta xeinarꙋcꙋpa: “Metha moya bara Pablo nacom tsecae”, jei bapomonae.

⁷ Ichaxota isoto, baxota ainya iran bobena Malta tunaeto peewatsin, bapon pia iran tatsi. Bapon, acoibi po matabibibe beta pexaewa pana apata. Baxota yawa pamaitenan. Bapon pewꙋn Publio pon iran pata tan. ⁸ Publio paxa tatsi camatha boca. Domaebatsi. Suibatsino. Pablo barapo tutu bejoniya ichaxota bapon boca. Bapoxonae Pablo cobe jayabiya tsipaeba Nacomtha. Bara bapon axaibi tsanaya. ⁹ Poxonae baraxua exana Pablo, daxita Malta tunaetomonae, pomonae peatenewi, baxota pata. Irꙋ Pablo axaibi exanarꙋ daxita barapomonae. ¹⁰ Malta tunaetomonae pana barꙋ cui itura jina nawita. Bapoxonae poxonae equeicha pawaraparꙋcꙋpan jeratha, pana nepu catsiba xua xoxi pata nantawenonaenexa poxonae weratha pawarapan.

Meje yabara poxonae Pablo Roma tomaratha patopa

¹¹ Poxonae acoibi po xometiyobe payapucaewan barapo Malta tunaetotha, barapoxonae pawarapan. Pawarapan weratha po naetha po nae barapo Malta tunaetotha ayawꙋbo tsuncuae. Barapo nae Alejandría tomara werena peponae nae. Barapomonae barapo naetha petafetha cuareta naewiyo be jitonyobe. Saya canaxoba pia nacombe. Icha nacom pewꙋn Cástor. Icha nacom pewꙋn Pólux. ¹² Siracusa tomaratha pajebounan. Barapo tomaratha acoibi po matabibibetha paenan. ¹³ Barapo tomara wepawarapiyan, Siracusa tomara weya. Bapoxonae Regio tomaratha papatan. Icha matabibitha joibo wexubiye Puteoli tomara bepana yanacaicha ainya merawibe. Baxota papatan Puteoli tomaratha. ¹⁴ Baraxota pacaxiban pomonae irꙋ pejume

cowantsiwichi Jesús. Barapomonaē pana waba: “Cae semanatha pana baru enare”, jei. Bapoxonaē equeicha Roma tomara bepawarapiyan. Pecaē payiyan. ¹⁵ Pomonaē iru pejume cowantsiwichi Jesús, Roma tomaramonaē aepiwi, cou pana yabara jume tane xua imoxoyo papatan. Daxota cou ichamonaē pana siwa dendena pecaerena. Foro de Apio tomara beparena. Ichamonaē Tres Tabernas tomara beparena pia pana taetsi. Poxonaē Pablo barapomonaē tane, Nacomtha tsipaeba. Pablo juntu coyene sadujei xua juntema pepoponaewa poxonaē tane pomonaē pejume cowantsiwichi Jesús. ¹⁶ Poxonaē Roma tomaratha papatan, soldadomonaē pia pentacaponaein tatsi, copata xua Pablo bara saya pepoponaenexa icha botha, xuano xua saya caein Pablo peyapu eenaenexatsi soldadomonaēpin.

Meje yabara poxonaē Pablo Nacom pexeinya jume diwesi paeba Roma tomaratha

¹⁷ Poxonaē acoibi po matabibe yapucaewa, Pablo najume caruta ichamonaētha petawabinexa tsainchi Roma tomarapiwi, pomonaē judiomonaē pia pentacaponaei tatsi. Poxonaē barapomonaē pata, Pablo barai barapomonaē, jeye:

—Tamonae, jopa abe exanaeinyo wamonaētha pomonaē judiomonaēxae. Matautano bequein jopa abe exanaeinyo wamo susato jiwi piamonaē pia coyene cuitha tatsi, ichitha barapomonaē newaetaba. Matautano jiwi pecabi botha necapona Jerusalén tomaratha xua romanomonaē pia pentacaponaei tatsi pia xantha tatsi. ¹⁸ Barapomonaē, romanomonaē, neyabara yainyaba nawita xua icha abe exanan. Ichitha barapomonaē neyaputane xua jopa abe exanaeinyo. Daxota barapomonaē ichipa xua saya tana necopatabiwa tsane. Romanomonaē aichaxaibi xua jemeicha saya nenacui cayantomata xua tana nebexubiwa tsane tsipei pinae jopa abe exanaeinyo. ¹⁹ Ichitha judiomonaē neapusiwa xua jopa taponaeiwa tsane. Daxota bewa wucaein xua taponaeiwa tsane romanomonaē itorobiya pia pepa peewatsinchi beya, xua tana neyabara paebinexa tsane icha metha abe exanan. Baxota ponan bequein jopa xeinaeinyo xua po coyene tayabara paebiwa tamonaē xua abe exana. ²⁰ Daxota paca wabatsi tha paca cataetsi xuano xua tha panejume taeicham. Waxainchi israelmonaēxaetsi wucae ewatatsi pon Nacom itorobicapaeba. Tajume cowantsixae baxua daxota anoxuae penainto tamaxutha ducua, jei Pablo barapo pentacaponaeiwa.

²¹ Barapoxonaē romanomonaē Pablo baraichi, jeichichi:

—Jopa painta patopaeyo carta Judea nacua werena xua xam necayabara tinaewa. Po judiomonaē, Judea nacua werena pata pomonaē patamonaē, barapomonaē jopa abe cayabara paebiyo. ²² Paichichipan paca jume tainchi xua jinya coutha nanta xeiname. Poxoru daxita nacuan pajume tan, xua Jesús pia pena pecuidubi coyenewan tatsi abe yabara paeba, jei barapo judiomonaē pia pentacaponaeiwa tatsi xua Pablo tsipaebatsi.

²³ Pablo muxu tsipaebatsi po mataqueitha xua patsina. Barapo mataqueitha Pablo pia botha tapatatsi pin bicheito. Pablo baya tamropata pitaba xua tsipaeba barapomonaētha, beya yapentha. Pablo jume daunweya yabara cueicueijeji barapomonaētha po diwesi po coyene xua Nacom waba jiwi petanaexanaenexatsi piamonaē tatsi poxonaē Jesús jume cowantatsi. Matautano tsipaeba barapomonaētha Jesús yabara xua Jesús apara pon Moisés yabara paeba pia peitorobi coyenewatha. Matautano Jesús apara pon Nacom pia peitorobi jume pepaebiwi yabara tina pia petinae diwesintha.

²⁴ Xua Pablo po jume diwesi paeba, ichamonaē jume cowanta poxonaē cataunxuaeru ichamonaē jopa jume cowantsiyo. ²⁵ Barapomonaē be ainya

bicheitobe natsicotane. Daxota bapomonaebe tamropata notarucupa xua peponaewa. Pablo namchi, jeye:

—Po diwesi Nacom pia Pejumope t̄nax̄ tatsi cata xua Isaías catatsi xua bapon petsipaebinexa xua wamo susato jiwi petsipaebinexatsi, barapo diwesi po diwesi pexeinya diwesi, xua jeye:

²⁶ ‘Ponde, barapomonaethano jande:

Pajume taneme ichitha jopa xapain payabara

jume yaputaem pocotsiwa pajume taneme.

Pataneme painya itacueretontha ichitha

jopa xapain payaputaem pocotsiwa panecotame.

²⁷ Barapomonaē naj̄nt̄ coyene ararana exana,

jopa peichichipaexae xua pejume taewa.

Matautano ant̄faetabiya jume tane.

Barapomonaē baraxuan exana,

poxoru jopa betaeyo peitacueretontha,

poxoru jopa bejume taeyono pemuxutontha,

yawa poxoru pej̄nt̄ coyeneintha jopa beyaputaeyo.

Barapomonaē jopa ichipaeyo xua tana netsita

xeinaewa icha j̄nt̄ coyene xua daxota jopa

neitacupaeyo xua tayabara j̄nt̄emainawa

abe pia peexanaē cuiru coyenein tatsi’,

jeyei Nacom pia Pejumope t̄nax̄ tatsi xua

Isaías cueicueijeī exanatsi pinae, jei Pablo.

²⁸ Pablo cataunxuae cueicueijeī, jeye:

—Anoxuae xuano bexa tsaneno payaputaename xua pomonaē jopa judiomonaē naexanaeyo jume taena Nacom pia pecapanenebiyae diwesi. Bara barapomonaē beta jume naitaewatsina.

²⁹ Poxonaē Pablo najume weta natsixibarucupa judiomonaē. Poxonaē pona barapomonaē yabara najume matsontsonoba xua Pablo paeba.

³⁰ Pablo Roma tomaratha popona ainya weibe. Pia botha eca xua saya tanacowaeicha eca. Barapo botha daxita matenta weiweinaya wabeiba pomonaē pesiwa poneibixaetsi Pablo. ³¹ Pablo tayapu xanepanatsi xua pepoponaewa. Barapoxonaē Pablo barapomonaetha yabara tsipaeba po diwesi po coyene Nacom waba jiwi petanaexanaenexatsi pijimonaē tatsi pomonaē itorobiya peewatsixae. Matautano yabara cuidubano xua Jesu-cristo yabara, pon Pecanamataxeinaein jiwi. Romanomonaē pia pentacaponaein tatsi Pablo jopa cui matawentichi.

Baja Lucas.

Meje Po Carte Pablo Tatina, Roma Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonae Roma tomarapiwi

¹ Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwu jiwana tatsin xua tacueicueijeinexa Nacom pia pecapanenebiyae diwesi jume.

² Barapo pecapanenebiyae diwesi jume caena bayatha Nacom yabara tsiwuna muxu duta Nacom pia peitorobi jume pepaebi jiwitha poxonae barapomona tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi. ³ Barapo diwesi yabara tinatsi Jesucristo, pon Wanacanamataxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwana tatsi. Barapo David pon caena bayatha Israel nacuapiwi itorobiya pia pepa peewatsinchi. ⁴ Poxonae Nacom pia peayapusu itorobi coyenewatha Jesucristo pon Wanacanamataxeinaein asu exanatsi petupa cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope tunaxu tatsi juntu coyene xanepana Nacomtha.

⁵ Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwu tatsi. Nacom pana itoroba pata cueicueijeinexa daxita nacia jiwitha xua barapomona pejume cowantsinexa yawa xua peexanaenexa pocotsiwa xua Jesucristo itoroba. ⁶ Daxita barapomona pomona jume cowanta, paxam barapomona jiwana pam. Nacom iru paca waba xua paxam Jesucristo piamona tatsi jiwana pam painya nenaexanaenexa. ⁷ Daxita pam pacata tinatsi pomona pajinompame Roma tomaratha, pomona pam xua Nacom paantobem. Yawano Nacom paca waba xua bapon painya tsita nenajuntu coyenein xanepana exanaenexam tsane. Barabu Nacom, pon Waxa, iru Jesucristo pon jiwu Pecanamataxeinaein baponbe paca yawenaenabe pia paca necaantobexae. Matautano baponbe barabu junte ma jinompa paca cana exanaena.

Meje yabara poxonae Pablo ichichipa xua pesiwa ponaewa Roma tomara

⁸ Matha copiya Jesucristo wun caununaya tsipaeban Nacomtha, janje tsaibin: “Nacom, yabara juntu coyene weiweinan Roma tomarapiwi, tsipei daxita nacuan jiwu yabara paeba xua pinae barapo Roma tomarapiwi xaniwaicha beta cajume cowanta”, jan tsaibin Nacomtha. ⁹ Ajuntayapusu Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebanatsi barapo Nacomtha. ¹⁰ Nacomtha yainyabeiban xua icha bapon ichichipa xua bara metha neitacupaetsipa xua matapainya tapaca siwa ponaewatsi tsainchi. ¹¹ Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tunaxu tatsi painya nepaca cayawenaenexa tsane painya juntu coyenewatha. Barapoxona paca juntu coyene ayapusu exanaena. ¹² Pocotsiwa xuaunxuae yabara paeban apara xua waxainchi caemona nantiya wanajuntu coyene

tsacabinexa xua juntema wajinompaenexa. Baxua nacana exanaeinchi poxonae wanatsipaebeibinexa Nacom Pejume Diwesi, po jume diwesi pajume cowantame xua iruru jume cowantandu.

¹³ Tamonae pam, pomonae iru painya nejume cowantsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacupaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowantsinexa pomonae jopa copiya jume cowantsiyo, xua iruru pejuntu coyene tsacabinexatsi pomonae copiya jume cowanta. Baxua barichin tsane icha bayatha ichin ichamonaetha xua poxonae yawenan pomonae jopa judiomonae naexanaeyo xua pejume cowantsinexa. ¹⁴ Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuitha metha bara bequein unupiwi tsipae, bequein metha peyaputaewi tsipae, ichacuitha metha bequein jopa peyaputaewi tsipae. ¹⁵ Daxota bichocono ichichipan xua paxam iru tapaca cuidubiwatsi tsainchi Nacom Pejume Diwesi pomonae pamxaem xua painya nejinompaewi pam Roma tomaratha.

Meje yabara xua Nacom Pejume Diwesi xeina peyapusu itorobi coyenewa xua jiwi pecapanenebiwatsi

¹⁶ Jopa ajumeurinyo xua tacueicueijiwa Nacom pia pexeinya jume diwesi. Poxonae jiwi jume cowanta barapo diwesi, Nacom capanenebiya exana barapomonae abe pia peexanae cuiru coyenein weya tatsi pia peyapusu itorobi coyenewatha. Nacom capanenebiya pomonae pia pejume cowantsiwichi, matha copiya judiomonae, bapoxonae iru pomonae jopa judiomonae naexanaeyo. ¹⁷ Barapo diwesi naca yaputane exana xua Nacom naca cana juntu coyene xanepana exana bapontha, xua jopa watsita natsicuentisixae xua abe waexanaexae bapontha. Nacom baxua naca cana juntu coyene exana saya poxoru u meisa wayabara jume cowantsixae pocotsiwa exanapaeba, bapon. Nacom Pejume Diwesitha jeye baxua yabara: “Pontha, pon Nacom juntu coyene xanepana exana pia peyabara jume cowantsinxatsi pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

Meje yabara xua jiwi penatsicuentisiwa Nacomtha abe peexanaexae

¹⁸ Waxainchi yaputainchi xua Nacom anaepana pomonaetha pomonae abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Matautano barapomonae abe peexanaexae, jopa copatsiyo xua bara pia juntu coyeneintha peyaputaewa pexainyei jumein. ¹⁹ Barapomonae bewa xaniwaicha bayatha yaputaena po coyene xua Nacom pejuntu coyene tatsi. Tsipei bayatha Nacom tsita najuntu coyene ituta barapomonaetha. ²⁰ Jiwi jopa itacupaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacue, jiwi yaputane xua Nacom xaniwaicha popona yawa pia peyapusu itorobi coyenewa bapana jopa weraweracae tsane. Jiwi yaputane baxua poxonae tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom. ²¹ Bequein barapomonae yabara yaputane xua bara Nacom popona, daichitha barapomonae jopa baru cui itura jinaeyo Nacom ponxae xua yatsicaewa pia pepa Nacom tatsi. Yawano barapomonae jopa jei tsaibiyo Nacomtha: “Nacom, pajuntu coyene

weiweinan xua pocotsiwa painta neexanaewamxae”, jopa jei tsaibiyo. Saya meisa barapomonaе yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yapuraeayo pexainyei jume. ²² Bequein barapomonaе paeba xua pinae peyaputaewi daichitha be pomonaе xua jopa xapain peyaputaе jiwi naexanaeyo. ²³ Barapomonaе jopa w_hnae jainchiyo Nacom, pon ataya tsitecaeya popona. Saya μ w_hnae pejainchi ibo nacom_hn, po ibo nacom_hn be tsita jiwichi xua saya peweraweracaе coyene. Yawano icha ibo nacom_hn exana xua xuan be peyapupunaewi, yawano po ibo nacom_hn be jomon xua petompacuetontha pona, yawano po ibo nacom_hn be duwein xua pecobe xeina yawa pesito xeina.

²⁴ Daxota Nacom copata xua barapomonaе bara moya peexanaenexa abe peexanaewa be pocotsi coyeneya xua ichichipa. Bapoxonaе barapomonaе nantiya nata exana pocotsiwa xua aura exanatsi pia pepontha. ²⁵ Baxuan Nacom copata xua peexanaewa barapomonaе, tsipei barapomonaе jopa jume cow_hntsiyo Nacom pia pexainyei diwesi jume. Saya barapomonaе itapeta μ jume cow_hnta xua xuan penaerabi diwesi jumein. Pocotsiwan Nacom forota baxuan barapomonaе be pia nacom_hn cana exana pejume cow_hntsinexa, matautano xua barapomonaе pebar_h cui itura jinaenexa xua w_hnae pejainchiwa nexa. Barapomonaе jopa w_hnae jainchiyo pepa Nacom, pon daxita peforotsin. Barapon waxainchi bewa w_hnae jainteibinchi xua ataya tsaibi tsane pia peexaneibixae waxainchi nexa. Je, bara ichi tsane.

²⁶ Daxota Nacom copata xua barapomonaе bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Matautano barapomonaе pia yab_hxi tatsi jopa equeicha exanaeyo po coyene yab_hxi ba exana poxonaе peichichipaewa pia pebin. Bapoxonaе barapo yab_hxi exana xua cae yab_hxi naichichipa. ²⁷ Barichi pebiwi aichaxaibi po coyene pebiwi ba exana poxonaе peichichipaewa pia petsiriwa. Saya meisa bichocono penthatontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonaе abe peexanaexae Nacomtha natsicuenta. Daxota Nacom copata xua barapomonaе pia pepon atene nata exana.

²⁸ Poxoru barapomonaе jopa ichipaeyo xua jopa pejume cow_hntsiwa Nacom, daxota Nacom copata xua barapomonaе moya bara abeya penanta xeinaenexa. Matautano Nacom copata xua barapomonaе bara moya exanaena pocotsiwan jopa bewa exanae pocotsiwa xua abe. ²⁹ Barapomonaе jopa juniya j_hnt_h coyene y_hcaetsi xua peabe coyenewan. Barapomonaе nasi cui weiweina exanaduta, yawano abe exana ichamonaetha. Yawano exana xua ichichipa pocotsiwa ichamonaе xeina. Yawano ichichipa xua ichamonaе atene exanatsi. Barapomonaе uwa, ichamonaе uwatsi. Yawano barapomonaе juteba, ichamonaе jutebatsi. Yawano penabi coyene exana. Yawano barapomonaе jiwi muxujainyaba nawita. Yawano barapomonaе bichocono piamonaе caseba nawita. Yawano caemonaе nabar_h paxapaxei xua ichamonaе abe yabara paebatsi. ³⁰ Yawano barapomonaе jume atsaquiya abeya yabara paeba xua ichamonaе pocotsiwa exana. Barichi barapomonaе Nacom casebatsi. Yawano barapomonaе biatane ichamonaе. Yawano pia coutha penayabara paebiwi xua pinae peainya cui jiwi. Yawano barapomonaе peabiwi xua ichamonaе aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeiwi itorobeibatsi. ³¹ Barapomonaе jopa ichichipaeyo xua Nacom peyabara yaputaewatsi. Yawano barapomonaе jopa jume xainyeya exanaeyo pocotsiwan xua exanapaebeiba. Yawano barapomonaе jopa xapain antobeyo

ichamonaē. Yawano barapomonaē jopa ichamonaē yabara jūntemainaetsi xua abe exana. Yawano barapomonaē jopa ichamonaē xapain yabara nanta xeinaetsi xua peyawenaenexatsi. ³² Barapomonaē yaputane pocotsiwa xua Nacom itoroba. Yawano barapomonaē yaputane xua pomonaē barapo peabe coyenewan exana bewa werapaena. Bequein barapomonaē yaputane baxuan ichitha awiya abe eexanapona. Yawano barapomonaē jūntu coyene weiweina, poxonaē ichamonaē iru barapo peabe coyenewan exana.

2

Meje yabara xua Nacom yabara paebina penatsicuentysiwa jiwī, xua yatsicaewa pexainyei coyenewatha

¹ Paca tsipaebatsi paxam judiomonaē jiwana pam pomonaē xua ichamonaē pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichuntha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonaē ichun payabara paebame xua penatsicuentysiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonaē payabara paebame xua penatsicuentysiwa xua abe pia peexanaewaxae. ² Waxainchi yaputainchi xua Nacom yabara paebina daxita jiwī xua penatsicuentysiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonaē Nacom yabara paebina xua penatsicuentysiwa jiwī, bapon paebina xua pomonaē barapo peabe coyenewan exana bewa peraxa jubebinchi xua atene tsane. ³ Paxam ichun payabara paebame penatsicuentysiwa xua abe pia peexanaewaxae. Apara painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonaē Nacom atene exanaena xua poxonaē yabara paebina jiwī xua penatsicuentysiwa xua pomonaē abe peexanaewi. ⁴ Paxam paaichaxaibim poxonaē Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paaichaxaibim poxonaē Nacom abu saya jūntema ewata xua beta pacata exanaena xua pomonaē pamxaem xua pajume cowuntsiname yawa atene paca exanaena pomonaē pamxaem jopa painya nejume cowuntsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonaē Nacom wucaetsi xua painya nepaca cayabara jūntemainaenexa painya abe exanaē coyenewan. ⁵ Paxam ainya unthuton paxeiame. Yawano jopa paichipaem xua icha jūntu coyene painya tsita xeinaewa Nacom. Daxota paxam mataropeicha paexanaponaē xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentysiwa po mataqueitha Nacom paebina xua bewa atene exanaeinchi pomonaē barapo peabe coyenewan exana. Nacom yabara paebina jiwī xua penatsicuentysiwa xua abe peexanaexae xua yatsicaewa pexainyei coyenewatha abe peexanaexae bapontha. ⁶ Nacom catsibina pentoman daxita carepaya jiwitha xua pocotsiwan pia petanacuichiwixaetsi. Pomonaē abeya tanacuita xuya abeya matoma catsibebinchi. Pomonaē wunaeya tanacuita xuya wunaeya matoma catsibebinchi. ⁷ Ichamonaē Nacom peajūntuyapusu coyenewa catsibina pomonaetha pomonaē jopa aitaconaeya exana dubenanaebiyaeyo pocotsiwa Nacom ichichipa. Barapomonaē ichichipa nawita xua po coyene Nacom petsita xanepanaewa tsainchi. Matautano barapomonaē

ichichipa nawita pia pebaru cui itura jinaewa Nacomtha. Matautano barapomonaе ichichipa nawita xua pia xeinaetsi peajuntayapusu coyenewa po peajuntayapusu coyenewa ataya tsiteca. ⁸ Ichamonaetha, Nacom anaya exanaena xua atene exanatsi barapomonaе pomonaе saya u piawa nata exana. Yawa Nacom atene exanaena pomonaе jopa jume cowantsiyo Nacom pia pexainyei jume diwesi. Barapomonaе Nacom bichocono caseba itapeta peichichipaewaxae xua abe coyenewa peexanaewa. ⁹ Atene exanebinchi yawa ajuntarewe exanebinchi daxita pomonaе abe coyenewan peexanaewi, matha copiya pomonaе judiomonaе, bapoxonaе iru catsibinchi pomonaе jopa judiomonaе naexanaeyo. ¹⁰ Ichitha nama Nacom seicaya catsibina pomonaetha pomonaе xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua junteма pejinompae coyenewan. Matha copiya catsibinchi judiomonaе, bapoxonaе iru catsibinchi pomonaе jopa judiomonaе naexanaeyo.

¹¹ Barapomonaethabe Nacom catsina barapo coyenein tsipei Nacom tsita najupatsi daxita jiwi. ¹² Pomonaе jopa judiomonaе naexanaeyo daxita barapomonaе yaputane poxonaе abe exana pia peitorobi coyenewan pexinaexae. Icha barapomonaе awiya eexanapona pocotsiwa xua abe, Nacom tsita natsicuentatsi. Barapomonaе werapaena abe peexanaexae bequein jopa yaputaeyo Moisés pia peitorobi coyenewa tatsi. Pomonaе judiomonaе barapomonaе yaputane Moisés pia peitorobi coyenewa tatsi. Daxota yaputane poxonaе abe exana. Poxonaе barapomonaе abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi. ¹³ Pomonaе jume tane Moisés pia peitorobi coyenewa tatsi xuano exana pocotsiwa itoroba, barapomonaе Nacom tsita juntu coyene xanepanatsi. Pomonaе saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonaе Nacom jopa tsita juntu coyene xanepanaetsi. ¹⁴ Pomonaе jopa judiomonaе naexanaeyo barapomonaе jopa xeinaeyo Moisés pia peitorobi coyenewa tatsi. Ichitha ichacuitha barapomonaе exana xua be pocotsi coyene Moisés pia peitorobi coyenewatha itoroba. Baxua barapomonaе exana, tsipei pejuntu coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonaе baxuan exana be barompaya pia peitorobi coyenewan xeina pia juntu coyenewantha. ¹⁵ Poxonaе barapomonaе beta exana, baxua itapeinya xeina xua barapomonaе pia juntu coyenewantha xeina Nacom pia peitorobi coyenewa tatsi. Barapomonaе yacuiya naexana. Barapomonaе pia juntu coyenein yaputane cana exanatsi xua poxonaе wunaе exana xuano xua poxonaе ichacuitha abe exana. ¹⁶ Jemeicha jopaena matabi po mataqueitha poxonaе Nacom itorobina xua Jesucristo yabara paebina daxita jiwi xua pia penatsicuentsiwa xua abe peexanaexae Nacomtha. Barapo mataqueitha Jesucristo yabara paebina jiwi xua penatsicuentsiwa xua abe peexanaexae xua pocotsiwan namicha abeya peexanaexae matautano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonaе cueicueijan Nacom pia pexeinya pecapanenebiyae diwesi jume.

Meje yabara xua judiomonaе yawa Moisés pia peitorobi coyenewa tatsi

¹⁷ Paxam papaebame, pajam: “Paxan seicaya judiomonaepiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya

pepa Nacom. ¹⁸ Barichi paxam papaebame xua pinae payaputaneme pocotsiwa xua Nacom pia peichichipae coyenewa. Matautano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa. ¹⁹ Matautano atsaquiya papaebame, pajam: “Paxan pacuiduban pomonae jopa peyaputae jiwi Nacom. Yawa jume cowanta pacana exanan pomonae jopa jume cowantsiyo Nacom”, pajam. ²⁰ Paxam pananta xeiname xua paca itacupa xua pacuidubame pomonae Nacom jopa peyaputae jiwi. Barichi pananta xeiname xua paca itacupa xua yaputane pacana exaname pomonae pena pejume cowantsiwi. Paca itacupa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan. ²¹ Poxonae ichamonae po coyenein yabara pacuidubame paxam jopa apara matha pajume yabara cowantsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua iru painya barichiwathamdu. ²² Paxam pacuidubame xua jopa bewa ichan piowa tatsi tapichichi xua iru painya barichiwathamdu. Paxam papaebame xua pinae paaichaxaibim ibo nacomun, ichitha paxam pacaibame pocotsiwan xua jeba ibo nacomun pia botha tatsi. ²³ Atsaquiya papaebame xua paxeiname Moisés pia peitorobi coyenewa. Ichitha iru apara paxam jopa paexanaem xua painya nebaru cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom baru cui itura jinaetsi. ²⁴ Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe paexaname”, jei Nacom Pejume Diwesitha.

²⁵ Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa peru muxunene caxica xua ichaxota pebiwichi xeinatsi ichaxota pana nareixacaename. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae. ²⁶ Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi. ²⁷ Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca juntu cui coyene yabara nanta xeinaena xua icha abe paexaname Nacomtha xuano xua icha wnae paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba. ²⁸ Pon jiwi tsitatsi xua pepa judiomonaepin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi. ²⁹ Jame xua pepa judiomonaepin penaexanaenexa tsane, saya jame poxonae Nacom juntu coyene xanepana exana barapo jiton xua Nacom jopa bapon tsita natsicuentichi abe peexanaexae pia juntu coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta pejuntu coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha juntu coyene pexeinaewa Nacomtha xua pexanepanaewa. Saya apara meisa

Nacom pia Pejumope tɯnaxɯ tatsi baxua exana. Jiwi wɯnaeya yabara paeba pomonae xua pewi thabiwichi. Ichitha nama Nacom wɯnaeya yabara paeba pontha pon icha jɯntɯ coyene xeina bapontha xua pexanepanaewa.

3

¹ Metha beya ichɯn yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae. ² Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomonaetha”, jan tsipae. ³ Ichacuitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonae jiwana nacui barapentsipa xua jopa peyabara jume cowɯntsiwa xua Nacom bexa exanaena pocotsiwa Nacom yabara tsiwɯnae muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiwɯnae muxu dutsiwa?” jei tsipae. ⁴ Metha jan tsipae: “¡Jume, apara Nacom bapana jopa baxua exanae! Apara jame Nacom daxitan pexainyeiwantha exaneiba. Nacom bewa exaneibina baxuan bara bequein jiwi pemuxuitorobi jiwi. David baxua yabara paeba Nacom Pejume Diwesitha xua Nacom tapaebatsi, jeye: ‘Nacom, poxonae cueicueijam jiwi yaputaena xua xam xainyeya bara nepaebin.

Bapoxonae jiwi jume amanayabame poxonae baxua exaname poxonae bequein jiwi cayabara paeba xua abe exaname’, jei David Nacom Pejume Diwesitha”, jan tsipae.

⁵ Ichitha metha ichamonae jume coxonaya najume matsontsonobichipa jei tsipae: “Poxonae waxainchi abe exanatsi bapoxonae Nacom naca atene exana. Abe waexanae coyenewantha jiwi tsita itapeinya xeinatsi xua bara Nacom aichaxaibi abe peexanae coyenewa xua bara Nacom xanepanaya peexanaein. Daxota abe waexanae coyenewatha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanae cuiru coyene waexanaexae?” jei tsipae barapomonae, xua saya paeba icha jiwi ichi pomonae jopa peyaputae jiwi. ⁶ Metha barapomonae jume notsipan, jan tsipae: “¡Jume apara, baxua jopa xainyeyo! Icha Nacom jopa xaniwaichiya exanaetsipae poxonae naca yabara paeba xua penatsicuentsiwa bapoxonae jopa itacɯpaetsipaetsi xua daxita yabara paebatsi jiwi xua penatsicuentsiwa xua abe peexanae cuiru coyene peexanaexae. Ichitha Nacom apara xaniwaichiya exana daxota itacɯpatsi xua daxita jiwi yabara paebatsi penatsicuentsiwa”, jan tsipae.

⁷ Metha ichamonae jei tsipae: “Nacom jopa bewa naca yabara paebi penatsicuentsiwa tsane wanaca yabara paebinexa xua abe waexanaewan poxonae naerabiya cueicueijeichi. Poxoru poxonae naerabiya cueicueijeichi ichamonae tsita itapeinya xeinatsi xua Nacom seicaya exana xua Nacom bichocono xainyeya pepaebin xuano xua Nacom bara peainya cuin”, jei tsipae barapomonae. ⁸ Ichamonae irɯ jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomonae. Barapomonae naerabiya

paeba xua pinae xan barapo coyene cuiduban ichamonae. Barapo naerabiya pepaebiwi xua neyabara jume caenaeraba, barapomonae Nacom tsita natsicuentinchi abe taneyabara paebixae.

Meje yabara xua daxitatsi pomonaetsi pomonae Nacom watsita natsicuentinchi abe waexanaexae bapontha

⁹ ¿Waxainchi pomonae judiomonaetsi Nacom tsitatsi xua jopa wanatsicuentinchi jiwichi xua beyacaincha pomonae jopa judiomonae naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: “Waxainchi judiomonaetsi iru pomonae jopa judiomonae naexanaeyo daxitatsi abe waexanae jiwichi”, jan. ¹⁰ Nacom Pejume Diwesitha baxua yabara jeye:

“¡Dapomonae ajibi pomonae xua xanepanaya peexanaewi, xua matautano bara caeinno!

¹¹ Matautano dapon ajibi pon ichichipa xua peyabara yaputaewa pexainyei coyenewa.

Matautano dapon ajibi pon xua ichichipa penaponaewa Nacomtha.

¹² Daxita jiwi Nacom pentatsi yawano abe peexanae jiwi bichocono.

¡Dapon ajibi pon xua xanepanaya beta exana, xua matautano bara caeinno!

¹³ Barapomonae caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tupa. Bapomonae pepaebiwantha ichamonae muxujainyabeibatsi.

Barapo pepaebiwantha ichamonae ajuntucoyenetane exanatsi, icha jomo ichi xua ichun sinatsi poxonae bichocono atene exanatsi pewano tsapa pexeinaexae.

¹⁴ Barapomonae saya u cueicueijeji xua xuan peabe jumein, po jumein xua atsaca pepaebiwa.

¹⁵ Barapomonae bichocono ichichipa nawita xua ichamonae bichocono atene peexanaewatsi xuano xua pejutebiwatsi.

¹⁶ Daxita ichaxota poneiba barapomonae, ichamonae abe exaneibatsi. Matautano exaneiba pocotsiwa ichamonae ajuntucoyenetane cana exanatsi.

¹⁷ Barapomonae jopa yaputaeyo xua po coyene caemonae nantiya juntema jinompa penaexanae coyenewa.

¹⁸ Matautano barapomonae jopa cunuwiyo Nacom xua abe peexanaeyainwatsi”, jei Nacom Pejume Diwesitha.

¹⁹ Waxainchi yaputainchi xua daxita Nacom paeba Moisés pia peitorobi coyenewatha baraxua judiomonae nexa. Barapomonae bewa exanae Moisés pia peitorobi coyenewa tatsi. Ichitha judiomonae jopa itacupaetsi xua peexanaewa barapo coyenewa. Barichi pomonae jopa judiomonae naexanaeyo jopa itacupaetsi xua peexanaewa baxua. Barapo coyeneya Nacom yaputane exana xua daxita jiwi jopa pepaebinexa xua pinae jopa abe peexanaewa barapo jiwi. Matautano Nacom tsita itapeinya xeina

jiwitha xua Nacom yabara paebina xua penatsicuentisiwa daxita jiwi xua abe peexanaexae bapontha. ²⁰ Dapon ajibi pon itacupatsi xua pejeiwa: “Xan bichocono tajuntũ coyene xanepanaein xua Nacom jopa tatsita natsicuentisixae abe taexanaexae bapontha. Tsipei daxita yabara jume cuiya exanan pocotsiwa Moisés pia peitorobi coyenewatha itoroba”, xua pejeiwa. Tsipei jame apara barapo Moisés pia peitorobi coyenewa tatsi naca yaputane exana xua waxainchi apara abe waexanae jiwichi.

Meje yabara xua jiwi capanenebiyatsi pejume cowantsixae Nacom

²¹ Ichitha anoxuae Nacom jiwi yaputane exanatsi po coyeneya bapon exana xua poxonae jiwi juntũ coyene xanepana exanatsi bapontha. Nacom jopa tsita natsicuentichi barapomona xua abe peexanaexae. Nacom baxua exana jopa poxoruyo xua peexanaexae pocotsiwa Moisés pia peitorobi coyenewatha itoroba. Moisés pia peitorobi coyenewa tatsi, irũ Nacom pia peitorobi jume pepaebiwi paeba xua bewa jiwi Nacom tsita juntũ coyene xanepanaetsi. ²² Nacom juntũ coyene xanepana cana exana jiwi poxonae barapo jiwi jume cowanta Jesucristo. Nacom bara daxita najuntũ coyene jũpiya exana pomonaetha pomona pejume cowantsiwi Jesucristo, poxoru Nacom tsita najupatsi barapo pejume cowantsiwichi. ²³ Tsita najupatsi yaitama daxita jiwi peabe coyenewan exana. Yawano barapo jiwi taseicatsi po coyene xua Nacom tsita xanepanatsi barapomona. ²⁴ Ichitha Nacom peantobexae jopa tsita penatsicuentisiwatsi barapo jiwi. Baxua Nacom amanaya taexana. Nacom pentoma exana xua jiwi pejuntũ coyene xanepanaenexa poxonae Cristo Jesús naetotha tsitũpa, xua jiwi tsitũpatsi. ²⁵ Nacom Pexanto itorobica, pon Cristo. Bapon jana pichapabarena poxona tsitũpa jiwi pia peabe coyenewan tatsi. Nacom juntemaina jiwi pia peabe coyenewan poxonae barapomona jume cowanta Cristo. Barapo coyenewatha Nacom yaputane exana xua bara juntũ coyene xanepana cana exana jiwi xua jopa Nacom petsita natsicuentisiwatsi xua abe peexanaexae. Bayatha bapon beitatemaya cui taetaepona jiwi abe pia peexanae cuiru coyenewan tatsi pomona xua caena bayatha jinompa poxonae cataunxuae Jesús jopa tũpaeyo. ²⁶ Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitatemaya cui taeyo jiwi abe pia peexanae cuiru coyenewan tatsi. Apara jame Nacom juntũ coyene xanepana cana exana jiwi poxonae Nacom yabara juntemaina jiwi xua pia penatsicuentisiwa xua abe peexanaexae. Baxua exana daxita pomonaetha pomona pejume cowantsiwi Jesús.

²⁷ Daxota waxainchi jopa naca itacupaeyo xua atsaquiya nayabara pae-batsi xua beta waexanaewa. Waxainchi jopa najuntũ coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apara wajume cowantsixae Jesús, daxota bapon naca juntũ coyene xanepana cana exana Nacomtha. ²⁸ Nama anoxuae waxainchi yaputainchi xua Nacom juntũ coyene xanepana cana exana pontha pon jume cowanta Jesús. Nacom jopa juntũ coyene xanepana exanaeyo poxonae bequein ichan ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonae jopa exanaeyo.

²⁹ Nacom jopa meisa apara judiomona pia Nacom tatsi. Apara irũ pomona jopa judiomona naexanaeyo barapomona irũ pia Nacom tatsi. ³⁰ Icha Nacom ajibi, saya meisa bapon Nacom nacata bara compa. Barapo Nacom juntũ coyene xanepana cana exana jiwi, pomonaetha pomona jume cowanta Jesucristo, bequein pomona wi thabatsi xuano bequein

pomonae jopa wi thabichi. ³¹ Waxainchi jopa nacui barapentichi Moisés pia peitorobi coyenewa tatsi yaitama jume cowuntatsi Jesús. Jame poxonae xaniwaicha jume cowuntatsi Jesús bapoxonae bara xaniwaicha exanatsi pocotsiwa Moisés pia peitorobi coyenewatha itoroba.

4

Meje xua Abraham yabara

¹ Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, irurux daxita judiomonae pia pamo susatopin tatsi pon caena bayatha tupa. ² Abraham jopa pia coya najuntux coyene xanepana exanaeyo xua jopa Nacom petsita natsicuentisiwatsi xua abe peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi. ³ Nacom Pejume Diwesitha Abraham yabara paebatsi, jeye: “Abraham jume cowunta Nacom. Peyabara jume cowuntsixae pocotsiwa xua Nacom exanapaeba, Nacom juntux coyene xanepana cana exana bapon”, jei Nacom Pejume Diwesitha. ⁴ Poxonae jiton ba tanacuita ichun, jopa jiton pentoma becatsichi xua saya amanaya nexa poxoru ichun peyabara nanta xeinaexae bapon. Jame jiton ba bewa pentoma catsichi xua poxoru penacuichixae. ⁵ Ichitha nama Nacom seicayiya exana. Pon yabara jume cowunta pocotsiwa Nacom exanapaeba xua Nacom peyabara junte mainaenexa xua bapon pia penatsicuentisiwa tatsi, bara Nacom yawena bapon. Barapo jiton Nacom tsita juntux coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane. ⁶ David pon wamo susatopin, pon caena bayatha tupa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono juntux coyene weiweina. Jeye: “Pon peyabara jume cowuntsixae pocotsiwa Nacom exanapaeba, Nacom juntux coyene xanepana cana exana. Jopa apara Nacom juntux coyene xanepana exanaeyo xua poxoru bapon wunaeya xanepanaya peexanaexae. Apara poxoru Nacom peichichipaexae, daxota baxua exana”, jei David. ⁷ Equeicha David jei: “Juntux coyene weiweina pomonae Nacom yabara junte maina xua puxana exana abe pia peexanae cuiru coyenewan tatsi.

⁸ Juntux coyene weiweina pon Nacom jopa tsita natsicuentisichi xua abe peexanaexae”, jei David.

⁹ Po pejuntux coyene weiweinaewa xua David yabara paeba, meisa saya ux pomonae pewi thabiwichi jopa nexiyo. Apara barapo pejuntux coyene weiweinaewa irux pomonae jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowunta pocotsiwa Nacom exanapaeba, daxota Nacom juntux coyene xanepana cana exana bapon xua jopa Nacom tsitatsi xua Abraham penatsicuentisiwa xua abe peexanaexae. ¹⁰ Abraham jopa juntux coyene xanepana exanaetsi poxonae nacana cui wetatsi xua pewi thabiwatsi. Apara Nacom Abraham juntux coyene xanepana exanatsi poxonae cataunxuae jopa wi thabichi. ¹¹ Abraham peyabara jume cowuntsixae pocotsiwa Nacom exanapaeba, Nacom juntux coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntux coyene xanepana exana Abraham, peyabara jume cowuntsixae pocotsiwa Nacom exanapaeba. Abraham petsiwana exanaexae xua pewi thabiwatsi, daxota Nacom tsitatsi

xua Abraham be coxiyꝯn poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowꝯntsiwixaetsi pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom irꝯ yabara nanta xeina xua bara irꝯ barapomonae jꝯntꝯ coyene xanepana bapontha. ¹² Barichi Abraham be coxiyꝯn cana exanatsi, xua pomonae bayatha pewi thabiwichi barapomonae be pia pecanamataxeinaeinchi. Jopa Abraham be coxiyꝯn cana exanaetsi xua poxoru barapomonae pewi thabixaetsi. Jame apara be coxiyꝯn cana exanatsi poxoru irꝯ peyabara jume cowꝯntsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonae wi thabatsi.

Meje yabara xua poxonae Nacom cata pia peyabara tsiwꝯnae muxu dutsiwa, Abraham catatsi

¹³ Nacom yabara tsiwꝯnae muxu duta Abrahamtha irꝯ pia pemomoxi susato jiwitha tatsi. Nacom yabara tsiwꝯnae muxu duta xua catsina daxita barapo cae pin nacue Abrahamtha, irꝯ pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwꝯnae muxu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonae bayatha Abraham tꝯpa. Apara Nacom cata barapo yabara petsiwꝯnae muxu dutsiwa poxoru Abraham peyabara jume cowꝯntsixae pocotsiwa Nacom exanapaeba. Daxota Nacom yabara tsitatsi xua bara Abraham pejꝯntꝯ coyene xanepanaein bapontha. ¹⁴ Icha pomonae xeinaetsipa pocotsiwa Nacom yabara tsiwꝯnae muxu duta, icha barapomonae apara barapomonae tsipae pomonae exana daxita pocotsiwa Moisés pia peitorobi coyenewatha itoroba bapoxonae barapomonae jopa nantawenonaetsipae xua yabara jume cowꝯnta pocotsiwa Nacom exanapaeba. Mataꝯtano pocotsiwa xua Nacom yabara tsiwꝯnae muxu duta barapomonae jopa tsita xainyei tsipaetsi. ¹⁵ Ichitha baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichitha pomonae jopa xeinaeyo Moisés pia peitorobi coyenewa, barapomonae Nacom jopa tsita penatsicuentsiwatsi xua abe peexanaexae xua poxonae jopa exanaeyo barapo peitorobi coyenewa.

¹⁶ Daxota Nacom yabara tsiwꝯnae muxu duta Abrahamtha peyabara jume cowꝯntsiwixaetsi pocotsiwa Nacom exanapaeba. Nacom pia yabara petsiwꝯnae muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonae peexanaewi xua Moisés itoroba. Apara Nacom irꝯ cata pomonaetha pomonae pejume cowꝯntsiwichi icha Abraham ichi poxonae jume cowꝯnta Nacom. Bapon Abraham be coxiyꝯn cana exainchi xua daxita waxainchi be xua wanacanamataxeinaein, copiya pejume cowꝯntsixae. ¹⁷ Nacom jeye Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi cacanamata caexanatsi be coxiyꝯm”, jei Nacom Pejume Diwesitha. Daxota barapo yabara petsiwꝯnae muxu dutsiwa Nacom tsita coyene xanepanatsi. Barapon Nacom Abraham yabara jume cowꝯnta pocotsiwa Nacom exanapaeba. Mataꝯtano barapo Nacom equeicha asꝯ exana pomonae bayatha werapa. Mataꝯtano barapon Nacom itoroba xua forota pocotsiwan

jiwi bapana jopa tae copiya, poxoru Nacom cataunxuae abũ jopa forotsiyo bapocotsiwan.

¹⁸ Abraham poxonae nawei wetaba xua jopa itacũpaetsi xua pexeinaewa pexui, awiya cataunxuae yabara jume cowũntsiya wũnae ewata pocotsiwa Nacom exanapaeba. Bapon jume cowũntsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cowũnta pocotsiwa Nacom exanapaeba pocotsiwa yabara tsiwũnae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiyũn. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom. ¹⁹ Abraham jopa jũntũ coyene natsepaeyo xua peyabara jume cowũntsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon irũ piowa tatsi Sara bara imoxoyo methaunxuae tũpaenabe. Abraham piseuribe bichocono perunbe. Mataũtano yaputaneno xua Sara jopa itacũpaetsi xua pexui pexeinaewa. ²⁰ Bapon Abraham jopa ainya muxu xeinaeyo. Mataũtano jopa nacui baraxubiyo xua peyabara jume cowũntsiwa pocotsiwa Nacom exanapaeba xua pocotsiwa Nacom yabara tsiwũnae muxu duta xua pinae Abraham pexanto xeinaena. Jame bapon Abraham beta xaniwaicha jume cocowũntapona. Abraham wũnae jaintapona Nacom. ²¹ Baxua Abraham exanapona poxoru bara yatsicaewa yaputane xua Nacom itacũpatsi xua peexanaewa pocotsiwa xua bapon yabara tsiwũnae muxu duta. ²² Abraham peyabara jume cowũntsixae pocotsiwa Nacom exanapaeba, daxota bapon Nacom tsitatsi xua bapon bara peyabara jũntũ coyene tsita xanepanaeinchi xua jopa petsita natsicuentisixae abe peexanaexae bapontha.

²³ Po jumein xua bayatha Abraham yabara paebatsi xua jeye: “Nacom tsitatsi xua bapon bara pejũntũ coyene xanepanaein xua jopa petsita natsicuentisixae abe peexanaexae bapontha”, jei, barapo jumein jopa meisa tinaeyo xua bapon nexa. ²⁴ Barapo jumein xua po jumein tina apara irũ bara waxainchi nexa xua naca yabara paebarũ. Wajume cowũntsixae Nacom, daxota Nacom tsitatsi xua bara waxainchi irũ wajũntũ coyene xanepanae jiwichi xua jopa watsita natsicuentisiwatsi xua abe waexanaexae bapontha. Waxainchi yabara jume cowũntatsi pocotsiwa Nacom exanapaeba, pon Jesús asũ exanatsi petũpae cuiru coyene weya, pon Wanacanamataxeinaein. ²⁵ Nacom itoroba xua bapon Jesús naca tsitũpa abe waexana cuiru coyenewan. Mataũtano Nacom asũ exanano, xua Jesús asũ petũpae cuiru coyene weya xua wanaca cana exanaenexa xua jopa Nacom watsita natsicuentisiwa tsane xua abe waexanaexae bapontha.

5

Meje yabara xua Nacom wanaca cana exanaewa xua jopa wanatsicuentisiwa tsane bapontha, xua abe waexanaexae

¹ Nacom naca cana exana xua bapon jopa watsita natsicuentisiwa tsane abe waexanaexae bapontha. Baxua Nacom naca cana exana wayabara jume cowũntsixae pocotsiwa Nacom exanapaeba. Daxota waxainchi jũntema dubenanaebiyatsi Nacom peitũtha tatsi Jesucristo wanaca tsitũpaexae, pon Wanacanamataxeinaeinxae. ² Cristo wajume cowũntsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae ajũntũcoyenesũya jinompatsi. Yawa waxainchi

jũntũ coyene weiweinatsi wawũnae ewatsixae xua bexa irũ xeinaeinchi pebaru cui itura jinaewa po pebaru cui itura jinaewa jiwi Nacom tsita xeinatsi peainya cuinxae icha bapon ichi. ³ Jopa meisa baxua nexiyo, jame yawa jũntũ coyene weiweineibatsi poxonae ichamonae naca atene exaneiba. Tsipei waxainchi yaputainchi xua wanaca jũntũ coyene ayapusũ exanaewa xua daxota jopa waaitaconaewa poxonae bequein ichamonae naca atene exana. ⁴ Poxonae ajũntũcoyenyapusũya jinompatsi xua daxota jopa waaitaconaewa poxonae bequein ichamonae naca atene exana, bapoxonae Nacom naca weyatane xua bara beta waexanaewa. Poxonae Nacom naca weyatane, baxua naca cana exana xua wawũnae ewatsiya ewatsiwatsi xua Nacom nacata exanaena pocotsiwa yabara naca tsiwũnae muxu duta. ⁵ Barapo wawũnae ewatsiwa jopa naca jũntũ coyene cana exanaeyo xua wajũntũ coyene wecoyeiwa xua jopa wataexae pocotsiwa wawũnae ewatsiwa. Nacom bichocono naca jũntũ coyene yũca cana exana pia peantobe coyenewa pia Pejumoŕe tũnaxũtha. Barapo pia Pejumoŕe tũnaxũ tatsi naca nacana jumope cata wajũntũ coyenewatha.

⁶ Poxonae waxainchi jopa naca itacũpaeyo xua wacoutha wanacapanenebiwa, bapoxonae Cristo naca tsitũpa abe waexanae cuiru coyenewan nexa. Bapon Cristo tũpa poxonae po mataqueitha Nacom copata xua bapon petũpaewa tsaneba. ⁷ Barapo cae pin nacuathe nacata ayapube xua nanta xeinatsi xua jiton wayabara nanta xeinaewa xua ichũn peita araranaewatsi xua peyapu cabocaewa xua daxota petũpaewa bequein barapo ichũn daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiũntabe, jopa ichipaeyo xua petũpaewa. Ichitha ichacuitha tsipae metha jiton yaita araranaetsipa xua peyapu cabocaewa xua daxota petũpaewa pon xanepanaya petaexanaein ichamonae. ⁸ Jame Nacom xaniwaicha naca tsita itapeinya xeina pia wanaca antobexae. Baxua Nacom naca cana exana poxonae Cristo naca yapu caboca xua wanaca tsitũpaewa bara bequein cataunxuae abe waexanae jiwichi. ⁹ Nacom naca exana xua waxainchi pejũntũ coyene xanepanae jiwichi xua poxonae jopa natsicuentisichi bapontha abe waexanaexae, xua poxonae Cristo naca tsitũpa. Bapoxonae yawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentisiwa xua abe peexanaexae, barapo mataqueitha Nacomtha jopa natsicuentisi tsainchi xua abe waexanaexae. ¹⁰ Copiyatha waxainchi Nacom pia peaitafaetabi jiwichi. Ichitha bapon Nacom naca cana exana xua waita coxonaewa xua daxota Nacom pia jiwi tatsi wanaexanaenexa, Pexanto tatsi pewanaca tsitũpaexae. Ichitha anoxuae Nacom pia jiwi tatsixaetsi, Jesucristo naca capanenebiya pia peasũ poponae coyenewatha. ¹¹ Jopa meisa baxuiyo, jame jũntũ coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamateixinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

Meje xua Adán yabara irũ Cristo yabara

¹² Caein pon xua copiya abe exana barapo cae pin nacuathe, bapon Adán. Bapon caena bayatha tũpa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana. ¹³ Barapo cae pin nacuathe jiwi abe eexanapona beya poxonae Moisés pia peitorobi coyene tatsi xeina

barapo cae pin nacuathepiwi. Poxonae jiwi cataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomonae pexeinaewa penatsicuenti coyenewa bapontha bequein barapomonae abe exanaetha. ¹⁴ Ichitha po dapaetha poxonae Adán popona weya xua beya poxonae iru Moisés popona, jiwi abe eexanapona. Daxota jiwi xeinapona po coyenewatha xua daxota werapaena barapo jiwi. Barapomonae werapa bequein pia peabe coyenewan tatsi jopa barichiyo icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeicapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

¹⁵ Pocotsi coyene xua Adán naca tsiexana jopa be ichiyo xua pocotsi coyene naca tsiexana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsiexana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po coyene Nacom naca tsiexana bichocono peainya cui coyene, beyacaincha po cui coyene Adán naca tsiexana. Barapo coyene Nacom naca tsiexana xua peantobexae daxita jiwi peyawenaenexa ayei jiwitha. ¹⁶ Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsiexana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentiwa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntu coyene xanepana exana jiwi xua barapo jiwi jopa natsicuentiyo bapontha, abe peexanaexae. Baxua exana Cristo petsitupaexae jiwi. ¹⁷ Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusu beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntu coyene xanepana exana. Daxota Nacom weyatane xua barapomonae jopa xeinaeyo penatsicuenti coyenewa bapontha bequein barapomonae abe exana taetha. Barapomonae Jesucristo ayapusuya nanabaru yawa popona penanabaru yawa itorobinexa tsane ichamonaetha.

¹⁸ Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanae coyenexae xua Jesucristo exana, barapo coyene jiwi cana exanatsi xua capanenebiyatsi penatsicuenti coyenewa weya xua abe peexanaexae. Daxota daxita jiwi pomonae pejume cowantsixae Jesucristo itacupatsi xua ataya asu jinompaena. ¹⁹ Baxua caunután xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najuntu coyene xanepana exanapona Nacomtha. Matauta barapomonae Nacom capanenebiya exana xua pia penatsicuenti coyenewa weya, xua abe peexanaexae.

²⁰ Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanapona jiwi poxonae jopa

yabara jume cuiya exanaeyo pocotsiwa Moisés itoroba. Poxonae jiwi equeicha mataropeicha yaputane Moisés pia peitorobi coyenewa, bapoxonae equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoponae xua peyawenaenexatsi barapomona. ²¹ Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuenti coyenewa xua abe peexanaexae. Nacom jiwi catatsi peajuntayapusu coyenewa po peajuntayapusuwa ataya tsiteca Jesucristo pon Wanacanamataxeinaein wanaca tsitapaexae.

6

Meje yabara xua waxainchi asu jinompatsi caemona wanaexanaexae Cristotha

¹ Waxainchi jopa bewa abe eexanaponaeinchi xua Nacom wanaca yayawenaponaenexa xua daxota wayaputaenexa xua bara Nacom naca antobe. ² Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petapaein ichi, xua jopa itacupaetsi xua equeicha abe peexanaewa, tsipei bayatha tupa. ³ Paxam payaputaneme baxue: Poxonae waxainchi ichamonae naca bautisaba, bapoxonae caemona nanaexainchi Cristo Jesththa. Waxainchi caemona wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa. ⁴ Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petapae cuiru coyene weya, Nacom bara naca ichi tsane. Nacom Cristo paxa asu cana exanatsi pia peitapanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitapanae coicha ayapusu itorobi coyenewatha.

⁵ Tsipei waxainchi be caemona nanaexanaeinchi po petapae coyenewatha poxonae bapon tupa. Barichi tsane poxonae equeicha asu naca exanaena petapae cuiru coyene weya icha matha Cristo ichichi poxonae asu exainchi petapae cuiru coyene weya. Bapoxonae caemona nanaexanaeinchi Cristotha. Daxota icha Cristo ichichi xua poxonae asu exainchi equeicha petapae cuiru coyene weya, naca barichi tsane. Nacom equeicha asu naca exanaena petapae cuiru coyene weya caemona wananaexanaexaetsi Cristotha poxonae be naca yawa tupa Cristo. ⁶ Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane. ⁷ Daxota ba pon xua bayatha tupa jopa itacupaetsi xua equeicha abe peexanaewa. Waxainchi barichichi jopa naca itacupaeyo xua equeicha abe waexanaewa tsane. ⁸ Waxainchi Cristo naca cayawa tupa, daxota jume cowantatsi xua bexa bapon Cristo baru jinompaeinchi. ⁹ Waxainchi yaputainchi, xua poxonae Cristo equeicha asu exanatsi petapae cuiru coyene weya, bapoxonae bapana equeicha jopa tupa exanae tsainchi. ¹⁰ Poxonae

Cristo tupa bapon saya bara cae coyenewatha tupa xua daxita jiwi nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane. ¹¹ Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonae painya nenaexanaexae Cristo Jesustha.

¹² Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan. ¹³ Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya neexanaenexa pocotsiwa Nacom paca itoroba. Bara paichinde icha be ichi xua pomonae bayatha werapa xua equeicha asu exanatsi xua jopa equeicha abe exanaeyo. ¹⁴ Anoxuae barapo abe peexanae coyenewa po coyene xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca necaantobexae.

Meje yabara xua waxainchi bewa exanaetsi pocotsiwa pexainyei coyenewa

¹⁵ ¡Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apra Nacom naca itoroba wanaca yawenaenexa xua wanaca antobexae. ¹⁶ Paxam payaputaneme icha pebin nacaenaeta xua ichichipa exana pocotsiwa xua ichun itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaename, painya neexanaexae barapo abe peexanae coyenewa. Ichacuitha icha paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya juntu coyenein xanepana xua jopa painya nenatsicuentisiwa abe painya exanaexae bapontha. ¹⁷ Ichitha baxua yabara Nacom tsipaeban, janje: “Nacom maisa juntu coyene weiweinan, barapo Roma tomarapiwi pia peexanaexae. Tsipei copiya u saya xua abe coyenewan peexanaewi. Ichitha anoxuae barapomonae cajume cowanta. Barapomonae bichocono jume cowanta pia juntu coyenewatha pocotsiwa pexainyei jume xua barapomonae nacuiduba”, janje Nacomtha. ¹⁸ Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam. ¹⁹ Xan cueicueijan pocotsi jumeintha xua jiwi itacupatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya

pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita juntu coyene xanepanaya jinompame.

²⁰ Poxonae cataunxuae saya ɱ painya neexanaewi abe peexanae coyenewan, bapoxonae jopa ɱ painya neexanae jiwi pocotsiwa pexanepanae coyenewan. ²¹ Poxonae bayatha peabe coyenewan paexaname baraxua apara jopa paca yawenaeyo. Apra saya paca aura exana anoxuae. Ichitha barapo abe peexanae coyenewan saya paca cana exana xua painya new-erapaewa tsane. ²² Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apra poxonae Nacom paca juntu coyene xanepana cana exana bapontha. Matautano Nacom paca catsibina pocotsiwa peajuntucoyenesɱwa po peajuntucoyenesɱwa ataya tsiteca. ²³ Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apra po coyene xua peajuntuɱyapusu coyene po peajuntuɱyapusu coyene ataya tsiteca. Barapo peajuntuɱyapusu coyenewa naca cana exana xua caemonae naexainchi Cristo Jesustha, pon Wanacanamataxeinaein.

7

Meje yabara xua po peitorobi coyenewa poxonae jitha peecaewa yabuɱyo

¹ Tamonae pam, pomonae pam pomonae irɱ painya nejume cowuntu sijiwixae Jesucristo. Paxam barapomonae pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba barapo peitorobi coyenewatha poxonae cataunxuae jinompa barapo cae pin nacuathe. Ichitha poxonae jiwi werapa barapomonae jopa equeicha bewa exanae pocotsiwa barapo peitorobi coyenewa itoroba. ² Paca tsipaebatsi peyabara jɱta paebiwa: Petsiriwa powa xeina piseuri bewa piseuritha cuicuinae pepaebixae barapo peitorobi coyenewa, xua poxonae pia pebin tatsi awiya asɱ popona. Ichitha icha barapowa pia pebin tatsi tatɱpatsi barapowa jopa nantawenonaeyo xua peexanaewa pocotsiwa Moisés itoroba barapo peitorobi coyenewatha xua po coyene pebin yabara paebatsi. ³ Daxota icha barapowa isa maiteca icha pebin xua nasi cui exana icha pebintha poxonae cataunxuae barɱ popona pia pebin, bapowa bapoxonae Nacom tsita natsicuentatsi xua abe peexanaexae. Ichitha icha bapowa pia pebin tatsi tatɱpatsi barapowa itacɱpatsi xua pepichiwa icha pebin. Barapowa jopa Nacom tsita natsicuentatsi xua abe peexanaexae. Poxonae baxua exana, tsipei barapo peitorobi coyenewa jopa yabara paebiyo baxua.

⁴ Tamonae pam, paxam pomonae irɱ painya nejume cowuntu sijiwixae Jesucristo. Barichi bara jɱta ichi poxonae Cristo tɱpa, paxam irɱ be pawerapame. Daxota jopa panantawenonaem xua paexanaename pocotsiwa Moisés itoroba pia peitorobi coyenewatha. Anoxuae paxename ichɱn pon paca itoroba. Baraxua barichi icha yabuɱyo ichi xua pita icha pebin pon bapowa itorobatsi poxonae piseuri tatsi tatɱpatsi. Anoxuae paxam Cristo piamonae tatsi pam, pon equeicha asɱ exanatsi petɱpae cuiru coyene weya. Barapo coyenewatha Nacom naca cana exana xua wanaca itacɱpaewa xua waexanaewa tsane pocotsiwa xanepana Nacom nexa. ⁵ Poxonae waxainchi copiya jume cowuntatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajuntu coyenewatha ichichipatsi nawita xua waexanaewa barapo abe peexanae coyenewan

poxonae jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane. ⁶ Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacupaetsi xua wanaca itorobiwa. Daxota anoxuae naca itacupa xua watanacuichiwa Nacom. Waxainchi xeinatsi pena jüntabũ coyene po pena jüntũ coyene Nacom pia Pejumope tũnaxũ tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

Meje yabara xua Pablo jeye: “Meje xua po peabe exanae coyene xeinan”, jei.

⁷ Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa poxonae yabara uwiya ichichipan pocotsiwan ichamonae xeina. Ichitha barapo peitorobi coyenewa naca tsipaeba, naca jeye: “Jopa yabara uwiya paichichipaeinde pocotsiwa xua ichamonae xeina”, jei barapo peitorobi coyenewa. ⁸ Poxonae copiya jume cowũntan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonae piawan. Ichitha jame ichichipan nawita tajũntũ coyenewatha xua taxeinaewa tsane xua ichamonae piawan poxonae jume tan xua jopa bewa ichichipaein tsane xua taxeinaewa tsane ichamonae piawan. Poxonae awiya jopa yaputaeinyo Moisés pia peitorobi coyenewa jopa ichipaeinyo xua taxeinaewa pocotsiwa ichamonae piawan. ⁹ Caena bayatha poxonae jopa yaputaeinyo Moisés pia peitorobi coyenewa xan saya jũntema poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonae piawan peuwiwa yabara, awiya bichocono abe exanaponan. Bapoxonae bara be tatũpae coyenewaba tsipei jopa jũntema tapoponaewa abe taexanaexae. ¹⁰ Barapo Moisés pia peitorobi coyenewa tatsi Nacom cata xua jiwi pejũntũ coyene weiweinaenexa xua poxonae pejũntũ coyene xanepanaewa tsane. Poxonae jiwi jume cowũntsiya exana daxita xua barapo coyenewatha itoroba, barapo jiwi bexa tsane xeinaena peajũntũyapũsũwa xua bara ataya tsane xeinaena. Daichitha barapo coyenewa wecoyei necana exana tsipei bewa tatũpae coyenewa tsane poxoru jopa neitacũpaeyo xua exanan daxita xua barapo coyenewa itoroba. ¹¹ Barapo Moisés peitorobi coyenewa be netsita penaerabi coyenewa. Mexeya itara xeinacuaein jantocuae peajũntũyapũsũwa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita itũta xua bewa tũpaein tanatsicuentiswaxae abe taexanaexae Nacomtha.

¹² Daxita po peitorobi coyenewan Nacom cata Moísesta daxita bara wũnae, yawa bara pexainyei coyenewan. ¹³ Barapo Moisés pia peitorobi coyenewa jopa necana exanaeyo xua bewa tũpaein tanatsicuentiswaxae abe taexanaexae Nacomtha. Apra jame barapo abe taexanae coyene necana exana xua be tũpaein tanatsicuentiswaxae abe taexanaexae Nacomtha. Bequein barapo Moisés pia peitorobi coyene tatsi wũnae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

¹⁴ Yaputainchi xua Moisés pia peitorobi coyenewa tatsi apra xanepana, Nacom weya pejume pichipaexae. Ichitha poxoru saya jiton jũntũ coyeneya

taxeinaeinxae tajuntũ coyene necana exana xua abe taexanaewa. ¹⁵ Tsipei jopa xapain yaputaeinyo pocotsiwa xua exanan, poxoru jopa exanaeinyyo pocotsiwa xua xanepana xua pocotsiwa ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, daichitha apara baxua exaneiban. ¹⁶ Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan. ¹⁷ Tacoutha jopa ichipaeinyo xua abe taexanaewa bequein baxua exanan. Ichitha barapo abe peexanae coyenewa xua tajuntũ coyenewatha xeinan, barapo coyene necana exana xua apara abe taexanaewa. ¹⁸ Tsipei xan yaputan xua xeinan jiton pia coyene. Daxota jopa xeinaeinyyo pexanepanae coyenewa. Bequein ichichipan xua xanepanaya taexanaewa, ichitha jopa neitacũpaeyo xua baxua exanan tacoutha. ¹⁹ Jopa exanaeinyyo po pexanepanae coyenewa bequein ichichipaethan xua taexanaewa. Ichitha ¼ exanaponan po abe peexanae coyenewan bequein aichaxaibithan xua taexanaewa. ²⁰ Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacũpaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntũ coyenewatha xeinan, barapo coyene necana exana xua equeicha mataropeicha abe taexanaewa.

²¹ Daxota nayaputan pocotsiwa exaneiban tajuntũ coyenewatha, xua poxonae bequein ichichipan beta taexanaewa tsane bapoxonae abe exaneiban. ²² Bichocono ichichipeiban tajuntũ coyenetha Nacom Pejume Diwesi tatsi. ²³ Ichitha yaputan xua po peabe coyenewa tajuntũ coyenewatha xeinan neitoroba xua abe taexanaewa tsaibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntũ coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

²⁴ ¡Ooo, jopa taxanepanae tsocuaeinyo! ¡Jopa tajuntũ coyene wũnae tsocuaeinyo! ¿Jintam metha necapanepaena barapo tapepon weya po pepon xua bewa tũpaena? ²⁵ Daxota Nacomtha janje: “Nacom jũntũ coyene weiweinan xua Jesucristo, pon Tanecanamataxeinaein, itacũpatsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntũ coyenewatha exanan pocotsiwa xua abe taexanaewa.

8

Meje yabara xua peajũntũyapũsũya pejinompaewa po peajũntũyapũsũwa Nacom pia Pejumope tũnaxũ tatsi naca cata

¹ Dapon ajibi pon itacũpatsi peyabara paebiwa xua pomonae caemonae penaexanaewi Cristo Jestushta natsicuenta abe peexanaexae Nacomtha. ² Nacom pia Pejumope tũnaxũ tatsi naca cata peajũntũyapũsũwa xua wajinompae coyenewanexa xua caemonae xua wanaexanaexaetsi Cristo Jestushta. Barapo Nacom pia Pejumope tũnaxũ tatsi neyawena pia peayapũsũ itorobi coyenewatha. Necapanepa exana po peitorobi coyene weya xua neitoroba xua abe taexanaewa. Mataũtano necapanepa exana xua po peitorobi coyene weya tũpa necana exana. ³ Moisés pia peitorobi coyenewa tatsi jopa itacũpaetsi xua jiwi capanenebiya exainchi abe pia peexanae cuiru coyenein weya. Jiwi jopa itacũpaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto

itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca peru coyene jupa, po pepontsi xua abe waexanae jiwichi. Poxonae Cristo tsitupa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacupaenexa tsainchi xua wanaca cana exanaewa tsane xua equeicha abe waexanaewa tsane. ⁴ Nacom baxua exana xua waxainchi wanaca itacupaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacupa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apara jame exainchi xua pocotsiwa Nacom pia Pejumope tñaxu tatsi wanaca itorobixae.

⁵ Pomonae exana dubenanaebiya pocotsiwa pia pepon ichichipa exana, saya barapomonae yabara nanta xeina xua abe peexanae coyenewa. Pomonae exana dubenanaebiya icha pocotsiwa Nacom pia Pejumope tñaxu tatsi ichichipa, barapomonae saya yabara nanta xeina xua xanepanaya peexanae coyenewa pocotsiwa Nacom nexa. ⁶ Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Bapoxonae barapo jiwi werapaena peexanaexae barapo abe peexanae coyene. Iru icha jiwi ba yabara nanta xeina xanepanaya peexanae coyenewan xua pocotsiwan Nacom pia Pejumope tñaxu tatsi ichichipa, barapomonae xeinaena peajuntuyarusawa po peajuntuyarusawa xua bara ataya tsane. Matautano xeinaena juntema pejinompae coyenewa. ⁷ Pomonae saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonae apara Nacom pia peaitafaetabi jiwichi. Barapomonae jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itacupaetsi xua peexanaewa barapo coyene. ⁸ Pomonae naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonae Nacom jopa tsita xanepanaetsi.

⁹ Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinompame icha be pocotsi coyeneya Nacom pia Pejumope tñaxu tatsi ichichipa, icha barapo jumope yatsicaewa paca baru jinompa. Pon jopa Nacom pia Pejumope tñaxu tatsi baru poponaetsi, bapon jopa Cristo pijimonae tatsi. ¹⁰ Ichitha icha Cristo paca baru popona, Nacom pia Pejumope tñaxu tatsi paca cana exana xua jopa painya nenatsicuentiswam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nejuntu coyene xanepanaexae Nacomtha. ¹¹ Nacom pia Pejumope tñaxu tatsi Jesús asu exanatsi petupae cuiru coyene weya. Icha Nacom pia Pejumope tñaxu tatsi paca baru popona, bapoxonae Nacom asu exanaena painya pepon, po pepon xua werapaena. Baxua Nacom pacata exanaena, icha Nacom pia Pejumope tñaxu tatsi ichi poxonae Cristo asu exanatsi petupae cuiru coyene weya. Baxua Nacom exanaena painya nepaca baru jinompaexae Nacom pia Pejumope tñaxu tatsi.

¹² Tamonae pam, paxam pomonae iru painya nejume cowantsiwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane. ¹³ Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonae pawerapaename. Ichitha jame paexana dubenanaebiyama pocotsiwa Nacom pia Pejumope tñaxu tatsi paca cui

itoroba xua painya neexanaewa tsane. Bapoxonae jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonae bexa tsane ajuntusuya pajinompaename Nacom pia nacuathe-icha.

¹⁴ Daxita pomonae Nacom pia Pejumope tɨnaxɨ tatsi itorobiya ewata, barapomonae bara Nacom pia pexui tatsi. ¹⁵ Nacom paca nacana jumope cata. Barapo pejumope jopa paca cana exanaeyo pomonae be painya nepaca busi cui tatayebeibi jiwi pam xua ichamonae amanaya painya netanacuichi jiwi pam, xua daxota equeicha pajunuwame. Jame barapo Nacom pia Pejumope tɨnaxɨ tatsi paca cana exana xua Nacom pia pexui tatsi pam. Barapo Nacom pia Pejumope tɨnaxɨ tatsi naca exana xua barompaya wajeiwa: “Axa”, wajeiwa Nacomtha. ¹⁶ Nacom pia Pejumope tɨnaxɨ tatsi irɨ wajuntɨ coyenewa natsipaebabe xua pinae bara Nacom pia pexui tatsi wanaexanaewichiba. ¹⁷ Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca jɨntana jebiwa xua bexa tsane naca catsibina. Barapocotsiwa bayatha yabara naca tsiwɨnae muxu duba. Poxonae Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonae naca atene exana, icha poxonae Cristo ichichi xua matha atene exanatsi ichamonae, bapoxonae waxainchi Cristo barɨ xeinaeinchi pocotsiwa Nacom wanaca jɨntana jebiwa. Nacom naca catsibebina po pexeinya peitɨpanae coicha xua bayatha Cristo catatsi.

Meje yabara xua Nacom piamonaetha catsicaena pia pexeinya peitɨpanae coicha

¹⁸ Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Mataɨtano yaputan xua Nacom cata pia pexeinya peitɨpanae coicha Jesustha. Barichi naca catsibina barapo pexeinya peitɨpanae coicha po pexeinya peitɨpanae coicha xua jopa juniya wɨnaeyo. ¹⁹ Daxita po jiwi Nacom forota barapo cae pin nacuathe, barapo jiwi wɨnae weyataeya ewata po mataqueitha poxonae Nacom tsita itɨtsina piamonae. Nacom tsita itɨtsina piamonae xua daxita jiwi peyaputaenexa tsane xua xaniwaicha barapomonae apara Nacom pia pexui. ²⁰ Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopat-sixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana jɨntɨ coyene weta exana xua pejopaewa tsane matabi po mataqueitha xua barapo cae pin nacue pena nacua naexanaena.

²¹ Barapo cae pin nacuathe xua pena nacua, jiwi jopa bapana equeicha werapae tsane. Mataɨtano daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom wɨnae cana exanaena, icha pijimonaetha cana ichi tsane xua pijimonaetha tatsi bichocono wɨnaeya xanepana naexanaena. ²² Waxainchi yaputainchi daxita baxuan xua pejinompaewan xua Nacom peforotsiwan caena bayatha atene xua beya anoxuae. Atene icha yabɨyo ichi xua bichocono atene poxonae imoxoyo pexuyo tanaexanatsi. ²³ Daxita baxuan meisa jopa ateneyo. Bara irɨ waxainchi daxitatsi atenetsi bequein Nacom pia Pejumope tɨnaxɨ tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom bexa naca catsibina. Bichocono ajuntɨcoyenerewetsi xua jɨnthɨthɨ wecoyeichi, poxonae waxainchi ewatatsi po mataqueitha poxonae Nacom

yatsicaewa naca cana exanaena pia pexuichi, xua barichino naca catsibinano pena pepon. ²⁴ Poxonae Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae abu wunaewatatsi. Icha waxainchi xeinaeinchi pocotsiwa xua wunaewatatsi bapoxonae jopa nantawenonaetsi xua came wunaewatatsi, tsipei bayatha xeinaeinchiba. Poxoru jiton ba jopa came wunaewatsiyo pocotsiwa xua bayatha xeinaba. ²⁵ Ichitha icha wunaewatatsi pocotsiwa xua came jopa xeinaetsi bapoxonae bewa wunaewatichi xua jopa bepijawa aitaconaetsi.

²⁶ Barichi Nacom pia Pejumope tūnaxu tatsi naca yawena tsipei waxainchi wajuntu coyene faefaenaewi. Waxainchi jopa yaputaetsi xua betiya cuitiya wucatsi Nacom. Ichitha poxonae juntu coyene bojeichi, poxoru jopa wanaca itacupaewa xua po jumetha wacaunutsiwa, bapoxonae Nacom pia Pejumope tūnaxu tatsi nacata wuca Nacomtha. ²⁷ Nacom, bapon yaputane pocotsiwa xua jiwi pia juntu coyenewatha nanta xeina. Matautano barapon yaputane pocotsiwa Nacom pia Pejumope tūnaxu tatsi ichichipa paeba jiwi nexa. Nacom pia Pejumope tūnaxu tatsi Nacom wucatsi icha be pocotsi coyeneya Nacom ichichipa pomonae xua Nacom piamonae tatsi nexa.

Meje yabara xua waxainchi amanayabatsi po coyenein xua bequein naca atene exana

²⁸ Waxainchi yaputainchi xua daxita po coyenein xua nacata exana bequein wunaewatatsi, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonae pia peantobexaetsi. Barapomonae Nacom waba petaexanaewa tsainchi pocotsiwa bapon ichichipa. ²⁹ Caena bayatha poxonae aena nacua forota, Nacom tsiwana yaputane barapomonae pomonae pejume cowantsiwichi tsainchi. Matautano Nacom itapeta xua pecana exanaenexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi. ³⁰ Pomonae xua Nacom itapeta xua caena bayatha xua copiya poxonae aena nacua forota, bara yawano Nacom waba xua peexanaenexa pia pexui tatsi. Pomonae Nacom pewabixae bara yawano exana xua barapomonae jopa penatsicuentsiwa xua abe peexanaexae pecatsixae pejuntu coyene xanepanaewa bapontha. Pomonae xua Nacom pejuntu coyene xanepana exanaexae, bara yawano yabara tsiwunaewatatsi muxu duta xua barapomonae naexanaena icha be Nacom Pexanto tatsi ichi.

³¹ Anoxuae waxainchi yaputainchi xua Nacom naca yawena daxota dapon ajibi pon naca juntu coyene amanayaba xua abe wanaca exanaenexa. ³² Poxoru Nacom Pexanto jopa asiwiyo daxota Nacom copata xua wanaca tsitupaenexa. Daxita waxainchi yaputainchi xua daxota daxitan coyenein Nacom amanaya naca catsiba po coyenein canamatawenonatsi. ³³ Dapon ajibi xua itacupatsi yabara paeba xua pinae Nacom tsita natsicuentatsi pomonae pia peitapetsiwixae tatsi xua abe petsita exanaexaetsi. Nacom yabara paeba xua pinae apara jopa barapomonae tatsi natsicuentatsi xua abe petsita exanaexaetsi bequein abe exana taetha. ³⁴ Matautano dapon ajibi xua itacupatsi yabara paeba xua barapomonae bewa werapaena penatsicuentatsixae xua abe peexanaexae Nacomtha. Barapomonae jopa bewa werapae tsane, tsipei Cristo Jesús tsitupa barapomonae, abe peexanaexae Nacomtha. Bapon Cristo Jesús equeicha asu exanatsi. Anoxuae eca Nacom pia coxa weya tatsi. Bapon Cristo Jesús Paxatha wuca xua nacata wuca. ³⁵ Cristo naca antobe, daxota dapon ajibi pon itacupatsi xua tsanayiya naca cana exana Cristo weya. Ichacuitha ichamonae atene wanaca exanaewichitha awiya Cristo naca antobe. Ichacuitha ichamonae

daunwei wanacata exanaewichitha awiya naca antobe. Ichacuitha ichamonae abe wanacata exanaewichiwathatsi wayabara cueicueijeixae Jesús awiya bapon naca antobe. Ichacuitha wajainpaewichiwathatsi awiya naca antobe. Ichacuitha wanacata acoibichiwathatsi paparuwa awiya naca antobe. Ichacuitha wanapeipeichiwathatsi poxonae ichamonae abe nacata exana awiya naca antobe. Ichacuitha ichamonae wanaca jutebichiwathatsi awiya naca antobe. Daxita barapo coyenein jopa canaupaetsi xua tsanayiya wanaca exanaewa Cristo weya. ³⁶ Icha naca ichi daxita barapo coyenein, barichiru Nacom Pejume Diwesitha bayatha baxua yabara naca tsiwuna muxu duta, jeye:

“Nacom poxoru tapaca cajume cowantsi
jiwixaetsi daxita maticabin tsaibi
ichamonae ichichipa pana jutebeiba.
Barapomonae pana necana exaneiba icha jiji
ichi xua poxonae daxita maticabin ovejan
capaneiba pon oveja pejutebeibin beya”,
jei Nacom Pejume Diwesitha, xua
yabara naca tsiwuna muxu duta.

³⁷ Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapuru itorobi coyenewatha pon wanaca antobein. ³⁸⁻³⁹ Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxonae tupaethatsi, yawa bara bequein poxonae jinompaethatsi. Iru matatsunpiwi jopa canaupaetsi xua tsanayiya wanaca cana exanaewa, bequein iru caurimonaeru, bequein iru pocotsiwan xua anoxuae exanaponaeru, bequein iru xua pocotsiwan bexa tsaneru, bequein iru xua pocotsiwan wetsica patopaenano, bequein iru xua pocotsiwan ira wetsinano, bequein iru ichawano xua pocotsiwa Nacom forota. Bara bequein daxita barapo coyenein, ichitha jopa canaupaetsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacanamataxeinaein.

9

Meje yabara xua Nacom itapeta judiomonae

¹ Pocotsiwan paca tsipaebatsi barapocotsiwan pexainyei jumein. Tajume cowantsixae Cristo, bara jopa naerabinyo. Tajuntu coyenetha Nacom pia Pejumope tuxaxu tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan. ² Xainyan, wecoyan. Bichocono tamonae siwa anthathutanein tsaibi jopa pejume cowantsixae Cristo. ³ Bichocono antobein barapomonae pomonae tanacuapiwi. Daxota nayabara paeban, janje: Bena bequein siwa tupaetaein tamonae xua bequein tsana tanaexanaewa Cristo weya, xua be poxonae Nacom tsita tanatsicuentsiwa xua barapomonae abe pia peexanae coyenewan nexa. Bapoxonae xua Nacom tamonae pia pecapanenebiyaenexatsi, daxota Nacom copata xua ichamonae nebexubina, najanje. ⁴ Pon Israel, pon caena bayatha tupa, bapon nawun cata tamonaetha. Daxota tamonae “israelmonae”, baraichi. Bapon pia pemomoxi susato jiji tatsi pomonae tamonaexae Nacom barapomonae pia pexui exana. Barapomonae bayatha Nacom yanta popona xua daxota barapomonae tane Nacom pia pexeinya peitupanae

coicha poxonae xua beta exana barapomonaе nexa, Nacom tsipaeba barapomonaе pocotsiwa xua bapon peichichipaewa. Matautano Nacom yabara tsiwɛnae muxu duta pomonaetha pomonaе xua ataya yaweneibina barapomonaе peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Matautano Nacom cata barapomonaе po coyene xua barapomonaе xaniwaicha wɛnae pejainchinexa bapontha. Matautano Nacom yabara tsiwɛnae muxu duta barapomonaе xua Cristo pepatopeicaewa tsane. ⁵ Barapomonaе wamo susato jiwi pia pemomoxi susato jiwi tatsi. Cristo be jiton coyeneya naexana barapomonaе jiwana pomonaе pia pemomoxi susatopiwi jiwana tatsi. Bapon Cristo apara bara Nacom. Barabɛ Nacom bara ataya wɛnae jainteibinchi pon xua daxita coyeneintha canamataxeina.

⁶ Ichitha barapomonaе bequein Nacom cata daxita barapo coyenein, daichitha anoxuae barapomonaе jopa Nacom xanepanaya beta tsita jinompaetsi jopa Cristo peyabara jume cowantsixaetsi. Bequein ichamonae nanta xeinaetsipa xua pinae Nacom Pejume Diwesi jopa ainya cuiyo xua barapomonaе jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonaе nanta xeina. Baraxua jame tsita itapeinya xeina xua apara jopa daxitiyo pomonaе Israel pia pemomoxi susato jiwi tatsi xua Nacom piamonaе tatsi. ⁷ Matautano Abraham pia pemomoxi susato jiwi tatsi apara jopa daxitiyo barapomonaе xua Nacom piamonaе tatsi. Nacom caena bayatha tsipaeba Abrahamtha, jeye: “Xam xeinaename pomonaе pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom. ⁸ Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonaе pejume cowantsixae xua Nacom pia peyabara tsiwɛnae muxu dutsiwa. Barapomonaе jume cowanta Nacom pia peyabara tsiwɛnae muxu dutsiwa xua Cristo capanenebiyaena barapomonaе. ⁹ Tsipei Nacom tsipaeba Abrahamtha poxonaе yabara tsiwɛnae muxu duta. Nacom jeye: “Barapo xometotha xua icha weitha taitorobi coyenewatha bapoxonaе Sara pexanto pabetsina pebin wuto xua nexanto tsane”, jei Nacom.

¹⁰ Jopa meisa baxuiyo, ichawano Nacom exana. Sara pexanto tatsi naexana pewɛn Isaac. Poxonaе Isaac pinyo, bapon nacueyoba piowa, pewɛn Rebeca. Rebeca tanama ecatsibe pebin wutobe. Barapo pexuyobe cae axa nantautebe bapon Isaac, pon wamo susatopin. ¹¹⁻¹³ Caena bayatha pewɛnaeya poxonaе barapoyobe jopa naexanaebe, xuano pewɛnaeya xua poxonaе barapoyobe jopa abe exanaeyobe matautano pewɛnaeya xua poxonaе jopa wɛnae exanaebe, bapoxonaе Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume jupabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematatan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomonaе xua peichichipaewa, xua pewabiwa barapomonaе. Nacom jopa yabara itapetsiyo barapomonaе peexanaexae pocotsiwa Nacom peichichipaewa.

¹⁴ Ichamonae paeba, xua pinae Nacom jopa xapain exanaeyo poxonaе caein jiwana itapeta, xua poxonaе ichɛn naitematatsi. Apara jopa xapain wɛnaeyo xua barapomonaе Nacom yabara paebatsi. ¹⁵ Tsipei Nacom paeba Moiestha, jeye: “Pomonaе wɛnaeya yabara nanta xeinaein xua

tayawenaenexa, barapomonaē beta yawenaēin”, jei Nacom. ¹⁶ Baxua naca cuiduba xua jopa jiton itapetichi poxoru wūnaē peexanaēxae. Matautano jopa itapetichi xua poxoru peichichipaēxae xua peitapetsiwatsi. Saya jame pebiwi itapetatsi poxonaē Nacom wūnaēya yabara nanta xeina xua peyawenaēnaēnaēna tsane barapomonaē. ¹⁷ Nacom cueicueije pejume diwesitha nacua peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apara xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeinya tsita itatsi coyenewa exanaēin xua tsita itapeinya xeinaēin xua xan xeinan bichocono peayapusu itorobi coyenewa. Matautano exanaēin xua daxitan nacuan jiwi taneyabara jume taenexa”, jei Nacom. ¹⁸ Daxota yaputainchi xua Nacom itacupatsi xua wūnaēya yabara nanta xeina xua peyawenaēnaēnaēna pontha pon ichichipa xua peyawenaēwa. Matautano Nacom saya yabara copata xua ichan pejuntu coyenetha pexeinaēwa po coyene pejumefebi coyenewa. Baxuan Nacom cana exana pomonaētha pomonaē Nacom ichichipa xua xeinaēna barapo coyenein.

¹⁹ Metha paxam pana nebaram xua barapomonaē yabara xua pajam: “Poxonaē Nacom atene exana pomonaētha pomonaē petsita natsicuentsex-aetsi xua abe peexanaēxae ¿baxua Nacom jopa xaniwaicha exanaēyo jampa? Nacom copata xua barapomonaē xeina pejuntu coyeneintha pejumefebi coyenewan. ¿Barapomonaē Nacom tsita natsicuentatsi jampa, poxonaē Nacom bequein copata baxua jampa?” pajam. ²⁰ Ichitha paca jume notatsi, janje: “iPaxam pebiwi tsobenae pam! ¿Eta po jiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha pon peexanaēxaetsi: ‘¿Eta xua metha bara necanauta jutsiya exaname?’ xua pejeiwa juruwato. Bapana juruwato jopa itacupaetsi xua pepaēbiwa baxua”, paca jeichi. ²¹ Pon xua juruwato peexanaēin bapon itacupatsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacupatsi xua pexeinya juruwato exana xua bichocono ainya matoma. Matautano bapon itacupatsi xua bara cana exana xua jopa wūnaēyo xua saya pecasetsinexa.

²² Nacom barichi itacupatsi xua jiwi pecana exanaēwatsi be pocotsi coyeneya xua ichichipa. Bequein Nacom ichichipa tsita itata pia peanaēpanaēwa pomonaētha pomonaē abe peexanaēwi, ichitha jopa cataunxuae baxua exanaēyo. Matautano bequein ichichipa tsita itata pia peayapusu itorobi coyenewa po coyene xua barapomonaē tupa peexanaēwatsi, ichitha Nacom jopa cataunxuae baxua cana exanaēyo barapomonaētha. Ichitha Nacom caena bayatha beitatemaya taetaepona xua barapomonaē abe pia peexanaē coyenewan, po abe coyenewan xua Nacom anaēpana exanatsi. Barapomonaē muxu peweraweracae exanaetsi abe peexanaēxae. ²³ Nacom beitatemaya naca taetaepona wanaca tsita itatsinexa daxita waxainchi xua bichocono bara ichichipa xua wanaca yawenaēwa tsane bayatha itapeta wanaca antobewaxae. Caena bayatha Nacom yabara naca tsiwūnaēta xua iru waxeinaēnaēna Nacom pia pexeinya juntu coyenewa xua bichocono peantobewa. ²⁴ Nacom naca waba pomonaēxaetsi pomonaē judiomonaē jiwanaetsi. Matautano Nacom naca waba pomonaēxaetsi pomonaē jopa judiomonaē naexanaēyo jiwanaetsi. ²⁵ Baxua Nacom yabara paēba pejume diwesitha pomonaē yabara, pomonaē jopa judiomonaē naexanaēyo po diwesitha ichaxota Oseas tina. Nacom jeye: “Pomonaē copiya jopa tamonaēyo, barapomonaē yabara jan tsane, ‘Apara tamonaē’, jan tsane. Matautano pomonaē copiya jopa antobeinyo

barapomonaē yabara jan tsane:
‘Apara taantobe jiwi’, jan tsane.

²⁶ Matautano ichaxota ba jiwi yabara jan: ‘Paxam jopa tamonaē pam’, jan, baraxota barapomonaē yabara jan tsane: ‘Apara paxam tapexui pam, po Nacomxaein ataya tsitecaeya jiwi asu jinompa taexanaein’, jan tsane”, jei Nacom, ichaxota po diwesitha Oseas tina pon caena bayatha tupa.

²⁷ Barichi iru Isaías yabara jeye judiomonaē: “Bequein judiomonaē bi-chocono jiwi ayaxa icha taetowan ichi xua bobena mar mene itapatha, daichitha saya be conotha barapo judiomonaē jiwana pomonaē xua Nacom capanenebiya. ²⁸ Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentisixaetsi xua abe petsita exanaexaetsi. Yawano jiwi ayei weraweraca exanaeinchi xua Nacom exanaena”, jei Isaías. ²⁹ Isaías copiya yabara tsiwunaē muxu duta, jeye:

“Nacom apara bapon pon xua itoroba
daxita coyeneintha.

Bapon wunaeya naca yabara nanta xeina xua
wanaca yawenaewa tsane xua awiya be
conotha pejinompaenexa pomonaē wamomoxi
susato jiwi jiwana, xua daxita
jopa peweraweracaewa tsane.

Icha Nacom jopa baxua exanaetsipae, bapoxonaē
waxainchi bara naca juta ichipae icha bayatha
Sodoma tomarapiwi cana ichichi, matautano icha
matha Gomorra tomarapiwi cana ichichi xua
daxita weraweraca”, jei Isaías
Nacom Pejume Diwesitha.

*Meje yabara xua judiomonaē jopa jume cowuntsiyo Nacom pia pexeinya
jume diwesi tatsi*

³⁰ Barapo peyabara jutiya paebiwana naca yaputane exana xua apara pomonaē jopa judiomonaē naexanaeyo Nacom jopa tsitatsi xua barapomonaē penatsicuentiswi xua abe peexanaexae. Baxua Nacom cana exana barapomonaētha bequein barapomonaē jopa tsaqueinaeyo xua pexeinaewa pejuntu coyene xanepanaewa Nacomtha. Barapomonaē xeina pejuntu coyene xanepanaewa Nacomtha Cristo pejume cowuntsisixaetsi. ³¹ Ichitha nama barapo judiomonaē paeba, jeye: “Nacom naca juntu coyene xanepana exanaena xua jopa Nacom watsita natsicuentisinxatsi xua abe waexanaexaetsi bapontha. Bapon baxua naca cana exanaena icha exanaeinchi pocotsiwa Moisés pia peitorobi coyenewatha itoroba”, jei barapomonaē. Daichitha barapomonaē judiomonaē jopa itacupaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha. ³² ¿Eta xua metha jane xua barapomonaē jopa itacupaetsi xua exana pocotsiwa Moisés pia peitorobi coyenewatha itoroba? Metha poxoru barapomonaē nanta xeina xua poxonaē beta exana bapoxonaē jopa pexeinaewa tsane penatsicuentiswi Nacomtha. Barapomonaē jopa jume cowuntsiyo xua Nacom itorobica Cristo, daxota barapomonaē Nacom tsita natsicuentatsi xua abe petsita exanaexaetsi. Barapomonaē nacabeta exana, poxonaē jopa jume cowuntsiyo Nacom, atene peexanaexaetsi tsane icha jiton ichi poxonaē xuirapopa ibototha xua pia coutha nacabeta exana xua atene naexana.

33 Nacom Cristo yabara paebatsi pejume diwesitha. Icha jiwi ichi poxona nacabeta poxona xuirabathopa ibototha, barichi jiwi nacabeta poxona Cristo jopa jume cowantichi. Nacom jeye:
 “Jerusalén tomaratha po tomara atororo
 xua po tomara pewan Sión
 barapo tomaratha notsin pon
 jiwi pecapanenebiyaenexa tsainchi.
 Jiwi nacabeta exana poxoru barapo jiwi
 jopa jume cowantsiyo bapontha,
 icha jiwi ichi xua nacabeta exana
 poxona xuirabathopa ibototha.
 Pon jume cowantsina bapontha, jopa bapana
 juntu natsepanayae tsane”, jei Nacom.

10

1 Tamona pam, paxam pomona iru painya nejume cowantsiwixae Jesucristo. Maisa bichocono tajuntu coyenewatha ichichipan daxota bichocono Nacomtha tsipaeban judiomona nexa, xua barapomona pecapanenebiyaenexa tsainchi abe pia peexanae cuiru coyenein weya.
 2 Barapomona yabara paeban xua barapomona judiomona bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomona peexanaewa.
 3 Barapomona jopa yabara yaputaeyo xua pocotsiwa poxona Nacom juntu coyene xanepana exana jiwitha xua jopa xeinaeyo penatsicuentisiwa Nacomtha xua abe peexanaexae. Barapomona jujuta xua icha barompaya pia cui coyeneyatha exanaena xua bapoxona pexeinaenexa tsane pejuntu coyene xanepanaewa Nacomtha xua jopa penatsicuentisiwa xua abe peexanaexae. Barapomona jopa exanaeyo be pocotsi coyene Nacom itoroba jiwitha xua Cristo pejume cowantsixaetsi xua bapoxona jiwi pexeinaenexa pejuntu coyene xanepanaewa Nacomtha. 4 Barapomona jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenonaeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxona yabara jume cuiya exanaena pinae xeinaena pejuntu coyene xanepanaewa.
 5 Caena bayatha Moisés yabara paeba xua pinae pia peitorobi coyene tatsi itacupatsi xua jiwi juntu coyene xanepana exanatsi Nacomtha xua jopa petsita natsicuentisiwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tinan, bapoxona bapon bara ataya tsitecaeya poponaena peajuntu yapusu coyenewatha”, jei Moisés. 6 Nacom Pejume Diwesitha yabara paeba pomona jopa xeinaeyo penatsicuentisiwa Nacomtha pejume cowantsixae Cristotha. Nacom jeye: “Jopa pananthathu yainyabinde, jopa pajande: ‘Jintam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopa pajande. 7 Matautano jopa pajande: ‘Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petupae cuiru coyene weya?’ jopa pajande”, jei Nacom. 8 Nacom equeicha pejume diwesitha pejuntu coyene xanepanaewa yabara jeye: “Tajume diwesi bara imoxoyo dubena xua paca itacupa painya necueicueijeinexa barapo diwesi. Matautano paca itacupa xua painya neyabara nanta xeinaewa barapo diwesi”, jei Nacom xua pejume

diwesitha. Barapo diwesi bara najupabe po diwesi xua yabara paca cuidubatsi xua painya nejume cowantsiwa. ⁹ Icha paichichipame xua Nacom painya nepaca capanenebiwa bewa paexanaename barapo coyenewabe: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowantsim painya nejuntũ coyeneintha xua Nacom Jesús equeicha asũ exanatsi petupae cuiru coyene weya. Bapoxonae Nacom paca capanenebiyaena abe painya neexanae coyenewan weya. ¹⁰ Poxonae jiton jume cowanta pia juntũ coyenewatha Jesustha bapoxonae jopa Nacom tsita natsicuentŝichi xua abe petsita exanaexaetsi. Poxonae jiton yabara cueicueijeŝi xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cuiru coyenewan weya.

¹¹ Nacom Pejume Diwesitha jeye: “Pon jume cowanta Cristotha, Cristo yawenaena xua daxota jopa bapana juntũ coyene natsepanayae tsane”, jei Nacom, xua pejume diwesitha. ¹² Nacom jopa tsita seicayatsi daxita jiwi, bara saya tsita najupatsi, bequein bara metha judiomonae tsipae irũno metha bequein jopa dapomonae tsipae pomonae jopa judiomonae naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonae pewũcae jiwixaetsi. ¹³ Tsipei Nacom Pejume Diwesitha jeye: “Daxita pomonae wũca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonae bara capanenebiya tsainchi”, jei Nacom. ¹⁴ Jiwi jopa itacũpaetsi xua petsipaebiwa pontha pon jiwi Pecanamataxeinaein icha jopa jume cowantsiyo bapontha. Matautano jopa itacũpaetsi xua pejume cowantsiwa pontha pon jiwi Pecanamataxeinaein icha jopa bapana yabara jume yaputae bapontha. Matautano jiwi jopa itacũpaetsi xua peyabara jume yaputaewa bapon icha ichamonae jopa capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein. ¹⁵ Matautano jiwi jopa itacũpaetsi xua pecueicueijeŝiwa xua po diwesi pon jiwi Pecanamataxeinaein peyabara paebiwatsi icha dapomonae ajibi pomonae itoroba barapomonae aetha xua barapomonae pecueicueijeinexa. Nacom Pejume Diwesitha yabara jei baxua: “Maisa bichocono daxua wũnae xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”, jei Nacom Pejume Diwesitha.

¹⁶ Daichitha jopa daxita jiwŝiyo xua ichichipa pejume taewa barapo pexeinya jume diwesi. Baxua Isaías yabara jei Nacom Pejume Diwesitha: “Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiwatsi”, jei Isaías. ¹⁷ Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

¹⁸ Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¡Jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye:

“Nacom piamonae tatsi capona Nacom

Pejume Diwesi tajũ beya.

Po diwesi xua barapomonae paeba tajũ beya

jume pichapapona daxita barapo cae pin

nacuathe”, jei Nacom Pejume Diwesitha.

¹⁹ Equeicha nayainyaban, janje: ¿Metha bara barapomonaе judiomonaе jopa yaputaeyo xua barapo diwesi ichamonaе jume cowantsina? najan. ¡Jume! ¡Apara bara yaputane! najan. Barapomonaе yaputane tsipei Moisés baxua caena bayatha copiya yabara tsiwunaе muxu duta. Moisés tatina Nacom, xua Nacom jeye:

“Ichamonaе capanenebiyan pomonaе jopa judiomonaе naexanaeyo. Paxam paca exanatsi xua barapomonaе pauwame. Ichamonaе capanenebiyan pomonaе jopa bichocono peyaputae jiwi. Paxam paca exanatsi xua baxua paca anaepana exana, jei Nacom”, xua Moisés tatina.

²⁰ Bapoxonaе iru pirapae Isaías atsaquiya yabara tsiwunaе muxu duta Nacom nexa xua Nacom jeye:

“Pomonaе jopa nejeichiyo bara necaxiba. Pomonaе jopa neyabara yainyabiyo bara barapomonaе cana exanan xua barapomonaе neyaputane”, jei Nacom, xua Isaías tatina.

²¹ Equeicha Isaías yabara tsiwunaе muxu duta judiomonaе Nacom nexa, xua Nacom jeye: “Daxita matabi wabeiban barapomonaе. Ichitha barapomonaе jopa exaneibiyo pocotsiwa itorobeiban tsipei barapomonaе tanejume torobabeibi jiwi xua jopa, tanejume cowantsiwa”, jei Nacom, xua Isaías tatina.

11

Meje yabara xua Nacom itapeta judiomonaepiwi pomonaе Israel pon caena bayatha tupa bapon piamonaе tatsi

¹ Equeicha nayainyaban najan: ¿Metha bara Nacom torota daxita piamonaе israelmonaе jampa? najan. Jume apara, tsipei apara xan barapo israelmonaе jiwana pin, daxota jopa netorotsiyo, Abraham pia saineiwimonaе jiwana tatsin apara, matautano Benjamín pia pemomoxi susato jiwi jiwana tatsin apara. ² Nacom jopa torotsiyo piamonaе pomonaе xua caena bayatha peitapetsixae xua cana exana be piamonaе tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonaе, jeye: ³ “Nacom ponx-aem Tanecanamataxeinaem, barapo israelmonaе juteba, jutebatsi pomonaе jinya neitorobi jume pepaebiwi. Matautano barapo israelmonaе cayatsiya abe exana pocotsiwan iboton xua xuan xota duwei yabeibiya jutebathopeiba xua poxonaе catsita tuxusi exana. Xan compan napaeban xua pomonaе beta necajume cowantsiwi barapomonaе jiwanan. Iru ru barapomonaе ichichipa nebexubaru”, jei Elías poxonaе tsipaeba Nacomtha. ⁴ Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamonaе, pomonaе tanejume cowantsi jiwi. Barapomonaе jopa pentabocototha umenaeyo xua poxonaе wunaе pejainchinexa ibo nacom, po ibo nacom pewan Baal”, jei Nacom. ⁵ Nama anoxuae awiya barichi israelmonaе be conotha pomonaе jume cowanta Nacomtha pomonaе Nacom peitapetsiwi, pia peantobexae barapomonaе. ⁶ Nacom itapeta barapomonaе, pomonaе peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonaе, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua

peyabara cui matomatsinexa xua barapo jiwi peexanaexae barapoxonae Nacom be jopa bapana amanaya exanaeyo jiwi nexa.

⁷ Daxota yaputainchi xua pinmonae xua barapo israelmonae jiwana jopa catsibichi pejuntũ coyene xanepanaewa xua bequein baxua tsiexana nawita po coyenein Moisés itoroba. Jame Nacom cata barapo coyene pomonaetha pomonae peitapetsiwixae, xua pomonae israelmonae jiwana. Barapomonae, pomonae israelmonae jiwana barapomonae Nacom jopa catsibiyo barapo pejuntũ coyene xanepanaewa. Nacom copata xua barapomonae pejuntũ coyenewatha xeina pejume torobabi coyenewa. ⁸ Nacom Pejume Diwesitha Moisés yabara paeba barapomonae. Moisés jeye: “Nacom copata xua barapomonae xeinaena po juntũ coyene jopa itacũpaetsi xua peyaputaewa. Bequein barapomonae yoroba xua pejume xainyei coyenewa daichitha jopa yaputaeyo. Mataũta bequein barapomonae jume tane pexainyei jume daichitha jopa jume cowũntsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha. ⁹ Irũũ David yabara paeba israelmonae poxonae Nacom tapaebatsi. David jeye:

“Barapomonae beitatemaya juntũ coyene weiweinapona pin penabanaewantha. Barapomonae nanta xeina xua jopa catsita natsicuentsiyo xua abe peexanaexae. Poxonae barapomonae cataunxuae eexanapona baxua barabũ xam Nacom jemeicha atene cana exanaename barapomonae, jopa pia necajume cowũntsixae.

¹⁰ Daxota barabũ copatsiname xua barapomonae israelmonae jopa yaputaeyo po coyene xua barapomonae catsita natsicuenta abe necatsita exanaexae. Mataũtano barabũ copatsiname xua barapomonae xeinaena po peatene coyenewa anthũthũrewewe cana exanatsi xua ataya, abe peexanaexae”, jei David, israelmonae yabara, Nacom Pejume Diwesitha.

Meje yabara xua pomonae jopa judiomonae naexanaeyo Nacom jume cowũntatsi

¹¹ Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowũntsixaetsi ¿metha bara Nacom itawetsina barapomonae xua ataya tsane jampa? ¡Jume apara! ¡Barapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiru coyenein weya tatsi pomonae jopa judiomonae naexanaeyo. Nacom baxua exana xua judiomonae peuwinexa, xua uwatsi pomonae jopa judiomonae naexanaeyo xua barapomonae Nacom pecapanepaexae. ¹² Poxoru judiomonae Nacom nawepu tsabatsi daxota Nacom xanepana exana ichamonaetha, xua daxita carepaya barapo cae pin nacuathe. Judiomonae jopa Nacom pejume cowũntsixaetsi daxota Nacom xanepana exana, pomonaetha pomonae jopa judiomonae naexanaeyo xua Cristo pejume cowũntsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi,

xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae iru Cristo jume cowantsinchi.

¹³ Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipae-baponan Nacom Pejume Diwesi. Barapo tatanacuichiwa Nacom bichocono netsita ainya cui. ¹⁴ Beexanaein xua tamonae judiomonae paca uwa, xua bapoxonae barapomonae pejume cowantsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa. ¹⁵ Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacuapiwi jiwana xua pecanaexanaenexa pia jiwimonae tatsi. Poxonae judiomonae iru cana exanaeinchi Nacom pia jiwimonae tatsi Cristo pejume cowantsixaetsi baxua bichocono wnae tsane be poxonae jiwi equeicha asu exanatsi petupae cuiru coyene weya. ¹⁶ Ainya pecayabara jata pepaebi diwesiyo be paca tsipaebatsi. Poxonae jiwi ba pentubu tsequeta xua cae pan exana pecatsinexa Nacomtha barapo pan matabuyo bara Nacom piawa tatsi. Barichi pepa matabu barapara Nacom piawa tatsi. Barichi poxonae jiwi ba paeba xua pinae nae petabu opina catsina Nacomtha bara Nacom piawa tatsi. Barichi pepa maxuranan barapara Nacom piawa tatsi. Icha barapocotsi naxobe coyenewabe cana ichiya exana jiwi, barapocotsi jata coyeneya Nacom cana exana jiwitha. Poxoru Abraham iru pomonae Nacom peitorobi jume pepaebiwi barapomonae Nacom piamonae tatsi daxota iru pia pexui tatsi iru Nacom piamonae tatsi.

¹⁷ Equeicha pecayabara jata pepaebi diwesiyo paca tsipaebatsi. Jiwi itacupatsi xua olivo nae jiwana maxuranan weucuboba po nae ubanota pabitha xua bebai. Icha olivo nae maxuranan jiwana weucuboba, po nae untha uncu. Barapo maxuranan wantha japateita catusiya duba po naetha po nae uncu pabitha, po nae copiya jiwana maxuranan bebai. Barapo nae tabu opinan aisa cana exana xua barapo maxuranan beta nacoita tsipei mene nota barapo nae tabu opina tsina. Bara jata coyeneya ichi, icha olivo naetha cana ichichi, Nacom jiwi barapocotsi coyeneya cana ichi. Nacom jiwana torota po judiomonae jopa pejume cowantsixaetsi xua bapoxonae Nacom paca cana exana piamonae tatsi pam. Nacom paca cana exana xua peajuntuyarusawa painya nexainaewa painya nejume cowantsixae Jesucristo. Barapo coyene icha be poxonae pemaxuranan cana ichichi poxonae aisa cana exainchi pemene notsixae petabu opinan tsina, xua beta xu xuwa exana pena maxuranatha. ¹⁸ Daxota jopa paatsaquiya aebiya nanta xeinaeinde xua ainya cui jiwi pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara jata paebiwa. Barapo maxuranan jopa apara nacoita exanaeyo barapo nae tabu opina deca. Jame apara barapo nae tabu opina nacoita exaneina barapo maxuranantha.

¹⁹ Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jiwi cana ichi olivo naetha”, pajam tsipae. ²⁰ Metha moya bara xainyei tsipae. Bara Nacom torota barapomonae judiomonae jopa pejume cowantsiwixaetsi Jesucristo. Paxam Nacom piamonae tatsi paca cana exana, tsipei saya apara pajume cowantame Jesucristo, saya meisa baxuaxae. Jopa pana najuntu coyene yabara atsacande xua painya nexainaexae pocotsiwa Nacom paca cata. Jame saya dota pam xua jopa xanepanaeya pajume cowantsim Jesucristo

xua daxota Nacom painya nepaca torotsiwa tsane. Jiwi pemaxuranaan ucubobiya bebai po nae pabitha uncu. ²¹ Bara juta coyene ichi, Nacom torota judiomonaе pomonaе copiya piamonaexae tatsi jopa pejume cowantsixae Jesucristo. Nacom bara paca ichipae paca torotsipa icha jopa pajume cowantsipaem. ²² Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayapube taexana ichamonae pomonaetha pomonaе abe peexanae jiwixae. Nacom daunweya yabara paeba penatsicuentsiwa pomonaе xua jopa pejume cowantsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cowanta dubenanaebiyaename. Ichitha icha awiya jopa pajume cocowantaponaem tsane Nacom paca torotsina. ²³ Matautano Nacom itacupatsi xua equeicha caewa cana exana piamonaе judiomonaе, pomonaе Nacom bayatha copiya bequein petorotsixae. Nacom baxua cana exanaena icha jame barapomonaе Cristo jume cowantsinchi. Nacom baxua cana exanaena icha jiton ichi xua equeicha caewa pecoutha japateita cutanota wantha pemaxurana, po maxurana bequein ucuibiya xuba. ²⁴ Paxam pomonaе jopa judiomonaе naexanaeyo pam, Nacom paca cana exana piamonaе tatsi pam, bequein copiya jopa piamonaе tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxurana ucuiba. Equeicha barapo maxurana icha olivo nae maxurana wantha japateita cutsiya duta po olivo nae pabitha ubanota. Bapoxonaе barapo unupi olivo nae maxuranatha pexeinya thei xuwa. Ichitha icha pebin equeicha pita po maxurana xua ucuiba pepa olivo nae weya yawa equeicha caewa pecoutha japateita cutanota wantha, barapo maxurana beta xuwa beyacaincha xua xuwa unupi olivo nae maxurana poxonaе japateita cutanota wantha. Icha pebin ichi, Nacom bara itacupatsi cana exana judiomonaetha. Nacom tayapu xanepanatsi xua equeicha exana piamonaе tatsi pomonaе copiya torota pomonaе judiomonaе.

Meje yabara xua Nacom bexa tsane israelmonae capanenebiya tsainchi

²⁵ Tamonaе pam, paxam pomonaе iru painya nejume cowantsiwixae Jesucristotha. Maisa ichichipan xua paxam yabara painya neyaputaewa tsane xua moya peyawun xeinaewa po coyene xua Nacom yabara po coyene ichamonae jopa yaputaeyo. Tsipei jopa ichipaeinyo xua painya coutha painya nenayabara nanta xeinaewam xua peyaputae jiwi pam. Meje baxue xua moya peyawun xeinaewan: Anoxuae israelmonae xeina pejuntu coyenewatha po coyene xua Nacom pejume torobabi coyenewatsi xua daxota Nacom jopa pejume cowantsiwatsi. Ichitha jame bexa poxonaе abu daxita carepaya jume cowantsina Nacom pomonaе jopa judiomonaе naexanaeyo pomonaе Nacom itapeta, bapoxonaе equeicha judiomonaе jume cowantsina. ²⁶ Bapoxonaе daxita israelmonaexae pomonaе judiomonaexae pomonaе Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaеin patopaena israelmonae jiwanatha pomonaе Si6n tomara wunmonae.

Bapon juntu coyene wepichina Jacob pia pemomoxi susato jiwi tatsi abe pia peexanae cuiru coyenewan tatsi, pomonaе israelmonaexae.

²⁷ Juntu coyene wepichin barapo judiomonaе abe pia peexanae cuiru coyenewan tatsi.

Barapoxonaе cayabara jume weta exanaein pocotsiwa caena bayatha yabara tsiwanae

muxu dutan barapomonaē pia pamo susato jitontha tatsi pon pewan Jacob, pon Israelxae”, jei Nacom Pejume Diwesitha.

²⁸ Ichamonae xua israelmonae jiwana anoxuae barapomonaē Nacom pia peaitafaetabi jiwichi tsipei barapomonaē jopa jume cowantsiyo Nacom pia pexeinya jume diwesi tatsi po diwesi Cristo pepatopaewa yabara. Tsipei barapomonaē baxua exana, daxota paxam pomonaē jopa judiomonaē naexanaeyo pam, bara paca itacupa xua painya nejume cowantsiwa Cristo. Ichitha barapo israelmonae Nacom caena bayatha copiya itapeta. Barapo israelmonae awiya Nacom antobe, pia pamo susato jiwi tatsi copiya peitapetsixaetsi. ²⁹ Tsipei Nacom jopa ichawa beya paebiyo. Pocotsiwa Nacom cata equeicha jopa caewa pichiyo. Pomonaē Nacom itapeta equeicha jopa itawetsiyo. ³⁰ Paxam pomonaē jopa judiomonaē painya nenaexanaewi pam, copiya paxam jopa painya neexanaē jiwi pam pocotsiwa Nacom paca itoroba. Daichitha anoxuae judiomonaē jopa peexanaexae pocotsiwa Nacom itoroba, daxota Nacom wanaeya paca yabara nanta xeina pia nepaca cayawenaewa tsane. ³¹ Ichitha anoxuae bequein barapomonaē judiomonaē jopa exanaeyo pocotsiwa xua Nacom ichichipa, bexa tsane barapomonaē judiomonaē jume cowantsina. Poxonae baxua exanaena Nacom, xua wanaeya paca yabara nanta xeina pia nepaca cayawenaewa tsane iru wanaeya yabara nanta xeinaena peyawenaenexa tsane xua barapomonaē peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonae Nacom pacata exana. ³² Nacom bara copata xua daxita jiwi bara najupa xua penatsicuentisiwa xua jopa pejume cowantsixaetsi. Nacom bara baxua copata, xua penanta jupiya yawenaenexa daxita jiwi, peantobexae.

³³ ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! ¡Maisa Nacom jopa juniya yabara tsiwanae yaputaeyo peyaputae coyenein xua bexa exanaena! ¡Dapon ajibi pon itacupatsi xua pecayabara yaputaeya paebiwa pocotsiwa Nacom cuita yabara exana! ¡Barichi dapon ajibi pon itacupatsi xua peyaputaewa Nacom pia cui coyenewan tatsi! ³⁴ Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaeinxae. Matautano dapon ajibi, pon xua Nacom pecuidubiwatsi. ³⁵ Matautano dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi. ³⁶ Apra daxita coyenein Nacom forota. Nacom canamataxeina pia peayapusu itorobi coyenewatha daxitan pocotsiwan xua xuan exana. Daxitan bara piawa tatsi. ¡Barabu Nacom wanae jainteibatsi xua ataya tsaibi tsane! ¡Je, bara ichi tsane!

12

Meje yabara xua wajinompawewa wataexanaenexa Nacom

¹ Tamonaē pam, paxam pomonaē iru painya nejume cowantsiwixae Jesús. Paxam payaputaneme xua Nacom bichocono naca yawena pia wanaca antobexae. Daxota paca itorobatsi daxita pam. Pana najuntu coyene doure Nacomtha painya nenacuichinexa pocotsiwa Nacom paca itoroba. Baxua bara be poxonae jiton ovejiyo asu cata xua pebexubinexa Nacom nexa. Poxonae pana najuntu coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wanae pajaintsi-name Nacom painya juntu coyeneintha. ² Jopa bara paichiponaēinde xua

abe paexanaponame po coyenewan icha ichi xua exana dubenanaebiyi pomonae barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha jũntũ coyene paxeiname xua beta painya nenanta xeinaponaenexam tsane. Bapoxonae payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apara painya neexanaponaewa tsane xua meje: pocotsiwa bara wũnae, mataũtano pocotsiwa Nacom pejũntũ coyene weiweina exanaewatsi, mataũtano pocotsiwa daxita bichocono matapaeicha xanepana.

³ Nacom taneantobexae necata barapo peayapusũ itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwi pam beyacaincha poxonae Nacom pia coutha ainya cui paca cana exana. Nacom paca catsiba pejume cowũntsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename. ⁴ Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta jũpae coyeneya exanaeyo. ⁵ Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowũntsixae Cristo. Caemonae wanaexanaexae Cristotha, daxota nantiya nayawenatsi.

⁶ Nacom daxita carepaya barompaya naca catsiba wajũntũ coyeneya waexanae coyenewan, peichichipaexae xua naca yawenaena wanaca antobexae. Barapo jũntũ coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueijei coyenewa Nacom Pejume Diwesi. Bapoxonae barapomonae bewa cueicueijei barapo diwesi jiwitha. Bapomonae bewa exanae baxua daxita po pejume cowũntsiwatha Nacom bapomonaetha cata. ⁷ Ichamonaetha Nacom naca jiwana catatsi, po coyene xua ichamonae peyawenaewatsi. Barapomonae bewa moya ichamonae bara beta yawenaetsi. Ichamonae Nacom naca jiwana catatsi po coyene xua ichamonae pecuidubiwatsi. Pomonae yaputane xua pecuidubiwa ichamonaetha, bewa moya bara beta cuidubina ichamonaetha. ⁸ Ichamonaetha Nacom naca jiwana catatsi peyaputae coyenewa po coyenewa xua pejũntũ cui coyene tsacabinexa pejume cowũntsiwi xua jũntema pejinompaenexa. Pomonaetha Nacom cata barapo peyaputae coyenewa bapomonae bewa moya bara beta jũntũ cui coyene tsacabina ichamonae. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonae bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonae canamataxeinaeya itoroba. Bapomonae bewa moya bara saya daunweya beta canamataxeinaeya itorobaponae. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiwi. Bapomonae bewa moya jũntũ coyene weiweinaeya yawena.

Meje yabara xua pocotsiwa bewa exanae pomonae pejume cowũntsiwi Cristo

⁹ Poxonae pana naantobem xaniwaicha nantiya caemonae pana naantobeinde. Panaitemare abe peexanae coyenewan. Saya naitomatsiya paexanaponde pocotsiwa pexanepanae coyenewan. ¹⁰ Bewa caemonae nantiya

pana naantobem, icha caepi jiwi ichi xua yatsicaewa naantobe xua cae peweicho jiwi. Bewa ichamonae pabarũ cui itura jinaem xua barapomonae peainya cui jiwi beyacaincha paxam.

¹¹ Jũntũ coyene daunweya patanacuire pon jiwi Pecanamataxeinaein. Jopa paacoyenefaetabinde poxonae pata nacuitame. Antũcoyenyapũya bapon patanacuire, bichocono painya neichichipaexae.

¹² Painya newũnae ewatsixae pocotsiwa xua Nacom paca catsibapaeba bexa daxota pajũntũ coyene weiweinaeya jinompare. Poxonae ichamonae jopa xapain pacata exanaeyo, xua paca cana exana xua paajũntũcoyenetanem, bara saya jũntema pajinompare. Jopa paaitaconaeinde. Jopa pana cui barapentsinde xua painya tsipaebeibiwa Nacom.

¹³ Nacom piamonae xua irũ pomonae Nacom pejume cowũntsiwixaetsi payawende pocotsiwa xua barapomonae nantawenona. Pantenta wey-ataeya wabeibare painya bontha pomonae painya nepaca casiwa poneibiwi, pomonae pejume cowũntsiwi Nacom pomonae jopa painya yaitaibi jiwi.

¹⁴ Pomonae paca atene exana painya nejume cowũntsixae Jesucristo barapomonae patawũcare Nacomtha xua Nacom peyawenaewa tsane barapomonae. Nacom jopa patsipaebinde xua abe pecana exanaewa tsane barapomonaetha.

¹⁵ Irũũ pajũntũ coyene weiweineibare poxonae ichamonae jũntũ coyene weiweineiba. Ichacuitha pajũntũ coyene wecoyeyi tsaibindeno poxonae ichamonae jũntũ coyene wecoyeyi tsaibi.

¹⁶ Pebũũya nanta cui jũpaeya pajinompare xua jũntema nantiya pana nabarũ dubenanaebiyame. Jopa ichamonae paaebinde. Pacana exande painya jiwi xua be pomonae pecui pawi jiwi. Jopa pana nayabara nanta xeinaeinde xua painya neyaputae jiwi pam.

¹⁷ Poxonae ichamonae abe pacata exana jopa xuya abe pata exanaeinde barapomonaetha. Jame maisa pananta xeinare xua daxita jiwi xaniwaicha painya netaexanaewa tsane pocotsiwa barapomonae tsita cui xanepanatsi.

¹⁸ Paexanaponde daxita pocotsiwan paca itacũpa, xain bapoxonae jũntema pana nabarũ jinompame daxita jiwi. ¹⁹ Tamonae pam paxam pomonae tapaca caantobe jiwichi pam irũ painya nejume cowũntsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonae abe pacata exana. Tsipei Nacom Pejume Diwesitha tatsi baxua yabara jeye: "Jame xan saya ba tacoyan xua jiwi atene exanan abe peexanaexae ichamonaetha. Xan peyantomatsiwa xuya exanaein pomonaetha pomonae paca abe exana jei pon Pecanamataxeinaein jiwi", jei Nacom Pejume Diwesitha. ²⁰ Jopa xuya payantomateibim tsane. Jame paexande xua Nacom Pejume Diwesitha tatsi jeye: "Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae barapon pin ura paca tsita xeinaena xua bayatha abe pia pacata exanaexae", jei Nacom Pejume Diwesitha. ²¹ Jopa pacopatsinde xua ichamonae abe pia paca exanae coyenein tatsi paca jũntũ coyene amanayaba xua daxota abe paexaname barapomonaetha pomonae painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

13

¹ Daxita jiwi bewa exanae pocotsiwa itorobatsi pomonae itorobiya pecanamataxeinae jiwi pomonae peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae. ² Daxota icha ichun jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonae pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae. ³ Pomonae beta peexanae jiwi jopa bewa cuitaya junuwi tsane xua pecuitaya junuwiwatsi pomonae itorobiya pecanamataxeinaewi. Jame saya meisa pomonae abe peexanae jiwi bewa cuitaya junuwina xua pecuitaya junuwiwatsi pomonae itorobiya pecanamataxeinae jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename. ⁴ Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonae abe peexanaewi atene tsane xua penatsicuentatsixae xua abe peexanaexae Nacomtha. ⁵ Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane. ⁶ Daxota xain barapomonae pacatsibame pematomatsi paratixi pocotsi paratixi jiwi bewa catsibina pomonaetha pomonae itorobiya pecanamataxeinae jiwi. Tsipei barapomonae nantawenona paratixi xua beta peexanaponaewa tsane poxonae Nacom tanacuitapoinchi.

⁷ Daxita barapomonae barompa paratixi pacatsibare po paratixi bewa pacatsibim barapomonae. Pomonae painya nepaca canamataxeinaewi pacatsibare daxita po coyenein peyabara matomatsiwan xua xuan paca wuca. Daxita pomonae pecanamataxeinae jiwi pabarui cui itura jinare, xua daxota betiya painya nebarui cueicueijejiwa tsane.

⁸ Painya xoba ichamonae pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonae bapon jume cowantsiya exana daxita pocotsiwa xua Moisés itoroba pia peitorobi coyenewatha. ⁹ Moisés pia peitorobi coyenewatha jeye: “Jopa pichinde ichun piseuri tatsi. Jopa bexubinde ichamonae. Jopa caibinde xua ichamonae piawan. Jopa yabara uwinde pocotsiwa ichun xeina”, jei barapo itorobi coyenewatha. Barapo coyenein xuaunxuae paeban, irano daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonae antobeinde icha ichim xua jinya coutha naantobem”, jei barapo peitorobi coyenewatha. ¹⁰ Pon ba beta antobe tsaibi ichamonae bapana jopa abe taexanaeyo barapomonaetha. Daxota icha antobetsi ichamonae bapoxonae

barapara jume cowantsiya exainchi daxita pocotsiwa Nacom itoroba Moisés pia peitorobi coyenewatha.

¹¹ Daxita baxuan bewa paexanaename tsipei payaputaneme xua anoxuae po dapaetha pajinompame bichocono peayapube dapae. Barapo dapaetha tsaca pajinompame, tsipei imoxoyo naca itiya pona po mataqueitha Nacom naca capanenebiyaena. Barapo matabi imoxoyo beyacaincha xua poxonae aena jume cowantsi Jesucristo. ¹² Pequireiwa ba bewayo caewanaya poxoru matabi dawetsina. Bara jata coyeneya ichi poxonae pomonae ba abe peexanaewi bara apara pequireitha abe exana. Barapomonae barapenta xua abe exana poxonae matabi tsuxubi. Barichi waxainchi bewa barapentichi xua abe waexanae coyenewa icha barapomonae ichi xua saya merawi abe exana ichitha mataqueitha jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najuntũ coyene wnaetatsi xua najuntũ coyene ayapusũ exanatsi abe waexanaeyainwa. Baxua icha be poxonae ba soldadopin ichi poxonae matabitha nacui wnaeta penabinexa. Bapon penaintontha nayaitata xua daxita pepontha xua pebexotsiyainwatsi. ¹³ Barabũ beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa nacupa exanae dubenanaebiyae tsainchi xua peamenetsaxawa. Matautano jopa bewa ponaeinchi po penabanaewan xua ichaxota pinmonae penacaetutsiwa yawa abe exana. Jopa bewa nasi cui exanae tsainchi. Matautano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Matautano jopa bewa nauwi tsainchi. ¹⁴ Jame ichawa bewa paexanaename. Bewa Jesucristo patsipaebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewam pocotsiwa painya juntũ coyenein ichichipa xua peexanaewa.

14

Meje yabara xua jopa bewa abeya yabara paebichi po coyene xua pejinompaewa pomonae irũ pejume cowantsiwi

¹ Icha ichun juntũ coyene faefaena pejume cowantsiwa Cristotha, bapon pacana exande be painyamonae jiwi jiwana pomonae painya nejume cowantsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuanano xua ichacuitha po coyeneya xua bapon jopa bewa exanae. ² Ichamonae ba nanta xeina xua itacupatsi penabanaewa xua daxita coyenein pexaewan. Ichamonae ba pomonae juntũ coyene faefaena xua pejume cowantsiwa Cristotha barapomonae ira pipexaewa xane jopa pewi xaeyo. ³ Pon penabanaein daxita coyeneya pexaewan, bapon jopa bewa paebi tsane ichuntha pontha pon xua jopa penabanaeinxae pewi. Jopa bewa paebi tsane “Abe exaname jopa nenabanaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara irũ pexanto tatsi, icha ichi pon jopa penabanaein pewi. ⁴ Xam jopa bewa daxua paebim tsane xua pon ichun tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantauta pon jiwi Pecanamataxeinaein. Bapon jopa nantawenonaeyo xua irũ xam canamataxeiname bapon. Saya meisa Nacom

itacupatsi xua yabara paeba poxonae po coyene icha bapon wunaexana xua icha jopa xapain exanaeyo. Ichitha bapon xanepanaya exanaena tsipei Nacom itacupatsi xua cana exana, xua pia petanacuichi jiwi tatsi xanepanaya peexanaewa.

⁵ Ichamonae nanta xeina xua caentaqueitha bichocono peainya cui matabi beyacaincha xua icha matabi tsipei barapo matabitha xua Nacom wunaexana pejainchiwatsi. Ichamonae nanta xeina xua daxita matabin bara najupa xua peainya cui matabin xua Nacom wunaexana pejainchiwanexatsi barapo matabintha. Daxita barapomonaewa bewa barompaya pia juntu coyenewatha yabara nanta xeina xua barapara pexainyeiwa po coyenewa xua peyabara nanta xeinaexae. Jopa bewa nanta xeina po coyenewa ichan yabara nanta xeina. ⁶ Pon jopa nacuichiyo po mataqueitha xua peainya cui matabi, bapon baxua exana xua Nacom wunaexana pejainchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom wunaexana pejainchinexatsi, pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam daxita coyeneya pexaewan”, jei. Irano pon jopa pewi xaeyo, bapon barapara xua Nacom wunaexana pejainchinexatsi pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam ira pipexaewa”, jei bapon.

⁷ Tsipei dapon ajibi pon waxainchi jiwantsi pomonaexatsi pomonaewa wajume cowantsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon tupaetsipa apara saya poxoru Jesucristo pon jiwi Pecanamataxeinaein bara copata xua bapon tupaewa tsane. ⁸ Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom wunaexana pejainchinexatsi. Icha Nacom pon jiwi Pecanamataxeinaein copata xua bara watupaewa tsane barapo coyene bewa cana exanaetsi xua jiwi wunaexana pejainchiwa Nacom. Daxota bequein icha waxainchi jinompaetsipatsi, yawano poxonaewa bequein icha tupaetsipatsi bara barapara barapo coyeneinya waxainchi bewa cana exanaetsi xua jiwi Nacom wunaexana pejainchinexatsi pon jiwi Pecanamataxeinaein poxoru waxainchi piamonaewa tatsichi. ⁹ Daxota Cristo tupa, yawano equeicha asa popona xua penaexanaenewa tsane pon jiwi Pecanamataxeinaein xua daxita jiwi nexa pomonaewa werapa irano pomonaewa cataunxua jinompano.

¹⁰ Daxota dapon ajibi pon paxam jiwana pam pon bewa yabara paebina pomonaetha pomonaewa ira pejume cowantsiwi Cristo, xua pejeiwa: “Barapomonaewa Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomonaewa ira pejume cowantsiwi, xua jei: “Maisa barapomonaewa jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara paebina xua wanatsicuentasiwa xua abe waexanaexae Nacomtha. ¹¹ Tsipei Nacom Pejume Diwesitha jeye:

“Xan bara xaniwaicha yabara paca tsiwana muxu dutatsi xua daxita jiwi patsina xua pentabocototha peumenaenewa taitabaratha tanewunaexana jainchinexa.

Daxita jiwi neyabara paebina jei tsane:

‘Apara barapon yatsicaewa pepa Nacom’, jei

tsane”, jei Nacom pon jiwi
Pecanamataxeinaein xua Pejume Diwesitha.

¹² Bapoxonae barapo mataqueitha yabara cueicueijeji tsainchi Nacomtha pocotsiwa xua caena bayatha exanatsi xua barapo cae pin nacuathe icha bara metha w_{nae} exainchi yawano icha bara metha abe exainchi.

Meje yabara xua jopa bewa exanaetsi pocotsi coyeneya pomonae pejume cow_{untsiwi} abe peexanaewa tsane

¹³ Daxota waxainchi jopa bewa yabara nantiya namuxutainyabichi pocotsiwa waexanaexae. Jame bewa paexanaem xua meje: Painya xoba pacana exaname painyamonae pomonae ir_u pejume cow_{untsiwi} xua pocotsi coyeneya barapomonae peexanaewa tsane xua daxota jopa pejume cow_{untsiwa} tsane Nacom. ¹⁴ Tsipei xan tajume cow_{untsixae} Jesús pon jiwi Pecanamataxeinaein daxota bara yatsicaya yaputan, xua dapocotsiwa ajibi po pexaewa tanej_{untu} coyene taxobiwa xua icha taxaewa tsane. Ichitha icha ich_{un} yabara nanta xeina xua po pexaewa betaxobichipatsi icha xaetsipa bapoxonae bara tsita xainyeichi, betaxobichipatsi icha xaetsipa.

¹⁵ Ichitha icha paxaetsipame pocotsiwa xua painya jiton jopa ichichipaeyo xua pexaewa, pon ir_u pejume cow_{untsin} bapoxonae peantobe coyenewa jopa patsita xeinaem bapon. Painya xoba paexaname pocotsi coyenetha xua ich_{un} baraxuba Nacom xua poxoru pocotsiwa painya nexaexae. Tsipei apara Cristo bayatha tsit_{upa} bapon. ¹⁶ Paxam pananta xeiname xua bara w_{nae} paexaname po coyenein ichamonae tsita abetsi pej_{untu} coyenein taxobixaetsi. Bequein baxua payabara nanta xeinaetham tsipae ichitha jopa paexanaemtsipae barapo coyenein. Tsipei icha paexanaetsipame barapo coyenein, ichamonae yabara jei tsipae barapo coyenein: “Maisa po coyenein barapomonae exana bichocono abe”, jei tsipae. ¹⁷ Nacom ichichipa xua waxainchi peb_{ruya} j_{ntema} wajinompawea. Daxota poxonae Nacom naca itoroba po coyene yabara po coyeneya bewa nabar_u jinompaeinchi, jopa yabara paebi tsainchi xua po peitorobi coyenein xua waxaewa yawa waa-paewa yabara. Jame po coyenein yabara naca itoroba xua apara jame pinae bewa Nacom tsita xeinaeinchi pej_{untu} coyene xanepanaewa. Mata_{utano} bewa pinae j_{ntema} nabar_u jinompaeinchi Nacom nexa. Mata_{utano} bewa j_{ntu} coyene weiweinaeya jinompaeinchi. Daxita barapo coyenein xeinatsi wanaca catsibixae Nacom pia Pejumope t_{unaxu} tatsi. ¹⁸ Poxonae barapo coyeneya Cristo taexainchi bapoxonae Nacom tsita xanepanatsi pocotsiwa xua exainchi. Mata_{uta} jiwi naca yabara paeba xua pinae bara beta exainchi.

¹⁹ Daxota bewa waxainchi exaneibinchi pocotsi coyenein xua j_{ntema} nabar_u jinompatsi exanatsi. Yawano bewa exaneibinchi pocotsi coyeneintha xua nantiya jume cocow_{untaponatsi} naexainchi. ²⁰ Jopa bewa paxaem ich_{un} peitabaratha pon painyamonae jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon ir_u metha xaetsipa barapo pexaewa. Bapoxonae bapon nanta xeinaetsipa xua bapon pomonae jiwana pomonae penatsicuentsiwa Nacomtha xua abe peexanaexae. Painya xaexae bapon pacana exaname xua jopa beta pejume cow_{untsiwa} Nacom. ²¹ Jame pocotsiwa xua xanepanaya painya neexanaewa tsane meje baxue: Jopa bewa paxaem pewi. Mata_{utano} jopa bewa paapaem peamenetsaxawa. Mata_{utano} jopa bewa paexanaem pocotsi coyenewatha painya jiton exanaena pon ir_u pejume cow_{untsin} Cristo xua abe peexanaewa tsane. ²² Icha paxam pajume cow_{untame} xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca j_{ntu} coyene taxobiyo saya jame meisa

Nacomtha yabara patsipaebare baxua. Painya xoba ichamonae yabara patsipaebame pexaewa po pexaewa barapomonae jopa bapana xae. ¡Maise jantũ coyene weiweina pon daxita coyeneya pexaewa penabanaein pon pia jantũ coyenewa jopa tsipaebichi xua pinae penatsicuentisiwa xua abe peexanaewaxae Nacomtha poxonae barapo pexaewa xane! ²³ Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxonae daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowantichi xua waexanaewa pocotsiwa Nacom ichichipa bapoxonae barapara abe exanatsi, poxonae baxuan exanatsi.

15

Meje yabara xua pocotsiwa bewa exanaetsi xua ichamonae tsita xanepanatsi

¹ Waxainchi pomonaetsi pomonae ajantũcoyenesatsi xua wajume cowantsiwa Cristotha. Daxota bewa yawenaetsi pomonae xua jantũ coyene faefaena xua pejume cowantsiwa Cristotha xua barapomonae awiya jume cowantsina. Jopa meisa bewa exanaetsi pocotsiwa xua waxainchi wacoja ichichipatsi. ² Daxita waxainchi bewa exanaetsi pocotsi coyenewa tsita coyene xanepanatsi pomonae ichamonae pomonae irũ pejume cowantsiwi pocotsi coyenetha xua barapomonae yawenatsi xua pejume cocowantaponaenexa. ³ Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxonae abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxonae jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha. ⁴ Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawũnae ewatsinexa. Xeinatsi baxua poxoru Nacom Pejume Diwesi naca cana exana xua jopa dapu coyene xeinaetsi xua bepijawa aitaconaetsi xua bequein ichamonae abe nacata exana. Yawano barapo diwese naca cana exana xua najantũ coyene tsacabatsi xua wajume cowanta dubenanaebiyawa. ⁵ Nacom bapon naca cana exana xua jopa bepijawa aitaconaetsi yawano xua naca jantũ coyene tsacaba exana. Barabũ barapon Nacom paca yawena xua peburũya nanta jũpiya pananta xeiname xua painya nabarũ exanaewa tsane, icha be pocotsi coyeneya Cristo Jesús exana. ⁶ Barabũ be caemonae pana nabarũ wũnae jaintame Nacom, pon Jesucristo Paxa tatsi, pon Jesucristo Wanacanamataxeinaein.

Meje yabara xua po coyene pomonae jopa judiomonae naexanaeyo tsipaebatsi Nacom pia pecapanenebiyae diwesi jume

⁷ Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonae jiwi wũnae pejainteibinexa Nacom painya neexanaewamxae baxua. ⁸ Xan paca tsipaebatsi xua Cristo patopa xua judiomonae peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwũnae muxu duta wamo susato jiwitha. ⁹ Yawano Cristo daxota patopa xua pomonae jopa judiomonae naexanaeyo wũnae pejainchinexa Nacom xua Nacom wũnaeya

peyabara nanta xeinaexae xua peyawenaenexa barapomonaе. Nacom Pejume Diwesitha baxua yabara jeye xua Cristo paeba paxatha:

“W_hnae cajaintatsi daxita nacuan jiwitha pomonaе jopa judiomonaе naexanaeyo pia xantha tatsi.

W_hnae cajaintatsi xua poxonaе cata nax_hnatsi”, jei Nacom Pejume Diwesitha xua Cristo Paxatha paeba.

¹⁰ Equeicha Nacom Pejume Diwesitha jeye:

“Barab_h daxita nacuan jiwi caemonaе nabar_h j_hnt_h coyene weiweinaena pomonaе Nacom itapeta xua pecana exanaenexa piamonaе tatsi”, jei Nacom Pejume Diwesitha.

¹¹ Equeicha Nacom Pejume Diwesitha jeye:

“Barab_h daxita pam pomonaе jopa judiomonaе naexanaeyo pam w_hnae pajainchiname pontha pon jiwi Pecanamataxeinaein. Mata_hutano barab_h daxita nacuanpiwi w_hnae jainchina bapontha”, jei Nacom Pejume Diwesitha.

¹² Equeicha Nacom Pejume Diwesitha xua Isaías tatina, jeye:

“Pebin patopaena pon Isaí pia pemomoxi susato jiwi jiwana tatsi, pon David paxa tatsi.

Bapon Nacom cana exana xua bapon itorobiya pecanamataxeinaenexa tsane pomonaе jopa judiomonaе naexanaeyo.

Barapomonaе jume cow_hntsixaе w_hnae ewatsina xua barapon barapomonaе pecapanenebiwa tsainchi abe pia peexanaexae cui_hru coyenein weya tatsi”, jei Isaías

Nacom Pejume Diwesitha.

¹³ Barab_h Nacom pon naca cana exana xua waw_hnae ewatsiwa Cristo bichocono paca j_hnt_h coyene weiweina exanaena. Mata_hutano barab_h Nacom j_hntema jinompa paca cana exanaena. Nacom baxua pacata exana painya nejume cow_hntsixaе bapon. Bapoxonaе barab_h Nacom paca cana exana xua jopa juniya painya new_hnae eewataponaewa tsane Cristo. Nacom pia Pejumope t_hnax_h tatsi baxua paca cana exana pia peayapus_h itorobi coyenewatha.

¹⁴ Tamonaе pam, paxam pomonaе ir_h painya nejume cow_hntsixaе Jesucristo. Bara xaniwaicha beta yaputan, xua paxam beta painya neexanaewam po peantobewa xuaunxuae yabara paca tsitinatsi. Mata_hutano paxam payaputaneme daxita xua pocotsiwa bewa paexanaename. Mata_hutano payaputaneme xua po coyene bewa nantiya pana namuxuwetsim. ¹⁵ Barapo cartathe pecono jumeyotha atsaquiya pacata tinatsi. Baxuan xua pocotsiwan pacata tinatsi jopa ichipaeinyo xua painya nej_hntemainaewa. Daxota atsaquiya pacata tinatsi baxuan Nacom tanebar_h cui itura jinaexae poxonaе necata barapo tanacuichiwa. ¹⁶ Nacom neitoroba xua Jesucristo tatanacuichinexa tayawenaenexa pomonaе jopa judiomonaе naexanaeyo. Tanacuitan Nacom poxonaе cueicueijan Nacom pia pecapanenebiyae diwesi jume pomonaetha pomonaе jopa judiomonaе naexanaeyo. Barapomonaе pejume cow_hntsixaе Cristo, Nacom pia Pejumope t_hnax_h tatsi

cana exana xua barapomonaē pejuṅtu coyene xanepanaewa Nacomtha. Po coyene exanan baxua be po coyene icha sacerdotemonaepin ichi. Poxonaē bapon duwei jiwi tsitautatsi abe pia peexanaē coyenein nexa tatsi bapoxonaē barapo jiwi Nacom petsita juṅtu coyene xanepanaewichi.

¹⁷ Tajume cowṅtsixae Cristo Jesús daxota bichocono netsita xanepana xua tataexanaexae barapo penacuichiwa xua Nacom nexa. ¹⁸ Jopa yabara paebinyo xua Cristo exana ichamonaē nexa. Saya meisa bichocono netsita xanepana pocotsiwa xua Cristo exana xan nexa. Cristo neyawena xua pomonaē jopa judiomonaē naexanaeyo pejume cowṅtsinexa Nacom. Barapomonaē Nacom jume jejeichi poxonaē jume tane pocotsiwa cueicueijan xuano xua tane pocotsiwan xua exananno. ¹⁹ Nacom neexana xua pia Pejumope tṅaxu tatsi pia peayapusu itorobi coyenewatha exanan pexeinya petsita itubi coyenewan po coyene jiwi juṅtu coyene nabenaeca cana exainchi. Daxota poxonaē Jerusalén tomara wewarapiyan daxita jiwitha cueicueijan tsoponaē Nacom pia pecapanenebiyae diwesi jume xua Cristo yabara. Baxua exanan beya Iliria nacuatha yacui jopan. ²⁰ Daxota ichichipeiban xua tacueicueijejwa Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonaē copiya bayatha cueicueijej barapo diwesi. ²¹ Poxonaē xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi:

“Pomonaē cataunxuae jopa tsipaebichi po diwesi xua bapon peyabara paebiwatsi, barapomonaē jume taena, xua bapon yabara jume taeinchi. Bapoxonaē barapomonaē yaputaena po diwesi xua bapon peyabara paebiwatsi xua daxota bapon jume cowṅtsinchi”, jei Nacom Pejume Diwesitha tatsi.

Meje xua poxonaē Pablo paeba xua pinaē beponaena Roma tomara beya

²² Ichamonaē tatsipaebaponaexae barapo diwesi jopa neitacṅpaeyo xua tapaca casiwa ponaewatsi. Bequein bayatha ichichipeiban xua tapaca casiwa poneibiwa tsainchi ichitha jopa neitacṅpeibiyo. ²³ Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa ponebiwatsi. ²⁴ Anoxuae ichichipan xua tapaca casiwa ponaewa tsainchi poxonaē warapaein España nacua beya. Poxonaē paxam panejuṅtu coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua tapana neyawenaewam tsane pocotsiwa nantawenonan tawarapaewanexa poxonaē painya tomara weya ponaēin. ²⁵ Ichitha anoxuaetha copiya ponaēin Jerusalén tomara beya. Capanaēin pocotsiwa xua barapo Jerusalén tomarathapiwi peyawenaewatsi, pomonaē iruṅ pejume cowṅtsiwi Cristo. ²⁶ Macedonia nacuapiwi iru Acaya nacuapiwi pomonaē pejume cowṅtsiwixae Cristo daxita barapomonaē pia coya juncuru exana po coyene tsita coyene xanepanatsi. Barapomonaē taitoroba paratixi Jerusalén tomarapiwi nexa, pomonaē peacopeibiwi pomonaē iru jume cowṅta Jesús icha paxam paichim. ²⁷ Barapo pejume cowṅtsiwi pomonaē Macedonia nacuapiwi iru Acaya nacuapiwi barapomonaē juncuru nanta xeina pia coya xua peexanaewa baxua. Barapomonaē jopa itorobichi ichuṅ. Ichitha barapomonaē bewa yawenaena pomonaetha pomonaē acopeibiwi. Barapomonaē pomonaē jopa judiomonaē naexanaeyo jume tane Nacom pia

pecapanenebiyae diwesi jume poxoru bayatha judiomonae yawena pecue-icueijeixae barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawenae barapomonaetha judiomonaetha pocotsiwantha xua barapomonae pexeinaexae Nacom weya. ²⁸ Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya. ²⁹ Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita jũntũ coyene xanepana xua daxota painya nejũntũ coyene weiweinaewa tsane.

³⁰ Tamonae pam, paxam pomonae irũ painya nejume cowũntsiwixae Jesucristo. Paca wũcatsi xua be caemonae panaexande xua ajumesũya daunweya painya pana nebarũ tsipaebinxæ Nacomtha xua bapon tana neyawenaewa tsane xua tatanacuichiwa bapon. Baxua paca wũcatsi irũ painya jume cowũntsixæ Jesucristo pon Wanacanamataxeinaeinxæ. Barichi paca wũcatsi irũ painya xeinaexæ po peantobe coyenewa Nacom pia Pejumo pe tũnaxũ tatsi naca cata. ³¹ Nacomtha painta tsipaebare xua jopa abe tana nexanaenexa pomonae Judea nacuatha pejinompaewi, pomonae jopa pejume cowũntsiwi. Mataũtano Nacomtha painta tsipaebare xua barapo Jerusalén tomarapiwi pomonae pejume cowũntsi jiwi tanententa cobe wenotsinexa barapo paratixi. ³² Bapoxonae icha Nacom ichichipaena jũntũ coyene weiweinyaya paca siwa patopaeinchi. Mataũtano nafifina caewatsin xua tapaca casiwa ponaewatsixæ tsainchi. ³³ Barabũ Nacom pon jũntema jinompa naca cana exana paca barũ poponaena daxita. Je, bara ichi tsane.

16

Meje yabara poxonae Pablo jacobæ Roma tomarapiwi

¹ Anoxuae yabara paca tsipaebatsi powa pewũn Febe, powa beta peexanaewayo. Bapowa paca siwa ponaena. Bapowa be wamcho watsico-tæwa irũ pejume cowũntsixæ Jesús. Barapowa Nacom tanacuitatsi xua yawenatsi pomonae pejume cowũntsi jiwi Cencrea tomaratha. ² Barapowa wũnaeya pantenta weyataeya wabare Jesucristo piamonae jiwanaxæ pon Wanacanamataxeinaein. Baxua bewa paexanaem icha pomonae pejume cowũntsiwi ichi xua bewa nantiya nantenta weyataeya wabeibina. Barapowa payawende xua pocotsiwa barapowa nantawenona, tsipei barapowa bayatha yawena nawita pin bicheitomonae. Yawano barapowa bayatha irũ neyawena.

³ Painta jacobare powa pewũn Prisca. Irũ painta jacobare, pia pebin tatsi, Aquila, tsipei barũ nacuitanbe barapo tanacuichiwa po coyenein exanan Cristo Jesús nexa. ⁴ Baraponbe bara muxu petũpæbe tana necapanepaenexabe poxonae ichamonae juntucuru muxu tana nebexubi. Daxota xan baranbe: “Maisa jũntũ coyene weiweinan xua tapaneyawenaemxæbe”, jan. Barichirũ daxita pomonae Nacom pejume cowũntsiwichi pomonae jopa judiomonae naexanaeyo pomonae Nacom petsita nacaetuteibiwichi xua wũnae pejainteibinxætsi, jeye: “Maisa pajũntũ coyene weiweinan xua paxambe pana neyawenane xua Pablo jopa petũpæwa”, jei. ⁵ Irũno painta jacobare pomonae nacaetuta Prisca pia pebinbe pia botha tatsibe. Mataũtano painta jacobare Epeneto pon tajiton, pon bichocono antobein. Bapon pon copiya jume cowũnta Cristo Asia nacuatha. ⁶ Mataũtano painta jacobare María. Barapowa powa bichocono pacata nacuita. ⁷ Mataũtano painta jacobarebe Andrónico irũ Junias ponbe irũ judiomonaepinbe icha xan

ichin. Baponbe neyawa baru muxuna etabe jiwi pecubi botha. Matautano baponbe Jesucristo pia peitorobi jiwi tatsi jiwana. Jiwi beta yaputaena xua baponbe bara Jesucristo pia peitorobi jiwi jiwana tatsi. Baponbe caena bayatha netsiwana jume cowantabe Cristo.

⁸ Painta jacobare Ampliato pon tajiton, pon bichocono antobein, pon iru pejume cowantsixae pontha pon jiwi Pecanamataxeinaein. ⁹ Painta jacobare Urbano, pon xua naca baru muxuna tanacuita Cristo. Matautano painta jacobare Estaquis, pon tajiton, pon bichocono antobein. ¹⁰ Painta jacobare Apeles, pon tsita itapeinya xeineiba xua bapon bara xaniwaicha Cristo pejume cowantsiwatsi poxonae bequein abe taexaneibatsi ichamona. Matautano painta jacobare Aristóbulo piamona tatsi. ¹¹ Matautano painta jacobare Herodión pon iru judiomonaepin icha xan ichin. Iru painta jacobare Narciso piamona tatsi pomona pejume cowantsixaeru pontha pon jiwi Pecanamataxeinaein. ¹² Iru painta jacobare powa Trifena iruno powa Trifosa. Barapowayobe, powayobe iru tanacuitabe xua pon jiwi Pecanamataxeinaein tanacuitatsibe. Iru painta jacobare Pérsida powayo tajitowayo, powayo antobein iruru pejume cowantsixaeru. Barapowa iruru nawita daunweya tanacuitaru xua pon jiwi Pecanamataxeinaein daunweya tanacuitatsi. ¹³ Iruno painta jacobare pon Rufo. Bapon pon jiwi Pecanamataxeinaein itapeta, Rufo itapetatsi xua xanepanaya petanacuitsinexatsi. Iruno painta jacobareno bapon Rufo pena tatsi, powa iru be taena tsicotan. ¹⁴ Iru painta jacobare pon Asíncrito, iruno pon Flegonte, iruno pon Hermes iruno pon Patrobas, iruno pon Hermas. Iruno painta jacobare daxita pomona iru pejume cowantsiwixae Cristo pomona xua baru jinompatsi barapomona. ¹⁵ Matautano painta jacobare pon Filólogo. Iruno painta jacobare powa Julia. Iruno painta jacobare pon Nereo, iruno Nereo pamcho tatsi. Iruno painta jacobare pon Olimpás. Matautano painta jacobare daxita pomona iru pejume cowantsiwixae Cristo, pomona baru jinompatsi barapomona.

¹⁶ Betiya painta nantiya pana nacobe najacobare painya neantobewaxae Cristo. Daxita barapomona pomona Cristo pejume cowantsiwichi pomona xote jinompe, daxita barapomona paca jacobá.

¹⁷ Tamona pam, paxam pomona iru painya nejume cowantsiwixae Jesucristo. Paxam paca muxuwetatsi xua dota pam painya necui naitawatsinexa pomona xua tsana paca necaexanae jiwi xua ainya bicheitobe paca cana exana. Barapomona pacata ayapube exana xua painya nejume cowantsiwa Cristo. Barapomona catsawa yabara jume toxeinchiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomona tajuru pajume cuitaya ponde. ¹⁸ Barapomona jopa tanacuichiyo xua Jesucristo jopa tanacuichichi pon Wanacanamataxeinaein. Barapomona saya nacuita xua saya pia coutha peexanaenexa xua pocotsiwa barapomona ichichipa xua peexanaewa. Barapomona muxujainyaba nawita pomonaetha pomona be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume. ¹⁹ Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono juntu coyene weiweinán. Ichichipan xua painya nexainaewa tsane painya neyaputae coyenewan po coyenewan xua pexanepanae coyenein painya neexanaenexa. Matautano ichichipan xua jopa painya neexanaewa tsane icha be ichi xua poxonae exana pomona jopa peyaputaewi, xua jopa abe

painya neexanaewa tsane. ²⁰ Nacom bapon apara pon junte ma jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabũ Jesús, pon Wanacanamataxeinaein, paca yawenaena pia paca necaantobexae.

²¹ Irũno Timoteo paca jacoba pon nebarũ nacuita Jesucristo nexa. Mataũtano pon Lucio, irũno pon Jasón, irũno pon Sosípater, barapoyobe paca jacoba. Barapoyobe irũ judiomonaepinbe, icha xan ichin.

²² Xan Tercio, barapo carte saya tatinan Pablo. Xan bapon irũrũ paca jacobatsi irũrũ taantobexae pon jiwi Pecanamataxeinaein.

²³ Irũrũ pon Gayo bapon paca jacoba. Xan Pablon bapon Gayo pia botha tatsi anoxuae poponan. Baxota pia botha tatsi tanacaetutatsi pomonae pejume cowũntsi jiwi, Nacom wũnae pejainchinexatsi. Irũno Erasto paca jacobarũ pon paratixi peenaein Corinto tomaratha xua Corinto tomarapiwi pia paratixi tatsi. Irũno Cuarto bapon paca jacoba, pon irũ pejume cowũntsin Cristo.

²⁴ Barabũ Jesucristo, pon Wanacanamataxeinaein, daxita paxam paca yawenaena pia paca necaantobexae. Je, bara ichi tsane.

Meje xua Pablo Nacom wũnae jaintatsi poxonae najume opi duta exana barapo carte

²⁵ Barabũ wũnae jaintatsi Nacom. Nacom itacũpatsi xua paca ajuntũyapũsũya cana exana xua beta painya nejume cowũntsinexa barapo pexeinya pecapanenebiyae diwesi jume coyenewathaxae. Barapo diwesi Jesucristo yabara cueicueijan. Caena bayatha poxonae Nacom aena nacua forota, barapo pexeinya pecapanenebiyae diwesi jume Nacom cataunxuae jopa tsita jume itapeinya xeinaeyo, tsipei abũ be namicha jume yawũn xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi. ²⁶ Barapo pexeinya pecapanenebiyae diwesi jume, anoxuae jiwi barapo diwesi yaputane, Nacom pia peitorobi jume pepaebiwi peyabara tinaexae barapo pexainyei jume diwesi. Mataũtano jiwi yaputane poxoru Nacom peitorobixae, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cowũntsinexa Cristo. Mataũtano jume tane exana xua barapo jiwi peexanaewa tsane pocotsiwa Nacom itoroba.

²⁷ Barabũ Nacom wũnae jaintatsi, pon meisa compa yatsicaewa daxita peyaputaen. Jesucristo naca cana exana xua Nacom wũnae wajainchiwa xua ataya nexa. Je, bara ichi tsane.

Baja Pablo.

Meje Po Carte Copiya Tatina Pablo Corinto Tomarapiwi Tatinatsi

Meje poxonae Pablo tatina Corinto tomarapiwi

¹ Xan, Pablon, pacata tinatsi Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinatsi. ² Paxam pomonae painya nejume cowantsi jiwi pam Corinto tomaratha. Barapomonae pam pacata tinatsi pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wanae exanaenexa Nacomtha. Pacata tinatsi daxita nacuariwi pam, pomonae iru painya nejume cowantsiwixae pam Jesucristo, xua pomonae painya newan ununeibiwi Jesús pewan poxonae pawaqueibame Nacomtha. Bapon Jesucristo Wanacanamataxeinaein iruru daxita nacuanthapiwi pomonae pejume cowantsiwi barapomonae pia Pecanamataxeinaeinchi tatsi. ³ Barabu Nacom Waxa, iru Jesucristo pon jiwi Pecanamataxeinaein juntea jinompa paca exanaena. Matautano barabu baponbe paca yawenaena pia paca necaantobewaxae.

Meje poxonae Pablo tawuca Nacomtha Corinto tomarapiwi

⁴ Daxita matabi tsaibi Nacomtha pacata tsipaebatsi, jan tsaibin: “Nacom maisa juntu coyene weiweinan xua barapomonae tana neyawenaewa xua Cristo Jesús peantobexae barapomonaetha”, jan tsaibin. ⁵ Painya neyawa muxuna jinompaexae Cristo, daxota Nacom peayapusawa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon. ⁶ Po diwesi paca tsipaebatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanaponame. ⁷ Paxam paxename pocotsiwa Nacom pia Pejumope tana xatu tatsi paca cata, daxita xua pocotsiwan panantawenoname xua betiya painya nejinompaewa tsane Nacom nexa. Daxita baxuan paxeina dubenanaebiyaename poxonae cataunxuae pawanae ewatsiname xua poxonae Jesucristo po mataqueitha equeicha patopeicaena pon Wanacanamataxeinaein. ⁸ Nacom paca yaweneibina xua paajuntusuya jinompaename beya poxonae Jesucristo equeicha patopaetsica. Dapon xain aibi tsane pon paca yabara paeba xua painya nenatsicuentiwa xua abe painya neexanaexae Nacomtha xua poxonae equeicha patopaetsica pon Wanacanamataxeinaein Jesucristo. ⁹ Nacom bara ataya exaneiba pocotsiwa pia petsiwanae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamataxeinaein, Nacom Pexanto tatsi.

Meje poxonae Pablo yabara paeba po coyene pomonae pejume cowantsiwi Cristo xua natsaba nacana exana

¹⁰ Tamonae pam, paxam pomonae iru painya nejume cowantsiwixae Jesucristo. Jume daunweya paca tsipaebatsi tajuntu coyenetha tsipei daxita paxam Jesucristo piamonae tatsi pam pon Wanacanamataxeinaein. Caemonae peburuya cuita pacueicueijan tsurubenanaebiyama. Jopa pana najume matsontsonobinde xua daxota painya nenatsabiwam tsipae. Jame maisa peburuya pananta xeinare xua be bara caemonae pam. ¹¹ Tamonae pam, pomonae iru painya nejume cowantsiwixae Jesucristo. Daxota baxua

paca tsipaebatsi, yaitama yabayo powa pewun Cloé piamonae tatsi net-sipaeba pinae paxam nantiya pana najume matsontsonoba dubenanae-biyame. ¹² Jume tan xua paxam jiwana xua barompaya tsanaya paeba, jeye: “Pablo yabara jume cowantan pocotsiwa cuiduba”, jei. Ichamonae jeye: “Apolos yabara jume cowantan pocotsiwa cuiduba”, jei. Ichamonae jeye: “Pedro yabara jume cowantan pocotsiwa cuiduba”, jei. Ichamonae jeye: “Cristo yabara jume cowantan pocotsiwa cuiduba”, jei. ¹³ Daxita paxam jopa bewa barapo coyene paexanaem xua ainyamonaein pana naexaname. Cristo jopa pia coutha nanantarubiya exanaeyo tsipei Cristo apara bara caein. Xan, Pablon, jopa apara paca tsitupaetsi naetotha. Jopa apara paca bautisabichi tawantha xua daxota tamonae painya nenaexanaexam. ¹⁴ ¡Pai jaibo! ¿Incane metha barichipaein? ¿Incane metha bautisabichipan? Daxota Nacom tsipaeban janje: “Nacom maisa juntu coyene weiweinan xua barapomonae jopa tabautisabiwa”, jan. Saya meisa bautisaban Crispo iruru Gayo. ¹⁵ Daxota dapon aibi pon itacupatsi xua pejeiwa: “Xan nebautisaba Pablo pewantha”, xua pejeiwa. ¹⁶ Jaina iruru Estéfanos piamonae tatsi bautisaban. Ichitha ichamonae jopa yabara nanta xeinaeyo xua tabautisabiwa bayatha. ¹⁷ Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacueicueijeinexa pecapanenebiyae diwesi. Ichitha jopa cueicueijanyo icha be ichi pon bichocono cueicueijej poxoru bichocono peyaputaexae. Ichi baxua exanaetsipan jiwi jopa yabara yaputaetsipae Jesucristo pia pecapanenebiyae diwesi xua poxonae Cristo naetotha tsitupa jiwi.

Meje poxonae Pablo yabara paeba xua Cristo xeina Nacom pia peyaputaetsi xua tatsi xuano Nacom pia peyaputaetsi coyenewano tatsi

¹⁸ Ichamonae jopa beta yabara nanta xeinaeyo po diwesi xua Cristo pet-situpaewa naetotha jiwi. Barapomonae yawa muxuna weraweracaena abe peexanaewan. Barapomonae jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonae Nacom capanenebiyaena abe pia peexanae cuiru coyenein tatsi weya. Barapomonae yaputane xua barapo diwesi bichocono peyaputaetsi diwesi xua Nacom weya. ¹⁹ Nacom Pejume Diwesitha baxua yabara paeba. Nacom jeye: “Weraweraca exanaein peyaputaetsi coyenewan, po peyaputaetsi coyenewan xeina pomonae peyaputaetsi. Pecuidubi coyenewan beban tsane, po pecuidubi coyenewan xeina pomonae peyaputaetsi”, jei Nacom.

²⁰ Pon xua peyaputaetsi iruru pon xua pecuidubin, iruru pon jume daunweya yabara cueicueijej po nacuathe, barapomonae Nacom jopa tsita ainya cuichi. Nacom cui capona peyaputaetsi coyenewan, po peyaputaetsi coyenewan xeina pomonae peyaputaetsi jiwi barapo cae pin nacuathe. ²¹ Nacom xainyeya xeina peyaputaetsi coyenewa. Nacom jopa copatsiyo jiwi xua peyaputaetsi bapon, peyaputaetsi coyenewatha po peyaputaetsi coyenewa xeina pomonae jinompa barapo cae pin nacuathe. Jame Nacom ichichipa xua capanepa jiwi abe pia peexanae cuiru coyenein weya pejume cowantsixaetsi poxonae pacueicueijan Nacom Pejume Diwesi. Barapo diwesi ichamonae tsita penamitacueinchi diwesichi. ²² Judiomonae ichichipa tane nawita Nacom pia pexeinya petsita itutsi coyenewan xua pejume cowantsinexa tsane Nacom Pejume Diwesi. Seicaya nama griegomonae yabara jeita nawita barapo irathe pia peyaputaetsi coyenewan xua pejume cowantsinexa tsane Nacom

Pejume Diwesi. ²³ Ichitha paxan payabara cueicueijan Mesías pon naetotha tsitupa xua jiwi abe pia peexanae cuiru coyenein tatsi. Barapo diwesi judiomonae jopa be jume jejeyo poxoru tsita ajumebetsi. Seicaya nama pomonae jopa judiomonae naexanaeyo tsita penamitacueinchi diwesichi barapo diwesi. ²⁴ Ichitha pomonae Nacom waba pomonae bara metha bequein judiomonae tsipae iruru pomonae metha bequein jopa judiomonae naexanaeyo tsipae barapomonae jame Jesucristo jume cowuntatsi. Barapomonae nanta xeina xua Mesías xeina Nacom pia peayapusu coyenewa tatsi matautano xua Nacom pia peyaputae coyenewa tatsi xua jiwi peca-panenebiyaenexa tsainchi. ²⁵ Pocotsiwa jiwi tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwi xeina barapo cae pin nacuathe. Matautano pocotsiwa jiwi jopa tsita peayapusutsi xua Nacom xeina baxua apara bara jame Nacom tsita peayapusu coyenewatsi bichocono, beyacaincha po peayapusu coyenewa jiwi xeina barapo cae pin nacuathe. ²⁶ Tamonae pam, paxam pomonae iru painya nejume cowuntsiwixae Jesucristo. Paxam bewa pana nacayabara nanta xeinaem xua eta po jiwi pam xua poxonae Nacom aena paca waba. Bapoxonae pananta xeiname xua saya paxam caeyobe pam pomonae peyaputae jiwi pam. Barichi paxam saya caeyobe pam pomonae peayapusuya itorobi jiwi pam. Matautano paxam saya caeyobe pam pomonae peainya cui jiwi pam. ²⁷ Nacom itapeta pomonae xua ichamonae yabara jeichi: “Barapomonae apara pomonae jopa peyaputae jiwi”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonae yabara jeichi: “Apara barapomonae pomonae pejuntu coyene faefae-naewi pejume cowuntsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa pejuntucoyenesuwa. ²⁸ Nacom itapeta pomonae barapo cae pin nacuathepiwi jiwana, pomonae pecui pawu jiwi xua piamonae peexanaenexa. Barapomonae pomonae ichamonae abe peyabara paebiwichi, matautano xuanu pomonae ichamonae jopa petsita ainya cui jiwichi. Nacom itapeta pomonae jopa peainya cui jiwi xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwi. ²⁹ Daxota dapon aibi pon peitacupaewatsi xua Nacom peitabaratha atsaquiya penayabara paebiwa xua peainya cui jitonxae. ³⁰ Nacom paca exana xua painya neyawa jinompaewa Cristo Jesús pia peajuntuyapusuwa tatsi. Matautano Nacom naca exana xua xeinatsi Cristo Jesús pia peyaputae coyenewa tatsi wayaputaenexa Nacom. Matautano Cristo naca cana exana xua wajuntu coyene xanepanaewa xua jopa wanatsicuentisiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonae tatsichi. Nacom naca yantomata xua Jesucristo naca tsitupa naetotha wanaca capanenebiyaenexa abe waexanae cuiru coyenein weya. ³¹ Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bu jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

2

Meje xua Cristo petupaewa diwesi yabara

¹ Tamonae pam, paxam pomonae iru painya nejume cowuntsiwixae Jesucristo. Patopan painya xantha tapaca catsipaebinxatsi Nacom pia pexainyei diwesi jume. Bapoxonae jopa paca tsipaebichi po diwesi ayapube xua tacueicueijeiwa xua poxonae icha ichi xua paeba pon peyaputaen bichocono. ² Poxonae poponan painya xantha, saya meisa Jesucristo yabara nanta xeinan xua tapaca catsipaebinxatsi. Matautano yabara tapaca catsipaebinxatsi po coyene poxonae bapon naetotha tupa. ³ Poxonae paxamtha naitutan nayabara nanta xeinan xua neita coxana xua beta tacueicueijeiwa. Matautano tajunuwi unthuthu deideijan. ⁴ Poxonae paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonae cueicueijei pon bichocono peyaputaen. Ichitha seicaya nama paca tsipaebatsi tana neitorobixae Nacom pia Pejumo tuxaxu tatsi yawano Nacom pia peyapuxu itorobi coyenewathano. ⁵ Daxota poxonae pajume cowuntame Jesucristo apara poxoru jopa painya nejume cowuntsixae jiwi pia peyaputae coyenewa. Apra jame poxoru Nacom painya nepaca yawe-naexae pia peyapuxu itorobi coyenewatha daxota pajume cowuntame.

Meje yabara xua Nacom nacayaputane exana pia Pejumo tuxaxutha tatsi

⁶ Paxan pacueicueijan pomonaetha pomonae bichocono pejume cowuntsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apra barapo cae pin nacuathe weya ponaeyo. Matautano jopa apra barapo coyene xua po coyene jopa ponaeyo pomonae piamonae itorobiya pecanamataxeinaewi weya. Pomonae anoxuae piamonae itorobiya pecanamataxeinaewi werapaena, yawano weraweracaena pia peyaputae coyenewan tatsi. ⁷ Po coyene xua paca tsipaebatsi apra Nacom pia peyaputae coyenewa tatsi. Barapo coyene caena bayatha Nacom namicha yawun xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pewunaeya poxonae Nacom nacia forotsina bapon nanta xeina xua naca capanepaena. Baxua apra Nacom pia peyaputae coyenewa tatsi xua matapainya naituta. ⁸ Barapomonae pomonae piamonae itorobiya pecanamataxeinaewi jopa yabara yaputaeyo Nacom pia peyaputae coyenewa tatsi. Icha metha barapomonae yaputaetsipa metha jopa Jesucristo naetotha tupa exanaetsipaetsi, pon jiwi Pecanamataxeinaein, pon pexeinya peitupanae coicha pexeinaein. ⁹ Nacom Pejume Diwesitha baxua yabara jeye:

“Nacom bayatha jiwi tsiwunaeta po jiwi peantobewixaetsi pocotsiwan xua bichocono pewunaewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiwunaeta pocotsiwa xua jiwi jopa bapana yabara nanta xeinae jopa juniya pewunaexae”, jei Nacom Pejume Diwesitha.

¹⁰ Nacom yabara naca yaputane exana baxuan pia Pejumo tuxaxutha tatsi. Nacom pia Pejumo tuxaxu tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yawun xeina.

¹¹ Jiton dapon aibi pon itacupatsi xua yaputane ichun pia pejuntu coyene tatsi. Saya jame meisa ichun itacupatsi xua pia coutha najuntu coyene yaputane. Bara juta ichi meisa Nacom pia Pejumope tuxu tatsi yaputane xua Nacom pia pejuntu coyenewa tatsi. ¹² Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Aparajame seicaya naca cata pia Pejumope tuxu tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae. ¹³ Waxainchi diwesi cueicueijeichi pomonaetha pomonae Nacom pejume cowantsiwi po coyenetha Nacom pia Pejumope tuxu tatsi naca yaputane exana. Jopa apara barapo diwesi cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumope tuxu tatsi ichichipa paeba pomonaetha pomonae Jesus pejume cowantsiwichixaetsi. Barapomonae yaputane barapocotsiwan.

¹⁴ Nama pon jopa pejume cowantsin Jesus jopa yaputaeyo pocotsiwan wacueicueiwi, pocotsiwan Nacom pia Pejumope tuxu tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesi tsipei jopa xeinaeyo Nacom pia Pejumope tuxu tatsi xua peyawenaenexatsi xua peyaputaewanexa. ¹⁵ Jame pon pejume cowantsin Nacom, bapon yawenatsi Nacom pia Pejumope tuxu tatsi xua yabara peyaputaewa daxitan. Ichamonae jopa itacupaetsi xua bapon peyabara paebiwatsi xua penatsicuentiwa xua abe peexanaexae. ¹⁶ Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwipecanamataxeinaein? Jume apara, apara dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

3

Meje xua Pablo yabara paeba pomonae penabar nacuichiwi Nacom nexa

¹ Tamonae pam, paxam pomonae iru painya nejume cowantsiwixae Jesucristo. Jopa neitacupaeyo xua tapaca catsipaebiwa tsainchi icha bichocono pajume cowantame Nacomtha icha be pocotsi jiwimonae ichi pomonae bichocono jume cowanta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cowantame Cristo. ² Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxae jopa yaputaeyo xua xane pexaewa. Cataunxae jopa neitacupaeyo xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxae jopa itacupaetsi xua pewito pexaewa. ³ Paxam cataunxae painompame icha be ichi poxonae jinompa pomonae jopa pejume cowantsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiya pomonae jopa pejume cowantsiwi Nacom. ⁴ Ichamonae pomonae paxam jiwana pam, jeye: “Pablo yabara jume cowantan pocotsiwa cuiduba”, jei. Ichun jeye: “Apolos yabara jume cowantan pocotsiwa cuiduba”, jei. Poxonae papaebame baxua bapoxonae bara pajinompame icha jiwipeca ichi poxonae jinompa pomonae jopa pejume cowantsiwi Nacom.

⁵ Daxota paca tsipaebatsi: Xan Pablo jopa taainya cui jiton, barichiru Apolos. Apra paxanbe saya ponbe amanaya pata tanacuichinbe Nacom. Nacom Apolos pana neitorobabe xua pata cueicueijeinexabe Nacom Pejume Diwesi. Apolos baxua pata exanaexaebe daxota pajume cowantame Jesucristo pon jiwi Pecanamataxeinaein. ⁶ Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apra bapon, pon paca yawena xua painya nejume cocowantaponaenexa. Barapo coyene icha be nae ichi xua peubi nae. Ichun ubanota. Ichun mera mata epababapona. Ichitha nama Nacom, apra bapon, pon exana xua xaniwaicha xuwa. ⁷ Ichun copiya uba iru ichun xuya mata epababa meratha. Pon peubixae jopa ainya cui jitonnyo. Iru pon xuya pemata epababaponaexae meratha, bapon jopa ainya cui jitonnyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos iru xan Pablon jopa ainya cui jitonnyo panbe. Jame Nacom bichocono ainya cui beyacaincha paxanbe. ⁸ Pomona xua uba iru pomona xuya meratha mata epababapona barapomona Nacom tsita najupatsi. Nacom pentoma cata barapomonaetha be pocotsi coyeneya xua barapomona petanacuichiwa. Pon xua abeya petanacuichixae, be conotha matoma catsinchi. Pon xua wunaeya petanacuichixae, wunaeya matoma catsinchi. ⁹ Paxan pana nabaru yawa tanacuitan Nacom xua pata cueicueijeirwa Nacom Pejume Diwesi poxona paca cuidubatsi xua painya nejume cowantsiwa tsane Nacom. Barapocotsi jata coyeneya paexanan poxona Nacom Pejume Diwesi paca cuidubatsi icha pebin ichi poxona uba pabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejuntu coyene xanepanaewa tsane. Baxua Nacom paca cana exana, icha be pocotsi jata coyeneya ichi poxona pebin bomaxu acabapona xua beya poxona bichocono pexeinya bo. ¹⁰ Nacom necopata xua ponxaein copiya matha tapaca cayawenaewatsi xua painya nejume cowantsinexa bapon. Nama bapoxona xuya ichamona paca cuidubapona Nacom Pejume Diwesi xua painya nejume cocowantaponaenexa. Barapocotsi jata coyeneya exanan poxona tapaca cayawenaewatsi, icha pebin ichi pon peyaputaein xua bo peacabiwa poxona bo acaba po bo ibo bo. Bapon copiya matha tsicobe nobabareca po iboton beta petabu caumenaewa xua ichamona tsicobe nobabarecatsi. Athawetsica xuya ichamona exanapona. Daxita pomona acaba barapo ibo bo bewa beta xanepanaya exanaena icha jiwi ichi xua poxona bewa beta taexanaena xua pocotsiwa taexana Nacom nexa. ¹¹ Poxona jiton ibo bo acaba bapon copiya beta noba po iboton xua copiya nanta caumena. Bapoxona ichun bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jata coyeneya ichi, poxona paca cuidubatsi Jesucristo pejume diwesi. Ichun bewa beta yabara paca cuidubina icha coyene xua baxua painya nejume cowantsinexa. ¹² Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusu be pocotsiwa pewun oro nain, yawano pocotsiwa xua pewun plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara jata ichi, pebin itacupatsi xua yawanaena ichamonaetha. Ichacuitha beta cuidubina pomona xua jume cowanta Jesucristotha pocotsiwa xua bichocono ayapusu. Ichacuitha

cuidubina pocotsiwa xua pepawi pomonae xua jume cowanta Jesucristo xua jopa ayapusyo. ¹³ Jopaena matacabi po mataqueitha Nacom yabara paebina jiwi xua penatsicuentisiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanepanatsi pocotsiwa xua bichocono ayapusu po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa. ¹⁴ Icha pebin exana pocotsiwa xua bichocono ayapusu xua Nacom nexa, Nacom matoma catsina bapontha. ¹⁵ Ichitha icha ichun taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxona Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

¹⁶ Barapara paxam payaputaneme xua painya juntu coyene Nacom tsitatsi xua bara be Nacom pin pia bo tatsi tsipei Nacom pia Pejumope tñaxu tatsi popona painya juntu coyenetha. ¹⁷ Icha ichun saraboba Nacom pin pia bo, Nacom xuya weraweraca exanaena barapo jitontha. Nacom pin pia bo tatsi, bara po bo Nacom tsita xanepanatsi poxoru pia Pejumope tñaxu tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca juntu coyene itoroba xua abe painya neexanaewa tsane. Nacom baxua exana tsipei Nacom pia Pejumope tñaxu tatsi popona painya juntu coyenetha.

¹⁸ Jopa pacopatsinde xua painya coutha pana namuxuitorobame. Icha ichun pia coutha nacayabara nanta xeina xua bichocono peyaputaen icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaen. Bapoxona bapon bara Nacom tsita be pon pepa peyaputaenchi. ¹⁹ Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentisiwa xua abe peexanaexae pocotsi jiton peyaputaen, peexanaexae barompaya pia peyaputae coyenewatha”, jei Nacom Pejume Diwesitha. ²⁰ Matautano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha. ²¹ Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: “Pon jume cowantan pocotsiwa cuiduba bapon bichocono peyaputaen beyacaincha ichun pon peyaputaen”, xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, iruno daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane. ²² Xan Pablon Nacom neitoroba, iru Apolos itorobatsi, iru Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajuntayapusuwa, po coyenewano petupae coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa. ²³ Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

4

Meje xua Jesucristo pia peitorobi jiwi tatsi taexana, Nacom taexanatsi

¹ Paxam bewa pana neyabara nanta xeinaename xua paxan meisa saya barapomona pan xua pomona Cristo amanaya pata tanacuichi jiwi pan. Paxan yabara pacuiduban Nacom moya pia peyawun xeinaewa tatsi po coyene copiya bequein bayatha moya yawun xeina xua jiwi jopa yabara yaputaeyo. Barapo coyene xua moya peyawun xeinaewa, anoxuae Nacom najume yabara copata xua jiwi bara peyaputaenexa. ² Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowantsinexatsi pia pecanamataxeinaeinchi xua bara xaniwaicha exana. ³ Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeyo xua icha metha barapo coyene jopa exanaeyo, xua daxota tanatsicuentsexae abe taexanaexae Nacomtha. ⁴ Tajuntx coyene netsipaeba xua bara pinae xanepanaya taexanaewa. Bequein tajuntx coyene baxua netsipaeba ichitha jopa nayaputaeyo xua metha apara abe taexanaewa xua daxota Nacom tsita natsicuantan. Nacom pon jiwi Pecanamataxeinaein bapon apara pon taneyabara paebin xua tanatsicuentsiwa xua abe taexanaexae. Bapon meisa nejuntx coyene yaputane icha bara metha tsita xeinan xua tanatsicuentsiwa xua abe taexanaexae. ⁵ Jopa bepijawa payabara paebinde ichamonae xua abe pia peexanaewa. Abx tsane beya poxona patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itutsina po coyene xua jiwi pia pejuntx coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xeina pejuntx coyeneintha xua penatsicuentsiwan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaexanaewichi. Pontha pon xanepanaya petanacuitsinchi Nacom wnae jainchina bapontha. Nacom jopa wnae jainti tsane pon jopa xanepanaya petanacuitinchi.

⁶ Tamona pam, paxam pomonae irx painya nejume cowantsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinompaenexa. Barichi paca tsipaebatsi Apolos yabara irx xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxona xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyo Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichun bichocono peainya cui jiton beyacaincha ichun. ⁷ Nacom jopa paca exanaeyo xua peainya cui jiwi pam beyacaincha xua ichamonae pomonae irx pejume cowantsiwi Nacom. Pocotsiwa paxeiname jopa apara pana nacatsim painya coutha barapocotsiwa. Apra jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonae baxua papaebame apra pajuntemainame pocotsiwa xua Nacom painya nepaca catsibiwa daxita.

⁸ Itara mexeya daxita painya nexeinea jiwi pam po coyenein xua paichichipame painya neyaputaewa Nacom yabara daichitha jopa bara-

pomonae pam. Pananta xeiname icha pomonae copei pexeinaewi ichi iru icha ichi pomonae jiwi itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenon-aewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonae painya neyaputae jiwi pam daxita xua Nacom Pejume Diwesi yabara xua bapoxonae pata tana nebaru yaputaewam tsane daxita Nacom Pejume Diwesi. ⁹ Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru imoxoyo pata werapaewa tsane. Paxan be pocotsi jiwimonae pecui pawu jiwimonae pan xua daxota daxita nacuanpiwi iru matatsunpiwi pana ichichi xeica. ¹⁰ Jiwi pana neyabara nanta xeina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiwi pam Cristo. Paxan nama jopa pana daichibenaeyinyo. Paxan jiwi pana yabara nanta xeina xua pajuntu coyene faefaenabenan. Jaina nama pana nayabara nanta xeiname xua pajuntu coyene daunwam Nacomtha. Jaina maisa jiwi paca baru cui itura jina, jopa pana daichibenaeyinyo. Nama atsaquiya abeya pana yabara paeba. ¹¹ Caena bayatha beya anoxuae, paxan bichocono pajainpan. Matautano pameratsipanno bichocono. Matautano painta paparuwan bichocono jonopa. Jiwi pana neba bichocono. Yawano jopa bo paxeinaeyinyo. ¹² Pana nacobe fifinatontan, patain pata nacuichixae bichocono. Bequein jiwi tsumu jumetha pana casebeiba daichitha barapomonae Nacomtha patawunqueiban xua barapomonae peyawenaenexa tsalbi tsainchi. Poxonae jiwi pana atene exaneiba bara saya pacui copatan. ¹³ Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya patsipaeban barapomonaetha. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxonae jiton ichi poxonae piawa basuratha xuba. Baxua jiwi painta exanapona beya anoxuae.

¹⁴ Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi.

¹⁵ Bequein icha bara metha paxeinaetsipame diez mil poyobe pomonae painya cacuidubi jiwi po coyene xua Cristo yabara, ichitha saya pacata compa pon be painya axa natsicotane. Saya meisa xan compan copiyan pon be painya axa tapacata natsicotaeinchi, tsipei paxam copiya Cristo Jesús pajume cowuntame poxonae paca cuidubatsi Nacom Pejume Diwesi.

¹⁶ Daxota bichocono paca muxu jeichi, paexanaponde icha xan ichin xua exanaponan.

¹⁷ Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowuntsiwa Jesucristo pon jiwi Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cowuntsixae Cristo Jesús. Barapo coyenein cuidubeiban ichaxota poneiban daxita i dapocotsi penacaetutsi bon jiwitha pomonae Nacom pejume cowuntsiwichi. ¹⁸ Ichamonaey pomonae paxam jiwana pam, bichocono juntu coyene yucatsi xua ichamonaey peabiwatsi. Baxua exana tsipei barapomonae nanta xeina xua xan jopa tapaca siwa ponaewa tsainchi. ¹⁹ Icha Nacom pon jiwi Pecanamataxeinaein copatsina xua bara taponaeewa tsane aunxuae paca siwa ponaeinchi. Bapoxonae taein pomonae xua ichamonaey peabiwichi icha metha barapomonae

xeina Nacom pia peayapusu itorobi coyenewa tatsi. Ichacuitha metha tsipae apara metha saya paeba. ²⁰ Jiwi jopa patsi tsane Nacom pia peitorobi nacua beicha xua poxoru wunaepaebixae tsane pia coutha. Apara jame jiwi patsina bara beicha pexeinaexae Nacom pia peayapusu itorobi coyenewa tatsi. ²¹ ¿Eta xua painyatsi? ¿Paca tsicapatinchi naewan xua xota paca beinchi? Jume apara. Ichacuitha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

5

Meje xua poxonaepablo itaweta pon penowa tsiperu nacoyoba

¹ Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanae coyenewa bichocono abe. Pomonae bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua. ² Paxam pomonae painya nenanta xeinae jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya. ³ Bequein jopa yatsicaewa paca baru ecaetsi ichitha paca yabara nanta xeineibatsi be poxonaepaca baru ecatsi yatsicaewa. Bara bapon yabara paeban xua penatsicuentisiwa xua abe peexanaexae tsipei yabara paeban Jesucristo pia peayapusu itorobi coyenewatha tatsi, pon Wanacanamateaxeinaein. Baxua exanan icha be poxonaeyatsicaewa tapaca baru ecaewatsi. ⁴ Poxonaepanacaetutame daxita pam, pomonae painya nejume cowantsi jiwi Jesús, paca yabara nanta xeineibinchi icha be poxonaepaca baru ecaewatsi yatsicaewa. Matautano Jesús pon jiwi Pecanamateaxeinaein pia peitorobiwa tatsi xua peayapusuwa tatsi paxeina dubenanaebiyama. ⁵ Pon xua awiya abe exanapona barapo jiton barapacopare Satanastha pon caurimonae pia pentacaponaeintha tatsi. Bapoxonaeparapo caurimonae pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonaeparapo pebin equeicha jume cowantsina Nacom po pebin copiya abe peexanaexae. Pia pejumope tunaxu tatsi Nacom capanepaena po mataqueitha poxonaep Jesús patopeicaena, pon jiwi Pecanamateaxeinaein.

⁶ Paxam jopa bewa atsaquiya pajinompaem xua poxoru pocotsiwa painya neexana dubenanaebiyaexae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonaepinmonae painyamonae abe exanapona. Bara paxam payaputaneme pocotsi diwesiyo ba jiwi yabara canauta jutsiya paeba baxua yabara xua pejeiwa: “Levadura matawun xoyo bequein peyauyo baxoyo daxita pantha cotowa exana”, xua pejeiwa. ⁷ Painya xainya weya patorore pon abe peexanaein abe peexanaeyainwa daxita painyamonae xua icha bapon ichi xua abe exana. Barapo coyene icha be ichi poxonaep jiwi levadura bebai, po levadura peru levadura abe peexanaeyainwa pan matabutha. Poxonaepapo pebin patorotame bapoxonaepainyamonae pomonae pejume cowantsiwi xanepanaya jinompaena. Caena bayatha judiomonae juteba oveja xua poxonaepewunaeya tsane poxonaepEgiptonacua weya pona. BapoxonaepNacom yabara junteina judiomonae abe pia peexanaepcuiroyenein tatsi poxonaepcordero bexotsi xua ovejapebto penun. Nacom tsitatsi xua Cristo bara be cordero poxonaep tupa

naetotha. Cristo naca tsitupa xua abe waexanae cuiru coyenein icha cordero ichi xua tsitupa xua judiomonae abe pia peexanae cuiru coyenein tatsi. ⁸ Waxainchi jopa bewa peabe coyenewa exanaetsi. Jame bewa xaniwaicha jantua coyene xanepanaya jinompa dubenanaebiyaetsi Jesucristo pia pejume cowantsiwichixaetsi.

⁹ Icha cartatha paca tsipaebatsi xua jopa bewa painyamonaе jiwi pacana exanaem pomonaе pesi cui weiweinae jiwi xua bequein jopa piseuri jiwi. ¹⁰ Barapomonaе pomonaе pesi cui weiweinae jiwi pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jimán jiwi xua ichichipa copei xeinaewi naexana xua beyacaincha ichamonaе pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jopa pejume cowantsiwi Jesucristo pomonaе pecaibi jiwi apara jopa paca tsipaebichi barapomonaе yabara. Pomonaе ibo nacomán wunaе pejinchiwi apara jopa paca tsipaebichi barapomonaе yabara. Barapomonaе pexainya weya painya newarapaenexa maisa jame bewa pawarapaem barapo cae pin nacia weya, xua ichaxota po nacia jiwaibi beya xua bara beya painya newarapaenexa. ¹¹ Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomonaе abe peexanae jiwi bequein paeba xua pinae jume cowanta Jesucristo. Barapomonaе jopa bewa payawa muxuna jinompaem pomonaе pesi cui weiweinae jiwi, iruno pomonaе jimán jiwi xua ichichipa copei xeinaewi naexana beyacaincha xua ichamonaе iruno pomonaе ibo nacomán wunaе pejinchiwi, iruno pomonaе nacyra penaexanaewi, iruno pomonaе jiwi pebiataewi, iruno pomonaе pecaibi jiwi daxita barapomonaе jopa bewa pabarua xaem bequein paca wabitha tsipaeno xua painya nenanabanaewa tsane”, jan. ¹² Xan jopa neitacupaeyo xua jiwi tayabara paebiwa xua penatsicuentisiwa Nacomtha xua abe peexanaexae pomonaе jopa jume cowantsiyo. ¹³ Jame apara meisa Nacom yabara paeba xua penatsicuentisiwa xua abe peexanaexae pomonaе jopa Nacom pejume cowantsiwichi. Ichitha bewa payabara paebim xua penatsicuentisiwa pomonaе penacaetutsi jiwi pomonaе pejume cowantsiwixae xua abe peexaneibixae poxonaе. Daxota bewa paxam patorotsim pon abe exana painya xantha pon penowa tsiperua wenacoyoba xua awiya baru jijinapona.

6

Meje yabara pomonaе pejume cowantsiwi Jesucristo xua peponaewa pontha pon jiwi yabara paeba xua penatsicuentisiwa xua abe peexanaexae

¹ Poxonaе ichamonaе pomonaе pejume cowantsiwi jiwana pacata abe exana painya xoba paponame ichaxota eca pon jiwi yabara paeba xua penatsicuentisiwa xua abe peexanaexae. Jamaisa baxua paexaname xua pawucame pon jopa pejume cowantsin pon jiwi yabara paeba xua penatsicuentisiwa xua bapon peitawetsinexa pomonaе abe peexanaewi. Bapoxonaе painya pia bapon paca tsipaebichi xua barapomonaе paca tsita natsicuenta xua abe peexanaexae. Jame bewa paponaname ichaxota nacaetuta pomonaе pejume cowantsiwi Jesucristo. Bapoxonaе barapomonaе yabara paebina pomonaе xua penatsicuentisiwi xua abe peexanaexae paxamtha. ² Paxam payaputaneme xua pomonaе pejume cowantsiwi Jesucristo, barapomonaе yabara paebina pomonaе xua penatsicuentisiwi xua abe peexanaexae pomonaetha pomonaе barapo nacuathepiwi. Barichi bexa tsane poxonaе Cristo patopeicaena payabara paebiname pomonaе barapo nacuathepiwi xua penatsicuentisiwa xua abe peexanaexae. Daxota

anoxuae bewa paexanaem xua payabara paebiname xua penatsicuentisiwa xua bequein bara conotha abe peexanaexae pomonaetha pomonae pejume cowantsiwi Jesucristo po coyenein bara bequein bichocono jopa abeyo. ³ Waxainchi yaputainchi xua bexa tsane wayabara paebiwa matatsunpiwi penatsicuentisiwa xua abe peexanaexae Nacomtha. Baxua exanaeinchi poxonae Cristo patopeicaena. Daxota anoxuae paca itacupa xua painya neyabara paebiwa xua penatsicuentisiwa xua abe painya nepaca tsita exanaexae pomonaetha pomonae pejume cowantsiwi xua wajinompawea yabara barapo cae pin nacuathe. ⁴ Icha paxeiname po coyenein xua abe pacata exana pomonae iruru pejume cowantsiwi, jopa bewa paponame ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin. ⁵ Baxua paca tsipaebatsi xua painya neauramnexa tsane. Pon ba peyaputaein bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa? ⁶ Ponbe paxam jiwana pam, ponbe pejume cowantsinbe Jesucristo, baponbe nababe. Ichun xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinxatsi pon abe peexanaexae ichantha.

⁷ Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamonae abe pacata exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentisiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha. ⁸ Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinxatsi pomonae abe pacata exana.

⁹⁻¹⁰ Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nenamuxuitorobiwa barapo coyene yabara xua daxota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuaje: Pomonae pesi cui weiweinae jiwi, pomonae wuna pejainchiwi ibo nacomun, iru pomonae penotsiwi yabaxi powaxi bara bequein pia pebiwi xeina, iru po pebiwi cae pebiwi penaisa maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi naexana beyacaincha xua ichamonae, iruru pomonae nacupa penaexanaewi, peatsaxa meran, iruno pomonae jiwi pebiataewi, iruno pomonae peyabara muxuitorobi jiwi pecaibinexa. ¹¹ Copiyatha paxam be barapocotsi jiwimonae pam xua poxonae matha aena pajume cowantame xua abe painya neexanae jiwi pam. Daichitha Nacom paca yabara jantemaina abe painya neexanae cuiru coyenein. Matautano Nacom paca yabara caunuta jeye: “Tapexuimonae jiwi”, paca yabara jei. Matautano Nacom jopa painya tsita natsicuentisiwa xua abe painya neex-

anaexae. Nacom pia Pejumope tɔnaxɔ tatsi irɔ Jesucristo pacata exana baxua xua poxonae pajume cowantame Jesucristo pon jiwi Pecanamataxeinaein.

Meje xua Pablo jei: “Wapepon Nacom piawa”, jei

¹² Jiwi ba jeye: “Xan necopata xua bara taexanaewanexa pocotsiwa xua ichichipan”, jei. Bara bequein xainyei jiwi xua pepaebiwa, ichitha ichacuitha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuitha jopa xapain nata exanaeinchipae xua poxonae icha nanta xeinaetsipan xua jopa neitacɔpaeyo xua bara tana necui copatsiwa. ¹³ Bara jiwi ba xainyeya paeba poxonae jeye: “Pexaewa wɔnae xua pecotsoro nexa, irɔ pecotsoro wɔnae xua pexaewa nexa”, jei. Ichitha bexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsiexana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa. ¹⁴ Icha Nacom ichi xua asɔ exana petɔpae cuiru coyene weya pon jiwi Pecanamataxeinaein Jesucristo, Nacom bara naca ichi tsane, asɔ naca exanaena petɔpae cuiru coyene weya pia peayapusɔ itorobi coyeneyatha.

¹⁵ Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejɔntɔ coyene xanepanae jiwi. Xan irɔ barapo pejɔntɔ coyene xanepanae jiwi piamonae jiwanan tatsin. Daxota jopa benatsiperɔ jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon. ¹⁶ Paxam payaputaneme icha pebin natsiperɔ jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha. ¹⁷ Poxonae ichɔn cae jɔntɔ coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejɔntɔ coyenewatha.

¹⁸ Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ichɔntha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha abe nacana exana. ¹⁹ Paxam payaputaneme xua Nacom pia Pejumope tɔnaxɔ tatsi paca barɔ jinompa pia paca nacana jumope tɔnaxɔ catsixae paxamtha. Icha barapo Nacom pia Pejumope tɔnaxɔ tatsi ichi xua paca barɔ jinompa, barichi barapo Nacom pia Pejumope tɔnaxɔ tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamataxeinaewi jiwi pam. ²⁰ Nacom bayatha pacata pematomatsiwa exana xua poxonae Jesús naetotha painya nepaca tsitɔpaewa xua abe painya neexana cuiru coyenein. Daxota beta pajume cowantsiya jinompare ichamonae petitɔtha tatsi. Bapoxonae barapomonae Nacom barɔ cui itura jinatsi xua pon xanepanaya peexanaein poxonae paca cui tane xua xanepanaya pajinompame.

7

Meje xua Pablo yabara muxuweta xua jitha peenaewa yabara

¹ Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo bu bara moya jopa jitha ecae tsane, bequein bara baxua taxanepanatsi bapon. ² Ichacuitha poxona pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yabuxi bewa barompaya seicaya notsina pia pebiwi. ³ Pebin bewa bara exanaena piowatha xua poxona peisa maitecae coyenewa. Barichiru yabuyo bewa bara exanaena pia pebintha xua poxona petsicuara maitecae coyenewa. ⁴ Petsiriwa powa jitha eca, jopa bewa nayabara nanta xeinae xua penaperu xeinaewa xua saya pia coutha nexa. Jame bewa nanta xeinae xua apara bara pia pebin tatsi pia peruto tatsiru. Barichi pebin jopa bewa nayabara nanta xeinae xua penaperu xeinaewa xua saya pia coutha nexa. Jame bewa nanta xeinae xua apara bara piowa tatsi pia peruto tatsiru. ⁵ Petsiriwa jopa bewa aichaxaibi tsane xua isa maiteca pia pebin. Pebin iru jopa bewa aichaxaibi tsane xua piowa peisa maitecaewatsi. Poxona pebin piowabe eenatsibe caentacabiyobetha xua Nacomtha wucauyabe bapoxona baponbe itacupatsi xua itompa exanaenabe xua peexanaewa po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxona po mataqueitha najume wetsina xua Nacomtha pewucaewabe bapoxona jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pejuntu coyene jujuntsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

⁶ Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa. ⁷ Ichichipan xua daxita jiwi jinompa dubenanaebiyaena icha po coyeneya ichin xua poxonae poponan xua jeinya ecan. Daichitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa nacui coyene jupaeyo.

⁸ Pomona pemisa dubenaewi pam iru powaxi painya seuriwi painya necacuenta werapaewaxichi pam, daxita barapomona pam paca tsipaebatsi. Bara wuna tsipae icha jopa jitha paenaemtsipae icha be xan ichin xua jopa jitha taecaewa. ⁹ Ichitha icha jopa paca itacupaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

¹⁰ Ichitha pomona xua bayatha jitha painya neenaewi pam barapomona pam paca itorobatsi. Jopa apara taitorobi coyeneya paca tsipaebichi. Jame apara Nacom taneitorobixae xua po coyeneya tapaca catsipaebinexatsi. Paca jeichi: “Yabuyo jopa bewa cuenta warapaena pia pebin xua pexubinexa”, paca jeichi. ¹¹ Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

¹² Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowuntsin xeina piseuri powa jopa pejume cowuntsiwayo bapon jopa bewa punaxubi tsane bapowa icha bapowa ichichipa xua bapon pebaru poponaewatsi. ¹³ Barichi icha yabuyo powa jume cowanta xeina pebin

pon jopa pejume cowantsin bapowa jopa bewa punaxubi tsane icha bapon ichichipa xua bapowa pebaru poponaewatsi. ¹⁴ Po pebin bequein jopa jume cowantsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cowantsiwayo. Barichi powa jopa bequein pejume cowantsiwayo, Nacom tsitatsi xua po coyene barapowa jitha peecaewa bara xanepana, tsipei bapowa xeina pia pebin pon pejume cowantsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cowantsiwi pia pexui tatsi tsipae. Ichitha poxoru barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi jantꞫ coyene xanepanena. ¹⁵ Ichacuitha pebin pon jopa pejume cowantsin ichichipa punaxuba piowa powa pejume cowantsiwayo. Bapoxonae bapowa bara copata xua pepunaxubiwatsi pia pebin. Barichi ichacuitha yabꞫyo powa jopa pejume cowantsiwayo ichichipa punaxuba pia pebin pon pejume cowantsin. Bapoxonae bapon bꞫ bara copata xua pepunaxubiwatsi pia petsiriwa. Nacom copata barapomonae jopa pejume cowantsiwixaetsi xua piseuriwi pepunapentsiwa tsipei ichichipa xua jantemiya wanabarꞫ jinompaewa tsane saya. ¹⁶ YabꞫyom icha ewatsiwatham tsipae xua jinya pebin pejume cowantsinexa, daichitha jopa jume cowantsipae Nacom. Barichi pebin icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

¹⁷ Daxita paxam bewa xanepanaya pajinompaename icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxeiname ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacaetutsi bontha pomonae Nacom pejume cowantsiwichi. ¹⁸ Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi bꞫ saya barabꞫ tsane baxua. Barichi ichacuitha Nacom waba xua pebin wabatsi pejume cowantsinexa tsane. Barichi icha barapocotsi pebin caena bayatha jopa wi thabichi bꞫ saya barabꞫ tsane baxua xua jopa pewi thabinexatsi. ¹⁹ Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwu bewa exanaena, jame maisa bewa jiwu jume cowantsiya exanaena pocotsiwa Nacom itoroba. ²⁰ Daxita paxam bewa jꞫpa paexana dubenanaebiyaname icha copiya paichim xua paexana dubenanaebiyame poxonae copiya aena Nacom paca waba. ²¹ Poxonae Nacom waba pon paxam jiwana pam xua poxonaerꞫ bapoxonae amanaya tanacuita pia pentacaponaein, bapon jopa bewa yabara nantꞫ exabi baxuan xua pia saya poponaetsi. Ichitha icha bapon itacꞫpatsi xua saya pepoponaewa bꞫ moya saya popona xua jopa penantawenonaenexa tsane xua amanaya petanacuichiwa ichꞫn. ²² Barichi ichacuitha pon bayatha exanatsi xua amanaya petanacuichinexa ichꞫn bapon jume cowanta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichꞫn bapon jume cowanta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba. ²³ Nacom pin matomatha pacata matomata poxonae Jesús naetotha paca tsitꞫpa abe painya neexanae cuiru coyenein nexa. Painya xoba pacopatame xua jiwu equeicha caewa painya nepaca itorobiwa xua

abe painya neexanaewa. ²⁴ Tamonae pam daxota paca itorobatsi xua painya nejume cowanta dubenanaebiyaenexa Nacom, icha paichim xua pajume cowanta dubenanaebiyame poxonae copiya Nacom aena paca waba.

²⁵ Jopa xeinaeinoyo po jumetha xua tacueicueijejiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsipaebatsi po coyeneya xua saya tacoutha tananta xeinaewa. Ichitha paxam paca itacupa xua pata tana nejume cowantsiwam tsipei Nacom necata barapo peyaputae coyenewa tana neantobexae. ²⁶ Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayapube tsounae xua wana-papeichi-watsi. ²⁷ Icha jitha paename painya xoba pana napunapentame. Barichi icha pajeinya ename painya xoba pasi cui weiweiname. ²⁸ Icha jitha paename jopa apara bara abe paexanaem. Iru icha yabuyo jitha eca bapowa apara jopa abe exanaeyo. Daichitha pomonae jitha peenaewi bichocono taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

²⁹ Tamonae pam, paxam pomonae iru painya nejume cowantsiwixae Jesucristo. Po coyenewa xua ichichipan tapaca tsipaebiwatsi tsainchi xua meje xua janje: “Waxainchi pin dapae jopa xeinae tsainchi po mataque-itha poxonae Jesús patopeicaena”, jan. Daxota pomonae jitha ena bewa jinompa dubenanaebiyae icha be poxonae ichi poxonae xua jinompa dubenanaebiya pomonae jeinya peenaewi xua xaniwaicha Nacom daunweya petanacuichi-watsi. ³⁰ Daxita jiwi bewa eenaetsi xua Nacom petanacuita dubenanaebiyaewatsi. Daxota pomonae anthutane xua pewecoyeixae bu barapomonae jinompa icha ichi xua jinompa pomonae jopa anthutaneyo xua jopa pewecoyeixae xua daunweya penacuichixae Nacom nexa. Barichi pomonae xua bichocono juntu coyene weiweina bu barapomonae jinompa icha ichi xua jinompa pomonae jopa juntu coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanaebiyaewi bu barapomonae jinompa icha ichi xua jinompa pomonae jopa pecomoca dubenanaebiyaewi xua daunweya penacuichixae Nacom nexa. ³¹ Poxonae cataunxuae pajinompame barapo cae pin nacuathe jopa paichichipa dubenanaebiyaeinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita werawera-caena.

³² Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca juntu deideijeji exana. Po pebinjeinya eca itacupatsi xua penajuntu coyene eena exanaewa xua petaexanaewatsi Nacom pon jiwi Pecanamataxeinaein. Barapo coyene Nacom juntu coyene weiweina exanatsi. ³³ Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara baru juntu coyene weiweinaenexa. ³⁴ Barapon barapo naxobe coyenewabe muxuna yawa nanta xeina. Barichi yabuxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua bapana jopa jitha ecae bapowa itacupatsi xua penajuntu coyene eena exanaewa xua petaexanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom pejuntu coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono

yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara jũntũ coyene weiweinaenexa.

³⁵ Baxua paca tsipaebatsi tsipei ichichipan xua tapaca cayawenaewatsi. Apra jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompaewa xua painya netanacuita dubenanaebiyaenexa Nacom daxita painya jũntũ coyeneintha.

³⁶ Pebin irũ yabũyo nanta xeinabe xua penapichinexa tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, irũ petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe. ³⁷ Ichitha icha pebin itacũpatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jemba tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana. ³⁸ Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

³⁹ Petsiriwa powa jitha eca powa pejume cowũntsiwa bewa piseuri cuicuinaena poxonae cataunxuae jopa tatũpaetsi piseuri. Icha pia pebin tatũpatsi barapowa itacũpatsi xua pichina icha pebin pon saya pejume cowũntsin. ⁴⁰ Jame metha bapowa bichocono yatsicaewa jũntũ coyene weiweinaetsipa icha jopa equeicha pichipae icha pebin. Bapoxonae bapowa bichocono jũntũ coyene weiweinaetsipa beyacaincha poxonae pita icha pebin. Baxua nanta xeinan xua saya tananta xeinaewa. Mataũtano irũrũ barichin jume cowũntan xua Nacom pia Pejumope tũnaxũ tatsi tana nebarũ poponaewa. Daxota neitacũpa xua yabara tapaebiwa barapo coyenein.

8

Meje xua Pablo peyabara paebiwa pexaewa po pexaewa jiwi tajeba ibo nacomũn

¹ Anoxuae ichichipan xua pexaewa yabara tapacata tinaewatsi po pexaewa jiwi tajeba ibo nacomũn poxonae jiwi wũnae jainteiba ibo nacomũn. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apra naca yawena xua beta wanabarũ jinompaewatsi. ² Pon xua nanta xeina xua pinae yaputane bichocono bapon apra taacoibichi pocotsiwa xua bapon bewa yaputaena. ³ Icha ichũn Nacom antobetsi bara Nacom jũntũ coyene yaputane bapontha.

⁴ Daxota equeicha pexaewa yabara paca tsipaebatsi, po pexaewa jiwi tajeba ibo nacomũn. Barapo pexaewa xuya ichamonae xane cotacaya. Waxainchi yaputainchi xua ibo nacomũn jopa xaniwaicha xeinaeyo peayapuwawa xua apra saya jiwi pecobetha forota. Jame nama yaputainchi pepa Nacom, pon compa. ⁵ Jiwi jume cowũnta xua pinae pinmonae jinompa, pomonae nacomũn, itabocotha, barapo cae pin nacuatheno. Barichino xua pinae pentacaponae wi jinompa itabocotha barapo cae pin nacuatheno. ⁶ Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Mataũtano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peajũntũcoyenesũwa, po peajũntũcoyenesũwa xua bapon naca cata.

⁷ Ichamonae pomonae pejume cowuntsiwi Nacom, jopa yabara yaputaeyo xua ibo nacomun. Barapomonae awiya nanta xeina xua ibo nacom peayapuwawa xeina bequein anoxuae barapomonae jume cowunta Nacom. Barapomonae bayatha pia cui xeina xua pexaewa tajebeiba ibo nacomun poxonae wuna jainteiba barapo ibo nacomun. Barapomonae abetha nanta xeina jeye: “Icha xaetsipan pewi po pewi ichamonae tajebeiba ibo nacomun metha neajuntucoyenebe cana exanaetsipa poxoru barapo pewi ibo nacomun piawa”, jei xua abetha nanta xeina. Bequein barapomonae jume cowunta Nacom ichitha jopa yaputaeyo xua ibo nacomun pia pexaewa jopa itacupaetsi xua ajuntucoyenebe cana exanatsi barapomonae icha jiwana xaetsipa barapo ibo nacomun pia pexaewa. ⁸ Pexaewa jopa naca yawenaeyo xua wanajuntucoyene xanepana exanaewatsi xua daxota Nacom wanaca weyataewa tsane. Icha waxainchi nabunatsi pexaewa jopa naca yawenaeyo xua Nacom tsita juntucoyene xanepanatsi beyacaincha xua poxonae jopa nabanaetsi. Barichi icha najainbotatsi baxua jopa naca yawenaeyo xua Nacom tsita juntucoyene xanepanatsi beyacaincha xua poxonae nabunatsi. ⁹ Paca itacupa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajebeiba ibo nacomun, baxua jopa paca tsita abeyo. Ichitha poxonae paexaname baxua pomonae ainya unthuton pexeinaewi, aena pejume cowuntsiwixae, barapomonae tsita ayapubetsi. Icha barapomonae xaena barapo pexaewa painya neexanaewaxae bequein barapomonae tsitatsi xua abe peexanaewi poxonae xane barapo ibo nacomun pia pexaewa tatsi. Daxota painya xoba paexaname po coyene painya neichichipaewa. ¹⁰ Metha beya paca taetsipa pon pejume cowuntsin poxonae panabaname pexaewa po pexaewa jiwi tajebeiba ibo nacomun poxonae wuna jainteiba barapo ibo nacomun. Iruru metha beya tsipae bapon naxaetsipa barapo pexaewa poxonae bapon paca jain tane. Paxam pomonae painya neyabara yaputaewi pam barapo pexaewa. Payaputaneme xua barapo pexaewa apara jopa itacupaetsi xua jiwi ajuntucoyenebe cana exanatsi. Ichitha pomonae ainya unthuton pexeinaewi aena pejume cowuntsiwixae jopa yaputaeyo baxua yabara icha paxam paichim. Barapomonae awiya nanta xeina jeye: “Icha barapo pexaewa xaein neajuntucoyenebe exanaena”, jei. ¹¹ Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya unthuton xeina, pon abetha nanta xeina, jeye: “Icha barapo pexaewa xaein neajuntucoyenebe exanaena”, jei. Daxota bapon payabara nanta xeinare xua apara iru Cristo tsitupa bapon icha ichi xua paca tsitupa. ¹² Pacata jopa abeyo xua poxonae paxaneme barapo pexaewa. Jame apara abe paexaname poxonae iruru xane barapo pexaewa pomonae ainya unthuton xeina. Poxonae abe paexaname barapomonaetha apara bara iru abe paexaname Cristotha, tsipei apara barapomonae pomonae iru pejume cowuntsiwixae Cristo. ¹³ Metha beya xaetsipan pewito pocotsi wito xua ichun, pon iru pejume cowuntsin yabara nanta xeineiba xua jopa bapana xae po pewi xua jiwi tajebeiba ibo nacomun. Poxonae bapon nejain tane, bapon iru xane, najuntucoyene taxoba. Barapomonae abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

Meje po coyenein yabara pomonae Jesús pia peitorobi jiwi tatsi itacupatsi xua peexanaewa

¹ Tajuntũ coyene jopa netsipaebiyo xua abe taexanaewa icha xaein barapo pexaewa xua jiwi tajeba ibo nacomũn. Ichũn jopa itacupaetsi xua yabara tana neitorobiwa barapo pexaewa tsipei xan Jesús pia peitorobi jiwi jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowuntame Jesús daunweya tatanacuichixae pon jiwi Pecanamataxeinaein. ² Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús pia peitorobi jiwi jiwana tatsin. Painya nejume cowuntsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesús tana neitorobin.

³ Baraxua jume notan pomonaetha pomonae yabara neyainyaba xua pinae icha bara metha yatsicaewa pon Jesús tana neitorobin. ⁴ Barapomonaetha janje: Bernabé irũ xan bara pana neitacupabe xua pata wecobe noteibiwabe pocotsiwa xua jiwi pata necatsibiwabe pexaewa. Matautano pana neitacupabe xua pata wecobe noteibiwabe pocotsiwa paapan xua poxonae patanacuita ducuaanaebiyambe Jesús. ⁵ Matautano icha jitha ecaetsipan bara neitacupaetsipa xua tabarũ ponaewa taseuri icha Jesús pia peitorobi jiwi tatsi ichi xua itacupatsi xua peexanaewa baraxua xua piseuriwi barũ warapa. Irũ barichi Jesucristo pon jiwi Pecanamataxeinaein pia peweicho jiwi tatsi baxua exana. Irũ Pedro exana baxua xua piseuri barũ pona. ⁶ Poxonae ichamonae paca tsipaeba Nacom Pejume Diwesi, payawenname barapomonaepocotsiwa penantawenonaewa. Paxanbe Bernabé irũ xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem pocotsiwa panantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonae jopa daichiyo. ⁷ Soldadomonaepin poxonae ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomonaep. Barichi pon ba uva pabi nacuita itacupatsi xua yawa uva cuei xaexaepona. Barichirũ pon ba vaca yapu eena bapon ba itacupatsi mipi yuyucapona vaca xua peapaponaenexa. ⁸ Saya jopa meisa jiwi yabara nanta xeinaeyo baxua xua pon tanacuita itacupatsi yawa xane. Apra irũ Moisés pia peitorobi coyenewatha baxua yabara paebarũ. ⁹ Moisés tina po diwesi pia peitorobi coyenewathaxae, xua jeye: “Poxonae po duwein pon pewũn buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonae nacuitapona”, jei. Nacom jopa yabara paebiyo baxua xua saya meisa poxoru peyabara nanta xeinaexae buey. Jame saya apra poxoru peyabara nanta xeinaexae jiwi. ¹⁰ Nacom pana necayabara jũta paeba poxonae buey yabara paeba. Baxua painta exana xua pata taneyawenaenexa. Pon ba nacobe weta xua ũba pabitha, irũ pon xuya nota poxonae naweta, baponbe xeinaenabe pexaewa xua penawetsiwa. ¹¹ Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompaewanexa. ¹² Paxam pacatsibame pocotsiwa xua nantawenona ichamonae pomonae Nacom Pejume Diwesi paca cuiduba, ichitha paxan paca yawenatsi beyacaincha xua barapomonaepaca yawena. Daxota bewa pana necatsibeibim icha paca wũqueibichipatsi beyacaincha xua pacatsibeibame ichamonae.

Ichitha baxua jopa paexanaeinyo xua pata caw_hcaewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompeibiwanexa bequein jopa paca w_hqueibichi. Jopa paca w_hcaetsi tsipei jopa paichipaeinyo xua jopa painya nejume cow_hntsiwa Cristo pia pexeinya jume diwesi. Jopa paca w_hcaetsi poxoru metha pananta xeinaetsipame xua paxan apara pata paratixichi paca tsipaebatsi Nacom Pejume Diwesi. ¹³ Paxam payaputaneme xua pomonae ba nacuita Nacom pin pia botha barapomonae ba apat_utsi pexaewa Nacom pin pia botha. Barichir_h pomonae ba nacuita ichaxota iboto uncuwa po ibototha duwein bexuba xua tauta xua petuxusi exanaenexa Nacom nexa barapomonae ba itac_hpatsi xua xuya penabanaewa barapo duwein xua saya jiwana xane. ¹⁴ Barichi Nacom pon jiwi Pecanamataxeinaein jeye: “Pomonae inta nacuita xua paeba dubenanaebiya tacapanenebiyae diwesi jume, barapomonae apatatsi pexaewa xua poxonae ichamonae apateiba be pematomaqueibiwatsi tsipei barapomonae cueicueijeiji tsurubenanaebiya tajume diwesi”, jei Nacom. ¹⁵ Ichitha jopa bapana w_hcaeinyo jiwi xua tana apatsinexa pexaewa xua be tanamatomatsiwa. Pacata tinatsi xua jopa tapaca w_hcaewatsi. Ichichipan xua tat_hpaewa tsane pew_hnaeya xua poxonae tapaca w_hcaewatsi tsainchi. Bichocono j_hnt_h coyene weiweinan poxonae tapaca tsipaebiwatsi Nacom Pejume Diwesi. Yaitama jopa pana necatsibeibim xua be pata tanematomaqueibiwam, daxota atsaquiya paca tsipaebatsi.

¹⁶ Jopa neitac_hpaeyo xua atsacan xua tacueicueijeixae Nacom pia peca-panenebiyae diwesi jume. Nacom neitoroba xua bewa tacueicueijeiwa tsane barapo diwesi. ¡Ichitha xan tsocuaein tsipae icha jopa cueicueijan tsipae barapo diwesi! ¹⁷ Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexeinya diwesi nex-ata ewatsipan xua jiwi tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitoro-bixae. Jume cow_hntaponan be pocotsi coyeneya Nacom neitorobapona. ¹⁸ Daxota xua be tanematomatsiwa apara xua poxonae j_hnt_h coyene weiweinan tapaca tsipaebixaetsi barapo Nacom Pejume Diwesi bequein metha jopa pana catsibeibichipaem xua patanematomatsiwam, mata_htano metha poxonae bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca w_hcaetsi bequein bara neitac_hpa xua tapaca w_hcaewatsi pocotsi matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeibiwa tsane.

¹⁹ Bequein jopa bewa amanaya tanacuichin tsane ich_hn, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cow_hntsinexa Cristo. ²⁰ Poxonae poponan judiomonae pia xantha tatsi, exana ducuaanaebiyen icha be barapo judiomonae ichi xua exana dubenanaebiya pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonae pejume cow_hntsinexa Cristo Jesús. ²¹ Poxonae poponan pexantha tatsi pomonae jopa exanaeyo pocotsiwa Moisés pia peitorobi coyenewatha itoroba, bapoxonae popona ducuaanaebiyen icha barapomonae ichi xua jinompa dubenanaebiya. Bapoxonae jopa exanaeinyo pocotsiwa Moisés pia peitorobi coyenewatha itoroba, xua barapomonae tayawenaenexa, xua pejume cow_hntsiwanexa Jesús. Jopa paca

tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba. ²² Poxonae poponan pexantha tatsi pomonae j̄nt̄ coyene faefaena Nacomtha xua pejume cow̄ntsiwa xua aena pejume cow̄ntsixae bapoxonae exana ducuaenaebiyān icha barapomonae ichi xua exana dubenanaebiya tayawenaenexa xua equeicha bichocono mataropeicha pejume cow̄ntsiwanexa Jesucristo. Daxita carepaya jiwitha peit̄tha poponeiban, poxonae be pocotsi coyeneya jinompeiba barapo jiwi tayawenaenexa xua equeicha bichocono mataropeicha pejume cow̄nteibinexa Jesucristo. ²³ Daxita baxuan exana ducuaenaebiban tacueicueijeī tsaibinexa Nacom pia pecapanenebiyae diwesi jume, matautano tsipei ichichipan xua taj̄nt̄ coyene weiweinaewa tsane poxonae barapomonae jume cow̄ntsina Jesucristo.

²⁴ Paxam payaputaneme poxonae jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi j̄ta coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan. ²⁵ Pomonae ba xua nacui w̄naeta xua penaxenacaenexa ichawa jopa exanaeyo pocotsiwa taayapubetsi poxonae pecuinaeponaenexa. Barapomonae ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapus̄ xua jopa weraweracaeyo. ²⁶ Daunweya exanaponeiban Nacom pia petanacuichiwa tatsi be poxonae xua bichoina cuinaeponan xua tatoxeincha patopaewa. Jopa exanaeinyo icha ichi xua pon naitacueinchiya jiraba. ²⁷ Ichitha nama seicayiya exanan xua tapepon daunweya tacoya naitoroban xua daxota jopa abe exanaeinyo. Tapepon itoroban xua tana nejume cow̄ntsiwa xua peexanaewa pocotsiwa itoroban. Ant̄yapus̄ya tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

10

Meje xua Pablo muxuweta pomonae w̄nae jainta ibo nacom̄n

¹ Tamonae pam, paxam pomonae ir̄ painya nejume cow̄ntsiwixae Jesucristo. Ichichipan xua painya neyaputaewa tsane po coyene xua poxonae wamo susato jiwitha pecana exanaewatsi. Barapomonae Egipto nacua weya pona. Bapoxonae tsaquinaebowa matatsun dubenapoinchi. Barapo tsaquinaebowa barapomonae matacapoinchi xua ichaxota ichichipa peponaewa barapomonae. Daxita barapomonae icha muxunene beepa uncababiya po pin pucua pew̄n Mar Rojo w̄n pucua. Barapo pin bicheito epatauta iyapona xua poxonae Nacom tsewa taexaniya xua be namto taexaniya. ² Barapomonae tsaquinaebowa be caemonae matatsun dubenapoinchi. Matauta barapomonae be caemonae Mar Rojo w̄n pucua epatauta iya pona. Barapoxonae be caemonae naexana Moiestha xua Moisés pematacapanaenexa barapomonae. Barapomonae barapocotsi j̄ta coyeneya exana icha be poxonae jiton ichi xua poxonae bautisabatsi mentha caemonae penaexanaenexa Cristotha, xua Cristo pecanamataxeinaenexa bapontha. ³ Daxita barapomonae xane po pexaewa Nacom taitorobica itaboco wetsica. ⁴ Yawano barapomonae apa po mera xua Cristo itoroba

ira xuepana susato tsurucuae nacuatha. Barapo mera iboton weya mene pichapa. Cristo barapo mera apatapona poxonae yanta xua barapomonae yantatsi. ⁵ Daichitha pin bicheitomonae xua barapomonae jiwana jopa exanaeyo pocotsiwa Nacom ichichipa. Daxota Nacom copata xua barapomonae bara pejiwana werapaponaewa tsane barapo ira xuepana susato tsurucuae nacuatha.

⁶ Baxua exana xua nacata yabara canaŋta jŋtsiya exana. Jopa bewa waichichipaewa tsainchi pocotsiwa jopa nacata wŋnaeyo xua icha barapomonae ichi poxonae pia coutha abe nata exana. ⁷ Daxota jopa bewa wŋnae pajainchim ibo nacomŋn icha be barapomonae jiwana ichi. Barapomonae wŋnae jainta ibo nacomŋn. Nacom Pejume Diwesitha barapomonae yabara jeichi: “Barapomonae ena xua pexaenexa yawa xua peapaenexa. Bapoxonae yatsicaewa barapomonae nawiraba ibo nacom tsita nawirabatsi”, jei Nacom Pejume Diwesitha. ⁸ Waxainchi jopa bewa exanaetsi xua nasi cui weiweina exanatsi icha be barapomonae jiwana ichi. Barapomonae jiwana nasi cui exana yabŋxitha xua jopa piseurixi. Daxota caentaqueitha veintitrés mil pebiwi werapa abe peexanaexae. ⁹ Mataŋtano jopa bewa najŋntŋ coyene jŋjŋta exanaetsi Nacomtha xua wanaca barŋ anaepanaenexa, icha barapomonae jiwana ichi. Barapomonae najŋntŋ coyene jŋjŋta exana Nacomtha. Daxota Nacom copata xua barapomonae werapa poxonae jomon sinebatsi barapomonae. ¹⁰ Jopa bewa Nacom anaepanaya barŋ paebichi, icha be barapomonae jiwana ichi. Barapomonae Nacom anaepanaya barŋ paebatsi, daxota Nacom copata xua barapomonae weraweraca poxonae matatsunpin juteba po matatsunpin jiwi pejutebin.

¹¹ Nacom exana daxita baxuan barapomonaetha, xua wanaca muxuweta exanaenexa xua jopa waraichiwanexa icha barapomonae ichi. Moisés yabara tina barapomonae xua yaputane wanaca exanaewa xua bara nama imoxoyo barapo nacue weraweracaena. ¹² Daxota tsipaeban pon paxam jiwana pam pon xua nayabara nanta xeina xua pinae bichocono pejume cowŋntsixae peajŋntŋcoyenesŋwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonae metha abe exanaetsipame”, jan. ¹³ Jopa meisa paxam caurimonae pia pentacaponaein tatsi paca jŋntŋ coyene jŋjŋtsiyo. Barapara irŋ ichamonae pomonae pejume cowŋntsiwi barichichi jŋntŋ coyene jŋjŋtatsi abe peexanaenexa. Paxam paca itacŋpa xua pajŋntŋ coyene amanayabame barapo caurimonae pia pentacaponaein tatsi. Baraxua paexaname icha barapomonae ichi xua jŋntŋ coyene amanayaba barapo caurimonae pia pentacaponaeintha tatsi. Daichitha paca itacŋpa xua payabara jume cowŋntame Nacom xua bara bapon paca yawenaena. Nacom jopa copatsiyo xua caurimonae pia pentacaponaein tatsi bichocono paca jŋntŋ coyene jŋjŋtsina xua pocotsiwa bichocono pacata ayapube xua daxota abe painya neexanaewa tsane. Ichitha poxonae caurimonae pia pentacaponaein tatsi paca jŋntŋ coyene jŋjŋta, Nacom paca yawenaena xua painya neŋŋŋpaewa bapon weya xua daxota jopa abe painya neexanaenexa.

¹⁴ Tamonae pam paxam pomonae irŋ painya nejume cowŋntsiwixae Jesucristo. Paxam pomonae tapaca caantobe jiwichi pam. Painya xoba wŋnae pajaintame ibo nacomŋn. ¹⁵ Paca tsipaebatsi paxam pomonae painya neyaputae jiwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban. ¹⁶ Waxainchi nacaetutatsi wayabara jŋntanainaenexa xua Cristo wanaca tsitŋpaewa naetotha. Bapoxonae apatsi vino mera yawa xainchi pan. Barapo vino mera Cristo pia pejana tatsi yabara caunutatsi. Mataŋtano barapo

pan Cristo pia pepon tatsi yabara caunutatsi. Poxonae apatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonae be caemonae naexainchi Cristotha waapaexae barapo vino mera. Barichi poxonae pan janacatsi be caemonae naexainchi Cristotha waxaexae barapo pan. ¹⁷ Bequein waxainchi pinmonaetsi xua cae pan nabarũ xainchi, ichitha waxainchi be caemonae bapon Cristotha tsipei bara cae pan nabarũ xainchi.

¹⁸ Payabara nanta xeinare xua judiomonae pomonae Israel nacuamon-aeipiwi. Barapomonae judiomonae xane po duwein ichamonae tauta xua petuxusi exanaewa Nacom nexa. Bapoxonae barapomonae be caemonae naexana Nacomtha. ¹⁹ Jopa apara paca tsipaebichi xua ibo nacom xeina peajũntũyapũwa. Mataũtano jopa paca tsipaebichi xua po wi jiwi tajeba ibo nacomũn ainya cui barapo wi beyacaincha xua icha pewi. ²⁰ Paca tsipaebatsi xua jiwi tajeba pewi ibo nacomũn pomonae jopa yaputaeyo Nacom. Barapomonae tajeba barapo pewi caurimonae. Jopa apara tajebyo Nacom. Jopa ichichipaeinyo xua caemonae pana naexaname caurimonae pijimonaetha. Metha baraxua paexanaetsipame poxonae panabarũ xaneme pomonae nacaetuta pexaenexa po wi jiwi tajeba ibo nacomũn. ²¹ Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacũpaeyo xua panabaname yawa xua paapameno ichaxota exanompa cauri pia cui coyene pomonae jopa pejume cowũntsiwi.

²² Icha waxainchi wũnae jaintatsi caurimonae poxonae xainchi po pewi jiwi tajeba ibo nacom bapoxonae waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayapũwa xua bichocono daunwei xua beyacaincha Nacom.

Meje xua Pablo yabara paeba xua bewa jiwi yabara nanta xeinae pewi poxonae xane

²³ Baraxua bequein xainyei poxonae jiton jeye: “Neitacũpa xua taexanaewa pocotsiwa ichichipan”, jei bapon. Daichitha jopa daxita nacata wũnaeyo xua pocotsiwa exanatsi. Bequein waxainchi naca itacũpa xua waexana dubenanaebiyawa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowũnta dubenanaebiyawa Jesús. ²⁴ Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara irũ ichamonae painya neyawenaenexarũ.

²⁵ Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemaya paxaibare. Xain bapoxonae painya jũntũ coyene jopa paca tsipaebiyoyo xua apara abe paexaname. ²⁶ Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon piawan”, jei Nacom Pejume Diwesitha. ²⁷ Poxonae jiton pon jopa pejume cowũntsin Jesús, paca tsiwaba pexaewa xua pia paca barũ xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonae painya jũntũ coyene jopa paca tsipaebiyoyo xua apara abe paexaname. ²⁸ Ichacuitha metha ichũn paca tsipaebichipa, xua jeye: “Apara barapo pewi jiwi tajeba ibo nacom poxonae wũnae jainta

barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowantsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitatha paexanaem tsane bapoxonae bapon juntu coyene xanepanaya poponaena Nacomtha. ²⁹ Yabara paca tsipaebatsi po coyene xua ichan yabara nanta xeina barapo pewi pejuntu coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya juntu coyenewatha.

Ichitha metha ichan neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichan yabara nanta xeina barapo pewi?” jei tsipae. ³⁰ Equeicha metha bapon jei tsipae: “Poxonae pexaewa nabanen Nacomtha tsipaeban barapo pexaewa nexa, janje: Nacom, maisa juntu coyene weiweinan xua barapo pexaewa tanecatsiwam, jan. Icha baxua exanan ¿eta pocotsiwa metha nexata ichamonae abe neyabara paeba poxonae xan barapo pexaewe?” jei tsipae. ³¹ Yabara paca tsipaebatsi baraxuan daxita xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonae jiwi paca cui taibina bapoxonae jiwi wuna jainteibina Nacom. ³² Jopa paexanaeinde pocotsiwa xua abe paexaname xua pocotsiwa daxota ichamonae jupa exanaena. Baraxua jopa paexanaeinde judiomonaetha, iru pomonaetha pomonae jopa judiomonaetha naexanaeyo, iru pomonaetha pomonae Nacom pejume cowantsiwichi jiwana monae. ³³ Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene ichamonae tsita xanepanatsi xua po coyenewatha barapomonae peyawenaenexatsi xua pecapanenebiyaenexatsi abe pia peexanae cuiru coyenein weya.

11

¹ Paexanaponde icha be pocotsi coyeneya ichin poxonae exanaponan, tsipei exanan pocotsiwa Cristo exanapona.

Meje xua Pablo yabuxi yabara paeba powaxi poxonae ena penacaetutsi botha xua poxonae wuna jainta Nacom

² Tamonae pam paca weyatainchi tsipei paneyabara nanta xeinaponame xua daxita coyenyatha. Paxam paexana dubenanaebiyame pocotsiwa xua paca cuidubatsi. ³ Ichitha ichichipan xua painya neyaputaewa xua Cristo canamataxeina daxita pebiwitha. Barichiru daxita pebiwi barompaya piseuriwi canamataxeina. Barichi Nacom Cristo canamataxeinatsi. ⁴ Icha pebin nantasipa acata poxonae Nacomtha tsipaeba xuano poxonae cueicuei-jei Nacom Pejume Diwesi, barapon Cristo jopa baru cui itura jinaetsi. Saya pia coutha ainya cui nacana exana. ⁵ Jame icha yabuyo jopa nantasipa acatsiyo xua poxonae cueicuei-jei Nacom Pejume Diwesi, xuano poxonae Nacomtha tsipaeba, bapowa pia pebin jopa baru cui itura jinaeyo poxonae jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua jupa icha be poxonae ichi xua daxita matana sibatsi abe peexanaexae. ⁶ Icha jopa yabuyo nantasipa acatsiyo bewa barapowa daxita nanta sibina. Ichitha icha barapowa

aura xua penanta sibiwa daxota bewa nanta acatsina. ⁷ Poxonae Nacom exana pebin barapo pebin Nacom cui jupatsi. Daxota barapo pebiwi xeinaru barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xuano poxonae Nacom Pejume Diwesi cueicueijeji xua daxota pebaru cui itura jinaenexa xua Nacom pebaru cui itura jinaenexatsi. Ichitha yabuyo bewa baru cui itura jinae pia pebin, tsipei pia pebin canamataxeinatsi. ⁸ Poxonae Nacom forota jopa Nacom exanaeyo pebin yabuyo weya. Saya jame Nacom exana yabuyo pebin pexainya weya tatsi. ⁹ Nacom jopa forotsiyo xua pebin yabuyo tsiexanatsi. Jame Nacom forota xua yabuyo pebin tsiexanatsi. ¹⁰ Daxota yabuyo bewa nanta acatsina penacaetutsi botha. Bapoxonae bapowa tsita itapeinya xeina matatsunpiwimonaetha xua bapowa baru cui itura jina pia pebin pecanamataxeinaexaetsi. ¹¹ Daichitha pomonae Nacom pejume cowantsiwixae, pebin nantawenona yabuyo, iru yabuyo nantawenona pebin. ¹² Bequein Nacom exana yabuyo pebin peyene weya tatsi, ichitha pebiwi ba nowaemenapona yabuxi weya. Barapo naxobe coyenewabe Nacom forota, pebin yawa yabuyo.

¹³ Pananta xeinare xua icha bara xaniwaicha xua yabuyo jopa nanta acatsiyo poxonae Nacomtha tsipaeba penacaetutsi botha xua poxonae wuna pejainchinexa Nacom. ¹⁴ Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana. ¹⁵ Barichiru wacui coyenewa ba naca yaputane exana xua yabuxi wuna exana poxonae nantana copaba xua antanapiya. Bapoxonae yabuyo pia pentanantha nantasipa acata. ¹⁶ Pon ichichipa xua yabara pana nejume matsontsonoba baxuan, pajanje bapontha: “Barapo coyene pacuiduban. Matauta daxita penacaetutsi bonmonae jiwi pomonae Nacom pejume cowantsiwi peburuya pana nabaru jupaya nanta xeinan tsipei icha coyene jopa payaputaeyo”, pajan.

Meje xua Pablo yabara paeba xua abe exana pomonae pejume cowantsiwi Nacom poxonae nainya xane po penabanaewa cayabara nanta xeina xua Jesús pia petsitupaewa jiwi

¹⁷ Pacata tinatsi anoxuae xua po coyenein yabara xua jopa tana neitacupaewa xua tapaca tsipaebiwatsi xua beta painya neexanaewa. Bequein pana nabaru nacaetutame ichitha painya juntu coyene jopa paca cana exanaeyo xua paayapusu tsoponaem. Maisa apara abe paexaname. ¹⁸ Copiya matha paca tsipaebatsi janje: “Ichun netsipaeba xua pinae poxonae pana nabaru nacaetutame, wuna painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba. ¹⁹ ¡Moya ainya bicheiton pana naexande xain bapoxonae pana najume matsontsonobame! ¡Xain bapoxonae ichamonae tane xua ichamonae petaenexatsi pomonae jopa iru najume matsontsonobiyo pomonae xua beta peexanaewi! ²⁰ Bequein pana nabaru nacaetuteibame xua painya xaenexa pexaewa poxonae pacayabara nanta xeiname xua pon jiwi Pecanamataxeinaein paca tsitupa, daichitha saya paxaneme. Apara jopa pacayabara nanta xeinaem barapo coyene. ²¹ Daxita paxam carepaya barompaya pia pexaewa nainya xane. Jopa pawuna ewateibim ichamonae xua painya nenabaru xaenexa. Daxota ichamonae jainpa pomonae cotacaya pata. Ichamonae bichocono tonsana beya poxonae nacupa exana peatsaxa meran xua apa poxonae muxuna xane pexaewa. ²² Apara paxeiname painya bon ichaxota paca

itacupa xua pana napena jubame. Baraxua be paaichaxaibim pomonae Nacom pejume cowantsiwichi pomonae penacaetutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacupaetsi xua capana pexaewa, pomonae cotacaya pepatsixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacupaeyo xua tapaca yabara paebiwatsi.

Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús

(Mt 26.26-29; Mr 14.22-25; Lc 22.14-20)

²³ Po coyene xua paca cuidubatsi baxua copiya Nacom necuiduba. Paca jei-ichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha. ²⁴ Poxonae najume weta xua paxa tsipaeba xua jei: “Axa maisa juntu coyene weiweinan xua tanecatsiwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya tanejume cowantsiwaxaem tsane. Poxonae baxua paexaneibame xua paxaibame panecayabara jantanaineibare painya juntu coyenewatha”, jei Jesús xua pijimonae tsipaeba. ²⁵ Barichiya exana poxonae najain weta. Bapoxonae corotiyo pita pecobetha yawa jeye: “Pena petsiwanae muxu dutsi coyenewa paca tsipaebatsi. Barapo uva mera po mera xua corotiyotha tsijunta eca, barapo uva mera yabara caunuta tajana xua jana othoparenaein poxonae tupaen. Barapo jana tsita itapeinya xeinaena xua jiwi pinmonae yabara jantemainaen abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara jantanaineibare painya juntu coyenewatha xua tapaca catsitupaewaxaetsi”, jei Jesús, xua pijimonae tsipaeba. ²⁶ Daxita tsaibi poxonae paxaibame pan yawa paapeibameno barapocotsi uva mera xua tsijunta eca corotiyotha, jiwi patsita itapeinya xeiname xua Cristo pacui yabara jantanainame xua painya nepaca tsitupaewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaein.

Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús

²⁷ Pon xane barapo pan xuano apa barapo uva mera xua tsijunta eca corotiyotha xua Jesucristo cayabara nanta xeinatsi icha bapon jopa juntu coyene xanepanaeyo Nacomtha, apara abe exana Cristotha. Bapoxonae bapon Nacom tsita xeinatsi xua penatsicuentsiwa xua abe peexanaexae Cristo pepontha tatsi xuano xua pia pejanathano tatsi tsipei bapon jopa baru cui itura jinaeyo barapo coyene. ²⁸ Daxota daxita jiwi bewa barompaya matha pewanaeya najuntu coyene cayabara nanta xeinaena. Barapo jiwi bewa nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyotha. ²⁹ Pon xane barapo pan xuano xua apa barapo uva mera xua tsijunta eca corotiyotha xua Jesucristo peyabara xaenexa ichacuitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa. ³⁰ Daxota pinmonae pajiwana atenem xuano jopa xeinaeyo peajuntuyapusuwa. Daxota ichamonae bayatha pajiwana werapame. ³¹ Poxonae apatsi uva mera xuano poxonae xainchi pan po pexaewa poxonae Cristo cayabara nanta

xeinatsi, matha bewa najuntũ coyene cayabara nanta xeinaetsi, xua icha metha bara wũnae waexanaewa. Bapoxonae xain Nacom jopa naca atene exanaeyo xua wanatsicuentiwxaxae xua abe waexanaexae. ³² Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cowũntsiwi”, xua jopa pewanaca yabara jeinexa.

³³ Daxota tamonae pam poxonae pana nacaetutame xua painya nabarũ xaenexa po pexaewa xua poxonae Jesucristo cayabara nanta xeinatsi, matha abũ ichamonae paewateibare. ³⁴ Icha ichũn jainpa bũ bapon matha pia botha xane pewũnaeya xua poxonae napatopaena penacaetutsi botha xua poxonae wũnae jainta Nacom. Bapoxonae itacũpatsi xua bapon penaxaewa po pexaewa poxonae Jesucristo cayabara nanta xeinatsi. Bapoxonae Nacom jopa peraxa jũbi tsane bapon xua abe peexanaexae poxonae nanacaetuta pomonaetha pomonae Nacom pejume cowũntsiwichi. Poxonae paca siwa ponaeinchi xua tapaca taenexa tsainchi, bapoxonae paca cuidubinchĩ pocot-siwan xua yabara pana neyainyabame.

12

Meje xua pejũntũ cui coyenein yabara po pejũntũ coyenein Nacom pia Pejumope tũnaxũ tatsi amanaya cata daxita carepaya pomonaetha pomonae Nacom pejume cowũntsiwichi

¹ Tamonae pam, paxam pomonae irũ painya nejume cowũntsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tũnaxũ tatsi cata pejũntũ cui coyenein daxita barompaya carepaya pomonaetha pomonae Nacom pejume cowũntsiwichi.

² Paxam payaputaneme xua abe paexaname pewũnaeya poxonae pajume cowũntame. Pacopatame xua bara ichamonae ichawa beya paca matacapona xua wũnae painya nejainchinexa ibo nacomũn, po ibo nacomũn jopa cueicueijeio. ³ Daxota ichichipan xua painya neyaputaewa tsane xua poxonae jeye: Dapocotsin aibi, pon itacũpatsi xua jeye: “Jesús apara jopa Nacom Pexanto tatsi”, xua poxonae jei, icha bapon xeina Nacom pia Pejumope tũnaxũ tatsi pia peayapusũ itorobi coyenewa tatsi. Barichi dapocotsin aibi pon itacũpatsi xua poxonae jeye: “Bapon Jesús apara pon jiwi Pecanamataxeinaein”, xua poxonae jei, icha bapon jopa xeinaeyo Nacom pia Pejumope tũnaxũ tatsi pia peayapusũ itorobi coyenewa tatsi.

⁴ Jiwi itacũpatsi xua daxita carepaya barompaya pexeinaewa ainya jũntũ cui coyenein pomonae pejume cowũntsiwixae Nacom. Barapo jũntũ cui coyenein jopa nacui coyene jũpaeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope tũnaxũ tatsi. ⁵ Jiwi pomonae pejume cowũntsiwixae Nacom, itacũpatsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon. ⁶ Jiwi pomonae Nacom pejume cowũntsiwixae itacũpatsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene jũpaeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha. ⁷ Nacom pia Pejumope tũnaxũ tatsi tsita itapeinya xeina Nacom pia peayapusũ itorobiwa tatsi. Baxua exana poxonae Nacom barompaya naca

cana exana xua beta waexanaewa wayawenaenexa tsane daxita jiwitha. ⁸ Ichamonaе jiwanaथा, Nacom pia Pejumope тnaxu tatsi cata pejuntu cui coyenewa xua po coyene barapomonaе pejuntu coyenetha beta yaputane xua peexanaenexa pocotsiwa pecueicueijeйwa ichamonaetha. Barichi ichamonaе jiwanaथा Nacom pia Pejumope тnaxu tatsi cata pejuntu cui coyenewa po coyene xua beta pecuidubiwa po coyene peyaputaewa xua daunwei yabara yaputane pecana exanaenexa xua ichamonaе yabara yaputane pecana exanaenexatsi. ⁹ Ichamonaе jiwanaथा Nacom pia Pejumope тnaxu tatsi cata peyabara jume cowuntsi coyenewa xua daxota bapomonaе nanta xeina xua bara itacupatsi xua peexanaewa daxita coyenein xua Nacom itoroba xua bapomonaе peyawenaexaetsi Nacom. Barichi ichamonaе jiwanaथा Nacom pia Pejumope тnaxu tatsi cata xua po coyenewatha peatenewi axaibi peexanaewatsi. ¹⁰ Ichamonaе jiwanaथा, Nacom pia Pejumope тnaxu tatsi cata po coyenewatha pexeinya petsita itatsi coyene peexanaewa. Ichamonaе jiwanaथा, Nacom pia Pejumope тnaxu tatsi cata po coyeneya xua pecueicueijeйwa Nacom Pejume Diwesi. Ichamonaе jiwanaथा Nacom pia Pejumope тnaxu tatsi cata po coyeneya beta peyaputaewa xua po coyene poxonaе Nacom pia Pejumope тnaxu tatsi jiwi cueicueijeй exanatsi yawa po coyene poxonaе jiwi cueicueijeй exanatsi caurimonaе. Ichamonaе jiwanaथा Nacom pia Pejumope тnaxu tatsi cata po coyeneya xua ichamonaе pecueicueijeйwa icha jumeintha, po jumein bequein jopa nacuidubiyo. Ichamonaе jiwanaथा Nacom pia Pejumope тnaxu tatsi cata po coyeneya xua barapomonaе xuya jume yaputane exana po jumein xua ichamonaе paeba po jumein xua ichamonaе bequein jopa nacuidubiyo. ¹¹ Daxita barapo juntu coyenein exana ducuaеabiya pon Nacom pia Pejumope тnaxu tatsi. Barapo jumope daxita coyenein meisa compa exana, po jumope Nacom pia Pejumope тnaxu tatsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

Meje yabara xua daxitatsi be caemonaetsi Jesustha

¹² Pepon bequein caein ichitha nawita xeina xua pia pecueyabiwatsi, petaxube, pesitobeno, pemaxubeno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi juta coyeneya ichi, Cristo pinmonaе xeina pia pejume cowuntsiwichi bequein bara barapon Jesús caein. ¹³ Barapocotsi juta coyeneya ichi, waxainchi seicaya jiwichi. Daichitha daxita waxainchi be caemonaе jiwichi wajume cowuntsixae Jesús. Ichamonaе waxainchi jiwantsi judiomonaetsi. Ichamonaetsi pomonaе jopa judiomonaе naexanaeyo. Ichamonaetsi pomonaе amanaya tanacuitatsi ichamonaе nexa. Ichamonaetsi pomonaе saya wajinompawewi xua saya wawan wanata exanae jiwi. Daichitha daxita waxainchichi naca bautisaba. Waxainchi be caemonaetsi naexanatsi Nacom pia Pejumope тnaxu tatsi wanaca baru jinompawexae. Nacom daxita waxainchi barompaya carepayatsi naca cata barapo pejumope тnaxu, pon bara saya meisa caein.

¹⁴ Pepon jopa xeinaeyo bara caewa xua pecueyatsiwatsi. Aparawita xeina xuan pecueyabiwatsi. ¹⁵ Metha petaxu jei tsipae: “Xan apara jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apara bara pepon cueyatatsi icha itacupatsi xua paeba. ¹⁶ Metha pemuxuyoroto jei tsipae: “Xan apara jopa peitamaiqueitunyo daxota xan pepon nexa aibi”, jei tsipae. Bequein baxua paebichipa daichitha apara bara pepon cueyatatsi icha itacupatsi xua paeba. ¹⁷ Icha daxita wapepon u peitacuereto tsipae, jopa naca itacupaeyo xua wajume taewa

tsipae. Barichi icha wapepon daxita ꞥ pemuxuyoroto tsipae, jopa naca itacꞥpaeyo xua watuxubiwa tsipae. ¹⁸ Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabi-watsi. ¹⁹ Icha daxita baxuan saya ꞥ najꞥpaetsipa, bapoxonae jopa xapain xeinaetsipaetsi pepon. ²⁰ Bequein anoxuae nawita xeinatsi xuan wanaca cueyabiwan wapepontha, daichitha awiya bara cae pepontsi.

²¹ Peitacuereto jopa itacꞥpaetsi xua pejeiwa pecobetha: “Xam jopa canamatawenaetsi”, jopa pejeiwa. Barichi pentasipa jopa itacꞥpaetsi xua pejeiwa petaxubetha: “Paxambe jopa paca canamatawenaetsibe”, jopa pejeiwa. ²² Po wanaca cueyatsiwa wapepontha xua jopa naca tsita ainya cuiyo, apara bara baxua ainya cui wacanamatawenaenexa. ²³ Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabarꞥ itura jinaenexatsi. Pocotsiwa wanaca cueyatsiwa xua wapepontha xua pocotsiwa jiwi jopa benaca taeyo, naacabatsi paparuwantha wapin uraxae. ²⁴ Po wanaca cueyatsiwa wapepontha pocotsiwa jiwi nacata tane baxuan jopa ainya cuiyo xua waacabinexa paparuwatha xua jopa waauraxaetsi. Nacom nacata exana pepon xua waxainchi beta nayae-watatsi paparuwatha, po wanaca cueyatsiwa wapepontha xua bichocono pecanantawenaewa baxua. ²⁵ Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonae Nacom pejume cowꞥntsiwichi ichi xua nantiya bewa nayawenae. ²⁶ Icha barapo wanaca cueyabiwan caewa jiwana wepu atene, bara barichi pepon daxita atenerꞥ. Mataꞥta icha baxuan caewa jiwana ainya cui cana exanatsi bara daxita nabarꞥ weiweinaya dubena pepontha.

²⁷ Paxam Jesucristo piamonae tatsi jiwana pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo. ²⁸ Nacom itapeta xua pomonae pejume cowꞥntsiwichi xua pomonae pia petanacuichinexa tsainchi. Copiya itapetatsi pomonae Jesucristo pia peitorobi jiwi tatsi. Bapoxonae irꞥꞥ itapetatsi pomonae Nacom pia peitorobi jume pepaebiwi. Equeicha bapoxonae irꞥꞥ itapetatsi pomonae jiwi pecuidubiwi Nacom Pejume Diwesi. Bapoxonae irꞥꞥ itapetatsi pomonae pexeinya petsita itꞥtsi coyenewan exana. Bapoxonae irꞥ itapetatsi pomonae axaibi peexanaewi peatenewi. Irꞥno bapoxonae itapetatsi pomonae jiwi peyawenaewi. Bapoxonae irꞥꞥ itapetatsi pomonae peitorobiwi pomonaetha pomonae pejume cowꞥntsiwi. Irꞥꞥ bapoxonae itapetatsi pomonae cueicueijeji icha jumeintha, po jumein bequein jopa nacuidubiyo. ²⁹⁻³⁰ Nacom jopa apara daxita piamonae exanaeyo pomonae Jesús pia peitorobi jiwi tatsi. Mataꞥtano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiwi pecuidubiwi Nacom Pejume Diwesi. Barichi jopa apara daxita jiwiyo pomonae exana pexeinya petsita itꞥtsi coyenewan. Mataꞥtano jopa apara daxita jiwiyo pomonae axaibi peexanaewi peatenewi. Barichi jopa apara daxita jiwiyo pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwiyo pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo. ³¹ Ichitha paxam bewa paichichipaename po jꞥntꞥ cui coyenein xua bichocono wꞥnae po coyenein xua Nacom amanaya cata piamonaetha.

Meje xua Pablo yabara paeba peantobe coyenewa

Ichitha anoxuae yabara paca cuidubinchi icha jantũ cui coyenewa po jantũ cui coyenewa bichocono toxeinchiya wũnae beyacaincha xua po jantũ cui coyenein aunxuae yabara paeban.

13

¹ Metha icha bequein neitacũpaetsipa xua tacueicueijejiwa ainya jumein po jumein ichamonae cueicueijeji, xuano po jumein matatsunpiwi cueicueijeji. Bequein metha neitacũpaetsipa daichitha icha jopa ichamonae tsita xeinaeinyo peantobe coyenewa, bapoxonae saya apara pin busi jumein exanan poxonae saya cueicueijan. ² Metha xan Nacom pia peitorobi jume tacueicueijan tsipae, mataũtano metha yaputaetsipan daxita po coyenein Nacom moya yawũn xeina xua bexa Nacom exanaena, mataũtano metha yaputaetsipan daxita peyaputae coyenewan, mataũtano metha beta jume cowũntsipan xua taneitacũpaewa xua tsipaeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jitonyo. ³ Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatũpaein tajume cowũntsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuiyũnyo.

⁴ Jame pon xua peantobe coyenewa xeina daxita jiwi nexa bapon jame jantema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwin pocotsiwa ichamonae xeina. Mataũtano bapon jame jopa pia coutha penayabara nanta xeinaein xua peainya cui jiton. Mataũtano jame bapon jopa peabebin jiwi. ⁵ Barichi bapon jame jopa atsaquiya pepaebin. Mataũtano bapon jame jopa peyabara nanta xeinaein xua saya Ʃriawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenexa abe bapontha. ⁶ Barichi bapon jame jopa jantũ coyene weiweinaeyo poxonae ichamonae abe exana. Saya bapon jame jantũ coyene weiweina poxonae ichamonae bara xainyeya exana. ⁷ Pon ba jame peantobe coyenewa xeina ichamonae nexa, bapon jame exanapona beta bequein ichamonae daunweya ayapubeya taexanaetha xua bapon daunweya ayapubeya taexanaethatsi. Bapon ba jame yabara jume cowũntapona ichamonae xua barapomonae pomonae ichamonaexae itacũpatsi xua xanepanaya peexanaewa. Mataũtano bapon jame yabara jume cowũntsiya ewatapona xua ichamonae bexa beta peexanaewa tsane bequein abe peexanaewi. Mataũtano bapon ba saya jantema popona bequein bapon abe taexanaethatsi ichamonae.

⁸ Po coyene xua jiwi antobe ichamonae barapo coyenewa bapana jopa weraweracae tsane. Jopaena matacabi po matacabitha jopa nantawenonae tsane xua pomonae pecueicueijeji jiwi Nacom nexa pocotsiwa Nacom yaputane exana. Barichino jopa cueicueijeji tsane icha jumeintha po jumein barapomonae jopa bequein nacuidubiyo. Mataũtano jopa nantawenonae tsainchi po coyene peyaputae coyenewa. ⁹ Anoxuae wayaputae coyenewa nacata seica daxota be conotha yaputainchi. Mataũtano Nacom yabara wacueicueijejiwa nacata seica daxota be conotha yabara cueicueijeichi Nacom. ¹⁰ Ichitha poxonae Cristo patopaetsica pon daxita coyenein peyaputaein bapoxonae bapon naca yaputane exanaena po coyene xua nacata

seica xua wayabara cueicueijejiwa bapon, xuano xua bapon yabara yaputainchi. Barapo ainya coyenebe weraweracaena bapoxonae.

¹¹ Poxonae xan awiya pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonae pinyonba nacui baraxuban pocotsiwa exanaponan poxonae pexuyon. ¹² Bara jata coyeneya ichi anoxuae. Saya be conotha Nacom yabara yaputainchi. Baraxua be icha be pocotsi jata coyeneya ichi poxonae tsabocototha nayatainchi xua duduana xua daichitha jopa nataetsi. Ichitha bexa tsane yatsicaewa Nacom pentha taeinchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanejuntu coyene yaputaewa. ¹³ Acoibi po coyenewabe ataya ayapusu tsane. Meje barapo acoibi po jume coyenewabe xuaje: Pejume cowantsi coyenewaru Nacomtha, barichi peyabara jume cowantsiya ewatsi coyenewaru Nacomtha, matautano peantobe coyenewaru. Jame po jume coyenewa bichocono toxeinchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamona waantobe coyenewatsi. Barapo jume coyenewa bichocono toxeinchiya ainya cui.

14

Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo

¹ Bewa paichichipaename xua painya nexainaewa peantobe coyenewa. Barapoxonae bewano paichichipaename icha juntu coyenein pocotsi juntu cui coyenein Nacom amanaya paca cata. Po juntu cui coyene xua bichocono wuna beyacaincha xua icha juntu cui coyenewa, apara barapo juntu cui coyenetha pacueicueijam Nacom pia peitorobi diwesi. Baxua jame bewa paichichipaename. ² Pon ba icha jumetha cueicueijeji po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiwi jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope tunaxu tatsi cueicueijeji exana. Bapon apara paeba pocotsiwa Nacom moya yawun xeina, pocotsiwa xua bequein jiwi jopa yaputaeyo. ³ Ichitha nama seicaya pon jame Nacom Pejume Diwesi cueicueijeji jiwitha, jiwi yaputane exanaeinchi Nacom yabara. Matautano bapon poxonae Nacom Pejume Diwesi cueicueijeji yawena ichamonaetha xua barapomona juntu cui coyene tsacabatsi xua Nacom pejume cowantsiwatsi. Barichi poxonae cueicueijeji Nacom Pejume Diwesi juntu coyene sadujei exana pomona anthatharewe xua anthathutane. ⁴ Pon ba cueicueijeji ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueijeji jiwitha Nacom nexa po coyene Nacom yaputane exana, bapon jiwi yaputane exainchi Nacom yabara pomona xua Nacom pejume cowantsiwichi.

⁵ Ichichipan xua daxita paxam painya necueicueijejiwa icha jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueijejiwa Nacom Pejume Diwesi ichamonaetha. Pon ba xua Nacom Pejume Diwesi cueicueijeji ichamonaetha, bapon ba jame wuna exana beyacaincha pon icha jumeintha cueicueijeji. Ichacuitha bapon pon icha jumeintha paeba itacupatsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonae bapon yawena pomona pejume cowantsiwi Nacom xua

beta mataropeicha pejume cocowantaponaenexa Cristo. ⁶ Tamonae pam, icha poxonae paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonae apara jopa paca yawenaetsipaetsi. Ichitha icha paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cowantsiwa Nacom. Ichitha icha ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano icha ichacuitha paca tsipaebichipatsi pocotsiwa xua Nacom Pejume Diwesi paeba pocotsiwa bexa Nacom exanaena, baxua jame paca yawenaetsipa. Ichacuitha icha paca cuidubichipatsi Nacom Pejume Diwesi baxua paca yawenaetsipa.

⁷ Jiwi ba tanbaba po petanbabiwa arpa matawun, xuano ba oba po peobiwa pewun flauta. Ichitha icha barapo ainya pecajume exanaewan jopa xapain busi pichapaetsipae bapoxonae jiwi jopa xapain yaputaetsipae po wei xua icha jiwi wei tanbaba. ⁸ Barichi poxonae ba jiwi naba ichamonaetha bapoxonae ba oba xua penajunutsiwa. Ichitha icha barapo busi, busi caewa, jiwi jopa xapain busi taeyo. Bapoxonae jiwi jopa itacupaetsi xua penacui wnaetsiwa xua penabinexa. ⁹ Barichi paxamtha. Icha icha jumeintha papaebichipame jiwitha, po jumeintha bequein jopa panacuidubim, xuano iru barapo jiwi jopa nacuidubiyo bapoxonae jiwi jopa xapain paca yaputaetsipae. Baraxua apara be saya poxonae sito patsipaebame. ¹⁰ Metha beya tsipae xua barapo nacuathe ainya jumein xeinaetsipa xua jiwi barompaya tsanaya pijumeintha paeba. Daxita barompaya pia matabuxumonaein tsiniya xeina po jumein xua yaputane barapomona. ¹¹ Ichitha icha xan jopa yaputaeyo po jumetha xua ichun netsipaeba bapoxonae xan be tsita tana nanapaincha poponaein xua be icha nacua werena taponaein iru bapondu be netsita penanapaincha poponaein xua be icha nacua werena peponaein. ¹² Paxam paichichipame po juntu cui coyenein Nacom pia Pejumope tnanaxu tatsi amanaya cata piamaetha. Yaitama baxuan paichichipame daxota bichocono pawucare barapo Nacom pia Pejumope tnanaxu tatsi xua painya nepaca catsibinexa po juntu cui bichocono wnae. Baxua pawucare xua painya neyawenaenexa pomonae pejume cowantsiwi Nacom, xua beta pejume cocowantaponaenexa Nacom.

¹³ Daxota pon icha cueicueijeji icha jumetha po jumetha bequein bapon jopa nacuidubiyo, bapon bewa wucaena Nacomtha xua Nacom bapontha yabara jume yaputane pecana exanaenexa barapo jume. Bapoxonae bapon itacupatsi xua yabara yaputane exana barapo jume xua ichamonaeyaputane exanatsi. ¹⁴ Icha icha jumetha tsipaeban Nacomtha po jume bequein jopa yaputaeyo saya apara tajumope tnanaxu tsipaeba Nacomtha. Tajuntu coyene jopa yaputaeyo xua tatsipaebiwa Nacom. Barichi ichamonaeyaputaeyo xua tatsipaebiwa Nacom. ¹⁵ ¿Eta xua bewa exanocuaein? Jame, bewa wucaein Nacom tajumope tnanaxutha po jumein jopa yaputaeyo. Matautano bewa wucaein Nacom tajuntu coyenewatha po jumein yaputan. Barichi bewa naxunaein Nacomtha tajumope tnanaxutha po jumein jopa yaputaeyo. Matautano bewa naxunaein tajuntu coyenewatha po jumein yaputan. ¹⁶ Ichacuitha metha icha jumetha wnae jainchipame Nacom xua nejumope tnanaxu cueicueijeji cacana exana. Pomonaeyaputaeyo xua cajume taetsipa jopa cajume yaputaetsipae. Daxota jopa itacupaetsipaetsi xua peburaya necajume notsiwa Nacom nexa, xua pejeinexa: “Bara ichi tsane”, xua pejeiwa. ¹⁷ Poxonae bequein Nacomtha wucaetsipame icha jumetha bara bequein wnae pocotsiwa xua paebame, daichitha ichun jopa yawenaetsipaetsi xua beta pejume cowantsiwa Nacom. ¹⁸ Nacomtha tsipaeban paxam

yabara, janje: “Nacom maisa jũntũ coyene weiweinan, xua icha jumeintha tacatsipaebiwatsi, beyacaincha daxita barapomonaе xua icha jumeintha catsipaeba”, jan. ¹⁹ Ichitha poxonaе pomonaе Nacom pejume cowũntsiwichi nacaetuta penacaetutsi botha bara saya wũnae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonaе icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijejwa.

²⁰ Tamonaе pam, paxam pomonaе irũ painya nejume cowũntsiwixae Jesu-cristo. Painya xoba pananta xeiname icha pexui ichi poxonaе nanta xeina. Jame pajinompã dubenanaebiyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomonaе pinyon ichi xua nanta xeina dubenanaebiya. ²¹ Nacom jeye pia peitorobi jume diwesitha: “Paebin barapo judiomonaetha poxonaе cueicueijej cana exanaein pomonaе penanapaincha jinompaewi xua icha nacuariwi po jumein xua jopa yaputaeyo pomonaе xua petsipaebixaetsi. Bequein baxua exanaein ichitha cataunxuae barapo judiomonaе jopa nejume tae tsane”, jei pon jiwi Pecanamataxeinaein pia peitorobi jume diwesitha. ²² Daxota xua pecueicueijejwa icha jumeintha tsita itapeinya xeina xua pomonaetha pomonaе jopa pejume cowũntsiwi xua apara Nacom atene exanaena barapomonaе jopa pejume cowũntsixae. Barapo jumein jopa apara nexiyo pomonaе xua bayatha pejume cowũntsiwi, poxoru Nacom jopa atene exanae tsane barapomonaе. Ichitha xua cueicueijej Nacom Pejume Diwesi, baxua tsita itapeinya xeina pomonaetha pomonaе pejume cowũntsiwi xua apara Nacom yawenaena barapomonaе peantobexae tsipei barapomonaе Nacom jume cowũntatsi. Barapo Nacom Pejume Diwesi pecueicueijejwa jopa apara nexiyo pomonaе jopa pejume cowũntsiwi poxoru Nacom jopa yawenaе tsane barapomonaе jopa pejume cowũntsixae Nacom. ²³ Ichacuitha metha patsipa painya nenacaetutswatha xua poxonaе Nacom wũnae pajaintame pomonaе jopa yabara yaputaeyo poxonaе ichamonaе pecueicueijejwa icha jumeintha, irũ pomonaе jopa pejume cowũntsiwi Nacom. Icha metha daxita paxam barompaya papaebichipame icha jumeintha barapomonaе jopa paca yaputaetsipae. Bapoxonaе barapomonaе paca yabara nanta xeinaetsipa xua apara painya nepacamatajemabi jiwi pam. ²⁴ Ichitha metha pebiwi patsipa painya nenacaetutswatha xua poxonaе Nacom wũnae pajaintame pomonaе jopa yabara yaputaeyo poxonaе ichamonaе pecueicueijejwa icha jumeintha, irũ pomonaе jopa pejume cowũntsiwi Nacom. Poxonaе daxita paxam Nacom Pejume Diwesi papaebichipame barapomonaе paca yaputaetsipa xua papaebame. Bapoxonaе barapomonaе najũntũ coyene cayabara nanta xeinaetsipa xua abe peexanaewa. Mataũtano barapomonaе yaputaetsipa xua Nacom petsita natsicuentswatsi xua abe peexanaexae xua poxonaе painya necajume taexae poxonaе papaebame Nacom Pejume Diwesi. ²⁵ Nacom exana xua barapomonaе peyaputaewa po coyene xua Nacom daxita beta yabara yaputane po coyene xua barapomonaе nanta xeina pejũntũ coyenewatha. Bapoxonaе barapomonaе yaputaena xua bara Nacom jũntemainã barapomonaе abe pia peexanae cuiru coyenein tatsi. Bapoxonaе pentabocototha umenaena xua Nacom wũnae pejainchinexa tsainchi. Barapomonaе jei tsane paxamtha: “¡Jaina, maisa deta Nacom paca barũ jinompa!” paca jei tsane barapomonaе.

Meje xua Pablo jeye: “Beta xanepanaya paexanaponde penacaetutsi bontha poxonaе wũnae pajainteibame Nacom”, jei

²⁶ Tamonaē pam, paxam pomonaē iru painya nejume cowantsiwixae Jesucristo. Paca tsipaebatsi xuaje: Poxonaē pana nacaetutame, ichamonaē painyamonae jiwana barabu naxunaena peweixi xua wunaē pejainchinexa Nacom. Ichamonaē iru barabu cuidubina ichamonaetha. Ichamonaē iru barabu cuidubina po coyenein Nacom yaputane exana. Ichamonaē iru barabu icha jumeintha cueicueijeī tsane po jumein bequein jopa nacuidubiyo. Ichamonaē iru barabu xuya barapo jumein yabara jume yaputane exanaena daxita jiwitha po jumein ichamonaē paeba. Daxita po coyenein xua paexaname bara wunaē paexande poxonaē panacaetutame wunaē painya jaintsinexa Nacom xua daxota xanepanaya mataropeicha painya nejume cocowanta dubenanaebiyaenexa Nacom. ²⁷ Poxonaē icha jumeintha pacueicueijam bewa saya cueicueijeī nacueyatabe poyobe ichacuitha poxonaē acoibi poyobe. Ichitha ichamonaē ajibi tsane. Barapo acoibi poyobe bewa xuya cotacaya barompaya tsana cueicueijeī tsoponaē tsane. Bewa bapoxonaē xuya ichun cotacaya yabara jume yaputane exanaē pocotsiwan xua barapo acoibi poyobe barompaya seicaya paeba. ²⁸ Ichun dapocotsin aibi pon itacupatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonaē Nacom wunaē pejainchinexa. Saya bewa moya pia coutha cueicueijeī Nacomtha. ²⁹ Bara wunaē tsipae icha saya pacopatsipame nacueyatabe poyobe xua pecueicueijeīwa Nacom Pejume Diwesi xua ichacuitha poxonaē saya acoibi poyobe. Ichamonaē bewa jume taena icha metha bara xaniwaicha paeba barapo acoibi poyobe. ³⁰ Icha ichun eca baxota pon Nacom yaputane exana po jumein bewa cueicueijeī tsane bapoxonaē pon xua copiya asiya uncuā bewa moya ecaena xua daxota barapon pon ichun itacupatsi xua cueicueijeī po jumein Nacom yaputane exana. ³¹ Daxita paxam paca itacupa xua painya necueicueijeīwa Nacom Pejume Diwesi, painya necana exanaenexa xua daxita barapomonaē penacuidubinexa. Matautano paca itacupa painya necueicueijeīwa painya nejuntu cui tsacabinexa daxita jiwī pejume cowantsinexa Nacom. Ichitha jame paxam barompaya tsanaya xuya patamropatsiya cueicueijam tsoponeibim tsane. ³² Pomonaē Nacom Pejume Diwesi pecueicueijeīwi barapomonaē itacupatsi xua penajuntu coyene itorobiwa. Daxota barapomonaē ewata xua ichun matha pecueicueijeinexa, xua bapoxonaē bara pecueicueijeinexa tsane ichamonaetha. ³³ Tsipei Nacom jopa ichipaeyo xua jiwī ajumeyaexa poxonaē daxita jiwī pebunaya cueicueijeī Nacom Pejume Diwesi. Jame Nacom ichichipa xua pomonaē pejume cowantsiwi juntema penabarū jinnompaewa poxonaē nacaetuteiba xua wunaē pejainchinexa Nacom.

Daxita pomonaē xua nacaetuta pejume cowantsixae Jesucristo, exana xuaje: ³⁴ Yabuxi bewa saya moya poxonaē nacaetuta pomonaē Nacom pejume cowantsiwi xua Nacom Pejume Diwesi pecueicueijeinexa. Nacom baxua jopa copatsiyo xua yabuxi pecueicueijeīwa baxota. Barapo yabuxi bewa jume cowantsina pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba. ³⁵ Icha barapo yabuxi ichichipa xua peyaputaewa pocotsiwa ichamonaē paeba, bewa barapowaxi pia boxitha yainyabi pia seuriwi. Tsipei jopa wunaē tsipae icha yabuyo cueicueijeī penacaetutsimonaetha pomonaē Nacom pejume cowantsiwichi xua poxonaē yainyaba pia pebiwi.

³⁶ Paxam bewa payaputaename xua Nacom Pejume Diwesi jopa copiya matha tamropata pitabiyo painya xantha. Matautano jopa paxam compa pam pomonaē meisa paxename Nacom Pejume Diwesi. ³⁷ Ichamonaē pomonaē paxam jiwana pam nanta xeina xua xeina po juntu coyenewatha

pecueicueijejewa Nacom Pejume Diwesi. Barapo jũntũ coyene xua Nacom pia Pejumope tũnaxũ tatsi amanaya cata. Mataũtano ichamonae pomonae paxam jiwana pam nanta xeina xua xeina icha jũntũ coyenewa po jũntũ coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itorobiwa. ³⁸ Icha pebin jopa bejume cowũntsiyo pocotsiwa paeban, bapoxonae painya xoba pajume cowũntame pocotsiwa bapon paeba.

³⁹ Tamonae pam, paxam pomonae irũ painya nejume cowũntsiwixae Jesucristo. Bewa jame paichichipaename xua painya necueicueijejewa Nacom Pejume Diwesi. Painya xoba pajume itawetame poxonae ichamonae cueicueijejewa icha jumein po jumein bequein jopa nacuidubiyo. ⁴⁰ Daxita beta xanapanaya paexanaponde poxonae pana nacaetutame penacaetutsi botha xua poxonae wũnae painya nejainchinexa Nacom, xua barompaya tsanaya patamropatsiya exanaponde.

15

Meje xua Pablo yabara paeba poxonae Cristo equeicha asũ exainchi

¹ Tamonae pam, paxam pomonae irũ painya nejume cowũntsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipaebatsi. Barapo pecapanenebiyae diwesi pajume cowũntame, xua daxota beta pajume cowũntsiya jinompame Nacomtha. ² Painya nejume cowũnta dubenanaebiyaexae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene paxeina dubenanaebiyaename icha beta payabara jũntanainame pocotsiwa paca cuidubatsi xuano icha xaniwaicha pajume cowũntame baxuan. Icha copiya jopa pajume cowũntsim tsane painya jũntũ coyenetha barapo pecapanenebiyae diwesi bapoxonae Nacom jopa paca capanenebiyae tsane.

³ Copiya paca cuidubatsi pocotsiwa xua ichan necuiduba xua Cristo yabara. Paca cuidubatsi xua Cristo naca tsitũpa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua. ⁴ Poxonae Jesucristo tũpa bapoxonae mũthũtha xotsi. Ichitha poxonae acoibi po matabibibe jopa, barapo matabibitha equeicha asũ exanatsi, icha be pocotsi coyeneya bayatha Nacom Pejume Diwesitha yabara paeba baxua. ⁵ Bapoxonae Pedro tsita naitũtatsi Jesucristo. Bapoxonae equeicha Jesucristo tsita naitũta pia peitorobi jiwi tatsitha pomonae doce poyobe. ⁶ Bapoxonae caena equeicha Jesucristo tsita naitũta pomonaetha pomonae pia pejume cowũntsi jiwixaetsi, pomonae beyacaincha quinientos poyobe jiwi. Awiya pinmonae barapo bicheito jiwanamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana. ⁷ Bapoxonae equeicha Santiago tsita naitũtatsi Jesucristo. Bapoxonae equeicha Jesús tsita naitũta daxita pomonaetha pomonae pia peitorobi jiwi tatsi.

⁸ Bapoxonae nama matapainya xan Pablon netsita naitũta Jesucristo. Nacom necana exana pon pia peitorobi jiwi jiwana tatsin, xua pon tabũ ducuan. Xan be pon xua nainya jemeicha jume cowũntan icha be pocotsi coyeneya ichi poxonae pexuyo pena nainya jemeicha tsiperũ wenaexana. ⁹ Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya

cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha pomonae penacaetutsimonae jiwitha pomonae pejume cowantsiwi Nacom. Pebaraxuaxae jopa bewa neyabara caunutsi baxua. ¹⁰ Ichitha xan nama anoxuae seicayiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusuya nacuitan Jesucristo nexa beyacaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae. ¹¹ Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta jupaya tapaca cuidubiwatsi barapo Nacom pia pecapanenebiyae diwesi jume xuano xua painya nejume cowantsiwa baxua.

Meje xua Pablo yabara paeba pomonae xua equeicha asu exanatsi petupae cuiru coyene weya

¹² Paca cuidubatsi xua Cristo equeicha asu exanatsi petupae cuiru coyene weya. Daichitha pomonae paxam jiwana pam paeba xua pinae Nacom jopa equeicha asu exanaeyo jiwi petupae cuiru coyene weya. ¿Eta xua nexata metha baxua paeba painyamona jiwana? Bara bayatha payabara yaputanemeba. ¹³ Icha jiwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya. ¹⁴ Icha Cristo jopa equeicha asu exanaetsipaetsi petupae cuiru coyene weya, bapoxonae jopa ainya cui tsipae pocotsiwan paca cuidubatsi. Bapoxonae baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae. ¹⁵ Icha baxua xaniyei paxan be pomonae pemuxuitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha Cristo asu exanatsi petupae cuiru coyene weya ichitha baxua jopa xainyeyo icha jiwi jopa equeicha asu exanaetsi petupae cuiru coyene weya. ¹⁶ Icha petupae jiwi jopa equeicha asu exanaetsipaetsi petupae cuiru coyene weya, barichi Cristo bayatha jopa equeicha asu exanaetsipaetsi petupae cuiru coyene weya. ¹⁷ Icha Cristo jopa equeicha asu exanaetsipaetsi petupae cuiru coyene weya bapoxonae jopa paca yawenaetsipae xua painya nejume cowantsiwa. Daxota awiya paexana dubenanaebiyaetsipame abe painya neexanae cuiru coyenein. ¹⁸ Icha baxua xainyei tsipae xua Cristo jopa asu exanaetsipaetsi petupae cuiru coyene weya bapoxonae pomonae xua bayatha werapa bequein jume cowantsitha tsipae Jesús, ichitha weraweracaetsipa xua abe peexanaexae. ¹⁹ Waxainchi jume cowantsiya wuna ewatatsi xua bexa tsane Cristo naca asu exanaena poxonae werapaeinchi. Ichitha icha saya jume cowanta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonae wajume cowantsiwa jopa naca yawenaetsipae xua po coyene Nacom bexa asu wanaca exanaewa tsane poxonae werapaeinchi. Bapoxonae jiwi pomonae jopa pejume cowantsiwi naca yabara jei tsipae: “¡Pai barapomonae tsobenae beyacaincha ichamonae bequein jume cowantsitha tsobenae!” xua wanaca yabara jeichiwa tsipae.

²⁰ Ichitha pocotsiwa xua yatsicaya jame xainyei, apara jame xua Cristo bara yatsicaya asu exanatsi petupae cuiru coyene weya. Bapon Cristo copiya

jiwi asu canamata exanatsi xua petupae cuiru coyene weya pomonae xua ataya tsitecaeya peasunexa xua jopa weraweracaeyo. ²¹ Jiwi abe peexanae cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asu exanatsi, tsipei jiton copiya asu canamata exanatsi, bapon Jesucristo. ²² Jiwi werapaena icha Adán ichi abe peexanaexae. Daxita pomonae Cristo piamonae tatsi equeicha asu exanaeinchi petupae cuiru coyene weya icha Cristo cana ichichi xua asu exanatsi xua petsitecaenexa. ²³ Nacom iche tsane xua poxonae exanaena xujaje: Copiya matha Cristo asu exanatsi. Bexa tsane pomonae Cristo piamonae tatsi asu exanaeinchi petupae cuiru coyene weya poxonae Cristo equeicha patopaetsica barapo irathe tsique. ²⁴ Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusu itorobi coyenewa po peayapusu itorobi coyenewa xua jopa Nacom pia coyenewa tatsi. Bapoxonae poxonae wetsina daxita, Cristo pia peayapusu itorobi coyenewa Paxa caewa catsina, pon Nacom. ²⁵ Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonae Nacom weraweraca exanaena pomonae Cristo pia peaitafaetabi jiwichi. ²⁶ Po coyene Nacom cotacaya exanaena xua apara piamonae asu cana exanaena xua bapana jopa peweraweracaewa tsane. ²⁷ Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane. ²⁸ Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

²⁹ Ichacuitha ichamonae bautisabatsi pomonae pewerapaewi tsibautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petupae cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa. ³⁰ Daxita matabi jinompeibatsi xua naca peipeita ichamonae xua naca abe exana wajume cowantsixae. Icha jopa equeicha asu naca exanaetsipae jopa ainya cui tsipae xua wacueicueijei tsurubenanaebiwa Nacom Pejume Diwesi. ³¹ Tamonae pam, paxam pomonae iru painya nejume cowantsiwixae Jesucristo. Daxita matabi muxu tatupeibi xua ichamonae tanepeipeita exaneibixae. Baraxua xaniyei icha ichi xua xaniyei xua juntu coyene weiweinan xua Jesucristo pon Wanacanamataxeinaein xanepanaya peexanaexae painya xantha. ³² Xan bara imoxoyo tatupae poxonae Efeso tomarapiwi inta abe exana. Barapomonae baraxua necana exana icha neuthu ichi poxonae ichu waetabatsi. Bequein barapomonae baxua necana exana xua muxu tatupae ichitha jopa asu neexanaetsipae petupae cuiru coyene weya icha jiwi equeicha jopa asu exanaetsipaetsi. Icha jopa equeicha caewa asu naca exanaetsipae bara saya exana dubenanaebiyaetsipatsi pocotsiwa ichichipatsi. Poxonae baraxua exanatsi jupa exanatsi icha ichamonae ichi pomonae jopa peyabara jume cowantsiwa xua bara asu peexanaewatsi. Barapomonae jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonae, pomonae jopa pejume cowantsiwi.

³³ Painya xoba pacopatame xua bara ichamonaе painya nepaca muxu-itorobeibiwa. Jiwi ba pia pecayabara j̄ata pepaebi diwesiyo ba jei: “Pomonaе abe peexanaewi cuiduba ichamonaetha pomonaetha pomonaе ichipa beta exana, xua barapomonaе abe peexanaenexa”, ba jei barapo diwesiyo. ³⁴ Equeicha caewa paexande po j̄ant̄u coyene xua bichocono Nacom tsita xanepanatsi. Painya xoba equeicha abe paexaname. Ichamonaе paxam jiwana pam jopa Nacom yaputaetsi. Baxua paca tsipaebatsi xua painya neauranexa.

Meje po coyeneya xua Nacom exanaena poxonaе jiwi equeicha as̄u exanaeinchi pet̄upae cuiru coyene weya

³⁵ Metha ich̄an yainyabina, jei tsane: “¿Eta po coyeneya Nacom exanaena poxonaе pewerapaewi equeicha as̄u exanaeinchi? ¿Eta pocotsi pepon barapomonaе xeinaena?” jei tsane. ³⁶ Barapo peyainyabiwa saya pejumexaei. Poxonaе pāubame pēubi xuto, barapo xuto b̄upana bocareca iratha xua pexu nantafobabinexa poxonaе xua nae pexuwinexa. ³⁷ Poxonaе pāubame jopa apara pepaboto pāubim xua pepa nae pexuwinexa. Jame apara ba pexu pāubame, metha beya xua trigo xuto tsipae, ichacuitha metha icha pexuton tsipaeno. ³⁸ Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita pēubi xuton tsanaya seicaya pia cui barompa poxonaе xuwa. ³⁹ Barichi jiwi pepon daxita jopa naj̄upaeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa. ⁴⁰ Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonaе barapo irathe pejinompaewi nexa. Po pepon pexeinya peit̄upanae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathe. ⁴¹ Xometo poto atsato pia pexeinya peit̄upanae coicha barompa. Barichi jomocoichato pia peit̄upanae coicha barompa. Opiteino pia peit̄upanae coicha barompa. Icha opitei pia peit̄upanae coicha jopa nacoicha j̄upaeyo icha opiteitontha po opiteiton pia peit̄upanae coicha xeina. ⁴² Barapocotsi j̄ata coyeneya ichi pomonaе xua equeicha as̄u exanatsi pet̄upae cuiru coyene weya. Poxonaе pomonaе pewerapaewi iratha m̄th̄catsi equeicha caewa tsorobo naexana petsabanaexae. Bapoxonaе equeicha Nacom as̄u exanaena pena pepon xua petsitecaenexa. Barapo pena pepon bapana jopa t̄upae tsane equeicha, jopa petsabanaexae tsane. ⁴³ Barapo peru pepon jopa xeinaeyo peit̄upanae coicha poxonaе m̄th̄tha xotsi. Ichitha jame barapo pena pepon xeina pexeinya peit̄upanae coicha. Barapo peru pepon jopa xeinaeyo peas̄uwa poxonaе m̄th̄tha boca. Ichitha jame barapo pena pepon xeina peas̄uwa. ⁴⁴ Barapo peru pepon saya barapo cae pin nacuathe nexa. Daxota poxonaе t̄upa, tsabana naexana, tsorobo equeicha caewa penaexanaenexa. Ichitha poxonaе barapo pepon as̄u exanaeinchi, bapoxonaе pena pepon naexanaena pejumope t̄nax̄u nexa xua Nacom pia nacuathe peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

⁴⁵ Nacom Pejume Diwesitha jeye: “Po jiton copiya Nacom forota, bapon Adán. Bapon peas̄uwa xeina xua pepoponaenexa barapo cae pin nacuathe”, jei Nacom. Ichitha Cristo Adán bichocono toxeincha ainya cuichi equeicha caewa as̄u peexanaexaetsi. Daxota bapon Cristo itac̄patsi xua ichamonaetha cana exana xua pexeinaewa peaj̄ant̄uyapus̄uwa xua po

peajuntuyapusuwa ataya tsiteca. ⁴⁶ Copiya jopa xeinaetsi po pepon Nacom pia nacuatha nexa. Saya copiya xeinatsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa. ⁴⁷ Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica. ⁴⁸ Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona. ⁴⁹ Anoxuae wapepon werapaena icha Adán pia pepon tatsi ichi xua bayatha tupa. Ichitha poxonae Nacom pia nacuatha patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitupanae coicha xeina.

⁵⁰ Tamonae pam paxam pomonae iru painya nejume cowantsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itacupaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon tupa. ⁵¹ Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yawun xeina. Daxita pomonae waxainchi jiwanatsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon. ⁵² Poxonae trompeta matawan asiya obina xua poxonae Nacom daxita wetsina, bapoxonae Nacom jemeicha nainya asu exanaena pomonae pewerapaewi pomonae pejume cowantsiwixae Cristo. Baxua nainya exanaena icha be pocotsi juta coyeneya ichi poxonae jiton nainya naichaquetabiya necotaba. Pewerapaewi asu exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi. ⁵³ Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacupatsi xua pewerapaewa, bewa pepon naexanaena po pepon xua jopa werapaeyo. ⁵⁴⁻⁵⁵ Wapepon xua weraweracaena Nacom equeicha asu exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacupatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwunae yabara muxu duta. Nacom Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tupa peexanaein”, jei Nacom Pejume Diwesitha. ⁵⁶ Pocotsiwa xua naca amanayaba, apara xua wawerapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxoru barapomonae awiya abe peexanaexae. ⁵⁷ Paxan pajan Nacomtha: “Nacom, maisa pajuntu coyene weiweinan xua pata tanecatsiwam jinya neayapusu itorobi coyenewa pata amanayabinexa abe peexanae cuiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitupaexae”, pajan.

⁵⁸ Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cuiru coyenein, pana najuntu ayapusu exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame,

bara Nacom tsita xanepanatsi.

16

Meje xua Pablo paratixi yabara paeba po paratixi jiwi catsiba ichamon-aetha pomonaetha pomonae pejume cowantsiwi Nacom

¹ Yabara paca tsipaebatsi paratixi po paratixi penacaetutsimonae jeje-bapona ichamonae nexa pomonae pejume cowantsiwi Nacom. Paexande icha pomonae penacaetutsi jiwimonae ichi xua exana pocotsiwa itoroban pomonae Galacia nacuamonaepiwi. ² Daxita domingo wun matacabintha paxam daxita barompaya painya paratixi pajiwana wetsabiya pajejebapon-aename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jejebaponaena. Pomonae tsiqui matomaxi nabusi matoma xeineiba bewa cae paratixi je-jebaponaena. Abun paratixi pajebare xua jopa painya neexanaewa tsane baraxua xua poxonae equeicha patopaein. ³ Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajejebaponaename Jerusalén tomarapiwi nexa pomonae pejume cowantsiwi Nacom. ⁴ Icha nanta xeinaein xua yapu wunaein paratixi penawichixae metha moya bara pon-aetsipan Jerusalén tomara beya. Bapoxonae barapomonae nepuna ponaena.

Meje xua Pablo yabara nanta xeina, xua pewarapaewa tsane

⁵ Poxonae ponaein, bewa Macedonia nacua iyan tsane. Bapoxonae cota-caya paca siwa ponaeinchi Corinto tomaratha. ⁶ Metha beya paca baru ecaetsipatsi be caentacabiyobetha. Ichacuiha metha poxonae awubo paca baru ecaetsipatsi. Bapoxonae poxonae weta xua awubo, paca itacupa xua pata neyawenaewam pocotsiwa nantawenonan poxonae warapaein icha tomara beya. ⁷ Jopa ichipaeinyo xua saya bara caetotha tapaca siwa ponaewatsi. Jame ichichipan xua be pecono daepayobe tapaca baru ecaewatsi tsainchi poxonae patopaein. Baxua exanaein icha Nacom baxua inta copatsina. ⁸ Ecan xote Efeso tomaratha beya poxonae matacabi jopaena po matacabi pewun Pentecostés. Barapo matacabi po matacabi jiwi yabara jantanaina xua poxonae matha Nacom pia Pejumope tuxu tatsi patopa penacaetutsi jiwitha pomonaetha pomonae pejume cowantsiwi. ⁹ Anoxuae neitacupa xua bichocono tatanacuichiwa Nacom xua jiwi pinmonae pejume cowantsinexa barapo tomaratha. Ichitha ayei jiwi ichichipa abe necana exana xua jopa taexanaenexa tsane.

¹⁰ Icha Timoteo patopaena painya xantha, pantenta weyataema xua bapon jantema pepoponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa. ¹¹ Daxita paxam jopa payabara jande: “Apara bapon Timoteo pewowin, jopa apara peyaputaein”, jopa payabara jande. Jame maisa bapon payawende xua equeicha jantema caewa peponaenexa tax-ainya berena. Baxua paexande tsipei xan iru ichamonae pomonae iru pe-jume cowantsiwixae Jesucristo, panabaru wunaewatan bapon xua Timoteo paewatan.

¹² Apolos pon iru pejume cowantsin matowa tsipaeban xua painya nepaca cataenexa xua bapon pecueyabinexa tsainchi ichamonae pomonae iru pe-jume cowantsiwixae Jesucristo. Ichitha bapon nanta xeina xua anoxuae jopa yapu jupaetsi xua peponaewa tsane xua painya nepaca siwa ponaewa. Bapon ponaena ichitha poxonae tayapu jupaeinchi.

Meje poxonaе Pablo najume wetsiya paeba

¹³ Dota pam, pomonaе xua abe pacata exana. Beta paajuntusuya pajume cowanta dubenanaebiyama. Paexana dubenanaebiyama icha pebiwi ichi xua jopa cunuwiya exana dubenanaebiyaeyo xua beta peexanaewa. ¹⁴ Daxita pocotsiwan xua paexaneibame, peantobe coyeneyatha paexaneibare ichamonaetha.

¹⁵ Tamonaе pam, paxam pomonaе iru painya nejume cowantsiwixae Jesucristo. Paxam payaputaneme xua Estefanas piamonaе tatsi copiya jume cowanta Jesucristo Acaya nacuatha. Barapomonaе bichocono yawena ichamonaetha pomonaetha pomonaе iru pejume cowantsi jiwi Nacom. ¹⁶ Paca tsipaebatsi xua paxam xuya paexana dubenanaebiyama pocotsiwan barapomonaе paca itoroba. Pabaruru nacuire barapomonaе xuano ichamonaе iru pabaruru nacuitame pomonaе jupaeya exana icha barapomonaе ichi. ¹⁷ Maisa bichocono juntu coyene weiweinan xua Estefanas iru Fortunato iru Acaico xote pate. Barapomonaе inta exana pocotsiwa jopa paca itacupaeyo xua painta exaname xua jopa xote tapaca baruru ecaexaetsi. ¹⁸ Barapomonaе nejuntu cui coyene tsacaba exana xua xaniwaicha tapoponaenexa Nacom nexa. Barichi iru baxua pacata exana. Beta paweyataename barapocotsi jiwimonaе.

¹⁹ Pomonaе penacaetutsimonaepiwi, pomonaе pejume cowantsiwi Nacom, pomonaе Asia nacuatha jinompa, barapomonaе paca jacoba. Aquila iru piowa tatsi Prisca, iru pomonaе petanacaetutsi dubenanaebiyae jiwichi pia botha tatsi, barapomonaе bichocono paca jacoba peantobe jiwixae xua peantobexaetsi pon jiwi Pecanamataxeinaein. ²⁰ Daxita pomonaе pejume cowantsiwixae Cristo pomonaе xote jinompe daxita paca jacoba. Betiya painta nantiya pana najacobare painya neantobewaxae Cristo.

²¹ Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

²² Icha ichun jopa Jesucristo antobetsi pon jiwi Pecanamataxeinaein baraburu Nacom itawetsina pexainya weya, xua bapon be pon abe peexanae jiton tsane. ¡Xam ponxaem Pata Necanamataxeinaem nainya antha patopare!

²³ Baraburu Jesucristo pon jiwi Pecanamataxeinaein paca yawenaena pia paca nepaca caantobewaxae xua xanepanaya painya nejinompaenexa.

²⁴ Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

Baja Pablo.

Meje Po Carte Cotacaya Pablo Tatina, Corinto Tomarapiwi Tatinatsi

Meje poxonae Pablo tamropata pitaba xua tatina pomonaetha pomona Corinto tomarapiwi

¹ Xan Pablon pacata tinas. Nacom peichichipaexae bapon necana exana xua Jesucristo pia peitorobi jiwi jiwana tatsin. Xan iru Timoteo pon pejume cowantsin baponbe panbe pacata tinas. Paxam pomona iru painya nejume cowantsixae Jesucristo pana nacaetutame penacaetutsi botha Corinto tomaratha xua wnae painya nejainchinexa Nacom. Matautano pata tinanbe pomona iru Nacom piamona tatsi xua Acaya nacuatha jinompa. ² Barabu Nacom pon Waxa iru Jesucristo pon jiwi Pecanamataxeinaein baponbe paca yawenaena pia paca nacaantobexae. Matautano barabu baponbe paca cana exanaena xua jntema painya nejinompaewa tsane.

Meje yabara xua poxonae Pablo atene exanatsi

³ Bara Nacom wnae jaintatsi pon Wanacanamataxeinaein Paxa tatsi xua Jesucristo Paxa tatsi. Bapon Nacom Waxa naca yabara nanta xeina xua wanaca yawenaewa tsane. Bapon Nacom naca itanuwe matateica wanaca antobexae. ⁴ Daxita xua xuan ichamona pana atene exana, xuan Nacom pana cui matateiqueiba, baxua Nacom painta exana xua xuya iru ichamona pata cui matateicaenexa tsaibi tsane pomona poxona atene exaneibatsi ichamona. Paxan ichamona pacui matateican icha Nacom pana ichi xua pana cui matateica. ⁵ Icha Cristo ichichi poxona atene exanatsi ichamona, barichi ichamona pana atene exana pata jume cowantsixae Jesucristo. Nacom, Cristo cui matateicatsi poxona atene exanatsi ichamona. Bara pana ichi Nacom pana cui matateiqueiba poxona ichamona pana atene exaneiba. ⁶ Ichamona pana anthutane exana. Bequein baxua painta exana, daichitha awiya pana itacupa xua tapaca cayawenawatsi poxona paca cui matateicatsi. Matautano pana atene exana pata paca cuidubixaetsi painya nepaca capanenebiyaenexa abe painya neexanae cuiru coyenein weya. Nacom pana cui matateica xua paxan xuya pata paca cui matateicaenexatsi. Baxua paca cana exanatsi poxona awiya jntema pajinompa dubenanaebiyame bequein poxona ichamona paca atene exana icha barapomona pana ichi xua pana atene exana. ⁷ Paxan ajuntusuya paca cui yabara jume cowantsiya ewatatsi xua paxam bara beta pajinompa dubenanaebiyaename poxona bequein ichamona paca atene exana. Paxan payaputan xua paxam iruru raajuntucoyenetanem poxona ichamona pana atene exana. Barichi Nacom paca cui matateica icha pana ichi xua pana necui matateica.

⁸ Tamona pam, paxam pomona iru painya nejume cowantsiwixae Jesucristo. Paichichipan xua painya neyaputaewa xua ichamona bichocono painta ayapube exana Asia nacuatha. Baxua bichocono ayapusuya pana jntu coyene jnta, beya poxona awatha muxu jopa jntema pata dubenanaebiyaewa. Ichacuitha pananta xeineiban xua jopa pana itacupaeyo xua pata panenebiwa xua pata asawa tsane. ⁹ Ichacuitha pananta xeinan xua bara metha pata werapaewa tsane. Ichitha baxua Nacom saya bara copata xua pata yabara jume cowantsiwa tsane xua meisa Nacom bara compa pia coutha pata taneyawenaewa tsane xua jopa pata tana nayawenaewa

tsane pata coutha. Nacom apara pon equeicha asu exana pewerapaewi petupaе cuiru coyene weya. ¹⁰⁻¹¹ Nacom pana necapanenebiya ichamonae weya poxonae barapomonae bichocono abe painta exana poxonae awatha muxu pata werapae. Matautano awiya Nacom baxua painta exanapona. Yatsicaewa Nacom payabara jume cowantan xua bexa tsane pana necapanenebiyaenano icha awiya painta wucaponame Nacomtha. Nacom pana neyawena poxonae pinmonae painta tsipaebina Nacomtha. Bexa poxonae Nacom pana necapanenebiyaena barapoxonae pin bicheitomonae jei tsane: “Nacom maisa pajuntu coyene weiweinan xua neyawenaewa Pablobaru xua jopa pewerapaewa neantobexae poxonae jiwi pin bicheito cawuca barapomonae nexa”, jei tsane barapo pin bicheitomonae.

Meje poxonae Pablo jopa yapu jupaetsi xua peponaewa Corinto tomara beya

¹² Pajuntu coyene weiweinan, daxota atsaquiya pata jeiwa pocotsiwe: Daxita pocotsiwa paexanan po cae pin nacuathe, xuano poxonae pata paca baru jinompaewatsi, pata juntu coyene bara pana tsipaeba xua pinae bara beta paexanan. Pajuntu coyene xanepanan Nacomtha. Matautano bara xainyeya paexanan daxita coyenein. Nacom pana neyawena xua beta pata jinompaewa tsane pata antobexae Nacom. Apra baxua jopa paexanaeinyo barompaya pata tayaputae coyenewatha. ¹³ Daxita xua pacata tinatsi jopa icha diwesi pacata yawa muxuna tinaetsi. Pocotsiwa pacata tinatsi saya pocotsiwa painya nepaca itacupaewa xua painya neyorobiwa tsane xuano xua painya nejume copi yaputaewa tsane. Ichichipan xua betiya painya neyaputaewa tsane daxita pocotsiwa xua pacata tinatsi. ¹⁴ Anoxuae daxita pam be conotha pana neyaputaneme. Poxonae Jesús pon Wanacanamataxeinaein equeicha patopaetsica, pana neyabara juntu coyene weiweinaename icha paichin tsane xua paca yabara juntu coyene weiweinaeinchi.

¹⁵ Poxoru pana neyabara juntu coyene weiweiname daxota nanta xeinan xua tapaca siwa ponaewatsi tsainchi. Bapoxonae icha neitacupa equeicha bexa paca siwa ponaeinchi xua daxota ainya cuiyobetha paca siwa ponaeinchi tapaca cayawenaewa tsainchi. ¹⁶ Bayatha paca tsipaebatsi janje xuaje: “Poxonae ponaein Macedonia nacua beya copiya ichichipan xua matha tsiwanaeya tapaca siwa ponaewatsi tsainchi. Equeicha paca taeinchi poxonae caewa denan tsane Macedonia nacua werena. Bapoxonae paca itacupa xua tapana neyawenaewam poxonae warapaein Judea nacua beya”, paca jeichi. ¹⁷ Bequein baxua paeban, daichitha baxua jopa neitacupaeyo xua taexanaewa baxua. Poxonae baraxua paeban pana nejume cayabara cananta xeiname xua xan apara pon ichawa beya tapaebin xua be pocotsi jiton pon saya exana pocotsiwa bapon ichichipa xua ichawa beya ba paeba. Xan baxua jopa exanaeinyo. Jopa ba paca jeichi “Aja”, jopa paca jeichi. Ichacuitha jopa ba paca jeichi “Jume”, jopa paca jeichi xua poxonae cae coyene yabara paca tsipaebatsi. ¹⁸ Nacom bapon bara xaniwaicha tana neyabara paebin pocotsiwa taexanaewa. Bapon Nacom netane xua jopa ichawa beya tapaebiwa. Saya poxonae, ba “aja”, pejeinexa, ba “aja”, jan. Matautano saya poxonae ba “jume” pejeinexa, ba “jume”, jan. ¹⁹ Timoteo iru Silvano iru xan paca cuidubatsi Nacom Pejume Diwesi po coyene xua Cristo Jesús yabara, pon Nacom Pexanto tatsi. Bapon Cristo jopa bapana jei tsaibiyo bara caetha: “Jume”, yawa “Aja”, jopa bapana jei tsaibiyo. Saya jame ba jei: “Aja”, ba jei tsaibi. ²⁰ Cristo bara daxita exana pocotsiwa Nacom Pexanto yabara tsiwinae muxu duta. Bara Cristo “Je” jei xua peexanaenexa pocotsiwa Paxa itorobatsi. Daxota waxainchi barichichi jei tsaibichi: “Je,

barichi tsane bara Cristo Jesús exanaena baxua”, jei tsaibichi waxainchi poxonae Nacom wɔnae jainteibatsi. ²¹ Bapon Nacom pana ajuntɔcoyenesɔ exana xua beta pata jume cowɔntsinexa Cristo. Mataɔtano irɔ bara paca ichi Nacom, paca yawena. Bapon Nacom naca itapeta watanacuichinexa bapon. ²² Barapon Nacom naca cana exana xua wanaca barɔ jinompaewa pia Pejumoƨe tɔnaɔɔ tatsi wanaca yaputaenexa xua piamonae jiwichi. Baraxua Nacom naca tsita itapeinya xeina xua bexa tsane naca catsina ichawan.

²³ Nacom neyabara jɔntɔ coyene yaputane xua xainyeya paeban. Bequein juntucuru nanta xeinan xua paca siwa ponaeinchi ichitha jopa ponaeyino. Jopa paca siwa ponaetsi Corinto tomaratha tsipei jopa daunweya bepaca tsipaebichi xua paca jɔntɔ coyene wecoyeyi exanaetsipatsi. ²⁴ Jopa bepaca yabara itorobichi xua pocotsiwa bewa painya nejume cowɔntsiwa tsane. Tsipei barapara ayarusɔya pajume cowɔnta dubenanaebiyame. Pocotsiwa jame paichichipan apara xua pata paca barɔ nacuichiwatsi jame, painya nejɔntɔ coyene weiweinaenexa.

2

¹ Daxota juntucuru nanta xeinan xua jopa equeicha tapaca siwa ponaewa tsainchi, tsipei jopa bepaca wecoyeyi exanaetsi. ² Icha paca jɔntɔ wecoyeyi exanaetsipatsi, dapomonae aibi tsipae pomonae nejɔntɔ coyene weiweina exana. Jame meisa paxam paca itacɔpa xua tapana nejɔntɔ coyene weiweina exanaewam. Ichitha icha paxam saya pajɔntɔ coyene wecoyam tsipae jopa pana nejɔntɔ coyene weiweina exanaemtsipae. ³ Daxota bayatha pacata tinatsi icha carta tsipei jopa bepaca siwa ponaetsi icha saya paca jɔntɔ coyene wecoyeyi exanatsi poxonae yabara paca muxuwetatsi pocotsiwa paexaname xua abe paexaname. Apara jame paxam pomonae bewa pana nejɔntɔ coyene weiweina exanaem. Xan nanta xeinan icha jɔntɔ coyene weiweinan paxam bara paichim tsane pajɔntɔ coyene weiweinaename. ⁴ Poxonae bayatha po carta pacata tinatsi bichocono ɔnthathɔ wecoyan, tsipei bichocono paca yabara najɔntɔ coyene eena exanatsi pocotsiwa painya neexanaexae beya poxonae yatsicaewa wecoyan xua yatsicaewa taitacuere mene jujuincaewa. Jopa ichipaeinyo xua tapaca wecoyeyi exanaewatsi. Jame ichichipan xua painya neyaputaewa xua tapaca caantobewichi bichocono.

Meje poxonae Pablo itoroba xua Corinto tomarapiwi peyabara jɔntemainaewa tsane pocotsiwa exana pon penowa pita

⁵ Caein pon paxam jiwana pam abe exana ichamonaetha. Bapon jɔntɔ coyene wecoyeyi exana ichamonaetha. Bapon jopa meisa apara compa nejɔntɔ coyene wecoyeyi exanaeyo. Barichi bapon bara irɔ paca jɔntɔ coyene wecoyeyi exana daxita paxam bequein saya bapon abe exana pon painyamonae jiwana jiton. ⁶ Pon yabara icha cartatha pacata tinatsi pon abe peexanaein, peɔɔɔya nanta jɔpaaya paitawetame bapon xua peƨatopaeɔyainwa painya nenacaetutsiwatha poxonae wɔnae pajaintame Nacom. Anoxuae bapon nacui baraxuba xua abe peexanaewa. Baraxua bara wɔnae. Painya xoba equeicha paitawetame bapon. ⁷ Anoxuae paxam bewa pacui yabara jɔntemainaem abe pia peexanae cuiru coyene tatsi. Mataɔtano bewa pacui matateicaename xua peaurayainwa. Icha jopa baxua paexanaemtsipae, baroxonae bapon metha jopa juniya bichocono jɔntɔ coyene wecoyeyi tsipae, xua daxota anaya pia coutha penacabetsiwa xua pebaraxubixae xua pejume cowɔntsiwa. ⁸ Daxota paca tsipaebatsi, bapon patsita itapeinya xeinare xua peantobe coyenewa painya netsita xeinaewa bapon. ⁹ Bayatha yabara pacata tinatsi xua bewa pamuxuwetsim bapon. Paca jɔntɔ coyene jɔntatsi

xua tayaputaenexa icha metha bara xaniwaicha pana nejume cowuntame daxita pocotsiwa paca itorobatsi, bara bayatha pamuxuwetame bapon. ¹⁰ Icha paxam ichan pacui yabara jantemainame abe pia peexanae cuiru coyenein tatsi, barichin tsane iru bapon cui yabara jantemainaein abe pia peexanae cuiru coyenein tatsi. Tsipei icha ichan cui yabara jantemainan abe pia peexanae cuiru coyenein apara poxoru copiya painya necui yabara jantemainaxae abe pia peexanae cuiru coyenein tatsi. Baxua exanan Cristo tana neitorobixae. Baxua Cristo necui tane xua exanan. ¹¹ Waxainchi ichamonae abe pia peexanae cuiru coyenein tatsi yabara jantemainatsi xua caurimonae pia pentacaponaein tatsi jopa wanaca cui amanayabinexa. Cui yaputainchi xua bapon bichocono daunweya jiwi juntu coyene jajutatsi xua abe peexanaenexa.

Meje poxonae Pablo Tito bichocono yabara najuntu coyene exabatsi Troas tomaratha

¹² Poxonae Troas tomaratha patopan xua tacueicueijeinexa Cristo pejume diwesi bara inta yapu wnae xua tanacuichinexa Nacom nexa, pon jiwi Pecanamataxeinaein poxoru barapo tomarapiwi bara beta nejume tane. ¹³ Ichitha bichocono jopa jantema poponaeyo poxoru bichocono yabara najuntu exaban Tito pon iru pejume cowuntsin Jesucristo, yaitama jopa caxinaeyo bapon. Daxota Troas tomarapiwi napeyaban. Bapoxonae ponan Macedonia nacua beya.

Meje yabara po coyeneya xua Cristo naca yawena xua waamanayabinexa caurimonae pia pentacaponaein tatsi

¹⁴ Nacom patsipaeban, pajan: “Nacom maisa pajuntu coyene weiweinan xua painta exaname”, pajan. Nacom pana cana exana xua Cristo betiya pana canamataxeina poxonae Nacom Pejume Diwesi pacueicueijan. Matautano Nacom pana cana exana xua pata amanayabiwa caurimonae pia pentacaponaein tatsi poxonae jiwi yaputane pacana exanan xua peyabara yaputaewatsi Cristo. Daxita nacuantha ichaxota paponeiban, bapon payabara paebeiban. Barapo pexeinya jume diwesi xua papaebeiban tajru beya pajume pichipaponan, icha be poxonae petuxuei tuxusi ichi xua tajru tuxusi pona. ¹⁵ Nacom ichipa nawita poxonae beta patacueicueijan xua Cristo payabara cueicueijan icha be poxonae ichi poxonae bichocono tuxusi ichichipa incienso tuxusi matawun. Barichi po diwesi xua Cristo payabara cueicueijan, tajru pajume pichipaponan pomonaetha pomonae Cristo capanenebiya ducuaanebiya xuano pomonaetha pomonae weraweracaponae jopa pejume cowuntsixae Cristo. ¹⁶ Poxonae jiwi jopa jume cowuntsiyo barapo diwesi po diwesi pacueicueijan be tsita tuxusichi xua po tuxusi tuxusi barapomonae tupa peexanaewatsi. Ichitha poxonae jiwi jume cowanta, bapoxonae barapo diwesi tsita muxu wnaetsi icha xua jiwi ichi poxonae po tuxusi tuxune bichocono ponxo tuxusi wnaetsi. Barapomonae pejuntu coyenetha yaputane xua barapo jume diwesixae Nacom cata barapomonaetha peajuntu yapusawa po peajuntu yapusawa ataya tsiteca. Jintam metha itacupatsi xua barapo Nacom pia petanacuichiwa tatsi peexanaewa xua pia coutha compa exana? Apra dapon ajibi. ¹⁷ Paxan jopa paexanaeyo icha be jopa ichamonae ichiyo xua poxonae barapomonae pia paratixichi paeba dubenanebiya Nacom Pejume Diwesi. Paxan po pebiwi pan xua xaniwaicha pata tsipaebi jiwi pan ichamonaetha, Nacom pata taneitorobixae. Daxota Nacom Pejume Diwesi papaeban caemonae wanaexanaexaetsi Cristotha.

3

Meje poxonae Pablo yabara paeba Nacom pia pena petsiwanae muxu dutsiwa tatsi

¹ Poxonae baxua pacata tinatsi, metha pana neyabara nanta xeinaetsipame xua paxan pomonae ainya cui jiwi pata naexanae jiwi pan. Nama ichamonaе cartan capona po cartantha piamonaе beta yabara tina barapomonaе, xua painya necopatsiwa tsane xua bara pia paca tsipaеbeibichi Nacom Pejume Diwesi poxonaе barapomonaе pateibina painya tomaratha. Metha paxam pana neyabara nanta xeinaetsipame xua xan iru barichindu icha ichamonaе ichi xua poxonaе barapo carta capona pia xua painya necopatsiwa tsane xua bara pia paca tsipaеbeibichi Nacom Pejume Diwesi. Bequein metha pana neyabara nanta xeinaetsipame xua xuya painta tinaetsipame xua paxan yabara ichitha jopa apara paca wucaetsi baxua. ² Poxonaе daxita jiwi paca cui tane xua beta painya jinompaewa Nacom nexa, bapoxonaе jiwi pana neyabara nanta xeina xua bara beta pata exanaewa xua pata paca yawenaexaetsi xua painya nejume cowantsiwa. Pata juntu coyenewan pana tsipaeba xua bara pinae pajume cowantame Cristo. Poxonaе jiwi paca cui tane xua beta painya nejinompaewa Nacom nexa, barapo jiwi pana nejuntanaina xua beta pata paca cayawenaexaetsi. Baxua be poxonaе jiwi yoroba pexeinya carta xua paxan yabara xua daxota jopa nantawenonaeyo xua xuya painta petinaenexa carta. ³ Cristo ichichipa xua jiwi tane xua bapon bichocono wanae exana paxam nexa po jumein weya xua paxan paca tsipaebatsi. Ichitha bapon Cristo jopa tinaeyo carta peanaincuitontha xua jiwi petaenexa pejumein itaneton. Matautano jopa tinaeyo peitaneton xua ibo panawatha ichi Moisés ichi. Jame Nacom pia Pejumope tuxa tatsi icha juntu coyene paca cata xua daxota jiwi tsita itapeinya xeinatsi xua Cristo beta exana paxam nexa.

⁴ Paxan pana itacupa xua baxua papaeban Cristo pata neyawenaexae xua pata jume cowantsiwa Nacom. ⁵ Ichitha jopa pana neitacupaeyo xua pata coutha pata exanaewa baxua. Daxita pocotsiwan pana itacupa xua pata exanaewa apara Nacom pata taneyawenaexae. ⁶ Nacom pana necana exana xua pomonaе yatsicaewa pata yabara cueicueijei jiwi pan Nacom pia pena petsiwanae muxu dutsiwa coyenewa. Nacom pia pena petsiwanae muxu dutsi coyenewa jiwitha jopa xeinaeyo xua tina ainya coyenein xua jiwi peitorobi coyenewatsi xua jiwi bewa exanaena. Barapo Nacom pia pena petsiwanae muxu dutsi coyenewa paeba xua saya meisa xua beta pejinompaenexa. Nacom pia Pejumope tuxa tatsi itacupatsi xua naca cata pena pejuntu coyenein. Nama Moisés pia peitorobi coyenewa seicaya paeba xua bequein jiwi exana xua Moisés itoroba, barapomonaе awiya werapaena abe peexanaexae. Nama seicaya Nacom pia Pejumope tuxa tatsi peajuntuyarusawa naca cata.

⁷ Moisés pia peitorobi coyenewa ibo panawantha tina. Barapo coyene jiwi cana exanatsi xua pewerapaewa abe peexanaexae. Poxonaе barapo coyenewa Moisés cata israelmonaetha barapomonaе israelmonaе jopa itacupaetsi xua Moisés peitabara taewatsi tsipei Nacom pia pexeinya peitupanae coicha tatsi bichocono penta Moisés peitabaratha. Ichitha barapo Nacom pia pexeinya peitupanae coicha tatsi Moisés pia xainya weya tatsi bewayo caewanaya. ⁸ Po pena juntu coyene Nacom pia Pejumope tuxa tatsi naca cata bichocono wanae tsipei jiwi cana exanatsi xua pexeinaewa peajuntuyarusawa po peajuntuyarusawa ataya tsiteca. Barapo pena juntu coyene bichocono wanae beyacaincha po peitorobi coyene Moisés itoroba.

⁹ Bequein Moisés pia peitorobi coyenewa wuna, barapo coyenewaxae Nacom tsitatsi xua jiwi penatsicuentsiwa xeina xua abe peexanaexae. Nama bichocono wuna Nacom pia pena juntu coyenewa po juntu coyenewa jiwi catatsi beyacaincha Moisés pia peitorobi coyenewa. Barapo Nacom pia juntu coyenewaxae, jopa tsitatsi xua piamonae tatsi pexeinaewa xua penatsicuentsiwa xua abe peexanaexae. ¹⁰ Moisés pia peitorobi coyenewa tatsi copiya bichocono wuna, nama anoxuae jopa peraichiwa, tsipei jopa naca yawenaeyo. Nama Nacom pia pena petsiwuna muxu dutsi coyenewa tatsi jame barapo coyene jiwi bichocono yawenatsi. Daxota barapo coyene yatsicaewa wuna beyacaincha Moisés pia peitorobi coyenewa tatsi. ¹¹ Poxonae Moisés cata pia peitorobi coyenewa israelmonaetha bapoxonae barapomonae tane Moisés peitabaratha tatsi Nacom pia pexeinya peitapanae coicha tatsi. Barapo pexeinya peitapanae coicha caewanaya. Nama Nacom pia pena petsiwuna muxu dutsi coyenewa jopa caewanayiyo. Nama ataya ayapusaya tsiteca barapo coyene.

¹² Tsipei pajume cowantsiya ewatan xua Nacom exanaena daxita pocotsiwa bayatha yabara pana netsiwuna muxu duta, daxota jopa paaurinyo xua pata yabara paebiwa daxitan. ¹³ Paxan jopa paexanaeyo icha Moisés ichi. Bapon Moisés naitabara acata paparuwatha xua israelmonae jopa peyaputaenexa xua poxonae barapo pexeinya peitapanae coicha caewanaya. ¹⁴ Barapo israelmonae jopa yaputaeyo Moisés pia peitorobi coyenewa tatsi. Nacom copata xua barapomonae jopa peyaputaewa pia juntu coyeneintha barapo coyenewa. Barichi anoxuae poxonae barapo israelmonae yoroba Moisés pia peitorobi coyenewa tatsi, cataunxuae came jopa yabara yaputaeyo baxua. Baraxua icha poxonae Moisés ichi poxonae naitabara acata paparuwatha poxonae barapomonae jopa yaputaeyo xua barapo coicha caewanaya. Matauta anoxuae barapomonae jopa yaputaeyo xua icha jiwi jume cowantsina Cristo saya meisa bapoxonae barapo jiwi itapatsi xua peyaputaewa Moisés pia peitorobi coyenewa. ¹⁵ Israelmonae beya nama anoxuae, came jopa yaputaeyo Moisés pia peitorobi coyenewa tatsi poxonae yoroba. Barapomonae jopa peyaputaewa Moisés pia peitorobi coyenewa tsipei najuntu coyene ararana jopa be peyaputaewaxae. ¹⁶ Ichitha poxonae jiwi jume cowanta Jesucristo pon jiwi Pecanamataxeinaein, bapoxonae Nacom cana exana xua pejuntu coyeneintha peyaputaewa Moisés pia peitorobi coyenewa tatsi. ¹⁷ Jesucristo pon jiwi Pecanamataxeinaein iru Nacom pia Pejumope tuxa tatsi najuntu coyene jurabe. Pomonae ba Nacom pia Pejumope tuxa tatsi xeina jopa nantawenonaeyo xua peexanaewa pocotsiwa Moisés pia peitorobi coyenewatha itoroba xua daxota Nacom jopa atene peexanaewa tsane barapomonaetha. ¹⁸ Daxita waxainchi wajume cowantsixae Jesucristo pon jiwi Pecanamataxeinaein, jiwi tsita itatatsi xua bara Nacom pia Pejumope tuxa tatsi jopa juniya naca yawenaeyo. Jopa daichichi icha Moisés ichi poxonae paparuwatha naitabara acata xua jopa peichichipaexae xua peitabara taewatsi ichamonae, tsipei bichocono itabara daedaena xua Nacom pia peitapanae coicha tatsi. Jame waxainchi jinompatsi xua ichamonae naca juntu coyene tane, xua jiwi beta peyaputaenexa xua bara Nacom pon bichocono pexeinaein pejuntu coyene xanepanaewa. Nacom pia Pejumope tuxa tatsi naca yawena ducuanabiyaena bexa tsane xua waxeinaepanaewa tsane pena juntu coyenewan. Icha Jesucristo ichi pia juntu coyenewatha, barichi tsainchi xua wajuntu coyenewantha xua poxonae jinompatsi.

4

¹ Nacom pata tanaantobexae pana cata barapo penacuichiwa. Daxota paxan jopa bapana paajuntucoyenefaetabiya cueicueijanyo Nacom Pejume Diwesi. ² Jopa paexanaeinyo xua pata yabara cueicueijeiwa po coyene ba jiwi aura exanatsi po coyene jiwi moya yawun xeina. Matautano jopa paexanaeinyo po coyene xua pata muxujainyabiya paebiwa. Barichi jopa payabara jume toxeinchiya exanaeinyo Nacom Pejume Diwesi xua poxonae ichamonae pata cana exanaenexa xua Jesús pejume cowantsiwatsi. Nama apara seicaya papaeban pexainyei jume diwesi. Daxota poxonae daxita jiwi pana nejume tane pia juntucoyenein tsipaebatsi xua bara xainyeya papaeban. Nacom pana jume tane daxita pocotsiwa papaeban. ³ Poxonae Nacom pia pecapanenebiyae diwesi jume pacueicueijan, icha jiwi jopa yaputaeyo baxua, apara poxoru barapomonaе weraweracaena, jopa pejume cowantsixae. ⁴ Jiton ba pon peitata quirein jopa itacupaetsi xua petaewa. Bara pocotsi juta coyeneya ichi pomonaе weraweracaena jopa itacupaetsi xua pejume cowantsiwa Nacom. Caurimonaе pia pentacaponaein tatsi jiwi juntucoyene itorobatsi barapo cae pin nacuathe. Bapon barapomonaе cana exanatsi xua jopa peyaputaewa. Daxota jopa Cristo jume cowantsichi. Matautano bapon jopa copatsiyo xua barapomonaе peyabara jume cowantsiwa Nacom pia pecapanenebiyae diwesi tatsi. Barapo diwesi bichocono wnae xua yabara caunuta xua Cristo pexeinya peitupanae coicha xeina. Bapon Cristo bara Nacom cui jupatsi. ⁵ Poxonaе pacueicueijan, apara jopa pata coutha pana nayabara cueicueijanyo. Apara Jesucristo payabara cueicueijan xua bapon yatsicaya pepa Wanacanamataxeinaein. Paxan amanaya panacuitan paxam nexa pata taantobexae Jesús. ⁶ Nacom pon xua jeye: “Barabu pecoicha ba pentha pequireiwatha”, jei. Bapon Nacom exana xua repatopaewa pata juntucoyeneintha pia pexeinya jume diwesi tatsi, po diwesi copiya jopa pata yaputaewa. Pata juntucoyeneintha pata xeinaexae barapo diwesi pana itacupa xua pata yabara yaputaewa Nacom pia pexeinya peitupanae coicha xua paxan patan, xua Jesucristo pata itabara taewa.

Meje xua Pablo yabara paeba xua pejinompaeya coyenewa xua pejume cowantsi coyeneyatha

⁷ Paxeinan pata juntucoyeneintha peyaputae coyenewa po peyaputae coyenewa pana cana exana xua pata yabara yaputaewa Nacom pia pexeinya peitupanae coicha. Pata pepon saya bichoina weraweraca icha juruwato ichi xua bichoina weraweraca. Pata xeinaexae Nacom pia peyaputae coyenewa, daxota ichamonae patsita itapeinya xeinan xua peyapusu itorobi coyenewa paxeinan xua Nacom pana cata. Daxota apara Nacom piawa, jopa apara patawiyo. ⁸ Bequein jiwi ichawa beya pana juntucoyene jujuta xua abe pata exanaenexa poxonaе abe painta exana, ichitha awiya pana itacupa xua pata panenebiwa bara weya. Bequein bichocono yabara pana najuntucoyene exaban pocotsiwa jiwi painta exana, ichitha awiya jopa paajuntucoyenefaetabinyo. ⁹ Bequein jiwi pana nepu baraina pia abe pata neexanaetsi ichitha Nacom jopa pana copabiyo xua compa pan xua pata necuenta ponaewa. Bequein barapomonaе iratha pana bebai xua pata tanejutebiwa tsane, ichitha Nacom jopa pana copabiyo xua barapomonaе pata tanejutebiwa. ¹⁰ Daxita nacuantha ichaxota paponeiban jiwi abe pana exaneiba. Barapomonaе pana wan dubeiba pata tanejutebeibiwa tsane icha Jesús ichichi xua bexotsi. Poxonaе jopa pabobenaеinyo xua ichamonae jopa pata tanejutebiwa, baxua patsita itapeinya xeinan jiwi xua apara Jesús asu

pon pata taneyawenaexae pia peayapusu coyenewatha. ¹¹ Poxonae cataunxuae pajinompan barapo cae pin nacuathe jiwi ichichipa pata tanejutebeibiwa pata yabara paebi dubenanaebiyaexae Jesús. Daxota baxua jiwitha patsita itapeinya xeinan xua xaniwaicha bara Jesús pana yantsiya popona poxonae jiwi pana wan tane xua poxonae bequein muxu pata bobeneibi. ¹² Pata yabara paebixae Jesucristo jiwi muxu pata tanejutebeibi. Ichitha pata yabara paebixae Jesucristo daxota peajuntuyapusuwa paxename po peajuntuyapusuwa ataya tsiteca.

¹³ Nacom Pejume Diwesitha jeye: “Jume cowuntan daxota cueicueijan”, jei. Paxan pajume cowuntan icha David ichi xua poxonae baxua paeba. Iruru paxandu pajume cowuntan daxota pacueicueijan. ¹⁴ Payaputan xua Nacom Jesús asu exanatsi xua petupae cuiru coyene weya pon jiwi Pecanamataxeinaein. Barichi tsane Nacom asu naca exanaena petupae cuiru coyene weya, caemonae waexanaexaetsi Jesththa. Paxan iru paxamdu Nacom naca caponaena pia xainya beicha. ¹⁵ Daxita pocotsiwan xua ichamonae pana necana exana xua paatanein baxuan paca yawena xua painya nejume cowuntsinexa. Poxonae jiwi equeicha mataropeicha jume cocowuntaponaena Cristo, bapoxonae ayei jiwi Nacom wunaenae jainchinchinchi, jei tsane: “Nacom maisa pajuntu coyene weiweinan xua pata taneyawenaewam pata taneantobexaemxae”, jei tsane. Bapoxonae jiwi bichocono wunaenae jainchina Nacom xua bapon bara beta peexanaexae.

¹⁶ Daxota jopa bapana paajuntucoyenefaetabiya jinompaein. Pata pepon finapona. Ichitha pata juntu coyene equeicha mataropeichiya asuya ayapusu tsoponeibi daxita matakabin. ¹⁷ Po coyenein xua barapo cae pin nacuathe ichamonae atene pata tana neexanaewa jopa pana netsita ainya cuiyo tsipei saya bara caeto pana atene exana. Barapo atenewa pata tana neexanaewa pana neyabara nacui wunaeta xua bexa tsane Nacom pata tana necatsibiwa tsane po coyenein xua bichocono wunaenae xua po coyene ataya pata xeinaewa tsane po coyene xua pexeinya peitupanae coichaxae. ¹⁸ Jopa bichocono pacayabara nanta xeineibinyo po coyenein painta daunwei xua jiwi atene pata tana neexaneibixae barapo cae pin nacuathe. Jame maisa bichocono pacayabara nanta xeinan po coyenein xua Nacom pana juntu coyene weiweina exanaena. Pocotsiwan xua jiwi pana necana exana barapo cae pin nacuathe weraweracaena. Nama xua pocotsiwan Nacom painta exanaena baxua ataya ayapusu tsoponaenae.

5

¹ Pata pepon xua saya pata yawa jinompaenexa barapo cae pin nacuathe nexa icha bouto ichi xua saya pecuenta werapaenexa barapo cae pin nacuathe. Poxonae pawerapaein pata pepon weraweracaena icha bouto ichi. Bapoxonae payaputan xua Nacom icha pepon painta xeina xua pena pepon pia nacuatheicha. Barapo pepon ataya payawa jinompaein. Barapo pena pepon Nacom exana, jiwi jopa exanaeyo. ² Anoxuae bichocono pana najuntu coyene exaban tsipei bichocono bepaxeinaein icha pena pepon po pena pepon Nacom xeina pia nacuatheicha. ³ Barapo pena pepon Nacom pana cata xua jopa pata jinompaenexa athabeicha poxonae jopa paxeinaeininyo pepon. ⁴ Poxonae cataunxuae barapo pepon payawa jinompan barapo cae pin nacuathe bichocono pana najuntu coyene exaban tsipei jiwi painta ayapube exana pata pepontha. Ichitha jopa paichichipaeinyo xua pata jinompaewa be poxonae jopa paxeinaeininyo barapo peru pepon xua pata bebeixae. Jame paichichipan xua pata yawa jinompaewa pena pepon. Po pepon anoxuae payawa jinompan saya werapaena. Paichichipan xua

equeicha pata xeinaewa pena pepon po pena pepon xua ataya asuya pata yawa jinompaewa tsane. ⁵ Nacom pana necui yabara wanaeta xua barapo pena pepon pana catsina. Nacom pana cata pia Pejumo pe tɛnaxɛ tatsi xua pana netsita itapeinya xeina xua bexa tsane Nacom pena pepon xaniwaicha pana catsina.

⁶ Daxita matababin ajɛntɛsɛya pajume cowanteiban Nacom pon jiwi Pecanamataxeinaein. Payaputan xua poxona cataunxuae barapo cae pin nacuathe payawa jinompan barapo peru pepon. Cataunxuae yatsicaya Jesu-cristo tajɛ tsana pana cuenta eca, jopa cataunxuae pata xeinaexae barapo pena pepon. ⁷ Pajinompan pata jume cowantsiya coyenyatha Jesús, xua bapon exanaena pocotsiwan bapon paeba, bequein cataunxuae jopa pana nebarɛ jinompaeyo itabocothaicha. Apra jopa pajinompaeyo xua pata tataewaxae ichawa. ⁸ Ajɛntɛsɛya pajume cowanteiban Nacom. Paichichipan pata bebeiwa barapo peru pepon xua po pepon anoxuae payawa jinompan pata jinompaenexa ichaxota Jesús popona pon jiwi Pecanamataxeinaein. ⁹ Bichocono paichichipan xua pata exanaewa pocotsiwa bapon Jesús pon jiwi Pecanamataxeinaein ichichipa bequein barapo pepon payawa jinompan barapo cae pin nacuathe, matautano ichacuitha metha bequein poxona painompan Nacom pia nacuathe. ¹⁰ Bexa tsane daxita waxainchi bewa umenaeinchi Cristo peitabaratha. Bapoxona barapo mataqueitha bapon yabara paebina jiwi xua penatsicuentiwa xua abe peexanaexae Nacomtha. Daxita barompaya matoma xeinaena pocotsiwa pia peexanaexae poxona cataunxuae jinompa barapo cae pin nacuathe. Pomona wanaeya tanacuita xuya wanaeya matoma catsibinchi. Pomona jopa xapain tanacuichiyo xuya antomabeya catsibinchi.

Meje xua Pablo yabara paeba xua jɛntema pejinompaeyo coyenewa yabara

¹¹ Yaitama payaputan xua bewa pacunuwin Nacom pon jiwi Pecanamataxeinaein pata barɛ cui itura jinaenexa bapon. Daxota pamuxuwetan jiwi xua bewa jume cowantsina Jesús. Nacom pana jɛntɛ coyene yaputane xua xainyeya bepataexanaein. Barichi paichichipan xua paxam pana jɛntɛ coyene yaputaneme beta. ¹² Paxan jopa paichichipaeinyo xua pata coutha pata nayabara paebiwa xua pata paca catsipaebiwa tsainchi xua pata ainya cui jiwixae xua daxota pata tanebarɛ cui itura jinaewam tsane. Jame nama paca tsipaebatsi po coyene xua pana nayabara paeban xua painya pata taneweyataenexa. Matautano paca tsipaebatsi xua ichamona painya nejume noteibinexa poxona ichamona abeya pana neyabara paebeiba. Barapomona pia coutha atsaquiya nayabara paeba xua daxita xanepanaya peexanaexae po coyenein xua jiwi cui tane. Ichitha barapomona jopa najɛntɛ coyene yabara tsaqueinaeyo xua po jɛntɛ coyenein xeina pia jɛntɛ coyeneintha po jɛntɛ coyene jopa wanaeyo. ¹³ Barapomona pana neyabara nanta xeina xua paxan pomona pata tanentsiyabi jiwi pan xua poxona pata cueicueijeixae Nacom Pejume Diwesi. Icha barapomona baxua pana neyabara nanta xeina apra poxoru Nacom pata taantobexae. Icha barapomona jopa pana yabara nanta xeinaeyo xua paxan pomona pata tanentsiyabi jiwi pan, apra poxoru saya pata paca yawenaexaetsi. ¹⁴ Cristo pata tana neantobexae paichichipan xua pata tatanacuichiwanexa bapon. Bara xaniwaicha payaputan xua Cristo tsitɛpa daxita jiwi pomona pia pejume cowantsiwichixaetsi. Daxota Nacom patsitan xua paxan be pomona pata werapaewi pan abe pata exanaexae. ¹⁵ Cristo tsitɛpa daxita jiwi, xua daxita jiwi pejinompaenexa Cristo nexa peexanaexae pocotsiwa bapon tsita xanepanatsi. Barapoxona jopa jinompaeyo tsane po coyeneya poxona

tsita xanepanatsi barapomona. Jame barapomona bewa jinompae Cristo nexa pon naetotha tupa xuano xua equeicha asu exanatsi. ¹⁶ Anoxuae jopa payabara nanta xeinaeinyo xua pata yaputaewa jiwi pia pejuntu coyenein tatsi xua saya poxona pacui tan poxona po coyenein exana icha pomona jopa pejume cowuntsiwi ichi. Barapomona nanta xeineiba xua jiwi pejuntu coyene yaputaenexatsi xua saya poxona cui tainchi xua exaneiba. Bequein copiya bayatha Cristo jopa wunaeya payabara nanta xeinaeinyo, ichitha anoxuae jopa baxua paraichinyo poxoru anoxuae bara xaniwaicha payaputan bapon. ¹⁷ Pon caein naexana Cristotha pejume cowuntsixae bapon pena juntu coyene xeina. Po coyenein xua bayatha exana xua peru juntu coyenein weraweracaena. Anoxuae equeicha icha pena juntu coyenein exanaena.

¹⁸ Daxita barapo pena juntu coyenein Nacom werena pona. Nacom naca cana exana xua piamona jiwi tatsichi pomonaexaetsi bequein copiya Nacom pia peaitafaetabi jiwi tatsichi. Baxua Nacom naca cana exana Cristo wanaca tsitupaexae. Matautano Nacom pana itoroba xua paxan xuya ichamonaetha pata cana exanaenexa Nacom piamona tatsi pomonaexae bequein copiya Nacom pia peaitafaetabi jiwichi. ¹⁹ Pocotsiwa xuaunxuae paca tsipaebatsi xua apara meje: Nacom juntema jinompa cana exana barapo cae pin nacuathe pomona copiya pia peaitafaetabi jiwichi poxona barapomona yabara jume cowanta xua Cristo tsitupa barapo jiwi. Bapoxona Nacom jopa tsitatsi xua barapo jiwi penatsicuentisiwa xua abe peexanaexae. Matautano Nacom pana cata penacuichiwa po penacuichiwa xua pata cueicueijeinexa jiwitha. Po diwesi yabara xua Nacom piamona cana exana jiwi, pomona bequein copiya pia peaitafaetabi jiwichi, barapo diwesi pacueicueijan. ²⁰ Paxan pomona Cristo pata taneitorobi jiwi pan pata cueicueijeinexa bapon nexa. Bequein bara paxan paca tsipaebatsi, apara jame yatsicaewa Nacom paca tsipaeba poxona paca tsipaebatsi. Cristo patacueicueijan poxona jume daunweya paca jeichi: “Pana nacui barapende abe painya neexanae cuiru coyenein. Pajume cowande Cristo caemona painya nenaexanaenexa Nacomtha”, paca jeichi. ²¹ Cristo bapana jopa abe exanae. Ichitha Nacom tsitatsi xua Cristo penatsicuentisiwa xua poxoru abe waexanaexae. Bapoxona Nacom naca cana exana xua caemona wanaexanaewa bapontha xua wajuntu coyenein xanepanaenexa Cristo pia peexanaexae poxona naca tsitupa. Bapoxona Nacom tsitatsi xua jopa watsita natsicuentisiwa bequein abe waexanaethatsi.

6

¹ Nacom pata tana nebaru nacuita dubenanaebiyaexae, jume daunweya paca muxu tsipaebiya jeichi: “Painya xoba panaitematame po diwesi xua Nacom paca cata paca necaantobexae. Barapo diwesi apara xua Nacom juntu coyene xanepana exana jiwi pomona pejume cowuntsixae”, paca jeichi.

² Tsipei Nacom, pewunaeya poxona xua jiwi yabara cui cananta xeinaeinchi peyawenaenexa tsainchi, Nacom Pejume Diwesitha namchi, jeye:

“Po matabi jiwi yabara cui cananta
xeinaein tayawenaenexa tsane, barapo
mataqueitha paca jume taeinchi.
Po matabitha jiwi capanenebiyaein
paxam yawa paca yawenaeinchi”,
jei Nacom Pejume Diwesitha.

Anoxuae apara barapo matabi jopa, po mataqueitha Nacom naca yabara cui cananta xeina wanaca yawenaenexa.

³ Poxonae Nacom patanacuita dubenanaebiyā paichichipan xua daxita jiwi xaniwaicha pata tatsita jinompaewa, xua daxota daxita jiwi pejume cowantsiwanexa. Jopa abe paexanaeinyo bequein xua tsiwiyo xua abe pata exanaewa xua jiwi pata nejume aebiyainwa Nacom Pejume Diwesi poxonae patsipaeban. ⁴ Jame apara daxita beta paexana dubenanaebiyā jiwi pata tsita itapeinya xeinaewa xua apara jiwi pata taneyaputaenexa xua Nacom patanacuitan. Baxua paexanan poxonae awiya saya jūntema pajinompan poxonae bequein ichamonae atene pana exana, xuano bequein painta seica pocotsiwa panantawenonan, xuano bequein poxonae bichocono painta yapu daunwei tsaibi poxonae paexaneiban. ⁵ Ichacuitha jiwi pana beiba bichocono. Matautano ichacuitha jiwi pana cuaranobeiba jiwi pecubi bontha. Matautano ichacuitha jiwi ayei jiwi anaepanaya pana netsaquibabeiba poxonae jiwi ayei acꞥꞥꞥ. Poxonae panacuiteiban, bichocono ayapusa panacuiteiban. Ichacuitha merawitha jopa pamaiteibinyo tsipei saya paexaneiban Nacom pia penacuichiwa tatsi. Ichacuitha tsaibi bichocono pajainpeiban. ⁶ Jiwi patsita itapeinya xeinan xua paxan pomonae Nacom pia petanacuichi jiwi tatsi pan xua Nacom pata tsita jūntꞥ coyene xanepanaexae, matautano tsipei poxoru payaputan pocotsiwa pexainyei jume, matautano jopa pata casebixae pomonae bequein painta abe exana, xuano xua xanepanaya pata taexanaexae ichamonae, matautano Nacom pia Pejumope tꞥnaxꞥ tatsi pata tanebarꞥ jinompaexae, xuano xua ichamonae xaniwaicha pata taantobexae. ⁷ Bara xaniwaicha payabara paeban po coyene pexainyeiwa. Paxan paxeinan Nacom pia peayapusa itorobi coyenewa tatsi. Pata Nacom pata tsita jūntꞥ coyene xanepanaexae, paxeinan pocotsi coyenewa xua panantawenonan xua pata tacueicueijeinexa Nacom. Paxan panacui wetan xua Nacom patanacuitan. ⁸ Ichacuitha jiwi pana nebarꞥ cui itura jineiba, ichamonae jopa pana tsita daicheibiyo. Ichacuitha ichamonae wꞥnaeya pana neyabara paebeiba. Ichacuitha ichamonae abeya pana neyabara paebeiba. Ichamonae pana neyabara paebeiba xua paxan pomonae jiwi pata muxutorobi jiwi pan. Ichamonae pana neyabara paebeiba xua paxan pomonae apara xaniwaicha pata paebi jiwi pan. ⁹ Ichacuitha ichamonae jopa ichipaeyo xua pata taneyabara yaputaewa xua paxan Jesús pia peitorobi jiwi tatsi pan. Pana yabara nanta xeina xua saya jiwi pan bequein daxita jiwi bara xaniwaicha pana neyaputane xua paxan Jesús pia peitorobi jiwi tatsi pan. Ichacuitha ichamonae pana neyabara nanta xeineiba xua paxan bara imoxoyo muxu pata bobeneibi, ichitha awiya asꞥya pajinompeiban. Jiwi pana neatene exaneiba, ichitha jopa pana nejutebeibiyo. ¹⁰ Bequein ichacuitha bara pajūntꞥ coyene wecoyan pata painta exanaexae ichamonae, daichitha awiya pajūntꞥ coyene weiweinaya jinompeiban. Metha bequein paxan be pomonae peacopeibiwi pan tsipae ichitha paxeinan nawita Nacom weya pocotsiwan xua payawenan ichamonae. Bapoxonae barapo ichamonae be pomonae copei pexainaewi naexana tsipei jume cowanta Nacom Pejume Diwesi xua papaeban. Bequein bara be pomonae jopa pata xeinae jiwi pan pocotsiwa xeina po cae pin nacuathe, daichitha apara bara paxeinan daxita po coyenein Nacom pana cata po coyenein xua jopa peweraweracaewa.

¹¹ Tamonae pam, paxam pomonae Corinto tomarapiwi pam. Daxita xua po coyenein tajūntꞥ coyenewatha nanta xeinan baxuan paca tsipaebatsi. ¡Bichocono tajūntꞥ coyenewatha paca antobetsi! ¹² Amanaya bichocono jopa juniya paca antobetsi. Ichitha nama paxam barapomonae pam, pomonae pam jopa paichichipaem xua painyamonaē jiwi tapana neexanaewam.

¹³ Xan paca tsipaebatsi xua be poxonae icha coxiyꞥn ichi xua tsipaeba

pia pexuyotha. Paca jeichi: “Xuya daxita painya nejuntũ coyenewatha paneantobeinde icha paca ichichi xua tapaca antobewatsi bichocono”, paca jeichi.

Meje poxonae Pablo jeye: “Icha Nacom ichi xua popona pia pin botha barichi Nacom pana nebarũ jinompa”, jei

¹⁴Jopa caemonae pana naexanaeinde pomonaetha pomonae jopa pejume cowantsi jiwi. Tsipei pon pejuntũ coyene xanepanaein jopa itacũpaetsi xua pecueyatsiwa pontha pon peajuntũcoyenebein. Barichi xua pequireiwatha peyonoyoneiwa jopa itacũpaetsi xua quirei tsanaya baxota, awiya peyonoyoneixae. ¹⁵Barichi Cristo pon xanepanaya peexaneibin jopa itacũpaetsi xua pecueyatsiwa caurimonae pia pentacaponaeintha tatsi, pon abe peexaneibin. Barichi pon pejume cowantsin jopa itacũpaetsi xua pecueyatsiwa pontha pon jopa pejume cowantsin, poxoru jopa jũpaeyo xua nanta xeinabe. ¹⁶Barichi Nacom pin pia botha jiwi jopa bewa wũnae jainchina ibo nacomũn. Saya meisa bewa wũnae jainchina Nacom barapo botha. Nacom patsitan xua paxan bara be Nacom pin pia bo tatsi. Icha Nacom ichi xua popona pia pin pia botha, barichi Nacom naca barũ jinompa, pon ataya asũya popona. Nacom caena bayatha baxua yabara jeye:

“Barapomonae barũ poponaein yawa cueyata ducuaenaebiyaein.

Mataũtano barapomonae pia Nacomũn tatsin tsane.

Barapomonae tamonae naexanaena”, jei Nacom.

¹⁷Daxota Nacom pon Pecanamataxeinaein jiwi, equeicha yabara paeba pomonae jopa pejume cowantsiwi. Nacom piamonaetha jeye:

“Barapomonae pia xainya weya paponare.

Jopa caemonae pana nayawa exanaeinde barapomonae.

Jopa paexanaeinde peabe coyene po coyene barapomonae exana.

Nexata xan paca matenta weyataeya wabinchi.

¹⁸Xan naexanan xua xan painya Axan.

Mataũtano paxam taxanton jiwi pam tsane,

xuano irũ taxantixi jiwi pamdũ”,

jei Nacom piamonaetha pon daxita peayapusũ

itorobi coyenewan pexeinaein.

7

¹Tamonae pam, paxam pomonae tapaca caantobe jiwichi pam. Xuaunxuae po diwesi paca tsipaebatsi baraxuan apara Nacom yabara naca tsiwũnae muxu duta xua pocotsiwa wanaca cana exanaewa. Daxota waxainchi bewa daxita abe waexanae cuiru coyenewan pentichi po coyenewan xua wapepon exana, xuano xua wajuntũ coyene nanta xeinano. Mataũtano bewa xua Nacom junuwiya wabarũ cui itura jinaewatsi tsainchi. Mataũtano bewa xanepanaya exanaponaetsi beya poxonae bichocono Nacom watsita juntũ coyene xanepanaewa tsane xua jopa wanatsicuentisiwa xua abe waexanaexae bapontha.

Meje xua poxonae Corinto tomarapiwi icha juntũ coyene xeina xua Jesús pejume cowantsixaetsi

²Equeicha caewa pana neantobeinde tsipei paxan jopa abe pacata exanaetsi. Paxan jopa abeya pamatacaponaeinyo ichamonae xua xuya abe

peexanaenexa. Matautano ichamonae jopa pamuxujainyabeibinyo. ³ Jopa baraxua paca tsipaebichi xua paca yabara paebatsi xua abe painya neexanaewam. Bayatha copiya paca tsipaebatsi, paca jeichi: “Tajuntũ coyenewatha bichocono paca antobetsi, bequein metha poxonae paca barũ werapaetsipatsi, xuano metha bequein poxonae paca barũ jinompaetsipatsino”, paca jeichi. ⁴ Bara bichocono paca yabara jume cowuntatsi xua po coyene tapaca catsipaebiwatsi tsainchi pocotsiwa tajuntũ coyenewatha nanta xeinan xua pocotsiwa painya neexanaenexa tsane. Matautano paca yabara wũnae jaintatsi poxonae ichamonae tsipaeban poxoru tapaca cui yabara paebixaetsi. Bequein ichamonae atene neexana, daichitha poxonae jume tan pocotsiwa paexaname pana nejuntũ coyene tsacaba exaname xua juntea tapoponaewa. Matautano barichi bichocono panejuntũ coyene weiweina exaname.

⁵ Poxonae po mataqueitha weya papatan Macedonia nacua weya jopa cuinaya juntea painompaeyo xua jiwi abe pata tana necana exanaewa daxita coyeneintha. Pomonae jopa pejume cowuntsiwi bichocono pana casebeiba pata natsipei cueicueijeixae Jesús pejume diwesi. Barichi pomonae pejume cowuntsiwi junuwiya payabara najuntũ coyene exabeiban nawita xua jopa xanepanaya pejinompaewa tsipae. ⁶ Daichitha Nacom pana juntea cui coyene tsacaba xua juntea pata jinompaewa poxonae bequein paatanein tsaibi. Barapon Nacom apara pon jiwi cana exanatsi xua juntea pejinompaewa poxonae bequein juntea coyene wecoyei. Baxua Nacom pana necana exana poxonae Tito patopa pata xantha. ⁷ Pajuntũ coyene weiweinan xua bapon pepatopaexae. Ichitha jame yatsicaewa pana nejuntũ coyene tsacabame xua poxonae bapon pana netsipaeba xua pinae xanepanaya pata exaname bapon. Bapon pana netsipaeba paxam yabara xua pinae pajam: “Maisa Pablobarũ bepataebenaein. Bichocono pawecoyan yaitama Pablobarũ abe exanatsi ichamonae. Daxota payabara najuntũ coyene exaban bapon”, pinae pajam. Poxonae baxua jume tan bichocono juntea coyene weiweinan.

⁸ Bequein xan paca juntea coyene wecoyei exanatsi xua po cartatha copiya pacata tinatsi, daichitha anoxuae baxua jopa yabara auranyo bequein copiyatha yabara auran baxua. Barapo carta saya bara caeto paca juntea coyene wecoyei exana. ⁹ Ichitha anoxuae juntea coyene weiweinan xua jopa apara poxoru painya nejuntũ coyene wecoyeixae poxonae payorobame barapo carta, saya apara jame poxoru Nacom icha juntea coyene painya netsita xeinaexae. Paxam pajuntũ coyene wecoyam icha be pocotsi coyeneya Nacom peichichipaewa xua abe painya neexanaexae. Daxota paxan jopa abe pacata exanaetsi. ¹⁰ Poxonae jiwi juntea coyene wecoyei icha be pocotsi coyeneya Nacom ichichipa, barapo peitanuwetha jiwi cana exanatsi xua peurawa abe peexanaexae bapoxonae barapo jiwi Nacom jume cowuntatsi. Bapoxonae Nacom jopa tsita natsicuentichi xua abe peexanaexae. Barapomonae icha juntea coyenein xeina poxonae barapomonae capanenebiyatsi abe pia peexanae cuiru coyenein weya tatsi. Bapoxonae barapomonae jopa bewa aura tsane xua copiya juntea coyene wecoyei. Ichamonae pomonae jopa pejume cowuntsiwi Nacom, poxonae barapomonae wecoyei xua jopa peuraxae poxonae abe exana, ichitha barapo itanuwetha barapomonae jopa yawenaetsi. Apara saya barapomonae werapaena Nacom petsita abe exanaexaetsi. ¹¹ Po itanuwe Nacom pacata copata bayatha jame barapo itanuwe paca yawena. Barapo itanuwe paca exana xua paca juntea coyene tsacaba xua beta painya neexanaenexa. Matautano paca exana xua pacui yabara nanta xeiname pon abe peexanaein. Bapoxonae nainya paitawetame bapon, abe

peexanaexae. Barichi be patsita itapeinya xeiname Nacom xua paxam jopa panatsicuentisim xua jopa be barapocotsi coyenewiyo pocotsi coyenewa xua bapon exana. Matautano paauram xua painya necopatsiwa bapon xua bara abe peexanaewa. Matautano pajunuwame xua Nacom atene paca exana poxoru bapon abe peexanaexae. Bapoxonae be pabebam painya xainya weya po coyene xua bichocono abe. Daxota paitawetame bapon. Daxita beta paexaname. Painya netsita itapeinya xeinaewa Nacomtha xua apara daxita paxam jopa abe paexanaem. Saya meisa bapon abe peexanaexae. ¹² Bayatha pacata tinatsi po carta xua paca itanuwe exana xua Nacom painya tsita itapeinya xeinaenexa xua xaniwaicha bara pana neantobem painya neexanaexae pocotsiwa paca itorobatsi. Apara jopa pacata tinaetsi xua saya poxoru tayabara nanta xeinaexae pon abe exana, xuano iru pon coseuri pitatsi, xua tayawenaewa tsane. ¹³ Pata taneantobemxaem pana nejuntu coyene tsacabame xua tajuntu coyene weiweinaewa.

Barichiru daxita paxam Tito pajuntu coyene cui tsacabame daxita pocot-siwantha xua beta painya paebixaem bapontha. Jame yatsicaewa bapoxonae bichocono pajuntu coyene weiweinan xua poxonae Tito pacana exaname, beyacaincha poxonae pana necana exaname xua poxonae pajuntu coyene weiweinan. ¹⁴ Poxonae Tito taxainya weya bara muxu peponaeba matha beta paca yabara paebatsi bapontha, janje: “Maisa Corinto tomarapiwi pomonae pejume cowuntsiwi weyatan xua bichocono pejuntu coyene xanepanaexae Nacomtha”, jan. Paxam jopa panejuntu coyene aura exanaem. Xua ba paca tsipaebeibatsi baraxua bara pexainyeiwa tsaibi. Matautano pocotsiwa paca yabara paebatsi Titotha baxua apara bara pexainyeiwano iru. ¹⁵ Bapon Tito bichocono paca antobe anoxuae beyacaincha poxonae cataunxuae jopa paca siwa ponaeyo. Bapon paca yabara juntanaina xua paxam pabaru jume jejam tsaibi pocotsiwa paca itorobeiba. Matautano bapon pantenta weyataeya wabame painya baru itura jinaexae bapon. Matautano pajunuweibame xua abe painya neexanaeyainwa bapon. ¹⁶ Maisa bichocono juntu coyene weiweinan xua tapaca yabara jume cowuntsiwatsi xua daxita coyenewan painya neexanaewaxae po coyene xua wanae.

8

Meje xua poxonae Pablo yabara paeba xua Cristo piamonae tatsi paratixi pecacomocae paratixi jehebapona pomonae peacopeibiwi nexa

¹ Tamonae pam, paichichipan xua painya neyabara yaputaewa xua Nacom pia peyawenaewa jiwi, pia peantobexae. Ichichipan xua tapaca tsipaebiwatsi po coyene Nacom tsita itapeinya xeina barapo pia peantobe coyenewa pomonaetha pomonae pejume cowuntsiwichi, pomonae penacaetutsi bonmonae jiwi xua pomonae wanae pejainteibiwi Nacom pomonae xua Macedonia nacuatha jinompa. ² Bequein barapomonae bichocono daunweya juntu coyene jujutatsi poxonae ichamonae abe taexana barapomonaetha, daichitha awiya cataunxuae barapomonae juntu coyene weiweina. Bequein barapomonae peacopeibi jiwi, daichitha barapomonae catsibeiba nawita paratixi pecacomocae paratixi petaitorobinexa pomonaetha pomonae peacopeibi jiwi Jerusalén tomarapiwi be poxonae yatsicaewa pepa copei pexeinaewi. ³ Xan tan xua barapomonae cata nawita be po coyeneya xua daxita itacupatsi xua pecatsibiwa. Matautano ichawano catsiba beyacaincha xua poxonae itacupatsi xua pecatsibiwa. ⁴ Barapomonae bichocono pana muxu fayacotsiya jeye: “Bara pana compare xua bara Jerusalén tomarapiwi patacatsibinexa paratixi pecacomocae

paratixi pomonae iru pejume cowantsiwi, pomonae peacopeibi jiwi”, pana jei. ⁵ Barapomonae baxua exana beyacaincha xua pocotsiwa pananta xeinan xua barapomonae itacupatsi xua pocotsi coyeneya pecatsibiwa tsane. Matautano barapomonae juntucuru nanta xeina xua bara petanacuichinexa tsane Nacom nexa daxita pejuntu coyeneinyatha. Bapoxonae juntucuru nanta xeina xua barapomonae bara pata taneyawenaenexa tsane be pocotsi coyeneya Nacom ichichipa. ⁶ Daxota Tito paitoroban xua nacui wetsina xua penonotaponaewa tsane paratixi pecacomocae paratixi, tsipei bapon bayatha caena tamropata pitaba xua penonotaponaewa paratixi painya xantha. Poxonae barapo paratixi pacatsibaponame bara pexeinya coyene paexanaponame peacopeibiwitha painya neantobewaxae. ⁷ Paxam bichocono jopa juniya paxeinaem po coyenein xua painya neexanaewa. Bichocono pajume cowantame Nacom. Matautano betiya pacueicueijam Nacom Pejume Diwesi, xuano bichocono payabara yaputaneme Nacom Pejume Diwesi. Matautano bichocono painya juntu coyenewatha paichichipame xua ichamonae painya neyawenaewa. Matautano bichocono pana neantobem. Daxota bichocono jopa juniya toxeinchiya paexanaeinde xua painya neyawenaewa xua poxonae paratixi pacatsibame pomonaetha pomonae iru pejume cowantsiwixae. Baraxua paexande painya neantobexae barapomonae.

⁸ Poxonae baxua paca tsipaebatsi jopa paca itorobichi xua painya neexanaewanexa. Saya apara jame paca tsipaebatsi baxua xua tayaputaenexa icha bara metha paxam bichocono paantobem ichamonae icha Macedonia nacuamonaepiwi ichi. Barapomonae bichocono antobe ichamonae daxota yawena nawita. ⁹ Paxam payaputaneme xua Jesucristo naca antobe pon Wanacanamataxeinaein. Jesucristo poxonae Paxatha popona copiya daxita xeina be poxonae yatsicaewa copei pexeinaein. Daichitha bapon pia coutha nacana exana be pocotsin jopa copei pexeinaein poxonae paxa cuenta pona. Poxonae jiton pia coyeneya nacana exana bapoxonae acopeibi nacana exana pia paca necaantobewaxae. Daxota xuya nawita painya nexeineae jiwi pam tsane xua po coyenewa Jesucristo xeina.

¹⁰ Paca tsipaebatsi baxua painya tapaca cayawenonaexaetsi. Nanta xeinan xua paxam bewa panacui yabara wetsiname pocotsiwa xua bayatha icha weitha patamropata notarucupame xua paratixi painya nejehebaponawa Jerusalén tomarapiwi nexa. Baxua bayatha paexaname painya juntu coyeneintha bichocono painya neichichipaexae xua painya neexanaewa baxua. ¹¹ Icha copiya paichim xua paichichipame nawita xua painya neexanaewa baxua, paexanaponde beya poxonae panacui yabara wetsiname. Padodoutaponde xua be pocotsi coyene paca cui jupa xua pocotsi matoma paxeineibame xua pajiwana tsabeibiname paratixi. ¹² Icha pebin ichichipa xua pecatsiwa paratixi Nacomtha bapon bara nata jiwana wetsatsina paratixi xua catsina be pocotsi coyene xua cui japatsi xua pecatsiwa. Pocotsiwa bapon cata bara Nacom wecobe pita. Saya poxoru Nacom jopa pewucaexae poxonae pebin bequein jopa xeinaeyo taethatsi. Saya jame icha jiwi cui japatsi xua pecatsiwa poxonae xeina, bapoxonae jame Nacom wecobe pita.

¹³ Jopa paca tsipaebichi xua ichamonae bewa payawenaename xua painya necatsibiwa daxita xua paxeiname xua beya poxonae daxota painya neacopeibiwa tsane. ¹⁴ Saya jame paca tsipaebatsi xua paxam copei pexeinaewi pam iru peacopeibiwi Jerusalén tomarapiwi bewa peburaya jupaeya paxeinaename. Metha anoxuae paxeiname nawita, ichitha barapomonae jopa xeinaeyo. Daxota paxam pomonae nawita painya nexeineae jiwi pam

bewa pacatsibiname pomonaetha pomonae jopa xeinaeyo pocotsiwa barapomonae nantawenona. Metha bexa tsane barapomonae xeinaena nawita ichitha paxam jopa paxeinaem tsane. Bapoxonae bewa barapomonae xuya paca catsibina pocotsiwa panantawenoname. Bapoxonae daxita pam nanta jupaeya paxeinaename. ¹⁵ Nacom Pejume Diwesitha baxua yabara jeye: “Pon nawita pexeinaein copiya, beyacaincha xua pocotsiwa nantawenona, bapon jiwana wecata ichantha pocotsiwa xua jopa pecanantawenonaexae. Pon xua tsiwiyo xeina copiya xua daxota taseicatsi pocotsiwa nantawenona, pirapae xeina pocotsiwa pecanantawenonaewa poxoru pon nawita xeina piawa jiwana wecata bapontha”, jei Nacom Pejume Diwesitha.

Meje xua Tito yabara iru pomonae pia peyanabiwatsiru

¹⁶ Tsipaeban Nacom, janje: “Nacom maisa juntu coyene weiweinan xua Tito pejuntu coyenewatha yabara nanta xeina ducuaenaebiya Corinto tomarapiwi xua peyawenaenexa barapomonae icha xan ichin”, janje. ¹⁷ Bapon Tito juntu coyene weiweina poxonae patsipaeban xua pia paca necayawenonaewa tsane. Daxota anoxuae bapon pia coutha paca siwa ponaena peichichipaexae xua pia paca yawenaetsi.

¹⁸ Ichandu paitoroban pon pejume cowuntsindu xua Tito pepuna ponaenexatsi. Daxita pomonae pejume cowuntsiwi pomonae penacaetuteibi jiwu xua wanae pejainteibiwi Nacom barapomonae bapon beta yabara nanta xeinatsi, tsipei pinae bapon beta xanepanaya cuiduba Nacom pia papanenebiyae diwesi jume. ¹⁹ Jopa meisa pebaxuaxae. Jame yawa matautano barapomonae pomonae pejume cowuntsiwi peitapetsixae barapo pebin xua bapon pata tanebaru ponaenexa poxonae pacapanan paratixi peacopeibiwitha pata antobexae barapomonae. Barapo penacuichiwa pata exanaexae pabarui cui itura jinan Nacom pata exanaexae pocotsiwa bapon pana itoroba. Matautano poxonae baxua paexanan patsita itapeinya xeinan xua paichichipan xua nantiya pata tanayawenaewa. ²⁰ Paichichipan xua xaniwaicha beta paexanan poxonae pin paratixi cun pacaponan xua jiwu abe pata neyabara paebiyainwa. ²¹ Paichichipan nawita xua xainyeya pata exanaewa Nacom peitabaratha tatsi xuano xua jiwu peitutha tatsino.

²² Barichino ichanno paitoroban pon pejume cowuntsindu xua baponbe Tito pepuna ponaenexa tsainchibe. Bapon pon cotacaya paitoroban, pajuntu coyene jujutan pata yaputaenexa icha bara metha beta nacuita Nacom nexa. Bara bapon beta jume cowanta ducuaenaebiya. Daxota bapon iru paitoroban. Bapon ichichipa nawita xua pia paca yawenaewa tsane pia paca yabara jume cowuntsixae xua bara beta paexaname. ²³ Icha ichun paca yabara yainyaba Tito pana nejume cayabara jume jande bapontha xua janje: “Bapon taneyantsin. Bapon neyanta xua penacuichiwa po penacuichiwa xua tapaca yawenaewatsi. Ponbe Tito puna poinchibe baponbe itorobatsibe pomonae pejume cowuntsiwi. Baponbe tsita itapeinya xeinabe barapomonaetha xua bara xaniwaicha pejume cowuntsinbe Cristo, xua daxota barapomonae wanae pejainchinexa Nacom”, pana nejume cayabara jande. ²⁴ Barapo acoibi poyobe xaniwaicha pantenta weyataeya wabare poxonae patsina painya xantha. Bapoxonae poxonae baxua paexaname patsita itapeinya xeinaename pomonae pejume cowuntsiwi xua xaniwaicha bara paantobem barapo acoibi poyobe. Bapoxonae barapomonae paca yabara cui yaputaena, xua paxan xaniwaicha papaeban xua poxonae juntu coyene weiweinaya atsaquiya tapaca yabara paebiwatsi xua painya nejume cowuntsixae.

9

Meje xua paratixi pejebaponaewa yabara pomonae pejume cowantsi jiwi nexa, pomonae peacopeibi jiwi xua pomonae Jerusalén tomarapiwi

¹ Jopa nantawenonaeyinyo xua equeicha tayabara tinaewa xua painya neyawenaenexa ichamonaey pomonae iru jume cowanta xua painya necatsibinxaru paratixi pomonae Jerusalén tomarapiwi. ² Bara yaputanba bayatha xua bichocono painya neichichipaewa xua painya necatsibiwa paratixi. Paca yabara paebeibatsi Macedonia nacuamonaepiwitha, janje: “Bayatha icha weitha Acaya nacuapiwi najuntu cui coyene wunaeta xua jejebaponaena paratixi peacopeibiwi nexa”, jan. Barapo Macedonia nacuapiwi, najuntu cui coyene tsacaba xua iru pebarichinxaru pejume taexae xua pinae paxam paichichipame nawita po coyene painya neyawenaewa. ³ Barapo acoibi poyobe itoroban xua ichamonaey jopa taneyabara paebinexa tsane xua tanaerabiwa xua bayatha tapaca yabara paebixae. Daxota bewa pana nacui wunaetsiname xua painya nejehebaponaewa paratixi xua painya necatsibinexa ichamonaetha. ⁴ Metha barapo Macedonia nacuamonaepiwi jiwana nebaru ponaena poxonae paca siwa ponaeinchi. Metha barapomonaey paca taetsipa xua jopa pana nacui yabara wunaetsim xua painya nejehebaponaewa paratixi xua painya necatsibiwa ichamonaey. Bapoxonaey bichocono paauran tsipae tsipei bayatha paca yabara paebatsi xua paxam pacatame nawita. Iru paxam paauram tsipae. ⁵ Nanta xeinan xua bewa copiya itorobin barapo acoibi poyobe xua bara poyobe copiya paca siwa ponaena beya poxonae xua paca siwa ponaeinchi. Barapoxonaey barapoyobe painya nepaca yawenaenexa xua penotaponaewa paratixi. Bayatha pana nemuxu tsipaebame xua pinae paichichipame painya necatsibiwa ichamonaey barapo paratixi. Po paratixi panotaponame panacui yabara wetsiname, baxua patsita itapeinya xeiname xua saya jopa apara poxoru bewa pacatsibim. Saya poxoru painya coutha painya neichichipaexae xua painya necatsibiwa.

⁶ Payabara nanta xeinare po diwesi ba xua jeye: Pon ba conotha uba ba conotha jota pocotsiwan xua penawetsiwan. Pon ba jopa juniya ubiyo ba jopa juniya jotsiyo pocotsiwan xua penawetsiwan. ⁷ Daxita pomonaey pejume cowantsiwi bewa catsibeibina be pocotsi coyeneya nanta xeina pejuntu coyenewatha. Jopa bewa asiwiya catsibeibi icha aichaxaibi xua pecatsibiwa. Matautano jopa bewa catsibeibi poxoru ichun pecui itorobixae xua pecatsibeibiwa tsane. Nacom tsita juntu coyene xanepanatsi nawita pon juntu coyene weiweinyaya douteiba ichamonaetha. ⁸ Nacom bara itacupatsi xua daxita painya nepaca catsibiwa pocotsiwan panantawenoname, matautano ichawano xua bichocono nawita beyacaincha pocotsiwa xua panantawenoname. Bapoxonaey paxeinaeney pocotsi coyeneya xua paca cui jupa xua pajuntu coyene weiweinyaya catsibiname ichamonaetha. ⁹ Nacom Pejume Diwesitha pon nawita pecatsibin jiwi bapon yabara jeyechichi, jeye:

“Pon catsibeiba poneiba nawita pomonaetha pomonaey peacopeibi jiwi Nacom jopa juniya xuya catsibeibi tsane bapontha, xanepanaya peexanaexae”, jei Nacom Pejume Diwesitha.

¹⁰ Apara Nacom pon catsibeiba jiwi po pexu xua jiwi peubinexa. Matautano apara Nacom pon catsibeiba pexaewa xua jiwi pexaenexa. Barichi Nacom paca catsibeibina beyacaincha xua pocotsiwa panantawenoname.

Bapoxonae paca cui jupaena xua ichamonae painya necatsiba dubenanae-biyaewa tsane nawita, pocotsiwa jopa panantawenonaem. ¹¹ Nacom nawita paca catsibina xua daxota paca itacupaena xua ichamonae pacatsiname nawita. Poxonae pacaponaein barapo paratixi xua pata itorobame peacopeibi jiwi nexa, Jerusalén tomaratha, bapoxonae barapomonae Nacomtha jeye tsane: “Nacom maisa pajuntu coyene weiweinan xua painta exaname xua daxota barapo Corinto tomarapiwi painta itoroba paratixi”, jei tsane. ¹² Poxonae barapo paratixi pacatame barapo pejume cowantsi jiwitha, bara barapomonae pacatame pocotsiwa barapomonae penantawenonaewa. Matautano painya neexanaexae baxua barapomonae wuna jainteiba Nacom. ¹³ Barapomonae wuna jainta Nacom painya nejejeixae xua paexaname po coyene Cristo pia pecapanenebiyae diwesitha paca itoroba. Matautano barapomonae Nacom wuna jainchinci, painya neyawenaexae poxonae pacatame paratixi nawita barapomonaetha xuano xua daxita ichamonaetha. ¹⁴ Barapomonae Nacomtha pacata wucaena pia paca necaantobewaxae poxoru barapomonae patsita itapeinya xeiname xua Nacom bichocono paca yawena pia paca necaantobewaxae. ¹⁵ Nacomtha patsipaeban, pajanje: “Nacom maisa pajuntu coyene weiweinan xua nexanto painta amanaya itorobicame pata xantha. Baxua pocotsiwa xua painta exaname bichocono jopa juniya xanepanaeyo xua jopa pana itacupaeyo xua po jumetha pata yabara paebiwa”, pajan.

10

Meje xua Pablo yabara paeba pia peitorobi coyenewa

¹ Xan Pablon paca jume fayacotatsi. Paca tsipaebatsi icha be pocotsi coyeneya Cristo ichi poxonae paeba. Bapon tsipaeba jiwitha pebara cui itura jinae coyenetha xuano peantobe coyeneyatha. Paxam pinae pana neyabara paebame pinae pajam: “Poxonae Pablo popona pata xantha saya jopa jume daunweyo poxonae pana netsipaeba. Ichitha poxonae taja wepainta tineibarena jume daunweya painta tineibarena”, pinae pana neyabara jam. ² Poxonae paca siwa ponaeinchi jopa paexanaeinde pocotsiwa xua daxota bewa paca tsipaebinchi pocotsi jumeintha xua daxota jume daunweya tapaca catsipaebiwa tsainchi. Ichamonae paxam jiwana pana neyabara paeba xua pinae abe paexanan poxonae paexanan pocotsiwa Nacom pana itoroba icha pocotsi jiwimonae ichi pomonae jopa pejume cowantsiwi. Bewa jume daunweya tsipaebin barapomonaetha xua baxua yabara xua taneyabara paebiwa. ³ Bara xaniwaicha xua paxan apara saya jiwi pan. Bequein paxan pajinompan barapo cae pin nacuathe, ichitha poxonae pacuiduban Nacom Pejume Diwesi jopa paexanaeinyo icha barapo cae pin nacuathepiwi ichi poxonaeba yabara naba peexanaenexa pocotsiwa ichichipa. ⁴ Jopa paxeinaeinyo xua pesojeiwan xua pata nabinexa xua pocotsiwa barapo cae pin nacuathepiwi xeina. Daichitha paxeinan Nacom pia peayapusu itorobi coyenewa tatsi xua baraxota pata nayaewatsinexa. Barapon Nacom pia peayapusu itorobi coyenewa tatsi pana necana exana xua paamanayaban po peayapusuwa barapo cae pin nacuathepiwi xeina xua saya caurimonae pia pentacaponaein tatsi pia peayapusuwa tatsi. ⁵ Ichamonae najume matsontsonoba poxonae pacueicueijan Nacom Pejume Diwesi jopa peichichipaexae xua Nacom peyaputaewa tsainchi. Barapomonae pajume amanayaban poxonae najume matsontsonoba. Barichi pomonae atsaquiya penayabara paebiwi pia coutha poxoru jopa ichipaeyo xua Nacom peyaputaewa tsainchi, barapomonae pacui amanayabandu.

Paxan pacopatan xua bara Cristo pata tanecanamataxeinaewa daxita pata tananta xeinaewatha, xua daxota pata exanaewa pocotsiwa Cristo pana itoroba. ⁶ Paxan panacui w̄naetan xua pata muxuwetsiwa pomonae jume-feba Nacom pomonae painyamonaē jiwana pamxaem. Baxua paexanaein barapomonaetha poxonaē paxam matha tsiwanaya xaniwaicha pajume jejam tsurubenanaebiyam tsane xua paexana dubenanaebiyame pocotsiwa Cristo ichichipa.

⁷ Paxam paca tsitatsi xua paxan be pomonae jopa peainya cui jiwi pan poxonaē saya pana taneme. Jopa pana nej̄nt̄ cui coyene yaputaem po coyene xua paxeinan pata j̄nt̄ coyeneintha. Icha ich̄n xaniwaicha pia coutha nayabara nanta xeina xua bapon Cristo piamonae jiwana tatsi, bapon bewa barichi xua bewa pana yabara j̄nt̄anainae xua paxan bara Cristo piamonae jiwana tatsi pan icha bapon ichi. ⁸ Jopa auranyo xua pata coutha pata nayabara paebiwa baxua bequein pata coutha atsaquiya pana nayabara paeban xua janje baxue: “Apara Nacom pana cata pia peayapus̄ itorobi coyenewa xua pata paca cayawenaenexa tsainchi xua painya nej̄nt̄ coyene xanepanaponaenexa. Apara jopa pana catsiyo barapo peayapus̄ itorobi coyenewa xua pata paca abe exanaewatsi tsainchi”, xua jan. ⁹ Jopa ichipaeinyo xua pata taneyabara nanta xeinaewam xua pana pata tanejume cunuwiwam xua pacata tinatsi cartan. ¹⁰ Ichamonae neyabara paeba, jeye: “Pablo pia cartantha xua taj̄ wenacata tineibarena bichocono ayapube xua wayabara jume cow̄ntsiya exanaewa yawa bichocono jume daunwei tsaibi. Ichitha poxonaē bapon patopa waxantha pia pepon saya pecui paw̄i xuano poxonaē cueicueijēi jopa naca tsita ainya cuiyiyo”, jei barapomonae. ¹¹ Barapomonae apara bara bewa pana neyaputaena xua paexanaein pocotsiwa xua cartantha papaeban poxonaē papatsin barapomonae pia tomaratha tatsi.

¹² Pata coutha jopa pana nayabara nanta xeinaeinyo xua paxan pacui j̄pan xua pomonae pia coutha penayabara nanta xeinaewi xua peainya cui jiwi naexana. Saya barapomonae pia coutha nayabara nanta xeina xua bara betiya exana daxita, beyacaincha ichamonae pomonae piamonae tatsi. Barapomonae apara jopa peyaputae jiwi, poxoru saya jeita nawita xua po coyene beyacaincha piamonae tatsi exana. ¹³ Paxan saya tsiwiyo atsaquiya yabara papaeban po coyene xua Nacom pata tanecui copatsiwa xua bara pata tanacuichiwa Nacom. Jopa toxeinchiya atsaquiya papaebinyo xua beyacaincha xua poxonaē Nacom pana copata xua pata exanaewa tsane. Saya paexanan po penacuichiwa xua Nacom pana cata. Nacom pana copata xua papatan ichaxota paxam Corinto tomaratha xua pata paca cayawenaenexatsi Nacom Pejume Diwesi. ¹⁴ Jopa patoxeinchiya exanaeinyo po coyene Nacom pana itoroba poxonaē paca siwa poinchi. Paxan pomonae pan pomonae copiya papatan painya xantha xua pata paca catsipaebinxatsi Cristo pia pexeinya jume diwesi. ¹⁵ Ichamonae pomonae paxam jiwana pam jume cow̄nta Cristo pejume diwesi pecuidubixaetsi ichamonae. Barapomonae pomonae pejume cow̄ntsiwi Cristo pejume diwesi, jopa atsaquiya bepayaabara janyo: “Barapomonae jume cow̄nta apara poxoru barapomonae pata cuidubixae”, jopa bepajanyo. Jame xua paichichipan xua paxam bewa mataropeichiya pajume cow̄nta dubenanaebiyaename. Bapoxonaē pana itacupa xua mataropeichiya pata nacuichiwa painya xantha. Saya meisa bewa paexanaein pocotsiwa Nacom pana itoroba. ¹⁶ Paichichipan pata cuidubiwa ichamonae Nacom Pejume Diwesi xua taj̄ beya xua painya tomara weya poxonaē pawetan xua pata paca cuidubiwatsi Nacom Pejume

Diwesi. Ichitha jopa paichipaeinyo xua pata cuidubiwa Nacom Pejume Diwesi ichaxota iru ichamonae cuidubaru barapo Nacom Pejume Diwesi yawano xua jiwi jume cowanta barapo diwesi. Tsipei barapo pejume cowantsiwi jopa paichichipaeinyo xua pata yabara jeinexa: “Barapomonae taju weya jume cowanta barapo Nacom Pejume Diwesi pata cueicueijeixae barapo diwesi”, jopa bepayabara janyo.

¹⁷ Icha ichan ichichipa atsaquiya penayabara paebiwa xua pinae beta exana, jame bara bewa moya bara atsaquiya yabara paebi po coyene Nacom pia peyaputae coyenewan tatsi yabara xua petsita itapeinya xeinaenexa xua apara Nacom beta peexanaein. ¹⁸ Pocotsiwa xua pebin pia coutha nayabara wanae jainta xua beta peexanaexae baxua Nacom jopa tsita ainya cuichi. Pocotsiwa xua Nacom yabara nanta xeina xua barapo pebin yabara nanta xeinatsi baxua jame Nacom tsita ainya cuichi.

11

Meje xua Pablo yabara paeba pomonae xua muxuitorobiya pejeiwa: “Paxan Jesús pia peitorobi jiwi tatsi pan”, pomonae pejeiwa

¹ Ichichipan xua jopa painya neaitaconaewa xua tapana nejume yabara ewatsiwam xua tapaebiwa pocotsi jume xua po diwesiyo xan yabara. ² Tsipei yaitama bichocono paca asiwatsi icha Nacom pana ichi xua pana asiwa. Paxan paca doutatsi Nacomtha xua painya nejume cowantsinexa Cristo. Barapocotsi coyeneya paca cana exanatsi icha be pocotsi coyeneya pebin ichi poxonae ba pexantiyo douta xua ichan pepichinexa powa bayatha ichan jopa pichiyo. Bapowa antobe pia pebin. Paxam bewa bara paichim, bewa Cristo pantobem. ³ Caurimonae pia pentacaponaein tatsi pon pia coutha naexana be jomo, bapon Eva muxuitorobatsi peajuntucoyenebewatha. Pajunuwan xua bapon paca muxuitorobina barapo juntucoyenewatha. Bapon paca cana exanaena xua painya nenanta xeinaewa Cristo jopa beta peyabara nanta xeinaewatsi, xua equeicha jopa xanepanaya painya neantobewa tsane Cristo, meisa xua bapontha painya neantobenexa. ⁴ Paca yabara junuwatsi poxoru pajume naitaewatame pocotsi diwesin xua daxita jiwi paeba. Paxam itapeta pajume naitaewatame ichantha pontha pon peyabara paebin Jesús xua ichan xua pon pepa Jesús aibi. Paxam payabara jume naitaewatame icha jumope xua po jumope jopa xapain Nacom pia Pejumope tana xua tatsi. Matautano yabara pajume naitaewatame icha diwesi po diwesi xua jopa xapain Nacom pia pecapanenebiyae diwesi jume xua po diwesi jume copiya pajume taneme. ⁵ Pomonae baxuan paca tsipaeba, barapomonae pia coutha nayabara nanta xeina, jeye: “Paxan Jesús pia peitorobi jiwi tatsi pan, xua pata peainya cui jiwi pan”, jei. Ichitha jopa yabara nanta xeinaeinyo xua barapomonae netoxeincha peainya cui jiwi beyacaincha xua xan. ⁶ Xan saya taepato cueicueijan Nacom Pejume Diwesi tatsi. Jopa bichocono wanae tacueicueijejwa jopa be bapocotsinyo be pocotsin xua beta pecueicueijejwa. Daichitha bara yaputan xua yabara tacueicueijejwa. Paca tsita itapeinya xeineibatsi xua bara tayaputaewa, xua poxonae daxita pocotsiwantha paca tsipaebeibatsi.

⁷ ¿Metha bara abe exanan jampa poxonae jopa paca wucaetsi pocotsiwa nantawenonan xua tacueicueijeixae Nacom pia pecapanenebiyae diwesi? Jume apara, apara jopa abe exanaeinyo. Tacoutha acopeibi naexanan xua tacui pawí naexanan xua saya meisa ainya cui paca cana exanatsi

poxonae paca cuidubatsi Nacom Pejume Diwesi. ⁸ Ichamonae pomonae pejume cowantsiwi pomonae penacaetuteibi jiwi, xua pomonae wuna pejainteibiwi Nacom barapomonae wecobe pitan paratixi tanecatsixae. Barapo paratixitha comocan pocotsiwa xua nantawenonan poxonae tapaca baru ecaewatsi xua amanaya tapaca cayawenonaenexatsi. ⁹ Poxonae cataunxuae paca baru ecatsi bapoxonae inta acoibi pocotsiwa tacanantawenonaewa. Jopa wucaeyino painyamona jiton xua pocotsiwa daunweya pacata exainchi xua saya painya tana necatsibiwaxaem. Pomonae Macedonia nacuamonaepiwi pomonae pejume cowantsiwi barapomonae inta carendena pocotsiwa xua tacanantawenonaewa. Bayatha jopa paca wucaetsi xuanu xua equeicha bexa jopa paca wuca tsainchi xua daxota jopa pacata daunwei exanae tsainchi xua daxita coyenewantha. ¹⁰ Tajuntu coyenewatha xeinan Cristo pia pexainyei coyenewa tatsi. Dapon aibi xua neexana xua taitompa exanaewa xua yabara tacueicueijejiwa baxua xua jopa paratixi paca wucaetsi. Baxua cueicueijan daxita Acaya nacuatha. ¹¹ ¿Eta xua metha baxua paca tsipaebatsi? ¿Metha poxoru jopa tapaca antobewatsi? Ajibi apara, Nacom yaputane xua bichocono tapaca antobewatsi.

¹² Ichitha awiya exanaponaein pocotsiwa xua anoxuae exanaponan xua jopa tapaca wucaponaewatsi paratixi. Baxua exanan xua tajume cui matawentsinexa, pomonae xua naerabiya atsaquiya paeba, xua jeye: “Paxan jupa paexanan icha Pablobaru ichi xua paratixi nonotapona be pentoma xua pecueicueijeixae Cristo pejume diwesi”, jei. ¹³ Barapomonae pemuxutorobi jiwi xua pinae barapomonae Jesús pia peitorobi jiwi tatsi. Barapomonae jiwi muxujainyaba pia penacuichiwa coyenewantha. Barapomonae be natsicotane Jesús pia peitorobi jume pepaebi jiwi tatsi. ¹⁴ Pocotsi coyeneya xua barapomonae nacana exana jopa yabara najuntu coyene cabenaecaeinyo. Payaputan xua barapomonae apara Satanás piamonae tatsi tsipei barapomonae pia coutha nacana exana xua itara mexeya beta peexanaewi icha bapon ichi. Satanás pon caurimonae pia pentacaponaein tatsi pia coutha nacana exana xua itara mexeya pon xanepanaya peexanaein icha matatsunpin ichi xua pexeinya peitapanae coicha xeina Nacom weya. ¹⁵ Daxota jopa bewa najuntu coyene cabenaecaetsi xua poxonae Satanás pia petanacuichi jiwimonae tatsi exana icha Satanás ichi poxonae exana. Barapomonae natsicotane be pocotsimonae xua beta peexanaewi. Daxota poxonae Nacom yabara paebina barapomonae xua penatsicuentsiwa xua abe peexanaexae, barapomonae bichocono atene exanebinchi xua be pocotsi coyeneya bichocono abe peexanaexae.

Meje xua poxonae Pablo pia coya nayabara paeba xua atene exanatsi Jesús pia peitorobi jiwi jiwana tatsixae

¹⁶ Equeicha paca tsipaebatsi: Jopa paneyabara nanta xeinaeinde xua xan be pon tanentajemabin bequein cueicueijeithan barapo coyeneya. Ichitha icha panecayabara nanta xeiname baxua bara saya beitemaya amuxuya pana nejume taema pocotsiwa xua cueicueijan icha be pocotsin pon pematajemabinchi ichi. Bapoxonae xan tacoutha atsaquiya conotha nayabara paebin icha ichamonae ichi xua pia coutha atsaquiya nayabara paeba. ¹⁷ Apra jopa paebinyo xua tana itorobixae Jesús pon jiwi Pecanamataxeinaein. Apra saya tacoutha atsaquiya nayabara paeban icha pon matajemabatsi ichi xua pia coutha natsipaeba. ¹⁸ Tsipei ayei jiwi atsaquiya yabara paeba pocotsiwa barapo cae pin nacuathe xeina. Daxota xan barichin tacoutha atsaquiya nayabara paeban. ¹⁹ Pananta xeiname xua daxita pam painya neyaputae jiwi pam. Ichitha jopa peyaputaewi pam.

Bara saya pacui yabara copatame xua pajume naitomatame pomonaetha pomonae be pematajemabi jiwi pomonae naerabiya paeba xua poxonae jeye: “Paxan Jesús pia peitorobi jiwi pan”, jei. ²⁰ Matautano bara saya pacui yabara copatame xua bara amanaya painya netanacuichinexa tsane ichamonae. Matautano saya pacui yabara copatame xua bara ichamonae amanaya paratixi painya nepaca cobe wenoteibiwa xua saya barapomonae nexa. Matautano saya pacui yabara copatame xua bara ichamonae paca yabara muxitoroba painyawan xua painya nepacata notsiwa. Barichi bara saya pacui yabara copatame xua bara ichamonae painya nepaca aebiwa xua barapomonae ainya cui jiwi beyacaincha paxam. Matautano saya pacui yabara copatame xua bara painya nepaca itabara cuainchiwa. ²¹ ¡Bequein auran xua paca tsipaebatsi baxua, ichitha jopa padaunwan tsobenaeinyo icha paichim poxonae ichamonae pacata abe exana!

Icha daxita jiwi ichi xua atsaquiya nayabara paeba, xan barichin iru atsaquiya nayabara papaeban tacoutha icha pon pematajemabinchi ichi xua poxonae nayabara paeba. ²² Barapomonae atsaquiya nayabara paeba xua barapomonae pinae judiomonaepiwi. Xan iruru apara barichin judiomonaepin. Matautano pinae barapomonae Israel pon bayatha tupa pia pemomoxi susato jiwi tatsi. Xan apara iruru barichin barapon Israel pia pemomoxi susato jiwi jiwana tatsin. Matautano barapomonae atsaquiya nayabara paeba xua pinae Abraham pia pemomoxi susato jiwi tatsi. Xan apara iruru barichin Abraham pia pemomoxi susato jiwi jiwana tatsin. ²³ Matautano barapomonae atsaquiya nayabara paeba xua pinae Cristo pia petanacuichi jiwichi tatsi. Nama apara xan iruru barichin Cristo pia petanacuichin tatsin beyacaincha barapomonae. Poxonae baxua paeban apara icha pocotsin ichi pon pematajemabinchi xua pia coutha nayabara paeba. Xan bichocono daunweya ayapusya nacuitan Cristo nexa beyacaincha barapomonae. Jiwi matowa nejebeiba jiwi pecubi bontha beyacaincha barapomonae. Ichamonae bichocono nebeiba beyacaincha barapomonae. Matowa muxu tatupeibi xua ichamonae inta exana. ²⁴ Daxota cinco po coyenewathabe judiomonae newaetaba pia tanecuainchinexa. Daxita coyenewatha necuainta barapomonae treinta y nueve po cuiyobetha copabeiba xua nejuma cuainta xua xota cuainta xua duwein peru mto. ²⁵ Ichacuitha tsaibi acoibi po cuiyobetha necuainteiba iwatontha. Cae coyenewatha ibotontha necuinbabeiba. Acoibi po coyenewathabe jeratha ponaetha pin naetha payothopan poxonae pawarapan xua jera bunareca. Cae merawitha yawa cae mataqueithano xoyopan pin mar mentha. ²⁶ Matowa warapeiban tacaponaenexa Cristo pejume diwesi xua jiwi tatsipaebinexa. Ichacuitha inta daunwei xua icha muxunene beya mene iya tapateibiwa tsane poxoru metha awabo tsipae. Ichacuitha inta daunwei poxonae poneiban namtontha xua metha pomonae pecaibi jiwi tawanaetha jinompeiba xua tanecaibiwa tsane pocotsiwa xeinan. Ichacuithano inta daunwei poxonae tanacuamonaepiwi metha inta abe exaneibichipa. Ichacuitha inta daunwei poxonae pomonae jopa pejume cowantsiwi metha abe tana neexanaewa tsipae. Ichacuitha inta daunwei poxonae jiwi tomarantha metha abe tana neexanaewa tsipae. Ichacuitha inta daunwei poxonae ira xuepana susato tsurucuae nacuatha taponeibiwa xua metha abe tana neexanaewa tsipae. Ichacuitha inta daunwei poxonae pin mene mar mentha metha abe tana neexanaewa tsipae poxonae jeratha ponan po nae pin naetha. Ichacuitha inta daunwei poxonae metha abe tana neexanaewa tsipae pomonae naerabiya pepaebiwi xua pinae pejume cowantsiwi. ²⁷ Xeinan penacuichiwa po penacuichiwa inta bichocono daunwei xua neatene exana. Matautano

ainya merawin tsaibi xua jopa maiteibinyo. Matautano tain atenein tsaibi. Matautano bichocono tameratsi tsaibi. Matautano ainya maticabin inta pexaewa ajibi tsaibi. Matautano bichocono aquein tsaibi poxonae inta seiqueiba paparuwa.

²⁸ Matautano iru icha coyeneinno xua seica xua tapaca tsipaebiwatsi. Matautano xeinan icha coyene po coyene xua neajuntucoyenerewe exana xua poxonae yabara nanta xeineiban pomona Nacom pejume cowantsiwichi pomona penacaetutsi bonmonaepiwi poxonae ne-eena xua tayawenaenexa barapomona. ²⁹ Icha ichun pon barapo penacaetutsi bonmona jiwana pin, icha bapon juntu cui coyene faefaena xua pejume cowantsiwa Nacom, nantanuweya yabara nanta xeinan bapon. Icha ichun juntu coyene jujutatsi xua abe peexanaenexa auran bapon nexa, yawano caseban pontha pon pejuntu coyene jujutsixae. ³⁰ Icha bewa atsaquiya nayabara paebin, bapoxona atsaquiya yabara paebin pocotsiwa xua jiwu tsita itapeinya xeinan xua xan faefaenan xua jopa neitacupaeyo xua tacoutha tana nayawenaewa. ³¹ Nacom neyaputane xua xaniwaicha bara yabara paeban po coyenein xua inta daunwei. Nacom Jesucristo Paxa tatsi, pon Wanacanamateinaein. Barapon jiwu bewa wuna jainteibina ataya. ³² Caena bayatha Damasco tomaratha poponan. Bapoxona pon canamateina barapo tomaratha, bapon itoroba soldadomona xua tomara peyacaincha toxorotsi dutsiwa coibototha peumenaenexa. Barapo soldadomona tomara coibotontha umena xua pia tanewaetabichi poxona tomara wewarapiyan xua tanecaponaenexa jiwu pecubi botha. Barapon pon canamateina barapo tomaratha bapon tanacuitatsi pon yatsicaewa nacia peewatsin bapon tanacuitatsi, pon pewun Aretas. ³³ Bequein barapo soldadomona bepa newaetabei, ichitha jopa ponaeinyo tomara coiboto iya. Ichamona neyacote yoreca ventana wereca xua pepa tomara juma deca. Bara panepataban.

12

Meje xua Pablo yabara paeba xua petsita itabiwatsi xua abe poxonae camaita pocotsiwan Nacom tsita itateiba bapontha

¹ Bewa tacoutha atsaquiya paca tsita nayabara paebichi, xua painya neyaputaenexa xua bara beta taexanaewa. Daichitha jopa xapain neyawenaeyo baxua. Jame apara awiya paca tsipaebatsi xua pocotsiwan Nacom netsita itata xua be poxonae camaitan. Matautano paca tsipaebatsi pocotsiwan xua Nacom neyaputane exana xua bapon pia peyabaraxae. ²⁻³ Caena bayatha ainya wei xua poxonae copiya tajume cowantsiwa Cristo. Caena bayatha catorce po weibe yapucaewa xua poxonae necapona jemeicha peitaboco beicha po itaboco bichocono tajubeicha ichaxota Nacom popona. Jopa taeinyo icha metha pepon daxita necaicha ichacuitha saya metha moya nejumope caicha. Xan jopa baxua yaputaeyo saya meisa compa Nacom yaputane. ⁴ Xan yaputan xua necaicha paraiso matawun nacia beicha. Poxonae patopan barapo nacuatheicha jume tan baxoteicha po jume xua nameicha moya yawun xeina xua jiwu jopa yabara yaputaeyo. Nacom jopa yabara necopatsiyo xua bara barapo jume tatsipaebiwa tsane ichamon-aetha. ⁵ Bequein neitacupa xua atsaquiya tayabara paebiwa xua pocotsiwan wuna xua xuan tataexae, daichitha jopa barapo coyeneya exanaeyo. Saya meisa atsaquiya yabara paeban pocotsiwan xua inta ayapube xua po coyene tatsita itapeinya xeinaewa xua apara nefaefaena exana xua daichitha Nacom neyawena. ⁶ Bara neyabara cui copata xua bara atsaquiya

tanayabara paebiwān tsane pocotsiwān xua beta taexanaewan. Poxonae baxua exanan jopa paebinyo icha be pocotsin pematajemabinchi ichi, xua nayabara paeba tsipei paeban pocotsiwān xua pexainyeiwan. Ichitha xan jopa baxua atsaquiya nayabara cui paebinyo, tsipei jopa ichipaeinyo xua ichamonae taneyabara nanta xeinaewa xua xan bichocono taainya cuin, beyacaincha xua pocotsiwa barapomonae necui tane xua exanan, xuano xua beyacaincha nejume tane xua cueicueijan. ⁷ Pocotsiwa xua Nacom neyaputane exana bichocono wānae nawita. Nacom copata xua bara saya atenein tsaibi tsane xua atsaquiya tapaebiyainwa pocotsiwān xua Nacom yabara neyaputane exana. Barapo peatene coyenewa caurimonae pia pentacaponaein tatsi, pon Satanās, itoroba xantha xua atene tana necana exanaenexa. Barapo peatenewa bichocono atenein tsaibi be poxonae xua xane eto nexatempa. ⁸ Acoibi po jumejyothabe tsaibi Nacom jume fayacotsiya wāqueiban xua taneperaxa capanepaenexa barapo peatene coyenewa weya. ⁹ Ichitha Nacom netsipaeba, jeye: “Jume, jopa caaxaibi exanaetsi. Jame cata itorobatsi Tajumope tūnaxū jinya necayawenaenexa daxita tacaantobetsixaetsi. Saya meisa baxua nantawenoname. Po jiton ba axaibiya popona bara itacūpatsi xua daxita pia coutha peexanaewa. Jopa ba canantawenonaeyo taayapusū coyenewa. Ichitha nama pon ba taayapubetsi xua pia coutha beta peexanaewa bapon jame canantawenona taayapusū coyenewa. Bara bapon yawenan”, jei Nacom. Daxota ichichipan poxonae inta ayapube tsaibi xua jopa tana neitacūpaewa xua daxita beta taexanaewa tacoutha. Bapoxonae jiwi tanetaenexa xua bara Cristo neyawena pia peayapusū coyenewatha. ¹⁰ Daxota jūntū coyene weiweinan poxonae inta ayapube tsaibi xua beta taexanaewa. Mataūtano jūntū coyene weiweinan poxonae jiwi abe neyabara paebeiba. Mataūtano jūntū coyene weiweinan bequein jopa xeinaeinyo pocotsiwa xua tanantawenonaewa. Barichino jūntū coyene weiweinan poxonae bequein jiwi neatene exaneiba tajume cowūntsixae Cristo. Mataūtano jūntū coyene weiweinan poxonae bequein jiwi inta ayapube exaneiba. Daxita baxuan nejūntū coyene weiweina exana, poxonae inta ayapube tsaibi xua beta taexanaewa xua ichamonae inta daunwei peexanaexae. Bapoxonae bara xaniwaicha asūn tsipei Cristo tana neyawenaexae.

Meje poxonae Pablo yabara najūntū coyene eena exana nawita Corinto tomarapiwi

¹¹ Cueicueijan icha ichi poxonae cueicueijeji pon pematajemabinchi xua atsaquiya nayabara paeba. Ichitha paxam pana necana exaname xua atsaquiya tanayabara cueicueijejiwa. Jame apara paxam barapomonae pam pomonae bequein bewa xanepanaya pana neyabara paebim. Bequein xan jopa peainya cuiyinyo, ichitha barapomonae jopa peainya cui jiwi beyacaincha xua xan pomonae pajume naitaewatame. Barapomonae naerabiya paeba xua pinae barapomonae bichocono peainya cui jiwi pomonae Cristo pia peitorobi jiwi jiwana tatsi. Ichitha barapomonae xainwaicha bichocono jopa peainya cui jiwi. ¹² Poxonae cataunxuae paca barū popoinchi paca tsita itapeinya xeinatsi xua xan yatsicaya Jesucristo pia peitorobi jiwi jiwana tatsin. Mataūtano jopa aitaconaeyiya exanaeinyo poxonae bequein ichamonae inta daunwei exana poxonae abe neyabara paeba. Jame saya jūntema exana ducunaebiyan petsita itūtsi coyenewan painya xantha bequein ichamonae abe neyabara paeba. Mataūtano exana ducunaebiyan pocotsiwān jiwi nabenaeca exainchi. Daxita baxuan exanan Nacom pia peayapusū itorobi coyenewatha tatsi. ¹³ Paca yabara nanta xeinatsi xua

paxam metha pananta xeiname xua paxam jopa peainya cui jiwí pam. Matautano metha pananta xeiname xua meisa icha penacaetutsi bonmonae jiwí pomonae wnae pejume cowantsiwi Nacom bichocono peainya cui jiwí beyacaincha paxam. Metha pananta xeiname baxua poxoru jopa paca wcaetsi xua tapana neyawenaenexam tsane pocotsiwatha tanantawenon- aewa pocotsiwatha xua ayapube pacata exainchi.

¹⁴ Anoxuae nacui yabara wnaetan xua tapaca siwa ponaewatsi tsainchi equeicha xua nama acoibi po cuiyobetha tsane. Caena bayatha copiya nacueyatabe po cuiyobetha paca siwa poinchi. Ichitha jopa paca wcaetsi xua pocotsiwatha tapana neyawenaenexam tsane xua pacata ayapube exainchi. Ichitha jopa paca yabara siwa ponaetsi taichichipaexae pocotsiwa xua paxeiname. Apra saya paxam cuita paca siwa poinchi. Pexui ba jopa nantawenonaeyo xua paxeiwi jantana jeba paratixi, jame saya ba coxiyeiwi bewa pia pexui jantana jebi paratixi. Barapocotsi jata coyeneya ichin bewa paca yawenaeinchi. Jopa panantawenonaem xua tapana neyawenonaewam. ¹⁵ Jantana coyene weiweinan xua paca catsinchi daxita xua xeinan. Barichi copatan xua bara ichamonae atene tana neexanaewa tapaca cayawenaenexatsi. Poxonae bequein matowa toxeinchiya paca antobe tsozonaetsi daichitha be conotha xuya pana neantobem.

¹⁶ Ichamonae pomonae painyamonae jiwana pam naerabiya neyabara jei: “Bara xaniwaicha Pablo jopa painta ayapube exanaeyo xua pana newca paratixi bapon nexa. Daichitha ichacuihata tsipae metha apra bapon naca muxuitorobiya wecobe notsipa paratixi”, jei. ¹⁷ ¿Metha paratixi paca yabara muxuitorobiya wecobe notsinchi poxonae pebiwi itorobin painya xantha? ¡Jume apra! ¡Jopa baxua exanaeinyo! ¹⁸ Tito itoroban xua painya nepaca siwa ponaewa tsane, irano ichanno itoroban pon iru pejume cowantsin xua Tito pecueiyatsiwa tsainchi. ¿Metha Tito bara paca yabara muxuitorobiya wecobe notsina paratixi? ¡Jume apra! Paxam bara payaputaneme bara Tito betiya xaniwaicha pananta jupaya paexananbe, xuano pana najanta coyene jupanbe.

¹⁹ Jopa payabara nanta xeinaeinde barapo jumein xua pata paca catsipaebiwatsi xua saya poxoru pata ichichipaexae xua paxam paca tsita xanepanatsi. Jopa baxua paexanaeinyo. Jame po jume xua Cristo ichichipa xua patapaebiwa, apra barapo jume cui coyeneya papaeban. Daxita baxuan pacueicueijan Nacom peitatha xua xanepanaya mataropeicha beta Nacom painya nejume cocowantaponaewa tsane. Baxua paexanan tsipei paxam tamonae pam, pomonae pata paca caantobe jiwichi pam. ²⁰ Junuwan xua poxonae tapaca siwa ponaewa tsainchi xua metha pajinompatsipame be pocotsimonae aichaxaibin tataewa poxoru metha aichaxaibin tsipae pocotsiwa xua paexaname. Matautano metha paneyabara nanta xeinaetsipame xua xan jopa paca cui jupaetsi xua poxonae pocotsiwa exanan. Barichi junuwanno xua poxonae tapaca siwa ponaewa tsainchi xua metha nantiya pana najume matsontsonobame. Matautano junuwan xua nantiya pana yabara uwame pocotsiwan paxeiname, xuano xua nantiya pana nacasebame. Matautano junuwan xua nantiya pana naasiwam xua ichamonae jopa bepayawenaem. Matautano junuwan xua nantiya pana nabiatatsipame xuano xua nantiya tsama jumeya pana nacui yopitsipame pocotsiwan xua paexaname. Junuwanno xua nantiya pana naebichipame painya neyaputaexae pocotsiwan xua paexaname, xuano xua nantiya pana natsaquibabame poxoru painya neanaepanaexae. ²¹ Matautano junuwan xua poxonae equeicha tapaca siwa ponaewatsi tsainchi, Tanacom neexana xua paca yabara auratsi. Bichocono unthathu wecoyan tsane pomonae nexa

pomonaе xua caena bayatha abe peexanaexae. Barapomonaе cataunxuae jopa acuiuriyo pocotsiwan xua abe eexanapona xua poxonaе barapomonaе yabaxi nata nota xua bequein jopa piseurixi xuano poxonaе yabaxi nota pebiwi poxonaе jopa piseuriyo. Matautano barapomonaе atsaquiya abe eexanapona.

13

Meje poxonaе Pablo napeyabiya najume weta

¹ Anoxuae equeicha paca siwa ponaeinchi xua nama acoibi po cuiyobetha tsane xua taponaeewa tsane bara beya. Icha ichun ichichipa cui yopita xua ichun abe peexanaexae Nacom pia peitorobi coyenewa baxua yabara naca tsipaeba, naca jeye: “Poxonaе jiwi cui yopita xua ichun abe peexanaexae bewa acoibi poyobe yabara paebina bapontha, xua abe peexanaexae bapon. Ichacuitha saya nacueyatabe poyobebe yabara paebichipa bapontha bapoxonaе jiwi tsita itapeinya xeinatsi xua bara bapon abe peexanaein”, jei Nacom pia peitorobi coyenewatha tatsi. ² Bayatha poxonaе paca siwa poinchi yabara paca tsipaebatsi pomonaе xua abe peexanaewi pomonaе painyamonae jiwana pam xua iru ichamonae. Anoxuae bequein cataunxuae tajm paca cuenta poponatsi, equeicha paca tsipaebatsi xua bayatha pocotsiwa paca muxuwetatsi, janje: “Poxonaе equeicha paca siwa ponaeinchi aya-pube taexanaein pomonaetha pomonaе xua awiya abe peexanaponaewi”, jan. ³ Baxua paca cana exanaeinchi yaitama paichichipame xua paca tsita itapeinya xeinaeinchi xua pocotsiwa Cristo neitoroba tacueicueijeinexa bapon nexa. Paca muxuwetsinchi Cristo nexa tapaebixae bapon nexa. Cristo jopa jume faefaenaeyo poxonaе yabara paca muxuwetatsi painya abe exanae cuiru coyenein. Jame apara bapon jume daunweya paca tsipaeba. ⁴ Poxonaе Jesucristo tupa naetotha jiwi yabara nanta xeina xua bapon Cristo saya juntu coyene faefaena, tsipei jopa pia coutha nayawenaeyo. Ichitha anoxuae Jesucristo asu popona Nacom pia peayapusu itorobi coyenewatha tatsi. Bequein pajuntu coyene faefaenan anoxuae, daichitha poxonaе paca itawetinchi bapoxonaе jopa pajuntu coyene faefaenaein tsane. Jame asu pajinompaein. Bapoxonaе Nacom pia peayapusu itorobi coyenewatha ayapusu paca itawetsina.

⁵ Incane painya coutha pana najuntu coyenein jujure icha bara xaniwaicha metha beta pajume cowuntsiya jinompame. Icha bara xaniwaicha pana nayaputaneme xua bara yatsicaewa Jesucristo piamonaе tatsi pam, barapoxonaе pana nayaputaename xua bara apara Jesucristo paca baru jinompa. Icha jopa Jesucristo piamonaе tatsi pam, bapoxonaе Jesucristo jopa paca baru jinompaeyo. ⁶ Ichichipan xua paxam payaputaneme xua paxan Cristo pana baru popona. Paxan jopa pemuxuitorobi jiwi pan xua poxonaе pata jeiwa: “Paxan Jesucristo pia peitorobi jiwi tatsi pan”, poxonaе pata jeiwa. ⁷ Pawncan Nacomtha xua jopa abe painya neexanaewa tsane. Jopa Nacomtha baxua payabara wucaeyo xua paca tsita itapeinya xeinaeinchi xua paxan Jesucristo pia peitorobi jiwi tatsi pan xua daxota beta painya neexanaewa tsane. Ichitha pacata wucatsi Nacom xua awiya u meisa pexeinya coyene painya neexanaponaewa tsane bequein metha pana neyabara nanta xeiname xua paxan jopa pomonaе Jesucristo pia peitorobi jiwi tatsi panyo. Bequein paxan jopa paca tsita itapeinya xeinaetsi xua bara Cristo pia peitorobi jiwi tatsi pan. ⁸ Paxan jopa paichichipaeinyo xua pata yabara jume toxeinchiya exanaewa pocotsiwa itoroba barapo Nacom pia pexainyei diwesi jume. Jame apara itapeta paexanan pocotsiwa itoroba

barapo pexainyei jume diwesitha. ⁹ Daxota pajuntũ coyene weiweinana poxonae ichamona pana neyabara paeba xua pinae jopa daunweya papae-binyo. Saya paichichipan xua beta painya nejume cowantsiwa tsane. Awiya Nacomtha pacata wacatsi xua paxam xaniwaicha painya nejuntũ coyene xanepanaponaewa tsane Nacomtha xua jopa patsita natsicuentisim tsane abe painya neexanaexae bapontha. ¹⁰ Pewanaeya xua poxona tapaca siwa ponaewa tsainchi, matha barapo carte pacata tinatsi. Daxota tinan xua jopa bewa paca tsipaebi tsainchi pocotsiwa pacata ayapube exanatsi poxona paca siwa ponaeinchi. Bapoxona jopa nantawenonaein tsane xua tapaca itorobiwa tsainchi xua taxeinaexae Nacom pia peitorobi coyenewa tatsi po peitorobi coyenewa Nacom necata. Nacom necata barapo peitorobi coyenewa xua painya nejuntũ coyene xanepana ponaenexa Nacomtha. Apara jopa baxua necatsiyo xua abe tapaca exanaenexatsi.

¹¹ Tamona pam, bara wetan anoxuae barapo carte. Ichichipan xua painya nejuntũ coyene weiweinaya jinompaewam tsane. Itapeta pajume jejande pocotsiwa xua paca muxuwetatsi xua daxota beta mataropeicha painya neexanaponaewa tsane. Pana najuntũ coyene tsacabare xua daxota peburaya caemona pana nabarũ nanta xeinaeya jinompare. Juntema panabarũ jinompare. Bapoxona Nacom pon juntema pepoponaein, xuanano xua peantobe tsurucuaenabiyaein, barapon paca barũ poponeibina. ¹² Betiya painta nantiya najacobare painya neantobewaxae Cristo. ¹³ Daxita pomona xote jinompe pomona pejume cowantsiwi Jesucristo barapomona paca jacob.

¹⁴ Barabũ Jesucristo pon jiwĩ Pecanamataxeinaein paca yawenaena pia paca necaantobexae. Barabũ Nacom pia peantobe coyenewatha tatsi jinompaename. Matautano barabũ Nacom pia Pejumo pe tunaxũ tatsi daxita pam paca barũ jinompaena.

Baja Pablo.

Meje Po Carte Pablo Tatina, Galacia Nacuapiwi Tatinatsi

Meje yabara poxonae Pablo tamropata pitaba xua tatina pomonaetha pomona Galacia nacuapiwi

¹ Xan, Pablon, Jesucristo pia peitorobi jiwi jiwana tatsin. Apra ichan jopa neitapetsiyo yawa pebiwi jopa neitorobiyo. Apra jame Jesucristo bapon neitoroba, yawa Nacom, Waxa, neitoroba, pon Pexanto asu exana petupaeyoyene weya. ² Xan, iruru ichamonae pomonaeyejume cowuntsiwi daxita barapomonaeypan paca jacobatsi. Barapo carte pacata tinatsi pomonaeyNacom piamonaeytatsi pam, painya nejume cowuntsixae Jesucristo pomonaeyGalacia nacuaetha painya nejinompaewa. ³ Barabu Nacom, pon Waxa, iru Jesucristo, pon jiwi Pecanamataxeinaeyin, baponbe amanaya paca yawenaena pia paca necaantobexae. Yawano barabu Nacom juntejama jinompa paca exanaena. ⁴ Bapon Jesucristo naca tsitupa xua wanaca capanenebiya exanaenexa barapo abe waexanaeycoyene weya xua po abe exanaeycoyene exana pomonaeyjinompa po cae pin nacuaetha. Nacom pon Waxa ichichipa naca capanepa daxita barapo coyenein weya. ⁵ ¡Barabu Nacom wunaeyjaintatsi jiwi xua ataya tsane!

Meje yabara xua ajibi icha pecapanenebiyaeycoyenewa

⁶ Najuntu coyene benaeycan xua nainya papentame Nacom, pon paca waba. Tsipei apra bapon paca yawena po peantobe coyenewatha Cristo iruru xeina waxainchi nexa. Yawa najuntu coyene benaeycan xua pajume cowuntame icha jume diwesi xua be pecapanenebiyaeydiwesi jume xua saya jiwi paeba. ⁷ Bara xaniwaicha, xua icha pecapanenebiyaeydiwesi aibi. Pocotsiwa xua ichamonae paca cana exana baxua paca juntu coyene tsacaba xua painya nejume cowuntsinexa icha diwesi, xua toxeinchiya painya nejume cowuntsinexa Cristo pia pecapanenebiyaeydiwesi jume tatsi. ⁸ Icha ichan toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyaeydiwesi coyene barabu Nacom bapontha cabeta exanaena abe peexanaexae. Metha bara bequein xan tsipaein, ichitha Nacom necabetsipa. Ichacuitha metha bara bequein matatsunpin tsipae pon itaboco wetsica pona, ichitha Nacom cabetsipa bapontha. ⁹ Baxua bayatha paca tsipaebatsi ichitha equeicha baxua paca tsipaebatsi. Paca jeichi: Icha ichan toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyaeydiwesi coyene barabu Nacom bapontha cabeta exanaena abe peexanaexae, paca jeichi.

¹⁰ Poxonaeypaeban baxua jopa cueicueijanyo pocotsiwa jiwi beta tana neyabara nanta xeinaewa. Apra jame cueicueijan Nacom wunaeytana neyabara nanta xeinaexae. Icha saya nanta xeineibichipan xua exanan po coyeneyatha xua jiwi beta tana neyabara nanta xeineibiwa tsane bapoxonaeyxan jopa Cristo pia peitorobi jiwi jiwana tatsin tsipae.

Meje yabara xua poxonaeyPablo Jesucristo pia peitorobi jiwi jiwana pin tatsi cana exainchi

¹¹ Tamonaeypam, pomonaeyiru painya nejume cowuntsiwixae Jesucristo. Ichichipan xua painya neyaputaewa xua po diwesi pecapanenebiyaeydiwesi xua po diwesi cueicueijan, barapo diwesi apra jopa jiwi pia diwesiyo tatsi.

¹² Matauta barapo diwesi apra xua jopa jiton netsipaebiyo. Yawa matautano

dapon aibi xua pon necuiduba barapo diwesi. Apará saya Jesucristo neyaputane exana poxonae netsita itata pia coutha.

¹³ Paxam pajume taneme xua pocotsiwa bayatha exanan, xua poxonae cataunxuae eexanaponan xua po coyene judiomonaexana pia pejume cowantsiwa xua abe yabara, yawa pejinompae coyene yabara. Bayatha payaputaneme xua bichocono abe cana exanan pomonaetha pomonaexana Nacom piamonaexana tatsi daxita pomonaexana pejume cowantsiwixaetsi Cristo. Ichichipan xua daxita weraweraca taexanaewa. ¹⁴ Xan bichocono yabara nacuidubaponan po coyene judiomonaexana pia pejume cowantsiwa tatsi. Yawa yabara nacuidubaponan po coyene pia pejinompae coyene tatsi. Bichocono nacuidubaponan beyacaincha xua ichamonaexana nacuidubapona pomonaexana tanacuapiwi pomonaexana tana newei jupaewi. Bichocono ichichipan xua taexanaewa po coyene tamo susato jiwí exana, beyacaincha xua ichamonaexana exana. ¹⁵ Ichitha caena bayatha Nacom neitapeta xua tajume cowantsiwa tsane bapon pewunaeya poxonaexana beya tanaexanaewa tsane. Daxota Nacom newaba, bichocono petana neantobexae. ¹⁶ Bapon Nacom yabara neyaputane exana Pexanto tatsi, pon Jesucristo. Baxua Nacom inta exana Pexanto tatsi tayabara cueicueijeinexa tsane pomonaetha pomonaexana jopa judiomonaexana naexanaeyo. Poxonaexana barapo coyeneya necana exana jopa baxua yabara paebinyo ichamonaetha. ¹⁷ Matautano jopa ponaeinyo Jerusalén tomara beya xua baxua tayabara paebinexa Jesucristo pia peitorobi jiwitha tatsi pomonaexana bayatha netsiwana cana exainchi Jesucristo pia peitorobi jiwí tatsi. Seicaya nama xan nainya ponan Arabia nacua beya. Bapoxonaexana pirapaeyo Damasco tomara beya ponan.

¹⁸ Jopa nainya ponaeinyo Jerusalén tomara beya. Saya bara beya ponan poxonaexana acoibi po weiyobe yapucaewa. Bapoxonaexana Pedro tan, yawa baxota naecan quince po matabibe. ¹⁹ Jopa taeinyo daxita pomonaexana Jesucristo pia peitorobi jiwí tatsi. Saya meisa Santiago tan pon Jesús pia peitorobi jiwí jiwana pin tatsi, pon jiwí Pecanamataxeinaein bapon peweicho tatsi. ²⁰ Bara xaniwaicha tinan. Nacom yaputane xua jopa naerabinyo pocotsiwa pacata tinatsi.

²¹ Nexata bapoxonaexana Siria nacua beya ponan, yawano Cilicia nacua beya ponan. ²² Nama pomonaexana jinompa Judea nacuaetha, pomonaexana Cristo pejume cowantsiwi, cataunxuae barapomonaexana jopa xaniwaicha neyaitaeyo. ²³ Saya barapomonaexana jume tane xua ichamonaexana neyabara jeye: “Apara bapon, pon caena bayatha abe naca cana exana wajume cowantsixae Cristo. Anoxuae bapon yabara cueicueijeí tsurucuaenaebiya Jesucristo pia pejume cowantsi diwesi, bequein copiya ichichipa weraweraca cana exana ichamonaexana pomonaexana pejume cowantsiwi Jesucristo”, neyabara jei. ²⁴ Barapomonaexana wunaexana jainteiba Nacom poxoru anoxuae wunaexana exanan Nacom nexa.

2

Meje yabara poxonaexana Jesús pia peitorobi jiwí tatsi Pablo caemonaexana nabaena naexanatsi

¹ Jerusalén tomara weya ponan xua jiwí tatsipaebinexa Nacom Pejume Diwesi icha nacuantha. Poxonaexana catorce po weibe yapucaewa bapoxonaexana Bernabé equeicha paponanbe Jerusalén tomara beya. Yawa irua Tito barua ponan. ² Bara beya ponan tsipei Nacom netsita itata xua bewa ponaein. Baraxota Jerusalén tomaratha pomonaexana pecanamataxeinaewi Nacom piamonaexana tatsi daxita pomonaexana pejume cowantsixaetsi Cristo barapomonaexana compa

nebaru nacaetuta. Barapomonaetha yabara tsipaeban po diwesi pecapanenebiyae diwesi jume, xua po diwesi tsipaeban pomonaetha pomonae jopa judiomonae naexanaeyo. Baraxua exanan tsipei jopa ichipaeinyo xua barapo diwesi pejumexaei tsane po diwesi bayatha tsipaeba ducua-naeteiban yawa xua anoxuae tsipaeban pomonaetha jopa judiomonae naexanaeyo. ³ Tito baxota nabaru ecan. Bequein bara bapon griego nacumonaepin ichitha jopa itorobichi xua pewi thabiwatsi xua ichaxota pebiwi nareixacaena. Bequein ichamonae baxua ichichipa xua baxua Tito pecana exanaewatsi, ichitha jopa baxua cana exanaetsi. ⁴ Ichamonae pomonae Cristo Jesús jopa xapain jume cowantsichi, barapomonaetha namicha pata poxonaetha pana nacaetutan. Barapomonaetha ichichipa xua Tito pewi thabiwatsi xua ichaxota pebiwi nareixacaena. Barapomonaetha namicha pata poxoru ichichipa yaputane xua icha paxan jopa paexanaeinyo pocotsiwa Moisés pia peitorobi coyenewatha itoroba xua anoxuae pata jume cowantsixae Cristo Jesús. Barapomonaetha ichichipa xua equeicha bewa paexanaein pocotsiwa Moisés pia peitorobi coyenewatha yabara itoroba xua penawi thabi coyene. ⁵ Matautano bara caetono barapomonaetha jopa pajume cowantsiya taeinyo. Yawano jopa paexanaeinyo pocotsiwa xua barapomonaetha pana neitoroba xua jame saya poxoru apara painya neyaputaewa tsane pexainyeiwa xua po coyene Nacom pia pecapanenebiyae diwesi jume xeina.

⁶ Jerusalén tomaratha tsipaeban pomonae pecanamataxeinaewi Nacom piamonae tatsi daxita pomonae pejume cowantsixaetsi Cristo. Nayabara paeban barapomonaetha pomonae Nacom piamonae tatsi pecanamataxeinaewichi po coyene Nacom Pejume Diwesi tsipaeban pomonaetha pomonae jopa judiomonae naexanaeyo. Ichitha barapo matabitha barapomonaetha pomonae Nacom piamonae tatsi pecanamataxeinaewichi jopa neitorobiyo xua tamuxuna cueicueijejiwa xua icha diwesi xua Jesucristo yabara poxonaetha cueicueijeji ducuaenaebian po diwesi xua yabara paeban pomonaetha pomonae jopa judiomonae naexanaeyo. Jopa inta ainya cuiyo xua barapomonaetha bichocono peainya cui jiwi xua pecanamataxeinaewi xua nama xan jopa daichinyo, tsipei Nacom daxita tsitatsi xua xan iru barapomonaetha penajupae jiwi pan. ⁷ Barapomonaetha jopa necatsiyo pena pecuidubiwa xua tacueicueijeinexa. Barapomonaetha yaputane xua Nacom neitoroba tacueicueijeinexa pia pecapanenebiyae diwesi pomonaetha pomonae jopa judiomonae naexanaeyo pomonae jopa pewi thabiwichi. Icha Nacom ichi xua Pedro itorobatsi xua pecueicueijejiwa tsane barapo pecapanenebiyae diwesi judiomonaetha, barichi Nacom neitoroba xua tacueicueijejiwa tsane barapo diwesi pomonaetha pomonae jopa judiomonae naexanaeyo. ⁸ Nacom Pedro exainchi Jesucristo pia peitorobi jiwi jiwanapin tatsi xua pomonae judiomonae nexa. Barichi Nacom neexana xua Jesucristo pia peitorobi jiwi jiwanapin tatsin xua pomonae jopa judiomonae naexanaeyo nexa.

⁹ Santiago, iru Pedro iru Juan barapo acoibi poyobe jiwi yabara nanta xeina xua barapo acoibi poyobe pepa pecanamataxeinaewi xua canamataxeinatsi pomonae Nacom piamonae tatsi daxita pomonae pejume cowantsixaetsi Cristo. Barapo acoibi poyobe yaputane xua Nacom necata barapo penacuichiwa. Bapoxonaetha barapo acoibi poyobe necobe jayaba xua patsita itapeinya xeinan xua peburaya cuita pata nanta xeinaewa xua xan barapoyobe jiwanan poyobe xua Nacom Pejume Diwesi cueicueijeji jiwitha. Barapo acoibi poyobe iru Bernabé cobe jayabatsi. Barapomonaetha baxua exana poxoru pata jiwimonae pana naexanan, yawano poxoru barapomonaetha peburaya nanta xeina, xua paxanbe Bernabé panbe paponaeinbe ichaxota

pomonae jopa judiomona naexanaeyo xua iruru poxonae barapomona nabaru nacuichina pomonae judiomonaetha. ¹⁰ Barapo acoibi poyobe pana itoroba, pana nejei: “Pananta xeinare xua painya neyawenaewa tsane peacopeibi jiwí Jerusalén tomaratha”, pana jei. Baxua bichocono ichichipan xua taexanaewa tsane.

Meje yabara poxonae Pablo muxutainyaba, Pedro muxutainyabatsi Antioquía tomaratha

¹¹ Nexata poxonae Pedro Antioquía tomaratha patopa, bapon itabara taeya muxutainyaban tsipei bapon bayatha abe exana. ¹² Pocotsiwa bapon exana baxue: Copiya bapon Pedro naxane pomonaetha pomonae jopa judiomona naexanaeyo, pomonae xua jopa ba wi thabichi xua ichaxota pebiwi pia penareixacaenaewa bequein bapon judiomonaepin. Ichitha poxonae pata pebiwi, po pebiwi Santiago baru popona, bapoxonae Pedro tsana xane jopa equeicha naxaeyo pomonaetha pomonae jopa judiomona naexanaeyo. Baxua Pedro exana poxoru Santiagobaru cunuwatsi xua poxoru Santiagobaru paeba xua pinae bewa daxita pebiwi wi thabichi, metha bequein tsipae pomonae pepa judiomona, matautano metha bequein tsipae pomonae jopa judiomona naexanaeyo. ¹³ Bapoxonae ichamonae icha judiomona pomonae pejume cowantsiwi Jesucristo, barichi jupa exana icha Pedro ichi xua tsana xane. Bequein barapo ichamonae yaputane xua jopa bewa itorobi xua pewi thabiwatsi pomonae pejume cowantsiwi, ichitha awiya barapomonae paeba xua bewa pinae wi thabichi pomonae pejume cowantsiwi. Barichi Bernabé bara jutiya ichi iru exana xua tsana wepu xane pomonae jopa judiomona naexanaeyo. ¹⁴ Ichitha poxonae tan xua barapomonae jopa xapain exanaeyo pocotsiwa xua Nacom pia pecapanenebiyae jume diwesitha paeba bapoxonae Pedro tsipaeban peitabaratha tatsi daxita pomonae Nacom piamonae tatsi pejume cowantsixaetsi Cristo pomonae nacaetuta. Janje: “Xam bequein judiomonaepim ichitha poponame icha ichi poxonae popona pon jopa judiomona naexanaeyo. Jopa exanaem icha ichi poxonae exana pon judiomonaepin. Xam jopa bewa itorobim pomonae jopa judiomona naexanaeyo xua bewa exanaena icha judiomonae ichi xua poxonae exana”, jan.

Meje yabara xua judiomona xuano pomonae jopa judiomona naexanaeyo xua iru capanenebiya tsainchi xua Jesucristo pejume cowantsiwixaetsi

¹⁵ Waxainchi judiomona naexanatsi. Ichitha waxainchi jopa abe waexanae jiwichi xua jopa icha ichamonae ichiyo pomonae jopa judiomona naexanaeyo, tsipei barapomonae abe peexanaewi. ¹⁶ Waxainchi yaputainchi xua bequein exanatsi pocotsiwa Moisés pia peitorobi coyenewatha itoroba, ichitha jopa juntu coyene xeicaetsi Nacomtha xua jopa Nacom watsita natsicuentisiwa tsane abe waexanaexae bapontha. Jiwi ba juntu coyene xeica poxonae Jesucristo jume cowantatsi. Waxainchi juntu coyene xeicatsi poxoru jume cowantatsi Jesucristo xua poxoru jopa wajume cowantsiya exanaexae pocotsiwa Moisés pia peitorobi coyenewatha itoroba. Dapon aibi pon pejuntu coyene xeicaein xua pejume cowantsiya exanaexae pocotsiwa Moisés pia peitorobi coyenewatha itoroba.

¹⁷ Waxainchi ichichipatsi xua wajuntu coyene xeicae jiwichi wanaca yawenaexae Cristo. Ichitha icha waxainchi nacuidubaponatsi xua xeinatsi peajuntucoyenebewa xua bequein Cristo naca yawena, bapoxonae jopa naca yawenaeyo Cristo. Matautano bapoxonae bapon abe naca cana exana. ¡Jume, baxua apara Cristo jopa bapana nacata exanae! ¹⁸ Nacom tsitan xua tatsita natsicuentisiwa abe taexanaexae bapontha icha equeicha jiwí caewa

itoroban xua bewa exanaena pocotsiwa Moisés naca itoroba pia peitorobi coyenewatha wanaca capanenebiyaenexa abe waexanae coyenewa weya. ¹⁹ Barapo Moisés pia peitorobi coyene jopa neyawenaeyo xua necana exana xua tajuntũ coyene xanepanaewa Nacomtha. Saya necana exana xua tatũpaewa tsane, poxoru awiya tanatsicuentisiwa xeinan. Ichitha anoxuae Cristo tana netsitũpaexae neitacũpa xua tapoponaewa Nacom nexa. Mataũta anoxuae jopa neitorobiyo Moisés pia peitorobi coyenewa tatsi poxoru jopa xeinaeyo peayapusũ itorobi coyenewa xua tana necapanepaewa tsane abe taexanae coyenewa weya. ²⁰ Poxonae Cristo tũpa naetotha inta yawa muxuna tũpa abe taexanae coyenewan. Daxota anoxuae xan be ichũn, tsipei Cristo neyawa popona. Po peajuntũyapusũwatha poponan, barapo peajuntũyapusũwa Nacom necata tajume cowũntsixae Cristo. Bapon Cristo, pon Nacom Pexanto, bichocono neantobe, daxota inta tsitũpa abe taexanae coyenewan. ²¹ Jopa benaitematsinyo Nacom pia peantobewa tatsi. Icha nanta xeinan xua jiwi najuntũ coyene xeica exana Nacomtha peexanaexae pocotsiwa Moisés pia peitorobi coyenewa itoroba, xua daxota bapoxonae Cristo jopa nantawenonaeyo xua jiwi petsitũpaewatsi bara be poxonae xuban Nacom pia peantobewa tatsi.

3

Meje yabara xua Moisés pia peitorobi coyenewa tatsi

¹ ¡Eta bichi tsobenae Galacia nacuapiwi! ¿Jintam pon mara pexeinaein paca barũ xuajei xua jopa painya nejume cowũntsiwa Nacom pia pejume xainyeiwa tatsi? Poxonae paca tsipaebatsi paca yaputane exainchi xua Jesucristo tsitũpa jiwi naetotha xua jiwi tsitũpatsi. ² Baraxua pana nejume nore: ¿Nacom paca cata pia Pejumope tũnaxũ tatsi painya neexanaexae pocotsiwa Moisés pia peitorobi coyenewatha itoroba? Jume. Nacom paca cata pia Pejumope tũnaxũ tatsi painya nejume cowũntsixae po coyene xua yabara paca tsipaebatsi xua pejume cowũntsiwa Jesucristotha. ³ ¡Maisa bichoconocai! ¿Eta pomonae pam tsobenaem? Poxonae copiya pajume cowũntame Nacom pia Pejumope tũnaxũ tatsi paca yawena xua Nacom painya netsita xeinaewa pejuntũ coyene xeicaewa. ¿Anoxuae pananta xeiname xua bichocono pejuntũ coyene xeicaewa paxeiname beyacaincha xua copiyatha paxeiname, xua Moisés pia peitorobi coyenewa painya exanaexae? Ajibi, jopa bewa baxua pananta xeinaem. ⁴ Ichamonae bichocono paca atene exana Jesucristo pexeinya jume diwesi painya nejume cowũntsixae. Jopa bewa pana nacui barapentsim xua painya nejume cowũntsiwa Jesucristo pejume diwesi, po diwesi yabara xua ichamonae atene paca exaneiba. Tsipei icha pana nacui barapentsipame xua painya nejume cowũntsiwa Jesucristo pejume diwesi jopa pexainyei jume tsipae pocotsiwa xua papaebame. ⁵ Nacom paca cata pia Pejumope tũnaxũ tatsi. Mataũtano Nacom pexeinya petsita itũbi coyenewa exana painya xantha. ¿Eta pocotsiwa metha Nacom baxua exana? Baxua Nacom jopa pacata exanaeyo xua poxoru painya neexanaexae pocotsiwa Moisés pia peitorobi coyenewatha itoroba. Aparajame baxua pacata exana poxoru painya nejume cowũntsixae po diwesi xua pajume taneme.

⁶ Abraham pon caena bayatha popona yabara jume cowũnta xua Nacom exanaena pocotsiwa Abraham yabara tsiwũnae muxu dutatsi. Daxota Nacom tsitatsi xua bapon Abraham bara pejuntũ coyene xanepanaein xua jopa Nacom tsita xeinaetsi penatsicuentisiwa xua abe peexanaexae. ⁷ Daxota paxam bewa payaputaename xua pomonae xaniwaicha Jesucristo pejume

cowantsiwichi, Nacom tsitatsi xua barapomonaē bara be yatsicaewa Abraham pia pemomoxi susato jiwi tatsi bequein bara jopa yatsicaewa Abraham pia pemomoxi susato jiwiyo tatsi. ⁸ Caena bayatha Nacom Pejume Diwesi paeba, xua Nacom capanenebiya tsane pomonaē jopa judiomonaē naexanaeyo xua jopa peatenenexa tsane xua abe peexanaexae. Baxua Nacom exana, icha ichichi pomonaē judiomonaē xua capanenebiya tsainchi. Daxita pewnaeya baxua Nacom paeba pia pexeinya jume diwesitha xua Abrahamtha jeye Nacom: “Daxita nacuanpiwi juntu coyene weiweina exanaein tana nejume cowantsixaemxae”, jei Nacom. ⁹ Daxota daxita pomonaē jume cowanta, juntu coyene weiweina, xua Abraham muxuna, xua iru Abraham pejume cowantsixae.

¹⁰ Pomonaē bequein jume cowantsiya eexanapona pocotsiwa Moisés pia peitorobi coyenewatha itoroba xua pecapanenebiyaewa tsainchi, barapomonaē bexa atene tsane xua Nacom exanaena abe peexanaexae. Tsipei Nacom Pejume Diwesitha jeye: “Pomonaē jopa exanaeyo daxita po coyene itoroba Moisés pia peitorobi coyenewatha, daxita barapomonaē atene tsane xua Nacom exanaena abe peexanaexae”, jei. ¹¹ Yaputainchi beta, dapon ajibi pon pexeinaein xua po coyene pejuntu coyene xanepanaewa, xua daxota Nacom tsitatsi xua jopa penatsicuentsiwa abe peexanaexae. Tsipei bequein ichichipa xua peexanaewa xua po coyene Moisés pia peitorobi coyenewatha itoroba, daichitha jopa itacupaetsi xua exana daxita xua Moisés itoroba. Ichitha Nacom Pejume Diwesitha jeye: “Pon xua Nacom juntu coyene xanepana exana pon pejume cowantsixaetsi, barapon bara ataya asu poponaena”, jei. ¹² Jiton jopa nantawenonaeyo xua Jesucristo jume cowantatsi peexanaewa tsane daxita pocotsiwa Moisés pia peitorobi coyenewatha itoroba. Barapo peitorobi coyenetha jeye: “Bewa exanaename daxita pocotsiwa xua barapo peitorobi coyenewatha paeba ayapusaya nepoponaewa tsane”, jei.

¹³ Cristo naca capanepa poxonaē naetotha naca tsitupa wanaca yantomatsixae xua abe peexanae coyene waexanaexae po peabe exanae coyene Moisés pia peitorobi coyenewatha yabara paeba. Cristo baxua exanatsi xua tupa be pon xua bichocono abe peexanaein xua abe waexanae cuiru coyene peyawa tupaexae. Baxua yabara Nacom Pejume Diwesitha jeye: “Pon petupaein naetotha ducua bapon Nacom tsita abetsi xua bapon abe peexanaexae”, jei. ¹⁴ Cristo Jesús naetotha petupaexae daxota Nacom catsina pomonaetha pomonaē jopa judiomonaē naexanaeyo po coyene xua bayatha Nacom Abraham tsiwinae yabara muxu dutatsi. Nacom Abraham tsiwinae yabara muxu dutatsi xua pecatsinexatsi peantuyapusawa. Matautano Nacom Abraham tsiwinae yabara muxu dutatsi xua Nacom pia Pejumope tnaaxi tatsi naca yawa jinompaena poxonaē jume cowantatsi Jesucristo.

Meje yabara xua Nacom pia petsiwinae yabara muxu dutsiwa tatsi

¹⁵ Tamonaē pam, pomonaē iru painya nejume cowantsiwixae Jesucristo. Paca tsipaebatsi tsica diwesiyo juta coyeneyatha xua pocotsiwa jiwi ba exana. Poxonaē ba nacueyatabe pebinbe peburaya nanta xeinabe xua nantiya penata exanaenexabe yawa daxota nawun dutabe paperatha, bara baponbe bewa exanaenabe po coyene baponbe tsiwinae yabara muxu dutabe. Ichun jopa itacupaetsi xua ichawa equeicha mataropata tina icha bayatha nawun tinabe. ¹⁶ Nacom exana pia petsiwinae yabara muxu dutsiwa Abrahamtha yawa iru Abraham pia pemomoxi susato jiwi jiwana pintha tatsi. Nacom Pejume Diwesitha jopa jeyo: “Pia pemomoxi susato jiwitha”, jopa jeyo. Jame meisa caeintha yabara jei: “Pia pemomoxi susato jiwi jiwana pintha”, jei. Baxua yabara paeba xua Cristo yabara caunutatsi. ¹⁷ Baxua paca tsipaebatsi

meje: Poxonae Nacom yabara tsiw_hnae muxu duta Abrahamtha, bapoxonae poxonae cuatrocientos po weibe yapucaewa bapoxonae Moisés pia peitorobi coyenewa tatsi patopa. Moisés pia peitorobi coyenewa tatsi jopa ainya cuiyiyo beyacaincha Nacom pia peyabara tsiw_hnae muxu dutsiwa tatsi xua daxota jiwi jopa nantawenonaeyo barapo Nacom pia peyabara tsiw_hnae muxu dutsiwa tatsi. ¹⁸ Icha jiwi itac_upaetsi xua panenebiya abe pia peexanae cuiru coyene weya xua peexanaexae pocotsiwa Moisés pia peitorobi coyenewatha itoroba, bapoxonae ainya cui aibi po peyabara tsiw_hnae muxu dutsiwa Nacom yabara tsiw_hnae muxu duta Abrahamtha. Ichitha poxoru jiwi jopa itac_upaetsi xua pepanenebiwa abe pia peexanae cuiru coyene weya poxonae bequein exanaetha pocotsiwa Moisés pia peitorobi coyenewatha itoroba, daxota bichocono ainya cui po peyabara tsiw_hnae muxu dutsiwa, Nacom amanayiya yabara tsiw_hnae muxu duta Abrahamtha.

¹⁹ ¿Eta xua metha canamatawenonatsi Moisés pia peitorobi coyenewa? Nacom naca cata baxua abe waexanaexae beya poxonae Cristo patopa, pon Abraham pia pemomoxi susato jiwi jiwanapin tatsi pon yabara tsiw_hnae muxu duta Nacom. Nacom cata pia peitorobi coyenewa matatsunpiwitha xua barapomona xuya Moisés catatsi jiwi nexa. ²⁰ Ichitha poxonae Nacom yabara tsiw_hnae muxu duta Abrahamtha, bapoxonae dapon aibi pon capona barapo peyabara tsiw_hnae muxu dutsiwa Abrahamtha Nacom weya. Jame saya meisa Nacom compa yabara tsiw_hnae muxu duta Abrahamtha.

Meje yabara xua daxota Nacom itoroba Moisés pia peitorobi coyenewa tatsi

²¹ Paca yainyabatsi: ¿Moisés pia peitorobi coyenewa abe cana exana Nacom pia peyabara tsiw_hnae muxu dutsiwa tatsi? Jume, apara tsipei Nacom jopa capanenebiyae tsane jiwi peexanaexae Moisés pia peitorobi coyenewa tatsi. Icha jiwi itac_upaetsipatsi xua capanenebiyatsi abe pia peexanae coyenein weya peexanaexae po coyene Moisés pia peitorobi coyenewatha itoroba, bapoxonae jiwi j_unt_u coyene xanepanaetsipa Nacomtha peexanaexae po coyene Moisés pia peitorobi coyenewatha itoroba. ²² Nacom Pejume Diwesitha jeye: “Daxita jiwi bewa atene tsane abe peexanae coyenein peexanaponaexae xua jopa itac_upaetsi xua penacui barapentsiwa. Daxota daxita pomona Jesucristo pejume cow_untsiwichi Nacom cana exanaena jiwi po coyene xua bayatha yabara tsiw_hnae muxu duta xua bepa pinae jiwi capanenebiya tsainchi Jesucristo pejume cow_untsixaetsi”, jei.

²³ Pew_hnaeya xua poxonae Cristo pepatopeicaewa tsane po peitorobi coyenewa Nacom Moisés catatsi naca yaputane exana xua poxonae Cristo patopeicaena bapoxonae waxainchi bara bewa jume cow_untichi Cristo. Barapo peitorobi coyenewa yabara naca yaputane exanano xua po coyenewa waxainchi wacoutha nata exainchi. Jopa naca exanaeyo xua Nacom wanaca capanenebiwa. Daxota po diwesi Nacom Moisés catatsi barapo diwesi naca j_unt_u coyene yawenapona beya poxonae Cristo patopaetsica. ²⁴ Moisés pia peitorobi coyenewa naca yawena xua wayaputaewa Cristo. Barapo Moisés pia peitorobi coyenewa tatsi naca yawena xua naj_unt_u coyene xanepana exainchi Nacomtha wajume cow_untsixaes Cristo. ²⁵ Anoxuae jume cow_untatsi Cristo, daxota jopa nantawenonaetsi Moisés pia peitorobi coyenewa tatsi. ²⁶ Paxam painya nejume cow_untsixaes Cristo Jesús, daxota daxita paxam Nacom pia pexui tatsi pam. ²⁷ Daxita paxam poxonae bayatha ichamonae paca bautisaba caemona pana naexaname Cristo Jesustha, Cristo pijimona tatsi pamxaem. Daxota paxam pacoyene j_upame Cristo. ²⁸ Nacom daxita jiwi tsita naj_upatsi. Daxota Nacom jopa tsita ainya cuichi metha bequein judiomona pam tsipaem, ir_u metha bara bequein griegomona

pam tsipaem pomonae jopa judiomonae naexanaeyo. Matautano jopa tsita ainya cuichi metha bequein pomonae amanaya painya nepaca busi cui tatayebeibiwi pam tsipaem, iru bara bequein pomonae jopa amanaya painya netanacuichi jiwi pam tsipaem. Matautano jopa tsita ainya cuichi metha bequein bara pebiwi pam tsipaem, iru metha bequein yabaxi pam tsipaem. Nacom tsitatsi xua paxam be caemonae jiwi pam xua caemonae pana nabaru exaname Cristo Jesustha. ²⁹ Icha paxam Cristo pijimonae pam, bara nexata paxam Abraham pia pemomoxi susato jiwi pam. Po coyene Nacom Abraham yabara tsiwuna muxu dutatsi bara baxua paxam nexa.

4

¹ Xua ichichipan xua tapaebiwa baxua meje: Icha pexuyo paxa cuenta tupaetsi poxonae cataunxuae pexuyo tsecae barapoyo jopa bepijawa catichi ichamonae pocotsiwa xua coxiyuan pecopaniwa tatsi tsipei cataunxuae pexuyo tsecae. Barapo pexuyo bewa exaneibina pocotsiwa peitorobeibixaetsi pomonae wichitiya pebaru jinompaewichi icha ichi xua poxonae exana pomonae amanaya petanacuichiwi ichamonae nexa. ² Barapo pexuyo nantauta pomonae peyawenaewichi, pomonae bapon wichitiya pebaru jinompaewichi. Matautano pexuyo itorobatsi pocotsiwa barapo pexuyo bewa exanaena. Barapomonae ewata xua barapo pexuyo catsinchi poxonae pinyo tsane be po coyeneya bayatha coxiyuan paeba. ³ Waxainchi bara pocotsi jata coyeneya ichichi beya poxonae Cristo patopeica. Waxainchi be pexui natsicotainchi tsipei pemayainwa exanatsi pocotsiwa Moisés pia peitorobi coyenewatha naca itoroba. ⁴ Poxonae barapo matacabi patopa, po mataqueitha xua Nacom ichichipa xua Pexanto itorobica, bapoxonae barapo mataqueitha Nacom Pexanto itorobica xua yabuyo petsiperu wenaexanaenexatsi barapo cae pin nacuathe. Bapon yacuiya naexana judiomonaepin. Matautano bewa exanae pocotsiwa judiomonae ba itoroba xua pocotsiwa pepaebixae Moisés pia peitorobi coyenewa tatsi. ⁵ Bapon patopa xua jopa wanantawenonaenexa xua waexanaewa tsane pocotsiwa Moisés pia peitorobi coyenewatha naca itoroba, xua bapoxonae Nacom wanaca cana exanaewa tsane xua Nacom pia pexuichi. ⁶ Nacom pia pexui tatsi painya nenaexanaexae, daxota pacata itorobica pia Pejumope tuxaxu tatsi pia painya nepaca cayawenaewa tsane poxonae paca juntu coyene tsipaeba. Barapo Nacom pia Pejumope tuxaxu tatsi naca cana exana xua wajeiwa: “Axa”, xua wajeiwa Nacomtha. ⁷ Anoxuae paxam jopa barapocotsimonae pam pocotsimonae xua amanaya tanacuita caurimonae pia pentacaponaein tatsi nexa icha be pocotsimonae ichi xua pocotsimonae pebusi cui tatayebeibiwichi. Nacom paca exana pia pexui tatsi. Tsipei paxam Nacom pia pexui tatsi pam, daxota Nacom paca catsibina daxita po coyenein Nacom xeina pia pexui tatsi nexa.

Meje yabara poxonae Pablo yabara nanta xeineiba pomonae pejume cowantsiwi Jesucristo

⁸ Pewunaeya xua poxonae payaputaename Nacom, copiya paxam be barapocotsimonae pam be pocotsimonae bewa exanae xua pia nacomun itorobeibatsi, po nacomun xua saya jiwi pia coya cana exana xua jopa pepa nacomnyo. ⁹ Ichitha anoxuae Nacom payaputaneme, yawa paca tsipaebatsi xua Nacom paca yaputane. Jopa bewa equeicha caewa pana naexanaem xua paexaname pocotsiwa Moisés pia peitorobi coyenewatha paca itoroba xua pocotsiwa caena bayatha copiya paexaname poxonae cataunxuae jopa pajume cowantsim Nacom. Barapo Moisés pia peitorobi

coyenewa jopa paca yawenaeyo xua painya nepatsiwa Nacom beya. Bewa paexanaename po coyene barapo peitorobi coyene itoroba. Poxonae saya u painya neexaneibi barapo coyene barapoxonae be barapocotsimonae pam be pocotsimonae xua bewa amanaya exaneibina pocotsiwa itorobeibatsi pia pecanamataxeinaeinchi tatsi. ¹⁰ Paxam awiya cataunxuae paxeiename pocotsi coyenewan xua judiomonae itorobatsi Moisés pia peitorobi coyenewatha. Barapo coyenewa itoroba xua maticabin yabara yawa xua xometon yabara yawa xua wei yabara, po coyene jiwi bewa exanaena penajainbotsi yabara, yawa xua pin penabanaewa peexanaewa maticabin yabara. Barapocotsi coyenein paexaname painya nenanta xeinaexae xua painya nenajuntũ coyene xanepana exanaenexa Nacomtha. ¹¹ Tsipei cataunxuae baxua paexaname, daxota juntũ coyene wecoyan, poxoru pocotsiwa xua paca cuidubatsi jopa paca yawenaeyo, tsipei paexanaponame pocotsiwa xua caena bayatha paexanaponame xua abe paexanaponame.

¹² Tamonae pam, pomonae irũ painya nejume cowantsiwixae Cristo. Paca itorobatsi xua painya coutha pana naexande xua jopa paexanaeinde pocotsiwa Moisés pia peitorobi coyenewatha paca itoroba, icha xan ichin xua tacoutha naexanan xua jopa exanaeinyo pocotsiwa Moisés pia peitorobi coyenewatha itoroba. Bara bequein xan judiomonaepin, ichitha Nacom necapanepa xua jopa tanantawenonaewa tsane xua jopa taexanaewa tsane pocotsiwa Moisés pia peitorobi coyenewatha itoroba, icha paxam paichim xua jopa panantawenonaem xua jopa paexanaem pocotsiwa Moisés pia peitorobi coyenewatha itoroba. Paxam pomonae jopa judiomonae panaexanaem. Bayatha paxam jopa painta abe exanaem, daxota nanta xeinan xua bara pana nejume taneme pocotsiwa paca itorobatsi. ¹³ Payaputaneme poxonae copiya paca tsipaebatsi Nacom pia pecapanenebiyae diwesi, tsipei atenein daxota jopa warapaeinyo. ¹⁴ Bequein pacata ayapube xua poxonae pana netaneme xua atenein, ichitha jopa pana necui capanaeya itawetsim. Seicaya paexaname, bara beta pana nententa weyataeya wabame icha be poxonae matatsunpintha paichipaem poxonae patopa po matatsunpin Nacom pia matatsunpin tatsi, pon peainya cuin, yawano xua icha be poxonae pacana ichipaem Jesucristo poxonae patopaetsipa. ¹⁵ Copiya bayatha bichocono pajuntũ coyene weiweiname, anoxuae jopa paraichim. Bequein baxua paexaname daichitha awiya wũnae paca yabara paebatsi ichamonætha xua paxam bichocono pana neantobem. Mataũtano bichocono jopa juniya pana neantobem pata tana neyawenaexaem tsane xua beya poxonaeno pana naitacuere jucame xua pata tana neantobexaem. ¹⁶ Anoxuae pana neexaname be pata tana neaitafaetabi jiwim, tsipei yabara paca tsipaebatsi pexainyei jume diwesi.

¹⁷ Po judiomonae jiwi pecuidubiwi barapomonae naemata wũnaeya paca tsipaeba, ichitha peajuntũcoyenebe jiwi. Daxota barapomonae baxua pacata exana pia painya tana nepenticham pia bapoxonae xuya painya ichichipaetsi barapomonae. ¹⁸ Baraxua bara bequein wũnae xua ichamonæ paca ichichipa, daichitha saya jame poxonae juntũ coyene wũnae. Barapomonae bewa daxita maticabi paca yaweneibina jopa meisa metha poxoru ecaeinchipae. Mataũtano bara bewa paca yawenaena poxonae jopa ecaeinyo. ¹⁹ Tamonae pam, paxam be pomonae tapexui pam. Paxam nexa bichocono ajuntũcoyenerewein xua anthũthũtanein, icha be poxonae yabũyo ichi poxonae bichocono atene poxonae beya pexuyo pabeta. Baraxua cataunxuae exanaponaein beya poxonae pajuntũ coyene wũnaem tsane icha Cristo ichi xua juntũ coyene wũnae. ²⁰ ;Maisa ichichipan bichocono

xua tapaca barꝯ ecaewatsi anoxuae xua tapaca tsipaebinexatsi icha jumetha, xua jume wꝯnaeya tapaca tsipaebinexatsi! Tajꝯ taecaexae xan jopa yaputaeinyo xua eta bichin xua tapaca yabara nanta xeinaewatsi xua tapaca yawenaenexatsi.

Meje yabara xua yabꝯyobe Agar irꝯ Sara

²¹ Paxam pomonae pam pomonae painya neichichipaewa xua painya neexanaewa pocotsiwa Moisés pia peitorobi coyenewatha itoroba. Pana nejume nore. ¿Paxam jopa pajume taem xua barapo peitorobi coyenewatha paeba? ²² Barapo peitorobi coyenewatha paeba jeye: Abraham xeina ainya pexantobe. Abraham icha pexanto exana powatha xua powa Abraham pia botha tanacuitatsi amanaya, powa pebusi cui taetaexae. Icha pexanto exana powatha powa yatsicaya Abraham piowa tatsi powa xua jopa amanaya petanacuichiwatsi. ²³ Powa Abraham tanacuitatsi amanaya, bapowa pexanto tanaexanatsi bara jꝯpa icha be ichi xua poxonae ichamonae tanaexanatsi pexui. Powa Abraham pepa piowa tatsi, powa xua jopa pebusi cui taetaewatsi, Nacom cana exana xua bapowa pexanto tanaexanatsi tsipei bayatha Nacom Abraham yabara tsiwꝯnae muxu dutatsi. ²⁴ Baraxua be pacata exanatsi xua peyabara caunutsiwa. Barapo ainya petsiriwabe baraxua yabara caunuta xua Nacom pia ainya petsiwꝯnae muxu dutsiwabe tatsi. Agar pexanto tatsi bapon pia pemomoxi susato jiwi tatsi bewa exanae xua Moisés itoroba pia peitorobi coyenewatha tatsi. Barapo peitorobi coyenewa Nacom Moisés catatsi ichaxota demxuwa, po demxuwa pewꝯn Sinaí. Barapon, Agar pexanto tatsi yacuiya naexana xua pon pebusi cui taetaeinchi. Barichi barapon pia pemomoxi susato jiwi tatsi barapo coyeneya yacuiya naexanumenapona. Daxota barapomonae bewa exanapona po peitorobi coyene Moisés itoroba. ²⁵ Barapowa Agar caunuta po demxuwa pewꝯn Sinaí xua Arabia nacuatha, po demxuwa Arabia nacuamonae pijumetha: “Agar”, jei. Barapowa Agar xaniwaicha yabara caunutatsi anoxuae po tomara Jerusalén tomara, poxoru barapo tomarapiwi nanta xeina xua bewa exanaena Moisés pia peitorobi coyenewa tatsi icha Agar ichi xua bewa exanae pocotsiwa Abraham itoroba xua powa pebusi cui taetaewatsi pecana exanaexaetsi. ²⁶ Icha Jerusalén tomara, po tomara seicaya Nacom pia nacuatheicha eca xua Nacom pia tomara, barapo tomara yabara caunuta pocotsiwa xua bichocono xanepana. Barapo Jerusalén tomarapiwi jopa bewa exanae tsane Moisés pia peitorobi coyenewa tatsi. Waxainchi apara barapo tomarapiwichi. ²⁷ Nacom Pejume Diwesitha Sara tsipaebatsi, je-ichichi:

“Petsiriwa powa mawecowam, xam powa jopa xeinaem pexui, jꝯntꝯ coyene weiweinare. Jꝯntꝯ coyene weiweinaya najume tsebare, tsipei xam jopa xeinaem pocotsiwa peatenewa. Po petsiriwa jopa pexui xeinaeyo, barapo petsiriwa bichocono ayei jiwi xeinaena pexui beyacaincha po petsiriwa piseuri barꝯ popona”, jei Nacom Pejume Diwesitha.

²⁸ Tamonae pam, paxam pomonae irꝯ painya nejume cowꝯntsiwixae Jesu-cristo. Waxainchi Nacom naca cana exana icha Isaac ichichi pon Abraham pexanto tatsi, pon bayatha Nacom Abraham yabara tsiwꝯnae muxu dutatsi. Waxainchi barapo pexuichi, po pexui Nacom yabara tsiwꝯnae muxu duta wajume cowꝯntsixae. ²⁹ Po pexanto Agar tanaexanatsi xua pon naexana bara jꝯpa icha be ichi xua poxonae ichamonae pexui tanaexanatsi be pon

pewun Ismael. Bapon Isaac taayapube exainchi, pon naexana poxoru Nacom pia Pejumope tñaxu tatsi peitorobixae. Bara jñtiya ichi anoxuae pomonae xua Nacom pia Pejumope tñaxu tatsi pexeinaewi taayapube exainchi xua ichamonae exana, pomonae peexanaponaewi po coyene Moisés pia peitorobi coyenewatha itoroba. ³⁰ Ichitha pajume taema xua Nacom Pejume Diwesitha paeba, jeye: “Powa amanaya jinya necatanacuichiwa powa nebusi cui taetaexae jinya botha itawere yawa muxuna itawere pia pexanto tatsi. Tsipei barapo pexanto tatsi jopa itacupaetsi xua pexeinaewa pocotsiwa coxiyun pecopaniwa tatsi xua saya cuita pepa pexanto tatsi nexa powa jopa pebusi cui taetaewatsi amanaya”, jei Nacom Pejume Diwesitha. ³¹ Tamonae pam, paxam pomonae iru painya nejume cowantsiwixae Jesu-cristo. Jopa dapomonaetsi icha be ichi po pexui powa pebusi cui taetaewatsi amanaya pia pexui tatsi pomonae bewa exanaena pocotsiwa Moisés itoroba. Waxainchi jame barapomonaetsi icha be ichi po pexui powa jopa pebusi cui taetaewatsi amanaya pia pexuichi. Daxota waxainchi jopa nanta wenonaetsi xua waexanaewa po coyene Moisés itoroba.

5

Meje xua Pablo yabara paeba xua jopa bewa equeicha exanae Moisés pia peitorobi coyenewa

¹ Cristo naca yawena xua equeicha jopa wanantawenonaewa tsane xua waexanaewa pocotsi coyenewan Moisés pia peitorobi coyenewatha itoroba xua Nacom jopa watsita xeinaewa tsane xua watsita natsicuentisiwa xua abe waexanaexae. Beta ajuntayapusya pajume cowantaponde Nacom, xua bapoxonae jopa painya necopatsiwa tsane xua ichamonae paca itorobina xua painya neexanaewa pocotsiwa Moisés itoroba.

² Xan, Pablon, pana nejume taema. Jopa equeicha pacopatsinde xua bara judiomonae paca wi thabina, pomonae pebiwi pam, ichaxota panareixa-caename. Tsipei icha baxua paexanaetsipame bapoxonae Cristo jopa paca yawenaetsipae po coyene bapon nepaca juntu coyene xanepana exanaewa tsane Nacomtha. ³ Equeicha ichichipan xua tapaca tsipaebiwatsi. Po pebin xua wi thabatsi xua judiomonae exana, barapo pebin bara be judiomonaepin naexana. Bapoxonae bapon bewa daxita matapaeicha coyenein exanaena pocotsiwa Moisés pia peitorobi coyenewatha itoroba. ⁴ Paxam pomonae pananta xeiname xua paca juntu coyene xanepana exanaena Nacomtha painya neexanaexae pocotsiwa Moisés pia peitorobi coyenewatha itoroba, apara paxam Cristo papentame. Yawa panaitematame Nacom pia peantobewa tatsi. ⁵ Nama jume cowantsiya ewatatsi xua Nacom naca juntu coyene xanepana exanaena xua jopa watsita xeinaewa tsane wanatsicuentisiwa xua abe waexanaexae. Nacom pia Pejumope tñaxu tatsi baxua nacata exana wajume cowantsixae Nacom. ⁶ Waxainchi caemonae peburaya Cristo Jesús piamonae wanaexanaexaetsi jopa naca yawenaeyo icha ichamonae naca wi thaba xua judiomonae wanaexanaewa tsane. Ichacuitha icha jopa naca wi thabiyo baxua iruru jopa naca yawenaeyo. Jame pocotsiwa xua wanaca yawenaewa bewa jame jume cowantichi Cristo Jesús. Barapo pejume cowantsiwa naca exana xua antobeya wajinompawa.

⁷ Bayatha copiya beta pajinompame painya nejume cowantsiwatha. ¿Jintam metha pacata ayapube exana xua daxota jopa painya neexanaewa pocotsiwa Nacom pia pejume xainyewiwa paeba? ⁸ Apara Nacom jopa pacata exanaeyo baxua xua pacata ayapube exana pon paca waba. ⁹ Payabara nanta xeinare po diwesiyo xua jeye: “Levadura ba peyauyo xoyo atsaxa

tsecae daxita carepaya matapaeicha atsaxa exana pantha”, jei. Barapo coyene icha be ichi poxonae abe peexanae coyene po coyene bewayo painya xainya bejojopa tsiniya. ¹⁰ Jume cowanttan Nacomtha pon jiwi Pecanamataxeinaein xua jopa painya neitapetsiwa tsane icha painya barompaya nenanta xeinaewa xua icha be jopa ichiyo pocotsiwa nanta xeinan. Icha ichan paca juntu coyene tsacaba xua paca itoroba xua abe painya neexanaewa tsane Nacom atene exanaena bapontha. Jopa Nacom tsita ainya cuiyotsi metha bequein pon jopa peainya cuiyo, matautano metha bequein pon peainya cuin jiton, ichitha awiwa atene cana exanaena.

¹¹ Tamonae pam, paxam pomonae iru painya nejume cowantsiwixae Jesucristo. Icha cueicueijan tsipae xua bewa jiwi wi thabichi metha judiomonae jopa inta abe exanaetsipae. Yawa bapoxonae barapo judiomonae jopa aichaxaibi tsipae Nacom Pejume Diwesi, po diwesi xua Cristo yabara paebatsi po coyene xua naetotha tupa. ¹² Pomonae xua paca juntu coyene cui tsacaba xua paca itoroba xua paca wi thaba barapomonae pin jumetha yabara janje: “Jame maisa bu moya bara pia coutha natobu jucaena xua daxota jopa ichamonae peitorobiwa tsainchi xua penawi thabiwa tsane”, jan.

¹³ Tamonae pam, paxam pomonae iru painya nejume cowantsiwixae Jesucristo. Nacom paca itapeta xua jopa painya nenantawenonaenexa tsane xua jopa equeicha painya neexanaewa tsane pocotsiwa Moisés pia peitorobi coyenetha itoroba xua Nacom jopa painya netsita xeinaewa tsane painya tsita natsicuentisiwa xua abe painya neexanaexae. Poxoru jopa painya nenantawenonaemxae xua painya exanaewa barapo Moisés pia peitorobi coyenewa tatsi painya nepaca capanenebiyaenexa tsane daxota jopa paexanaeinde pocotsiwa xua abe, pocotsiwa xua jiwi pia coutha ichichipa exana. Jame paexande pocotsi coyene xua ichamonae payawende xua nantiya caemonae painya nenaantobexae. ¹⁴ Paxam paexaname daxita pocotsiwa Moisés pia peitorobi coyenewatha itoroba poxonae paexaname barapo cae coyenewa xua jeye: “Antobeinde jinya necatsicuarabu enaewi, icha ichim xua naantobem jinya coutha”, jei. ¹⁵ Icha paxam bichocono nantiya atene pana naexaname, yawa icha bichocono nantiya daunwei pana nata exaname, dota pam pepu painya nenaaitafaetabi jiwi pam tsipae xua jopa beta painya nejume cowantsiwa Nacom.

Meje xua Pablo yabara paeba pomonae yawa jinompa Nacom pia Pejumope tñaxu tatsi

¹⁶ Xua pocotsiwa paca tsipaebatsi meje baxue: Nacom pia Pejumope tñaxu tatsi payawa jinompare. Bapoxonae jopa paexanaem tsane xua abe paexaname pocotsiwa xua saya jiwi ichichipa pia coutha exana. ¹⁷ Po coyene xua wacoutha wajuntu coyenetha najuntu coyene xeinatsi xua abe waexanae coyenewa baraxua Nacom pia Pejumope tñaxu tatsi jopa ichichipaeyo. Po coyene Nacom pia Pejumope tñaxu tatsi naca itorobeiba xua pexainya coyene waexaneibinexa baraxua, barapo abe wananta xeinaewa jopa ichipaeyo barapo coyene, po coyene Nacom pia Pejumope tñaxu tatsi naca itoroba. Bapoxonae wajuntu coyene iru Nacom pia Pejumope tñaxu tatsi pia pejuntu coyene tatsi jopa peburu ya jupaeya nanta xeinaebe. Daxota bequein paichichipame xua painya neexanaewa xua pexeinya peexanaewan ichitha jopa paexaneibim po coyenein pexeinya coyenein. ¹⁸ Ichitha icha Nacom pia Pejumope tñaxu tatsi itorobiya paca mata cainompa bapoxonae jopa bewa pananta xeinaem xua Nacom paca capanenebiyaena abe painya neexanae

coyenein weya painya neexanaexae po coyene Moisés paca itoroba pia peitorobi coyenewatha tatsi.

¹⁹ Pocotsiwan jiwi ichichipa pia coutha exana xua abe meje baxue: Ichamonaeta nata siwa xeina xua bequein jopa piseuri jiwi. Ichamonaeta bichocono nanta xeineiba pocotsiwa bichocono xua abe, yawa xua pecui tsacatsacapae coyenewa xua weiweina. ²⁰ Ichamonaeta wunaeta jainta ibo nacomuna. Barichi ichamonaeta maratha cataerubenanaebiyaxua xua icha jiwi maratha cataerubenanaebiyatsi. Ichamonaeta caemonaeta nantiyaxua naita aenae-aenei. Ichamonaeta nantiyaxua naba. Ichamonaeta nantiyaxua nauwa. Ichamonaeta nantiyaxua nacaseba. Ichamonaeta asiwaxua piawan. Ichamonaeta natsatabe exana. Ichamonaeta pia matabunamonaeta nacana exana be pomonaeta seicaya barompaya penanta xeinaewi. ²¹ Ichamonaeta yabara uwa pocotsiwa xua ichamonaeta xeina. Ichamonaeta juteba xua icha jiwi pejutebiwatsi. Ichamonaeta cupatsi. Ichamonaeta penajainjubi jiwi bichocono. Ichamonaeta ichawan exana xua peabe coyenewan. Yabara paca tsiwunaeta muxu dutatsi xua jupa be po coyeneyaxua bayatha paca tsipaebatsi, po jiwi bapocotsiwan exana barapomonaeta jopaxua patsi tsane Nacom pia peitorobi nacua beichaxua tatsi.

²²⁻²³ Ichithaxua nama pocotsi coyenewan Nacom pia Pejumope tunaxu tatsi canaxua exanaeta jiwi pejuntu coyenethaxua tatsi baxuanje: Peantobewaxua ichamonaethaxua, yawaxua pejuntu coyene weiweinaewaxua pejume cowuntsixae Nacom, yawaxua juntemaxua pejinompaewaxua, yawaxua juntemaxua pejinompaewaxua xua bepijawa jopaxua aitaconaeyo poxonaeta bequein ichamonaeta abe exana, yawaxua beta peexanaewaxua ichamonaethaxua, yawano xua peyawenaewaxua ichamonaeta pejuntu coyene xeicaewaxua, yawano xeina xua bichocono pejume cowuntsiwa Nacom, yawaxua bichocono pia couthaxua jopaxua penayabara nanta xeinaewaxua, xua sayaxua yabara nanta xeina ichamonaethaxua, yawaxua po coyene xua penaitorobiwaxua pia couthaxua. Icha peitorobi coyenewaxua aibi po peitorobi coyenewaxua xua yabara paebaxua daxitaxua barapo coyenewan pinaxua abe. ²⁴ Waxainchixua pomonaetsi xua Jesucristo piamonaeta tatsichixua, jeichichixua: “Poxonaeta Jesucristo naetothaxua cobe matatabarutatsi, wajuntu coyene, po juntu coyene jopaxua wunaeyo, nacata yawaxua muxuna tupa. Bapoxonaeta nacata aichurubenaeta exana po coyene xua abe waexanaewaxua”, jeichichixua waxainchixua. ²⁵ Waxainchixua jinompatsi wanacaxua yawenaexae Nacom pia Pejumope tunaxu tatsi. Daxotaxua bewaxua baraxua copatichixua xua Nacom pia Pejumope tunaxu tatsi baraxua nacaxua maticarucua ducunaebiyaxua xua ichaxotaxua daxitaxua pocotsiwanthaxua xua exaneibatsi.

²⁶ Jopaxua bewaxua waxainchixua ichamonaethaxua aebichixua. Matautano jopaxua bewaxua nantiyaxua naanaepanaxua exanaetsi. Matautano jopaxua bewaxua nantiyaxua nauwichi.

6

Mejeyabara poxonaeta Pablo jeyeta: “Nantiyaxua panaxua nayawende”, jei

¹ Tamonaeta pam, paxam pomonaeta iruxua painyaxua nejume cowuntsiwixae Jesucristo. Icha ichun pacui tanemexua abe exana, pon pejume cowuntsin Jesucristo, bapon payawendexua equeichaxua beta peponaewaxua tsane Nacomthaxua. Payawendexua bapon paxam jiwanaxua pomonaeta pam Nacom pia Pejumopetunaxu tatsi pajume cowuntsiyaxua jinompame. Jopaxua anayaxua bichocono pamuxuconaeinde xua abe peexanaexae. Ichithaxua dotaxua pam, xua iruxuaxua paxa juntu coyene canaxua exana xua abe painyaxua neexanaewaxua tsane. ² Nantiyaxua caemonaeta panaxua nayawendexua xua poxonaeta ichamonaeta ajuntucoyenerewetaxua tsaibixua pocotsiwa xua ajuntucoyenetanexua exanatsi. Poxonaeta nantiyaxua caemonaeta panaxua nayawenametaxua bapoxonaeta baraxua paexanaenametaxua pocotsiwa Cristo itorobaxua xua poxonaeta jeyeta: “Nantiyaxua caemonaeta panaxua naantobeinde”, jei.

³ Pon pia coutha nayabara nanta xeina xua jopa abe exanaeyo xua daxota jopa nantawenonaeyo xua peyawenaewatsi tsainchi, bapon pia coutha namuxitoroba. ⁴ Jiton bewa pia coutha nacui yabara nanta xeinae xua exana, bapoxonae barapon juntu coyene weiweina icha piawa beta exana. Bapon jopa bewa yabara nanta xeinae pocotsiwa xua ichan exana xua bichocono wuna xua beyacaincha bapon exana. Daxita jiwi carepaya bewa barichi bewa pia coutha nacui yabara nanta xeinae icha metha bara wuna xua pocotsiwan exana. ⁵ Daxita jiwi carepaya barompaya bewa exanaena pia penacuichiwan Nacom nexa be pocotsi coyeneya xua Nacom itoroba.

⁶ Pon xua nacuiduba Nacom Pejume Diwesi, bapon bewa xuya catsina ichawa pocotsiwa xua penantawenonaewa pontha pon xua pecuidubinchix-aetsi xua be pematomatsi coyenewa exana.

⁷ Jopa painya coutha pana namuxitorobinde. Dapon ajibi pon itacupatsi xua Nacom muxitorobatsi. Pocotsiwa xua pebin exana bara barapocotsi coyenetha cuita yabara cana exanatsi. Icha bapon abeya exana barichi bara abeya cuita yabara cana cui matomatatsi. Matautano icha bapon xanepanaya exana bara xanepanaya cuita yabara cana cui matomatatsi.

⁸ Icha ichan exana pocotsiwa xua pia coutha ichichipa exana pocotsiwa xua jopa xanepanaeyo, bapoxonae bapon xuya cuita xeinaena pocotsiwa xua abe xua jiwi tupa exanatsi. Ichitha icha bapon exana pocotsiwa xua Nacom pia Pejumope tuxaxu tatsi ichichipa, bapoxonae barapo Nacom pia Pejumope tuxaxu tatsi bapon catinchi peajuntuyapusuwa xua ataya tsiteca. ⁹ Jopa bewa ajuntucoyenefaetabi tsainchi po coyenewa xua beta waexanaewa Nacom nexa. Icha jopa ajuntucoyenefaetabiya jinompae tsainchi xua beta waexanaewa Nacom nexa, bapoxonae po mataqueitha Nacom daxita wetsina Nacom naca catsina pentoma pocotsiwa wuna xua xanepanaya waexanaexae. ¹⁰ Daxota poxonae daxita coyeneintha naca itacupa xua exanaeinchi pocotsiwa xanepana bara bewa exaneibinchi ichamonaetha pocotsiwan xanepana. Baraxua bewa exaneibinchi daxita jiwitha. Nacom tsitatsi xua bichocono ainya cui xua yawenatsi pomonae Jesucristo pejume cowantsiwichi, beyacaincha poxonae yawenatsi pomonae jopa pejume cowantsiwi.

Meje yabara xua Pablo najume wetsiya paeba

¹¹ Pataema xua matapainya tacoutha tinan, daxota pin itaneton tsica. ¹² Pomonae judiomonae xua paca itoroba xua painya nepaca wi thabiwa tsane, barapomonae saya baxua exana pia icha judiomonae wuna yabara nanta xeinaetsi barapomonaetha. Yawa barapomonae pomonae xua paca itoroba pomonae judiomonaexae naerabiya nanta xeinaeya jeye: “Poxonae Cristo Pejume Diwesi cueicueijeichi pomonaetha pomonae jopa judiomonae naexanaeyo, bara muxuna itorobatsi xua barapomonae bara bewa pebiwi wi thabinchi ichaxota nareixacaena. Bapo coyenewa icha waxainchi exanatsi baxua wamonae pomonae judiomonae juntu coyene weiweinaena. Bapoxonae barapomonae jopa nacata abe exanae tsane, bequein tsipae-batsi pomonaetha, pomonae jopa judiomonae naexanaeyo xua Cristo naca tsitupa naetha”, jei xua naerabiya nanta xeina. ¹³ Bequein barapomonae paca itoroba xua paca wi thaba ichitha jopa exanaeyo pocotsiwa Moisés pia peitorobi coyenewa itoroba. Barapomonae ichichipa xua paca wi thaba ichamonaetha, pia barapomonae paca yabara paebichi ichamonaetha xua barapomonae paca itoroba. Barapo judiomonae ichichipa xua icha judiomonae yabara nanta xeina xua pomonae paca itoroba bara beta exana pia paca cui itorobixae barapo penawi thabi coyenewa. ¹⁴ Ichitha

xan aichaxaibin xua tacoutha atsaquiya nayabara paeban ichamonaetha. Saya meisa bichocono atsaquiya yabara paeban xua Jesucristo petupaewa naetotha pon Wanacacanamateaxeinaein. Cristo naetotha netsitupa daxota pocotsi coyenein xua xeina po irathe jopa netsita ainya cuiyiyo, xua tax-einaenexa yawa xan jopa tsita ainya cuiyinyo barapo cae pin nacuathepi-witha. ¹⁵ Jopa naca yawenaeyo icha naca wi thaba. Barichino jopa naca yawenaeyo icha jopa naca wi thabiyo. Jame pocotsiwa ainya cui xua bewa Jesucristo tsita xeinaetsi pena juntu coyene. ¹⁶ Barabu Nacom paca cata juntea painya nejinompaewa. Matautano barabu Nacom nantanuweya paca yabara nanta xeinaena pia painya nepaca yawenaenexa. Barabu Nacom daxita paxamtha barapo coyenebe paca cana exanaena pomonae pam paexaname po coyenewa barapo peitorobi coyenewa paeba, po peitorobi coyenewa xua yabara paeba pena juntu coyenewa, yawano barabu Nacom paca cana exanaena daxita paxamtha pomonae pam xaniwaicha painya nejume cowantsiwi pam Nacom.

¹⁷ Anoxuae yawano xua bexa tsaneno jopa ichichipaeinyo xua ichun inta ayapube exanaena xua poxonaey neyabara paeba xua po coyene pinae Nacom jopa neitorobiyo xua tacueicueijejiwa tsane bapon nexa. Tsita itapeinya xeinan xua Nacom xaniwaicha bara neitoroba tsipei ichamonaey newan duba taperatotha tajume cowantsixae Jesús.

¹⁸ Tamonaey pam, paxam pomonae iru painya nejume cowantsiwixae Jesucristo. Barabu bapon pon Wanacacanamateaxeinaein, paca juntu coyene weiweina exanaena pia painya nepaca antobexae. Je bara ichi tsane.

Baja Pablo.

Meje Po Carte Pablo Tatina, Efeso Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonaefeso tomarapiwi

¹ Xan, Pablon, pacata tinatsi. Nacom necana exana xua Cristo Jesús pia peitorobi jiwi jiwana tatsin xua bapon peichichipaexae. Pacata tinatsi pomonaefeso tomarapiwi. Paxam beta xanepanaya pajume cowanteibame Cristo Jesús xua Nacom caemonae painya nepaca exanaexae Cristo Jesustha. ² Barabũ Nacom, pon Waxa irũ Jesucristo, pon jiwi Pecanamataxeinaein, baponbe paca yawenaena pia paca necaantobexae. Mataũtano barabũ baponbe peburũya jũntema jinompa paca cana exanaena.

Meje yabara xua poxonaefeso tomarapiwi wanaca yawenaewa, wanaca antobexae

³ Barabũ waxainchi tsipaebatsi Nacomtha, Jesucristo Wanacanamataxeinaein, pia Nacom tatsi xuano xua Paxa tatsi. Jeichichi: “Nacom maisa pajũntũ coyene weiweinan jinya pata taneyawenaewaxaem”, jeichichi. Daxita waxainchi Nacom caemonae wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya pejũntũ coyenein po pejũntũ coyenein xeina pia nacuatheicha. Vapo jũntũ coyenein naca catsiba xua wanantawenonaewatsi xua wanaca ajũntũcoyenesũ exanaenexa beta xua Nacom watsita jinompaenexatsi. ⁴ Caena bayatha pewũnaeya xua poxonaefeso tomarapiwi nacua forotsina, Nacom naca wũn duba xua piãmonae tatsi wanaca exanaenexa tsane poxoru Cristo caemonae wanaca exanaewa tsane bapontha. Mataũtano Nacom naca wũn duba xua bichocono watsita jũntũ coyene xanepanaenexa tsane bapon xua mataũta jopa watsita natsicuentisiwatsi tsane xua abe waexanaexae bapontha. ⁵ Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexaetsi. ⁶ Daxota barabũ Nacom wũnae jainteibatsi pon bichocono pexeinya coyenewa exana poxonaefeso tomarapiwi naca yawena wanaca antobexae. Mataũtano Nacom bichocono wanaca antobexae amanaya daxitatsi caemonae naca cayawa exana Pexantotha, po Pexanto bichocono antobe. ⁷ Nacom pia pin wanaca antobexae naca capanenebiya exana abe waexanae cuiru coyenein weya. Nacom tsitatsi xua jopa watsita natsicuentisiwatsi xua abe waexanaexae, yawa naca cayabara cui jũntemaina barapo cui. Baxua exana poxoru Nacom Pexanto tatsi jana pichapabarena poxonaefeso tomarapiwi bexotsi, poxonaefeso tomarapiwi abe waexanae cuiru coyene naca yabara tsitũpa naetotha. ⁸ Nacom naca tsita itapeinya xeina xua bichocono jopa juniya naca antobeyo. Mataũtano naca cana exana xua wayabara yaputaewatsi bapon. ⁹ Nacom bayatha exana pocotsiwa xua caena bayatha jũntucuru exana. Nacom naca yaputane exana xua wayaputaewa pocotsiwa bapon moya yawũn xeina xua jiwi jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawũn xeina caena bayatha Nacom jũntucuru nanta xeina xua Pexanto peitorobiwa tsane po cae pin nacuathe tsique pon pewũn Jesucristo. ¹⁰ Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa

tsane picoya xua xuan peitabocotha piawan xuano xua xuan po irathe piawan. Baxuan exanaena poxonae jopaena barapo matacabi xua poxonae po mataqueitha Nacom ichichipa beexanaena baraxua.

¹¹ Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana w_{un} duba pata tanaexanaewa tsane piamonae tatsi poxoru Cristo caemonae wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita w_{unaetsi}. ¹² Paxan, judiomonae pan, pomonae pan xua copiya paw_{nae} ewatan xua Cristo pepatopaewa tsane. Barab_u daxota Nacom bichocono w_{nae} pajainchin pexeinya peit_upanaewa peexanaeinxae. ¹³ Pocotsiwa xua pexainyei jume diwesi, barapo diwesi apara Nacom pia pecapanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cow_{untsixaem} Cristo painya nepaca capanenebiyaenexa. Bapoxonae Nacom tsita itapeinya xeina xua paxam piamonae tatsi pam poxonae paca cata pia Pejumope t_{unaxu} tatsi. Bayatha Nacom yabara paca tsiw_{nae} muxu duta xua pinae paca catsina barapo pia Pejumope t_{unaxu} tatsi. ¹⁴ Nacom pia Pejumope t_{unaxu} tatsi naca cata wanaca bar_u poponaenexa. Baxua naca tsita itapeinya xeina xua daxota xaniwaicha yaputainchi xua bexa ichawan xua Nacom naca catsina pocotsiwan yabara naca tsiw_{nae} muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cow_{untsina} Jesucristo. Bapoxonae jiwi w_{nae} jainchina Nacom bichocono pexeinya peit_upanaewa peexanaeinxae.

Meje yabara poxonae Pablo Nacomtha taw_{ca} pomonae pejume cow_{untsi} jiwi xua Nacom yaputane pecana exanaewa tsane barapomonae pomonae pejume cow_{untsi}wi

¹⁵ Paca yabara jume tainchi xua paxam pinae beta pajume cow_{untame} Jesús, pon jiwi Pecanamataxeinaein. Matautano paca yabara jume tainchi xua pinae beta paantobem pomonae ir_u pejume cow_{untsi}wi. ¹⁶ Daxota ataya pacata w_uqueibatsi Nacom, janje: “Nacom maisa j_{untu} coyene weiweinan xua Efeso tomarapiwi neyawenaewa, pomonae necajume cow_{untsi}wi”, jan. ¹⁷ W_{ucan} Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peit_upanaewa peexanaein. W_{ucan} xua painya nepaca cacatsinexa pia Pejumope t_{unaxu} tatsi painya neyaputaewa tsane pocotsiwan xua xainyei xua Nacom yabara. Matautano w_{ucan} xua painya beta neyaputaeronaenexa Nacom. ¹⁸ Nacom w_{ucan} xua painya neyaputaenexa painya j_{untu} coyeneintha. Bapoxonae paca itac_upaena xua payaputaename pocotsiwa Nacom yabara paca tsiw_{un} duba xua painya nexeinaenexa pocotsiwa yabara paca tsiw_{nae} muxu duba. ¡Maisa bichocono jopa juniyiyo xua pocotsiwa Nacom catsina pomonaetha pomonae pia pejume cow_{untsi} jiwithaxaetsi pocotsiwa bapon j_{untana} jeba barapomonae! ¹⁹ Matautano w_{ucan} xua painya neyabara yaputaewa tsane Nacom pia peayapus_u itorobi coyenewa, po peayapus_u coyenewa bichocono w_{nae} xua jopa wetsiyo. Barapo peayapus_u itorobi coyeneyatha Nacom naca yawena wajume cow_{untsiwixae}. ²⁰ Barapo peayapus_u itorobi coyenewa j_{upa} po peayapus_u itorobi coyenewatha Cristo as_u exainchi pet_upaе cuiru coyene weya xua Nacom exana. Barapo pia peayapus_u itorobi coyenewatha Nacom Pexanto cuareta pia pecoxa weya xua peitabocotheicha xua Pexanto ainya cui cana exana. ²¹ Nacom Pexanto cana exana xua Jesucristo toxeincha

canamataxeina pomonaetha daxita pomonae ichamonae canamataxeinatsi itabocotha, matautano xua barapo cae pin nacuathe. Matautano bapon canamataxeina daxita pomonaetha pomonae nacuan peewatsiwi, barichino pomonaetha pomonae piamonae pematacaponaewichi. Cristo canamataxeina pia peayapusu itorobi coyenewatha, po peayapusu itorobi coyenewatha bichocono ayapusu beyacaincha ichamonae pia peitorobi coyenewan tatsi. Po wun xua Jesucristo xeina xua “Cristo”, jeichichi barapo wun yabara matawun dutatsi pia peexanaewa. Barapo wun bichocono peainya cui wun, beyacaincha ichamonae pewunxi, po wunxi xua yabara matawun dubatsi xua peexanaewa pomonae anoxuae jinompa iru pomonae bexa jinompae-nano. ²² Nacom exana xua daxita coyenewantha Cristo itoroba pia peayapusu itorobi coyenewatha. Matautano Nacom exana xua Cristo daxita pepa pecanamataxeinaein piamonae daxita pomonae pejume cowuntsiwixaetsi. ²³ Pomonae pejume cowuntsiwi Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nantaata pomonae pejume cowuntsiwichi. Barichi dapocotsiwa ajibi pocotsiwa petaseicaewatsi pomonae Cristo pejume cowuntsiwichi tsipei Cristo ataya tsitecaeya baru popona barapomonae daxita nacuantha.

2

Meje yabara poxonae xua Nacom naca capanenebiya, wanaca antobexae

¹ Copiya bayatha poxonae jopa pajume cowuntsim Nacom bichocono abe paexana dubenanaebiyame. Matauta pajumefebame Nacom poxoru paxam be pomonae pewerapaewi pam jopa painya yawa jinompaxae Nacom pia Pejumope tñaxu tatsi. ² Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacue matatsuntha xua beyano Nacom pia naca beicha tatsino. Barapo caurimonae pia pentacaponaein tatsi, pomonae Nacom jumefebatsi, barapomonae juntu coyene itorobatsi xua abe peexanaewa tsane. ³ Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua wajuntu coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonae ichichi xua atene exanatsi abe peexanaexae. ⁴ Daichitha Nacom jopa juniya naca matateicaeyo xua wanaca yawenaewa bichocono wanaca antobexae. ⁵ Bequein poxonae cataunxuae bichocono abe exana dubenanaebiyatsi waxainchi, xua daxota be petupaewi jinompatsi abe waexanaexae, bapoxonae Nacom naca yawena. Baraxua be bapon naca baru ajuntucoyenesu xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae. ⁶ Wajume cowuntsixae Jesucristo, waxainchi Nacom tsitatsi xua apara be bara bayatha bapon naca asu exana petupae coyene weya icha Cristo Jesús ichichi xua asu exanatsi petupae coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha. ⁷ Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita matakabintha tsoponae tsane. Nacom

naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jesustha. ⁸ Tsipei Nacom paca antobe daxota paca capanenebiya poxonae pajume cowuntame bapon. Apra jopa baxua painya coutha paexanaem, apra Nacom jame baxua amanaya paca cana exana. ⁹ Nacom apra jopa baxua paca cana exanaeyo xua painya nenacuichixae. Icha paca itacupa xua poxonae payabara nacuichipame xua painya nepaca capanenebiyaenexa bapoxonae be painya neatsacae jiwi pam tsipae xua poxonae ichantha pajam: “Beta paexanan daxota Nacom pana capanenebiya”, pajam. ¹⁰ Nacom naca exana xua pena juntu coyenewatha jinompatsi Cristo Jesús nexa xua beta xanepanaya waexaneibinexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonaе.

Meje yabara po juntu coyenetha Nacom naca cana exana xua jntema wajinompawea caemonae wanaexanaexae Cristotha

¹¹ Poxonae panaexaname jopa panaexanaem judiomonaе. Paxam pomonaе jopa judiomonaе painya nenaexanae jiwixaem pana nacui yabara jantanainare xua eta po jiwi pamda caena bayatha poxonaе jopa pajume cowuntsim. Judiomonaе paca yabara jei: “Barapomonaе jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonaе Nacom piamonaе”, paca yabara jei. Judiomonaе pia coutha nayabara jei: “Waxainchi pomonaetsi, pomonaе naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi thabi coyene xua ichaxota pebiwi penareixacaenaewa saya jiwi pia coya nacanaetsiya exana. ¹² Bayatha barapo dapaetha poxonaе cataunxuae jopa pajume cowuntsim jopa Cristo payabara yaputaem. Matautano paxam be painya nenanapaincha jinompawewi pam xua icha nacia werena painya neponawewi xua jopa Israel nacupawewi jiwana pam. Po petsiwnae yabara muxu dutsi coyenewan xua Nacom juntucuru nanta xeina xua caemonae naexana piamonaetha, xua judiomonaetha, barapo coyenein apra jopa paxam nexa. Matautano rajinompame barapo cae pin nacuathe ichitha jopa pawnae ewatsim xua pocotsiwa xua wnae xua Nacom exanaena paxam nexa cataunxuae jopa painya nejume cowuntsixae. Tsipei jopa painya neyabara yaputae jiwi pam Nacom. ¹³ Ichitha anoxuae Cristo Jesús paca exana xua caemonae pana naexaname bapontha. Paxam pomonaе bayatha jopa Nacom painya nejume cowuntsi jiwi pam xua jopa painya yabara yaputaexaem bapon. Ichitha anoxuae pajume cowuntame painya neyabara yaputaexae Cristo Jesús, pon naetha painya abewan paca yabara tsitupa, poxonaе jana pichapabarena poxonaе bexotsi. ¹⁴ Cristo meisa bapon naca cata po juntu coyenewatha xua ichamonaetha xuya jntema jinompa exanatsi. Cristo exana xua caemonae naexana pomonaе xua judiomonaе iru pomonaе jopa judiomonaе naexanaeyo. Cristo cui weraweraca exana po juntu coyenein xua judiomonaе iru pomonaе jopa judiomonaе naexanaeyo penaitafaetabi jiwi naexana xua saya be caemonae penaexanaewa tsane. Baxua exana poxonaе naetha tsitupa jiwi. ¹⁵ Poxonaе Cristo naetha tupa bapoxonaе bapon cana exana xua Moisés pia peitorobi coyenewa tatsi jopa equeicha xeinaeyo peayapusu itorobi coyenewa xua jiwi peitorobiwatsi pocotsi coyenein jiwi bewa exanae. Bapon Cristo cana exana xua barapomonaе Cristo caemonae pebaru naexanaewa tsainchi pomonaе xua copiya pia peaitafaetabi jiwixaetsi. Poxonaе Cristo baxuan cana exana bapoxonaе barapo bicheitomonaеbe jntema

nabarũ jinompa cana exana. ¹⁶ Petũpaexae naetotha Cristo exana xua equeicha barapomonaebe jopa nabiyo. Mataũtano bapoxonae Cristo naita coxone exana xua barapomonaebe jũntema pejinompaewa Nacomtha xua icha be jopa ichiyo xua poxonae copiya jinompa xua Nacom pia peaitafaetabi jiwichi. Cristo exana xua barapomonaebe Nacom caemonae exainchi.

¹⁷ Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo jũntũ coyenewatha jiwi equeicha caewa Nacom ita coxonatsi xua Nacom jũntema petsita jinompaewa tsainchi. Daxita paxamtha paca tsipaeba barapo diwesi pomonaetha irũ pam pomonae copiya jopa Nacom payabara yaputaem, xua pomonae jopa judiomonae pam. Irũ tsipaebatsi pomonae yatsicaya judiomonae pomonae Nacom yaputainchi pejume cowũntsixae. ¹⁸ Cristo jiwi petsitũpaexaetsi abe pia peexanae coyenewan tatsi daxota Nacom pia Pejumope tũnaxũ tatsi yawena xua pomonae judiomonae irũ pomonae jopa judiomonae naexanaeyo be caemonae naexanabe xua cae axa xeina, bapon Nacom. ¹⁹ Daxota anoxuae jopa be painya nenanapaincha jinompaewi pam xua be icha nacua werena painya neponaewi. Paxam irũ ichamonae pomonae Nacom pejume cowũntsiwirũ be pomonae cae nacuapiwi pam. Paxam Nacom piamonae jiwana tatsi pam. ²⁰ Poxonae ba jiwi Nacom pin pia bo acaba copiya matha beta noba po iboton xua iratha tabũ caumena. Nexata beta nota po iboto xua ainya cui xua po iboto bo daunweya babatanota po iboto xua epataũta botabiya. Bapoxonae nanta cajejebabapona icha iboton, xua pepa bo exana. Icha pebiwi ichi poxonae bo acaba, Nacom piamonae bara cana jũtsiya cana ichi. Pomonae Cristo pia peitorobi jiwi tatsi irũ pomonae Nacom pia peitorobi jume pepaebiwi barapomonaebe bara pocotsi iboton xua tabũ caumena tsipei barapomonaebe copiya paca cuiduba Nacom Pejume Diwesi tatsi. Irũ Jesucristo be barapocotsi ainya cui iboto po iboto daunweya babatanota po iboto epataũta botabiya, tsipei Cristo paca yawena xua painya nejume cowũntsiwa bapon. Irũ paxam be po iboton xua jiwi nanta cajejebabapona, pomonae penanta carubenaebiwi pam, tsipei cotacaya painya nejume cowũntsixae. ²¹ Cristo piamonae bara cana jũtsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonae tatsi pinmonae tsoponae xua xanepanaya caemonae nabarũ jijinapona, pomonae Nacom tsita jũntũ coyene xanepanatsi. ²² Poxonae jiwi weta barapo pin bo, bapoxonae cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam irũ daxita ichamonae pomonae irũ pejume cowũntsiwi Nacom, caemonae pana naexaname xua Nacom pia Pejumope tũnaxũ tatsi pia paca barũ jinompaenexa icha Nacom ichi xua pia pin botha popona.

3

Meje yabara poxonae Nacom Pablo itorobatsi xua pecueicueijejiwa Nacom Pejume Diwesi pomonaetha pomonae jopa judiomonae naexanaeyo

¹ Xan, Pablon, jiwi pecabi botha ecan yabara tanatsipei cueicueijeixae Cristo Jesús poxonae bapon yabara tapaca cuidubiwatsi pomonae pam jopa judiomonae panaexanaem. ² ¡Bara pajume taneme xua Nacom necata barapo tatanacuichiwa xua inta bichocono wũnae! ¡Nacom neitoroba tana neantobexae xua tapaca cuidubinexatsi tapaca yawenaenexatsi! ³ Nacom itũta xua po coyene xua moya yawũn xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana

barapo coyene xua moya peyabara cui yawun xeinaewa po coyene bexa exanaena xua jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tsecae. ⁴ Poxonae barapo carte payorobiname payaputaename xua bara xan yaputan po coyene xua Cristo moya yabara cui yawun xeinatsi po coyene xua bexa Nacom exanaena xua jiwi jopa yabara yaputaeyo. ⁵ Bayatha jiwi jopa yaputaeyo po coyene xua Nacom Cristo moya yabara cui yawun xeinatsi po coyene xua Nacom exanaena. Ichitha anoxuae Nacom pia Pejumope tunaxu tatsi baxuan yaputane cana exana pomonaetha pomonae pia coya Nacomtha nacana exana xua Nacom petanacuichiwa tsainchi pomonae Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi. ⁶ Meje baxue xua pocotsiwa moya peyawun xeinaewa: Pomonae jopa judiomonae naexanaeyo barapomonae iru xeinaena po coyene xua Nacom cata judiomonaetha po coyene bichocono wunae xua bayatha Nacom juntana jeba. Barapomonae pomonae jopa judiomonae naexanaeyo Jesucristo pejume cowantsixaetsi caemonae nanaexana pepa judiomonaetha pomonae iruru Cristo Jesús pejume cowantsiwixaetsi. Barapomonae iru xeinaena po coyene Nacom yabara tsiwunae muxu duta judiomonaetha xua Cristo Jesús yabara. Barapomonae pomonae jopa judiomonae naexanaeyo daxita baxuan iru xeinaena poxoru jume cowantaru Nacom pia pecapanenebiyae diwesi jume.

⁷ Nacom neitoroba xua tacueicueijiwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonae. Matautano Nacom necata pia peayapusu itorobi coyenewa xua tacueicueijiwa tsane barapo pexeinya jume diwesi. ⁸ Pomonae xua be conotha ainya cui xua Cristo piamonae tatsi barapomonae ainya cui beyacaincha xua xan. Daichitha Nacom necata barapo tatanacuichiwa xua inta bichocono wunae. Nacom neitoroba xua tacueicueijiwa tsane pia pexeinya jume diwesi pomonaetha pomonae jopa judiomonae naexanaeyo. Cueicueijan po pexeinya jume diwesi xua Cristo bichocono peantobexae jopa juniya yawenaeyo barapomonae pomonae jopa judiomonae naexanaeyo. ⁹ Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yawun xeina. Barapo coyene Nacom pon daxita peforotsin, caena bayatha moya nayawun xeina xua jiwi jopa peyaputaewa tsane xua pocotsiwa bapon exanaena. ¹⁰ Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yawun xeina caena bayatha xua jiwi jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonae tane xua pomonae judiomonae matautano pomonae jopa judiomonae naexanaeyo daxita barapomonae caemonae naexana pejume cowantsiwichixaetsi Cristo Jesús. ¹¹ Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petapaexae naetotha. ¹² Naca itacupa xua watsipaebiwatsi Nacom wajume cowantsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom. ¹³ Daxota jopa ichichipaeinyo xua paajuntacoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

Meje yabara xua Cristo jiwi peantobewatsi

¹⁴ Poxonae yabara nanta xeinan xua po coyenewa xua Nacom exana bapoxonae tantabocototha uncuana xua tatsita itapeinya xeinaewa tsane xua baru cui itura jinan Waxa pon itabocotha pepoponaein. ¹⁵ Daxita Nacom piamonae pomonae pejume cowantsiwichi, pomonae itabocopiwi iru pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi. ¹⁶ Nacomtha pacata wucatsi. Tsipei Nacom pexeinaexae peitaboco beicha pocotsiwa jopa juniyiyo xua bichocono wuna daxota jan: “Nacom care Efeso tomarapiwi xua bichocono jinya neayapusu itorobi coyenewa. Barapomonae nejumopetha juntu coyene daunweya jinompa exande. ¹⁷ Barabu Cristo baru poponeibina barapomonae pejume cowantsixaetsi. Barabu barapomonae bichocono antobe jiwi bichocono pejuntu coyene yucaewaxaetsi peantobe coyenewa. ¹⁸ Barabu barapomonae beta yabara yaputaena Cristo pia peantobe coyenewa tatsi xua iruru daxita ichamonaeru yaputaena pomonae pejume cowantsiwi. Barapon Cristo pia peantobe coyenewa tatsi bichocono ayei xainto juntu coyenewa. ¹⁹ Sawucatsi Nacom xua barapomonae barabu yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto juntu coyenewa xua jiwi jopa itacupaetsi xua peyabara yaputaewa. Sawucatsi xua barapomonae nejuntu coyene yuca exanaenexa daxita jinya nejuntu coyenewatha.

²⁰ “Wuna cajaintatsi poxoru caitacupa xua bichocono pata tana neyawenaewam beyacaincha xua pata tacawucaewatsi, xuano beyacaincha pata nanta xeinaewa. Baxua painta exaname poxonae jinya neayapusu itorobi coyenewa nacuita pata juntu coyenewatha. ²¹ Barabu daxita pomonae pejume cowantsiwi pomonae caemonae naexana Cristo Jesustha wuna cajainchina xua ataya petsiteceponaewa tsane. Je bara ichi tsane”, jan xua pacata wucatsi Nacomtha.

4

Meje yabara xua Nacom pia Pejumope tunaxu tatsi cana exana xua caemonae naexana Nacom piamonae tatsi

¹ Tatanacuichixae Jesucristo pon jiwi Pecanamataxeinaein daxota jiwi neeta jiwi pecubi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wun dubixae painya nejume cowantsixae bapon icha be pocotsi coyeneya xua Nacom tsita xanepanatsi. ² Ita ururanaya pajinompeibare xua jopa painya neatsacaewa tsane. Matautano jume xanepanaya nantiya pana natsipaebeibare xua jopa paantatsaxande. Matautano saya jopa paaitaconaeinde xua daxota juntema painompaename poxonae bequein ichamonaabe pacata exana. Matautano patsita itapeinya xeinare xua nantiya pana nacui yabara antobem pocotsiwa bequein jopa pana nacui coyene jupaem. ³ Nacom pia Pejumope tunaxu tatsi paca cana exana xua caemonae painya nenaexanaewa tsane. Daxota peajuntucoyenesuwatha paexande daxita coyeneya xua caemonae juntema painya nenabaru jinompaewam tsane. ⁴ Paxam pomonae painya nejume cowantsi jiwixae Cristo Jesús daxota caemonae paca exana. Bequein daxita carepaya paxam barompaya paxeiname Nacom pia Pejumope tunaxu tatsi, ichitha barapo pejumope saya bara caein. Nacom yabara paca wun duba xua daxita paxam painya nexainaewa tsane cae coyenewa xua po coyene peburuya pana nabaru wuna ewatame pocotsiwa xua bexa Nacom exanaena. ⁵ Matautano bara caein pon jiwi Pecanamataxeinaein.

Matautano cae coyenewa xeinatsi po coyenewa xua wajume cowuntsiwa Cristo. Matautano saya cae wuntha nabautisabatsi xua Cristo pewuntha tatsi. ⁶ Matautano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, matautano daxita carepaya nacuantha popona. Matautano daxita waxainchi carepaya naca baru popona.

⁷ Daxita waxainchitha seicaya cabarompaya naca cana juntu cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa. ⁸ Daxota Nacom Pejume Diwesitha jeye Cristo yabara: “Bapon athabe juinya taju beicha.

Poxonae athabe juinya baru juinya pomonae pia peaitafaetabi jiwichi petsita itapeinya xeinaenexa xua amanayaba barapo peaitafaetabi jiwichi.

Matautano bapon pia pejume cowuntsiwichi catsiba po juntu cui coyenewantha xua barapomonae Nacom petsita exanaenexatsi”, jei Nacom Pejume Diwesitha.

⁹ ¿Eta xua metha baxua caunuta poxonae paeba xua “athabe juinya taju beicha”? jei. Baxua caunuta xua copiya matha Cristo po irathe patopeica xua bapoxonae equeicha caibe juinya athabeicha itaboco beicha. ¹⁰ Pon xua po irathe patopeica, barichi bapon athabe juinya taju beicha xua bapon pepoponaewa tsane daxita nacuantha xuano daxita itabocotha. ¹¹ Cristo catsiba jiwitha xua seicaya barompaya pejuntu cui coyenein. Ichamonaetha cana exana pomonae pia peitorobi jiwixae tatsi. Ichamonaetha cana exana pomonae pecueicueijeji jiwi pia peitorobi jume diwesi tatsi. Ichamonaetha cana exana pomonae xua pecueicueijeji dubenanoutsiwi Nacom pia pexeinya jume diwesi tatsi xua pecapanenebiyae diwesi jume. Ichamonaetha cana exana pomonae eena jiwi pomonaetha pomonae pejume cowuntsi jiwi. Ichamonaetha cana exana pomonae xua pecuidubi jiwi pomonaetha pomonae pejume cowuntsiwi. ¹² Poxonae barapo coyene Cristo exana, piamonae cana juntu coyene wetsiya cana exana xua beta petaexanaewa tsainchi pia petanacuichiwa tatsi. Bapoxonae daxita piamonae tatsi mataropeichiya ajuntuyapusa jume cocowuntapona pomonae piamonaexae tatsi pomonae bara be Cristo pia pepon tatsi. ¹³ Baxua Cristo exana xua beya waxainchi caemonae wanaexanaewa tsainchi xua caemonae wanabaru jume cowuntsixaetsi Cristotha. Bapoxonae naexanatsi xua peburaya caemonae wanabaru yabara yaputaewa tsainchi Nacom Pexanto tatsi. Matautano bapoxonae yatsicaya beta jume cowuntatsi, bapoxonae jinompatsi be pomonae bayatha pinyontsi xua pocotsimonae itacupatsi xua Nacom beta petsita jinompaewatsi. Bapoxonae wajuntu coyene naca cayabara cui wetsiya exana xua wajuntu coyene xanepanaewa icha Cristo ichi xua bichocono pejuntu coyene xanepanaewa. ¹⁴ Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowunta xua pocotsi coyenein xua poxonae nacuidubeiba xua poxonae cuiduba pomonae jiwi pemuxuitorobiwi. Barapo pemuxuitorobi jiwi yaputane nawita po juntu coyeneintha xua jiwi pemuxujainyabiwatsi. ¹⁵ Jame bewa pexainyei jume tsipaebichi ichamonaetha po coyeneya xua

barapomonaē yaputane xua waxainchi antobetsi barapomonaē. Bapoxonaē beta xanepanaya exanaeinchi wanajuntũ coyene xanepana exanapon-aenexatsi daxita coyenewantha xua icha be Cristo ichi. Bapon cana mataxeina pomonaē pia pejume cowũntsiwichi. Bapon bara be pentasipa pomonaē pejume cowũntsiwichi be bapon pepon tatsi. ¹⁶ Cristo cana mataxeina pia pejume cowũntsiwichi. Mataũtano cana exana xua barapomonaē barompaya xeina pia petanacuichiwantsi. Bequein barapomonaē piawan barompaya xeina ichitha Cristo cana exana xua caemonaē nantiya nayawena be caemonaē naexana. Poxonaē barapomonaē barompaya piawa beta exanapona pia penacuichiwan, bapoxonaē be caemonaē beta naajuntũcoyenesũ xanepana eexanapona, nantiya penaantobexae.

Meje yabara po pena jũntũ coyenewatha wajinompawewa wajume cowũntsixae Cristo

¹⁷ Anoxuae paca tsipaebatsi xua painya tapaca muxuwetsinexatsi, Cristo pon jiwi Pecanamataxeinaein taneitorobixae: Jopa bewa pajinompam icha barapo cae pin nacuathepiwi ichi xua poxonaē jinompa poxonaē jopa Nacom yaputaetsi. Pocotsiwa xua barapomonaē pia penanta xeinaē coyenewan tatsi, jopa ainya cuiyo. Jopa rejũntũ coyene yawenaexaetsi barapo penanta xeinaē coyenewantha. ¹⁸ Barapomonaē pia peyaputae coyenewan tatsi jopa xapain pepa peyaputae coyenewiyo. Barapomonaē jopa xeinaeyo peajũntũcoyenesũwa pocotsi peajũntũcoyenesũwa Nacom cata piamonaē. Barapo coyene barapomonaē jopa xeinaeyo poxoru aichaxaibi xua Nacom peyabara peyaputaewatsi, xuano poxoru barapomonaē najũntũ coyene ararana xua jopa peichichipaexae xua Nacom peyabara jume taewatsi. ¹⁹ Barapomonaē jopa ajũntũcoyeneuriyo poxonaē abe exana. Mataũtano barapomonaē atsaquiya abe eexanapona, xua pecũpaewatsi atsaxa mera yawa weiweina ichamonaē piseurixitha tatsi. Barapomonaē cui xeica xua daxita coyenewan abe peexanaponaewa. ²⁰ Ichitha poxonaē ichamonaē yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane. ²¹ Xaniwaicha yabara pajume taneme Cristo, xuano piamonaē tatsi painya nenaexanaewa poxonaē ichamonaē paca cuiduba po pexainyei jumein xua pexeinya jume diwesi xua Jesucristo yabara. ²² Pana nacui barapende po jũntũ coyene xua bayatha paexaname poxonaē jopa cataunxuae pajume cowũntsim. Barapo jũntũ cui coyene bichocono abe, tsipei paca cana exana xua paexaname pocotsiwan xua painya coya paichichipame poxonaē paca muxuitoroba exana xua daxota abe painya neexanaewam. ²³ Pacopare xua bara Nacom paca jũntũ coyene xanepana exanaponaena, xua daxota pena coyene painya nenanta xeinaponaewa tsane. ²⁴ Painompare pena jũntũ coyenetha, po jũntũ coyene Nacom exana xua painya paca catsibinexa. Bapoxonaē paxeinaename be pocotsi jũntũ coyene Nacom xeina. Poxonaē paxeiname barapo jũntũ coyene po jũntũ coyene xua pexainyeiwa, bapoxonaē beta nantiya pana nabaru jinompame yawa xua bichocono paca tsita xanepana Nacomtha.

²⁵ Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonaē irũ pejume cowũntsiwi, tsipei waxainchi daxitatsi caemonaē naexanatsi Cristotha.

²⁶ Icha paanaepaname jopa pacopatsinde xua painya jũntũ coyene paca itoroba xua anaya anaepanaya abe painya neexanaewa ichũnthã. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caetotha pande. ²⁷ Jopa

pacopatsinde xua bara caurimonae pia pentacaponaein tatsi paca juntu coyene jujata abe painya neexanaewa tsane.

²⁸ Pon xua pecaibin, bu jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Bapoxonae bapon itacupatsi xua ichamonaetha xuya catsina pomonaetha xua acopeibiwi pomonae jopa xeinaeyo xua pocotsiwa nantawenona.

²⁹ Jopa ajumebeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeintha xua ichamona jume cocowantapona exanatsi po jumeintha xua jiwi muxu xeica exanatsi xuano xua yawenatsi po jumein xua paca jume tane. ³⁰ Nacom pia Pejumope tunaxu tatsi jopa pajuntu coyene wecoyei exanaeinde xua painya nepaca cui taexae xua paexaname. Tsipei paca baru popona Nacom pia Pejumope tunaxu tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumope tunaxu tatsi naca juntu coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

³¹ Jopa paxeinaeinde painya juntu coyenein weya po coyenein xua ichamona payabara juntu ajom xua came bichocono painya neyabara nanta xeinaexae xua ichamona abe pia pacata exanaexae. Matautano jopa paxeinaeinde po coyene xua jemeicha anaya paexaname. Matautano jopa paxeinaeinde po coyene xua saya bichocono panthuthu anaepaneibame. Matautano jopa paxeinaeinde po coyene xua tsamu jume pabarua paebame ichamona. Barichi jopa paxeinaeinde po coyene xua ichamona pabitaneme. Matautano daxita jopa paxeinaeinde po coyenein xua bichocono paaitafaetabim ichamona. ³² Jame seicaya maisa nantiya caemonae xanepanaya pana nata exande. Matautano nantiya pana naweyataema xua nantiya painya nenayawenaewam tsane. Matautano nantiya pana nacui yabara juntemainare xua abe nantiya pana nata exaname, icha Nacom paca yabara ichi xua paca cayabara juntemaina abe painya neexanae cuiru coyenein Cristo painya nepaca tsitupaexae poxonae naetotha tupa exanadutatsi poxonae bexotsi.

5

Meje yabara xua po juntu coyeneyatha bewa jinompaena Nacom pia pexui tatsi

¹ Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename icha bapon ichi poxonae popona. ² Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsitupa xua abe waexanae cuiru coyenein poxonae bexotsi. Baxua be poxonae icha duwei ichichi xua poxonae jiwi tsibexotsi xua daxota barapo jiwi jopa penatsicuentiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi icha be pocotsi duwei tuxusi xeicaewa ichi xua poxonae jiwi duwei tauta xua Nacom pecatsinexatsi.

³ Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamona pomonae painyamonae paca yabara paeba xua abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamona xeina.

⁴ Jopa nantiya pana nayabara yuyujande. Matautano jopa nantiya pana

najume cui caponaeinde po jumein xua jopa wanaeyo. Matautano jopa nantiya tsumu jume pana nayabara paebinde. Daxita barapo coyenein bichocono abe. Jame maisa bewa itapeta Nacom wanae pajainchim painya nepaca capanenebiyaexae barapo coyenein weya. ⁵ Tsipei paxam bayatha payaputaneme xua Nacom cana exanaena pomonaetha pomona meje: Pomona xua penasi cui matacaetsiwa xua jopa poxona piseuri jiwi, yawano pomona xua yabara paeba po jume xua jiwi aura exanatsi, yawano pomona bichocono pitacopeichi xua yabara uwa xua ichamonae xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua wanae jointa ibo nacom. Pomona barapo coyenein exana bapomona bapana jopa itacupaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua iru ichaxota barichi Nacom. ⁶ Jopa pacopatsinde xua ichamonae paca necamuxutorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanae coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba. ⁷ Barapomonaetha jopa imoxoyo pacuicuinaeinde, pomona Nacom jopa jume jejeichi.

⁸ Paxam copitha abe paexaname jopa painya yabara yaputaexaem Nacom. Baxua be poxona pomona pona pequireiwatha jopa beta ponaeyo jopa beta penecotsixae. Ichitha anoxuae beta paexaname painya yabara yaputaexaem Nacom pon jiwi Pecanamataxeinaein. Baxua be poxona pomona pona, poxonae pentha, beta pona beta pia petaexae. Pajinompare beta painya nejinompaenexa Nacom nexa icha pomonae ichi poxonae pona poxonae pentha. ⁹ Pomonae yawa jinompa Nacom barapomonae beta jinompa icha pomonae ichi xua poxonae beta jinompa poxonae pentha. Barapomona peyawa jinompaexae Nacom exaneiba pocotsiwa xua wanaeya peexanaewa yawa xua pocotsiwa tsita xanepanatsi Nacom, yawa xua pocotsiwa pexainyeiwa. ¹⁰ Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi. ¹¹ Jopa paexanaeinde pocotsiwa jopa ainya cuiyo pocotsiwa ichamonae exana pomona xua be poxonae pequireiwatha jinompa poxoru Nacom jopa peyabara yaputaexaetsi. Jame maisa barapomonae pat-sita itapeinya xeinare pocotsiwan xua barapomonae abe peexanaewanxae. ¹² Icha payabara paebichipan po coyenein barapomonae abe peexanaewa, bichocono aura pana exanaetsipa pocotsiwa namicha peexanaewa barapomona tsipei bichocono abe. ¹³ Poxonae pecoicha pentha exana poxonae quirei bapoxonae daxita pichiwan beta pataneme pentha perubenaexae. Barichi poxonae barapomonae jume tane po jumein xua yaputane exainchi, bapoxonae tsita itapeinya xeinaeinchi xua pocotsiwa namicha exana, apara deta cou abe. Bapoxonae barapomonae itacupatsi xua naexanaena Nacom piamonae tatsi. ¹⁴ Daxota Nacom piamonae tatsi ichun yabara jeichi: “Nacui cayabara cananta xeinatabare, tsipei xam be pon abe neexanaein. Natsixire pia xainya weya tatsi pomona be petupaewi pejinompaewi jopa tana nejume cowantsi jiwixae. Cristo cacana exanaena xua yabara neyaputaewa bapon pocotsiwa xua pia pexainyei coyenewa tatsi”, jei xua ichun yabara paebatsi.

¹⁵ Dota pam, xua abe painya neexanaewa. Jame maisa xanepanaya pajinompare. Jopa pajinompaende icha be ichi poxonae jinompa pomona Nacom jopa jume cowantsiya yaputaetsi. Barapomona jopa peyaputaewi. Jame maisa pajinompare icha be ichi poxonae jinompa pomona jume cowantsiya peyaputaewi Nacom. Barapomona peyaputaewi. ¹⁶ Beta pa-eexanaponde daxita coyeneya xua paca itacupa poxonae cataunxuae anoxuae pajinompame, tsipei barapo matacabintha jiwi abe bichocono peexanaewi. ¹⁷ Jopa pajinompaende icha be ichi poxonae jinompa pomona amameibatsi jopa Nacom peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiwi Pecanamataxeinaein. ¹⁸ Jopa pana nacupa exanaeinde peatsaxa meran xua jiton acoyenebeya exanaeya exainchi. Jame maisa Nacom pia Pejumope tunaxu tatsi pacopabeibare xua daxita bara paca juntu coyene itorobeiba xua beta painya neexaneibiwa tsane. ¹⁹ Nantiya pana natsipaebare pocotsiwa xua Nacom paca juntu coyene weiweina exana. Nantiya pana nabaru naxunare David pia weixi, po weixi pewun salmos. Matautano panaxunare po wei pomona pejume cowantsiwi pia weixi tatsi xua pewunae jainchi weixi Jesucristo, pon jiwi Pecanamataxeinaein. Panaxunare painya juntu coyene weya po weixi xua Nacom wunae pejainchiwatsi. ²⁰ Nacom pon Waxa bapontha pajacobeibare, pajan tsaibinde: “Nacom maisa pajuntu coyene weiweinan xua pocotsiwa daxita pata tana necatsixaemxae. Paca wucatsi Jesucristo pata Tanecanamataxeinaein pabuxuna bobenounan”, pajan tsaibinde.

Meje yabara po coyene xua pebin piseuribe bewa nabaru poponaenabe ponbe pejume cowantsinbe

²¹ Daxita pam bewa bara pacopatsim xua nantiya pana nacanamataxeiname xua painya neexaneibinexa pocotsiwa xua nantiya pana nacui itorobeibame. Bapoxona xua painya itapeinya xeinaenexa xua painya nebaru itura cui jinaewa pocotsiwa Cristo paca cui itoroba.

²² Yabuxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba. ²³ Tsipei pebin canamataxeina piowa, icha Cristo ichi xua canamataxeina piamona pomona pia pejume cowantsiwichixaetsi. Bapon Cristo barapomona pia Pecapanenebiyaeinchi tatsi. Barapomona pomona pejume cowantsiwi bara be Cristo pia pepon tatsi. Cristo bara be pentasipa pecanamataxeinaexae barapomona. ²⁴ Icha barapomona ichi pomona Cristo pejume cowantsiwichi xua pichichi xua peexanaewa pocotsiwa Cristo itoroba, yabuxi bewa barichi. Bewa exanae daxita pocotsiwa piseuriwi itorobatsi.

²⁵ Pebiwi pam paantobeinde painya seuri jiwi, icha Cristo ichi xua antobe daxita xua i dapomona pomona pejume cowantsiwichixaetsi. Cristo pia peantobexae barapomona tsitupa poxonae naetha tupa exanadutatsi poxonae bexotsi. ²⁶ Cristo tsitupa barapomona xua daxita i dapomona pomona peyabara jume cowantsiwixaetsi po coyene xua Cristo juntu coyene xanepana pecana exanaenexa Nacom nexa. Baxua exana xua barapomona jopa pexeinaewa tsane xua penatsicuentisiwa xua abe peexanaexae. Baxua Cristo cana exana poxonae barapomona tabautisabatsi meratha, xuano xua poxonae paeba xua pinae jume cowunta Nacom Pejume Diwesi. ²⁷ Cristo baxua exana daxita pomonaetha pomona pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexeinya peitupanae coicha. Poxonae barapomona

umenaena Cristo peitabaratha jopa yawa umenae tsane peabe coyenewan. Matautano jopa yawa umenae tsane pocotsiwa xua barapomonaе abe exanatsi. Barapomonaе pejuntũ coyene xanepanaewi tsane Nacomtha xua jopa xeinaeyo xua penatsicuentisiwa xua abe peexanaexae. ²⁸ Pebiwi bewa antobe pia seuriwi, pecui antabexae icha barapo pebiwi ichi xua pia pepon natsiantabe. Pon pia coutha natsiantabe bapon piowa antobe xua be caein penaexanaewa tsanebe. ²⁹ Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara jũta ichiya cana ichi pomonaе Nacom piamonaе tatsi daxita xua i dapomonaе pomonaе Cristo pejume cowantsiwichixaetsi. ³⁰ Cristo beta eena barapomonaе tsipei barapomonaе be pia pepon tatsi. Waxainchi yaputainchi baxua tsipei barapomonaе jiwantsi. Waxainchi pomonaetsi xua caemonaе wanaexanae jiwichi Cristotha. ³¹ Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperũ cuicuinaenexabe. Bapoxonaе baponbe piseuribe be caein naexanabe”, jei Nacom Pejume Diwesitha. ³² Barapo Nacom Pejume Diwesi xua pebin piseuribe yabara baraxua bara be Nacom moya yawun xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo irũ Nacom piamonaе tatsi pomonaе pejume cowantsiwichi, daxita be caemonaе naexana icha pebin piseuribe ichi xua be caeinbe naexanabe. ³³ Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiantabem. Barichi daxita yabũxi pam painya seuriwi bewa paca yabara barũ cui itura jinaena.

6

¹ Pexui pam, paxam pomonaе painya nejume cowantsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume barũ jejam pocotsiwa painya axeiwi paca itoroba, tsipei baxua pexeinya cui coyene. ²⁻³ Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwunae muxu dutsiwa, barapo coyenewatha baxua jeye: “Axa cui barũ itura jinare, yawa ena cui barũ itura jinare, xua painya jũntũ coyene xanepanaya jinompaenexa, matautano xua painya nejinompaenexa ainya wei dapaein barapo cae pin nacuathe”, jei Moisés pia peitorobi coyenewatha.

⁴ Paxam pomonaе coxiyei jiwi pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwi Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

⁵ Pomonaе amanaya painya nepaca cabusi tatayebeibi jiwi pam xua poxonaе ichamonaе pata nacuitame pajume barũ jejande pocotsiwa xua painya nepaca canamataxeinaewi paca itoroba barapo cae pin nacuathe. Barapomonaе pabarũ cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonaе beta patanacuire icha poxonaе paichim poxonaе Cristo patanacuitame.

⁶ Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonaе painya nepaca taexae. Poxonaе baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame

maisa patanacuire icha paichim poxonaē painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa. ⁷ Poxonaē pata nacuitame pomonaē painya nepaca canamataxeinaewi weiweinaya panacuire icha be poxonaē paichim xua poxonaē pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonaē jopa xapain patanacuichim pomonaē xua poxoru saya jiwixae. ⁸ Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein jupa barapocotsi matoma paca cata, poxonaē bequein amanaya painya nepaca busi cui tatayebeibi jiwi pam xua poxonaē ichan pata nacuitame, xuano xua saya poxonaē bequein paratixi patsinacuitame.

⁹ Paxam pomonaē pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonaē. Pananta xeinare xua barapomonaē bewa exanae pocotsiwa itoroba pon jiwi Pecanamataxeinaein icha paichim xua iru bewa paexanaename pocotsiwa bapon paca itoroba, pon eca itabocotha. Bapon daxita tsita najupatsi jiwi poxonaē yabara paeba peyaputaenexa icha barapomonaē natsicuenta xua abe peexanaexae.

Meje yabara xua pomonaē pejume cowantsiwi Cristo po coyeneintha bewa amanayabi caurimonaetha

¹⁰ Tamonaē pam, anoxuae wetan pocotsiwa xua tapaca tsipaebiwatsi. Ajuntusya pajinompare pon Pecanamataxeinaein jiwi pia peayapusu itorobi coyenewatha tatsi caemonaē painya nenaexanaexae bapontha.

¹¹ Painya juntu coyene pana naewatsiya yawenare daxita po coyenewantha xua Nacom paca cata xua xota pana nayaewatame painya juntu coyenewa. Baroxonaē paca itacupa xua caurimonaē pia pentacaponaein tatsi paamanayabame poxonaē paca juntu coyene jujuta xua abe painya neexanaenexa. ¹² Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonaē peinya pejinompaewi xua caurimonaetha. Barapo caurimonaē xeina pia peayapusuwa yawa peitorobi coyene xua jiwi canamataxeinatsi barapo cae pin nacuathe tsique, pomonaē abe peexanae jiwi. Matautano jinompa barapo cae pin nacia matatsunthe. ¹³ Daxota paxeinare daxita pocotsi juntu coyenein xua Nacom paca cata pocotsi coyeneintha xua pana nayaewatame. Anoxuae pana najuntu coyene wunaere xua painya juntu coyene amanayabi dubenanaebiyaenexa tsane barapo peinya pejinompaewi. Baxua paexande xain awiya bichocono pajuntu coyene daunwam poxonaē po mataqueitha paca juntu coyene jujutsina xua abe painya neexanaewa tsane. Bequein paca jujutsina, awiya ajuntucoyenesya pajinompaename.

¹⁴ Pana nacui wunare icha soldadomonaē ichi xua yabara nacui wunaeta penabinexa ichamonaetha. Painya juntu coyenewatha paxeinare Nacom pia pexainyei coyenewa painya tsita itapeinya xeinaenexa baraxua xua bara xainyeya pata exaname Nacom. Barapocotsi juta coyeneya paichinde icha be soldadomonaē ichi xua poxonaē yabara nacui wunaeta penabinexa ichamonaetha baroxonaē naepa cataruba paparawan xua tsita itapeinya xeina xua baromonaē nacui wunaeta xua bara xainyeya penabinexa xua pon pentacaponaein peitorobixae. Matautano pejuntu coyene xanepanaewa Nacom patsita xeinare painya juntu coyenetha, painya nenayaewatsinexa

icha be poxonae soldadomonaē ichi xua xeina po penaintoŋa xua nantacari acaba poxonae nacui w̄naeta xua penabinexa. ¹⁵ Pana naj̄nt̄u coyene w̄naere xua painya necueicueijeī tsurubenanaebiyaenexa Nacom pia pexeinya jume diwesi xua po diwesi yabara xua jiwi j̄nt̄ema pejinompaewa. Barapocotsi j̄ta coyeneya bara paichinde icha be poxonae soldadomonaē ichi, xua poxonae nataxu w̄naetaduba sapaton xua penacui w̄naetsinexa xua naba. ¹⁶ Matautano pamuxuna xeinare xua bichocono painya nejume cow̄ntsiwa Nacom, xua pana naj̄nt̄u coyene yawename poxonae caurimonaē pia pentacaponaein tatsi paca j̄nt̄u coyene j̄j̄ta. Barapocotsi j̄ta coyeneya bara paichinde icha be soldadomonaē ichi xua pemax̄ntha duba peperacae nain xua naita arababa. Poxonae pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, bapoxonae barapo peperacae naintontha naita arababa barapomonaē, yawano baxota itaxubaba iso itere. ¹⁷ Pacopare xua bara Nacom paca capanenebiyaena painya paca j̄nt̄u coyene araranaenexa caurimonaē pecuiyainwa. Barapocotsi j̄ta coyeneya bara paichinde icha be soldadomonaē ichi xua penain yoreitha nanta acaba. Nacom Pejume Diwesi painya j̄nt̄u coyenetha paxeinare xua po jume Nacom pia Pejumope t̄nax̄ tatsi paca cata xua po jumetha painya nenayaewatsinexa painya nepaca caaitafaetabi jiwi pecuiyainwa. Barapocotsi j̄ta coyeneya bara paichinde icha be soldadomonaē ichi xua capona cusi penayaewatsinexa pia peaitafaetabi jiwichi pecuiyainwa. ¹⁸ Nacomtha matowa patsipaebeibare daxita matacabintha be pocotsi coyeneya paca yawena Nacom pia Pejumope t̄nax̄ tatsi. Nacomtha paw̄queibare daxita painya new̄cae coyenewatha tsaibi pocotsiwan xua panantawenoname. Xain daxita matacabintha tsaibi tsaca painompeibame, matauta bapana jopa paaj̄nt̄ucoyenefaetabinde xua paw̄came Nacom. Bichocono matowa pataw̄care daxita pomonaē Nacom piamonaē tatsi. ¹⁹ Barichi painta w̄care Nacomtha xua bapon tanecatsinexa po jume diwesitha xua tacueicueijeinexa. Matautano painta w̄care xua tana neitac̄paewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moya yaw̄n xeina po coyene yabara xua Nacom capanepa exana pomonaē jopa judiomonaē naexanaeyo. ²⁰ Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonae neeta jiwi pec̄bi botha tacueicueijeixae Nacom nexa. Painta Nacomtha w̄care xua cui tsacatsacapiya tacueicueijeinexa tsane poxonae icha bewa cueicueijan tsane.

Meje yabara poxonae Pablo najume wetsiya paeba barapo cartathe

²¹ Tíquico pon paxan paantobein, pon ir̄u pejume cow̄ntsin Jesucristo bapon pacata itorobatsi. Bapon Tíquico bara xainyeya exana poxonae pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina. ²² Bapon Tíquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxonae bapon paca j̄nt̄u coyene tsacabina, j̄nt̄u coyene weiweinyaya sad̄jei painya nejinompaewa tsane xua bara beta tapoponaexae.

²³ Barab̄u Nacom, pon Waxa, ir̄ur̄u Jesucristo, pon jiwi Pecanamataxeinaein, baponbe j̄nt̄ema jinompa cana exanaenabe pomonaetha daxita pomonaē pia pejume cow̄ntsiwixaeatsi. Matautano barab̄u exanaenabe xua barapomonaē nantiya naantobe tsane. Matautano barab̄u exanaenabe xua barapomonaē aj̄nt̄ucoyenes̄ya jume cow̄nta dubenanaebiyaena.

²⁴ Matautano barab̄u Nacom peantobexae yawenaena daxita pomonaetha

pomonaē peantobewi Jesucristo pon Wanacanamataxeinaein. Bapoxonaē barapomonaē pexeinaenexa tsane po coyene antobe ichamonaetha po coyenewa xua ataya tsiteca.

Baja Pablo.

Meje Po Carte Pablo Tatina, Filipos Tomarapiwi Tatinatsi

Meje poxonae Pablo tamropata pitaba xua tatina, Filipos tomarapiwi tatinatsi

¹ Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomona jinnompa Filipos tomaratha. Patatinanbe daxita pomonae Cristo Jesús pejume cowantsiwichi, pomonae yatsicaewa Nacom piamonae tatsi. Matautano iru patatinanbe pomonae pecanamataxeinaewi pejume cowantsi jiwi. Matautano iru patatinanbe pomonae peyawenaewi pejume cowantsi jiwitha, poxonae yawena peatenewitha, xuano xua poxonae apata pexaewa peacopeibiwitha. Barapomona Nacom piamonae tatsi, yawa barapomona caemona naexana Cristo Jesth. ² Barabu Nacom, pon Waxa, amanaya paca yawenaena painya pia paca necaantobexae, yawa xua juntea jinnompa paca exanaena. Iru barabu Jesucristo pon jiwi Pecanamataxeinaein baxua pacata exanaena.

Meje yabara poxonae Pablo tawuca Nacomtha pomona Nacom pejume cowantsiwi

³ Poxonae paca yabara nanta xeineibatsi Tanacom tsipaebiban paxam yabara. Jan tsaibinje: “Nacom juntu coyene weiweinan xua barapomonae betiya necatsita dubenanaebiyaexae”, jan tsaibin. ⁴ Poxonae Nacom pacata wuqueibatsi bichocono juntu coyene weiweinaeya pacata wuqueibatsi xua daxita paxam. ⁵ Nacomtha yabara tsipaeban xua paxam tapana nebaru nacuichiwam Nacom Pejume Diwesi xua poxonae aena pajume cowantame xua beya anoxuae. ⁶ Bara xaniwaicha yaputan xua Nacom tamropata pitaba xua xanepanaya beta paca cana juntu coyene exana. Baxua Nacom paca cana juntu coyene exana ducuaenaebiyaena beya poxonae Nacom xanepanaya paca cana juntu coyene wetsina poxonae po mataqueitha Jesucristo patopaetsica. ⁷ Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxonae bequein anoxuae jiwi pecubi botha neeta, yawano poxonae bequein caena bayatha pecapanenebiyae diwesi jume yabara jume yawenaeya cueicueijan jiwitha, yawano xua jiwitha tsita itapeinya xeinan xua barapo diwesi bara pexainyei diwesi jume, bapoxonae bara pana nebaru atenem. Daxota poxonae Nacom amanaya neyawena poxonae atene neexana ichamonae pia taneantobexae Nacom, iruru Nacom amanaya paca yawena pia paca necaantobexae poxonae paca atene exana ichamonae. ⁸ Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe. ⁹ Yawano Nacom paca tsiwucatsi xua equeicha matowa mataropeicha painya nepaca catsinexa peantobewa. Yawa muxuna wucan xua Nacom paca cana exanaena xua painya neyabara yaputaewa daxita coyenewan. Matautano muxuna wucan xua Nacom paca cana exanaena xua painya neitapetsiwa pocotsi coyene xua betiya paca cana exanaena. ¹⁰ Bapoxonae payaputaename xua itapetsiya paexanaename pocotsi coyene bichocono xanepana. Bapoxonae bichocono pajuntu coyene xanepanaya jinompaename. Yawano poxonae Cristo patopaetsica bapon jopa paca yabara paebi tsane xua panatsicuentame abe painya neexanaewan. ¹¹ Paca tsiwucatsino xua Jesucristo paca necajuntu coyene yuca exanaenexa, xua

po jũntũ coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonae jiwi baxua paca cui taena bapoxonae jiwi Nacom wũnae jaintsinchi jei tsane: “Maisa Nacom paca baru cui itura jinatsi, xua jinya neexanaexae barapo jiwi pia jũntũ coyenetha tatsi”, jei tsane barapo jiwi.

Meje poxonae Pablo namchi: “Xua tapoponae coyenewa bara apara Cristo nexa”, jei

¹² Tamonae pam, pomonae irũ painya nejume cowũntsixae Jesús, ichichipan xua painya neyaputaewa tsane xua po coyene poxonae necana exana ichamonae xua jiwi pecũbi botha neeta tayabara cueicueijeixae Jesucristo. Baxua tana necana exanaexae ichamonae jiwi tajũ jume tane Nacom pia pecapanenebiyae diwesi jume tatsi. ¹³ Daxota daxita soldadomonae pomonae xote umene pomonae peyapu eenaewi pepa pentacaponaein pia bo tatsi irũrũ seicayano ichamonaerũ, daxita barapomonae yaputane xua xan jiwi pecũbi botha neeta tapaebi ducuaenaebiyaexae Cristo nexa. ¹⁴ Pin bicheito, pomonae pejume cowũntsiwi Nacom, barapomonae netane xua jiwi pecũbi botha ecan. Daxota barapomonae bichocono ichichipa xua pecueicueijejiwa Nacom Pejume Diwesi. Barapomonae jopa junuwiyo xua cui tsacatsacapiya pecueicueijejiwa Nacom Pejume Diwesi, tsipei bichocono jume cowũntatsi pon jiwi Pecanamataxeinaein.

¹⁵ Ichamonae Cristo yabara cueicueijeichi apara poxoru saya tana neuwixae, tsipei ichichipa xua jiwi baru cui itura jinaena barapomonaetha, beyacaincha xua tana nebaru cui itura jinaewa tsane barapo jiwi. Ichitha jame, ichamonae beta xaniwaicha yabara paebatsi Cristo, pejũntũ coyene xanepanaexae. ¹⁶ Barapomonae baxua exana taneantobexae peyaputaexae xua jiwi pecũbi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonae ichamonae abe yabara paeba barapo diwesi. ¹⁷ Pomonae Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecũbi botha. ¹⁸ Bequein jiwi Cristo xainyeya yabara paebatsi poxoru tana neantobexae, ichacuitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonae ba jiwi Cristo yabara paebatsi, baxua ba jame bichocono nejũntũ coyene weiweina exana.

¹⁹ Yawa equeicha bichocono nejũntũ coyene weiweina exanaponaena, tsipei yaputan xua painta wũcame nawita Nacomtha. Yawa yaputan xua Jesucristo pia Pejumope tũnaxũ tatsi neyawena, pebaxuaxaebe bara Nacom necapanepaena pomonae tana neaitafaetabi jiwi weya. ²⁰ Pocotsiwa xua taichichipaewa yawano pocotsiwa xua tawũnae ewatsiwa, xua bapana jopa tacoutha naacauran tsane tajunuwixae xua tayabara cueicueijejiwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwi beta jume cowũntsina xua poxonae netane xua beta tapoponaewa Cristo nexa. Bapoxonae jiwi Cristo baru cui itura jinaeinchi poxonae necui taena xua beta xanepanaya poponan Cristo nexa. Baxua jiwi exanaena poxonae bequein asũ poponaethan tsane, xua Cristo tatsita poponaewa yawa poxonae bequein tũpaethan tsane xua Jesucristo tayabara cueicueijeixae. ²¹ Jame pocotsiwa netsita xanepana apara xua jiwi Cristo baru cui itura jinatsi, xua Cristo tatsita poponae-waxae. Ichitha icha tũpaein Cristo taein, baxua netsita xanepana bichocono, beyacaincha xua poxonae abũ cataunxuae poponan, tsipei Cristo taein.

²² Awiya cataunxuae poponan daxota neitacupa xua awiya tanacuichiwa pocotsiwa pexanepanae coyenewa pon jiwi Pecanamataxeinaein nexa. Jopa yaputaeinyo xua barapo naxobe coyenewabe jiwana itapetocuaein.

²³ Inta bichocono ayapube xua barapo naxobe coyenewabe jiwana itapetan. Ichacuitha saya betupaein xua tapoponaenexa tsane ichaxota Cristo popona, tsipei baxua jame inta bichocono xanepana. ²⁴ Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi.

²⁵ Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyaenexa Cristo. Matautano yaputan xua bichocono equeicha matowa painya nejanta coyene weiweina tsoponaenexa tsane. ²⁶ Daxota poxona paca siwa ponaeinchi Cristo Jesús wuna pajainchiname xua equeicha tapaca casiwa ponaexatsi tsainchi.

²⁷ Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuitha icha taju ecan, maisa ichichipan xua ichun yabara benetsipaebina xua beta painya nejinompaewa. Bejume taein xua xanepanaya beta ajuntayarusya pajume cowanta dubenanaebiyame Nacom. Matautano bejume taein xua caemonae peburaya jume daunweya pana nabaru cueicueijam painya nejume cowantsiwa Cristo. ²⁸ Jopa pajunuwinde poxona imoxoyo abe paca exaneiba painya nepaca caaitafaetabi jiwi. Baxuan barapomona exana be tsita itapeinya xeina xua barapomona weraweracaena xua poxona po mataqueitha poxona Nacom yabara paebina jiwi xua penatsicuentiwa abe peexanaexae xua iru Nacom paca capanenebiyaena barapo mataqueitha. ²⁹ Nacom pexeinya coyene paca cata painya netanacuichinexa Cristo xua poxona pajume cowantame bapon, matautano xua poxona ichamonae paca atene exana poxona ichamonae abe paca yabara paeba painya nejume cowantsixae bapon. ³⁰ Waxainchi bara nanta juraya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxona bayatha pana netaneme xua poxona jume daunweya paeban Nacom Pejume Diwesi, matauta xua poxona bara pana neyabara jume taneme xua awiya cataunxuae exanaponan barapo coyeneya.

2

Meje yabara xua Cristo peacopeibin pia coutha naexana, xua jopa peainya cui jitonyo

¹ Payaputaneme xua Cristo paca janta coyene tsacaba xua beta painya nejinompaenexa. Matautano payaputaneme xua Cristo paca matateica pia painya nepaca caantobexae poxona ichamonae abe pacata exana. Matautano payaputaneme xua Nacom pia Pejumope tana xua tatsi paca baru jinompa. Matautano payaputaneme xua bapon paca antobe. Matautano payaputaneme xua Cristo nantanuweya paca yabara nanta xeina pia paca necayawenaenexa. ² Icha daxita barapo pexainyei coyenein payaputaneme, bichocono pana nejanta coyene weiweina exande. Baxua painta exanaename poxona caemonae jantema pajinompame, xua caemonae nantiya pana naantobem. Matautano baxua painta exanaename poxona xua caemonae nanta juraya pana nabaru nanta xeiname yawano poxona nanta juraya ichipaeya paexaname. ³ Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peabi coyene. Jame maisa painya coutha pana nayabara nanta xeinare xua pomona pecui pawu jiwi pam. Jame maisa sayano ichamonae

pacui yabara nanta xeinare xua pepa peainya cuimonae xua beyacaincha paxam. ⁴ Jopa bewa pananta^utsim painyamona^e jiton pon saya ichichipa nawita xua saya meisa penata exanaewa pexanepanae coyene. Jame bewa muxuna bapon taexanae ichamona^e pocotsiwa xua ichamona^e tsita pex-einya coyenetsi. ⁵ Paxam beta peburaya pananta jupaya nanta xeinare icha Cristo Jesús ichi xua poxona^e beta ba nanta xeina. Bapon bara iche:

⁶ Bapon Cristo peyacuiya jinaein Nacom.

Bapon bequein barapara Nacom, daichitha
bapon jopa pia coutha ichichipaeya
daunweya botsiyo barapo coyenewa xua
peyacuiya jupae jinaein icha Nacom
ichi poxona^e patopeica po cae
pin nacuathe tsique.

⁷ Daichitha barapo coyene naitematsiya cuenta pona.

Bapon Cristo be jiton yacuiya naexana po
cae pin nacuathe tsique xua Nacom amanaya
petanacuichinexatsi xua pia coya peichichipaexae.

⁸ Poxona^e bapon naexana po cae pin nacuathe
tsique bara yatsicaya be jiton coyene.

Bapoxona^e pia coutha nacana exana be pon
peacopeibin xua jopa peainya cui jitonyo.
Bapon exana pocotsiwa Nacom itoroba poxona^e
jejei xua tupa pecana exanaewatsi ichamona^e,
bequein barapo petupaewa bichocono
pin ura exanatsi xua tupa naetotha.

⁹ Daxota Nacom, Cristo bichocono baru cui itura
jinatsi poxona^e Nacom athabe juinya exana xua
Cristo athabe juinya exanatsi.

Matautano Nacom baru cui itura jina,
Cristo baru cui itura jinatsi poxona^e
Nacom bapontha wun^u duta, po wun^u xua jei:
“Pepa Pecanamataxeinaein”, jei.

Barapo wun^utha Jesús copatatsi xua bara
pecanamataxeinaenexa pia peayapusu^u itorobi
coyengewatha daxita carepaya jiwi, matatsunpiwithano.

¹⁰ Nacom barapo wun^u cata xua daxota daxita jiwi
poxona^e jume taena barapo wun^u pentabocotontha
umenaena, xua Jesús wuna^e pejainchinexa tsainchi,
pepa Pecanamataxeinaeinxae itabocopiwi,
iruru^u po irathepiwi, iruru^u pomona^e
jinompa ira bururana wetsina.

¹¹ Daxita barapomona^e Nacom wuna^e
jainchinchi pon Nacom, Waxa, jei tsane:
“Maisa, Nacom paca baru cui itura jinatsi,
tsipei bapon Jesucristo bara yatsicaya
pon pepa Pecanamataxeinaein jiwi”,
jei tsane daxita barapomona^e.

Meje yabara xua ichamona^e, Nacom pejume cowantsiwi beta cui yauptainchi

¹² Tamona^e pam paxam pomona^e bichocono tapaca caantobewichi pam.
Tsipei bayatha pana nejume cowanteibame pocotsiwa paca itorobeibatsi

poxonae paca baru ecatsi, daxota anoxuae nama bichocono pana nejume cowunde beyacaincha xua poxonae imoxoyo paca baru ecatsi bequein taju ecan. Awiya cataunxuae carepaya daxita paxam barompaya paexana dubenanaebiyama pocotsiwa xanepana xua pocotsiwa Nacom ichichipa xua Nacom painya nepaca capanepaexae. Pana najuntu coyene aura exande xua jopa paatsacande. Yawano pana najuntu coyene junuwa exande Nacomtha, abe painya neexanaeyainwa. ¹³ Bapon Nacom paca cana juntu coyene yawena xua painya juntu coyene, jume baru jejei pocotsiwa Nacom paca itoroba. Matautano Nacom paca yawena xua painya neexanaewam pocotsiwa Nacom ichichipa.

¹⁴ Daxita coyenewan poxonae paexaneibame jopa paexanaeinde pocotsiwa anaya painya juntu coyenewatha payabara paebame ichamonae. Matautano jopa payabara najume matsontsonobinde baxua poxonae Nacom pata exaneibame. ¹⁵ Bapoxonae poxonae jiwi paca cui taena, barapo jiwi jopa abeya paca cui yabara paebi tsane xua painya nenatsicuentisiwa xua abe painya neexanaexae. Matautano paca cui taena xua jopa ajuntucoyenebeya pajinompaem. Jame maisa painompare be Nacom piamonae tatsi coyeneya. Matauta jopa abe paexanaeinde xua icha pomonae anoxuae paca baru jinompa pomonae pemuxutorobiwi xua pomonae peantu cuiruyapubewi xua poxonae abe exana dubenanaebiya. Icha paxam beta pajinompame barapomonae peitutha tatsi, bara paca tane xua bara beta pajinompame bequein abe peexanae jiwi nataetha, icha be pocotsi juta coyeneya ichi xua opitei ba poton pentha tsurubena poxonae quirei tsuncuae, bara ba jiwi tane barapo opiteiton bequein quirei tsuncuae taetha. ¹⁶ Daunweya pajume cowanta dubenanaebiyama po diwesi jiwi ajuntu yapusu exanatsi. Daxota poxonae Cristo patopaetsica bichocono paca weyataeinchi tajuntu coyenewatha beta xaniwaichiya painya nejinompaexae Nacom nexa. Bapoxonae yaputaein xua xaniwaicha bara beta paca yawenatsi xua painya nejume cowantsiwam. ¹⁷ Bequein metha jiwi nebexubina xua tapaca cayawenaexaetsi, xua painya nejume cowantsinexa, daichitha awiya juntu coyene weiweinan, iruru paxam paca cayawa juntu coyene weiweinaeinchi. ¹⁸ Daxota paxam bewa pana nebaru juntu coyene weiweinaename, bequein tupaen xua tapaca cayawenaexaetsi xua painya nejume cowantsinexa.

Meje Timoteo yabara iru xua Epafrodito yabara

¹⁹ Icha Jesús pon jiwi Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonae juntu coyene weiweinaein xua poxonae paca yabara jume taeinchi xua netsipaebina Timoteo. ²⁰ Tsipei ichun ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompae coyenewa icha xan ichin xua bichocono paca siwa yabara nanta xeinatsi. ²¹ Ichamonae saya itapetsiya yabara nanta xeineiba barompaya pia peexanae coyenewan. Barapomonae jopa nanta xeinaeyo xua pocotsiwa Jesucristo pia petaexanaewatsi coyenewan tatsi. ²² Paxam pataneme xua Timoteo neyawena xua pecueicueijiwa Nacom Pejume Diwesi, icha be coxiyun ichichi xua poxonae pexanto yawenatsi. ²³ Xua poxonae yaputaein xua ichamonae necana exanaena, bapoxonae beitorobin Timoteo xua pia paca necataenexa. ²⁴ Jume cowantan pon jiwi Pecanamataxeinaein xua necopata xua iru methaunxuae paca siwa ponaeinchi.

²⁵ Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowantsixae Jesús, pon taneyawenaen xua cueicueijan Nacom Pejume Diwesi. Bapon jume daunweya pacuidubanbe poxonae bequein ichamonae abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan. ²⁶ Maisa bichocono bapon bepaca taena daxita paxam. Bapon bichocono juntu coyene wecoyei tsipei pinae paxam payabara nanta xeiname, pinae pajam: “Maisa bichocono Epafrodito nacata atene tsocuae”, pinae pajam. ²⁷ Bara xainyei, bapon bayatha bichocono atene bara muxu petupae. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajuntu coyene wecoyeiwa tsane icha bapon petupaexae tsipae, xua beyacaincha juntu coyene wecoyan poxonae xua copiya, xua poxonae saya atene. ²⁸ Daxota bichocono ichichipan xua bapon nainya pacata itorobinchi. Baroxonae pajuntu coyene weiweinaename xua equeicha painya netaexae tsane bapon. Matautano bapon itorobin xua jopa tapaca yabara juntu coyene wecoyeinexatsi. ²⁹ Moya bara bichocono pantenta juntu coyene weiweinaeya jacobare Epafrodito xua pepatopaexae, pon jiwi Pecanamataxeinaein peitorobixae. Epafrodito beta pabarui cui itura jinare. Bara paichinde ichamonaetha, pabarui cui itura jinare pocotsimonae icha bapon ichi. ³⁰ Bapon bara muxu pebexubichi xua Cristo petanacuichixaetsi. Bapon penapepeichiwatha naexana, inta pewetsinexa pocotsiwa xua jopa paca itacupaeyo xua painta exaname.

3

Meje yabara xua po coyene pepa pejuntu coyene xanepanaewa

¹ Tamonae pam, pomonae iru painya nejume cowantsixae Jesús, pajuntu coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jupa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom. ² Dota pam pomonae peantucoyenebe jiwi yawano xua abe peexanaewi. Matauta dota pam pomonae judiomonae pia cui coyenyatha tatsi paca itoroba xua painya nenawi thabiwam po coyene xua pawithabame pebiwi xua ichaxota nareixacaena. Barapomonae nanta xeina xua icha baxua exanaena Nacom capanenebiya exanaena. ³ Waxainchi xaniwaicha barapomonaetsi pomonae yatsicaewa Nacom watsita juntu coyene xanepanaewichi, tsipei Nacom pia Pejumope tuxaxu tatsi naca yawena xua jume cowantatsi watanacuichinexa Nacom. Matautano wajume cowantsixae Cristo Jesús, daxota bapontha wuxnae jaintatsi pia wanacata exanaexae. Waxainchi jopa nanta xeinaetsi xua poxonae ichamonae naca wi thaba, barapo coyene naca juntu coyene xanepana exana Nacomtha. ⁴ Icha pebiwi itacupaetsipatsi xua jume cowanta xua pia coutha nacapanenebiya, barapoxonae iru xan neitacupaetsipa xua jume cowantan xua tacoutha tanacapanepaewa beyacaincha xua barapo pebiwi. Ichitha pebiwi iru xan, jopa pana neitacupaeyo xua pana nacapanenebiyan pata coutha. ⁵ Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matabitha newi thaba. Matautano xan bara israelmonae pia saineiwi jiwanan. Matautano Benjamín piamonae tatsi jiwanan tsipei pia pemomoxi susato jiwi jiwana-pin tatsin. Matautano yacuiya naexanan xua

hebreo jume tacueicueijejiwa, taxa iru taena hebreo jume pepaebiwixae. Matautano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba. ⁶ Bichocono jume cowuntan pocotsiwan fariseomonaepia pecuidubi coyenewan tatsi. Daxota abe exanan pomonaetha pomonaepia Jesús pejume cowuntsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa juntu coyene xanepanan Nacomtha xua jopa xeinaeinyo tanatsicuentisiwa xua abe taexanae coyenewa. ⁷ Daxita po coyenein xua bayatha inta netsita ainya cui, porucae jopa daichiyo. Anoxuae netsita acoyenebe barapo coyenein, tajume cowuntsinexa Cristo. ⁸ Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wuna bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwí xuba pocotsiwa abe. Po coyenein xua copitha xeinan barapo coyenein pentan tanantauntsinexa Cristo pon Tanecanamataxeinaein. ⁹ Ichichipan xua be caein naexanan Cristotha xua tajuntu coyene Nacom petsita xanepanaenexatsi bapon pia tana necana exanaexae barapo coyene. Barapo coyene necana exana Nacom, jopa poxoruyo xua tajume cowuntsixae Moisés pia peitorobi coyenewa xua daxota tajuntu coyene xanepana Nacomtha. Jame barapo coyene necana exana Nacom xua be caein naexanan Cristotha, poxonaepia jume cowuntan, poxoru Nacom tanecatixae pejuntu coyene xanepanaewa. Barapocotsi coyenewa ba Nacom cata jiwitha pomonaetha pomonaepia pejume cowuntsiwixaetsi. ¹⁰ Pocotsiwa taichichipaewa baraxua xua apara jame tayaputaewa Cristo. Matautano be yaputaepia peayapusu itorobiwa, po peayapusu itorobi coyenewatha Jesús asu exainchi barapo petupae cuiru coyene weya. Bequein ichamonaepia atene neexanaena, icha Cristo ichichi xua poxonaepia atene exanatsi ichamonaepia, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonaepia Jesús tsitupa jiwí, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara jata ichiya ichichipa exanan xua pocotsiwa Nacom ichichipa. ¹¹ Yawano ichichipan xua baxuan exanaein beya poxonaepia Nacom asu neexanaena po mataqueitha Nacom asu exanaena petupae cuiru coyene weya pomonaepia iru pejume cowuntsiwixaetsi.

Meje yabara xua po pentoma Nacom pia wanaca catsiwa, junte ma beta waexanaexae

¹² Jopa paebinyo xua xeinan barapo coyene, po coyeneyatha xua Nacom asu neexana petupae cuiru coyene weya. Matautano jopa paebinyo xua Nacom bayatha xaniwaicha juntu coyene xanepana neexana xua jopa daxota abe taexanaewa. Daichitha awiya yabara nacuichiya exana ducunaebiyana xua taxainaenexa barapo coyenewa tsipei Cristo Jesús copiya neexana be piamonaepia jiton tatsin. ¹³ Tamonaepia pam, pomonaepia iru painya nejume cowuntsixae Jesús, paca tsipaebatsi xua jopa cataunxuae baxua wetsinyo xua tajuntu coyene bara xaniwaicha bayatha nejuntu coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. Junte mainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xeinaein. ¹⁴ Bichocono ajuntuyapusuya exana ducunaebiyana xua pocotsiwa Nacom ichichipa, beya

taxeinaenexa po pentoma pocotsiwa Nacom naca catsina poxona naca wabina pia nacua beicha caemonae wayawa jinompaexae Cristo Jesús.

¹⁵ Daxita waxainchi, pomonaetsi xua bayatha beta yabara yaputae-taepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae ab_u jopa xeinaetsi po j_unt_u coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxona Nacom yabara paca yaputane exanaena baxua. ¹⁶ Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

¹⁷ Tamona pam, pomona ir_u painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxona pomona xua jinompa xua poxona exanapona, icha pocotsi coyeneya paichin poxona paca cuidubatsi. ¹⁸ Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: “Pinmonae jinompa pomona aichaxaibi po diwesi po coyene xua Cristo naetotha tsitapa jiwí”, paca jeichi. ¹⁹ Nacom barapomona weraweraca exanaena. Barapomona saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomona yabara atsaca pocotsi coyene bequein barapomona bewa ita aura tsane baxua. Daichitha barapomona jopa yabara ita auriyo baxua. Saya barapomona yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa. ²⁰ Ichitha nama waxainchi Nacom pia nacua tatsipiwichi. Anoxuae waxainchi ewatatsi xua patopaetsica itaboco wetsica pon jiwí Pecapanenebiyaen, pon jiwí Pecanamataxeinaen, bapon Jesucristo. ²¹ Wapepon, po pepon jopa w_unaetsi, po pepon atene yawa xua t_upaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peit_upanae coicha, xua po pia pepon tatsi jopa ateneyo, yawa xua jopa t_upaeyo. Baxuan Cristo nacata exanaena pia peayap_u itorobi coyenewatha, po peayap_u itorobi coyenewatha itac_upatsi xua daxita pecanamataxeinaewa.

4

Meje yabara xua Pablo jei: “Ataya paj_unt_u coyene weiweineibare pon jiwí Pecanamataxeinaen_u”, jei

¹ Tamona pam, pomona ir_u painya nejume cowantsixae Cristo Jesús, paxam pomona bichocono tapaca caantobewichi pam. Bichocono ichichipan xua tapaca cataewa tsainchi. Paxam pomona bichocono pana nej_unt_u coyene weiweina exaname. Matautano paxam pomona Nacom necata painya nejume cowantsinexa Jesth_u xua be tana nematomatsiwa, xua neyaputane exana xua bara exanan pocotsiwa xanepana poxona tanacuitan bapon. Tamona pam, paxam pomona tapaca caantobewichi pam. Awiya beta pajume cowanta dubenanaebiyama pon jiwí Pecanamataxeinaen.

² Itoroban powa pew_un Evodia, ichawayono xua powa pew_un Síntique xua barapowayobe equeicha penaita coxonaenexabe xua be yatsicaewa caemonae jitowayo penaexanaenexabe pon jiwí Pecanamataxeinaen piamonae jitowayobexae tatsi. ³ Xam ponxaem yatsicaewa tanebar_u nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxona cueicueijan Nacom

pia pecapanenebiyae diwesi. Barapoxonae barapowayobe, iru Clemente iru ichamonaeno daxita barapomonae daunweya nebaru nacuita. Daxita barapomonae wun dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajuntayapusawa poxonae wun dubeiba barapo diborotha, xua Nacom pia diboro tatsi.

⁴ Paca jeichi: “Ataya patsita juntu coyene weiweineibare pon jiwi Pecanamataxeinaein”, paca jeichi. Equeicha paca jeichi: “Ataya patsita juntu coyene weiweineibare”, paca jeichi. ⁵ Barabu beta pajinompaname xua daxita jiwi painya pia paca yabara yaputaenexa xua bara paxam pomonae pejuntu coyene xanepanaewi pam, tsipei imoxoyo patopaetsica pon jiwi Pecanamataxeinaein.

⁶ Jopa payabara nanta xeinaeinde nawita pocotsiwa ba paca juntu dei-deije exana. Jame maisa Nacom patsipaebeibare daxita coyenein yabara. Nacom yabara pawaqueibare daxita coyenein. Matautano payabara jacobebare Nacom poxonae pocotsiwan paca catsibeiba pocotsiwan xua panantawenoname. ⁷ Barapoxonae Nacom paca juntu coyene jantemiya jinompa exanaena. Barapo jantemiya jinompa coyenewa jiwi ba jopa yabara yaputaeyo, tsipei bichocono pexeinya coyenewa. Barapo jantemiya jinompa coyenewa paca juntu coyene eenaena. Matautano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

Meje yabara poxonae Pablo jei: “Payabara nanta xeinare daxitan pocotsiwan xua wunae”, jei

⁸ Tamonae pam, pomonae iru painya nejume cowuntsixae Jesús, paca tsipaebatsi nama anoxuae pocotsiwa xua tabu ducua paca tsipaebatsi pocotsiwa xua nama wetan. Payabara nanta xeinare daxitan meje xuaje po coyenein: po coyenein xua pexainyeiwan, matautano po coyenein xua jiwi yabara nanta xeina xua pexanepanaewan, matautano po coyenein xua xaniwaichiya pecana exanaewan, matautano po coyenein xua Nacom petsita exanaewatsi pexeinya juntu coyenein, matautano xua po coyenein pexeinya peitupanae coyenewan, matautano po coyenein xua jiwi peyabara baru cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wunae jainchina xua barapo coyenein pexanepanaexae.

⁹ Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde bapoxonae Nacom pon peyawa jinaein jantema pepoponae juntu coyenewa, bara bapon paca yawa poponaena.

Meje yabara paratixi po paratixi jiwi cata Pablo nexa

¹⁰ Tsita juntu coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacupaeyo xua tapana neyawenaenexam. ¹¹ Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua jantema tapoponaewa pocotsiwa xua xeinan bequein inta acoibi ichawa. ¹² Yaputan xua beta poponan poxonae bequein be pon taacopeibin. Matautano yaputan xua beta poponan poxonae nawita taxeiaein. Bayatha nacuiduban xua jantema tapoponae coyenewanexa tsane bequein tonsanan, yawano bequein ichacuitha jainpeiban. Nacuiduban xua jantema

tapoponae coyenewanexa tsane bara bequein xeineiban beyacaincha pocotsiwa tanantawenonaewa, yawano ichacuitha bequein inta aibi pocotsiwa xua tanantawenonaewa. ¹³ Neitac̣pa xua daxita taexanaewa tsipei Cristo necata pia peanṭyapusuwa. ¹⁴ Daichitha paxam bichocono ẉnae painta exaname poxonae pana neyawenname tapana nesiwamxae poxonae ichamonae jopa xanepanaya necana exanaeyo.

¹⁵ Paxam Filipos tomarapiwi pam, payaputaneme poxonae copiya tamropata pitaban xua cueicueijan Nacom Pejume Diwesi, barapoxonae meisa paxam paratixi pana necataponame poxonae Macedonia nacua weya ponan. Icha tomarapiwi pomonae pejume coẉntsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebinexam po coyene xua tapaca cayawenaewatsi painya nejume coẉntsiwanexa Nacom. ¹⁶ Poxonae cataunxuae Tesalónica tomaratha poponan, paxam painta itorobame paratixi. Bapoxonae equeicha cotacaya painta itorobame icha paratixi xua tacana nantawenonaenexa. ¹⁷ Paca tsipaebatsi baxua jopa poxoruyo xua saya taichichipaexae equeicha xua tapanecatsiwam tsane icha paratixi. Jame apara poxoru ichichipan xua paxam bexa paxeinaenname po pentoma xua Nacom paca catsina tapana neyawenaemxae. ¹⁸ Bayatha matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonae bichocono ichichipa po petuxusi tuxueiwa jiwi tuxusi exana Nacom nexa, yawa xua poxonae po duwei petautsiwa xua tuxusi exana Nacom nexa. Barapo pecana exanae coyenewabe Nacom tsita coyene xanepanatsi, yawa j̣nṭu coyene weiweina exanatsi. ¹⁹ Tanacom daxita paca catsina pocotsiwa xua panantawenoname, tsipei bapon bichocono copei pexeinaein pocotsiwa xua bichocono peiṭpanaewa. Paca catsina baxua painya neyawa jinompaexae Cristo Jesús. ²⁰ ¡Baraḅu jiwi, Nacom pon Waxa, ataya ẉnae jainchinchí! Je, bara ichi tsane.

Meje yabara xua Pablo najume weta barapo carte

²¹ Painta jacobare pomonae baxotiya jinompa pomonae Jesucristo pejume coẉntsiwichi pomonae yatsicaewa Nacom piamonae tatsi. Iṛu pomonae nebaṛu jinompa xote pomonae xua iṛu pejume coẉntsiwichi Cristo Jesús, barapomonae paca jacoba. ²² Iṛuṛu daxita pomonae Jesús pejume coẉntsiwichi pomonae yatsicaewa Nacom piamonae tatsi, pomonae po tomarathepiwi, barapomonae paca jacobaṛu. Iṛuṛu paca jacoba pomonae romanomonae itorobiya pia pepa peewatsinchi pia botha tatsi tanacuitatsi. Barapomonae bichocono paca jacoba, beyacaincha ichamonae poxonae paca jacoba.

²³ Baraḅu Jesucristo, pon Wanacanamateixeinaein, daxita paxam paca j̣nṭu coyene yawenaena pia paca necaantobexae.

Baja Pablo.

Meje Po Carte Pablo Tatina, Colosas Tomarapiwi Tatinatsi

Meje yabara poxonae Pablo tamropata pitaba xua tatina pomona Colosas tomarapiwi tatinatsi

¹ Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, paca jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipae-waxae. ² Barapo carte pacata tinatsi pomona painya neenaewi Colosas tomaratha, pomona Cristo pajume cowuntame, iru pomonaeno yatsicaewa xanepanaya Cristo peitabaratha painya nejinompaewino. Barabu Nacom pon Waxa, paca yawenaena pia paca necaantobexae, yawano juntema jinompa paca exanaena.

Meje yabara poxonae Pablo Nacomtha tawuca pomona Jesús pejume cowuntsiwi

³ Poxona Timoteo panbe pacata wuqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacom maisa pajuntu coyene weiweinanbe xua barapomona necajume cowuntsixae”, pajan tsaibinbe. ⁴ Baxua papaebeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramona Cristo Jesús jume cowunta, —jei— yawa antobe ichamonaeno pomona pejume cowuntsiwi Jesucristo”, jei Epafras. ⁵ Paantobem ichamona, pomona pejume cowuntsiwi Jesús, yawa xua pajume cowunta dubenanaebiyame. Baxua paexaname tsipei payaputaneme xua bexa tsane Nacom paca catsina xua pia nacuatheicha xeina, xua peantuyparusawa po peantuyparusawa jopa weraweracaeyo. Caena bayatha yabara paca tsiwunaeya muxu duta poxona Nacom Pejume Diwesi pajume taneme. Baxua anoxuae cataunxuae paewatame. ⁶ Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jiwifoforotapoinchi xua jume cocowantapona, daxita carepaya tomarantha barapo cae pin nacuathe. Icha paxam paichim bayatha, barapo diwesi paca foforotapona xua pajume cocowantaponame poxona aena pajume taneme barapo diwesi. Barichi payaputanemeno xua Nacom paca necaantobewa xua awiya cataunxuae paexanaponame. ⁷ Barapo Nacom pia pecapanenebiyae diwesi xaniwaicha caena bayatha Epafras paca tsipaeba. Bapon Epafras paantobein. Bapon Epafras xaniwaicha Cristo yabara cueicueijeichi. Bapon baxua painta exanapona xua pana yawenapona xua Timoteo panbe pata ecaexaebe jiwipecubi botha. ⁸ Epafras xote patopa. Bapon Epafras Timoteobe, pana netsipaebabe xua pinae paxam paantobem daxita pomona Jesús pejume cowuntsiwi Nacom pia Pejumope tuxaxu tatsi painya nepaca yawenaexae.

⁹ Bara caena poxona aena, poxona pajume tanbe xua pinae Jesucristo pajume cowuntame, pomona Colosas tomarapiwi pam, Nacomtha pacata wuqueibatsi. Jopa seica paexaneibinyobe xua pacata wuqueibatsi Nacomtha, pajan tsaibinbe: “Nacom, yawende Colosas tomarapiwi yabara neyaputae exanaenexa xua peexanaewa tsane pocotsiwa ichichipame.

Yawa care barapomonaē daxita peyaputae coyenewan po coyenewan neju-mope t̄nax̄ cata jiwitha”, pajan tsaibinbe Nacomtha. ¹⁰ Icha paxam paya-putaneme po coyene xua pocotsiwa Nacom ichichipa pon jiwi Pecanamataxeinaein xua pocotsiwa painya neexanaewa, bapoxonae beta pajijinaponae-name Nacom pia paca necayawenaenexa. Bara be Nacom pia pexui pana natsicotaneme tsipei baxua Nacom unth̄th̄ jopa xua unth̄th̄ weiweina. Jiwi pafoforotaponame xua Jesucristo jume cocow̄ntapoinchi. Daxota baxua Nacom unth̄th̄ jopa xua unth̄th̄ weiweina. Paca anth̄th̄yapusu exana. Matautano yabara paca yaputane exana xua painya neexanaewa tsane pocotsiwa Nacom ichichipa. ¹¹ Timoteo ir̄ xanno Nacomtha patsi-paebeibanbe xua Nacom pia paca catsinexa tsane pia peit̄panaewa xua peayapusuwa, icha Nacom ichi xua xeina barapo peit̄panaewa xua peayapusuwa. Barapo peayapusuwa paca yawena xua pajumefebame xua poxonae ichamonae paca itoroba xua abe painya neexanaewa. Yawa paca yawena xua j̄nt̄ coyene weiweinaya paexaname xua jopa paaitaconaem, xua poxonae bequein ichamonae abe pacata exana. ¹² Poxonae Nacom pat-sipaebame, j̄nt̄ coyene weiweinaya pajacobare tsipei bapon Nacom paca yabara j̄nt̄emaina abe painya neexanae cuiru coyenein. Bapoxonae Nacom tsita xanepanatsi painya j̄nt̄ coyenein barompaya painyawan painya nex-einaenexa pocotsiwa Nacom paca j̄nt̄ana jeba pia nacuatheicha xua painya nejume cow̄ntsixae bapon. Paca catsibina poxonae paxam bara xoteicha papatsiname. ¹³ Waxa, Nacom, wanaca capanepaexae Satanás pia peayapusu itorobi coyene weya tatsi, daxota anoxuae cauri pia pentacaponaein tatsi jopa equeicha cana exanaetsi xua wanaca canamataxeinaewa tsane. Aparajame Nacom yatsicaewa naca cana exana xua bapon piamonae tatsi naexainchi pomonaexaetsi xua Pexanto tatsi pon Jesús itorobiya naca ewata, po Pexantoxae bichocono antobe. ¹⁴ Nacom Pexanto tatsi naca capanepa, naetotha wanaca tsit̄paexae. Daxota daxita abe waexanae cuiru coyenein Nacom naca cayabara j̄nt̄emaina.

Meje yabara xua waxainchi pomonaetsi j̄nt̄ema jinompatsi Cristo wanaca tsit̄paexae naetotha

¹⁵ Nacom bapon peinya pepoponaein, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonae aena bapon Jesucristo popona xua pew̄naeya poxonae Nacom daxita forota barapo cae pin nacuathe. ¹⁶ Nacom daxita forota barapo cae pin nacuathe poxonae Jesucristo saya paxa taexana. Yawa daxita forota itabocotha. Matautano forotano xua jopa penatsita itapeinya xeinaewa, xuano xua penatsita itapeinya xeinaewa. Nacom exana daxita peitorobi coyenewan xua pomonae pentacaponaei nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxota daxita forota yawa bapon nata exana. ¹⁷ Caena bayatha bapon Cristo ataya popona poxonae cataunxuae jopa bapon foforotaponaeyo daxita. Cristo canamataxeina daxita daxota naca xanepanaya w̄naeya ducua. ¹⁸ Daxita pomonae Cristo jume cow̄nta be caein naexana. Bapon Cristo barapomonaē pia Pecanamataxeinaeinchi tatsi. Baxua caunuta xua Cristo canamataxeina barapomonaetha pomonae pia pejume cow̄ntsiwixaetsi. Bapon Cristo ant̄jumopeyapusu exana pomonae pejume cow̄ntsiwichi. Bapon Jesucristo copiya as̄ nanta canaexanatsi pet̄paewatha. Daxota bapon canamata exanatsi xua canamataxeina daxita coyenein. ¹⁹ Nacom, Waxa, unth̄th̄ weiweina bichocono

poxonae Pexanto cui tane xua cui jupatsi Pexanto tsipei daxita xeina icha bapon ichi xua daxita xeina. ²⁰ Daxita pomonae jinompa po cae pin nacuathe ita coxanatsi Nacomtha. Iruru pomonae jinompa athabeicha ita coxanatsi Nacomtha. Daxota Nacom Pexanto itoroba xua petsitupaenexa naetotha pomonae po cae pin nacuathepiwi, iruru pomonae athabeicha jinompa nexa, xua bapoxonae Nacom peita coxonaewa tsainchi yawa petsita najuntu coyene xanepana exanaewa tsainchi.

²¹ Paxam copiya Nacom jopa paita coxonaem, be pomonae penanapaincha jinompaewi patsita naexaname Nacomtha. Yawa Nacom pia peitafaetabi jiwichi pam, abe painya neexanae dubenanaebiyaexae painya juntu coyenewatha. ²² Ichitha nama anoxuae payaputaneme xua Cristo bayatha tupa naetotha xua poxonae bara jiton cuiru coyeneya. Daxota anoxuae Cristo paca cana exana xua Nacom paita coxoname pomonae pam pomonae copiya Nacom pia peitafaetabi jiwichi pam. Poxonae Cristo tupa pia paca exanaenexa pomonae pam pomonae Nacom peitatha tatsi penthathu cui xanepanae jiwi pam. Matauta paca cana exana xua ichamonae painya jopa nepaca yabara paebiwa xua abe painya neexanaewa. ²³ Cristo paca exana xua xanepanaya painya nejinompaewa tsane Nacom peitabaratha. Baxua paca cana exana icha beta pajume cowanta dubenanaebiyaename Nacom pia pexeinya pecapanenebiyae diwesi jume. Yawa jopa papentsinde xua paewatame xua pinae Nacom paca catsibapaeba, xua bayatha pajume taneme. Nacom paca catsina pocotsiwa pia nacia beicha xeina xua peantuyapusawa xua jopa weraweracaeyo xua caena bayatha yabara paca tsiwinae muxu duta Nacom. Barapo pexeinya pecapanenebiyae diwesi bayatha Jesucristo pia pejume cowantsiwi tatsi cueicueijeji xua daxita nacuan yajupaya. Iru xan, Pablon, paebaponandu barapo diwesi.

Meje yabara poxonae Pablo Nacom Pejume Diwesi tsipaeba pomonaetha pomonae Jesucristo pejume cowantsiwichi

²⁴ Xan, Pablon, anoxuae juntema weiweinaya poponan bequein neperaxa exana paxam nexa. Icha Cristo ichi poxonae peraxa exanatsi jiwi nexa, barichin xan neperaxa eexanaponaena paxam nexa pomonae Cristo pijimonae pamxaem. Atenein beya poxonae wetsin pocotsi coyene cuiru Cristo bewa ajuntucoyenetane tsoponae tsane pomonae pia pejume cowantsiwichinexa. Bapoxonae Cristo pia coutha paebina xua xan equeicha jopa atenein tsane. ²⁵ Xan, Pablon, Nacom Pejume Diwesi tacueicueijeji jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi. ²⁶ Barapo diwesi caena bayatha Nacom moya yawun xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowantsi jiwixaetsi. ²⁷ Barapo pexeinya jume diwesi Nacom caena bayatha moya yawun xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomonae naexanaeyo. Barapo Nacom moya peyawun xeinaewa xua apara Cristo paca yanaba. Daxota paewatame xua bexa Cristo paca catsina, xua caena bayatha yabara paca tsiwinae muxu duta Nacom.

²⁸ Daxota pacueicueijan barapo diwesi po diwesi xua Cristo yabara. Daxita jiwi pamuxu jan. Daxita jiwi pacuiduban Nacom pia peyaputae coyenetha tatsi, tsipei paichichipan xua Nacomtha xaniwaicha yajuntu coyene xanepanaya patsina xua be caemonae penaexanaewa tsane

Cristotha. ²⁹ Daxota daunweya nacuitan Cristo tana necatsixae pia peayapusawa xua bichocono ayapusu tacueicueijeinexa tsane Nacom Pejume Diwesi poxonae barapomonae tsipaeban. Barapo peayapusawa jiwu tsita itatan poxonae daunweya nacuitan.

2

¹ Baxua paca tsipaebatsi pomonae painya nejume cowantsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata wuwucaponeibatsi Nacomtha. Iruno pomonae Jesucristo jume cowanta, pomonae jinompa Laodicea tomaratha, barapomonae iru tawucan. Iruru daxita ichamonae pomonae jopa netaeyo, tawucan. ² Antuyapusuya Nacomtha pacata wucatsi, xua painya nepaca cajuntu coyene tsacarabi exanaenexa xua juntema painya nejinompaenexa xua caemonae nantiya painya nenaantobenexa. Matautano pacata wucatsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yawun xeina po coyene xua Cristo yabara. ³ Cristo pon peyaputaein, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, bu jame wuca. ⁴ Baxua paca muxu jeichi, tsipei jopa ichipaeinyo xua ichamonae paca cui caranababa xua naerabiya paca muxujainyaba po jumeintha xua naemata beta paeba. ⁵ Paca yabara cananta xeineibatsi, be natsicotan xua be paca baru popoinchi bequein taju ecan. Juntu coyene weiweinan xanepanaya jume cowantsiya painya nejinompaexae Cristo, yawa juntu coyene weiweinanno xua painya nenacui xainwaetsiya jinompaexae Cristotha.

Meje yabara xua jiwu pena juntu coyene xeina Cristotha

⁶ Mexeya poxoru painya neyabara jume cowantsixae xua pinae Jesucristo pon painya Nepacacanamataxeinaein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha. ⁷ Paitacoxonaya yaputaeponde Cristo painya pewunaein jiton. Matowa yabara pana nacuidudubaponde Cristo pocotsiwa bayatha exana. Matowa paexande xua pocotsiwa bapon paca itoroba. Mataropeicha payaputaeponde xua pexainyeiwa jume, icha matha ichi xua ichun paca cuiduba poxonae pajume cowantame Jesucristo. Yawa matowa pajande: "Nacom, maisa pajuntu coyene weiweinan xua painta exaname", pajan tsaibinde.

⁸ Dota pam tsipei jopa ichipaeinyo xua ichamonae paca cui caranababa xua naerabiya paca muxujainyaba xua painya neexanaewa tsane xua naemata beta paeba. Pomonae xua paca cuiduba pia peitorobi coyenein, baraxua apara jopa Cristo pia peitorobi coyenewa tatsi. Apara saya pon pepawi, bapon pia peitorobi coyenein tatsi, apara saya nacia pia peitorobi coyenein tatsi.

⁹ Nacom Pexanto cana nayawa exana xua Cristo xeina daxita i dapo coyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi. ¹⁰ Apara Cristo piamonae tatsi pam. Cristo, bapon compa yatsicaya Pecanamataxeinaein cana exanatsi xua daxita canamataxeinatsi pomonae itabocotha peitorobiwi pia peayapusuwatha. Poxonae Cristo panantauteame, jopa ichauyo pacata seicaeyo xua paxename xua pocotsiwa Cristo juntema popona paca exana.

¹¹ Paxam anoxuae icha juntu coyene paxename Cristo painya nejume cowantsixaemxae, yawano poxoru painya nenantu cui barapentsixaemxae xua abe paexaname. Icha judiomonae ichi xua nawu thaba ichaxota pebiwi

nareixacaena bapana baxua jopa paca juntu coyene capanepae abe painya neexanae cuiru coyenein weya. Jame xua Jesucristo naetotha tupa, baxua jame paca nthuthu coyene capanepa abe painya neexanae cuiru coyenein weya. ¹² Poxonae ichun paca bautisaba, be paca muthutha penta, icha Cristo ichichi poxonae muthutha xotsi. Bara paca juta ichi. Yawa poxonae xua pamatawname be equeicha asu pajinompame, icha Cristo ichichi poxonae Nacom asu exana Pexanto poxonae equeicha itowan popona. Bara paca juta ichi painya nejume cowantsixae Nacom. ¹³ Caena bayatha paxam jopa paichichipaem xua painya neexanaewa pocotsiwa Nacom paca itoroba poxoru saya abe painya neexanae jiwi pam. Daxota Nacom be pomonae pewerapae jiwi patsita jinompame. Saya u abe peexanae cuiru coyenein painya nenanta xeina dubenanaebiyaexaemxae, poxoru saya abe painya neexanaewi. Baxua paexaname poxoru barapo peabewa paca itata cado-piteiba xua abe painya neexanaewa tsaibi tsane. Jopa Nacom pajeichim poxoru paxam barapocotsimonae pam, pomonae jopa judiomonae naexanaeyo pam po judiomonae nawi thaba ichaxota pebiwi nareixacaena, Nacom paca exana xua anthuthucoyenesuya painya nejinompaewa xua Cristo painya neyawa jinompaewa. Bapon Nacom nacata jantemaina xua daxita abe waexanae cuiru coyenein. ¹⁴ Nacom jopa naca yabara paebiyo xua abe exainchi poxonae bara bequein jopa exanaetsi po peitorobi coyenein judiomonae exana xuano xua naca cui itoroba xua po peitorobi coyenein bequein Nacom itoroba. Daxota Nacom jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cuiru coyenein weya. ¹⁵ Poxonae Cristo naetotha tupa, Cristo pecui pawu cana exana po pentacaponawu xua abe peexanaewu xua barapomonae peamanayabixaetsi. Daxota barapomonae jopa xeinaeyo peitorobi coyene xua peayapusu coyene. Pin bicheito itabaratha Cristo aura exana pentacaponawu. Anoxuae Cristo pentacaponaein exanatsi xua daxita barapo jiwi pecanamataxeinaenexatsi.

Meje yabara xua jei: "Itapeta payabara nanta xeinare xua pocotsiwa Nacom jantana jeba jiwi, pia nacuatheicha", jei

¹⁶ Daxota dapon ajibi pon itacupatsi xua painya nepaca yabara paebiwa xua abe painya neexanaewa xua pocotsiwa painya nexaexae, xuano xua pocotsiwa painya neapaexae. Matautano bapon jopa itacupaetsi xua painya nepaca yabara paebiwa xua abe painya neexanaewa po mat-acabitha poxonae jiwi tsinacaetuta pin pexaewa xua penabanaewa tsane, matautano xua paexaname po mataqueitha poxonae jomocoichato aena equeica, matautano po matacabintha poxonae pentaquei seicae matacabin poxonae jiwi jopa nacuichiyo. ¹⁷ Caena bayatha barapo peitorobi coyenein judiomonae cuidubatsi Nacom, xua saya u pejume. Barapo jumeintha judiomonae cuidubatsi Nacom, xua yabara yaputane peexanaenexa tsainchi pocotsiwa bexa Cristo exanaena. Aparay bayatha Cristo patopeica. Icha paxam paichichipame xua painya nenaexanaewa tsane Nacom piamonae tatsi bewa paexanaem pocotsiwa Cristo paca itoroba. ¹⁸ Jopa pacopatsinde xua ichamonae paca yabara paeba xua pana natsiaenae cuentame xua jopa painya neexanaexae icha barapomonae ichi. Barapomonae paca aeba poxoru tane petsita itubi coyenewan po coyenewan xua ichamonae jopa taeyo. Barapomonae paca itoroba xua pepawu jiwi painya nenaexanaewa tsane painya coutha icha barapomonae ichi xua bequein jumexaeya paeba xua

pinae pecui pawu jiwi. Matautano barapomonaē paca itoroba xua matatsun-piwi wūnae painya nejainchiwa tsane icha bapomonaē ichi. ¹⁹ Barapomonaē jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matautano bapon caemonaē naca cana exana bapontha wajume cowantsixae. Nacom naca cana exana xua beta wajume cocowantaponaewa, icha be pocotsi coyeneya xua pejume diwesitha paeba, icha poxonaē jiwi ichi xua poxonaē pia pexui wihatapona pexaewa peapat-sixae.

²⁰ Tsipei Cristo bayatha paca cayawa tupa. ¿Eta xua came awiya payabara nanta xeiname? Poxonaē Cristo tupa bapon paca cana exana xua pana nacapanenebiyam abe painya neexanaē cuiru coyenein weya. Matautano paca capanenebiya exana po peitorobi coyene weya xua jiwi exana pia nacapanenebiyaetsi. Poxonaē baxua paca cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa paca capanepaeyo abe painya neexanaē cuiru coyenein weya. Apra saya jame Cristo paca capanepa, naetotha petupaexae. ²¹ Judiomonaē ainya peitorobi coyenewan xeina xua pia peitorobi coyenewanxae pocotsiwa be iche: “Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde”, jei.

²² Barapocotsi coyenein po coyenein xua jopa bewa pinae paexanaem tsane barapo coyenein, bapana jopa paca yawenaē xua beta painya neexanaewa pocotsiwa Cristo paca itoroba. Barapocotsiwa jopa pajume naitaewatsinde, poxoru barapo pecuidubi coyenein apra pia peitorobi coyenein tatsi pomonaē saya jiwi. Apra barapo peitorobi coyenewan saya nainya weraweraca icha pexaewa ichi xua nainya weraweraca poxonaē jiwi xane. ²³ Paxam pananta xeiname xua barapo peitorobi coyenewa xeina peantuyapusuwa poxoru be paca exana xua xanepanaya pajinompame, yawa be paca exana xua Nacom wūnae pajaintame. Barapomonaē judiomonaē pia abe exaneibi pia coutha naperaxa exaneiba pia jūntemainaetsi xua abe exana. Ichitha awiya yabara nanta xeina pocotsiwa abe exana poxoru barapo peabewa ita cui dopitatsi xua baxua peexanaewa tsane. Barapomonaē saya u pepaebeibi, ichitha cataunxuae jopa xanepanaya jinompaeyo.

3

¹ Tsipei Cristo bayatha paca cayawa asu, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxa pecoxa weya eca bapon. ² Saya panaitomtsiya nanta xeinare Jesucristo pia peitorobi coyenewan tatsi. Jopa payabara nanta xeinaeinde xua copei pexeinaē coyenein pocotsiwa barapo cae pin nacuathe xeina. ³ Tsipei bayatha paxam paca cayawa tupa Cristo, daxota jopa paexanaeinde pocotsiwa barapo cae pin nacuathe xeina. Painya neantujumopeyapusuwan jiwi jopa taeyo tsipei Nacom Cristo paca cayawa itacafetsiya xeina pia nacuatheicha. Mexeya poxoru Cristo peyawa poponaexae Nacom, daxota waxainchi poxonaē yawa jinompatsi Cristo barapara iruru yawa jinompatsi Nacom. Baxua jiwi jopa paca cui yaputaeyo. ⁴ Bapon Cristo naca jumope antujumopeyapusu exana. Poxonaē Cristo equeicha patopaetsica paca cayawa baru naitatsina jiwitha pexeinya peitupanae coichatha.

Meje yabara xua peru jūntu coyene, xuano xua pena jūntu coyene

⁵ Po coyenein xua jiwi exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxona paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonae xeina. B̄ bichocono pacui yabara nanta xeiname beyacaincha xua poxona paacui yabara nanta xeiname Nacom. Baxua icha be poxona paichim poxonae ibo nacom paantobem beyacaincha xua Nacom paantobem. ⁶ Pomona xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poxoru barapomona saya jumefeba nawita pocotsiwa Nacom itoroba. ⁷ Icha barapomonae ichi, xua abe exana, paxam bara paichim caena bayatha barapocotsiwa paexaname poxona jopa cataunxuae Jesucristo pajume cow̄ntsim. ⁸ Ichitha anoxuae daxita pana cui barapende xua daxita peabe coyenein: xua peanaepanae coyenewan, xua juniya pejei coyenewan, xua jopa xanepanaya peexanae coyenein, xua saya abeya peyabara cueicuei-jeiwa coyenewan, xua peȳȳjeiwa coyenewan. ⁹ Jopa caemonae nantiya pana namuxuitorobeibinde, anoxuae pena j̄nt̄ coyenein painya nex-einaexae tsipei peru j̄nt̄ coyenein bayatha papentame. Tsipei barapo peru j̄nt̄ coyenein jiwi ba ajumebeya cui itorobatsi xua abe exana. ¹⁰ Tsipei anoxuae pena j̄nt̄ coyenein paxeiname tsipei Nacom exana barapo pena j̄nt̄ coyenein. Barapo pena j̄nt̄ coyenein paca ita coxone exanapona Nacomtha. ¹¹ Poxonae jiwi pena j̄nt̄ coyenein xeina pejume cow̄ntsixae, bapoxona Nacom tsita naj̄patsi, metha bara bequein griegomonaepin tsipae, ir̄ metha bequein judiomonaepin tsipae, ir̄ metha bequein pon xua pewi thabinchi tsipae xua ichaxota pebiwi nareixacaena, ir̄ metha bequein pon jopa pewi thabinchi tsipae xua ichaxota pebiwi nareixacaena, ir̄ metha bequein pon penanapaincha poponaepin tsipae, ir̄ metha bequein pon unupin tsipae, ir̄ metha bequein pon pebusi cui taetaeinchi tsipae, ir̄ metha bequein pon pepu copatinchi tsipae xua bara piawa penata exanaewa tsane. Aparajame meisa bapon Cristo ainya cui peexanaeinchi. Matātano Cristo bar̄ popona pomona peantobewixaetsi.

¹² Nacom paca itapeta xua piamona tatsi pia paca necaexanaenexa pia paca necaantobexae. Daxota nantanuweya pacui yabara cananta xeinare ichamonae xua painya neyawenaewa tsane. Yawa betiya payawende ichamonae. Yawa jopa ichamonae patsita atsacande xua icha coyene painya neexanaenexa. Yawa jopa paaebinde ichamonae. Yawa jopa paaitaconae tsaibinde poxona bequein ichamonae abe pacata exaneiba. ¹³ Nantiya pana natsita xeinare po j̄nt̄ coyene xua jopa painya neaitaconaewa xua poxona bequein ichamonae abe pacata exana. Pacui yabara j̄nt̄mainare poxonae ichamonae pacata abe exana, icha Cristo ichi pon jiwi Pecanamataxeinaein exanatsi xua daxita paca cui yabara j̄nt̄maina xua abe paexaname. Barapaichinde pana nacui yabara j̄nt̄mainare daxita pocotsiwa abe pana nata exaname. ¹⁴ Barapo coyenein paexande, yawa mataropeichiya paexandeno xua bichocono nantiya pana naantobeinde. Poxona baxua paexanaename xua painya nenaantobewam, bapoxona xaniwaicha paexaname pocotsiwa bayatha paca itorobatsi xua bewa paexanaem icha paxeiname pexanepanae cui un̄th̄un̄. Ichitha poxoru painya nenaantobexae daxota bapo coyenein paexaname. ¹⁵ Saya pacopare xua bara Cristo painya j̄nt̄ coyeneintha pacata itorobina j̄nt̄ema pia pepoponaewa tatsi xua daxota j̄nt̄ema painya nejinompaewa tsane. Tsipei Nacom paca necajainchixae: “Caemonae painya nenaexanaewi pam”, paca necajainchixae. Paxeinare po coyene

xua pajam tsaibi: “Nacom, maisa pajuntũ coyene weiweinan xua painta exaname”, xua po coyene pajam tsaibi.

¹⁶ Po diwesi Cristo paca tsipaeba xua yawa paca itoroba, moya paexaneibare. Icha Cristo ichi xua paca cuiduba pejume diwesitha, barichi xuya ichamonae pacuidudubaponde. Matautano nantiya pana nacui tsacarabare xua xanepanaya painya nejinompaewa tsane xua poxonae pajume taneme Cristo pejume diwesi. Nacom patanaxũnare daxita weixi. Juntũ coyene weiweinaya patsita naxũnare Nacom. ¹⁷ Pocotsiwa paichichipame xua painya nepaebiwa tsane, moya papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane, moya paexande xua pocotsi peexanaewa ichichipa Jesús pon jiwi Pecanamataxeinaexae. Bapontha pajande: “Jesús inta Axatha jande: ‘Maisa juntũ coyene weiweinan xua bapon yawename’, inta, jande”, pajande Jesustha.

Meje yabara xua pocotsiwa bewa exanae pomonae Jesucristo pejume cowũntsiwi

¹⁸ Yabuxi pamxaem paca tsipaebatsi. Pajume taema. Painya seuriwi pajume jejan tsaibinde xua paca itorobeiba. Baxua paexaneibare tsipei pejume cowũntsi jiwi pam Jesús pon jiwi Pecanamataxeinaein. ¹⁹ Pebiwi pamxaem paca tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa pajan tsaibinde.

²⁰ Pexui pamxaem paca tsipaebatsi. Painya axa jiwi xua irũ painya ena jiwi beta pajume naitaewateibiya exaneibare pocotsiwa paca itorobeiba tsipei baxua Jesús pon jiwi Pecanamataxeinaein tsita ita cui xanepanatsi.

²¹ Coxiyei jiwi pam, xua saya pebiwi jiwi pam paca tsipaebatsi. Painya xoba painya pexui pamuxutainyabame xua jopa beta exanaeyo. Icha baxua paexaname pexui jopa beta jinompaetsipae.

²² Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Aparajame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya wũnae taexanaetsi pomonae painya nepacacanamataxeinaewi. Aparajame painya wũnae taexanaetsi irũ Jesús pon jiwi Pecanamataxeinaein, tsipei paxam pomonae Jesucristo painya nejume cowũntsi jiwi pam. ²³ Daxita i daxuan xua paexaname xanepanaya paexanare. Saya ƚ pacananta xeinaeya exaneibare xua Cristo nexa, pon jiwi Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton.

²⁴ Bayatha payaputaneme xua bexa Cristo pon jiwi Pecanamataxeinaein paca catsibina xua paca juntana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwi pepa Pecanamataxeinaein. ²⁵ Ichitha pon jopa xanepanaya exanaeyo, bapon xeinaena pentoma xua jopa pexanepanae matoma. Nacom jiwi jopa natoxeincha necotsiyo. Pomonae pebusi cui taetaewichi, barapomonae Nacom nanta jũpaya tane, icha pomonae pentacaponawewi ichi xua poxonae Nacom nanta jũpaya tane. Daxota pon jopa xanepanaya exanaeyo, bapon xeinaena pentoma xua jopa pexanepanae matoma.

4

¹ Pomonae pentacaponaeawi pam, xanepanaya pacana exande pomonae painya nebusi cui taetaeibi jiwi, tsipei paxam paxeiname painya pepa Nepacacanamataxeinaein itabocotheicha.

² Nacomtha cuitiya pana cui babatsiya wꝥca dubenanaebiyama. Poxonae Nacomtha pawꝥqueibame, pajan tsaibinde: “Nacom, maisa pajꝥntꝥ coyene weiweinan xua pata tanecatsiwaxaem yawa xua painta exaname beta”, pajan tsaibinde. ³ Yawano painta wꝥcare Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijeinexa bapon pejume diwesi tatsi daxita coyeneintha xua ichaxota pata ichipaewa xua pata paebeibiwa tsane. Barapo diwesi caena bayatha jiwi jopa yaputaeyo tsipei Nacom moya yawꝥn xeina xua jiwi jopa yabara yaputaeyo. Ichitha anoxuae Nacom ichichipa xua jiwi yaputaena barapo diwesi. Barapo diwesi xua anoxuae apara xua Cristo naca yanaba. Jiwi pecꝥbi botha neeta tana natsipei cueicueijeixae barapo diwesi. ⁴ Painta wꝥcare Nacom, xua xanepanaya tacaununaya cueicueijeinexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijan tsane, pocotsiwa Nacom ichichipa.

⁵ Dota pam, xanepanaya beta jume wꝥnaeya pajinompare, tsipei paca tane pomonae jopa jume cowꝥntsiyo Jesucristo. Barapomonae patsipaebeibare xua pocotsiwa Nacom ichichipa xua poxonae po mataqueitha cataunxuae paca itacꝥpa xua painya netsipaebiwa. ⁶ Poxonae ichamonae patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

Meje yabara poxonae Pablo najume weta po carte

⁷ Daxita Tíquico neyabara diwesi paebina xua paca tsipaebina. Bapon be wayapin watsicotaein tsipei Jesucristo pejume cowꝥntsin. Bapon paantobein. Irꝥ bapon Tíquico Jesús pon jiwi Pecanamataxeinaein pia petanacuichin tatsi. Bapon Tíquico neyaweneiba xua Jesucristo pijume diwesi cueicueijeji tsaibi. ⁸ Daxota Tíquico painya xainya beya itoroban painya neyaputaenexa xua paxan xanepanaya bara jꝥntema pajinompan. Yawa bapon paca necacui tsacarabinexa xua jꝥntema painya nejinompaewa tsane. ⁹ Tíquico bara beya pona irꝥ ichꝥn napon, pon pewꝥn Onésimo, pon be pata tayapin patsicotan pejume cowꝥntsixaerꝥ Jesucristo, yawano bapon paantobein. Barapon beta xanepanaya pepoponaein Nacomtha. Tíquico irꝥno Onésimo, baponbe daxita yabara paca tsipaebina xua pocotsiwa xote exananje.

¹⁰ Irꝥ Aristarco tajiton, pon jiwi pecꝥbi botha paecanbe, bapon paca jacobae. Irꝥ Marcos paca jacobae, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Paca itorobatsi bapon yabara. Icha patopaena bara beya, bapon pantenta weyataeya wabare. ¹¹ Irꝥrꝥ Jesús paca jacobae, pon icha wꝥnno, Justo. Po acoibi poyobe, poyobe xuaunxuae paca jacobae meisa saya barapoyobe neyawena xote poyobe xua jiwana judiomonae, po judiomonae Jesucristo pejume cowꝥntsiwichi jiwanaabe. Barapo acoibi poyobe neyawenabe xua yabara cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamonae tatsi petajume cowꝥntsixaetsi Pexantotha. Barapoyobe nejꝥntꝥ cui tsacarababe xua jꝥntema tapoponaewa tsane. ¹² Irꝥrꝥ Epafras paca jacobae, pon painyamonae jiwana. Bapon Epafras Cristo Jesús pia petanacuichin tatsi. Bapon jume daunweya pacata wꝥqueiba Nacomtha, xua Nacom

xanepanaya paca necaantuyapususya daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa. ¹³ Xan bara yatsicaewa tacui taewa xua Epafras pacata jume daunweya wuqueiba Nacomtha. Po coyene xua bapon baxua exana xaniwaicha, apara paxam nexa, iru Laodicea tomaramonaepiwi nexa, iru Hierápolis tomaramonaepiwi nexa. ¹⁴ Iruru Lucas paca jacobá, pon jiwi peyawabin, pon bichocono antobetsi xua jiwi antobe. Iruru Demas paca jacobá.

¹⁵ Painta jacobare Jesucristo pejume cowantsiwichi, pomonae Laodicea tomaratha ena. Iru painta jacobare powa pewun Ninfa. Iruru painta jacobareno pomonae pejume cowantsiwi, pomonae nacaetuteiba Ninfa pia botha tatsi. ¹⁶ Poxonae barapo carte payorobame equeicha ichun pacare xua pecaponaenexa Laodicea tomara beya, xua xuya peyorobinexa barapo carte pomonaetha pomonae pejume cowantsiwi poxonae nacaetuta. Yawa poxonae Laodicea tomaramonae pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha. ¹⁷ Paxam Arquipo pabarande: “Taema Arquipo, xaniwaicha baxua exande xua bayatha Jesucristo pon jiwi Pecanamataxeinaein pocotsiwa caitoroba xua wunaeya xanepanaya nacui yabara jume wetsiname xua exaname”, pajande.

¹⁸ Xan, Pablon, paca jacobatsi. Baxoyo tacobe couyeje, xoyo tinaxuban. Jopa pajuntemainaeinde xua jiwi pecubi botha taecaewa. Nacomtha painta wuqueibare. Barabu Nacom junte ma jinompa paca exana pia paca necaantobexae.

Baja Pablo.

Meje Po Carte Copiya Pablo Tatina, Tesalonica Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi

¹ Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonae Tesalónica tomarapiwi pamxaem pomonae painya nejume cowuntsiwixae Jesucristo. Paxam pomonae pam pomonae painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntema painya nejinompaenexa.

Meje yabara xua Pablo yabara paeba xua Tesalónica tomarapiwi pinae beta jume cowunta

² Pacata tsipaebetsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonae pecajume cowuntsiwi”, pajan tsaibi Nacomtha. ³ Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowuntsiya cata exana dubenanaebiya. Matautano, bichocono necaantobexae daxota ayapusuya cata nacuita dubenanaebiya. Maisa bichocono barapomonae wunaewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha. ⁴ Paxam pomonae painya nejume cowuntsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonae paca exanaetsi. ⁵ Poxonae Nacom pia pecapanenebiyae diwesi jume paca tsipaebetsi jopa saya meisa u pata jume. Jame apara Nacom pia Pejumope tuxa tatsi pia peayapusu itorobi coyenewatha tatsi pana yawena, xua pata cueicueijiwa. Barapo diwesi bara xaniwaicha jume cowuntatsi xua barapo diwesi bara pexainyei jume. Bara beta payaputaneme xua bara beta pajinompan painya itatha xua pata paca ajuntucoyenesu exanaenexatsi xua iru juntu coyene xanepanaya painya nejinompaenexa.

⁶ Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonae beta exanapona pon jiwi Pecanamataxeinaein. Bequein ichamonae atene paca exana painya nejume cowuntsixae Jesucristo, ichitha barapo diwesi awiya juntu coyene weiweinaya pajume cowuntame. Barapo pejuntu weiweinae coyene Nacom pia Pejumope tuxa tatsi paca cata. ⁷ Baxuan painya neexanaexae daxota ichamonae pomonae pejume cowuntsiwi Jesucristo, pomonae Macedonia nacuapiwi, barapomonae exana pocotsiwa paexaname. Iru baxuan exana pomonae Acaya nacuanpiwi. ⁸ Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuapiwi iru Acaya nacuanpiwi jume tane. Jopa meisa barapo nacuabepiwi bara apara daxita nacuanpiwi iru jume taneru. Daxita barapo jiwi paca yabara yaputane xua painya nejume cowuntsiwa

Nacom. Daxota jopa panantawenonaeyino xua paca yabara paebatsi icha monaetha. ⁹ Nama barapomonaē pana neyabara paeba xua paxam panententa weyataeya wabame. Matautano barapomonaē paca yabara paeba xua pinae paxam ibo nacomun po ibo nacomun copiya wunaē pajainteibame pabebam painya nejume cowantsixae Nacom. Matautano paca yabara paeba xua bapoxonaē patamropatarucupame xua pata taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaēin. ¹⁰ Matautano barapomonaē pana netsipaeba xua pinae paxam Jesús pawunaē ewatame xua pepatopeicaewa peitaboco wet-sica. Barapon Jesús Nacom Pexanto tatsi, po Pexantoxae Nacom asu exana petupae coyene cuiru weya. Barapon Jesús naca napaeba exanaena Nacom beya, poxonaē Nacom copatsina xua jiwi bichocono peraxa jubebinchi abe peexanaexae.

2

Meje yabara po coyeneya Pablo tanacuita Tesalónica tomarapiwi

¹ Patamonae paxam pomonaē pam pomonaē iru painya nejume cowantsiwi Jesucristo icha paxan paichin. Payaputaneme xua tapaca siwa ponaewatsi baxua wunaē pata cayawenaexaetsi. ² Poxonaē Filipos tomaratha paponan, barapomonaē abe pana exana. Yawa tsumu jumeya pana tsipaeba. Bequein barapomonaē baxua pana cana exana ichitha payaputaneme xua Nacom pana yawena tapata catsipaebinxatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonaē pana jume matawenta. ³ Poxonaē paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa. ⁴ Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinxaxa pia pecapanenebiyae diwesi jume. Apara jopa baxua paexanaeyino xua daxota jiwi pata taneweyataenexa. Jame apara baxua paexanan xua Nacom pata taneweyataenexa. Barapon pana nejuntu coyene yaputane xua poxonaē paexaneiban. ⁵ Paxam bayatha payaputaneme xua jopa paca tsipaebichi po jume ba jiwi piraichi jume wunaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeyino. ⁶ Jopa bapana paichichipaeinyo xua jiwi wunaē pata tanejainchiwa, xua poxonaē metha bequein bara barapomonaē pam, ichacuitha xua poxonaē bequein ichamonae iru. ⁷ Bequein paxan pana itacupa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeyino barapo coyene. Nama apara saya bewayo paca yayawenaponatsi, icha be pocotsi coyeneya petsiriwa ichi poxonaē pia pexui bewayo wichitiya yayawenapona. ⁸ Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonaē daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi! ⁹ Patamonae pam, paxam pomonaē iru painya nejume cowantsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matakabintha,

yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca nacui matowa xeina exanatsi poxonae paca cuidubatsi Nacom Pejume Diwesi.

¹⁰ Paxam pomonae painya nejume cowantsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompaewa painya xantha daxita carepaya paxamtha. Matautano Nacom patsita juntu coyene xanepanan, xua penatsicuentiwa jopa bapon patsita xeinaeinyo. Daxota ichamonae jopa pana neyabara paebiyo xua abe pata pacata exanaewatsi. ¹¹ Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matateicatsi xua poxonae bichocono paanthutnantem tsaibi xua abe painya nepacata exanaexae ichamonae. Daxita barapo coyenein bara paexanan icha be pocotsi coyeneya coxiyan cana ichiya exana pia pexuitha. ¹² Paca itorobatsi xua bewa beta pajinompame, icha pomonae Nacom pejume cowantsiwi ichi xua bewa beta jinompaem. Baraxua paexande poxoru Nacom paca wun duba piamonae painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitapanae coyenewa.

¹³ Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexainaewa pomonae painya nejume cowantsixae Jesucristo. ¹⁴ Patamonae pam. Ichamonae atene paca exana pomonae painyamonaxae. Baxua paca cana exana, icha Judea nacuariwi ichichi pomonae pejume cowantsiwi Cristo Jesús. Daxita barapomonae ajuntacoyenetane exainchi pomonae piamonaxae pomonae judiomonaxae. ¹⁵ Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacaetutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peaitafaetabi jiwichi. ¹⁶ Paichichipan xua patsipaeban Nacom Pejume Diwesi pomonaetha pomonae jopa judiomonae naexanaeyo xua iru Nacom pecapanenebiyaenexa tsane bequein judiomonae pata tanejume itawetsiwatha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsiexana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonae, penatsicuentisixae abe peexanaexae bapontha.

Meje yabara xua equeicha Pablo besiwa ponaena Tesalónica tomarapiwi

¹⁷ Paxam pomonae patamonae pam, poxonae bequein paxan taju paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono

paichichipan xua pata paca cataewatsi. ¹⁸ Paxan matowa paichichipan xua caewa pata paca siwa ponaewatsi. Xan, Pablon, ichacuitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba. ¹⁹ Ichichipan paca siwa ponatsi poxoru paxam pana necana exaname xua pajuntũ coyene weiweinan. Barichi paxam pomonae pana necana exaname xua pawũnae ewatan. Barichi paxam pomonae pana necana exaname xua matowa payabara paeban pocotsiwa xua paexanan poxonae paca cuidubatsi. Poxonae Jesucristo pon jiwi Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname. ²⁰ Xaniwaicha paxam pomonae pam pana nejuntũ coyene weiweina cana exaname. Mataũtano paxan pomonae pana necana exaname xua paca yabara wũnae jainchinchi Jesucristo peitabaratha poxonae bapon peitabaratha tatsi paca baru umenaeinchi beta painya neexanaexae.

3

¹⁻² Jopa pana itacũpaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowũnta Nacom painya pia paca necataenexa tsanebe. Mataũtano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacũpatsi xua ajuntũcoyenyapusu paca cana exana. Mataũtano itacũpatsi xua paca juntũ cui tsacaba exana xua awiya mataropeichiya painya nejume cowũntaponaenexam Nacom. ³ Bapoxonae dapon aibi tsane paxam jiwana pon ajuntũcoyenefaetabiya jume cowũnta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowũntsixaes Jesucristo. ⁴ Mataũtano poxonae cataunxuae paca baru enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputanemeno. ⁵ Tsipei xan jopa neitacũpaeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowũnta dubenanaebiyame Jesucristo?” jei. Baxua beyaputaen tajunuwixae xua caurimonae pia pentacaponaein tatsi pon jiwi pejuntũ coyene jũjũtsin paca cui jũjũtsipa xua abe painya neexanaewa tsane. Bapoxonae pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowũntsixaem tsipae.

⁶ Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowũnta dubenanaebiyame Jesucristo. Mataũtano yabara pana tsipaeba xua pinae nantiya pana naantobe tsurubenananaebiyam. Mataũtano yabara pana tsipaeba xua pinae pana neyabara antobeya nanta xeiname mataũta xua pinae bepana netaename, icha paichin xua bena tapaca taewatsi tsainchi. ⁷ Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajuntũ coyene sadũjan poxonae pajume tan xua pinae beta pajume cowũnta dubenanaebiyame Jesucristo. ⁸ Poxonae paxam awiya beta pajume cowũnta dubenanaebiyame Jesucristo, pon jiwi Pecanamataxeinaein, baxua pajuntũ coyene sadũjan pata jinompaewatha Nacom nexa. ⁹ Anoxuae pana

itacupa xua pata jeiwa: “Nacom maisa pajuntũ coyene weiweinan Tesalónica tomarapiwi beta necajume cowantsixae”, pata jeiwa. Paxam pomonae pana nejuntũ coyene weiweina cana exaname poxonae Nacom patsipaeban. ¹⁰ Matacabintha, merawinthano Nacomtha pacata wũqueibatsi. Nacom rawũqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowantsiwa Jesucristo pocotsiwa yabara pacata seica xua painya yabara neyaputaewa Jesucristo.

¹¹ Paichichipan xua Nacom pon Waxa irũ Jesús pon jiwi Pecanamataxeinaein pana yawenaena xua pata paca casiwa ponaenexatsi. ¹² Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxeinchiya paxeinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi. ¹³ Matautano paichichipan xua Nacom pon Waxa, painya nepaca cana exanaenexa xua bichocono painya nejuntũ coyene xanepanaewa. Matautano paichichipan xua Nacom pon Waxa bichocono ajuntũyapususya paca cana exanaena. Bapoxonae paxam bichocono Nacom tsita juntũ coyene xanepanaeinchi. Bapoxonaeno jopa patsita natsicuentisim tsane abe painya neexanaexae bapontha. Barapocotsi jũta coyene awiya paexanaponaename beya poxonae Jesús pon Wanacanamataxeinaein, piamonae barũ patopeicaena daxita.

4

Meje yabara po juntũ coyeneya bewa jiwi tajinompae Nacom po coyene xua Nacom tsita xanepanatsi

¹ Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajuntũ coyene jinompaem po juntũ coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanaponaename”, paca jeichi.

² Paxam payaputaneme po pecuidubiwana paca cuidubatsi apara barapo pecuidubiwana Jesús pana itoroba, pon jiwi Pecanamataxeinaein. ³ Xua jame Nacom pocotsiwa ichichipa xua paxam bewa bichocono juntũ coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi. ⁴ Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Matautano bapon bewa barũ cui itura jinaena piowa pia peantobexae. Daxita barompaya pebiwi pam bewa irũ bara paichim tsane. ⁵ Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae abe nanta xeina nawita xua yabũxi yabara xua penaquentsiwa yabara. Barapo coyene painya xoba paexaname. ⁶ Jopa paexanaeinde barapo abe peexanae coyenewatha pontha pon irũrũ pejume cowantsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi. ⁷ Nacom jopa naca wũn dubiyo

piamonae wanaca exanaenexa xua abe waexanaponaewa tsane. Jame apara Nacom naca wun duba xua juntu coyene wunaeya wajinompnaenexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi. ⁸ Pon jume itaweta po coyene xua ichun pepichiwa yabara xua ichun piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumope tuxaxu tatsi xua painya yawa jinompnaenexa.

⁹ Po peantobewa xeina pomonae pejume cowuntsiwi Nacom, xua nantiya caemonae penaantobewa, xan jopa nantawenonaeyino xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane. ¹⁰ Bara baxua paexaneibame xua paantobe tsurubenanaebiyam daxita pomonae jinompa Macedonia nacuatha, pomonae pejume cowuntsiwi Nacom. Ichitha paxam patamonae pam painya nejume cowuntsiwixae Nacom, paca itorobatsi xua awiya mataropeicha paantobe tsurubenanaebiyama equeicha matowa. ¹¹ Bichocono paichichipare xua painya neexanaewa xua po coyene meje: Juntama parubenanaebiyama, xua jopa pana najume matsontsonoba dubenanaebiyam. Matautano painya xoba patsipaebame ichamonaetha po coyenein barapomonae bewa exanae. Matautano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi. ¹² Icha barapocotsiwa paexanaename ichamonae pomonae jopa Nacom pejume cowuntsiwi paca baru cui itura jinaena xua bara beta painya neexanaexaem. Matautano jopa panantawenonaem xua ichamonae pawucame pocotsiwa xua panantawenoname.

Meje yabara poxonae Jesucristo pon jiwi Pecanamataxeinaein equeicha caewa patopaetsica

¹³ Patamonae pam, paichichipan xua painya neyaputaewa po coyene pexainyei coyene, xua petupaewi yabara. Matautano jopa paichichipaeinyo xua be wecoyeya pajinompame icha be ichamonae ichi pomonae jopa pejume cowuntsiwi Nacom. Barapomonae be wecoyeya jinompa jopa xanepanaya pewunae ewatsixae po coyene xua poxonae petupaewi equeicha asu tsane. ¹⁴ Waxainchi jume cowuntatsi xua Jesús tupa naetotha xuano equeicha Nacom asu juina exana. Icha Nacom pexanto cana ichi, waxainchi jume cowuntatsi xua Nacom bara cana ichi tsane pomonaetha pomonae bayatha werapa. Barapomonae pejume cowuntsixae Jesús, poxonae werapa asu jujuina exanaeinchi xua Nacom exanaena. Nacom barapomonae baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

¹⁵ Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujuinya exanae tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonae bayatha werapa. ¹⁶ Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueije matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonae pomonae Cristo jume cowuntatsi xua pomonae bayatha yacui werapaeya othopa bapomonae copiya asu jujuina exanaeinchi. ¹⁷ Bapoxonae cotacaya waxainchi pomonae cataunxuae asu jinompatsi, pomonae wajume cowuntsiwi

Jesús naca cayawa muxuna caetucaetutsiya caponaena pomonae copiya pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein waxaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina. ¹⁸Daxota barapo jumetha caemonae nantiya pana najuntu coyene tsacabare xua painya neyaputaewa tsane, po coyene xua pewerapaewi yabara.

5

¹ Patamonae pam, jopa nantawenonaeinyo xua yabara pacata tinatsi mat-acabi, yawa dapae yabara xua poxonae Jesucristo pepatopeicaewa tsane. ² Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha. ³ Poxonae jiwi jei tsane: “Maisa juntema jinompatsi tsipei daxita wuna tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacupae tsainchi xua panenebiyaena barapo peatenewa weya. Jiwi atene exanaeinchi icha yabayo ichi xua bichocono bewa atene tsane xua pexuyo poxonae naexanaena. ⁴ Patamonae pam, paxam jopa dapocotsimonae pam, pocotsimonae jopa jume cowantsiyo Nacom. Poxonae equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa. ⁵ Paxam pomonae Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowantsi jiwixae Nacom. Barapocotsimonae be pomonae poxonae jinompa pequireiwatha, jopa beta jinompaeyo pequirei tsuncuaexae. ⁶ Pomonae jopa pejume cowantsiwichi Jesucristo barapomonaes jopa tsaca jinompaeyo xua pewuna ewatsinexa Jesucristo pia pepatopeicaewa tsica tsane. Barapomonaes be pocotsimonae xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coyene coxonaetsi xua tsaca wajinompaewa poxonae wuna ewatatsi Jesucristo pia pepatopeicaewa tsica tsane. ⁷ Pomonae ba xua maita, bara merawi maita. Iruru pomonae ba cupatsi peatsaxa mera, bara merawi cupatsi. Daxita barapomonaes jopa xapain Jesucristo wuna ewatichi. ⁸ Ichitha waxainchi wajume cowantsixaetsi Jesucristo, daxota bewa juntu coyene coxonaetsi xua tsaca jinompatsi xua wawuna ewatsiwa Jesucristo. Waxainchi xanepanaya bewa beta jume cowantichi Nacom. Matautano bewa beta nantiya naantobetsi. Barapo coyenebe naca juntu coyene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowantsiya wuna ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasipabe exanaeyainwatsi. ⁹ Nacom jopa naca itapetsiyo xua wanaca atene exanaenexa wanatsicuentiswaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetha pon Wanacanamataxeinaein. ¹⁰ Jesucristo naca tsitupa naetha wanaca baru jinompaewa tsane pia nacuatheicha, bequein waxainchi bayatha werapatsi, yawano ichacuitha bequein waxainchi awiya asu jinompatsi, poxonae bapon patopaetsica. ¹¹ Daxota paxam bewa awiya daxita nantiya pana

najuntũ coyene tsacabim. Mataũta bewa nantiya pana naajuntũcoyenesũ exanaem beta painya nejume cowantsinexa icha paichiponaem xua anoxuae paexanaponame.

Meje yabara xua Pablo muxuweta pomonae Jesucristo pejume cowantsiwichi

¹² Patamonae pam, paca muxuwetatsi xua pabarũ cui itura jinare pomonae painya xantha Nacom tanacuitatsi xua pomonae paca matacapona. Barapomonae paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa. ¹³ Bewa barapomonae beta pabarũ cui itura jinaem peainya cui jiwixae. Mataũtano bewa bichocono paantobem xua barapomonae betiya painya nepaca mataxeinaexae. Daxita pam nantiya jũntema jinompa pana naexande.

¹⁴ Patamonae pam, paca itorobatsi xua jume daunweya pamuxuwere pomonae afaetabi xua penacuichiwa. Pajuntũ coyene cui tsacabare pomonae jũntũ coyene junuwiya jinompa ichamonae atene peexanaexae barapomonaetha. Mataũtano payawende pomonae jopa ajuntũcoyenesũya jinompaeyo Nacomtha. Bewayo payawende barapomonae xua jopa painya neaitaconaewam.

¹⁵ Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya pajũjũteibare xua nantiya painya nenata exaneibinexa, xuano irũ daxita jiwino.

¹⁶ Barabũ tsitecaeya pajuntũ coyene weiweina dubenanaebiyama. ¹⁷ Daxita matacabi Nacomtha patsipaebeibare matowa. ¹⁸ Daxita pocotsiwa pacata exana bequein jopa pacata wũnaeyo, ichitha awiya barapocotsiwan yabara Nacomtha patsipaebeibare, pajam tsaibinde: “Nacom maisa pajuntũ coyene weiweinan xua pata tana neyawenaewam poxonae bequein painta daunwei tsaibi”, pajam tsaibinde. Poxonae baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca barũ jinompaexae.

¹⁹ Jopa paitawetsinde Nacom pia Pejumope tũnaxũ tatsi poxonae paca itoroba pocotsiwa bewa paexanaem. ²⁰ Jopa pajume itawetsinde po diwesi xua ichamonae paeba pomonae Nacom Pejume Diwesi pepaebiwi. ²¹ Incane pajume taema daxita po diwesin xua barapomonae paeba icha bara metha xaniwaicha po diwesin pona Nacom weya. Saya paitapere po coyene xua pexainyeiwa. ²² Daxita po coyenein peabe coyenein panaitemare xua jopa painya neexanaewam abe peexanae coyenein.

²³ Bara Nacom, pon jũntema jinompa naca exana, barabũ barapon paca jũntũ coyene ayarusũ exanaena xua jũpa paca cana exanaena icha bapon ichi xua jũntũ coyene xanepana. Mataũtano barabũ Nacom paca jũntũ coyene xanepana exanaena painya nejinompaewa tsane bapon nexa xua jopa painya nexenaewam penatsicuentisiwa xua abe painya neexanaexae bapontha. Barabũ Nacom beta paca jumope eenaena, yawano xua painya jũntũ coyenewa, mataũtano xua painya pepon xua Jesucristo nexa pon Wanacanamataxeinaein xua beya poxonae bapon patopaetsica. ²⁴ Nacom ponxae xua paca wũn duba pia paca exanaenexa piamonae tatsi, bapon xainyeya pepaebin. Mataũtano bapon exanaena pocotsiwa xua bayatha yabara paca tsiwũnae muxu duta.

Meje yabara xua Pablo najume wetsiya paeba

²⁵ Patamonae pam, painta Nacomtha wũqueibare.

²⁶ Antobeya painta jacobare daxita pomonae patamonae pomonae Jesucristo pejume cowantsiwichi.

²⁷ Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonae Jesucristo pejume cowantsiwichi”, paca jeichi.

²⁸ Jesucristo, pon Wanacanamataxeinaein, barab_u paca yawena pia paca necaantobewaxae.

Baja Pablo, ir_u Silvano, ir_u Timoteono ponbe necueyatabe.

Meje Po Carte Cotacaya Pablo Tatina, Tesalonica Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomonaes Tesalónica tomarapiwi

¹ Xan Pablon, iru Silvano, iru Timoteo, bara poyobe pan, barapo carte pacata tinatsi. Pacata tinatsi pomonaes Tesalónica tomarapiwi pam, pomonaes panacaetutame xua wunaes painya nejainchinexa Nacom. Paxam iru pomonaes pejume cowuntsi jiwu pam, pomonaes painya neyawa jinompaewi Nacom, pon Waxa. Matauta paxam pomonaes xua painya neyawa jinompaewi Jesucristo, pon jiwu Pecanamataxeinaein. ² Barabu Nacom, Waxa, iru Jesucristo, pon jiwu Pecanamataxeinaein, paca yawenaena pia paca necaantobewaxae xua juntu coyene weiweinaya painya nejinompaewa tsane. Matautano barabu betiya xanepanaya junte miya jinompa paca cana exanaena.

Meje yabara xua poxonaes Nacom yabara paebina jiwu xua penatsicuentsiwa xua abe peexanaexaes poxonaes Cristo equeicha patopaetsica

³ Patamonaes pam paxam pomonaes iru painya nejume cowuntsi jiwixae Jesucristo. Bewa pacata wncaponeibinchi Nacom, xua pata jei tsaibiwa: “Nacom maisa pajuntu weiweinan xua Tesalónica tomarapiwi beta xanepanaya cajume cowunta”, xua pata jei tsaibiwa tsane Nacomtha. Baxua painta wunaes xua paexanan, tsipei equeicha matowa mataropeichiya pajume cocowuntaponame. Matautano equeicha matowa nantiya pana naantobem tsoponaem xua daxita paxam. ⁴ Daxota juntu coyene weiweinaya paca yabara paebatsi Nacom piamonaetha xua ichamonaes matabuxu. Paca yabara jeichi: “Maisa Tesalónica tomarapiwi jume cowunta beta, yawa saya beta dubenanaebiya poxonaes bequein atene exanatsi abeya peyabara paebeibixaetsi ichamonaes. Matautano barapomonaes beta exana dubenanaebiya xua bequein atene exanatsi xua poxonaes ichamonaes abe peexaneibixaetsi”, paca yabara jeichi barapomonaetha. ⁵ Baxuan tsita itapeinya xeina xua poxonaes bequein Nacom yabara paeba jiwu xua penatsicuentsiwa yawa peraxa jubitha barapo jiwu, barapara xanepanaya exana. Tsipei barapo jiwu natsicuenta Nacomtha abe peexanaexaes. Daxota Nacom bara paca yabara cui copata xua painya patsinexa pia peitorobi nacua beicha tatsi, tsipei bichocono paatenem painya nejume cowuntsixaem bapon.

⁶ Pomonaes xua paca atene exana, bexa tsane Nacom xuya cana exanaena xua barapomonaes peraxa jubinchi. Barapara Nacom baxua beta exana pia abe pacata exanaexaes barapomonaes. ⁷ Nacom paca nafifina capanenebiya exanaena xua paca yabara cui opi ducua exanaena xua ichamonaes atene paca exana. Iru paxantha barichi tsane Nacom, xua poxonaes Jesús patopaetsica, pon jiwu Pecanamataxeinaein. Bapon Jesús baru patopeicaena pia matatsunpiwi, xua matatsunpiwi peayapuswatha patsicaena. Matautano Jesús muxuna patopeicaena pexeinya peitupanaes coicha xua be isoto. ⁸ Jesús patopaetsica xua atene peexanaenexa jiwitha abe peexanaexaes pomonaes jopa yaputaeyo Nacom, penaitematsixaetsi. Matautano atene exanaeinchi pomonaes jopa jume cowuntsiyo Jesús pia pecapanenebiyae jume diwesi tatsi, pon Wanacanamataxeinaein. ⁹ Barapo jiwu ataya tsitecaeya ajuntucoyenetane tsane tsana penobixae tsainchi tajubeya xua bapon pon jiwu Pecanamataxeinaein pia xainya weya tatsi. Matautano barapo jiwu jopa

tae tsane pon jiwi Pecanamataxeinaein pia pexeinya peitupanae coicha tatsi, xuano xua pia peayapusu itorobiwa tatsi xua bichocono pexeinya coyene. ¹⁰ Baxuan Nacom exanaena po matabitha abu poxona patopeicaena pon jiwi Pecanamataxeinaein, xua daxita piamonae pebaru cui itura jinnaenexa tsainchi. Matautano bapon daxita piamonae nabenaecaeya wuna jainchinchu pomonae pejume cowantsiwichixaetsi. Paxam bara paichim tsane barapo matabitha painya nejume cowantsixaemxae po diwesi jume bayatha paca tsipaebatsi.

¹¹ Daxota ataya paca yabara wunqueibatsi Nacomtha. Pajan: “Nacom yawende barapomonae xua jinompaena po coyeneya icha xua xam ichichipame poxona wun dubame barapomonae xua penaexanaenexa jinyamonae. Matautano yawende barapomonae pewetsinexa tsane jinya neayapusu itorobi coyenewatha po coyene xua wuna, po coyene barapomonae ichichipa xua peexanaewa. Matautano yawende barapomonae pewetsinexa po penacuichiwa exana necajume cowantsixae”, pajan Nacomtha. ¹² Icha beta pajinompaeme, jiwi wuna jainchina Jesús, pon Wanacanamataxeinaein, painya nejume cowantsixae tsane bapontha. Matautano Jesús cana exana xua barapo jiwi wuna paca jainchina painya paca cataxae tsane xua Nacom paca yawena, pia paca necaantobewaxae, xuano xua Jesucristo paca yawenaru pia paca necaantobewaxae pon jiwi Pecanamataxeinaein.

2

Meje yabara xua equeicha patopaetsica pon jiwi Pecanamataxeinaein

¹ Patamonae pam, anoxuae nama yabara bepaca tsipaebinchi xua Jesucristo, pon Wanacanamataxeinaein, equeicha pepatopaewa tsica. Matautano ichichipan yabara xua tapaca tsipaewatsi xua wanaca baru nacaetutsiwa bapon. Daxota jume daunweya paca tsipaebatsi baxua. ² Icha ichamonae paca tsipaeba xua pinae anoxuae matabi jopa, po mataqueitha xua Jesucristo, pon jiwi Pecanamataxeinaein bayatha patopa, painya xoba bepajawa payabara najuntu coyene cabenaecaename xua daxota jopa beta pananta xeinaem. Jopa bichoina payabara jume cowantsinde bequein paebitha tsane xua pinae baxua barapomonae tsipaebatsi Nacom pia Pejumope tuxaxu tatsi. Matautano painya xoba payabara jume cowantame bequein paebitha tsane xua pinae baraxua yabara paebandu. Matautano painya xoba payabara jume cowantame bequein paebitha tsane xua pinae barapomonaetha baraxua payabara tinandu. ³ Jopa pacopatsinde xua ichamonae yabara paca muxuitoroba baxua bequein pinmonae paca tsipaebitha tsane baxua. Tsipei baxua pewunaeya tsane xua poxona barapo matabi jopaena, bewa matha patopaena xua po coyene jiwi Nacom naitematinchi. Bapoxonae pebin patopaena pon bichocono jopa juniya abe exanaeyo. Bapon apara pon Nacom weraweraca exana isototha po isototha bapana cuinaya jopa ataya tsitecaeya itacounayiyo. ⁴ Bapon Nacom abe yabara paebinchi. Bapon jopa tsita ainya cuiyo tsainchi daxita pocotsiwa jiwi wuna jainta. Matautano bapon jopa tsita ainya cuiyo tsainchi bequein po nacomun jiwi exana. Bapon pia coutha penacanamataxeinaein naexana xua peewatsiwa daxita pocotsiwan Nacom piawa, xua pia wuna jaintichi, xua jiwi wuna jainchina. Matauta bapon ecaena Nacom pin pia botha xua pia coya Nacom najainta.

⁵ ¡Bara baxuan yabara caena bayatha paca tsipaebatsiba poxona cataunxuae paca baru popoinchi! ¿Bara pajuntemainame jampa? ⁶ Anoxuae paxam payabara yaputaneme po coyene xua peayapusu itorobi coyenewa bapon

cui matawentatsi xua pepatopaewa. Saya beya jame patopaetsica poxonaē barapo matacabi tsane xua bapon copatinchi xua pepatopaewa tsica tsane. ⁷ Pinmonae anoxuae bichocono abe exanapona. Saya waxainchi yabara yaputaeinchi baxua Nacom pia wanaca yaputane exanaexae wajume cowantsixae. Nama pomonae jopa jume cowantsiyo jopa yabara yaputaeyo baxua. Saya meisa acoibi xua pitinchi pon xeina barapo peayapusu itorobi coyenewa xua pecui matawentsiwatsi pontha pon bichocono abe peexanaein. ⁸ Saya bapoxonaē naitutsina bapon pon bichocono abe peexanaein. Ichitha poxonaē Jesús, pon jiwi Pecanamataxeinaein patopaetsica, bapon bexubina pon bichocono abe peexanaein bexubinchi poxonaē ofutarabina, xua ataya weraweraca pecana exanaenexa pexeinya peitapanae coicha peyawa naitutsiya patopeicaexae tsane. ⁹ Pewanaeya tsane xua poxonaē Jesús bexubina pontha pon bichocono abe peexanaein, Satanás pon caurimonae pia pentacaponaein tatsi, bapontha catsina pia peayapusu itorobi coyenewa xua catinchi pon abe peexanaein. Bapon pon bichocono abe peexanaein bichocono peayapusuwa yawa patopaena. Matautano bapon daxita coyeneintha pexeinya petsita itubiwan exanaena peayapusuwatha xua jopa xainyeyo xua jiwi pemuxujainyabinexatsi. ¹⁰ Bapon exanaena daxita peabe coyenewan xua daxita jiwi pemuxujainyabinexa tsainchi. Nacom exanaena xua barapo jiwi weraweracaena jopa peichichipaexae xua pejume cowantsiwa pexainyei jume diwesi po diwesi xua barapomonae pecapanenebiyaenexa tsainchi. ¹¹ Daxita barapo coyeneinxae daxota Nacom bara saya yabara cui copata xua barapo jiwi bara muxujainyabinchi xua daxota jume cowantsina barapo penaerabi diwesi jume. ¹² Pomonae jopa bejume cowantsiyo pexainyei diwesi jume barapomonae saya ichichipa nawita xua peabe coyenewan exana. Barapomonae Nacom caununaya itawetsina poxonaē yabara paebina xua barapomonae Nacom tsita nat-sicuentatsi xua abe peexanaexae.

Meje yabara pomonae Nacom itapeta pecapanenebiyaewa tsane

¹³ Patamonae pam, paxam pomonae pam pomonae paca antobe pon jiwi Pecanamataxeinaein. Paxan bewa daxita matacabi pacata wunqueibinchi Nacomtha. Bewa pajan tsaibin tsane: “Nacom maisa pajuntu coyene weiweinan beta necajume cowantsixae Tesalónica tomarapiwi”, bewa pajan tsaibin tsane. Daxota baxua papaeban Nacomtha tsipei bayatha caena paca itapeta painya nepaca capanenebiyaenexa xua tsiwanaya poxonaē aena Nacom forota barapo cae pin nacuathe. Nacom baxua exana pia peayapusuwatha po peayapusuwa pia Pejumope tanaxu tatsi xeina ponxae paca juntu coyene xanepana exana Nacom nexa. Matautano baxua exana poxoru painya nejume cowantsixae pexainyei diwesi jume. ¹⁴ Daxota Nacom bayatha paca waba bapon painya nejume cowantsinexa poxonaē paca cuidubatsi Nacom pia pecapanenebiyae diwesi jume. Daxotano paca waba xua Jesucristo pon Wanacanamataxeinaein painya nenabaru xeinaenexa pia pexeinya peitapanae coyenewan.

¹⁵ Patamonae, daxota pajume cowanta dubenanaebiyama equeicha matowa. Painya xoba pajantemainame po pecuidubiwan xua ichamonae pana cuiduba xua xuya anoxuae yatsicaewa paca cuidubatsi, xua yawa cartano pacata tinatsi. ¹⁶⁻¹⁷ Nacom Waxa, pia wanaca antobexae naca yawena. Bapon ataya tsitecaeya naca matateica pia pexeinya juntu coyenewatha. Matautano Nacom naca cata xua wawanae ewatsiwa pocotsiwa xua bapon naca catapaeba, pocotsiwa xua wanae. Paca yabara paebatsi

bapontha. Matautano paca yabara paebatsi Jesucristo tha pon Wanacanamataxeinaein. Pajan baponbetha: “Barabũ payawenaenamebe Tesalónica tomarapiwi. Barabũ pajũntũ coyene cui tsacabinamebe barapomona. Matautano barabũ jũntũ coyene jume cowũntsiya ayapusũya pacana exanaenamebe barapomonaetha, xua pia pepaebibinexa pocotsiwa wũnae xuano pia peexaneibinexa pocotsiwa xanepana”, pajan baponbetha.

3

Meje yabara poxona Pablo namchi: “Painta Nacomtha wũcare”, jei

¹ Patamona, paxam pomona pam pomona irũ painya nejume cowũntsixae Nacom. Anoxuae paca tsipaebatsi pocotsiwa xua pawetan xua pata paca tsipaebiwatsi. Paca jeichi xua painta Nacomtha wũcare xua xain pon jiwi Pecanamataxeinaein pejume diwesi tatsi awiya nainya tajũ patsipaebaponaein daxita nacuantha. Matautano painta wũcare xua xain ichaxota patsipaeban barapo diwesi daxita jiwi beta jume baru jejei peainya cui diwesixae, icha paichim poxona pajume taneme barapo diwesi. ² Matautano Nacom painta wũcare xua xain Nacom jopa copatsiyo xua painta abe exana pomona bichocono ajũntũcoyenebe. Tsipei jopa daxita jiwiyo pomona beta jume cowũnta po diwesi patsipaeban. ³ Ichitha jame bara ita coxoinchi xua wajume cowũntsiwa pon jiwi Pecanamataxeinaein tsipei bara bapon xainyeya naca yawena. Matautano bapon paca jũntũ ayapusũya exanaena. Matautano bapon paca ita ararana xua abe paca exanaeyainwa pon bichocono abe peexaneibin. Paca yawenaena xua jopa painya neexanaenexa abe peexanae cuiru coyenewan. ⁴ Bara paca yabara jume cowũntatsi xua bara bapon pon jiwi Pecanamataxeinaein paca yawena. Bapon paca yawenaena xua paexaname, xuano xua paexana dubenanaebiyaename pocotsiwan xua paca itorobatsi. ⁵ Barabũ bapon pon jiwi Pecanamataxeinaein, paca yawenaena xua bichocono painya neyabara yaputaenexa Nacom pia paca antobe coyenewa tatsi. Matautano barabũ paca yawenaena xua awiya antũcoyenesũya painya nejume cowũnta dubenanaebiyaenexa tsane. Bapoxona bequein ichamonae abe pacata exanaetha tsane jopa paaitaconaem tsane. Bara paichim tsane icha Cristo ichi xua poxona jiwi barapocotsi coyene exana jopa aitaconaeyo.

Meje yabara poxona Pablo yabara paeba xua jiwi bewa nacuichina

⁶ Patamona pam, paca itorobatsi tsipei Jesucristo Wanacanamataxeinaein pana cata pia peitorobi coyenewa. Painya xoba imoxoyo pabarũ jinompame peafaetabi jiwi pomona aichaxaibi nacuita, xua pomona irũ pejume cowũntsiwixae. Barapomona jopa yabara jume cuiya exanaeyo po pecuidubi coyenein xua Jesucristo weya bayatha, xuano xuya barapomonaetha pacuiduban. ⁷ Paxam payaputaneme, xua bewa xanepanaya betiya pajinempaem, icha bayatha paichin. Poxona paca baru jinompatsi jopa paacoyenefaetabinyo, apara panacuitan nawita. ⁸ Poxona paxaiban painya xantha bara pentoma paexaneiban pexaewa nexa. Jopa amanaya panabaneibinyo. Jame apara daunweya panacuiteiban merawintha matacabinthano xua jopa daunweya pata pacata exanaewatsi tsainchi. Jopa panantawenonaem xua painta comocame pexaewa. ⁹ Bequein pana yabara cui copata xua pata paca wũcaewatsi pata neyawenaenexam tsane, ichitha bara pana netaneme xua pexaewa pana natsiũpain nacuitan, xua irũ bara painya neichinexaru. ¹⁰ Tsipei poxona paca baru enatsi baxua yabara paca tsipaebatsi xua barapo peitorobiwe paca jeiche: “Pon jopa benacuichiyo bũ jopa xae tsane”, paca jeiche. ¹¹ Ichamonae pana tsipaeba xua painyamonae

jiwana yabara, xua pinae painyamonaе jiwana jopa natsiꝑain nacuichiyo pexaewa. Saya pinae dubenanaebiya. Barapomonaе saya pinae ichamonaе yabara уꝑꝑꝑeichi. Barapomonaе jopa pinae exanaeyo piawa. Saya pinae penabarꝑ уꝑꝑꝑeiji poxonaе ichamonaе eneibatsi poxonaе nacuiteiba. ¹² Barapomonaе pomonaе saya dubenanaebiya, paitoroban pajanje: “Tsipei Jesucristo pana cata pia peitorobi coyenewa pon jiwi Pecanamataxeinaein, daxota pecono jumeyotha paca tsipaebatsi. Bara panacuire painya nenacuichiwa xua pexaewa painya natsiꝑain nacuichinexa. Jopa ichamonaе payabara nabarꝑ уꝑꝑꝑjande”, pajanje.

¹³ Ichitha paxam patamonaе pam, pomonaе pam irꝑ pajume cowꝑntame jopa paajꝑntꝑcoyenefaetabinde xua xanepanaya painya neexanaewam. Awiya xanepanaya paexanaponde. ¹⁴ Icha ichꝑn painyamonaе jiwana jiton jopa exanaeyo pocotsiwa paca tsipaebiya tinatsi barapo cartathe barapo pebin pacui naitaeware painya necui yaputaenexa. Barapo pebin jopa pabarꝑ jinompraеinde, xain bapoxonaе aura xua jopa peexanaexae xua barapo cartathe papaeban. ¹⁵ Ichitha jopa bapon pacana exanaeinde be pon painya nepaca caaitafaetabi jiton. Saya jame maisa pamuxuwere xua bapon maisa penacuichinexa. Mataꝑta maisa bapon patsipaebare icha paichim poxonaе patsipaebame pontha pon pejume cowꝑntsin.

Meje yabara xua Pablo najume wetsiya paeba

¹⁶ Jesucristo pon jiwi Pecanamataxeinaein xua jꝑntema popona peyacuiya jinaein, bꝑ bara barapo jꝑntema pejinompraе coyene paca catsina daxita matabin tsaibi poxonaе bequein ichamonaе abe pacata exaneiba. Barabꝑ bapon pon jiwi Pecanamataxeinaeinxae daxita paxam paca barꝑ jinompraena.

¹⁷ Xan Pablon saya meisa barapo couye tacoutha bara tinan, po jumeyo xua paca jacobatsi. Baxua tsita itapeinya xeinan xua barapo carte apara bara tacarta. Daxita tacartantha barapo jume couxi wetsiya tineiban icha barapo carte ichi. ¹⁸ Pon Wanacanamataxeinaein, Jesucristo, barabꝑ daxita paxam bichocono paca yawenaena pia paca antobexae.

Baja Pablo, irꝑ Silvano, irꝑ Timoteono ponbe necueyatabe.

Meje Po Carte Copiya Pablo Tatina, Timoteo Tatinatsi

Meje yabara poxonae Pablo tamropata pitaba xua tatina, Timoteo tatinatsi

¹ Jaco Timoteo. Xan, Pablon, Jesucristo pia peitorobi jiwi jiwana tatsin. Nacom pon Wanacacapanenebiyaein neitoroba. Matautano Jesucristo, pon Pecanamataxeinaein jiwi, pon wanae ewatatsi irura neitoroba. ² Timoteo, xam cata tinatsi barapo carte, xam bara xaniwaicha be taxantom canatsicotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaebe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua jantema popona jinya necaexanaenexabe.

Meje yabara xua Pablo yabara muxuweta pomona abeya pecuidubiwi pia pecuidubi coyenewa tatsi pecuiyainwa

³ Poxonae matha cain muxu taponae Macedonia nacua beya, bapoxonae jume daunweya cajeichi, janje: “Ecare Efeso tomaratha jinya necui itorobinexa tsane pomona abeya pecuidubiwi pia pecuidubi coyenewatha. Barapomona seicayiia cuiduba ichi be jopa paxan ichiyo pomona Jesucristo pia peitorobi jiwi tatsi panxaein. Itorobare xua barapomona jopa cuidubi tsane ichamonaetha barapo coyene po coyene xua jopa xainyeyo. ⁴ Matautano barapomona jopa bewa jantu coyene enae tsainchi po diwesin xua pia pamo susato jiwi tatsi paeba po diwesin xua pejemai diwesin, matautano po ayei diwesinno, xua pia pamo susato jiwi tatsi yabara”, cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom pia monae wajume cowantsixae Nacom.

⁵ Xua tapaebixae xua barapo peitorobi coyenewatha paeba apara xua daxita jiwi nantiya caemonae penaantobenexa tsane. Barapo peantobe coyenewa jiwi pia jantu coyene wetsina pona poxonae pia jantu coyenein xanepana xua jopa xeinaeyo peabe coyenewa yawa poxonae barapo jiwi pia coutha najantu coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi pia jantu coyene wetsina pona poxonae barapo jiwi xaniwaicha jume cowanta Nacomtha. ⁶ Ichamona jopa xeinaeyo barapo peantobe coyenewa poxoru jume itaweta, matautano poxoru najantu coyene eena exana penajume matsontsonobi diwesin. ⁷ Barapomona ichichipa becuidubina Nacom pia peitorobi diwesi jume. Bequein barapomona baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomona jopa yabara yaputaeyo po coyeneya xua atsaquiya yabara cuiduba ichamonae Moisés pia peitorobi diwesi jume.

⁸ Bara yaputainchi xua Moisés pia peitorobi diwesi wanae jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa. ⁹⁻¹⁰ Waxainchi matautano yaputainchi xua Nacom pia peitorobi diwesi jume jopa barapomona nexiyo pomona bayatha pejantu coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomona nexa pomona meje: pomona jopa exanaeyo pocotsiwa Nacom pia peitorobi

diwesi jumetha itoroba; pomonae jopa jume cowantsiyo Nacom; pomonae jopa ichipaeyo Nacom; pomonae abe peexanaewi; pomonae jopa juntu coyene xanepanaeyo Nacomtha; pomonae aichaxaibi Nacom pia peitorobi diwesi jume; pomonae pia paxeíwi pebewi; pomonae pia pena jiwi pebewi; pomonae jiwi pejutebiwi; pomonae penata siwa xeinaewi yabaxitha xua jopa piseuri jiwi; pomonae cae pebiwi penaisamaichi jiwi xua be yabaxi penatsicotae jiwi; pomonae paratixi xeineiba xua ichamonae pejiwana noteibixaetsi poxonae equeicha caewa pejiwana canawibeibixaetsi; pomonae jiwi pemuxutorobiwi; pomonae naerabiya jume daunweya paeba xua ichamonae naerabiya peyabara paebiwatsi. Barapo peitorobi jume iruru barapomonae nexa daxita pomonae seicayiya yabara jume tox-einchiya exana po coyene xua Jesucristo pia pexeinya pecuidubi coyenewa. ¹¹ Barapo pexeinya pecuidubi coyenewa, bara najume jurabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xuano bichocono pejuntu coyene weiweinaein. Barapo diwesibe Nacom itoroba xua tacueicueijeíwa tsane.

Meje yabara poxonae Pablo juntu coyene weiweina Jesucristo

¹² “Juntu coyene weiweinan tanecatsixaemxae peantayapuswa”, jan Jesucristo, pon Wanacanamataxeinaein. Bapon necata peantayapuswa tacueicueijeíwa tsane jiwitha Nacom pia Pexeinya jume diwesi tatsi. Bapon neyabara nanta xeina xua bara beta jume cowantan, daxota necana exana xua xan pia petanacuichin tatsin. ¹³ Bapon baxua inta exana bequein bara bayatha bapon abeya yabara paeban. Matautano bapon piamonaetha tatsi abeya tacana exanan. Matautano abeya tayabara paeban barapo pijimonae tatsitha pomonaetha pomonae pia pejume cowantsi jiwixaetsi. Ichitha Nacom nantanuweya neyabara nanta xeina pia tana neyawenaenexa, tsipei bapoxonae jopa jume cowantsinyo Jesucristo poxonae abe exanan. Matautano jopa yaputaeyo pocotsiwa xua bayatha exanan. ¹⁴ Daxota Nacom pon Wanacanamataxeinaein bichocono amanaya neyawena tanean-tobexae. Nacom nejuntu coyene yuca exana po pejume cowantsiwa xuano xua po peantobewa tsita xeinatsi Cristo Jesús.

¹⁵ Cristo Jesús patopeica po cae pin nacuathe tsique pecapanenebiyaenexa tsainchi pomonae abe peexanae jiwi, xua capanenebiyatsi abe pia peexanae cuiru coyenein weya. Pomonae abe peexanae jiwi barapomonae jiwanan xua bichocono abe taexanaein beyacaincha barapomonae poxonae abe exana. Baxuan apara xainyei pocotsiwa xua yabara paeban. Jiwi bewa jume cowantsina baxuan. ¹⁶ Bequein bichocono abe taexanaein, daichitha Nacom nantanuweya neyabara nanta xeina pia tana neyawenaewa tsane. Tsipei xan pon Jesucristo nenaitata exana jiwitha, xua bayatha tana necui yabara ewatsixae xua tajume cowantsiwa tsane Jesucristo xua poxonae jopa aitaconaeyo. Daxota ichamonae poxonae netaena Nacom exanaena xua barapomonae Jesucristo pejume cowantsiwa tsainchi, pexeinaenexa peantayapuswa po peantayapuswa xua ataya tsiteca. ¹⁷ Nacom, wuna paca jaintatsi: “¡Xam Nacom pon ataya jiwi itorobiya pepa Neewatsin! ¡Xam Nacom pon bapana jopa tupaem tsane! ¡Xam pon xua jiwi jopa itacupaetsi xua necataewa! ¡Xam yatsicaewa compam pepa Nacom! ¡Ataya paca tsita baru cui itura jinatsi! ¡Barabu ataya jiwi wuna cajainchina! Je bara ichi tsane”, paca jeichi Nacom.

¹⁸⁻¹⁹ Xam, Timoteom, bara xaniwaicha be taxantom canatsicotainchi. Caitorobatsi ichi be pocotsi coyeneya bayatha Nacom pia peitorobi jume pepaebiwi caitoroba poxonae cayabara tsiwuna mu xu duta xua bexa

cuidubiname jiwitha Nacom pia pexeinya jume diwesi. Xan caitorobatsi icha be pocotsi coyeneya bayatha barapomonaе caitoroba. Cajeichi: Jume daunweya antayapusa ya beta exande Nacom pia petanacuichiwa tatsi. Poxonaе baxua exaname, beta jume cowantsiya exande, yawa pexeinya juntu coyene xeinare po juntu coyene xua xainyeya natsipaebame, xua jopa abe exanaem Nacomtha, cajeichi. Ichamonae bequein beta natsipaeba pijuntu coyeneintha, ichitha barapomonaе najuntu coyene barapenta po coyene Jesucristo pejume cowantsiwatsi tsipei jopa jume cowantsiyo pocotsiwa pia juntu coyene tsipaebatsi. ²⁰ Barapocotsi coyene Himeneo exana iruru Alejandro exanaru. Baponbe caenaetanbe pon caurimonaе pia pentacaponaeintha tatsi pon Satanás beya poxonaе baraponbe nacuidubinabe xua jopa bewa abe yabara paebi tsanebe Nacomtha.

2

Meje yabara xua Pablo yabara cuiduba po coyene xua Nacomtha petsipaebiwa

¹ Copiya caitorobatsi baxuanje xua exanaename: Nacomtha tsipaebare daxita jiwi nexa; Nacomtha wacare xua Nacom peyawenaenexa daxita jiwi; yawa jande Nacomtha: “Nacom, maisa juntu coyene weiweinan xua daxita xanepanaya jinya netaexanaewam jiwi”, jande. ² Bewa Nacomtha tawucaename daxita nacua peewatsiwimonaе. Matautano bewa Nacomtha tawucaename daxita pentacaponaeiwimonaе. Baxua bewa exanaename xua junteма beta wajume cowanta dubenanaebiyaenexa Nacomtha, yawa junteма wajinompaeenexa jiwi peitatha. Barapo junteма wajinompaeewa bara bewa Nacom tsita xeinaeinchi barapo coyene, yawa bara jiwi xaniwaicha naca cui tane xua bara beta xaniwaicha jinompatsi daxita carepaya coyene cuintha. ³ Barapo coyenein jame Nacom tsita wunaetsi pon Wanacacapanenebiyaеin. ⁴ Nacom bichocono ichipa xua daxita jiwi pecapanenebiwa tsainchi abe pia peexanae cuiru coyenein weya. Matautano Nacom ichichipa xua jiwi yaputaena pocotsiwa xua pexainyei coyenewa. ⁵ Meisa compa Nacom pon pepa Nacom, bapon meisa popona. Barichi saya meisa caein pon itacupatsi xua jiwi yabara jume yawenatsi Nacomtha, apara barapon Jesucristo. ⁶ Jesucristo copata xua bara naetotha tsitupa xua daxita jiwi yantomatatsi xua jiwi pecapanenebiyaenexa tsainchi abe pia peexanae cuiru coyenein weya tatsi. Poxonaе Jesús tupa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi. ⁷ Daxota Nacom newun duta, jeye: “Bapon apara pon tajume diwesi pecaponaein yawa bapon taitorobi jiwi jiwanapin”, jei Nacom. Bara xaniyeya paeban, jopa naerabinyo. Daxota Nacom neitoroba tacuidubinexa pomonaetha pomonaе jopa judiomonaе naexanaeyo xua Nacomtha pejume cowantsiwa yabara yawano xua Nacom pia pexainyeiwa yabarano tatsi.

⁸ Daxota ichichipan xua daxita nacuanpiwi Nacom pewucaewa tsainchi. Poxonaе wucaena Nacomtha bewa namaxu yoichaena xua yatsicaewa pexainaexae tsane pejuntu coyene xanepanaewa. Matautano jopa bewa yajuntu coyeneya paebi tsane xua peita aenae-aeniwa ichantha. Matautano jopa bewa yajuntu coyeneya paebi tsane xua penajume matsontsonobi coyenewa. ⁹ Ichichipan xua yabuxi nama xatabina pocotsi paparuwa be conotha wunaе. Saya uuranaya jinompaeena xua bichocono jopa atsaqui tsane xua pebaru yuyjeiwa pebiwitha. Jopa bichocono wunaeya nantana fabi tsane. Jopa bichocono nantana pepena exanae tsane pocotsiwatha xua

bichocono ainya matoman, pocotsiwa pewun oro, matautano pocotsiwa pewun perlan. Matautano jopa namaxatabi tsane pocotsi paparuwa bichocono ainya matoma. ¹⁰ Jame yabuxi bewa exanaena pocotsiwa jiwi tsita coyene xanepanatsi, xua pocotsi coyene jiwi yawenatsi. Baxuan jame bichocono wnae xua yabuxi exana, po yabuxi xaniwaicha jume cowuntsiya jinompa xua Nacom pejume cowuntsiwatsi. ¹¹ Yabuxi bewa saya moya jume naitawatsiya jume taena pocotsiwa xua nacuiduba. Saya bewa moya jume jejei tsane. ¹² Tsipei yabuxi jopa copatsinyo xua cuidubina Nacom Pejume Diwesi pin bicheito itabaratha. Matautano jopa copatsinyo xua yabuxi pentacaponae wi penaexanaewa tsane pebiwi nexa. Jame bewa yabuxi saya moya enaena poxonae pejume cowuntsiwi nacaetuta xua Nacom wnae pejainchinexatsi. ¹³ Tsipei Nacom copiya exana pebin pon pewun Adán, bapoxonae yabuyo exainchi powa pewun Eva. ¹⁴ Caena bayatha Adán jopa muxujainyabichi pon caurimonae pia pentacaponae in tatsi xua abe peexanaewa tsane. Apará jame bapowa Eva muxujainyabatsi, daxota bapowa abe exana. ¹⁵ Bequein yabuyo atene poxonae tanaexanatsi pexuyo, ichitha Nacom capanepaena bapowa icha bapowa jume cowuntsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

3

Meje yabara xua bewa exanaena pomonae pecanamataxeinaewi pejume cowuntsiwi

¹ Baraxua bara xainyei xua paca tsipaebatsi. Icha pebin ichichipa naexanaena xua pomonae Nacom pejume cowuntsiwichi pecanamataxeinaewatsi, bara baxua bara xanepana. ² Daxota pon pomonae Nacom pejume cowuntsiwi canamataxeinatsi, bapon bewa xanepanaya beta poponaena xua bapon jopa abe peyabara paebinexa tsainchi ichamonae. Bapon bewa saya cae piseuri baru jijinaena. Matautano bapon jopa bewa bichocono apae tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua bapoxonae ichamonae bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonae petapateibeibixaetsi pia botha. Bapon ba pia cui xeina xua beta cuidubina ichamonaetha. ³ Bapon jopa bewa nacupa exanae tsane peatsaxae mera. Yawano jopa bewa bapon naba exanae tsane, saya jame bewa junte ma poponaena. Bapon jopa bewa najume matsontsonoba exanae tsane. Yawano bapon jopa bewa pitaparati xichi xua paratixi peasiwiwa. ⁴ Bapon bewa beta itorobiya canamataxeinaena pia bomonae matabuxuyo. Matautano bapon bewa pia pexui jume naitawati xichi poxonae itorobeiba pia pexui. Yawa pia pexui bewa tsita xeinaetsi pebaru itura jinae coyenewa. ⁵ Icha barapocotsi jiton ita coxanatsi xua beta itorobiya canamataxeina pia bomonae matabuxuyo, bapon nexata jopa itacupaetsi xua canamataxeina Nacom nexa pomonae Nacom pejume cowuntsiwixaetsi. ⁶ Pebin jopa bewa naexanae tsane xua pomonae Nacom pejume cowuntsiwichi pecanamataxeinaewatsi poxonae cataunxuae abu pena pejume cowuntsin Jesucristo. Icha bapon pena pejume cowuntsin tsipae Jesucristo, metha bapon aebichipa nawita jiwitha, bapoxonae Nacom cana exanaetsipa bapontha, icha be pocotsi coyeneya ichi poxonae caurimonae pia pentacaponae in tatsi itawetatsi, xua Nacom itaweta pia nacua weya, xua Nacom peabixaetsi. ⁷ Matautano bapon bewa beta poponaena, xua pomonae jopa pejume cowuntsiwi Nacom bapon beta

peyabara nanta xeinaenexa tsainchi. Icha bapon jopa beta poponae tsane, bapoxonae jiwi abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonae pia pentacaponaein tatsi cui jujuta xua po cui coyeneyatha bapon peexanaenexa.

Meje yabara pomonae jiwi peyawenaewi pomonaetha pomonae pejume cowantsiwi

⁸ Barichiru pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwatha, barapomonae bewa beta jinompae, xua jiwi pebaru cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nacupa exanae tsane peatsaxae meran. Matautano jopa bewa pitaparatichi tsane xua paratici peasiwiwa. ⁹ Barapomonae bewa beta jume cowantsi Jesucristo po coyene xua Nacom yabara tsita itata xua wajume cowantsiwa, yawano barapomonae bewa muxuna xeinae po juntu coyenetha beta xaniwaicha natsipaebatsi xua jopa abe exanaetsi Nacomtha. ¹⁰ Bara matha bu ichamonae cui jujutsina barapomonaetha icha beta xaniwaicha jinompa yawa icha ichamonae jopa abeya yabara paebiyo barapomonaetha. Bapoxonae barapomonae cana exanaeinchi pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwatha. ¹¹ Barichi yabuxi bewa beta jinompaena xua barapowaxi pebaru cui itura jinaewa tsainchi jiwi. Jopa bewa bapowaxi abe yabara paebi tsane ichamonaetha, xua ichamonae abe peexanaexae. Matautano bapowaxi jopa bewa bichocono apae tsane vino meran. Matautano bapowaxi bewa beta jinompae, xua ichamonae peyabara jume cowantsiya nanta xeinaenexa xua pocotsiwa bapowaxi daxitan exana pocotsiwan bayatha exanapaebeiba. ¹² Barapocotsi jiwi jiwana jiton pomonae peyawenaewi pomonaetha pomonae pejume cowantsiwi, bapon bewa saya cae piseuri baru jijinaena. Matautano bapon bewa beta itorobiya canamataxeinaena pomonae pia bomonae matabuxyo xua daxota bewa beta itorobiya canamataxeinaena pia pexui. ¹³ Tsipei barapocotsi jiwi pomonae peyawenaewi pomonaetha pomonae pejume cowantsiwi poxonae barapomonae beta exana pia petanacuichiwa, bapoxonae ichamonae barapomonae wanae jaintatsi beta pia petanacuichiwaxae. Matautano barapomonae ichamonaetha cui tsacatsacapiya yabara paeba xua pia pejume cowantsiwa xua Cristo Jesús pejume cowantsiwatsi.

Meje yabara po coyene xua naitata xua po coyene copiya moya peyawun xeinaewa po coyene xua wajume cowantsiwa

¹⁴⁻¹⁵ Bequein ichichipan xua methaunxuae cataeinchi, daichitha daxota cata tinatsi xua icha pirapaeyo tapatopaewa tsane, bapoxonae yaputaename po coyene xua jiwi bewa exanaena. Barapo coyene beta xanepanaya penabaru jinompae coyenewa Nacom peitabaratha tatsi, pomonae Nacom piamonae tatsi. Apari yabara paeban pomonae Nacom piamonae tatsi, pomonae Jesucristo pejume cowantsiwichi, pomonae nacaetuta xua Nacom wanae pejainchiwa tsainchi, po Nacom ataya asu pepoponaein. Barapomonae yajuntu coyeneya jinompa Nacom pia pexainyei coyenewa tatsi. Matautano barapomonae yabara jume yawena Nacom pia pexainyei jume diwesi poxonae ichamonae abeya yabara paeba barapo pexainyei jume diwesi. ¹⁶ Waxainchi paebatsi jeichichi: “Pocotsiwa jume cowantatsi Jesucristo, maisa bichocono xanepana bara be po coyenewa xua moya peyawun

xeinaewa, po coyenewa jiwi jopa yaputaeyo”, jeichichi. Wayabara jume cowantsiwa baxua meje:

Nacom naexana be jiton pia juntu coyeneya tatsi, xua barapara bapon Cristo.

Nacom pia Pejumo tana tatsi yabara paeba, xua bapon yabara paebatsi, xua bara bapon yatsicaewa bara Nacom.

Ira matatsunpiwi tane, xua bapon tainchi.

Bapon yabara cueicueijeichi jiwi yabara cueicueijeidaxita nacuanpiwitha.

Daxita nacuanpiwi jiwanamona, bapon yabara jume cowantatsi.

Yawano equeicha bapon peitaboco becaichatsi.

4

Meje yabara xua pomona naerabiya pecuidubi jiwi pomona seicayiycuiduba xua ichi be jopa paxan ichiyo

¹ Nacom pia Pejumo tana tatsi beta xaniwaichiya jeye xua poxona po dapae taba ducuaena xua poxona po dapaetha Nacom daxita wetsina, bapoxona pomona pejume cowantsi jiwi jiwana Nacom pentinchi xua Nacom pejume cowantsiwatsi. Yawa barapomona napuna ponaena caurimona po caurimona jiwi muxutorobiya muxujainyabatsi. Matautano barapomona exanapona po pecuidubiwa caurimona pia pecuidubiwa tatsi. ² Matautano barapomona jume naitaewatsiya jume taena pocotsiwa paeba pomona jiwi pemuxutorobi jiwi. Barapo pemuxutorobi jiwi cui nacopata xua bara abe exana nawita, po jejuntu coyenetha xanepanaya natsipaeba poxona abe exana. Daxota barapomona jopa yaputaeyo po juntu coyene xanepana. ³ Barapomona pomona pemuxutorobi jiwi, jiwi cui matawentatsi xua jitha peenaewa. Matautano jiwi jain matawentatsi xua jopa xae tsane icha penabanaewan, bequein taetha xua barapo penabanaewan Nacom tsijain exana jiwi. Pomona pejume cowantsiwi xuno pomona peyaputaewi Nacom pia pexainyei coyenewa tatsi, poxona barapomona najume weteiba xua natsijain jacobeba Nacomtha, jei tsaibi: “Nacom maisa juntu coyene weiweinan xua tana necatsiwaxaem pexaewa”, jei tsaibi, bapoxona barapomona bara xane barapo penabanaewan. ⁴ Daxita xua pocotsiwan Nacom forota baxuan wana. Jopa bewa naitematsi tsainchi pocotsiwa xua Nacom naca cata. Saya jame bewa noteibichi, yawano bewa Nacom natsijain jacobebichi xua jei tsaibichi: “Maisa Nacom juntu coyene weiweinan xua tana necatsiwaxaem pexaewa”, xua jei tsaibi tsainchi. ⁵ Nacom naca tsijain betsina barapo penabanaewan, matha wayorobixae Nacom Pejume Diwesi, yawa wanatsijain jacobebixae Nacomtha xua jei tsaibichi: “Nacom maisa juntu coyene weiweinan xua tana necatsiwaxaem pexaewa”, wajei tsaibixaetsi.

Meje yabara xua pon Jesucristo beta tanacuitatsi

⁶ Daxita barapo coyenein xuaunxuae catsipaebatsi, icha barapo coyenein tsipaebiya cuidubame ichamonaetha pomona ira pejume cowantsi jiwi Cristo, bapoxona xam pon beta netanacuichim tsane Jesucristo. Bapoxona ichamona cacui taena xua xam bara bichocono jinya coutha jume cowanta na-eexanapona, yawano xua neexanaexaeno pocotsiwan cacuidubatsi po pecuidubiwa bichocono pexeinya coyene. ⁷ Jume naitemare po diwesi xua saya jiwi cueicueijeichi xua jopa Nacom pia diwesiyo tatsi, po

diwesiin xua pejemai diwesiin xua jopa xapain wanaeyo. Jinya coutha nacuidubare, xua nenajuntũ coyene cana exanaenexam tsane icha be Nacom pia juntũ coyene ichi. ⁸ Bequein penacui jujutsiwa xanepana xua pepon daunwei penaexanaenexa, ichitha jame xua penajuntũ coyene xanepana exanaewa Nacomtha, baxua jame bichocono xanepana beyacaincha xua penacui jujutsiwa. Tsipei barapo penajuntũ coyene xanepana exanaewa Nacomtha naca yawena anoxuae poxonae cataunxuae awiya jinompatsi po cae pin nacuathe, yawa xua bexa tsaneno naca yawenaena Nacom pia nacuatheicha. ⁹ Baraxua yatsicaya apara xainyei. Daxota daxita jiwi bewa yabara jume cowantsina po coyene xua penajuntũ coyene xanepana exanaewa Nacomtha. ¹⁰ Barapocotsi coyene waxainchi ajuntũyapusa ya daunweya exanatsi. Ichamonae naca atene exaneiba xua poxonae abe naca yabara paebeiba, tsipei waxainchi jume cowantsiya wanae ewatatsi Nacom, pon ataya pepoponaein. Barapon Nacom ichichipa xua daxita jiwi pecapanenebiwa tsainchi abe pia peexanae cuiru coyenein weya tatsi. Bapon jiwi Pecapanenebiyaein abe pia peexanae cuiru coyene weya tatsi xua pomonae pia pejume cowantsi jiwixaetsi.

¹¹ Barapo coyenein bewa ichamonae cui itorobiname, xua necuidubiwam pocotsiwa barapomonae peexanaewa tsane. ¹² Jopa jume naitawatsinde xua ichamonae cayabara paeba xua poxonae jopa cabarũ cui itura jinaeyo xua poxoru nepewowixaem. Jame bewa beta exanaponaem xua necacui taeponaenexa pomonae pejume cowantsiwi Jesucristo. Xua barapomonae tsita exaname, xua irũ barapocotsi coyeneya peexanaenexarũ. Beta cueicueijande, matautano beta poponde, yawa matautano antobe tsurucuanabiyama jiwi xua ichamonae necacui taenexa. Yawa matauta beta poponde xua bichocono jume cowantame Jesucristo xua ichamonae necacui taenexa. Yawa beta poponde xua nejuntũ coyene bichocono xanepana Nacomtha xua ichamonae necacui taenexa. ¹³ Poxonae cataunxuae jopa patopaein tsane, jiwi peitabaratha yorobeibare Nacom pia pexeinya jume diwesi tatsi. Barapo diwesiin yabara cueicueijande, matautano cuidubareno pomonae pejume cowantsiwi Jesucristo. ¹⁴ Caena bayatha pitiri jiwi, po pitiri jiwi pejume cowantsiwi jiwanamonaenae, canta jayabiya caitoroba xua necueicueije iwa tsane Nacom pia pexeinya jume diwesi tatsi. Barapo pitiri jiwi canta jayaba Nacom peitorobixae. Barompaya jinya neexanae coyenewatha jopa yabara toxechiya exanaeinde po cui coyenewa Nacom bayatha cacata poxonae barapo pitiri jiwi canta jayaba, po cui coyeneyatha neexanaewa tsane pocotsiwa Nacom ichichipa.

¹⁵ Daxita barapo coyenein naitematsiya eexanaponde xua ichamonae necacui taenexa xua bara xanepanaya jume cocowantaponame. ¹⁶ Dotam xua nejuntũ coyenewa cananta xeiname. Matautano dotam xua pocotsiwa necuidubiwam. Awiya beta ajuntũyapusa ya jume cowanta ducuanabiyama. Icha baxua exanaename jinya coutha nacapanepa exanaename xua Nacom cacapanepaena petũpae cuiru coyene weya. Irũ barichim tsane capanenebiya exanaename xua Nacom capanenebiyaena pomonae necajume naitawatsiwi.

5

Meje yabara xua pocotsiwa Timoteo bewa cuidubina pomonae Jesucristo pejume cowantsiwichi

¹ Jopa jume itawetsinde pon pitirin. Jame saya bewayo muxuwere icha be ichim xua poxonae axa bewayo muxuwetame. Barichinde pewowi saya bewayo muxuwere icha be ichim xua poxonae eweicho jiwi saya bewayo

muxuwetame. ² Pitiriwaxi saya bewayo cuidubare icha be ichim xua poxonae ena saya bewayo cuidubame. Matautano saya bewayo cuidubare penawaxi icha be ichim xua poxonae amcho jiwi saya bewayo cuidubame xua tsita auram. Juntũ coyene xanepanaya yabara nanta xeinare barapowaxi, xua jopa abe neexanaewam.

³ Nacom piamonae, pomonae pejume cowũntsiwi, barapomonae bewa yawenaena powaxi pecuenta werapaewaxichi piseuriwi, saya jame poxonae barapowaxi jopa xeinaeyo piamonae tatsi, pomonae peyawenaewichi.

⁴ Icha ichawayo powayo pecuenta tũpaewayotsi piseuri, icha bapowa pipexui xeina yawa ichacuiŋa icha xeina pia pemomo jiwi, barapomonae bewa yawenaena barapowatha. Barapomonae copiya bewa nacuidubina xua Nacom cui itoroba xua bewa ba tsita baru cui itura jinaena bapowatha. Barapo coyene tsita exaneibina xua poxonae yaweneibina bapowatha. Barapomonae bewa yawenaena bapowatha xua bapowa piamonaexae tatsi. Bapoxonae bapowa jopa nantawenonae tsane xua ichamonae bapowa peyawenaewatsi. Barapomonae bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonae pexui. Jame barapo coyene Nacom tsita coyene xanepanatsi, matautano barapo coyene Nacom juntũ coyene weiweina exanatsi.

⁵ Powa bara xaniwaicha pecuenta tũpaewayotsi piseuri, powa xaniwaicha compa, powa jopa xeinaeyo piamonae matabũxũ pomonae peyawenaewichi, bapowa jume cowũntsiya wũnae ewata xua Nacom yawenaena xua bapowa yawenaeinchi. Pebaxuanexa tsane bapowa wũqueiba Nacomtha merawintha, yawa matakabintha.

⁶ Ichitha nama powa pecuenta tũpaewayotsi piseuri, powa saya pia coutha nayabara nanta xeina nawita xua penasiwaimeinchiwa pebiwitha, bapowa saya jopa nanta xeinaeyo xua jume cowũntsiya wũnae ewatsina Nacomtha, xua peyawenaewa tsainchi. Daxota bapowa pia juntũ coyene tatsi be tũpa, xua Nacom be tsita tũpatsi bara bequein bapowa popona. ⁷ Daxota xua ichamonae jopa abeya peyabara paebinexa pomonaetha pomonae pejume cowũntsiwi, cuidubare barapo peyawenaeyo coyenewa barapomonaetha pomonae pejume cowũntsiwi. ⁸ Meje xua pocotsiwe baxue: Icha pon jopa yabara nanta xeinaeyo xua piamonae peyawenaewa tsane, bapon apara bara exana be poxonae jopa jume cowũntsiyo. Bapon apara bichocono ajuntũcoyenyapubeya exana, beyacaincha pon jopa jume cowũntsiyo, pon daichitha piamonae yawena.

⁹⁻¹⁰ Barapo paperatha, po paperatha ichaxota saya wũn dubatsi powaxi pecuenta werapaewaxichi piseuriwi, barapo paperatha wũn tinadubare. Saya wũn tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, matautano wũn tinare powaxi xua ichamonae yabara paeba xua pinae bapowaxi xanepanaya exana. Pocotsi coyenein xua poxonae barapowaxi xua xanepanaya exana baxue meje: Bapowaxi beta wichita pia pexui; yawa bapowaxi beta matenta weiweinaya apateiba pomonae petapateibiwichi pia bontha; yawa bapowaxi taxu quiateiba pomonae pejume cowũntsiwi Cristo pomonae petapateibiwichi pia bontha; yawa bapowaxi yaweneiba pomonae peacopeibi jiwi; yawa bapowaxi daxita carepaya coyeneintha exaneiba po coyenein bichocono jiwi tsita xanepanatsi.

¹¹ Ichitha jopa wũn tinaeinde powaxi cataunxuae taacoibichi xua xeina sesenta po weibe. Tsipei ichacuiŋa bapowaxi juntemainaeetsipa pocotsiwa bayatha Cristo yabara tsiwũnae muxu duta xua jopa equeicha penotsiwa icha pebiwi. Bexa barapowaxi equeicha icha pebiwi benotsipa.

¹² Barapowaxi Nacom yabara paeba xua pinae barapowaxi barapara nat-sicuenta xua abe peexanaexae, poxoru jopa exanaeyo pocotsiwa bay-atha yabara tsiw_hnae muxu duba Cristotha pocotsiwa xua exanapaebeiba.

¹³ Matautano barapowaxi fina, jopa ichichipaeyo xua penacuichiwa dax-ota saya daxita bontha siwa poneiba, matauta saya cueicueijeji tsurube-nanaebiya xua ichamonae peyabara paebiwatsi pocotsiwa xua jopa xapain pexeinya diwesiyo. Matautano barapowaxi fayacota dubenanaebiya icha-monaetha.

¹⁴ Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barab_u moya jitha enaena equeicha. Barab_u moya equeicha xexeinaponaena pexui, yawa moya barab_u xua pia boxi bara beta ewatsina. Matautano barapowaxi jopa bewa abe exanae xua daxota ichamonae pomonae jiwi peaitafaetabi jiwi abe yabara paebina xua abe yabara paebinchi pomonae pejume cow_untsiwi.

¹⁵ Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebiya pocotsiwa xua caurimonae pia pentacaponaein tatsi cui itoroba, pon Satanás.

¹⁶ Icha petsiriwa, powa pejume cow_untsiwayo Jesucristo, icha bapowa tapopoinchi pia botha pijimonae jiwawayo tatsi powayo pecuenta t_upaewayotsi piseuri, barapo pejume cow_untsiwayo bewa yawenaena bapowatha. Barapo pejume cow_untsiwayo jopa bewa copatsi tsane xua pomonae pejume cow_untsiwi apatsina pexaewa bapowatha, powa pecuenta t_upaewayotsi piseuri. Bapoxonae pejume cow_untsiwi itac_upatsi xua yawe-naena powaxi xua xaniwaicha pecuenta werapaewaxichi piseuriwi xua powaxi jopa pexeinaexae piamonae matab_ux_u jiwi tatsi pomonae peyawena-nae jiwichi.

¹⁷ Pomonae pejume cow_untsiwi bewa bichocono xanepanaya bar_u cui itura jinaena xua pitiri jiwi bar_u cui itura jinaeinchi, po pitiri jiwi betiya xanepanaya canamataxeinatsi pomonae pejume cow_untsiwi. Po pitiri jiwi cueicueijeji Nacom Pejume Diwesi, matautano xua cuiduba barapo diwesi, barapo pitiri jiwi bewa bichocono xanepanaya bar_u cui itura jinaetsi yawa bewa pentoma catsibichi beyacaincha icha pitiri jiwi. ¹⁸ Nacom Pejume Diwesitha jeye: “Duwein pon pew_un buey, pon pexu xu tanacaponae xua poxonae nacuitapona jopa wano atsinde pocotsiwa bapon taayapubetsi poxonae nabusi matoma xaexaepona pentacona”, jei. Equeicha Nacom jeye: “Ponba tanacuita ich_un bapon nantawenona xua xeina pia petanacuichiwa matoma”, jei Nacom.

¹⁹ Jopa cui yopichinde pitirin xua abe exana pon pomonae pejume cow_untsiwi canamataxeinatsi icha jopa xeinaem dos poyobe xua ir_uu cui taner_u xua ichacuitha tres poyobe xua ir_uu cui taner_u pocotsiwa barapo pitirin xua baxua bara exana.

²⁰ Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cow_untsiwi peitabaratha tatsi, xua bapoxonae ir_u ichamonae pejunuwinea xua abe peexanaewa, icha be poxonae xua bapon ichi.

²¹ Caitorobatsi Nacom peitabaratha tatsi yawa Jesucristo peitabaratha tatsi. Matautano caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po j_unt_u coyenewatha xua nanta xeiname xua caein pebin bichocono peainya cuin beyacaincha ich_un. Icha barapocotsi j_unt_u coyenewatha cayabara nanta xeinaeya exanaetsipame jopa xainyeya

exanaetsipaem. ²² Ab_u bepijawa jopa mata jayabinde pitirin, xua pecanamataxeinaenexatsi pomonae pejume cow_untsiwi, tsipei icha bapon abe exanaetsipa apara baxua be ir_u xam yawename xua bapon abe peexanaewa. Dotam jinya coutha beta xanepanaya naj_unt_u coyene eenare xua abe neexanaeyainwa.

²³ Bichocono necotsoroaxaewa, yawa bichocono neparaxaewa, jopa saya _u meisa apaeinde mera. Jame moya tsiwiyo yawa muxuna apare vino merayo.

²⁴ Ichamonae cui taneme abe pia peexanae cuiru coyenewan tatsi, pew_unaeya xua po mataqueitha poxonae Nacom yabara paebina xua jiwi penatsicuentsiwa xua abe peexanaexae. Ichitha nama anoxuae jopa ichamonae cui taem abe pia peexanae cuiru coyenewan tatsi, apara jame bexa yaputaename po mataqueitha poxonae Nacom yabara paebina jiwi xua penatsicuentsiwa xua abe peexanaexae. ²⁵ Barichi pocotsiwa jiwi xanepanaya exana ichamonae nexa, baxua ba jiwi anoxuae cui tane. Bequein ichacuitha barapocotsi xanepanaya peexanae coyenewan jiwi jopa cui taeyo anoxuae, ichitha bexa tsane jiwi taena barapo coyenewan, tsipei poxoru barapo coyenein jopa bapana ataya tsitecaeya moya peyaw_un xeinaewa.

6

¹ Pomonae ba pebusi cui tatayebeibiwichi, pomonae pejume cow_untsiwi Jesucristo, xua pomonae amanaya tanacuita pia pecanamataxeinaewichi, po pecanamataxeinaewichi jopa jume cow_untsiyo Jesucristo, barapomonae ba bewa bar_u cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinexa Nacom pia cui coyenewa tatsi, mata_utano xain jopa abe peyabara paebinexa pata pecuidubiwa xua pocotsiwa pacuiduban Jesús yabara. ² Ichamonae pomonae pebusi cui tatayebeibiwichi, pomonae pejume cow_untsiwi Jesús, barapomonae xeina pia pecanamataxeinaewichi, pomonae ir_u jume cow_unta Jesucristo. Barapo pebusi cui tatayebeibiwichi jopa bewa exanae po coyene xua poxonae jopa xeinaeyo pebar_u cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cow_untsixae Cristo. Jame barapo pebusi cui tatayebeibiwichi bewa bar_u cui itura jinae pia pecanamataxeinaewichi. Mata_utano bewa beta tanacuichi barapocotsimonae, beyacaincha ichamonae pomonae jopa jume cow_untsiyo Jesucristo pomonae pebusi cui tatayebeibiwichir_u pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonae pomonae ir_u jume cow_untar_u Jesucristo. Mata_utano bewa beta tanacuichina tsipei Nacom antobe barapomonae, xua antobetsi barapomonae pomonae pia pecanamataxeinaewichixaetsi.

Meje yabara xua waxeinaewa pepa pexainyei coyenewa xua apara wajume cow_untsiwa

Barapo cui coyene cuidubare jiwitha xua jiwi beta peexanaewa tsane: ³ Ichacuitha ich_un cuiduba pocotsi coyenewa xua penaerabiwa. Mata_utano jopa yabara bar_u jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacanamataxeinaein. Mata_utano bapon pon ich_un jopa yabara bar_u jume jejeyo po pecuidubi coyenewa xua Nacom j_unt_u coyene xanepana exana jiwitha. ⁴ Pon ba bara pocotsi coyeneya exana bara apara pon jiwi peabin xua peyaputaexae. Bapon apara ichitha jopa peyaputaein. Bapon naemata yainyaba nawita ichamonaetha pia xua jiwi penajume matsontsonobinexa bapontha. Daxota barapomonae nantiya nauwa. Mata_utano barapo jiwi nantiya naba. Mata_utano barapo jiwi

nantiya abeya nayabara paeba. Matautano nantiya abeya nayabara nanta xeina. ⁵ Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonae jopa yaputaeyo pocotsiwa pexainyei coyenewa. Bapomonae najei pia coutha: “Icha jan tsane: ‘Jume cowuntan Jesucristo’, jan tsane bapoxonae xain copei nawita xeinaein”, najei barapomonae pia coutha. ⁶ Bara xaniyei, poxonae Jesucristo jume cowuntatsi baxua bara bichocono naca yawena. Ichitha saya naca yawena icha waxainchi muxuna xeinatsi wajuntũ coyeneintha xua beta jantema wajinompaewa bequein xua naacopeibi taethatsi. ⁷ Tsipei poxonae naexanatsi jopa cayawa naexanaetsi barapo copei po cae pin nacuathe. Matautano tsipei poxonae werapaeinchi jopa barapo copei cawerapae tsainchi. ⁸ Ichitha icha xeinatsi pexaewa, yawa paparuwan bara bapoxonae bewa jantema jinompaeinchi. ⁹ Seicaya nama pomonae bichocono ichichipa xua copei pexeinaewa, barapomonae exana pocotsiwa caurimonae pia pentacaponaein tatsi jantũ coyene jũjũta. Daxota barapomonae exana pocotsiwa xua ichichipa, xua jopa wũnaeyo, xua pocotsi coyenewatha abeya pia coutha nacana exana. Baxuan exana pocotsi coyenewatha xua barapomonae peweraweracaewa tsane. ¹⁰ Poxonae jiwi bichocono ichichipa paratixi, bapoxonae tamropata notarũcupa xua bichocono abe peexanaponaewa. Barapo peichichipae coyenewa paratixi, jiwi cana exanatsi xua pepentsiwa po coyene xua Jesucristo pejume cowuntsiwatsi. Daxota barapomonae be pia coutha najuntũ coyene jopojopei exana xua saya peyabara nanta xeinaexae paratixi, xua peichichipaexae paratixi.

Meje yabara xua bewa Timoteo beta ajuntũyapũyũya jume cowũnta ducua-naebiyana

¹¹ Tsipei xam Timoteom Nacom piamonae tatsi jiwanam, baxuan cuitaya naetsiriware, pocotsiwa po coyenewatha weraweraca necaexanaewa. Beta poponde Nacom nexa xua nejuntũ coyene xanepanaewa tsane Nacomtha. Eexanaponde pocotsiwa Nacom ichichipa. Jume cowũnta ducua-naebiyama Nacom, yawano antobe tsurucua-naebiyama Nacom, yawa jiwithano. Matautano saya jantema poponaeya exana ducua-naebiyama pocotsiwa Nacom caitoroba poxonae ichamonae bequein cata abe exana. ¹² Xanepanaya antũyapũyũya jume cowuntsiya exana ducua-naebiyama pocotsiwa Nacom ichipa. Peantũyapũyũwa po peantũyapũyũwa ataya tsiteca, barapo peantũyapũyũwa jopa copatsinde xua necajuntũ coyene weaichurucuaewa. Barapo peantũyapũyũwa Nacom cacata. Xam baxua xanepanaya yabara paebame pin bicheitha. ¹³ Catsipaebatsi Nacom peitabaratha, pon pia peantũyapũyũwa cata daxitan coyeneintha. Matautano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi. ¹⁴ Caitorobatsi xua neexanaewa tsane pocotsiwa catsipae-batsi. Beta xeinare Nacom pia peitorobi coyenewa xua jopa icha coyeneya yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanaponde, beya poxonae Jesucristo equeicha patopeicaena pon Wanacana-mataxeinaein. ¹⁵ Poxonae po mataqueitha Nacom ichichipaena bapoxonae barapo mataqueitha Jesucristo naitatsina jiwitha. Jiwi yaputaena xua bapon Nacom meisa compa xeina daxita peayapũyũ itorobi coyenewan. Bapon meisa compa peyawa jinaein pejuntũ coyene weiweinae coyenewa. Bapon pon jiwi itorobiya pia pepa Peewatsinchi tatsi pia peayapũyũ itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua irũ xeina pia peayapũyũ itorobi coyenewa.

Matautano bapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pecanamataxeinaewichi. ¹⁶ Barapon Nacom meisa compa peyacuiya jinaein peantuyapusuwa po peantuyapusuwa xua ataya jopa peweraweracaewa. Barapo Nacom pecoicha yawa popona po pecoicha bichocono daunweya pentha. Baxota jiwi jopa itacupaetsi xua imoxoyo peponaewa xua bichocono pecoicha pexeinaexae. Dapon aibi, pon bayatha tainchi Nacom. Matautano dapon aibi pon itacupatsi xua Nacom petaewatsi tsainchi. Barabu jiwi Nacom baru cui itura jinaeinchi, xua ataya tsane. Matautano barabu Nacom itorobina jiwitha pia peayapusu itorobiwatha xua bara ataya tsane. Je bara ichi tsane.

¹⁷ Pomonae xua bichocono copei pexeinae jiwi itorobare xua jopa ichamonae aebi tsainchi. Matautano itorobare xua jiwi jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonae jopa Nacom canantawenonae tsainchi. Tsipei paratixi saya bichoina nacaewita daxota barapomonae bewa jume cowantsina Nacom, pon jopa juniya naca cataponaeyo daxita pocotsiwa xua po coyenein nantawenonatsi xua wanaca juntu coyene weiweina exanaenexa. ¹⁸ Cui itorobare barapomonae pomonae copei pexeinaewi xua xanepanaya peexanaewa tsane. Matautano barapomonae itorobare xua nawita pexeinaewa tsane pocotsiwan xua xanepanaya peexanae coyenewan, icha be juta coyeneya ichi poxonae copei nawita xeina.

Barapomonae bewa piawa jiwana wecaenaetsina xua ichamonae pecatsibiwa tsainchi pomonaetha pomonae xua jopa xeinaeyo xua pocotsiwan nantawenona. Matautano barapomonae bewa yawenaena piamonae. ¹⁹ Icha barapomonae barapo coyenein exana, bapoxonae barapomonae pia coutha nayawena xua nacui wunaeta pocotsi coyenewa xua bexa tsane, xua daxota bapoxonae pexeinaewa tsane peajuntuyapusuwa, po peantuyapusuwa xua ataya tsiteca.

Meje yabara xua Pablo najume wetsiya paeba

²⁰ Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitaewatsinde po jumein xua bapana jiwi jopa yawenaetsi. Matautano jopa jume matsontsonoba exanaeinde ichamonae aetha pomonae yabara cueicueijej pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo. ²¹ Pomonae jume cowanta pocotsiwa poxonae yabara cueicueijej peyaputae coyenewa, barapomonae jiwana nacui barapenta po coyene xua Jesucristo pejume cowantsiwatsi.

Barabu Nacom pon jiwi Pecanamataxeinaein, bichocono cayawenaena pia necaantobexae.

Baja Pablo.

Meje Po Carte Cotacaya Pablo Tatina, Timoteo Tatinatsi

Meje yabara poxonae Pablo tamropata pitaba xua tatina, Timoteo tatinatsi

¹ Jaco Timoteo, xan Pablon, Cristo Jesús pia peitorobi jiwi jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwi jiwana tatsin, tsipei Nacom bayatha peexanaexae pocotsiwa bayatha tsiyabara wɔnae muxu duta jiwitha. Po peyabara tsiwɔnae muxu dutsiwa, xua Nacom catsina jiwitha peajɔntɔyapɔsɔwɔ, po peajɔntɔyapɔsɔwɔ ataya tsiteca. Barapo peajɔntɔyapɔsɔwɔ jiwi catsibeibinchi poxonae jiwi jume cowɔnteibina Cristo Jesús. ² Xam, Timoteom, barapo carte cata tinatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, irɔ Jesucristo, pon Wanacanamataxeinaein, baraponbe barabɔ amanayiya cayawenaenabe pia necaantobexaebe. Mataɔtano baponbe nantanuweya cayabara nanta xeinaenabe pia necayawenaenaxa tsanebe. Mataɔtano ichichipan xua baponbe jɔntema popona caexanaena.

Meje yabara xua Pablo yabara paeba xua Timoteo bewa jume cowɔnta ducuaenaebiyaena

³ Poxonae Nacom tsipaebeiban jan tsaibinje: “Nacom, maisa jɔntɔ coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei tajɔntɔ coyene netsipaeba xua pinae bara beta exanan. Barichi tamo susato jiwi tanacuita barapon Nacom. ⁴ Xam cayabara nanta xeineibatsi xua poxonae matha cain bichocono nesiwa wecoyam poxonae cacuenta warapatsi. Maisa be cataeinchi merawintha, yawa maticabintha xua bichocono tajɔntɔ coyene weiweinaewa tsane. ⁵ Xan nanta xeineiban xua xam bara xaniwaicha beta jume cowɔntsiya poponame Nacom. Po pejume cowɔntsiwa xam Nacom tsita xeiname, barapo pejume cowɔntsiwa copiya matha acue Loida, irɔ ena Eunice Nacomtha tsita xeinabe, beya poxonae xam irɔ jume cowɔntame. Bara beta yaputan xua xam irɔ barapo pejume cowɔntsi coyenewa Nacom tsita xeiname anoxuae.

⁶ Daxota catsipaebatsi, beta najɔntɔ coyene tsacabare, xua yabara nanta xeiname po cui coyenewa Nacom cacata xua po cui coyeneyatha xua xanepanaya neexanae ducuaenaebiyaenexa pocotsiwa Nacom caitoroba. Barapo cui coyene bayatha Nacom cacata poxonae canta jayabatsi. ⁷ Tsipei Nacom poxonae naca cata pia Pejumope tɔnaxɔ tatsi, barapo pejumope tɔnaxɔ tatsi jopa jiwi junuwa cana exanaetsi. Jame Nacom naca cata barapo pejumope tɔnaxɔ tatsi, xua waxeinaewa tsane peayapɔsɔ itorobi coyenewa. Mataɔtano Nacom naca cata barapo pejumope xua waxeinaewa tsane po cui coyene peantobe coyenewa xua watsita xeinaewa tsane Nacom mataɔtano xuano jiwithano. Mataɔtano Nacom naca cata barapo jumope xua waxeinaewa tsane po cui coyene beta penayabara nanta xeinae coyenewa xua beta peexanaewa tsane. ⁸ Jopa aurande poxonae yabara cueicueijam Jesucristo, pon Wanacanamataxeinaein, xua poxonae bequein ichamonae cacui capona. Mataɔtano jopa neyabara aurande xua jiwi pecɔbi botha taecaewa. Baxua necana exana tayabara cueicueijeixae Jesucristo, xua jiwi catsawiya taneyabara nanta xeinaexae xua pinae abe exanan. Cui barɔ jejande xua ichamonae bara canthɔthɔ jopojopeya atene exana, icha xan ichin xua yabara cui copatan xua bara ichamonae atene tana

neexanaewa tsane. Baxua cacana exana neyabara cueicueijeixae Nacom pia pexeinya diwesi jume. Nacom cacata peayapuswa baxua nexa, xua jopa nejunuwiwa tsane poxonae caatene exana. ⁹ Nacom naca capanepa abe waexanae cuiru coyenein weya. Matautano Nacom naca waba xua Nacom watsita najuntɩ coyene xanepana exanaewa tsainchi. Apara jopa naca wabiyo poxoru xanepanaya waexanaexaetsi. Apara jame naca waba, tsipei caena bayatha yabara nanta xeina baxua, beya poxonae forota barapo cae pin nacue xua amanayiya pia wanaca yawenaetsi pia wanaca antobexae. Nacom naca yawena caemonae peburɩya wanabarɩ jinompaexae Cristo Jesustha. ¹⁰ Nacom naca tsita itata pia peantobewa poxonae itorobicatsi Jesucristo, pon Wanacacapanenebiyaein. Bapon weraweraca cana exana po peayapuswa xua xota jiwi tɩpa exanatsi. Matautano naca tsita itata po coyenewatha xeinatsi peantɩyapuswa, po peantɩyapuswa ataya tsiteca wajume cowantsixae Nacom pia pexeinya jume diwesi tatsi, po diwesi xua Jesucristo yabara.

¹¹ Nacom newaba xua tacueicueijeinexa barapo pia pexeinya diwesi jume tatsi. Matautano neitorobano xua tana necana exanaenexa Jesucristo pia peitorobi jiwi jiwana tatsin xua tacuidubinexa pomonae jopa judiomonae naexanaeyo. ¹² Taexanaexae baxua, daxota atene neexana ichamonae. Daichitha jopa aurinyo xua tayabara cueicueijejiwa Cristo, poxonae bequein ichamonae atene neexana, tsipei yaputan pontha pon tajume cowantsixae xua peitacɩpaewatsi xua tana neyawenaewa. Bara beta yaputan xua bapon xeina peayapuswa xua tana neyawenaewa. Bapon neyawena xua tacueicueijeji tsurucuaenaebiyaenexa tsane pocotsiwa bayatha bapon neitoroba, beya poxonae barapo matabi tsane, po matabitha poxonae patopeicaena Jesucristo.

¹³ Necui coyene jɩpaeya exana ducuaenaebiyama, po pecuidubiwa bi-chocono xanepana xua bayatha catsipaebatsi. Jume cowantsiya poponare, matautano antobeya poponde Nacom, irɩ jiwithano, caemonae peburɩya wanabarɩ jinompaexae Cristo Jesustha. ¹⁴ Cateiteichiya yawa muxuna poponde pexainyei coyenewa, po pexainyei coyenewa Nacom pia Pejumo pe tɩnaxɩ tatsi cacata, po pejumope tɩnaxɩ tatsi naca barɩ jinompa.

¹⁵ Bayatha yaputaneme pomonae Asia nacuatha jinompa daxita barapomonae nepunapenta. Pomonae nepunapenta, barapomonae jiwana ichɩn pewɩn Figelo, ichɩn pewɩn Hermógenes. ¹⁶ Barabɩ Nacom pon jiwi Pecanamataxeinaein yabara nantanuweya nanta xeinaena pomonae Onesíforo piamonae tatsi, xua Nacom peyawenaewa tsane barapomonae. Bapon Onesíforo nejuntɩ tsacaba poxonae beta xanepanaya neyaweneiba. Bapon jopa neacauriyo xua jiwi pecɩbi botha taecaewa. ¹⁷ Poxonae bapon patopa Roma tomaratha bapon matowa newenawenei tsurucuaenaebiya beya poxonae matapainya necaxina. ¹⁸ Barabɩ Nacom pon jiwi Pecanamataxeinaein, bapontha nantanuweya yabara nanta xeinaena peyawenaenexa tsane, poxonae po mataqueitha Nacom yabara paebina jiwi xua penatsicuentiwa xua abe peexanaexae. Xam yaputaneme bara, xua bapon neyawena nawita Efeso tomaratha.

2

Meje yabara xua Pablo yabara paeba xua ponba beta tanacuita pia pecanamataxeinaeinchi

¹ Xam Timoteom, be taxantom catsicotainchi. Najuntu coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonae peburaya jinya nenaexanaexae Cristo Jesustha. ² Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowantsiya xaniwaicha cuidubina ichamonaetha pocotsiwa xua cueicueijan.

³⁻⁴ Yabara baru cui copare xua bara ichamona atene necaexanaewa tsane, nejume cowantsixae Jesucristo icha xan ichin xua yabara cui copatan xua bara ichamona atene tana neexanaewa tsane. Poxonae baxua exaname, xam bara jata coyene ichim icha be soldadomonaepin ichi. Bapon ba atene exanatsi poxonae naba, xua peexanaexae pocotsiwa itorobatsi pia pentacaponaein. Soldadomonaepin ba dapocotsin aibi pon natsixana piawa poxonae cataunxuae awiya naba exana ichamonaetha, tsipei bapon bewa baxua exanaena xua pon pentacaponaein peitorobixae. ⁵ Barapocotsi jata coyeneya ichi, pon ba xua penaxenacaewa. Bapon jopa itacupaetsi xua xeinaena pocotsiwa pematomatsiwatsi xua poxonae bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa. ⁶ Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa. ⁷ Beta yabara nanta xeinare xuaunxuae catsipaebatsi. Pon jiwi Pecanamataxeinaein cayawenaena xua yaputaename daxita.

⁸ Jesucristo yabara nanta xeinare. Bapon Jesucristo pon naexana xua David pia pemomoxi susato jiwi jiwana tatsi, po David Israel nacuapiwi itorobiya pia pepa peewatsinchi. Bapon Jesucristo equeicha Nacom Pexanto asu exana petupae cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha. ⁹ Barapo diwesi tacueicueijeixae daxota ichamona atene neexana, beya poxonae penaintotha necaba. Xan be pocotsin xua abe bichocono taexanaein nenatsicotane. Ichitha jopa itacupaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonae jiwi pecabi botha tana neetsixae. Tsipei awiya cataunxuae jiwi jume tane barapo diwesi. ¹⁰ Daxota jopa junuwinyo xua ichamona atene tana neexanaewa, matautano bara copatan xua bara moya necana exanaena baxua. Daxota baxua bara copatan pomona Nacom pia peitapetsi jiwi tatsi barapomona nexa, xua barapomonae iru pecapanenebiyaenexa tsainchi xua Cristo Jesús capanenebiyaena. Poxonae barapomona barapo diwesi xeinaena, po diwesi pecapanenebiyae coyenewa, bapoxonae muxuna xeinaena pexeinya peajuntu yapusawa, po peajuntu yapusawa ataya tsiteca xua Nacom pia nacuatheicha tatsi.

¹¹ Baraxue bara xainyei xua jei:

Icha copatatsi xua bara ichamona naca atene exana wajume cowantsixae Cristo beya poxonae naca tupa exana, icha poxonae Cristo cana ichichi, bapoxonae yawa muxuna jinompaeinchi Cristo xua pia nacuatheicha.

¹² Icha waxainchi awiya jume cowanta dubenanaebiyatsi xua poxonae bequein ichamona naca atene exana, icha Cristo cana ichichi, bapoxonae barapo coyenewa yawa muxuna waxainchi Cristo, baru canamataxeinaeinchi jiwitha, waitorobiya ewatsinexa

tsane barapo jiwi.

Icha waxainchi itawetsiya yabara jeichichi
Cristo: “Bapon jopa yaputaeinyo”, jeichichi,
bapon xuya itawetsiya naca yabara jei tsane:
“Bapomonaē jopa yaputaeinyo”,
naca yabara jei tsane Cristo.

¹³ Icha jopa beta xaniwaicha jume cowantsiya
jinompaetsi, daichitha bapon cataunxuae
exana ducuaenaēbiyaena pocotsiwa xua bayatha
jiwi yabara paebatsi.

Baxua exana, tsipei Nacom jopa itacupaetsi xua
exana pocotsiwa jopa be pia cuiyiyo tatsi.

Meje yabara xua pon beta petanacuichin xua ichun beta petanacuichiwatsi

¹⁴ Xuaunxuae catsipaebatsi baraxua paebare ichamonaetha yawano cui
itorobare baraxua barapomonaē Nacom peitabaratha tatsi. Jande bara-
pomonaetha: “Jopa yabara pana najume matsontsonoba exanaēinde xua
po diwesin ichamonaē pepaebixae”, jande. Barapo penajume matsontsono-
biwa barapo coyenewatha bapana jopa naca yawenaē. Barapo coyenewa
saya abe cana exana pomonaetha pomonaē jume tane. ¹⁵ Exande daxita
pocotsiwan pexanepanaē coyenewa xua Nacom nexa, xua Nacom jinya
necacui taenexa xua bara beta tanacuitame Nacom. Bapoxonaē xam jopa
nayabara acauram tsane pocotsiwa xua beta xaniwaicha nacaunutsiya pae-
bixaem Nacom Pejume Diwesi, po diwesi pejume xainyei jume. ¹⁶ Jopa
yabara najume matsontsonoba exanaēinde po jumein xua pejumexaei,
po jumein xua saya yabara cueicueijei pocotsiwa xeina barapo cae pin
nacuathe, po jumein xua bapana jiwi jopa yawenaetsi. Tsipei pomonaē
bapocotsiwan paeba, eexanapona pocotsiwan abe peexanaē cuiru coye-
newan. ¹⁷ Barapomonaē abeya pia pecuidubi coyenewan tatsi tajū nay-
oyotapona, icha be ichi xua tsuweto xua bapana putsuna xua beya tajū
putsuna pona. Barapocotsi coyene xua tajū nayoyotapona, exanabe pon
pewun Himeneo irū pon pewun Fileto. ¹⁸ Baraponbe jume naitematabe
pocotsiwa pexainyei coyenewa. Baponbe naerabiya jeibe: “Bayatha Nacom
nacui weta xua asū exana, xua jiwi equeicha jopa asū peexanaewa tsainchi
pomonaē bayatha werapa”, jei baponbe xua naeraba paebabe. Baponbe
ainya muxu cana exanabe ichamonaetha xua barapomonaē jopa xapain
pejume cowantsiwa tsane Nacomtha. ¹⁹ Nacom pia pexainyei coyenewa,
peayapusūwa, xua icha cui coyeneya jopa naexanaeyo. Barapon Nacom
pia pexainyei coyenewa tatsi jeye: “Nacom pon jiwi Pecanamataxeinaein
yaputane pomonaē piamonaexae tatsi”, jei. Matautano equeicha jeye:
“Daxita pomonaē xua nawun duba xua jei: ‘Paxan Cristobarū pan, pon jiwi
Pecanamataxeinaein’, jei, bewa barapomonaē naitematsina abe peexanaē
cuiru coyenewan”, jei Nacom pia pexainyei coyenewatha.

²⁰ Botha ba ichaxota pin bo, barapo bo xeina penain coroton pocotsiwa
pewun oro nain, yawano icha penainwan pocotsiwa pewun plata nain.
Matautano ba muxuna xeina napae coroton. Matautano ba xeina tsorobo
coroton pocotsiwan be juruwaton. Po coroton xua pexeinya coroton,
barapo coroton pecanamatawenaenexa penabarū itata weiweinaē mat-
acabintha. Po coroton xua saya pexeinya coroton aibi, barapo coroton
pecanamatawenaenexa daxita matakabintha. ²¹ Bara jūtiya ichi, icha
pebin ichichipa exana xua pocotsiwa pexanepanaē coyenewa pon jiwi
Pecanamataxeinaein nexa, bapon bewa naitematsina abe peexanaē cuiru

coyenewa xua Nacom pejuntũ coyene xanepana exanaenexa bapontha. Bapoxonae bapon itacũpatsi xua peexanaewa daxita carepaya coyenein pocotsi coyenein Nacom tsita xanepanatsi.

²² Xam naitemare pocotsi coyenewan pewowi exana xua poxonae abe exana. Exana ducuaenaebiyama pocotsiwa pexeinya jũntũ coyenewa. Mataũtano beta jume cowũnta ducuaenaebiyama. Mataũtano antobe tsurucuaenaebiyama Nacom, mataũtano jiwithano. Mataũtano jũntema popona ducuaenaebiyama. Xam itapeta napuna ponde pomonae pejuntũ coyene xanepanaewi poxonae Nacomtha tsipaeba pon jiwi Pecanamataxeinaein. ²³ Naitemare po peyabara najume matsontsonobiwa jopa xapain wũnaeyo xua jopa xapain peyaputae coyenewiyo, tsipei xam yaputaneme xua jiwi barapocotsi jumetha ba yabara naba. ²⁴ Pon nama Nacom pon jiwi Pecanamataxeinaein, amanaya tanacuitatsi jopa bewa bapon jume matsontsonobi tsane. Jame bewa bapon xanepanaya wũnaeya exanaena xua daxita carepaya coyene cuintha daxita jiwitha. Mataũtano bewa bapon beta cuidubina ichamonae. Mataũtano bapon bewa saya jũntema poponaena poxonae bequein abe taexanatsi ichamonae. ²⁵ Mataũtano bapon bewa saya bewayo jũntũ coyene wũnaeya muxuwetsina pomonaetha pomonae peacuiitafaetabiwichi xua bapon xainyeya pia pecuidubiwa ichamonaetha. Mataũtano bapon bewa abũ ewatsina xua icha metha Nacom copatsina xua barapomonae icha jũntũ coyene pexeinaenexa xua peauraxae xua abe exana. Mataũtano barapon bewa abũ ewatsina xua barapomonae peyaputaewa tsane pocotsiwa xua Nacom pia pexainyei coyenewa tatsi. ²⁶ Poxonae baxua yaputaena, bapoxonae barapomonae, pomonae copiya pemuxufebiwi itacũpaeinchi xua beta nanta xeinaena pejuntũ coyenewatha. Barapomonae yaputaena xua deta cou eexanapona pocotsiwa caurimonae pia pentacaponaein tatsi jũjũta, xua pocotsiwa abe peexanaewa, pocotsiwa bapon peitorobixae. Bapoxonae barapomonae itacũpaeinchi xua panenebiyaena bapon weya, mataũtano xua tamropata notarũcũpaena xua exana pocotsiwa Nacom ichichipa.

3

Meje yabara xua po coyeneya jiwi exanaena poxonae po matakabitha opi ducuaena

¹ Ichichipan xua neyaputaewa tsane xua poxonae po matakabintha opi dubenaena barapo matakabin jiwi taayapube tsainchi. ² Jiwi barapo matakabintha bichocono pia coutha naantobe tsane. Barapo jiwi bichocono ¼ pitaparatiwichi tsane. Yawano mataũtano aebina ichamonaetha. Mataũtano bichocono atsaca tsaneno. Mataũtano biataenano ichamonaetha, mataũtano Nacom biataeinchi. Mataũtano barapomonae jopa jume jejei tsaibi tsane paxeiwi. Mataũtano barapomonae jopa wecobe jacobiya noteibiyo tsane poxonae ichamonae catsibeiba. Mataũtano abe yabara nanta xeineibina pocotsiwa Nacom piawa tatsi. ³ Mataũtano piamonae jopa tsita xeinae tsane peantobe coyenewa. Mataũtano ita aenae-aenei tsurubenanaebiyae tsane ichamonaetha. Mataũtano yopita dubenanaebiyaena xua ichamonae pocotsiwa abe peexanaewa. Mataũtano jopa itacũpae tsainchi xua najũntũ coyene itorobina xua xanepanaya peexanaewa tsane. Mataũta barapomonae bichocono anaepanaena xua ichamonae beinchi. Mataũtano barapomonae bichocono aichaxaibi tsane pocotsiwan xanepana. ⁴ Barapomonae pomonae jiwi pecaenaetsi jiwi tsane. Jopa matha copiya yabara nanta xeineibi tsane pocotsiwan xua exana. Barapomonae pia

coya nacayabara nanta xeinaena xua peainya cui jiwi tsane. Saya barapomonaē itapetsiya naitomatsina xua pocotsiwa cui xeica penaexanaewa. Barapomonaē naitematsina pocotsiwa Nacom pia pexainyei coyene tatsi. ⁵ Bequein barapomonaē xanepanaya exana dubenanaebiyaena icha be ichi xua poxonaē pomonaē xaniwaicha pejume cowantsiwi, daichitha barapomonaē jopa xaniwaicha jume cowantsiyo xua icha jũntũ coyene pexainaewa tsane.

Jopa bewa bara pocotsimonaē imoxoyo napuna ponaem xua barapomonaē necuiyainwam. ⁶ Barapomonaē jiwana pomonaē bomũxũntha pateibina muxujainyabeibinchi yabũxi, po yabũxi jinompa barapo bomũxũntha, po yabũxi xua anacaura xua penacui yaputaexae xua abe exana bayatha. Barapowaxi awiya came jopa xanepanaya exanaeyo, poxoru saya exana pocotsiwa pia coutha ichichipa exana. ⁷ Barapo yabũxi jume naitaewata nawita, daxita carepaya po coyenein xua jiwi paeba, bara bequein jopa xanepanaya paebiyo. Daxota barapo yabũxi jopa itacũpaetsi xua peyaputaewa pocotsiwa xua Nacom pia pexainyei coyenewa tatsi. ⁸ Caena bayatha pon pewũn Janes, irũ ichũn pewũn Jambres, baponbe mara pexeinaeinbe, baponbe cui matawentabe Moiestha, xua Moisés pia peexanaē coyenewatha. Icha baponbe ichi, barichi barapomonaē yabara jume matawenta Nacom pia pexainyei coyenewa tatsi. Barapomonaē saya yabara nanta xeina nawita pocotsiwa peabe coyenewa. Barapomonaē taseicatsi pejume cowantsiwa, po pejume cowantsiwa pexainyei jume. ⁹ Barapomonaē jopa beta dubenanaebiyae tsane, tsipei daxita nacuanpiwi cui yaputaena xua barapomonaē apara pomonaē jopa xanepanaya peexanaewi, icha be ichi poxonaē caena bayatha jiwi cui tane xua Janes irũ Jambres jopa beta exanaeyobe.

Meje yabara po diwesi xua Pablo najume wetsiya paeba poxonaē Timoteo itorobatsi

¹⁰ Ichitha xam bara beta exanaponame pocotsiwa tacuidubiwa. Mataũtano necui taneme xua bara beta poponan. Mataũtano necui taneme xua tacoutha yaputan pocotsiwa taexanaewa tsane Nacom nexa. Mataũtano necui taneme xua bara beta jume cowantsiya poponan Nacomtha. Mataũtano necui taneme xua saya awiya beta jũntema poponan poxonaē bequein ichamonaē jopa xapain necana exanaeyo. Mataũtano necui taneme xua bara antobeya poponan jiwi, mataũtano Nacomtha. Mataũtano necui taneme xua bara awiya Nacom tanacuitan. ¹¹ Xam yaputaneme xua jiwi bichocono abe necana exana tajume cowantsixae Cristo. Mataũtano neyaputaneme xua jiwi bichocono atene neexana Antioquía tomaratha, Iconio tomarathano, Listra tomarathano. Ichitha pon jiwi Pia Pecanamataxeinaeinchi neyawena xua necapanepa barapomonaē pia xainya weya. ¹² Bara xaniwaicha, daxita pomonaē ichichipa xua najũntũ coyene xanepana exana dubenanaebiya Cristo Jesththa, barapomonaē irũ atene exanaeinchi ichamonaē. ¹³ Ichitha pomonaē peajũntũcoyenebe jiwi, irũrũ pomonaē pemuxujainyabi jiwi, daxita barapomonaē bichocono abe eexanaponaena beyacaincha xua copiya. Barapomonaē muxujainyabiya canamataxeina ichamonaē, xua abe peexanaenexarũ, mataũtano xua barapo ichamonaē irũ xuya pemuxujainyabiya canamataxeinaenexa ichamonaē, xua abe peexanaenexarũ.

¹⁴ Ichitha xam awiya beta exana ducunaebiyama pocotsiwa xua nacuidubame, xuano xua bichocono nejume cowantsiwa. Xam bayatha yaputaneme pomonaē xua cacuiduba barapo coyenein, pomonaē pejũntũ

coyene xanepanaewi. ¹⁵ Poxonae pexuyotham yaputaneme Nacom Pejume Diwesi. Barapo diwesi itacupatsi xua necacuidubiwa xua necacapanepaewanexa abe jinya neexanae cuiru coyene weya nejume cowantsixae Cristo Jesús. ¹⁶ Daxita carepaya Nacom Pejume Diwesiin tatsi, barapo diwesiin Nacom ayapusu diwesiin exana. Daxita barapo diwesiin xanepana xua jiwi pecuidubiwa tsainchi. Matautano daxita barapo diwesiin xanepana xua jiwi yaputane peexanaenexatsi poxonae abe exana. Matautano daxita barapo diwesi xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesiin xanepana xua jiwi peyawenaenexatsi xua pejuntu coyene xanepana dubenanaebiyaenexa Nacomtha. ¹⁷ Barapo diwesiin jiton xanepanaya canacui weta exanatsi xua beta peexanaewa tsane pon Nacom piamonae jiwana jiton tatsi. Barapo diwesiintha daxita coyenein xeina xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

4

¹ Nacom peitabaratha tatsi yawa Cristo Jesús peitabaratha tatsi, baponbe peitabaratha tatsi caitorobatsi. Bapon Cristo Jesús patopaetsica be pon jiwi itorobiya pia pepa Peewatsinchi. Matautano bapon yabara paebina jiwi xua penatsicuentsiwa xua abe peexanaexae, pomonae xua anoxuae cataunxuae asu jinompa, irano pomonae xua bayatha werapa. ² Caitorobatsi xua cueicueijande Nacom Pejume Diwesi. Beta jume daunweya cueicueijam tsaibinde Nacom Pejume Diwesi poxonae jiwi ichichipa cajume taibina, matautano poxonae bequein jiwi jopa ichichipaeyo xua necajume taewa. Barapomonae juntu coyene yaputane exande xua barapomonae petaseicaewatsi pejuntu coyene xanepanaewa Nacomtha. Matautano barapomonae yabara muxuwere abe pia peexanae cuiru coyenein tatsi. Matautano barapomonae juntu coyene cui tsacabare xua Jesucristo pejume cowantsiwa tsainchi. Matautano bapana barapomonae jopa tsita xeinaeinde peitaconaewa. Matautano bapana jopa nacui copatsim tsane xua necuidubaponaeewa barapomonae, xua bequein barapomonae jopa Jesucristo pejume cowantsiwichi taetham tsane. ³ Tsipei jopaena matabi poxonae po mat-acabitha jiwi jopa jume cowantsi tsane barapo pexainyei cuidubi jume. Barapomonae saya u jeichina po pecuidubiwi saya cuiduba pocotsiwa xua jiwi ichichipa jume tane. ⁴ Barapomonae saya naitemapenta xua aichaxaibi pejume taewa pocotsiwa pexainyei jume. Saya barapomonae u jume naitawatsina ainya diwesiin, po diwesiin xua saya pejemai diwesiin. ⁵ Ichitha xam dotam. Najuntu coyene babare xua neexanaeyainwa pocotsiwa barapomonae exana. Jopa junuwinde xua ichamonae poxonae caatene exanaena nejume cowantsixae Jesucristo. Ichitha xam exana ducuaanere jinya nenacuichiwa xua Nacom pia pexeinya jume diwesi necueicueijeiducuaanetsiwa. Daxita wetsiya exanare pocotsiwa jinya netanacuichiwa Nacom.

⁶ Bara nama imoxoyo nebexubina tajume cowantsixae Cristo. Matautano bara nama imoxoyo xua po mataqueitha tsane ponaein Nacom pia nacuatheicha. ⁷ Ajuntu cuiyapusu ya amanayaban caurimonaetha Jesucristo nexa, icha soldadomonae ichi xua poxonae amanayaba pia peitafaetabiwichi. Bayatha nacui wetan pocotsiwa xua bayatha Nacom neitoroba, icha jiton ichi xua patopa poxonae penaxenacaewa. Matautano jume cowantsiya poponan Jesús, icha be pocotsi coyeneya ichi poxonae jiton beta yapu eena pocotsiwa itorobatsi pia pecanamataxeinaeinchi. ⁸ Anoxuae ewatan po

pentoma Nacom necatsina xua tajuntũ coyene xanepanaexae bapontha. Pon jiwi Pecanamataxeinaein, pon xua yatsicaewa xainyeya jiwi yabara paebatsi xua penatsicuentasiwa xua abe peexanaexae, bapon pentoma necatsina po mataqueitha poxonae bapon patopeicaena. Saya meisa jopa compa necatsi tsane, irũ barichi tsainchi baxua catsibinchi pomonae wũnae ewatsiya ichichipa xua pia pepatopaewa tsane bapon.

Meje yabara xua Pablo waba xua Timoteo wabatsi

⁹ Nainya nesiwa ponde poxonae caitacũpa. ¹⁰ Pon Demas, bapon nepunaxuba, tsipei bapon saya copei yabara cananta xeina nawita pocotsiwa po cae pin nacuathe xeina. Bapon Tesalónica tomara beya pona. Pon Crescente, bapon Galacia nacua beya pona. Pon Tito, bapon Dalmacia nacua beya pona. ¹¹ Meisa pon Lucas, bapon xote barũ ecan. Wenawenande Marcos, cabarũ dena tsane, tsipei bapon itacũpatsi xua tana neyawenaewa tsane. ¹² Pon Tíquico bapon Efeso tomara beitorobiyen. ¹³ Poxonae nesiwa denam, inta carenande po paparuwa aitiyũ, po paparuwa cuentan pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

¹⁴ Pon Alejandro, pon penain penacuichin, bapon inta abe exana. Pon jiwi Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae. ¹⁵ Dotam xua bapon, tsipei bapon aichaxaibi pocotsiwa po diwesin cueicueijeichi.

¹⁶ Poxonae tacoutha nayabara jume yawenaeya cueicueijan pentacapon-aewi peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom bũ jopa cabetsi tsane barapomonaetha xua tana nepunapentsixae. ¹⁷ Daichitha Nacom pon jiwi Pecanamataxeinaein, neyawena poxonae bequein ichamonae nepunapenta. Bapon peantũyapusuwa necata xua beta tacueicueijeinexa pijume diwesi xua pejume taewa tsane daxita pomonae jopa judiomonae naexanaeyo. Bapoxonae Nacom neyawena xua jiwi jopa necabetsiyo xua tatũpaewa. ¹⁸ Bapon pon jiwi Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaein pia peitorobi nacua beicha. Barabũ jiwi ataya wũnae jainchina Nacomtha. Je bara ichi tsane.

Meje yabara xua Pablo najume wetsiya paeba

¹⁹ Inta jacobare powa Prisca, irũ pia pebin tatsi, bapon Aquila. Irũna inta jacobare pon Onesiforo piamonae matabũxũyo tatsi. ²⁰ Pon Erasto bapon eca Corinto tomaratha. Pon Trófimo, bapon cuenta ponan Mileto tomaratha yaitama atene. ²¹ Jũjũre xua patopare xua pewũnaeya poxonae beya awũbo tsane. Pon Eubulo, irũ pon Pudente, irũ pon Lino, irũ powa Claudia, irũna daxita pomonae pejume cowũntsiwi, daxita barapomonaе cajacoba.

²² Barabũ Jesucristo, pon jiwi Pecanamataxeinaein cabarũ poponaena. Barabũ Nacom amanayiya cayawenaena jinya necaantobexae.

Baja Pablo.

Meje Po Carte Pablo Tatina, Tito Tatinatsi

Meje yabara poxonae Pablo tamropata pitaba xua tatina, Tito tatinatsi

¹ Xan, Pablon, pon Nacom tatanacuichin matautano Jesucristo pia peitorobi jiton tatsin. Jesucristo neitoroba xua tayawenaewa tsane jiwi xua barapomonaе pejume cowantsinexa Nacom. Pewnaeya copiya Nacom itapeta barapomonaе, xua pejume cowantsiwa tsainchi. Matautano neitoroba xua barapomonaе yaputane taexanaenexa Nacom pia pexainyei jume diwesi xua daxota barapomonaе Nacom peitabaratha xanepanaya pejinompaewa tsane. ² Poxonaе barapomonaе jume cowanta Nacom, barapomonaе ewata xua Nacom catsina pia peajuntayarusawa po peajuntayarusawa ataya tsiteca. Bapon Nacom bapana jopa penaerabin. Barapo peajuntayarusawa po peajuntayarusawa ataya tsiteca, caena bayatha Nacom yabara tsiwanae muxu duta jiwi poxonaе cataunxuae jopa nacua forotsiyo. ³ Ichitha anoxuae nama Nacom peichichipaexae barapo matabitha daxota jiwi yabara yaputane exainchi xua pia pexeinya jume diwesi tatsi. Nacom necopata xua bara tacueicueijejewa tsane barapo diwesi daxita jiwitha. Nacom pon xua jiwi Pecapanenebiyaein neitoroba xua tacueicueijejewa barapo diwesi poxonaе necata barapo pia penacuichiwa tatsi xua tatanacuichinexa bapon. ⁴ Barapo carte cata tinatsi Titom, ponxaem be yatsicaewa taxantom catsicotainchi iru nejume cowantsixae Jesucristo. Barabu Nacom pon Waxa, iru Jesucristo pon Wanacapanenebiyaein petupae cuiru coyene weya, cayawenaenabe pia necaantobewaxaеbe. Matautano jantema popona caexanaenabe.

Meje yabara xua Tito Creta tunaeto nacuatha nacuita

⁵ Caena bayatha Creta nacua tunaetha cacuentapoinchi xua neyawenaenexa Jesucristo pejume cowantsiwi pocotsiwa xua nacata seicabe. Daxota cacuentapoinchi xua neitapetsinexa pitiri jiwi xua barapomonaе pecanamataxeinaenexa pomonaе pejume cowantsi jiwi Nacom. Baxua eexanaponde daxita i dapu tomarantha icha be pocotsi coyeneya bayatha caitorobatsi. ⁶ Bayatha catsipaebatsi xua pon barapocotsi pitiri jiwi jiwana pin bewa poxonaе poponaena bewa iche: Bapon bewa xanepanaya poponaе xua ichamonaе jopa petsita natsicuentinexa tsainchi xua abe peexanaexae bapon. Matautano bapon saya bewa cae petsiriwa xeinae. Matautano pia pexui tatsi bewa jume cowantsi Nacom. Matautano pia pexui tatsi xanepanaya bewa jinompae xua daxota ichamonaе jopa peyabara paebiwa tsane xua abe exana barapo pexui. Barichi matautano xua ichamonaе jopa peyabara paebiwa tsane xua barapo pexui jopa jume jejeyo pocotsiwa coxiyın itoroba. ⁷ Po pitiri jiwi canamataxeina pomonaе pejume cowantsiwi Nacom, barapomonaе tanacuita Nacom piawa. Daxota ainya cui xua barapomonaе xanepanaya bewa jinompae. Barapomonaе jopa bewa jumefebi pocotsiwa xua Nacom itoroba. Matautano jopa bewa exanae pocotsiwa jiwi nainya bichoina anaepanaya jume nota. Yawano jopa bewa nacupa exanae, yawano jopa bewa nacayatsi. Yawano jopa bewa pitaparaxixichi poxonaе jopa xapain exanaeyo penacuichiwa. ⁸ Jame bewa barapomonaе matenta weiweinaya wabeibi pomonaе pesiwa ponebiwichi pia bontha. Yawa bewa ichichipae pocotsiwa xua wanae. Yawa bewa xanepanaya cayabara nanta xeinae. Yawa bewa beta exanae ichamonaetha. Yawa bewa exanae pocotsiwa Nacom itoroba. Yawa bewa yaputae xua pia coutha najantu

coyene itoroba xua beta peexanaewa. ⁹ Bewa ajuntꞫcoyenesꞫya jume cowantsina Nacom pia pexainyei jume diwesi tatsi po diwesi barapomonaе cuidubatsi. Bapoxonaе barapomonaе itacꞫpatsi xua xuya ichamonaе juntꞫ coyene tsacaba xua pejume cowantsiwa tsainchi poxonaе cuiduba barapo pexainyei jume diwesi. Matautano barapomonaе itacꞫpatsi xua jume jejei cana exana pomonaetha pomonaе bequein copiya pejume itawetsixaetsi pocotsiwa xua barapomonaе cuiduba.

¹⁰ Tsipei judiomonaе jiwanapiwi bichocono pinmonaе pomonaе pejume-febiwi xua Nacom itoroba. Bichocono pinmonaе pomonaе jiwi peitorobiwi xua pebiwi bewa wi thabinchi ichaxota penareixacaenaewa. Pocotsiwa barapomonaе cuiduba ichamonaetha saya pejumexaei. Yawano jiwi muxuitorobatsi nawitano. ¹¹ Barapomonaе bewa pajume matawentsim xua jopa pepaеbiwa tsane barapo jumein, yaitama barapomonaе cana exana xua jopa jume cowantsiyo pomonaе xua daxita matabꞫxꞫmonaеin tsiniya. Baxua exana poxonaе cuiduba pejemaи diwesi po diwesi jopa bewa cuidubi, jiwi peyamuxujainyabiya wꞫcaenexatsi paratixi.

¹² Caena bayatha popona pon Creta tunaetopiwi jiwanapin, pon piamonaе yabara jeichi: “Wanacom pia peitorobi jume pepaеbin tatsi”, jei. Barapon yabara cueicueijeи Creta tunaetopiwi pomonaе piamaexae. Bapon yabara jeye piamonaе: “Maisa Creta tunaetomonaе, barapomonaе jiwi muxuitorobeiba, yawa be unupiwi pomonaе peaitoisa jiwi yawa napenajuba nawita yawa fifina nawita”, jei bapon. ¹³ Poxonaе bapon baxua paeba barapara jume xainyeya paeba. Daxota xam Titom barapomonaе bichocono jume matawende xua barapomonaе xaniwaicha junteма pejinompaewa tsane xua Jesucristo pejume cowantsiwatsi. ¹⁴ Matautano cui matawende barapomonaе xua jopa equeicha pejume naitaewatsinexa judiomonaе pia pejemaи diwesi tatsi. Matautano cui matawende xua jopa pejume naitaewatsinexa pomonaetha pomonaе xua jiwi peitorobiwatsi xua jiwi pejume itawetsiwa tsane Nacom pia pexainyei jume diwesi tatsi.

¹⁵ Pomonaе yabara jume cowanta xua Cristo tsitꞫpa barapomonaе, barapomonaе jame pejuntꞫ coyene xanepanaewi. Barapomonaе daxita po coyenein xua tane tsita xanepanatsi. Seicaya nama pomonaе jopa yabara jume cowantsiyo xua Cristo tsitꞫpa xua barapomonaе tsitꞫpatsi, barapomonaе apara peajuntꞫcoyenebewi. Barapomonaе daxita po coyenein xua tane tsita abetsi. Barapomonaе pia penanta xeinaewan jopa xaexaenaecaeyo, yawa pia juntꞫ coyenein tatsi po juntꞫ coyenein itorobeibatsi xua poxonaе peexaneibinexa, bichocono jopa xaexaenaecaeyo. ¹⁶ Barapomonaе jei: “Nacom pajume cowantan”, jei. Daichitha poxonaе exaneiba, icha coyene exaneiba icha ichi pomonaе jopa pejume cowantsiwi Nacom. Bara barapomonaе Nacom tsita abetsi pejumefebixaetsi pocotsiwa itoroba. Matautano jopa itacꞫpaetsi xua exana pocotsiwa xua pexeinya penacuichiwa.

2

Meje yabara pocotsiwa Nacom pia pexainyei jume diwesi tatsi

¹ Ichitha xam Titom pocotsiwa cuidubame bewa cayabara cuita cananta xeineibim xua Ɜ pocotsiwa Nacom pia pexainyei jume diwesi tatsi. ² Pitiri jiwi muxuwere xua jopa bewa nacꞫpa naexanae peatsaxa meran. Matautano muxuwere xua xaniwaichiya pejinompaewa tsane xua daxota ichamonaе pebarꞫ cui itura jinaewa tsane, xua barapo pitiri jiwi pebarꞫ cui itura jinaewa tsainchi. Matautano muxuwere xua penajuntꞫ coyene

itorobeibinexa xua peexaneibinexa po coyenein xua wɔnae. Matautano muxuwere xua xaniwaichiya pejume cowanta dubenanaebiyaewa tsane xua Nacom xaniwaicha pejume cowanta dubenanaebiyaewa tsainchi. Yawano muxuwere xua piamonae peantobe tsurubenanaebiyaenexa. Yawano muxuwere xua ayapusɔya jume cowantsina poxonae bequein ichamonae abe taexanatsi. ³⁻⁴ Barichi pitiriwaxi muxuwere xua xanepanaya pejinompaewa tsane, icha be ichi poxonae jinompa powaxi jume cowanta Nacom. Matautano barapowaxi jopa bewa cueicueijeji tsane po jumein xua abe xua ichamonae yabara paebatsi. Yawa jopa bewa nacɔpa naexanae peatsaxa meran. Matautano barapo pitiriwaxi muxuwere xua piseuriwi peantobe nexa tsaibi tsane, xua daxota irɔ xuya penawaxi pebarichinexa xua peexanaenexa po coyene wɔnae xua peantobe nexa tsaibi tsane piseuriwi yawa pia pexuithano. ⁵ Matautano muxuwere barapo pitiriwaxi xua penajuntɔ coyene itorobeibinexa xua peexaneibinexa po coyenein xua wɔnae. Matautano muxuwere xua penajuntɔ coyene xanepana exanaenexa. Matautano muxuwere xua xanepanaya peewatsinexa pia boxi. Matautano muxuwere xua peyabara cui cananta xeinaenexa xua peyawenaenexa pomonaetha pomonae pia botha petajinompaewichi. Yawa muxuwere barapo pitiriwaxi xua jume jejei tsaibi tsane poxonae itorobeibatsi piseurixi xua ichamonae jopa abe peyabara paebinexa Nacom Pejume Diwesi.

⁶ Matautano barichi pewowi muxuwere xua penajuntɔ coyene itorobeibinexa xua peexaneibinexa po coyenein xua wɔnae. ⁷ Xam Titom barapo pewowi peitɔtha tatsi xanepanaya eexanaponde daxita coyenein poxonae exaneibame. Barapoxonae barapo pewowi xua pebarichinexa xanepanaya peexanaenexa po coyenein wɔnae. Poxonae pewowi cuidubame xainyeya cuidubare nejuntɔ coyene wetsina. Matautano xanepanaya beta cuidubare. ⁸ Xanepanaya betiya cueicueijande xua ichamonae jopa abe necayabara paebiwa tsane. Daxota barapomonae aura tsaibi tsane xua abe necayabara paebeibiwa beta neexanaexae. Barapoxonae barapomonae jopa itacɔpa tsainchi xua abe wanaca yabara paebiwa.

⁹ Tsipaebare pomonaetha pomonae pebusi cui tatayebeibiwichi xua amanaya tanacuita xua poxonae ichamonae tanacuitatsi, jande: “Paexande daxita xua painya nepaca canamataxeinaewi paca itoroba. Matautano xanepanaya patsita exande painya nepaca canamataxeinaewi. Jopa pin jumetha pajume noteibinde poxonae paca itorobeiba painya nepaca canamataxeinaewi”, jande. ¹⁰ Yawa jande: “Jopa pacaibinde, jame saya beta pata exande painya nepaca canamataxeinaewi, xua daxita jiwi painya nepaca cui yaputaenexa xua bara paexaname pocotsiwa Nacom paca cuiduba pia pexeinya jume diwesi tatsi, pon Wanacacapanenebiyaein abe waexanae cuiru coyene weya”, jande.

¹¹ Nacom bayatha naca yaputane exana xua bara naca yawena pia wanaca antobexae. Naca yawena poxonae naca capanenebiya. Barapo pecapanenebiyae coyene daxita nacuanpiwi nexa. ¹² Barapo coyene xua Nacom pia peyawena coyene jiwitha pia peantobewaxae, naca cuiduba xua wanacui barapentsiwa tsane abe waexanae cuiru coyenein. Yawano naca cuiduba xua wapentsinexa xua po coyenein cayabara cananta xeinatsi po coyenein exana pomonae jopa pejume cowantsiwi, xua pomonae jinompa po cae pin nacuathe. Matautano naca cuiduba xua najuntɔ coyene itorobeibinchi xua waexaneibinexa po coyenein xua wɔnae barapo cae pin nacuathe yawa xanepanaya wajinompa dubenanaebiyaenexa xuano xua xainyeya waexana dubenanaebiyaenexa pocotsiwa Nacom itoroba.

¹³ Yawa naca cuiduba xua wawunaewae ewatsiya jinompaewa xua equeicha caewa patopaetsica pon xua bayatha Nacom yabara naca tsiwunaewae muxu duta. Waxainchi ewatatsi xua Jesucristo pia pepatopaewa pexeinya peitupanae coichatha. Bapon barapara wapepa Nacom xuano xua Wanacacapanenebiyaenexa. ¹⁴ Jesucristo nacaenaeta xua naca tsitupa wanaca capanenebiyaenexa daxita coyenein weya xua abe waexanae cuiru coyenein. Matautano nacaenaeta wanaca juntu coyene xanepana exanaenexa poxonae naca yabara junteina abe waexanae cuiru coyenein. Baxua Jesucristo exana xua piamonae tatsi pia wanaca exanaenexa, xua pomonaetsi xua waichichipaewatsi xua waexanaewa pocotsiwa wunaewae.

¹⁵ Xam Titom barapo coyenein bewa cuidubim. Juntu cui coyene tsacabare xua barapomonae junteina pejinompaewa tsane. Matautano muxuwere daxita barapo Creta tunaetopiwi xua bara xanepanaya peexanaewa tsane daxita peitorobi coyeneyatha po peitorobi coyene xua Nacom cacata. Jinxoba barapomonae peitupana exaname po coyenewa xua daxota barapomonae tsita pecui pawina naxanaewa.

3

Meje yabara po coyene bewa exanae pomonae Nacom pejume cowantsiwichi

¹ Xam Titom barapo Creta tunaeto nacuapiwi equeicha caewa yabara nanta xaina exanare xua bewa barapomonae jume jejei xua peexanaewa tsane pocotsiwa barapomonae itorobeibatsi pomonae barapomonae pia peyanacua ewatsiwichi xuano pocotsiwa barapomonae itorobeibatsi pomonae pia pentacaponawichi. Matautano muxuwere xua bewa barapomonae najuntu cui wunaetsiya exaneibina xua peexanaenexa tsaibi tsane pocotsiwa xua wunaewae. ² Matautano muxuwere xua bewa barapomonae jopa abe paebi tsane xua ichamonae abe peyabara paebi watsi. Matautano muxuwere xua barapomonae jopa bewa jume matsontsonobi ichamonaetha. Matautano muxuwere xua barapomonae bewa juntu coyene xanepanaya cueicueijeji ichamonaetha. Matautano muxuwere xua bewa barapomonae baru cui itura jina dubenanaebiyana daxita jiwi.

³ Caena bayatha copiya waxainchi jopa wajume cowantsiwi, jopa Nacom wayaputaexae. Yawa jopa wajume jejei jiwi pocotsiwa Nacom naca itoroba. Yawa waxainchi naca itaxanumena. Waxainchi wajuntu coyene naca itoroba xua waexanaewa pocotsiwa waichichipaewa pocotsiwa xua abe. Matautano naca itoroba xua bewa exanaetsi po peabe coyene naca weiweina exana icha ichi pomonae jinompa po nacuathepiwi. Matautano abe peexanae cuiru coyenein exana dubenanaebiyatsi, xuano xua peuwi juntu coyeneya jinompa dubenanaebiyatsi. Matautano ichamonae naca ita aenae-aenei tsurubenanaebiyati, yawano xua waxainchi nantiya naita aenae-aenei tsurubenanaebiyatsi. ⁴ Ichitha Nacom pon Wanacacapanenebiyaenexa yabara naca yaputane exana xua po coyene bapon naca juntu coyene xanepana exana, xuano xua wanaca antobewa poxonae naca capanenebiya abe waexanae cuiru coyenein weya. ⁵ Naca capanenebiya, apara jopa poxoruyo xua xanepanaya waexanaexae bapon nexa, apara poxoru nantanuweya naca yabara nanthu coyene xaina pia wanaca yawenaenexa. Poxonae naca bautisaba meratha baraxua saya yabara caunuta xua Nacom pia Pejumope tuxaxu tatsi naca juntu coyene xanepana exana. Poxonae baxua naca cana exana baroxonae pena juntu coyene xeinatsi, xua poxonae Nacom pia Pejumope tuxaxu tatsi naca juntu cui coyene yabara cajunteina abe

waexanaewan. ⁶ Jesucristo pon Wanacacapanenebiyaein nacata itorobica Nacom pia Pejumope t̄nax̄ tatsi pia jopa juniya wanaca yawenaenexa. ⁷ Poxonae Nacom naca j̄nt̄ coyene xanepana exana, bapoxonae naca cana exana xua jopa wanatsiaenae cuentsinexatsi bapontha. Bapon naca yawena pia wanaca antobexae. Daxota waxainchi ewatatsi xua Nacom wanaca catsibiwa tsane peaj̄nt̄ȳar̄us̄wa, po peaj̄nt̄ȳar̄us̄wa ataya tsiteca, tsipei bapon pia pexuichi.

⁸ Baxua jame xainyeya pepaebiwa. Ichichipan xua xam jume daunweya tsipaebiname barapomonae xua bewa barapomonae barapo coyene exanaena pomonae xua pejume cow̄nt̄siwixae Nacom. Bapoxonae barapomonae cui enatsi xua peyabara nanta xeinaewa po penacuichi coyenein xua ichamonae tsita xanepanatsi. Barapo petanacuichi coyenein jame xanepana, yawa barapo coyenein jiwi yawenatsi. ⁹ Dotande xua necuiyainwande xua ichamonae yabara necabar̄ najume matsontsonobiwa tsane po diwesin xua pejemā diwesin. Matātano cuiyainwande xua yabara necabar̄ cueicueijēiwa judiomonae pia pamo susatopiwi tatsi pia w̄nxi tatsi. Matātano cuiyainwande xua penajume matsontsonobiwa xuano xua anaya peyabara pepaebiwa Moisés pia peitorobi coyene tatsi. Tsipei ba poxonae barapo coyene exana jiwi, jopa yawenaetsi xua xaniwaichiya pejinompaewa xua jiwi jopa pexainyewanxae.

¹⁰ Icha ich̄n cana exana xua pomonae Nacom pejume cow̄nt̄siwichi, cana exanatsi xua barapomonae pomonae Nacom pejume cow̄nt̄siwi be pomonae jopa penayaitae jiwi penaexanaewa tsane xua penaita aenae-aeneiwa, bara bapon muxuwere. Icha equeicha jopa xapain exanaeyo equeicha muxuwere. Icha equeicha jopa beta exanaeyo bapoxonae bapon itawere painya xainya weya. ¹¹ Yaputaneme xua barapon pia coutha naj̄nt̄ coyene matanonoxuba xua abe peexanae cuiru coyene peexanaewa. Daxota abe peexanaexae pia coutha natsicuenta exana Nacomtha.

Meje yabara xua Pablo muxu tsipaeba pocotsiwa bewa Tito exanaena

¹² Poxonae nexainya beya cata itorobatsi Artemas, ichacuiha tsipae icha cata itorobatsi Tíquico, nexata bapoxonae yacuinaya ponare Nicópolis tomara beya. Nexata barapo tomarathiya netaename, tsipei bayatha nanta xeinan xua baxotiya taecaewa tsane aw̄botha. ¹³ Zenas pon jiwi yaweneibatsi peyabara yaputaeinxae peitorobi coyenein, ir̄r̄ pon pew̄n Apolos pon xua casiwa ponabe baponbe yawendebe. Bara exande be pocotsi coyeneya xua caitac̄pa xua yawename. Baponbe carebe pocotsiwa xua canantawenonabe poxonae pewarapaenexabe xua jopa petaseicaenexa tsainchibe. ¹⁴ Barab̄ wajiwimonae xanepanaya exanaponaena xua daxota peyawenaenexa xua peyawenaenexatsi pomonae peacopeibiwi pocotsiwa xua canantawenona. Bapoxonae pia j̄nt̄ coyenein tatsi Nacom tsita xanepanatsi.

Meje yabara xua Pablo najume wetsiya paeba

¹⁵ Pomonae taxantha ena barapomonae cajacoba. Painta jacobare pomonae Jesucristo pejume cow̄nt̄siwichi, pomonae bichocono paantobein pejume cow̄nt̄sixae. Barab̄ Nacom paca yawenaena daxita paxam pia paca necaantobexae.

Baja Pablo.

Meje Po Carte Pablo Tatina, Filemon Tatinatsi

Meje poxonae Pablo tamropata pitaba xua tatina, Filemón tatinatsi

¹ Xan Pablon, ponxaein jiwi pecubi botha taneetsin xua tanatsipei cueicueijeixae Cristo Jesús yabara. Irú Timoteo, pon irú pejume cowantsin Jesús, baponbe panbe barapo carte pacata tinatsi. Xam Filemón ponxae bichocono paca antobetsi tsipei pana yantame xua cueicueijam Nacom Pejume Diwesi. ² Irú pata tinanbe pomonaetha pomonae pejume cowantsiwi Jesús pomonae jinya botha nacaetuteiba. Irú barapo carte yabuyo nexa powa pewun Apia, powa be wamcho watsicotaewa pejume cowantsixaerú Jesús. Irú barapo carte pebin nexa pon pewun Arquipo, pon daunweya pana nebarú nacuita xua poxonae pata cueicueijeywa Nacom Pejume Diwesi. ³ Barabú Nacom Waxa irú Jesucristo pon jiwi Pecanamataxeinaein paca yawenaena pia paca necaantobexae, xuano xua jüntema jinompa paca exanaena.

Meje yabara xua Filemón Cristo antobetsi xuano xua jume cowantano

⁴ Poxonae Nacomtha tsipaebeiban cayabara nanta xeineibatsi jan tsaibin: “Axa, Nacom cawanae jáintatsi tsipei Filemón nejüntú coyene weiweina exana”, jan tsaibin. ⁵ Daxota baxua caunuteiban, yaitama jume tan xua pinae jume cowantame Jesús pon jiwi Pecanamataxeinaein. Mataütano jume tan xua pinae antobem Jesús xua irúno pinae antobem daxita pomonae pejume cowantsiwi. ⁶ Nacomtha tawúcán xua pomonae Jesús pejume cowantsiwi xua barapomonae taena xua waxainchi be nacaemonaetsi wajume cowantsixae. Mataütano Nacomtha tawúcán xua barapomonae xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetsi wajume cowantsixae Cristo Jesús. ⁷ Taneantobemxae nejüntú coyene tsacarabame yawa nejüntú coyene weiweina exaname xua xaniwaicha jüntema tapoponaewa tsane. Xam ponxae be tayapin canatsicotainchi irú nejume cowantsixae Jesús. Beta nepoponaexae daxota beta jinompa daxita pomonae pejume cowantsiwi Cristo Jesús.

Meje xua Pablo Filemón wúcatsi xua Onésimo tawúcatsi, pon Filemón pia pebusi cui taetaeinchi

⁸⁻⁹ Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetsi. Xan Pablon bara nama bichocono perun tsecaein mataütano anoxuae jiwi pecubi botha neeta tanatsipei cueicueijeixae Cristo Jesús yabara. ¹⁰ Cacui itorobatsi xua neyawenaenexa Onésimo. Bapon taxanto be tatsicotaein taneyawenaexae xua cueicueijeij Jesús yabara poxonae cataunxae xote ecanje jiwi pecubi botha. Bapon bayatha nexainya weya nametaba, pon bayatha amanaya necata nacuichin.

¹¹ Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowantsixaetsi. ¹² Caewa cata itorobatsi bapon. Poxonae bapon Onésimo patopiya, weyataeya jacobare tsipei bapon bichocono antobein. ¹³ Xan ichichipan xua bapon taxantha eca xua barapon tana neyawenaenexa po penacuichiwa inta exaname xua irú poxonae cataunxae jiwi pecubi botha

neeta tanatsipei cueicueijeixae Jesucristo pejume diwesi. ¹⁴ Ichitha jopa ichipaeinyo xua Onésimo tana neyawenaewa tsane icha jopa becopatsim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi. ¹⁵ Metha bayatha Onésimo nametaba nexainya werena saya be caetha nexa xua anoxuae bara tsitecaeya nebar_u poponaenexa tsane. ¹⁶ Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitontsi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitontsi pejume cow_untsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema ir_u pejume cow_untsixae Jesucristo, pon jiwi Pecanamataxeinaein.

¹⁷ Jinya eweicho tana necana exanaemxaem ir_u tajume cow_untsixae Jesús, daxota moya beta weyataeya matenta wabare Onésimo, icha be neichim poxonae nententa weiweinaya wabame. ¹⁸ Icha bapon cata abe exana, icha ichauyo cantoma amanayaba moya new_ucare xua barapo matoma tacacatsinexatsi. ¹⁹ Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa saw_ucaetsi pentoma po matoma xua tanematoma amanayabiwam xua bayatha tacayawenaexaetsi xua nejume cow_untsiwa Jesús. ²⁰ Bara barichinde, be pon taeweicho tacanatsicotaeinchi nejume cow_untsixaer_u Cristo. Inta exande xua caitorobatsi Jesús, pon jiwi Pecanamataxeinaein, pia pejume cow_untsiwi pia pej_unt_u cui coyeneya. Nej_unt_u coyene tsacarabare xua j_untema xaniwaicha tapoponaewa tsane.

²¹ Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi. ²² Bapoxonae inta bo tutu netsiw_unaere. Tsipei bexa tsane paca taeyopiyaeinchi xua bayatha Nacom painya new_ucaexae xua tapaca taeyopiyawatsi tsainchi.

Meje yabara xua ichamona Filemón jacobatsi

²³ Epafra cajacoba pon ir_u xota eque jiwi pec_ubi botha penatsipei cueicueijeixae Cristo Jesús yabara. ²⁴ Mata_utano ir_u Marcos, ir_uno Aristarco, ir_uno Demas, ir_uno Lucas, daxita barapomona matab_ux_uyo neyawena xua tacueicueijeiwa Jesucristo yabara.

²⁵ Barab_u Jesucristo pon jiwi Pecanamataxeinaein, paca yawenaena daxita paxam pia paca necaantobexae.

Baja Pablo.

Meje Po Carte Po Carta Nacom Pia Jiton Tatsi Tatina, Hebreomonae Tatinatsi

Meje yabara xua Nacom Pexanto itoroba jiwitha petacueicueijeinexatsi

¹ Caena bayatha Nacom itoroba pia peitorobi jume diwesi petacueicueijeji jiwichi. Barapomonae Nacom tacueicueijeichi xua poxona tsipaebatsi wamo susato jiwi. Barapomonae matowa tacueicueijeji tsaibi xua Nacom tacueicueijeji tsaibichi matautano ainya coyeneintha tsipaeba xua Nacom tatsipaebatsi. ² Ichitha nama anoxuae matapainya barapo matabinthe po matabinthe opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxona cana exana xua Pexanto tatsi pecanamataxeinaenexa daxita coyeneintha. ³ Nacom Pexanto tatsi pexeinya peitapanae juntu coyenein xeina po juntu coyenein Nacom xeina. Bapon Nacom Pexanto cui coyene jontatsi. Matautano bapon Nacom Pexanto tatsi pia pejume ayapusa itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxona naca tsitapa xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxona bapon itaboco beicha pona penacuaretsinexa pexeinya peecaethopeibiwatha Nacom pia coxa weya tatsi xua itaboco beicha xua Nacom pia peecaethopeibiwatha tatsi beicha.

Meje yabara xua Nacom Pexanto tatsi peainya cuin beyacaincha matatsunpiwi

⁴ Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxonae wun duta Pexanto xua po wun jei: “Nacom Pexanto”, jei, po wun bichocono ainya cui beyacaincha matatsunpiwi pewun. ⁵ Tsipei Nacom bapana jopa jeiyo matatsunpintha: “Xam Taxantom, anoxuae jiwi tsita itapeinya xeinan xua xan jinya axan”, jopa bapana jei Nacom matatsunpintha. Matautano bapana jopa jei matatsunpin yabara: “Xan bapon pia paxa tatsin tsane, bapon bara taxanto tsane”, jopa bapana jei Nacom xua matatsunpin peyabara paebiwatsi. Saya ba meisa Nacom Pexantotha yabara paeba barapo jume.

⁶ Matautano poxonae Pexanto itorobica po cae pin nacuamonaepiwitha tsique, pon yatsicaya compa tatsi, Pexanto yabara jei:

“Baraba daxita tamatatsunpiwimonae Taxanto wanae jaintinchi”, jei Nacom.

⁷ Nacom yabara jei matatsunpiwi:

“Tamatatsunpiwi itoroban xua nainya inta nacuita icha joibo ichi xua nainya pona poxonae itoroban barapo joibo. Barichi barapomonae itoroban xua inta daunweya nacuita icha nawa coicha ichi xua

daunweya taxua poxonae itoroban barapo nawa”,
 jei Nacom.

⁸ Ichitha nama Nacom Pexantotha jei:

“Jaina, xam ponxaem Nacom, ataya tsitecaeya
 itorobiya ewatsiname xua
 itorobathopequeibame jiwi.

Jinya neitorobiya ewatsi coyenewa
 bara ataya pexainyei coyenewa.

⁹ Xam ichichipame pocotsiwa exana
 pomona xanepanaya peexanaewi.

Matautano bichocono aitaftabim
 pocotsiwa exana pomona abe peexaneibiwi.

Daxota xan Nacom ponxaein, jinya Nacom
 bichocono cajuntũ coyene weiweina
 exanatsi, beyacaincha xua jinya jiwimonae
 jũntũ coyene weiweina exanan”,
 jei Nacom Pexantotha.

¹⁰ Equeicha Nacom Pexantotha jei:

“Xam pon pepa Necanamataxeinaem jiwi,
 caena bayatha forotame barapo cae
 pin nacua poxonae aena.

Jinya coya exaname peitaboco.

¹¹ Daxita baxuan pocotsiwan xua jinya
 neexanaewam weraweracaena.

Tsipei daxita baxuan saya peruwan tsane,
 icha be poxonae paparuwa ichi xua
 peruwa tsane xua tsapatsapaca.

Ichitha xam nama ataya
 tsitecaeya poponaename.

¹² Barapo cae pin nacua irũ barapo itaboco
 poxoru peruwa tsane pichiname xua
 nexubinexa, xua pena ira equeicha
 neexanaenexa yawa xua itaboco.

Barapocotsi jũta coyeneya exanaename
 icha be poxonae pebin ichi xua peruwa
 nama xuena xua xuba, xua
 penawa penamaxatatsinexa.

Ichitha xam nama ataya tsitecaeya poponame.

Matautano jinya nepopona coyenewa
 ataya jopa weraweracae tsane”,

jei Nacom Pexantotha.

¹³ Nacom bapana jopa jeiyo matatsunpintha:

“Xam tacoxa weya ecare, beya poxonae abũ
 caexanaeinchi xua itorobiname jinya
 necaaitafaetabi jiwi”, bapana jopa jeiyo

Nacom matatsunpintha.

Saya meisa Pexantotha baxua paeba.

¹⁴ Daxita matatsunpiwi peinya pejinompaewi jiwitha. Barapo matatsun-
 piwi exana dubenanaebiya pocotsiwa Nacom itoroba. Nacom itoroba
 barapomona xua petayawenaenexa tsainchi pomonaetha pomona be xua
 Nacom capanenebiyaena pomona pejume cowantsi jiwixaetsi.

2

Meje yabara xua poxonae naca muxuweta xua jopa bewa pepawi cana exanaetsi Nacom pia pecapanenebiyae coyenewa tatsi

¹ Nacom Pexanto ainya cui cana exana beyacaincha matatsunpiwi. Daxota bewa matowa itapeta jume naitaewatichi pocotsiwa bapon yabara xua jume tainchi. Bapoxonae jopa wayabara jantemainaponae tsainchi po coyene xua Nacom pia pecapanenebiyae coyenewa tatsi. ² Po peitorobi coyenein caena bayatha matatsunpiwi Nacom tacueicueijeichi, barapo coyenein bara xainyei. Pomonae jopa jume cowantsiyo barapo peitorobi coyenein xuanano xua abe exanaponano, barapomonae atene exanaeinchi xua canacui matajupiya cana exanatsi. ³ Cristo naca cana exana xua panenebiyatsi abe waexanae cuiru coyenein weya. Cristo pia pecapanenebiyae coyenewa bichocono ainya cui coyenewa. Icha Cristo pia pecapanenebiyae coyenewa cayabara nanta xeinatsi xua pepawi xua jopa ainya cuiyiyo, waxainchi bapana jopa naca capanenebiyae tsane xua poxonae jiwi atene exanaeinchi abe peexanaexae. Barapon Cristo pon jiwi Pecanamataxeinaein barapo pecapanenebiyae coyenewa yabara tsipaeba copiya. Bapoxonae xuya barapo pecapanenebiyae coyenewa naca tsipaeba pomonae jume tane pocotsiwa xua bapon paeba pon jiwi Pecanamataxeinaein. ⁴ Nacom tsita itapeinya xeina xua barapomonae bara xaniwaicha yabara paeba Nacom pia pecapanenebiyae coyenewa. Baxua exana poxonae Nacom cana exana xua barapomonae pexeinya petsita itabi coyenewan muxuna exana poxonae cueicueije. Matautano baxua exana poxonae cana exana xua barapomonae muxuna exana pocotsiwa bichocono wnae xua jiwi nabenaeca cana exanatsi. Matautano baxua exana poxonae cana exana xua barapomonae pexeinya peayapusu itorobi coyenewan muxuna cueicueije. Matautano Nacom tsita itapeinya xeina xua bara barapomonae xaniwaicha cueicueije poxonae Nacom pia Pejumope tanaxu tatsi itoroba barapomonae pia juntu coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope tanaxu tatsi icha be pocotsi coyenewa Nacom ichichipa xua barapomonae barapo cui coyeneya exanaena.

Meje yabara xua Jesucristo be jiton coyeneya naexana

⁵ Nacom jopa copatsi tsane xua matatsunpiwi canamataxeinaena barapo pena nacuatha po nacia yabara xuaunxuae pacata tinatsi. ⁶ Jame nama Nacom Pejume Diwesitha ichan yabara jeye xua pomonae barapo pena nacia pecanamataxeinaewa tsane, jeye:

“Nacom xam jiwi toxeincha bichocono pin juntu coyene xeiname.

¿Eta xua metha yabara nanta xeiname jiwi xua ainya cui exaname xua pecanamataxeinaenexa tsane ichamonae?

⁷ Nacom copiya saya caetotha exaname xua jiwi be conotha ainya cui.

Baxua exaname poxonae matatsunpiwi toxeinchiya ainya cui exaname beyacaincha jiwi.

Ichitha cotacaya exaname xua jiwi ainya cui naexana.

Jiwi cana exaname xua pexeinya peitapanae coicha xeina

yawa catame barapomonae peayapusu

itorobi coyenewa xua icha jiwi
pecanamataxeinaewa tsainchi.

⁸ Po jiwi cajume cowanta barapo
jiwitha catame peayapusu itorobi
coyenewa daxita xua pecanamataxeinaenexa
xuantha xua forotame”,
jei xua ichun tsipaeba Nacomtha.

Poxonae Nacom cana exana jiwi xua canamataxeinaena daxita xua xuan
forota, dapocotsi coyenewa aibi xua jiwi jopa itacupaetsi xua pecanamatax-
einaewa. Daichitha awiia cataunxuae jopa jiwi cui taetsi xua daxita pecana-
mataxeinaewa. ⁹ Ichitha waxainchi Jesús yaputainchi pontha pon Nacom
saya caetha cana exana xua jopa ainya cuiyo. Matatsunpiwi conotha ainya
cui beyacaincha xua Jesús xua poxonae caetha cana exanatsi xua jopa
ainya cuiyo xua poxonae popona be jiton. Nacom bichocono peantobexae
daxita jiwi daxota bapon copata xua Cristo tsitupaena daxita jiwi abe pia
peexanaexae. Anoxuae equeicha Nacom ainya cui cana exana xua Jesús
ainya cui cana exanatsi. Matautano Nacom cana exana xua Jesús jopa
juniya ainya cuiyiyo xua jiwi itorobiya peewatsiwatsi. Matautano Nacom
Jesús catatsi pexeinya peitupanae coicha. Nacom baxua exana xua Jesús pia
petsitupaexae jiwi.

¹⁰ Nacom forota daxita coyenein. Matautano daxita baxuan Nacom nata
exana. Matautano Nacom ichichipa xua daxita piamonae tatsi pexeinaewa
tsane pia pexeinya peitupanae coicha tatsi peponaenexa tsane pia nacuathe-
icha tatsi. Daxota Nacom tsita xanepanatsi xua poxonae Jesucristo atene
exanatsi beta yatsicaewa pejuntu coyene wunaetsinexatsi xua jiwi pecana-
mataxeinaenexatsi Nacom pia nacuatheicha. Baxua Nacom exana poxonae
Jesucristo atene exanatsi poxonae tsitupa xua jiwi pecapanenebiyaenexatsi
abe pia peexanae cuiru coyenein weya tatsi. ¹¹ Tsipei daxita pomonae juntu
coyene xanepana exanatsi Nacomtha, iruru Jesús pon cana exana baxua
barapomonaetha, daxita barapomonae nantauta caein Paxa pon Nacom.
Daxota Nacom Pexanto tatsi jopa auriyo poxonae naca yabara jei: “Tayapin
jiwi pam”, poxonae jei. ¹² Nacom Pexanto tatsi pon Jesucristo, caena bayatha
Nacom Pejume Diwesitha xua salmos penaxuanae weixi diwesintha jeye
Nacomtha:

“Cayabara paebinchi tayapinmonae jiwitha.

Cata naxunaeinchi pewei xua wuna
tacajainchinexa poxonae nanabar
nanacaetutsin jinya botha pomonae cajume
cowanta”, jei Jesucristo Nacomtha.

¹³ Ichacuitha caena bayatha Jesucristo jeye xua Isaías pia diborotha:

“Xan jume cowantsiya wuna ewatsin

Nacom xua tana neyawenaewa”, jei.

Equeicha Jesucristo jeye:

“Xote ecan, baru ecan tapexui pomonae tana
nejume cowantsiwi pomonae Nacom
necata”, jei Jesucristo.

¹⁴ Pexui ba bara xeina pejana yawa pewito icha be coxiyeiwi ichi tsipei
jiwixae. Barichi Jesús xeina jiton pia pepon tatsi pexeinaexae jiwi pia
pewito tatsi xuano xua jiwi pia pejana tatsi. Jesús baxua xeina xua pet-
situpaenexa jiwi. Daxota itacupatsi xua peamanayabiwa pontha pon xua
peayapusu itorobi coyenewa xeina xua jiwi pejutewatsi. Bapon apara
pon caurimonae pia pentacaponaein tatsi. ¹⁵ Jesús baxua nacata exana

wanaca capanenebiyaenexa wajunuwi coyene weya xua poxonae yabara junuwatsi xua wawerapaewa tsane. Jiwi daxita matabin junuwiya jinompeiba xua pewerapaewayainwa. ¹⁶ Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apra jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi. ¹⁷ Daxota Jesús poxonae naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonae pia petaexanae coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitupaenexatsi xua Nacom jiwi pejuntu coyene yabara jumentainaenexa tsaibi tsainchi abe pia peexanae cuiru coyenein tatsi. ¹⁸ Jesús atene exanatsi poxonae caurimonae pia pentacaponaein tatsi juntu coyene jujutatsi petaenexa tsainchi icha abe exana. Daxota anoxuae bapon Jesús itacupatsi xua peyawenaewa pomonaetha pomonae iruru juntu coyene jujutatsi caurimonae xua abe peexanaewa tsane.

3

Meje yabara xua Jesús peainya cuin beyacaincha Moisés

¹ Nacom iruru paca wun duba poxonae itapeta pomonae pepatsinexa tsane pia nacuatheicha tatsi. Tamonae pam, paxam jiwana pam pomonae pejume cowuntsiwi Jesucristo, pomonae pam Nacom paca juntu coyene xanepana exana xua piamonae tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsipaeba Nacom nexa. Matautano bapon wapepa sacerdotepin pon wanacata paebeibin Nacom beicha. Bapon payabara cueicueijan ichamonaetha wajume cowuntsixae bapon. ² Jesús bara xainyeya exana Nacom pia petanacuichiwa tatsi Nacom peyabara tsiwuna muxu dutsixae bapon barapo penacuichiwanexa xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonae daxita coyene beta xainyeya taexana Nacom piamonaetha xua Nacom nexa. ³ Jesús pecapanepaexae jiwi bewa bichocono toxeincha baruru cui itara jinaetsi bapon beyacaincha xua baruru cui itara jinatsi Moisés. Barapocotsi juta coyeneya ichi, bewa Jesús cana exanaetsi icha be poxonae jiton ichi xua bewa baruru cui itura jinaeinchi xua ainya cui exanatsi peacabixae bo beyacaincha xua bo xua ainya cui tsuncuae. ⁴ Daxita ba bon tsoponae poxoru apra jiton peexanaexae. Ichitha jame pon yatsicaewa nama daxita coyenewan exana apra bapon Nacom. ⁵ Bayatha Moisés apra pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiwuna caunuta pocotsiwan xua bexa Nacom exanaena. ⁶ Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonae Nacom piamonae tatsi. Waxainchi Nacom piamonaetsi icha ajuntuyapurusaya jume cowuntapoinchi Cristo beya xua poxonae tupaeinchi. Matautano waxainchi Nacom piamonaetsi icha juntu coyene weiweinaya wuna ewatatsi pocotsiwa bexa Nacom wanaca tsixanaewa tsane.

Meje yabara xua nafifina caewata Nacom piamonae tatsi

⁷ Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumo pe tanaxa tatsi naca itoroba xua bewa jume

taetsi Cristo. Baxua paeba Nacom pia Pejumope tɔnaxɔ tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein.

⁸ Painya xoba pana nejumefebame painya jɔntɔ coyenewatha xua daxota jopa painya tana nejume cowɔntsiwam.

Jopa bara paichinde icha pomonae ichi xua poxonae bayatha nejume matawenta xua exanan poxonae jinompa ichaxota ira xuepana susato tsurucuae nacuatha.

Barapomonae nefayacoteiba poxonae nejɔntɔ coyene jɔjɔteiba beya poxonae anaepanan barapomonaetha poxonae jopa xapain exaneibiyo.

⁹ Barapomonae pomonae nejɔntɔ coyene jɔjɔta, apara painya amo susato jiwi.

Barapomonae baxua inta exana poxonae jopa nejume cowɔntsiyo.

Baxua exaneiba beya poxonae cuarenta po weibe tsuxubi bequein taiba pocotsiwa xua taexaneiban barapomonae xua beya cuarenta po weibetha.

¹⁰ Daxota barapomonae caseban yawa yabara jan barapomonae: ‘Barapomonae jopa benejume cowɔntsiyo nejɔntɔ coyeneintha yawa jopa beyaputaeyo pocotsiwa ichichipan taexanan barapomonae’, jan.

¹¹ Barapomonae caseban.

Tacoutha jume daunweya najan: ‘Barapomonae bapana jopa patsi tsane tanacuatha ichaxota po nacuatheicha nafinacaewatsina pomonae tana nejume cowɔntsiwi’, najan”, jei Nacom pia Pejumope tɔnaxɔ tatsi, Nacom Pejume Diwesitha.

¹² Tamonae pam, pomonae irɔ painya nejume cowɔntsi jiwixae Jesu-cristo. Painya xoba paxeiname po jɔntɔ coyene bichocono abe, po jɔntɔ coyene jopa ichipaeyo xua pejume cowɔntsiwa Nacom, pon xua asɔ popona.

¹³ Jame maisa daxita matacabin nantiya pana najɔntɔ coyene tsacabare xua ajɔntɔyapɔsɔya painya nejinompaewa tsane. Daxita pam baxua paexande anoxuae poxonae cataunxuae po dapaetha anoxuae petain paca itacɔpa xua paexaname baxua. Mataɔtano baxua paexande xua jopa pata tana nejumefebiwam painya jɔntɔ coyenewatha. Icha pana nejumefebame painya coutha pana namuxujainyabichipame xua daxota abe painya neexanaewa tsane. ¹⁴ Bewa xanepanaya ayapɔsɔya jume cowɔnta dubenanaebiyaeinchi Nacom xua beya poxonae tɔpaeinchi. Icha baxua betiya ayapɔsɔya jume cowɔnta dubenanaebiyaeinchi icha ichichi poxonae aena jume cowɔntatsi, baropxonae nayawa muxuna xeinaeinchi Nacom pia nacuatheicha pocotsiwa Cristo xeina.

¹⁵ Daxota equeicha paca tsipaebatsi xuaunxuae po diwesi paca tsipaebatsi xua Nacom Pia Pejumope tɔnaxɔ tatsi cueicueije, jeye:

“Anoxuae pana nejume taema pocotsiwa paca tsipaebatsi, ponxaein Nacomxaein.

Icha pana nejume taneme bapoxonae painya xoba pana nejumefebame painya juntu coyenewatha xua daxota jopa pata tana nejume cowantsiwam tsane.

Jopa bara paichinde icha pomonae ichi xua poxonae nejume matawenta poxonae jinompa ichaxota ira xuepana susato tsurucuae nacuatha”, jei Nacom pia Pejumope tñaxu tatsi.

¹⁶ Payabara nanta xeinare pomonae jume tane xua Nacom pejume tatsi xua bapoxonae Nacom jume matawentatsi. Daxita bapomonae apara pomonae Moisés mata cawarapa Egipto nacua weya. ¹⁷ Payabara nanta xeinare Nacom xua caseba xua beya cuarenta po weibetha tsuxubi. Bapomonae apara israelmonae pomonae xua abe exana poxonae jinompa ichaxota ira xuepana susato tsurucuae nacua beya, xuano xua baxota werapano.

¹⁸ Payabara nanta xeinare pomonae Nacom daunweya yabara paeba, xua jei: “Barapomonae bapana jopa patsi tsane tanacuatha ichaxota po nacuatheicha nafinacaewatsina pomonae tana nejume cowantsiwi”, jei. Bapomonae apara israelmonae pomonae xua jopa exanaeyo pocotsiwa Nacom itoroba. ¹⁹ Bara yaputainchi xua barapomonae jopa itacupaetsi xua pepatsiwa Nacom pia nacuatheicha tsipei jopa Nacom jume cowantsichi.

4

¹ Waxainchi yabara jume cowanta dubenanaebiyatsi xua Nacom naca tsiwñae muxu duta. Nacom naca tsiwñae muxu duta xua bara wanaca itacupaewa tsane xua wapatsiwa pia nacuatheicha po nacua xua Nacom pia penafinacaewatsi nacua. Daxota poxonae cataunxuae naca itacupa xua wapatsiwa tsane barapo nacuatha bewa yabara najuntu coyene exabichi xua paxam jiwana jopa itacupaetsipaetsi xua pepatopaewa Nacom pia nacuatha.

² Waxainchi barichichi jume tainchi barapo Nacom pia pecapanenebiyae diwesi, icha bayatha barapomonae ichi xua jume tane barapo diwesi. Ichitha barapo diwesi jopa yawenaetsi barapomonae xua pejume cowantsinexa Nacom, tsipei jopa jume cowantsiyo barapo diwesi. ³ Waxainchi nama barapomonaetsi xua wajume cowantsiwi barapo pecapanenebiyae diwesi. Daxota naca itacupa xua wapatsiwa Nacom pia nacuatheicha ichaxota bapon naca barñ nafinacaewatsina baxoteicha. Nacom wamo susato jiji yabara paebatsi xuaunxuae paca tsipaebatsi. Jeye:

“Barapomonae caseban.

Tacoutha jume daunweya najan:

‘Barapomonae bapana jopa patsi tsane tanacuatha ichaxota po nacuatheicha nafinacaewatsina pomonae tana nejume cowantsiwi’, najan”,

jei Nacom Pia Pejumope tñaxu tatsi.

Bequein baxua Nacom paeba ichitha caena bayatha weta barapo nacua ichaxota jiji nafinacaewatsina poxonae nacobe weta xua daxita forota barapo cae pin nacuathe. ⁴ Po matabi pewñ “siete matabi”, jei, barapo matabi Nacom Pejume Diwesitha yabara paeba. Bapon jeye:

“Nacom nacuita seis po matabibe.

Bapoxonae nafinacaeca po mataqueitha pewñ ‘siete matabi’, jei”,

jei Nacom Pejume Diwesitha.

⁵ Equeicha Nacom Pejume Diwesitha jeye:

“Barapomonaē bapana jopa patsi tsane tanacuatha ichaxota po nacuatheicha nafifinacaewatsina pomonaē tana nejume cowantsiwi”, jei Nacom.

⁶ Ichitha cataunxuae acoibi ichamonae pomonaē xua bexa tsane Nacom copatsina xua nafifinacaewatsina ichaxota bapon nafifinacaewata. Barapomonaē jume cowantsina xua Nacom paeba. Pomonaē copiya bequein jume taetha Nacom pia pecapanenebiyae jume barapomonaē Nacom caena bayatha jopa copatsiyo xua barapomonaē nafifinacaewata tsipei jopa jume cowantsiyo pocotsiwa Nacom paeba. ⁷ Daxota Nacom nanta xeina xua equeicha pena matabi exana. Barapo matabi xua wun duta “anoxuae” jei xua pena coyene. Barapo matabitha xua piamonaē tatsi petaitacupaewatsi tsainchi xua nafifinacaewatsina. Baxua Nacom exana caena bayatha poxonaē David popona xua ainya wei pirapae poxonaē jinompa pomonaē jopa copatsichi xua nafifinacaewata. Anoxuae Nacom bapocotsiwa naca tsipaeba pocotsiwa bayatha tsipaeba piamonaē jiwitha, poxonaē David popona, pon jeye:

“Icha anoxuae pajume naitaewatame pocotsiwa Nacom paca tsipaeba jopa pajumefebinde painya janta coyenewatha xua daxota jopa Nacom painya nejume cowantsiwam”, jei David caena bayatha Nacom nexa.

⁸ Josué caena bayatha wamo susato jiwi matacapoinchi Canaán nacua berena pomonaē Israel piamonaexae tatsi. Apra jopa matacaponaeyo ichaxota po nacua Nacom yabara paeba xua barapomonaē nafifinacaewatsina. Icha Josué bayatha matacaponaetsipa barapomonaē barapo nacuatheicha bapoxonaē Nacom jopa nantawenonaetsipae xua exanaena icha matabi po matabitha poxonaē barapomonaē itacupatsi xua pepatsiwa tsane barapo nacuatheicha, po nacua ichaxota Nacom yabara paeba. ⁹ Daxota cataunxuae awiya barapo matabi tsoponaē po matabitha poxonaē Nacom piamonaē tatsi nafifinacaewatsina Nacom pia nacuatheicha. ¹⁰ Tsipei pon weta pia penacuichiwa pocotsiwa Nacom itoroba bara itacupatsi xua nafifinacaewata ichaxota Nacom nafifinacaewata. Bapon baxua exanaena icha Nacom ichi poxonaē nafifinacaeca, poxonaē nacobe weta pia penacuichiwa xua poxonaē forota daxitan. ¹¹ Daxota bewa ajantusuya jume cowanta dubenanaebiyaeinchi xua wanafifinacaewatsinexa tsane ichaxota Nacom nafifinacaewata. Baxua exanaeinchi xua ichamonae waxainchi jiwantsi jopa peyaseicaewa tsane xua nafifinacaewata. Waxainchi jopa ichipaetsi xua icha ichamonae ichi xua jopa nafifinacaewatsiyo jopa pejume cowantsixae pocotsiwa Nacom paeba.

¹² Nacom Pejume Diwesi peajantuyapusu diwesi xuano peayapusu itorobi coyene xeina. Barapo Nacom Pejume Diwesi barapocotsi jata coyeneya ichi xua icha ba cusi ichi xua po wato nantiya baru ducuabe. Barapo cusi taju uncuiya pebaruwa xua pepontha. Barapoxonaē barapo cusi itapeinya xeina daxita pocotsiwan xeina wan iya xua matha iya dubeinya bupaniya. Ichitha Nacom Pejume Diwesi ayapusu beyacaincha cusi tsipei barapo Nacom Pejume Diwesi itacupatsi taju bereca pona wajantu coyenewatha ichaxota nanta xeinatsi. Barapo diwesi naca yaputane exana po coyenein xua wajantu coyenewatha xeinatsi. Naca yaputane exanano po coyenein yabara

nanta xeinatsi wajuntũ coyeneintha. ¹³ Dapocotsiwan aibi barapo cae pin nacuathe xua Nacom forota pocotsiwan xua xuan nantiyatarubena Nacom peitabaratha pocotsiwan xua bapon jopa taeyo. Daxitan naitatarubena xuano xua Nacom itacupatsi xua beta petaewa daxita coyenein. Nacomtha bexa yabara tsipaebinchi xua pocotsiwan bayatha exainchi.

Meje yabara xua Jesús pepa sacerdotepin

¹⁴ Jesús apara Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopa Nacom peitabaratheicha tatsi. Daxota bewa ajuntũyapususya jume cowanta dubenanaebiyaetsi bapon, pon yabara cueicueijeichi ichamon-aetha. ¹⁵ Barapo wasacerdotepin pon pepa sacerdotepin, naca weyatane xua wanaca yawenaenexa poxonae juntũ coyene faefaenouneibatsi abe waexanaexae. Bapon baxua nacata exana, tsipei bapon barichichi juntũ coyene jujutatsi xua abe peexanaenexa. Caurimonae pia pentacaponaein tatsi juntũ coyene jujuta icha naca ichi. Daichitha nama bapon Jesús bapana jopa abe exanae. ¹⁶ Daxota bewa ajuntũyapususya wacaetsi Nacom pon bichocono naca antobe. Jopa bewa junuwi tsainchi xua wacueicueijejwa Nacomtha. Baroxonae Nacom naca weyataena wanaca yabara juntemainaenexa xua abe waexanae cuiru coyenein. Matautano bapon wanaca antobexae naca yawenaena poxonae po matabitha canantawenoneibatsi, poxonae naca juntũ coyene jujuta.

5

¹ Jiwi ba barompaya pia xantha tatsi jiwana taitapetatsi pomonae xua daxita cana exanatsi pepa sacerdotepiwi. Barapo sacerdotepiwi itorobatsi xua barapo sacerdotepiwi caunuta jiwi yabara poxonae cueicueijej Nacom peitabaratha xua jiwi nexa. Matautano barapo sacerdotepiwi yabara tsiwun dubatsi po coyene jiwi petaexaneibiwa tsainchi Nacomtha pocotsiwan xua jiwi amanaya pecatsiwa Nacomtha abe peexanaexae. Matautano barapo sacerdotepiwi yabara tsiwun dubatsi po coyene xua jiwi petaexaneibiwa tsaibi tsainchi xua poxonae duwei pejutebiwa pocotsi duwein xua jiwi amanaya pecatsiwa Nacomtha abe peexanaexae. ² Barapo sacerdotepiwi ichacuihitha juntũ coyene faefaenouneiba, poxonae juntũ coyene jujuteibatsi caurimonae pia pentacaponaein tatsi xua abe peexanaenexa. Tsipei barapomonae nacui yaputane xua poxonae juntũ coyene jujuteibatsi, daxota bara itacupatsi xua peyawenaewa ichamonaetha. Itacupatsi xua peyawenaewa pomonaetha pomonae abe peexanaewi xua bequein jopa yaputaeyo xua abe exana, iruru pomonae yatsicaewa nacui yaputane xua abe exana. ³ Barapo sacerdotepiwi iruru abe exaneiba xua pejuntũ coyene faefaenaexae poxonae juntũ coyene jujuteibatsi caurimonae pia pentacaponaein tatsi. Daxota bewa iruru pia coutha nata exanae po coyene xua duwei penata tautsinexa Nacom nexa icha poxonae jiwi tacana ichichi poxonae abe peexanaexae. ⁴ Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiwun duta xua penaexanaenexa pepa sacerdotepin. Matautano bapontha Nacom cata barapo peainya cui yabara matawun dutsiwa icha bayatha Nacom cana ichi pon pewun Aarón pon copiya pepa sacerdotepin naexana. ⁵ Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Apra jame Nacom cata barapo peainya cui yabara matawun dutsiwa xua pepa sacerdotepin penaexanaenexa. Bayatha Nacom yabara paeba Pexanto

pejume diwesitha, barapo peainya cui yabara matawɛn dutsiwa xua penaex-
anaenexa pepa sacerdotepin, xua jeye:

“Xam apara taxantom.

Anoxuae xan jinya axaxaein.

Yabara catsiwɛn dutatsi barapo jinya
nenacuichiwanexa”, jei Nacom.

⁶ Equeicha Nacom Pejume Diwesitha xua Pexanto yabara paeba, jeye:

“Xam pon sacerdotepim, xua bara ataya
tsitecaeya tsane, icha Melquisedec matha
ichi pon caena bayatha popona.

Bapon pepa sacerdotepin naexana xua
ataya tsitecaeya pepoponaein”,
jei Nacom.

⁷ Poxonae cataunxuae Cristo popona po cae pin nacuathe bichocono jume
daunweya tsipaebeiba Nacomtha xuano jume daunweya wɛqueibano beya
poxonae bichocono wecoyei. Cristo wɛqueiba Nacomtha, pon bequein
itacɔpatsi xua Cristo peyawenaewatsi xua jopa petɔpaewa. Mexeya poxoru
bapon itapetsiya peexanaexae pocotsiwa Nacom ichichipa daxota bara Na-
com jume tane pocotsiwa Cristo wɛca. ⁸ Bequein Cristo Nacom Pexanto tatsi,
ichitha nacuiduba xua Paxa jume jejei xua exana pocotsiwa Paxa itorobatsi
xua poxonae atene exanatsi xua ichamonae exana. ⁹ Bapon pia coutha
daxita najɛntɛ cui yabara wɛnaeta poxonae atene xua penaexanaenexa
pepa sacerdotepin. Daxota bapon Cristo exana xua jiwi capanenebiyatsi
abe pia peexanae cuiru coyenein weya xua ataya tsitecaeya tsane daxita
pomonae pia pejume cowɛntsiwichixaetsi. ¹⁰ Nacom yabara tsiwɛn duta
xua Cristo pepa sacerdotepin naexana, icha matha Melquisedec ichichi xua
yabara tsiwɛn dutatsi xua pepa sacerdotepin naexana, pon caena bayatha
popona.

*Meje yabara xua poxonae muxuwetatsi pomona Nacom pejume
cowɛntsiwi xua pebarapentsiyainwa po coyene xua pejume cowɛntsiwa
Nacom*

¹¹ Waxainchi xeinatsi nawita xua po coyene wayabara natsipaebine
Cristo xuaunxuae anoxuae paca tsipaebatsi. Daichitha bichocono aya-
pube xua paca yaputane exainchi tsipei painya coutha jopa pana nayabara
copatsim xua bara painya neyabara yaputaewa tsane baxuan. ¹² Caena
bayatha bewa pana naexanaem pomonae jiwi painya necuidubi jiwi
pam. Daichitha cataunxuae panantawenoname xua ichamonae equeicha
caewa yabara paca cuiduba Nacom Pejume Diwesi pocotsiwan xua jiwi
nantawenona copiya nacuiduba poxonae aena jume cowɛnta. Paxam
pomonae equeicha caewa pajɛntɛ coyene faefaename, xua painya nejume
cowɛntsiwa. Barapo coyene icha be poxonae pexui ichi xua nantawenona
mito, jopa peitacɔpaexaetsi xua pexaewa pewito. ¹³ Pexui poxi isainatsi ba
nantawenona mito poxoru pewito jopa xaeyo. Barapocotsi jɛta coyeneya
paichim. Paxam jopa paca itacɔpaeyo xua painya neyabara yaputaewa
Cristo pia pecuidubiwa xua po coyene xanepanaya painya nejinompaewa.
¹⁴ Nama pewi jopa apara pexui nexiyo poxi isainatsi, jame apara ba pomonae
pinyon nexa. Barapocotsi jɛta coyeneya ichi pomonae ba xaniwaicha jume
cowɛnta pia jɛntɛ coyeneintha barapomonae jopa abe exanaeyo. Bara-
pomonae nacuiduba xua yabara yaputane po coyene abe yawano po coyene
wɛnae.

6

¹ Barabꝰ nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cowꝰntatsi. Jame barabꝰ nanta xeinatsi, po coyene pepa pena coyene icha pomonae pinyon ichi xua pocotsiwan nanta xeina pomonae beta jume cowꝰnta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubiwatsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Mataꝰtano jopa nantawenonaetsi xua jume cowꝰntsinchi Nacom.

² Barapocotsiwanje jopa nantawenonaetsi xua equeicha caewa nayabara cueicueijeichi tsainchi tsipei bayatha payaputaneme. Mataꝰtano jopa equeicha nantawenonaetsi xua caewa nayabara cueicueijeichi tsainchi xua bewa bautisabinchi. Mataꝰtano jopa nantawenonaetsi xua equeicha caewa nayabara cueicueijeichi tsainchi xua poxonae Nacom pejume cowꝰntsiwi pecobetha pemataboco jayabiwatsi xua pexeinaenexa pejꝰntꝰ cui coyenein po pejꝰntꝰ coyene Nacom pia Pejumope tꝰnaxꝰ tatsi cata. Mataꝰtano jopa nantawenonaetsi xua equeicha caewa nayabara cueicueijeichi tsainchi xua equeicha jiwi asꝰ peexanaewatsi petꝰpae cuiru coyene weya. Barichi jopa nantawenonaetsi xua equeicha caewa nayabara cueicueijeichi tsainchi xua poxonae Nacom yabara paebina jiwi xua penatsicuentsiwa xua abe peexanaexae Nacomtha. Barapoxonae Nacom itawetsina xua bara ataya tsitecaeya tsane abe peexanaexae. ³ Jame barabꝰ nayabara cueicueijeichi tsoponae tsainchi icha coyenein xua pena coyene icha Nacom bara naca cui yabara copatsina.

⁴ Ichamonae penta xua Cristo pejume cowꝰntsiwatsi. Daxota jopa neyapucꝰpaeyo xua equeicha tacuidubiwa Nacom Pejume Diwesi barapomonae aetha. Barapomonae Nacom pia pejume xainyeiwa nacuiduba, xuano yaputane Cristo pon Nacom itoroba po cae pin nacuathe tsique. Mataꝰtano barapomonae xeina po pejꝰntꝰ coyenein Nacom pia Pejumope tꝰnaxꝰ tatsi cata. ⁵ Mataꝰtano barapomonae yabara jume cui jꝰjꝰta Nacom Pejume Diwesi xua daxota yaputane xua barapo diwesi bara xanepana. Mataꝰtano barapomonae tane po peayapusꝰ itorobi coyenewa Nacom pia Pejumope tꝰnaxꝰ tatsi cata jiwitha xua barapo jiwi barapo coyenewatha exana pex-einya petsita itꝰbi coyenewan beya poxonae Cristo equeicha patopaena.

⁶ Icha daxita barapo coyenein barapomonae equeicha nacui barapenta xua jopa Nacom pejume cowꝰntsixaetsi, bapoxonae nama jopa itacꝰpaetsi xua equeicha caewa pejume cowꝰntsiwa Nacom. Poxonae Nacom equeicha pentatsi baxua be barapomonae equeicha Jesús caewa bexotsi naetotha. Barapomonae exana xua jiwi Nacom Pexanto tatsi yabara jume cui caponatsi tsipei jopa Nacom jume cowꝰntsichi. Baxua icha be poxonae ichamonae ichi poxonae matha Jesús naetotha bexotsi xua daxota daxita jiwi Jesús cui caponatsi. ⁷ Pabi ba po iratha ema mꝰ jojoneca poxonae ema duneiba barapo iratha, barapo pabitha jiwi pexaewa ꝰba. Nacom exana barapo iratha xua pexaewa xaniwaicha taxainwaetsina xua pomonae peꝰbimonae taxainwaetatsi. ⁸ Ichitha icha icha pabi saya ꝰ pesoiwan xuwa, barapo pabi jopa wꝰnaeyo poxoru jiwi jopa yawenaetsi poxonae ꝰba barapo pabitha. Daxota Nacom exana xua barapo pabi jiwi tautsina xua pesoiwan daxita tꝰpa peexanaenexa. Icha Nacom cana ichi pabintha bara jꝰta cana ichiya exana jiwitha. Icha jiwi Nacom jume cowꝰnta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawena tsane barapo jiwi. Saya jame Nacom itoroba xua barapo jiwi

petautsiwa tsainchi po isototha xua bapana jopa itacounayiyo.

Meje yabara xua wawunaewatsiwa xua pocotsiwa Nacom yabara wanaca tsiwunaemuxu dutsiwa

⁹ Tamonae pam, paxam pomonae tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae. ¹⁰ Tsipei Nacom bara xainyeya exana. Nacom jopa paca yabara janteminae tsane pocotsiwan xua bayatha paexaname. Matautano jopa paca yabara janteminae tsane xua ichamonae painya neyawenaewa pomonae iru pejume cowantsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponaem, awiya cataunxuae baxuan paexanaponaem. ¹¹ Bequein baxua paexaname daichitha paichichipan xua daxita paxam awiya payawenaponaename ichamonae. Ajuntuyarusuya rawunaewataponare pocotsiwa Nacom yabara paca tsiwunaemuxu duta xua beya payacuiya werapaeya othopaename. ¹² Jopa paichichipaeinyo xua payabara ajuntucoyenefaetabim xua rawunaewatame baxua tsipei jopa pana nayabara copatsim xua painya neyabara yaputaewa tsane baxua. Jame maisa bara jutiya paichiponaemde, icha ichamonae ichi xua poxonae bichocono jume cowanta Nacom. Matautano barapomonaem jopa berijawa aitaconaeyo xua wunaewata pocotsiwa Nacom yabara tsiwunaemuxu duta.

¹³ Poxonae Nacom yabara tsiwunaemuxu duta Abrahamtha, Nacom pia wuntha yabara tsiwunaemuxu duta Abrahamtha. Baxua Nacom pia wuntha paeba tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wuntha paebiyo. ¹⁴ Nacom jeye Abrahamtha: “Bara xaniwaicha bichocono cayawenaeminch. Jinya nemomoxi jiwi pia pemomoxi susato jiwi tatsi pinmonae exanaein”, jei Nacom. ¹⁵ Abraham abu saya beitatemaya wunaewatapona pocotsiwa Nacom yabara tsiwunaemuxu duta, jopa aitaconaeyo. Barapomonaem pirapae Abraham catatsi pocotsiwa Nacom bayatha yabara tsiwunaemuxu duta bapontha. ¹⁶ Poxonae jiwi ba yabara natsiwunaemuxu duta xua pocotsiwa bepa pinae exaneibina, pewuntha paeba, po wun xua ichun pewun tatsi pon xua bichocono ainya cui beyacaincha xua barapomonaem. Barapomonaem baxua exana xua ichamonae peyaputaenexa xua bara xaniwaicha xainyeya peexaneibinexa pocotsiwa xua penayabara tsiwunaemuxu dubeibixae. Barapomonaem ichamonae jopa itacupaetsi xua baxua yabara jume matsontsonoba barapomonaem. ¹⁷ Nacom ichichipa xua tsita itapeinya xeina piamonaem, pomonaem pomonae pecatsixae tsane pia petsiwunaemuxu dutsiwa xua jopa equeicha ichawa nanta xeinae tsane xua pocotsiwa exanaena. Nacom ichichipa xua barapomonaem peyaputaewa tsane xua bapon xaniwaicha exanaena pocotsiwa bayatha yabara tsiwunaemuxu duta Abrahamtha. Daxota Nacom yabara tsiwunaemuxu duta pia wuntha. ¹⁸ Ainya coyenewabe Nacom exana po coyenewabe xua jopa itacupaetsi xua ichawa yabara jume toxeinchiya exana. Meje baxue: Icha coyenewa Nacom yabara tsiwunaemuxu duta; icha coyenewano xua Nacom pia wuntha yabara paeba xua pocotsiwa exanaena. Nacom jopa itacupaetsi xua peyabara naerabiwa barapo naxobe coyenebe. Waxainchi pomonaetsi xua pentatsi po coyenein barapo nacue pia coyenein, po coyenein xua abe exanatsi naca cana exana. Matautano jume cowantsiya wunaewatatsi xua Nacom wanaca yawenaewa tsane xua naca capanenebiya abe waexanaem

coyenewa weya. Barapocotsiwa bayatha naca yabara tsiw_{nae} muxu duta.
¹⁹ Waxainchi w_{nae} ewatatsi xua Nacom bexa naca capanenebiya tsane. Wajume cow_{ntsixa}e baxua daxota naca j_{ntu} coyene ayapus_u exana. Naca itac_{pa} xua wayabara jume cow_{ntsiwa}. Waw_{nae} ewatsixa_e baxua naca yawena xua beta jinompatsi Nacom nexa. Baraxua icha be poxona_e jera ichi xua tuw_{tha} babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha w_{nae} ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemonae nanaexanatsi bapontha. Nacom itaboco beequiya, paparuwa pe_{ma} werena pia botha eca xua tututhiya xua pin botha ichaxota wapatsiwa tsane.
²⁰ Jesús itaboco beicha naca tsiw_{nae} patopiya Nacom pexainya beicha tatsi. Bapon copiya bewa bara bepatopiyaena xua wanaca matabaponaenexa xua ir_u wanaca itac_{paewa} tsane xua wapatsiwa tsane bara beicha Nacomtha. Daxota poxona_e baxua exana Jesús naexana pepa sacerdotepin icha matha Melquisedec ichi pon caena bayatha popona.

7

Meje yabara xua Jesús pepa sacerdotepin naexana, icha matha Melquisedec ichi

¹ Bapon Melquisedec caena bayatha Salem tomarapiwi itorobiya pia pepa peewatsinchi. Mata_{tano} bapon sacerdotepin pon petsipaebin Nacomtha jiwi nexa, pon Nacom xua itaboco beequiya. Abraham caibe nawirena xua poxona_e nawabch_{ta} xua poxona_e yotaba ainya nacuanpiwi pomona_e jiwi itorobiya pia pepa peewatsiwichi xuano xua poxona_e Abraham juteba barapomona_e. Bapoxona_e Melquisedec matenta iya, Abraham matenta iyatsi. Melquisedec Abraham jeichichi: “Barab_u Nacom beta cayawenaena”, jei Melquisedec. ² Abraham nota pocotsiwan xeina pomona_e jiwi itorobiya pia pepa peewatsiwichi xua peamanayabixa_e poxona_e juteba. Abraham ainyawan capana, xua diez xuanbe. Jiwana wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomona_e pijumetha yabara w_un caunuta xua jei: “Bapon jiwi itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwi itorobiya pia pepa peewatsinchi. Barichi barapo Salem w_un hebreomona_e pijumetha yabara w_un caunuta xua jei: “J_{ntema} popona”, jei. Daxota barapo naxobe w_unbe yabara w_un caunutatsi xua jeye: “Pon jiwi itorobiya pia pepa peewatsinchi xua beta peexanaein xuano xua j_{ntema} popona”, jei xua hebreo jumetha. ³ Nacom Pejume Diwesitha Melquisedec paxa tatsi pew_un jopa yabara yopitichi. Mata_{tano} pena tatsi jopa yabara yopitichi. Barichi jopa yabara yopitichi pia pamo susato jiwi tatsi. Mata_{tano} bapon jopa yabara paebichi ichaxota naexana. Mata_{tano} jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiwi nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

⁴ Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomona_e pomona_e jiwi itorobiya pia pepa peewatsiwichi xua poxona_e Abraham juteba. ⁵ Moisés pia peitorobi coyenewatha jeye: “Sacerdotepiwi pomona_e Leví pia pemomoxi susato jiwi tatsi, itac_{patsi} xua bara nota caewan pocotsiwa xua jiwi catsiba xua poxona_e jiwi diez xuanbe caewan jiwana wetsaba pocotsiwan xua

xuan xeina”, jei Moisés pia peitorobi coyenewatha. Barapo sacerdotepiwi baxuan exana barapo jiwitha yaitama piamonae tatsi. Matautano exaneiba yaitama barapo jiwi Abraham pia pemomo susato jiwi tatsi icha barapo sacerdotepiwi ichi. ⁶ Ichitha Melquisedec jopa Leví pia pemomoxi susato jiwi tatsi. Bequein bapon jopa dapomonaeyo daichitha Abraham catsiba bapontha poxonae caewan jiwana wetsaba tsitsiniya daxita xua diez xuanbetha jiwanan. Abraham xeina peyabara tsiw_unae muxu dutsiwan, po peyabara tsiw_unae muxu dutsiwan bayatha Nacom yabara tsiw_unae muxu duta. Bequein Abraham xeina po peitorobi coyenewa xua itac_upaetsi xua jeye ichamonaetha: “Barab_u Nacom beta cayawenaena”, xua jei, ichitha Melquisedec baxua Abraham tsipaebatsi. ⁷ Jiwi ba yaputane xua ba bichocono ainya cui pon xua jeye: “Barab_u Nacom beta cayawenaena”, pon jei. Bapon bichocono ainya cui beyacaincha pon xua pebaraunchixaetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi. ⁸ Anoxuae po dapaethe sacerdotepiwi pomonae pomonaetha xua jiwi catsibeiba xua poxonae diez jiwana wetsabeiba, barapo sacerdotepiwi saya jiwi xua saya pewerapaewa tsane. Ichitha nama Nacom Pejume Diwesitha Melquisedec yabara paebatsi pon xua ataya tsitecaeya pepoponaein xua jopa pet_upaewa. ⁹⁻¹⁰ Metha jame be icha iche: Poxonae Abraham cata Melquisedectha poxonae caewan jiwana wetsaba diez xuanbe jiwana, bapoxonae cataunxuae ab_u Leví jopa naexanaeyo. Matautano Leví pia pexui tatsi cataunxuae jopa naexanaeyo. Barichi cataunxuae pia pemomoxi susato jiwi tatsi cataunxuae jopa naexanaeyo. Bapon Leví pon matapainya pepa sacerdotepin canamata canaexana poxonae cotacaya ichamonae ir_u sacerdotemonae naexana. Bapoxonae sacerdotepiwi naexanumenapona. Bapon tsipaebeiba Nacomtha jiwi nexa. Poxonae Abraham catsiba Melquisedectha xua poxonae caewan jiwana wetsaba diez xuanbe Nacom be tsitatsi xua apara be Leví ir_u cata xua ir_u be bara Leví pia pemomoxi susato jiwi tatsi catsiba. Poxonae Abraham cata Melquisedectha xua diez xuanbe caewan jiwana wetsaba, bapoxonae yawa muxuna cata pia pemomoxi susato jiwi tatsi nexa bequein barapomonae jopa cataunxuae naexanaeyo.

¹¹ Sacerdotepiwi po sacerdotepiwi Leví canamata canaexana sacerdotepin, barapo sacerdotepiwi israelmonae catatsi Moisés pia peitorobi coyenewa tatsi. Daxita barapo sacerdotepiwi Aarón pia pemomoxi susato jiwi tatsi. Barapo sacerdotepiwi jopa itac_upaetsi xua jiwi cana exanatsi xua penaj_unt_u coyene xanepana exanaewa Nacomtha xua penatsicuentsiwa yabara xua abe peexanaexae Nacomtha. Bequein sacerdotepiwi exanapona pocotsiwa itoroba barapo Moisés pia peitorobi coyenewatha ichitha awiya jopa itac_upaetsi xua jiwi yawenatsi. Daxota jiwi equeicha canamatawenona icha sacerdotepin. Barapo sacerdotepin jopa bewa exanae icha Aarón pia pemomoxi susato jiwi tatsi jiwana ichi. Jame barapo sacerdotepin bewa exanaena icha Melquisedec ichi. ¹² Poxonae Nacom icha sacerdotepin cana exana be pocotsin icha Melquisedec ichi bapoxonae yawa muxuna bewa exanaena pena peitorobi coyenewa. ¹³ Barapo pena sacerdotepin pon Wanacanamataxeinaein, bapon baxua yabara paebatsi Nacom Pejume Diwesitha. Bapon apara Israel pemomoxi susato jiwi jiwana pin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jopa jiwana naexanaeyo sacerdotepin. ¹⁴ Daxita jiwi yaputane xua barapon pon Wanacanamataxeinaein naexana Judá barompaya pia pemomoxi susato jiwi dena tatsi. Poxonae Moisés yabara paeba sacerdotepiwi Moisés jopa

yabara paebiyo xua Judá pia pemomoxi susato jiwi jiwana tatsi naexanaena sacerdotepin.

¹⁵ Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin. ¹⁶ Bapon Cristo jopa naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwi jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayapusu itorobi coyenewatha xua pexeinaexae peajantucoyenesuwa po peajantucoyenesuwa ataya tsiteca xua jopa itacupaetsi xua peweraweracaewa. ¹⁷ Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdote yajiwim icha Melquisedec ichi xua sacerdotepin”,
jei Nacom Pejume Diwesitha,
xua Cristo yabara paebatsi.

¹⁸ Nacom cana exana xua Moisés pia peitorobi coyenewa tatsi jiwi jopa canantawenonaeyo tsipei barapo coyenewa jopa xeinaeyo peayapusuwa xua jiwi cana exanatsi xua jopa pexeinaewa penatsicuentisiwa xua abe peexanaexae Nacomtha. Matautano jopa itacupaetsi xua jiwi pecanaexanaewatsi xua pecapanenebiwatsi abe pia peexanae cuiru coyene weya.

¹⁹ Barapo Moisés pia peitorobi coyenewa tatsi bapana jopa itacupaetsi xua jiwi jantucoyene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coyene xua copiya. Barapo pena coyenewa naca cana exana xua wunaewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

²⁰ Nacom xainyeya yabara tsiwunaee muxu duta pia pewantha xua Cristo naexanaena sacerdotepin xua ataya tsitecaeya. Jopa nama Nacom pia pewantha yabara tsiwunaee muxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi. ²¹ Ichitha poxonae Cristo pon jiwi Pecanamataxeinaein sacerdotepin naexana, bapoxonae ichun, Cristo yabara paebatsi Nacom Pejume Diwesitha, jeye:

“Nacom pia pewantha yabara tsiwunaee
muxu duta, ichawa jopa toxeincha
yabara exanae tsane.

Poxonae Nacom yabara tsiwunaee muxu duta,
bapon jeye Pexantotha: ‘Xam sacerdotepim
xua ataya petsitecaenexa’, jei Nacom”,
jei ichun xua Nacom tapaebatsi
Nacom Pejume Diwesi.

²² Poxoru Nacom tsiwunaee muxu duta xua Jesús naexanapaeba sacerdotepin daxota Nacom tsita itapeinya xeina xua exanaena xua bayatha paeba barapo pena coyenewatha. ²³ Bayatha sacerdotepiwi pinmonae tsoponae. Ichitha barapo sacerdotepiwi naitapataya werapouneiba, yawa ichamonae naexana sacerdotepiwi. Dapon aibi barapo sacerdotepiwi jiwana pon itacupatsi xua pewetsiwa pia peexanae coyenewan tsipei daxita werapouneiba. ²⁴ Ichitha poxoru Jesús ataya asu pepoponaexae daxota ataya tsitecaeya exanaena pia peexanae coyenewa icha pepa sacerdotepin ichi. Jopa nantawenonaeyo xua ichun Jesús pecoutha tanacuitatsi pon xuya sacerdotepin naexana. ²⁵ Daxota bapon ataya tsitecaeya itacupatsi xua jiwi ataya

pecapanenebiwatsi pomonae xua pepatsiwa tsane Nacomtha pomonae xua Nacom peyaputaewi pejume cowantsi jiwixae Jesús. Jesús baxua exana ataya tsitecaeya asu pepoponaexae xua pewucaenexa Nacomtha xua barapo jiwí peyawenaenexatsi.

²⁶ Nacom tsita xanepanatsi xua Jesús pepa sacerdotepin naexana xaniwaicha, po sacerdotepin wacanamatawenonaexae. Yatsicaewa bapon bichocono pejuntú coyene xanepanaein Nacomtha. Bapon Jesús jopa abe exanaeyo ichamonaetha. Nacom tsitatsi xua Jesús jopa natsicuentsiyo poxoru abe jopa exanaeyo Nacomtha. Bapon Jesús seicaya exana ducuanabiya. Jopa exanaeyo icha be ichi pomonae abe peexana dubenanaebiyaewi. Bapon Jesús Paxa capoinchi po itaboco tajú beicha po itaboco beyacaincha xua necoichatsi xua Jesús barapo itaboco beicha Paxa ainya cui exanatsi.

²⁷ Pepa sacerdotepiwi ba bewa exaneibina po coyene xua duwei jutebeiba iboto matatsuntha xua tuxusi exaneiba Nacom nexa, daxita maticabintha tsaibi. Baxuan nata exaneiba copiya abe pia peexanae coyenewan nexa. Bapoxonae cotacaya jiwí taexaneibatsi abe pia peexanae coyenewan nexa. Nama Jesús jopa barichiyo. Nama seicayiya icha coyeneya exana. Bapon Jesús pia pepon nata caenaeta xua tupa exanatsi saya bara cae cui coyenetha daxita carepaya jiwí nexa xua jiwí abe pia peexanae cuiru coyenewan tatsi nexa. ²⁸ Moisés pia peitorobi coyenewa tatsi canacui coyene exanatsi xua bara saya jiwí naexana pepa sacerdotepiwi. Barapo pepa sacerdotepiwi abe exana xua saya pecui pawí. Barapomonae jopa pejuntú cui coyene xanepanae jiwí Nacomtha. Ichitha Nacom yabara tsiwunaé muxu duta pia wantha xua Pexanto cana exana pepa sacerdotepin, po sacerdotepin yatsicaewa ataya tsitecaeya bichocono pejuntú coyene xanepanaeinxae Nacomtha. Baxua Nacom exana xua yabara tsiwunaé muxu duta xua pepuya weya tatsi poxonae Moisés catatsi peitorobi coyenewa.

8

Meje yabara xua Jesús pon pejume yawenaein jiwí Nacomtha

¹ Anoxuae xua pocotsiwa xua bichocono peainya cui coyenewa meje baxue: Waxainchi xeinatsi yatsicaya pepa wasacerdotepin, pon yatsicaewa bichocono pejuntú coyene xanepanaein Nacomtha xuaunxuae yabara paca tsipaebatsi. Bapon eca pia peitupanae ecaethopaewatha Nacom pia pecoxa weya tatsi, peitabocotheicha. ² Anoxuae Jesús nacuita Nacom pia xantheicha tatsi po penacuichi coyeneya sacerdotepiwi exana Nacom pia botha tatsi xua itabocotheicha. Barapo bo yatsicaewa Nacom pia pexainyei bo tatsi ichaxota popona xua itabocotheicha. Nacom pon jiwí Pecanamataxeinaein exana barapo bo. Jiwí jopa exanaeyo barapo bo.

³ Nacom daxita carepaya pepa sacerdotepiwi yabara tsiwun dubatsi xua jiwí petaexanaenexa tsaibi tsainchi po coyene pocotsiwa xua jiwí amanaya pecatsiwa Nacomtha. Matautano barapo pepa sacerdotepiwi yabara tsiwun dubatsi xua jiwí petaexanaenexa tsaibi tsainchi po coyene xua duwei pejutebiwa pocotsi duwein xua jiwí amanaya pecatsiwa Nacomtha xua abe peexanaexae. Daxota Jesús irú bewa bara ichiya exanae xua Nacom taexanatsi ichi sacerdotepiwi ichi poxonae Nacom taexanatsi. ⁴ Icha metha barapo dapaetha Jesús poponaetsipa barapo irathe poxonae iruru jinompa barapo sacerdotepiwi po sacerdote Aarón yaiwi jopa itacupaetsipaetsi xua cana exainchi pepa sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecui itorobixae. ⁵ Ichitha barapo sacerdotepiwi

tanacuita be pocotsiwa xua saya penajɔpae coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penajɔpae coyenewa ichitha xaniwaicha jopa najɔpae xua be pocotsiwa Jesús exana peitabocotha. Baxua yaputainchi poxonae Nacom Moisés tsipaebatsi. Poxonae Moisés muxu pecuaranotsi anseraboco xua ichaxota jiwi wɔnae jainteibina Nacomtha bapoxonae Nacom Moisés tsipaebatsi. Nacom jeye: “Yabara nanta xeinare xaniwaicha xua daxita beta neexanaenexa anseraboco xua bayatha pocotsiwa yabara catsita itapeinya xeinatsi demxuwatha. Barapocotsi anserabocotontha seicaya jiwi newɔnae jainchina”, jei Nacom. ⁶ Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwi yabara jume yawenatsi Nacom beicha xua jiwi pepatsinexa Nacomtha. Barapo pena coyenewa Nacom yabara tsiwɔnae muxu duta xua bichocono wɔnae beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwi jɔntɔ coyene xanepana exanatsi Nacomtha. Ichitha barapo peru coyenewa jopa daichiyo.

⁷ Bayatha peru petsiwɔnae yabara muxu dutsiwa Nacom Moisés yabara tsiwɔnae muxu dutatsi. Icha barapo coyenewa xeinaetsipa peayapusɔwa xua daxota jiwi beta jɔntɔ coyene xanepana exanatsi Nacomtha, metha jopa nantawenonaetsipae icha pena petsiwɔnae muxu dutsiwa. ⁸ Ichitha Nacom tane xua barapo jiwi jopa pejɔntɔ coyene xanepanae jiwi bapontha poxonae barapo peru peyabara tsiwɔnae muxu dutsiwa xeina. Daxota ichɔn Nacom Pejume Diwesitha jeye:

“Nacom jeye: Matacabin othopaena, po matacabintha pena petsiwɔnae muxu dutsiwa exanaein Israel nacuapiwi pia pemomoxi susato jiwitha tatsi irɔ Judea nacuapiwi pia pemomoxi susato jiwitha tatsirɔ.

⁹ Jopa bara jɔta coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae matacaponan Egipto nacua weya. Daichitha barapomonae jopa nacui yabara wɔnaetsiyo xua peexanaenexa pocotsiwa itoroban poxonae catan barapo peyabara tsiwɔnae muxu dutsiwa barapomonaetha. Daxota barapomonae punapentan, xua jopa tayawenaewa tsane, jei Nacom”, jei ichɔn.

¹⁰ Equeicha ichɔn jeye:

“Nacom jeye: Barapo peyabara tsiwɔnae muxu dutsiwa Israel nacuamonaetha, poxonae barapo matacabin wetsina bara baxua exanaein. Janje: Jiwi pejɔntɔ coyenewatha ichaxota nanta xeina taitorobi coyenewa baxota dubin. Bapoxonae barapomonae neyaputaena yawa nejume cowantsiya jejei tsane. Tacoutha barapomonae pia Nacom tatsi naexanaein. Barapomonae tamona naexanaena.

¹¹ Dapon aibi pon bewa cuidubina ichuntha xua xan yabara, xuano xua cuidubina pia jitontha xua xan yabara, matautano xua cuidubina peweicho xua xan yabara petana neyaputaewanexa tsane.

Jopa bewa cuidubi tsane barapomonaе tsipei daxita jiwi neyaputaena pomonaе pecui pawi jiwi, irano pomonaе peainya cui jiwi.

¹² Xan barapomonaе cui yabara jantemainaеin abe pia peexanaе cuiru coyenein tatsi, xua jopa pexeinaewa tsane xua tana netsita natsicuentsiwa xua abe peexanaewaxae. Bapana ataya equeicha jopa yabara nanta xeinaеin tsane barapo abe peexanaе cuiru coyenein, jei Nacom”, jei ichun Nacom Pejume Diwesitha xua saya Nacom tapaebatsi.

¹³ Nacom yabara paeba pena peyabara tsiwunaе muxu dutsiwa tsipei po peyabara tsiwunaе muxu dutsiwa copiya Moisés yabara tsiwunaе muxu dutatsi saya peru jume. Pocotsiwa ba peru coyenewa ba saya weraweraca. Daxota barapo peru peyabara tsiwunaе muxu dutsiwa saya iru weraweraca.

9

Meje yabara xua Nacom pin pia bo tatsi po bo xua itabocotheicha uncuа xuano iruru po bo xua po irathe tsique uncuа

¹ Nacom copiya Moisés yabara tsiwunaе muxu dutatsi. Barapo peyabara tsiwunaе muxu dutsiwa peitorobi coyenein xeina xua pocotsi coyeneya israelmonaе bewa exanaena poxonaе nacaetuta xua wunaе pejainchinexatsi Nacom. Matautano barapo peyabara tsiwunaе muxu dutsiwa itoroba xua jiwi xeina po bo xua Nacom pia bo tatsi xua po irathe. ² Barapo Nacom pia bo jiwi exana duwein pebocoton xua be anseraboco. Barapo anseraboco ainya tutube xeina. Po tutu copiya dena pewun: “Nacom pia tutu po tutu ainya cui tutu xua jopa pexeinaewa peabe cuiru”, jei. Barapo tututha uncuа penainto po penaintotha itanatanota penasiwa. Matautano barapo tututha uncuа xua pexaethopaewa po pexaethopaewatha xua baxota jeba pan, po pan xua Nacom catatsi. ³ Paparuruwa xua dutsica barapo paparuruwa peuma werena icha tutu xeina po tutu pewun: “Yatsicaewa Nacom pia tutu po tutu bichocono pepa peainya cui tutu xua jopa xeinaeyo peabe cuiru”, jei. ⁴ Barapo tututha uncuа xua be pecaxaethopaewa xua u penainto xua oro wan nainto. Baraxota yubeibiya tauteibathopa petuxueiwa po petuxueiwa tuxusi tuxuei benata poxonaе tauta. Matautano barapo tututha uncuа xua be caja po caja pewun: “Nacom pia peyabara tsiwunaе muxu dutsi caja”, jei. Barapo caja peuma weya daxita matapaeicha caxueba oro naintontha. Barapo caja juntututha eca coroto xua oro nainto. Barapo corototha tsijuntutu boca po pexaewa pewun maná matawan xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xeina. Barapo naewa bayatha Nacom xuwa exana xua tsiwixi pirururujеi poxonaе pexeinya petsita itutsi coyene exana pia peayapusu itorobi coyeneyatha. Matautano barapo caja juntututha bobena iboton po ibotontha mata tinaduba Moisés pia peitorobi coyenewa. ⁵ Barapo caja pemata xatatsiwa jumatha nacueyatabe ecabe ainya querubinbe matawanbe xua jumope canaxobiya exana oro naintotha,

ponbe be matatsunpinbe. Barapo ainya querubinbe matawunbe yabara caunuta xua Nacom baxota eca. Barapo ainya querubinbe matawunbe naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana nunababareca po jana duwein jana. Barapo duwein sacerdotepin bexuba jiwu abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipaebichi.

⁶ Daxita nacui wunaeta pocotsiwa xua barapo tutubetha nexa. Bapoxonae sacerdotepiwu jojoneibeibiya daxita matacabi po tututha xua copiya dena. Barapo sacerdotepiwu barapo tututha exaneiba pia penacuichiwa. ⁷ Ichitha nama po tutu dabeya saya meisa joniyeiba pon pepa sacerdotepin xua saya caetha tsaibi xua daxita weithan tsaibi. Poxonae barapo pepa sacerdotepin barapo tutu iya joniya bewa nata cajoniyaena duwein jana. Barapo jana nunababa ichaxota querubinbe matawunbe itabarayo deca xua bapon abe pia peexanae cuiru coyenewan tatsi nexa xuano xua iru jiwu abe pia peexanae cuiru coyenewan tatsi nexa xua poxonae jiwu jopa nacui yabara yaputaeyo. ⁸ Peyabara exanaewa daxita baxuan Nacom pia Pejumope tuxaxu tatsi naca cuiduba xuaje: Poxonae cataunxuae sacerdotepiwu taexana dubenanaebiya Nacom po tututha xua copiya dena, jiwu jopa copatsichi xua pata po tutu dabeya ichaxota Nacom popona. ⁹ Daxita pocotsiwan barapo anserabocotha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jiwu Nacom wuna jainteibatsi poxonae sacerdotepin exaneiba pocotsiwa xua jiwu pecatsiwa Nacomtha xuano xua poxonae exaneibano xua duwei pejutebiwa xua tuxusi exana Nacom nexa. Bara bequein jiwu baxua exaneiba ichitha cataunxuae pia juntu coyenein tatsi cana exanatsi xua awiya yabara nanta xeina dubenanaebiya abe pia peexanae cuiru coyenein tatsi. Barapo coyene po coyene jiwu exana jopa beta juntu coyene xanepana exanaetsi xua jopa penatsicuentisiwa tsane Nacomtha xua abe peexanaexae. ¹⁰ Barapo peru peitorobi coyenewa xua Moisés pia peitorobi coyenewa tatsi jiwu jopa yawenaetsi xua penajuntu coyene xanepana exanaewa Nacomtha. Saya apara yabara paeba xua jiwu bewa pocotsiwa xaibina poxonae nabaneiba, matautano xua xuan pocotsiwa bewa apeibina. Matautano jiwu itorobatsi xua po coyenein yabara xua jiwu beta penaperu xainwaetsiya nowaewa yabara pia wuna jainteibichi Nacom. Barapo coyenein xua saya jiwu bewa cana exanae pia pepontha beya xua anoxuae Nacom pena coyenewa equeicha exana.

¹¹ Nama Cristo patopa pon pepa sacerdotepin. Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon nacuiteiba icha pepa sacerdotepin ichi xua itabocotha bichocono wuna tsipei Nacom daxita matapaeicha wetsiya exana. Barapo tutu bichocono wuna beyacaincha po tutu ichaxota sacerdotepiwu tanacuita Nacom xua barapo cae pin nacuathe. Jiwu jopa acabiyo barapo tutu xua itabocotha tsipei barapo tutu jopa apara po cae pin nacuathe tsique nexiyo. ¹² Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pewun chivo, xuano xua vaca jana jopa caponaeyo xua penun jana, xua pebto jana. Saya jame Cristo Nacom tsita itutatsi xua bapon jiwu tsitupatsi xua abe pia peexanae coyenewan tatsi. Bapon Cristo saya bara cae coyenewatha joniya baxoteicha xua daxita carepaya jiwu nexa. Daxota bapon Cristo bara ataya tsitecaeya naca capanepa. ¹³ Sacerdotepiwu ba nota vaca pebton pia pejanan, yawa chivo pia pejana xuano ipuna

xua poxonae tautatsi vaca pesowatiyo peweinyo. Sacerdotepiwi mata wenunababa jiwí daxita baxuantha pomonaetha pomonae xua abe peexanae cuiru coyenein peexanaewixae. Bara bapoxonae barapo coyene jiwí itacupatsi xua cana exanatsi xua jopa penataxobiwa pia pepontha bequein awiya xeina penatsicuentisiwa. ¹⁴ Bequein bara baxuan barapo jiwí tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi barapomonae bichocono yawenatsi. Cristo pejana bichocono peayapusu coyenewa xeina beyacaincha xua duwein pejana. Nacom pia Pejumope tñaxu tatsi po jumope ataya tsitecaeya popona barapo pejumope tñaxu tatsi Cristo yawenatsi poxonae saya Cristo nayabara cui copata xua bara pebexubinexatsi poxonae pejana pichapabarena pewan weya petupaewatha. Bapon Cristo jopa bapana exanaeyo peacoyenebewa. Cristo wanaca tsitupaexae Nacom naca juntu coyene xanepana exana. Daxota Nacom jopa tsita natsicuentichi abe waexanaexae. Wajuntu coyene equeicha jopa yabara wanaca tsipaebinexa abe waexanae coyene. Daxota jopa bewa ponae tsainchi ichaxota ataya atene tsaibi pomonae jopa pejume cowantsiwi. Anoxuae jame naca itacupa xua ajuntasya taexana dubenanae-biyatsi Nacom pon xua ataya tsitecaeya asu pepoponaein.

¹⁵ Daxota bapon Cristo naexana pon nacata paeba Nacomtha yawa pon naca tsipaeba Nacom nexa. Bapon Cristo nacata catsica Nacom pia pena peyabara tsiwunae muxu dutsiwa tatsi. Bapon naca cana exana xua daxitatsi caemonae naexanatsi Nacomtha. Poxonae naca tsitupa Nacom yabara jñntemaina abe peexanae cuiru coyene po peabe exanae cuiru coyenein xua jiwí caena bayatha exana poxonae cataunxuae exanapona po coyene bayatha Nacom Moisés yabara tsiwunae muxu dutatsi xua peru peyabara tsiwunae muxu dutsiwa. Daxita pomonae Nacom pewabixae barapomonae catsibinchi peajuntuyapusuwa po peajuntuyapusuwa xua ataya tsitecaeya tsane xua bayatha Nacom peyabara tsiwunae muxu dutsixae barapomonae. ¹⁶ Poxonae pebin ba ichichipa cata pia pecopiniwa ichamonaetha xua poxonae tupaena, copiya matha yabara caununaya wñ tinaduba paperatha pomonae xua pecopiniwa xeinaewa tsainchi. Pomonae xua pecopiniwa xeinaewa tsainchi barapomonae bewa tsita itapeinya xeinaena xua barapo pebin xaniwaicha bara tupa xua poxonae beya pewunaeya tsane xua pecopiniwa notsinexatsi pon xua tupa. Bapoxonae barapomonae bara itacupatsi xua pexeinaewa pocotsiwa xua bapon xeina pon tupa. ¹⁷ Barapo papera, po paperatha bayatha pebin nacopiniwa yabara jume tinaduba cataunxuae jopa ainya cuiyiyo poxonae abu cataunxuae bapon popona tsipei jopa copiniwa notichi barapomonae. Saya jame poxonae bapon yatsicaewa tupa bapoxonae jame ainya cui barapo papera, tsipei barapomonae itacupatsi xua pexeinaewa tsane pocotsiwa bapon xeina. ¹⁸ Barichi barapo copiya peyabara tsiwunae muxu dutsiwa. Pewunaeya tsane xua poxonae jiwí xeinaena pocotsiwa bayatha Nacom Moisés yabara tsiwunae muxu dutatsi sacerdotepin bewa matha duwein bexubina xua bapoxonae barapo coyene jiwí pexeinaewa tsane. ¹⁹ Moisés daxita pia peitorobi coyenewan yabara paeba daxita jiwitha. Nexata bapon pena xua oveja na xua tsobia naewiyotha opi yarabaxuba, po naewiyotha pewñ hisopo naeyo. Bapon mene muxunaxuba vaca jana poyo peweinyo pebtiyo xuano xua muxunaxuba chivo jana. Bapoxonae baxuan bapon Moisés nunababa Nacom Pejume Diwesitha. Matautano daxita jiwitha mata wenunababa. ²⁰ Bapoxonae Moisés daxita jiwitha jeye: “Barapo jana po janatha paca mata wenunababatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha

bara pacata exanaena pocotsiwa pia peyabara tsiw_unae muxu dutsiwa”, jei Moisés. ²¹ Barichino Moisés exana xua anseraboco mata wen_un_ubaba pejanatha. Mata_utano muxuna mata wen_un_ubaba xua xuan barapo anserabocototha tututha umena pocotsiwan sacerdotepiwi canacuiteiba poxonae jiwi nacaetuteiba xua Nacom w_unae pejainchinexatsi. ²² Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata wen_un_ubabi xua daxita baxuan Nacom jopa petsita nataxobinexatsi. Nacom jopa yabara j_untemainaeyo jiwi abe pia peexanae cuiru coyenein tatsi icha jopa pejana epa-epacaeyo xua barapo jiwi nexa.

Meje yabara xua Cristo tsit_upa jiwi abe pia peexanae cuiru coyenewan tatsi

²³ Sacerdotepiwi bewa jutebina duwei pemata wen_un_ubabinexa pejanatha anseraboco. Bapoxonae Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewa Cristo exana peitabocotha. Ichitha nama barapo yatsicaewa pepa coyenewatha peexanaenexa peitabocotha jame bewa pejana epa-epacae pejana pon pej_unt_u coyene xanepanaein pon peainya cui_n pia pejana tatsi xua Nacom tsita jiwi xanepanatsi xua jopa penatsicuentisiwa xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi n_un_ubaba po cae pin nacuathe. ²⁴ Poxonae Cristo joniya Nacom pin pia botha tatsi xua itabocotha jopa joniyaeyo po bo saya jiwi exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara caunuta xua yatsicaewa peitabocotha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuatheichatsi xua itabocotha. Baxoteicha anoxuae Cristo naituta Nacomtha xua wanacata tsipaebinexa Nacom peitabaratha. ²⁵ Pon pepa sacerdotepin bewa joniyaena bara saya caetotha tsaibi xua daxitan weithan tsaibi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocototha. Barapon pejana capaneiba barapo tututha xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa t_upa pecana exanaewatsi xua jiwi abe peexanae cuiru coyenein tatsi nexa. ²⁶ Icha baxua tsipae bapoxonae bapon matowa t_upa exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe pet_upaenexa xua saya bara cae coyenewatha ataya petsitecaenexa tsane. Bapon Cristo naetotha tsit_upa jiwi xua Nacom jiwi peyabara cui j_untemainaenexatsi abe pia peexanae cuiru coyenein tatsi. ²⁷ Daxita jiwi ba werapouneibina saya caetotha. Bapoxonae pirapae Nacom yabara paebina daxita jiwi xua penatsicuentisiwa xua abe peexanaexae. ²⁸ Barichir_u, icha jiwi ichi Cristo saya caetotha tsit_upa jiwi pinmonae, xua Nacom jiwi abe pia peexanae cuiru coyenein tatsi pecayabara j_untemainaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsit_upaewa tsane jiwi abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pew_unae ewatsi jiwixaetsi xua bapon pepatopaewa po cae pin nacuathe tsique.

10

¹ Moisés pia peitorobi coyene tatsi, baxua saya yabara caunuta xua yauptane wanaca exanaenexa po coyene xua w_unae po coyene xua bexa

Nacom exanaena itabocotheicha. Barapo coyene, jopa pepa coyenewiyo poxoru jopa jupaeyo po coyene xua Nacom yatsicaewa xeina itabocotheicha. Moisés pia peitorobi coyenewa tatsi jopa itacupaetsi xua jiwi pejuntu coyene xanepana exanaewatsi Nacomtha pomonae wanae jainteiba Nacom. Bequein pepa sacerdotepiwi daxita weitha exaneiba xua duwei jutebeiba jiwi abe pia peexanae cuiru coyenein tatsi nexa daichitha cataunxuae jopa itacupaetsi xua jiwi juntu coyene xanepana exanatsi xua jopa pexeinaenexa xua penatsicuentisiwa xua abe peexanaexae Nacomtha. ² Icha Moisés pia peitorobi coyene tatsi jiwi juntu coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiwi abe pia peexanae cuiru coyenein tatsi nexa. Icha jiwi caetha juntu coyene xanepanaetsipa Nacomtha, bapoxonae jiwi jopa natsicuentisipae xua abe peexanaexae Nacomtha. ³ Ichitha poxonae barapo sacerdotepiwi jutebeiba duwei jiwi abe pia peexanae cuiru coyenein tatsi nexa bequein baxua exana cataunxuae jiwi cana exanatsi xua yabara juntanaina barapo abe pia peexanae cuiru coyenein tatsi. Jiwi yabara juntanaineiba baxuan daxita weitha poxonae duwein jutebeibatsi barapo jiwi nexa. ⁴ Vaca pebto pia pejana tatsi yawa chivo pia pejana tatsi jopa bapana jiwi juntu coyene wenotichi abe pia peexanae cuiru coyenein tatsi xua jopa penatsicuentisiwa nexa Nacomtha xua abe peexanaexae.

⁵ Daxota poxonae Cristo patopa po cae pin nacuathe tsique, Cristo jeye Nacomtha:

“Xam jopa ichichipaem po coyene xua duwein pebexubiwa jiwi abe pia peexanae cuiru coyenein tatsi nexa.

Matautano jopa ichichipaem xua po coyenein xua jiwi amanaya necacatsiwa.

Jame pebaxuanexa yatsicaewa pepa jiton necana exaname xua naexanan, tatsitupaenexa jiwi abe pia peexanae cuiru coyenein tatsi nexa.

⁶ Xam jopa cajuntu coyene weiweina exanaeyo poxonae duwein ompin tautatsi xuano xua pexaewa tauta petuxusi exanaenexano xua xam neyabara junteinaenexa jiwi abe pia peexanae cuiru coyenein tatsi.

⁷ Bapoxonae xan Cristo, janje:

‘Xam Tanacom.

Xan xote po nacuathe patopeicanje taexanaenexa xua pocotsiwa ichichipame be pocotsi coyeneya necui yabara tina jinya diwesitha’, jan”, jei Cristo.

⁸ Copiya Cristo paeba xua jeye: “Xam jopa ichichipaem yawa jopa cajuntu coyene weiweina exanaeyo po coyene xua poxonae jiwi bexuba duwein xuano poxonae exaneiba po coyene poxonae jiwi amanaya cacatsibeiba. Matautano jopa ichichipaem poxonae duwein ompin tautatsi xua jiwi abe pia peexanae cuiru coyenein tatsi nexa”, jei Cristo. Baxua Cristo paeba tsipei Moisés pia peitorobi coyenewatha itoroba xua jiwi bewa exanaena barapo coyenein Nacom nexa. ⁹ Equeicha bapoxonae Cristo cotacaya jeye: “Xan xote po cae pin nacuathe patopeicanje taexanaenexa pocotsiwa ichichipame”, jei. Poxonae Cristo baxua caunutsiya paeba copiducua cana exana po coyene peru coyene. Cristo anoxuae equeicha pecoutha pena coyene exana poxonae

naetotha tsitupa jiwi abe pia peexanae cuiru coyenein tatsi. ¹⁰ Nacom naca juntu coyene xanepana exana wanaca cana exanaenexa piamonae tatsi poxoru Jesucristo exana pocotsiwa Nacom peichichipaexae. Jesucristo pia pepon nacaenaeta Nacomtha xua naetotha petsitupaenexa daxita jiwi abe pia peexanae cuiru coyenein tatsi xua bara cae coyenewatha xua ataya petsitecaenexa tsane.

¹¹ Daxita sacerdotepiwi pomonae judiomonae daxita matabi exaneiba xua duwein pebexubiwa, bequein barapo coyenewa jopa itacupaetsi xua jiwi juntu coyene wenotatsi abe pia peexanae cuiru coyenein tatsi. ¹² Nama Jesucristo bara cae coyenewatha exana poxonae naetotha tsitupa jiwi abe pia peexanae cuiru coyenein tatsi, xua bara ataya tsane. Poxonae Cristo baxua naci weta Nacom pia pecoxatheicha tatsi equiya xua itabocotha. ¹³ Baxoteicha Cristo abe ewata beya poxonae abe tsane poxonae Nacom cana exanaena xua Cristo cana exanaeinchi xua pecanamataxeinaenexa pia peaitafaetabi jiwichi. ¹⁴ Cristo piamonae juntu coyene xanepana exana xua ataya tsane poxonae naetotha tsitupa cae coyenewatha. Barapomonae pomonae xua Nacom tsitatsi xua jopa xeinaeyo penatsicuentiwa pomonae piamonaexae tatsi. ¹⁵ Nacom Pia Pejumope tuxaxa tatsi baxua yabara iru naca tsipaeba bayatha Nacom Pejume Diwesitha, jeye:

¹⁶ “Matabin othopaena po matabintha xan tayabara tsiwaxa muxu dutsiwa xua pena coyenewa exanaein barapomonaetha. Jiwi pia juntu coyenewantha xua ichaxota nanta xeina taitorobi coyenewa baxota dubin”, jei Nacom pia Pejumope tuxaxa tatsi.

¹⁷ Bapoxonae equeicha Nacom pia Pejumope tuxaxa tatsi jeye: “Bapana ataya equeicha jopa yabara jantanainaein tsane jiwi abe pia peexanae cuiru coyenein tatsi”, jei Nacom pia Pejumope tuxaxa tatsi, Nacom Pejume Diwesitha.

¹⁸ Daxota poxonae Nacom yabara junteina jiwi abe pia peexanae cuiru coyenein tatsi, equeicha jopa nantawenonaeyo xua jiwi duwein pebexubiwa xua tuxusi exana Nacom nexa xuano xua po coyene exaneiba xua po coyene Nacom amanaya pecatsibeibiwatsi.

Meje yabara xua waxainchi bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom

¹⁹ Tamonae pam, daxota anoxuae naca itacupa xua jopa junuwiya patsi tsainchi itabocotha ichaxota yatsicaewa Nacom pia tutu, po tutu bichocono peainya cui tutu. Daxota baxua naca itacupa tsipei Nacom yabara copata xua bara Jesucristo naca tsiwanaya patopa barapo tututha pejana pichapabarenaexae poxonae naetotha naca tsitupa. ²⁰ Anoxuae naca itacupa xua wapatsiwa Nacomtheicha pena juntu coyene waxeinaexae po pena juntu coyene ataya ayapusu xua poxonae Cristo wanaca tsitupaexae. Baraxua be poxonae metha Cristo nacata pataxubichipa paparuwa po paparuwa yacaincha ducua Nacom pia tutu po tutu yatsicaewa peainya cui tutu. Daxota jojoniyaeinchi wajinompaeinexa Nacomtha. ²¹ Bapon Jesús, yatsicaewa wasacerdotepin, pon canamataxeina Nacom pia bo tatsi xua itabocotha. ²² Daxota bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom, xua yatsicaewa xainyeya wajuntu coyene xanepanaexae bapontha. Matautano bewa wajuntu coyeneyatha nanta

xeinaetsi xua bara apara imoxoyo itiya jinompatsi Nacom xanepanaya wajume cowantsiya jinompaexae. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom tsipei jopa juntu coyene auratsi xua jopa watsita natsicuentisixae xua abe waexanaexae. Matautano bewa wajuntu coyeneyatha nanta xeinaetsi xua bara apara imoxoyo itiya jinompatsi Nacom tsipei poxonae ichamonae naca bautisaba meratha tsita itapeinya xeinatsi xua Nacom bayatha naca juntu coyene xanepana exana. ²³ Barabu naajuntucoyenesu exainchi xua jopa junuwiya wayabara paebiwa tsainchi wawunaewatsiwa. Baxua exanaponaeinchi tsipei bara yaputainchi xua Nacom bara exanaena pocotsiwa bayatha yabara naca tsiwunaewatsiwa muxu duta xua jopa yabara ainya unthutontsi. ²⁴ Barabu yabara nanta xeinaeinchi po coyenewa xua nantiya nacui tsacabinchi xua wanayawenaewatsi. Bapoxonae nantiya naantobe tsainchi, matautano xua xanepanaya beta nantiya nata exanaeinchi. ²⁵ Jopa bewa bara juta coyeneya ichiya exanaetsi be pocotsimonae waxainchi jiwanatsi pomonae jopa pateibiyo poxonae nacaetuteibatsi xua poxonae Nacom wawunaewatsiwa jainchinexa. Ichitha jame bewa nantiya najuntu coyene tsacabichi xua juntema wajinompaewatsi. Barapo coyene bewa exanaponae aetsi beyacaincha xua po cui coyene copiya bayatha. Baxua exanatsi tsipei anoxuae yaputainchi xua matabi jopaena, po mataqueitha pon jiwi Pecanamataxeinaein patopaetsica.

²⁶ Tsipei icha ichamonae waxainchi jiwanatsi icha barapomonae awiya abe exanapona xua pocotsiwa peichichipaexae xua abe exana xua poxonae bequein peyaputaewatha po coyene pexainyei jume, nama icha coyenewa ajibi, xua ichan equeicha petsitupaenexa barapo peabe coyenewa. ²⁷ Saya jame meisa tanacopatatsi pomonae awiya abe exanapona xua matabi cunuwa po mataqueitha poxonae Nacom yabara paebina jiwi xua penatsicuentisiwa xua abe peexanaexae. Matautano tanacopatatsi xua isoto yabara cunuwa, po isoto bichocono atou, po isototha Nacom weraweraca cana exanaena daxita pomonae pia peaitafaetabi jiwichi. ²⁸ Po pebin jumefeba po coyene Moisés itoroba pia peitorobi coyenewatha, xua poxonae nacueyatabe pebinbe ichacuitha poxonae acoibi poyobe baponbe yabara paebabe: “Bapon pajume tan poxonae jumefeba”, jei, bapoxonae bapon bewa tupaena. Tsipei pomonae bapon yabara paebatsi xua penatsicuentisiwa xua abe peexanaexae, barapomonae tsita itapeinya xeinatsi xua bara bapon xainyeya abe exana. Daxota bapon bewa tupaena tsipei barapomonae jopa yabara nanta xeinaeyo xua bapon peyawenaewatsi. ²⁹ Xuaje payabara nanta xeinare: Nacom bichocono atene exana pomonaetha pomonae Pexanto tatsi itaweta. Matautano atene exana pomonaetha pomonae abe yabara paeba xua pinae Jesús pejana jopa ainya cuiyo bequein Jesús tsitupa jiwi. Jesús petsitupaexae daxota Nacom yabara tsiwunaewatsiwa muxu duta xua jiwi pejuntu coyene xanepana exanaenexatsi Nacom. Matautano barapomonae jopa natsicuentisiwa tsane xua abe peexanaexae. Matautano Nacom atene exana pomonaetha pomonae Nacom pia Pejumope tuxa tatsi tsama jumeya baru paebatsi po pejumope jiwi yawenatsi pia peantobexaetsi. Barapomonae nama bichocono atene exanaeinchi beyacaincha xua ichamonae atene exanaeinchi pomonae jopa exanaeyo pocotsiwa Moisés itoroba. ³⁰ Waxainchi yaputainchi xua Nacom bayatha jeye: “Xan tacoya exanaein pentoma xua jiwi atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonae xua penatsicuentisiwa xua abe peexanaexae”, jei. ³¹ Po pebin abe exana

bichocono junuwa cana exanatsi poxonae Nacom yabara paebina bapon tsipei barapo pebin Nacom tsitatsi xua bapon bara penatsicuentiwa xua abe peexanaexae. Baropoxonae Nacom, pon ataya asu pepononaein, bichocono jopa juniya atene cana exanae tsane bapontha.

³² Bara ataya payabara jantanainare po dapaetha poxonae bequein aena pajume cowantame Nacom, xua ichitha beta paexaname. Baropoxonae awiya ichitha jantema parubenanaebiyame poxonae bequein ichamonae pacata abe exana. ³³ Ichamonae xua paxam jiwana pam barapomonae tsamu jumeya biatainchi xuano jiwi itatha atene exaneibatsi. Iru ru ichamonaeru pomonae paxam jiwana pam barapomonae nacayabara nanta xeina xua barapara iru ru atene exaneibatsi poxonae ichamonae atene exaneibatsi. ³⁴ Paxam painya antobexae pacayabara nanta xeiname pomonae jiwi pecabi botha jebatsi xua painya neyawenaenexa. Bequein bara ichamonae daunweya pacata nota xua xuan daxita paxeiname, daichitha awiya cataunxuae pajuntu coyene weiweiname. Bara payaputaneme xua paxeiname itabocotha pocotsiwa bichocono yatsicaewa wuna beyacaincha pocotsiwa po cae pin nacuathe paxeiname. Baxua xua pocotsiwa paxeiname itabocotha ataya tsitecaeya paxeinaename baxua. ³⁵ Jopa pana nacui barapentsinde xua payabara jume cowanta dubenanaebiyame xua painya nepaca catsinexa pocotsiwa bayatha Nacom yabara paca tsiwuna muxu duta. Tsipei wajume cowanta dubenanaebiyaxae tsane Nacom, baxua nexa Nacom pentoma naca catsibina xua bichocono nawita xua pia nacuathe-icha. ³⁶ Paxam panantawenoname xua ajuntu yapusya parubenanaebiyama awiya xua jopa paaitaconaem bequein ichamonae pacata abe exana xua painya neexanaenexa pocotsiwa Nacom ichichipa. Baropoxonae Nacom paca catsibina pocotsiwa xua bayatha yabara paca tsiwuna muxu duta.

³⁷ Nacom Pejume Diwesitha jeye:

“Methaunxuae patopaetsica, pon

bewa patopeicaena.

Jopa bayathiyo tsane.

³⁸ Pon bara netsita pejuntu coyene

xanepanaein, bapon bara ataya poponaena

tana nejume cowanta ducuanabiyaxae.

Ichitha icha bapon equeicha caewa jopa

nejume cowantsiyo jopa xanepanaya beyabara

juntu coyene weiweinaeinyo, pocotsiwa

bapon peexanaexae”, jei Nacom.

³⁹ Ichitha nama waxainchi jopa be barapomonaetsi, pocotsimonae equeicha caewa jopa jume cowantsiyo Nacom. Barapomonaetsi Nacom weraweraca exanaena. Nama waxainchi pomonaetsi awiya jume cowanta dubenanaebiyatsi Nacom beya poxonae wajuntu coyenewa nacata capanepa exanaeinchi.

11

Meje yabara xua Nacom pejume cowantsiwatsi

¹ Pon jume cowanta ducuanabiyaya Nacom, bapon bara xaniwaicha yaputane xua xeinaena pocotsiwa wuna ewata. Matautano pejuntu coyene tsita najume itapeinya xeinatsi xua barapara xainyei po coyene xua barapon yabara jume cowanta bequein cataunxuae yatsicaewa jopa taeyo. ² Wamo susato jiwi xanepanaya beta yabara paebatsi xua Nacom beta yabara paeba ayapusya pejume cowantsiwaxaetsi.

³ Waxainchi wayabara jume cowuntsixae xua Nacom naca yawenapaeba daxota yaputainchi xua barapo cae pin nacue iru barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua bapana jopa taetsi, pocotsiwan xua peinyaxae.

⁴ Abel pon caena bayatha popona yabara jume cowunta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon pejuntu coyene wunaein. Iruru Cain Abel pentapin tatsi, bapon iruru bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Cain exana. Nacom baxua beita cui jichatsi tsipei Abel peyabara jume cowuntsixae pocotsiwa Nacom exanapaeba. Bequein Abel bayatha tupa ichitha naca itacupa xua awiya wayabara nacuidubaponaewatsi pocotsiwa Nacom exanapaeba poxonae yabara yorobatsi Abel pia pejume cowuntsiwa tatsi.

⁵ Enoc pon caena bayatha popona yabara jume cowunta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocothaicha, xua bapon Enoc jopa petupaenexa bara po cae pin nacuathe. Enoc piamonae jopa caxinaetsi, poxoru Nacom pichica. Nacom Pejume Diwesitha paeba xua poxonae pewunaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaexae. ⁶ Jopa itacupaetsi xua jiwi Nacom tsita xanepanatsi icha barapo jiwi jopa beta jume cowuntsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowuntsina xua Nacom bara xaniwaicha popona. Matautano jame bewa yabara jume cowuntsina xua Nacom bara cata pocotsiwa bayatha yabara tsiwuna muxu duta pomonaetha pomonae pia pejeichiwichi xua pejume cowuntsinexatsi. Barapomonae Nacom yaputainchi.

⁷ Noé pon caena bayatha popona yabara jume cowunta xua Nacom yawenapaeba. Daxota Noé piamonae tsixana pin jera nae xua piamonae matabuxayo pebaru nacapanepaenexa. Nacom Noé pewunaeya yabara muxuwetatsi xua pocotsiwa bexa exanaena pocotsiwa Noé bapana bayatha jopa taeyo, xua pin awubo tsane xua Nacom itorobina. Noé bara jume cowuntsiya exana pocotsiwa Nacom itoroba poxonae pin jera nae exana xua piamonae matabuxayo pebaru nacapanepaenexa. Noé pejume cowuntsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxonae jopa yabara jume cowuntsiyo xua Nacom itorobapaeba pin awubo. Nacom tsitatsi xua barapo jiwi atene tsane penatsicuentiswaxae jopa pejume cowuntsixaetsi. Jame Noé Nacom juntu tsita coyene xanepanatsi pejume cowuntsixaetsi bapon. Daxota Nacom Noé piamonae matabuxayo baru capanepatsi.

⁸ Abraham pon caena bayatha popona yabara jume cowunta xua Nacom yawenapaeba. Daxota poxonae Nacom pewabixae, bapon bara exana pocotsiwa Nacom itoroba. Bapon Abraham pia nacua weya pona xua peponaenexa icha nacuatha, po nacua bayatha Nacom yabara tsiwuna muxu duta, xua bapon catapaebatsi. Bapon Abraham pia ira weya pona xua icha nacua beya pona po nacua bequein jopa yaputaeyo ichaxota pona.

⁹ Abraham peyabara jume cowuntsixae Nacom, bapon popona po iratha xua bayatha Nacom yabara tsiwuna muxu duta. Bapon Abraham be pon penanapaincha poponaein xua icha nacua werena poponaexae xua poxonae icha nacuatha popona. Bapon Abraham poponeiba anserabocon

bomuxixitha icha Isaac ichi iru icha Jacob ichi poxonae poponeibabe anserabocon bomuxixitha. Abraham, iru Isaac, iru Jacob barapoyobe Nacom tsiwuna nae yabara muxu duta barapo ira xua Nacom pecatsinexa. ¹⁰ Abraham nacui yabara wuna nae ewata xua patopaena po tomaratha ichaxota xua pepu umena nae bon xua Nacom pia nacuatheicha. Apari Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

¹¹ Barichi Sara Abraham piseuri tatsi yabara jume cowanta xua Nacom yawenapaeba. Bequein bapowa acue xua jopa peitacupaewatsi xua pexinaewa pexui awiya jume cowanta Nacom. Sara pejume cowantsixae, Nacom cata barapowa catatsi peajuntayapuswa, xua barapowa pepabetsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwuna nae muxu duta. ¹² Bara barichi Abraham. Bapon bichocono amo tsecae xua bara imoxoyo petupaewaba tsane xua jopa itacupaetsi xua peexanaewa pexui. Daichitha Nacom copata xua bapon pexanto xeina xua daxota bapoxona nae bapon pia pemomoxi jiwi tatsi bichocono pinmona nae naenaexanapona. Barapo bicheito bichocono pinmona nae icha opiteimona nae ichi xua bichocono nawita. Matautano barapomona nae icha taetowa beno ichi xua bichocono beno cucujei xua mar mene itapatha. Jopa itacupaetsi xua barapo jiwi peununaewatsi icha taetowa beno ichi.

¹³ Daxita pomona nae jume cowanta Nacom barapomona nae yajume cowantsiya werapa. Abu cataunxuae jopa catsibichi pocotsiwa bayatha Nacom yabara tsiwuna nae muxu duta xua pocotsiwa bapomona nae catsibapaebatsi. Daichitha barapomona nae yabara jume cowanta xua pocotsiwan bexa xeinaena xua Nacom bexa catsibina. Barapomona nae baxuan yabara jume cowantsiya tsita xanepanatsi. Barapomona nae nantiya nayabara nanta xeina, jeye: “Waxainchi pomona nae be wananapaincha jinompaewichi barapo pena nacuathe xua be icha nacua werena waponaewi, pomonaetsi xua awiya jeita dubenanaebiyatsi po nacua yatsicaewa pepa wanacua”, jei daxita barapomona nae. ¹⁴ Tsipei barapomona nae baxua paeba, naca yaputane exana xua awiya jeitapona po nacua yatsicaewa pia nacua tatsi. ¹⁵ Barapomona nae jopa apara yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacupaetsipatsi xua caewa pewarapaewa pia nacuathe ichaxota copiya bayatha jinompa. ¹⁶ Ichitha barapomona nae ichichipa po nacua xua bichocono wuna nae beyacaincha xua icha nacuan. Baraxua xua po nacua ichichipa, apara Nacom pia nacua tatsi. Daxota Nacom jopa auriyo xua barapomona nae yabara paebatsi xua pinae Nacom barapomona nae pia Nacom tatsi. Daxota Nacom barapomona nae tsiwunaetatsi tomara.

¹⁷ Nacom Abraham juntu coyene jujutatsi peyaputaenexa icha bara metha yatsicaya jume cowantatsi. Daxota Nacom Abraham itorobatsi xua pexanto pebexubiwa tsane icha be pocotsi coyeneya ichi xua poxona nae duwein bexuba Nacom nexa. Abraham pejume cowantsixae Nacom daxota pexanto capana atororo beya pon yatsicaewa compa tatsi pon pewun Isaac. Abraham muxu pexanto pebexubi icha be pocotsi coyeneya ichi xua poxona nae duwein bexuba Nacom nexa. Bapon baxua exana bequein Nacom yabara tsiwuna nae muxu duta barapo Abraham pexanto tatsi, jeye: ¹⁸ “Barapo nexanto Isaacxae nantautsiname nemomoxi susato jiwi”, jei Nacom. ¹⁹ Abraham jume cowanta xua icha Isaac tupaetsipa Nacom itacupaetsi xua equeicha Isaac caewa asu exanatsi poxona nae bequein pexanto bexubichipa. Poxona nae Abra-

ham muxu pexanto pebexubi, apara bara be xua bayatha tupa, matautano apara be xua Abraham pexanto equeicha caewa asu taexainchi.

²⁰ Barichi Isaac yabara jume cowanta xua Nacom yawenapaeba. Daxota bapon Isaac pexantobe tsipaeba, jeye: “Barabu Nacom paca yawenaena pia paca necaantobexaebe”, jei Isaac pexantobetha, Jacob iru Esaú.

²¹ Barichi Jacob yabara jume cowanta xua Nacom yawenapaeba. Daxota poxonae bapon juntucuru imoxoyo tupaenaba barompaya tsipaebabe José pia pexantobetha tatsi xua pia pemomobexae tatsi. Bapon jeye: “Barabu Nacom paca yawenaenabe pia paca necaantobexaebe”, jei Jacob José pia pexantobetha tatsi. Bapoxonae bapon Nacom wuna jaintatsi poxonae naewatha nabuxu babatanotsiya yuyutanota tsipei bichocono amo tsecae.

²² Iru José yabara jume cowanta xua Nacom yawenapaeba. Daxota poxonae bara imoxoyo tupaenaba yabara paeba israelmonae. José yabara paeba xua bexa tsane Israel pia pemomoxi susato jiwi tatsi warapaena Egipto nacua weya, xua po nacua beya po nacua bayatha Nacom yabara tsiwuna muxu duta xua Nacom catapaeba. Matautano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonae warapaena po nacua xua Nacom yabara tsiwuna muxu duta xua Nacom catapaeba.

²³ Moisés pena tatsi iru paxa tatsi yabara jume cowanta xua Nacom yawenapaeba. Daxota Moisés matsiyatatsi botha acoibi po xometobe poxonae aena naexana. Moisés pena yabara nanta xeinatsi yawa paxa yabara nanta xeinatsi xua Moisés itubun tsecae. Baponbe jopa yabara jume cuitaya junuwiyo xua po coyene cui itoroba Faraón pon Egipto nacuapiwi itorobiya pia pepa peewatsinchi xua pinae daxita pexui pebin watixi bewa jutebinchi.

²⁴ Iru Moisés yabara jume cowanta xua Nacom yawenapaeba. Daxota poxonae bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraón pexantiyo tatsi”, jei Moisés. ²⁵ Saya jame bapon Moisés itapetatsi xua iru yawa muxuna atene exanaeinchi Nacom piamonae tatsi xua poxonae barapomonae atene exanaeinchi xua ichamonae atene exanaena pomonae Egipto nacuamonae. Moisés ichichipa xua pecana exanaewa tsainchi icha piamonae tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraón xaina. Icha baxuan xainaetsipa Moisés juntu coyene weiweina exanaetsipatsi barapo nacua xua saya caepatiyo nexa tsipae po coyene xua jiwi weiweina exanatsi xua abe peexanaponaewa. Moisés piamonae jopa benaitematsiyo daxota jopa benotsiyo Faraón pecopiniwa tatsi. ²⁶ Ichamonae Moisés tsamu jumetha biatainchi xua ajuntucoyenetane exanatsi icha Mesías ichichi pon Nacom itoroba. Poxonae Moisés nayabara jume tane baxua tsita coyene xanepanatsi, beyacaincha xua poxonae barapo copei pexeinaewa tsane Egipto nacua. Baxua Moisés itapeta tsipei ichichipa xua pexeinaewa po pentoma bexa tsane Nacom catsina bapontha peatenexae po pentoma bayatha Nacom yabara tsiwuna muxu duta.

²⁷ Moisés yabara jume cowanta xua Nacom Moisés yawenapaebatsi. Daxota najuntu coyene weta xua pewarapaewa tsane Egipto nacua weya. Moisés jopa junuwiyo bequein yaputane xua Faraón bara casebina. Bapon Moisés bara saya amsiya pona bara be xaniwaicha tane Nacom xua be yatsicaewa baru poinchi pon peinya peponaein xua jiwi jopa itacupaetsi xua petaewa. ²⁸ Moisés pejume cowantsixae Nacom, piamonae cui itoroba xua peexanaenexa penabanaewa xua Pascua wun matabi nexa. Matautano

bapon cui itoroba piamonae xua pejanantha pecapibinexa daxita bom_{uxu} pecoibotontha. Barapo Moisés piamonae tatsi pomonae Israel pia pemomoxi susato jiwixae tatsi baxuan exana xua daxota matatsunpin jopa tupa exanaeyo piamonae. Barapo matatsunpin merawi patopaena xua pejutebiwa tsane matapin jiwi pomonae pia bontha jopa xeinaeinyo po jana xua Moisés cui itoroba xua jiwi bom_{uxu} pecoibotontha pecapibiwa tsane.

²⁹ Barapo Israel pia pemomoxi susato jiwi tatsi yabara jume cow_{unta} xua Nacom yawenapaeba. Daxota Mar Rojo mene mentha icha muxunene beya panenebiya xua epatauta iya pona be poxonae xua ira tsewa iya peponaewa. Ichitha poxonae Egipto nacuamonae baraxoya iyiya daxita bunothopa.

³⁰ Israel pia pemomoxi susatopiwi tatsi yabara jume cow_{unta} xua Nacom yawenapaeba. Daxota matawacaicha tocuecueniya enaponeiba pem_{uxuburu} iya siete po matabibe xua barapo Jericó tomara peyacaincha toxorotsi dutsiwa xua be iboton. Barapoxonae barapo Jericó tomara peyatoxorotsiya yacaincha dutsiwa baxua iratha jopiya. ³¹ Bayatha yab_{uyo} powa Jericó tomarapiwayo Rahab yabara jume cow_{unta} Nacom pon Israel pia pemomoxi susato jiwi tatsi pia Nacom tatsi. Daxota bapowa jopa bar_u tupaeyo piamonae xua pia tomarapiwixae poxonae tomarapiwi werapa jopa pejume cow_{untsixae} Nacom pon Israel pia pemomoxi susato jiwi tatsi pia Nacom tatsi. Bapowa Rahab powa copiya bayatha pesi cui weiweinaewa pebiwitha. Poxonae Israel pia pemomoxi jiwanamonae namicha pata xua pecui amanayabiya taenexa Jericó tomaratha, bapoxonae barapowa Rahab matenta weyataeya waba, xua barapo israelmonae jiwanamonae wabatsi pia botha tatsi.

³² Jopa equeicha paebinyo xua equeicha pinmonae tayabara paebiwa pomonae pejume cow_{untsiwi} Nacom. Jopa neyapu jupaeyo xua jopa taxeinaewa matabi xua tacueicueijeinexa Gedeón yabara, ir_{uno} Barac yabara, ir_{uno} Sansón yabara, ir_{uno} Jefe yabara, ir_{uno} David yabara, ir_{uno} xua Samuel yabara, ir_{uno} pomonae Nacom pia peitorobi jume petapaebiwi tatsi yabara. ³³ Daxita barapomonae jume cow_{unta} Nacom. Ichamonae barapomonae jiwana, amanayaba ainya nacuanpiwitha, pejume cow_{untsixae} xua Nacom yawenaena. Ichamonae pejume cow_{untsixae} Nacom daxota jiwitha beta xaniwaicha canamata itoroba. Ichamonae pejume cow_{untsixae} Nacom barapomonae catsibatsi pocotsiwan xua bayatha Nacom yabara tsiw_{nae} muxu duta. Ichamonae pejume cow_{untsixae} Nacom, Nacom exana xua coibo acaba neuth_{un}, xua barapomonae jopa atene peexanaenexatsi barapo neuth_{un}. ³⁴ Matautano ichamonae pejume cow_{untsixae}, daxota Nacom yawena barapomonae poxonae Nacom itaxutaba exana po isoto bichocono pin isoto xua barapomonae po isototha tautatsi. Barichi ichamonae pejume cow_{untsixae} daxota Nacom capanenebiya tsaibi barapomonae poxonae muxu pejutebeibichi peopi sojeiwantha xua be cusi. Matautano pomonae faefaena, equeicha Nacom daunwei exana. Daxota barapomonae daunwei poxonae naba. Ichamonae Nacom peyawenaexae amanayaba pia peitaetaeta jiwichi xua ainya soldadomonaein bicheitontha. ³⁵ Barichi ichamonae yab_{uxi} pejume cow_{untsixae} equeicha caewa piamonae xeina, pomonae equeicha caewa taas_{tsi} petupaewa weya.

Ichamonae itacupatsi xua panenebiya xua jopa werapae tsane xua icha poxonae Nacom itawetatsina. Nama barapomonae jopa bepaebiwo baxua daxota barapomonae werapa poxonae bichocono caitacueintatsi ichamonae. Barapomonae, pomonae pewerapaewi yaputane xua pejume

cowantsixae Nacom, daxota Nacom equeicha asu exanaena xua barapomonaepatsiwa tsane Nacom pia nacuatheicha. ³⁶ Ichamonaepjume cowantsixae Nacom, bichocono ajuntacuicoyenetane tsipei bichocono cui capanebatsi ichamonaep. Matautano ichamonaeru cuaintebatsi. Ichamonaeru penain matontha cabebatsi. Ichamonaeru jiwi pecubi bontha cuaranobatsi. ³⁷ Ichamonaepjume cowantsixae Nacom, ibotontha tupa exanatsi poxonaep cuinbabatsi. Matautano ichamonaep werapa poxonaep epa nantarabobiya thabebatsi seruchotha. Irueru ichamonaepjume cowantsixae jutebatsi peopi sojeiwantha xua cusin. Ichamonaeru pejume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonaep acopeibiwi tsobenaep, barainebatsino abe taexanebatsino. ³⁸ Pomonaep barapo caep pin nacuathepiwi Nacom pejume cowantsiwi yabara paebatsi, yabara jeichiche: “Jopa be cui copatichi xua barapomonaep pejinompaewa tsane watomaratha”, yabara jeichichi. Ichitha barapomonaep Nacom tsita ainya cuichi beyacaincha barapomonaep pomonaep barapo caep pin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuaep nacuathe. Matautano barapomonaep demxuwantha dubenanaebiya, muthanthano jinompa, xuano xua duwei pia muthantha jinompano.

³⁹ Bequein Nacom yabara paeba barapomonaep xua beta peexanaexaep pejume cowantsixaetsi, daichitha cataunxuaep abu barapomonaep jopa catsibichi pocotsiwa Nacom bayatha yabara tsiwunaep muxu duta barapomonaep, matautano xua caeinthano. ⁴⁰ Barapomonaep cataunxuaep abu jopa catsibichi baxua tsipei Nacom naca yabara nanta xeina xua bexa tsane iru naca catsibina pocotsiwa bapon tsita xanepanatsi. Pocotsiwa bapon catsibina xua apara barapomonaep Nacom naca cayawa muxuna juntu coyene xanepana exanaena.

12

Meje yabara xua waxainchi bewa exanaponaetsi icha Jesús ichi poxonaep exanapona

¹ Pomonaep xuaunxuaep yabara pacata tinatsi barapomonaep bichocono pin bicheitomonaep, pomonaep pejume cowantsiwi po coyene xua Nacom yawenapaeba. Barapomonaep naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonaep. Baxua naca cuiduba xua iru bewa xanepanaya jume cowanta dubenanaebiyaeinchi bequein naca atene exana ichamonaep. Barabu waxainchi daxita nacui barapentinchi abe waexanaep cuiru coyenein pocotsi coyenein xua jopa naca yawenaeyo xua Nacom beta wataexanaewatsi. Barabu waxainchi beitatemaya ajuntasya awiya exanapoinchi pocotsiwa Nacom naca cui itoroba. ² Saya meisa Jesús jantanainaeya jinompatsi wanaca yawenaenexa. Bapon copiya bichocono pejume cowantsixae Nacom daxota bapon wanaca canamataxeinaein xua wajume cowantsinexa. Matautano bapon betiya naca exana xua beta wajume cowantsiwa poxonaep cataunxuaep awiya wajinompaewa barapo caep pin nacuathe. Jesús bara saya copata xua atene exanadutatsi naetotha ichamonaep poxonaep tupa exanatsi. Bapon jopa auriyo bequein naetotha tupa exanatsi jiwi peitutha tatsi. Ichamonaep ba bichocono aura xua poxonaep petupae exanaewatsi naetotha. Nama bapon Jesús jopa auriyo poxoru nayabara yaputane xua pirapae poxonaep nacana cui wetinchi xua atene exanatsi, xuano xua poxonaep tupa exanatsi naetotha, bapoxonaep bichocono juntu coyene weiweinaena. Anoxuaep bapon Jesús eca

pia pexeinya peecaethopeibiwatha xua Nacom pia pecoxa weya tatsi xua itabocothoicha ichaxota Nacom eca pia pexeinya peecaethopeibiwatha.

³ Jesús pacayabara j̄ntanainaponde xua bayatha po coyene Jesús abeya exanatsi pomonae abe peexanae jiwi. Jesús awiya beitatemaya saya popona poxonae bequein bichocono atene exanatsi barapomonae pomonae abe peexanaewi. Daxota jopa paraichinde xua poxonae jopa pana naj̄nt̄u coyene tsacabim. Matautano jopa paaj̄nt̄ucoyenefaetabinde xua poxonae daxota jopa beta painya taexanaewa Nacom. ⁴ Painya j̄nt̄u coyenewatha pajume torobabame abe peexanae cuiru coyenein xua painya neexanaeyainwa barapo coyenein. Bapoxonae jopa panaitematsim xua painya nejume cow̄ntsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua t̄pa xua bichocono daunweya peexanaexae barapo coyene. ⁵ Paxam paj̄nt̄emainame xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta xeinaeinde pocotsiwa yabara paca muxuwetatsi tapaca cuidubinexatsi.

Poxonae atene paca exanatsi jopa aj̄nt̄ucoyenefaetabiya pajinompaeinde xua yabara tapana nejume cow̄ntsiwam.

⁶ Tsipei muxuwetsiya cuiduban pomonaetha pomonae antobein.

Matautano atene exananno pomonaetha pomonae tapexui tsicotan”, jei Nacom Pejume Diwesitha.

⁷ Awiya j̄ntema pajinompare poxonae bequein Nacom paca atene exana xua paca necacuidubixae. Baxua Nacom pacata exana tsipei paca nacana exana pia pexui tatsi pam. Dapo pexuyo ajibi, po pexuyo jopa paxa muxuwetsiya cuidubichi xua poxonae icha bichocono antobetsi paxa. ⁸ Nacom pia pexui muxuwetsiya cuiduba. Icha Nacom jopa paca muxuwetsiya cuidubichipae, bapoxonae paxam jopa Nacom pia pexui tatsi pam tsipae. Saya be catsa pexui pam tsipae icha be pocotsi pexui ichi po pexui seicaya icha paxa barompa. ⁹ Matautano caena bayatha poxonae cataunxuae pexuichi waxeiwi naca atene exana wanaca muxuwetsiya cuidubixae. Daichitha waxeiwi bar̄u cui itura jinatsi. Waxainchi bewa ichichipaetsi xua waexanaewatsi pocotsiwa naca cui itoroba pon Waxa Nacom, pon itabocothoicha popona. Barapocotsiwa bewa exanaeinchi beyacaincha pocotsiwa exanatsi xua poxonae waxeiwi naca cui itoroba poxonae jinompatsi barapo cae pin nacuathe. Baxua bewa exanaeinchi Waxa Nacom pon itabocothoicha popona wanaca catsinexa peaj̄nt̄uyapus̄u coyenewa. ¹⁰ Waxeiwi poxonae pexuichi barapo cae pin nacuathe saya caepatiyo naca muxuwetsiya cuiduba. Baxua nacata exana icha be pocotsi coyeneya xua ichichipa xua tsita xanepanatsi. Ichitha nama Nacom naca muxuwetsiya cuiduba wanaca yawenaewa tsane. Matautano baxua nacata exana xua wanaca cana exanaewa tsane xua bichocono waj̄nt̄u coyene xanepanaewichi, icha Nacom ichi xua bichocono peaj̄nt̄u coyene xanepanaein. ¹¹ Poxonae naca atene exana bara bapoxonae nanta xeinatsi xua jopa nacata xaexaenae-caeyo, tsipei bara xaniwaicha naca atene exana. Ichamonae yabara cui copaba xua bara nacuiduba xua poxonae bequein Nacom atene exana, pemuxuwetsiya cuidubixae. Barapomonae jame jopa natsicuentisi tsane

xua abe peexanaexae bapontha. Barapomonaе xeinaena pejuṅtu coyene xanepanaewa Nacomtha xuano juṅtema dubenanaebiyaena.

Meje yabara xua poxonaе Nacom naca muxuweta xua jopa bewa Nacom itawetichi

¹² Yaitama pajṅtu coyene faefaename, xua painya nejume cowṅtsiwa daxota painya coutha pana najṅtu coyene tsacabare xua beta painya nejume cowṅtsiwa tsane Nacom. Matautano xua payabara ajṅtucoyenerewem tsaibi ichawan. Pana najṅtu coyene itorobare xua awiya ayapusa painya neexanaponaewa tsane. ¹³ Painya xoba icha diwesi pajume cowṅtame po diwesi xua jopa Nacom Pejume Diwesi tatsi. U meisa paexanare pocotsiwa Nacom Pejume Diwesitha yabara paeba xua beta painya nejume cowṅtsiwa. Icha baxua paexanaetsipame iru ichamonae barichipae. Bequein barapomonaе copiya juṅtu coyene faefaenaetsipa pejume cowṅtsiwatha ichitha bapoxonaе beta exanaponaetsipa xua pejume cowṅtsiwa pia paca cui taexae.

¹⁴ Nantiya daxita jiwi ajṅtuayapusa betiya pana nabaru juṅtemiya jinompare. Bichocono pana najṅtu coyene xanepana exande Nacomtha xua jopa painya nenatsicuentinexa xua abe painya neexanaexae bapontha, xua painya netaenexa bapon. Tsipei pomonaе jopa xeinaeyo barapo coyene jopa itacupaetsi xua Nacom petaewatsi tsainchi. ¹⁵ Dota pam xua ichamonae pomonaе paxam jiwana pam pia xoba jopa ichipaeyo po coyenewa Nacom yawena barapomonaetha pia peantobewaxae. Matautano barapo ichamonae pomonaе painyamonae jiwanaxae pia xoba abe exana ichamonae peitutha tatsi xua daxota iru ichamonae pebarichinexa xua abe peexanaewa. ¹⁶ Ichamonae pomonaе paxam jiwana pam, pia xoba nota icha yabuxitha, powaxi jopa xapain barompaya pia seurixi. Matautano dota pam xua ichamonae paxam jiwana pam jopa tsita pecui pawi tsainchi po coyenewan xua Nacom piawan tatsi. Barapo coyene Esaú exana pon caena bayatha tupa. Bapon Esaú jopa tsita ainya jume cuiyotsi pocotsiwa bayatha Nacom yabara tsiwanae muxu duta xua bepa pinae Nacom Esaú yaweneibichi. Barapon Esaú piyainxae peyapintha Jacobtha cata po coyene xua pia coya pecanamataxeinae coyenewa po coyene matapin ba xeina. Tsipei Esaú jopa jume cowṅtsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo. ¹⁷ Paxam payaputaneme xua bapon Esaú pirapaeyo ichichipa xua equeicha caewa pexeinaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiyun tawuca pexanto pon matapin xua Nacom peyawenaewa tsane. Ichitha bapon Esaú peyapin cata barapo coyene xua matomata pupara. Bequein bara bapon auranaya caunutsiya wecoyeya paeba, ichitha jopa itacupaetsi xua caewa xeinaena barapo coyene po coyene xua ba matapin xeina.

¹⁸ Caena bayatha pia Nacom caquita ponaetsi Israel pia pemomoxi susato jiwi tatsi demxuwa itabaratha umena poxonaе Nacom Moisés catatsi pia peitorobi coyenewa. Barapomonaе jume tane pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumenaename demxuwa itabaratha xua painya necaquita ponaenexa Nacom. Poxonaе Israel pia pemomoxi susato jiwi tatsi umena barapo demxuwa itabaratha, baxoyo pin isoto uncueica barapo demxuwatha. Matautano bapoxonaе bichocono quirei, yawano nobonno. Matautano pin joibo baxoyo uncueica. Ichitha jopa bara paichim, jopa pataem baxuan. ¹⁹ Paxam jopa pajume taem peobiwa jume po peobiwa

pewun trompeta nain matawun, icha poxonae barapo Israel pia pemomoxi susato jiwi tatsi ichi xua jume tane barapo trompeta jume. Paxam jopa pajume taem Nacom pejume poxonae Nacom cueicueijejei barapo Israel pia pemomoxi susato jiwitha tatsi barapo demxuwatha. Pomonae jume tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane. ²⁰ Barapomonae baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxonae itoroba Nacom jeye: “Pon nataxuna jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Nacom. ²¹ Barapomonae bichocono junuwa pocotsiwa xua tane barapo demxuwatha iru Moisés bichocono junuwa. Daxota paeba, jeye: “Bichocono tajunuwi jijiyen”, jei Moisés.

²² Jame anoxuae painya nejume cowuntsixae Nacom, bapon paca yabara cui copata xua painya nepatsiwa tsane bapon pia tomaratha tatsi, po tomara pewun Jerusalén tomara. Barapo tomara eca ichaxota po demxuwa pewun Sión. Barapo tomara Nacom pia tomara tatsi pon ataya tsitecaeya asuya pepoponaein. Barapo tomara xua pepa Jerusalén tomara Nacom pia nacuatheicha tatsi eca. Matautano papatsiname baxoteicha ichaxota jinompa ayeimonae matatsunpiwi, xua weiweinaeya nanacaetutsina xua pia nanabarun wunaen jainchinexa Nacom. ²³ Matautano pajume cowuntame Jesús xua painya nepatsinexa ichaxota Nacom piamonaen tatsi nacaetuta pomonaen Nacom pia diborotha wun dubena xua itabocotha. Barichi papatsiname Nacomtha, pon yabara paebina daxita jiwi xua penatsicuentisiwa xua abe peexanaexae. Matautano papatsiname ichaxota jiwi pia jumopein tunaxun tatsi jinompa pomonaen xua beta exana xuano xua Nacom beta cana juntu coyene wetsiya xanepanaya exana. ²⁴ Matauta papatsiname ichaxota Jesús popona pon jiwi peyabara jume yawenaen Nacomtha xua jiwi pepatsiwa tsane Nacomtheicha. Matautano bapon nacata catsica Nacom pia pena peyabara tsiwunaen muxu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara juntu coyene jumentaina abe waexanaen cuiru coyenein. Barapon pia pejana tatsi jiwi beta cana exanatsi beyacaincha Abel pia pejana tatsi. Tsipei poxonaen bapon bexotsi, jopa nantawenonaeyo xua bapon peyantomatsiwatsi. Ichitha poxonaen Abel bexotsi, nantawenona xua peyantomatsiwatsi.

²⁵ Dota pam. Jopa bewa pajume itawetsim Cristo pon wanaca tsipaebixae Nacom yabara. Pomonaen bayatha Nacom jume itawetatsi poxonaen bequein Moisés muxuweta jiwi barapo irathe Nacom nexa, barapomonaen jopa Nacom capanenebiyaeyo xua atene abe pia peexanaexae. Waxainchi jopa naca itacupaeyo xua panenebiyatsi xua atenetsi abe waexanaen coyenewantha icha jopa Nacom jume naitaewatichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonaen xua atene abe pia peexanaen coyenewantha pomonaen Moisés baru popona. ²⁶ Caena bayatha Nacom tsipaeba barapo irathepiwi tsique poxonaen Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Abun equeicha bara caeto tsane ira jijitsin yawano itabocothichano jijitsin”, jei Nacom. ²⁷ Poxonaen Nacom jei: “Abun equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xeina pocotsiwan itacupatsi xua pejijiyatsiwatsi. Saya meisa jopa aichurucuae exanaen tsainchi pocotsiwan xua jopa itacupaetsi xua pejijiyatsiwatsi xua pocotsiwan Nacom piamonaetha peyabara tsiwunaen muxu dutsi coyenewa. ²⁸ Nacom pia nacua, ichaxota

Nacom itoroba, yawano xua waxainchi baxota itorobatsi, barapo nacua jopa itacupaetsi xua jijiyatatsi xua aichurucuae peexanaenexatsi. Daxota bewa jeichichi Nacomtha: “Nacom, maisa pajuntũ coyene weiweinan pebaxuaxae”, bewa jeichichi. Poxonae Nacom wũnae jaintinchi waxainchi bewa yabara nanta xeinaetsi pia pejuntũ coyene xanepanae coyenewa tatsi. Matautano bewa bapon cunuwiya wũnae jaintichi pia peayapusũwa pexeinaexae. ²⁹ Wanacom weraweraca cana exana jiwi, pomonaetha pomonae jopa pejume cowũntsiwichi. Nacom baxua exanaena icha be poxonae nawa ichi xua poxonae daxita topowa poxonae taxua.

13

Meje yabara xua pocotsiwa bewa exanaetsi xua pocotsiwa Nacom tsita xanepanatsi

¹ Jopa pana nacui barapentsinde xua caemonae nantiya painya nenaantobewam pomonae be painya eweicho jiwi painya nenatsicotae jiwi pam painya nejume cowũntsixae Jesucristo. ² Jopa pajuntemainaeinde xua beta painya netaexaneibiwa tsane pomonae pateiba painya bontha pomonae irũ pejume cowũntsiwi Nacom tsipei metha beya jemeicha barapomonae tsipae pomonae Nacom itoroba xua beta painya nepacata exanaenexa. Caena bayatha ichamonae pexaewa apata poxonae matha jemeicha pia botha tapatatsi, xua poxonae jopa xapain yaputaeyo xua deta cou apara matatsunpiwi.

³ Payabara nantũ coyene xeinare pomonae jiwi pecũbi botha cuaranobebatsi painya neyawenaenexa barapomonae icha be poxonae paichim xua irũ jiwi pecũbi botha paca cuaranobarũ. Payabara nantũ coyene xeinare pomonae peraxa jubebatsi xua ichamonae exana painya neyawenaenexa barapomonae. Tsipei paxam irũ jiwi pam, paca yabara itacupatsi xua ichamonae paca necaperaxa jubewa.

⁴ Paxam bewa beta pananta xeinaem poxonae jitha paename xua barapo coyene paca tsita ainya cui. Daxota jopa bewa ichawa beya panasi cui weiweina exanaem poxoru painya seurixi bayatha paxeiname. Tsipei Nacom yabara paebina jiwi xua penatsicuentsiwa xua abe peexanaexae pomonaetha pomonae jopa xapain exanaeyo xua be poxonae yabuxi jeita xua po coyene jiwi jopa yabara copatsiyo. Matautano barichi Nacom yabara paebina jiwi xua penatsicuentsiwa xua abe peexanaexae pomonaetha pomonae nasi cui weiweina exana poxonae bequein pia seurixi xeina.

⁵ Jopa bichocono paichichipaeinde paratixi. Jame maisa pajuntũ coyene weiweinare painya nexainaexae pocotsiwa Nacom paca catsiba. Baxua paexande tsipei Nacom jeye: “Bapana jopa compa capopona exanae tsainchi. Bapana jopa cacuenta ponae tsainchi”, jei Nacom. ⁶ Daxota naca itacupa xua jume cowũntsiya jeichichi:

“Nacom, pon jiwi Pecanamataxeinaein,
bapon pon xua tana neyawenaein.
Jopa junuwinyo poxonae jiton xua
abe tana exanaewa”, jeichichi.

⁷ Payabara cui juntanainare painya nepaca canamataxeinaewi pomonae bayatha paca cuiduba Nacom Pejume Diwesi. Barapomonae pacui taema, tsipei barapomonae beta jume cowũntsiya jinompa beya poxonae barapomonae yacuiya werapa. Paxam beta pajume cowũntsiya jinompare icha barapomonae ichi xua beta jume cowũntsiya jinompa.

⁸ Jesucristo saya tsitecaeya pepu jupa exanaponae. Baxua exana caena bayatha, anoxuaeno, xuano xua bara ataya tsitecaenano xua jiwi beta peyawenaewatsi. ⁹ Daxota jopa pacopatsinde xua ichamonae painya nepaca cuidubiwa icha pecuidubi diwesi po diwesi pia diwesi barompa, po diwesi jopa Cristo pia diwesi tatsi. Jame ainya cui xua naajuntayapusu exainchi Nacom pia peantobe coyenewatha. Po coyenein xua itoroba xua penabanaewa yabara barapo coyenein jopa naca ajuntayapusu exanaeyo Nacomtha. Barapo peitorobi coyenewan bapana jopa yawenaetsi pomonae bequein xua exanapona barapo coyenewan.

¹⁰ Waxainchi xeinatsi barompaya wacoyene po coyene be poxonae xua tuxusi exanatsi Nacom nexa poxonae caein naetotha naca tsitupa xua daxota Nacom jopa tsitatsi xua penatsicuentiwa xeinatsi xua abe waexanaexae. Baxua apara xua poxonae Cristo tupa naetotha abe waexanae cuiru coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapocotsi coyene jopa itacupaetsi xua pexeinaewa barapo coyene tsipei barapo sacerdotemonaе cataunxuae jutebeiba duwei jiwi abe pia peexanae cuiru coyenein tatsi nexa. ¹¹ Caena bayatha pon pepa sacerdotepin, duwein jana capaneiba ichaxota po tutu yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara jantemainaenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya. ¹² Cristo barichichi. Tomara cuariya beya tupa exanadutatsi naetotha, xua daxita jiwi pejuntu coyene xanepana exanaenexa tsainchi Nacom. Cristo pejana pichapabarenaexae poxonae tupa, Nacom jopa tsitatsi xua jiwi penatsicuentiwa xua abe peexanaexae. ¹³ Ichamonae Jesús aura exanatsi poxonae tomara cuariyatha tupa exanadutatsi naetotha. Barabu copatatsi xua ichamonae iru naca aura exana wajume cowantsixae Jesús xua daxota naca atene exana icha Jesús ichichi. ¹⁴ Barapo cae pin nacuathe jopa xeinaetsi tomara, po tomara ataya tsitecaeya ayapusu tsuncuae. Jame wunaeya ewatatsi, po tomara xua bexa patopaetsica Nacom pia nacua wetsica tatsi. ¹⁵ Daxota waxainchi bewa wunae jainteibichi Nacom tsipei Jesucristo naca tsitupa. Poxonae Nacom wunae jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wunae jaintatsi jeichichi: “Nacom maisa bichocono nejuntu coyene xanepanaein”, jeichichi. ¹⁶ Jopa pajantemainaende po coyene xua beta painya taexanaewa ichamonae. Painyawan panata jiwana wetsabare pocotsiwan xua paxeiname xua painya necatsibinexa pomonae xua jopa xeinaeyo. Tsipei poxonae baxua paexaname, bichocono xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

¹⁷ Paexande pocotsiwa paca cui itoroba pomonae painya nepacacanamataxeinaewi. Matautano saya barapomonaetha pajume naitaeware. Pabaru cui itura jinare barapomonaе tsipei barapomonaе paca juntu coyene eeniya ewata. Barapomonaе yaputane xua bexa tsane Nacom barapomonaе yabara paebina xua penatsicuentiwa xua abe peexanaexae icha barapomonaе jopa beta paca juntu coyene eeniya ewatsiyo. Bara pacopare xua barapomonaе juntu coyene weiweina exanatsi poxonaе paca juntu coyene eeniya ewata xua jopa pejuntu coyene wecoyeinexa xua abe painya neexanaexae. Tsipei icha barapomonaе juntu coyene wecoyei baxua xapain jopa paca yawenaeyo.

¹⁸ Nacomtha painta wucare. Bara payaputan xua pata juntu coyene pana netsipaeba xua pinae bara beta paexanan. Paxan paichichipan xua awiya

beta pata exanaewa daxita coyenewan. ¹⁹ Paca wucatsi xua painya inta wucaenexam tsane Nacomtha xua Nacom bara inta pecopatsinexa xua methaunxuae tapaca siwa ponaewa tsainchi equeicha.

Meje yabara xua najume wetsiya paeba pon tina

²⁰ Nacom, barapon peyajuntu coyene jinaein xua juntema pepoponaewa. Barapon Nacom Jesús caewa asu exanatsi petupaewa weya pon Wanacanamataxeinaein. Bapon Jesucristo pon pepa Peewatsin xua daxita carepaya jiwi peewatsinchi icha be pocotsin oveja beta peewatsin ichi. Bapon Jesucristo pejana pichapabarenaexae poxonae tupa, canacui wetsiya exana po coyene xua bayatha Nacom yabara tsiwuna muxu duta po coyene xua ataya tsitecaeya tsane. ²¹ Barabu barapon Nacom paca juntu coyene xanepana exanaena xua jopa painya nenatsicuentinexa xua abe painya neexanaexae. Matautano bu bara paca catsina xua daxita pocotsiwan panantawenoname xua xuan xanepanaya painya exanaenexa po coyenein Nacom ichichipa. Barichi barabu Jesucristo pia peayapuswa naca cana exanaena xua exanaeinchi po coyene Nacom tsita xanepanatsi. ¡Barabu jiwi Cristo ataya wuna jaintinchi pexeinaexae peayapus coyenewan! Je, bara ichi tsane.

²² Tamonae pam, pomonae pam iru painya nejume cowuntsixae paca itorobatsi xua bepijawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae.

²³ Maisa ichichipan xua painya neyaputaewa tsane xua Timoteo bayatha copatatsi jiwi pecubi bo weya. Barapon be wayapin watsicotaein pejume cowuntsixaeru Jesucristo. Ichaunxuae bapon taxantha patopaena bapon methaunxuae nebaru iya tsane painya xainya beya xua equeicha tapaca siwa ponaewa tsainchi.

²⁴ Painta jacobare daxita pomonae painya nepaca canamataxeinaewi. Irano painta daxita jacobare pomonae pejume cowuntsiwiru Jesucristo. Italia nacuamonaepiwi barapomonae paca jacobae, pomonae iru pejume cowuntsiwi.

²⁵ Barabu Nacom daxita pam bichocono paca yawenaena pia painya nepaca caantobewaxae.

Meje Po Carte Santiago Tatina, Pomonae Jesucristo Pejume Cowantsiwi Tatinatsi

Meje yabara poxonae Santiago tamropata pitaba xua tatina pomonaetha pomonae pejume cowantsiwi pomonae xua tajɩ jinompa

¹ Xan, Santiago ponxaein Nacom amanaya pia petanacuichin tatsin irɩ Jesucristo pon jiwi Pecanamataxeinaein amanaya pia petanacuichin tatsinno. Paca jacobatsi pomonae Israel pia saineiwi tatsi pam, pon caena bayatha tɩpa. Israel doce po pexantobe xeina, pomonae caena bayatha werapa.

Paxam barapo doce po bicheito matabɩxɩmonaebe pia sainei jiwi tatsi pam, pomonae pam xua anoxuae tajɩ nacayayatsiya pajinompame daxita nacuantha xua painya pepa nacua weya.

Meje yabara xua po peyaputae coyene Nacom pia peyaputae coyenewa tatsi

² Tamonae pam pomonae irɩ painya nejume cowantsi jiwi pam Cristo, bewa jɩntɩ coyene weiweinaya pajinompaem poxonae bequein pacata ayapube tsaibi tsane ichauxi. ³ Poxonae pacata ayapube tsouneibi ichauxi ichitha beitatemaya awiya ayapɩsɩya pajume cocowantaponame, bapoxonae payaputaneme xua paantɩyapɩsɩya amanayabame pocotsiwa xua paca atene exana. ⁴ Bara saya beitatemaya payabara cui copare barapo coyene xua ayapɩsɩya jume cocowantapona paca necana exanaenexa beya poxonae painya jɩntɩ coyene Nacom petsita xanepanaenexatsi. Bapoxonae painya jɩntɩ coyeneintha jopa paxeinaem tsane pocotsiwa pacata seica. ⁵ Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Matautano Nacom jopa aenae-aeneya itawetsiyo poxonae cata. ⁶ Daichitha jame bewa jume cowantsiya rawɩcaename. Matauta jopa bɩbɩjeya rawɩcaeinde Nacomtha. Tsipei pon bɩbɩjeya wɩca Nacomtha, bapon ichawa beya tamropata nanta xeinapenteiba icha be pocotsi coyene jɩta ichi poxonae ba maratsaca joibo ichawa beya caya tsaibi icha muxunene beya. ⁷ Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowantsiya wɩcaeyo Nacom pon jiwi Pecanamataxeinaein. ⁸ Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacɩpaetsi xua xanepanaya pepoponaewa.

⁹ Pon xua Jesucristo pejume cowantsin, bapon bequein saya tsiwiyo copei xeina, bapon bewa jɩntemiya jɩntɩ coyene weiweinaeya poponaena tsipei bapon Nacom peitabaratha ainya cui penaexanaein. ¹⁰⁻¹¹ Matautano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa jɩntema poponaena pejume cowantsixae Nacom. Poxonae bapon tɩpaena, bapana jopa cuenta tɩpae po coyene xua bapon pejume cowantsiwa. Ichitha icha bapon jopa jume cowantsiyo copei pexeinaexae, bapon saya caeto nacuita ducuanabiya bapoxonae cuenta tɩpa copei poxonae nacuita ducuanabiya. Barapo coyene icha be pocotsi jɩta coyeneya ichi xua pentono. Bara caeto matono weiweinaeya umena. Cotacaya xometo ecoina yawano atsa bichocono, naepanaewan tsaquiwa, pentononno othopeica. Weraweraca xua matono itɩpana. Pon

copei pexeinaein bapon tupaena, saya weraweracaena icha pentono ichi xua weraweraca.

Meje yabara poxonae jiwi pemuxujainyabiwatsi xua abe peexanaewa tsane

¹² Nacom jujuta pomonaetha pomonae pejume cowantsiwichi pia yapuraetsi icha barapomonae xaniwaicha antobetsi. Pon xua acuiyapusya jume cowantsiya popona poxonae bara bequein Nacom juntu coyene jujuta, jame bapon juntu coyene weiweinaeya popona. Poxonae yapucaewa xua bapon juntu coyene jujutatsi bapoxonae Nacom yabara wuna muxu dutsina xua bexa bapon Nacom pia nacia beicha peajuntucoyeneyapuswatha pon-aena. Barapo peyabara tsiwuna muxu dutsiwa Nacom cata pomonaetha pomonae peantobewixaetsi. ¹³ Poxonae ichun matowa juntu coyene jujutatsi xua abe peexanaenexa, bapon jopa bewa nanta xeinae xua metha baxua Nacom cana exana bapontha. Tsipei Nacom bapana jopa jichipae xua abe peexanaewa tsane. Matauta Nacom ichamonaetha jopa bapana cana exanaeyo xua pejuntu coyene jujutsiwa xua barapomonae abe peexanaewa tsane. ¹⁴ Aparajame nama pon juntu coyene jujutatsi abe peexanaenexa, bapon copiya pejuntucoyene nanta xeinaeya popona xua abe peexanaenexa. Bapoxonae poxonae xaniwaicha juntu coyene jujutatsi xua abe peexanaenexa bara bapon exana xua abe exana. ¹⁵ Pon xua abe exana bapon exana po peabe exanae cuiru coyene copiya yabara nanta xeina. Icha bapon awiya abe exana ducuaenaebiya matapainya tupa abe peexanae cuiru coyene peexanaexae bichocono.

¹⁶ Tamonae pam paxam pomonae tapaca caantobewichi pam. Jopa painya coutha pananta xeinaeinde xua pajam: “Nacom nemuxujainyaba xua abe taexanaewa tsane”, jopa pajande. ¹⁷ Daxita xua wuna, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubena peitabocotha. Nacom jopa bapana ichawa beya pepaebiya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo pecoichan ichi xua pentha tsaibi yawa quirei tsaibi. Dapon aibi pon itacupatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana. ¹⁸ Poxoru saya Nacom pia coutha ichichipa daxota naca cata peantuyapuswa po peantuyapuswa ataya tsiteca. Baxua naca cata poxonae jume cowantsiya jume tainchi Nacom pia pexainyei jume diwesi tatsi. Poxonae Nacom baxua naca cana exana bara waxainchi piamonae jiwi tatsichi xua waxainchi ichamonae toxechiuya jume cowantatsi. Xua copiya wajume cowantsixae, Nacom naca cana exana xua pomonaetsi pomonae wajuntu coyene xanepanae jiwichi Nacom nexa. Daxota Nacom tsita be peainya cui jiwichi beyacaincha ichamonae.

Meje yabara pomonae xaniyeya pepa pejume cowantsiwi Nacom

¹⁹ Tamonae pam pomonae bichocono tapaca caantobe jiwichi pam pacayabara nanta xeinare barapo diwesi xua jeye: Daxita paxam bewa pewunaeya pana najuntu coyene wunaeteibim painya nenamnaewateibinexa Nacom Pejume Diwesi. Jopa bewa paxainxainyam xua painya cueicueijeinexa barapo diwese ichamonaetha poxonae cataunxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande. ²⁰ Tsipei pon anaepana, Nacom jopa taexanaetsi pexeinya coyene po coyene xua Nacom tsita xanepanatsi. ²¹ Bara pabarapende po coyene abe peexanae cuiru coyene pocotsiwa pananta xeiname, xuano xua pocotsiwa ichamonaetha pata exaname. Matautano pana cui barapende po peabe exanae cuiru coyene bichocono nawita pocotsiwa ichamonaetha

pata exaname. Matautano painya juntu coyeneintha ita ururaquiya pajume cowunde Nacom pia pexainyei jume diwesi tatsi. Tsipei barapo pexainyei jume diwesi xeina peayaruswa xua paca cana exana xua pajuntu coyene panenebiyam abe painya neexanae cuiru coyenein weya.

²² Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexaneibim pocotsiwa xua pajume taibame. ²³ Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi jiton tsabocototha nayaitane. ²⁴ Bara nayaitane. Poxonae bapon pona caena bapon yacuinaya naitabara itaxananaya. ²⁵ Nacom Pejume Diwesi bichocono xanepana. Barapo peitorobi diwesi naca juntu coyene capanepa exana abe waexanae cuiru coyene weya. Ichitha pon jopa jumentainaeyo xua pocotsiwa Nacom Pejume Diwesitha paeba, xuano xanepanaya exana ducunaebiya pocotsiwa barapo diwesi itoroba, bapon juntu coyene weiweina xua pocotsiwa peexanaexae.

²⁶ Icha pebin nanta xeina xua daxita jume cowantsiya exana Nacom nexa, xua daichitha jopa naebato yatacutsiyo poxonae ichamonae catsawiya yabara paebatsi, bapon pia coutha namuxuitoroba. Matautano pocotsiwa jume cowantsiya exanapona Nacom nexa saya pejumexaei. ²⁷ Pomonae xainyeya pepa pejume cowantsiwi Nacom, barapomonae jopa abe exanaeyo Nacom peitabaratha, pon Waxa. Pomonae xanepanaya exana bewa iche: Bewa yawenae pomonae peacoibi jiwi, yawa bewa yawenaeno powaxi pecuenta werapaewaxichi piseurixi. Matauta jopa bewa exanae pocotsi coyene exana pomonae jopa pejume cowantsiwi Nacom.

2

Meje yabara xua poxonae jiwi bewa daxita tsita najupaetsi

¹ Tamonae pam, pomonae iru painya nejume cowantsixae Jesucristo pon Wanacanamataxeinaein. Bapon Jesucristo pon bichocono pejuntu coyene xanepanaein. Jopa bewa paexanaem painya xantha painya nejume cowantsixae xua ichun bichocono peainya cuin wuna penaexanaeinxae beyacaincha ichun xua jopa wuna penaexanaeinxae xua daxota bapon catsapin pacana exaname. ² Ichacuitha metha be pocotsi coyeneya tsipae, xua meje: Metha poxonae paxam panacaetutsipame, bapoxonae iruru pebinbe patopaetsipabe. Metha baponbe joniyaetsipabe baxota. Ichun nacobesi xataba aniyon pocotsiwan daedaena. Matautano paparuwa nama xatata xua mu daedaena. Nama iru ichun acopeibi, nama dapon saya pia penama xatatsiwa taabetsi. ³ Metha pon copei pexeinaein pantenta weyataeya wabichipame. Metha pajam tsipaem bapontha: “Xote ecare ichaxota pexeinya peecaewatha”, pajam tsipaem. Ichitha nama pontha acopeibi, jopa pantenta weyataeya wabichipaem. Bapontha pajam tsipae: “Bara beuncuiyama, ichacuitha bara saya iratha ecare”, pajam tsipaem. ⁴ Icha metha baxua paexanaetsipame bapoxonae abeya pananta xeinaetsipame xua jiwi jopa najupaeyo. Bapoxonae paxam pana nacana exaname be pomonae jiwi painya neyabara paebi jiwi pam xua penatsicuentsiwa yabara xua abe peexanaexae.

⁵ Tamonae pam pomonae iru painya nejume cowantsixae Jesucristo, bichocono paca antobetsi. Incane pajume taema, xuaje: Nacom itapeta pomonae peacopeibiwi xua barapomonae bichocono pejume cowantsinexa. Matautano Nacom catsibina barapomonaetha pocotsiwa bayatha juntana

jeba pia peitorobi nacuatheicha pia peantobewixaetsi. ⁶ Ichitha nama jopa paweyataem pon barapo peacopeibin. ¿Eta xua metha baxua paraichim? Pomonae ba copei pexeinaewi pomonae paweyataneme barapomonae ba daunweya paca itoroba nama. Matautano barapomonae ba pentacapon-aewi peitabaratha paca capona xua abeya pia paca necayabara paebinexa. ⁷ Barapomonae pomonae copei pexeinaewi apara Jesucristo abe yabara paebatsi, pontha pon waxainchi wajume cowanta dubenanaebiyaexaetsi, naca jei, “Cristobarumonae”, naca jei.

⁸ Icha ichichipa paexaname Nacom peitorobi jume coyenewa, moya pe-jume coya paexande xua Nacom Pejume Diwesitha jeye: “Paantobeinde ichamonae, pomonae painya nepaca tsicuarabum enaewi icha paichim xua painya coutha pana naantobem”, jei xua barapo diwesitha. Moya bara beta paexanaename. ⁹ Poxonae ichamonae ainya cui pacana exaname xua beya-caincha ichamonae, bapoxonae paxam apara abe paexaname. Matautano apara paxam pomonae abe painya neexanaewi, tsipei jopa paexanaem pocotsiwa Nacom penajume caitorobi coyenewatha paeba. ¹⁰ Icha ichum jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara be-quein saya caewiyo seicanaya, barapara Nacom tane xua daxita tsita abetsi. ¹¹ Nacom namchi: “Jopa panasi cui wainmeinchinde poxonae jitha painya neenaewatha”, jei Nacom. Yawa namchino: “Jopa bexubinde ichum”, jei Nacom. Ichitha icha bequein jopa panasi cui wainmeinchim, daichitha pabexubame ichum baraxua be poxonae daxita abe pacayabara exaname Nacom penajume caitorobi coyenewa. ¹² Paxam bewa beta xanepanaya papaebim. Matautano bewa beta pajinompae. Tsipei bexa tsane Nacom paca yabara paebina painya nenatsicuentasiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebiwatsi Nacom beya. ¹³ Pomonae jopa yabara nantanuweya nanta xeinaeyo xua ichamonae peyawenaenexa tsainchi xuya Nacom bara jutiya ichane barapomonaetha. Ichitha pomonae xua yabara nantanuweya nanta xeina xua ichamonae peyawenaenexa tsainchi, xuya Nacom bara jutiya ichane po matabitha jiwi yabara paebinchi xua penatsicuentasiwa xua abe peexanaexae.

Meje yabara xua Nacom pejume cowantsiwichi pia pexeinya peexanae coyenewan tatsi

¹⁴ Tamonae pam, irum pomonae painya nejume cowantsixae Jesucristo. ¿Eta xua metha tsipae? Metha ichum jei: Xan Nacom Pejume Diwesi jume cowantan, jei, ichitha jopa betiya xanepanaya exanaeyo. ¿Bara metha bapon najuntum coyene capanepaetsipa Nacom beya? Apara jume tsipae, jopa najuntum coyene capanepaetsipae. ¹⁵⁻¹⁶ Ichacuitha metha tsipae, metha panantauntsipame pomonae pejume cowantsiwi Jesucristo painya xantha. Barapomonae metha taibichipaetsi paparuwan xua pocotsiwa aque nexa, yawa xua taseicatsi pexaewa penabanaewanexa. Metha ichum pon painya-monae jiwana jiton bapomonaetha jeye: “Bara juntema panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonae nantawenona xua pejinompae naxa. Baxua bapana ba ichamonae jopa yawenaetsi icha saya ba um xua paebatsi. ¹⁷ Barichi xua pon pejume cowantsin Nacom Pejume Diwesi. Icha bapon jopa yawenaeyo ichantha pontha pon nantawenona

ichawa xua pia peponaewa nexa, bapoxonae bapon pia pejume cowantsiwa Nacomtha be cayabara jantemaina.

¹⁸ Ichacuitha jiton jeye: “Ichamonae bichocono jume cowanta pocotsiwa Nacom itoroba bequein jopa yawenaeyo ichamonae. Seicaya ichamonae bichocono beta yawena ichamonae bequein jopa beta jume cowantsiyo pocotsiwa Nacom itoroba”, jei. Xan ponxaein Santiago jume notsin bapontha: “Pon beta jume cowanta jopa itacupaetsi xua netsita exana xua bapon xaniwaicha jume cowanta pocotsiwa Nacom itoroba poxonae bequein jopa beta yawenaeyo ichamonae. Bapoxonae xan tsita exanan bapontha xua xaniwaicha jume cowantan pocotsiwan Nacom itoroba poxonae exanan pocotsiwa Nacom neitoroba xua poxonae yawenan ichamonae”, jan tsane. ¹⁹ Xam jume cowantame xua bara compa pepa Nacom popona, xua ichan bapocotsin aibi. Baraxua bara beta nanta xeiname. Ichitha baxua iru caurimonae jume cowanta yawa bichocono pijunuwi jijiyei. ²⁰ Xam bapocotsim pocotsin ba jopa peyaputaen, incane jume taema. Pon paeba xua pinae jume cowanta pocotsiwa xua Nacom itoroba, xua daichitha jopa beta exanaeyo ichamonae nexa, bapon pia pejume cowantsiwa bara be cayabara jantemaina. ²¹ Nacom tsita jantu coyene xanepanatsi Abraham, pon wamo susatopin, pon caena bayatha tupa. Bapon Abraham Nacom jopa tsita natsicuentisichi xua abe peexanaexae, ichitha yabara jume cowantsiya peexanaexae pocotsiwa Nacom itoroba. Bapon pexanto isoto beya capona, petautsinexa xua petuxusi exanaenexa Nacomtha, po pexanto tatsi pewan Isaac. ²² Anoxuae payaputaneme xua Abraham jume cowantsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowantsi coyenewa. ²³ Nacom exana xua caena bayatha Pejume Diwesitha jeye: “Abraham jume cowantsiya exana pocotsiwa Nacom itoroba. Daxota Nacom tsita jantu coyene xanepanatsi jopa penatsicuentisixae xua abe peexanaexae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apara Abraham Nacom pia jiton tatsi”, jeichichi.

²⁴ Anoxuae bara payaputaneme pocotsiwa Nacom tsita jantu coyene xanepanatsi xua jopa tsita natsicuentisichi xua abe peexanaexae pon exana pocotsiwa Nacom itoroba, jopa meisa metha poxoru pejume cowantsixae. ²⁵ Bara cana ichiru Nacom petsiriwatha powa nasi cui matacaeta pebiwitha, pia paratixichi, powa pewan Rahab, powa caena bayatha popona. Nacom tsita jantu coyene xanepanatsi barapowatha xua poxonae peyawenaexae icha pebinbetha ponbe peitorobinchibe xua poxonae peyantabinexabe tomara. Barapowa barapo pebinbe burana etatsibe pia botha poxonae baponbe jeitompatsibe ichamonae. Bapoxonae pirapaeyo bapowa baponbe capanepatsibe icha namto iya xua tomara weya. ²⁶ Daxota anoxuae paca tsipaebatsi, icha pepon ba jopa xeinaeyo pejumope, ba pepon tupa. Barichi icha pebin jume cowanta Nacom daichitha jopa exanaeyo pocotsiwa Nacom itoroba bapoxonae pia pejume cowantsiwa bara be cayabara jantemaina.

3

Meje yabara pocotsiwa xua peebatotha pepaebiwa

¹ Tamonae pam pomonae iru painya nejume cowantsixae Jesucristo. Paxan pajume tan xua pinmonae painyamonaе jiwana ichichipa xua penaexanaewa pomonae jiwi pecuidubiwi Nacom Pejume Diwesi. Daichitha pinmonae jopa bewa naexanae pomonae jiwi pecuidubiwi. Bayatha daxita

paxam payaputaneme xua paxan pacueicueijan tsurubenanaebiyān Nacom Pejume Diwesi xua jiwī jopā bewa abe exanaena. Daxota poxonaē baxua pacueicueijan xua daichitha abe paexanan bapoxonaē Nacom bichocono pana peraxa jūbina beyacaincha xua poxonaē bapon cana exanaena ichamonaetha. ² Daxita waxainchi ichichipatsi nawita xua abe waexanaewa. Anoxuae payaputaema, icha ichūn jopā abe exanaeyo xua poxonaē paeba bapon jame penthūthū yapu xanepanaein. Matautano bapon itacūpatsi xua najūntū coyene itoroba daxita pia pepontha xua xanepanaya peexanaewa abe peexanaeyainwa. ³ Poxonaē waxainchi cawayu wano atatsi penainto xua wanaca cui jejeinexa baraxua apara xua wacafebabinexa daxita pepon ichaxota waponawa. ⁴ Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafecaeca bapon cafebabecapona ichawa beya xua ichaxota ichichipa peponawa xua xoyotha tsiwiyo tsecae xoyo ira werucueina. ⁵ Icha jera ichi po nae pin nae xua dapocotsiwiyotha cafebabecapona, barichi peebato xua dapocotsi ebatiyo tsecae pepon nexa. Daichitha barapo ebatiyotha itacūpatsi xua yabara eetaponaeya paeba pia peexanaewa poxonaē ichamonaē aebatsi. Barichi unu itacūpatsi xua petaxuiwa dacotsi iteretiyotha. ⁶ Icha nawa iteretiyo cana ichi unu, peebato bara ichiya exana daxita coyeneintha. Bequein waebato peyauyo tsecae xua wapepon jiwana xua pin xaintotsi, ichitha bara itacūpecatsi xua bichocono abe exanatsi naca cana exana. Waebato naca cana exana xua waexanaewa daxita abe waexanaē cuiru coyenein xua poxonaē wacueicueijeixae waebatotha xua caurimonaē pia pentacaponaein tatsi wanaca cui itorobixae. ⁷ Jiton ba itacūpatsi xua ita coxone exana daxita duweimonaē, pepupunaewi, jomon yawa menepipichiwanno. Daxita baxua i daxua jiton ba ita coxone exana. ⁸ Nama peebato jopā be baraichichi. Jopā wanaca yapu xanepanaewa xua waebato cuidubatsi xua jopā abe jume pepaebiwa tsane. Waebato bichocono abe tsecae. Itacūpatsi xua jiwī cana exanatsi xua ichamonaē pejumetaya anthūthūtanewa, icha jomo ichi xua jiwī ba atene exanatsi pewanotha xua ichacuitha ba jiwī tūpa exanatsi xua pewano tsapa pex-einaexae. ⁹ Barapo ebatōtha wūnaē jaintatsi Nacom pon Waxa. Matautano abe yabara paebatsi pebiwi barapo ebatōtha. Ichitha barapo pebiwitha Nacom caena bayatha forota daxota barapo jiwī pia jūntū coyene tatsi jūpa icha Nacom pia jūntū coyene tatsi ichi. ¹⁰ Matautano barapo coibototha jume pichapa xua wūnaē pejainchiwa Nacomtha, xuano xua abeya pepaebiwa. Tamonaē pam pomonaē irū painya nejume cowūntsixaē Jesucristo. Jopā bewa barapocotsi coyenewa paexanaem xua poxonaē Nacom wūnaē pajaintame xuano xua jiwī abe payabara paebame. ¹¹ Po mera natsibotarucua ira būxūpana wetsina, poxonaē mene jujuina barapoxonaē caena yawa jopā muxuna jujuinaeyo po mera xeica yawa po mera atsaxa. ¹² Tamonaē pam bara pocotsi jūta coyeneya ichi poxonaē waxainchi ūbatsi. Higuera nae jopā ba nacoichiyo olivo nae thei, po pethei aceituna thei matawūn. Yawano uva ūnbotōtha jopā ba nacoichiyo higuera nae thei. Barichi barapo mene po mera mene natsibotarucua poxonaē mene jujuina barapoxonaē caena yawa jopā muxuna jujunaeyo po mera xeica yawa po mera atae. Barichi waebatotha jopā bewa xeinaetsi ainya jume coyenewabe po jume wūnaē yawa po jume abe.

Meje yabara xua pepa pexainyeiwa xua peyaputae coyenewa

¹³ Icha painya xantha popona pon bichocono peyaputaēin xua yawa pecoxonaēin bapon bara bewa moya xanepanaya beta poponaē yawa bara

bewa moya ita ururaquiya poponae. Beta peexanaexae jiwi peitutha, bapoxonae jiwi tane xua bara bapon pon bichocono pepa peyaputaein. ¹⁴ Metha painya jũntũ coyenetha paxeiname peuwiwa xua paca jũntũ coyene atsaca exana ichamonaetha. Yawa metha painya coutha pana nata exaname painyawan pia jiwi wũnae paca yabara paebichi xua pia ainya cui paca exanaetsi xua beyacaincha ichamonae. Icha paxeiname barapo peyaputae coyenebe bapoxonae painya xoba paaebame ichamonaetha painya pepa neyaputae jiwi pamxaem. Poxonae baxua papaebame apara saya panaerabame xua jopa paxainyam. ¹⁵ Aparapa barapo peyaputae coyene xuaunxuae po peyaputae coyene yabara paca tsipaebatsi barapo coyene apara jiwi nanta xeina barapo cae pin nacuathe pomonae jopa pejume cowũntsiwi Nacom. Barichi barapo peyaputae coyene cauri nanta xeina. Aparapa barapo peyaputae coyene Nacom werena jopa ponaeyo. ¹⁶ Daxota poxonae ba jiwi pejume uwiwa xeina ichamonaetha yawa u penata exanae coyene piawan bapoxonae ba jiwi jopa xanepanaya penanta xeinaewa yawa exana daxita abe peexanae cuiru coyenein. ¹⁷ Nama pomonae xua peyaputae coyene xeina xua po peyaputae coyene Nacom werena pona, barapomonae copiya jũntũ coyene xanepanaya jinompa yawano barapomonae jopa naita aenae-aeneyo saya jũntema pejinompaexae. Yawa barapomonae yabara jume baru cui itura jina pocotsiwa ichamonaetha paeba. Yawa jume jejei xua peexanaewa pocotsiwa ichamonaetha itoroba. Mataũtano nantanuweya yabara najũntũ coyene xeina peyawenaenexa tsaibi tsane ichamonaetha. Mataũtano barapomonae wũnaeya xanepanaya exaneiba ichamonaetha nexa xua jopa ichawa beya nanta xeinaeyo xua saya xaniwaichiya exana. ¹⁸ Pomonae xua bichocono ichichipa xua jũntema pejinompaewa barapomonae cana exana ichamonaetha, xua ichamonaetha jũntema jinompa xua daxota barapo ichamonaetha bichocono xanepanaya betiya exana dubenanaebiya.

4

Meje yabara pomonae ichichipa naexana pomonae jopa pejume cowũntsiwi piamonae tatsi

¹ ¿Eta werena pona barapo coyene xua pana najume matsontsonobame? ¿Yawano eta werena pona barapo coyene xua pana nabame? Aparapa barapo coyenebe natoroba painya jũntũ coyeneintha ichaxota paichichipame xua abe painya nenanta xeinaewa. ² Ichawa paichichipame ichitha jopa paxeinaem daxota ichũn anaya pabexubame. Ichawa payabara cui uwame, ichitha jopa paca itacũpaeyo xua paxeiname daxota anaya pana nayabara bame. Jopa paxeinaem pocotsiwa paichichipame tsipei Nacomtha jopa pawũcaem. ³ Poxonae Nacomtha payabara wũcame pocotsiwa paichichipame, jopa Nacom paca catsiyo tsipei jopa xanepanaya pawũcaem, saya painya nata wũcaexae pocotsiwa xua abe painya neexanaewa tsane. ⁴ ¡Maisa paxam caurimonae pia pepuna jinompaewichi pam! Payaputaneme xua pomonae ichichipa naexana pomonae jopa pejume cowũntsiwi Nacom piamonae tatsi, barapomonae apara ba Nacom peaitafaetabiwichi. Daxota poxonae paichichipame xua panaexaname barapo cae pin nacuamonaepiwi piamonae tatsi, apara panaexaname Nacom pia peaitafaetabiwichi tatsi pam. ⁵ Daxota Nacom Pejume Diwesi jeye: “Nacom asiwiya antobe po jumope tũnaxũ naca cayawa exanaeya jinompa exana”, jei. ⁶ Ichitha Nacom pia peantũyapuwathã naca yawena xua jopa abe waexanaewa tsainchi. Nacom Pejume Diwesitha jeye: “Nacom jopa yawenaeyo pomonaetha

pomonaē jiwī peabiwī. Ichitha pia peajuntuyapusuwatha yawena pomonaē ita ururanaya jinompa xua jopa atsaquiyo”, jei. ⁷ Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonae bapon naetsir-icuaena painya xainya weya. ⁸ Nacomtha patsipaebare, bapoxonae Nacom paca yawenaena. Paxam pomonaē abe peexanae jiwī pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwī exana. Bara panacui barapende barapo abe painya exanae coyene. Yawano Nacom patsita najuntu coyene xanepana exande. ⁹ Abe painya neexanaexae, pana najuntu coyene acaurande, pawecoyande, yawa panantu exabare. Poxonae pajuntu coyene weiweiname xua painya neexanaexae pocotsiwa barapo cae pin nacuathepiwī exana, bara equeicha caewa pajuntu coyene wecoyande xua painya neauraxae. ¹⁰ Nacom pon jiwī Pecanamataxeinaein pabarū cui itura jinare xua jopa ainya cui pana nacana exanaem. Bapoxonae Nacom ainya cui paca cana exanaena.

Meje yabara xua jopa bewa ichamonaē yabara paebichi tsainchi xua penatsicuentisiwa xua abe peexanaexae

¹¹ Pomonaē painya nejume cowuntsi jiwī pam Jesucristo, jopa bewa ichamonaē yabara paebichi tsainchi xua penatsicuentisiwa xua abe peexanaexae. Pon abe yabara paeba pontha pon Cristo pejume cowuntsindu, bapon muxuna abe yabara paeba Nacom pia peitorobi diwesi. Bapon jopa jume cowuntsiyo pocotsiwa xua barapo diwesi itoroba xua pinae jopa bewa abe yabara paebichi ichan xua xeina penatsicuentisiwa xua abe peexanaexae. Bapoxonae bapon natsicuenta Nacomtha barapo coyenetha tsipei abe paeba nawita. Poxonae bapon abe yabara paeba Nacom pia peitorobi diwesi bapoxonae bapon be jopa exanaeyo po coyene Nacom pia peitorobi coyenewatha itoroba. ¹² Aparā meisa bapon Nacom pon naca cata pia peitorobi coyenewa. Matautano bapon compa pon jiwī peyabara paebin xua penatsicuentisiwa xua abe peexanaexae. Meisa saya bapon itacupatsi xua jiwī capanepatsi pia nacuatheicha, xua ichacuitha ba jiwī itawetatsi pia nacia weya xua abe peexanaexae. Nama paxam apara jopa paca itacupaeyo xua payabara paebame xua ichamonaē pia peexanae coyenewa tatsi. Matautano jopa paca itacupaeyo xua jiwī pacapanepame Nacom pia nacia beicha tatsi, xuano xua jiwī ba ichacuitha paitawetame Nacom pia nacia weya tatsi abe peexanaexae.

Meje yabara xua cataunxuae jopa nayaputaeyo pocotsiwa xua baya nexa tsane

¹³ Anoxuae pajume taema xuaje, xua paxam ba pajam: “Anoxuae, ichacuitha icha jopa anoxuae tsipae, baya tsane paponaein icha tomaratha. Ichacuitha icha jopa barapo tomaratha tsipae, paponaein icha tomaratha. Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam. ¹⁴ Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi jūta coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwī bara caeto jinompa, equeicha werapa. ¹⁵ Jame bewa pocotsiwa papaebim xua jeye: “Icha Nacom pon jiwī Pecanamataxeinaein ichichipa xua wajinompaewa, moya jinompaeinchi, yawa exanaeinchi pocotsiwa xuaje, ichacuitha xua ichawano”, xua bewa jei. ¹⁶ Ichitha nama paxam, jopa baxua papaebim pocotsiwa icha Nacom ichichipa. Saya paaebame poxoru paichichipame xua painya neexanaewa pocotsiwa painya coutha

paichichipame. Icha poxonae paichimje xua poxonae paaebame bapoxonae bara apara abe peexanae cuiru coyene paexaname. ¹⁷ Pon xua yaputane xua beta peexanaewa, xua daichitha jopa baxua exanaeyo, apara bapon bara abe peexanae cuiru coyene exana.

5

Meje yabara xua pemuxuwetsi coyene pomonaetha pomonae copei pexeinaewi

¹ Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namtsebare xua painya nepaca tsita jopaexae pocotsiwa xua jopa xaexaenaecaeyo, pocotsiwa xua paca atene exana. ² Daxita xua xuan paxeiname baxuan daxita tsabana, yawa painya pexeinya pabuburɨn xua pemu itane wɨnaewan baxuan daxita ofon xane. ³ Painyawan xua pocotsiwa pewɨn oro nain yawa xuano pocotsiwa pewɨn plata nain, daxita baxuan tasibounatsi. Baxua paca tsita naitapeinya xeina xua paxam jopa pacatsim ichamonae saya asiwiya pantaropeicha xexeinaponame barapo copei. Barapo copei pajebame anoxuae. Ichitha po mataqueitha poxonae Nacom yabara paebina jiwi xua penatsicuentsiwa xua abe peexanaexae bapontha, barapo matacabi imoxoyo tsane. Nacom weraweraca exana barapo copei xua painya copei, icha isoto ichi xua tauta exana xua topowa. Bichocono copei pacaetubame bequein jopa baxua paca yawenaeyo painya nepanenebiyaewa po mataqueitha nexa po mataqueitha Nacom yabara paebina pocotsiwa jiwi pia peexanae coyenewan ichacuitha xua metha wɨnae, ichacuitha xua metha abe. ⁴ Jopa pantomatsim pomonaetha pomonae pacata nacuita poxonae pacata naweta pexaewa. Painya caibixae barapo pentoma barapomonae paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonae namtsebiya wawai. ⁵ Barapo irathe bichocono copei paxaina dubenanaebiyame, matautano paexana dubenanaebiyame pocotsiwa xua paca juntu coyene weiweina exana. Bichocono copei paacabem po mataqueitha poxonae Nacom paca jutebina, icha jiwi ichi xua natsixuruwei naxinyaba exana vaca xua hexa pebexubinexa tsane. ⁶ Paxam pomonae copei pexeinae jiwi pam abe payabara paebame pomonae pejuntu coyene xeicae jiwi. Yawano pajutebame barapomonae, bequein jopa itacɨpaetsi xua pia coutha penayawenaewa.

Meje yabara poxonae Santiago jei: “Jopa paaitaconaeinde poxonae bequein ichamonae abe pacata exana”, jei

⁷ Tamonae pam pomonae iru Jesucristo painya nejume cowɨntsixae. Beitemaya pawɨnae eware pon jiwi Pecanamataxeinaein, pon Cristo. Jopa paaitaconaeinde poxonae pawɨnae ewatame xua poxonae bequein ichamonae abe pacata exana. Barapo coyene baxua bara paichinde, icha pon pabi pexeinaein ichi poxonae beitemaya ewata xua naweta xua naxainwaeta. Bapon jopa aitaconaeyo poxonae beitemaya ewata xua ema taatsanaeinchi pia pabi. ⁸ Paxam iru bara paichinde. Jopa paaitaconaeinde poxonae pawɨnae ewatame pon jiwi Pecanamataxeinaein. Pana najuntu coyene tsacabare xua juntema painya nejinompaewa tsane, tsipei pon jiwi Pecanamataxeinaein bara nama imoxoyo pewɨnaeyo tatsoponaetsi xua pepatopaewa.

⁹ Tamonae pam pomonae iru Jesús painya nejume cowɨntsixae. Jopa caemonae nantiya aitaconaeya pana nayabara paebinde xua abe painya

nenata exana dubenanaebiyaexae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua penatsicuentsiwa xua abe peexanaexae. Nama imoxoyo tsoponae poxonae Nacom itorobina xua jiwi peraxa jubebinchi pomonae abe peexanaewi. ¹⁰ Tamonae pam matha pataema po diwesi yabare: Pomonae Nacom peitorobi jume pepaebiwi pomonae caena bayatha jinompa, barapomonae bichocono atene exanatsi ichamonae. Bequein bara barapomonae atene, daichitha awiya jopa aitaconaeyo poxonae abe taexanatsi ichamonae. Awiya barapomonae pomonae Nacom peitorobi jume pepaebi jiwi ba cueicueijeji tsalbi Nacom nexa, pon jiwi Pecanamataxeinaein. ¹¹ Waxainchi ba yabara nanta xeinatsi barapomonae, xua bichocono juntu coyene weiweina poxonae beitatemaya awiya jume cowantsiya exana dubenanaebiya poxonae bequein abe taexanatsi ichamonae. Bayatha caena pajume taneme xua pinae pon pewun Job jopa aitaconaeyo Nacomtha poxonae bequein Nacom yaperaxaeya jume cowanta ducuaenaebiyatsi. Matautano payaputaneme xua Job equeicha matapainya beta taexainchi Nacom, pon jiwi Pecanamataxeinaein tsipei Nacom jiwi nantanuweya peyabara nantu coyene xeinaeinchi xua jiwi peyawenaenexatsi.

¹² Jame xuaje ainya cui: Jopa Nacom pawun caunutsinde xua bapon painya nepaca taewa tsane xua xaniwaicha painya nepaebiwa poxonae yabara pana natsiwana wuna paebame ichamonaetha pocotsiwa bexa painya exanaetsi. Poxonae pajam: “Je”, pam, bara bara paichinde. Poxonae pajam: “Bara”, pam, bara moya bara jopa paexanaeinde. Bapoxonae jopa Nacomtha panatsicuentim tsane abe painya neexanaexae. Barichi jopa itaboco pawun caunutsinde, yawa irano jopa pawun caunutsinde, matautano jopa icha wunno pawun caunutsinde.

¹³ Icha ichun pon painyamonae jiwana jiton ajuntucoyenetane xua abe petaexanaexaetsi ichamonae, barabun bewa bapon Nacomtha wucaena xua peyawenaewa tsainchi. Icha ichun juntu coyene weiweina, barabun bewa bapon peweixi naxuna xua Nacom wuna jainchiya peyabara naxunaewatsi. ¹⁴ Icha ichun atene, bewa pawabim penapatae jiwi, pomonae pecanamataxeinaewi xua canamataxeinatsi pomonae Nacom pejume cowantsiwi. Bapoxonae barapomonae bewa tawucaena xua pon peatenein petawucaewatsi xua Nacom axaibi peexanaenexa. Bapoxonae barapomonae bewa juinya penasiwatha mata caxuebina Cristo pewuntha pon jiwi Pecanamataxeinaein. ¹⁵ Poxonae barapomonae Nacomtha wuca bewa yabara jume cowantsiya wucaena xua bara Nacom pon jiwi Pecanamataxeinaein axaibi exana bapontha. Bapoxonae pon atene jume tsane. Matautano pon Wanacanamataxeinaein, bapon pon atene axaibi exanaeinchi. Icha pon atene abe peexanae cuiru coyene exana baxua Nacom cayabara junteinaena. ¹⁶ Daxota paxam, caemonae nantiya pana natsipaebeibare xua poxonae abe nantiya pana nata exaneibame, pajam tsalbinde: “Pin uran, yaitama jopa xapain cata exanaetsi necayabara junteinane”, pajam tsalbinde. Pon Nacom peitabaratha tatsi juntu coyene xanepanaya popona, poxonae bapon Nacomtha wuca bichocono peayapusawa xeina xua daxota Nacom beta cana exana bapontha. ¹⁷ Nacom peitorobi jume pepaebin Elías, bapon bara jiton bara wanaca cui jupaein, pon caena bayatha popona. Poxonae bapon Nacomtha matowa wuca xua jopa peruneicaewa tsane, bapoxonae jopa duneicaeyo tres po weibe yawa equeicha bara caeto nama. Bapoxonae barapo nacuatha pin jainbo nacua tsurucuae. ¹⁸ Bapoxonae, poxonae equeicha Nacomtha wuca, bapoxonae equeicha duneica yawa pexuwiwan xanepanaya nawetsiya xuwa.

¹⁹ Tamonaē pam metha ichun pon paxam jiwana abe exanapona bequein yaputane xua bewa exanaena pocotsiwa pexainyeiwan. Icha ichun yawena bapontha xua equeicha caewa beta peexanaewa tsane bapon, pon yawena, bara beta exana. ²⁰ Pon yawena bewa yaputaena xuaje: Po jiton xua cana exana ichamonae xua penacui barapentsiwa abe peexanae cuiru coyenein, xua equeicha pejume cowantsinexa Nacom, barapon juntu coyene capanepa exana barapomonaē petapae cuiru coyene weya. Matautano bapon juntu coyene yawena xua Nacom peyabara junte mainaewa xua barapomonaē abe pia peexanae cuiru coyenein tatsi xua bequein bichocono nawita.

Baja Santiago.

Meje Po Carte Copiya Pedro Tatina, Pomonae Jesucristo Pejume Cowantsiwi Tatinatsi

Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi

¹ Xan, Pedron, Jesucristo pia peitorobi jiwi jiwana tatsin. Daxita bara-pomonae pam pacata tinatsi pomonae painya nacua nacayayatsiya pawu jinompame xua ichamonae painya nepaca yotabixae. Pomonae painya nejinompaewi pam Ponto nacuatha, iruru pomonae painya nejinompaewi pam Galacia nacuatha, iruru Capadocia nacuatha painya nejinompaemdu, iruru Asia nacuatha painya nejinompaewi pamdu, iruru Bitinia nacuatha painya nejinompaewi pamdu. ² Caena bayatha poxonae aena, baroxonae Nacom paca itapeta. Barapon Nacom, pon Waxa, paca yaputane xua pia pexui tatsi pana naexaname. Nacom pia Pejumope tuxaxu tatsi paca exana xua bichocono pajuntu coyene xanepaname Nacomtha painya neexanaenexa pocotsiwa Nacom paca itoroba. Poxonae Jesucristo paca tsitupa naetotha jana pichapabarena painya nejume cowantsinexa Jesucristo pocotsiwa bapon paca itoroba. Baroxonae pajuntu coyene xanepaname Nacomtha. Barabu Nacom bichocono paca yawenaena pia paca necaantobewaxae. Matautano barabu barapon juntema jinompa paca exana.

Meje yabara xua po coyeneya bewa beta jinompaetsi Jesucristo nexa

³ Nacom wuna jaintatsi pon Jesucristo Paxa tatsi. Jesucristo bapon pon Wanacanamateaxeinaein. Nacom jeichichi: “Nacom maisa pajuntu coyene weiweinan xua pena juntu coyenein patanecatsibiwam xua poxoru bichocono nantanuweya pana yabara nanta xeiname. Baxua painta exaname poxonae Jesucristo equeicha asu exaname petupae cuiru coyene weya”, jeichichi. Jesucristo naca cana exana xua wunaeya jume cowantsiya ewatatsi xua Nacom naca catsina peajuntu yapuswa. ⁴ Bara Nacom paca catsibina pocotsiwa paca juntana jeba pia nacuatheicha pocotsiwa xua jopa itacupaetsi xua peweraweracaewa xua matauta jopa abe caquiyo. Matauta jopa abe tsoponaeyo xua jopa daichiyo icha pentono ichi. ⁵ Nacom paca yapu eena pia peayapuswatha painya neyabara jume cowantsixae bapon. Barapon Nacom paca capanepa xua jopa painya neatenenexa xua abe painya neexanaexae xua poxonae daxita barapo nacie weraweracaena.

⁶ Daxota pajuntu coyene weiweiname, bara bequein saya cae dapaeyobetha paca ajuntu coyenerewe exana xua ichamonae abe painya nepacata exanaexae matowa. ⁷ Barapo painya nepaca caajuntu coyenerewe exanawan piraichi pacata exana baxua xua pia yaputaetsi icha xaniwaicha bara metha pajume cowantame Jesucristo. Po penainto pewan oro nainto, jiwi ba piraichi isototha tauta peyaputaenexa icha bara metha pepa oro nainto. Po pejume cowantsiwa jiwi xeina bichocono daunwei beyacaincha oro nainto bequein ichamonae juntu coyene jujuta xua abe peexanaenexa. Barapo oro nainto weraweraca. Barapoxonae poxonae Jesucristo patopaetsica xua awiya beta painya nejume cowanta dubenanaebiyaexae daxota Nacom wuna paca jainchina. Matautano paca cana exanaena xua peainya cui jiwi pam. Matautano paca cana exanaena xua jiwi paca baru cui itura jinaena painya nejume cowantsiwixae.

⁸ Paxam paantobem Jesucristo bara bequein jopa bapon pataem. Matautano anoxuae pajunte cowuntame bequein jopa bapon anoxuae pataem. Paxam bichocono pajunte coyene weiweiname. Bara bequein barapo pexeinya pejunte coyene weiweinae coyenewa bayatha payabara paebame daichitha awiya pacata seica xua po jumetha beta payabara paebame barapo peajuntecoyenesuwa. Daxota bichocono pajunte coyene weiweiname tsipei pananta xeiname xua painya nexainaewa tsane pebaru cui itura jinaewa Nacom pia nacuatheicha. ⁹ Painya nejume cowantsixae Jesucristo, Nacom paca junte coyene capanepaena xua jopa painya neatenenexa xua abe painya neexanaexae.

¹⁰ Caena bayatha pomonae Nacom pia peitorobi jume pepaebiwi yabara jejeitaponeiba nawita barapo pecapanenebiyae diwesi, xuano yabara yainyabeiba nawita. Barapomonae yabara paeba pecapanenebiyae diwesi, xua Nacom paca catsibina barapo diwesi pia paca necaantobexae. ¹¹ Nacom pia Pejumope tunaxu tatsi, po jumope Cristo weya pona, barapo jumope cueicueije barapomonae pejunte coyenewatha tatsi. Nacom pia Pejumope tunaxu tatsi cueicueije barapomonaetha, jeye: “Payabara tinare xua bexa tsane Cristo, pon Nacom itorobina, atene tsane. Matautano bapon Cristo xeinaena pexeinya peitupanae coicha”, jei. Barapomonae nayainyaba, jeye: “¿Eta bichi tsane jiwitha poxonae baxua exanaena? ¿Yawa eta poxonae metha baxua exanaena?” najei barapomonae. ¹² Ichitha Nacom, barapomonae yabara yaputane exainchi xua po diwesi barapomonae xua Jesucristo yabara tsiwuna paebatsi apara jopa barapomonae nexa. Apara jame barapo diwesi paxam nexa. Po diwesi xua caena bayatha barapomonae yabara paeba barapo diwesi jupa po diwesi xua anoxuae ichamonae yabara paca tsipaeba. Barapo diwesi xua pecapanenebiyae diwesi barapomonae paca tsipaeba Nacom pia Pejumope tunaxu tatsi pia peayapusu itorobi coyenyatha tatsi po jumope itorobatsi itaboco wetsica. Barapomonae yabara paeba barapo pecapanenebiyae diwesi po diwesi matatsunpiwi bequein iru ichichipa yabara yaputane.

Meje yabara xua Nacom naca itoroba xua bewa xeinaetsi pepa pejunte coyene xanepanaewa

¹³ Daxota pana najunte coyene wunaere Nacom nexa xua pana najunte coyene itorobare xua barompaya painya nenanta xeinaewatha. Ajunteyapusuya payabara jume cowantsiya eware pocotsiwa Nacom paca catsibina pia paca necaantobewaxae xua poxonae Jesucristo patopaetsica.

¹⁴ Paexande icha pexui ichi xua ba exana pocotsiwa coxiyun itoroba. Jopa paichichipaeinde xua abe paexaname po coyenewa icha be paichim copiya xua abe paexaname poxonae cataunxuae jopa payabara yaputaem Nacom.

¹⁵ Seicaya pajinompape pepa painya nejunte coyene xanepanaewatha, tsipei Nacom pon paca waba bichocono pepa pejunte coyene xanepanaein.

¹⁶ Baxua paexande poxoru Nacom Pejume Diwesitha jeye: “Paxam daxita bichocono pajunte coyene xanepande, tsipei bichocono tajunte coyene xanepanaein”, jei.

¹⁷ Nacom Waxa, pon jiwi peyabara paebin xua penatsicuentisiwa xua abe peexanaexae, barapon Nacom jopa nanta xeinaeyo xua ichun bichocono peainya cuin beyacaincha ichun. Icha paxam barapo Nacomtha pajam: “Axa”, pajam, xua pia painya nepaca yawenaenexa bapoxonae pajunuware xua abe painya neexanaeyainwa Nacomtha. Matautano barapon Nacom bichocono paantobeinde daxita matababin poxonae pajinompame po irathe.

¹⁸ Jesucristo paca capanepa painya abeya nejinompawea weya. Poxonae

Jesucristo paca yantomata xua paca capanenebiya, jopa catsiyo po penainto pewan oro nainto. Matautano jopa catsiyo po penainto pewan plata nainto. Barapo naxobe penaintobe saya weraweraca. Barichino payaputaneme xua Jesucristo jopa paca capanepaeyo tsipei bara paichim xua paexaname icha painya amo susato jiwi ichi xua barapo abeya juntu coyenewatha jinompa. Baxua paca yawena aibi. ¹⁹ Saya meisa Cristo naca yantomata abe waexanae cuiru coyenein weya. Baxua apara xua poxonae Jesucristo naca tsitupa naetotha, icha caena bayatha oveja ichichi xua poxonae bexotsi xua tupa exanatsi xua Nacom peyabara junte mainaenexa jiwi abe pia peexanae cuiru coyenein tatsi. Barapo oveja pexeinya oveja xua jopa matauta xeinaeyo wanyo, icha Cristo ichi xua jopa xeinaeyo peabe coyenewa tsipei pejantu coyene xanepanaein. ²⁰ Nacom itapeta xua Cristo itapetatsi petupaenexa tsane naetotha caena bayatha poxonae cataunxuae jopa forotsiyo po cae pin nacue. Nacom paca tsita ituta bapon Cristo barapo petabu ducuae matabitha. ²¹ Cristo painya nepaca tsitupaexae naetotha xua abe painya neexanae cuiru coyenein daxota Nacom pajume cowantame. Nacom eque-icha Cristo asu exanatsi petupae cuiru coyene weya. Matautano Nacom pia nacuatheicha cana exana bapontha xua xeina pepa peainya cui coyenewa. Daxota anoxuae pajume cowantame Nacom. Matautano pajume cowantsiya ewatame Nacomtha xua bexa Nacom paca catsina pocotsiwa xua bayatha yabara paca tsiwanae muxu duta.

²² Anoxuae pajume cowantame Nacom pia pexainyei diwesi jume xua Nacom pia Pejumope tunaxu tatsi paca tsipaeba. Daxota paca itacupa xua pana najuntu coyene wanae exaname Nacomtha xua xaniwaicha painya neantobenexa ichamona pomonae iru pejume cowantsiwi Nacom. Daxota bewa bichocono nantiya pana naantobem daxita painya nejuntu coyene daunweyatha. ²³ Paxam icha juntu coyene paxeiname tsipei be pena jiwi pana naexaname, xua najuntu coyene xanepaname. Jopa panaexanaem xua pocotsiwa peweraweracaewa werena. Anoxuae nama panaexaname pocotsiwa xua jopa peweraweracaewiyo werena. Ichitha pena jiwi pana naexaname painya nejume cowantsixae Nacom Pejume Diwesi, po jume diwesi jopa weraweracaeyo, xua ataya tsitecapona. ²⁴ Nacom Pejume Diwesi jeye:

“Naepanaewa ba tsewa tsoponae yawa pentono ba othopeica.

Icha naepanaewa ichi jiwi ba barichi, ba werapa.

Matautano pocotsiwa jiwi exana xua bequein tsita ainya cuichi ichitha weraweracaena.

²⁵ Ichitha nama Nacom Pejume Diwesi ataya ayapusu tsoponae”, jei Nacom Pejume Diwesitha.

Barapo diwesi apara pecapanenebiyae diwesi xua po diwesi paca tsipaebatsi.

2

¹ Daxota daxita pana nacui barapende daxita abe peexanae cuiru coyenein, yawano xua pemuxutorobi coyenewan, yawano xua naerabiya peexanae coyenewan xua naemata wanae pepaebiwa, yawano xua peyabara uwi coyenewan xua ichan xeina, yawano xua abe peyabara paebiwa ichamonaetha xua ichan peyabara paebiwatsi. ² Pexui ba poxi anoxuaetha naexana ba jeita mito pia apaetsi xua pewichibinexa peapaexae mito. Icha pexui ichi, barapocotsi juta coyeneya paichinde. Saya u meisa Nacom

Pejume Diwesi payorobare nawita xua painya nejume cowanta dubenanae-biyaenexa tsane, matautano xua painya nepaca capanenebiyaenexa tsane Nacom. ³ Icha paita coxoneme Nacom, painya juntu coyenetha bara payaputaneme xua pon jiwi Pecanamataxeinaein bichocono bara pewnaein.

Meje yabara iboto, po iboto peainya cui iboto

⁴ Jesucristo pajume cocowantaponde, pon jiwi Pecanamataxeinaeinchi, pon xua ataya tsitecaeya ajuntuyapusa peponaein. Barapon Jesucristo yabara caunutatsi be pocotsi iboto xua copiya boca xua poxonae bomuxu exana. Icha jiwi ichi xua barapo iboto xuba jiwi barichi Jesucristo pentatsi. Ichitha Nacom itapeta xua Jesucristo itapetatsi, tsipei bapon Jesucristo Nacom tsita ainya cuichi. ⁵ Poxonae jiton ibo bo exana xua Nacom pin pia bo nexa, itapeta po iboton wanae. Bara jutiya ichi Nacom itapeta jiwi, xua pomonae piamonae tatsi cana exana pomonae pejume cowantsi jiwichixaetsi. Painya coutha pana najuntu coyene doure Nacomtha beta painya netanacuichinexa icha sacerdotemonae ichi xua najuntu coyene douta Nacomtha poxonae beta tanacuita. Poxonae baxua paexaname bara baxua Nacom tsita xanepanatsi xua Jesucristo painya nejume cowantsixae.

⁶ Nacom Pejume Diwesitha jeye:

“Pajume taema, itorobarecan Jesucristo
Si6n tomaratha tana nejume
cowantsiwi taitorobarecan.
Bapon itapetan xua bichocono peainya
cuixae, icha iboto ichi, po iboto
babatanota bomuxu.

Pon Jesucristo jume cowantatsi bapon jopa
aura tsane xua bapon Jesucristo pejume
cowantsixaetsi”, jei Nacom Pejume Diwesitha.

⁷ Painya nejume cowantsixae bapontha, daxota payaputaneme xua bapon bichocono asiwiya paantobem. Ichitha pomonae jopa bapon jume cowantsichi barapomonae canacui yabara jume wetatsi be pocotsi coyeneya bayatha Nacom Pejume Diwesi paeba, xua Jesucristo yabara caunutatsi, jeye:

“Po iboto xua jiwi naitemata xua pomonae
ibo bon peacabiwi, barapo iboto
pecanamatawenonae ibotatsi naexana”,
jei Nacom Pejume Diwesi, xua Jesucristo
yabara caunutatsi.

⁸ Nacom Pejume Diwesitha equeicha jeye:

“Barapo ibotiyotha jiton taxu aatabatsi.
Matautano barapo iboto, ichacuitha
jiton xuirapopa exainchi”,
jei Nacom Pejume Diwesi.

Jiton ba xuirapopa poxoru jopa taeyo barapo iboto. Po iboto Nacom yabara paeba barapo iboto Jesucristo yabara jatsiya canatapabatsi. Jiwi jopa beta exanaeyo poxoru jopa jume cowantsiyo xua Nacom Pejume diwesitha Jesucristo yabara paebatsi. Caena bayatha Nacom pewnaeya yabara cui yaputane xua barapomonae peexanaewa tsane baxua.

⁹ Paxam Nacom painya nepaca itapetsi jiwi pam. Paxam po sacerdotemonae pam xua pata nacuitame Nacom pon jiwi itorobiya pia pepa Peewatsinchi. Matautano paxam pomonae Nacom patsita juntu coyene xanepaname jopa painya tsita natsicuentisixae bapon. Matautano Nacom pia

pepa piamonae tatsi pam. Nacom baxuan pacata exana pia painya yabara netacueicueijeinexa xua pia pexeinya petsita itabi coyenewan tatsi. Barapon Nacom paca waba abe painya neexanae cuiru coyenein weya. Paca waba pia painya yabara neyaputaenexa Nacom xua xeina pexeinya peitapanae coicha. ¹⁰ Copiya paxam jopa Nacom piamonae tatsi pam, ichitha anoxuae nama Nacom piamonae tatsi pam. Matautano copiyatha jiwi jopa paca yabara nantanuweya nanta xeinaeyo xua pia paca necayawenaewa tsane. Ichitha anoxuae Nacom paca yabara nantanuweya nanta xeina xua pia paca necayawenaewa tsane.

Meje yabara xua jiwi bewa beta jinompae xua Nacom petanacuita dubenanaebiyatsi

¹¹ Tamonae pam, pomonae tapaca caantobe jiwichi pam. Paxam pomonae be penanapaincha jinompaewi pam xua icha nacua werena painya neponaewi. Daxota paca itorobatsi xua jopa painya neexanaewa tsane pocotsiwa abe pocotsiwa xua painya juntu coyenewatha ichichipa xua peexanaewa. Barapo abe peexanae cuiru coyenein paca juntu coyene itoroba bichocono xua painya neexanaenexa po coyenein abe peexanae cuiru coyenein. ¹² Beta pajinompare Nacom nexa xua peitatha tatsi pomonae Nacom jopa jume cowantsichi. Icha barapomonae abe paca yabara paebichipa be pomonae abe painya neexanae jiwi pam tsipae bichocono daichitha barapomonae taena xua beta painya neexanaewa. Bapoxonae barapomonae Nacom wanae jaintinchi wanae painya neexanaexae xua po mataqueitha Nacom yabara paebina jiwi xua penatsicuentisiwa xua abe peexanaexae.

¹³ Painya nejume cowantsixae pon jiwi pepa Pecanamataxeinaeinchi bara paexande pocotsiwa paca itoroba daxita pomonae pecanamataxeinaewi painya nacua. Matauta paexande pocotsiwa paca itoroba pon romanomonae itorobiya pepa peewatsinchi. Jame Nacom ichichipa xua waexanaewa baxua. ¹⁴ Paexande pocotsiwa paca itoroba pomonae nacuan peewatsiwi pomonae xua tanacuitatsi pon romanomonae itorobiya pepa peewatsinchi. Nacom itoroba barapomonaetha pomonae nacua peewatsiwi xua barapomonaetha pomonaetha pomonae abe peexanaewi. Matautano Nacom itoroba barapomonaetha xua wanae jainchina pomonaetha pomonae beta peexanaewi. ¹⁵ Nacom ichichipa xua beta painya neexanaewa tsane pomonaetha pomonae xua jopa Nacom yabara yaputaetsi xua barapomonae pemoyanexa xua jopa abe painya nepaca yabara paebinexa.

¹⁶ Pajinompare, icha be ichi pomonae jopa nantawenonaeyo xua ichamonae amanaya petanacuichiwatsi. Ichitha jopa abe paexanaeinde xua poxoru saya painya nejinompaexae. Beta pajinompare, icha be ichi pomonae Nacom amanaya tanacuita dubenanaebiyatsi. ¹⁷ Beta payabara nanta xeinare daxita jiwi. Matautano paantobeinde ichamonae pomonae iru pejume cowantsiwi Jesucristo. Nacom pacunuware xua abe painya nepaca exanaeyainwa, xua abe painya neexanaexae. Pabarui itura jinareno pon romanomonae itorobiya pepa peewatsinchi.

Meje yabara po coyene xua Cristo atene peexanaewatsi

¹⁸ Paxam pomonae amanaya painya netanacuichi jiwi pam ichamonae barapomonae pam paca tsipaebatsi. Bewa pajume barui cui jejam tsaibim tsane pomonae xua paca itorobeiba pomonae painya nepaca canamataxeinaewi. Baxua paexande poxonae bequein ichamonae wanae peexaneibiwi, matautano xua poxonae ichamonae bequein abe peexaneibiwi poxonae paca itoroba. ¹⁹ Baxua Nacom tsita wanaetsi xua pabarui itura jiname barapomonae pomonae painya nepaca canamataxeinaewi

xua poxonae bequein paca cuainta barapomonae xua xaniwaicha painya neexanaexae painya nejume cowantsixae Nacom. ²⁰ Icha abe paexaname xua daxota paca cuainta, baxua Nacom jopa tsita coyene xanepanatsi xua bequein saya beitatemaya moya paumename poxonae paca cuainta. Ichitha icha jame paca cuainta xua wɔnae painya neexanaexae xuano xua icha beitatemaya moya paumename baxuan jame Nacom tsita coyene xanepanatsi. ²¹ Xua ichamonae atene painya nepaca caexanaexae daxota Nacom itapeta paca waba. Ichamonae Jesucristo atene exainchi waxainchi nexa. Jesucristo cana caunutsiya exanatsi xua waxainchi bewa exanaetsi icha bapon ichi xua pocotsiwa exana. ²² Bapon Jesucristo bapana jopa abe exanae. Matautano bapana jopa muxutorobi ichamonaetha. ²³ Poxonae ichamonae Jesucristo biatainchi jopa xuya jume barabotsiyo Jesucristo. Poxonae Jesucristo bɔtsi, jopa Jesucristo jeyo, “Aunxuae xuya paca cuaintinchi”, jopa jeyo. Ichitha Jesucristo jume cowanta Nacom xua pocotsiwa poxonae Nacom exanaena barapomonaetha pocotsiwa xua be Jesucristo peyantomatsiwatsi. Tsipei Nacom xaniwaicha beta yabara paeba jiwi, xua penatsicuentisiwa xua abe peexanaexae. ²⁴ Cristo pia pepontha yawa muxuna tɔpa abe waexanae cuiru coyenein poxonae tɔpa naetotha. Poxonae bapon Jesucristo nacata exana barapo coyene, waxainchi abe waexanae cuiru coyenein weya panenebiyatsi xua jopa equeicha waexanaewa tsane abe waexanae cuiru coyenein, yawano xua beta jɔntɔ coyene xanepanaya jinompaeinchi Nacomtha. Daxota Cristo wan exanatsi xua equeicha jopa abe painya neexanaenexa tsane. ²⁵ Ichacuitha oveja itaxanuncuatsi, pipato pepoponaexae jopa penantaɔtsixae pon peenaen ovejan. Icha oveja ichi paxam bara pocotsi jɔta coyeneya paichim. Copiya jopa xanepanaya painompaem, jopa painya nenantaɔtsixae Jesucristo. Ichitha anoxuae xanepanaya pajinompame, tsipei anoxuae Jesucristo panantaɔtame pon paca yawena. Bapon nepaca eenaen, icha be ichi pon oveja peenaen. Yawano bapon Cristo paca jɔntɔ coyene canamataxeina.

3

Meje yabara xua po coyeneya bewa jinompae pomonae jitha peenaewi

¹ Paxam powaxi jitha painya neenaewaxi pam, paexande pocotsiwa painya seuriwi paca itoroba. Painya pebiwi ichacuitha jopa jume cowantsiyo Nacom. Painya neexanaexae pocotsiwa painya seuriwi paca itoroba barapo painya seuriwi jume cowantsina Nacom painya nepaca cui taexae bara bequein Jesucristo jopa payabara paebim. ² Barapo painya seuriwi paca taena xua Nacom paantobem. Yawano xua paca taena xua jɔntɔ coyene xanepanaya painompame. ³ Jopa metha meisa painya pepon pexeinyowa pana naexanaemtsipaem, xua daxota jiwi painya nepaca yabara paebeibiwa, xua pexeinyowaxi pam. Jopa matowa pana mata cachetsinde xua bichocono pexeinyowa pana naexaname. Jopa pana napepenaeinde po penaintotha pewɔn oro nainto. Matautano jopa pana nama xatabinde po paparuwan bichocono ainya matoman xua bichocono pexeinyowaxi pana naexaname. ⁴ Icha pexeinyowaxi ichichipa pana naexaname moya maisa pana najɔntɔ coyene wɔnae exande. Barapo pexeinyowa coyenewa bɔpana xeina jiwi pejɔntɔ coyenewatha. Barapo pexeinyowa coyenewa jopa itacɔpaetsi xua peweraweracaewa. Painya pexeinyowa coyenewa bewa payabara ita ururanaya pajinompame, yawano jɔntema pajinompreno. Baxuan jame bichocono tsita coyene xanepanatsi Nacom. ⁵ Barapo pexeinyowa coyenewa caena bayatha xeina

po yabuxi xua bichocono pepa pejuntu coyene xanepanaewaxi. Barapo yabuxi jume cowantsiya ewata Nacomtha, xua Nacom exanaena pocotsiwa yabara tsiwinae muxu duta. Matautano barapo yabuxi exana pocotsiwa piseuriwi itorobatsi. ⁶ Petsiriwa powa pewan Sara bara jutiya ichiya exana. Barapowa exaneiba pocotsiwa piseuri itorobeibatsi pon pewan Abraham. Barapowa piseuritha jeye: “Tanecanamataxeinaem”, jei barapowa. Paxam bara paichim tsane icha barapowa Sara ichi icha beta paexanaename, yawano xua jopa pajunuwim, bequein painya seurixi jopa xanepanaya paca itorobeibiyo.

⁷ Barichi pam pebiwi pam, po pebiwi painya seuriwi painya nexeiaenae jiwi pam. Beta payabara cui yaputaema painya seuriwi. Yawano painya seuriwi pabarui cui itura jinare tsipei yabuxi jopa acuicoyenesuyo icha jopa be pebiwi ichiyo. Pananta xeinare xua pebin piseuribe xeinabe po peajuntu yapusawa jopa barana weraweracae, po peajuntu yapusawa Nacom cata piamonaetha pomonaenae pia peantobewixaetsi. Baxua paexande painya seuriwitha xua winae painya neexanaewa xua Nacom bara beta painya nepaca jume taenexa poxonaenae pawucame.

Meje yabara xua jiwi atene pomonaenae xua beta peexanaewixae

⁸ Matapainya paca tsipaebatsi nantiya beta jinompa pana naexande. Yawano nantiya beta pana nayabara nanta xeinare xua painya nenayawenaexaem tsane. Nantiya pana naantobeinde painya nejume cowantsixae Nacom, icha be ichi poxonaenae barompaya painya eweicho jiwi nantiya pana naantobem. Pomonaenae jiwi peyawenaenae jiwi pana naexande xua painya neantobexae barapo jiwi. Matautano jopa bichocono painya coutha pana nayabara nanta xeinainde. Jame maisa ichamonaenae itapeta bichocono payabara nanta xeinare. ⁹ Poxonaenae ichamonaenae abe pacata exana xuya jopa paexanaenaeinde. Yawano poxonaenae ichamonaenae paca biatane jopa xuya pabiataenaeinde. Seicaya nama paexande. Jame Nacomtha patawucare barapomonaenae xua Nacom pecana exanaenexa xua barapomonaenae pejuntu coyene weiweinaenexa. Daxota Nacom paca waba xua xuya pacata exana tsipei barapomonaenae beta pacana exaname. ¹⁰ Tsipei Nacom Pejume Diwesitha jeye:

“Pon xua antobe xua po coyene cataunxuae pepoponaewa, xuano xua daxita matabi juntu coyene weiweina poneiba, bapon bewa peebatotha jopa paebi tsane peabe jumeyo. Matautano peopiratotha jopa bewa paebi tsane xua ichamonaenae naerabiya peyabara paebiwatsi.

¹¹ Bewa taju beya paponae xua peabe coyenewan weya.

Yawano saya bewa beta paexanaem.

Itapeta paexande pocotsiwa xua jiwi junte ma jinompa exainchi.

Bara ajuntu yapusawa paexanaponde baxua.

¹² Tsipei Nacom, pon jiwi Pecanamataxeinaein, yawena pomonaetha pomonaenae pejuntu coyene xanepanaewi.

Yawano Nacom jume tane xua pewucaewatsi.

Ichitha Nacom jopa yawenaeyo pomonaenae abe peexanaewi”, jei Nacom Pejume Diwesitha.

¹³ Dapon aibi pon itacupatsi xua abe pacata exana icha saya paexaneibame pocotsiwa xua wanae. ¹⁴ Bequein icha ichamonae pacata abe exanaena juntu coyene xanepanaya painya nejinompaexae, daichitha Nacom paca cana exana xua pajuntu coyene weiweinaya jinompame. Jopa ichamonae pacunuwinde, yawano jopa pacuitaya juntu deideijande. ¹⁵ Jame maisa Cristo bichocono payabara nanta xeinare painya juntu coyenetha xua bapon bichocono ainya cui. Pajande: “Pon jiwi Necanamataxeinaem”, pajande. Pana najuntu coyene wanaeteibare xua painya nejume noteibinexa pomonae paca yainyabiya jeye: “¿Eta pocotsiwa pajume cowantsiya ewatame xua Jesucristo bexa paca capanepaena?” paca jei. ¹⁶ Ichitha saya ita ururaquiya pajume noteibare, jopa paaebeibinde. Yawano pajunuware Nacomtha xua abe painya nepaca exanaeyainwa Nacom, abe painya neexanaexae. Pajinompame xua painya juntu coyenewa paca tsipaeba xua wanae bara paexaname. Bapoxonae icha ichamonae abe paca yabara paeba, barapomonae aura tsane xanepanaya painya nejume cowantsiya jinompaexae Cristo.

¹⁷ Icha Nacom ichichipa xua ichamonae atene paca exana, beta painya nexanaexae, baxua jame wanae, beyacaincha xua poxonae atene paca exana poxoru abe paexaname. ¹⁸ Tsipei Cristo atene exanatsi poxonae tsitupa abe waexanae cuiru coyenein daxita xua poxonae cae coyenetha tupa. Cristo bapana jopa abe exanae. Ichitha bapon Cristo naca tsitupa pomonae abe waexanae jiwichi. Baxua Cristo nacata exana, xua wanaca exanaenexa xua wapatsiwa tsane Nacom beicha. Bapon Cristo bequein tupa pepon ichitha equeicha asu exanatsi pia pejumope tanaXu tatsi. ¹⁹ Bapoxonae Jesucristo pia pejumope tanaXu tatsi pona ichaxota jiwi pia pejumopein tatsi be cubathopeibatsi pomonae xua caena bayatha werapa. Barapon Jesucristo pia jumope tanaXu tatsi yabara cueicueije barapo jumopeintha xua Nacom pia pecapanenebiyae diwesi tatsi. ²⁰ Caena bayatha barapomonae jopa jume cowantsiyo Nacom poxonae po mataqueitha Noé popona po irathe. Nacom beitatemaya ewateiba barapomonae, ainya dapaein xua pejume cowantsinexatsi poxonae xua cataunxuae Noé cobe naemata xua pin jera nae exana. Ichitha saya ocho poyobe jiwi panenebiya poxonae bichocono awabo xua butuxuba po cae pin nacue. ²¹ Barapo awabo caunuta xua be naca bautisaba. Poxonae naca bautisaba apara jopa wanaca peru iquicaenexa tsane xua tsoreichi, apara jame daxota naca bautisaba Nacom, wanaca capanepaexae abe waexanae cuiru coyenein weya. Yawano Nacom wucatsi xua wanaca juntu coyene xanepana exanaewa tsane. Bapoxonae wajuntu coyene naca tsipaeba xua bara beta exanatsi. Waxainchi naca itacupa xua wanaca bautisabiwa tsipei Jesucristo equeicha asu exanatsi petupae cuiru coyene weya. ²² Jesucristo peitaboco beicha pona. Bapon Jesucristo eca Nacomtha, xua Nacom pia pecoxa weya tatsi. Matatsunpiwi, iruru pomonae itoroba itabocotha barapomonae exana pocotsiwa Jesucristo itoroba.

4

Meje yabara xua jiwi bewa beta tanacuichi Nacom icha be po coyeneya Nacom cata jiwi barompaya pia peexanae coyenewan tatsi

¹ Yaitama copiya Cristo atene exanatsi ichamonae, waxainchi daxota bewa nanta xeinaetsi xua iru naca atene exanaena ichamonae. Pon atene exanatsi ichamonae bapon abe pia peexanae cuiru coyenein wepu pona

xua bichocono pejume cowantsixae Jesucristo. ² Paxam jopa bewa paexanaem pocotsiwa xua paichichipame xua abe painya neexanaewa poxonae cataunxuae pajinompame. Ichitha cataunxuae paexanaponde pocotsiwa Nacom ichichipa poxonae cataunxuae pajinompame barapo cae pin nacuathe. ³ Caena bayatha paexaname pocotsiwa xua ichamonae exana pomonae jopa yaputaeyo Nacom. Barapomonae abe exaneiba xua nasi cui exana icha yabaxitha xua jopa piseuriwi. Yawano exaneiba xua pocotsiwa abe yabara nanta xeina pejuntũ coyeneintha. Yawano nacupa exaneiba peatsaxae meran. Yawano pin penabanaewan exaneiba po penabanaewantha jiwi weiweinaya abe exana xua napenajuba yawa bichocono cupatsi. Yawano ibo nacomun wunaẽ jainteibatsi. ⁴ Pomonae jopa yaputaeyo Nacom, barapomonae paca cui yabara nanta xeina, jeye: “¿Eta xua metha jopa naca barũ exanaeyo xua waxainchi abe exanatsi?” najei barapomonae. Barapomonae paca cui capana yawa daxota abe paca yabara paeba. ⁵ Payabara nanta xeinare pomonae abe exana. Barapomonae bewa yabara caununaya jume notsina Nacomtha pocotsiwa xua abe exana. Nacom yabara pae-bina pomonaetha pomonae xua cataunxuae jinompa yawa pomonaetha pomonae bayatha werapa xua penatsicuentisiwa xua abe peexanaexae. ⁶ Daxota Nacom Pejume Diwesi bayatha cueicueijei pomonaetha pomonae bequein bayatha werapa xua barapo pewerapae jiwi pejumope tũaxũn pejinompaenexa tsane icha Nacom ichi xua popona. Bayatha Nacom yabara paeba barapomonae xua penatsicuentisiwa xua abe peexanaexae barapo cae pin nacuathe xua daxota pia pepon tatsi werapa icha daxita jiwi ichounibi.

⁷ Bara nama imoxoyo po dapaetha poxonae Nacom daxita weraweraca exanaena barapo cae pin nacue. Daxota painya coutha pana najuntũ coyene itorobare xua xanepanaya paexaname Nacomtha beta painya wũcaenexa tsane. ⁸ Pocotsiwa xua ainya cui xua jame bewa bichocono nantiya pana naantobeinde. Poxonae ichũn paantobem, pajuntẽmainame poxonae bequein xua bapon abe pacata exana. ⁹ Paxam nantiya pana nantenta wey-ataeya wabeibare painya boxitha xua painya nenaapateibinexa tsane, xua jopa pana naita aenae-aenande. ¹⁰ Daxita barompaya paxam Nacom paca cana exana xua painya nexeiaewa barompaya painya neexanae coyenewan. Paxam nantiya pana nayawende barapo cui coyenetha, bapoxonae paxam pomonae beta painya neexanae jiwi pam tsane pocotsi coyenewatha xua Nacom paca cana exana. ¹¹ Icha ichũn cueicueijei, bũ bara cueicueijei pocotsiwa Nacom cueicueijei exana bapon. Icha pebin yawena xua ichũn yawenatsi bũ bara barapo pebin yawena ichũntha po peayapusũwatha xua Nacom cata. Daxita pocotsiwan xua paexaname bara beta paexande xua jiwi wunaẽ pejainchinexa Nacom xua beta painya neexanaexae xua Jesucristo peyabaraxae. Bũ bara Jesucristo ataya xeinaena peainya cui coyenewa, yawano xeinaena xua peayapusũ itorobi coyenewa. Je bara ichi tsane.

Meje yabara po coyeneya xua bewa exanaetsi wajume cowantsixae Cristo xua poxonae bequein ichamonae atene naca exana

¹² Tamonae pam painya tapaca caantobetsi jiwichi pam irũ painya nejume cowantsixae Jesucristo. Jopa yabara pana nabenaecaeinde poxonae bichocono atene paca cana exana ichamonae painya nejume cowantsixae Jesucristo. Jopa pananta xeinaeinde xua baxua pocotsiwa jopa bewa pacata exanae tsane. ¹³ Jame seicaya pajuntũ coyene weiweinare xua painya nepaca itacupaewa xua ichamonae atene paca exana icha Cristo ichichi xua atene exanatsi. Yawano bexa pajuntũ coyene weiweinaenname poxonae Jesucristo yawa patopaetsica pia peainya cui coyenewa. ¹⁴ Icha ichamonae

paca muxucona painya nejume cowantsixae Cristo saya pajuntu coyene weiweinare, tsipei Nacom pia Pejumope tñaxu tatsi, po jumope pexeinya peitupanae coicha yawa popona, barapo pejumope paca yawa popona. ¹⁵ Jopa bewa paexanaem tsane xua ichamonae pajutebame xua daxota ichamonae paca atene exana. Matautano jopa bewa paexanaem tsane xua ichamonae piawan tatsi pacaibame xua daxota ichamonae paca atene exana. Matautano jopa bewa paexanaem tsane xua ichamonae pajuntu coyene anaepana exaname xua daxota ichamonae paca atene exana. Matautano jopa bewa paexanaem tsane xua ichun pajuntu coyene itorobame xua abe peexanaewa tsane xua daxota ichamonae atene paca exana. ¹⁶ Icha ichun atene exanatsi ichamonae, pejume cowantsixae Jesucristo jopa bewa bapon aura tsane. Ichitha jame bapon bewa wñnae jainchina Nacom tsipei atene exanatsi pejume cowantsixae Jesucristo.

¹⁷ Po matabitha aena Nacom tamropata pitaba xua Nacom yabara pae-bina daxita jiwi xua penatsicuentsiwa xua abe peexanaexae, apara barapo matabi bayatha patopa. Barapo matabitha Jesucristo piamonae tatsi umenaena Nacom peitabaratha xua Nacom peyabara paebinexa tsane xua penatsicuentsiwa xua barapomonae abe peexanaexae. Yaitama Nacom baxua nacata exana nama yatsicaya jopa Nacom juniya exanaeyo pomonaetha pomonae jopa pejume cowantsiwi Nacom pia pecapanenebiyae diwesi tatsi. ¹⁸ Daunwei nawita pon capanepatsi abe pia peexanae cuiru coyenein weya pon wñnae peexanaein. Ichitha nama bichocono tadaunweichi xua pon capanepatsi abe pia peexanae cuiru coyene weya pon bichocono abe peexanaein. ¹⁹ Poxonae ichamonae paca atene exana, bara awiya beta paexande icha bara baraxua xua pocotsiwa Nacom cuita jichipa. Bewa pajume barñ jejam tsane Nacom xua paexaname bara bequein paayapube taetham. Nacom paca necaforotsixae yawa peexanaexae xua pocotsiwa yabara paca tsiwñnae muxu dubeiba xua exana paebeiba, daxota Nacom pia coya canamataxeina painya juntu coyene.

5

Meje yabara xua Pedro muxuweta pomonaetha pomonae pejume cowantsi jiwi

¹ Ichichipan xua tamuxu wetsiwa penapatae jiwi pomonae paxam jiwana pam pomonae painya nejume cowantsi jiwi pam. Xan irñ bichocono penapataein icha barapomonae ichi. Xan natan poxonae Cristo naetotha tñparucua exanatsi. Xan irñ yawa xeinaein po peainya cui coyenewa Cristo xeina poxonae patopaetsica. ² Beta pa-eenare pomonaetha xua Nacom paca cana exana xua pamatacaponame, icha pon oveja peyapu eenaein ichi xua beta yapu eena ovejamonae. Jopa meisa baxua paexanaeinde xua poxoru Nacom pia paca necaitorobixae. Jame maisa baxua paexande xua poxoru painya coutha painya neichichipaexae. Baxua jame Nacom ichichipa. Matautano jopa baxua paexanaeinde xua poxoru paratixi painya neichichipaexae, ichitha poxoru Nacom painya neantobexae bichocono. ³ Jopa atsaquiya pamatacaponaeinde pomonae xua pamatacaponame. Jame saya maisa beta pamatacaponde xua painya necacui taenexa xua bara jñta ichiya peexanaenexa. ⁴ Nexata poxonae patopaetsica pon jiwi itorobiya pepa Peewatsin, bapon Jesucristo paca catsina po pematomatsiwa peainya cui coyenewa, po peainya cui coyenewa xua bapana jopa weraweracaeyo.

⁵ Barichi pomonae pewowi jiwi pam, bewa paexanaem pocotsiwa xua penapatae jiwi paca itoroba. Daxita paxam bewa nantiya pana naantobem,

yawa bewa nantiya pana nayabara ita ururanaya jinompaem. Baxua paexande tsipei Nacom Pejume Diwesitha jeye:

“Nacom aichaxaibi pomonae peabiwi ichamonaetha.

Ichitha Nacom yawena xua peantobexae pomonae baru ita ururanaya jina ichamonaetha”, jei.

⁶ Daxota papende po coyene xua paaebame ichamonaetha. Paexande pocot-siwa xua Nacom pecobetha paca ita cowai pia peayapusu itorobiwatha xua Nacom ainya cui paca necaexanaenexa tsane poxonaetha Jesucristo equeicha patopaetsica. ⁷ Bara pacopare xua Nacom bara daxita paca wepichina daxitan po coyenein xua juntu coyene natsepa paca cana exana tsipei Nacom paca yabara nanta xeina nawita xua painya nepaca cayawenaewa tsane.

⁸ Painya coutha pana najuntu coyene itorobare xua beta pajinompare. Tsaca pajinompare poxoru caurimonaetha pia pentacaponaein tatsi ichichipa paca abe exana. Bapon pacata exana icha neuthu ichi xua ba piyain fiba poxonaetha jeita ducuaeta pon ichichipa bexaena. ⁹ Dota pam panaitemare bapon xua beta painya nejume cowantsiwatha. Pananta xeinare xua daxita nacuanpiwi jiwana pomonae pejume cowantsiwi Jesucristo barapomonae atene exanatsi icha paca ichi. ¹⁰ Ichitha bexa tsane xua caeto poxonaetha paca atene exanaena ichamonaetha, bapoxonaetha Nacom paca juntu coyene xanepana exanaena. Yawano Nacom paca exanaena xua beta painya nejume cowantsiwa tsane. Yawano paca exanaenano xua bichocono painya neajuntucoyenesuwam tsane. Barapon Nacom painya nepaca antobexae paca waba pia paca catichi po peainya cui coyenewa xua ataya tsiteca xua Jesucristo xeina. ¹¹ Bu bara Jesucristo ataya xeinaena peainya cui coyenewa, yawano xua peayapusu itorobi coyenewa. Je bara ichi tsane.

Meje yabara poxonaetha Pedro najume wetsiya paeba

¹² Pon pewun Silvano, pon be tayapin tatsicotaein iruru pejume cowantsixae Jesucristo, bapon cobe itoroban xua inta tina barapo peya cartiyo xua bapoxonaetha tapacata itorobinexatsi xua tapaca muxuwetsinexatsi. Barapo cartatha paca juntu coyene tsacaba exanatsi xua Nacom xaniwaicha painya nepaca cayawenaewa tsane painya nepaca caantobexae. Daxota baxua awiya pajume cowantsiya jinompare.

¹³ Pomonae Babilonia tomaratha jinompa pomonae Nacom pejume cowantsiwichi, barapomonae paca jacobae. Barapomonae pomonae Babilonia tomarapiwi Nacom itapeta icha paca ichi xua paca itapeta. Iru Marcos paca jacobae be pon taxanto tatsicotaein tsipei yawenan xua pejume cowantsiwa Jesucristo. ¹⁴ Paxam nantiya pana najacobare painya nenaantobexae.

Paxam pomonae Cristo piamonae tatsi pam barapomonae pam bara Nacom juntepa jinompa paca exana. Je bara ichi tsane.

Baja Pedro.

Meje Po Carte Cotacaya Pedro Tatina, Pomonae Jesucristo Pejume Cowantsiwi Tatinatsi

Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi

¹ Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiwi jiwana tatsin. Pacata tinatsi barapo carte painya nexeiaexae xua pejume cowantsiwa Jesucristo xua bichocono wɔnae icha paxan paichin. Barapo pejume cowantsi coyenewa Nacom werena pichapa, pon bichocono peɔntɔ coyene xanepanaewa pexeinaein. Yawano barapo pejume cowantsi coyenewa Jesucristo werena pichapa pon irɔ bichocono peɔntɔ coyene xanepanaewa pexeinaein. Bapon jiwi Pecapanenebiyaein abe pia peexanae cuiru coyenein weya. ² Barabɔ Nacom paca yawenaena pia paca necaantobexae. Yawano barabɔ Nacom paca catsina ɔntema pejinompae coyenewa. Barabɔ barapo naxobe coyenewabe bichocono paxeinaponaename xua poxonae payabara yaputaeponaename Nacom xuano xua payabara yaputaeponaename Jesucristo pon Wanacanamataxeinaein.

Meje yabara pocotsi coyenewano bewa exanaena Cristo piamonaе tatsi

³ Nacom naca cata daxita pocotsiwa nantawenonatsi xua ɔntema wajinompaewanexa yawa xua xanepanaya wajinompaenexa Nacom nexa. Daxita baxuan Nacom naca cata pia peayapusɔ itorobi coyenewatha. Poxonae yabara yaputaeponaeinchi Nacom, nacuidubatsi xua bapon naca waba xua irɔ waxeinaenexa peainya cui coyenewa, xuano xua irɔ waxeinaenexa Nacom pia pexeinya peexanae coyenewa. ⁴ Poxonae Nacom naca cata pia peainya cui coyenewa, yawano pia pexeinya peexanae coyenewa bapoxonae nama naca cata pia peyabara naca tsiwɔnae muxu dutsiwan. Nacom pia peyabara naca tsiwɔnae muxu dutsiwan bichocono ainya cui xua jiwi jopa itacɔpaetsi xua pecomotsiwa. Barapo peyabara naca tsiwɔnae muxu dutsiwan painya necacatsixae anoxuae paxeiename xua Nacom pia peajɔntɔyapusɔwa xua jopa weraweracaeyo. Yawano barapo peyabara naca tsiwɔnae muxu dutsiwan painya nexeiaexae paca itacɔpa xua papanenebiyam abe painya neexanae cuiru coyenewa weya xua barapo cae pin nacuathepiwi po coyene ichichipa abe exana. ⁵⁻⁷ Bequein pajume cowantame ichitha panantawenoname xua muxuna paexaname xua beta painya nejinompae coyenewan. Poxonae beta pajinompame, bapoxonae panantawenoname xua muxuna paexaname xua Nacom payabara yaputaneme. Poxonae Nacom payabara yaputaneme, bapoxonae panantawenoname xua muxuna paexaname xua painya coutha pana nenajɔntɔ coyene itorobiwam. Poxonae painya coutha pana najɔntɔ coyene itorobame, bapoxonae panantawenoname xua muxuna paexaname xua ɔntema pajinompame bequein ichamonae abe pacata exana. Poxonae ɔntema pajinompame xua bequein ichamonae abe pacata exana, bapoxonae panantawenoname xua muxuna paexaname xua paantobeya jinompame Nacom. Poxonae paantobeya jinompame Nacom bapoxonae panantawenoname xua muxuna paexaname xua paantobem pomonaе pejume cowantsiwi Jesucristo. Poxonae paantobem pomonaе pejume

cowuntsiwi Jesucristo, bapoxonae panantawenoname xua muxuna paexaname xua paantobem daxita jiwi.

⁸ Icha paxeiname daxita barapo coyenewan yawa xua paexanaponame daxita baxuan bapoxonae beta painya neexanae jiwi pam tsane Nacom nexa. Yawano beta payabara yaputaneme Jesucristo pon Wanacanamataxeinaein. ⁹ Ichitha icha pebin jopa yabara exanaeyo barapo coyenein, bapon be pon naita tsaqueta poxoru jopa ichipaeyo xua peyabara yaputaewa barapo coyene. Daxota bapon jüntemaina xua bayatha wejüntemaina exanatsi abe pia peexanae cuiru coyenewan tatsi xua Nacom wejüntemaina exana. ¹⁰ Tamonae pam paxam pomonae be tayapin jiwi tapaca canatsicotae jiwichi pam iruru painya nejume cowuntsixae Jesucristo. Daxota paca tsipaebatsi xua xaniwaicha pana naexande xua daxota patsita itutsiname xua paxam pomonae Nacom pia pewabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae baxuan paexanaponaename jopa equeicha abe paexanaem tsane po coyene xua daxota paitawetame Nacom. ¹¹ Bapoxonae Nacom bara paca matenta weiweinyaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapusu tsoponae ichaxota Jesucristo jiwi itorobiya ewatatsi, pon Wanacanamataxeinaein, xua pon Pecapanenebiyaein jiwi.

¹² Bequein baxua bayatha payaputaneme, ichitha equeicha paca tsipaebatsi xua jopa painya jüntemainaenexa. Anoxuae paxam ajüntayapusu pajume cowuntame pexainyei jume Jesucristo yabara. ¹³ Poxonae cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi. ¹⁴ Yaputan tsipei Jesucristo, pon Wanacanamataxeinaein, netsipaeba xua bara nama imoxoyo tupaen. ¹⁵ Daxota xaniwaicha pacata tinatsi xua baxuan jopa yabara painya nejüntemainaewa tsane poxonae tupaen. Bapoxonae bexa tsane pana necui yabara jüntanainaename pocotsiwan yabara paca tsiwanae muxu dutatsi.

Meje yabara xua pomonae tane Cristo pia peainya cui coyenewa tatsi

¹⁶ Poxonae paxan paca tsipaebatsi Jesucristo pia peayapusu itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pejemai diwesi po diwesi xua saya jiwi paeba. Bara pana natan Jesucristo pia pexeinya peitapanae coicha tatsi pon jiwi Pecanamataxeinaein. ¹⁷ Pana natan poxonae Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitapanae coicha. Bapoxonae Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejüntu coyene weiweina exana”, jei Nacom. ¹⁸ Paxan baxua pajume tan xua Nacom cueicueije peitaboco wetsica poxonae Jesucristo pon jiwi Pecanamataxeinaein demxuwatha pana nebaru pona po demxuwa ichaxota Nacom cueicueije itaboco wetsica.

¹⁹ Daxita baxuan naca yawena po diwesi xua Nacom pia peitorobi jume pepaebiwi tina xua barapo diwesi pexainyei jume diwesi. Pajume naitaeware pocotsiwan xua barapomonae paeba, beya poxonae yatsicaewa payaputaename pocotsiwa barapomonae paeba. Barapo pejumein jume xanepana. Bichocono naca yawena icha pecoicha ichi xua pentha exana poxonae quirei xua ba naca yawena. Barapo pecoicha waxainchi jopa nantawenonaetsi poxonae jarawato ecoina xuano poxonae matacabi pentha tsina. Barichi poxonae Jesucristo patopaetsica jopa cana

matawenonae tsainchi barapo diwesin tsipei bayatha patopeicaena Jesu-cristo. ²⁰ Matha copiya bewa payaputaem xua meje: Nacom pia peitorobi jume diwesitha dapo jumein aibi pocotsiwa pia coya ichichipa paeba barapo Nacom pia peitorobi jume pepaebiwi. ²¹ Tsipei Nacom pia peitorobi jume pepaebiwi jopa cueicueijeiyō pocotsiwa ichichipa pia coutha paeba xua poxonaē tina Nacom Pejume Diwesi. Ichitha barapomonaē tatina pocotsiwa Nacom ichichipa, xua Nacom pia Pejumope t̄nax̄u tatsi peitorobixae.

2

Meje yabara xua pomonaē naerabiya pecuidubi jiwi

¹ Caena bayatha israelmonaē jiwana jinompa pomonaē naerabiya peitorobi jume diwesi pepaebiwi. Barichi painya xantha patsina pomonaē naerabiya pecuidubi jiwi. Barapomonaē cuidubina po diwesin xua paca weraweraca exanaena. Barapomonaē nameicha nacuita xua naerabiya paca cuiduba. Pon jiwi pia Pecanamataxeinaeinchi pon Jesucristo, barapomonaē itawetsinchi xua Jesucristo itawetsina, pon xua bayatha barapomonaē tsit̄patsi. Nacom nainya weraweraca exanaena barapomonaē, abe peexanaexae. ² Pin bicheitomonaē exanaena xua abe exana pocotsiwa xua barapomonaē cuiduba pomonaē naerabiya pecuidubi jiwi. Barapomonaē pomonaē naerabiya pecuidubi jiwi naerabiya pecuidubixae tsane pin bicheito abe yabara paebiya exanaena pocotsiwa Nacom pia pexainyei jume diwesi tatsi. ³ Barapomonaē paca muxutorobina nawita, yawano paca itorobina xua painyamonae amanaya paitorobiname pedoutsinexa paratixi barapomonaētha pomonaē naerabiya pecuidubi jiwi. Ichitha caena bayatha Nacom yabara paeba barapomonaē, jeye: “Barapomonaē bichocono abe peexanaē jiwi, daxota bewa werapaena tsipei bichocono abe peexanaexae”, jei Nacom.

⁴ Nacom bayatha jopa yabara j̄ntemainaeyō po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounaiyo. Yawano Nacom napenta exana peita quirei nacuatha beya poxonaē barapo matatsunpiwi umenaena Nacom peitabaratha poxonaē po mataqueitha Nacom yabara paebina daxita jiwi xua penatsicuentisiwa xua abe peexanaexae. ⁵ Barichi Nacom jopa bayatha yabara j̄ntemainaeyō po peabe coyenewa jiwi exana pomonaē caena bayatha jinompa. Barapo matakabintha Nacom itoroba pin aw̄bo xua bunothopa peexanaenexa pomonaē abe peexanaē jiwi. Meisa saya Noé ir̄no piamonaē tatsi xua siete poyobe tatsi daxita barapoyobe capanenebiyatsi barapo aw̄botha. Barapon Noé cuiduba jiwitha xua jiwi bewa j̄nt̄u coyene xanepanaya jinompaena Nacomtha. ⁶ Pomonaē Sodoma tomarapiwi ir̄no Gomorra tomarapiwino, barapomonaē abe peexanaewi. Barapo tomarabemonaē yawa tomarabe Nacom yabara paeba xua pinaē abe exana daxota Nacom weraweraca exana isototha beya poxonaē daxita saya ̄ ipunan naexana. Barapo coyenein Nacom tsita it̄ta xua bapon bexa j̄pa exanaena pomonaēintha pomonaē abe exana dubenanaebiya. ⁷ Ichitha meisa saya Nacom capanepa barapo pin isoto weya pon pew̄n Lot. Bapon Lot pej̄nt̄u coyene xanepanaein Nacomtha. Lot cuitaya ̄nth̄th̄u deideijeji pocotsiwa jiwi abe exana.

⁸ Bapon Lot, pon pej̄nt̄u coyene xanepanaein Nacomtha, bar̄u po-pona pomonaē peaj̄nt̄u coyenebe jiwi. Daxita matakabi bapon bichocono ̄nth̄th̄atane xua pej̄nt̄u coyene xanepanaexae Nacomtha xua poxonaē bapon taiba yawano xua poxonaē jume taiba xua jiwi abe exaneiba. ⁹ Ichitha Nacom pon jiwi Pecanamataxeinaein yaputane xua peyawenaewa

pomonaē peantobewixaetsi poxonaē barapomonaē bichocono juntu coyene junteibatsi caurimonaē pia pentacaponaein tatsi. Yawano Nacom yaputane xua atene peexanaewa pomonaetha pomonaē jopa pejume cowantsiwichi. Nacom baxua exanaena beya abu poxonaē barapomonaē umenaena Nacom peitabaratha poxonaē Nacom yabara paebina daxita jiwi xua penatsicuentisiwa xua abe peexanaexae. ¹⁰ Pomonaē xua abe exana pocotsiwa xua saya jiwi ichichipa exana yawano aichaxaibi exana pocotsiwa pon jiwi Pecanamataxeinaein itoroba daxita barapomonaē Nacom atene exanaena. Barapomonaē bichocono atsaca yawa ichamonaē aebatsino. Jopa junuwiyo xua abe peyabara paebiwa xua matatsunpiwi abe peyabara paewatsi. ¹¹ Matatsunpiwi xeina peayapusawa yawano xeina peitorobi coyenewa xua beyacaincha pomonaē naerabiya pecuidubi jiwi. Ichitha barapo matatsunpiwi jopa abe yabara paebiyo xua barapomonaē pomonaē naerabiya pecuidubi jiwi poxonaē barapo matatsunpiwi cueicueijeji tsumenaē Nacom peitabara tatsi, pon jiwi Pecanamataxeinaein.

¹² Barapomonaē pomonaē abe peyabara paebi jiwi, barapomonaē exana xua icha duwei ichi, xua duwei ba jopa beta nanta xeinaeyo, xua ba saya jiwi tsicobe naexanatsi xua jiwi peteicaenexa yawa pebexubinexa pexaenexa. Barapo pebiwi abe yabara paeba pocotsiwa jopa yaputaeyo. Barapomonaē werapaena pia abewantha icha duwei icha xua werapa. ¹³ Barapomonaē xuya atene tsane abe peexanaexae ichamonaetha. Barapomonaē jopa auriyo xua abe peexanaewa mataqueitha. Barapomonaē paca muxuitoroba abe peexanaexae bequein naxaiba poxonaē pin penabanaewan paexaneibame. Ichamonaē paca abe yabara paeba abe peexanaexae barapomonaē yawa aura paca necaexanaexae.

¹⁴ Barapomonaē ichichipa nawita xua peyacaibiwa yabuxi daxita xua powaxi taiba. Jopa juniya abe eexanaponaeyo xua abe exana. Barapomonaē nanta pia pepuna ponaewichi pomonaē pejuntu coyene faefaenaewi Nacomtha. Barapomonaē ichichi xeica nawita pocotsiwan xua tane daxita. Barapomonaē yacuiya naexana xua abe peexanaewa. Daxota barapomonaē Nacom bichocono atene cana exanaena. ¹⁵ Barapomonaē jopa Nacom yabara yaputaetsi pejume naitematsixae po coyene xua Nacom pejuntu coyene xanepana exanaewa barapomonaē. Barapomonaē barapo cananta jatsiya eexanapona icha Balaam ichi xua pocotsiwa exana. Bapon caena bayatha popona. Bapon Balaam, Beor pexanto tatsi. Bapon Balaam abe exana pexeinaenexa paratixi. ¹⁶ Balaam pon naerabiya peitorobi jume diwesi pepaebin, poxonaē ichichipa abe peexanaewa, cui matawentsi xua abe exana. Po duwein pewan burra, bapon cui matawenta, Balaam cui matawentsi. Burra cueicueijeji icha jiton ichi, xua saya jiton cueicueijeji. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentsi poxonaē ichichipa abe peexanaponaewa.

¹⁷ Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be fetu mene ichi xua weitha bichocono ameneibi xua ba jiwi jopa yawenaetsi. Yawano barapomonaē icha be tsaquinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua peruneicaenexa. Nacom itaweta barapomonaē xua barapomonaē itawetatsi ichaxota ataya pejinompaenexa peita quirei nacuatha. ¹⁸ Barapomonaē bichocono atsaca poxonaē cueicueijeji. Yawano barapomonaē pia jume, barapo jume jopa jiwi yawenaetsi. Yawano barapomonaē naemata jume wanaeya tsipaeba pomonaetha pomonaē aena pejume cowantsi jiwi Jesucristo xua barapomonaē iru

abe peexanaenexa pocotsiwa bequein barapomonaе aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe. ¹⁹ Barapomonaе w_hnae tsimuxu duta ichamonaetha xua ichamonaе beta pejinompaenexa. Ichitha barapomonaе pia coutha exana be pomonaе xua caurimonaе pia pentacaponaein tatsi amanaya petanacuitsiwatsi. Tsipei daxita jiwi pia cui xeina xua barompaya amanaya tanacuita pontha xua bara copata xua bara j_unt_u coyene itorobatsi. ²⁰ Barapo cae pin nacuathe ichamonaе jinompa pomonaе capanenebiyatsi abe pia peexanae cuiru coyenein weya xua po abe peexanae cuiru coyene po cae pin nacuathepiwi exana. Barapomonaе baxua exana poxonaе jume cow_unta Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonaе equeicha abe exana xuano xua icha awiya exana dubenanaebiya baxuan, bapoxonaе barapomonaе bichocono abe beyacaincha xua poxonaе copiya exana xua pew_unaeya poxonaе jume cow_unta Jesucristo. ²¹ Icha barapomonaе jume cow_unta yawano icha penta Nacom peitorobi coyenewa, bapoxonaе barapomonaе bichocono abe exana Nacomtha. Ichitha icha barapomonaе copiyatha jopa jume taetsipae barapo peitorobi coyenewa, bapoxonaе barapomonaе saya be conotha abe exanaetsipa Nacomtha. Ichitha poxoru barapomonaе pejume taexae barapo peitorobi jume yawa pejume cow_untsixaе, daxota barapomonaе Nacom bichocono atene cana exana, beyacaincha xua poxonaе jopa jume taeyo barapo diwesi. ²² Barapomonaе equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonaе nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi pemene itaranae meratha ichitha equeicha caewa nairainyaba xota tsorei”, jei tsica diwesiyo xua Nacom Pejume Diwesitha paeba.

3

Meje yabara xua Jesucristo equeicha pia pepatopeicaewa tsica tsane

¹ Tamonaе pam, pomonaе tapaca caantobewichi pam, ir_u painya nejume cow_untsixaе Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabetha ichipan xua beta painya neyabara nanta xeinaewa tsane pocotsiwan xua paca tsipaebatsi. ² Pananta xeinare pocotsiwa xua Nacom pia peitorobi jume pepaebiwi paeba poxonaе caena bayatha. Yawano jopa paj_untemainaеinde po peitorobi coyenewa naca cuiduba Jesucristo pia peitorobi jiwi tatsi. Barapo peitorobi coyenewa Cristo pon jiwi Pecanamataxeinaein xuano xua pon jiwi Pecapanenebiyaein pia peitorobi coyenewa tatsi.

³ Copiya matha pananta xeinare xua meje: Pew_unaeya poxonaе po mat-acabitha Nacom ira weraweraca exanaena, barapo matcabitha patsina jiwi xua po jiwi cui capanaena pocotsiwa Nacom pia pejume xainyeiwa tatsi. Barapomonaе exanaena pocotsiwa saya ichichipa xua abe exana.

⁴ Barapomonaе yainyabiya jei tsane xua Cristo yabara: “Bapon bayatha paca tsiw_unae muxu duta xua equeicha patopaetsica. ¿Eta xua metha awiya bapon paw_unae ewatame bara jopa patopeicaeyoba? ¿Incane bapon? Bequein wamo susato jiwi jume cow_unta xua pinae bapon patopaetsica ichitha jopa daichiyo beya nama poxonaе barapomonaе werapa cataunxuae bapon jopa patopaeyo. Bara saya jaj_upapona wanacuatha xua bapon jopa patopeicaeyo xua poxonaе Nacom nacia forota beya anoxuae”, jei tsane barapomonaе. ⁵ Ichitha barapomonaе jopa ichipaeyo xua yabara jume

juntanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxonae mene buxupana weyotsina. Barapo ira Nacom mentha exana. ⁶ Yawano barapomonaē jopa ichipaeyo xua juntanaina xua caena bayatha xua poxonae Noé popona Nacom itoroba pin awabo xua equeicha ira mene buxupana boca yawa xua daxita pocotsiwa barapo iratha weraweraca. ⁷ Ichitha barapo itaboco xua anoxuae tainchi yawa ira xua ichaxota anoxuae jinompatsi Nacom dubena exana daxita baxuan poxonae Nacom cueicueijeī pia peayapusu itorobi coyenewatha. Nacom baxuan duba beya abu poxonae weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxonae po mataqueitha Nacom yabara paebina daxita jiwi xua penatsicuentsiwa xua abe peexanaexae.

⁸ Tamonaē pam pomonaē tapaca caantobewichi pam, iru painya nejume cowantsi jiwixae Jesucristo. Jopa pajuntemainaeinde po coyene xua daxita bara Nacom tsita najupatsi pon jiwi Pecanamataxeinaein. Caentacabi tsita najupatsi xua mil po weibe. Matautano mil po weibe Nacom tsita najupatsi xua caentacabi. Bequein mil po weibe bichocono ainya wei ichitha Nacom saya be tsita caetotsi. ⁹ Nacom jopa apara bewayo exanaeyo pocotsiwa yabara naca tsiwunaē muxu duta bequein ichamonae nanta xeina xua Nacom jopa nainya exaneibiyo. Ichitha Nacom jopa aitaconaeyo daxota paca ewata painya nejume cowantsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peauranexa tsane abe peexanaexae xua icha juntu coyene pexeinaenexa tsane po juntu coyenein xua Nacom tsita xanepanatsi.

¹⁰ Ichitha po mataqueitha pon jiwi Pecanamataxeinaein patopaetsica barapo matabitha jiwi jopa wunaē ewatsi tsane. Bapon pon Wanacanamataxeinaein jemeicha patopeicaena icha be ichi pon pecaibin xua poxonae namicha patopa. Peitaboco weraweracaena poxonae pin busi tsurucuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

¹¹ Tsipei daxita baxuan tautinchi daxota bewa pajinompam be pomonaē pejuntu coyene xanepanaewi Nacomtha pomonaē jopa Nacom tsita xeinaetsi penatsicuentsiwa xua abe peexanaexae. Beta pajinompam icha Nacom ichi xua beta popona. ¹² Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matabi. Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha. ¹³ Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiwunaē muxu duta. Barapo pena ira yawa barapo pena itaboco daxita wunaē exanaena pocotsiwa pexainyewanexa tsane.

¹⁴ Tamonaē pam, pomonaē tapaca caantobewichi pam, iru painya nejume cowantsixae Jesucristo. Paca tsipaebatsi baxua xua daxota poxonae cataunxuae paewatame baxuan, xua pocotsiwa Nacom exanaena bara beta paexande. Bapoxonaē Nacom paca caxinaena xua juntema pajinompame, matautano xua jopa paxeinaem peabe coyenewa painya juntu coyenewatha, yawano xua ichamonae jopa paca yabara paebi tsane xua abe painya neexanaewa. ¹⁵ Yawano payaputaneme xua caena bayatha Nacom pon Wanacanamataxeinaein beitatemaya naca ewata xua wajume cowantsinexa xua pia wanaca capanenebiyaewa tsane. Yawano iru Pablo baxua yabara pacata tina. Bapon Pablo, pon waantobein, pon iru jume

cowuntar_u Jesucristo. Pablo yaputane exainchi baxuan yabara xua Nacom yaputane exana. ¹⁶ Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonae jopa beta peyaputae jiwi ir_u pomonae pejunt_u coyene faefaenaewi Nacomtha, barapomonae seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa pocotsiwa Nacom Pejume Diwesitha paeba. Barapomonae pia coutha nanatsiexana xua abe exana xua peweraweracaewa tsane, xua Nacom exanaena.

¹⁷ Tamonae pam, pomonae tapaca caantobewichi pam, ir_u painya nejume cowuntsixae Jesucristo. Painya neyaputaexae baxuan pewanaeya xua Nacom exanaena baxuan, daxota dota pam pomonae abe pacata necaexanae jiwi xua jopa paca necantacapanaewa tsane. Jopa pacopatsinde xua barapomonae baxua pacata exana xua jopa painya nepentsiwa tsane Nacom.

¹⁸ Bichocono pana najunt_u w_unae exanaponde Wanacanamataxeinaein pia peantobewathaxae. Jesucristo beta payabara yaputaeponde, pon Wanacapanenebiyaein. ¡Barab_u bapon ataya xeinaena peainya cui coyenewa anoxuae yawa xua bexa tsaneno! Je bara ichi tsane.

Baja Pedro

Meje Po Carte Juan Copiya Tatina, Pomonae Jesucristo Pejume Cowantsiwi Tatinatsi. Barapo Carte Peopi Carucuae Carta.

Meje yabara po diwesi xua pon naca ajuntuyarusuya exana

¹ Pacata yabara tinatsi pon pewen “Pejume”, baraichi, pon jiwi ajuntuyarusuya exainchi. Bapon asu caena bayatha poxonae Nacom abu cataunxuae jopa exanaeyo wanacua. Poxonae bapon naexana wanacuatha, bapoxonae bexa poxonae bapon cueicueije diwesi bara bapoxonae barapon pajume tan. Barapon bara yatsicaya patan. Yawa bapon bara pacobe jayabeiban. ² Barapo peajuntuyarusuwa Nacom exana, po peajuntuyarusuwa xua ataya tsiteca, xua pata yabara yaputaewa baxua. Barapon Nacom Pexanto tatsi xeina barapo peajuntuyarusuwa, matautano patan barapon. Daxota yabara paca tsipaebatsi bapon. Yawano daxota yabara paca tsipaebatsi barapo peajuntuyarusuwa xua bapon xeina, pon Paxatha peecaexae. ³ Paca tsipaebatsi xua bayatha patan yawa xua pajume tanno, caemonae painya naexanaenexa paxantha, peburuya wajume cowantsixae Jesucristo. Icha paxan paichin xua Nacomtha Waxatha caemonae panaexanan yawa Pexantotha pon Jesucristo, bara paichinderu. ⁴ Daxota bara po coyenein pacata tinatsi xua bichocono pata tajuntu coyene weiweinaewa tsane.

Meje yabara xua Nacom pexainyei juntu coyene peyacuiya jinaein

⁵ Po diwesi Jesucristo pana cuiduba barapo diwesi xuya paca tsipaebatsi xua Nacom pexainyei juntu coyene peyacuiya jinaein. Bapon jopa xeinaeyo peacuirube coyenewa pejuntu coyenewatha, tsipei bapon bichocono pejuntu coyene xeicaein. ⁶ Icha jeichichi: “Waxainchi Nacom yawa jinompatsi, be caemonae peburuya nacayawa jinompatsi Nacomtha”, jeichichi, dai-chitha caena poxonae saya abe exanatsi, bapoxonae saya apara naerabatsi xua pocotsiwa wapaebiwa baxua, yawa naerabatsi xua exanatsi. Matautano jopa yawa muxuna jinompaetsi Nacom pia pexainyei coyenewa tatsi. ⁷ Ichitha icha cajinompatsipatsi Nacom Pejume Diwesi wajuntu coyeneintha yawa xua exanaetsipatsi pocotsiwa xua Nacom ichichipa bara nexata peburuya caemonae naexanatsi. Jesucristo jana pichapabarena poxonae tupa, pon Nacom Pexanto tatsi. Barapon pon Nacom Pexanto tatsi petupaexae naetotha, daxota Nacom naca juntu coyene wejuntemaina exana daxita abe waexanae cuiru coyenein.

⁸ Icha jeichichi: “Jopa abe taexanaewa”, jeichichi, apara bara wacoutha namuxujainyabatsi pocotsiwa wapaebixae. Matautano wajuntu coyeneintha jopa xeinaetsi pexainyei coyenewa. ⁹ Ichitha icha Nacomtha yabara tsipaebatsi xua abe waexanaewa, xua jeichichi: “Nacom auran yaitama abe exanan”, jeichichi, bapoxonae Nacom naca juntu coyene wejuntemaina exana abe waexanae cuiru coyenein xua daxita naca wexuba. Baxua Nacom exana, tsipei bapon yabara baru jume cui cowantatsi xua peexanaewa tsane pocotsiwa pepaebiwa. Matautano tsipei bapon bara xaniwaichiya peexanaein. ¹⁰ Icha jeichichi: “Jopa abe exanaetsi”, jeichichi, apara bara yabara jume cuiya exanatsi xua Nacom pon jiwi pemuxuitorobin, tsipei Nacom naca yabara jei: “Barapomonae abe peexanaewi”, naca yabara jei. Yawano Nacom Pejume Diwesi jopa xeinaetsi wajuntu coyeneintha.

2

Meje yabara xua Cristo pon wanaca yabara jume yawenaein Nacomtha

¹ Pomonae be tamonae tapaca canatsicotaewichi pam, iru painya nejume cowantsixae Jesucristo, yabara pacata tinatsi barapo coyene xua abe painya neexanaeyainwa. Daichitha icha waxainchi abe exanatsi barapara waxainchi nantaütatsi Jesucristo pon wanaca yabara jume yawenaein Nacomtha xua Paxathaxae. Bapon matauta juntu coyene xanepanaya peexanaein.

² Barapon Jesucristo petupaexae naca yantomata daxota Nacom naca capanepa abe waexanae cuiru coyenein weya. Jopa meisa waxainchi nexa apara bara iru daxita barapo cae pin nacuanthapiwi tatsitupatsi abe pia peexanae cuiru coyenein tatsi.

³ Icha jume cowantsiya exanatsi pocotsiwa Nacom pia peitorobi jume diwesitha paeba, nexata bara yaputainchi, xua bara xaniwaicha wayaputaewaba Nacom. ⁴ Icha ichun jei: “Xan Nacom yaputan”, jei, xua daichitha jopa exanaeyo pocotsiwa Nacom pia peitorobi jume diwesi paeba, apara bapon pon jiwi pemuxuitorobin, yawa pejuntu coyenewatha jopa xeinaeyo pexainyei coyenewa. ⁵ Seicaya nama pon exana pocotsiwa xua Nacom itoroba pon waxainchi jiwanatsi, nexata bara yaputainchi xua bapon xanepanaya antobe Nacom. Daxota waxainchi nayaputainchi xua bara peburaya caemonae nacayawa jinompatsi Nacomtha. ⁶ Pon xua jei: “Nacom yawa poponan, caemonae peburaya nacayawa poponan Nacom”, jei, bapon bewa yajuntu coyene wunaeya poponae, icha bayatha Jesucristo ichi xua bapon beta xanepanaya yajuntu coyeneya popona.

Meje yabara xua Nacom pia pena peitorobi diwesi jume

⁷ Tamonae pam pomonae bichocono tapaca caantobewichi pam, iru painya nejume cowantsixae Jesucristo, anoxuae pacata tinatsi barapo peitorobi diwesi xua jopa pena diwesiyo, tsipei caena bayatha barapo diwesi paxeiname poxonae aena pajume cowantame. Barapo peru itorobi diwesi jume caena bayatha pajume taneme. ⁸ Ichitha po diwesi xua anoxuae pacata tinatsi, barapo diwesi be pena diwesi naexana. Barapo peitorobi diwesi Cristo bara tsita pexainyei diwesichi, iruru paxam paca tsita pexainyei diwesi jume. Tsipei jiwi, copitha jopa yaputaeyo barapo Nacom pia pena peitorobi coyenewa tatsi ichaxota xua jei: “Nantiya pana naantobeinde”, jei. Icha be pocotsi coyeneya jata ichi poxonae jiwi jopa beta taeyo poxonae quirei. Ichitha anoxuae jiwi yaputane barapo Nacom pia pena peitorobi coyenewa tatsi daxota bara itacupatsi xua xanepanaya pejinompaewa, icha be pocotsi coyeneya jata ichi poxonae jiwi beta jinompa mataqueitha.

⁹ Icha ichun jei: “Xan Nacom yaputan”, jei, xua daichitha ita aenae-aeneya caseba nawita pontha xua iru jume cowantarü Cristo, bapon apara cataunxuae jopa yaputaeyo Nacom. ¹⁰ Pon antobe pontha xua iru jume cowantarü Cristo, bapon apara jame yaputane Nacom. Daxota bapon jopa exanaeyo po coyenein xua abe peexanaewa xua iru ichamonae peexanaewa tsane. ¹¹ Ichitha pon ita aenae-aenei pontha xua iru jume cowanta Cristo, bapon acuicoyenebeya popona be pocotsin jopa yaputaeyo Nacom. Bapon jopa xanepanaya poponaeyo, icha be pocotsi coyene jata ichi poxonae pon peitata nacutsin catsawa pona poxoru jopa xapain taeyo.

¹² Pomonae pexui pam, pacata tinatsi tsipei Nacom paca juntu wejuntemaina exana abe painya neexanae cuiru coyenewan xua Jesucristo painya nejume cowantsixae. ¹³ Pomonae pinyon pam, pacata tinatsi tsipei payaputaneme Nacom, pon Waxa, pon ataya pepoponaein, pon copiya popona poxonae aena daxita forota. Pomonae pewowi jiwi pam, pacata

tinatsi, tsipei caurimonae pia pentacaponaein tatsi paamanayabame poxonae paca jũntũ coyene jũjũta xua abe painya neexanaewam tsane.

¹⁴ Pomonae pexui pam, pacata tinatsi, tsipei payaputaneme Nacom, pon Waxa. Pomonae pinyon pam, pacata tinatsi tsipei payaputaneme Nacom, pon ataya popona, pon copiya popona poxonae aena daxita forota. Mataũtano pewowi jiwi pam, pacata tinatsi tsipei bichocono paajũntũcoyenesũm, yawano xanepanaya pajume cowũntame Nacom Pejume Diwesi, mataũtano tsipei pajũntũ coyene amanayabame caurimonae pia pentacaponaein tatsi.

¹⁵ Jopa bichocono paichichipaeinde pocotsiwa xua abe po cae pin nacuathe. Mataũtano jopa bichocono pacayabara nanta xeinaeya ichichipaeinde xuan pocotsiwan xeina pomonae jopa pejume cowũntsiwi pomonae jinompa po cae pin nacuathe. Icha ichũn saya ichichipa bichocono xua xuan xeina pomonae jopa pejume cowũntsiwi bapon jopa apara antobeyo Nacom, pon Waxa. ¹⁶ Penasi cui tatae coyene Nacom jopa itorobiyo xua barapo cae pin nacuathe tsique nexa. Apara pomonae jopa pejume cowũntsiwi pia coutha exana barapo penasi cui tatae coyene. Mataũtano Nacom jopa itorobiyo xua abeya peichichipae coyene xua peuwiya tae coyene. Mataũtano Nacom jopa itorobiyo po coyenein xua peabi coyenein ichamonaetha, xua pexeinaexae copei. Barapocotsi coyenein Waxa Nacom werena jopa pichipaeyo. Saya apara pomonae jopa pejume cowũntsiwi pia coyene tatsi. ¹⁷ Barapo cae pin nacue weraweracaena, yawano muxuna weraweracaena xua xuan abe peexanae cuiru coyenein. Ichitha pon exana pocotsiwa Nacom ichichipa bapon jame ataya poponaena Nacomtha.

Meje xua pexainyeiwa yabara, yawa xua penaerabiwa yabara

¹⁸ Pomonae pexui pam, bara nama imoxoyo tsane po matakabi Nacom daxita weraweraca exanaena barapo cae pin nacua. Bayatha pajume taneme xua jei: “Imoxoyo patopaena pon Cristo pia peaitafaetabinchi”, jei. Ichitha bayatha pata pinmonae, pomonae Cristo pia peaitafaetabiwichi. Daxota yaputainchi xua bara nama imoxoyo tsane po mataqueitha Nacom weraweraca exanaena barapo cae pin nacue. ¹⁹ Barapomonae pomonae Cristo pia peaitafaetabiwichi copiya naca baru nacaetuta poxonae nacaetuteibatsi, ichitha anoxuae bara weya naca wepu pona. Icha xaniwaicha barapomonae waxainchi jiwana tsipaetsi metha awiya cataunxuae naca baru nacaetuta dubenanaebiyaetsipa. Barapomonae waxainya weya pona, xua daxota jiwi taena xua barapomonae bara jopa wamonae jiwiyo xua jopa pejume cowũntsi jiwixae Cristo.

²⁰ Ichitha paxam Cristo paca cata Nacom pia Pejumope tũnaxũ tatsi pia painya nepaca baru jinompaenexa. Daxota paxam daxita yabara paca yaputane exana pexainyei coyenewa. ²¹ Paxam pacata tinatsi tsipei payaputaneme xua pexainyeiwa. Icha jopa payaputaetsipaem baxua, jopa pacata tinaetsipaetsi. Paxam payaputaneme pon ba xua xaniwaicha pepaebin jopa ba naerabiya paebiyo. ²² ¿Jintam pon pemuxuitorobinda? Pon xua jei: “Jesús apara Mesías aibi, pon Nacom itoroba”, jei, bapon apara pon pemuxuitorobin. Bapon Cristo pia peaitafaetabi jitonsti tsipei jume matawenta poxonae jiwi paeba xua pinae Cristo Nacom Pexanto tatsi xuano xua Nacom Cristo Paxa tatsi. ²³ Pomonae xua Nacom Pexanto tatsi jume itawetatsi xua pejume cowũntsiwa, barapomonae jopa nantaũtsiyo Nacomtha xua be Paxa tatsi. Ichitha pon Nacom Pexanto tatsi xanepanaya yabara paebatsi, xua jei: “Jesús apara Mesías pon Nacom itoroba”, jei, jame bapon nantaũta Nacom be Paxa tatsi.

²⁴ Daxota painya jũntũ coyeneintha pajume xeinare Nacom Pejume Diwesi xua bayatha pajume taneme poxonae aena pajume cowũntame. Icha painya jũntũ coyeneintha pajume xeiname xua pajume taneme bayatha, nexata baroxonae peburũya caemonae pana naexanaename Pexanto tatsitha yawa coxiyũntha, xua Nacomtha. ²⁵ Mataũtano Jesucristo yabara naca tsiwũnae muxu duta, naca jei: “Peajũntũyapusũwa paca catinchi po peajũntũyapusũwa xua ataya tsiteca”, naca jei.

²⁶ Yabara pacata tinatsi barapo coyenein pomonae xua painya nepaca muxujainyabiwa. ²⁷ Ichitha paxam Nacom pia Pejumope tũnaxũ tatsi paxeiname, po pejumope tũnaxũ tatsi paca cata Jesucristo. Baroxonae jopa nantawenonaeyo xua ichamonae paca cuiduba poxoru barapo Nacom pia Pejumope tũnaxũ tatsi paca cuiduba daxita coyenein. Po coyenein Nacom pia Pejumope tũnaxũ tatsi paca cuiduba baraxua pexainyeiwa, mataũtano jopa pemuxuitorobiwa. Bara paichinde caemonae peburũya pana naexande Cristotha, icha Nacom pia Pejumope tũnaxũ tatsi ichi xua yabara paca cuiduba xua po coyene painya neexanaewa tsane.

²⁸ Pomonae pexui pam, antabusũya caemonae peburũya pana naexande Cristotha xua jopa wajunuwinexa xua poxonae bapon patopaetsica barapo cae pin nacuathe. Yawa caemonae pana naexande Cristotha xua jopa waaura tsane barapon peitabaratha xua abe waexanaexae poxonae patopaetsica. ²⁹ Bayatha payaputaneme xua Jesucristo pon jũntũ coyene xanepanaya peexanaein. Barichi bewa payaputaename pomonae jũntũ coyene xanepanaya peexanaewi, barapomonae barapara Nacom pia pexui tatsi.

3

Meje yabara xua Nacom pia pexuimonae tatsi

¹ Maisa Nacom Waxa jopa juniya naca antobeyo. Daxota Nacom copata xua naca yabara jei: “Nacom pia pexui tatsi”, naca yabara jei. Jopa jume, bara barapomonaetsi. Daxota barapo cae pin nacuepiwi jopa naca yaputaeyo xua Nacom pia pexuimonaetsi, tsipei barapomonae jopa bayatha yaputaeyo Nacom. ² Pomonae tapaca caantobewichi pam xua irũ painya nejume cowũntsixae Nacom, waxainchi bara Nacom pia pexuimonaetsi. Anoxuae cataunxuae jopa nayaputaetsi xua bexa tsane eta po coyeneya naca cana exanaena. Ichitha yaputainchi xua poxonae Jesucristo patopaetsica, waxainchi naexanaeinchi icha barapon jũta coyeneya ichi. Tsipei bapon bara yatsicaewa taeinchi. ³ Pomonae Jesucristo wũnae ewatatsi xua pepatopae wũnae, barapomonae najũntũ coyene xanepana exana, xua jopa xeinaeyo peabe coyenewa, icha Jesucristo ichi xua bichocono pejũntũ coyene xanepanaein xua jopa xeinaeyo peabe coyenewa.

⁴ Daxita pomonae abe peexanaewi, barapomonae Nacom yabara paebina xua penatsicuentsiwa abe peexanaexae bapontha. Tsipei poxonae abe exana taacoibichi xua exana pocotsiwa Nacom pia peitorobi diwesi jume paeba. ⁵ Paxam payaputaneme xua Jesucristo patopeica barapo cae pin nacuathe, wanaca jũntũ coyene jũntemaina exanaenexa abe waexanae cuiru coyenein. Mataũtano payaputaneme xua bapon jopa abe exanaeyo. ⁶ Daxita pomonae peburũya caemonae naexana Cristotha, barapomonae jopa abe exana dubenanaebiyaeyo. Ichitha nama pomonae abe exana dubenanaebiya, barapomonae jopa Jesucristo yaputaetsi, mataũtano jopa pijimonae tatsichi. ⁷ Pomonae pexui pam, jopa pacopatsinde xua bara ichamonae paca muxujainyabina. Pon ba xanepana exana bapon ba bichocono pejũntũ

coyene xanepanaein, icha Jesucristo ichi xua bichocono pejuntũ coyene xanepanaya exanaein. ⁸ Ichitha pon ba xua abe exana ducuaenaebiya, apara bapon ba caurimonaē pia pentacaponaein tatsi pijimonaē jiwanaēpin tatsi. Tsipei caena bayatha, poxonaē aena Nacom daxita forota, caurimonaē pia pentacaponaein tatsi bapon abe peexanaein. Nacom Pexanto tatsi patopeica xua cana coyene weraweraca peexanaenexa caurimonaē pia pentacaponaein tatsi pia coyenewan tatsi.

⁹ Pomonaē Nacom pia pexui tatsi barapomonaē jiwana dapon ba aibi pon ba abe exana ducuaenaebiya, tsipei bapon yajuntũ cui coyeneya popona Nacom pia cui coyenewa tatsi. Bapon jopa itacũpaetsi xua abe exana ducuaenaebiya tsipei Nacom pia pexui tatsi jiwanaēpin tatsi. ¹⁰ Daxota yaputainchi pomonaē Nacom pia pexui tatsi, mataũtano yaputainchi pomonaē caurimonaē pia pentacaponaein tatsi pia pexui tatsi. Yabara yaputainchi pomonaē jopa xanepanaya exanaeyo, barapomonaē jopa Nacom pia pexui tatsi. Mataũtano yabara yaputainchi pomonaē jopa antobeyo ichamonaē pomonaetha pomonaē irũ pejume cowũntsiwi, barapomonaē jopa Nacom pia pexui tatsi.

Meje yabara xua poxonaē jei: “Caemonaē pebũrũya bara nantiya naantobe tsainchi”, jei

¹¹ Poxonaē aena pajume cowũntame, xua beya anoxuae, pajume taneme Nacom Pejume Diwesi. Barapo diwesitha jeye: “Caemonaē pebũrũya bara nantiya naantobe tsainchi”, jei barapo diwesitha. ¹² Waxainchi jopa bewa naexanaetsi icha ichi pon pewũn Caĩn, pon caena bayatha tũpa. Bapon Caĩn caurimonaē pia pentacaponaein tatsi pia jiton tatsi. Bapon peweicho bexuba. ¿Eta xua metha Caĩn peweicho bexuba? Caĩn peweicho uwiya bexuba, tsipei pocotsiwa Caĩn exana Nacom nexa, Nacom tsita abetsi. Ichitha nama pocotsiwa Caĩn peweicho tatsi exana Nacom nexa baxua jame Nacom tsita xanepanatsi.

¹³ Tamonaē pam, pomonaē irũ painya nejume cowũntsixae Jesucristo. Painya xoba panantũ exabame icha ichamonaē paca ita aenae-aeney pomonaē jinompa po cae pin nacuathe, pomonaē jopa pejume cowũntsiwi. ¹⁴ Waxainchi yaputainchi xua bewa werapaeinchi abe waexanaexae. Ichitha anoxuae peajuntũyapũsũwa xeinatsi, po peajuntũyapũsũwa ataya tsiteca waantobexae pomonaetha pomonaē irũ pejume cowũntsixae. Pon xua jopa antobeyo piamonaē jiwanaēpin tatsi, pon irũ pejume cowũntsin Nacom, bapon bequein popona ichitha jopa xeinaē tsane peajuntũyapũsũwa. ¹⁵ Pon ita aenae-aeneya caseba ichamonaē pomonaetha pomonaē irũ pejume cowũntsiwirũ Nacom, bapon Nacom tsitatsi be pon jiwi pejutebin. Payaputaneme xua pon jiwi pejutebin bapana jopa xeinaē peajuntũyapũsũwa pejuntũ coyenewatha, po peajuntũyapũsũwa ataya tsiteca. ¹⁶ Waxainchi yabara yaputainchi xua Nacom wanaca antobewa, tsipei Jesucristo naca tsitũpa naetotha wanaca antobexae. Daxota bewa copatinchi xua bara ichamonaē naca atene exanaena, xua bequein beya poxonaē tũpa naca exanaena ichamonaē nexa pomonaē irũ pejume cowũntsiwirũ. ¹⁷ Pebin ba xeina nawita xuan pocotsiwa ba nantawenona xua jũntema popona penaexanaewa tsane. Bapon cui tane pia jiton pon irũ pejume cowũntsiwirũ Nacom xua pon jopa xeinaeyo pocotsiwa nantawenona. Icha bapo pebin jopa pia jiton yabara nantanuweya nanta xeinaeyo xua peyawenaenexa, barapo pebin apara jopa Nacomtha tsita xeinaeyo peantobewa, po peantobewa Nacom xeina jiwi nexa. ¹⁸ Tamonaē pam, pomonaē irũ painya nejume cowũntsixae Jesucristo. Jopa bewa saya

ichamonaetha jeichi: “Paca antobetsi”, jopa bewa saya jeichi, poxonae jopa yawenaetsi barapomona. Jame bewa xaniwaicha yawenaetsi barapomona, bapoxonae jame yatsicaewa antobe tsainchi barapomona.

Meje yabara xua wajume cowuntsiya jinompaewa Nacomtha

¹⁹⁻²⁰ Poxonae yawenatsi ichamona bapoxonae yaputainchi xua bara xeinatsi po coyene pexainyei coyenewa. Xaniwaicha yaputainchi xua Nacom ichichipa pocotsiwa waxainchi exanatsi, bara bequein wajuntu coyene naca jei: “Jamaisa jopa beta exanaem”, bequein naca yabara jei. Waxainchi yaputainchi xua Nacom bichocono ainya cui, beyacaincha wajuntu coyene poxonae abe naca yabara paeba, tsipei Nacom daxita yaputane. ²¹ Tamona pam, paxam pomona tapaca caantobe jiwichi pam, painya nejume cowuntsixae Jesucristo. Bequein wajuntu coyene jopa abeya naca yabara jeiyo: “Jamaisa jopa beta exanaem”, jopa jeiyo, daxota awiya Nacom jume cowuntatsi xua waexanaewa pocotsiwa Nacom ichichipa. ²² Yawa Nacom naca cata pocotsiwa wucatsi wajume cowuntsixaetsi pia peitorobi diwesi jumein tatsi, yawano poxorua waexanaexae pocotsiwa Nacom ichichipa. ²³ Yawa Nacom pia peitorobi diwesi jume naca itorobiya jeye: “Taxanto Jesucristo pajume cowunde, yawa nantiya pana naantobeinde”, naca jei. ²⁴ Daxita pomona ba exana pocotsiwa Nacom pia peitorobi diwesitha paeba, barapomona Jesucristo yawa jinompa, barichi barapomona Jesucristo baru jinompatsi. Waxainchi yaputainchi xua bapon naca yawena ducuaenaebiya, tsipei nanajumope cata waxantha wanaca cuidubinexa barapo coyene.

4

Meje yabara xua Nacom pia Pejumope tñaxu tatsi, iru pomona Jesucristo abe peyabara paebiwichi

¹ Tamona pam, pomona tapaca caantobe jiwichi pam, iru painya nejume cowuntsixae Jesucristo. Jopa pajume cowuntsinde xua daxita pomona paca jei: “Paxan Nacom peitorobi jume pata paebiw pan”, paca jei. Jame maisa pajumare saya barapomona painya neyaputaenexa barapomona icha metha bara Nacom itoroba barapomona. Tsipei barapo cae pin nacuathepiwi jiwi ayei pomona penaerabiwi, pomona jei: “Paxan Nacom peitorobi jume pata paebiw pan”, jei. ² Ichitha paca itacupa xua payaputaneme pomona xeina Nacom pia Pejumope tñaxu tatsi. Icha barapomona paca jei: “Nacom Pexanto tatsi, pon Jesucristo, pepa jiton naexana barapo cae pin nacuathe”, jei, bapoxonae payaputaneme xua barapomona apara Nacom pia Pejumope tñaxu tatsi yawa jinompa. ³ Icha ichamona paca jei: “Nacom jopa itorobiyo Pexanto barapo cae pin nacuathe xua penaexanaenexa pepa jiton pewun Jesús”, paca jei, bapoxonae paxam payaputaneme xua barapomona ba jopa yawa jinompaeyo Nacom pia Pejumope tñaxu tatsi. Barapomona ba seicaya xeina icha pejumope tñaxu po jumope tñaxu Cristo ita aenae-aeneichi. Paxam bayatha pajume taneme xua barapo pejumope tñaxu bewa patopaetsica po cae pin nacuathe tsique. Bara xainyei bara bayatha barapo jumope tñaxu patopa po cae pin nacuathe tsique.

⁴ Tamona pam, paxam Nacom pijimona tatsi pam. Paxam pacui coyene amanayabame barapo penaerabi jiwitha. Tsipei po pejumope tñaxu paca yawa popona xua Nacom pia Pejumope tñaxu tatsi, barapo pejumope tñaxu bichocono peayapusu itorobiya coyenewa pexeinaein, beyacaincha

po pejumope t̄nax̄u po cae pin nacuathepiwi j̄unt̄u coyene itoroba dube-nanaebiyatsi xua abe peexanaenexa. ⁵ Barapo jiwi apara barapo cae pin nacuathepiwi, daxota barapomonae yabara cueicueijeï pocotsiwan barapo cae pin nacuathe xeina. Ichamonae ir̄u pomonae po cae pin nacuathepi-wixae barapo coyene baxuan jume naitaewatsiya exana. ⁶ Ichitha waxainchi Nacom piamonaetsi. Pomonae Nacom yaputainchi, barapomonae bara naca jume naitaewata. Ichitha nama pomonae jopa Nacom yaputaetsi, barapomonae jopa naca jume naitaewatsiyo. Daxota naca itac̄pa xua wayaputaewa pomonae cueicueijeï pexainyeï jume. Matāntano naca itac̄pa xua wayaputaewa pomonae cueicueijeï pemuxuitorobi jume.

Meje yabara xua Nacom peyawa cui jinaein xua bichocono peantobe coyenewa

⁷ Tamonae pomonae tapaca caantobewichi pam, ir̄u painya nejume cow̄antsixae Nacom. Bewa waxainchi nantiya naantobe tsainchi. Tsipei barapo peantobe coyenewatha Nacom naca cana exana xua waxeinaewa waantobe coyenewa. Daxita pomonae xua antobe ichamonae apara barapomonae bara Nacom pia pexui tatsi naexana. Matāntano barapomonae bara Nacom yaputainchi. ⁸ Nacom ba peyacuiya jinaein peantobe coyenewa. Daxota pon jopa tsita xeinaeyo ichamonae peantobe coyenewa apara poxoru jopa yaputaeyo Nacom, tsipei Nacom peyacuiya jinaein peantobe coyenewa. ⁹ Poxonae Nacom Pexanto itoroba Nacom naca tsita it̄ta pia peantobe coyenewa. Nacom Pexanto itoroba pon yatsicaya compa tatsi, barapo cae pin nacuathe tsique waxeinaenexa tsane peant̄uyap̄us̄wa, po peant̄uyap̄us̄wa ataya tsiteca. ¹⁰ Barapo yatsicaewa pepa peantobe coyenewa meje baxue: Poxonae ba Nacom antobetsi, baraxua ba jopa pepa peantobe coyenewiyo. Jame ba Nacom naca antobe baraxua ba jame yatsicaewa pepa peantobe coyenewa. Poxoru Nacom itorobica Pexanto wanaca wej̄ant̄emaina exanaenexa abe waexanae cuiru coyenein. Barapo coyene jame yatsicaewa pepa peantobe coyenewa.

¹¹ Tamonae, pomonae tapaca caantobe jiwichi pam, ir̄u painya nejume cow̄antsixae Nacom. Tsipei Nacom bichocono naca antobe, daxota xuya waxainchi bewa nantiya naantobe tsainchi. ¹² Dapon ba aibi pon bayatha Nacom tainchi. Ichitha icha waxainchi nantiya naantobe tsainchi, bapoxonae Nacom naca yawa poponaena. Nacom beta xaniwaichiya cana exana pia peantobe coyene waj̄unt̄u coyene berena. ¹³ Waxainchi natsita itapeinya xeinatsi, xua bara Nacom yawa jinompatsi, yawa xua Nacom naca yawa popona, tsipei Nacom nanajumope t̄nax̄u cata waxantha. ¹⁴ Paxan patan Jesucristo poxonae Nacom Pexanto itorobica. Daxota pajan: “Bara xainyeï xua Nacom Pexanto itorobica, xua barapon pecapanenebiyaenexa po cae pin nacuathepiwi xua abe pia peexanae cuiru coyenein weya tatsi”, pajan. ¹⁵ Pon ba xua jeye: “Bapon Jesús Nacom Pexanto tatsi”, jei, bapon apara bara yawa popona Nacom, ir̄u Nacom yawa popona bapon.

¹⁶ Daxota waxainchi Nacom yaputainchi, yawa jume cow̄antatsi xua xaniwaicha bara Nacom naca antobe. Nacom apara pon peyanth̄th̄ya jinaein xua pocotsiwa bichocono peantobe coyenewa. Pon xua bichocono antobe ichamonae, bapon apara bara yawa popona Nacom, ir̄u Nacom yawa popona bapon. ¹⁷ Daxota waxainchi yabara nacuiduba dubenanaebiyatsi xua bichocono peantobe coyenewa. Poxonae matacabi tsuxubi tsane po mataqueitha Nacom jiwi yabara paebina xua penatsicuent̄siwa Nacomtha, barapo matacabitha jopa junuwi tsainchi. Jume cow̄ant̄inchi xua Nacom jopa wanaca yabara paebiwa tsane xua abe waexanaexae. Icha Jesucristo

ichi xua jopa abe exana ducuaanaebiyayo poxonae popona po cae pin nacuathe, waxainchi barapocotsi coyeneya ichichi poxonae jinompatsi po cae pin nacuathe. ¹⁸ Poxonae antobetsi ichamonae barapo j̄nt̄u coyewewatha ba jopa cunuwichi barapomona. Tsipei barapo peantobe coyewewatha torotatsi pocotsiwa xua pejunuwiwa xua waj̄nt̄u coyene weya. Tsipei pon junuwa nayaputane xua atene tsaneba, penayaputaexae xua abe exana. Pon ba junuwa jopa xeinaeyo peantobe coyenewa, po peantobe coyenewa Nacom weya.

¹⁹ Waxainchi daxota Nacom antobetsi tsipei bapon copiya pew̄naeya naca antobe. ²⁰ Icha pebin jei: “Xan Nacom antobein”, jei, xua daichitha caena ita aenae-aeneya caseba pia jiton pontha xua ir̄u jume cow̄ntar̄u Nacom, apara barapo pebin pon jiwi pemuxuitorobin. Icha jopa antobeyo pia jiton pon peyaitaexae, barichi bapon jopa antobeyo Nacom pontha xua jopa yaitaeyo. ²¹ Nacom nacata itoroba pia peitorobi diwesi jume. Barapo diwesitha naca jeye: “Pon ba xua Nacom antobetsi, bapon ba bewa muxuna antobe tsane pia jiton pontha xua ir̄u jume cow̄ntar̄u Nacom”, naca jei barapo diwesitha.

5

Meje yabara poxonae xua waxainchi j̄nt̄u coyene amanayabatsi pomona jopa jume cow̄ntsiwi

¹ Pon ba bichocono tsita xeina pejume cow̄ntsiwa Jesús pon xua jei: “Jesús apara bara bapon pon Nacom itorobica, pon Mesías jeichichi”, jei, bapon jame Nacom Pexanto tatsi naexana. Daxita pomona antobe Nacom xua paxatha, barichi barapomona muxuna antobe Nacom pia pexui tatsi pomona ir̄ar̄u pejume cow̄ntsixae. ² Poxonae waxainchi Nacom antobetsi xuano exainchi pocotsiwa Nacom pia peitorobi coyewewantha itoroba, bapoxona yaputainchi xua bara antobetsir̄u Nacom pia pexui tatsi. ³ Poxonae Nacom antobetsi, bapoxona jume cow̄ntsiya exanatsi pocotsiwa paeba Nacom pia peitorobi diwesi jumeintha. Nacom pia peitorobi diwesi jumein jopa ayapubeyo xua yabara jume cui cana exana. ⁴ Daxita pomona Nacom piamona tatsi, barapomona j̄nt̄u coyene amanayaba pontha pon jiwi j̄nt̄u coyene itorobatsi po cae pin nacuathepiwi xua abe peexanaewa tsane. Wajume cow̄ntsi coyenewa Nacomtha, barapo coyewewatha naca yawena xua waj̄nt̄u coyene amanayabiwa pontha pon jiwi j̄nt̄u coyene itorobeibatsi po cae pin nacuathepiwi xua abe peexanaewa tsane. ⁵ Saya pomona jame jume cow̄nta, xua pejeiwa: “Jesús apara Nacom Pexanto tatsi”, jei, jame barapomona j̄nt̄u coyene amanayaba bapontha pontha pon jiwi j̄nt̄u coyene itorobeibatsi po cae pin nacuathepiwi xua abe peexanaewa tsane.

Meje yabara xua po diwesi Nacom Pexanto tatsi yabara

⁶ Bapon Jesucristo patopeica po cae pin nacuathe tsique. Poxonae bapon bautisabatsi, yawa poxonae naetha t̄pa exanatsi, xua poxonae jana pichapabarena, barapo naxobe cui coyenebe naca yaputane exana xua bapon Jesucristo, apara bara Nacom Pexanto tatsi. Saya meisa jopa naca yaputane exanaeyo xua poxonae bautisabatsi, bara yawa ir̄u naca yaputane exana xua poxonae naetha t̄pa exanatsi, yawa xua poxonae jana pichapabarena. Nacom pia Pejumope t̄nax̄u tatsi yabara paeba daxita baxua. Barapo Nacom pia Pejumope t̄nax̄u tatsi bara xaniyeya pepaebin. ⁷ Nacom naca yaputane exana xua Jesucristo bara Nacom Pexanto tatsi poxonae cueicueijeie acoibi po jumeyobe peitaboco wetsica. ⁸ Barapo jume apara

poxonae Nacom naca tsipaeba wajuntɩ coyenewatha. Yawano barapo jume po jume xua cueicueije poxonae Jesús bautisabatsi. Yawano barapo jume po jume xua cueicueije poxonae bara nama imoxoyo tɩpaena Jesús. Barapo acoibi jumeyobe peɩɩɩɩ cuita caunuta xua jei: “Bapon Jesús apara Nacom Pexanto tatsi”, jei. ⁹ Ba jume cowantatsi po jumein jiwi paeba. Ichitha po jume nama Nacom Pexanto yabara paeba, barapo jume jame bichocono peainya cui jume, beyacaincha po jumein xua jiwi paeba. Daxota bewa jume cowantichi po coyene xua Nacom Pexanto yabara paeba. ¹⁰ Pon ba Nacom Pexanto tatsi jume cowantatsi, bapon ba pia juntɩ coyenewa tsipaebatsi xua bara bapon ba Jesucristo yatsicaewa Nacom Pexanto tatsi. Pon jopa Nacom jume cowantichi, bapon nanta xeina xua Nacom naeraba xua pon jiwi pemuxuitorobin, tsipei bapon jopa jume cowantsiyo po coyene Nacom Pexanto yabara paeba. ¹¹ Barapo jume, po jume Nacom Pexanto yabara paeba, barapo jume wajuntɩ coyenewatha jume tainchi, naca jeye: “Nacom peajuntɩyapɩɩɩɩ naca cata po peajuntɩyapɩɩɩɩ ataya tsiteca, po peajuntɩyapɩɩɩɩ Nacom Pexanto tatsi pia xainya werena tapichapatsi”, jei barapo jume. ¹² Pon ba Nacom Pexanto tatsi yawa popoinchi, bapon xeina barapo peajuntɩyapɩɩɩɩ. Ichitha pon Nacom Pexanto tatsi, jopa yawa poponaetsi, bapon jopa xeinaeyo barapo peajuntɩyapɩɩɩɩ, po peajuntɩyapɩɩɩɩ ataya tsiteca.

Meje yabara poxonae Juan muxu tsipaeba, poxonae imoxoyo nacobe weta xua tina

¹³ Pacata tinatsi paxam, pomonae pajume cowantame, Nacom Pexanto tatsi. Po coyenein xua pacata tinatsi, apara xua painya neyaputaenexa xua bara paxeiname peantɩyapɩɩɩɩ, po peantɩyapɩɩɩɩ xua ataya tsiteca.

¹⁴ Waxainchi bichocono yabara jume cowantatsi Nacom xua wanaca yawenaewa tsane. Tsipei yaputainchi poxonae wɩcatsi pocotsiwa Nacom ichichipa, bapoxonae Nacom bara naca jume tane pocotsiwa yabara xua wawɩcaexae. ¹⁵ Tsipei yaputainchi xua Nacom naca jume tane poxonae wɩcatsi, daxota yaputainchi xua bara xeinatsi pocotsiwa wɩcatsi Nacom.

¹⁶ Icha taneme xua ichɩn abe exana pon irɩ jume cowanta, xua ichitha pocotsiwa bapon exana jopa tɩpa naexanaeyo, bapoxonae Nacomtha tawɩcare bapon. Bapoxonae Nacom cana exana xua bapon xeina peantɩyapɩɩɩɩ. Ichitha icha jiton abe exana pocotsiwa xua tɩpa naexana jopa catsipaebichi xua Nacomtha tawɩcame bapon. ¹⁷ Daxita pocotsiwan jiwi abe exana daxita baxuan Nacom tsita abetsi. Daichitha barapo abe peexanae coyene jiwana xua icha abe peexanae coyenewa barapo abe peexanae coyene jopa tɩpa naca cana exanaeyo.

¹⁸ Yaputainchi pon yawa popona Nacom xua pia Paxaxae, bapon jopa exanae ducuanabiyayeyo abe peexanae cuiru coyenein, tsipei Nacom Pexanto tatsi yawena xua bapon yawenatsi. Matautano caurimonae pia pentacaponaein tatsi jopa itacɩpaetsi xua bapon peitorobiwatsi xua abe peexanaewa tsane. ¹⁹ Yaputainchi xua bara Nacom piamonae tatsichi, yawa yaputainchi xua caurimonae pia pentacaponaein tatsi itoroba daxita po cae pin nacuathepiwi xua abe peexanaewa tsane. ²⁰ Yaputainchino xua Nacom Pexanto tatsi bayatha patopeica barapo cae pin nacuathe, yawa naca tsipaeba Nacom Pejume Diwesi wayaputaenexa Nacom, pon pexainyein. Matautano yawa jinompatsi Nacom Pexanto tatsi, pon pexainyein, pon Jesucristo. Barapo Nacom pexainyein pon naca cata peantɩyapɩɩɩɩ, po peantɩyapɩɩɩɩ xua ataya tsiteca. ²¹ Tamonae pam, jopa pajume cowantsinde ibo nacomɩn.

Baja Juan.

Meje Po Carte Juan Epatotha Tatina, Pomonae Jesucristo Pejume Cowantsiwi Tatinatsi. Barapo Carte Epatowa Carta.

Meje xua pexainyei diwesi yabara, yawano peantobe diwesi yabara

¹ Xan Juan, pon bayatha pitirin naexanan, pacata tinatsi barapo carte pomonae pam pomonae panacaetutame Nacom painya nejume cowantsixaem. Nacom paca itapeta painya paca exanaenexa piamonae. Iru tatinan pomonae paca baru nacaetuta pomonae be painya pexui natsicotane. Xaniwaicha betiya paca antobetsi painya neyaputaexae pexainyeiwa. Matautano ichamonae paca antobe pomonae yaputane pexainyei jumein. ² Xan bichocono paca antobetsi poxoru painya nejume cowantsixae Nacom pia pexainyei diwesi tatsi. Barapo pexainyei diwesi wajuntu coyenewantha cajinompeibatsi anoxuae, matautano xua ataya tsane. ³ Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa iru Jesucristo Wanacanamataxeinaein pon Nacom Pexanto tatsi baponbe naca yawenabe. Baponbe naca yawenaena, matautano amanayiya baponbe naca yabara nantanuweya nanta xeinaena pia wanaca yawenaenexa. Matautano baponbe jantema jinompa naca exanaena.

⁴ Juntu coyene weiweinan tsipei painyamonae jiwana cui tan, xua beta pejinompaewa. Barapo painyamonae exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba. ⁵ Paxam, iru painya nejume cowantsixae Nacom, paca tsipaebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonae aena jume cowantatsi. ⁶ Icha waxainchi Nacom antobetsi, barapoxonae bewa jume cowantsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonae aena pajume cowantame. Barapo peitorobi diwesi jume naca jeye: “Nantiya pana naantobeinde”, jei.

Meje yabara pomonae jiwi pemuxujainyabi jiwi

⁷ Po cae pin nacuathe jiwi ayei jinompa, pomonae jiwi pemuxujainyabi jiwi. Barapomonae jeye: “Nacom jopa itorobiyo Pexanto barapo cae pin nacuathe, pon pewan Jesucristo xua pepa jiton naexana”, jei barapomonae. Pomonae xua bapocotsiwa paeba, bapomonae apara pomonae jiwi pemuxujainyabi jiwi yawa bapomonae Cristo abe peyabara paebiwichi. ⁸ Dota pam bu caurimonae paca juntu coyene jujuta, abe painya neexanaewa tsane, xua daxota Nacom painya nepaca catsinexa pentoma xua abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

⁹ Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nantaustiyo Nacom xua be Paxa. Ichitha jame pon exana ducuaenaebiya pocotsiwa xua Jesucristo pia pecuidubi coyenewatha paeba, bapon jame nantauta Nacom be Paxa, matautano nantauta Jesucristo pon Nacom Pexanto tatsi. ¹⁰ Icha ichun paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesús pia pecuidubi

coyenewa tatsi bapoxonae bapon jopa matenta weiweinaya pajacobinde painya bo berena. ¹¹ Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara irur̃ abe exanar̃ icha be bapon ichi pon ichan pon pia botha petapatopaexaetsi.

Meje yabara poxonae xua Juan opi wetaba po carte

¹² Ainya diwesiñ bequein cataunxuae xeinan xua tapaca camuxu tsipae-biwa tsainchi, ichitha jopa beyabara tinaeinyo paperatha barapo diwesiñ. Daichitha ewatan xua tapaca cataewa tsainchi bexa, matautano xua tapaca catsipaebiwa tsainchi. Bapoxonae wajant̃ coylene weiweinaenexa tsainchi bichocono.

¹³ Pomonae ir̃ Nacom pejume cowantsiwi icha paxam paichim, pomonae ir̃ Nacom itapeta, barapomonae paca jacobae.

Baja Juan.

Meje Po Carte Juan Cotacaya Tatina, Pomonae Jesucristo Pejume Cowantsiwi Tatinatsi. Barapo Carte Petabꞥ Carucuae Carta.

Meje yabara poxonae Juan jꞥntꞥ weiweinaya tatina, Gayo tatinatsi

¹ Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowantsixae Nacom pia pexainyei diwesi jume tatsi.

² Pon tacaantobetsim, pon be tayapin tacanatsicotaeinchi irꞥ nejume cowantsixae Nacom. Nacomtha cata wꞥcatsi xua jꞥntema nepoponaewa tsane xuano xua axaibiya nepoponaewa tsane, icha be ichim xua beta xaniwaicha poponame Nacom peitabaratha tatsi. ³ Bichocono jꞥntꞥ coyene weiweinan poxonae ichamonae pomonae pejume cowantsiwi jiwana taxantha pata yawa netsipaeba. Barapomonae cayabara paeba xua pinae yajꞥntꞥ coyeneya popona ducuaenaebiyame Nacom pia pexainyei coyenewa tatsi. Bara xainyei bara barapo coyenewa exaname. ⁴ Dapocotsiwa aibi pocotsiwa jume tan pocotsiwa xua nejꞥntꞥ coyene weiweina exana beyacaincha xua poxonae jume tan xua tajiwiwimonae xaniwaicha beta jinompa Nacom peitabaratha tatsi pejume cowantsixae Jesucristo.

⁵ Pon tacaantobetsim, pon be tayapin tacanatsicotaeinchi irꞥ nejume cowantsixae Jesucristo. Bichocono xanepanaya exaname xua Nacom nexa xua poxonae yawename pomonae Jesucristo pejume cowantsiwichi, matautano poxonae yawename pomonae icha nacuan werena pepatsiwi, pomonae bequein jopa neyaitae jiwi. ⁶ Barapomonae pomonae icha nacuan werena pepatsiwi pomonae Jesucristo pejume cowantsiwichi jeichichi: “Maisa bichocono pana antobe Gayo tsipei pana yawena”, jei barapomonae. Cawꞥcatsi xua barapomonae equeicha neyawenaenexa xua pocotsiwa barapomonae nantawenona xua poxonae warapaena jinya neexanaenexa po coyenewa Nacom ichichipa bichocono. ⁷ Barapomonae ponarꞥcꞥpa xua Jesucristo petanacuichiwa tsainchi. Barapomonae jopa wꞥcaeyo pomonaetha pomonae jopa pejume cowantsiwi Nacom xua peyawenaenexatsi pocotsiwa penantawenonaewa. ⁸ Daxota bewa barapomonae yawenaetsi xua bapoxonae barapara irꞥ barapomonae nanabarꞥ cueicueijeichi pexainyei jume diwesi.

Meje yabara po diwesi xua Diótréfes abe exana xuano irꞥꞥ Demetrio beta exana

⁹ Xan caena bayatha icha coyenewiyo tatinan Jesucristo pejume cowantsiwichi. Daichitha Diótréfes jopa jume cowantsiyo taitorobi coyenewa, tsipei barapomonae pomonae Jesucristo pejume cowantsiwichi pia xantha tatsi Diótréfes ichichipa naexana be pon pecanamataxeinaein.

¹⁰ Daxota icha ponaein nexainya beya, yabara catsipaebinchi bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wꞥnae weyataeya wabeibiyo pomonaetha pomonae Jesucristo pejume cowantsiwichi. Irꞥꞥ pomonae jiwi pententa weyataibiya wabeibiwi, baxuan cui matawentatsi, yawa bapon barapomonae itaweta pomonae Jesucristo pejume cowantsiwichi itawetatsi.

¹¹ Pon tacaantobetsim, pon be tayapin tacanatsicotaeinchi irꞥ nejume cowantsixae Jesucristo jopa acuicoyenebeya poponaende icha poxonae

ichun ichi xua acuicoyenebeya popona. Saya jame maisa beta exanaponde icha poxonae ichun ichi xua beta exanapona. Pon ba beta exana pocotsiwa Nacom itoroba apara bara Nacom piamonae jiwi jiwana tatsi. Ichitha pon ba abeya popona, apara jopa poxoru yaputaeyo Nacom.

¹² Daxita jiwi Demetrio xanepanaya yabara paebatsi. Pocotsiwa xua bapon exana, naca yaputane exana xua bara bapon xainyeya peexanaein. Iruru xan xanepanaya yabara paeban Demetrio. Matautano yaputaneme xua pocotsiwa paeban bara xainyei.

Meje yabara xua Juan opi wetaba po carte

¹³ Xam Gayo ainya diwesin bequein cataunxuae xeinan xua tacamuxu tsipaebiwa tsainchi, daichitha jopa beyabara tinaeinyo paperatha barapo diwesin. ¹⁴ Bara nama methaunxuae catayopiyaeinchi nexata bapoxonae wanatsipaebiwa tsanebe.

¹⁵ Bara Nacom juntea popona caexanaena. Pomonae xote jinompa pomonae be jinya jiwimonae, barapomonae cajacoba. Inta jacobare daxita wajiwimonae.

Baja Juan.

Meje Po Carte Judas Tatina Pomonaetha Pomonae Jesus Pia Pejume Cowantsiwichi

Meje poxonae Judas tamropata pitaba xua tatina pomonaetha pomonae bayatha Nacom waba xua pia pejume cowantsinexatsi

¹ Xan, Judas, ponxaein tanacuitan amanaya Jesucristo tacoya taichichipaexae. Xan Santiago peweicho tatsin. Barapo carte pacata tinatsi pomonae pam, pomonae bayatha Nacom Waxa itapetsiya paca waba, xua painya nejume cowantsinexa. Nacom bichocono paca antobe. Nacom Pexanto tatsi pon Jesucristo beta paca yapu eena xua beta painya nejume cowantsinexa Nacom. ² Barabux Nacom jopa juniya paca yabara nanta xeinae tsane xua nantanuweya paca yabara nanta xeineibina pia paca cayawenaenexa. Matautano barabux Nacom bichocono jantema jinompa paca exanaena. Matautano barabux Nacom paca catsibina pia peantobe coyenewa painya neyawa muxuna jinompaenexa.

Meje yabara xua pomonae pemuxujainyabiya cuidubi jiw

³ Paxam pomonae bichocono tapaca caantobewichi pam. Maisa bichocono ichichipan xua yabara tapacata tinaewatsi pecapanenebiyae coyenewa xua po coyenewatha Nacom paca capanepa abe painya neexanae cuiru coyenein weya. Barapo coyenewatha Nacom necapaneparux barapo coyene weya. Bequein ichichipan yabara pacata tinatsi baxua, daichitha anoxuae jopa neitacupaeyo. Jame bewa copiya yabara pacata tinaeinchi xua painya nejume cowantsiwa. Paca itorobatsi xua naitomatsiya jume daunweya yabara painya paebinexa painya nejume cowantsiwa, bequein ichamonae paca atene exana painya nejume cowantsixae Jesús. Barapo pejume cowantsiwa Nacom caena bayatha caetha nacui coyene cata pijimonae, xua barapomonae xuya penacui coyene cacataponaeenexa ichamonae. ⁴ Bara barapocotsiwa paca tsipaebatsi, tsipei jiw namichiya jinompa painya xantha pomonae pemuxujainyabiya cuidubi jiw xua jopa pacui yaputaem pocotsiwa barapomonae exana. Caena bayatha barapomonae Nacom Pejume Diwesitha yabara tinatsi xua barapomonae pinae bewa atene tsane abe peexanaexae. Barapomonae peajuntucoyenebe jiw. Matautano barapomonae jiw muxujainyabiya cuidubatsi xua pinae Nacom amanayiya capanepa jiw pia peantobexae. Nacom peantobexae jiw, daxota pinae Nacom copata xua jiw bara abe peexanaenexa. Barapomonae yabara jume itaweta, poxonae po jumetha ba jiw jeye: “Jesucristo, bapon yatsicaya compa pon Wanacaitorobin xuan Wanacanamataxeinaein”, jei.

⁵ Bequein payaputaneme xua bayatha Nacom, pon jiw Pecanamataxeinaein exana, daichitha ichichipan xua equeicha yabara tapaca tsipaebiwatsi baxuan. Nacom exana xua piamonae tatsi Egipto nacua wepanenebiya xua Israel nacua bepanenebiya. Bequein Nacom baxua cana exana daichitha pirapaeyo Nacom cana exana xua barapo israelmonae jiwamonae jutebatsi pomonae jopa pejume cowantsiwixaetsi. ⁶ Matautano payaputaneme xua Nacom cana exana matatsunpiwitha. Barapo matatsunpiw nacui barapenta pia peitorobi coyenewan bequein Nacom cata. Matautano barapomonae Nacom pia nacua weya tatsi pona xua nacou tomara cuenta warapa xua itaboco weyaxae. Daxota Nacom itoroba xua barapo matatsunpiwi peyamaxux cubiya jebinexatsi pequirei nacuatha beya, beya abux

poxonae po matabi tsane poxonae atene tsane poxonae Nacom yabara paebina daxita jiwi xua penatsicuentiwa xua abe peexanaexae. Barapo matatsunpiwi penaintontha maxu cabebatsi, po penainton jopa weraweracaeyo. ⁷ Pacayabara nanta xeinare xua poxonae po tomarabeta Nacom cana exana, po tomara pewun Sodoma yawa xua Gomorra, yawano xua poxonae ichaxota po tomarantha xua cuariyatha ena. Barapo tomaranpiwi abe exana xua poxonae cana siwainyameinta exana pebiwitha xua jopa be ichiyo xua pocotsi coyenewatha ba pebiwi cana exana yabuxitha. Nacom caunutsiya yabara paeba barapomonae xua barapomonae ataya tsitecaeya peraxa exainchi abe peexanaexae. Barapomonae naca tsita itapeinya xeina xua Nacom bara cana ichi tsane daxita jiwitha icha barapo tomarabepiwi cana ichichi.

⁸ Ichitha pomonae anoxuae yabara paca tsipaebatsi, pomonae pemuxujainyabiya cuidubi jiwi, barapomonae abeya nanta xeina dubenanaebiya, xua poxonae baxua yabara amachinae tsurubenanaebiya. Daxota barapomonae pia pepon abeya taxoba exana dubenanaebiya. Barapomonae itaweta Nacom pia peitorobi coyenewa pon jiwi Pecanamataxeinaein. Matautano barapomonae abe yabara paeba Nacom pia matatsunpiwi. ⁹ Nacom pia matatsunpin, po matatsunpin matabapana icha matatsunpiwi, bapon pewun Miguel. Bapon Miguel najume matsontsonobabe caurimonae pia pentacaponaein tatsi. Yabara najume matsontsonobabe xua Moisés pia pepon xua jintam metha pinae xeinaena. Miguel jopa nanta xeinaeyo xua xuya anaepanaya jume nota xua pejeiwa: “Maisa abe exaname daxota Nacom pon jiwi Pecanamataxeinaein atene cacana exanaena”, jopa jeyo, bara bequein itacupatsi xua pepaebiwa baxua. Saya jame Miguel jei: “Barabu Nacom caitawetsina”, jei Miguel. ¹⁰ Ichitha barapomonae pomonae pemuxujainyabiya cuidubi jiwi abe yabara paeba pocotsiwa barapomonae jopa yaputaeyo. Matautano barapomonae exana icha be pocotsi coyeneya ichichipa xua abe peexanaewa. Barapomonae baxua exana bequein jopa pexanepanayeyo taetha, icha duweimonae ichi xua poxonae exana be pocotsi coyeneya ichichipa. Daxota barapomonae pia coutha naajuntucoyenebe cana exana.

¹¹ ¡Jaibo, barapomonae tsobenae! Tsipei barapomonae Nacom jopa bejume cowuntichi icha be ichi pon pewun Caín, pon caena bayatha peweicho bexuba, peweicho peuwixae. Matautano barapomonae catsibatsi paratixi xua ichamonae catsiba xua barapomonae abeya coyeneya pecuidubixae. Tsipei barapomonae bichocono pitaparatixichi icha be poxonae ichi pon pewun Balaam poxonae paratixi catsibatsi xua ichamonae catsiba xua Balaam abeya coyeneya pecuidubixae. Matautano barapomonae jiwi juntu coyene tsacabatsi xua jiwi naba peexanaenexa Nacomtha daxota barapomonae werapaena. Baxua exana icha be poxonae pon pewun Coré ichi poxonae jiwi juntu coyene tsacabatsi xua jiwi naba peexanaenexa Moiestha, xua bapoxonae Coré tupa xua bexotsi. ¹² Poxonae paxam paexaname xua jiwi nacaetuta painya nenabanaenexa painya nenaantobexaem, barapomonae pomonae pemuxujainyabiya cuidubi jiwi paca caxinta pia peexanae coyeneintha. Barapomonae atsaquiya nabane, yawa atsaquiya apa. Saya jopa yabara nanta xeinaeyo ichamonae. Saya meisa barapomonae nayabara nanta xeina nawita. Poxonae barapo coyene exana, barapomonae abe paca cana exana. Po tsaquinaebowan ba xua jopa jiwi catichi mera, xua equeicha pin joibo tabu torota peira tsewi weya xua jopa peruneicaenexa tsane, barapo tsaquinaebowan ba jiwi jopa catichi mera, jiwi jopa yawenaetsi. Bara juta ichi barapomonae pomonae pemuxujainyabiya cuidubi

jiwi. Bequein barapomonaē pia coutha beta nayabara paeba, daichitha jiwi jopa yawenaetsi. Po naein ba xua jopa nacoichiyo pia matacabintha xua poxonaē nacoiteiba barapo naein jiwi ba yatabaca jona tsipei jopa naein pena-coichixae. Bara j̄ta ichi barapomonaē pomonaē pemuxujainyabiya cuidubi jiwi, jiwi jopa beta xapain jinompa cana exanaetsi. Daxota jiwi itaweta barapomonaē. ¹³ Ichamonaē aura exanatsi poxonaē barapomonaē abeya cuiduba xua jopa jiwi peyawenaexaetsi. Barapomonaē bichocono abe exana icha pin maratsaca doriton ichi xua pitapa beya bebeya xua thamthamei xua bichocono petsoreixae. Bara j̄ta ichi barapomonaē saya jiwi aura exanatsi abe peexanaexae daxota jiwi cuenta pona barapomonaē. Poxonaē opiteiton ba poton pia namton weya itaxanumeinyatsi saya pipato dubenanaebiya ataya ichaxota pequireiwatha. Bara j̄ta ichi barapo pemuxujainyabiya cuidubi jiwi, jopa xapain jinompaeyo po cae pin nacuathe. Daxota Nacom bebai tsane barapomonaē pia xainya weya ichaxota pequireiwatha xua bara ataya tsitecaeya tsane abe peexanaexae.

¹⁴ Barapomonaē pomonaē pemuxujainyabiya cuidubi jiwi yabara pae-batsi, xua ich̄n yabara paeba pon pew̄n Enoc. Ad̄n xeina seis poyobe pia pemomo susatopiwi xua napuna naexanapona beya poxonaē bapon naexana pon Enoc. Bapon Enoc pon caena bayatha Nacom pia nacua beicha caichatsi. Bapon Enoc yabara paeba barapomonaē pomonaē pemuxujainyabiya cuidubi jiwi, poxonaē cueicueijej̄ pocotsiwa Nacom yaputane exana. Bapon Enoc jeye: “Tan pon jiwi Pecanamataxeinaein. Bapon tan xua pia matatsunpiwi bar̄u patopeica, bichocono pin bicheito matatsunpiwi. ¹⁵ Bapon bar̄u patopeica matatsunpiwi xua jiwi atene peexanaewa tsainchi. Bapon yabara paebina daxita jiwi xua penatsicuentisiwa xua abe peexanaexae. Matātano bapon yabara paebina xua pocotsiwa bapomonaē abe exana Nacomtha. Matātano bapon yabara paebina pocotsiwa barapomonaē Nacom abe peyabara paebiwatsi”, jei Enoc. ¹⁶ Barapomonaē pomonaē pemuxujainyabiya cuidubi jiwi ichawa beya daxita coyeneintha abeya yabara paeba. Xua daxita coyenein petsita aitacoyenebexaetsi daxota barapomonaē jopa j̄nt̄u coyene weiweinaya jinompaeyo. Matātano meisa yabara nanta xeina xua piawan meisa penata exanaewan. Barapomonaē peatsacae jiwi bichocono. Bara bequein barapomonaē beta paeba ichamonaetha, saya poxoru xua peyabara muxujainyabinexa xua ichamonaē peyabara muxujainyabinexatsi pocotsiwa xeina.

Meje yabara xua Judas muxuweta pomonaetha pomonaē pejume cow̄ntsiwi xua pejume cow̄ntsiyainwa pemuxuitorobi diwesi

¹⁷ Equeicha paca tsipaebatsi pomonaē bichocono tapaca caantobewichi pam. Paxam bewa payabara j̄ntanainaem pocotsiwa bayatha paeba pomonaē Jesucristo pon jiwi Pecanamataxeinaein pia peitorobi jiwi tatsi. ¹⁸ Barapomonaē paca jeye: “Pew̄naeya tsane poxonaē po dapaetha Nacom yabara paebina jiwi xua penatsicuentisiwa xua abe peexanaexae copiya patsina pomonaē cui caponaena, pocotsiwa Nacom piawa tatsi baxua cui caponaeinchi. Matātano barapomonaē ichichipaeya exana dubenanaebiyaena icha be pocotsi coyeneya ichichipa xua abe peexanaewa”, jei barapomonaē pomonaē Jesús pia peitorobi jiwi tatsi. ¹⁹ Pocotsimonaē baxua exana xua abe exana, bapocotsimonaē tsaba exana piamonaetha xua barapo bicheitobe nacasebabe. Barapomonaē pomonaē abe peexanaewi exana xua pocotsiwan ichichipa peexanaewa. Barapomonaē jopa exanaeyo pocotsiwa Nacom ichichipa, tsipei jopa yawa jinompaeyo Nacom pia Pejumope t̄nax̄u tatsi.

²⁰ Ichitha nama paxam pomonae bichocono tapaca caantobewichi pam. Bayatha painya nejume cowuntsixaem Nacom, daxota awiya pana najuntũ coyene tsacabare. Awiya mataropeichiya painya nejume cocowuntaponaenexa po pejume cowuntsi coyeneya Nacom weya pona. Nacom pia Pejumope tũnaxũ tatsi pia peayapusũwatha tatsi rawũcare Nacom. ²¹ Beta payajuntũ coyeneya jinompare Nacom pia peantobe coyenewa tatsi. Rawũnae eware po maticabitha poxonae Jesucristo Wanacanamataxeinaein naca catsina peajuntũyapusũwa, po peajuntũyapusũwa ataya tsiteca. Baxua naca catsina tsipei Nacom nantanuweya naca yabara nanta xeina pia wanaca yawenaenexa tsane.

²² Ichamonae pomonae yabara ainya muxu pexeinaewi pemuxujainyabi diwesi barapomonae payabara nantanuweya yawende painya neantobexae xua jopa pejume cowuntsinexa barapo pemuxujainyabi diwesi. ²³ Ichamonae muxu pejume cowuntsi barapo pemuxujainyabi diwesi. Nainya payawende barapomonae painya neantobexae xua Nacom pecapanenebiyaenexa bapo abe peexanae cuiru coyene weya pejume cowuntsixae tsane Nacomtha. Panantanuweya yabara nanta xeinde ichamonae, painya neyawenaenexa tsane painya neantobexae xua irũ pejume cowuntsinexa tsane Nacom. Ichitha dota pam xua abe painya neexanaeyainwa icha poxonae xua barapomonae ichi xua poxonae abe exana.

Meje yabara xua Judas najume wetsiya wũnae jainta Nacom

²⁴⁻²⁵ Anoxuae nama yabara paca tsipaebatsi Nacom pon pepa Nacom pon nacata compa. Bapon bichocono peyaputaein. Barapon Nacom Wanacapanenebiyaein. Barapon pia peayapusũ itorobiya coyenewatha paca yapu eenaena xua jopa abe painya neexanaewa tsane. Mataũta Nacom paca cana exanaena xua jũntũ coyene xanepanaeya painya neumenaenexa tsane bapon peitabaratha tatsi. Mataũtano bapon paca cana exanaena xua bichocono painya nejũntũ coyene weiweinaya neumenaenexa tsane bapon pia pexeinya peitũpanae coicha itabaratha tatsi. Barapon Nacom waxainchi wũnae jaintatsi Jesucristo pon Wanacanamataxeinaein petũpaexae. Waxainchi jeichichi Nacomtha: “Barabũ ataya tsitecaeya xeinaeya poponaename jinya pexeinya itũpanae coicha yawa jinya neainya cui coyenewa. Mataũtano barabũ ataya xeinaeya poponaename jinya neayapusũ itorobi coyenewa, xuano xua jinya neayapusũ exanae coyenewa. Daxita baxuan caena bayatha xeiname poxonae aena, xuano xua anoxuaeno xeiname yawano xua bexa tsane bara ataya xeinaename”, jeichichi Nacomtha. Je, bara ichi tsane.

Baja Judas.

Meje Po Diboro Juan Tina Xua Yabara Tsiwanaya Tsita Itutatsi Pocotsiwa Exanaena Po Cae Pin Nacuathe

Meje yabara po diwesi pocotsiwan xua Jesucristo Paxa tsita itutatsi xua pocotsiwan xuya Juan tsita itutatsi

¹ Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutsinexa daxita baxuan xua imoxoyo bara exanaenaba. ² Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba irano xua Jesucristo paeba.

³ Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Irano pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

Meje yabara xua Juan tatina pomonae pejume cowantsiwi, pomonae siete po matabuxumonaebe, pomonae nacaetuta xua Nacom wuna pejainchinexatsi

⁴ Xan, Juan, pacata tinatsi pomonae painya nejume cowantsiwi pam pomonae siete po matabuxumonaebe pam xua painya nenacaetutsi jiwi pam, xua wuna painya nejainchinexa Nacom. Paxam pomonae Asia nacuatha pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wucatsi Nacomtha xua painya nepaca juntu coyene weiweina exanaenexa tsane. Yawa pacata wucatsi xua Nacom paca yawenaena pia painya nepaca caantobexae. Yawa pacata wucatsi Nacom pia Pejumope tuxu tatsi beya xua bapon baxuan pacata exanaena tsipei Nacom pia Pejumope tuxu tatsi siete po pexeinya juntu coyenebe pexeinaein. Barapo Pejumope tuxu Nacom peitabaratha tauncuatsi ichaxota Nacom eca pia pexeinya peecaethopae-watha. ⁵ Yawano pacata wucatsi Jesucristo xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwi petupae coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsitupa naetha wanaca juntu coyene junteinaenexa abe waexanae cuiru coyenewan. ⁶ Matautano Jesucristo naca exana xua piamonae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabu Nacom ataya xeinaena xua pexeinya juntu coyene xua peainya cui coyenewa! ¡Yawano barabu Nacom ataya xeinaena xua pia peayapusu itorobi coyenewa! Je, bara ichi tsane.

⁷ ¡Matha pataema!

Cristo patopeicaena tsaquinaebowatha.

Daxita jiwi taena bapon
xua bapon taeinchi.

Iruru pomonae bapon cobe matatabarutatsi naetotha bapon taeinchi.

Daxita nacuanpiwi, pomonae bapon jopa jume cowuntichi, daxita barapomonae juntu coyene wecoyeyi tsane poxonae bapon taeinchi.

Je bara ichi tsane.

⁸ Nacom jeye: “Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwu Pecanamataxeinaein, pon itoroba pia peayapusu itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

Meje yabara poxonae Cristo pia peitupanae tsita itutsi coyenewatha tatsi Juan tsita itutsi

⁹ Xan Juan ponxaein be pon painya eweicho nanatsicotan Jesús pijimonaeaxaetsi. Icha jiwu paca ichi xua paca anthurewe exana xua poxonae jopa xapain pacata exanaeyo, anoxuae bara neichi. Jiwu anthurewe neexana tsipei waxainchi Nacom piamonaetsi jiwanaetsi pomonae Nacom itorobiya ewata. Tsipei Jesucristo paca yawena daxota cataunxuae pajume cowunta dubenanaebiyame Nacom, iru xandu barichin. Jiwu pecubi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae. ¹⁰ Caentaqueitha, po mataqueitha peseicae mataqueitha bichocono Nacom pia Pejumope tunaxu tatsi nejuntu coyene yuca exana. Tama werena jume tan pejume xua bichocono jume daunweya ajumetsaca be poxonae icha xua oba po peobiwa pewun trompeta.

¹¹ Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowuntsiwitha pomonae siete po matabuxumonaebe pomonae nacaetuta xua Nacom wuna pejainchinexatsi. Barapomonae jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonae meje: Efeso tomarapiwi, iru Esmirna tomarapiwi, iru Pergamo tomarapiwi, iru Tiatura tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

¹² Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewun oro nain xua pentatutuntha itanacanoba. ¹³ Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cuta paparuwa po paparuwa bichocono pereca yawa juntacari jayatsinatsi yawa bichocono daedaena icha be oro nain ichi. ¹⁴ Pentanan tatsi bichocono inyapana icha be paru ichi, yawa icha be main axuto ichi. Yawano peitamaiqueitobe be isoto itareto. ¹⁵ Petaxu bichocono taxu daedaena icha be bronze nainto ichi xua bichocono nain daedaena poxonae cataunxuae isototha nain boquiya. Pejume bichocono ajumetsa be poxonae xua ainya menein busin. ¹⁶ Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducuabe. Peitabara bichocono daedaena icha be poxonae xometo ichi poxonae xua pentha xua poxonae atsa.

¹⁷ Poxonae bapon Jesucristo tan, imoxoyo iratha nabotaban bapon peitabaratha. Bara be tatupaeyo nabotaban. Bapoxonae bapon pecobetha

nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua bexa tsane. ¹⁸ Xan ponxaein xua copiya bayatha tapoponaein. Bequein bayatha tapan ichitha equeicha anoxuae asu poponan xua ataya petsitecaenexa. Nacom necata taitorobi coyenewa xua petupaewi taitorobeibinexa petupae coyene nacua beya. ¹⁹ Daxota yabara tinare xuaunxuae pocotsiwa taneme. Yawano yabara tinare xua aunxuae taeponaename. ²⁰ Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuan baxua yabara caunutatsi pomonae siete po tomarabe matabuxu jiwi, pomonae Nacom pejume cowantsiwichi”, jei Jesucristo pon xua uncua.

2

Meje yabara xua po diwesi Juan tatina Efeso tomarapiwi

¹ Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba. ² Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paaichaxaibim xua exana pomonae peajuntucoyenebewi. Yawano bara yaputan xua jopa paca itata cui xainyei tsaibiyo poxonae xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxuitorobiwi. ³ Beta pana najuntu wunaetame. Matauta jopa paacoyenefaetabim, bequein ichamonae bichocono abe paca exana painya inta nacuichixaem. ⁴ Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita. ⁵ Payabara nanta xeinare xua poxonae copiya pana nejume cowantame xua poxonae bichocono pana neantobem. Icha juntu coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Aparaxua jan, daxita painya nenacaetutsi jiwi pam pana nenepentaponaename xua pata tana nejume cowantsiwam xua daxota jopa pana nejume cowantsim tsane jan. ⁶ Daichitha cae coyenewa ichichipan xua paexaname. Juntu coyene weiweinan tsipei pananta xeiname icha ichin xua pocotsiwa nanta xeinan. Paxam paaichaxaibim pocotsiwa nicolaitamonae xua exana, pomonae bichocono abe peexanaewi. Xan iruru aichaxaibin xua pocotsiwa exana barapomonae. ⁷ Paxam pomonae painya nejume cowantsi jiwi pam. Icha pamuxu dubename, pajume naitaeware xua pocotsiwa Nacom pia Pejumope tana xua tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajuntuyapusawa, po peajuntuyapusawa xua jopa weraweracaeyo, jei Nacom pia Pejumope tana xua tatsi, jei Nacom Pexanto’, jande”, nejei Jesucristo pon xua uncua

barapo siete xoyobe xua pentatutuntha itanacanoba xua baxoyo pia xainya deca tatsi.

Meje yabara po diwesi Juan tatina Esmirna tomarapiwi

⁸ Pon Jesucristo xua uncuca equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonaetha Esmirna tomaramonaetha, xua bapon petayorobinexa xua barapomonaetha petayorobinexatsi. Jande: ‘Meje xua paeba pon xua daxita forota poxonaetha aena. Yawano bapon daxita wetsina xua bexa tsane. Bequein bapon bayatha tupa ichitha equeicha asu popona xua ataya tsitecaeya tsane. ⁹ Bapon jeye: Yaputan daxita xua pocotsiwan paexaname. Bara paca tainchi xua paanthathatanem poxonaetha xua ichamonaetha pacata abe exana. Bequein paca tainchi xua paacopeibim ichitha apara bara paxeinaename pocotsiwa bexa Nacom paca catsibina. Daxota paxam be copei pexeinaetha jiwi pam. Yaputan pomonaetha atsaquiya najei: Paxan judiomonaetha pan, jei. Barapomonaetha abe paca yabara paeba. Daichitha barapomonaetha ucaurimonaetha pia pentacaponaein tatsi bapon piamonaetha tatsi. ¹⁰ Jopa pajunuwinde xua pocotsiwa ichamonaetha paca anthathatane exanaena xua tsipei pacata abe exanaena. Caurimonaetha pia pentacaponaein tatsi itorobina ichuntha xua piraichi paca jiwana capanaena jiwi pecubi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanthathatanem tsane diez po matabibe. Daichitha pana najuntu coyene daunweya wunaere beya poxonaetha payacuiya werapaeya othopaename. Barapomonaetha paxam paca catsibinchi xua be pentoma xua peantuyapusawa po peantuyapusawa xua jopa weraweracaeyo. ¹¹ Paxam pomonaetha painya nejume cowantsi jiwi pam. Icha pamuxu dubename, moya pajume naitaewere xua pocotsiwa Nacom pia Pejumope tunaxa tatsi paca tsipaeba. Bapon jeye: Pomonaetha xua Jesucristo jume cowanta dubenanaetha biyaeinchi beya xua yacui werapaeya othopaena, Nacom jopa copatsi tsane xua barapomonaetha equeicha jopa ateneya werapae tsane, jei Nacom pia Pejumope tunaxa tatsi, jei Nacom Pexanto’, jande”, nejei Jesucristo pon xua uncuca.

Meje yabara xua po diwesi Juan tatina Pérgamo tomarapiwi

¹² Pon Jesucristo xua uncuca equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonaetha Pérgamo tomaramonaetha xua barapon petayorobinexa xua barapomonaetha peyorobinexatsi. Jande: ‘Meje xua paeba pon pecoiboto tsina tapichapeinatsi cusi po wato nantiya baru ducuabe. ¹³ Bapon jeye: Bara yaputan xua daxita paexaname. Yawano yaputan xua painompame ichaxota caurimonaetha pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaetha biyame. Jopa pabarapentsinde xua pata tana nejume cowantsiwam. Antipas bi chocono nejume cowanta. Bequein bapon bexotsi painya xantha, daichitha awiya pana nejume cowanta dubenanaetha biyame. Pomonaetha barapo tomaratha jinompa pomonaetha xua caurimonaetha pia pentacaponaein tatsi itorobeiba barapomonaetha Antipas bexotsi. ¹⁴ Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeinaetha Pérgamo tomaratha pomonaetha xua painyamonae jiwana, pomonaetha barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonaetha pecuidubinexatsi xua israelmonaetha abe peexanaenexa. Po peabe

coyene Balac cuiduba xua pinae israelmonae itacupatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabuxi. ¹⁵ Barichi pomonae painyamonaе jiwana pomonae abe exana, barapomonae ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin. ¹⁶ Daxota icha juntu coyene paxeinare. Icha jopa icha juntu coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina. ¹⁷ Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tunaxu tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, barapomonae catsin po pexaewa pewun maná, po pexaewa namicha boca xua ichamonae jopa yabara yaputaeyo. Yawa barapomonae catsin iboto, po iboto inyapana, barapo ibototha tinaena pena wun xua ichamonae jopa wun taeyo. Saya meisa wun yaputaena pon xua catsin barapo iboto, jei Nacom pia Pejumope tunaxu tatsi, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Tiatira tomarapiwi

¹⁸ Jesucristo pon uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Tiatira tomaramonae xua bapon petayorobinexa xua barapomonae petayorobinexatsi. Jande: 'Meje xua paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pewun bronze. ¹⁹ Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowantsiwam. Yawano yaputan xua pocotsiwa payawenname ichamonae. Yawano yaputan xua saya beitatemaya junteма painompame poxonaе bequein ichamonae pacata abe exana. Yawano yaputan xua anoxuae nawita paexanaponame beyacaincha xua poxonaе copiya paexaname. ²⁰ Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pewun Jezabel. Powa jei: Nacom nexa tapaebiwayon, jei. Daichitha tana nejume cowantsi jiwi muxuitorobatsi. Barapowa Jezabel tamonaе cuidubatsi xua bara nata siwa xeineibina yabuxi. Yawa bapowa cuidubano po coyene aichaxaibin xua tamonaе jain itorobatsi xua tamonaе xaena duwein, po duwein poxonaе bexuba ibo nacom nexa. Barapo duwein jiwi cata ibo nacomtha poxonaе wunae jainta pia ibo nacom. ²¹ Caena bayatha ewatan xua bapowa icha juntu coyene pexeinaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba. ²² Xan exanaein xua nainya bapowa atene tsanaya tsane, xua camatha pebocaenexa, abe peexanaexae. Iruru pomonae xua bapowa abe nanabaru exainchi barapomonae atene tsane exanaein xua icha barapomonae jopa naci barapentsi tsane pocotsiwa bapowa cuiduba. ²³ Yawano bapowa pia pexui tatsi tajutebin. Bapoxonaе daxita pomonae Nacom pejume cowantsiwichi neyaputaena po coyene xua xan deta cou jiwi tanthuthu yaputaеin daxita xua poxonaе exaneiba yawa daxita poxonaе xua nanta xeineiba. Bapoxonaе daxita paxam barompaya paca catsibinchi be xua pentoma. Pomonae xua xanepanaya paexaname, xua wunae paca catsibinchi. Pomonae xua abe paexaname, xua peatenewa paca catsibinchi. ²⁴ Paca tsipaebatsi daxita pam pomonae Tiatira tomarapiwi jiwana pam,

xua pomonae jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonae pam pomonae jopa pananabarꝰ nacuidubim pocotsiwa caurimonae pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube. ²⁵ Daichitha awiya pana nejume cowꝰnta dubenanaebiyama beya poxonae equeicha patopeicaein. ²⁶ Awiya pajume cowꝰnta dubenanaebiyama Nacom painya amanayabinexa tsane caurimonae. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaename. Pomonae baxua exanaena, barapomonae catsin taayapusꝰ itorobi coyenewa xua peitorobeibinexa tsane po cae pin nacuathepiwi. ²⁷ Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenexa perꝰꝰꝰwixi, bara jꝰta ichi tsane pomonae nejume cowꝰnta. Barapomonae daunweya itorobina barapo cae pin nacuathepiwi beya poxonae daxita weraweracaena abe peexanaexae. ²⁸ Bapoxonae yawa paca catsibinchi po coyene xua tapaca barꝰ poponaewatsi. Barapo coyene bichocono wꝰnae tsane, icha jarawato ichi xua jiwi bichocono tsita wꝰnaetsi pota mataquei pewꝰnaeya ecoina. ²⁹ Paxam pomonae painya nejume cowꝰntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tꝰnaxꝰ tatsi paca tsipaeba, jei Nacom Pexanto', jande", nejei Jesús, pon xua uncua.

3

Meje yabara po diwesi Juan tatina Sardis tomarapiwi

¹ Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowꝰntsiwi pomonae Sardis tomaramonae xua bapon petayorobinexa xua barapomonae petayorobinexa. Jande: 'Meje xua paeba Jesucristo pon xua xeina siete po pexainya jꝰntꝰ coyenebe, po coyenebe xua Nacom pia Pejumope tꝰnaxꝰ tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonae pewerapae jiwi pam. ² Pana najꝰntꝰ coyene tsacabare. Payawende pomonae tana nejume cowꝰntsiwi xua pejꝰntꝰ coyene wꝰnae nexa, tsipei barapomonae be pewerapaewi pejꝰntꝰ coyene natsepaexae. Paca tainchi xua pocotsiwa paexaname. Baxua jopa Nacom tsita wꝰnaetsi. ³ Daxota pananta xeinare xua pocotsiwa bayatha paca cuiduba. Bapoxonae bapocotsiwa paexande yawano bapoxonae icha jꝰntꝰ coyene paxeinare Nacomtha xua equeicha caewa painya nejume cowꝰntsiwa tsane. Icha jopa baxua paexanaem tsane, bapoxonae nainya jemeicha patopaein paxamtha poxonae jopa payaputaem xua patopaein. Exanaein icha be pocotsin pon pecaibin ichi xua jemeicha patopa. ⁴ Daichitha paxeiname barapo tomaratha, Sardis tomaratha, pomonae tana nejume cowꝰntsiwi. Barapomonae pentꝰthꝰ xeicae jiwi. Jopa xeinaeyo po coyene xua peajꝰntꝰcoyenebewa tsipei jopa abe exanaeyo. Barapomonae nebarꝰ jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban. ⁵ Pomonae xua nejume cowꝰnta dubenanaebiyaena xua beya

yacui werapaeya othopaena barapomonaе nama xatabina po paparuwan inyapana. Yawa pomonaе wнn dubena Nacom pia diborotha xua pomonaе ataya pejinompaenexa tsane xua jopa weraweracaeyo, barapomonaе jopa wнn iquicaein tsane. Yawano wнn yaputane exanaein Taxa Nacomtha yawano Nacom pia matatsunpiwi tatsi peitabarathano. ⁶ Paxam pomonaе painya nejume cowнntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope тнaxн tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Filadelfia tomarapiwi

⁷ Equeicha Jesucristo pon xua uncua nejei: "Barichinde tatinare pon Nacom Pejume Diwesi pepaebin pomonaetha tana nejume cowнntsiwi pomonaе Filadelfia tomarapiwi xua bapon petayorobinexa xua barapomonaе petayorobinexatsi. Jande: 'Nacom Pexanto tatsi, bapon bichocono pejнntн coyene xanepanaein Nacomtha xua jopa penatsicuentsiwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonaе David yawenatsi. Bapon pon peboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel nacuamonae itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonaе bapon peboupa saranaxuba ichнn jopa itacнpaetsi xua peboupa xatataba. Yawa poxonaе bapon peboupa xatataba ichнn jopa itacнpaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua pijimonae tatsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua tatsi beicha. Ichнn jopa itacнpaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye: ⁸Yaputan xua daxita paexaname. Xan copatan xua tajume diwesi pacaponame ichamonaetha. Ichнn jopa itacнpaetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paajнntнcuicoyenesнm, daichitha awiya tajume diwesi pacueicueijam yawa jopa pana nepentsim xua painya tana nejume cowнntsiwam. ⁹ Ichitha pomonaе naerabiya jei: Paxan, judiomonaе pan, jei, barapomonaе, Satanás, caurimonaе pia pentacaponaein tatsi bapon piamonaе tatsi tsipei jopa benejume cowнntsiyo. Xan exanaein xua barapomonaе patsina paxamtha pentabocototha peumenaenexa tsane painya itabaratha wнnae painya nepaca jainchinexa tsane. Bapoxonaе barapomonaе yaputaena xua xan tapaca caantobewichi pam. ¹⁰ Pajume cowнntsiya exana dubenanaebiyama po coyene xua paca itorobatsi xua beitatemaya painompame xua jopa painya neaitaconaewa poxonaе bequein ichamonae paca yabara abe exana. Daxota barapo matabi, po mataqueitha poxonaе caurimonaе pia pentacaponaein tatsi daxita barapo cae pin nacuathe jiwi jнntн coyene jujнtinchi, poxonaе jiwi bichocono atene exanaeinchi bara paca capanenebiya exanaeinchi. Caurimonaе pia pentacaponaein tatsi jнntн coyene jujнtsina pomonaetha pomonaе Nacom pejume cowнntsiwichi poxonaе bichocono atene exanaeinchi xua daxota Nacom jopa pejume cowнntsiwa tsainchi. ¹¹ Imoxoyo patopeicaein. Xaniwaicha beta paxeinare pocotsiwa xua tapana nejume cowнntsiwam xua bexa Nacom paca catsina pocotsiwa paca jнntana jeba pia nacuatheicha beta painya tana nejume cowнnta dubenanaebiyaexaemxae. Jopa pacopatsinde xua ichнn paca exanaena xua abe painya neexanaewa tsane xua daxota

jopa painya nexeiaewa tsane pocotsiwa paca jũntana jeba pia nacuathe-icha. ¹² Pomonae xua nejume cowũnta dubenanaebiyaena barapomonae bichocono jũntũ coyene ayapusũya daunweya exanaein xua pepatsinexa tsane Nacom pia nacua beicha. Bapoxonae bapana jopa pona tsane Nacom pia nacua weya. Bapoxonae barapomonaetha catsin po wũn Taxa Nacom pewũn, xua jiwi peyaputaenexa xua barapomonae apara Nacom piamonae tatsi. Yawa catsin po wũn pena Jerusalén tomara pewũn, po tomara Nacom pia tomara tatsi ichaxota jinompa pomonae peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawũn, po wũn pena wũn. ¹³ Paxam pomonae painya nejume cowũntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumoŋe tũnaxũ tatsi paca tsipaeba, jei Nacom Pexanto', jande", nejei Jesús pon xua uncua.

Meje yabara po diwesi Juan tatina Laodicea tomarapiwi

¹⁴ Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowũntsiwi, pomonae Laodicea tomarapiwi xua bapon petayorobinexa xua barapomonae petayorobinexa. Jande: 'Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota. ¹⁵⁻¹⁶ Yaputan daxita pocotsiwa paxam paexaname. Paxam paca tsipaebatsi xua be paichimje: Ichamonae ba aichaxaibi xua apa poxonae po mera mene tũna xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cowũntame. Jopa panepentsim xua pata tana nejume cowũntsiwam. Mataũtano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowũntame icha xua pebin ichi xua anaya mene sutabina tsipei mene tũna. ¹⁷ Payabara paebame po coyene xua copei painya nexeiaewi pam. Yawa payabara paebame po coyene xua painya coutha pana nayaweneibame xua jopa pacata acoibi tsaibiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobenae, paca yabara jeichi. Mataũtano jopa payaputaem xua paxam be pomonae peacopeibiwi pana natsicotaneme. Yawano be pomonae peitata nacutsi jiwi pana natsicotaneme. Yawano be pomonae tamasaina pana natsicotaneme. Apra xua jan: Paxam be barapomonae pam tsipei jopa beta painya jũntũ coyenewatha pana nejume cowũntsim. Yawa jopa beta painta nacuichim, jan. ¹⁸ Daxota paca tsipaebatsi. Pana necomocare po penainwan pewũn oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexeiaewi pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neauraxae. Mataũtano pana necomocare pewũwa tabotsinexa painya itamaiqueitha bapoxonae beta pataeneme. Apra xua jan: Pana newũcare xua poxonae po coyene xua beta paca jũntũ coyene exanaeinchi xua jopa painya nexeiaewam tsane painya jũntũ coyeneintha, pocotsiwa xua abe, jan. ¹⁹ Pomonae xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowũnde yawano icha jũntũ coyene paxeinare. ²⁰ Pataema bo coibototha uncuan yawa wawan. Icha

pebin nejume tane yawa inta coibo sarana xorena bara joniyan yawa bara pana nabar_u xanbe pia bothaxae. ²¹ Taxa jume cow_{anta} ducuaenaebiyana xua neitoroba beya xua poxonae bayatha t_{apan}. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonaetha tana nejume cow_{antsi}wi. Pomonaetha nejume cow_{anta} dubenanaebiyaena xua itoroban, xua beya yacui werapaeya othopaena, barapomonaetha copatsin xua peenaenexa ichaxota imoxoyo pexeinya taequeibithopeibiwa inta uncua. ²² Paxam pomonaetha painya nejume cow_{antsi} jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t_{anaxu} tatsi paca tsipaeba, jei Nacom Pexanto', jande", nejei Jesús pon xua uncua.

4

Meje yabara po diwesi xua xuan Juan tsita nait_utatsi peitabocotha

¹ Poxonaetha baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonaetha xua oba po peobiwa pew_{un} trompeta. Bapon Jesús nejei: "Anetha tsinande taxainya betsina. Catsita it_utsinchi xua pocotsiwa bexa tsane exanaena", nejei Jesús.

² Barapoxonaetha nama bichocono Nacom pia Pejumope t_{anaxu} tatsi nej_{unt_u} y_{uca} exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota. ³ Pon xua equiya baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pew_{un} jaspe, yawa be pocotsi iboto pew_{un} cornalina. Yawano matawacaicha matatsun uncueicatsi coinwawa. Barapo coinwawa bichocono s_{ujeya} pentha exana icha iboto ichi pocotsi iboto pew_{un} esmeralda. ⁴ Barapo pexeinya peecaethopeibiwa pia matawacaicha tatsi, tan icha peenaethopeibiwan veinticuatro po peenaethopeibiwan xoyobe. Barapo peenaethopeibiwantha ena pitiri jiwi xua mata_{uta} veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pew_{un} oro nain. ⁵ Barapo pexeinya peecaethopeibiwa weya be yam_{xu} busi xua jurujerei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope t_{anaxu} tatsi xeina siete po pexeinya j_{unt_u} coyenebe. ⁶ Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosib_u muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua as_u. Barapo cuatro poyobe nantiyan itamaiquei dubena peitabara weyano yawa pe_{ma} werenano. ⁷ Barapo cuatro poyobe jiwana xua xuan as_u, pon copiya be ne_{th_u} itabara, ir_u ich_{un} be vaca pebto itabara, ir_u ich_{un} be jiton itabara, ir_u ich_{un} be cotsara itabara, pon pepupunaein. ⁸ Barapo cuatro poyobe daxita barompaya xeina seis po cuarafeinbe. Mata_{utano} barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueije Nacomtha pon xua eca barapo pia peecaethopeibiwatha, jeye:

"¡Xam pon bichocono nej_{unt_u} coyene xanepanaem,

xua bapana jopa nexainaewa abe peexanaewa!
 ¡Xam pon jiwi Necanamataxeinaem!
 ¡Xam Nacom, pon neayapusu itorobi
 coyenewa xeiname!
 ¡Xam pon caena bayatha poponeibame xuano
 xua anoxuae poponeibame xuano xua bexa
 ataya tsitecaeya poponaename!”
 jei barapo cuatro poyobe poxona
 cueicueijejei Nacomtha.

⁹ Pon xua pexeinya pia peecaethopeibiwatha eca, pon xua ataya popona, bapon wanae jaintatsi, barapo cuatro poyobe wanae jainta. Baxua exana tsipei bapon pexeinya juntu coyene pexeinaein, matautano tsipei bapon ainya cui coyenewan peexanaein. Matautano bapon jeichichi: “Maisa pajuntu coyene weiweinan pocotsiwan pata tana necatsixaemxae”, jeichichi bapon. ¹⁰ Poxona barapo cuatro poyobe wanae jainta, bapoxonaeru pitiri jiwi xua veinticuatro poyobe xua barompaya pia peenaethopeibiwatha ena, barapomonae iru pentabocototha umena xua wanae pejainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxona jeba pon ataya pepoponaein peitabaratha tatsi. Bapoxona jeje:

¹¹ “Pata Tanecanamataxeinaem,
 yawano xam pata Nacom.
 Maisa wanae xua paexana dubenanaebiy
 ichamonaetha pata yabara cueicueijeinexa
 jinya pexeinya juntu coyene yawa jinya
 pexeinya ainya cui coyenewan, yawano
 jinya neayapusu itorobi coyenewa.
 Baxuan paexanan tsipei xam daxita forotame.
 Tsipei xam neichichipaexae daxota baxuan
 forotame”, jei barapo pitiri jiwi.

5

Meje yabara po diwesi xua poxona Juan tane Nacom pia diboro

¹ Bapoxona tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya matuba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa. ² Yawano tan matatsunpin pon peitorobi coyenewa xeina. Yawano jume daunweya yainyaba jeje: “¿Jintam Nacom tsitatsi pon pejuntu coyene xanepanaein pontha pon xua Nacom daxota copatsina xua barapo pecatsabiwa petsitsinaxubiwa tsane xua pepataxubiwa tsane barapo diboro?” jei bapon. ³ Ichitha dapocotsin aibi pon itabocotha popona, iru pon xua popona po irathe, iruru pon popona po ire peuma bereca. Tsipei dapon aibi pon bichocono pejuntu coyene xanepanaein xua pontha pon Nacom copata xua peitacupaewatsi xua pepataxubiwa tsane yawa xua peyorobiwa tsane barapo diboro. ⁴ Bapoxona bichocono wecoyan tsipei dapon aibi pon xua bichocono pejuntu coyene xeicaein xua pon itacupatsi pepataxubiwa tsane yawa xua peyorobiwa tsane barapo diboro. ⁵ Bapoxona caein barapo pitiri jiwi, nejei: “Jopa equeicha wecoyande. Tsipei pon uncua pon wan dutatsi: ‘León’, jei xua po wan jei: ‘neuthu’, jei bapontha Nacom copata xua exana baxua tsipei pia peayapusu itorobiwa canamataxeina. Apará bapon Judá piamonae jiwi jiwana tatsi, pon Judá caena bayatha tupa. Barichi bapon apara David pia pemomoxi susato jiwana tatsi, pon David Judea

nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itacupatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa asu poxonae tupa naetotha”, jei pitirin.

⁶ Bapoxonae tan Cordero xua oveja pebto penan, pon uncua Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asu, yawano pitiri jiwi pia xainya deca tatsi. Barapo Cordero uncua bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po pexeinya juntu coyenebe xua Nacom pia Pejumo pe tunaxu tatsi xeina. Nacom najumo itoroba daxita iranthe. ⁷ Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha. ⁸ Poxonae Cordero pita barapo diboro, bapoxonae barapo veinticuatro pitiri jiwi, iru cuatro poyobe xua xuan asu daxita barapomona pentabocototha umena barapo Cordero peitabaratha tatsi. Daxita barapo pitiri jiwi barompaya xeina xua pocotsiwan pexeinya petanbabiwan pocotsiwan pewan arpa. Yawano barompaya xeina pocotsiwan pecaapaewan xua pocotsiwan pewan oro nain. Yawa barapo pecaapaewixitha wanba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewucaewa Nacomtha pomona xua Nacom piamona, pomona pia peantobewichi tatsi. ⁹ Barapomona pena wei naxuna, jeye:

“Xam maisa pon bichocono nejuntu coyene xanepanaein xua netsitsinaxubiwa barapo siete xoyobe xua catsataba barapo diboro. Tsipei bayatha pana netsitupame poxonae painta pentoma exaname pata naexanaenexa tsane Nacom piamona tatsi. Yawano jiwana itapetame, pomona tsicamonaexi xua daxita carepaya tsicamonaexitha xua necajume cowuntsiwa tsane. Matautano jiwana itapetame daxita i dapomona, pomona barompaya icha jume penatsipaebiwa. Matautano daxita carepaya tomaranpiwi jiwana itapetame. Matautano daxita carepaya nacuanpiwi jiwana itapetame.

¹⁰ Pana necana exaname be pomona jiwi itorobiya pia pepa peewatsiwichi tatsi pan.

Yawa pana exanamo be pomona sacerdotemonaepiwi pan xua Nacom pata tanacuichinexa.

Yawano pana exaname pata itorobiya ewatsinexa po cae pin nacuathepiwi”, jei barapomona poxonae naxuna.

¹¹ Bapoxonae necotan, yawan jume tan xua bichocono pinmona juinya pomona Nacom pia matatsunpiwi, xua juinya barapo pexeinya peecaethopeibiwatha matawacaicha umena, yawa xua juinya barapo pitiri jiwi matawacaicha umeinchi, yawa xua juinya matawacaicha umeinchi

barapo cuatro poyobe xua xuan asu. Pomonae jume tan bichocono ayei jiwi cuxu jei. ¹² Bapoxonae barapomonae bichocono jume daunweya paeba, jeye: “¡Cordero, po Cordero bayatha jiwi tsibexotsi abe pia peexanae coyenewan tatsi, maisa barapo Cordero Nacom tsita juntu coyene xanepanatsi! Daxota Nacom copata xua bapon xeina pia peayapusu itorobi coyenewa. Matautano Nacom copata xua bapon xeina daxita pocotsiwan xua Nacom xeina. Yawano xeina pia peyaputae coyenewan. Yawano xeina pia peayapusuwa xua daunweya peexanaewa. Matautano jiwi bewa baru cui itura jinaena barapon pon Cordero. Matautano jiwi bewa wuna jainchina barapon pon Cordero. Matautano jiwi bewa beta exanae juntu coyene weiweina peexanaenexatsi bapon xua petsitupaexae jiwi abe pia peexanae cuiru coyenein tatsi”, jei barapo matatsunpiwi.

¹³ Yawano equeicha jume tan daxita pomonae caena bayatha Nacom forota: pomonae peitabocotha forotatsi, irano pomonae po cae pin nacuathe forotatsi, irano pomonae po ire peuma wetsina forotatsi. Yawano jume tan xua pocotsiwan pin mene mar mentha jinompa. Daxita baxuan carepaya Nacom forota. Jume tan xua jeye: “Xam Nacom, pon ecame jinya pexeinya neecaethopeibiwatha irano xam Corderom, barabu ataya juntu coyene weiweina paca exanaenabe xua jiwi juntu coyene weiweina paca exanaenabe xua pocotsiwa painya neexanaexaebe. Barabu daxita jiwi paca baru cui itura jineibinabe. Yawano barabu daxita jiwi wuna paca jainteibinabe. Yawano barabu paxeineibinamebe peayapusuwa xua daunweya painya neexaneibiwabe. Daxita barapo coyenein ataya tsitecaeya paxeineibinamebe”, jei daxita barapomonae, pomonae Nacom forota.

¹⁴ Barapo cuatro poyobe xua xuan asu, jeye: “¡Bara bara, bara baxua exanaena!” jei. Pitiri jiwi, pomonae veinticuatro poyobe, pentabocotha umena, xua Nacom wuna pejainchinexatsi, pon ataya tsitecaeya popona.

6

Meje yabara po diwesi xua siete xoyobe xua xuan pecatsababawan

¹ Bapoxonae tan poxonae Cordero tsitsinaxuba caewa xua catsataba. Bapoxonae caein jiwana pomonae cuatro poyobe xua xuan asu jume tan xua daunweya paeba xua be yamuxu busi, nejei: “¡Anetha, taema!” jei.

² Bapoxonae tan cawayu pmainyan. Pon cawayutha equeica, bapon

bicheibi caequeica. Bapon pexeinya tepa catatsi penamata xatatsinexa. Bapon cawayutha ponataba xua beta penabinexa. Bapon amanayaba pia peaitafaetabiwichi.

³ Poxonae Cordero equeicha tsitsinaxuba icha pecatsatabiwa, bapoxonae barapo cuatro poyobe jiwana xua xuan asu jume tan, nejei: “¡Anetha, taema!” jei. ⁴ Equeicha patopa ichun cawayu petsobian. Pon tsijuma equeica, bapon catatsi peayapusu itorobi coyenewa xua jiwi pejuntu coyene wepuxana exanaenexatsi po coyene xua juntema pejinompaewa. Yawano peexanaenexa xua pebiwi penajutebinexa. Matautano bapon pin dejona catatsi.

⁵ Poxonae Cordero equeicha tsitsinaxuba icha pecatsatabiwa, bapoxonae equeicha barapo cuatro poyobe jiwana xua xuan asu jume tan, nejei: “¡Anetha, taema!” jei. Equeicha cawayu tan petsaebian. Pon tsijuma equeica, bapon comaequeica pocotsiwa pepesabiwa. ⁶ Bapoxonae barapo cuatro poyobe pia xantha jume tan xua nejei: “Saya cae kilo trigo xu cae denario nantomatsina, pocotsi paratixi xua nantomata caentaqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

⁷ Barapoxonae barapo cuatro poyobe xua opi ducuanaya jume tan yawa nejei: “¡Anetha, taema!” jei. ⁸ Bapoxonae cawayu ichun tan pon na daena. Pon tsijuma equeica wun dutatsi: “Pon Petupaen”, jei. Barapo cawayu peputha tapoinchi ichun cawayu. Pon tsijuma equeica wun dutatsi: “Petupaewa Nacua”, jei. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana bexubinxabe poxonae cuatro poyobe necotabe pomonae po cae pin nacuathe jinompe, yawano xua pejutebinexabe poxonae jiwi naba, yawano pejutebinexabe poxonae jiwi piyain poxoru pexaewa aibi tsane, yawano pejutebinexabe poxonae jiwi atene, yawano pejutebinexabe unupiwi xua xuan bichocono anaepana.

⁹ Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxonae tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonae bayatha jutebatsi ichamonae, pecaponaexae Nacom Pejume Diwesi xua amsiya awiya pecueicueijeixae. ¹⁰ Pomonae xua bayatha jutebatsi ichamonae, barapomonae jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejuntu coyene xeicaem. Xam ponxaem pocotsiwan yabara tsiwuna muxu dubame baxuan xaniwaicha exaname. ¿Eta poxonae exanaename xua poxonae jiwi yabara paebiname xua penatsicuentsiwa xua abe peexanaexae, xuano xua pana yantomatsiname xua nejutebinexa pomonae jinompa po cae pin nacuathe copiya pata tana nejutebixae?” jei barapomonae. ¹¹ Bapoxonae barapomonae juma xatabatsi paparuwan, po paparuwan inyapana. Yawano barapomonae baraichichi: “Abu cataunxuae paeware beya poxonae yacui opi ducuiya weraweracaena xua cataunxuae jutebaponaeinchi pomonae iru Cristo pejume cowuntsiwi. Barapomonae jutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

¹² Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia

tsanaya icha paparuwa ichi, pocotsi paparuwa bichocono tsaebia. Jomocoichato bichocono tsochia tsanaya icha pejana ichi. ¹³ Opitei xua peitabocotha dubena othopeica po irathe tsique, icha be joibo ichi xua jubaba higuera nae xua pethei othothopeica. ¹⁴ Peitaboco aichurucuae icha be poxonae ichun ichi xua poxonae mata quiyontaba papera. Matautano demxuwan, petunaetonno equeicha ichawa bepoinya poxonae ira jijiyata. ¹⁵ Bapoxonae daxita pomonaе jiwi itorobiya pia pepa peewatsiwichi tatsi xua barapo cae pin nacuathe, barapomonaе nantsiyaba. Iru pomonaе pentacaponae wi iru pomonaе copei pexeinaewi, iru pomonaе soldadomonaе pia pentacaponae wi xua pomonaе jiwi peamanayabeibi jiwi daxita barapomonaе nantsiyaba. Daxitaru pomonaе pebusi cui tatayebeibiwichi iru pomonaе xua saya penata exanaewi piawan nantsiyabarun. Ichamonaе barapomonaе jiwana ibo muthantha nantsiyaba. Ichamonaе barapomonaе jiwana nantsiyaba po ibotontha xua saya bobena xua demxuwan itapatororon tsica. ¹⁶ Barapomonaе demxuwan beya yawa iboton beya jeye: “Pana mataperababare xua pata werapaewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe pata exanaexae. ¹⁷ Tsipei barapo matabi patopa po mataqueitha daxita jiwi peraxa jubebinchí. Dapon aibi pon panepa barapo mataqueitha”, jei pomonaе nantsiyaba.

7

Meje yabara po diwesi xua Nacom itapa tina Israel pia pexui tatsi pia pemomoxi susato jiwana piwi tatsi xua peyaitaenexa

¹ Bapoxonaе cuatro poyobe tan matatsunpiwi xua iratha umena. Ichun uncua ichaxota pocotsiwa xometo weecoina, ichun uncua ichaxota pocotsiwa xometo bejopiya, ichunbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano. ² Barichi ichun tan ichun matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peayapusu itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peayapusu itorobi coyenewa xeina xua itacupatsi xua abe exanaena pin mene mar mentha yawa iratha. ³ Barapo matatsunpin jeye: “Jopa abe paexanaeinde iratha yawa pin mene mar mentha, paeware abun beya poxonaе jiwi paitapa tinaein Nacom pia pejume cowantsiwichi, pon pata Nacom”, jei barapo matatsunpin.

⁴ Jume tan barapomonaе yabara, xua ichun jeye: “Ciento cuarenta y cuatro po jiwimonaеbe paitapa tina xua Israel pia pemomoxi susatomonaе jiwana tatsi”, jei. ⁵ Barapo Israel pon icha wun Jacob. Bapon xeina doce po pexantobe tatsi pomonaе caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwana piwi tatsi Nacom itapa tina saya doce mil pomonaе matabunmonaеbe. Pon Rubén, barapon pia pemomoxi susato jiwana piwi tatsi Nacom itapa tina saya doce mil pomonaе matabunmonaеbe. Pon Gad, barapon pia pemomoxi susato jiwana piwi tatsi Nacom itapa tina saya doce mil pomonaе matabunmonaеbe. ⁶ Pon Aser, barapon pia pemomoxi susato jiwana piwi tatsi Nacom itapa tina saya doce mil pomonaе matabunmonaеbe. Pon Neftalí, barapon pia pemomoxi susato jiwana piwi

tatsi Nacom itapa tina saya doce mil pomonae matabꝰꝰmonaebe. Pon Manasés, barapon pia pemomoxi susato jiwaniꝰꝰi tatsi Nacom itapa tina saya doce mil pomonae matabꝰꝰmonaebe. ⁷ Pon Simeón, barapon pia pemomoxi susato jiwaniꝰꝰi tatsi Nacom itapa tina saya doce mil pomonae matabꝰꝰmonaebe. Pon Leví, barapon pia pemomoxi susato jiwaniꝰꝰi tatsi Nacom itapa tina saya doce mil pomonae matabꝰꝰmonaebe. Pon Isacar, barapon pia pemomoxi susato jiwaniꝰꝰi tatsi Nacom itapa tina saya doce mil pomonae matabꝰꝰmonaebe. ⁸ Pon Zabulón, barapon pia pemomoxi susato jiwaniꝰꝰi tatsi Nacom itapa tina saya doce mil pomonae matabꝰꝰmonaebe. Pon José, barapon pia pemomoxi susato jiwaniꝰꝰi tatsi Nacom itapa tina saya doce mil pomonae matabꝰꝰmonaebe. Pon Benjamín, barapon pia pemomoxi susato jiwaniꝰꝰi tatsi Nacom itapa tina saya doce mil pomonae matabꝰꝰmonaebe.

Meje yabara po diwesi xua pomonae juma xatabatsi pemaꝰꝰnya paparuwan

⁹ Bapoxonae equeicha tan ichamonae pomonae bichocono jiwi ayei. Daxita nacuanpiwi jiwaniꝰꝰmonae, yawano daxita carepaya tsicamonaexi jiwaniꝰꝰmonae, yawano daxita carepaya icha jumexitha pepaebiwi jiwaniꝰꝰmonae, yawano daxita carepaya tomaran jiwaniꝰꝰmonae. Daxita barapomonae umena ichaxota imoxoyo Nacom pia pexeinya peecaethopeibiwa, yawa xua Cordero peitabaratha tatsi. Barapomonae bichocono pin bicheito xua ichamonae jopa itacꝰꝰpaetsi peununaewa. Daxita barapomonae juma xatabatsi pemaꝰꝰnya paparuwan. Yawano barapomonae pecobetha cajjinca xua be coichaxu axu. ¹⁰ Daxita barapomonae jume daunweya jeye:

“¡Wanacom pon xua eca pia pexeinya peecaethopeiwiwatha yawano Cordero pon uncuca, naca capanepa xua jopa waatenewa tsane xua abe waexanaexae!” jei barapomonae.

¹¹ Barapo matatsunpiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poyobe xua xuan asꝰꝰ matawacaicha yatoxoroto umeinchi. Yawano cuatro poyobe xua xuan asꝰꝰ matawacaicha yatoxoroto umena xua Nacom pia pexeinya peecaethopeibiwa matawacaicha yatoxoyoroto umeinchi. Bapoxonae barapo matatsunpiwi irabe taeumendeca barapo pexeinya peecaethopeibiwa peitabaratha. Yawano Nacom wꝰꝰnae jaintatsi. ¹² Barapo matatsunpiwi jeye:

“¡Barabꝰꝰ Nacom jꝰꝰntꝰꝰ coyene weiweina exaneibatsi pocotsiwa xua beta waexanaewa!

¡Bara ichi tsane!

¡Barabꝰꝰ daxita jiwi wꝰꝰnae jainteibina Nacom!

¡Matautano barabꝰꝰ Nacom xeineibina pia peyaputae coyenewa!

¡Matautano barabꝰꝰ jiwi jei tsaibi:

‘Nacom maisa pajꝰꝰntꝰꝰ coyene weiweinan xua amanaya pata tana neyawenaemxae’, jei tsaibi jiwi!

¡Barabꝰꝰ daxita jiwi cayabara barꝰꝰ cui itura jineibina!

¡Matautano barabꝰꝰ xeineibiname jinya neayapusꝰꝰ itorobi coyenewa, xuano xua xeinaename jinya neayapusꝰꝰwa xua daunweya neexanae coyene!

¡Baxuan barabꝰꝰ ataya xeinaename!

ije bara ichi tsane!” jei barapo matatsunpiwi.

¹³ Barapo pitiri jiwi jiwana caein neyainyaba, nejei: “¿Jintam barure pomonae pemainya paparuwa nama xataba? ¿Eta werena pona?” nejei pitirin. ¹⁴ Jume notan, janje: “¡Pon pentacaponam, apara xam yaputaneme jame!” jan. Barapoxonae nejei: “Barapomonae apara pomonae werena pona ichaxota poxonae po mataqueitha jiwi bichocono atene exaneibatsi. Barapomonae abe pia peexanae coyenewan tatsi Nacom tajantemaina, tsipei barapomonae jume cowantatsi xua pon tsitupa barapomonae, pon ‘Cordero’ baraichichi. Barapomonae jantay coyene wunae exanatsi Nacom. Yawa pemainya paparuwa jume xatabatsi”, nejei pitirin.

¹⁵ Equeicha nejei pitirin:

“Daxota barapomonae umena ichaxota imoxoyo
Nacom pia pexeinya peecaethopeibiwa.
Barapomonae tanacuita dubenanaebiya Nacom
mataqueitha, yawa merawithano Nacom pia
pin botha tatsi xua pia nacuatheicha tatsi.
Pon xua eca pia pexeinya
peecaethopeiwatha bapon eenequeibina
barapomonae, tsipei baray popona.

¹⁶ Bapoxonae barapomonae jopa piyainyo,
yawa jopa pia meratsino,
yawa jopa tsaquiwichi xometotha
xua bichocono jainchi.

¹⁷ Barapo coyene jopa abe exanaeyo
barapomonaetha, tsipei Cordero Nacom
Pexanto tatsi, pon uncua ichaxota
imoxoyo Nacom pia pexeinya
peecaethopeiwatha, bapon yawena
xua barapomonae yawenatsi.
Barapon Cordero barapomonae beta yapu
eenaechi, icha be poxonae
pon ovejan peewatsin ichi
poxonae pia ovejan matacapona beta
ichaxota penaton mene, po meran
mene xeica, xua peasawa tsane.
Bapoxonae barapomonae Nacom itacuere
mene tsewa exanaena xua pewecoyeixae”,
nejei pitirin.

8

Meje yabara po diwesi xua siete po pecatsatabiwa xua tabay ducua

¹ Poxonae Cordero tsitsinaxuba siete po cuiyobetha xua barapo diboro catsataba, bapoxonae peitaboco moya ducua saya be ainya dapaeyobe.

² Bapoxonae tan siete poyobe matatsunpiwi, pomonae xua umena Nacom peitabaratha tatsi. Barapo matatsunpiwi daxita barompaya catsibatsi siete xoyobe xua pocotsiwan pecaobiwan, po pecaobiwan pewun trompeta.

³ Bapoxonae pirapaeyo patopa ichay matatsunpin. Barapo matatsunpin capatopa xua be coroto xua pocotsiwa oro nain coroto. Barapo oro nain corototha boca petuxuei tsapato xua petautsinexa Nacom nexa. Bapoxonae barapo matatsunpin yatabotsiya tautabota xua ichaxota pocotsiwa be pexaethopaewa, bichocono tuxuei tsurucuae. Barapo matatsunpin uncua

ichaxota pocotsiwa be pexaethopaewa ichaxota tauteiba petuxueiwan, po petuxueiwan xua tuxusi exaneiba Nacom nexa. Bapoxonae barapo matatsunpin catatsi nawita xua petuxueiwan. Pomonae Nacom peantobewixaetsi poxonae tsipaebeiba Nacom, barapo jumein yawa muxuna jujuinya Nacom beicha barapo petuxueiwa xua poxonae tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pex-einya pecaethopaewa itabaratha tatsi uncu. ⁴ Barapo petuxuei tuxusi mureiwa matatsunpin pia maxu wetajujuinyatsi Nacom peitabara beya yawa athabe muxuna jujuinya pejume, po jume xua jiwi poxonae tsipaebe Nacom. ⁵ Bapoxonae barapo matatsunpin barapo oro nain coroto pita, yawa barapo corototha bichocono wunca exana iso itere, po itereton xua taxua barapo petuxusi exanathopeibiwatha. Bapoxonae daxita baxua po irathe xuba, bapoxonae yamuxu busi, yawa jerajerei, yawa ira jijiyatano po cae pin nacuatha tsique.

Meje yabara po diwesi xua trompeta xua pecaobiwan

⁶ Barapo siete poyobe matatsunpiwi daxita barompaya nacui wunaeta pia trompetan xua peobinexa.

⁷ Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanawan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

⁸ Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo. ⁹ Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

¹⁰ Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, potó pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira buxupana mene mene nat-sibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira buxupana mentha. Icha ira buxupana menthabe jopa daichiyo. ¹¹ Barapo pin opiteito wun dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

¹² Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanapanaya pentha tsurubenaeyo. Yawano jomocoichato muxunenepa, po muxunenepa abe

exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

¹³ Bapoxonae pirapaeyo tan matatsunpin pon be cuiyausi xua juinya pupuna ducuaenaebiya itabocotha. Bapon jume daunweya jeye: “¡Pai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

9

¹ Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacupatsi xua pecoibo saranaxubiwa tsane barapo pin m̃th̃ deca xua ira bereca. ² Bapoxonae bapon coibo saranaxuba. Barapo m̃th̃ coiboto tsina be pin ts̃x̃ jujuina, po ts̃x̃ icha pabi coicha ts̃x̃ ichi poxonae pin pabi. Barapo ts̃x̃ po irathe naquitaba exana yawa xometo naquitaba exanano. ³ Barapo ts̃x̃ weya pupuna sure, xua daxita irantha pupuna. Barapo sure catatsi, pocotsi coyene icha p̃to ichi xua poxonae naca cawata. ⁴ Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomonae Nacom jopa itapa tinaeyo. ⁵ Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po xometiyobe tsane. Barapo peatenewa bichocono atene icha be poxonae ichi xua poxonae ich̃n cawatatsi p̃to.

⁶ Barapo mataqueitha, po mataqueitha jiwi bichocono atene tsane, cuinaya bewerapabenaena ichitha jopa cuinaya werapabenaes tsane.

⁷ Sure be cawayumonaein nacui w̃naeta xua penabinexa. Barapo suremonaein mataina pocotsiwan be tepan be pocotsiwan penainton xuan pew̃n oro nain. Matauta peitabaran be jiwi itabaran. ⁸ Pentanan bichocono antanapipiya be yab̃xi, pewanon awanoyei be neuth̃ wanon. ⁹ Pia pepon tsebocon dubena be penain xuan baxota penayaewatsinexa, po penain pew̃n hierro nain mataw̃n. Pecuarafein busin be cawayu busin poxonae cawayu cacuinaejijinca ainya naein xua cawayu pecaponae naexi xua penabiwa tsane. ¹⁰ Pebosoton be p̃ton bosoton xua e dubena. Pia pebosotontha itacupatsi xua abe peexanaewa jiwitha xua beya poxonae cinco po xometobe. ¹¹ Barapo suremonaein xeina pia pentacaponaein, po pentacaponaein peewatsin barapo pia pin m̃th̃, po m̃th̃ ira bem̃th̃ taerucuaeca. Barapo matatsunpin pon suremonaein pia pentacaponaein tatsi hebreo jume w̃ntha “Abadón”, jei. Seicaya griego jume w̃ntha “Apolión”, jei. Barapo jume w̃ntha jeye: “Pon Pecaewitaxubin daxita”, jei.

¹² Baxua weta xua copiya abe peexanaewan, ichitha awiya seica ainya peabe coyenewabe.

¹³ Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijei cuatro po pentetobe weya. Barapo cuatro po pentetobe umena pem̃x̃ub̃r̃tha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha

tatsi uncua. ¹⁴ Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe matatsunpiwi pomonae maxu c̄bebatsi maxu isacapende xua pomonae umena ichaxota po mene pin mene, po mene pewan Eufrates”, jei. ¹⁵ Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui w̄naetatsi xua po horathe nexa, yawa xua po matabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi. ¹⁶ Jume tan xua pia soldadomonaē yabara paeba xua pomonae bichocono ayei xainto bicheiton, jeye: “Bapon doscientos millones xeina po soldadomonaē cawayutha pona”, jei.

¹⁷ Xua xuan tan cawayumonaēin iche: Pomonae cawayutha eneica pentacaritha cajijinca penain bocoton, petsobiwanno, yawa pes̄jeiwanno, yawa pedaedaenaewanno. Barapo cawayumonaēin peitabaran be neuth̄ itabaran. Barapo cawayumonaēin pecoiboton tsina iso itereton tajujuinatsi xua ts̄x̄u tsobia, yawano icha ts̄x̄uno xua coicha s̄jei. Yawano icha coicha po ts̄x̄u coicha daena. ¹⁸ Pin bicheitomonae werapa tsipei barapo cawayumonaēin pecoiboton tsina tajujuinatsi iso itere, pets̄x̄uno xua s̄jei, yawa icha ts̄x̄u po coicha bichocono coicha daena. Dos po bicheito cuntyibe jopa daichiyo. ¹⁹ Barapo cawayumonaēin pecoiboton tajujuinatsi pia peayapus̄wan tatsi yawano pebosoton tsinano. Barapo cawayumonaēin bosoton be jomon matanaēin. Barapo jomo matanaēintha jiwi abe exainchi.

²⁰ Ichitha ichamonae pomonae jopa werapaeyo barapo pewerapaewantha, barapomonae jopa pentsiyo abe pia peexanae coyenewan. Matautano jopa barapentsiyo xua antobeya w̄nae pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronce nainto nacom. Yawano w̄nae jainta ibo nacom. Yawano w̄nae jainta nae nacom. Barapo nacom̄monae jopa itac̄paetsi xua penecotsiwa. Yawa jopa itac̄paetsi xua pejume taewa. Yawa jopa itac̄paetsi xua peponaewa. ²¹ Matautano jopa barapentsiyo xua ichamonae pejutebiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yab̄x̄itha. Matautano jopa barapentsiyo pecaibi coyenewan.

10

Meje yabara po diwesi xua matatsunpin capona tsica dibiriyo

¹ Xan ponxaein Juan, bapoxonae equeicha tan icha matatsunpin pon bichocono peayapus̄n xua peitaboco wetsica pona po irathe tsique. Barapo matatsunpin tsaquinaebowa muxuna dederaquiya duneica. Yawano matatsun uncueicatsi coinwawa. Peitabara bichocono itabara pentha icha xometo ichi poxonae pentha. Yawa pesitobe be isoto coicha xua bichocono coicha tsobia. ² Tsica dibiriyo pecobetha capona xua it̄aduta. Po sito xua pecoxa weya pin mar mentha uncua, yawa po sito petsocona werena iratha uncua. ³ Bapoxonae bapon jume daunweya wawai be poxonae neuth̄ jume daunweya fiba. Poxonae bapon wawai, bapoxonae jume tan xua be jurujurei yam̄x̄u siete po jumeyobe xua paeba. ⁴ Poxonae baxua najume weta xua be jurujurei yam̄x̄u siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yawan̄ xeinare yawa jopa tinaeinde xua barapo siete jumeyobe xua be jurujurei yam̄x̄u”, nejei.

⁵ Bapoxonae barapo matatsunpin pon xua po sito pecoxa weya uncu pin mar mentha yawa xua po sito petsocona weya uncu iratha, bapon namaxu yoicha peitaboco beicha po maxu xua pecoxa weya. ⁶ Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiwuna muxu dutan: ‘Equeicha daxua aibi xua peewatsiwa’, jan”, jei matatsunpin. ⁷ Equeicha barapo matatsunpin jeye: “Poxonae matabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jatsina xua daxita wetsina. Nacom wetsina xuan pocotsiwan caena bayatha Nacom yabara tsiwuna muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwuna muxu duta, baxuan jiwi jopa yaputaeyo poxoru jopa Nacom yatsicaewa tsita itatsiyo jiwitha”, jei barapo matatsunpin.

⁸ Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comaucua. Barapo matatsunpin pon po sito pecoxa weya uncu pin mar mentha, yawa uncu iratha po sito petsocona weya”, nejei. ⁹ Bapoxonae matatsunpin beya ponan yawa wucan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

¹⁰ Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya. ¹¹ Bapoxonae netsipaeba, nejei: “Xam bewa equeicha yabara tsiwuna muxu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, jei xua pon netsipaeba.

11

Meje yabara po diwesi xua dos ponbe, ponbe yatsicaewa Nacom pia peta-paebinchibe xua petaexaebe pocotsiwa Nacom exana

¹ Bapoxonae necata naeto pocotsiwa xua peepa canaabiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaebare. Yawano epa canaebare xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wuna jaintatsi, pomonae yatsicaewa Nacom peantobewichi. ² Ichitha jopa pana epa canaebinde, po pana pesato beya boca ichaxota Nacom pia pepa pin pia bo tatsi uncu. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena. ³ Xan itorobin dos poyobe, ponbe xua inta yatsicaewa paebina xua petaexaebe xua pocotsiwa exanan. Baponbe inta

yabara tsiw_unae muxu dutsiya paebinabe jiwitha xua beya un mil doscientos sesenta po matabinbethe tsane. Baponbe jume xatatsinbe pocotsi paparuwa xua ax_un, xua jiwi nama xatabeiba poxoru wecoyei”, nejei matat-sunpin xua Nacom tapaebatsi.

⁴ Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pew_un Zacarias yabara tina olivo naebe, yawa yabara tina ainyawabe pocotsiwa petab_uy_ubeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petab_uy_ubeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi. ⁵ Icha ichamonaie ichichipa xua baponbe abe peexanaewatsibe baponbe itac_upatsibe xua weraweraca peexanaewabe barapomonaie pecoiboto tsina icha be pocotsi coyeneya metha ichipabe xua poxonaie daxita weraweraca exanabe poxonaie be isoto tajuinatsibe. Barapo isototha baponbe omeicha tautabe pia peitaefaetabiwichi jiwitha. Barichi werapaena pomonaie ichichipa xua baponbe abe peexanaewatsibe. ⁶ Baraponbe xeinabe pia peitorobi coyenewa xua itac_upatsibe peitaboco acatsiwa tsanebe xua jopa ema perunicaewa tsane. Baxua itac_upatsibe xua exanabe poxonaie baponbe po matabitha cataunxuae Nacom tapaebi ducuaenaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe. Matautano baponbe itac_upatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

⁷ Poxonaie baponbe nacui wetsinabe xua tapaeba ducuaenaebiyabe xua Nacom tapaeba ducuaenaebiyatsibe, bapoxonaie juinaena po m_uth_u pin m_uth_u tsina pon ayei pon bichocono abe peexanaein. Baraponbe be xua b_utsibe natsicotainchi yawa amanayabinchibe xua t_upa peexanaenexatsibe. ⁸ Pet_upaieinbe saya pesatotha bocaenabe tomara namtotha, po pepa tomaratha ichaxota matha naetotha t_upa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuaapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonaie. Yawa ir_u Egipto nacua-monaiepiwi abe peexanaewimonaie, icha barapo pepa tomaramonaie ichi xua Jerusalén tomara xua abe exana. ⁹ Daxita pomonaie tomarapiwi jiwana, ir_uno tsicamonaieyo jiwana, ir_uno pomonaie barompaya icha jumexitha pecueicueijei jiwi jiwana, ir_uno daxita pomonaie nacuanpiwi jiwana, daxita barapo jiwimonaie taeumenaena barapo pet_upaieinbe. Baponbe pet_upaieinbe bocaenabe acoibi po matabibibe yawa xua equeicha bara caetono. Daxita barapomonaie pomonaie taeumena, jopa copatsi tsane xua ichamonaie bara pet_upaieinbe pem_uth_uth_u xubiwa tsainchibe. ¹⁰ Pomonaie xua jinompaena po irathe j_untemiya jinompaena xua pet_upaexaie baponbe. Daxota daxita barapomonaie j_unt_u coyene weiweinaena, yawano daxota barapomonaie nantiya nacatsibina pocotsiwan amanaya penacatsibiwan. Barapomonaie baxua exanaena tsipei ajumeitaefaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

¹¹ Ichitha poxonaie yapu caewinaba acoibi po matabibibe yawa xua equeicha bara caeto bocaenabe, bapoxonaie equeicha Nacom as_u exanaenabe. Bapoxonaie asiya uncuaenabe. Daxita pomonaie xua poxonaie baponbe taeinchibe, bichocono junuwina. ¹² Bapoxonaie baponbe jume taenabe xua

pon itaboco wetsica jume daunweya baraunchi tsainchibe, jei tsainchibe: “¡Bara wepajuinamebe!” jei tsainchibe. Bapoxonae baponbe itaboco beicha juinyaenabe tsaquinaebowatha yawa pu taeumenaechibe pia peaitafaetabi jiwichi. ¹³ Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabaxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wunaenae jainchinchí, po Nacom itaboco beequiya.

¹⁴ Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

Meje yabara po diwesi poxonae xua matatsunpin xua pon siete poyobetha oba pia trompeta

¹⁵ Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi barapo cae pin nacuathe, anoxuae barapo peitorobi coyenewa Nacom pon Wanacanamataxeinaein piawa irano Mesías pon Nacom pia peitorobarecaein, bapon piawa tatsi. Baponbe daxita jiwi itorobiya ewatsinchi barapo cae pin nacuathe xua ataya tsane”, jei pomonae xua itabocotha jume daunweya wawai.

¹⁶ Bapoxonae tan barapo pitiri jiwi, po pitiri jiwi veinticuatro poyobe. Barapo pitiri jiwi ena pia pexeinya peenaethopeibiwatha, Nacom peitabaratha tatsi. Barapo pitiri jiwi pentabocototha irabe taeumendeca xua Nacom wunaenae pejainchinexatsi. ¹⁷ Barapo pitiri jiwi jeye Nacomtha:

“Xam pata Nacom, ponxaem jiwi Necanamataxeinaem pajuntaxu coyene weiweinan xua pocotsiwa painta neexanaexae. Xam barapo pata Nacom, pon neayapusu itorobi coyenewantha neexanaein. Xam pon anoxuae ataya poponeibiname yawa xua caena bayatha ataya poponeibameno, yawano xua bexa tsane ataya poponeibinameno. Tsipei anoxuae po mataqueithe nama tamropata pitabame jinya neayapusu itorobi coyenewa xua tsita itutame xua poxonae daxita carepaya nacuanpiwi itorobiname.

¹⁸ Daxita nacuanpiwi cacaseba, ichitha anoxuae matabi patopa, po mataqueitha bichocono anaya atene exanaename barapomonae abe peexanaexae. Yawano barapo mataqueitha daxita jiwi yabara paebiname xua penatsicuentsiwa pomonae xua wunaenae peexanaewi iru pomonae xua abe peexanaewi. Daxita barapomonae bayatha werapa. Barapo mataqueitha iru pomonae xua cata nacuita, pomonae jinya neitorobi jume pepaebiwi,

iru pomonae xua pejuntu coyene xanepanaewi,
 barapomonae matabuxumonaebe catsibiname
 pocotsiwan xua bayatha juntana jebame
 xua nematomatsiwan.
 Barichi catsibiname pomonaetha pomonae jopa
 judiomonae naexanaeyo pomonae bequein bara
 ichamonae saya pecui pawimonae, matautano
 bequein bara ichamonae peainya cui jiwimonae.
 Ichitha xam saya bara catsita najupa.
 Matautano barapo mataqueitha daxita omeicha
 atene exanaename pomonae abe peexanaewi
 barapo cae pin nacuathe”,
 jei barapo pitiri jiwi.

¹⁹ Bapoxonae Nacom pin pia bo tatsi nacoibo saranaxuba xua itabocothe-
 icha. Barapo Nacom pin pia botha jiwi tane pocotsiwa xua ichawa yanta
 xatatababota xua be caja. Barapo cajatha boca Nacom petinae diwesi, pocot-
 siwa xua Nacom yabara tsiwanae muxu duta pomonaetha pomonae pia
 petanacuichiwichi pocotsiwa bexa Nacom taexanaena xua barapomonae
 taexanaeinchi. Bapoxonae yamuxu busi xua be jurujurei yawa jerajerei.
 Matautano ira jijiyata, yawano nawita othopeica xua dederawa, pocotsiwan
 benata poxonae po eman ichaxota bichocono aque.

12

*Meje yabara po diwesi xua petsiriwa yawa pon pinyo, pon be jomowabi,
 bapon pon be Joyoinya*

¹ Bapoxonae itabocotha naituta xua pocotsiwa bexa exanaena po cae pin
 nacuathe tsique. Tan petsiriwa powa nama xatata po paparuwa bichocono
 wanae, icha be xometo ichi poxonae pentha. Bapowa nataxu yutuncua
 jomocoichatotha. Barapowa mataina tepa, po tepatha doce xoyobe xeina
 opitei. ² Bapowa yaporowa jina pexuyo. Bapowa wawai tsipei atene, poxoru
 pexuyo naexana imoxoyo. ³ Bapoxonae itabocotha equeicha naituta ichawa.
 Tan pon pinyo, pon be jomowabi, pon be Joyoinya. Bapon pon be Joyoinya
 bichocono tsobia yawa siete po pentasipabe xeina yawa diez po pentetobe
 xeina. Daxita carepaya pentasipantha mataina tepan. ⁴ Pebosototha ira
 bereca bebaireca opitei. Ichaxota acoibi po opiteitonbe dudubena tsiniya
 cae opiteiton jiwanan abe eexana tsiniya. Barapon pon be Joyoinya ewatun-
 cua, yabuyo ewatuncuatsi, powa xua imoxoyo exanaena pexuyo. Bapon pon
 be Joyoinya ichichipa xane pexuyo poxonae naexanaena. ⁵ Barapo petsiriwa
 tanaexanatsi pexuyo pebin wato. Barapo pexuyo, po pexuyo poxonae
 wichaba itorobiya ewata pomonae jinompa po cae pin irathe xua daxita
 carepaya nacuantha. Bapon daunweya beta ewata barapomonae icha pon
 oveja peewatsin ichi xua poxonae daunweya beta ewata ovejan. Bapon
 exana baxua naewa xua be naebarupato. Poxonae barapo pexuyo naexana,
 pitatsi yawa capoinchi Nacom pia pexeinya peecaethopaewatha beicha.
⁶ Bapoxonae barapo petsiriwa naetsiriwa ira xuepana susato tsurucuae
 nacia beya. Baxotiya Nacom tsiwanaeta xua pia ira nexa yawa xua bapowa
 pexaewa peapatsinexatsi mil doscientos sesenta matakabibetha.

⁷ Bapoxonae itabocotha matatsunpiwi naba. Matatsunpin pon pewun
 Miguel, bapon matabapona pia matatsunpiwi. Iruru pon be Joyoinya,
 bapon pia matatsunpiwi matabapona. Daxita barapo bicheito nantiya
 naba. ⁸ Ichitha pon be Joyoinya iru pia matatsunpiwi tatsi jopa cui jupaetsi
 xua Miguel peamanayabaxubiwatsi yawa xua pia matatsunpiwi tatsithano.

Daxota pon be Joyoinya yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi. ⁹ Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wun pewun Satanás. Bapon pon jiwi pemuxujainyabeibin pomonaetha pomonae jinompa daxita po cae pin irathe tsique.

¹⁰ Bapoxonae itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia peayapusu itorobi coyenewatha xua pon be Joyoinya jopa wanacanamataxeinaenexa. Yawano anoxuae Wanacom itorobiya ewata daxita carepaya nacuantha pomonae jinompa po cae pin irathe tsique.

Yawano anoxuae Nacom Mesías catatsi pia peayapusu itorobi coyenewa pon Nacom pia peitorobin tatsin.

Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwimonaetha, pomonae jume cowanta Nacom, abeya muxujainyabeibatsi merawitha yawa mataqueithano xua Nacom peitatha tatsi.

¹¹ Wajiwimonaetha pomonae iru xua pejume cowantsiwi Nacom, barapomonae amanayaba bapontha pejume cowantsixae xua Mesías tsitupa barapomonae.

Bapon pon Cordero, xua pon oveja pebto penun.

Yawano amanayaba bapomonae tsipei Mesías yabara paeba dubenanaebiyatsi pocotsiwa bapon barapomonae taexainchi.

Barapomonae amanayaba, tsipei najei: ‘Bequein bapon pon be Joyoinya ichichipa naca juteba ichitha jopa junuwichi xua werapaeinchi.

Awiya jume cowanta dubenanaebiyaeinchi Nacom’, najei.

¹² ¡Pajuntu coyene weiweinare pomonae itabocotha painya nejinompaexae!

¡Daichitha tsobenae pomonae jinompa po cae pin nacuathe deque, yawano xua xuan pin mar mentha jinompa, tsipei Satanás bara bereca

bichocono anaepanaya patopareca!

Bapon Satanás yaputane xua jopa bayatha tsaibi tsane poxonae abe

exaneibina po cae pin nacuathe deque”, jei.

¹³ Poxonae barapon pon be Joyoinya, pon Satanás itawetsicatsi po cae pin irathe tsique, bapoxonae yabayo barainatsi, powa xua bayatha pexuyo exana pebin wato. ¹⁴ Ichitha Nacom, barapowa pecuarafe catatsi, ainya cuarafebe xua cuiyausi piawan. Daxota Nacom cata xua bapowa tajua beya

pepupunaenexa ichaxota po ira beya xua Nacom bayatha tsiwunaeta, xua pepupunaenexa pon be Joyoinya weya. Barapowa pupuna barapo ira xuepana susato tsurucuae nacua beya. Nacom apata bapowatha pexaewa tres po weibetha yawa xua seis po xometobetha. ¹⁵ Bapon pon be Joyoinya pecoiboto tsina mene sutaba xua peawubonexa xua bapowa pemonoxubinexa tsainchi awubotha. ¹⁶ Ichitha ira bapowa yaweinchi. Barapo ira, naira yetaxuba yawa mene apaxoreca, po mene bayatha sutaba bapon pon be Joyoinya. ¹⁷ Bapoxonae bapon pon be Joyoinya bichocono anaepana bapowatha. Daxota bapon nainya pona bapowa piamonae tatsi beya tatsi xua penabinexa. Bapon ba xua bñtsi pomonae jume cowanta Nacom penajume caitorobi diwesi xuano xua paeba dubenanaebiya Jesús pejume diwesi. ¹⁸ Bapoxonae bapon pon be Joyoinya, pon be jomowabi, pin mar mene itapa taetabotha uncua xua pewabinexa ichamonae xua peyawenaenexatsi.

13

Meje yabara po diwesi pon ayei, pon be Corei, irano xua ichan pon ayei, pon be Metsametsawa

¹ Bapoxonae ichan tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pewanxi, po wanxi xua Nacom abe yabara paebatsi. ² Barapon pon be Corei be neuthu xua yaquiquibia. Petaxu be tson taxu. Pecoiboto be neuthu coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa. ³ Cae matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi. ⁴ Barapon pon be Joyoinya wnae jaintatsi, jiwi wnae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wnae jaintatsi, jiwi wnae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

⁵ Yawano barapon, pon be Corei copatatsi xua Nacom abe peyabara paebinexatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha. ⁶ Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi. ⁷ Yawano barapon, pon be Corei copatatsi, xua bena xua beinchi pomonae Nacom pejume cowantsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tsi-camonaexi peitorobiwatsi. Matautano catatsi xua daxita carepaya tomanpiwi peitorobiwatsi. Matautano catatsi xua daxita carepaya pomonae icha jumeintha pecueicueijejiwi peitorobiwatsi. Matautano catatsi xua daxita carepaya nacuanpiwi peitorobiwatsi. ⁸ Barapon, pon be Corei wnae jaintatsi xua daxita carepaya po cae pin irathe nacuanpiwi wnae jainta. Barapomonae jopa wan dubenaeyo diborotha, po diboro pon Cordero xeina

pecobetha, pon Mesías pon naetotha tupa. Barapo diborotha Nacom wun duba pejume cowuntsiwichi caena bayatha poxonae Nacom aena forota nacua. Pomonae wun dubena barapo diborotha jopa weweracaeyo.

⁹ Paxam pomonae painya nejume cowuntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tuxu tatsi paca tsipaeba xua meje:

¹⁰ “Pomonae xua ichun waetabatsi xua atene peexanaenexatsi barapomonae xuya bara teicaeinchi ichamonae atene peexanaenexatsi tsane.

Pon xua cusitha namawainta xua ichun bexubatsi, bapon xuya cusitha bexubinchi”, paca jei

Nacom pia Pejumope tuxu tatsi.

Daxota pomonae pejume cowuntsiwi Nacom bewa saya juntu coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowunta dubenanae-biyaena Nacomtha.

¹¹ Bapoxonae tan ichun pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penun. Daichitha poxonae cueicueijeji, be poxonae cueicueijeji pon be Joyoinya. ¹² Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wuna pejainchinexatsi pon be Corei, pon pia coutha nantasipa awanxaeibi exana. ¹³ Yawano pon be Metsametsawa exana nawita xua pexeinya petsita itatsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa.

¹⁴ Barapon pon be Metsametsawa petsita itatsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa tupaeyo.

¹⁵ Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicueijeji tsane yawa jutebina daxita pomonae jopa wuna jainchichi.

¹⁶ Yawano bapon itoroba ichantha xua daxita cobe juma tinaeinchi po cobein pecoxa weya, yawa xua ichacuiitha itapa tinaeinchi, xua pomonae jopa ainya cuiyiyo, iru pomonae xua peainya cui jiwi, iru pomonae xua copei pexeinae jiwi, iru pomonae peacopeibi jiwino, yawano pomonae pia coutha penata exanae jiwi, iruno pomonae xua pebusi tatayebebiwichi. ¹⁷ Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewun tatsi, ichacuiitha barapo pecatinaewa saya número xua pewun tatsi pia número tatsi.

¹⁸ Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia número tatsi. Barapo número jupa xua pebin pewun. Barapon pon be Corei pia número tatsi baxue: seiscientos sesenta y seis.

14

Meje yabara po diwesi xua pomonae naxuna 144, 000 po bicheitomonae matabuxube

¹ Bapoxonae tan Cordero xua oveja pebto pen_{un} xua uncuia demxuwatha, po demxuwa pew_{un} Si_{on}. Barapo Cordero bar_u uncuia ciento cuarenta y cuatro mil po bicheitomonae matab_{uxu}be. Barapo ciento cuarenta y cuatro mil po bicheitomonae matab_{uxu}be daxita carepaya itapa tinatsi barapo Cordero pia w_{un} tatsi, yawano xua Paxa tatsi pia w_{un} tatsino. ² Bapoxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae taj_u wemene othopeica. Yawano be poxonae xua yam_{uxu} nameta, yawa be poxonae ainya busin xua pinmonae tanbaba. ³ Barapomonae pomonae tanbaba pexeinya wei nax_{una} Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan as_u, yawano xua pitiri jiwi pia peitabaratha tatsi. Ichamonae jopa itac_upaetsi barapo wei xua peyaputaewa xua po wei nax_{una} barapomonae. Saya jame barapomonae, pomonae ciento cuarenta y cuatro mil po bicheitomonae matab_{uxu}be yaputane barapo wei xua pomonae po irathepiwi jiwanamonae, pomonae bayatha Cordero capanenebiya abe pia peexanaewan weya poxonae tsit_upa barapomonae. ⁴ Barapomonae jopa nataxobiyo xua penasi cui exanaewa xua yab_{uxi}tha pejeinya enaexae. Yawano barapomonae exaneiba daxita xua pocotsiwan Cordero itoroba xua poxonae barapomonae napuna poneiba ichaxota Cordero poneiba. Barapomonae capanenebiyatsi, Nacom capanenebiya xua daxita carepaya jiwi jiwanamonae tatsi xua bapomonae pecana exanaenexatsi pomonae bichocono pepa pej_{unt}_u coyene xanepanaewi Nacomtha ir_uno Corderotha pomonae xua copiya, pomonae xua Nacom pejume cow_{unt}siwichi. ⁵ Barapomonae jopa penaerabiwi tsipei barapomonae bichocono pepa pej_{unt}_u coyene xanepanae jiwi, Nacom peitabaratha tatsi. Barapomonae jopa xeinaeyo xua penatsicuent_usiwa Nacom peitabaratha tatsi xua abe peexanaexae.

Meje yabara po diwesin xua cueicueijejei acoibi poyobe matatsunpiwi

⁶ Bapoxonae tan ich_{un} matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwi pecapanenebiwatsi abe pia peexanaewan weya. Barapo diwesi daxita carepayan jiwi nexa: pomonae daxita nacuanmonaepiwi nexa, ir_uno pomonae tsicamonaexipiwi nexa, ir_uno pomonae barompaya icha jumein pecueicueijejiwi nexa, ir_u_u daxita tomaranpiwi nexano. ⁷ Barapon jume daunweya paeba, jeye: “Pacunuwiya jinompare Nacom xua beta painya nejume cow_{unt}siwa. Yawano Nacom w_{una}e pajainde. Tsipei anoxuae nama barapo matab_u patopa po mataqueitha Nacom yabara paebina jiwi xua penatsicuent_usiwa xua abe peexanaexae. W_{una}e pajainde pon exana itaboco, xuano xua exana pin mar mene, yawa exana ira b_{uxu}pana mene”, jei barapon pon jume daunweya paeba.

⁸ Ich_{un} matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ¡Barapomonae cuiduba ichamonae xua ichamonae abe peexanae coyene peexanaenexa xua penasi cui exanaewa tsane yab_{uxi}tha, xua ir_u pebiwitha!” jei matatsunpin.

⁹ Bapoxonae ich_{un} matatsunpin patopa, bapon jume daunweya jeye: “Icha ich_{un} w_{una}e jainta ibo Corei nacomtha xua saya canaxoba yawa icha itapa tinatsi, yawa ichacuitha xua icha cobe juma tinatsi, bapoxonae Nacom bichocono casebina bapon xua bapon casebinchi. ¹⁰ Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui w_{una}etsixaetsi. Jopa juniya exanae tsane poxoru bichocono

Nacom yabara anaepana. Barapon bichocono atene tsane poxona Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi. ¹¹ Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonae pon be Corei wuna jaintatsi xuano xua barapo ibo Corei nacom wuna jaintatsi, yawano xua barapomonae itapa tinatsi barapo Corei pia wantha tatsi”, jei matatsunpin.

¹² Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowanta dubenanaebiyatsi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

¹³ Bapoxonae jume tan pejume xua peitaboco wenebaraichica. Nejei: “Baxua tinare: ‘Bu bara juntu coyene weiweina pomonae jume cowantsiya werapaena Jesustha, pon jiwi Pecanamataxeinaein’, jei”, nejei.

Nacom pia Pejumope tuxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa nafifina ewatsina Nacom pia nacuatheicha. Po coyene xua barapomonae juntu coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiyatsi, barapo juntu coyene barapomonae yawa ponaena Nacom pia nacia beicha tatsi”, jei Nacom pia Pejumope tuxu tatsi.

Meje yabara po diwesi xua matatsunpiwi cusin caucuboba po cae pin irathe tsique

¹⁴ Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi. ¹⁵ Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “iBarapo cusi caucubobare yawa jore pocotsiwa xua naweta tsipei barapo matabi patopa, po mataqueitha naweta po cae pin irathe deque!” jei matatsunpin. ¹⁶ Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

¹⁷ Bapoxonae equeicha ichun matatsunpin Nacom pin pia bo weya pona xua itaboco weya. Barapo matatsunpin cusi capona, po wato bichocono xuiyoi. ¹⁸ Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “iBarapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin. ¹⁹ Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara juta ichi Nacom jiwitha, xua poxona bichocono atene exanaena jiwitha xua abe peexanaexae jiwi. ²⁰ Barapo uva cuei tomara juma beya cuba. Barapo pecacubi fetoto wetsina jujuina petsobia mera, be pocotsiwa

pejana, beya xua cawayu ponxo jayeichatsi yawa xua iratha iya xua taju beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan taju ayei tsoponae tsane.

15

Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa

¹ Bapoxonae equeicha tan peitabocotha icha pin petsita itatsi coyenewa xua nebenaeca. Tan siete poyobe matatsunpiwi yawa xua cajjinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabetha bapoxonae Nacom nacui weta xua poxonae anaya bichocono atene exana jiwi abe peexanaexae.

² Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosibu muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jopa wuna jainchiyo pon be Corei yawa pon be ibo Corei nacom, yawano jopa itapa tinaetsi pon be Corei pewantha. Barapomonae imoxoyo caquita umena barapo pin mar mene. Yawano barapomonae caumena arpa matawan xua pocotsiwa pecatanbabiwan xua Nacom catsiba. ³ Barapomonae naxuna Moisés pia wei tatsi, pon Nacom pia penacuichiwa tatsi taexainchi. Yawano barapomonae naxuna Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein, daxita xam exaname bichocono peainya cui coyenewa yawano bichocono wuna.

Xam pon, daxita neayapusu itorobiya coyenewan xeiname.

Jinya coyenewan bara pexainyeiwan poxoru beta exaname.

Xam itorobiya neewatsin daxita carepaya nacuanpiwi.

⁴ Xam pon jiwi Necanamataxeinaein. Daxita jiwi junuwiya cabaru cui itura jinaena.

Yawano daxita jiwi wuna cajainchina tsipei saya meisa xam nejantu coyene xeicaem.

Daxita carepaya nacuanpiwi patsina xua wuna necajainchinexa tsipei barapomonae bayatha tane pocotsiwa xua betiya xanepanaya exaname”, jei barapomonae.

⁵ Bapoxonae equeicha tan peitabocotha Nacom pin pia bo. Po boyo tututha uncua barapo Nacom pin pia botha tatsi po boyotha ichaxota Nacom popona, barapo tutu nacoibo saranaxuba. ⁶ Barapo tutu weya matatsunpiwi pona pomonae xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya juncacari jayabeinatsi. ⁷ Bapoxonae tan caein, xua jiwana barapo cuatro poyobe xua xuan asu. Bapon barapo siete poyobe matatsunpiwi catsibatsi coroton xua wunba po coyenewan peabe cui coyenewan pocotsiwan Nacom exanaena, pon ataya popona. ⁸ Bapoxonae

barapo tututha, bichocono petsuxu wunca. Barapo tsuxu Nacom pia xainya weya tatsi tapichapatsi pon peainya cuin yawa xua peayapusu itorobi coyenewa pexeinaein. Dapon aibi pon pecopatsiwatsi xua pejoniyaewa barapo tututha poxonae cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

16

Meje yabara po diwesi xua barapo corototha xeina siete po coyenewabe po coyenewa xua peabe cui coyenewan

¹ Bapoxonae jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentisixae xua abe peexanaexae Nacomtha”, jei.

² Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewun tatsi, xuano xua wuna jainta ibo Corei nacom, bapomonae barapoxonae nainya xeina xua peaperabewan xua bichocono aperatane.

³ Bapoxonae equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonae barapo pin mar mene bichocono mene janowanaya be poxonae xua petupaein boca. Barapo pin mar mentha daxita werapa xua xuan baxota jinompa.

⁴ Bapoxonae equeicha ichan matatsunpin pon xua ichaxota ba jei: “tres”, jei, bapon piawa epataba meneintha yawa ira buxupana meneintha, bapoxonae barapo menein be pejanan tsanaya. ⁵ Bapoxonae jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara
paebame poxonae atene exaname jiwi xua
penatsicuentisixae xua barapomonae
bichocono abe peexanaewi.

Bapana jopa abe exanaem.

Xam nejuntu coyene xeicaem,
yawa xua pon anoxuae nepoponaem,
yawa xua pon caena bayatha nepoponaemno.

⁶ Tsipei barapomonae jinyamonae jutebatsi,
yawano tsipei jutebatsi pomonae
neitorobi jume pepaebiwi.

Daxota barapomonae xuya werapa exaname,
peyantomatsiwa exaname abe peexanaexae copiya”,
jei barapo matatsunpin Nacomtha.

⁷ Equeicha ichan jume tan pon cueicueijei pon uncuca ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusu itorobi coyenewan nexainaem. Tsipei xam yabara paebame xua jiwi penatsicuentisiwa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

⁸ Bapoxonae equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono

atsa. ⁹ Bichocono daxita carepaya jiwi taxuatsi. Ichitha barapomonae icha juntu coyene jopa xeinaeyo matautano Nacom jopa wunaeyo jainchichi, yawa barapomonae Nacom abe yabara paebatsi yaitama Nacom xeina peayapuswa xua itoroba barapo coyenewan po coyenewan xua peabe cui coyenewa.

¹⁰ Bapoxonae equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonae jopa xapain piamonae matacaponaeyo be pon xua pona poxonae quireitha. Daxota piamonae tatsi juntu coyene deideije. Barapomonae peparaxaewa nawano sine. ¹¹ Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonae exanapona xua Nacom abe yabara paebatsi po Nacom itabocotha eca. Daxota barapomonae Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperatanewan.

¹² Bapoxonae equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewan Eufates. Barapo Eufates mene namto naexaniya xua pepatsinexa pomonae pocotsiwa werenepiwi pomonae jiwi itorobiya pia pepa peewatsiwichi.

¹³ Nexata bapoxonae tan xua pon be jomowabi, pon Joyoinya. Iru tan pon ayei, pon be Corei. Iru tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonae barompaya pia coiboton tsina tajujinatsi acoibi poyobe cauri xua xuan be pocotsiwan cuei. ¹⁴ Barapo caurimonae exana pexeinya petsita itatsi coyenewan. Barapo caurimonae ponarucupa xua penacaetuta exanaenexa daxita pomonae jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapuswa itorobi coyenewan pexeinaein.

¹⁵ Nacom jeye: “Taema, jemeicha patopaein icha be pon pecaibin ichi poxonae jemeicha patopa. Juntu coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itatha xua bapon petaewatsi daxita pia pepon”, jei Nacom.

¹⁶ Daxita pomonae jiwi itorobiya pia pepa pecanamataxeinaewichi, barapomonae nacaetuta ichaxota po iratha pewan Armagedon xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

¹⁷ Bapoxonae equeicha ichan matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeia jeye: “Bara bayatha nacui xainwaetaba”, jei pon xua paeba. ¹⁸ Bapoxonae bichocono jerajerei itabocotha, yawa pejumein, yawa bichocono jurujerei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae. ¹⁹ Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha. ²⁰ Daxita petunaeton yawano daxita demxuwan aichurubenaeyo xua ira pejjijiyatsixae. ²¹ Barichino itaboco weothopeica xua jiwi matatsun othopeicatsi pocotsiwan dederawa xua xuan benata ichaxota po

eman bichocono aque. Barapo pedederawiwān bichocono arewe. Bapoxonaē barapo jiwī Nacom bichocono abe yabara paebatsi yaitama Nacom itoroba barapo pedederawiwān pocotsiwa bichocono abe barapomonaē nexa.

17

Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara

¹ Nexata bapoxonaē taxantha patopa caein matatsunpin jiwana, po matatsunpiwi siete poyobe yawa xua siete xoyobe matacaeta capona coroton. Bapon nejei: “Anetha catsita itatinchi xua yabayo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara. ² Pomonaē jiwī itorobiya pia pepa peewatsinchi barapo cae pin nacuathe barapomonaē yawa muxuna abe nanabarū exana bapowa. Matacatano daxita carepaya pomonaē po cae pin irathe jinompa barapo coyene exana bara jupa, icha barapomonaē ichi. Barapowa cana exana xua barapo jiwī abe exana, tsipei barapo jiwī ichichipa po penasi cui matacaetsiwa bapowa exana”, nejei matatsunpin.

³ Poxonaē cataunxuae Nacom pia Pejumoŋe tūnaxū tatsi netsita itata baxua, bapoxonaē matatsunpin necapana ira xuepana susato tsurucuae nacia beya. Baxotiya petsiriwa tan xua eca pon ayei pon be Corei bapon pejumatha, xua pon tsobia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina. ⁴ Bapowa nama xatata paparuwa, po paparuwa mū sūjei yawa mū tsobia. Bapowa yawa napepena xua pocotsiwan pewūn oro nain, yawano be ibotixi xua pocotsiwan ainya matoman, yawano po warowa xu inyapana xua po warowa xu pewūn perla. Barapowa pecobetha xeina coroto penain coroto xua oro nain yawa wūnta pocotsiwan xua be mara, yawa barapowa pia penasi cui matacaetsi coyene xua weiweina. ⁵ Powa xua yabara caunutatsi Babilonia tomara, barapowa peitapatha tinaduta pewūn, po wūn jiwī jopa yabara yaputaeyo. Barapo wūn jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matacaeta bapowa daxita pomonaē xua bichocono abe peexanaewi barapomonaē pena tatsi”, jei xua tinaduta. ⁶ Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono cupatsi, barapo Babilonia tomarapiwi barapocotsi coyeneya jata ichiya exana. Baxua exana, tsipei barapo Babilonia tomarapiwi juteba pinmonaē pomonaē Nacom pijimonaē tatsi, irū pomonaē Jesús pejume diwesi pepaebiwi”, yabara jeichi barapo Babilonia tomarapiwi.

Poxonaē tan xua barapo tomarapiwi be cupatsi bichocono, yabara nabenaecan bapoxonaē. ⁷ Bapoxonaē matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xuano xua diez po pentetobe xeina. ⁸ Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po mūthū bichocono pin mūthū tsina. Bapoxonaē nama yatsicaewa weweracaena. Bapoxonaē jinompaena jiwī barapo cae pin irathe. Barapomonaē jopa wūn dubenaeyo Nacom pia diborotha tatsi, po diborotha xua jei: ‘Pomonaē wūn dubena barapo diborothe jopa weweracae

tsane', jei. Barapo jiwi caena bayatha jopa wun tinaetsi barapo diborotha. Barapo jiwi poxonae taena barapon xua taeinchi pon be Corei bichocono najuntũ coyene cabenaecaena. Daxota najuntũ coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe", nejei matatsunpin.

⁹ Equeicha matatsunpin nejei: "Meje tha xua paebichi xua ichamonae itacupatsi peyabara yaputaewa baxua: Barapo siete po pentasipabe xua pon be Corei, barapo siete matasipabe demxuwana yabara caunuta xua po matasipantha ichaxota barapowa peumatha eca, powa xua Babilonia tomara yabara caunutatsi. Barichi barapo siete po pentasipabe xua pon be Corei, yabara caunutatsi pomonae jiwi itorobiya pia pepa peewatsiwichi.

¹⁰ Cinco poyobe barapomonae pomonae jiwi itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matacapona po cae pin irathepiwi, ichun bexa tsane patopaena xua matacaponaena barapo cae pin irathepiwi. Ichitha poxonae bapon patopaena jopa ainya dapaein matacaponae tsane po cae pin irathepiwi.

¹¹ Bapon pon be Corei pon caena bayatha popona xua anoxuae jopa poponaeayo, bapon ichaxota ba jei: 'ocho', jei, bapon pon jiwi itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tupa xua barapo siete poyobe jiwana. Bapoxonae nama equeicha weweracaena poxonae tupaena", nejei matatsunpin.

¹² Equeicha matatsunpin nejei: "Barapo diez po pentetobe xua taneme xua po penteton yabara caunutatsi pomonae jiwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua iru barapon pon be Corei itorobiya ewatsina. ¹³ Barapo diez poyobe pomonae piamonae itorobiya pepa peewatsiwi peburaya nanta xeinarucupa. Matautano barapo diez poyobe pomonae piamonae itorobiya pepa peewatsiwi pia peayapusya exanaewan pon be Corei catatsi, yawano peayapusu itorobi coyenewa catatsi. ¹⁴ Daxita barapomonae pomonae diez poyobe, pomonae piamonae itorobiya pepa peewatsiwi iru pon be Corei, Cordero batsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Pomonae Cordero nabaru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba", nejei matatsunpin.

¹⁵ Equeicha barapo matatsunpin nejei: "Xua xam po menein taneme mar menein xua ichaxota yabayo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonae icha jumeintha pecueicueijejiwi, yawano yabara caunutatsi daxita nacuanpiwi. ¹⁶ Bayatha taneme barapon pon be Corei diez po pentetobe, po penteton yabara caunutatsi diez poyobe pomonae jiwi itorobiya pia pepa peewatsiwichi. Barapomonae pomonae jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano

barapomonaē wi xaena, xua bapowa wi xaeinchi. Bapoxonaē bapowa pia pepon tautinchi isototha. ¹⁷ Nacom itoroba xua barapomonaē pia pejuntū coyenetha peexanaewa tsane xua pocotsiwan Nacom ichichipa. Daxota barapomonaē pomonaē jiwi itorobiya pia pepa peewatsiwichi pomonaē diez poyobe, peburaya nanta xeinaruḥpa xua barapomonaē pia peayapusū itorobi coyenewanxae tatsi pon be Corei catsinchi. Baxuan catsina beya abū poxonaē wetsina pocotsiwa Nacom bayatha paeba. ¹⁸ Petsiriwa powa taneme xua powa nasi cui matacaeta xua weiweina, bapowa cayabara caanutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonaē pomonaē jiwi itorobiya pia pepa peewatsiwichi pomonaē barapo cae pin nacuathepiwi itorobiya ewatatsi”, nejei matatsunpin.

18

Meje yabara po diwesi xua daxita omeicha cayabara wetapentatsi Babilonia tomarapiwi xua muxuna tomarano

¹ Bapoxonaē equeicha tan ichūn matatsunpin xua pon peitaboco wetsica pona po cae pin irathe tsique. Barapo matatsunpin xeina ainya peayapusū itorobi coyenewan. Bapoxonaē bapon exana xua ira bichocono pentha tsurucuae xua pia pepon weya cueicha pona. ² Yawano bapon jume daunweya wawai, jeye:

“¡Bayatha Babilonia tomarapiwi
wetapentatsi yawa tomara abe
exanatsi, po tomara pepa tomara!
¡Yawano anoxuae caurimonaē baxota jinompa!

³ Tsipei daxita carepaya nacuanthapiwi
bichocono abe exana, po abe peexanaē
coyenewa pocotsiwa xua barapo
Babilonia tomarapiwi exana.
Yawano pomonaē jiwi itorobiya pia pepa
peewatsiwichi barapomonaē cuiduba piamonaē
xua abe peexanaewa tsane icha barapo
Babilonia tomarapiwi ichi xua abe exana.
Yawano pomonaē pecaenaetsiwi piawan, bapomonaē
xuya copei pexeinaewi naexana, tsipei barapo
tomarapiwi copei ayei ichichipa xua beta
pejinompaewa tsane”, jei matatsunpin.

⁴ Bapoxonaē equeicha ichawa jume tan xua wawai itabocotha, jeye:
“Pomonaē tamonaepiwi pam, barapo tomara weya
paponarḥḥpare, xua jopa abe painya
neexanaenexarū icha barapo tomarapiwi
ichi xua bichocono abe peexanaewi.
Bapoxonaē Nacom jopa paca atene exanaē tsane
icha bayatha ichichi xua atene exainchi
barapo Babilonia tomarapiwi.

⁵ Tsipei barapo abe peexanaē coyenewan
xua barapo tomarapiwi exana bichocono
aye xua daxota Nacom pon itabocotha
peecaein tane baxuan.
Daxota Nacom yabara nanta xeina
xua atene exana barapomonaetha.

⁶ Barabꝰ ichamonaꝰ jꝰpa exanaena
barapomonaetha, icha be pocotsi coyeneya
xua bapomonaꝰ abe taexana ichamonaetha.
Barabꝰ barapomonaꝰ pentoma catsibinchi
xua po pentoma equeicha mataropataba
xua peatenewa.

Barabꝰ barapomonaꝰ bichocono atene tsane,
icha be pocotsi coyeneya xua poxonaꝰ
barapomonaꝰ atene taexana ichamonaetha.

⁷ Pocotsiwa xua bapomonaꝰ exana xua atsaca
naexana xua penasi cui matacaetsi jiwi naexana,
barabꝰ barapomonaꝰ bichocono atene tsane,
yawa wecoyei tsane.

Tsipei bapomonaꝰ pia coutha natsipaeba, jeye:
‘Waxainchi xote enatsi.

Waxainchi jopa dapomonaetsi pomonaetsi pomonaꝰ
waseuri jiwi wanaca cuenta werapaewi.

Mataꝰtano waxainchi pomonaꝰ jiwi
itorobiya pia pepa peewatsi jiwichi, jopa
bichocono atene tsainchi’, jei bapomonaꝰ.

⁸ Daxota saya caentaqueitha tsane jopaena po
coyene xua abe peexanaewa tsainchi bapomonaꝰ,
xua bichocono peperaxa jꝰbiwa tsainchi,
mataꝰtano xua pejainpaewa tsane bichocono,
yawano xua petautsiwa tsainchi xua werapaena.
Tsipei Nacom pon pepa Pecanamataxeinaein jiwi
peayapusꝰ itorobi coyenewa xeina, yawano
bapon pia coutha yabara paebina po coyene xua
tsitatsi xua bapomonaꝰ natsiaenaꝰ cuenta
abe peexanaexae”, jei matatsunpin.

⁹ Pomonaꝰ jiwi itorobiya pia pepa peewatsiwichi xua po cae pin irathe,
pomonaꝰ xua bayatha irꝰꝰ abe exana poxonaꝰ barapo Babilonia tomara-
piwi abe exana, barapomonaꝰ bichocono wecoyei tsane poxonaꝰ xua
taena iso tsꝰꝰꝰ xua poxonaꝰ barapo Babilonia tomarapiwi tautsinchi.

¹⁰ Barapomonaꝰ tajꝰ wetaeumeinyaena poxoru cunuwa xua pocotsiwa Na-
com cana exanaena barapo Babilonia tomarapiwi. Barapomonaꝰ pomonaꝰ
jiwi itorobiya pia pepa peewatsiwichi najei tsane:

“¡Pai jaibo Babilonia tomarapiwi pam tsobena!

¡Babilonia tomara tsocuaem!

Bequein pepa tomara tsocuaem, ichitha saya

bara cae horatha barapo tomaram omeicha

Nacom cawetaxubina”, najei tsane barapomonaꝰ.

¹¹ Daxita pomonaꝰ caenaeta piawan barapomonaꝰ bichocono wecoyei
tsane xua barapo Babilonia tomara siwa wecoyeichi tsainchi tsipei bara-
pomonaꝰ jopa xeinae tsane xua comocaeinchi xua pia pecaenaetsiwan.

¹²⁻¹³ Barapomonaꝰ xua pocotsiwan caenaeta dubenanaebiya baxue: xua
pocotsiwan pewꝰn oro nain matawꝰn, yawano xua pocotsiwan penainwan
xua plata nain matawꝰn, yawano xua ira bꝰꝰꝰꝰꝰ iboton xua bichocono
ainya matoman, yawano xua pocotsiwan be warowaxu pocotsiwan perla
matawꝰn, yawano papabꝰꝰꝰ pocotsiwan bichocono ainya matoman pocot-
siwan seda matawꝰn, yawano po paparuwan mꝰ sꝰjei, yawa xua xuan
mꝰ tsobia; yawano napaewan, po naein xua bichocono tuxuei; yawano

xua ichawan weya forobano xua pocotsiwan marfil matawun, yawano xua ichawan weya forobano xua naewan xua po naewan bichocono ainya matoman, yawano xua ichawan weya forobano xua pocotsiwa bronce nain matawun, yawano xua ichawan weya foroba xua penainton, po penainton hierro nain matawun, yawano xua ichawan weya foroba xua iboton, po iboton mármol ibo matawun; yawano capana po petuxueiwan canela tseboco matawun, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxona taxua exana, yawano icha petuxueiwa pocotsiwan be mauto xua jiwi tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaein, ovejamonaein, cawayumonaein, yawa caronaemonaein, xua cawayu pecaponae naexi, yawano jiwino capoinchi pecaenaetsinexatsi xua pomonae jiwi pebusi cui tatayebeibiwichi peexanaenexa tsainchi. ¹⁴ Barapomonae jei tsane xua barapo Babilonia tomarapiwi yabara jei tsainchi:

“¡Anoxuae jopa paxeinaem pethei, po pethei ainya matoman po pethei paichichipame bichocono!
¡Anoxuae nama pacata aichurubena xua copei xeina painya nenaexanaewam xua bara ataya tsane!” jei tsane.

¹⁵ Pomonae xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonae tajw wenewatumendena xua abe peexanaeyainwatsi xua Nacom exanaena. Barapomonae bichocono wecoyei tsane. ¹⁶ Barapomonae jei tsane:

“¡Pai jaibo pepa Babilonia tomara tsobena!
Xam Babilonia tomaram bichocono pexeinya tomaram, icha yabwo ichi xua pexeinyawayo poxona paparuwa nama xatata po paparuwa bichocono swjei yawa bichocono tsobia.
Yawano bapowa napepena xua pocotsiwa pewun oro nain yawa xua be ibotixi xua pocotsiwan ainya matoman yawano po warowa xu xua inyapana xua pewun perla.

¹⁷ ¡Saya bara cae horatha daxita aichurubena xua xuan barapo tomara xeina!”
jei tsane barapomonae.

Pomonae jera pecanamataxeinaewi, yawano pomonae xua napona xua warapa icha tomaratha nexa, irw pomonae petanacuichiwi barapo jera naeintha, irwno pomonae nacuita jeratha, daxita barapomonae tajw wenecotumendena. ¹⁸ Poxona barapomonae tane xua iso tsuxu xua barapo Babilonia tomara tautatsi, barapomonae jume daunweya wawai, jeye: “Icha pepa tomara aibi po tomara wuna pocotsi tomara icha Babilonia tomara ichi”, jei. ¹⁹ Barapomonae pia cui xeina xua tsorobotha nantatsaeba poxoru bichocono wecoyei. Wawaya jeye:

“¡Pai pepa Babilonia tomara tsocuae!
¡Anoxuae jopa peraichiwa xua pocotsiwan bayatha jera wunbatsi xua copei xeina naexainchi xua poxonae naca comoca barapo tomarapiwi!
¡Daxita baxuan caayawachurucuae exainchi tomara!” jei barapomonae.

²⁰ Ichitha paxam pomonae itabocotha painya nejinompaewi pam iru pomonae tamonae pam, iru pomonae Jesús pia peitorobiwi tatsi pam, iru pomonae Nacom peitorobi jume pepaebiwi pam.

Daxita barapomonae pam, pajuntu coyene weiweinare xua pacata peaichurucuaexae barapo Babilonia tomara.

Nacom xuya abe exana barapo Babilonia tomara tsipei bayatha barapo tomarapiwi pacata abe exana.

²¹ Bapoxonae matatsunpin pon bichocono pia peayapusu itorobiwa xeina, bapon pita iboto, po iboto bichocono pin iboto xua be pocotsi ibototha jiwi cuba trigo xu. Bapoxonae barapo matatsunpin xuba barapo iboto pin mar mentha. Bapon jeye:

“Icha barapo iboto ichin xua xuban barapo pin mar mentha, Nacom barichi wetaxuba barapo Babilonia tomara xua equeicha jiwi jopa petaewa tsane.

²² Yawano bapana equeicha jiwi jopa jume tae tsane xua petanbabiwan busin xuan pewun arpa matawun, yawano xuan po peobiwa jumein pewun flauta matawun, yawano icha peobiwan jumein xuan pewun trompeta matawun.

Matautano jopa tae tsane pomonae xua barompaya piawan penata exanae jiwi.

Matautano jopa busi tae tsane barapo pin tomaratha xua busi xu yacatoyeraba trigo xu xua pin ibototha.

²³ Matautano jopa yonoyonei tsane pecoichan.

Matautano jopa jume tae tsane xua pin penabanaewa exana xua poxonae pebin pecotsiwa pita.

Pomonae pecaenaetsiwi barapo pin tomaratha bichocono copei pexeinaewi xua daxota daxita nacuanpiwi yabara cui yaputane xua barapomonae peainya cui jiwi.

Barapomonae pomonae Babilonia tomarapiwi itacupatsi xua daxita nacuanpiwi

muxuitorobatsi mara peexanaewi pia coyenyatha xua daxota iru abe

peexanaenexa tsane, icha barapo Babilonia tomarapiwi ichi xua abe exana”,

jei matatsunpin.

²⁴ Nacom weraweraca exanaena barapo tomara. Barapo tomarapiwi Nacom tsitatsi xua barapomonae penatsicuentiwa xeina xua ichamonae pejutebixaetsi, pomonae Nacom pia peitorobi jume pepaebiwi, iru pomonae Nacom pejume cowantsiwichi tatsi yawano daxita pomonae bayatha jutebatsi po cae pin nacuanthepiwi xua ichamonae juteba icha tomarantha.

19

¹ Bapoxonae peitabocotha jume tan xua juinya pinmonae jeye:

“¡Barabũ Nacom wũnae jainatsi, Nacom naca capanepa abe waexanae coyenewan weya!
¡Maisa Nacom pexeinya jũntũ coyene pexeinaein!
¡Maisa Nacom bepa juniya xeinae peayapusũ itorobi coyenewa!

² Nacom wũnae jaintatsi tsipei bapon Wanacom. Poxonae yabara paeba jiwi xua penatsicuentsiwa xua abe peexanaexae, bara beta xaniwaicha exana. Yawano bapon bichocono atene exana barapowa powa xua penatsicuentsiwa xeina xua abe peexanaexae. Bapowa penasi cui matacaetsiwa xua weiweina pebiwitha pia paratixichi. Barapowa yabara caunutatsi Babilonia tomara po tomaramonae xua penatsicuentsiwa xeina xua abe peexanaexae icha bapowa ichi. Bapowa bayatha cuiduba barapo cae pin nacuapiwi xua irũ abe exana icha xua barapowa ichi.

Tsipei bapowa Nacom pijimonae tatsi jutebatsi daxota xuya Nacom pijimonae yantomata xua poxonae bapowa bexotsi powa peyabara caunutsixaetsi Babilonia tomarapiwi”, jei xua juinya pinmonae.

³ Barapo pin ayei jiwi jeye:

“¡Barabũ Nacom wũnae jaintatsi!
¡Iso tsũxũ xua bapomonae tautatsi barabũ bapana jopa athabe jujuinae tsane xua pepu ataya tsane!” jei barapomonae xua juinya pinmonae.

⁴ Bapoxonae veinticuatro poyobe pomonae pitiri jiwi, irũrũ cuatro poyobe xua xuan asũ daxita barapomonae irabe taeumenareca xua Nacom wũnae pejainchinexa tsainchi, jeye: “¡Je bara ichi tsane! ¡Barabũ Nacom wũnae jaintatsi!” jei daxita barapo matabũxũmonaebe. ⁵ Bapoxonae Nacom pia pexeinya peecaethopeibiwatha, jume tan pejume, xua jeye:

“¡Daxita pam, pomonae Nacom pata exaname, Nacom pon pata Nacom, wũnae pajainde!
¡Irũrũ pomonae paexaname pocotsiwa Nacom paca itoroba, Nacom wũnae pajainde!
¡Irũrũ pomonae peacopeibi jiwi irũrũ pomonae copei pexeinae jiwi, daxita paxam Nacom wũnae pajainde!”
jei pejume xua paeba.

Meje yabara po diwesi xua poxonae jiwi tsinacaetuta pexaewa penabanaenexa poxonae Cristo, pon Cordero, pecotsiwa nacueyaba

⁶ Yawano jume tan peitabocotha xua pejumein be pin bicheitomonae be poxonae xua ainya pin mar menein busin, yawano be xua xuan yamũxũ jurujurei. Barapo jumein jeye:

“¡Barabũ Nacom wũnae jaintatsi pon jiwi Pecanamataxeinaein!

Bapon nama anoxuae tamropata pitaba xua daxita carepaya nacuanthapiwi itorobiya ewatsinchi.

Bapon xeina daxita coyenewan xua pia peayapusu itorobi coyenewan.

⁷ Juntu coyene weiweinatsi yawano jacobatsi, jeichichi: ‘Maisa pexeinya juntu coyene pexeinaein’, jeichichi! Baxua bewa exanaetsi tsipei patopa matacabi poxonae po matacabitha jiwi tsinacaetuta pexaewa penabanaenexa poxonae pon Cordero, piowa nacueyaba.

Barapon pon Cordero, pecotsiwa tatsi nacui xainwaeta, poxonae po matacabitha jiwi pin penabanaewa tsinacaetuta xua penabanaewa tsane.

⁸ Barapowa copatatsi xua penama xatatsinexa paparuwa, po paparuwa bichocono pexeinya paparuwa.

Barapo paparuwa bichocono inyapana yawa xua bichocono mu daedaena.

Barapo pexeinya paparuwa caunuta xua po coyenein Nacom pia peantobewichi tatsi exana xua po coyenein Nacom tsita xanepanatsi.

Barapo yabuyo yabara caunutatsi Nacom pijimonaetsi, pomonaetsi Nacom pejume cowantsixaetsi”, jei barapo pin bicheitomonaetsi.

⁹ Bapoxonaetsi matatsunpin nejei: “Tinare xuaje: ‘Bichocono juntu coyene weiweina pomonaetsi Nacom waba poxonaetsi pin penabanaewa tsinacaetuta xua penabanaewa tsane poxonaetsi pon Cordero, nacueyaba pecotsiwa’, jande poxonaetsi xua tiname”, nejei barapo matatsunpin. Equeicha nejei: “Daxita po jumein xua catsipaebatsi barapo jumein xaniwaicha Nacom paeba”, nejei barapo matatsunpin.

¹⁰ Bapoxonaetsi barapo matatsunpin petaxutha irabe taeuncuarecan xua wunaetsi tajainchinexa. Ichitha bapon nejei: “iBara! Jopa baxua neexanaeinde. Apra xan iru ponxaein Nacom piawa taexanaein, icha xam ichim xuano xua icha jinya jiwimonaetsi ichi pomonaetsi Nacom pejume cowantsiwichi, xuano xua jume cowanta dubenanaebiya pocotsiwan xuan Jesús paeba. Jame Nacom bapon wunaetsi jainde”, nejei matatsunpin.

Baxuan xuan pocotsiwan Jesús paeba xua xuan pexainyeyiwan, baxuantha yawenatsi nawita pomonaetsi Nacom peitorobi jume pepaebiwi.

Meje yabara po diwesi xua pebin equeica cawayutha, pon pemaingan

¹¹ Bapoxonaetsi peitabocotha tan xua naitaboco yausaranaxuba. Baxota naitata cawayu, pon pemaingan. Pon xua cawayutha equeica, wun dutatsi, jeichichi: “Pon xua pejume cowanta ducunaebiyein, yawano xua xaniwaicha pepaebin”, jeichichi. Bapon xainyeya betiya yabara paeba jiwi xua penatsicuentsiwa xua abe peexanaexae. Matautano bapon xainyeya betiya exana poxonaetsi naba ichamonaetha. ¹² Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pewun po wun xua saya meisa bapon wun yaputane. ¹³ Yawano nama xatata paparuwa, po paparuwa

pejanan dubena be poxonae xua jautuxuba pejanatha. Bapontha Nacom wun duta: “Nacom Pejume”, jei. ¹⁴ Bapon puna poinchi soldadomonaе itabocopi soldadomonaе, pomonaе Nacom pia soldadomonaе tatsi. Barapo soldadomonaе pexeinya paparuwan nama xataba xua xuan m̄ inyapana, yawa xua axuiruibi. Yawano barapomonaе eneica cawayumonaеintha xua xuantha pemainyawantha. ¹⁵ Barapon pon mata capana pia soldadomonaе pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonaе po irathe jinompe. Yawano bapon ajumeyapus̄ya itorobi ewatsina jiwi. Yawano bapon daunweya yabara paebina jiwi xua penatsicuentsiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonaе jopa pejume cowantsiwichi, tsipei bichocono Nacom caseba barapomonaе. Barapon Nacom pia peayapus̄ itorobi coyenewan xeina xua jiwi peperaxa exanaewatsi. ¹⁶ Bapon nawun tinaduta pia pejumainaewatha, yawa nawun duta pethatotha xua po wun jeye: “Pon Corderoxae jiwi itorobiya pia pepa Peewatsinchi tatsi, pia peayapus̄ itorobi coyenewa xeina beyacaincha xua ichamonaе xeina pomonaе jiwi itorobiya pia pepa peewatsiwichi xua ir̄ xeina pia peayapus̄ itorobi coyenewa. Matautano bapon pon jiwi pia pepa Pecanamataxeinaeinchi pia peayapus̄ itorobi coyenewa xeina beyacaincha xua ichamonaе xeina pomonaе jiwi pia pepa pecanamataxeinaewichi”, jei barapo wun.

¹⁷ Bapoxonaе matatsunpin tan xua xometo coichatha uncuа, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa. ¹⁸ Barapo penabanaewan paxaema, xua pomonaе jiwi itorobiya pia pepa peewatsiwichi pewi, yawano soldadomonaе pia pentacaponaewi tatsi barapomonaе pewi, yawa pomonaе peamanayabeibi jiwi barapomonaе pewi, yawa cawayu pewi, yawa pomonaе xua eneica pewi. Daxita xua ir̄r̄ ichamonaeno barapomonaе pewi. Ir̄ pomonaе penata exanaewi pia coutha barapomonaе pewi, ichacuitha xua ir̄ pomonaе amanaya petanacuichi jiwi barapomonaе pewi. Ir̄no pomonaе jiwi pebusi cui tatayebeibiwichi barapomonaе pewi, ir̄no pomonaе copei pexeinaewi barapomonaе pewi”, jei matatsunpin.

¹⁹ Bapoxonaе tan pon ayei pon be Corei, yawano tan pomonaе jiwi itorobiya pia pepa peewatsiwichi xua bar̄ pona pia soldadomonaein. Daxita barapomonaе nacaetuta xua nantiya penabinexa tsane pontha pon pia soldadomonaе matacapona xuano yawa pia soldadomonaеintha tatsi petanabinexa tsainchi. ²⁰ Barapon pon ayei, pon be Corei, bapon max̄ cubiya waetabatsi ir̄ max̄ cubiya waetabatsi pon naerabiya jeye: “Xan Nacom peitorobi jume tapaebin”, jei, pon xua petsita itatsi coyenewan exana xua pon be Corei taexanatsi xua pon be Joyoinya pia peayapus̄ itorobi coyenewatha tatsi. Barapo petsita it̄biwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewuntha tatsi. Yawano jiwi itorobatsi xua wunae pejainchiwa tsane ibo Corei nacom. Barapon pon be Corei ir̄r̄ pon xua naerabiya jeye: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapus̄ tsuncuae po peitare pewun azufre matawun. ²¹ Ir̄r̄ daxita ichamonaer̄ jutebatsi cusitha, po watotha xua pecoibototha tapichapeinatsi pon xua matacapona pia soldadomonaе.

Daxita pepupunaewi bichocono tonsana pewi xaexaetsi pomonae xua jutebatsi.

20

Meje yabara po diwesi xua Cristo itorobiya ewatsina jiwi mil po weibetha

¹ Bapoxonae tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin muthu deca xua ira bereca. Yawa bapon capona pecobetha penainto, po penainto xua pewun cadena xua bichocono pin nainto. ² Barapo matatsunpin waetaba, pon be Joyoinya waetabatsi, pon po jomo xua poxonae copiya jiwi muxu jainyabatsi. Bapon apara caurimonae pia pentacaponaein tatsi. Bapon icha wun Satanás. Barapon Satanás maxu cubiya waetabatsi cadenatha xua mil po weibe nexa. ³ Yawano barapon Satanás xorecatsi barapo pin muthu deca. Bichocono yauxatatabobotatsi muthutha. Yaucateitabobotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonae abu yapu caewina mil po weibe. Bapoxonae isanaxubinchi xua saya bara caeto tsane.

⁴ Bapoxonae tan xua pexeinya peenaethopebiwan. Baxota ena pomonae xua bayatha catsibatsi peitorobi coyenewan xua jiwi peyabara paebiwa tsainchi daxita xua penatsicuentsiwa xua abe peexanaexae. Bapomonae pomonae xua bayatha wisi ucubobebatsi xua ichamonae namawainta, apara xua barapomonae peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwatsi. Barapomonae bayatha jopa wunae jainchiyo pon be Corei. Matautano jopa wunae jainchiyo barapo ibo Corei nacom. Matautano barapomonae jopa copatsiyo xua peitapa tinaewatsi tsainchi pon be Corei pia wuntha tatsi ichacuitha xua pecobe juma tinaewatsi. Barapomonae tan xua equeicha asu exainchi. Barapomonae iru Cristo, nabaru caemonae xua barapomonaebe barapo cae pin nacuepiwi itorobiya ewatatsi xua cien po weibetha tsane. ⁵ Ichitha nama ichamonae pomonae xua caena bayatha werapa cataunxuae jopa asu exanaetsi. Barapomonae asu exanaeinchi beya abu poxonae yapu caewina mil po weibe. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupaewa weya. ⁶ ¡Maisa bichocono juntu coyene weiweina pomonae equeicha Nacom asu exana petupae coyene weya po peasu coyenewa xua copiya! Barapomonae Nacom piamonae tatsi. Barapomonae jopa werapae tsane poxonae equeicha jiwi caewa werapaena po jiwi jopa pejume cowantsiwi. Saya barapomonae exanaeinchi Nacom pia sacerdotemonaepiwi tatsi xua iru Cristo pia sacerdotepiwi tatsi. Matautano barapomonae nabaru caemonae xua barapomonae barapo cae pin nacuepiwi itorobiya ewatatsi mil po weibetha tsane.

Meje yabara poxonae caurimonae pia pentacaponaein tatsi xotsi

⁷ Poxonae yapu caewina mil po weibe bapoxonae barapo Satanás isanaxubinchi xua peponaewa tsane muthu weya. ⁸ Poxonae bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacuamonaepiwi, iruno muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaetutsiwa tsane pia soldadomonae tatsi xua penabinexa pomonaetha pomonae Nacom piamonae tatsi. Barapo naxobe nacuapiwi pomonae

soldadomonaexae barapomonaе bichocono pin bicheitonmonaеin icha tae-towa p̄r̄n̄ ichi xuan taetabotha bobena xuan ac̄c̄c̄ xua mar mentha bobena.

⁹ Barapo pin bicheiton pomonaе soldadomonaexae, pana beiyiya daxita yaira j̄pa beya poxonaе yacaincha matawacaicha umeinchi ichaxota Nacom piamonae tatsi jinompa, yawano xua po tomarapiwi Nacom jume cow̄ntatsi. Ichitha bapoxonaе Nacom pin isoto itoroba deca peitaboco wereca, daxita barapo soldadomonaеin taxuatsi omeicha. ¹⁰ Barapon Satanás, pon be Joyoinya, pon caurimonae pia pentacaponaein tatsi, pon xua barapo soldadomonaеin muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapus̄ tsuncuae po peitare pew̄n̄ azufre mataw̄n̄. Barapo pucuatha caena bayatha xotsi pon be Corei ir̄a pon xua naerabiya jeye: “Xan Nacom peitorobi jume tapaebin”, jei. Barapomonaе baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

Meje yabara po diwesi xua Nacom yabara paeba jiwi xua penatsicuentsiwa poxonaе eca pia pexeinya ecaethopeibiwatha, po pexeinya ecaethopeibiwa xua pemainyawa

¹¹ Bapoxonaе tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubenaе, equeicha jopa nait̄tsiyo. ¹² Bapon Nacom peitabaratha tatsi umena pomonaе xua caena bayatha werapa xua pomonaе peacopeibi jiwi ir̄no pomonaе copei pexeinaе jiwi. Bapoxonaе diboron patapenta, yawano pataxuba po diborotha ba nacapanenebiya tsaibi pomonaе Nacom pia peantobewichi poxonaе w̄n̄ tinadubatsi barapo diborotha. Pomonaе xua caena bayatha werapa daxita itawetatsi. Barapomonaе yabara cui j̄piya exanatsi be po coyeneya bayatha abe exana xua barapo diborotha pecui yabara tinaexaetsi xua poxonaе barapomonaе abe exana. Daxota barapomonaе atene tsane. ¹³ Barichi pomonaе ir̄a pin mar mentha notatsi, barapomonaе Nacomtha pata. Ir̄a pomonaе iratha bobena ira wejujuina xua Nacomtha pepatsinexa. Daxita barapomonaе Nacom peitabaratha tatsi umena xua baxota peyabara paebinexatsi xua Nacom yabara paebina xua penatsicuentsiwa xua abe peexanaexae Nacomtha. Barapomonaе atene exanaeinchi xua Nacom bayatha pecui yabara tinaexae po coyene xua abe exana. ¹⁴ Nacom cana exana po coyenewa xua jiwi t̄pa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacia pomonaе pewerapeibiwi pia nacia tatsi xua barapo nacia xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo pet̄pae coyenewa apara xua jiwi caewa werapaena po jiwi jopa pejume cow̄ntsiwi. ¹⁵ Ir̄r̄ pomonaе xua jopa w̄n̄ dubenaeyo barapo diborotha po diborotha ba jiwi nacapanenebiya tsaibi poxonaе w̄n̄ dubeibatsi, barapomonaе ir̄a barapo isoto pucuatha bebaichi, Nacom bebai.

21

Meje yabara po diwesi xua pena itaboco yawa xua pena ira

¹ Bapoxonaе tan pena itaboco yawano pena irano, tsipei po itaboco copiya ducua yawa po ira copiya ducua aichurubenaе, equeicha jopa nait̄tsiyo. Yawano pin mar mene aichurucuae. ² Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonaе peantobewichi

Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yabũyo ichi xua poxonae nacui xaxainchiya weta xua poxonae pecotsiwa perũ nacoyobina. ³ Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom barũ poponaena, bara barapomonae Nacom pijimonae tatsi tsane. Nacom ataya tsitecaeya barũ poponaena barapomonae penacana exanaexae xua piamonae tatsi pia Nacom tatsi. ⁴ Barapomonae Nacom itacuere mene canotsina xua pewecoyeixae, xua barapomonae equeicha jopa peatenewa tsane. Equeicha jiwi jopa werapae tsane barapo petũpae coyenewatha. Mataũtano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

⁵ Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamonae itacũpatsi xua tana neyabara jume cowũntsiwa xua bara exanaein pocotsiwa xua taneme”, nejei Nacom.

⁶ Bapoxonae equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Mataũtano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwi yawenan. Pon xua bejũntũ coyene jichatsi xua ajũntũcoyenyapusu peexanaewatsi bara bapon amanaya catsin peajũntũcoyenyapusuwa, po peajũntũcoyenyapusuwa xua ataya tsiteca. ⁷ Pon xua jũntũ coyene amanayaba caurimona poxona caurimona bequein abe exana bapontha, bapon xeinaena pocotsiwa be pentoma pocotsiwa xua bayatha jũntana jeban bapon. Barapon pia Nacom tatsin tsane yawa barapon apara bara taxanto tsane. ⁸ Ichitha pomonae pijunuwi jopa nejume cowũntsiyo xua ichamonae abe peexanaewa tsane barapomonaetha irũrũ pomonae jopa benejume cowũntsiyo, irũrũ pomonae peajũntũcoyenebewi, irũrũ pomonae jiwi pejutebiwi, irũrũ pomonae xua penasi cui exanaewi xua peweiweinaewa, irũrũ pomonae mara pexeinaewi irũrũ pomonae wũnae pejainchiwi ibo nacom, irũno pomonae naerabiya pepaebiwi, daxita barapomonae bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewũn azufre matawũn. Barapo petũpae coyenewa apara xua poxonae equeicha jiwi caewa werapaena pomona pejume cowũntsiwi”, jei Nacom pon eca pia pexeinya peecaethopaewatha.

Meje yabara po diwesi xua pena Jerusalén tomara

⁹ Bapoxona matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wũnba peabe cuiru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itũtsinchi Cordero pecotsiwa tatsi xua bara yatsicaya piowa tatsi”, jei matatsunpin. ¹⁰ Tananetsita itũtsiwatha xua poxonae Nacom pia Pejumope tũnaxũ tatsi netsita itũta bapoxona matatsunpin necapona pin demxuwa beya po demxuwa xua bichocono taũcha. Yawano baxotiya matatsunpin netsita itũta Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. ¹¹ Barapo tomara bichocono wũnae xua pentha exanuncua

Nacom pia pexeinya itupanae coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itupana po iboto ira baxupana iboto. Bara pocotsi itupanae iboto jaspe matawun, po iboto xua epa nasaba. ¹² Barapo Jerusalén tomara yacaincha matawacaichiya uncuatsi xua pocotsiwa be curara xua u ibo xua bichocono amaxuburutiya xuano xua bichocono taucha. Yawano xeina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wun dudubenapoinya Israel pia pemomoxi susato bicheiton tatsi. ¹³ Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena ainya acoibibe po coibotobe nantiya ducube. ¹⁴ Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya wun dubena pewunxi xua doce poyobe pomonae Cordero pia peitorobi jiwí tatsi.

¹⁵ Barapo matatsunpin, po matatsunpin netsipaeba, bapon capatopa pocotsiwa xua pecacanaubiwa xua be naewa xua oro nainto peepa canabinexa tomara yawa pecoiboton yawa curara. ¹⁶ Tomara nantiya namaxuburu jupabe xua apiya dena. Barapo matatsunpin epa canabarena barapo tomara dos mil doscientos po kilómetrobe xeina xua apiya dena yawa xua taucha xua asiyeicha daxita baxuan nantiya naepa jupa. ¹⁷ Bapoxonae epa canaba curara maxuburu sesenta y cinco po metrobe xeina xua pemaxuburu xua aitiya. Baxuan matatsunpin exana be jiwí pia pecanaubiya coyenewa tatsi.

¹⁸ Curara iboton u xuan pexeinya iboton, xua ira baxupana iboton xuan jaspe matawun. Tomara acaba u xuan pocotsiwan oro matawun be xuan peepa nasabiwan. ¹⁹ Po iboton ira weumeina xua doce po ibotonbe, daxita mata pepena xua mata wuna exana icha be iboton ichi pocotsi iboton ainya matoman. Po iboto copiya barapo iboto mata pepena xua jaspe iboton matawun. Po iboto ichaxota ba “dos”, jei, barapo iboto mata pepena xua zafiro ibo matawun. Po iboto ichaxota ba “tres”, jei, barapo iboto mata pepena ágata ibo matawun. Po iboto ichaxota ba “cuatro”, jei, barapo iboto mata pepena esmeralda ibo matawun. ²⁰ Po iboto ichaxota ba “cinco”, jei, barapo iboto mata pepena ónice ibo matawun. Po iboto ichaxota ba “seis”, jei, barapo iboto mata pepena cornalina ibo matawun. Po iboto ichaxota ba “siete”, jei, barapo iboto mata pepena crisólito ibo matawun. Po iboto ichaxota ba “ocho”, jei, barapo iboto mata pepena berilo ibo matawun. Po iboto ichaxota ba “nueve”, jei, barapo iboto mata pepena topacio ibo matawun. Po iboto ichaxota ba “diez”, jei, barapo iboto mata pepena crisoprasa ibo matawun. Po iboto ichaxota ba “once”, jei, barapo iboto mata pepena jacinto ibo matawun. Po iboto ichaxota ba “doce”, jei, barapo iboto mata pepena amatista ibo matawun. ²¹ Barapo doce po boupanbe exana u xuan be perla matawun xua daxita barompaya peboupan tsiniya. Barapo pepa namto xua tomaratha exana u pocotsiwa xua xuan be oro nainton xua xuan peepa nasabiwan poxoru xua be pepa oro nainton.

²² Barapo tomaratha jopa taeinyo Nacom pin pia bo tatsi tsipei bara Nacom baxota pepoponaexae po Nacom daxita pia peayapusu itorobi coyenewan xeina. Iruru xua baxota pepoponaexae Cordero daxota jopa nantawenonaeyo Nacom pin pia bo tatsi. ²³ Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano iruru xeina Cordero barapo coicha. ²⁴ Pomonae

xua bayatha Nacom capanenebiya, barapomonaē barapo coichatha pon-aena barapo tomaratha po coicha Nacom pia coicha. Daxita pomonaē jiwi itorobiya pia pepa peewatsiwichi barapomonaē Nacom catsibinchi barapo tomaratha po coyene xua Nacom w̄naē pejainchiwatsi po coyene xua tsita exanatsi xua bayatha jiwi tsita exana barapomonaētha. ²⁵ Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaibi tsouneibixae. ²⁶ Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pew̄naewan xua be copei. Matautano Nacom catatsi po coyene xua Nacom w̄naē pejainchiwatsi. ²⁷ Ichitha xua xuan peabe coyenein bapana jopa patsi tsane barapo tomaratha. Matautano jopa patsi tsane baxota pomonaē abe peexanaewi ir̄r̄ pomonaē pemuxuitorobiwi. Saya meisa patsina baxota pomonaē w̄n dubena po diborotha ba jiwi nacapanenebiya tsaibi poxonaē w̄n dubeibatsi baxota, xua po diboro xeina Cordero.

22

¹ Nexata matatsunpin netsita it̄ta mene, po mene xua mene itarana, po mene xua jiwi axumeras̄ exanatsi, xua icha Nacom ichi xua jiwi aj̄nt̄coyenyapus̄ exanatsi. Barapo mene bichocono mene itarana icha bosib̄ ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona. ² Barapo mene, mene ducuaponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi aj̄nt̄coyenyapus̄ exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua j̄ntema pejinompaewa xua jopa peatenewa. ³ Barapo tomaratha jopa xeinaē tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi ir̄r̄ baxota uncuaena Cordero pia pexeinya peecaethopeibiwa tatsi. Pomonaē Nacom pia petanacuichiwichixaetsi barapo tomaratha barapomonaē Nacom w̄naē jainchinchi. ⁴ Bapoxonaē jiwi Nacom itabara taeya cueicueijeji tsainchi. Barapomonaē peitapatha cainompaena Nacom pew̄n tatsi. ⁵ Barapo tomaratha ataya tsitecaeya jopa quirei tsounae tsaibi tsane. Pomonaē baxota jinompa jopa nantawenonaē tsane pecoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecanamataxeinaein baxota popona, barompaya pia pecoicha peyacoicha jinaexae xua pia pepontha. Ir̄r̄ pomonaē baxota jinompa jiwi itorobiya ewatsinchi xua ataya tsitecaeya tsane.

Meje yabara po diwesi xua Jesucristo poxonaē patopeicaena xua imoxoyo bara nama

⁶ Bapoxonaē equeicha matatsunpin nejei: “Barapo jumein pexainyei jumein. Daxota ichamonaē itac̄patsi xua tana neyabara jume cow̄ntsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumoŋe t̄nax̄ tatsi xua jiwi peyawenaewa tsainchi xua poxonaē jiwi cueicueijeji Nacom nexa. Yawano Nacom itoroba pia matatsunpin xua petsita it̄tsinexa pomonaē pia penacajume caitorobi diwesi tatsi petacueicueijeichiwichi xua barapo matatsunpin barapomonaē yabara petsipaebinxatsi po coyene Nacom imoxoyo exanaenaba”, nejei.

⁷ Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeican! j̄nt̄ coyene weiweinaena pon xua exana xuan

pocotsiwan Nacom ichichipa xuan pocotsiwan paeba po diborothe!” jei barapo matatsunpin xua Jesús tapaebatsi.

⁸ Xan, pon Juan tsocuaein, tan daxita baxuan yawano jume tan. Poxonae bayatha jume tan, yawa xua bayatha tan xua pocotsiwan matatsunpin netsita itata, bapoxonae bapon petaxutha irabe taeuncuarecan xua w_unae tajainchinexa bapon. ⁹ Ichitha bapon nejei: “¡Bara! Jopa baxua neexanaeinde. Aparaxan ponxaein taexanaein Nacom piawa tatsi, icha xam ichim yawa icha pomonae jinya jiwimonae ichi, pomonae Nacom peitorobi jume pepaebiwí, ir_uno pomonae xua jume cow_unta dubenanaebiya daxita po coyenein xua po diborothe tinan. Jame Nacom bapon w_unae jainde”, nejei matatsunpin.

¹⁰ Yawano nejei: “Jopa moya yaw_un xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae. ¹¹ Poxonae cataunxuae Nacom jopa wetsiyo, pon xua abe peexanaein, b_u moya bara abe exana ducuaanaebiya. Ir_u pon xua nanth_u coyene xeina peacuirucoyenebewan, b_u moya bara baxuan nanta xeina ducuaanaebiyaena. Ichitha pon w_unae exana Nacom nexa, b_u moya exana ducuaanaebiya. Pon xua Nacom petsita naexanaewatsi xua penth_uth_u xeicaein penaexanaewa, b_u moya bara Nacom jume cow_unta ducuaanaebiyatsi”, nejei.

¹² Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin. ¹³ Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Jesús.

¹⁴ J_unt_u coyene weiweinaena pomonae naj_unt_u coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Bapoxonae barapomonae itac_upaeinchi xua jojoniyaena tomara coiboto iya tsipei pia paparuwan inyapana yawa j_unt_u coyene w_unae. Yawa barapomonae itac_upaeinchi xua tomaratha iya xaena po pethei pexaewa, po pethei jiwí aj_unt_ucoyenes_u exainchi. ¹⁵ Ichitha nama aisowatha xua tomara jumatha umenaena pomonae peaj_unt_ucuirucoyenebewi ir_ur_u pomonae mara pexeinaewi. Yawano pesatotha umena pomonae penata siwa xeinaewi yab_uxitha, ir_uno pomonae jiwí pejutewiwino, ir_uno pomonae ibo nacom w_unae pejainchiwi. Daxitano pomonae becui jichatsi xua naerabiya pepaebiwí xua naerabiya exanano, barapomonae pesatotha umenaena.

¹⁶ Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinxaxa pomonaetha pomonae pejume cow_untsiwi. Xan bara yatsicaya David pia pemomoxi susato jiwí jiwanapin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono w_unae xua poto baya ecoina poxonae icha matabi patopa, xan barichin. Patopan tacapatopaenexa jiwitha po coyene xua bichocono w_unae po coyene xua Nacom tsiexana, xua jiwí tsiexanatsi”, nejei Jesús.

¹⁷ Nacom pia Pejumope t_unax_u tatsi, ir_u Cordero pia pecotsiwa tatsi, pomonae Nacom pia pejume cow_untsiwichixaetsi, jeye Jesthaxa: “Anetha”, jei Nacom pia Pejumope t_unax_u tatsi ir_u Cordero pia pecotsiwa tatsi. Pomonae xua ir_ur_u jume tane, jeye: “Anetha”, jei. “Xan Juan paeban pon xua

meratsipa yawa beapaena, moya antha, b_u apa po mera jiwi ajant_uyapusu exainchi xua saya amanaya nexa”, jan.

¹⁸ Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ich_un mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe. ¹⁹ Icha ich_un jiwana jume wexuba xua po diborothe paeba, xuya Nacom pia diborothe w_un xubina, po diborothe jiwi nacapanenebiya tsaibi poxonae w_un dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa ir_u barapo tomarano barapo diborothe yabara tina.

²⁰ Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponxaem Tanecanamataxeinaem, jan.

²¹ Jesucristo, pon jiwi Pecanamataxeinaein, barab_u paca yawenaena pia painya nepaca caantobexae daxita paxam. Je bara ichi tsane.

Baja Juan.